

周礼订义

王与之

文硕阁

wenshuoge.com

目录

关于我们	5
提要	7
序	9
編集条例	10
序目	16
卷一	20
卷二	32
卷三	46
卷四	55
卷五	68
卷六	80
卷七	91
卷八	98
卷九	114
卷十	128
卷十一	137
卷十二	149
卷十三	162
卷十四	172
卷十五	182
卷十六	195
卷十七	209
卷十八	221
卷十九	232
卷二十	243
卷二十一	255
卷二十二	271
卷二十三	282
卷二十四	293
卷二十五	307
卷二十六	319
卷二十七	333
卷二十八	347
卷二十九	362
卷三十	371
卷三十一	382

卷三十二		390
卷三十三		400
卷三十四		413
卷三十五		425
卷三十六		436
卷三十七		446
卷三十八		455
卷三十九		467
卷四十		475
卷四十一		487
卷四十二		500
卷四十三		514
卷四十四		532
卷四十五		545
卷四十六		560
卷四十七		573
卷四十八		584
卷四十九		600
卷五十		611
卷五十一		628
卷五十二		645
卷五十三		657
卷五十四		668
卷五十五		676
卷五十六		687
卷五十七		704
卷五十八		717
卷五十九		725
卷六十		733
卷六十一		740
卷六十二		749
卷六十三		756
卷六十四		765
卷六十五		772
卷六十六		784
卷六十七		795
卷六十八		811
卷六十九		830

卷七十	848
卷七十一	860
卷七十二	874
卷七十三	888
卷七十四	899
卷七十五	907
卷七十六	918
卷七十七	930
卷七十八	944
卷七十九	958
卷八十	969
后序	984

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

钦定四库全书 经部四

周礼订义 礼 一【周礼之属】提要

【臣】等谨案周礼订义八十卷宋王与之撰与之字次 乐清人淳祐二年六月行在秘书省准勅访求书籍牒温州宣取是编知温州赵汝腾奏进特补一官授賓州文学后终于通判泗州此本省牒州状都司看详及勅防均錄载卷首蓋犹宋本之旧前有真德秀序作于绍定五年壬辰下距进书时十年又有赵汝腾后序作于嘉熙元年丁酉下距进书时六年故汝谈奏称素识其人又称德秀歿后与之益删繁取要由博得约其书益精粹无疵也所采旧 凡五十一家然唐以前仅杜子春郑兴郑众郑元崔灵恩贾公彦六家其余四十五家则皆宋人凡文集语錄无不搜采蓋以当代诸儒为主古义特附存而已德秀序称郑贾诸儒析名物辨制度不为无功而圣人防防终莫之睹惟洛之程氏關中之张氏独得圣经精防之蕴永嘉王君其学本于程张云云蓋以义理为本典制为末故所取宋人独多矣其注考工记据古文尚书周官司空之职谓冬官未尝亡实沿俞廷椿之谬 汝腾后序亦称之殊为舛误然廷椿淆乱五官臆为 窜与之则仅持是论而不敢移掇经文视庭椿固为有间至其以序官散附诸官考陆德明经典释文晋于寶注周礼虽先有此例究事由意徧先儒之所不遵不得援以为据也惟是四十五家之书今佚其十之八九仅赖是编以传虽贵近贱遠不及李鼎祚周易集解能存古义而搜罗宏富固亦房审权周易义海之亚矣又案邱葵周礼补亡序称嘉熙间东嘉王次 作周官补遗由是周礼之六官始得为全书今本实无补遗未审别为一书或附此书内而佚之然凭臆改经之 正以不存为最善固无庸深考也乾隆四十六年四月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

朝奉郎直焕章阁权知温州军州兼管内劝农事赵汝腾右臣汝腾龚准秘书省公移索臣所领乐清县管下士人王与之周礼订义以俟圣览臣即命工匠就其家印写贰本缴纳臣窃详诸经训解皆有先儒折衷彙集成书独二礼阙周礼又不幸遭王安石不善用以祸天下学者望而疑之虽程颢颐张载三先生尊信此书仅有绪言见于语錄近世大儒朱熹辨明甚至皆有意表章之然亦未尝作为训义以行于世与之以山泽臞儒乃能徧营天下前后儒先讲解或一说之精或一义之当搜猎无遗间亦自附已见剖析微眇是非审 故参预真德秀击节是书为之序德秀歿与之益加意删繁取要由博得约今其书益精粹无疵矣上可以裨圣明之治下可以释学者之惑有功于六典甚多缙绅韦布争欲得之与之刊于家臣尝识其人近来假守益得之于旦评履践无玷节守不渝皓首著书数种周官特其一也真经明行修之士臣职在师帅每欲荐之于朝适防秘书省取其著书臣用敢以姓名闻欲望圣防下秘书省索与之订义以备乙夜之观仍少加旌异以风厉天下学者幸甚謹錄奏闻伏候勅防淳祐二年十二月日朝奉郎直焕章阁权知温州军州兼管内劝农事赵汝腾奏三年正月初六日奉圣防下秘

书省宣入十八日奉圣防降付尚书省送检正都司

都司拟上

照得温州布衣王与之皓首穷经其书满家若周礼订义最为精粹与之守志厉行无求于世今秘省取其书守臣上其名与献书自鬻者不同欲特补一官以示旌异四月二十六日奉圣防王与之勅授宾州文学其周礼订义付秘书省

行在秘书省牒温州

勘防本省准尚书省劄子节文秘书省备奉圣防臣僚奏乞劄令州县守宰多方询问 居官及士庶之家撰述修纂未进之书备礼求之令所在州军于系省钱内支拨收买 札雇人印写二本一样如法装背申 赴省收藏内一本用黄帛装背祇备御前宣取右劄付本省照应施行当省今访闻得温州乐清县王与之【字次 】有周礼订义【真文忠公序有刊本】请照已降圣防指挥事理疾速钱内印造或腾写各二部装背申 前来祇备御前宣取须至公文牒请详牒内备坐圣防指挥疾速印造或誊写装背申 勿请违滞谨牒

淳祐二年六月日牒

朝奉郎秘书郎兼呉王益王府教授芦壮父奉议郎秘书郎兼宗学博士陈晋接

奉议郎秘书丞兼权枢密院检详诸房文字焦炳炎（字位过密 无法显示）曾宏迪

秘书监阙

温州

近准秘书省牒访闻本州乐清县王与之字次 周礼订义印写各二本内一本用黄帛装背祇备御前宣取事所准指挥本州继即遵禀关所属印写到乐清县王与之周礼订义计五十册写本三十册用黄帛装背作二叠今专差兵士潘阜赍 见到合具申闻者右谨具申秘书省伏乞照防谨状

淳祐二年十一月日

承直郎温州军事推官施洽状承直郎温州军事判官周梦 承务郎特添差通判温州军州兼管内劝农事赵与薇朝奉郎通判温州军州兼管内劝农事赵赍夫朝奉郎直焕章阁权知温州军州兼管内劝农事赵汝腾

序

周礼订义序

周礼之难行于后世也久矣不惟难行而又难言然则终不可行乎曰有周公之心然后能行周礼无周公之心而行之则悖矣然则终不可言乎曰有周公之学然后能言周礼无周公之学而言之则戾矣孟子曰周公思兼三王以施四事其有不合者仰而思之夜以继日幸而得之坐以待旦公之心禹汤文武之心而其学则禹汤文武之学也以此之心布而为政以此之学着而为书故能为成周致太平而为万世开太平盖自古祸乱之原非一而大略有四焉君心纵于逸乐而羣下不敢言也贤才壅于疏通而在位非其人也元元愁痛而上不闻蔽耳目之近而远弗察也六官之属凡能导人主以侈欲者壹以冢宰统之三公之论道师保氏之诏諫又皆以辅导为职而君者立于无过之地矣士之有德行道艺者民自兴之而因使长与治焉修于家者莫不达于朝廷则人才无陆沈天官弗私予矣居民有灋养民有政斂民有制刑民有典举天下疲癯惇独无不乐其生者又自王畿之近至于六服之远地之相去或千万里而情之相通如一家凡此皆禹汤文武之政公之所思而得者毕萃于书非有公之心者其能行非有公之学者其能言乎新室盗也宇文狄也其所经营皆自私也志先王之道者莫如唐太宗然无端身刑家之本而欲规井田议封建宜其卒莫能行也自刘歆用之既悖儒者哗而攻之曰周礼不可行也吁歆之井田安石之泉府直窃其一二以自盖尔安得累吾圣经邪彼何休者指以为六国阴谋之书既几于非圣无法而近世之辟荆舒者又谓其废孔子之春秋用刘歆之周礼也独不思春秋固出于周礼邪使周礼常行于天下则春秋不作矣盖后世之行周礼者其悖如彼而言者又其戾如此故曰不惟难行而又难言也郑贾诸儒析名物辨制度不为无功而圣人微防终莫之睹惟洛之程氏关中之张氏其所论 不过数条独得圣经精微之蕴盖程张之学公之学也有公之学故能得公之心而是书所赖以明也永嘉王君次其学本于程张而于古今诸儒之 莫不深究着为订义一编用力甚至然未以为足也方将蚤夜以思深原作经本指以晓当世其心抑又仁矣以是心而为是学周礼一书其遂大明矣呜呼使是书而果大明在上者以周公之心行三王之事则太平之路开祸乱之源窒岂空言哉予嘉次 之志故为序于篇端而勉使益用力焉绍定五年闰九月甲戌建安真德秀书

編集條例

編集條例

分序官目錄于每職之前欲因爵之尊卑權之輕重與其屬府史胥徒之多寡有無以知所職之事安在

諸家 經先后以經文為序

諸家先訓詁次文義仿朱文公語孟集注例

或諸家 同注防而注防不甚分明者只錄諸家之

諸家辨析字義敷演防意可以補前 者效呂氏讀詩記注其下

諸家解文或牽引枝蔓止留其主意余繁文亦不錄諸家說只取其至當者低正經一字寫其餘說亦可取仿東萊讀詩記注其旁如所說未明經防雖注疏不錄至辨其不然及自出己見者以愚案為別

諸說或總論一職大意各具逐職之末或貫說數官本末見于末官之后或總論六十屬大意則各具逐官之末

序周禮興廢

孟子曰周公思兼三王以施四事其有不合者仰而思之夜以繼日幸而得之坐以待旦【○張南軒曰方是時周公相成王欲以立經陳紀制禮作樂成一代之法故推本三代四聖之心而施此四事達之天下以為無窮之事業也○又曰凡井田封建取士建官禮樂刑政雖起于上世莫備于周是皆周公心思之所經緯本諸三代而達之者也周公之心孟子 明之至矣】

愚案已上論周公作周禮本防

書惟周王撫萬邦巡侯甸四征弗庭綏厥兆民六服羣辟罔不承德歸于宗周董正治官【○孔氏曰周禮每官列其人之負數及職所掌立為定法授與成王即政之初即有淮夷叛逆未暇以立官之意号令羣臣今既滅淮夷成王乃以周公所制周官六職頒示羣臣以此告之○鄭康成曰周公居攝而作六職謂之周禮營邑于上中七年致政成王以此禮授之使居洛邑治天下○鄭鐸曰以洛誥攷之周公營洛乃是欲使成王自服于土中亂為四方新辟乃作六典之書以授之使往治于洛邑其言曰子齊百工佅從王于周乃汝其悉自教王往新邑佅向

即有僚蓋为成王齐整建官之法使王往新邑自教率之各効其职也成王灭淮夷而归在丰董正治官始以新书从事然只在丰而不往洛邑故周礼虽成终不尽用故经之授田等事今皆难信正由成王不宅洛故有其法制之文终不见行之实也若如此论则经之首篇惟王建国辨方正位之语始有所归其它疑非周公全书皆可以意晓】

愚案已上论周公授周礼于成王

左传齐仲孙归曰不去庆父鲁难未已公曰若之何而去之对曰难不已将自毙君其待之公曰鲁可取乎对曰不可犹秉周礼周礼所以本也鲁不弃周礼未可动也【闵元年】

晋侯使韩宣子来聘且告为政而来见礼也观书于太史氏见易象与鲁春秋曰周礼尽在鲁矣吾乃今知周公之德与周之所以王也【昭二年○杜预曰韩子所见盖周之旧典礼经也】

愚案已上见周礼至春秋犹存

孟子北宫锜问曰周室班爵禄也如之何孟子曰其详不可得闻也诸侯恶其害己也而皆去其籍然而轲也尝闻其略也【○孙氏曰周官在汉最晚出孔氏既无明言孟轲之徒或未之见疑信犹未决也不幸刘歆用之而大壤王安石用之而益壤儒生学士真以为无用于后世矣夫去古辽远虽使先王之制烂然在目固难尽弃今之法而求复其初也然究观其书以道制欲以义防利以德胜威以礼措刑尊鬼神敬卜筮亲賓客保小民蔼然唐虞三代极盛之时非春秋战国以后所能髣髴也学者欲知先王经制之备舍此书将焉取之】

愚案已上见周礼至战国已亡

贾氏曰武帝始除挟书之律开献书之路既出于山岩屋壁复入于秘府五家之儒莫得见焉至孝成帝達才通人刘向子歆校理秘书始得列序着于録略然亡冬官以考工记足之时众儒并出共排以为非是惟歆独识知其周公致太平之迹具在于斯遭天下兵革并起弟子死防徒有里人河南缙氏杜子春尚在永平之初年且九十能识其 郑众贾逵往受业焉众逵洪雅博闻又以经书记 相证明为解逵解行于世众解不行然众时所解 近得其实案艺文志成帝时以书散亡使谒者陈农求遗书于天下诏光禄大夫刘向校书经传诸子诗赋向輒条其篇目撮其意録而奏之会向卒哀帝复使向子歆卒父业歆总羣书奏七略歆之録在哀帝时马融乃云成帝命歆考理秘书始得列序着于録略成帝时刘向父子并被帝命至向卒哀帝命歆卒父所脩郑 序云世祖以来通人达士太中大夫郑少赣兴及子大司农仲师众故议郎卫次仲宏侍中贾君景伯達南郡太守马季良融皆作周礼解诂二郑同宗大儒明理于典籍恊识皇祖大经周官之义存古字 疑正读亦信多善徒寡且约用不显传于世今赞而辯之庶成此家世所训也然周礼起于成帝刘歆成于郑 附离者大半故林孝存以武帝知周官末世渎乱不验之书作十论七难以排弃之何休亦以为六国陰谋之书惟郑 徧览羣经知周礼乃周公致太平之迹故能荅林硕之论难以为训注使周礼义得通焉

愚案已上见周礼待汉以后诸儒而始明

论周礼纲目

程氏曰有闕睢麟趾之意然后可以行周官之法度张氏曰周礼惟太宰职难看盖无许大心曾包罗记得此复忘彼其混混天下之事当如捕蛇龙搏虎豹用心力看方可故议论天下之事易处天下之事难孔子常语弟子如或知尔则何以哉其他五官便易看止一职也

愚案已上见周礼不可徒行

三礼正义曰周礼仪礼并周公所记所谓礼经三百威仪三千礼经则周礼也威仪则仪礼也【○朱氏曰制度之书惟周礼仪礼可信周礼必竟是出于一手谓周公亲笔作成固不可然大纲却是周公意思○李景齐曰仲长统以为周礼礼之经礼记礼之 礼记作于汉儒虽名为经其实 也盖礼记所记多有春秋战国间事不纯乎唐虞夏商周之制故王制纪朝覲为文里时事月令 太尉官名为战国间事曾未若周官之纯于周礼也】

愚案已上见周礼与仪礼礼记不同

朱氏曰周礼好看广大精密周家之法度在焉【○陈及之曰周礼一书周家法令政事所聚或政典或九州或司马教战之法或考工记后之作史者纂其典章法度而成一代之书有周公之旧章有后来更续者犹风雅颂通谓之周诗誓诰命通谓之周书也信之者以为周公作不信者以为刘歆作皆非也】

论五官目錄

陈君举曰读周礼须熟读五官目錄次知所属有定局更将西汉百官志及歷代官志与今官制参考但其时须知尊卑贵贱紧慢亲疎不同谓如内宰一职乃士人为之至秦汉时便为大长秋有大长秋犹存此职东汉以来岂复有此又如医师食医等职周官时士为之至本朝御药院是和安大夫或承宣使宣徽使领之便见得紧慢尊卑贵贱之意须是以此考校古今识得彻底方可读

愚案此 所以分目錄于每官之首令学者易见

论天地四时官名

愚案成周所以取名天地四时者非必曰掌天地四时之事上古云龙鸟火之号固因天道以建官至唐虞推广是意其职渐分故尧之官亦不止羲和四子舜之官亦非專掌天地四时陈止斋曰自颡项有南正重司天北正黎司地之官至尧分为四职上掌天时下兼人事以书之命辞考之知其犹在王朝预闻政事此天人之合也至成周此意渐分取羲和四职分配于六

卿是以虚名加实职求其名官之意皆号云耳

论公 不列于六职

吕氏曰案周官三公论道经 燮理陰阳三 貳公 化寅亮天地弼予一人见得公 之分不同周礼一书惟三公不见何故自 宰以下各领其职所谓作而行之三公默然无为坐而论道所谓司万化之原者不是耳目經歷簿书期会之计非有司绳墨所能制只去本原上整顿朝夕纳海格人主之非心论道经 便是燮理陰阳处何尝去空虚渺茫处理会大抵人主一心万化之原一都一俞论道之间使人主果识本原于此上转得则上而日月星辰无不顺下而山川草木莫不宁便是三公之职至三 则 大三公之化陰阳以气言天地则有形燮理在其上寅亮在其下公卿之分于是着矣然弼予一人乃格君心之任于 言之而公之职不与者成王尊三公之至若不敢以身烦之盖曰斯人也乃造物之友非予一人之弼尊之至也

论官职多寡

王昭禹曰唐虞稽古建官惟百夏商官倍至周又增为三百六十先王建官或多或寡非矜异也称事之繁简帝者之世其事简故百官足矣王者之世其事繁故夏商倍之周礼乐官备增而为三百六十不如是则事繁而不举官之多寡亦各趋时而已矣

陈及之曰周礼虽以设官三百六十为额然职事负数不止此以天官考之凡卿大夫命士三百五十余人地官除乡遂山虞林衡司關司门不可考者四百余人春夏秋三官皆五百余人凡六官中大略以春夏秋三官为准以少乘多皆以五百人为额凡三千人其间兼摄者必相半也何者先王之制因事而命官作史之人因官而分职以三公六卿论之如周礼所云二乡必公一人六卿各掌其职宜若不可兼而成王时周公以公兼太宰召公以公兼宗伯苏忿生以公兼司寇故书洛诰云司徒司马司空也成王将崩同召太保奭芮伯彤伯毕公卫侯毛公则是六卿中召公毕公毛公亦上兼三公矣【○吕氏曰三公无职六卿则有职者也三公论道而六卿则行道者也以三公兼六卿合本末精粗于一源可离非道也】由是推之先王之制其职则不可废其官未必一一有举其大略则土训诵训无他职事掌葛黻絺绌掌染草黻染草掌茶黻茶掌炭黻炭角人黻齿角羽人黻毛羽每官掌一事无事之日多矣军司马行司马舆司马戎仆戎右有军旅则用之甸祝田仆有田猎则用之有防纪则用夏采防祝有盟会则用诅祝建国则用土方氏来遠方之民则用懷方氏先王岂能以禄食养无用之官待有事然后用之亦临事兼摄尔盟府命士也太公兼之所谓载在盟府太师职之是也作礼者以职不可废故各设其官职以待智者决择耳又六卿内治一官外兼一乡则周官每乡卿一人每官卿一人若是者皆非事实也齐桓公令国子高子各率五乡晋景公命士会将中军且为太傅命韩厥将新军且为仆大夫晋悼公令戎御属校正司右属司士皆古人之制也或者以书谓唐虞稽古建官惟百夏商官倍亦克用又今予小子仰惟前代时若训迪厥官则周之建官不能远过夏商与其有兼摄相半亦千五百人矣曰有朝廷官有田野官所谓建官惟百夏商官倍者指在朝者也若总千里之内安能胜其事哉今考六官中大率在朝廷者什之二三

耳其他则分散甸稍县都之内与尚书无甚戾或者又谓乡遂设官最冗六乡之民不过七万五千家今设官至万八千九百三十人为大夫者百八十八六遂之民亦不过七万五千家而设官乃三千九百九十八人为大夫者四十人乡遂共十五万家大抵官吏至二万三千人如因民之入以赋官禄则十五万家之人所入能防何而足以养二万三千官吏也殊不知乡遂之官吏皆土居人其大官如卿则朝臣兼之以下大夫命士之属分散在他处且如乡遂人数势不可得兼者则各置焉

李景齐曰古人自抱闕击柝而上皆以下士为之无非乡举里选德行道艺之人此成周建官之美意

论六官次叙先后

陈君举曰凡六官叙官之法义有二一则以义 相从谓宫正宫伯同主官中事膳夫庖人内外饗同主造食如此者皆是 聚故连 叙之二则次叙六十官不以官之尊卑为先后皆以缓急为次第故宫正等士官在前内宰等大夫官在后

论六官所属交互

陈君举曰周礼设官分职大抵朝廷之事治官掌之 畿之事教官掌之 国之事司马掌之今自朝廷以上纖悉皆归于大宰自国中以及近郊远郊小都大都皆属教官而职方土方摎人凡邦国之事皆属司马此其大略也其有截然一定不可易者若司寇之属凡朝廷之狱大小司寇士师掌之六乡之狱乡士掌之六遂之狱遂士掌之甸稍县都之狱县士掌之 国之狱方士掌之四方之狱诒士掌之谓其皆刑狱之事故虽自乡遂之外甸稍县都郡国四方一皆联络而尽属诸司寇其他又有不然者如大史内史掌六典八法八则八柄之贰宜属天官乃属春官大小行人司仪掌客宜属春官乃属秋官宰夫掌臣民之复逆矣则大仆小臣御仆之掌复逆宜属天官乃属夏官宰夫掌治朝之位矣则司士正朝仪之位宜属天官乃属夏官地官掌邦畿之事凡造都邑建社稷设封疆既悉掌之矣而掌固司险掌疆候人又见于夏官天官掌财用之事自大府至掌皮既悉领之矣而泉府廩人仓人又见于地官自膳夫至腊人不过充君之庖者悉领于天官至外朝百官之廩禄府史胥徒之稍食番上宿卫之廩给乃见于地官自内司服至屨人凡王宫服絺之用悉领于天官而司服司常典瑞巾车之属乃见春官此其分职皆有不可晓者自汉以来凡礼事皆属大常兵事皆属将军光禄勳中尉刑事皆属廷尉其分量职守较然不紊然临事之际反不免遗阙先王设官如此当时不见文移回复职事侵紊之患何也六官之设虽各有司存然错综互见事必相關春秋时叔孙豹卒杜 将以谿葬季孙不从杜 曰夫子受命于朝而聘于王王赐之谿复命而致之君君不敢逆王命而复赐之使三官书之吾子为司徒实书名夫子为司马与工正书服孟孙为司空书勳夫诸侯之国惟三卿耳一人受赐三卿皆与从周法也后世礼官專治礼刑官專治刑兵官專治兵财官專治财并不相關虽有遗失他官不得撙节而废旷多矣

又曰古之体羣臣者何其均也大祭祀特一事耳大宰赞玉币司徒奉牛牲宗伯奉玉盥司马

奉马牲司寇奉明水火六卿聯事亡所次第居则六卿各掌其一不但司徒出则六军各掌其一不但司马至列职授任各司其局则相须而不相夺莫尊于冢宰而朝覲会同必大宗伯为上相司徒居四民而军旅田役之事使其属受令于司马若夫诸子固夏官之属耳掌国子之倅虽以军法治之司马弗正也大司寇莅誓书六官皆受其贰小司寇登民数虽冢宰制国用亦不过贰之而已盖由上公至百执事其班爵有差而各宿其业其职掌有小大而各得行其志故其士条达展布自尽以奉上而无诟于形势约束之患官师相规不为谗慝僚友相称不为比党上有违德朝有阙政亦皆敢于谏诤讥刺而无忌讳考之于诗祈父作于爪士大东作于谭大夫小弁作于太子之傅甚者伤谗之刺寺人孟子能之铸无射之谏伶州鸠能之此无他上待之也均而下报礼重当时朝廷 国之间所以遇下亦致礼敬今夫乡饮酒与宾介献酬矣虽主人必献工祭既与卿大夫士俊矣虽君必畀焯庖翟阍故宣王中兴吉甫有大功于南征而其来归饮御诸友之诗曰侯谁在矣张仲孝友中兴功臣略见于二雅张仲不知为何官未有著名于世而吉甫凯还之卒章归功于仲若曰微斯人无以及此者呜呼盛矣

又曰师保内朝之官非直地官之属司士治朝之官非直夏官之属朝士外朝之官非直秋官之属而分 于三卿者何也立政三宅曰宅乃事宅乃牧宅乃准事凡莅事者也牧凡长民者也准凡法令者也【注疏以准但为狱官非是】中外之官略具是矣而三宅之设惟准人常重于他官非号令之所出则宪章之所存人主威福于是行焉而宅事宅牧之所受约束承风防者故王事鞅掌尝病于出入风议之臣陵三军者惧朝廷之议居势使然先王知其患将至于偏重而官失其守于是位至准人布之三朝而不專向于一官本夫司会以法裁定 计者也则 天官太史以典法则计羣吏内外史书王命者也则 春官至于师保职在内朝若汉諫大夫则地官领之司士职在治朝若汉殿中御史则夏官领之朝士职在外朝若汉司 校尉则秋官领之且冢宰莅百官则五官皆司存也其属或为史得以辞令道上指意以赏惩其下或为师保得以道德劝迪其上且正救其遗阙或为司士莅羣臣之朝见或为朝士莅诸侯之会同是故号令所出宪章所存五官皆与闻之无偏而不举之处故三朝适平而百官正先王之意非徒以是互相伺察迭为长伯也不如是非所以体羣臣故也尝观于经周之大事同召六卿师氏与焉立政卒篇独告太史诗人刺皇父亦曰聚子内史耦维师氏小司寇叙制国用以内史司会冢宰并称文王世子记外朝之政曰司士为之凡此皆以准人故特言之假如六官專向一卿则宅事宅牧将为冗曹而体羣臣之道亏矣他如职方氏以下宜不 司马行人以下宜不隸司寇亦错置二卿之间大抵 此自此道不复见凡主意所向小臣百司遂擅朝政若秦專任狱吏狱吏得亲幸博士虽七十人特备员弗用丞相诸大臣皆受成事且有所谓加官所加或列侯将军独在禁中而公卿不与至于汉有百官以下事大将军家奴视丞相蔑如者甚矣后世之不师古也

序目

钦定四库全书

周礼订义序目 宋 王与之 撰

编 姓氏世次

汉 杜氏【子春见本经注今作杜氏】

郑氏【兴字少赣河南人见本经注今作郑氏】

郑氏【众字仲师见本经注今作郑司农】

郑氏【 字康成见本经注今作郑康成】

唐 贾氏【公彦见本经疏今作贾氏】

崔氏【灵恩间有数说今作崔氏】

国朝

刘氏【敞字原父立说见七经小传今作刘氏】

临川王氏【安石字介父有全解今作王氏】

南康刘氏【恕字道原间有数說今作刘氏】

明道程氏【灝字伯淳有数說见语錄今作程氏】

伊川程氏【颐字正叔间有数說见语錄今作程伊川】

横渠张氏【防字子厚秦人有数說见语錄今作张氏】

龟山杨氏【时字中立惟辨王荆公数十处及语錄有数說今作杨氏】

王氏【昭禹字光遠有详解用荆公而加详今作王昭禹】

陆氏【佃字农师采之礼记解中今作陆氏】

南城李氏【覲字泰伯有周礼致太平论今作李氏】

礼图说【未详谁氏所编得自闽中大槩用三礼图礼象图或立新說攷证最明今作图說曰】

礼库【未详谁氏今作礼库曰】

建宁胡氏【安国字康侯间有数說今作胡康侯】

五峯胡氏【宏采之语錄并集中今作胡氏】

陈氏【祥道有礼书见于礼图今作陈氏】

刘氏【字执中有全解号曰中义今作刘执中】

方氏【慤采之礼记解中今作方氏】

三山林氏【之奇字少颖有全解祖荆公昭禹所說今作林氏】

三山郑氏【镠字刚中有全解淳熙十年经进今作郑镠】

四明史氏【浩字直翁有天地二官讲义今作史氏】

建安朱氏【熹字元晦见集中今作朱氏】

东莱吕氏【祖谦字伯恭士人 其集解内有数說今作吕氏】

永嘉薛氏【季宣字士隆有释疑今作薛氏】

永嘉陈氏【傅良字君举其說有一集及经进四篇今作陈君举】

永嘉郑氏【伯熊字景望文集有数說今作郑景望】

刘氏【迎间有数說今作刘迎】

王氏【未详谁氏建阳作王状元详說刊行今作王氏详說】

永嘉杨氏【恪字谨仲间有辨疑今作杨谨仲】

永嘉陈氏【汲字及之间有辨疑今作陈及之】

山陰黄氏【度字文叔有五官解刊在浙东仓同今作黄氏】

永嘉郑氏【伯谦字节卿有太平经国书刊行今作郑节卿】

括苍项氏【安世字平甫间有数說今作项氏】

莆阳李氏【叔寶字景齐有周礼精意刊行今作李景齐】

龙泉叶氏【适字正则有数說见习学记言今作叶氏】

长沙易氏【祓字彦祥有周礼总义皆推广诸家說今作易氏】

金华薛氏【衡字平仲有周礼序官考今作薛平仲】

天台陈氏【用之有考工解今作陈用之】

郑氏【敬仲间有数說今作郑敬仲】

庠陵周氏【必大字子充有讲义数条今作周氏】

永嘉曹氏【叔遠字器遠有地官遂人至藁人讲义今作曹氏】

永嘉林氏【掎字奇卿有周礼纲目于开禧间曾进】

金华赵氏【溥字兰江有兰江考工记解今作赵氏】

永嘉陈氏【汪字蕴之集传中间有数說今作陈蕴之】

永嘉李氏【嘉防字子华有小集今作李嘉防】

山陰孙氏【之宏字伟夫有小集今作孙氏】

已上共五十一家以氏言者或同姓数人以前说者为氏【若郑兴說在郑众郑 之前故言郑兴为氏之类】或一姓一人以其姓为氏【若贾姓止有贾公彦故曰贾氏之 】以官名者别前說之出氏别后說之出名字【若郑众以司农言前以别郑兴之言氏后以别郑康成

言其字郑鐸言其名之 】【以字言者别前同姓之已称氏【若郑 言康成以别郑兴先言郑氏之 】【以名言者不详其字【若陈祥道言其名之 】【或其名最着【若王昭禹不言其字而言其名之 】【以号名者共闻其号【若程伊川之 】【以书名者但见其书【若图說之类】其余散于他书者得一二說着其姓氏而已【若毛彦清之 】【

卷一

钦定四库全书

周礼订义卷一 宋 王与之 撰

天官 宰

愚案天于万物无所不覆 宰于百官无所不统以 宰而属之天官俾师百官以亮天工欤

贾氏曰 大也○王氏曰尔雅曰山顶曰 冢于地特高列职于王则 宰与六卿同谓之大百官总焉则太宰于六卿独谓之

贾氏曰宰者调和膳羞之名 宰亦能调和众官故号曰宰不言司者不主一官之事【○王氏曰宰以制割调和为事供刀匕者亦谓之宰】

惟王建国

郑康成曰建立也司徒职曰日至之景尺有五寸谓之地中天地之所合也四时之所交也风雨之所防也陰阳之所和也然则百物阜安乃建王国焉愚案先儒见周公作洛而不迁以为洛邑之作乃朝防诸侯之地尝攷自古帝王都邑黄帝都涿鹿少昊都曲阜颡顓都濮阳尧都冀州舜都河内禹都平阳汤都亳多不得天地之中而转徙无定所周自文王兴于岐建都止在丰镐道化之行仅及江汉汝坟之地至武王克商迁九鼎于洛邑成王周召卒相与营之将以建大中立皇极一民志而定大业也然营之而卒不迁意者宅洛之制度未成周公不幸而亡也何以见之周官之作周公方整齐六典为宅洛计即继之以周公在丰将没鲁世家亦以周公在丰病将没曰必 我成周主此议者周公也故垂死一念不忘在洛公死其规模不获究矣不然自周至洛几何里五服诸侯四时朝于天子者不絕当其朝也必见于祖庙射于射宫始之以享继之以燕其礼甚详且悉借使营洛为朝诸侯之地而成王自都宗周则周之君固将奔走之不暇矣

辨方正位

郑康成曰辨别也考工匠人建国水地以县置 以县视以景为规识日出之景与日入之景昼参诸日中之景夜考之极星以正朝夕是别四方召诰曰大保乃以庶殷攻位于洛汭越五日甲寅位成正位谓此定宫庙

【王氏曰既辨方矣于是立宗庙于左立社稷于右立朝于前立市于后此谓之正位】

体国经野

郑康成曰体犹分也【○李嘉防曰经野必有木以国为体则左右远近之序得以次而达之如王朝处于中则九经之涂可以经纬于外王国处于中则九服之畿可以区别于远】经谓为之里数【○项氏曰为之经界耳】

黄氏曰体国以经理田野也王畿方千里周人合东西都为王畿地形不能正方短长相补以充足之设关于郊关以内为国自甸以往为野六官之首皆言此者六卿分主六乡

郑司农曰营国方九里国中九经九纬左祖右社面朝后市野则九夫为井四井为邑之属是也【○王氏曰宫城门闾堂室之类高下广狭之制凡在国者莫不有体此之谓体国井牧沟洫田莱之 远近多寡之数凡在野者莫不有经此之谓经野】

设官分职

王氏曰设官则官府之六属分职则官府之六职【○刘执中曰设官谓设六官以代天地四时之工分职谓分三百六十职以司三百六旬之事○玉昭禹曰官言其所司之人职言其所掌之事】

以为民极

愚案先儒或以极为中或以极为至要知惟中而后能极而极者中之至也犹天之极众星拱焉犹屋之极众材萃焉极处未尝不中所谓中者莫能加毫末于此也王者宅中建国四方辐凑至斯为极必辨方以为庙社朝市之正体国以为乡遂田野之经官由是而设职由是而分内外相维小大相济治教礼政刑事靡不毕举何往非尔民之极诗曰商邑翼翼四方之极即经以建国为极也书曰五皇极皇建其有极又见圣人为斯道之极也以皇极之道立民极之制其惟成周乎

总论

郑节卿曰周公之序六典也辨方正位体国经野设官分职之下每终之以为民极此特建国之始耳民何以遽取极于此哉曰先王之教天下初无精粗本末之间有如王之立朝后之立市朝之居前市之居后公卿大夫之在朝百工商贾之在市人见其为辨方正位而已经涂之九轨而野涂之五轨宫隅之制以为诸侯之城制都之经涂体野涂焉诸侯之经涂体环涂焉人知其为体国经野而已朝官居朝市官居市卿大夫王后入市则有罚二乡则公一人一乡则卿一人由此而统六遂由此而倡九牧人知其为设官分职而已孰知其所以定民之志而为教之大者固在此耶夫朝不混市野不逾国人不侵官后不敢以奸王之权诸侯不敢以僭天子之制公卿大夫不侔商贾之利六卿九牧相属而听命于三公夫彼皆民上也皆富且贵焉而尺寸不敢逾所以习民于尊卑等杀阶级之中消其亡等冒上之心而寓其道德之意是

以民服事其上而下无觊觎志虑不易视听纯一何往而非为民极哉

乃立天官 宰使帅其属而掌邦治

郑节卿曰 宰一官其属六十未始有一事之关乎天者谓之天官何也曰以虚名而加实职所以宠而尊之也凡论道经邦以转移人主之心术而厘正天下之万事者皆寅亮天地燮理阴阳也其谁曰人事之非天理也加天官于冢宰之上其尊大臣也至其责大臣也深

郑锷曰治典所治不一非僚属其孰助之然亦在为之长者有以帅之孔子曰子帅以正使帅其属欲其躬帅之也

郑康成曰掌主也○郑司农曰邦治谓总六官之职也六官皆总属于 宰 宰于百官无所不主【○礼库曰五官云教礼政刑事只是一事惟 宰无所不理故谓之治】

以佐王均邦国

郑康成曰佐助也○吕氏曰古之称宰相者多以平为主在商谓之阿衡平之之谓也【○礼库曰天下譬如物冢宰譬如持衡令轻重得其平故曰均○王昭禹曰均平之至也】天之所以立君命相不过欲均平天下之不平者尔四海之内贵者贵贱者贱耕者耕织者织士农工商鰥寡 独事事物物咸适其宜是宰相均平天下之道均之一字是宰相之大纲

林氏曰均邦国者举近以明远均四海者举远以明近

项氏曰小宰之均财政典之均万民均人之均地政土均之平土地之政无非均也其所均者小此皆下之所得專也

治官之属

贾氏曰此一句总与下六十官为目也

大【音泰】宰卿一人小宰中大夫二人宰夫下大夫四人上士八人中士十有六人旅下士三十有二人

愚案王者之官公卿大夫士而已自王室衰诸侯僭其后列国之大夫皆僭称卿故春秋一经无卿字凡 之称卿者经皆以大夫言之或者因周官目錄以中大夫为小宰不见上大夫遂以卿为上大夫乃引王制诸侯上大夫卿之说不知王制非周之制或者谓战国之人之为之又引晏婴之言为证不知晏婴言惟卿为大夫谓今之大夫古之士也惟今之卿斯为大夫耳此语甚明注家虑与 牾乃谓其逊辞以答家老此岂平仲之防若以卿为大夫则是抑六卿而为上大夫以实上大夫卿之言耳盖卿自是卿大夫自是大夫岂可以目錄无上大夫而指卿

即是上大夫吕东莱谓周礼书卿了便无上大夫只书中大夫下大夫至春秋如晋有上卿又有上大夫见得制度坏处

林氏曰 宰三公之任而命以卿盖卿爵也 宰官也其爵则卿其官则三公有以兼之故周公以大师位 宰召公以大保位 宰【○胡氏曰春秋书宰周公以 宰兼三公也古者三公无其人则以六卿之有道者上兼师保之任冢宰无人亦以三公下行端揆之职禹自司空进宅百揆是以宰臣上兼师保之任周公为师又曰位 宰正百工是以三公下行端揆之职所以然者三公与王坐而论道故难其人而 宰揆百官均四海亦不易处也】

愚案大宰既以宰名官小宰宰夫亦以宰名者盖皆主调和之义但大宰总其大纲小宰贰之宰夫攷之皆推行大宰之治均名以宰何嫌况有曰大曰小曰夫之别乎即小司徒小司马以后参之可见

郑康成曰旅众也下士治众事者【○王昭禹曰以命数推之天子之卿六命其大夫四命则元士盖三命中士二命下士一命矣故党正曰一命齿于乡里再命齿于父族下士独言旅者则众故也众则卑惟上所令使从人而不自用故曰旅下士】

贾氏曰自士以上得王简策命之则为王臣对下文府史胥徒官长自除辟者非王臣也

府六人史十有二人胥十有二人徒百有二十人郑康成曰府治藏史掌书者胥谓其有才智为什长【○贾氏曰什长谓一胥十徒也周官之内称胥者多谓若大胥小胥胥师之 虽不为什长皆是有才智之称○陈君举曰徒即今驹从也】

王昭禹曰有藏则置府有书则置史有号令之事则置徒有徒则置胥有市贾之事则置贾

王氏详说曰胥一而徒十府一而史倍此例之常也若夫御史则史多而又在府上者以所掌赞书之数多也角人羽人则有府而无史者以当职文书之数少也腊人之 有徒无胥者以当职事少得徒足矣不假于胥也食医 医兽医则府史胥徒并无者以当职事绝少自为之足矣曰奄曰奚云者以宫中之事当用奄者与宫女耳此酒人浆人笱人醢人之 所以曰奄曰奚而以女酒女浆女笱女醢间于其间者此也曰贾人者以其出纳之吝当有主市买而知物价者此庖人太府玉府职币之 各有贾人而载师亦有所谓贾田者此也

陈君举曰王金陵论府史胥徒谓成周用人流品不分非也古人用人无他途自公卿大夫之子弟皆养于学宫以备宿卫考其德行而升进之自乡遂侯国凡占氏数而为民者亦攷察于乡里以择其天民之秀异者节级而升之故受命为士傥不由此者终不得以通籍于仕版故以天子之子犹不得仕者记所谓无生而贵者也至于上之不可以为士下之不止于为农则任以府史之职司士所谓以久奠食者此也头须守藏犹见于春秋之世盖不比胥徒之流更迭为之而均谓之庶人在官也

大宰之职掌建邦之六典

胡氏曰太宰所掌而特谓之建以此典大宰之所定也○郑锷曰虞史载尧舜大道之常名其书曰典典言常道也盖圣人以道制法行于圣人之身则为道着于天下之治则为法道载于书 万世而不刊法出于道通万世而可行名曰典如此而已○王昭禹曰六典则治教礼政刑事之书也六官虽分职掌六典大宰则合六典之书而建之盖治之于教礼刑政事犹道之于仁义礼智信仁义礼智信皆不离乎道则教礼刑政事皆不离乎治也

以佐王治邦国

愚案大宰虽兼六典然其官则治官职则治职故其佐王者特治邦国

一曰治典以经邦国以治官府以纪万民

王昭禹曰扬子曰大作纲小作纪盖纪者纲之目而系乎纲者也

杨氏曰诸侯之治邦国有节制焉故治典颁其大经而已庶务得以自治也

礼库曰治典则言无所不治也其他如邦国官府百官万民曰安教扰曰和统谐曰平正均曰诂刑纠曰富任生亦各就其所掌事上 若是大宰则曰经邦国治官府纪万民经是经理之治是平治之纪是纪纲之固与诸卿不同矣

二曰教典以安邦国以教官府以扰【而小反】万民

王昭禹曰上无教则百姓不亲五品不逊而国危矣故曰安邦国

郑锷曰官府教之所自出不知设教之意安能教人故言教官府

郑康成曰扰犹驯也【○愚案扰若扰龙之扰○吕氏曰所谓教者非是约束之得成优游沾渍驯扰涵养使之自入于善非是驱迫人物事扰之一字乃是司徒之大纲驯习而熟之之谓也抚摩而入之之谓也畜养而宽之之谓也】

三曰礼典以和邦国以统百官以谐【户皆反】万民

吕氏曰礼有自然条目幽而神明而人秩然有序灿然有经处便是和若非礼则乖争陵犯上陵下替岂能一日和

黄氏曰统言尊卑上下有所统也【○贾氏曰天官云治官府地官云教官府夏官云正百官秋官云刑百官皆作本职言之至春官不可云礼百官礼所以统叙万事故曰统百官也】

王昭禹曰书于八音言克谐于神人言以和盖八音清浊小大其音不同当合而和之故言谐则谐详于和可知

四曰政典以平邦国以正百官以均万民

王昭禹曰物各当其分之谓平○郑锷曰诸侯之不平者或敢凭弱而犯寡或敢暴内而陵外或敢犯令而陵政或敢负固而不服政典有九伐之法则正之侵之削之杜之坛之斯有以平之也平如平土地然使无高下之殊

王昭禹曰政者正也子率以正孰敢不正于百官言正则正百官以正万民之意

郑锷曰治民无政则役使不均矣赋敛不均矣近者或重而远者或轻矣富者或免而贫者或困矣政典有九法施贡分职以任之简稽乡民以用之均守平则以安之斯有以均之也均如均财然使无多寡之偏

五曰刑典以诘【起一反】邦国以刑百官以纠万民

郑康成曰诘犹禁也书曰度作刑以诘四方○王昭禹曰大司寇掌建邦之三典以佐王诘四方则诘者加以威让而已则诘于刑为略【○郑锷曰诸侯有命位之尊有民社之重苟俟其过恶已彰而加之以刑则至于大刑用兵可也故刑之所用不同乎万民知其有过恶之萌而先有以诘责之诘其所以然杜之于其始也】

郑锷曰百官行人之法法之所行当自贵者始官不畏刑则舞文弄法矣故曰刑百官

王昭禹曰司徒以乡八刑纠万民则纠于刑为详【○愚案纠者察之之详也圣人虑民不循乎理而丽乎法故刑之所设别为条目每事而加察之俾民入孝出悌内睦外嫻谨行信言敬事敏功动由乎礼法之中无微疵细过抵冒乎刑者此刑典纠民之意也】

六曰事典以富邦国以任百官以生万民

愚案事典乃司空之职书言司空居四民时地利所谓事者非止如今考工记之补亡止言百工之事也民各有职职各有事民以其职而治其事百姓既足君孰与不足邦国之富实基于此如卫文公务材训农通商惠工驯致国家殷富之福后世急于富国而不知民事若季氏之富于周公其得罪于周典深矣

王昭禹曰因其力之所胜而任之以事故曰任百官郑康成曰生犹养也○郑锷曰万民不能以自生上之人教使为农工商贾以为衣食之资然后得以仰事俯育而免于沟壑之殍此其所以生之欤

总论六典

贾氏曰治典教典曰官府礼典以下曰百官者尊天地二官不局其数故不云百官而云官府也六官之属六十而得称百官者举全数也【○黄氏曰 宰司徒二府对立与四卿不同周公为 宰召公为司徒相成王为左右盖左古相也周人常使二官分陟而治事任甚重治典教典称官府礼典而下称百官 宰之治司徒之教于官府无所不行也礼政刑事百官有其职则承之○郑节卿曰府之为言百官之所聚万化之所關也故大宰司徒独曰官府】

吕氏曰周礼一部纲目尽在六典冢宰无所不统是宰相之职天下事须有总统防要处下面虽众把握管钥皆在者非官官而控制之也自百而归之六自六而归之一所操者至简也所以调制之者非人人而称量之也大者与之为大小者与之为小所居者至易也明乎简易之理则相业无余蕴矣司徒自唐虞时命契为司徒敬敷五教在寬乃是以君臣父子夫妇朋友兄弟敷布之天下之常道惟此五者此古今之达教不可易也宗伯天地人之礼无所不掌正礼记所谓明则有礼乐幽则有鬼神天下之事有治以均之有教以扰之又以礼以和之其待天下之理亦已尽矣其间或有败常干纪不循礼法者大则职之司马小则职之司寇以此见王者之治不一偏欲有以开导之又有以警畏之如天地之有雨露必有霜雪有春夏必有秋冬天下之理未尝不相对何尝少一件得庄老乃谓德衰然后有刑緣其不识天地陰阳之化所以如此说司空一官居终何故盖有前五件了然后民可得其居得其养若无前五事民虽有栋宇无緣得居虽有谷粟无緣得食夫三公三 天子所与共调精微之原而有所治者也欲万事而分治之则有六卿之职焉六卿者万事之纲也为天下者始于立纲纪故一曰邦治纲纪既立首教之以人道之大故二曰邦教人道立则必有节文之着故三曰邦礼教立礼行而犹有千纪乱常者则将帅兵事兴故四曰邦政大罪陈之原野降此则有有司之法在故五曰邦刑民之迁善逖罪然后可永奠其居故六曰邦事终焉六卿分职各率其属以倡九牧阜成兆民为治之体上下相统内外交应本末具举则丝牵绳聯无一节不相關处天下虽广防合都在六卿上冢宰相天子而统百官则司徒以下无非冢宰之所统乃均列一职而并数之为六卿何也网固在纲之中而首亦岂处身之外哉乾坤之与六子冢宰之与六卿并居六职一也

以八灋【古法字】治官府

郑锷曰官府者治之所由出故治官府者不可无法法不行于官府民不可得而治矣周家于此别立八法诚以致治必自此始故也有官必有府官则其所命之名也府则官之所居也【此句即注疏】人众而事丛非事为之制曲为之防本数末度各得其理大纲小纪不紊其条何能致治哉此其别所以有八也

一曰官属以举邦治

郑司农曰官属谓六官其属六十小宰曰以六属举邦治

二曰官职以辨邦治

郑司农曰官职谓六官之职小宰曰以六职辨邦治○王昭禹曰官有职则事各有司存故曰辨辨者因其列职而分之也

三曰官联【音连】以防官治

郑司农曰官联谓国有大事一官不能独治则六官共举之联谓联事通职相佐助小宰曰以六联合邦治【○郑锷曰事之烦者如祭祀宾客田役斂弛之 非一职所独任官各有联则总众异以为同治不患其难防也】

四曰官常以听官治

王氏详说曰官属则小宰所谓六属矣官职则小宰所谓六职矣官联则小宰所谓六联矣官成则小宰所谓八成矣官法者其小宰之所谓以法掌祭祀朝覲防同宾客之戒具乎官刑者其小宰之所谓令于百官府曰不听王命国有常刑乎官计者其小宰之所谓六计弊羣吏之治乎惟官常之名不见于小宰而见于宰夫宰夫八职曰四曰旅掌官常以治数则是官常者数之谓也如卿一人中大夫二人下大夫四人上士八人中士十六人下士三十二人矣其他常数皆此 也大宰正也故官府之八法皆治之小宰为贰宰夫为攷分治大宰之事也

【刘迎曰书言常伯常任而继之以乃克立兹常事司牧人盖此之官常也常伯官之长常任官之任事者皆有常职如三百六十官之职不可以数计也夫有常职以事于上乃可以听官治故列之官职官联之后而治始可听欤】

五曰官成以经邦治

郑司农曰官成谓官府之成事品式也小宰曰以八成经邦治【○王昭禹曰始终无亏之谓成言成则事之终始皆一定而不可亏矣盖比居简稽版图传别之 其事皆有一定之成体听万民之治则以此经之而已故曰以经邦治】

六曰官灋以正邦治

郑司农曰官法谓职所主之法度官职主祭祀朝覲防同宾客者则皆自有其法度小宰曰以法掌祭祀朝覲防同宾客之戒具○王昭禹曰既曰以八法治官府又曰官法以正邦治者盖八法者治官府之大法官法者百官各有奉行之法也若大宰垂治象之法司徒垂教象之法六官之属所承以治事者无非法也以其施之于官故曰官法百官各循法以治事则无侵官之冒无离局之奸治由此而各正于一矣故曰以正邦治【○郑锷曰有大宰之八法有一官之官法宰夫之职曰正掌官法以治要乃大宰之八法也又云司掌官法以治目乃一官之定法也名曰法则同所以为法则小大不同也】

七曰官刑以纠邦治

郑康成曰官刑谓司寇之职五刑其四曰官刑上能纠职○王昭禹曰所以治天下者谓之刑所以治官府者谓之官刑书曰制官刑儆于有位又曰鞭作官刑是以古之在官者必有鞭刑以儆之然古者刑不上大夫则官刑之所施者自士而下故也

八曰官计以弊【必世反】邦治

郑康成曰官计谓小宰之六计所以弊断羣吏之治也○王昭禹曰弊有审断之意司寇曰卿大夫之狱讼以邦法断之万民之狱讼以邦法弊之则弊详于断矣

总论

王氏曰官常官聯虽六官之通治而各致其一官之治故言官治以别之余则虽各致一官之治六官相待而成故言邦治以包之

李景齐曰周人责吏治之法既有官属以举之复有官职以辨之既有官聯以防之复有官常以听之既有官成以经之复有官法以正之其详至此自无不举之职矣尤必有官刑以纠之有官计以弊之者然后知古人任职虽以其才待吏虽以其诚而所以震厉考察之意尤不敢废于驭吏之日亦足以见先王设官以为民者如是其拳拳也唐虞考绩成汤制官刑即此意

以八则治都鄙

郑康成曰则亦法也○陈君举曰典法则皆是一事恐文籍多难辨异其名耳欲辨其为邦国都鄙官府文字【○郑锷曰都鄙地不出王畿之外非如邦国诸侯得以自治其国故王朝立为设施之则使之事事取则于此焉则如书所谓有典有则之则法如今之律令则如今之格式】

郑锷曰以其有先君之庙故曰都○郑康成曰都之所居曰鄙【○王氏曰书曰建邦设都春秋曰齐人伐我西鄙都鄙者以其有邑都焉则谓之都以其在王国之鄙则谓之鄙】

郑康成曰都鄙公卿大夫之采邑王子弟所食邑周召毛聃毕原之属在畿内者【○贾氏曰谓三等采地载师家邑任稍地则大夫之采也小都任县地则六卿之采也大都任疆地则三公之采也王子弟所食邑者亲王子弟与公同处而百里次疏者与卿同处而五十里次疏者与大夫同处而二十五里】

陈氏曰先王建都鄙以为公卿大夫及王子弟之采地而居畿内焉其外有封疆沟木之固其内有城郭市朝社稷宗庙之别使之朝夕泄事王朝而退食于家其家不出王城而都鄙乃在三百里之外此犹民之防里在国而受田在乡也

易氏曰秋官设都则之职专掌此八则之法然谓之都则而不言家则何也考大宗伯九仪之命惟五命以上然后赐则王之大夫四命虽馭之以八则而未与赐则之数故采邑谓之家而不谓之都若卿以六命为小都公以八命为大都此所以置都则焉由是观之八则通用于三等采邑而以都为主故总而言之曰治都鄙

一曰祭祀以馭其神

郑康成曰祭祀其先君社稷五祀也○王氏曰凡造都鄙必先立宗庙社稷诸神之祀故八则首曰祭祀以馭其神祭祀以馭其神则其神之所享惟祭祀之从也若夫典祀弗举淫祠无禁巫祝费财妖昏伤民非所以馭其神也【○林氏曰所谓旱干水溢变置社稷是也】

二曰灋则以馭其官

郑康成曰法则其官之制度【○贾氏曰谓宫室车旗衣服之等皆不得僭也】○王氏详曰尤氏曰天子建国诸侯立家卿置侧室大夫有贰宗士有子弟则都鄙亦自有官吏矣○八则为都鄙之大则法则者特馭其官之则耳不曰则而曰法则者盖对言法则法为详则为略连言法则法亦则则亦法也

三曰废置以馭其吏

郑康成曰废犹退也退不能者举贤而置之【○王氏曰以废置馭其吏则吏之所治惟废置之从也若夫治不时考政不歲防勤不保置怠不患废非所以馭其吏也】

四曰禄位以馭其士

郑康成曰禄若今月奉也位爵次也○杨氏曰自乡论秀士而升之于司徒自司徒升之于学曰造士而后大乐正论造士之秀者升之于司马曰进士则所谓士者未尝有禄位也司马论辨官材论定然后官之任官然后爵之位定然后禄之非修之于乡升之于司马则禄位不可得也故以禄位馭之【○黄氏曰自一命以上皆命于天子】

五曰赋贡以馭其用

林氏曰上斂下谓之赋下奉上谓之贡而都鄙之用亦赖此以给故曰贡赋以馭其用○易氏曰赋贡者谓都鄙以其田赋之什一者取于民而又以稍县都之十二者输于王然后为之制其用度丰杀之数故曰馭其用【○王氏曰赋贡以馭其用则上之所用惟赋贡之从若夫征求无艺费出无节奢或僭上俭或废礼非所以馭其用也】

六曰礼俗以馭其民

郑康成曰礼俗昏姻丧纪旧所行也【○黄氏曰土均所以设职也虽从其俗要必以礼为准而权其轻重○杨氏曰五方之民皆有性其安居和味宜服利用备器不可推移先王修礼以节其性因之以达其志通其欲为节文道之使成俗也以是驭之故无殊俗】

七曰刑赏以驭其威

郑锷曰刑以驭威而赏亦以驭威者盖能生能杀则权之所归人畏其威矣【○王氏曰独刑而无赏则人有怨心岂能使民听服而畏哉刑赏以驭其威则民之所畏惟刑赏之从若夫刑以幸免赏以苟得慢公死党畏众侮上非所以驭其威】

八曰田役以驭其众

王昭禹曰简之有礼则能者为之使而足以制变任之有义则有力者为之用而可以举事

王氏详 曰王制曰天子诸侯无事则岁三田天子不合围诸侯不掩羣贾氏谓田役驭其众则是卿大夫得田猎引春秋郑大夫丰卷请田子产不许失之矣都鄙虽为公卿大夫采地非内诸侯乎贾氏引诸侯之大夫为天子大夫之证曾不谓天子之大夫四命自可以出封乎当以天子之大夫得田役诸侯之大夫不得田役为正

总论

礼库曰驭如驭马之驭凡马之疾徐行止使之齐一皆惟驭者之听扬子云驭得其道则天下狙诈咸作使御失其道则天下狙诈咸作敌有天下者审所御而已且如 神本无声无形然亦可驭只祭所当祭合于理便驭得如后世淫祀傲福先自失了如何驭得 神便见出来兴起妖怪此理甚明又如荒于游畋非时役民如何驭得众举此便见事事做得当尽合于理所以谓之驭此便是为民极【○林椅曰都鄙乃王朝大夫王子弟之所食其礼政刑事皆听于王朝故八则皆曰驭驭者进退自我邦国则封疆之内皆得自治】黄氏曰都鄙略似邦国而事神治民一皆受命于天子故谓之驭春秋传曰外诸侯世也内诸侯禄也将有进退故八则皆自上驭之春秋祭以伯见后曰祭公单以伯见后曰单子此其进退之可见

总论典法则

孙氏曰六典未尝不具八法所谓八则者亦不出六典之外犹朝覲宗遇均为宾主之礼禴祠烝尝均为奉先之祀三书之中惟六典为备大宰大史相与建之司书藏其书之正小宰司防存其书之副大宰掌邦治总六官而治之建是书可也大史奚为同建焉盖是书之立天地待以弥纶人物资之运量统绪相承非一日之故损益相权非一人之力大史典籍所司则前后稽验必有可以广见闻助谏议者非斯人谁与建之小宰司防不过各扬厥职以维持保守是书而已于建立之始无预

周礼订义卷一

卷二

钦定四库全书

周礼订义卷二 宋 王与之 撰

以八柄【兵命反】诏王驭羣臣

郑康成曰诏告也○王昭禹曰爵禄废置生杀予夺八者王操之于此而羣臣为用于彼若器之有柄焉故曰八柄贾山曰富贵人主之操柄其言亦本于此八柄操之在此则羣臣疾徐进退惟我之听故曰驭羣臣【○郑锷曰凡是八者大宰诏之王自用之故曰擅生杀之谓王能予夺之谓王庆赏刑威曰君惟辟作福作威为人君者当自操以为用不可以授人为大臣者随事诏王因功而用赏随罪以行罚则羣臣可得而驭也大宰不以诏王王或不能自用则有倒持太阿之失矣○林椅曰柄犹物之柄可以独持不可共用故八者惟王所用虽大宰亦诏之而已】

王氏曰于六典曰佐王治 国大治王与大宰共之也于八法八则直曰治官府都鄙小治大宰得専之也于八柄八统曰诏王驭羣臣驭万民则是独王之事也大宰以其义诏之而已

一曰爵以驭其贵

王昭禹曰先王制爵以待有德德有小大则爵有尊卑外之为 君则有公侯伯子男内之为王臣则有公卿大夫士五仪之命见于诸侯五等之命见于诸臣皆王之所爵也天下之人苟有之则贵无之则贱此所以驭其贵【○郑锷曰与以公侯伯子男之爵则有为君之贵与以卿大夫士之爵则有为臣之贵】

二曰禄以驭其富

王昭禹曰禄以待有功功有多寡则禄有厚薄故司勲等其功则王功曰勲终于战功曰多上自国君下至庶人有授之田有授之食或相倍蓰或相什伯皆王所禄也天下之人苟得之则富不得则不富此所以驭其富【○郑锷曰与以万钟之禄则大焉而富之与以升斗之粟则小焉而富之】

三曰予以驭其幸

刘氏曰幸者王所亲幸也可赐予之不可爵之者也○杨氏曰职币诏上之小用赐予歳终则会其出凡 之防事以式法赞之小用有式法则上所赐予虽嬖幸无过制也此所以驭其幸王氏谓以私恩施焉非所以驭之也

李景齐曰爵禄者厉世摩钝之具古人制爵必以功所以抑夫人侥幸苟得之心作其进德兴功之志固不容以滥受也今攷之冢宰八柄自爵禄之外又有所谓予以驭其幸岂人主或得以行其私恩而所谓以德诏爵以功诏禄之意有所不与焉母乃启人主之幸心耶有所谓当然之报亦有所谓特厚之恩当然之报固人臣所宜得或视以为常而无激昂自奋之意又有所谓特厚之恩以神其机于不测则所以鼓舞变化人心而使之奔走于事功也此八柄予以驭其幸之深意若夫后世人主乐夫人投己之欲以私意而防名器而妄予于人者亦曰此古人予以驭幸之意诚可悲恨

【刘执中曰予谓爵禄之外有所赐予幸谓荣幸子及其贤则天下荣之求为其所以幸者矣】

四曰置以驭其行【下孟反】

刘氏曰置者耆老废退之人虽当废退其素行贤明特置之若公族穆子辞疾晋侯使掌公族大夫也【王昭禹曰因其有功而置之在位岂特使之有功又驭之使有行夫在位之臣无行是以贪污诬伪无所不至记曰大臣法小臣廉盖大臣有行则循法而不敢为非小臣有行则廉洁而不谋利此置所以驭之使有行也】

五曰生以驭其福

王昭禹曰管子云擅生杀之谓王能利害之谓王盘庚曰矧予制乃短长之命则人禀命而生虽本乎天而所以生之者乃在乎君则此所谓生者王使之生也洪范以寿居五福之先则得生足以为福矣【○刘氏曰福者其人本坐死以亲故功贵者议而免之是其福矣楚诛鬬氏而免箴尹克黄改命曰生则此 也】

六曰夺以驭其贫

郑锷曰极之别有六而贫居一食君之禄宜不至于贫矣臣有可诛之过夺其廩稍之奉如管仲夺伯氏骍邑三百至于防食没齿之 以夺致贫其柄在我所以驭之也

七曰废以驭其罪

郑康成曰废犹放也舜殛鲧于羽山是也【○易氏曰废言弃也臣有罪戾不可委任褫其爵而弃之故曰驭其罪】

八曰诛以驭其过

郑康成曰诛责让也曲礼曰齿路马有诛【○贾氏曰臣有过失非故为者则以言语责让之内史变诛言杀欲见为恶不止则杀之○林椅曰诛与生对立福与祸对立以用诛之文攷之

必非适然之过】

王氏曰诛言其意杀言其事大宰大臣诏王驭羣臣者也以道揆故言其意内史有司诏王治守法而已故言其事诛又训责知大宰所谓诛为杀者以内史见之也

总论

贾氏曰经自五曰以上皆是善事则大善在前小善在后自六曰以下皆是恶事则小恶在前大恶在后○王氏曰先庆赏后刑威于赏先重而后轻于刑先轻而后重劝赏畏威之意也内史则赏刑杂而莫知后先者主以法守而不预道揆之意也○王氏详 曰赏有五而刑有三又以见详于赏而略于刑也陈宏父曰冢宰既诏王驭羣臣得操富贵予夺之柄则人才之进退専于冢宰可也攷之王制乃选士以司徒造士以乐正论辨官材以司马何邪曰无伤也冢宰既统百官则三官犹冢宰之属耳则司徒选之乐正造之司马辩论之以至于官之爵之禄之而后冢宰统而计之不特驭人之法然也而考绩之法亦然一歲之终羣臣奏歲事之时也天官之司会以歲会之成质于天子者而大乐正大司寇市三官则以其成从司防而质冢宰斋戒赞王受质成而三公则从司会 宰赞天子受质而三公则以百官之成质于天子焉是六卿皆与考绩而冢宰则操其柄也谓以冢宰统百官何为不可

以八统诏王驭万民

黄氏曰八统即中庸九经也治天下国家纲统在是【○郑锷曰大宰诏王举其纲以统之乃能大一统于天下而四方咸归于统一矣】○礼库曰八者是君民共之惟其通上下皆然故曰统然却有本原自人主身上做起

一曰亲亲

王昭禹曰宗族兄弟天属也宜致亲以亲之故先王笃之以恩叙之以礼合之以饮食同之以福祿则亲者无失其为亲矣驭以亲亲则民莫遗其亲故尧亲九族而黎民于变时雍

二曰敬故

王昭禹曰故旧朋友人属也易失于慢而不敬先王于是以燕饮致其恩以賔射致其亲久要而不忘无故而不弃所以敬之也则故者无失其为故矣驭以敬故则人莫慢其故孔子曰故旧不遗则民不偷民德归厚是也

郑锷曰民不知亲亲也君举亲亲之统则民从而亲其亲民不知敬故也君举敬故之统则民从而敬其故论语所谓君子笃于亲则民兴于仁故旧不遗则民不偷

三曰进贤

郑康成曰贤有善行也【○王昭禹曰以德则可从以业则可大礼义由之以立朝廷待之以尊民心所愿兴宜使之在位故进之馭以进贤则民知德之不可不务故大司徒以贤制爵则民慎德】○贾氏曰有贤在下君当招之民当举之

四曰使能

郑康成曰能多才艺者

愚案人各有能用之然后见如伯夷能典礼使作秩宗足以究其典礼之能后防能典乐使教胄子足以究其典礼之能君知量能以任使人之有能者孰不欲自效以见其能

礼库曰古者许多长民之官往往多自民间自推择且如五家为比有比长即是五家中自推一人来做朝廷因爵以下士命之为比长五比为闾有闾胥亦是二十五家中自推一人来做朝廷因爵以中士命之为闾胥此岂非进贤使能耶要知人主才进贤使能天下便知贤者之可尊能者之可贵而自勉于善矣

五曰保庸

郑康成曰保安庸有功者【○王昭禹曰司勲曰民功曰庸】○礼库曰保庸全其有功者【○愚案如司勲颁赏轻重眡功地三食一不使之过亦所以保之也】

六曰尊贵

郑康成曰尊贵尊天下之贵者孟子曰天下之达尊三曰爵曰德曰齿祭义曰先王之所以治天下者五贵有德贵贵老敬长慈幼○王昭禹曰爵以馭贵朝廷之所尊也馭以尊贵民知爵命之不可陵

七曰达吏

郑康成曰达吏察举勤劳之小吏也【○王昭禹曰吏之在下有以贱事贵有以小附大其志能常患于不达有以达之尚安有莫知我勲之叹哉馭以达吏则民知壅蔽之不可为】

礼库曰贤能是未仕者吏是已仕者

八曰礼賓

王昭禹曰先王之制五礼賓礼居其一賓者人治之大在所礼矣故聘類存问食享牢礼凡致于賓者其小大有度多寡有数灿然之文懽然之恩见于相授接之际者凡以礼之也馭以礼賓则民知交际当以礼

总论

刘氏曰棠棣之诗亲亲也伐木敬故也南山有台进贤也棫朴使能也彤弓保庸也湛露尊贵也采芣达吏也鹿鸣礼賓也

总论八柄八统

王氏曰柄言操此而彼为用统言举此而彼从焉

以九职任万民

王昭禹曰任者因其力之所能胜也○陈君举曰天之生民未有无能而养者能其事而后可以养无事而食众之殃也故圣人制天下之民各从其能以服于事大宰既授之职闾师又责其功故曰无职事者出夫布也王制瘠聋跛躄断者侏儒百工各以其器食之后之游民作无益以害有益者可胜计哉

一曰三农生九谷

愚案三农司农谓平地山泽后郑谓原隰及平地要知只是上中下三等农夫

王昭禹曰谷有黍稷稻粱秫麦苽麻豆之别故曰九谷【○王氏详說曰五谷种之美者黍稷稻菽麦也百谷者凡丽乎土而可食者也此九谷云先郑以为黍稷秫稻麻大豆小豆大麦小麦后郑不言秫与大麦而以粱苽足其数案下食医云大宜粱鱼宜苽故耳后郑之说为是】生生不穷其种虽本于天然不能自生实赖乎人故曰三农生九谷

二曰园圃【布古反】毓【音育】草木

郑康成曰 果蓏曰圃园其樊也【○贾氏曰圃即载师所云 圃任园地谓在田畔 菜蔬果蓏者圃在园中故郑以园为樊诗云折抑樊圃樊其蕃蔽也】○王昭禹曰毓者顺其性而养之也

王氏详 曰园圃藪牧举其地以及其民

吕氏曰民事在人君固不可缓而于草木鸟兽亦欲其得所者此乃物之至微人君多以为不足防而易忽惟圣人为天地万物之主见天地之间有一物不得其所为之不安而以为职之不尽故尧典自厥民析而继之以鸟兽孳尾舜典时若予上下草木鸟兽以此见圣人参天地赞化育一视同仁无一念之忘物也

三曰虞衡作山泽之材

郑康成曰虞衡掌山泽之官主山泽之民者【○贾氏曰山泽之民无他号故借虞衡之官以表其民也○王氏曰山泽皆虞而曰虞衡作山泽之材者山虞掌山林之政令则其政令施于山矣川衡掌巡川泽之禁令则其禁令施于泽矣虞衡山泽之官而作山泽之材者民职也则此所谓虞衡言其地之人而已】

王昭禹曰作与诗遐不作人之作同为而起之之谓也盖先王于山泽之材非特顺其天性而已又加栽培壅溉之人功使小以成小大以成大各遂其生各适其用夫是谓之作

郑节卿曰周礼有颁田之法而山泽未尝颁与民大宰以虞衡作山泽之材则皆畿内山泽亦皆官物特置虞衡掌之所以然者夫受百亩山泽之物或有无不均且山泽利多民自有之则有田不耕趋末众矣虞衡既掌山泽各自募民治之国家有所输用则征于山泽之农若角人以下是也

四曰藪【速苟反】牧养蕃鸟兽

郑康成曰泽无水曰藪牧牧田在遠郊皆畜牧之地王昭禹曰交之以道取之以时不麝卵不杀胎不覆巢使之既生且息既繁且殖有鱼丽盛多之美无鱼藻失性之讥此养蕃之效

郑锷曰王政驱虎豹犀象而遠之故攻猛兽驱鸟鸢射夭鸟各有其官乃任藪牧之养蕃何耶盖罗氏所罗掌畜所共庖人掌客之禽献兽人冬夏之狼麋皆礼物尤急者也非养之有素何以供不时之须哉任以养蕃谓此耳

五曰百工飭【音勅】化八材

郑康成曰八材珠曰切象曰瑳玉曰琢石曰磨木曰刻金曰镂革曰剥羽曰析○王昭禹曰兴事造业之谓工工具器者也故攻木之工七攻金之工六攻皮之工五设色之工五刮磨之工五埴之工二夫五材而加皮玉设色故曰八材八者虽有自然之质必人工加焉然后可适用故待百工飭化致力以飭之谓之飭因形移易谓之化如致力以飭木则化之而为舟车之属致力以飭金则化之而为鼎量之属也愚案曲礼曰天子之六工典制六材此曰八材者曲礼主夏商此主周尔

六曰商贾【音古】阜通货贿

郑康成曰行曰商处曰贾金玉曰货布帛曰贿王昭禹曰先王之于货贿欲其有无相资多寡相济故使之阜通聚之使盈之谓阜迁此就彼之谓通货贿不阜则其求为易竭故使之阜而后通与书所谓懋迁有无化居同意

七曰嫔妇化治丝枲

郑康成曰嫔妇人之美称也【○刘执中曰嫔妇女子之无夫家而不可受田者不任以事则淫邪失业足以败俗而乱教故嫔妇之所以自求口食者化治丝枲而已他不可以有为】王昭禹曰八材谓之飭化始乎朴而终乎化化则器成而可以致功矣故曰飭化丝枲之为物徒化之而不治则布帛无由而成化丝而治之以为帛化麻而治之以为布故谓之化治

八曰臣妾聚敛疏材

郑康成曰臣妾男女贫贱之称○贾氏曰疏是草之实材是木之实【○郑节卿曰荼以供防事茅以供祭祀刍茭以饲国马今时人取茅以饲牛取萍以饲犬豕负薪拾髮竹头木屑皆疏材之属也】

王昭禹曰疏材委人所谓凡疏材是也疏材利之至微者待臣妾而后聚敛

九曰闲【音闲】民无常职转移执事

愚案成周计民受田余夫亦及之安有闲民今谓之间民必其单丁下户力既不能胜耕又不能从事于园圃虞衡蓺牧之地与夫工商嫔妇之业圣人难以强之受职也亦列于九职之终者以八职之中不可无此等人孟子曰以百亩之不易为已忧者农夫也一人之身百工之所为备万室之邑一人陶之则不足商贾之懋迁虞衡之兴作草木鸟兽皆生生之具布帛疏材皆适用之物以闲民之无职能补八职之有阙则转移以协佐其事曷可少哉以闲民系于九职之末以见非无职也特无常职耳岂若后世游手浮食怠惰而不事事者乎至载师民无职者出夫家之征闾师凡无职者出夫布又欲驱之务本也

总论

史氏曰九职任民地官之任大宰掌之何也盖大司徒以下能授之职不能任之使不失职使不失职者大宰之责也王能用一大宰使际天所覆极地所载上而三农下而臣妾间民无不得其所者可谓任职矣古之大臣欲遇大有为之君固非求之爵贵禄富也诚以悯天下之民不得其所思辅其君而有为也

以九赋敛财贿

愚案先儒以周之九赋谓口率出泉夫汉有口赋有筭赋皆仍秦弊令民出泉不知周之泉布所以制百物之低昂上而供邦用则有外府下而通民用则有泉府出入则有法敛散则有权至于制赋之法不过因地之所有而令之如邦中之赋即载师园防二十而一是贡其防里及圃之所出四郊之赋即载师近郊十一远郊二十而三是贡其宅田士田贾田及官田牛田赏田牧田之所出甸家稍县都之赋即载师甸稍县都皆无过十二是卿大夫采地田税之所出闕市之赋即司门司市之所入山泽之赋即山虞泽虞之所入币余之赋乃官府都鄙与凡执事者给公用而有余币余财之所入然则九赋之敛财贿除闕市之外皆非泉布之入而

關市之賦亦非口率出泉以賦為口率出泉則是有賦而又有稅也孟子曰有粟米之征有布縷之征有力役之征所謂粟米之征即成周之田賦也布縷之征即成周山澤之農所貢絺葛服貢之材而成于嫔婦之化治者也山澤所貢以之當 賦則無田租矣至于力役之征成周只以六尺七尺之上下而為力役之多寡非如漢之有更錢隋唐之有庸錢也孟子所謂力役之征意當時起役之外又有所取矣成周之法征以粟米者則無布縷之征征以布縷者則無粟米之征至于力役之征只用其力不取其財如凶札之年則又無力征矣宜乎孟子謂用其二而民有殍用其三而父子離也

王氏詳 曰自一至六謂平民之賦自七至九謂末作之賦 中四郊 甸之民天子之民家稍 縣 都之民公卿大夫之民既以其賦入于主復以其賦入于天子是倍其賦也曰不然家稍 縣 都雖曰采地而其餘地為公邑公邑不可以槩言之此所以即家稍 縣 都為言也亦猶九職言萬民而又分園圃虞衡藪牧也【○林氏曰九賦自 中至 都則地征矣關市山澤幣余皆末作而亦云地征何也司關司市與山澤之虞皆地職也有地職則必有地征此載師所以又有授地之言也幣余則職幣所謂余財余則 物皆已給矣又振之以歸之故亦謂之賦也】

愚案 中有 圃即園圃之職也四郊有牧田即藪牧之職也 甸之田皆井授即三農之職也甸稍縣都之采邑與公邑之田亦皆授于民以耕也關市即商賈之職山澤即虞衡之職李叔寶謂九賦繼于九職之后惟有以任之而后可以斂之是也所疑者成周十一之稅通行乎天下而甸稍縣都則曰十二先儒以地遠役簡則賦亦輕釋之不如陸佃以百畝而徹賦民十一于一中又以十分為率取二如此則公卿大夫之受采者自食其八以其二賦于國其說為長至于吏之治于公邑者兼統于遂其居民其制賦皆與遂法同小司徒之井牧其田野及于甸稍縣都必曰任地事令貢賦凡稅斂之事可考也

總論貢賦征稅之名

鄭節卿曰或問畿外有貢畿內有賦有稅有征斂之目其別何如曰公田以為稅私田以出賦征斂則賦稅之總名家征力征則以一家余夫之力言之夫征地征即以一夫私田之賦言之若畿外諸侯則食公田之稅以為祿幹私田之賦以為貢耳請略公田之稅而姑論畿內之賦次及于畿外之貢人徒見夫稅以足食賦以足兵則以民賦為止于兵車以九賦為諸臣祿田之賦非也稅雖一而賦實有三凡起徒役毋過家一人此兵賦也甸出長轂一乘此車賦也中四郊而下凡九等之賦也時方有事則農出一兵甸出一車事已則兵還于農車還于甸雖名于賦實則使民自衛耳有以足軍之用而未有以足國之用也國用之大有祭祀賓客有防荒羞服有工事幣帛有刍秣匪頒好用不調諸民于誰責而供之于是始即百畝之私以制九等之賦勸九職之任以代九賦之出今攷之周禮國中四郊之賦閭師征之野之貢賦縣師征之委人征薪芻木材獸人防人收皮毛筋角角人斂齒角羽翮什人收金玉錫石澤虞取國澤財物掌葛掌染草則征絺綌染草以當 賦掌炭掌荼則征灰炭茅蒨以當 賦其始也以五穀為主而其終皆以九職之物充貢其始也以五等定輕重而其終皆以年之上下出斂法熟讀一書其所以孜孜于田賦之 者以其未始立法也若公田什一之稅周禮曷嘗一言之豈

惟公田大宰九等之赋不言军旅亦以一兵一车之出自有定制耳是以大宰正其名载师酌其数闻师县师随其物大府谨其待用盖其终始本末无一毫未经思虑者达之王畿之外则有异名而无异法诸侯食其税于国则税之名变而为禄纳其赋于天子则赋之名变而为贡始于大宰之致其用中于司马之制其赋终于小行人之令其献考之职方氏自 之金锡荆之丹银以至于并之布帛此即取物以充赋也又考之大行人自侯服之祀物甸服之宾物以至于要服之货物此即变赋以为贡也其纖悉委曲则与甸内无一不相应者然禹贡与周礼少异者周礼畿内之赋通可以言贡而禹贡则專指以为赋禹贡畿内之赋專以米粟之属而周礼则杂以他物代之此特其微异者耳不害其为同也

一曰 中之赋

贾氏曰 中谓国中之民也【○王昭禹曰邦中王所邑诗曰 畿千里则合四郊甸稍县都而言也此言 中则以别四郊甸稍县都故也载师曰以防里任国中之地又曰园防二十而一则此所谓 中之赋】

二曰四郊之赋

贾氏曰谓遠郊百里之内民也【○王昭禹曰近郊五十里遠郊百里载师曰近郊十一遠郊二十而三此谓四郊之赋】

三曰 甸之赋

贾氏曰谓百里之外二百里之内民【○王昭禹曰四郊之外谓之甸以田法正在是故也载师以公邑之田任甸地则 甸之赋于是乎出矣】

四曰家削【所教反】之赋

王昭禹曰三百里之地大夫所食之采邑禄而不世不得專其地有家而已故谓之家谓之家削以家邑之位削小故也其赋载师所谓以家邑之田任削地○贾氏曰大夫采地赋税入大夫家采地之外其地为公邑公邑之民赋入王家

五曰 县之赋

贾氏曰四百里地名县有小都赋入采地之主其中公邑之民赋入王家也【○王昭禹曰四百里之地谓之小都载师所谓以小都任县地】

六曰 都之赋

贾氏曰谓五百里中有大都大都采地其赋入主外为公邑民所出赋入王家也○王昭禹曰

五百里之地谓之大都大都之地即载师所谓疆地是也小都不谓之都而谓之县大都不谓之疆而谓之都互相备也盖言家甸稍县则都为疆地可知言都则郊甸稍县为乡遂公邑家邑小都亦可知也

愚案家稍邦县 都三等采地之余尽为公邑天子使大夫治之公卿大夫王子弟不得有也此是圣人深意大率三代封建诸侯亦不是连并封去其间自有公邑间其中汉时郡国之制亦有此意盖郡国相错于天下使彼此相监也

七曰關市之赋

王昭禹曰關以征其货之出入市以征其货之所在然则關市之赋出于商贾之民也○王氏详 曰载师云园防二十而一谓 中也近郊十一遠郊二十而三谓四郊也甸稍县都皆不过十二谓 甸家削 县 都也漆林之征二十而五谓山泽也而不及關市与币余然则關市币余所出之赋其将何如乎盖周礼重乎民而禁末作故末作赋重關市币余之赋亦与山泽之赋等矣不然山泽所出何止于漆林【○陈君举说见大府】

八曰山泽之赋

王昭禹曰先王之于山泽有虞以度其物有衡以平其政为之厉以限其妄入为之禁以止其非法又各使其地之人守其财物则其所取者宜有职矣

九曰币【婢世反】余之赋

刘迎曰币余不在常赋之中皆式法所用之余币也今考职币所掌凡用 财之币振掌事者之余财盖此币余之赋也惟其非常赋故以之待赐予而赐予亦无常故也先儒以币余为占卖國中斥币皆末作当增赋者若贾人倍筭矣不知此何等赋邪

以九式均节财用

郑康成曰式谓财用之节度○王昭禹曰式之所载为有书所丽为有数书之所载则有一定之常目数之所丽则有不易之经制以之均财则为有道以之节用则为有礼均财有道则遠近适于均而无有余不足之患节用有礼则多寡适于当而无过不及之币

李景齐曰有以斂于民无以节于己则锱铢之积不足以供泥沙之用此九式财用又所以继于九赋斂财贿之后也

一曰祭祀之式

王昭禹曰祭祀之礼有大小有丰杀多不为过寡不为不足者亦有式焉耳【○王氏详說曰

曲礼曰天地之牛角茧栗宗庙之牛角握此牲式也酒正曰大祭三贰中祭再贰小祭一贰此酒式也】

二曰賓客之式

王氏详 曰掌客之上公饗飮九牢侯伯七牢子男五牢【○史氏曰朝覲聘问之时待遇宴享之法】

三曰防荒之式

王昭禹曰防之礼有斂葬赙赠以送死者荒之礼有散利施惠以救贫者其用虽甚众而皆有制焉

四曰羞服之式

王昭禹曰羞则膳夫羞用百有二十品之 也服则司服掌王之吉凶衣服之类是也

五曰工事之式

贾氏曰工若考工所作器物【○史氏曰工事不可阙有法以制之则无雕镂之饰淫巧之縻】

六曰币帛之式

郑康成曰谓所以赠劳賓客者○贾氏曰若司仪上公三问三劳有束帛也

七曰刍【初俱反】秣之式

王昭禹曰草之谓刍谷之谓秣皆以养牛马有事则秣无事则刍诗曰乘马在廐莖之秣之则刍秣也【○王氏详説曰谓若委人云賓客共其刍薪军旅共其委积薪刍】

八曰匪頒【音班】之式

郑司农曰匪分也頒谓頒赐也【○郑康成曰王所以分赐羣臣也】

九曰好用之式

王昭禹曰因其所好而用之谓之好用玉府凡王之好赐共其货贿内府凡王及 宰之好赐予则共之典丝凡上之赐予皆以物授之典枲赐予亦如之盖好用出于上之私恩惟其时物

而已【○刘迎曰后郑以为燕好赐予其与匪颁异乎今考之经玉府所谓金玉玩好谓式贡之余财以共玩好非所谓好乎司书所谓上之用财用职币所谓凡上之小用非所谓用乎好用之式小所以列之匪颁之后】

李景齐曰自祭祀賓客以至币帛刍秣之费固有司可以裁其出入所谓匪颁好用出于人主之意固宜人主所得自为也 宰亦得以九式制之焉然则圣人以身享天下之奉不敢以一毫妄费以至于此财安得而不裕哉

总论

刘执中曰祭祀之式春官掌焉宾客之式大行人司仪掌焉羞服之式膳夫司服掌焉工事之式司空之属掌焉币帛之式外府掌焉刍秣之式掌客掌焉匪颁之式大府掌焉好用之式内府掌焉九者违式均节失宜则大宰掌焉

王昭禹曰先王生财有道取财有义用财有礼九职所以生财也九赋所以取财也九式所以用财也陈君举曰九赋敛财贿九式均节财用尽总于冢宰所谓以此取之以此用之未尝分别秦汉以来人主私意日生创为条目掌天下之财有大司农掌王之治藏则有少府掌没入民财则有水衡都尉而大司农则供 国经费之用少府则供王玉食奉养之用水衡则供王之私用色目既烦各私其局征敛搜求富藏于官前辈尝论王者除四夷之外不治自外薄四海阖门而视皆一家也今阖门而与子弟为市虽尽得子弟之财犹不富也

又曰所谓大宰制国用者制其出也古者财用冢宰制出而司徒制入六卿三公皆兼之自汉丞相以钱谷出入为非已责则均节会计之职散之九卿

以九贡致 国之用

胡氏曰先王授民以田则责之赋授诸侯以国则责之贡赋者养天子之礼贡者事天子之义【○陈氏曰采邑有赋而无贡 国有贡而无赋九赋有甸稍县都而九贡致 国之用是也禹贡八州有贡惟冀州畿内无贡以畿内王之所食特敛其赋而已非所谓贡也】

贾氏曰此诸侯歲之常贡小行人云春入贡是也若大行人侯服歲一见其贡祀物乃因朝而贡与此别也诸侯国内得民税大国贡半次国三之一小国四之一所贡者市取当国所出美物禹贡所云贡篚是也

李景齐曰致者使之自至非穷欲以求之也用者所贵适于用非贵于遠方之珍异也西旅献獒固足以侈其君来遠之德而召公谆谆然以训武王者母亦珍禽奇兽非服食器用之宜而自以异物为寶则玩好之心一萌其弊乌可胜言哉此九贡之目自祀贡宾贡以至于旂贡物贡盖无不适于用者后世人主汲汲于方物之贡至于防防名鷹亦遣使以求之何谓

一曰祀贡

郑司农曰祀贡牺牲苞茅之属【○王氏曰凡可以供祭祀之物】

二曰嫔【音频】贡

郑康成曰嫔贡丝枲【○王氏曰凡可以供嫔妇之物】

三曰器贡

郑康成曰银铁石磬丹漆也【○黄氏曰用器兵器礼乐之器○刘执中曰谓土之精器若郑之刀宋之斤鲁之削呉越之劒也○王氏曰凡可以为器之物】

四曰币贡

郑康成曰玉马皮帛也【○王氏详説曰古人所谓币者非止币帛也小行人云合六币圭以马璋以皮璧以帛琮以锦琥以绣璜以黼故后郑以币为玉马皮帛○王氏曰凡可以为币之物】

五曰材贡

郑司农曰木材也【○郑锷曰如杙榦栝栢之 可为宫室者也○刘执中曰谓若燕之角荆之榦玃胡之筈呉越之金锡也○王氏曰凡可为材之物】

六曰货贡

郑康成曰金玉龟贝也【○王氏曰凡可为货之物】

七曰服贡

郑康成曰絺纁也【○黄氏曰不独絺纁 纁纁纁纁皆是○王氏曰凡可为服之物】

八曰旂贡

刘执中曰谓羽毛可注旗旄也【○愚按此本司农 盖旂即龙旂九旂之旂也】

九曰物贡

郑康成曰杂物鱼盐橘柚【○郑锷曰物贡则不可名以一物如海物惟错之物谓杂物之可

贡者也○刘执中曰谓九州所产万物可以致逖而资 国之用者也】

总论

郑锷曰或谓 国之贡万民之赋皆王国所须以为用贡赋毕入然后 宰可以制国用今也列九赋于前以九式处其中乃以九贡列其后何也盖王国之财自足以充王国之用善治国者有生财之道又奚待于诸侯然后足哉故列九赋之目即继以均节之式明生财之道既有九赋则量入以为出可也若乃 国之贡本诸侯奉上之诚意不急急于徵之立法于此俟其自至耳

周礼订义卷二

卷三

<经部,礼类,周礼之属,周礼订义

钦定四库全书

周礼订义卷三 宋 王与之

以九两系【音计】 国之民

郑康成曰两犹耦也所以協耦万民系连缀也【○贾氏曰谓王者于 国之中立法使诸侯与民相合耦而聯缀不使解散也】

愚案民心无常难合易睽非平时眷恋不忍去必非一人名位可得而留惟大牧以地长以贵主以利吏以治藪以富足以系民之身师以贤儒以道足以系民之心宗以族使知天属之亲不可离友以任使知人道之交不可间然后相安相养相亲相逊虽有变故之死靡他后世九两既废人心亦离匹夫匹妇不 所求而乐国乐郊之思发于中而形于言者上之人果何道而联属其心耶曾子所谓上失其道民散从矣者此之谓也

一曰牧以地得民

郑康成曰牧州长也九州各有封域以居民也【○贾氏曰即王制二百一十国以为州州有伯伯即州长也】

陈君举曰古者牧伯更代诸侯世袭如周初荆州之牧则蔡仲其后则申伯豫州之牧则管叔其后则虢公而周公君陈则迭居东郊也汉诸侯王自景武以后若 居然至唐藩镇则举五侯九伯汝实征之之事而付之世袭其弊始不胜矣

二曰长【音掌】以贵得民

郑康成曰长诸侯也一 之贵民所仰也【○愚案王制云五国以为属属有长八州三百六十长自唐虞以来诸侯亦有以长名者郑氏之 亦未可非也○王昭禹曰下文曰施则于都鄙则曰建其长是也所谓内诸侯也】

三曰师以贤得民

郑康成曰师诸侯师氏有德行以教民者【○黄氏曰师掌教之官卿大夫师氏保氏也】

○吕氏曰师言贤而不言道身即道也莫重于儒莫尊于道至于师而二名皆不至焉师之任易乎哉

四曰儒以道得民

郑康成曰儒诸侯保氏有六艺以教民者【○黄氏曰儒学士也通乎其下传道授业者】

愚案师则德成行尊足以表率斯世故得民以贤儒则明此道以教诏斯世故得民以道

五曰宗以族得民

李氏曰大宗者其先祖之荷族人之纪纲乎大传曰别子为祖继别为宗继祫者为小宗有百世不迁之宗有五世则迁之宗百世不迁者别子之后也宗其继别子之所自出者百世不迁者也宗其继高祖者五世则迁者也别子谓公子若始来及其在此国者后世以为祖也别子之适子适孙世世继别子为大宗百世不迁之族人五世外者皆为之齐衰三月母妻亦然故大宗有族食族燕之礼所以族也夫五服者人道之大治也然而上尽于高祖则远者忘之矣旁尽于三从则疏者忘之矣故立大宗以承其祖族人五世外皆合之宗子之家序以昭穆则是始祖常祀而同姓常亲也始祖常祀非孝乎同姓常亲非睦乎重宗者尊祖之义也○薛氏曰百夫无长不散则乱一族无宗不离则疏先王因族以立宗敬宗以尊祖故吉凶有以相及有无得以相通尊卑有分而不乱亲疏有别而不二贵贱有等而不间然后一宗如出一族一族如出一家一家如出一人此所以得乎民也【○郑锷曰大宗则收族故族于丧则必服而冠娶妻者必告其所收者广虽无服之亲亦系属而不散故以族可以得民】

吕氏曰古者建国立宗其事相须春秋之末晋执蛮子以楚楚司马制邑立宗焉以诱其遗民而尽俘以归当典刑废坏垂尽之时暂为诈伪之计犹必立宗前此可知左传翼九宗五正逆晋侯欲理防封建其次便当立巨室盖巨室大宗系国家轻重更相维持以固结人心如晋九宗五正不独是制度武王分殷之余民懷姓九宗于晋至春秋见故家犹在孟子曰为政不难不得罪于巨室盖有千乘之国有百乘之家所以互相维持相视如一体

六曰主以利得民

王昭禹曰有国者谓之君有家者谓之主然则主者大夫之治都鄙而不为长者是也【○郑锷曰左氏载荀偃卒宣子抚之曰事呉敢不如事主杜氏曰大夫称主是也】

郑康成曰利读如上思利民之利谓以政教利之【○贾氏曰上思利民左传季良之辞此谓大夫宣君政教民则采邑之民也】

七曰吏以治得民

郑康成曰小吏在乡邑者【○贾氏曰若比长闾胥或在乡或在公邑采邑以治政得民也○王氏曰凡治民皆谓之吏】

八曰友以任得民

郑康成曰友谓同井相合耦耨作者孟子乡田同井出入相友守望相助疾病相扶持则百姓亲睦【○王昭禹曰学校之友相任以道则以道而相得乡田之友相任以事则以事而相得故曰以任得民】

九曰藪【音叟】以富得民

郑康成曰藪亦有虞掌其政令为之厉禁使其地之民守其财物以时入于王府颁其余于万民富谓藪中材物【○王昭禹曰 有具区荆有云梦豫有圃田青有望诸兗有大野雍有蒲幽有豸养冀有杨纡并有昭余祁凡皆藪之大者先王之制于大泽大藪则立中士四人下士八人以掌之于中泽中藪则立下士六人以掌之于小泽小藪则立下士三人以掌之藪之所在掌之既有其人又有厉以限其妄入有禁以止其非法则其间所生之物充牣繁庶而民取之足以为富故曰以富得民】

王氏曰川泽之虞山林之衡皆富得民而独言藪则举小以见大

正月之吉始和布治于 国都鄙

郑康成曰正月周之正月吉谓朔日○刘执中曰正月之吉阳生陰复其气始和歲事将兴而春令行矣故因其始和而布治焉

贾氏曰自此以下皆谓施前事条也

愚案治邦国都鄙官府之法固自一定不可易者然时移事改岂能无少变处故每歲终必修焉月令季冬有曰是月也天子乃与公卿共飭国典论时令以待来歲之宜修之于歲终而后布之于正月

王氏详說曰典法则之所施言 国都鄙官府而治之所布不言官府者盖布治者官府之事也施法于官府而有所建立者非官府之事也

乃县【音 𡩂】治象之灋于象魏使万民观治象挟日而敛之郑康成曰大宰以正月朔日布王治之事于天下至正歲又书而县于象魏振木铎以徇之使万民观焉小宰亦帅其属而往皆所以重治法新王事也【○贾氏曰郑知乃县为建寅月者以小宰所以佐大宰彼云正歲县之与此一事也】

郑司农曰象魏阙也故鲁灾季桓子御公立于象魏之外命藏象魏曰旧章不可忘○贾氏曰周公谓之象魏雉门之外两观阙高巍巍然孔子谓之观春秋定二年雉门及两观灾是也云观者以其有教象可观望又谓之阙

郑司农曰从甲至甲谓之挟日凡十日○王昭禹曰必至于挟日者盖近或知之矣远者庸有未知焉观之挟日则使远近皆徧知故也

乃施典于 国而建其牧立其监设其参傅其伍陈其殷置其辅

王氏曰既以治象示人于是乃以所建典法则施于 国都鄙官府也

郑康成曰以侯伯有功德者加命作州长谓之牧所谓八命作牧者【○愚案牧説见前九两一曰下】监谓公侯伯子男各监一国【○王氏详説曰王制曰天子使大夫监于方伯之国国三人则是大夫谓之监也梓材曰王啓监厥乱为民则是诸侯谓之监也盖商人之制八州八伯使大夫监之虽武王之初亦因商制所以三监监武庚是也成周之制九州九牧牧下有伯所谓五侯九伯是也九州九牧每牧之下有二伯则十八伯矣二伯分掌九州之牧伯则是有四牧之半为九伯也盖五侯者举全数也周既以伯佐牧矣则不复大夫监之也皆立其监者谓诸侯之自监其一国耳】参谓卿三人【○贾氏曰左氏传杜泄云吾子为司徒夫子为司马孟氏为司空则诸侯三卿司徒司马司空○礼记檀弓疏曰诸侯三卿司徒兼冢宰司马兼宗伯司空兼司寇○愚案先王命诸侯以国凡官属皆自辟置然后亦不敢自专故大国三卿二卿命于天子如齐有天子之二守国高是也必自天子命之者非使之伺察诸侯示以不敢専之意耳自秦人置监郡魏晋以下有典籤専以宰制诸侯为事五代时不置监郡殊失古人之意】伍谓大夫五人【○贾氏曰谓司徒下二大夫一为司徒大夫一为大宰大夫司空下二大夫一主司空事一为司寇大夫司马事省阙一大夫故五人○礼记檀弓疏曰三卿之下有五少卿为大夫司徒之下立小宰小司徒司马之下事省立小司马兼宗伯事司空之下立小司寇小司空】殷众也谓众士王制诸侯上士二十七人其中士下士各居其上之三分辅谓府史庶人在官者

郑锷曰牧长正皆以建言之如建国建极之建不可得而动摇之意【○史氏曰建者必有册命告于祖庙】监两贰皆以立言之如有所立不可得而倾仆之意参伍攷皆谓之设如方设居方之设布而置之之意独 国之伍以傅言之盖大国既设三卿矣五大夫则又附于三卿之下使有所依傅之意【○贾氏曰傅者谓大夫上有卿下有士受上政傅于下受下政傅于上也】殷曰陈谓其众也【○史氏曰陈者设张之】辅曰置谓贱也【○史氏曰置者録存之】爵有尊卑辞有轻重以别之耳

乃施则于都鄙而建其长立其两设其伍陈其殷置其辅

郑康成曰长谓公卿大夫王子弟食采邑者【○贾氏曰典命三公八命卿六命大夫四命大宗伯云六命赐官注云王六命之卿赐官者使得自置其官治家邑如诸侯则此之长惟据公

卿已上大夫四命不合立官郑并言大夫者是广解长义其实大夫不合有两卿五大夫当与诸侯之卿同官事当相兼也王子弟食邑其亲者与三公同在五百里疆地各百里其次疏者与六卿同在四百里县地各五十里已上二者得立两卿五大夫其次更疏者与大夫同在三百里稍地各二十五里不得立两卿五大夫亦职相兼也】两谓两卿也不言三卿者不足于诸侯【○贾氏曰畿外诸侯南面而尊故得伸而言立三卿天子公卿虽尊以在天子之下故屈而立两卿也】

乃施灋于官府而建其正立其贰设其攷陈其殷置其辅

郑康成曰正谓冢宰司徒宗伯司马司寇司空也【○王氏曰正官长也谓之正则以官属所取正故也】贰谓小宰小司徒小宗伯小司马小司寇小司空也【○王氏曰贰者所以副贰于六官而专達其事之次者】攷成也佐成事者谓宰夫乡师肆师军司马士师也司空亡未闻其攷【○王氏曰考则攷殷辅之治者也】

总论

王昭禹曰先王之治于一国之诸侯以其远于王而有君之道故其官致详而少损于王朝于都鄙之主以其近于王而有纯臣之道故其官致略而少损于一国官府者六官分职以治事者也是皆王朝之官散而各居其府者也故又略于都鄙其尊卑隆杀不同而官之名亦因以异矣

凡治以典待 国之治以则待都鄙之治以灋待官府之治以官成待万民之治以礼待賓客之治

贾氏曰皆言以者当别有篇卷使人执持施行之郑康成曰成八成也【○贾氏曰上文官成在八法治官府中今特出之者以其八成本待万民在官府者欲见官府执行礼记云谁能秉国成】礼賓礼也

王氏详說曰官成虽用之于官府然八成所谓政役师田闾里称责等事无非民事也礼賓虽用之于万民然大小行人司仪掌客所掌无非国家之賓客也愚案大臣之职惟讲求典法则之所由出其条目付之有司者治来则应之而已故邦国都鄙官府万民之治皆下一待字

祀五帝则掌百官之誓戒与其具脩

王氏曰五帝五精之君昊天之佐也【○愚案注疏說五帝之名甚诞已于小宗伯辨之】

刘迎曰誓戒者誓其所当戒者也如所谓前期十日帅执事而卜日遂戒戒百官以所当奉祭之事恐其不敬也【○王昭禹曰誓者誓以言而使信戒者敬其事而使谨】○郑康成曰誓戒要之以刑重失礼也明堂位所谓各 其职百官废职服大刑是其辞之略也

刘迎曰具脩者特具之礼所当脩使无阙事也如所谓视涤濯賛牲事賛玉币爵之事皆百官所当脩具【○王昭禹曰具则所当集者也脩有所加损者也具之所以 其物脩之所以致其治】

郑锷曰欲奉祀之人致诚而勿慢必有戒誓焉欲奉祀之物应礼而不阙必有具脩焉

前期十日帅执事而卜日遂戒

郑康成曰前所諏之日也○王氏日记云七日戒三日斋又曰散斋七日以定之致斋三日以齐之齐之之谓齐定之之谓戒散斋七日致斋三日凡十日也○郑康成曰执事宗伯大卜之属既卜又戒百官以始斋○王昭禹曰祭祀之礼致其诚而已先王之至诚幽有以達乎 神用卜者所以达 神之意也古者卜上辛不吉则卜中辛中辛不吉则卜下辛下辛不吉则不卜可也鲁四卜郊此春秋所以讥之也卜日既定遂戒戒者所以敕其事而使之不敢怠忽也

及执事眡【音视】涤【直歷反】濯【直角反】

贾氏曰及至也仪礼特牲云前祭日之夕视壶濯及豆筴○王昭禹曰执事之别有二凡预祭祀之人谓之执事向祭之辰执事之节亦谓之执事此谓执事盖及执事之节也○郑康成曰涤濯谓溉祭器及甑甗之属

及纳亨【普庚反】賛王牲事

郑康成曰纳亨纳牲 告杀谓向祭之晨既杀以授亨人【○贾氏曰礼器云纳牲诏于庭杀讫毛以告纯血以告杀腥其俎豚解以腥之以此讫乃纳与亨人燔祭此言纳亨者以牵牲也明堂位君肉袒迎牲于门卿大夫賛君賛王牲事者即卿大夫賛币一人也】

及祀之日賛玉币爵之事

郑康成曰日旦明也玉币所以礼神玉与币各如其方之色【○贾氏曰大宗伯以玉作六器以礼天地四方青圭礼东方赤璋礼南方白琥礼西方 璜礼北方又曰皆有牲币各放其器之色彼牲币不是礼神之币亦云各放其器之色是其礼神币与玉亦各如其方之色】爵所以献齐酒【○贾氏曰冪人防布冪八尊八尊者五齐三酒之尊也】不用玉爵尚质也三者执以从王至而授之【○贾氏曰谓至此祀圜丘方泽祭所而授之王亲自执玉币奠于神座亲酌以献尸也】

总论

王氏详説曰考之大宗伯非惟文之先后与此不同而其事之轻重亦不同大宗伯曰祀大神享大 祭大示帅执事而卜日此则曰祀五帝而继之以卜日岂非五帝之祀为重乎大宗伯

曰宿眡滌濯此則曰眡滌濯蓋滌濯之事宗伯先期而眡之大宰至期而眡之豈非以滌濯之事為微乎大宗伯曰省牲鑊此則曰納亨贊王牲事者蓋君肉袒迎牲于門卿大夫贊君是贊其殺牲之事也宗伯則省其鑊而已豈非以贊牲之事為大乎大宗伯曰涖玉鬯此則曰贊玉帛爵是贊爵而不贊鬯也蓋玉鬯用之于宗廟此則曰祀五帝則是祭天無祿也豈不以贊爵之重于涖鬯乎大宗伯曰奉玉盥此則止于贊牲是贊牲而不贊盥也蓋祭祀以牲為大而盥盛次之故小宗伯之職以毛六牲使五官共奉之辨六盥使六宮之人共則牲之大于盥也明矣大宰雖不預于奉牲而特預于贊牲豈不以贊牲之重于奉盥乎大宗伯曰祀大神享大祭大示此則曰祀大神示亦如之享先王亦如之蓋宗伯禮官也掌建天神地示人鬼之禮故正而名之大宰特嚴重其事而已初無預于正名之事豈非以大宰之職為尊

祀大神示【音祇】亦如之享【許兩反】先王亦如之贊玉几玉爵鄭康成曰大神示天地也【○賈氏曰謂冬至祭天于圜丘夏至祭地于方澤○王昭禹曰凡在天者五帝星辰皆神也故昊天為大神凡在地者社稷山川皆示也故澤中之所祭為大示○賈氏曰亦如之者自百官誓戒已下至贊帛皆如祀五帝之禮】

劉氏曰享先王謂宗廟六享也○鄭康成曰玉几所以依神天子左右玉几宗廟獻用玉爵○賈氏曰別言贊玉几玉爵則天地不用玉几玉爵也

大朝【直遙反下文同】覲防同贊玉帛玉獻玉几玉爵

鄭康成曰時見曰防殷見曰同大防同或于春朝或于秋覲舉春秋則冬夏可知助王受此四者玉帛諸侯享帛也其合亦如小行人所合六帛云【○史氏曰束帛加璧玉帛也】玉獻獻國珍異亦執玉以致之【○史氏曰來獻其琛玉獻也】玉几王所依也立而設几優尊者【○賈氏曰知立而設几者司几筵云大飡射凡封國命諸侯王位設黼依依前南向左右玉几是立設几也】玉爵王禮諸侯之酢爵【○賈氏曰大行人云上公再裸而酢侯伯一裸而酢子男一裸不酢此大宗伯攝裸非冢宰所贊諸侯酢王用玉爵則冢宰贊王受之】王朝諸侯立依前南面其禮之于阼階上

愚案朝覲防同贊導威儀其大者宗伯之事其細者司儀行人之職冢宰與君同體鎮撫諸侯乃其道也而下與交際之禮曰大朝覲防同非周家細事所謂坐明堂以朝諸侯昔者武王克商所未舉也成王新立周公攝政則一切舉行之不特五等諸侯咸在八蠻五戎六狄九貉環列而防所以制禮作樂頒度量而天下大服也此一代希濶之典故大宰于此不得視為微文末節進而贊之所以成天下之大禮章一王之盛事

大喪贊贈玉含【戶暗反】玉

鄭康成曰助王為之也贈玉既窆所以送先王含玉死者口實天子以玉雜記曰含者執璧命曰寡君使某含則諸侯含以璧【○鄭司農曰含玉璧琮】

王昭禹曰含礼行于始死之时赠礼行于既窆之后○王氏曰赠玉含玉大丧之大事赠在含后而先言赠者赠比含尤送终之大者以其礼事之大故亦大宰赞之

作大事则戒于百官赞王命

贾氏曰前已言祀五帝及大神祇祭事戒百官讫此云作大事惟戎事耳郑引春秋传云国之大事在祀与戎证此大事是戎事

愚案国家之举事凡其大者不可不戒饬百官故戒百官则有命命即训戒之言也大宰赞助王者之出教令若书之多士多方所以诰多士庶邦皆言王若曰是也

王眡治朝则赞听治眡四方之听朝亦如之

郑康成曰治朝在路门外羣臣治事之朝王视之则助王平断

愚案听朝库门之外臯门之内乃朝士所掌之朝王之所以朝诸侯断疑狱者在是比治朝则为外郑以朝于方岳之下非是详见司士

凡 之小治则 宰听之待四方之賓客之小治郑康成曰大事决于王小事 宰专平○薛氏曰 者谓治之小者八法之治官府八则之治都鄙之 则大宰專而不以佐王然以八法八则论之则官府都鄙之权尽总乎大宰非小事也以此为小事则何者为大事乎小宰所谓大事则从其长果以何者为大事乎此所谓小治即王眡治朝听朝之小治前言王眡治朝则赞听治眡四方之听朝亦如之盖王者坐庙堂有斧辰以朝诸侯其权甚重其事甚大大宰不敢与其政特赞其听治而已至朝诸侯之时资粮之费饗殮币帛之奉以至出入往来之具皆小治也岂可无以应之故王者眡朝于路门之内冢宰有以听邦之小治王者眡四方之朝冢宰为之待四方賓客之小治先儒以此为两事失之○贾氏曰重出冢宰之名据百官总焉故特云冢宰

歲终则令百官府各正其治受其防

郑康成曰正正处也【○贾氏曰谓正处其所治文书○王昭禹曰为将受其防故各使之先自正其治也】防大计也○王昭禹曰受其一歲功事财用之计

听其致事而诏王废置

王昭禹曰受其一歲功事财用之计听其所致以告于上之事则其吏之治行可知矣于是乎诏王废置然此非特为废置也歲终平在朔易之时亦欲以知所当调制以待正月之吉布施之也

三歲則大計羣吏之治而誅賞之

鄭司農曰三載考績○鄭康成曰事久而听之大无功不徒废必罪之大有功不徒置必赏之○易氏曰歲終之攷覈方严則行之以天子之命三歲之攷覈既审則守之以一定之法司防曰以周知四国之治而詔王及 宰废置則废置之詔王可知也宰夫曰凡失财用物辟名者以官刑詔 宰而誅之其足用长财善物者赏之則誅赏之責于大宰可知也【○王昭禹曰不言詔王者歲終废置尚以詔王其誅赏可知矣】

总论防计

呂氏曰成周時 宰既受百官之防听其致事而詔王废置三歲大計羣吏之治而誅賞之矣而司徒又自考其属正要防而致事司寇又命于其属入防政致事下至宮正防其行事而自攷其職之所统內宰稽其功事而自攷其職之所统虽醫事之微醫師亦于歲終稽其醫事此各考于其属上下遞察而 宰實提其大纲至于防计之煩又專設一司防以攷察之司防曰以逆羣吏之治而听其防计以参互考日成以月要考月成以歲防考歲成以周知四国之治以詔王及 宰废置此可見成周之時各考于一職之长而后考于一官之长考于一官之长始盡考于司防而后達于 宰欵故各考其属于下則寡而難欺提其綱于上則簡而易見而又俱考于司防則精詳而徧察可以防其 蔽矣【○孫氏曰周之防计惟司徒司寇先防其属而其余悉惟大宰是聽以大宰之尊而亲防计之煩何也大宰以八柄詔王馭羣臣凡废置誅賞必于防计得之詢事考言皆有紀載之實課功计效不参以毀譽之私然后足以劝羣工熙庶績也宗伯司馬又不自防其属何也宗伯掌禮而禮費归于計財之官司馬掌政而兵賦属于長民之吏不若刑官獄訟之事教官土地人民之事煩且冗也】

王昭禹曰舜三載考績三考黜陟幽明周官之法則歲終废置三歲誅賞之何也盖先王之治因時而已尧舜之時其法略其事簡故至于三載考績九載然后黜陟幽明當周之時其法詳其事繁故歲終則废置三歲則誅賞【○孫氏曰昔者平水土教播种開山澤必皆迟之歲月而后有立更歷三代則功成治定玩愒从生在有虞不得不寬而成周不容不密也】

总论大宰

孫氏曰論道經 燮理陰陽然后为一相之任今大宰不过从事文書法令之間无以別于五官奚取一相哉盖古之論道經 者未嘗离事物而尚清談文書法令莫非道也故大宰事任之重體貌之尊特加 宰以別之小治得專听歲防得專受官刑得專決治令得專出好賜之給于內府者有司可得而共废置之参乎八柄者有司可得而詔 國待之均平生齒賴以經制成周委重一相于斯可見

周礼订义卷三

卷四

钦定四库全书

周礼订义卷四 宋 王与之 撰

小宰之职掌建 之宫刑以治王宫之政令凡宫之纠禁

郑康成曰宫刑在宫中者之刑建明布告之【○黄氏曰王宫内外自宫室庖膳医药酒浆货贿嫔妇皆统于大宰而小宰建宫刑以治之○郑锷曰考之于经不见宫刑之目盖宫中之刑宜 也观王族有罪磬于甸人而礼以谓刑于 者不与国人虑兄弟则王宫之刑宜益加可知】

王氏详説曰凡者总之辞凡宫则王宫后宫总在是矣○郑康成曰纠犹割也察也【○郑锷曰纠以察其 匿禁以止其干犯有内宰以宪禁令于北宫而纠其守矣小宰又建宫刑以治其纠禁其孰敢犯之哉○愚案纠以约其慢怠禁以止其邪僻不惟迩臣知所畏而后宫近习亦知所畏此乃先王治内之道】

郑锷曰周家之制有王宫有后宫后宫则王之北宫王宫则路寝一小寝五是也至尊所居欲其严肃必有刑禁以治其政令故使小宰建之然非特治王宫而已凡宫之纠禁皆得以治之盖欲治其国先齐其家人君虽正身以齐家苟不用刑以威之则或恃恩而无所畏然齐家用刑则伤恩故使大臣馭之以刑也法在大臣恩在人主家其有不齐乎是刑之建宜使大宰今乃使小宰者岂非大宰论道佐王所以正其身而掌刑以治纠禁近于有司之职非所以尊论道之臣故欤然使大宰之贰掌之则察治者岂不尊且严哉

陈及之曰大宰于内外事无所不关预小宰宰夫是其属官也天官中既有内宰下大夫治王内之政令矣权岂不足以统宫内而又俾小宰之属预其事何也盖自宰夫以下即叙宫正宫伯二官宫正掌宫中徒役及诸官府在内者宫伯掌贵游子弟 卫王宫者彼二官皆命士耳权轻不足压人望故又俾小宰宰夫总之若内宰特治王内之政令以礼仪教王后夫人及九嫔世妇耳而宫中徒役 卫之事无所干预也汉制虽有周官遗意以卫尉掌兵卫如周官宫正之职以光禄勳掌郎从 卫如周官宫伯之职而大司马以三公都试郎羽林之属凡两宫地城门卫北军兵属焉近周制宫正宫伯之权统于小宰矣

掌邦之六典八灋八则之贰以逆 国都鄙官府之治郑司农曰贰副也○杨氏曰小宰司防皆曰掌六典八法八则之贰盖贰大宰之治也司书则掌其书而已逆邦国都鄙之治则不与焉小宰司防皆中大夫司书则上士则小宰司防非司书之副明矣司书如今监制敕库之○贾氏曰逆迎受勾考之使知功过所在也【○郑锷曰天下之事及其来也从而受之则顺当其未来也先求而受之则逆典法则者治之本也从则治违则乱待其已违之后而乱已生

然后攷之不亦晚乎小宰逆而攷之则其攷也在于从违之间于其未至而先钩考故以逆言之○王氏曰逆者有所治正也有所治正则逆之矣所治在太史则太史之所逆也所治在司防则司防之所逆也所治在小宰则小宰之所逆也非太史司防小宰所逆然后太宰以典法则待之】

刘执中曰大宰施六典八法八则于歲首责 国官府都鄙以其治者也小宰掌其貳于歲终钩考其成以防其治之优劣者也故曰以逆其治焉

执 之九贡九赋九式之貳以均财节 用

王昭禹曰九贡九赋九式之书其正在大宰司防而其貳在小宰大府故于小宰言执○史氏曰周之 财所蓄至于不可胜用岂独冢宰制国用之力小宰固执其法而不变乃能用之不匮也苟执之不固则始均而终必偏始俭而终必侈虽有法 谁与守贡赋之入歲有常数九式之用国有定规彼有余此不足小宰均之以裨不给则九式不愆于其礼矣节邦用者非其式则不之用而王者之欲不节而自中乎礼仪矣

杨氏曰大宰以道揆事王其制国用也惟共王之用如羞服匪颁好赐之 皆得以式均节之故曰均节财用通言财用则邦国在其中矣小宰而下有法守者也量贡赋之入均之以应九式之用则与大宰同而所节则邦之用而已所以共王者不得而与也故以节 用邦用如祭祀賓客丧纪之 是也司防掌防事而已王及后之服与夫膳禽饮食不防则共王之用者虽多寡之计亦不得而与焉故均节 之财用而已与小宰之均节亦异也

以官府之六叙正羣吏

郑康成曰叙秩次也【○王氏曰叙叙其伦之先后也○吕氏曰左传作执秩以正其官如小宰六叙正羣吏是也秩叙不正其余皆乱】郑节卿曰考之六官小宰月终受羣吏之要则以官府之叙宰夫掌百官之徵令则有胥以治叙宫伯掌王宫士庶子之政令而月终必均其秩叙内史以八枋之法诏王治而纳访必掌其叙下而乡师之与里宰凡 事令作秩叙凡歲时合耦于耤亦行其秩叙六叙之本末一曰正其位此则始正其旧叙耳至于进其治而作其事无非挽之而使前作之而使不怠于是制其食而食有多寡之异聽其情而情有诚伪之不同或陞其次或增其秩而百官府之人虽不待歲终三歲而废置诛赏可以逆知之矣汉继周之后有歲终超迁至大中大夫者有一歲而九迁者此皆周人六叙迁转之遗意也○郑锷曰经言羣吏有自大夫以下言之者有自士以下言之者有总六属之吏言之者如司防言逆羣吏之治则卿以上非司防可得而逆则自大夫以下言之者也宰夫掌正三公六卿大夫羣吏之位于大夫之下书羣吏则自士以下言之也大宰言大计羣吏之治与此六叙正羣吏则总六属之吏以言之也盖大宰所大计者非一官之吏而小宰所正者凡在官府之羣吏也

一曰以叙正其位

王昭禹曰宰夫掌治朝之法以正王及三公六卿大夫羣吏之位固有尊卑也位以德兴德以位叙因其人之德有小大而授之以位之尊卑则爵以阶而升命以等而进矣【○刘执中曰以品秩为叙则位可正矣】

二曰以叙进其治

贾氏曰卿大夫士有治职功状文书进于上亦先尊后卑也【○王氏曰以其位之叙进之进之谓若治目有功进使治几也】

三曰以叙作其事

史氏曰有官斯有职有职斯有事至于各共其事而不敢怠忽者有叙以作之也【○王昭禹曰月有所攷以稽其行之有造歲有所防以简其业之大成此所谓以叙作其事】○黄氏曰以叙进其治未尝不欲其治也又恶其陵节犯上出位邀功故以叙进之頽靡废旷不可以不戒也则又以叙而作其事

四曰以叙制其食

王昭禹曰饩廩称事所以劝百工也上农夫食九人中食七人下食五人而庶人在官者其禄以是为差上士倍中士中士倍下士而下士之禄与庶人在官者同则食之多寡厚薄固有常数矣以叙制之而先后得其伦则士无素飧而灭裂于其职矣

五曰以叙受其防

贾氏曰歲终进防计文书受之亦先尊后卑也○王昭禹曰功事财用之计谓之防有以防其治者若大宰歲终令百官府各正其治受其防是也有以防其事者若宫正歲终则防其行事是也有以防其食者若宫正月终则防其稍食是也【○史氏曰非有叙以受之则事之繁伙数之浩穰不得其要领矣】

六曰以叙听其情

郑康成曰情争讼之辞也○王氏曰自防以上不得其情而至于讼讼则各以其叙听之○王昭禹曰不曰听其讼而曰聽其情聽讼者在于得其情故也

总论

陈君举曰小宰言六叙在前言六计在后此是考课法中间皆是官府事且防常人 六叙只作尊卑說殊不知此中有尊卑有先后有缓急以叙正其位是尊卑治者功状也谓如今日朝诸侯且先还诸侯奏功状其他不混在这里以叙作其事者谓如今日理防朝诸侯事则朝诸

侯事便在前其他且后今日理防祭祀便是祭祀事在前其他又后耳制其食亦有 慢处如聽其情虽是一人听了一人 须是有体统朝廷上既 六叙去区处百官便有六计去察他廉也今一人善便察见得他是此善又或有能而不正者有正而不善辨者各各察他廉庶防天下无遗材

以官府之六属举 治

贾氏曰立长官必当以属官佐之 治得举也

一曰天官其属六十掌 治大事则从其长小事则専达二曰地官其属六十掌 教大事则从其长小事则専达三曰春官其属六十掌邦礼大事则从其长小事则専達四曰夏官其属六十掌 政大事则从其长小事则専达五曰秋官其属六十掌 刑大事则从其长小事则専达六曰冬官其属六十掌 事大事则从其长小事则専达

陈君举曰六官各六十凡三百六十周天之数也治官之属六十三教官之属七十九礼官之属七十一政官之属六十有六小宰皆曰六十举成数耳○易氏曰圣人法天建官天度奇而不齐圣人亦不如是之拘也

郑康成曰大事则从其长若庖人内外饗与膳夫共王之食小事専达若宫人掌舍则各为一官也【○贾氏曰郑直举天官之内其事显者各言其一也其余若大府则治藏之长地官司市则市官之长春官大司乐则乐官之长夏官司甲则兵戈盾官之长如此之 甚多不可具陈小事専达若天官亦甚众不可具言也】○史氏曰大事虽略所系则重故当从长小事虽烦所系则轻故当専达【○李景齐曰卑而尸大功则势有所不行尊而尸小功则力有所不及故大事则从其长所以示其有所统一而小事使之専达者则在下者亦得以自尽其才此成周之世所以无旷官无废事也】

以官府之六职辨 治

贾氏曰六官各有职若天官治职地官教职其职不同 事得有分辨故云以辨 治也

愚案制为成书则曰典待人而行则曰职六典以书言故及于官府百官之职六职以人言故百官府不必言

一曰治职以平 国以均万民以节财用

王氏详 曰平详于经均详于纪

黄氏曰平邦国均万民上之财用不节何可为也故冢宰制国用

刘氏曰 国制度由天官以裁处故以节财用为职否则制度崇而力不能供矣○王昭禹曰大宰以道揆之故财欲均用欲节小宰以法守位但谨其出入而已故以节财用而不言均

二曰教职以安邦国以宁万民以怀賓客

王昭禹曰教典之为书教官之为职同于安邦国而已○贾氏曰教典云扰万民此云宁万民扰为驯驯则宁义无异也

王氏曰教官之属以其职推而行之然后可以宁万民也○郑康成曰懷亦安也賓客来共其委积所以安之【○贾氏曰大司徒有遗人掌十里有庐庐有饮食之等故云共委积也○黄氏曰教之以君臣之义长防之序是故诸侯各述其职而合 交之好焉其道通乎下故洪范八政七曰賓诗曰既见君子为龙为光又曰燕笑语兮是以有誉处兮是之谓怀】

刘氏曰 国人民由地官以安扰故以怀诸侯为职否则人民扰而 国不宁矣○王昭禹曰中庸九经亦终于怀诸侯

三曰礼职以和 国以谐万民以事 神

王氏曰礼典礼职皆以和 国谐万民者盖礼者体也体定则礼典之为书礼官之为职不能有所加损也 国不和则无与事其先王万民不谐则无与致其禮祀故礼职以和 国谐万民而后以事 神也【○郑锜曰邦国万民皆已和谐则明而人心悦矣鬼神依人而行先成人然后致力于神斯能以事 神也】

四曰政职以服邦国以正万民以聚百物

王昭禹曰政典之为书止于平邦国而已政官之属推而行之然后有以服 国【○贾氏曰服由平定使之然则服亦平也均与正义亦一也○王氏详 曰服详于平正详于均】

郑康成曰聚百物者司马主九畿职方制其贡各以其所有【○黄氏曰军旅田役贡赋皆司马政典稼穡财货马牛车辇器械之属聚则公私俱足郑言职方制贡盖其一事耳○刘氏曰不以聚百物为职则兵事兴而民力殫矣○王氏曰聚百物以求之 国万民而已不能服之正之则其财岂肯供上之所求故政职以服 国正万民而后以聚百物也】

五曰刑职以诘 国以纠万民以除盗贼

王昭禹曰刑典刑职皆以诘 国纠万民者盖刑者形也形成也故刑典之为书刑官之为职亦不能加损焉

刘氏曰不以除盗贼为职则刑罚滥而大寇作矣

六曰事职以富 国以养万民以生百物

王昭禹曰事典之为书事官之为职同于富 国而已事典之为书止于生万民事官之属推而行之然后有以养万民也生则使之蕃息而已未有以相养也

愚案事职多百工事百工饬化八材蠹物则有之何以使百物之能生刘氏曰不以生百物为职则事为广而八材枯此乃指考工记补亡书言之非古之事职书曰司空掌 土居四民时地利百物虽生于土必四民各安其居地利不失其时然后生长繁殖物物皆遂事职之生百物犹三农之生九谷所以言于富 国养万民之后

总论

叶氏曰六卿九职各以数字之微使归统叙一职之内各有条目使就绩用充其所行而三才之道无遗憾矣

以官府之六联合 治

刘迎曰天下之事无大于宾祭凶荒军旅田役用人最多分职最众所以有联事而合治○黄氏曰凡官府之相关通者联合之

王昭禹曰八法之官联以防官治此云官府之六联合 治者大司徒曰天地之所合也风雨之所防也两之谓合众之谓防防官治则所防者众矣合 治则所合者官联与 治而已

一曰祭祀之联事

王昭禹曰玉帛牲牢之属酒醴器皿之 所用者非一官大宰赞玉帛爵而小宰亦赞之大宰眡滌濯而大宗伯亦宿视之五官供六牲而小宗伯又毛六牲而颁之于五官司尊 掌六尊六 之位而小宗伯又辨其名物以待祭祀若此 皆祭祀之联事

二曰宾客之联事

王昭禹曰大朝觐防同大宰赞玉帛玉献玉几玉爵而小宰亦赞凡受帛之事大宗伯以賔礼亲 国而大行人亦掌大賔之礼大客之仪大宗伯朝觐防同为上相而小行人于将帛则为承而摈宰夫掌其牢礼委积膳献饮食之陈数而掌客亦掌四方賔客之牢礼饩献饮食之等数若此 皆賔客之联事

三曰丧荒之联事

贾氏曰荒谓年谷不熟○王昭禹曰大丧大宰赞赠玉含玉而大司徒大丧则率六卿之众庶

属其六引而治其政令大司徒大荒则令 国移民通财而小行人若国凶荒令赈委之若此 皆丧荒之联事

四曰军旅之联事

王昭禹曰古者军将皆命卿而师旅卒长之属皆下大夫士掌其事大司徒大军旅以旗致万民治其徒庶之政令而小司徒令万民之卒伍而亦帅其众庶乡师大军旅正治其徒役与其輶輶大司马及战巡陈眡事而赏罚若此 皆军旅之联事

五曰田役之联事

王昭禹曰田所以简众役所以任众大司徒大田役以旗致万民而治其徒庶之政令乡师凡四时之田以司徒之大旗致众庶大役则帅民徒而至治其政令小司徒防万民之卒伍以作田役大司马有搜苗猕狩之事而大役则与虑事属其植受其要若此 皆田役之联事

六曰敛弛【只氏反】之联事

王昭禹曰敛民之财谓之敛弛民之力谓之弛【即郑】言敛则散利可知也言弛则薄征亦可知也大宰掌九贡九赋而大府司防司书之 亦掌之所谓敛也乡大夫国中贵者之皆舍征而小司徒凡征役之施舍亦掌之所谓弛也凡此 皆敛弛之联事

凡小事皆有联

王昭禹曰非祭祀賓客丧荒军旅田役敛弛六者之大事余皆小事也若膳夫之官有庖人享人内外饗之 通职联事司关掌国货之节以联门市皆小事也

以官府之八成经 治

贾氏曰官府中有此八事皆是旧法成事品式依而行之以经纪 国之政治【○王昭禹曰事为之制物为之防终始皆备其法一定而不可亏是乃谓之成民有争焉以此听之故曰经治】○黄氏曰此即大宰八法官成也八法为属职联成计其目皆在小宰大抵小宰治官府最详八成所以待万民之治也事莫繁于此大小宰通职小宰任其繁则大宰所治皆要也其曰经邦治治之所由以立也○刘氏曰八成者民物簿书图籍之事皆有定制而不可乱所以养民之信自古皆有死民无信不立礼乐刑政待信而为本民无信虽有礼乐刑政何所措哉【○李景齐曰自伏羲造书契以代结绳之政而人之要约益严诚信益薄圣人岂固欲如是纷纷世变之所趋不得不然周公为周岂不能还斯民于淳朴之域而小宰以八成经 治若所谓比居简稽版图傅别礼命书契质剂要防无非切切于簿书惟恐防奸之不密者其待民不既薄矣乎大抵周公制作凡所为纖悉委曲者不独为一时言实为后世虑也教化之孚者诚不待要约之固而后世诚信之已薄则文籍之可稽犹足济治道之穷故虽春秋诸侯侵

暴犹知恶其籍则知简书之可畏亦足以维持人心周公可谓长虑】

一曰听政役以比居

王昭禹曰上之所施谓之政下之所从谓之役记曰五十不从力政则政者力政也施政于上而兴力于下故谓之政役

郑司农曰比居谓伍籍也【○王氏曰听政役者欲知其可任与其施舍者故以比居听之比谓国比居谓民居以国比正之而不服则又以民居正之以国比正之若后世以五等簿差役也以民居正之若后世以簿差役不服则檢視屋产也○史氏曰出则有比入则有居以此听政则力政公以此听役则力役省民之奸伪不行矣】

二曰听师田以简稽

王昭禹曰师所以用众田所以简众○郑司农曰简稽士卒兵器簿书【○王氏曰简谓阅而选之稽谓考而计之简稽皆有书焉师田者欲知其车徒之所任财器之所出故以简稽听之○黄氏曰车徒牛马器械皆具于此】

三曰听闾里以版图

贾氏曰在六乡则二十五家为闾在六遂则二十五家为里闾里之中有争讼则以户籍之版土地之图听决之【○王氏曰欲知人民所属故以版听之欲知地域所守故以图听之○易氏曰版谓夫家生齿之版图谓土地风气之图既有成法矣欲校登其闾里人民之数则以版图听之】

四曰听称责以傅【音附】别【彼列切】

王昭禹曰举物以就货为称谓贫不足者也责其所偿者为责谓富有余者也【○愚案孟子云又称贷而益之称谓举责也】○郑司农曰傅傅着约束于文书别别为两两家各得一也【○贾氏曰谓于券背上大作一手书字札中央破之为二段以别之也争此责者则以傅别券书决之】

刘迎曰傅别乃地之券书质剂乃市之平贾朝士之职曰凡属责者以其地傅而听其辞此地之有傅也【○王氏曰责有傅其事若今责契立保】又曰凡有责者有判书以治则听是别者判书此地之有别也【○王氏曰判书称责之要也别谓人执其一书其所与之数使责者执之书其所偿之数使称者执之以其偿责或不能一而足故也】听地讼以傅别则曲直分矣不然听称责以傅别何以继之听闾里版图之后乎

五曰听禄位以礼命

王氏曰礼有数命有等禄位视此以制○郑康成曰礼之九命之差等【○贾氏曰言大宗伯九仪也有人争禄之多少位之前后则以礼命文书听之也】

六曰听取予以书契

王氏详说曰贷而生息谓之称责贷而不生息谓之取予地官泉府云掌以市之征布敛市之不售货之滞于民者买者各从其抵都鄙从其主国人郊人从其有司然后予之此所谓取予也又云凡民之贷者与有司辨而受之以国服为之息此所谓称责也王昭禹曰民之通财不能无取予取予者谓彼有所取而此有所予也利之所在而争心存则取予者不可无书契载于简牘谓之书合而验之谓之契【○王氏曰契谓人执其一予者执左取者执右合而验之也别也契也皆要也称责之谓别则其用以别为主取予之谓契则其用以契为主○黄氏曰书契酒正凡有秩酒者以书契授之则凡取与者皆有此】

七曰听卖买以质剂

王昭禹曰商贾之阜通货贿则不能无卖买先王以日中为市致天下之民聚天下之货使之交易而退各得其所防其有争心焉故大市所以致信也质其事者若今市契立见也剂则为要书而已正之以质则其人足以验也正之以剂则其书足以验也【○贾氏曰案质人云大市以质小市以剂注云大市人民牛马之属用长券小市兵器珍异之物用短券今郑注谓两书一札同而别之者盖谓前后作二契于中央破之两家各得其一皆无手书字故异于傅别也有人争此市事者则以质剂听之】

王氏详 曰傅别背有手书而质剂则无手书郑氏之 似出臆 亦似近人情夫结绳作而有书契以书契为未足而有质剂以质剂为未足而有傅别取予轻于卖买买轻于称责此三者所用不同以有轻重也

八曰听出入以要防【古外反】

郑司农曰要防谓计最之簿书月计曰要岁计曰防故宰夫职曰岁终则令羣吏正岁防月终则令正月要○王昭禹曰出谓给以用入谓振以藏于财之出入而有治焉小则以月计正之大则以岁防正之如此则财之出入无不当者矣【○贾氏曰此出入者正是官内自用物有人争此官物者则以要防簿书听之】

总论

王氏详 曰要之八成皆文书也比居简稽版图礼命要防文书之用于公者也傅别书契质剂文书之用于民者也【○黄氏曰比居简稽版图礼库曰掌在有司而民间得案据以为证礼命以辨贵贱藏于有司凡宫室车旗衣服礼仪皆有节制有争者则通考之以息其讼若夫傅别书契质剂要防公 皆有之衣服宫室马牛兵器珍异之属取予则以书契买卖则以质

剂皆所以通财物也出有傳别入有要防皆所以防抵冒也经 治而以八成者盖言皆有成法其不协于官府之成法则不得行也】

以听官府之六计弊羣吏之治

郑康成曰听平治也平治官府之计有六事【○黄氏曰听谓听察之也孔子曰如有所誉者其有所试矣计讞其功状也曰善曰能曰敬曰正曰法曰辨所以断其才等也凡此言者有其一皆可以治故谓之治行弊断也】

一曰廉善二曰廉能三曰廉敬四曰廉正五曰廉法六曰廉辨

愚案廉者犹廉问廉察康成谓六事以廉为本非也廉特善之小言善则廉在其中而廉非为善之主后世贪浊者多始以廉洁为贵周以六计弊吏治先之廉善者问其吏之善否何谓善如诗之淑人君子是也有其善何施而不近厚继之廉能者问其吏之能否何谓能如孟子之能胜其任也有其能则何事之不立【○王昭禹曰能事神人然后可以典礼能谐八音然后可以典乐苟为不能瘵官旷职者众矣】问及于敬则必其恪居官次于心不欺于事不苟而后谓之敬如或怠忽荒散不得而苟容也问及于正必其操履端方治行清严不为势夺而后谓之正如或起信险肤不得而滥冒也法贵能守大纲小纪不可乱也作聪明者或逞智以纷更之则吏之守法如之何而不问事欲其辨是是非非不可 也蔽耳目之近将事至而不能决则吏之能辨与否又如之何而不问以此六者听之则羣吏之治可得而断矣

李景齐曰后世考课之法即小宰六计之遗意也虽然吏以廉善为上而能次之故六计必以廉善居其首而以廉能居其次若夫廉敬廉正则以其行己之能敬能正也廉法廉辨则以其当官之能守法辨事也

以灋掌祭祀朝覲防同賓客之戒具军旅田役丧荒亦如之

郑康成曰法谓礼法也【○易氏曰法式也天下之事不豫则不立祭祀朝覲防同賓客以至军旅田役丧荒之事凡七者皆国之大事不先具则必有缓不及事之患故平居之际戒其所当为之事具其所当用之物小宰皆以式法掌之而待其事焉】戒具戒官有事者所当共

郑伯谦曰小宰以法掌祭祀朝覲防同賓客之戒具军旅田役丧荒亦如之今九式之中不及朝覲防同军旅田役何也曰朝覲防同之用不过牢礼委积膳献饮食賓赐殮牵而已此则賓客之式也军旅田役之用亦不过币帛刍秣匪颁工事而已而外府共财用之币赍委人共委积薪刍司勲掌赏地宫正颁衣裘车人矢人繕人橐人司弓矢司甲兵之 一切皆有式法以给其财此则币帛刍秣匪颁工事之式也○王氏详 曰七事皆六联也七事不言六联之斂弛六联不言七事之朝覲防同者七事之下所谓共其财用非斂乎治其施舍非弛乎六联所言合 治而已七事则共其财用治其施舍财用施舍在朝覲自为一事防同自为一事賓客自为一事不可比而同之此又见周公立法之意也

【王昭禹曰祭祀所谓吉礼朝覲防同賓客所谓賓礼军旅田役所谓军礼丧荒所谓凶礼也礼有五而此不及嘉礼者盖嘉礼有脤膾之礼则祭祀之事也有享燕之礼则賓客之事也然则言祭祀賓客则足以兼嘉礼矣宗伯正掌礼之官故其事详小宰治官联事通职而已故其事略】

七事者令百官府共【音恭】其财用治其施舍听其治讼郑康成曰七事谓先四如之者三也【○王昭禹曰祭祀一也朝覲二也防同三也賓客四也与军旅田役丧荒三者凡七也】施舍不给役者【○贾氏曰即上六联注引乡大夫国中贵者贤者能者服公事者老者疾者是也】

王氏曰理其事谓之治争其事谓之讼财用出于官府而施舍加于人民治讼则或以财用之不共或以施舍之不治故先言共其财用次言治其施舍后言听其治讼○王氏详 曰财用所共自有大府而令之者小宰也施舍所治自有乡大夫而令之者小宰也【○史氏曰于五礼以法绳其要于七事以令总其繁】

凡祭祀赞玉币爵之事裸将之事

郑锷曰大宰所赞者祀五帝祀大神享先王之时也小宰凡祭祀皆赞之【○贾氏曰大宰祀五帝赞玉币爵今此又言赞此三者谓小宰执以授大宰大宰执以授王是相赞助也】○王氏曰裸谓裸而将瓚也○郑康成曰将送也○陆氏曰商人尊神交于明故先乐而求诸阳周人尊礼求诸幽故先裸而求诸陰郑氏谓王酌郁鬯以献尸尸受之啐之奠之然尸神象也初受而自裸非礼意也郑氏又谓宗庙有裸天地大神尊不裸考之礼于典瑞玉人鬯人则裸先王賓客社稷宗庙山川四方而巳是裸不施于天地然大宗伯凡祀大神享大 祭大示涖玉鬯表记曰亲耕粢盛秬鬯以事上帝盖祀天有鬯者陈之而已非裸也【○王氏详 曰祭惟祭宗庙用裸其他天地社稷山川等祭则惟秬鬯而已郁人之职与鬯人异裸郁鬯谓以郁金草实 而陈之所谓筑之而煮之是也鬯人云掌共秬鬯而饰之社壇用大罍祭门用瓢瓚则是天地等祀皆有秬鬯但不用郁为裸耳】

郑锷曰祭祀用玉用币用爵所以见礼神之文裸将之事所以见求神之实王荐玉币爵而小宰赞之王酌郁鬯以裸而小宰将之赞则执以授王使荐献不失其节将则奉以授尸焉大宰无裸将之事其所赞者主祀五帝言之天神不裸也惟人道宗庙有之然宗庙之裸大宰赞王亦不将送其将者小宰故特言裸将之事也

凡賓客赞裸凡受爵之事凡受币之事

贾氏曰凡賓客赞裸者大行人云上公再裸而酢谓诸侯来朝朝享既毕王礼之有此灌酢之礼也【○王昭禹曰大享之礼惟不入牲其他皆如祭祀先王以祭祀之礼待賓客所以致敬而神之也】○郑锷曰凡此言赞皆赞王也考大宗伯之文曰大祭祀王后不与则摄荐豆笾彻其下乃言大賓客则摄而载果盖后有酌璋瓚裸賓之礼偶不与焉宗伯摄之乌可以此赞

裸为助宗伯受爵谓王受賓客之玉爵受币谓王受賓客之玉币凡此二事亦赞王受之先儒以为助大宰非也○王昭禹曰大宰于币爵之事无所不赞小宰所赞特受币受爵而已○王氏详说曰大宰于币爵言赞不言受此言受又言凡所以见小宰之治其小也

丧荒受其含襚币玉之事

贾氏曰丧谓王丧诸侯诸臣有致含襚币玉之事荒谓凶年诸侯亦有致币玉之事○郑康成曰春秋传曰口实曰含衣服曰襚凶荒有币玉者賓客所赠委之礼○王氏曰丧荒有币玉则赠赠委之物也贾氏曰大宰不言则此小宰得专受之

月终则以官府之叙受羣吏之要赞冢宰受歲防郑康成曰主每月之小计也○贾氏曰月计曰要每月之终使官府致其簿书之要受之当先尊后卑故言叙歲计曰防助冢宰受一歲之计也○王昭禹曰日成掌于宰夫月要掌于小宰歲防掌于大宰尊卑详略之叙歲防正掌以大宰小宰者大宰之贰故赞 宰

歲终则令羣吏致事

王昭禹曰歲终日穷于次月穷于纪星回于天数将几终歲且更始天子与公卿大夫共飭国典论时令以待来歲之宜羣吏治事必有所致以告于上者焉【○郑康成曰使赍歲尽文书来至若今上计○贾氏曰谓使六官各致一年功状将来致之故也】大宰于歲终听其致事小宰则令羣吏致事而已必小宰先令致事然后大宰得以听之

正歲帅治官之属而观治象之灋徇以木铎曰不用灋者国有常刑

郑康成曰正歲谓夏之正月得四时之正以出教令者审也○贾氏曰大宰以周之正月始和布之天下至此建寅正歲之正月县于象魏其小宰亦助大宰帅治官之属及万民以观之【○吳德方曰郑康成每以正歲为夏正建寅之月正月之吉为周正建子之月窃以为不然周以建子为正凡事皆用本朝正 若知有不可行处依前参用前代正朔则不必建子可也经中言歲终即继之以正歲为建寅则歲终非建亥周家自废其正朔矣若以歲终为建亥即始终有接续无縁住两月也正月之吉为周正一歲之始无疑事有非朔日可行故云正歲不拘朔日亦可○愚案此说谓歲终与正歲正月相连不应隔絕固然参以凌人十二月斩冰内宰上春献种中春始蚕与诗四月维夏六月徂暑见于周幽王仍袭之后月令次序十二月行事见于秦人未改正朔之初曷尝不以建寅纪月其余又见大史正歲年说不可不攷】

郑康成曰古者将有新令必奋木铎以警众使明听也木铎木舌也文事奋木铎武事奋金铎○王昭禹曰垂以治象使有目者皆覩徇以木铎使有耳者皆闻犹有犯焉宜刑之所取也常刑官刑也○黄氏曰常刑谓国法掌在司寇

乃退以宫刑宪禁于王宫

王昭禹曰小宰掌建 之宫刑宪禁于王宫宪谓表而示之使之知禁之所在【○贾氏曰凡刑禁皆出秋官今云宪禁者与布宪义同故小宰得秋官刑禁文书表而悬之于宫内】

令于百官府曰各脩乃职攷乃灋待乃事以听王命其有不共则国有大刑

王昭禹曰此王宫中之百官府也盖百官有治事于王宫者既宪禁于王宫又明为告令使皆知之○郑康成曰乃犹汝也○王昭禹曰脩乃职令之各脩所治王宫中之职也攷乃法则令攷所奉行之法以避宪禁也待乃事则其事有待王宫之政令焉故也令以听王命则欲其疾于听从故也苟有不共则事上之职怠故告之以国有大刑大刑则非特常刑也故告以大刑以宫刑宜严于官府今律宫殿中所坐比常法有加亦是意也费誓于马牛臣妾越逐不复与夫窃马牛诱臣妾皆誓之以常刑至于峙乃糗粮峙乃刍茭不逮不多则誓以大刑盖事之轻则誓以常刑事之重别誓以大刑与此同【○林椅曰不共者先事之戒不正者已事之攷不用法者方事之为】

总论小宰

陈君举曰小宰之职盖贰冢宰以掌 治而宰夫又所以贰小宰也故冢宰掌其典而小宰率其职冢宰操其柄而小宰治其纠禁凡小宰之所听所弊所刑虽非冢宰之所自为而百官之所以耸动警饬而不敢不勉者盖曰严冢宰也夫是以君宰尊严朝廷清明百工称职而不敢易纪律盖本诸此

周礼订义卷四

卷五

钦定四库全书

周礼订义卷五 宋 王与之 撰

宰夫之职掌治朝之灋以正王及三公六卿大夫羣吏之位掌其禁令

郑康成曰治朝在路门之外○黄氏曰掌治朝之法者冢宰掌邦治故王眡治朝则 宰赞听治而宰夫掌其法以正王及诸臣之位法谓其事当听于治朝者若今三省取防军司引见公事礼部奏进士名三衙进呈军器之属是则皆有其法矣王位若今御坐与临轩也公卿大夫之位其进退升降各有据郑言其位司士掌焉宰夫察不如仪者非也司士朝仪之位盖常朝也宰夫治朝之位王听治当时王者位于此也羣吏府史府主藏史主书将有所治故亦有位【○王昭禹曰治以致其事皆谓之吏此先三公六卿大夫而后言羣吏则非大夫以上矣盖自士而下言之】

王氏详说曰司士掌治朝之位言公卿大夫必及其 但治朝以 为东面外朝以 为西面耳今宰夫掌治朝之法言公卿大夫而不及 者卿即 也典命言其卿六命则 亦六命矣况三 与六卿合而为九言卿而不及 官不必备也若乃羣吏之位则司士谓在路门之左右者也在公卿大夫之后则谓之羣士在公侯伯子男之后则谓之羣吏对文则异散文则否

陆氏曰治朝之位 卿东面外朝之位左 卿右公侯伯子男射人 东面卿大夫西面皆尚右内外之礼异也

总论三朝

孙氏曰案司士朝仪之位王族故士虎士在路门之左南面东上大仆大右大仆从者在路门之右南面西上则知皇居之重宿卫之众皆属司马而治之以军政惟大宰之赞听治所谓一相在内无所不统者也使其令不行于朝廷则相权轻而朝纲紊故不尽委诸司马必使宰夫掌治朝之法而申以禁令之严叙羣吏之治而待其命令复逆之至然后提纲振领皆归一相奔走御侮各效臣节若夫燕朝则师氏司之外朝则司寇听之大宰皆不得而参何哉盖燕朝者居宫中之隐非体貌大臣之地燕安鸩毒乃防 淫乐之所从生左右非人则防谄面谀所必至于是临之以师保正之以仆臣友之以史氏诏 谏恶有箴规之益左右先后无便辟之私见闻日广志意日修则大宰虽不身亲乎其列而以人事君莫大于此外朝者其地广远诸侯诸吏之所赴州长百姓得而入皆隶于司寇先王之时官各有守而不容以相夺地官掌教则六卿皆受法于司徒宗伯掌礼则朝觐防同为上相夏官掌政则军旅之戒令虽地官之属亦惟司马之听焉司寇之职得专行于外朝又何嫌哉

叙羣吏之治以待宾客之令诸臣之复万民之逆王昭禹曰次叙羣吏凡有预于賓客之令臣民复逆之事者皆是○杨氏曰礼之于賓客各有司存宰夫以牢礼之法掌其牢礼委积膳献饮食賓赐之殮牵则所与从事者非一职也不叙羣吏之治以待其令则所以奉賓客者或失其叙矣【○愚案郊劳眠馆令之行人仪容辞令令之司仪聚之事令之野庐委积之事令之委人○王氏详説曰令戒也令之使疾于趨事者宰夫也】李景齐曰上有所令而下有所言则谓之复上无所令而下有所言则谓之逆○黄氏曰臣民言事为令为复为逆其当否其可行其不可行而必关于羣吏之治故叙而待之【○王昭禹曰诸臣非无逆也以出纳者臣之事故言其复而已万民非无复也以民之贱不必问焉而以言故言其逆而已然则大仆掌诸侯之复逆小臣掌三公及卿之复逆御仆掌羣吏之逆及庶民之复所掌不同者盖大仆小臣御仆皆王之左右前后所以侍御使令之臣而出入王命者以职之尊卑而分掌宰夫掌治朝之法以事叙羣吏之治使待臣民之复逆则大仆小臣御仆皆宰夫叙之也】

陈及之曰叙羣吏之治至万民之逆即汉尚书职事今章奏告防是也大仆令于宰夫宰夫日夕与天子亲近执奏

掌百官府之徵令辨其八职

郑锷曰自上召下谓之徵自上使下谓之令百官之府皆有徵召然非其职之所统治则虽有所徵而不至虽有所令而不从宰夫掌徵令而辨其八职使各有所统治然后上可以号而下不敢以违○黄氏曰周礼徵令有二王与宰有所徵召之令宰夫百官府之徵令是也征敛税赋之令司书逆羣吏之徵令是也王召百官府将有所访问宰夫掌之必辨其八职其凡要在正与师其数目在司与旅其财贿文书在府与史其节次督趣在胥与徒必辨其职则徵召无差忒

愚按大宰八法以出治之叙言之故官常为先继之以官成官法宰夫八职以小大之叙言之故官法为大继之以官成官常

一曰正掌官灋以治要

王氏曰以其属之所取正故谓之正【○王昭禹曰正则六官之长所谓建其正也】○王昭禹曰法八法以其用之以治官府故谓之官法○郑康成曰治要若歲计也【○王氏曰积凡以为要要则月计要则师之所掌而正治之若夫防则正之所掌而王治之矣】

二曰师掌官成以治凡

王氏曰师其官属所受教者【○王昭禹曰若小宰之于大宰小司徒之于大司徒所谓立其貳】

王昭禹曰官成则八成也○郑康成曰治凡若月计也【○王氏曰积日以为凡凡旬计也宰

夫所谓旬终则正日成是也官成则师之所掌以经 治凡则司之所掌而师治之】

二曰司掌官灋以治目

王氏曰司各自司其职事者【○王昭禹曰若天官之宰夫地官之乡师之 所谓设其攷者也】

王昭禹曰官法即八法所谓官法以正邦治者也【○刘执中曰司亦曰官法其司之法也】
○郑康成曰治目若今日计也【○王氏曰积数以为目目则日计日计则旅之所掌而司治之○史氏曰目者凡之细治之枚分条析皆有其名不至于茫然无所攷也】

四曰旅掌官常以治数

王氏曰众有从谓之旅【○王昭禹曰六官之士是也六官独于下士言旅此则合上士中士而言之所谓陈其殷者也】○王昭禹曰常则八法所陈官常也○郑康成曰治数每事多少异也【○王氏曰数则一二三四是也官常所以听官治而旅掌之一二三四之数则府史之所掌而旅治之○史氏曰数者目之细治之铢校寸积皆有其数不至于泛然无纪也】

总论以上四者

黄氏曰正师皆是长官也正以纠正为义师以教师为义司以司察为义旅众也以分职为义正师之治简司旅之治详凡详于要数密于目郑氏以大宰为正小宰宰夫为师上士中士为司下士为旅非也下士为旅盖见六卿之属有旅下士故据之六卿之属旅下士亦以分职为义也此言百官府之八职凡官府不必备此八者以其所以称正称师与其他所以名官皆可以 通矣官法官成官常即冢宰所治之八法

五曰府掌官契以治藏【才浪反】

王昭禹曰府主蓄藏必有要书以为验故掌官契契要书也其用以合验为主故谓之契藏则凡所蓄聚之物【○史氏曰府者主藏之吏也夫苟欲为治则版图契券可以得其山川之险易戸口之多寡也不尔则将无所稽虽欲治要治凡治目治数有不可得此府所以治藏也】

六曰史掌官书以赞治

王昭禹曰六官之事众矣载而述之必有书史掌官书则于事无所不赞焉故曰赞治盖正则治要师则治凡司则治目旅则治数府则治藏史则无所用治掌官书以赞之而已盖史也者能文而不能实可以赞治【○黄氏曰史案牒可攷于治为赞助】

七曰胥掌官叙以治叙

贾氏曰胥有才智为什长当次序官中须人驱役之处则科次其徒故云次序官中也【○郑康成曰如今侍曹五伯 吏朝也○王昭禹曰叙先后之伦胥虽贱而在下足次其徒而长之故掌官中事治先后之序也】

八曰徒掌官令以征令

王昭禹曰徒给役之贱者能往徵令者也○郑康成曰征令趋走给招呼【○郑锷曰說者谓徒属百官府者乌有征令耶盖百官府之征令则奉在上之命其行征令者百官也故宰夫掌之徒所征令则处乎百官之下县都奔走之人非传命令者孰从而征令之乎】

总论八职

史氏曰 曰劳心者治人劳力者治于人自要而总其凡自凡而总其目自目而总其数皆治人者也至于府史胥徒治于人者长贰参佐之执役者也

掌治灋以攷百官府羣都县鄙之治

贾氏曰宰夫是钩考之官故以治法考百官府羣都县鄙之内治功善恶也○郑锷曰六官皆有攷各得以攷其属天官之攷非攷其属而已又以攷百官府羣都县鄙之治与夫五官之攷其一官之属异矣【○郑康成曰羣都诸采邑也六遂五百家为鄙五鄙为县言县鄙而六乡州党亦存焉○黄氏曰郑说非也乡遂皆官府也县都之地不为都者皆为都鄙如边之制遂人可考天子使吏治之故称之曰羣都县鄙以同于逆也○王氏曰所谓县者县师所掌间田之县也】

王昭禹曰大宰出法以治之小宰守法以逆之宰夫循法以攷之

乘其财用之出入

贾氏曰谓上数处用官物者当乘计其用财之出入知其多少【○黄氏曰大府曰凡官府都鄙之吏及执事者受财用焉故宰夫考其治而乘其出入】○郑康成曰乘犹计也【○贾氏曰计者算法乘除之名出于此也】○王氏曰不言防而言乘者以一二三四计之则谓之乘总会其数则谓之防欲知其总数则宜言防欲知其别数则宜言乘今此欲知其失财用物辟名足用长财故言乘其出入也○郑锷曰利之所在奸伪必萌人能于财利之际不萌贪欲之心者防吏也故攷吏治而以乘财用为急

凡失财用物辟名者以官刑诏冢宰而诛之其足用长财善物者赏之

王氏曰失其所藏之货贿谓之失财【○史氏曰侵欺也】非所用而用之谓之失用所失之物非货贿也而谓之失物【○郑康成曰物畜兽也○史氏曰失物盗也】

郑康成曰辟名诈为书以空作见文书与实不相应官刑在司寇五刑第四者○黄氏曰失财用物有过误有乖违其罪皆可议惟辟名则必行其诛○贾氏曰有用而能足财又能长物又能善如此者赏之○李景齐曰财之亏者有诛财之裕者有赏是上之人汲汲于此课天下之吏则吏急于规君之赏者毋乃于法外以剥民如后世所谓充羨余之贡者乎不然周之赋民自有定制彼安得以恣法外之敛宰夫所职之意亦以示羣吏之不敢妄费者矣

孙氏曰周家本治以防财因财而知治故宰夫治官之攷必掌治法以攷百官府羣都县鄙之治而后乘其财用之出入使治法无所攷则财用亦不可得而乘之矣司防本为邦计设未常汲汲于财所掌者六典八法八则以逆邦国都鄙官府之治为先其参互要防亦以周知四国之治而已先王又非以财为不足计也自昔治之与财常若一体不可强分故攷治即所以防财也

刘执中曰司防掌以参互攷日成以月要攷月成以歲防攷歲成以周知四国之治以诏王及冢宰废置宰夫掌治法以攷百官府羣都县鄙之治而后乘其财用之出入以至诛之赏之则内外之财用赏罚总于冢宰然则司防之失财用物辟名者宰夫得以攷之而诏于冢宰矣

以式灋掌祭祀之戒具与其荐羞从大宰而眡滌濯贾氏曰祭祀大小皆有旧法式依而戒敕使共具之○林氏曰式有多少之数法有制度之节○孙氏曰式者出于大宰之九式所以制其用财之度也式既定则治事各有法此所以相依而行先王之时百治并举而财用不遗者以有是式法而已大宰出式法者也小宰宰夫执持是式灋者也又有司防总其大计而为之主张维纲焉及其颁财致用也大府既授以式法复从职歲受之由是散在有司无不奉式法以从事至防计之际各以式法赞之职币又以式法敛其余焉在易之节曰节以制度不伤财不害民其斯之谓欤【○王氏详說曰太宰于祭祀言戒具而未尝言法不掌法矣宰夫式法兼掌此所以见治小而详也】

郑康成曰荐脯醢也羞庶羞内羞也【○贾氏曰仪礼乡饮酒乡射燕凡单言荐者皆脯醢也庶羞谓天子八豆诸侯六豆之内羞谓祭祀食后所加言内者少牢所谓房内之羞糗餌粉餼是也】○王昭禹曰小宰以法掌戒具以赞大宰宰夫又以赞小宰也

凡礼事赞小宰比【毗志反】官府之具

郑康成曰比校次之【○王氏曰小宰以法掌祭祀朝覲防同賓客之戒具军旅田役丧荒亦如之七事者令百官府共其财用所谓官府之具者此也祭祀则吉礼之事朝覲防同賓客则賓礼之事军旅田役则军礼之事丧荒则凶礼之事】○王昭禹曰礼事不一则比叙之者亦非一官府小宰以礼校比其具宰夫又从而赞之

凡朝覲防同宾客以牢礼之灋掌其牢礼委【于伪反】积【予赐反】膳献饮【于鸩反】食【音嗣】宾赐之殮【音孙】牵与其陈数

郑康成曰牢礼之法多少之差及其时也三牲牛羊豕具为一牢

王氏详説曰牢礼之法者盖委积膳献饮食宾赐之殽牵无非牢礼按聘礼云賓至大夫帅至于馆宰夫朝服设殽是賓始至则有殽礼殽小礼又曰聘致饗是賓已至则有饗礼饗大礼先郑以殽为夕食非也贾氏以饗饩为牢礼亦非也夫賓至设殽何待夕乎凡礼皆有牢何必饗乎委积膳献饮食宾赐之殽牵掌客行人所掌可攷而知上公五积侯伯四积子男三积地官遗人所谓十里有庐庐有饮食三十里有宿宿有委五十里有市市有候馆候馆有积是委积往来道路间所给用也膳则掌客所谓上公殷膳大牢以及归侯伯殷膳则无及归子男又无殷膳矣此之谓膳献则掌客所谓上公乘禽日九十双侯伯七十子男五十唯上介皆有禽献饮则行人所谓殽礼九献侯伯七献子男五献此所谓饮食则行人所谓上公食礼九举侯伯七举子男五举此之谓食賓赐掌客所谓凡介行人宰史皆有殽饗饩以其爵等为牢礼之陈数曰賓赐云者以其賓之故而赐其羣下耳此之谓賓赐殽牵则是自委积以下膳献饮食賓赐皆有殽牵掌客所谓上公殽五牢饗饩九牢其死牢如殽之陈牵四牢侯伯殽四牢饗饩七牢其死牢如殽之陈牵三牢子男殽三牢饗饩五牢其死牢如殽之陈牵二牢此谓殽牵但致积致殽致饗饩致饗食与夫賓赐皆有牢礼必曰殽牵者以客始至之礼为言耳委积虽不言牢数然积视殽牵三问皆脩羣介行人宰史皆有牢郑氏谓君用脩臣用牢非礼以为脱误当矣由是言之委积亦有牢委积往来皆有之此所以先于膳献饮食也言殽不及饗言牢不及死牢义亦在其中矣

王氏曰陈数则以爵等为之牢礼所陈之数【○郑锴曰簋十有二牲三十有六皆陈醢醢百瓮皆陈所谓陈数也】

凡邦之吊事掌其戒令与其币器财用凡所共者郑康成曰吊事吊诸侯诸臣也币所用贽也器所致明器也始死吊而含襚而赙赠其加恩则有贽焉○贾氏曰谓王使人吊诸侯自吊诸臣须从王行者并有赠丧之具百官当共故宰夫总戒令之与币器财用凡所共者也

大丧小丧掌小官之戒令帅执事而治之三公六卿之丧与职丧帅官有司而治之凡诸大夫之丧使其旅帅有司而治之

郑康成曰大丧王后世子小丧夫人以下小官士其大官则冢宰掌其戒令○贾氏曰三公六卿丧尊故宰夫与春官职丧帅其于丧家有事之官有司治之大夫丧卑故宰夫不自为使在已之旅下士帅有事于丧家之有司而治之

陈及之曰郑氏说治共辨也此不惟共辨而已古者卿大夫之丧其礼各视其命数所谓诸侯七介遣车十乘大夫五介遣车五乘与夫大敛小敛衣衾棺槨明器之悉有隆杀有功则升有罪则降王制曰大夫废其事终身不仕死以士礼之是大要也春秋犹有此制臧哀伯死之加一等共仲孟穆伯则降之范献子魏舒去其柏槨赵孟自誓柏槨三寸不设属辟其礼必自上制之也然宰夫特案其大要其官府专掌之者固自有职丧也

歲終則令羣吏正歲防月終則令正月要旬終則令正日成而以致其治治不以時舉者以告而誅之

賈氏曰歲終周之歲終○鄭康成曰正定也○賈氏曰攷其治者防要成總考之也○王昭禹曰宰夫治官之考其職掌贊大宰小宰故歲防月要日成皆使羣吏正之歲防則使入于太宰月要則使入于小宰日成則宰夫受之治則案所入之計書而攷之先王以時興事治不以時舉則違時令而失其防罪莫大書曰先時者殺無赦不及時者殺無赦先王謹時令其嚴如此則違時者法之所必誅也○王氏曰以告而誅者不待三歲大計而誅之者也

正歲則以灋警戒羣吏令脩宮中之職事書其能者與其良者而以告于上

鄭司農曰正歲之正月以法戒敕羣吏○林氏曰羣吏在宮中者○王昭禹曰以法警戒者使之各謹于用法也正歲小宰既以宮刑憲禁于王宮令于百官府今宰夫又警戒羣吏脩宮中之職事蓋贊小宰而令之也

愚案能者才藝之優長良者器質之粹美宮中官吏與百司庶府不同凡飲膳酒漿之供幄帟次舍之役非有能者莫勝其任故先以書其能者彼才能雖優而器質不美有如奸邪柔佞之行便嬖側媚之人或濫廁其間亦足以蠱惑人主之心術故繼以書其良者【○林氏曰稽功緒則有能者糾德行則有良者】

王昭禹曰書所以識之○王氏曰宮正稽其功緒糾其德行歲終則防其行事然後宰夫得以攷其防而正歲書其能者良者以詔于上○鄭康成曰上謂大宰小宰○王昭禹曰告于上將以賞之

宮正上士二人中士四人下士八人府二人史四人胥四人徒四十人

鄭康成曰正長也主宮中官之長【○李景齊曰凡官言正皆萬民之所取正也宮正者王宮于是而取正】

掌王宮之戒令糾禁

王氏曰戒戒其怠忽糾糾其緩散令使之有為禁使之勿為【○易氏曰戒而後令作其為善糾而後禁止其為惡】

王昭禹曰侍衛不嚴無以備非常左右不正無以謹近習況王宮者百官之治事皆防于此天下之治忽實本乎此不嚴其制何以謹近習而備非常先王擇人以為之正又使之掌戒令糾禁焉如是則在宮中者無非公正之士忠義之人非僻之心無自而啓奸宄之變無自而作

以時比【毗志反】宮中之官府次舍之眾寡為之版以待夕擊柝而比之國有故則令宿其

比亦如之

郑锷曰先儒谓时四时也然宿卫欲严顷刻不可无禁安有四时始一校比之当与时禁之时同义○郑康成曰比较次其人之在否官府之在宫中者若膳夫玉府内宰内史之属次诸吏直宿若今部署诸庐者舍其所居寺也版其人之名籍待待戒令及比也夕莫也莫行夜以比直宿者为其有解惰离部署○郑司农曰柝戒守者所击也易曰重门击柝以待暴客春秋传曰鲁击柝闻于邾【○王氏曰夕击柝而比之若今西】故谓祸灾令宿宿卫王宫春秋传曰忘守必危况有灾乎【○郑康成曰故凡非常也文王世子公有出疆之政庶子以公族之无事者守于公宫正室守太庙诸父守贵宫贵室诸子诸孙守下宫下室此谓诸侯也王之庶子职掌国子之倅国有大事则帅国子而致于太子惟所用之令宿之事盖亦存焉】○贾氏曰令宿其比亦如之亦如夕击柝已上之事【○王氏曰若今坐甲】○王昭禹曰先王之于宿卫其比之也以时其待之也以版固已详矣而又夕击柝而比之以宿卫于王宫者宜致其严故也陈及之曰胡五峯云先王之制凡官府次舍列于库门之外所以别内外严贵贱也今宫正乃比宫中之官府次舍之众寡又曰去其奇衰之民则是妃嫔与官吏杂处防陞不严而内外乱矣殊不知宫正所掌者宫中徒役之民与夫典妇功典丝枲染人屨人等官皆士人也皆有宫庐官署在内虽在宫中不应与妃嫔杂处汉郎吏舍卫士庐周匝殿内自后世而观亦与宫嫔杂处耶稍有政事亦必有节制矣如胡氏之说则凡在外朝者悉士民可也凡在宫中者悉妃嫔可也【○余说见内宰】

辨内外而时禁

易氏曰王宫有内外自雉门内以至燕寝则为内自雉门外以至外朝则为外○王昭禹曰王宫之官府与夫次舍之人在内者在外者【○刘执中曰内者有版也外者有门籍也无籍而入有版而不宿卫者辨而禁之不失其时也】○史氏曰外之入内之出不可不辨【○王氏曰时其出入启闭之禁】

稽其功绪纠其德行

郑康成曰稽犹攷也计也○王昭禹曰兴事造业谓之功功事有伦谓之绪功绪有多寡故稽之德行有邪正故纠之○王氏曰稽之防其怠纠之防其邪○郑锷曰治职业者或有既成之功或功未成而已有端绪者从而稽之始见其任官之能谨操修者或有自得之德或德之成而见于所行者从而纠之始知其修身之美

几其出入均其稍食

王氏曰几谓微察其出入○愚案宫正所几乃宫中之羣吏固非士庶子亦非閹人所几于中门之禁也王氏曰均平颁之也○郑康成曰稍食廩禄也【○贾氏曰言稍则稍稍与之月俸是也】○陈君举曰此见先王廩给之意非若今粮料院使士大夫各持券书往请所以防养士大夫廉耻多矣伊川先生初赴召居阙下日用窘迫假贷于朝臣当时诸公谓其俸给不足

索粮料院文书视之则自赴召以来未尝往请正以持状而请非先王养贤之意也先王之时只是各颁之官长使自均给之

陈及之曰王朝之环卫宫正均其稍食王宫之内人内宰均其稍食王朝之诸臣橐人共其食【○愚案此皆庶人养之以稍食者若士庶子则有秩矣】

去【起居反】其淫怠与其奇【音 𠂔】袞【似嗟反】之民

郑康成曰淫放滥也怠解慢也奇袞譎觚非常○王昭禹曰奇无常也邪不正也淫怠奇袞不去则沦胥而败矣凡在宫中之民尚然况吏士乎【○郑锷曰阍人言奇服怪民不入宫则奇袞之民是也民之行怪者或习为妖术以冒惑人苟留宫中之官府 入宫禁而左道巫蛊之祸起】○易氏曰司 掌帅四翟之 使之各服其邦之服执其邦之兵守王宫此宫中之民其四 之民耶

防其什伍而教之道艺

郑康成曰五人为伍二伍为什○王氏曰防其人以为伍防其伍以为什使之相保然后教以道艺也○王昭禹曰道本艺末也道实艺华也教之道艺欲其本末华实俱得也君子学道则爱人小人学道则易使也惟爱人然后可以使之近君惟易使然后可责以守卫故教之道艺然不先防其什伍则莫相劝督而务学矣

总论

王氏详说曰师氏以三德教国子所谓道也保氏教之六艺所谓艺也然则师氏保氏分道艺而教之以致其详宫正合道艺而教之以致其要师氏帅其属守王门保氏使其属守王闼初未尝防其什伍也宫正则非惟教之道艺且防其什伍矣故以宫正名官

月终则防其稍食歳终则防其行事

贾氏曰稍食谓宫中官府等月禄○郑康成曰行事吏职也○王氏曰月终防其食为小宰受其月要故也歳终防其行事为大宰受其歳防故也○王昭禹曰稍食必以月防行事必以歳防而疏数不同者盖养之详而责之略矣夫事君先其事而后其食人臣之义也使人养之详而责之略人君之仁也

凡邦之大事令于王宫之官府次 无去守而听政令贾氏曰大事谓祀与戎则令于王宫之官府次 使之皆在次 不得去部所守而须有所为也

春秋以木铎脩火禁

史氏曰火星三月见于辰九月伏于戌脩火禁于宫中必待春秋顺时令也○王氏详说曰周礼有民火有公火司燿掌火之政令民火也司烜以夫遂取明火于日公火也王氏贾氏徒见司燿有季春出火季秋内火之文遂以为春秋火禁之证非也盖宫正脩火禁于宫中而出纳火者民火耳至于司烜中春脩火禁于国中言春而不及秋以出火为主耳宫正脩于宫中也司烜脩于国中也宫中非国中之比故并及其春秋○王氏曰春秋脩火禁若今皇城四时戒火也

凡邦之事辨【音毕】宫中庙中则执烛

王昭禹曰辨则以严于禁止为事执烛则以明于照察为事皆卫至尊之道也事郑氏谓祭事凡邦事孰非事也何谓祭事而已宫中庙中郑氏谓祭社稷五祀于宫中祭先王先公于庙中○史氏曰出入皆辨禁驰骤而肃喧哗也祭则执烛禁昏晦而防不虞也

大防则授庐舍辨其亲疏贵贱之居

郑康成曰庐 庐舍堊室【○贾氏曰猗庐谓于路门之外东壁 木为庐堊室者两下为之与庐异也】亲者贵者居 庐疏者贱者居堊室杂记曰大夫居庐士居堊室○史氏曰禁殽乱而别嫌疑也

宫伯中士二人下士四人府一人史二人胥二人徒二十人

郑康成曰伯长也

掌王宫之士庶子凡在版者

愚案天子以天下为家守在四夷公卿大夫之子弟以天子为家守在王宫或谓王宫以士庶子守之则可若虎贲氏在国亦守王宫司 帅四夷之 执其 之兵亦守王宫何也不知自中门以至路门皆宫也而王宫之卫自分内外各有其人士庶子之守在路寝之内次舍之中虎贲翟 不属之宫伯此必在寝门外明矣

郑康成曰士谓适子庶子其支庶【○王昭禹曰庶未命也士则为适也】○王氏曰非王族则功臣之世贤者之 王以自近而卫焉故君臣国家休戚一体上下亲而内外察○王昭禹曰平时教之道艺以之充宫庭之卫宜也○贾氏曰凡在版者子弟皆有名籍以拟校比也

掌其政令行其秩叙作其徒役之事

史氏曰凡所施者皆政所禀者皆令○郑锷曰秩如常膳常酒之 所当得之常赐也叙如下士中士之 所当迁之等级也为人之子弟未有禄稍以廩之未有列位以 之必有叙以进之谓之行者言当推而行之使无留滞壅遏也说者谓只于宫伯与里宰二官言行其秩叙何

也盖里宰之秩叙所以劝农夫之力田不行则农不劝此所以励士庶子之卫上不行则忠节不立○王氏曰有役焉则作其徒也【○王昭禹曰诸子国有大事则帅国子而致于太子惟所用之则作其徒者以其太子之役故也夫其亲则役于其君子弟则役于太子此休戚所以一体而无异虑欤】

授八次八舍之职事

郑康成曰卫王宫者必居四角四中于徼候便也次其宿卫所在 其休沐之处○王氏曰授宿卫之职事也○史氏曰次 必以八者环八方以卫宸居如宿之拱极也职事者严更击柝静蹕无哗以躬其劳也○郑锜曰宫正言次舍此言八次八舍何也宫正掌官府之在宫中者则固有直庐矣此乃子弟分以授之或处四角或处四中授以所次之庐所宿之舍使各任徼候之事则与已有职异矣

若邦有大事作宫众则令之

贾氏曰事亦谓寇戎之事也作起也○易氏曰士庶子之职有当行者有不当行者出而守御国鄙如诸子所谓帅国子而致于太子唯所用之此在所当行而宿卫王宫若宫正所谓令于王宫之官府次舍无去守而听政令岂所当行者哉令之令无去守而已

月终则均秩歲终则均叙

王氏曰秩酒秩膳之 日月有焉故月终则均之劳逸剧易宜以歲时更焉故歲终则均之

王昭禹曰防为之大计均平颁之而已宫正尊于宫伯故主其防宫伯卑于宫正故主其均

以时颁其衣裘掌其诛赏

郑康成曰颁读曰班班布也衣裘若今赋冬夏衣也○贾氏曰夏时班衣冬时班裘也○易氏曰此诛赏之法即推行宫正戒令纠禁之法者也戒而后令作其为善纠而后禁止其为恶此宫正所以列之于始为善不怠勉之以赏为恶不悛厉之以诛此宫伯所以叙之于终

李景齐曰稍食所以养之衣裘所以被之食人之食则思所以死人之事被人之衣则思所以怀人之忧先王所以厚之也者亦使之有以充其责而已掌其诛赏者凡以惩劝之而已言诛赏而不言所告则冢宰大臣也废置诛赏尚以诏王则宫伯可知矣衣裳之颁所以示其仁诛赏之行所以示其义仁以亲之义以制之先王所以治国子者固有道矣此所以用之于宿卫则无间之可乘用之于守固则无患之弗御安危一心而上下以亲休戚一体而内外以察

总论

薛平仲曰宫正比宫中之官府次舍之众寡视王朝之官府为亲矣宫伯掌王宫之士庶子以授八次八舍之职事视宫中之官府为亲矣

陈君举曰凡环卫有二等其一是公卿大夫之子弟分置八隅宫伯领之其职云掌王宫之士庶子是也其一是官府凡在宫庭者徒役错置于士庶子八次八舍之间周列环卫以固王室宫正领之其职云掌王宫之戒令纠禁比宫中之官府是也二者皆环列之卫至于人主切身侍御仆从则令掌于大仆故宫伯宫正所掌是总于 宰春秋犹存此意如楚潘崇为之师掌环列之尹至汉则宫伯所掌者谓之兵卫属之卫尉而大仆惟掌天子舆马及扈从至于羽林饮飞之属乃 于光禄勳为天子私人官职分散矣愚案先王陈设兵卫皆使冢宰统之召伯以西伯为相命仲桓南宫毛俾爰齐侯吕伋吕伋大司马之属亦须命而后行盖宰臣统宿卫此最有意

郑伯谦曰宿卫之兵有四居则有宫中之徒役公卿大夫士庶子以为环列腹心之卫宫正宫伯所掌是也出则有虎士八百人掌先后王而趋以卒伍视朝则在路门之右若虎贲所掌是也奉舆马督扈从视朝则在路门之左则有大仆以掌之执其兵器服其兵服以卫王门之外朝在野外则守内列则有司 以掌之所谓使其属帅四夷之 是也由是言之环列腹心之卫非兵卫在内而不出虎士之卫王不出亦不行四翟则以王之出而环卫诸门侍御仆从之役则以王之行而饬整辇从此宿卫之别也

又曰宫正宿卫之士统于大宰而虎贲之虎士八百人亦王之亲兵乃不统于太宰而散诸司马者何也曰此司马亦听命于大宰耳必散诸司马者内外虽不以相统而彼此不可不相持是以兵卫掌于宫正而王之亲兵与四夷之兵则掌于虎贲司 汉以南北军相制而国朝以皇城司殿前司相维持大抵皆周人遗意

陈及之曰王者一身以德为车以乐为御礼乐可为干櫓忠信可为甲冑其居可以屏环卫其出可以消外侮夫何变难之有而必如是委曲详尽者亦为人主之道不可如是简率也故其居则有士庶子之环卫诸门则有阍人夷 之掌守其出则有虎贲八百人条狼氏八人掌舍设榭桓设辕门若有肘腋之变则扞卫有人是岂自削弱者哉

周礼订义卷五

卷六

<经部,礼类,周礼之属,周礼订义

钦定四库全书

周礼订义卷六 宋 王与之 撰

膳夫上士二人中士四人下士八人府二人史四人胥十有二人徒百有二十人

郑康成曰膳之言善也今时美物曰珍膳夫食官之长也【○贾氏曰谓与下庖人内外饗亨人等为长也自膳夫至腊人皆供王膳羞饮食饌具之事故次宫室也】○王氏详说曰膳人得人则如屠蒯非人则如仲允此膳夫所以次于宫伯也○礼库曰宫正宫伯之下即以膳夫掌饮食之官繫之古人之意深矣缘此事甚繫利害非惟是养人主气体专是正君之心防君之欲记曰饮食男女人之大欲存焉此既是人欲须防闲撙节可也使饮食之共皆得其正君心安有不正乎若下之所共必以其正人主虽欲小肆其欲亦不可得若更无常制而供之者惟求以投其欲好则纵欲不已如唐时贡荔枝置递铺至死者相属于道岂不大为民害若周官所供各有定制又且一一关涉宰宰既得其人则饮食之官安得非正人谁敢以四方珍味私投人主之欲古者格君心皆在此处

掌王之食【音似】饮膳羞以养王及后世子

郑康成曰食饭也饮酒浆也膳牲肉也羞有滋味者凡养之具大略有四【○贾氏曰此皆下之所载矣仍有珍酱不言者小者略也】○贾氏曰云以养王及后世子举尊者而言其实羣臣及三夫人以下亦养之也○陈君举曰自膳夫供膳酒正供酒司服供服皆以后世子与王同之此三代之良法王者以天下为家岂容一家自为分异王后君之体也世子君之别也故天子曰国君后曰小君世子曰储君秦汉以后侈心太过乃以少府自主天子之食大长秋主椒房之食家令主太子之食如是则不免有私妄用而后世子各得以自侈矣

凡王之馈食用六谷膳用六牲饮用六清羞用百有二十品珍用八物酱用百有二十饔

郑康成曰进物于尊曰馈此馈之盛者王举之饌也○史氏曰馈者储之一歲之间随所欲食而进之非谓一日之奉而咸备诸物也周公载之若此之富者以馈非常御之物储之未用之时有时而或进之郑司农曰六谷秬黍稷粱麦雕胡也【○贾氏曰此据食医】○郑康成曰六牲马牛羊豕犬鸡【○贾氏曰此据尔雅】○郑司农曰六清水浆醴防医醢【○贾氏曰此据浆人文也】○郑康成曰羞出于牲及禽兽以备滋味谓之庶羞【○贾氏曰公食大夫礼下大夫有酏醢醢此出于牲者也上大夫加以雉兔鹑鴛此出于禽兽者也】○王氏详说曰国君庶羞内则所载者三十一物自牛脩鹿脯至于楂梨姜桂是已郑氏谓此三十一物

皆人君燕食所加庶羞也谓天子所用百二十品作记者不能次録耳此所以有其数而未闻其物也】

郑康成曰珍谓淳熬淳母炮豚炮牂捣珍渍熬肝膋【○贾氏曰八珍并见内则又有糝与籩及羞豆之实非珍故不取】酱谓醯醢也王举则醢人共醢六十饔以五醢七醢七菹三醢实之醢人共醢菹醢物六十饔

陈君举曰王者君临四海九夷八蛮毕献方物以供服食器用所谓食用六谷至酱用百二十饔者立其常制无使此心之或过也不如是则墨子菲薄之説行天子身衣弋绋而富民墙屋被文绣矣反是则肆其嗜欲酒池肉林以困苦天下此皆礼分不明故也

王曰一举鼎十有二物皆有俎

郑康成曰杀牲盛饌曰举王曰一举以朝食也【○贾氏曰一日食有三时同食一举案玉藻云皮弁以日视朝遂以食日中而馐馐者馐朝之余也则遂以食之谓朝之食则知先朝食次乃日中而馐也薛氏曰玉藻云天子日食少牢朔月大牢案此鼎十有二牢鼎既有牛羊之陪鼎又有牛醢羊醢之何谓日用少牢而朔月大牢乎楚语曰天子举以大牢则知日举亦大牢】

郑康成曰鼎十有二牢鼎九陪鼎三也【○贾氏曰案聘礼致饗飨注云饪一牢鼎十有二是也牢鼎九设于西阶前牛羊豕鱼腊肠胃同鼎肤鲜鱼鲜腊云陪鼎三者当内兼酈臠醢并陪牛羊豕鼎后是也○王氏详说曰酈为牛醢臠为羊醢醢为豕醢此陪鼎三也】郑锜曰其举也则用鼎十有二其食也取鼎之物而载于俎每鼎之物皆有俎则俎亦十二者谓鼎俎奇筮豆耦鼎俎以盛牲体牲动物属阳其数宜奇今用十有二何也攷于礼家之数牛一羊二豕三鱼四腊五肠胃六肤七鲜鱼八鲜腊九所谓正鼎九也又有酈一臠二醢三所谓陪鼎三也或九或三其数皆奇合之以为十二者示人君之尊宜法天之大数也观衣之十二章门之十二重马之十二闲冕之十二旒则鼎俎之奇而以十二为言可知也

郑康成曰物谓牢鼎之实亦九俎【○贾氏曰言实即牛羊豕之陪鼎三酈臠醢者庶羞在于豆唯牢鼎之物各在俎故云亦九俎也○陆氏曰俎始于禹而后世用之于吉凶者文质于是乎异矣特性三俎又有胾俎非正俎王曰举鼎十有二内三陪鼎非正鼎】

以乐侑食

郑康成曰侑劝也【○贾氏曰上言王曰一举此云以乐侑食即王制云天子食日举以乐论语曰亚饭三饭四饭郑云皆举食之乐彼诸侯礼尚有举食之乐明天子日食有举食之乐可知】薛氏曰饭必告饱而告饱必有侑礼有拜以致其敬有辞以导其动有乐以防其心凡人皆有侑食之礼也况王者之日举乎然以论语考之每饭异乐每乐异工若大食三侑皆令奏钟鼓此终食之侑而乐工皆备也此则每举之侑一工而已又无钟鼓

膳夫授祭品尝食王乃食

贾氏曰凡祭皆祭先造食者王将食必祭先膳夫授之○程氏曰古者饮食穀必思始耕者先王无德不报如此○王氏曰授王以所祭之物也○郑康成曰祭谓刲肺脊也【○贾氏曰祭肺有二种一者名为举肺亦名离肺此为食而有二者名为祭肺亦名为刲肺此为祭而有举肺则离而不絶祭肺则絶之今此膳夫授祭为食而授即举肺也】王氏详说曰古者食必有祭明堂位云有虞氏祭首夏后氏祭心商祭肝周祭肺此四代之所尚也月令云春祭先脾夏祭先肺季夏祭先心秋祭先肝冬祭先肾此四时之所尚也膳夫授祭本以此然曲礼云馐之序偏祭之者谓无所不祭但周人以祭肺为主郑康成曰品者每物皆尝之道尊者也○王氏曰品尝者养至尊当谨故也所防者微矣

卒食以乐彻于造

贾氏曰卒终也天子食终作乐以彻器○郑康成曰造作也【○贾氏曰谓造食之处即厨是也○王氏曰造致也致食于是然后进而御王及其卒也彻于所致而置焉是谓彻于造 王氏详 曰文王之世子命膳宰曰未有原盖防其复进也必彻于造食之所亦防其复进耳】

王昭禹曰王之食必侑以乐及其卒食又彻以乐则其所养固有道矣如是则无适而不和推而致之大足以位天地微足以育万物岂特资一人之养哉

王齐日三举

贾氏曰谓散斋致斋斋必变食故加牲体至三大牢○郑节卿曰王日一举一大牢也朔日加食一等则二大牢也斋之日三举则三大牢也盖朔之听政劳于常日于是而有加于常食祭祀将以致精明之德自强于礼而交于 神不可以不备其养于是而又有加于朔食所任愈重所治愈大则所养愈加厚【○史氏曰当不饮酒不茹荤之时惧其食力之不足则不能胜祭事故三举以助之非谓盛杀而供也】

大防则不举大荒则不举大札【侧八反】则不举天地有灾【音灾】则不举 有大故则不举

郑康成曰大荒凶年大札疫病天灾日月晦蚀地灾崩动大故寇戎之事【○郑司农曰大故刑杀也春秋传曰司寇行戮君为之不举】○李氏曰荒札灾皆不举然则非直于外事杀礼若王膳亦为之贬也曲礼曰歳凶年谷不登君膳食不祭肺马不食谷大夫不食粱士饮酒不乐皆自贬损忧民之道也如此天不为之顺人不为之悦用度不足海内不宁未之闻也

王燕食则奉膳赞祭

贾氏曰上文王日一举郑以为朝食燕食谓日中及夕也○王昭禹曰非若朝举于礼为盛故

有燕闲之意如燕居燕朝同○王氏详 曰燕食谓三饭四饭耳郑氏以为奉朝之余膳所祭牢肉也王氏谓馐余不祭王之所膳有鱼人辨物以共王膳掌畜又掌膳献之鸟祭其鱼鸟坎然王氏之 得矣郑氏亦未可非也玉藻曰皮弁以日视朝遂以食日中而馐奏而食此谓天子之燕食也又云朝服以食特牲三俎祭肺夕深衣祭牢肉此谓诸侯之燕食也天子言馐诸侯言祭天子言日中诸侯言夕互文见义耳盖馐之序徧祭之朝食祭肺则牢食亦未及祭也岂得为余物乎【○愚案郑氏为祭之余膳者非谓王食之余盖一举分为三朝食其一则日中及夕又各祭其一矣】

薛氏曰王举则授而弗赞燕食则授而赞之者以举为礼之盛王当自致焉燕食则其祭不如举之盛故膳夫授而赞之【○方氏曲礼解曰朝食以牛羊为主燕食以鱼鸟为主】

凡王祭祀賓客食则彻王之胾俎

贾氏曰祭祀谓祭宗庙胾俎谓若特牲少牢主人受尸酢尸东西面设主人俎于席前王受尸酢礼亦当然賓客食谓王与賓客礼食于庙賓在户牖之间王在阼阶上各有饌皆设俎故亦有胾俎也○郑锷曰王当祭祀以祭之胾肉置之于俎则名曰胾俎与賓客礼食则主人饮食之俎亦曰胾俎是俎最尊不可褻膳夫亲彻之不敢使其属也

凡王之稍事设荐脯醢

贾氏曰按下经燕饮酒谓大事与臣饮酒则此云王之稍事是小事而饮酒也故空设荐脯醢若大饮与食则有牲体矣○王昭禹曰脯醢共于腊人醢人膳夫则设荐之而已

王燕饮酒则为献主

郑司农曰主人当献賓则膳夫代王为主君不敌臣也燕义曰使宰夫为献主臣莫敢与君亢礼【○崔氏曰凡王燕诸侯皆于路寝使膳夫为主人王不为主以燕礼轻故君不酌也故为献主】○杨氏曰 者谓君臣之义不可以燕废也不然礼受爵于君前则降而再拜燕所以待羣臣嘉賓也而使之有升降拜揖之劳是以犬马畜之矣故以膳夫为献主而王不自献酬焉是孟子所谓养君子之道而廩人继粟庖人继肉之义也○陈蕴之曰 山之 固善然崔氏盖本注防而有燕义为证矣二意当兼用以今世论之凡尊长之待卑防也正席之后或命子弟为主所以伸其欢然卑不渎尊之意固存乎中矣

王昭禹曰王之于羣臣其礼有飧有燕飧以训恭俭则以礼为尚燕以示慈惠则以恩为尚设于寝所以示私也服用朝所以示礼也酒行无筭所以亲之也登歌鹿鸣所以乐之也间歌鱼丽所以备物也王之于燕所以将其厚意者如此羣臣嘉賓胡为而不尽其心哉

掌后及世子之膳羞凡肉脩之颁赐皆掌之

郑康成曰亦主其饌之数耳【○王氏详說曰王之饋膳夫所进也世子之饋膳夫特掌之而已饋而进之者内饗也内饗共王后及世子之膳羞】

郑司农曰脩脯也○贾氏曰谓王以肉及脩脯颁赐羣臣则膳夫掌之加姜桂鍛治之曰脩无姜桂以盐干之曰脯散文言之则脩脯通也

凡祭祀之致福者受而膳之以挚见者亦如之

郑康成曰致福谓诸臣祭祀进其余肉归胙于王【○王氏详說曰少仪曰为人祭曰致福为已祭而致于君子曰膳其于太牢则以牛左肩九个少牢则以羊左肩七个犴豕则以豕左肩五个○贾氏曰左传祭有受脤归脤受脤谓君祭以肉赐大夫也归脤谓大夫祭归肉于公也诸侯之臣有归脤于君而王之臣亦然】○薛氏曰诸臣如都宗人凡都祭祀致福于国家宗人凡祭祀致福然后祭仆于凡祭祀致福者展而受之然则膳夫之所谓受而膳之者受之于祭仆而膳之于王也

郑司农曰以羔雁雉为挚见者亦受以给王膳○薛氏曰司士曰掌摎士者膳其摎盖摎见之时卿执羔大夫执雁士执雉然后司士于此而膳其摎后郑谓膳者入于王之膳人然则膳人之所受者受之司士也

歲终则会惟王及后世子之膳不会

郑康成曰不会计多少优尊者○王氏详说曰王天下之父后天下之母世子天下之本膳夫于王及后世子之膳不会庖人于王及后之膳禽不会而不及世子是世子之膳禽则防矣曰膳常礼也膳禽非常礼也不会者所以重其为天下之本也会者所以正其继天下之本也又所以杜其穷奢极侈之心也酒正曰惟王及后之饮酒不会是世子之饮则会外府曰惟王及后之服不会是世子之服则会会其禽则无禽荒之失会其酒则无酒荒之失会其服则无好洁衣服之失此所以见周公之待世子也○杨氏曰有司不得拘制天子固矣然而九式之职宰任之有司虽不会 宰得以九式论于王矣故王后不会非蕩然无以禁止之也制之有宰而非有司之法故也【○吕氏曰大宰以九式均节财用凡羞服币帛匪頒好用皆在焉而其属所掌王之膳禽酒服裘皮皆不会制其大而濶其细此所以能均节财用】

庖人中士四人下士八人府二人史四人贾八人胥四人徒四十人

郑康成曰庖之言苞也裹肉曰苞苴【○贾氏曰庖犹今之厨】宫正疏曰诸称人者若轮人车人之 即冬官郑云以其事名官也○郑康成曰贾主市买知物贾

掌共【音恭】六畜【笱又反】六兽六禽辨其名物

郑康成曰六畜六牲也始养之曰畜将用之曰牲春秋传曰卜日曰牲○郑司农曰六兽麋鹿

熊麋野豕兔【○郑康成曰兽人冬献狼夏献麋又内则无熊则六兽当有狼而熊不属○王氏详説曰左传虽有熊踏孟子虽有熊掌要知非礼物所用】六禽雁鵠鸕雉鸠鸽○贾氏曰六畜者马牛羊豕犬鸡【○又见膳夫】夏官校人羊人地官牛人春官鸡人秋官犬人冬官豕人总送六畜与庖人六兽六禽即兽人送之庖人得此共与膳夫内外饗故云掌共辨其名物者谓禽兽等皆有名号物色故辨之【○刘执中曰辨其名物者物虽可食不辨其毒则能害人内则曰不食雉鼈狼去肠狗去肾狸去正脊兔去尻狐去首豚去脑鱼去乙鼈去丑又曰雉尾不盈握弗食舒雁翠鹄鸕胖舒鳧翠鸡肝雁肾鵠奥鹿胃皆食之而不利于是人所当辨者】○史氏曰此所谓常珍也若异饌则不可以为常而嗜之必有以口腹累四方万里之远者矣

凡其死生蠹【悉然反】薨【苦老反】之物以共王之膳与其荐羞之物及后世子之膳羞

郑康成曰凡计数之○郑司农曰蠹生肉薨干肉【○刘执中曰死谓不可以生致者生谓不可以死致者蠹谓不可以薨荐者薨谓不可以鲜致者】史氏曰膳常食也羞底品也羞出于牲非常御之物时乎进之耳【○郑康成曰荐亦进也备品物曰荐致滋味乃为羞王言荐者味以不褻为尊○愚按荐羞已见宰夫】○王昭禹曰膳夫凡王之稍事设荐脯醢则荐所共设薄矣庖人共后世子膳羞而不共荐者盖荐则自后世子之官属共之

共祭祀之好羞

郑康成曰谓四时所为膳食若荆州防鱼青州蟹胥虽非常物进之孝也【○郑锷曰祭之日思其饮食思其所嗜乃孝子事死如事生之志也昔屈到嗜芰死而其子羞芰君子皆以为非安石乃以共好羞为昭先人之好僻殊不知鲁之祭非礼经之正区区求四方之物以为美故孔子正之耳非所谓先王之所好者也】

共防纪之底羞賓客之禽献

郑康成曰防纪防事之祭谓虞祔【○贾氏曰凡防未葬以前朝夕奠大奠皆无荐羞之法今言防纪底羞故知谓虞祔也】禽献献于賓客【○贾氏曰谓若掌客上公乘禽日九十双侯伯七十双子男五十双之】

史氏曰禽献虽出于掌客庖人则授其法而视其出入献者亨而进之也

凡令禽献以灋授之其出入亦如之

郑康成曰令令兽人也禽兽不可久处賓客至将献之庖人乃令兽人取之○王氏曰掌客聘礼此禽献之法也令禽兽则以此法授之使知其所献之物与其数○郑康成曰出入谓及其来致禽亦以此书校数之至于献賓客又以此书付使者展而行之【○贾氏曰展者视也行去也谓将向客馆之时省视禽牲然后去也庖人既以数授兽人俾依数以禽入庖人是入也

庖人得此禽则依数付使者送向馆是出也】○郑锷曰賓客乘禽之礼当如其命之数因其旧法存焉令兽人取必以旧法授之则用各有数而无失礼之愆矣其来共也以所授之法而入之其将用也以所授之法而出之吏虽欲为奸胡可得哉

凡用禽献春行羔豚膳膏香夏行腍【其居反】鱮【所留反】膳膏臊【素刀反】秋行犊麋膳膏腥冬行麋羽膳膏膻【书然反】郑康成曰用禽献谓煎和之以献王○史氏曰羔稚羊豚稚豕也方春草生羔豚美故用之腍干雉也鱮干鱼也方夏暑盛物易腐故用之用犊麋于秋秋时草物实犊麋食之而肥也用麋羽于冬冬时阳气伏鱼潜雁定而肥也饮食之滋春膳牛脂曰膏香夏膳犬脂曰膏臊秋膳鸡脂曰膏腥冬膳羊脂曰膏膻各以其物之所便而调和之也夫膳食唯其所嗜而已必案四时而共之者一则避其物时之孕育一则辨其物性之所宜以是为膳则养王之形体者至矣【○程氏曰羔豚羊豕之小者方春品物小故以小而美者为宜腍鱮雉鱼之干者方夏时馁败故以干者为宜犊麋至秋则物成而可尝之时虽犊麋皆得以尝之矣鲜羽至冬则物众可进之时虽飞与潜者皆得以进之矣然此固足以为时之宜苟在臠有所不胜食之亦不足以为善也故又膳膏芎膳膏臊膳膏腥膳膏膻焉无非主五行之气而以养其形也○王氏详 日月令所食唯时令也庖人所行顺物性也春革始生则羔豚肥秋草已熟则犊麋肥草之熟则甚于生犊麋之肥则大于羔豚夏则腍鱮之牲为燥冬则麋羽之牲为定是顺性也若夫月令则异是矣牛土畜也故季夏食之犬金畜也故秋食之 水畜也故冬食之然春食羊者以春之气尚寒故食火畜也夏食雉者以夏之气尚热故食木畜也此秦之礼与周之礼不同】

歲终则会唯王及后之膳禽不会

郑康成曰膳禽四时所膳禽献如世子可以会之○王氏详说见膳夫

内饔中士四人下士八人府二人史四人胥十人徒百人

郑康成曰饔割烹煎和之称○贾氏曰饔和也熟食曰饔内饔所主在内以其掌王及后世子之膳羞及宗庙之祭皆事之在内者

掌王及后世子膳羞之割烹煎和之事辨体名肉物辨百品味之物

易氏曰割之而烹之以鼎煎之而和之以味左氏载晏子之言曰水火醯醢盐梅以亨鱼肉燂之以薪宰夫和之齐之以味济其不及以 其过君子食之以平其心是岂可轻也哉○郑康成曰体名脊肋肩臂膂之属肉物截燔之属也【○林氏曰所谓左殽右截或燔或炙是也】品味庶羞之属言百举成数也

王昭禹曰庖人共其物于始饔人熟其物于终所以通职联事故饔人所掌者割烹煎和之事所用之物则共于庖人也

王举则陈其鼎俎以牲体实之

吕氏曰陈设也○郑康成曰取于镬以实鼎取于鼎以实俎【○贾氏曰案少牢司马升羊实于一鼎是曰胾案特性云卒载加匕于鼎是其实俎曰载○史氏曰取牲以实鼎取体以实俎】

王氏详 曰内外饗言鼎俎享人言鼎镬盖初陈鼎于镬西故言鼎镬后陈鼎于阼阶下其俎皆陈于鼎西南故云鼎俎

选百羞酱物珍物以俟馈共后及世子之膳羞

郑康成曰先进食之时常选择其中御者【○贾氏曰百羞则羞用百有二十品是也酱则酱用百有二十饗是也珍物者谓八珍之 俟待也】

王昭禹曰膳夫掌以膳羞养王及后世子则后世子之羞膳亦膳夫掌之也膳夫独言凡王之馈则后世子之馈非膳夫所进内饗共之而已王之膳羞言馈而后世子言共者降于王也

辨腥臊羶香之不可食者

贾氏曰按庖人注云腥鸡也臊犬也羶羊也香牛也○王昭禹曰腥臊羶香皆天产之物资气体之养者也所禀之气一不和则资其味者疾病乘之而至为害不少故内饗辨其可食者取之其不可食者去之凡以谨于奉至尊也

牛夜鸣则廋【音由】羊泠【音零】毛而毳羶犬赤股而躁【卑到反】臊鸟臙【芳表反】色而沙鸣豕【音郁】豕盲【亡亮反】眊【视二反】而交睫【音接】腥马黑脊而般【音班】臂【方纸反】蝼【音楼】

郑司农曰廋朽木臭也【○愚按左传一薰一莸廋即臭也】○易氏曰牛昼作夜息无故而夜鸣则反常矣其肉必廋 贾氏曰泠毛谓毛长也毳谓毛别聚结者【○易氏曰羊以柔毛为贵毛长而结聚则非善矣其肉必羶】赤股股里无毛非谓肉赤而走又躁疾如此者其肉必臊○郑康成曰臙失色不泽美也沙澌也【○方氏曰沙鸣鸣之悲凉者土密而暖沙疏而凉故谓之沙】○王昭禹曰臙色则气郁而不达于毛羽沙鸣则气郁而不达于声音其肉气亦郁而不可食矣○杜氏曰盲眊当为望视【○王昭禹曰有目而视不明谓之盲○贾氏曰盲则无所覩见内则为遥望之字故子春从内则也豕乃听物不合望视此豕眼睫毛交如此者其肉必如星】○郑康成曰腥读为星声之误也肉有如米者似星○方氏曰黑脊言众体皆异而脊独黑也般犹疾之有癰般在前胫故曰般臂【○郑康成曰般臂臂毛有文也】○郑司农曰蝼蛄臭也【○贾氏曰以内则蝼为脱漏字于义无取故转为蝼蛄字也马脊黑前胫般般然如此其肉则蝼蛄臭】○史氏曰物之形色一受天地谬盪之气则驳而不纯杂而不精食之不致疾者防希

凡宗庙之祭祀掌割亨之事凡燕饮食亦如之

贾氏曰内饗不掌外神故云宗庙之祀○陈君举曰宗庙之割亨与王之食同掌是供王之食者此官也供宗庙之食亦此官也以见王以生道事亲不以神道远亲意○贾氏曰上言掌割亨煎和之事此不言煎和者 神尚质不贵褻味凡燕饮食亦如之者谓王及后世子凡燕饮食皆内饗掌割亨之事也

凡掌共【音具】羞脩刑臠【火吳反】胖【普半反】骨鱠以待共膳郑康成曰共当为具【○贾氏曰具羞脩刑臠已下也】羞庶羞也【○贾氏曰即百二十品是也】脩锻脯也【○贾氏曰谓加姜桂锻治之者】刑剗羹也臠防肉大脔所以祭者【○贾氏曰臠鱼肉总有臠亦诂为大】○王昭禹曰胖牲半体也○史氏曰骨体之连骨者也鱠鱼之已槁者也【○愚案脩已见膳夫脩臠胖又见腊人】

王氏曰此七物有掌之者有共之者各掌其物以待内饗共膳也盖内饗掌王及后世子之膳则宜选取于羣有司以博珍善故也○史氏曰凡此七物又以共庖人焉故掌共其物以待共膳也

凡王之好赐肉脩则饗人共之

王昭禹曰好赐王以好而赐之出于私恩多寡无常惟其所与而已【○史氏曰物之有形莫不悦生而恶死及受锋刃赴鼎镬恐惧痛楚无以异于人人之气体资是以养不得已而食之祭祀防纪賓客之燕饮常日之膳羞礼有不可缺者至于好赐之肉脩亦随其所好而予之非泛泛然无不得也古之养老者曰天子袒而割牲养贤者曰庖人继肉盖以王之所好在此而不可已耳】○王氏曰使内饗则亲而私之故也饗人则内饗之属人也

外饗中士四人下士八人府二人史四人胥十人徒百人

郑康成曰外饗所主在外○贾氏曰掌外祭祀及 飧 子耆老皆在外之事也

掌外祭祀之割亨共其脯脩刑臠陈其鼎俎实之牲体鱼腊凡賓客之飧饗飧食【音嗣】之事亦如之

贾氏曰外祭祀谓天地四望山川社稷五祀皆掌其割亨共其脯脩刑臠如上所释也陈其鼎俎谓若鼎十有二也凡賓客之事谓所陈之数如宰夫所云者皆外饗共之故云亦如之○史氏曰脯脩刑臠凡祭皆用陈其鼎俎兼有鱼腊之实者以羣小祀不用牲者或用鱼腊也

郑康成曰飧客始至之礼饗既将币之礼致礼于客莫盛于饗【○薛氏曰案聘礼云賓至大夫帅至于馆宰夫朝服设飧是賓始至有飧礼矣飧小礼也又曰聘日致饗是賓已至则有饗礼矣饗大礼也先郑释宰夫以飧为夕食非也贾以饗飨为牢礼亦非也賓至设飧何待乎夕

夕礼皆牢何待乎饗○愚案飧饗已见宰夫详见掌客】

王昭禹曰飧以饮为主行人所谓飧礼九献之 是也食以食为主行人所谓食礼九举之 是也飧食又王所以待賓客之厚礼也【○郑锷曰飧有体荐有房烝立而成礼所以训恭俭 食则有饭有醑酒虽设而不饮其礼以食为主掌其割亨与夫所实者皆如外祭祀之时盖事 賓如事神敬之至也】

飧耆老 子则掌其割亨之事飧士庶子亦如之贾氏曰耆老对 子则耆老者死事者之 父祖兼有国老庶老 子者谓死王事者之子○程伊川曰外饗酒正皆言飧耆老 子则酒 食未尝偏废也周官言飧不言食亦以飧未尝无食也特以食为下尔言老足矣必曰耆老者 容养之以六十而上为率欤以六十养于国故也○陈君举曰飧耆老 子掌于王之膳人见 古人君民一体不厚己以薄人【○陈及之说见司门罗氏】

郑康成曰士庶子卫王宫者若今时之飧卫士矣【○贾氏曰谓若宫伯所云者】○郑锷曰 养老 其事在外外饗掌之宜矣士庶子在王宫亦以为外事何邪盖王宫官府之吏已有命 位士庶子则未有命位或因作宫众致之太子比之外事宜矣

史氏曰死事之臣忠义之家有亲有子飧之致其劝也王宫之宿卫亲且近既已均其秩叙颁 其衣裘兹复飧之致其爱也致其劝则外之公卿大夫期以死而报上有国尔忘家之心非无 家也知一死之后家不至于流离也致其爱则内之士庶子期以身而徇主有君尔忘身之心 非无身也知此身之生尽出于君上也

师役则掌共其献赐脯肉之事凡小防纪陈其鼎俎而实之

贾氏曰谓出师征伐及巡守田猎○王昭禹曰此于劳还犒师酌其长帅所以有献赐之礼献 以饮之赐以予之外饗则掌其脯肉之事【○史氏曰师以用众役以任众悯其劳苦锡之脯 肉献则受之赐则共之所以洽其情而励其节悦以使民民忘其劳】

史氏曰小防纪者一介之士以死勤事者之死防陈其鼎俎如是为王之臣孰不知以死为上 乎【○贾氏曰谓夫人已下之防则陈其殷奠及虞祔之鼎俎】先王之世其馈饷饮食不过 此数者平居节用用不过此而能使天下之臣悉归于忠义功勲之域则饮食之恩不既大乎

亨人下士四人府一人史二人胥五人徒五十人郑康成曰主为外内饗煮肉者○郑锷曰鼎 卦曰以木爨火亨饪也圣人亨以享上帝而大亨以养圣贤况内外饗所掌上而宗庙下而賓 客有王及后世子之羞膳有耆老师役之享赐乎故使下士四人專共鼎鑊之间使沃之以水 燂之以薪各得其多少之量而不至于过则亨人虽微所系岂不重哉

掌共鼎鑊以给水火之齐【才细反】

郑康成曰镬所以煮肉及鱼腊之器既熟乃胥于鼎【○易氏曰俎之所实取于鼎也鼎之所实取于镬也○史氏曰味以调和为主镬所以亨煮鼎所以调味】○贾氏曰谓实水于镬及防之以火皆有多少之齐【○王昭禹曰亨和者水火欲其相当水胜火则物有过于生火胜水则物有过于熟亨人给之欲其适节而已】○陈及之曰水有美恶火有新旧无官府以掌其事足以伤生害气

职外内饗之防【七乱反】亨煮辨膳羞之物

郑康成曰职主也防今之灶主于其灶煮物也【○史氏曰内外饗之所共广矣而亨人尽职之不曰掌而曰职掌有所兼职则專之而已】

贾氏曰膳羞则牛鼎之物也【○王昭禹曰膳用六牲羞用百有二十品则其物不可不辨也】

祭祀共大羹铏羹賓客亦如之

郑康成曰大羹肉湑也【○贾氏曰肉汁一名湑大羹肉湑盛于登谓太古之羹不调以盐菜及五味】

○郑司农曰铏羹加盐菜矣【○贾氏曰谓陪鼎脚臠臠牛用藿羊用苦豕用薇调以五味盛之于铏器即谓之铏羹若盛之于豆即谓之庶羞】

郑锷曰太古茹毛饮血所谓羹者血湑而已中古渐文则加滋味于是有铏羹之荐去古既遠人心滋防纵口腹之欲穷鼎俎之味圣人惧焉故使祭祀之时荐太古之大羹贵本始也记曰大羹不和贵其质也所以交于神明者非食味之道也反本复古而已有大羹矣则铏羹次之有铏羹矣乃荐今世之食示不忘其初也使亨人于祭祀共之谓其职亨饪之事不可不知其本也賓客亦共之谓大亨之时也荀子曰大亨先大羹贵饮食之本也使人人知本安有暴殄天物者哉○易氏曰礼之初始诸饮食是以贵之然岂特大羹而已哉醴酒之美而酒明水之尚黼黻文绣之美而疏布之尚所以贵五味之本反女工之始亦犹是也

周礼订义卷六

卷七

钦定四库全书

周礼订义卷七 宋 王与之 撰

甸师下士二人府一人史二人胥三十人徒三百人郑康成曰郊外曰甸【○贾氏曰公邑之田任甸地即在百里远郊外天子借田又在南方甸地故称此官为甸师也甸法正在甸师○王昭禹曰田是也】○黄氏曰王借在野故以甸名官有教民之义故曰师郑氏谓共野物官之长禽兽鱼鼈莫非野物而以稼穡先之重本也列于膳庖之后饮血茹毛在黍稷之先故本其所从来也【○刘执中曰列于享人之次祭祀以粢盛为本故也】○王氏详说曰王之耕借其种则献于六官其谷则藏于神仓甸师掌帅其属而耕耨王借而已然种之所献则见于天官之内宰谷之所藏则见于地官之仓人者盖耕借者虽为天官之事而借田所在夫岂能外于地官乡遂之闲哉此廩人掌九谷之数舍人掌平宫中之政仓人掌粟入之藏舂人掌其米物 人掌凡祭祀共盛所以同属于地官

贾氏曰徒三百人特多者天子借田千亩借借此三百人耕耨故多也【○王氏曰借田千亩而甸师徒三百人为其以薪蒸役内外饗之事非特耕耨王借故也】

掌帅其属而耕耨【乃豆反】王借以时入之以共盥【音资】盛郑康成曰其属府史胥徒也【○贾氏曰除府史也】○史氏曰以耒 地谓之耕以金耘草谓之耨孟子曰深耕易耨是也○郑康成曰王以孟春躬耕帝借天子三推三公五推卿诸侯九推庶人终于千亩庶人谓徒三百人借之言借也王一耕之而使庶人芸苴终之也【○王昭禹曰王必三推者身先以帅天下也以庶人耕耨之者续终以尊天子也】○王氏曰公田谓之借以其借民力治之也王所亲耕谓之借则亦借民力终之故也王与诸侯各有借田故甸师所耕耨谓之王借

贾氏曰以时入之谓麦则夏熟禾黍秋熟则十月获之送入地官神仓也○郑康成曰盥盛祭祀所用谷也粢稷也谷者稷为长

易氏曰在谷曰盥在器曰盛【○薛氏曰盥盛共之以舂人炊之以 人实之以舍人奉之以大宗伯逆之以小宗伯然后立之以表而六官之人共奉之九嫔赞玉盥者玉敦受黍稷也大宗伯奉玉盥者奉玉与盥也廩人共接盛施于大祭祀而已接犹曾子问接祭之接也】王昭禹曰以天子之尊而必亲耕则天下之为农者孰不劝于耕以天子所亲耕者其盥盛则天下之为子者孰不劝于养宣王不借千亩虢文公谏曰民之大事在农上帝之粢盛于是乎出民之蕃庶于是乎生事之供给于是乎在和协辑睦于是乎兴财用蕃殖于是乎始厚庞淳固于是乎成天子亲耕借田厚本之道孰大于是

祭祀共萧茅

杜氏曰萧香蒿也○郑康成曰诗云取萧祭脂郊特牲曰萧合黍稷臭阳达于墙屋故既荐然后 萧合馨香合馨香者是萧之谓也【○郑氏曰萧或为茜茜读为缩束茅立之祭前沃酒其上酒渗下去若神饮之故谓之缩缩浚也○愚按郑氏说茅缩酒是矣不必改萧为茜】王昭禹曰易曰借用白茅是取茅以借祭也齐桓责楚不贡包茅曰无以缩酒是取茅以缩酒也○王氏曰必用茅者谓其体顺理直柔而洁白承祭祀之德当如此也【○陆氏曰茅有功于万国者禹贡荆洲之土贡春秋齐侯之责楚是也有共于甸师者祭祀共萧茅是也然甸师之茅或入乡师或入司巫乡师之所共者大祭祀司巫之所共者凡祭祀也茅之为用或以缩酒如记曰缩酌用茅司尊彝醴齐缩酌是也或以借物土虞礼曰钩袒取黍稷祭于苴乡师共茅蒺也至男巫谓旁招以茅则又除不祥也】

易氏曰萧合黍稷亦以祭脂茅以共蒺亦沛酒醴○王昭禹曰必俟甸师共之以其出于王借乃所以尽志也

共野果蓏之荐

易氏曰植生曰果桃李之属蔓生曰蓏 瓠之属○王氏曰为其非 圃所出故称野焉荐于王借共之则尽志而已【○史氏曰必于千亩取之者不唯表王者之勤亦以见无扰于四方也】陈及之曰甸师之徒三百人以耕耨王借而又共萧茅及果蓏安所自出哉盖古者田畴之间无有废地方禾黍未登疆 未当用者则以树萧茅及果蓏之属故诗曰中田有庐疆场有 虽帝借亦不使荒芜也

丧事代王受眚【生景反】裁

史氏曰人过曰眚天降曰裁国有眚裁王当祇畏以修德引咎以归己故曰受○郑景望曰国有大变母乃粢盛不蠲 神弗享坎夫何使至于斯于是时也新王在疚欲请命于神祇而身受谴罚有不可得也故使甸师代行焉非谓使甸师受眚裁于己甸师掌耕王借共粢盛者也故司其事【○郑康成曰太祝作祷辞授甸人使以祷借田之神受眚裁弭后殃】

王之同姓有皐则死刑焉

易氏曰死与刑为二等重罪则死于甸轻罪则刑于甸文王世子曰公族有死罪则磬于甸人谓其罪之重者又曰其刑罪则纆劓亦告于甸人谓其罪之轻者○贾氏曰必在甸师者以甸师在疆 多有屋舍以为隐处故就而刑焉【○愚按甸师非断狱之官但待刑杀耳】○王昭禹曰同姓有罪不免于死者义也刑而不暴于外者仁也非义无以公天下之法非仁无以显同姓之恩○黄氏曰同姓死刑于是事人事 无二道也诗曰惠于宗工神罔时怨神罔时恫刑于寡妻至于兄弟以御于家 反道败 近在其族教师之不至忝其先人宁不自愧乎死刑于是盖自以为事 神之未尽怨恫之必不能免也记曰不与国人虑兄弟兄弟之有可虑麟趾仁厚之化安在哉知此则知 宰设属大意

帅其徒以薪蒸役外内饗之事

郑康成曰役为给役也木大曰薪小曰蒸○郑锷曰耕耨之暇则率其三百之徒以采取薪蒸给内外饗之亨饗饗人薪蒸亦出于甸则累不及民耕耨之暇人各采薪则无游手之人矣

兽人中士四人下士八人府二人史四人胥四人徒四十人

愚案鸟兽鱼鼈咸若皆其德懋之所致自兽人以下莫不以时取之而共其膳亦所以賛天地之化育辅相万物之自然非穷口腹之欲暴殄天物也

掌罟【音古】田兽辨其名物

郑康成曰 罔也以罔搏所当田之兽○贾氏曰名物者谓兽皆有名号物色也案夏官四时田猎春用火夏用车秋用罗冬用徒各有一以为主无妨四时兼有罔也○郑锷曰辨其名物则取其所当取而无杀胎夭夭之过随取随得而无礼物不备之愆

冬献狼夏献麋春秋献兽物

杨谨仲曰防谓狼山兽山主聚故狼膏聚而温麋泽兽泽主销散故麋膏散而凉案月令仲冬陰极阳生而麋角解仲夏阳极陰生而鹿角解则知狼阳物其性自温故冬献之麋陰物其性自凉故夏献之非必山主聚泽主销也岂山物皆温而泽物皆凉 【○郑锷曰王安石谓冬物成之时狼害物之尤者夏田稼之时麋害稼之众者各于害物之时罟而献之明官主以除民之害果如此說则兽人当与秋官冥氏穴氏同科不当独列于此天官自膳夫而下皆养生之职则兽人冬夏所献者养生之用也养至尊之礼调和其陰阳以平其心则用温凉之膏以救其时气之过亦其宜也又凡除物之害必须先时而为之若及害物之时则除之晚矣王政为不然安石之說陋矣春秋献兽物不名其所献何也盖春物方服乳未可取者不当献秋物已成苟可献者无不用故不言所献之名惟使之因时可献者则献矣】

时田则守罟及弊田令禽注于虞中

贾氏曰时田谓四时田猎○郑康成曰守谓备兽触攫也【○郑锷曰田猎之时使兽人守其网兽之 以备触攫宜矣然田而设 不为不广奚以能徧守之哉盖王者之田当防鸷猛之物或惊属车之尘则此二人之所分而守者有以护至尊而已】郑康成曰弊仆也仆而田止○郑司农曰谓春火弊夏车弊秋罗弊冬徒弊○贾氏曰注谓聚也【○王氏曰令田众以所获禽置虞旗所植之中谓之注则众赴而注焉若水之注也】○王氏详說曰王之膳禽賓客之禽献见于庖人祭祀之献禽见于夏官大司马不有兽人令注于虞中则何以待此等用乎

凡祭祀丧纪賓客共其死兽生兽

郑康成曰共其完者【○贾氏曰以下文兽入于腊人是不完者故知此为完者凡此所共者与庖人以供王之膳】○刘执中曰四时之田所获生兽则圉人牧之于圉及其将用兽人取之于圉以共焉其死而未共者则入于腊人

凡兽入于腊人

郑康成曰当干之也○史氏曰一为干豆入于腊人也

皮毛筋角入于玉府

郑康成曰入玉府给作器用也【○王昭禹曰玉府掌王之玩好等物与货贿之藏则入于玉府以供王之服器等用也】○郑锷曰王者不以一己之私好废天下之公用司皮掌裘羽人角人皆须皮毛筋角以供邦用如使尽以入玩好之府则国家何赖焉故穴氏防氏或言献其皮角齿须备或言以时献其珍异皮革皆不言入于玉府盖以供 用也若夫兽人鱼人皆取于养蕃之地而非取于山林川泽者惟此可以供王之玩好之用圣人特于三官言入于玉府盖以防人君纵私好以妨国用王氏何谓除其害则不入玉府耶

凡田兽者掌其政令

贾氏曰凡田猎取兽者所有政令兽人掌之以其知田猎之法故也【○史氏曰其政令有所掌则其出有时不戈宿不掩羣无麇卵惧其残生伤性以销蚀天地之和气其意止欲鸟兽之害人者消是以去之而兽人因辨其良者以进非若后世列卒满泽罗罟满山使珍怪禽兽充牣其中以为游观夸其禹不能名尚不能计也】

人中士二人下士四人府二人史四人胥三十人徒三百人

贾氏曰马融云徒三百人者池塞苑囿取鱼处多故也

掌以时 为梁

贾氏曰取鱼之法岁有五月令孟春云獺祭鱼此时得取一也季春云荐鲔于寝庙者二也鼈人云秋献 鱼三也王制云獺祭鱼然后虞人入泽梁与孝经纬云阴用事木叶落獺祭鱼同时是十月得取鱼四也獺则春冬二时祭鱼也潜诗云季冬荐鱼与月令季冬渔人始鱼同五也惟夏不取鲁语云宣公夏濫于泗渊里革諫之以其非时○郑司农曰梁水偃也偃水为关空以笱承其空诗曰敝笱在梁【○贾氏曰谓偃水两畔中央通水为关孔也笱者苇薄以薄承其关孔鱼过者以薄承取之】○史氏曰鲁隐矢鱼于棠臧僖伯諫之不从鲁宣夏濫于泗渊里革諫之而止皆以其非时也先王设 人之官必贵其以时者盖有生之 皆有孕育之时不欲并伤其生也

春献王鲔【位轨反】

郑康成曰王鲔鲔之大者【○王氏曰王言大也物之大者多谓之王】○郑锷曰王鲔则鲔之尤大者非常时所有唯春乃献周颂之潜曰季冬荐鱼春献鲔月令于季春言荐鲔于寝庙此人亦言春献王鲔王者皆周人之事宗周在西鲔鱼非西周之水所有前辈谓鲔鱼岫居出河南巩县至春浮阳乃入西河至漆沮上龙门以俟变化故周人取以献新献所无也观其字从有谓不常有

辨鱼物为鱻鼈【若老反】以共王膳羞凡祭祀賓客丧纪共其鱼之鱻鼈凡 者掌其政令

郑康成曰鲜生也鼈干也○贾氏曰共王膳羞者共于膳夫以供王也祭祀賓客丧纪所共者共于内外饗以膳夫不掌祭祀之事也政令者凡取鱼者所有政令渔人掌之以其知取之时节及处所也

郑锷曰鱼之为物或用其鱻者或用其鼈者 人当辨之以供用事至尊则先事而预辨故言辨而后言供祭祀賓客丧纪则临事而始供故言共而不言辨渔者取鱼受政令于渔人禀命而行则无数 竭泽之害灵沼于物圉圉洋洋常有以供礼食而无阙也

凡 征入于玉府

贾氏曰谓近川泽之民于十月獭祭鱼之时其民亦得取鱼水族之 其中须骨之事堪饰器物者所有征税渔人主 之送入于玉府以当 赋也○王昭禹曰文王之时泽梁无禁而周公之法则渔人有征盖方商之季山林川泽宜弛以与民故无禁成王之时民之财用已足苟若无征则民之弃本者众故征之所以抑末

鼈人下士四人府二人史二人徒十有六人

郑锷曰鼈 蜃之 莫不有甲名官特以鼈何也盖 主用以卜蜃主用以饰器皆不专主于食有甲之美而食者之众无如鼈诗曰炮鼈鲜鱼曰炰鼈脰鲤庄子言独鼈于江甘味尤美而食者甚众献尊者物宜取其美则其名官宜矣○贾氏曰鼈人腊人之 有徒无胥得徒则足不假长帅

掌取互物

郑司农曰互物谓有甲防胡 鼈之属【○史氏曰渔人所取皆其乘时而出者易致之物也鼈人所取凡其埋藏沉潜之物也故所用有待于互物互者交互之象若今之鱼叉是也凡鱼鼈 蜃必窟宅于深渊而埋藏于浅泥有网 所不能及者此叉之所以适用也】

以时簎鱼鼈 蜃凡貍物

贾氏曰言以时者即下经春献鼈蜃秋献 鱼○王昭禹曰先王之于物爱之而弗仁惟其弗仁故有以取之惟其爱之故取之必以时

郑司农曰狸物 鼈之属【○郑康成曰谓鱣刀含浆之属○贾氏曰尔雅刀鱼鱣刀也蚌含浆观郑此意鱣刀为一物蚌为含浆亦一物孙氏注尔雅刀鱼与鱣别非郑意也○王昭禹曰藏伏于泥中者谓之狸物则不止于鱼鼈 蜃之属而已互物言其体狸物言其性】○郑锷曰狸藏泥中者宜以簠取若鱼则游浮水中此亦兼言簠鱼者冬寒则鱼狸于泥至春乃上水此以簠言之殆取鱼于冬也

春献鼈蜃秋献 鱼

刘中义曰春献鼈蜃用之春也阳在内其美可献而非生育之时也秋献 鱼用之秋也伏藏之物浮阳在外育生既毕可食矣【○王氏曰献 以秋者 主以十全而用之故取其坚成之时鱼美于秋冬而冬为尤美不以冬献则鼈人所献以簠得之故先为梁之时而献鼈尤美于夏以避其字乳之时而弗献唯王不以饮食之养害仁政之法度如此然后率天下之民以成鱼丽之功告神明矣】

祭祀共羴【薄佳反】羴【即戈反】蜺【直其反】以授醢人掌凡 之簠事郑司农曰羴蛤也【○杜氏曰蚌也○贾氏曰蛤蚌亦一物也】

郑康成曰羴蜺蜺也【○贾氏曰一物两名也○史氏曰蠡也】○杜氏曰蜺蛾子也【○贾氏曰谓蚁之子取白者以为醢也】○贾氏曰按醢人有羴醢羴醢蜺醢故以此三者授醢人○王氏详説曰按宣公滥于泗渊里革諫曰泽不伐夭鱼禁鯢鲋鸟翼鷖卵虫舍蜺蜚古之制也説者谓蚁子可以为醢也然里革以舍蜺为仁而周公以蜺醢为礼何耶盖宣公之夏滥非时也周公以时取何不可之有史氏曰 之簠事凡非网 可取而器之有 于义可以得鱼鼈者皆是也先王设鼈人之官非为口腹为先王寝庙当荐故终曰祭祀而已

腊人下士四人府二人史二人徒二十人

郑康成曰腊之言夕也【○贾氏曰朝曝而夕乃干也】○史氏曰凡腊皆干肉也田兽之获或有多寡干豆之物在所先者故必以为腊焉

掌干肉凡田兽之脯腊臠胖之事

贾氏曰凡干肉以下并是兽人所共【○郑康成曰大物解肆干之谓之干肉若今凉州鸟翅矣薄析曰脯捶之而施姜桂曰鍛修腊小物全干】

郑司农曰臠膾肉也○郑氏曰胖读为判【○杜氏曰臠胖皆谓夹脊肉又云礼家以胖为半体】○史氏曰腊有骨脯去骨臠全体胖半体禽兽之形有大有小小而全薹大而半薹取其

易干○王昭禹曰膾胖既掌共于内外饗腊人又掌共之者盖由兽人入于腊人由腊人入于内外饗也

凡祭祀共豆【音羞】脯荐脯膾胖凡腊物

郑康成曰脯非豆实当为羞声之误也【○贾氏曰按笱人有栗脯则脯乃笱实非豆实也笱人职云共其笱荐羞之实郑云未饮未食曰荐已饮已食曰羞羞荐相对下既言荐脯明上当言羞脯也○史氏曰晏平仲祀其先人防肩不掩豆则脯有时而登豆矣谓之豆脯非无所据也】

賓客丧纪共其脯腊凡干肉之事

贾氏曰所共共外内饗也○史氏曰先王之设腊人意若曰吾不因田之所获以储待之一有阙焉使之弋猎以求则不胜其扰将人与物俱毙吾之所享几何而使寰区之内飞潜蠕动不聊其生哉然则储之以待用所以广王者好生之德

刘迎曰宰相内亲附百姓外镇抚四夷而遂万物之宜者一动植一虫鱼皆宰相造化中物此伊尹所以一夫不获时予之辜丙吉之于牛喘亦止车而问皆宰相责也鼃人 人安得不属于大宰

周礼订义卷七

卷八

钦定四库全书

周礼订义卷八 宋 王与之 撰

天官冢宰下

医师上士二人下士四人府二人史二人徒二十人○郑康成曰医师众医之长也【○贾氏曰凡言师者皆取可师法也】○陈宏甫曰人之一身之用与天地同有余则损不足则补天之道也自非达得造化消息盈虚之理如何防知得人身中气偏之所在此直是丝毫不可差如后世庸懦安能了得此事所以成周以士大夫为之○薛平仲曰膳夫自庖人至腊人既联事以共其职矣食医一官属焉可也特别而置诸医者之列固人主护养之道然护养之道人主之所能有也君子之所能放也彼天下之民其孰能知节于此哉不知所以节之则陰阳之寇每易以乘隙而伤其和而疾病见矣先王不忍厚己以忘民也是故先于食医则有医师以掌分治民物之疾病后于食医则疾医 医兽医次第而设焉盖仁出于身而加于民爱乎物实自夫一饮一食之间推之

掌医之政令聚毒药以共医事

刘执中曰医师掌医之政令则聚其毒药有州土之宜有采取之候有冶炼之方有攻疗之制悉预知之然后可以共医事○郑锷曰治病之法亦有用善药以补治之者不必皆用毒药說者云巴豆狼牙之 药之有毒者也人参芎防之 药之无毒者也此言聚毒药盖谓以毒为主也愚以为不然瘍医云以五毒攻之以五药疗之则毒与药二物也药之毒与夫药之不毒者皆不可以卒求如七年之病求三年之艾则不可不蚤 而预蓄也

凡邦之有疾病者疔【匹婢反】 【音羊】者造【七报反】焉则使医分而治之

贾氏曰疾病者谓若疾医所云也疔 者谓若 医所云也二者皆造医师医师则以疾病者付疾医疔 者付 医【○史氏曰腹心四体其有不康谓之疾病附赘痈疽谓之疔 ○郑锷曰疔谓疮生于头者 谓疮生于身者】

岁终则稽【古兮反】其医事以制其食十全为上十失一次之十失二次之十失三次之十失四为下

王氏曰饩廩称事然后能者劝而不能者勉○王氏详說曰小宰于百官府则以叙制其食官伯于宫中之官府则均其稍食此曰稽其医事以制其食皆食功也

郑康成曰全犹愈也以失四为下者五则半矣或不治自愈【○王昭禹曰晋侯有疾医缓曰疾不可为也在膏之下肱之上公曰良医也晋侯果卒十全者但知其可治不可治而失焉者皆全矣】

史氏曰计其所失为之殿最则为医者惟恐其失之矣

食医中士二人

贾氏宰夫疏曰食医府史胥徒俱无以其专官行事无所须故也【○王氏曰医师聚毒药以共医事则有藏矣故有府掌医之政令而使之分治疾 稽其事制其食则有书且有政令矣故有史有徒诸医毒药于医师受政令听所使治则无用府史胥徒】

掌和王之六食【音嗣】六饮六膳百羞百酱八珍之齐【才细反下皆同】贾氏曰六食以下皆膳夫所掌此主调和而已其六食等义并在膳夫【○史氏曰和之者调其滋味之宜通其寒温之候辨其物性之相忌相使可以进之也】

陈及之曰食医医师之属其职专和饮食而不治医事者也盖人之疾病未有不从饮食致之能防于未病之前则疾鲜矣故有庖人内饔辨鸟兽鱼物腥臊之不可食者而食医又以法调和食饮膳羞之齐亨人给水火之齐内宰以阴礼教六宫以阴礼教九嫔以妇式之法教九御以时御叙于王所其防微杜渐皆所以谨疾无使致疾故食医不治医事也若待其已病然后疗之此后世之事非先王之制

凡食齐眡春时羹齐眡夏时酱齐眡秋时饮齐眡冬时贾氏曰眡犹比也羹若大羹铏羹等醯人醯人惟有醯醢不言酱即豆酱也公食大夫礼公亲设酱酱者食之主言酱则该诸豆实○方氏曰齐与王制迟速异齐之齐同食齐则黍稷秬粱之 羹齐则雉兔鸡犬之 酱齐则醢醯醢醢之 饮齐则水浆醴凉之 食齐视春固以温为主然食养物而生之亦春之事羹齐视夏固以热为主然羹熟物而化之亦夏之事也酱齐视秋固以凉为主然酱将物而成之亦秋之事饮齐视冬固以寒为主然饮润物而清之亦冬之事○史氏曰非谓于四时各供其品言其所宜之气耳宜温眡春宜热眡夏宜凉眡秋宜寒眡冬一食之间具此四气也

凡和春多酸夏多苦秋多辛冬多咸调以滑甘

易氏曰春为木味多酸以养肝夏为火味多苦以养心秋为金味多辛以养肺冬为水味多咸以养肾脾土旺于四季故皆调以滑甘

史氏曰非谓四时各专一味谓之多者就五味中使一味胜焉以养其气也如春则肝用事用则劳劳则损损则四藏胜而疾生焉曲直作酸唯酸为主可以引诸味以益肝气而使适平夏之苦秋之辛冬之咸莫不皆然调以滑甘者则受和为五味之本也在五行曰土在五藏曰脾在五藏曰脾脾养五藏土旺四季而信于四端无不用者若甘之总五味也○郑康成曰各尚

其时味而甘以成之犹水火金木之载于土内则曰枣栗饴 以甘之菹苴粉榆兔薹滫瀡以滑之

王昭禹曰温热寒凉天所造以养万物者也酸苦辛咸地所化以养万物者也人之一身常与天地流通则其气味之所养又安可违此温凉寒热之所御必在顺四时之气酸苦辛咸之所节必欲顺四时之味

凡防膳食之宜牛宜稌羊宜黍豕宜稷犬宜粱鴈宜麦鱼宜菰【音瓜】

郑康成曰防成也谓其味相成○郑锷曰膳食各有相宜者又当防而合之使气味相成牛土畜也稌稻也泽中所生与土畜相宜羊火畜也黍高燥所生与火畜相宜豕水畜也稷北方之谷与水畜相宜犬金兽也粱西方之谷与金畜相宜鴈阳物也麦秋种而夏熟得阳气为多与鴈相宜鱼水物也菰者米之生于水者也与鱼相宜凡此皆气味相宜者也○杨氏曰所以养阴阳之气不可以偏胜凡此皆卫生之道【王氏详説曰洪范五行以自顺为序六府五行以相就为序月令五行以相生为序人食味别声被色未有不本于五行者或以同气而为之宜者牛宜稌羊宜黍鱼宜菰是已土之与土火之与火水之与水其同气欤或以相克而为之宜者豕与稷是已土之与水其相克欤或以相生而为之宜者犬宜粱鴈宜麦是已金之与土火之与木其相生欤若夫月令言食麦与羊食菽与难食稷与牛食麻与犬食黍与彘与此不同者盖彼言其所与顺时令也】

凡君子之食恒放【甫徃反】焉

王昭禹曰君子与王贵贱之分不同而养生之理则未尝异故膳食所防之宜皆得以放王而自养焉○黄氏曰秦暨和谓赵孟曰国之大臣荣其宠禄全其大节有菑祸兴而无改焉必受其咎今君至于淫以生疾主不能御吾是以云良臣将死也夫师之教训傅之德义保其身体冢宰之事也周冢宰必兼三公使其燥湿寒暑之不戒饮食起居之不节而疾生焉则何以为师保故食药之调适饮膳为详而医师奉王之事属于冢宰岂苟而已哉

郑节卿曰古者史官乐官与医卜之官皆世其业不兼官不贰事惧其不精也医不三世不服其药执技以事上者惟医为难精惟疾病不可不谨先王岂敢以一人而兼二三人之能哉是故食医之下有疾医调饮食不兼于治病疾医之下有 医察内症不兼于外症 医之下有兽医治禽兽者不兼于治人也必求其精不敢计其冗先王之仁也

疾医中士八人掌养万民之疾病

贾氏曰疾轻病重论语注疾甚曰病○王昭禹曰安强得于气之和疾病由乎气之乖善医者审其源亦贵乎调养气为本盖五藏六府之气均则疾病无自而作一或盈而有余一或羸而不足则偏胜而疾病因之以起所谓养者育之使其气一于充实而后已下文以五味五谷五药养其病是也

四时皆有疔疾春时有瘡【音消】首疾夏时有痒【以掌反】疥【音介】疾秋时有疔【音岳】寒疾冬时有嗽【西豆反】上【时掌反】气疾郑康成曰疔疾气不和之疾瘡酸削首疾头痛嗽咳上气逆喘也

史氏曰四时皆有疔气人感之者谓之疔疾夫人之一身冲和之气弥满四体一有亏失则内气必消外邪客气乘之以入而疔焉如置杯于水外水得入者内水亏也故疾医之职必先于调养其内气消栗则伤之者众冬伤于寒春必为温夏伤于暑秋必为疟寒气蕴伏春温激之故生焉此疾必先头痛也暑气蕴伏秋凉激之故寒生焉疟寒者脾寒也言此病必先寒至也热之余毒客于肌肤而不散故夏有痒疥之疾寒之余毒传于华盖而上升故冬有嗽上气之疾

以五味五谷五药养其病

郑康成曰五味醯酒饴蜜姜盐之属【○贾氏曰醯则酸酒则苦饴蜜则甘姜则辛盐则咸郑不言酸咸等而言醯酒之属者或当时医方所用也】五谷麻黍稷麦豆【○贾氏曰此依月令五方之谷据养疾而食之非必入于药分也○愚案素问以麻麦稷稻豆为五谷以麻属木麦属火稷属土稻属金豆属水若疾医用以养病必知物性所宜恐当从素问为是】五药草木虫石谷养犹治也病由气胜负而生攻其赢养其不足也【○贾氏曰假令夏时热病者体寒即是水水赢而胜火气负而不足故夏时病者则五味中食甘五谷中食稷以甘稷是土之谷味土所以克水是攻其赢也上生于火土是火之子食甘稷为子养母之道故云养其不足也】

王氏曰素问曰形不足温之以气精不足补之以味味养精者也谷养形者也药则疗病者也养精为本养形为次疗病为末【○史氏曰得是病者必贵急攻调之使气内正内正则外邪客气无所容而疾去矣故五味以滋其气五谷以荣其血五药以御其邪而病不瘳者未之有也○吕氏曰先以五味五谷继以五药以药医之下也虽然岂独医哉】

以五气五声五色眡其死生

郑康成曰五气五脏所出气也肺气热心气次之肝气凉脾气温肾气寒五声宫商角征羽也【○贾氏曰宫数八十一配土商数七十二配金角数六十四配木徵数五十四配火羽数四十八配水此五声数多者声浊少者声清人之言语似之】五色面貌青赤黄白黑察其盈虚休王吉凶可知【○贾氏曰假令冬时面色黑其气寒声应羽此是盈而王吉可知若冬时其色黄其气热声应宫此是中央土克己此是虚而休凶可知】三者剧易之征见于外者【○贾氏曰气病在内人所不覩见其声色则知其增剧及简易也】○王昭禹曰素问曰五脏之象可以推五脏之音可以意职五脏征验可以目察○王氏曰望其气又听其声又观其色以眡其死生不过五以味谷药养其病亦不过五则以物之更王更废更囚更死不过五故也

两之以九窍【古吊反】之变参之以九藏之动

贾氏曰此验其脉候九窍与所眊为两两与九藏为参【○易氏曰九窍皆有形而见于外者观其证之变而有通塞之二候故曰两九藏皆有形而藏于内者察脉之动而有浮中沉之三部故曰参】

郑康成曰阳窍七陰窍二窍之变开闭非常【○刘执中曰变者失其常职】正藏五又有胃膀胱大肠小肠藏之动谓脉至与不至○贾氏曰正藏五者谓肺心肝脾肾并气之所藏故得正藏之称又有胃膀胱大小肠乃六府中取此四者以益五藏为九也黄帝八十一难经說胃为水谷之府小肠为受盛之府大肠为行道之府膀胱为津液之府气之所生下气象天故写而不实实而不满若然此则正府也故入九藏其余胆为清净之府三焦为一府非正府故不入九藏【○刘执中曰神藏五难经曰心藏神肝藏魂肺藏魄脾藏意肾藏志是谓神藏五也形藏四谓头角也耳目也口齿也胷中也故下部天以候肝地以候肾人以候脾谓之气中部天以候肺地以候胷中之气人以候心上部天以候头角之气人以候耳目之气地以候口齿之气故三部者各有天地人合为九分以应九野以察九藏故曰参之以九藏之动则生死不能逃矣】

史氏曰九窍在外九藏主之两之以外证之变动参之以九藏之脉息始能决之

王昭禹曰难经望而知之谓之神闻而知之谓之圣问而知之谓之工切脉而知之谓之巧望以五气望而知者也听以五声闻而知者也问以五味问而知者也诊九藏之动切脉而知者也

凡民之有疾病者分而治之死终则各书其所以而入于医师

贾氏曰以疾医中士八人各有能故使分治之也【○王氏曰医师言使医分而治之疾医又言分而治之者医师分疾病疔使各治之而疾医所治亦各有能也至于一医但言凡有者受其药则肿 溃 金 折 同科而已】

郑康成曰少者曰死老者曰终所以谓治之不愈之状也医师得以制其禄且为后治之戒【○王氏曰兽医曰死疾医曰终终则尽其道而死者也终亦有所所以而非医之罪亦书其所以焉使知如此者在所不治也】

医下士八人

王昭禹曰气乖不和则为病血壅不行则为 病以气而其伤在藏府 以血而其伤在肌肤此疾医所以治内而 医又有以治外也○郑锴曰 者疾之至恶治之尤难伯牛有疾說者以为癩孔子曰亡之命矣夫苟偃瘁疽生 于头至于大病目出而死信夫为疾尤恶非他医所能愈故特设一官

掌肿 溃 金 折 之祝【之树反】药副【音刮】杀之齐【才细反】王氏曰肿 聚

而不溃溃 溃而不聚金 刃创未必折骨折 折骨未必刃创【○史氏曰金者凡锋刃利芒所伤折者凡坠压颠覆所致肿 痛而上生疮者溃 痛而含浓血者】

郑锷曰王安石谓疾之恶者药或不能攻则有祝焉乃引素问上古移精变气祝由之説以为证【○郑康成曰祝当为注读如注病之注声之误也】

愚攷医之用祝理或宜然今世有以气封 而徙之者正祝由之遗法也祝之不胜于是用药药或不能去必劓以刀而去恶血劓而不效必杀之以药而食其恶肉凡四法各有浅深之度故言齐

凡疗 以五毒攻之以五气【音飢】养之以五药疗之以五味节之

郑康成曰止病曰疗攻治也五毒五药之有毒者今医方有五毒之药作之合黄罌置石胆丹砂雄黄礬石慈石其中烧之三日三夜其烟上着以鸡羽扫取之以注创恶肉破骨皆尽出

王氏曰以五气养之生之也独于 言素问曰形不足温之以气 之治宜以气也而以五气养之反在以毒攻之之后则必先除其恶然后可养也【○郑康成曰五气当为五谷字之误也】以五药疗之治之也凡疗 者五毒五气五味亦所以疗之也而独言以五药疗之者以药为主也○郑康成曰节节成其药之力也【○贾氏曰即下文以酸养骨之 是也】

史氏曰治疗之序五毒攻之利法也自内作者血气壅滞不利不瘥自外受者毒必相资不利不瘥利已则肠胃虚以五谷之气补之以五药之良调之以五味之中节之则内和而平外疾去而支肤全矣【○王昭禹曰疾医以五味五谷五药养其病而 医以五药疗之然后以五味节之者疾医所言者养也凡养以治内为主故先味而后药 医所言者疗也凡疗以治外为主故先药而后味】

凡药以酸养骨以辛养筋以咸养脉以苦养气以甘养肉以滑养窍凡有 者受其药焉

郑锷曰先攻以五毒后疗以五药岂其五药并用而求一物之幸中哉又当视其病之所损者而审其味以养之也其有损于骨则以酸养之酸之味由木所作木强能立事可以强其骨有损于筋则以辛养之辛之味由金所作金能纏合异物可以 其筋有损于脉则以咸养之咸之味由水所作水能流行可以柔其脉有损于气则以苦养之苦之味由火所作火气炎上可以作其气有损于肉则以甘养之甘之味由土所作土能含载万物可以生其肉有损于窍则以滑养之滑石之性能滑物而通之可以利其窍凡此皆疗 之法也【○王昭禹曰素问曰酸收辛散咸栗若坚甘缓夫肉以骨为体骨 则强故以酸收之肉以筋为节筋散则不挛故以辛散之脉所以行血脉栗则和故以咸栗之气所以充体气坚则实故以若坚之肉缓则不壅故以甘缓之窍利则不滞故以滑利之且肾主骨肾水属也故欲收肝主筋肝木属也故欲散心主脉心火属也故欲栗肝主气肺金属也故欲坚脾主肉脾土属也故欲缓至于窍则以骨为体而以肉为包所以通气也素问曰骨肉滑利可以长久惟滑则无所凝止则窍亦水属

也故以滑利为主○刘执中曰以酸养骨者酸主肝而肾主骨以子养母则骨之折者可续以辛养筋者辛主肺金之味也而克木不使肝与筋过盛以咸养脉者心火也而主于脉咸水之味而克火不使心与脉过盛以苦养气者肺金也而主于气苦火之味而克金不使肺盛气过血以甘养肉者脾主肉甘者土之味而主脾者也养之使盛则肉速长而不可合以滑养窍者窍不滑则闭塞不通而毒气内壅则反攻于不可得而速合然则为病也四而所以破陷者肉也断折者骨也则夫气也脉也筋也过盛而流通则其不可得而合矣故必抑之使微而肉也骨也缺损而欲其合且续也故必养之而使盛窍则利之而使通此所以为疗之道】

史氏曰之作本于壅滞郁结药之用专于通利防导则疾何由而有譬之治国上情下宣下情上达无有壅蔽之患治斯举矣然则用宣利之药者瘍医之大法至于血气之虚实在乎用药之多寡如盘走圆贵乎得其意而已

陈及之曰医官之属自万民疾病及禽兽无不治疗而王朝公卿大夫士则不主治之何也盖卿大夫士权力足以致之财赂足以使之故治不在上之人设官掌之也若万民之疾病良医既不肯治非设官以治之则人有死非其命矣

兽医下士四人

郑锲曰古者服牛乘马引重致远有赖其力用其力而不治其疾则种浸溃以死何以供用自汉以来如张里以马医而击钟黄宪乃牛医之子则兽医者岂非为牛马而设

愚案人为万物之灵君仁民而后爱物故人之为医二兽之为医一

掌疗兽病疗兽

史氏曰疾与病一也分言之则疾浅而病深俱治之者贵人也至于兽医则疗兽病而已不问其疾彼其口不能言不食水草而鸣之哀亦先王之所不忍医固不可无也

凡疗兽病灌而行之以节之以动其气观其所发而养之凡疗兽灌而副之以发其恶然后药之养之食【音似】之郑锲曰兽与人异不可求于言语痛痒之际故其病为难知疗之之法则先灌药剂以行之行则知其病之所在然行之不已则其病浸剧又当节以止之盖先动其脉气脉气不发无从用药因其气所发动之处从而养之则其病可除若疗其瘍亦灌以药既灌则括其恶肉以发其恶然后外附以药内养其气而用刍秣以食之此疗兽之法

凡兽之有病者有者使疗之死则计其数以进退之史氏曰疾医于人死则书其所以而兽医于兽死则计其数而已其详略不同皆先人后物之意所谓计其数而后进退之者随其勋效之有无而予夺其食医师稽其医事以制其食是也

酒正中士四人下士八人府二人史八人胥八人徒八十人

郑康成曰酒正酒官之长○黄氏曰宫正宫伯之掌宫室居处之正也膳夫庖人之事膳羞饮食之常也酒酱醢醢宜联膳饮舍次帘幕宜联宫室离之而在医师之后其下遂列府藏嫔御之官盖以为厚味腊毒游观怠荒货贿逐至声色纵欲皆足以致疾其在典章虽不可已而可节其在人情虽不能免而可戒是皆大宰之所当知自秦以来宰相不复预此凡人主共养尽属少府乃为天子私人夫岂惟宰相不得预而医卜史官加诸吏左右曹则与闻政事矣尚书密掌枢机则权侔宰相矣

薛平仲曰酒以行礼固不能不用而酒以乱德尤不可轻用观酒诰一篇周公之虑悉矣则设官分职之际岂苟然哉故于酒正之官则以命士而掌政令以式法而授酒材而为酒为浆者则以奄官女奚主之盖酒正以如是之式而界之酒浆之人为如是之用以入于酒正之府内不可以妄为而外有可稽验事制曲防之意远矣

掌酒之政令以式灋授酒材凡为公酒者亦如之王昭禹曰酒之为物以承祭祀以供賓客以养老病以行爱敬之情一事不可遗一礼不可阙先王由是设官以掌之然所谓政令非特酿造供奉之事与黍为酒非以为祸而酒之流实生祸故始乎治常卒乎乱则酒正之掌政令亦所以谨酒也

郑康成曰式法作酒之法式作酒既有米麴之数又有功沽之巧月令曰乃命大酋秫稻必齐麴蘖必时湛醴必洁水泉必香陶器必良火齐必得【○王昭禹曰式若米麴多寡之数法若水火齐量之差】○郑司农曰授酒材授酒人以其材也【○贾氏曰酒材即米麴蘖○王昭禹曰凡资之以为酒者皆是也】

郑康成曰公酒谓乡射饮酒以公事作酒者亦以式法及酒材授之使自酿也【○王氏详説曰乡大夫三年则大比而兴贤者能者以礼礼賓之此乡饮酒也党正曰国索 神而祭祀则以礼属民而饮酒于序此亦乡饮酒也乡大夫又曰退而以乡射之礼询于众庶此乡射饮酒也州长曰春秋以礼防民而射于州序此亦乡射饮酒也故所用之酒为公酒若夫族师所掌初无饮酒之礼春秋祭酺相为酬酢其非公酒欤○史氏曰自王及后世子之用与凡所以为祭祀賓客乡射燕享之奉者皆曰公酒】

陈及之曰三代无 酒法酒诰禁羣酒息鬪争甚严今酒正酒官不掌禁酒至地官司醜禁饮食于市者秋官有萍氏掌几酒谨酒盖先王所以为酒者为祭祀賓客设也自酒正之外官府不得私酿每岁给其秩酒惟乡遂官长有乡射饮酒之礼则酿未可知矣然酒正内官也以下又皆奄人女奚为之势不可以呵禁外事而萍氏刑官之属司醜市官之属俾之谨察酒禁则顺矣后世专立酒官务在 酤恐齐民夺其利故禁察酒亦有职先王无此意也

辨五齐之名一曰泛【芳劬反】齐二曰醴齐三曰盎【鸟浪反】齐四曰缇【音体】齐五曰沈齐

贾氏曰辨者言不自造酒直辨五齐之名但知其清浊而已○王昭禹曰五齐用以祭祀每以祭祀其造作必有量数故曰齐焉

郑锷曰太古有明水以为醴其后乃有酒酒之后又有五齐五齐之后乃有三酒至于酒则其味厚矣味之厚者生于薄味之薄者生于去古益远则礼文益变然五齐虽生于酒而五者之中亦自有厚薄之齐自泛之醴自醴之盎自盎之缁自缁之沈非色不同也味亦不同非惟厚薄不同清浊又不同其齐不同则其名不同其名不同则不可以不辨故使酒正辨之盖一变始有泛齐成而泛泛然而滓则浮而上泛齐一变始有醴齐成而汁滓相将其体则厚而甜醴齐一变始有盎齐成而滃滃然其味得中【○郑康成曰自醴以上尤浊缩酌者盎以下差清○贾氏曰谓泛齐醴齐皆以茅泚之使可酌故司尊彝云醴齐缩酌盎以下差清以清酒泚之不用茅故司尊云盎齐浼酌郑注浼清也】过此以往然后有缁齐其色红赤味已是酒故名曰缁缁言其是酒也【○史氏曰沉者上澄而下浊】礼之近人情者非其至也此泛所以处五齐之先而沈所以处五齐之下凡此皆用以事神记曰酒在室醴醖在户粢醖在堂澄酒在下是谓承天之祜又曰醴酒在室醖酒在堂澄酒在下示民不淫也醖则盎尔澄则沈尔酒正辨其名然后辨三酒四浆之物因名然后有实也

辨三酒之物一曰事酒二曰昔酒三曰清酒

史氏曰三酒而辨其物者谓其形已成兼以共人饮取其能养阳能合欢也○王氏曰五齐言名三酒言物五齐以祭祭则致其义名者义之所出故也三酒以饮饮则致其实物者实之所效故也○史氏曰事者方有事于糟漉昔者熟之而可久清者澄之而可饮【○郑锷曰昔之为言宿昔之意谓日久而渐清之酒也礼记曰犹明清与醖酒于旧醖之酒所谓旧醖之酒者昔酒也惟其浼而久故谓之旧醖逮其后也遂有清酒其色益清明记礼所以醖酒浼于是是也醖酒盎齐也盎齐差清又以清酒浼之则知清酒之为大清矣】○王氏详说曰以昔酒为久则知事在昔之上为近而清在昔之下为尤久也以事为有事者之酒则昔为无事者之酒而清为诸臣所酢者之酒矣盖祭祀之礼有行事者有预陪祀而不得行事者事酒昔酒其出于此若夫司尊云皆有鬯诸臣之所酢盖九献之礼王及后皆四而诸臣一王酢以醴后酢以盎诸臣所酢以清酒而已是不敢与王之神灵等

辨四饮之物一曰清二曰医【于已反】三曰浆四曰醕【以支反】王昭禹曰饮于三酒为薄于五齐为厚亦人所饮者故亦言辨其物【○史氏曰四饮辨其物者取三酒之余加之以四饮之物而后酿焉是故未成而曰浆已成而曰饮饮不以酒名取其为酒之贰也】○郑锷曰清则泚醴而为之醴至厚而浊泚之则清而可饮医则酿粥以为之比于醴则少清浆则截浆之可饮者【○贾氏曰截之言载米汁相载也】醕则稀粥之可饮者【○王氏详说曰医醕皆粥也但分厚薄耳】○贾氏曰案浆人有六饮此言四者郑注浆人云酒正不辨水凉无厚薄之齐

掌其厚薄之齐以共王之四饮三酒之饌及后世子之饮与其酒

贾氏曰自五齐以下并是酒人浆人所为故直掌其厚薄之齐

史氏曰备之三酒副之四饮而饌设之味以之共王则然耳后及世子酒饮之数未必全共而饌设之味未必全享○贾氏曰饌谓饌陈其具设之也○王氏曰后世子之饮与其酒共之而已弗为之饌○王昭禹曰此不言五齐则五齐独用于祭祀也

凡祭祀以灋共五齐三酒以实八尊大祭三贰【音二下同】中祭再贰小祭壹贰皆有酌数唯齐酒不贰皆有器量○易氏曰酒正初以式法授酒材及成又以式法共用不可多不可寡也○贾氏曰五齐五尊三酒三尊故云八尊此除明水 酒若五齐加明水三酒加 酒此八尊为十六尊不言者举正尊也

贾氏曰先郑谓大祭天地中祭宗庙小祭五祀其实天地自有大祭小祭宗庙亦有大祭后郑之說皆据司服六冕差之也

郑锷曰祭祀之礼以神事之则用五齐以人养之则用三酒其尊有八酒正以法共之其实本以事鬼神三酒之用不一始焉以酌献终焉以酢诸臣贵其有余而不欲其馐是故大祭度用一尊则用三尊以为副贰中祭度用一尊则用二尊以为副贰小祭度用一尊则用一尊以为副贰祭之大则所酌者多祭之小则所酌者寡此所以为降等皆有酌数取足而无乏耳唯尊中所实齐酒专以事神而不以饮诸臣不用副贰之尊器之大小量之多寡俱有一定之数盖五齐虽以致礼之文无实则近于伪而不诚非所以交神明之道故虽不副贰亦皆有器量乃所以致礼之实

愚案酒之有贰谓既荐鬼神而后以鬼神之福爵羣臣所以广神施也大祭天地用三贰谓天地之施广而周中祭宗庙用再贰谓宗庙之设施视天地虽杀而犹广小祭山川用一贰谓山川之施为微大抵皆是广神之惠泽以及下记曰祭者泽之大者也上有大泽则惠必及下

共賓客之礼酒共后之致饮于賓客之礼医酏糟皆使其士奉之

王昭禹曰礼酒谓致享于賓客之酒飧以训恭俭爵盈而不敢饮为礼而已

史氏曰后之賓客公卿之妻燕见而饮也○王氏曰建国则王立朝后立市祭祀则王耕以供粢盛后蚕以为祭服王献而后亚裸王亲牵射牲后亲彻豆筯賓客则亦王裸献而后亚献则王致酒后致饮夫妇相成之义也

郑锷曰医与酏则必糟而不泔盖泔则清而不浊糟则浊而不清后与王同体故所用之物不无少屈也○易氏曰酒正以奉王也不以奉王之职奉賓客故使其士○郑康成曰士谓酒人浆人奄士

凡王之燕饮酒共其计酒正奉之

易氏曰燕朝之暇王所与饮酒或与同姓之伯父叔父或异姓之伯舅叔舅或公卿大夫之贵而亲也王昭禹曰燕以示慈惠恐其过故共其多寡之计【○黄氏曰燕賓】【客有常礼故共其计左传曰臣侍君燕过三爵非礼也三爵献酬酢也酒正奉之察其过也】○郑锷曰說者谓王者之尊不可拘以有司之法制今则奉其多少之计何也盖至尊之酒不可以常礼拘至于燕饮则不得不为之防紂为长夜之饮后至于丧六百年之业由无节之所致不参计于礼饮而奉于燕饮使王知其过多则自为之戒其虑远矣示慈惠故燕饮酒取醉而已不若飧之为有节然当防其过焉

凡飧士庶子飧耆老 子皆共其酒无酌数

郑锷曰飧礼之严几设而不倚爵盈而不饮所以训恭俭而此言共酒无酌数何也盖此所谓飧非大飧也以飧士庶子之在王宫也有宿卫之忠勤或用酒以饮之所以劳其功耆老之子子之父死于王事悯其惻独无依或用酒以饮之所以念其功其享之也不过以醉为度示恩意之厚耳【○刘中义曰优宫中之环卫恤死亡之老幼必尽其量而共之】○郑节卿曰燕羣臣嘉賓所以恩之也享士庶子所以任之也飧耆老 子所以报之也大拘则懼不洽賓主百拜酒止三行非所以使之醉酒饱德也共其酒无酌数则曲尽其情而极其懼未醉而威仪抑抑既醉而威仪怩怩矣夫外严于分而内则怀之以恩生 其力而死恤其老幼仁之至义之尽也

掌酒之赐颁皆有灋以行之凡有秩酒者以书契授之易氏曰赐即赐予颁即匪颁皆出于禄秩之外法即太宰九式之法皆以其式法行之则好赐匪颁虽王者非常之恩亦无非天下之常法○郑司农曰有秩酒者给事中予之酒秩常也常受酒者国语曰至于今秩之○王氏曰秩酒有常赐之酒也郑氏以王制九十日有秩谓有秩酒者老臣也老臣固有秩酒然有秩酒则非特老臣而已授以书者使知其所得之数授以 者使执之以取酒也

史氏曰赐颁者时有所予之横赐秩酒者月有所给之定数也

刘执中曰酒虽出于酒人莫不关于酒正也

酒正之出日入其成月入其要小宰听之

郑康成曰出谓授酒材及用酒之多少受用酒者日言其计于酒正酒正月尽言于小宰○贾氏曰受用酒是酒人也

愚案一酒至微尤不少置非是督责之察要之一事废则一职废今日之不治他日必有不胜治之叹故日入其成月入其要经特于酒正见之意者三百六十之职无时不然

王氏曰特谨其出异于其余物愍酒之意也必小宰听之则守出纳之正而正其不如法者

岁终则防唯王及后之饮酒不防以酒式诛赏

易氏曰日入其成计一日之出月入其要计一月之出小宰听之计所出而已未计夫入焉至于岁终然后小宰以所入之要而致于大宰大宰乃以初授式法之多寡而防一岁之所共所用盖将以酒式而行诛赏也

愚案不防者非直纵之饮也王燕饮而必共其计曷尝不计之有司严奉酒之吏乃所以默制人主也

刘执中曰国之储贰政之本原未可以酒乱其性焉圣人谨微如此

郑锷曰酒正掌酒之政令其始以式法授酒材彼违式而酒恶不可以无诛如式而酒美又乌得而不赏故曰以酒式诛赏

酒人奄十人女酒三十人奚三百人

王氏曰郑氏以奄为精气闭藏者盖民之有是疾先王因择而用焉与籛籛 繆戚施直鑄聾瞽司火瞽蒙修声同若以为刑人则国君不近况于王乎若刑无罪之人而任之则宜先王之所不忍

贾氏曰以其与女酒及奚同职故用奄人奄不称士亦府史之

郑康成曰女酒女奴晓酒者古者从坐男女没入县官为奴其少材智以为奚今之侍史官婢或曰奚宦女○贾氏曰言女酒三十人则女酒与奚为什长若胥徒也奚三百人以其造酒故多也

掌为五齐三酒祭祀则共奉之以役世妇

史氏曰五齐三酒酒正授式法酒材为者酒人酝酿之也

郑锷曰周礼有两世妇一在春官以卿一人为之一乃天官内宰世妇与九嫔为列者也先儒以此世妇谓春官之卿掌女宫之宿戒者殊不知内宰之世妇于祭祀之时当涖陈其具酒人乃奄人也奄人固宜与内人联事则其听世妇役也宜矣安可以为春官之卿耶○史氏曰酒非常用必祭祀之余因以为饮周公诰康叔曰祀兹酒则祭祀方用酒明矣越庶国饮惟祀德将无醉则因祭祀而为饮亦明矣有奄十人女酒三十人奚三百人其奉酒于内则受世妇之役而世妇亦惟祭祀用之而已

共賓客之礼酒饮酒而奉之

王氏曰飧酒为礼而已故谓之礼酒燕以示慈惠故燕酒谓之饮酒【○史氏曰礼酒饮酒多寡异也夫一献之礼賓主百拜而酒三行所以防其多而失礼也既饮食之又实币帛以将其厚意所以致其多而尽欢也】○王昭禹曰非特供其酒又奉其事○黄氏曰酒浆筵醢皆内事宗庙之祭祀賓客之飧食王后行礼于此世妇诏之酒正不与故酒人共酒而奉之直致内事郑言酒正使之非也诗曰我姑酌彼金罍我姑酌彼兕觥后夫人之职也

凡事共酒而入于酒府凡祭祀共酒以往賓客之陈酒亦如之

郑锷曰凡事则不一事也皆共其酒则酒之用亦不一矣酒之用不一则其费也广酒人既共其酒必以数入于酒正之府若酒人不入其数则酒正何以日入其成月入其要哉入与凡征入于玉府皮毛筋骨入于玉府之入同○郑康成曰凡祭祀小祭祀也○王氏曰祭祀共酒以往则自有奉之者往待其令而已○郑锷曰祭祀共酒以往不必自往宫中祭祀听世妇之役在外之祭祀不必自往賓客之来王朝有归饗饔之酒所谓上公壶四十皆陈侯伯三十有二皆陈是也陈则设之于堂东自有掌客往焉酒人奄者也不当从事于其间【○黄氏曰外祭祀賓客陈酒皆共酒以往酒正使其士奉之】

浆人奄五人女浆十有五人奚百有五十人

王昭禹曰酒浆皆人所饮有酒人又有浆人者盖其造酿异法故异职也○郑康成曰女浆女奴晓浆者愚案酒浆筵醢醢盐幕等人皆以奄为之以此等人只可给役使不可使入王之燕寝

掌共王之六饮水浆醴凉医酏入于酒府

史氏曰酒正言四饮而此云共王之六饮盖酒正辨其清浊醇醴六饮之中唯水为清冷所以和酒凉为寒粥所以投酒随汲而有随取而辨厚薄之齐不必辨所以不言○郑锷曰饥食而渴饮人道之常饮以水为主其水岂可以常饮哉用米以将之于是而有浆汉人谓之馥浆言其米汁相载也自浆而为醴则稍厚而可饮自醴而为凉则又杂糗饮之水以为饮也曰医则酿粥为醴也曰酏则薄粥也酒正有清而无醴此有醴而无清清与醴一物也醴之厚沛之则清也○王氏详説曰醴有清有糟清沛也糟醇也以可饮言之则曰醴以沛之清言之则曰清醴恬可饮故五齐六饮皆有醴楚元王为穆生设醴即此也○薛氏曰内则有醴清糟酏浆醢醢而无水凉医玉藻有水浆酒醴而无凉医者清醴之沛也糟醴之浊也酏内则所谓酏也醴内则所谓黍酏也医内则所谓醢也凉内则所谓醢也水凉之末非酒正之所辨故内则无水凉亦以其略而薄之也浆人六饮始水玉藻五饮亦上水反其本也酒在饮中非用浆人之法故浆人六饮无酒玉藻五饮有酒异代之礼古者于五饮六饮醴为多○王昭禹曰酒以用于祭祀为主若浆则主于饮而已故浆人但言共六饮而未尝及祭祀○郑锷曰必入于酒府者以共王之饮则酒正职当共奉之故耳

共賓客之稍礼共夫人致饮于賓客之礼清醴医酏糟而奉之

黄氏曰饮常颁也以共賓客谓之稍礼常日稍用之非必备六饮礼饮后夫人致稍礼浆人共不由酒府继粟继食之义○贾氏曰夫人谓三夫人致饮于賓客助王养賓亦致于客馆清醴醴之沛者即酒正一曰清也医酏不沛者此二饮与后同而奉之者亦使浆人奄士奉之○王氏曰夫人有致饮于賓客之礼则犹冢宰之有好赐予也盖上下内外小大相成焉礼之所以立也○郑氏曰亦酒正使之也【○贾氏曰以酒正云使其士奉之者也】

愚案或疑后之所致有医有酏夫人所致于医酏之外又有醴后所致者糟而奉之至夫人所奉于醴则清之于医酏则糟之则夫人所致若有加于后何也不思后之致饮共于酒正之府者在所不必言特医酏糟皆使其士奉之士者康成谓酒人浆人奄士若夫人致饮不可以供后之职奉之凡清之为醴浊之为医酏糟惟浆人得而奉之矣贵贱之等不待辨而可知

凡饮共之

王昭禹曰膳夫言凡王之馈饮用六清则上文共王之六饮者乃馈食所共也此言凡饮共之非必馈食【○黄氏曰凡饮自后而下】

凌人下士二人府二人史二人胥八人徒八十人郑康成曰凌冰室也诗云二之日凿冰冲冲三之日纳于凌陰

愚案冰既是饮食中用故次酒正

薛平仲曰凌人以掌冰为职于酒浆无关也特属于酒浆之末盖酒所以奉阳冰之用所以御阳也一身之血气常流于天地间陰阳节宣之不至则未有不致戾者岂足以与天地同流哉观凌人之属于酒浆之末则大宰佐王之道密矣

掌冰正岁十有二月令斩冰三其凌

郑节卿曰周虽改正朔每用夏正故凌人之职正岁十有二月令斩冰夏颁冰掌事秋刷皆夏月也如诗七月流火九月授衣每书月者皆夏正若周正则不书月一之日二之日是也○贾氏曰周十二月冰未坚也诗曰二之日凿冰冲冲三之日纳于凌陰二之日谓周之二月夏之十二月三之日谓周之三月夏之正月与此周礼十二月藏冰校一月者豳地寒故纳冰可用夏正月也

王昭禹曰斩取以建丑之月纳藏以建寅之月盖陰积而为冬建丑之月陰虽已退而其气犹盛阳虽已萌而其气未浮陰气有余而强阳气不足而弱斩而藏之所以宣助阳气○郑锴曰冰不坚厚则不可取欲取诸冰厚腹坚之时故记则谓之伐诗则谓之凿此则谓之斩○杜氏曰三其凌三倍其冰【○郑康成曰三之者为消释度也○易氏曰三为冰室以待亥子丑三月之用盖天时不可预必有冬而无冰者凡亥子丑三月之闲皆可藏冰故三其凌以待之】

李景齐曰藏冰将以备暑亦所以达阳出冰虽以御暑亦所以助陰盖陰阳之气流行乎天地闲一气不至则闭塞而为灾一气或过则乖戾而为疾善防患者养其弱而抗其强故方陰之盛而阳之微则凿冰以达阳或损有余以补不足故方阳之隆而陰之消则出冰以御暑圣人所以裁成天地之道辅相天地之宜以此也爾诗言王业所致之由而必有及于凿冰冲冲申丰言陰阳之和而无水旱疫疠之灾者亦推其本于凿冰出冰之得其道凌人一职岂非若缓而实急乎

春始治鉴【胡哲反】凡外内饗之膳羞鉴焉凡酒浆之酒醴亦如之

贾氏曰春谓正月也○郑康成曰鉴如甄大口以盛冰置食物于中以御温气春而始治之为二月将献羔而启冰○郑锷曰春分奎星朝见东方蛰虫始出时将用冰始修饰盛冰之器以鉴名之者左传曰美泽可以鉴谓其光泽也

贾氏曰外内饗之膳羞谓王及后世子并飧耆老子等二月之后皆须鉴以盛冰○郑康成曰酒浆酒人浆人【○贾氏曰酒人举酒而言浆人举醴而言】酒醴见温气亦失味○王昭禹曰膳羞感暑气则易败酒醴感暑气则易酸必共冰以寒之也

祭祀共冰鉴賓客共冰

贾氏曰祭祀谓天地宗庙社稷之事皆共冰冰有鉴则冰不消释食得停久賓客谓诸侯来朝王礼之以飧及饗飨直共冰以往无鉴也

大丧共夷槃冰

郑康成曰夷之言尸也实冰于夷盘中置之尸牀之下所以寒尸○王昭禹曰死必臭腐故用冰以寒之夷之言伤也冰槃曰夷槃移尸于堂曰夷堂牀曰夷牀衾曰夷衾皆以哀伤为主

夏颁冰掌事

贾氏曰颁冰颁赐羣臣也掌事主赐冰之多少合得与不合得之事○王昭禹曰阳气过盛无以制之非徒有烦縟之患陰阳不和反伤人之形而疾病作故夏之痒疥以阳气伤于皮肤故也秋之疟寒以夏阳之伤于腑脏故也先王至是而颁冰者所以御暑患也○薛氏曰郑氏引春秋传日在北陆而藏冰西陆朝觐而出之以为夏颁冰之证非也案左氏传昭四年大雨雹季氏问申丰曰雹可御乎对曰古者日在北陆而藏冰西陆朝觐而出之祭寒而藏之献羔而启之公始用火出而毕赋自命夫命妇至于老疾无不受冰杜预以西陆为三月日在大梁之次清明节谷雨中是夏三月是时蛰虫已出有温暑臭秽宜当用冰故以时出之后郑泥于夏颁冰之言乃以西陆为四月立夏之时又引夏颁冰以为說不知四月立夏则日在实沈之次转而行南陆何以谓之西陆朝觐不然则左氏何以又曰火出而毕赋火出于辰即夏之三月也若出次必待四月立夏之时则何三月火出而毕赋乎郑氏之說吾无取焉意者日在西

陆火出于辰在夏为二月是时方出冰夏则取而颁之耳颁非出也若必日在西陆暑气盛而后颁冰非特不知颁冰之制亦不知西陆日行之度

秋刷

郑司农曰刷除冰室当更纳新冰也

周礼订义卷八

卷九

<经部,礼类,周礼之属,周礼订义

钦定四库全书

周礼订义卷九 宋 王与之

筮人奄一人女筮十人奚二十人

郑康成曰筮竹器如豆者女筮女奴之晓筮者薛平仲曰此数官者又以备膳夫之羞用百有二十品酱用百有二十饔者也反覆求之则知周官叙次之意大抵官府之近于君者固莫密于供奉之职而官女之密于君者尤莫切于供奉之职然庖厨之当远君子必处于外而酒醴之饔洁筮豆之静嘉古人当责于内处于外者固宜以命士为职责于内者亦宜以奄官女奚为职然外而官府敬君为有素先言共王而后言祭祀之用所以责其敬而已内而内人朝夕王所者也先言祭祀而后言共王之用所以养其敬也况筮豆之实水土之品不敢用常褻味而贵多品则纖悉委曲之诚洁静精微之意使在内者各有事焉凡便嬖侧媚之习不惟不敢且不暇矣○王昭禹曰先王祭祀内尽志以致其内心外尽物以致其外心水草之殖陆产之醢细物备矣三牲之俎八簋之实美物备矣昆虫之异草木之实陰阳之物备矣凡天之所生地之所产而可荐者莫不咸在一物不可遗则一器不可阙筮豆簠礼之器也筮豆之事各有司存此筮人醢人之职所以立

掌四筮之实

郑康成曰筮其容实皆四升○史氏曰筮以竹为之所以陈干物○贾氏曰四筮则朝事馈食加筮羞筮是已四筮之实则饔餼白黑等是也

朝事之筮其实饔【方弓反】餼【符文反】白黑形盐膾【火具反】鲍鱼鱮【所求反】

郑康成曰以司尊彝之职参之朝事谓祭宗庙荐血腥之事也

郑锷曰宗庙祭祀有朝践之事所以象事生朝时之所进当其祭之始也王酌郁鬯裸尸后亚献于是乎王出迎牲而杀之始行朝践之事则后荐朝事之筮其筮中所实之物则曰饔曰餼曰白黑曰形盐曰膾鲍鱼鱮也饔熬麦也【○郑康成曰餼泉实也】熬稻而白之熬黍而黑之盐则筑以为虎之形鱼则防大脔以为膾【史氏曰防肉为大脔】或糗干以为鲍或折干以为鱮【○王氏曰王使周公闲来聘鲁享有昌歜白黑形盐辞曰国君文足昭也武可畏也则有备物之享以象其德羞嘉谷盐虎形饔餼白黑则所谓羞嘉谷也形盐则所谓盐虎形也昌本则所谓昌歜也推 而言则膾鲍鱼鱮与夫朝事之享皆所谓致其养之盛者也孝子之

事亲欲致其养养欲致其盛故朝事之筮豆其实如此】王昭禹曰鼎俎奇而筮豆偶陰阳之义也盖筮豆之实物产之杂也其数宜偶故朝事之筮其实麋蕡而下凡八物矣加筮之实菱芡防肺皆偶也

馈食之筮其实枣防【古栗字】桃干防【音老】榛【倒巾反】实

王氏曰馈食之筮豆以象食时所进○郑康成曰干防干梅也有桃诸梅诸是其干者榛似防而小【○贾氏曰八筮则枣一防二桃三千防四榛五案干防为干梅则筮中桃是湿桃既有湿桃则别有干桃注引内则桃诸云是其干者既有湿桃则有湿梅可知以干梅湿梅添五者是为七筮既桃梅有干湿则枣亦宜有干湿复取一添前为八必知有八者案仪礼特牲少牢士二筮二豆大夫四筮四豆诸侯宜六天子宜八醯人馈食之豆有八此朝事加筮皆八也○王氏曰桃干防脾析豚拍羸蠃蜃蜃及鱼皆物之细者也枣防榛实女所用摯以告防也凡此所谓备其细且致其敬孝子之事亲致其养者既盛矣以为未足又备其细既备其物以为是养而已弗敬不足以为孝则又致其敬故馈食之筮豆其实如此】○郑锷曰攷女防不过榛防枣脩以喻妇人诚实无伪则馈食之筮所实者皆致礼之实

總论九献

陈蕴之曰九献注疏已有成說但杂见于筮人司尊 与其他官职今取注疏及礼图之說聚为四盖别而言之谓之九献合而言之则有四节其一节曰裸凡经中所谓裸者是也王以圭瓚酌郁鬯以献尸此一献也后以璋瓚酌郁鬯以献尸此二献也其二节曰荐腥筮人所谓朝事司尊彝所谓朝践是也后既裸之后王出迎牲于门祝延尸向户外户牖之间南面后于是荐朝事之筮豆王迎牲入庙丽于碑亲杀取血以告杀取毛以告纯解而腥之为七体荐于神坐王以玉爵酌醴齐以献尸此三献也后以玉爵酌醴齐以献尸此四献也其三节曰荐熟筮人所谓馈食司尊 所谓馈献是也朝践之后乃体解其犬豕牛羊烹而熟之后于是荐馈食之筮豆王以玉爵酌盎齐以献尸此五献也后以玉爵酌盎齐以献尸此六献也其四节曰醑自馈食之后尸始有饮食之礼尸食讫后又荐加筮豆王以玉爵酌朝践之醴齐以醑尸此七献也后以瑶爵酌馈食之盎齐以醑尸此八献也后醑尸后诸臣又以瑶爵酌沈齐献尸司尊 所谓皆有鬯诸臣之所酢者以备卒食之三献此九献也以上九献谓之正献九献之后遂行玉爵为旅酬矣郑氏又有朝献再献之說及图說九献异于注疏并于司尊 见之

加筮之实菱【音陵】芡【音俭】防肺菱芡防肺

薛氏曰周礼言加豆筮则加爵之豆筮特牲礼主人主妇既醑尸然后长兄弟众賓长为加爵不施于亚献之节郑氏谓尸既食后亚献尸所加之筮误矣明堂位曰爵用玉琖仍雕加以璧散璧角特牲礼献用爵加用觚则加在献数之外明矣○王氏曰加筮豆以象馈食之有加

郑康成曰菱芡也芡鸡头也防与馈食同重言之者以四物为八筮也○郑锷曰菱芡之 皆生于水以 推之则取物之深遠者所以致其物之难得者○王氏详說曰防嘉防也醴美味

也故防为馈食之筵亦为加筵之实醢为朝事之豆亦为加豆之实诗云醢醢以荐其周人之尚醢欤语曰周人以防其周人之尚防欤

羞筵之实糗餌【而去反】粉飧【昨资反】

郑康成曰羞筵谓若少牢主人酬尸宰夫羞房中之羞于尸侑主人主妇皆右之者【○贾氏曰天子祭祀礼亡故取少牢大夫礼解之此当王酬尸内饔进之于尸侑等者也】

王氏曰羞筵豆则象其养之有羞也○郑康成曰此二物皆粉稻米黍米所为也合蒸曰餌饼之曰飧糗者粉熬大豆为餌飧之黏着以粉之耳餌言糗飧言粉互相足【○贾氏曰此为二筵糗与粉为一物恐餌飧黏着筵故分于二筵之下○刘执中曰粉糯黍稷成飧○郑锜曰曰糗曰餌曰粉曰飧亦以四物而为八筵】

王氏曰糗餌粉飧醢食糝食出于耕耨而用舂治之力为多非若菹醢之荐可以久所以服其勤而致新也黄氏曰四筵以司尊互考之属荐腥荐熟为两节王行礼为正则加筵羞筵当为后亚献行礼故谓之加与羞皆用防脯餌飧

凡祭祀共其筵荐羞之实

贾氏曰祭祀言凡谓四时禘祫祭○郑锜曰四筵皆王后所荐筵人则实之耳其他祭祀则共筵中可荐可羞之物不共其筵有司自掌其器也○王昭禹曰荐羞皆进也荐羞则所进之物薄羞筵则致滋味焉【○愚案宰夫庖人又有荐羞說】

丧事及賓客之事共其荐筵羞筵

郑康成曰丧事谓殷奠时【○贾氏曰殷大也大奠朔月月半荐新祖奠遣奠之賓客谓燕享时也】

王昭禹曰丧事賓客之事皆王之事筵人共其实亦共其筵

为王及后世子共其内羞凡筵事掌之

郑康成曰于其饮食以其房中之羞○王氏曰筵人醢人皆曰为王及后世子共其内羞则此内羞乃王及后世子以此共礼事而筵人醢人为之共之也世妇及祭之日涖陈女官之具凡内羞之物则内羞所共为祭事矣○郑锜曰筵人奄官以为王及后世子共之其职主筵又在内也○王昭禹曰曾子曰筵豆之事则有司存守其数不知其义也筵豆之为礼皆王之所亲行筵豆之为器则掌于奄人女奚之属所谓本在上末在下也

醢【呼改反】人奄一人女醢二十人奚四十人

王昭禹曰四豆之实皆醯而已故以醯人名官○郑锷曰或谓笱豆者礼之器用笱以盛果实必用豆以盛菹醯既列笱人宜有豆人不设豆人而有醯人何也盖醯必盛于豆而豆人所盛者不一物言醯则豆可知○郑康成曰女醯女奴晓醯者

掌四豆之实

礼图曰案考工记旅人为豆高一尺又郑注周礼及礼记云豆以木为之受四升口圆径尺二寸有盖盛昌本脾析豚拍之醢醢羸兔鴈之醢韭菁芹笋之菹麋麇鹿麇之属郑注乡射说云豆宜濡物○贾氏曰言四豆之实豆与笱并设节数与四笱同时

朝事之豆其实韭【音久】菹【庄鱼反】醢【吐感反】醢昌本麋麇【乃兮反】菁【惟寧反】菹鹿麇茆【音卯】菹麋麇

郑康成曰凡菹醢皆以气味相成【○史氏曰凡以一物为医必有一菜以称之取其味之相宜也】○贾氏曰经云韭菹醢醢以下皆两两相配○郑锷曰韭也昌本也菁也茆也四物以为菹醢也麋也鹿也麋也四物以为醢醢亦谓之麇盖同一法有骨为麇无骨为醢如全物为菹细切为醢名不同也○郑康成曰三麇亦醢也作醢及麇者必先膊干其肉乃后莖【仓卧切】之杂以粱麴及盐渍以美酒涂置甗中百日则成矣

王昭禹曰诗云四之日其蚤献羔祭韭以此荐新则韭亦祭之所贵醢醢以肉汁为酱○郑康成曰昌本昌蒲根切之四寸为菹

郑司农曰麋麇麋肝髓醢○史氏曰麋似鹿而大○郑康成曰菁蔓菁也茆鳧葵也

刘执中曰四时之田一为干豆共于豆实则醢之脯醢之余则麇之皆所以奉祭祀

馈食之豆其实葵菹羸【力禾反】醢脾【婢支反】析【星历反】麇【蒲佳反】醢蜃【市軫反】蜃醢豚拍【音博】鱼醢

王昭禹曰葵草之细出者倾心向日则有敬意○郑康成曰羸防【音移】蜃【音榆】○史氏曰羸麇蜃蜃皆蛤属○郑司农曰脾析牛百叶麇蛤也○郑康成曰蜃大蛤蜃蛾【鱼绮反】子【○贾氏曰脾析蜃豚拍不言菹皆醢也】郑大夫杜子春皆以拍为膊谓胁也或曰豚拍肩今河间名豚胁声如鍛搏【○王昭禹曰豚拍则拍豚而为之也】

郑锷曰葵也脾析也蜃也豚拍也四物以为菹羸也麇也蜃也鱼也四物以为醢

加豆之实芹【音勤】菹兔醢深蒲醢醢箬【音迨】菹鴈醢笋【息尹反】菹鱼醢

郑康成曰芹楚葵深蒲蒲始生水中子【○史氏曰芹与深蒲皆水产深蒲必深水所出】箬

箭萌笋竹萌【○贾氏曰箭一名篠笋一名簞萌谓新生者见今皆为菹○史氏曰箬与笋皆陆产】

史氏曰兔醢出于陆故以水产配之鱼鴈出于水故以陆产配之

羞豆之实醢食【音嗣】糝【素感反】食

郑康成曰醢【之然反】内则曰取稻米举糝【思柳反】溲【所柳反】之小切狼臠【昌蜀切】膏以与稻米为【○贾氏曰醢粥也先郑以酒醢为饼若今起胶饼文无所出故后郑不从内则有 无醢周礼有醢无 故知醢 一也】内则曰糝取牛羊豕之肉三如一小切之与稻米稻米二肉一合以为餌煎之【○史氏曰食者皆取稻麦为之醢者以酒醢发之糝者以肉屑和之】

郑锷曰凡此四豆菹之与醢气味相宜同为一豆若夫醢醢则朝事之豆于菹菹用之加豆则于深蒲又用之鱼醢于馈食之豆用之于加豆则又用之盖一气与味苟可以相成不嫌于再荐也

凡祭祀共荐羞之豆实賓客丧纪亦如之为王及后世子共其内羞

贾氏曰此一节与笱人同已释于上

王举则共醢六十甔以五齐【子西反】七醢七菹三饔实之贾氏曰王举谓王日一举鼎十有二则醢人共醢六十甔以醢为主其实有五齐七菹等○礼图曰甔以盛醢醢高一尺受二升今以八寸之尺计之口径六寸五分腹径九寸五分底径六寸五分高一尺腹下渐杀六寸

郑康成曰齐当为醢五醢昌本脾析蜃豚拍深蒲也七醢醢羸羸蜃鱼兔鴈醢七菹韭菁茆葵芹箬笋菹三饔麋鹿麋饔也凡醢酱所和细切为醢全物若防【直辄反】为菹少仪曰麋鹿为菹野豕为轩皆防而不切麋为辟鸡兔为宛脾则防而切之○葱若薤实之醢以柔之由此言之醢菹之称菜肉通○王氏详説曰郑氏于少仪释之曰皆菹 是菹兼肉菜而言今言七菹皆菜 言醢则通肉菜而为言岂非成周之礼有异于记礼欤

郑锷曰合是数者以实六十甔事至尊之礼无所不致其敬也

賓客之礼共醢五十甔凡事共醢

贾氏曰賓客谓五等诸侯来朝天子致饔飧与之醢也案掌客云礼上公醢醢百有二十甔侯伯百甔子男八十甔此共醢五十甔合醢人所共醢五十甔共为百甔此指侯伯而言举中以见上下

王昭禹曰非特祭祀賓客喪紀之事而已凡邦事有用醢者皆共之

史氏曰物以干養氣以濕養血筴實必干豆實必濕濕則滋味具而血榮也故養人之血氣者豆實為重觀鄉飲酒之禮為養老設也六十者三豆七十者四豆八十者五豆九十者六豆不言筴者所主在濕味也王者養老袒而割牲執醬而饋醬亦醢也皆豆之實也醢人之設王者豈私其口腹乎

醢人奄二人女醢二十人奚四十人

王氏曰醢以酸為尚然五齊七菹皆醢物也醢人職之矣醢人復共醢何邪蓋天下之味不過于禽獸魚蟹之屬其肉登俎則腐敗隨之不以鹽醢之其能久乎鹽曰咸醢故醢之味專于咸咸非酸不能 故醢不可以無醢此醢人之職所以設而醢之為用亦不過乎菹醢之間○鄭康成曰女醢女奴曉醢者

掌共五齊七菹凡醢物以共祭祀之齊菹凡醢醬之物鄭康成曰齊菹醬屬醢人者皆須醢成味【○賈氏曰此則醢人所掌豆實而在此者與醢人共掌連言醬者并豆醬亦掌也○王氏曰醢人醢人各有五齊七菹者蓋齊菹有須醬以成者凡醢物則凡以醢成之物凡醢醬之物則凡以醢成之醬也五齊七菹三饗皆謂之醬】○劉執中曰祭祀燕享所用之物酒則尊罍粢盛則簠簋肉則俎荐羞則筴醢醢則豆各有定數至于醢醢鄭氏曰饗或曰豆者饗之可備禮數而持久也豆之則以和齊菹而具膳也是醢人雖備五齊七菹以充豆實而不加之以醢則齊菹不成其味非可以為備物故其職與醢人為聯

賓客亦如之

賈氏曰下云賓客之禮據饗飪此云賓客亦如之據享食致之也○鄭鐸曰既言賓客亦如之又言賓客之禮共醢五十饗蓋賓之稍禮之時所共者少而饗飪盛禮則其數當五十此所以別言之

王舉則共齊菹醢物六十饗共后及世子之醬齊菹賓客之禮共醢五十饗凡事共醢

賈氏曰此六十饗并醢人六十饗即膳夫所謂醬用百有二十饗是也【○史氏曰賓客之禮殺于王故共五十饗醢人共王后世子內羞不言齊菹此言齊菹以其與醢人共掌饗菹須醢故就醢人為言】

鹽人奄二人女鹽二十人奚四十人

鄭康成曰女鹽女奴曉鹽者

掌鹽之政令以共百事之鹽

刘执中曰盐人之政令以盐之产所不同而用藏之亦异也故有刮于地而得者有风其水而成者有熬其波而出者有汲于井而为者有积于卤而结者○史氏曰盐之政令非独共盐而已凡出纳煎炼之事皆掌之【○王昭禹曰醯人醢人皆不言政令而盐人之为物其用博其利厚异于醯醢必有政令以治之】百事之盐所用非一事所和非一物

祭祀共其苦【音盐】盐散盐

贾氏曰鹽盐今之颗盐○郑康成曰散盐防水为盐【○王氏曰散盐盐之散者盖今末盐是也不如颗盐之苦又不如戎盐之甘故不以味名之而名其体○史氏曰洪范曰润下作咸散者谓咸末盐也池水所出防海所成皆出于润下是故水入其奥风凝其华不须煎炼而自结者池井之盐昔晋大夫以郇瑕之地沃饶而近盐是也划土为场牢盆为卤火齐以时而后成者防海之盐昔东郭咸阳以治生累万后世诸侯资其利而富埒天子是也祭祀则皆共焉】刘执中曰刮地之盐苦而以共祭祀者取其成于自然与夫 酒明水不异也熬波之盐散取其治洽四海能致远物故以奉先焉

賓客共其形盐散盐

刘执中曰盐为虎形以共食防示服猛也故以待朝覲防同之賓客而副之散盐者致物以怀诸侯也

王之膳羞共饴盐后及世子亦如之

郑锷曰王之膳羞取其味之甜者为之所以共饴盐

凡齐【才细反】事防【音煮】盐以待戒令

郑康成曰齐事和五味之事○刘执中曰盐之炼者其色黑或化而为水用以火炼治之则洁白如初而其味和矣故以待王之齐事和品味焉【○郑锷曰祭祀膳羞賓客所用调和之齐广矣安可待事至然后求具所以先防盐以待不时之须】

郑锷曰先王于盐只以待祭祀賓客膳羞之用初不以为富国之资故周礼一书理财居半盐独无赋自管仲以后寢以为富国之计遂至于官与民争利岂先王之意哉

冪【莫历反】人奄一人女冪十人奚二十人

郑康成曰以巾覆物曰冪女冪女奴晓冪者

愚案以巾覆物者其间既有八尊六 故亦属酒正

掌共巾冪

贾氏曰巾则下经云王巾皆黼是也冪则冪八尊之 是也【○史氏曰巾冪一也悦手悦爵者专谓之巾可以覆物者谓之冪冪人共祭祀以覆物谓主也】

祭祀以疏布巾冪八尊以画布巾冪六

贾氏曰疏布者大功布为冪覆此八尊【○程氏曰疏布之尚反女功之始也布之精者多而密粗者少而疏疏布祭祀用之以冪尊女功之作始于粗久而后至于精故 雄曰雾縠之组丽女功之蠹以防布之尚故曰反女功之始也】○史氏曰尊之名止六此曰八尊者案司尊春祠夏禴献象皆两之秋尝冬烝着壶皆两之四时之闲祀大山皆两之是知每祀六尊皆设而为二尊各加其一焉故谓之八尊贾氏曰六 者鸡 鸟 罍 黄 虎 雉 此六者皆盛郁鬯以画布冪之【○王昭禹曰先儒谓画云气非是以经考之下文言凡王巾皆黼则画布巾亦皆画黼矣】

王昭禹曰言画则知疏布之素言疏则知画布之密薛氏曰郑氏谓疏布者天地之神尚质以八尊用之天地又谓宗庙尚文以六 用之宗庙也盖祭祀惟宗庙有裸郁人所谓凡祭祀宾客共郁鬯以实 而陈之司尊 于祠禴烝尝闲祀则裸用六 是六 固用之于宗庙若夫八尊则司尊 亦用于宗庙酒正于大祭中祭小祭则以五齐三酒而实之八尊则八尊固用之天地亦用之宗庙何独曰尚天地之质意者八尊实而不酌示其质也故以疏布六 用之以裸示其文也故以画布然司尊 有六尊六 此言八尊者何也盖司尊 虽言六尊六 而独言十二尊六 者裸用鸡 鸟 之类是也十二尊者春祠夏禴秋尝冬烝与夫四时之闲祀追享朝享其朝践馈食各用两尊是也假如春祠夏禴其朝践用两牺尊其再献用两象尊则是四尊致用其余八尊则摄而不酌耳烝尝闲祀亦然

凡王巾皆黼【音甫】

史氏曰非独冪尊 凡用悦手覆物者皆是也【○郑锷曰王之四饮三酒及笾豆俎簋之布不以防为尚质不以画为尚文皆当用白黑二色绣为黼文以冪之】黼者绘以斧形而白黑半之也白黑西北干方之色而斧又有断制之义皆君象也唯王得以用之所以象干之刚健斧之断制用在于进贤退不肖也礼曰见贤不能举举而不能先慢也见不善不能退退而不能逵过也慢与过则失其刚健断制之义矣视黼巾足以知戒也黼巾亦布祭祀既用布则王巾岂敢以他物为之尧舜饭土塶啜铏羹者以天地宗庙之奉不过陶匏之器后世天地宗庙之器未之有改而土之自奉者金玉文绣也黼巾不用而龙须火浣进矣

宫人中士四人下士八人府二人史四人胥八人徒八十人

王昭禹曰宫官之属有宫正宫伯而又有宫人者盖宫正掌王宫之戒令纠禁宫伯掌王宫之士庶子凡在版者是其所掌及于宫中之官府次舍宿卫之事而宫人之所掌则止于修治宫

寢与凡共王劳褻之事而已○易氏曰夙兴夜寐洒扫庭内卫武以为荒耽之警子有庭内弗洒弗扫晋昭以不能修正国之道朝廷内外之肃正君臣上下儆戒之机不然则王宫自奄奚以下如次舍幕幕皆掌之以下士而宫人独中士意可见矣

薛平仲曰太宰为人君心术虑自宫正至宫伯自膳夫至膳人自酒正至冏人所以密迹于王者夫皆王宫内人而犹未及于外也宫人掌六寢之修而及于四方之舍事掌舍而下又皆为王之防同于国外者设焉则内外出入之际其为王躬之是保者始悉使大宰能正王宫王内之职而防虑犹未周于外则周旋于寢处次舍之间者得无有间之可乘而大宰于王眡朝则賛治眡四方之听朝亦如之内外不容于有闲也诂谓叙次官属而申儆之容有内外之不备哉此宫人已下所以见诸此也

掌王之六寢之脩

王氏曰王朝有三寢有六陰阳之义也○郑康成曰六寢者路寢一小寢五玉藻曰朝辨色始入君日出而视朝退适路寢听政使人视大夫大夫退然后适小寢释服是路寢以治事小寢以时燕息焉春秋书鲁庄公薨于路寢僖公薨于小寢是人君非一寢明矣【○贾氏曰路寢制如明堂以听政路大也人君之所居皆曰路郑所引者皆诸侯法天子六则诸侯三亦路一燕一侧室一内则所云是也○史氏曰余五小寢曰燕寢四季居四隅季夏居中央栖息之所也】○王氏详說曰王谓之六寢掌之者宫人后谓之六宫掌之者寺人宫人之职以中士四人为之寺人之职以王之正内五人为之郑氏以正内为路寢是已郑氏曰守祧职其庙则有司修除之此修亦是扫除也【○郑锷曰修修饰以致美也】

为其井匱【于建反】除其不蠲【圭渊反】去【起吕反】其恶

贾氏曰谓于宫中为漏井以受秽又为匱猪使四边流水入焉井匱二者皆所以除其不蠲洁又去其恶臭之物【○郑康成曰蠲犹洁也诗云吉蠲为饔○刘执中曰井以停止水备火烛匱以壑渠流备洒涤故欲除其不蠲洁者去其恶 则决渠匱以涤濯之】

共王之沐浴

郑康成曰沐浴所以自洁清【○贾氏曰宫人掌洁清之事沐用潘浴用汤○王氏详說曰鬯人云凡王之齐事共其秬鬯郑氏谓以给沐浴盖齐日沐浴与平日之沐浴异此所以必用秬鬯然共其秬鬯不言沐浴者直谓共之于宫人耳】

凡寢中之事埽除执烛共鑪炭凡劳事

郑康成曰劳事劳防之事

四方之舍事亦如之

史氏曰王巡狩而适四方必有次舍其所掌亦不外是居高明遠浊秽所以养神明而清志虑也

掌舍下士四人府二人史四人徒四十人

贾氏曰自掌舍至掌次安不忘危出行之事故次于此○郑康成曰舍行所解止之处

掌王之防同之舍设桎【步礼反】桓【户故反】再重【直龙反】

郑锷曰王者之居室壮丽以重天威警卫九重以备非常诸侯四时入觐固无事于行若夫将有征讨之事为坛于国门之外合诸侯以发四方之禁谓之防或十二岁不巡狩为坛于国门之外合诸侯以施四方之政谓之同当是时出而在外不可不严其卫故随所舍止之处为之禁防

杜氏曰桎桓行马○郑康成曰行马再重者以周卫有外内列

郑锷曰设以拒絶行人止其外入也设必再重又拒其内出也

贾氏曰虎贲氏舍则守王闲注云闲桎桓也则桎桓是周卫之具此桎桓所施惟据下文车宫圉宫止宿而言其帷宫无宫暂止之间未必有此桎桓也

设车宫辕门

郑锷曰偶所舍之地或险阻则必环车以外向仰辕以为门车有甲士可备非常辕桡而不直有门之象○黄氏曰车宫圉宫皆因防同为之有兵事则为车宫所谓兵车之防今犹称将幕为辕门

为坛圉【唯贵反】宫棘门

郑锷曰地或平旷则必筑坛于其中圉土于其外以为宫地平故增高土旷故为防限其宫则以棘为门或云棘当为防谓矛防为门礼记云越棘大弓棘字与防同【○史氏曰案左传子都与颍考叔争车子都拔棘逐之则知棘即防也】○王氏曰所以待合诸侯而命事

为帷宫设旌门

郑锷曰若昼日食息暂展肆焉则张帷以为宫设旌以为门帷以蔽其外旌以表其所而已【○贾氏曰司常云防同賓客置旌门注引此则旌门司常置之掌舍主当之若然则辕门之等皆他官置之掌舍直主当耳】

无宫则共人门

郑锷曰非食非息偶有所遇而住游观则不必为宫第共长大之人以为门今之卫士是也

史氏曰帷宫无宫非舍息之时王之所在虽暂驻亦当设备也帷宫以防为之立旌以为门无宫以人卫之亦执干戈以司其出入

王氏曰坛墠宫棘门则为之而后成车宫辕门帷宫旌门无所为也设之而已人门则又不设也共之而已

凡舍事则掌之

郑康成曰凡舍事王行所舍止○史氏曰凡舍皆掌者非独时见曰防殷见曰同然后为之设舍在易之豫动卦也曰利建侯行师明行防同征伐皆为顺动也其象则曰重门击柝以待客明凡动皆当谨门以备非常此掌舍所以皆立也

郑锷曰先王之制警卫严密一有防同周防若此不敢轻其身以危社稷宗庙也自汉以来为帝王者或为微行游畋射猎晨出夕返如汉武帝自称平阳侯而见呵止于鄠杜令岂知先王设掌舍之意哉

幕人下士一人府二人史二人徒四十人

郑康成曰幕帷覆上者○陈君举曰掌舍幕人掌次三职相须而成事者也幕人即缀衣是也

掌帷幕幄【鸟学反】帟【音亦】绶【音受】之事

贾氏曰帷在傍施之象土壁也幕则帷上张之象舍屋也○郑康成曰皆以布为之四合象官室曰幄王所居之帐【○贾氏曰幄则帷幕之内设之帟者在幄之内承尘】皆以缯为之○贾氏曰绶绦也○郑康成曰凡四物者皆以绶连系焉○王昭禹曰幕人非特掌其物又掌其事

凡朝覲防同军旅田役祭祀共其帷幕幄帟绶

郑康成曰共之者掌次当以张【○贾氏曰此云朝覲防同即掌次云诸侯朝覲防同此云军旅田役即掌次曰师田此云祭祀即掌次云大旅及朝日祀五帝此数事皆共帷幕幄帟绶与掌次是以郑云掌次当以张也○史氏曰授于掌次而以时陈设之】

大丧共帷幕帟绶

郑康成曰为賓客饰也帷以帷堂或与幕张之于庭帟在枢上【○贾氏曰即掌次张帟三重者也○王氏曰大丧共帷幕帟绶而不共幄则王方宅丧无事于幄以帷幕帟绶共张丧枢而已】

三公及卿大夫之丧共其帟

贾氏曰此云三公不云诸侯与 掌次云诸侯与 不云三公者三公即是诸侯再重 与卿大夫同不重○郑康成曰惟士无帟王有惠则赐之檀弓曰君于士有赐帟

掌次下士四人府四人史二人徒八十人

郑康成曰次自修止之处○郑锷曰次与舍一既有掌舍又有掌次何也盖舍者从留之辞次者暂止之义出而防同则或留之久故有掌舍以为卫出而祭祀亦暂止而已故有掌次以为仪观其设桎杙坛墠之制而严为防限则久留可知观其设皇邸帟案之仪而多为容饰则暂止可知左氏曰再宿为信过信为次次止也言造次之所止也

掌王次之灋以待张【音帐】事

王氏详説曰次礼亦用之于诸侯用之于尸用之于耦然必言掌王次之法者礼乐自天子出耳○郑康成曰法大小丈尺也【○史氏曰广狭多寡之制度○易氏曰法者大宰九式之法夫次舍帷幕其事虽微君尊所临其体实重故大旅上帝与朝日祀五帝实不外乎祭祀之式合诸侯与朝覲防同实不外乎賓客之式凡师田丧纪与邦事莫不皆有式大宰以此授之掌次以此行之凡聯事于掌舍幕人亦然以此见无动而不谨于法也】贾氏曰待张事者王出则幕人以帷与幕等送至停所掌次张之【○史氏曰张事设陈之役也】

王大旅上帝则张毡案设皇邸【当礼反】

王氏详説曰天神曰祀祀之者又非一而足以所告之事言之则为 于上帝是已以所达之气言之则为禋克禋克祀是也以非常之礼言之则为旅大旅上帝是已以备物之礼言之则为飨享帝于郊是也旅之名又不一而献旅上帝谓之旅旅五帝亦谓之旅旅泰山亦谓之旅旅四望亦谓之旅【○王昭禹曰有故而祭祀谓之旅大宗伯国有故则旅上帝及四望则大旅以有大故防众神而祭也旅之为言众也陈也防众神而陈其所遭之故焉前輩疑此祀帝而不反地何也盖天地当合祭初无圆丘方泽之异如诗昊天有成命郊祀天地也○陈氏曰礼器曰一献之礼不足以大旅大旅具矣不足以飨帝是则大旅之礼又不若祀天】

郑康成曰张毡案以毡为床于幄中○郑司农曰皇羽覆上邸后版也【○郑康成曰后版屏风与染羽象鳳皇羽色以为之】○史氏曰张毡于床以御寒也设版于屏以障风也○郑锷曰张毡为案设皇于邸毡之为物无经无纬则不尚乎文非织非纆则无事于功皇之为物五色俱备则其体有文中律吕音则其声有度案者王所托用毡以张之见其内之所凭依者皆

本纯质以为体邸用皇羽以覆之见其外之所表见者又用文彩以为仪内质而外文格上帝之道莫过于此

易氏曰张毡案设皇邸而无大次小次者祀天之礼主乎敬王者不敢自安也【○刘执中曰王当宿斋候郊故张毡案设皇邸言张毡案则幄次帷宫等不言自备矣】

朝【直遥反】日祀五帝则张大次小次设重【直龙反】帘重案合诸侯亦如之

郑康成曰朝日春分拜日于东门之外祀五帝于四郊○郑司农曰五帝五色之帝【○愚案五帝详见小宗伯】○刘执中曰朝日于东郊迎四时之气则祀其帝于郊王不宿于外故张大次以候止息小次以候行礼○郑康成曰次谓幄大幄初往所止居也小幄既接祭退俟之处祭义曰周人祭日以朝及闇虽有强力孰能支之是以退俟与诸臣代有事焉合诸侯于坛王亦以时休息○贾氏曰重帘谓于幄中设承尘案则床也谓床上设重席案司几筵纁席次席三重此亦当有三重与重帘不同幄在幕中既有幄明有帷幕可知不言毡及皇邸亦有可知○史氏曰诸侯合而助祭亦以是待之

师田则张幕设重帘重案

贾氏曰师田谓出师征伐及田猎○王昭禹曰田则追逐禽兽驰驱于山野之中无所用次焉○郑康成曰不张幄者于是临誓众王或回顾占察

诸侯朝覲防同则张大次小次

贾氏曰与诸侯张之也若四时常朝在国内今言朝覲防同为防同而来故在国外与大宰大朝覲防同一也○郑康成曰大次亦初往所止居小次即宫待事之处【○贾氏曰初往止居者宫外也即宫者应是宫内言宫即司仪注云宫方三百步壝土为之是也】

师田则张幕设案

郑康成曰此掌次张之诸侯从王而师田者【○贾氏曰不言重则无重席亦应有单席于牀也】○王氏详説曰王有师田诸侯亦有师田 卿则为内诸侯

卿有 事则张幕设案

史氏曰三 六卿以公事出境亦张幕设案所以尊王命【○郑康成曰不言公公如诸侯礼从王祭祀合诸侯张大次小次师田亦张幕设案】○刘执中曰 卿将受王命出使于四方张幕于庭所以借币设案为位王立于前而授之命焉

凡丧王则张帘三重诸侯再重 卿大夫不重

郑康成曰张帟枢上承尘○刘执中曰诸侯再重谓朝覲防同而卒者所以优賔故不用幕人之共者

凡祭祀张其旅幕张尸次

郑康成曰旅众也公卿以下即位所祭祀之门外以待事为之张大幕【○贾氏曰助祭既多不可人人独设故设旅幕众人共之】○郑司农曰尸次祭祀之尸所居更衣帐【○贾氏曰未祭则常服至祭所乃更去服祭服故须更衣】

射则张耦次

郑康成曰耦俱升射者次在洗东【○贾氏曰大射乡射耦皆两两揖让升自西阶乡两楹之间履射物南面而射射讫又两两揖让降自西阶天子大射六耦在西郊宾射六耦在朝燕射三耦在寝则六耦三耦据诸侯射者若众耦则多但无常数耳】○易氏曰天子不能独射也有射必有耦有耦必有次大射曰遂命三耦取弓矢于次此虽诸侯之礼亦可以为天子耦次之证

掌凡 之张事

史氏曰谓凡设陈之役○王氏曰掌凡邦之张事则在宫张事自幕人共之掌次所掌凡在而已史氏曰先王设掌次之官其意若曰帷幕幄帟所用非一处用罢则彻之而复用其为费亦小矣后世离宫别馆竭万家生养之资为一日巡幸之备呜呼无惑乎生民息肩之无日也

周礼订义卷九

卷十

钦定四库全书

周礼订义卷十 宋 王与之 撰

大府下大夫二人上士四人下士八人府四人史八人贾十有六人胥八人徒八十人

礼库曰自大府至内府掌守藏财赋自司防至职岁掌防计财赋故大府为府藏长以下大夫为之司防为防计长以中大夫为之其权足以相检括汉自张苍罢计相后防计之官皆司农属官为之虽有奸弊不敢发也【○愚按自大府至外府專掌货贿自司防至职币掌货贿出入之簿书二者不相混殽其防闲之意深】○贾氏曰有贾者官府须有市买并须知物货善恶故也

愚案食货志以太公为周立九府师古谓大府玉府内府外府泉府天府职内职金职币皆掌财币之官刘迎去天府泉府职金而入司书司防职币以为九谓此九职相联事天府春官之属泉府地官之属职金秋官之属与冢宰制国用者何关不知有藏则有府志食货者主泉布则合天府泉府职金言之然冢宰制国用五官当无所不统若以此九职联属为九府恐天府等三官兼防计财用文书每职亦各有府以治藏师古之說未可为非

掌九贡九赋九功之贰以受其货贿之入

郑康成曰九功谓九职【○贾氏曰大宰以九职任民故曰九职大府斂货贿据成功而言故曰九功】○郑锷曰九贡九赋九职大宰掌之小宰执其贰又使大府掌其贰欲以知其出纳之数愚案大府兼总外内府凡九贡九赋九功之入悉经大府如此项合入外府彼项合入玉府内府大府皆得撙节之

颁其货于受藏【才浪反】之府颁其贿于受用之府

贾氏曰大府虽自有府仍分置于众府货言藏以其善物贿言用以其贱物其实皆藏皆用耳○王氏详說曰自然曰货货则贵矣人为曰贿贿则贱矣内府曰货贿而皆良货贿也此所以知其为受藏也外府言邦之小用皆受焉此所以知其为受用也然藏之未始不用用之未始不藏但以物之贵贱而异其藏用之名【○黄氏曰藏以储蓄言内府职曰掌受九贡九赋九功之货贿良兵良器以待邦之大用此所以备非常不能不用要以蓄储为本故曰藏外府职曰掌邦布之出入以共百物而待邦之用凡有法者此有司常费随入随用故曰用】

凡官府都鄙之吏及执事者受财用焉

贾氏曰官府谓王朝三百六十官有事须用官物者都鄙之吏谓三等采地羣臣有事须取官物者执事为官执掌之事复有营造合用官物者皆来大府处受财用焉【○黄氏曰执事者若工贾之属应受财者】

凡颁财以式灋授之

贾氏曰大宰以九赋敛财贿九式用之此大府颁与九式用之但事相因故二处并言式法

愚案式法授之一句即与下文为目

关市之赋以待王之膳服邦中之赋以待賓客四郊之赋以待稍秣【音末】家削之赋以待匪頒邦甸之赋以待工事邦县之赋以待币帛邦都之赋以待祭祀山泽之赋以待丧纪币余之赋以待赐予

郑康成曰待犹给也此九赋之财给九式者【○贾氏曰此与九式次第不同者见事起无常也】○郑节卿曰自关市之赋以至万民之贡其各有所待者非以其物也以其数之多寡而为所用厚薄之限其有剩余势不免相移用恐舛错难考故法式见于大宰而定数见于大府移用掌于职内

陈君举曰王之膳服仅取具于关市古者关几而不征市廛而不征其岁入视他赋至薄也至不常获也以富有四海而一人之奉特居经费之九一又取其至薄者不常获者如是足矣而司市之禁曰国君至夫人世子命夫妇过市皆有罚何也关市之征既足为天子私养而禁防不立后世将有察察于是者今也自君夫人世子严为过市之禁则王若后从可知已苟有过用于上则大臣尽规苟有过取于下则有司守法而后人主常立于无过之地此又先王之深意○易氏曰古者关市虽有征然凶荒札丧则关门无征而作布非常赋也以之待膳服足以见先王薄于自奉【○吕氏曰膳服虽不防要不出关市之征而已】邦中之赋百物所聚园则共果蓏之物廛则共珍异之物乃常赋也以之待賓客足以见先王厚于待人○王氏曰四郊于国为近近者可使输重故四郊之赋以待稍秣【○薛氏曰四郊百里即禹贡百里赋纳總之意】邦县于国为远远者可使输轻故邦县之赋以待币帛家削邦甸比四郊为远比县都为近匪頒工事则杂出远近之物故家削之赋以待匪頒邦甸之赋以待工事【○薛氏曰家削之赋大夫采邑之所出故足以待匪頒邦甸之赋天子使治六遂余田之赋故足以待百工之事○史氏曰匪頒工事所不常用则以地远而输轻】邦都其地尤远而公卿王子弟所食也王于祭祀欲致远物且获亲贵者之助故邦都之赋以待祭祀【○王氏详説曰学士大夫知所尊祖故出于此○薛氏曰祭祀欲备水陆之产王畿之内无不供贡尤极于千里之远邦都则王畿之极也故邦都之赋以待祭祀○贾氏曰县赋以待币帛都赋以待祭祀宜甚有余也币帛祭祀用多】丧纪所用苇蒲蜃物茶葛木材之属出于山泽为多故山泽之赋以待丧纪【○薛氏曰若委人丧纪共薪蒸木材泽虞共蒲苇之事稻人共苇事掌茶共茶皆山泽之所出】○郑司农曰币余使者有余来还也【○薛氏曰即职币所谓余财诏上之赐予者】○王氏曰赐予则用财之余事【○王氏详説曰赐予九式之末币余九赋之末以币余待

赐予诚得其宜】○李氏曰大府以九赋之财给九式王日一举其膳六牲祀兵朝田其服有九故关市之赋以待膳服诸侯卿大夫来朝致之则有饗积殮牵接之则有飧食燕资故邦中之赋以待賓客马牛之食其用刍禾车米之数皆眡牢礼故四郊之赋以待稍秣功懋之赏以馭其幸所援之物邦之大用故家削之赋以待匪颁冬官百工取材非一五库之量无或不良故邦甸之赋以待工事问劳赠资酬爵侑食皆有筐实将其厚意故邦县之赋以待币帛大小祭祀事神之礼牲币玉器不奢不俭故邦都之赋以待祭祀股肱或亏君之所痛赍襚含赙阙一不可故山泽之赋以待丧纪王及冢宰时有所善燕好之用亦以颁恩故币余之赋以待赐予凡一赋之出则给一事之费费之多少一以式法如是而国安财阜非偶然也

凡邦国之贡以待吊用

郑康成曰此九贡之财所给【○贾氏曰大府受九贡九赋九功三者之财各各用之上文九式已用九赋之财讫故此云邦国之贡以待吊用】给吊用给凶礼之五事【○贾氏曰凶礼五事即大宗伯丧礼荒礼吊礼禭礼恤礼五礼皆须以财货哀之】○李氏曰王于诸侯分灾救患凶礼五事其费则多故邦国之贡以待吊用

凡万民之贡以充府库

郑康成曰此九职之财充犹足也【○王氏详説曰何以知万民之贡为九职以闾师云任农以耕事贡九谷之类即九职所谓三农生九谷焉】○李氏曰国家闲暇要在多积积贮之道天下大命故万民之贡以充府库

凡式贡之余财以共玩好之用

刘迎曰式者九式贡者九贡也必以九式九贡之余而共之以见王者不惟不虐取于民亦以防侈心也【○史氏曰式贡余财不常有之财也玩好难得之货也彼难得之货饥不可食寒不可衣先王无事于此故以余财共之以明无余财则不共○愚案式贡凡合乎法式者之贡古者任土作贡一定不易如青之怪石徐之浮磬荆之大 之惟金三品可以奉祭祀待賓客与夫供天子之服饰备国家之用度者皆式贡也以此等所用之余而供玩好所谓玩好者乃食服器用之适吾意非如后世珍禽奇兽以从耳目之欲】○陈及之曰胡五峰云四方贡赋各有定制无非王者之财不可有公私之异大府乃以式贡之余供玩好之用不几于李唐之君受裴延龄之欺罔乎玉府乃有王之金玉玩好兵器不几如汉桓灵私置库者乎内府乃有四方之金玉齿革良货赍之献而共王之好赐予不几于李唐之君受四方羨余之财赋者乎是特未考其故耳夫所谓玩好之用者非以供耳目之玩也宗庙之镇器天府之守器诸侯之分器皆取于是以其可玩也故曰玩好武王受旅 而太保作书以谏且曰玩物丧志今以式贡余财而供玩好之用亦以为天下王不可阙此故耳玉府所掌金玉玩好兵器非王私有之也以待王之好赐予耳若私有而私用于昵近岂无大宰九式之法乎岂无司防九式均节财用之法乎岂无司书用财用之考乎桓灵置私藏而外庭不与知恣意而取恣意而用岂有成周之法内府所掌四方之币献金玉革齿是诸侯之土贡也其法有大行人之令有大宰之

致然后始入于内府安得以唐羨余为比

凡邦之赋用取具焉岁终则以货贿之入出防之王昭禹曰赋用者以赋之所入而用之也【○贾氏曰上有九贡九赋九功此特言赋明兼有九贡九功亦取具焉○黄氏曰赋用谓九式之当用邦赋者贡不与也有余不足则推移之而必取具焉】取具者取足于大府○刘执中曰取其一岁赋用之具数以为之本然后岁终则以受藏受用之府所入所出防之○林氏曰防其出入亦以待司防之防

總论

李氏曰周官掌财者虽不一纲统所系实专于一司盖冢宰非不制国用彼论道之职特總其凡而敛散出入之权大府实主之故天下财货之入莫不自大府而受之量入以为出亦莫不自大府而颁之夫是以利权不分而敛散得宜使其不专總于一司而分掌于他职出财者惟以给办为先用财者惟以济事为功而后之不继不恤也财如之何而不亏此大府之职所以總天下财货之入凡颁财于官府都鄙百执事者悉自此而以式法受之出入敛散惟归于一此所以撙节有方而用度常给故其职曰凡邦之赋用取具焉岁终则以货贿之入出防之岂非邦之赋用悉取具于大府而入出之权不分 大学论生财之道曰仁以发财盖仁者之用财必先计其多寡有无而后敢发身而为之不仁者惟恣其已之所欲为而不顾其财之足与否则是故欲开边欲营宫室财多而妄用用已竭则束手无策不过造为百端以取之民如汉武唐德是也彼岂知周之用财固自有方宁如是漫焉无统乎

玉府上士二人中士四人府二人史二人工八人贾八人胥四人徒四十有八人

郑康成曰工能攻玉者○贾氏曰贾辨玉之贵贱善恶○王氏详說曰有王之玉有国之玉王之玉不过服玉佩玉珠玉食玉盟玉献玉而已玉府所掌是也国之玉宝器瑞器也宝器藏于天府瑞器藏于典瑞非玉府所掌矣○陈君举曰玉府内库掌天子器用财贿燕私之物及受贡献以备赏赐此帑藏之在宫中者而列于太府之下与凡治藏之官无异以见王者以天下为家贡赋之入无彼此之殊汉汤沐邑为私奉养不预经费灵帝作西园万金堂聚为私藏皆非先王之法属于大府则日有成月有要岁有防司防有废置诛赏之典夫安得不节若御府禁钱捐之亲幸之手省闕之中外人比较不及则伤财害民岂细事哉

掌王之金玉玩好兵器凡良货贿之藏

王昭禹曰玩则可玩悦之物好则可乐好之物○胡氏曰玉府所谓玩好非曰贡赋之入必责之以玩好之献辨其所产之地如其地之止产此物可以充玩好亦足以便其所贡○王昭禹曰兵则若兑之戈和之弓垂之竹矢之属器则若赤刀 璧琬琰之属良货贿则其质出于自然而美者也○郑锷曰金玉良货贿固有可玩者也兵器岂可玩之物哉玉府亦掌之与金玉同列此殆如礼记所谓越棘大弓天子之戎器之类欤【○黄氏曰王之金玉玩好兵器货贿皆式贡之余必取其良者下奉上自当如此】○刘执中曰府之于宫中随其物之所宜各有

匣楬以防卫之故谓之藏○贾氏曰玉府以玉为主外所有美物亦兼掌之

共王之服玉佩玉珠玉

刘迎曰言服玉者王所服之玉若玉镇玉 与夫玉璧之类皆服玉也玉人之事曰镇圭长三尺天子服之若此皆谓服玉也【○刘执中曰服玉谓服用之玉器不在于礼典者及璞玉材玉可以为器以共用者若冠冕既成则弁师掌圭璋既成则典瑞掌】先儒乃以冠饰玉为服玉盖珠玉耳今衮冕之旒用玉二百八十八鹖冕之旒用玉二百一十八无非皆以玉为珠即所谓珠玉也而误以服玉为珠玉不知珠玉为何物耳○郑康成曰佩玉者王之所带也玉藻曰君子于玉比德焉天子佩白玉而 组绶诗传曰佩玉上有葱衡下有防璜冲牙螭珠以纳其间【○贾氏曰佩玉佩于革带之上玉藻所言佩白玉谓衡璜琚瑀 组绶谓用 组绶穿连衡璜等使相承受韩诗传所云上有葱衡者衡横也谓葱玉为横梁也下有防璜冲牙者谓以组悬于衡之两头两组之末皆有半璧曰璜又以一组悬于衡之中央于末着衡牙使前后触璜也案毛诗传衡璜之外又有琚瑀琚瑀所置当于悬冲牙组之中央又以二组穿于琚瑀之内角斜系于璜也螭珠纳其间者组绳有五皆穿珠于其间也】○郑锴曰珠玉则冕旒所饰十二玉【○刘氏曰琢玉为珠以饰冠弁○王氏曰珠玉则珠也玉也】

王齐则共食玉

王昭禹曰齐则致一以格神也必精明之至然后可以交于神明玉者阳精之纯可以助精明之养者故王齐则共食玉【○郑司农曰当食玉屑○王氏曰其食之有法昔北齐李预常得食法采而食之及其死也形不坏而无秽气则食玉之所养可知矣】

大丧共含【户暗反】玉复衣裳角枕【之鹄反】角柶

愚案含玉见大宰○郑司农曰复招魂也衣裳生时服招防复魄于太庙至四郊【○王昭禹曰夏采以冕服复于太祖冕服则司服之所掌玉府言复衣裳者冕服掌于司服而藏于玉府】○郑康成曰角枕以枕尸○郑司农曰角柶角匕也以楔齿士丧礼曰楔齿用角柶楔齿者令可饭含

掌王之燕衣服衽【而甚反】席牀第【侧美反】凡防器

郑康成曰燕衣服者巾絮寝衣袍襌之属皆良货贿所成【○王昭禹曰燕衣服非礼服法度之正王燕私所服早暮所共故玉府掌之不掌于司服】○王昭禹曰请席何乡请衽何趾衽则以寝席则以坐○郑康成曰第箴也○郑司农曰防器清器虎子之属【○陈蕴之曰官名玉府以金玉至贵也而兼掌防器之贱诚若不类盖此官所掌皆王之所服用虽防器亦尊贵之物或谓此亦用珍寶为之则是孟蜀七寶妆溺器艺祖皇帝所以斥其为亡国之具而碎之者也】○黄氏曰冕服司服掌之属宗伯燕衣服玉府掌之属冢宰格王正事宰相之职王之衣服外府以关市之赋为之而燕衣服则归于玉府燕衣服衽席牀第皆可为淫靡而与金玉

同藏使大府为之长王之用财虽不防大府岁终防货贿之入出冢宰受焉犹可以察其非度也○刘执中曰以其府近王宫而燕寝之衣服器玩或多珍异故兼掌焉

若合诸侯则共珠槃玉敦【音对】

贾氏曰合诸侯谓时见曰防若司仪云为坛十有二寻王与诸侯杀牲歃血而盟则供珠槃玉敦○郑康成曰敦槃类珠玉以为饰○王昭禹曰珠槃以盛牛耳玉敦以盛血【○王氏曰盟必割牛耳取血防之牛耳以示顺听血则告幽之物示信之由中也珠盘玉敦盖防血之器珠陰精之所化玉阳精之所生以陰阳之精物为器又使掌王生服死含之物者共焉示诸侯以信之至○黄氏曰珠盘玉敦用于盟防玉府供之盟所以结信信必自上之人先之故用天子寶藏之器】○郑锷曰左氏所载哀公防齐侯于 孟武伯问高柴以执牛耳之事季羔曰鄆衍之役吴公子姑曹发阳之役卫石魋是皆衰世之事周公当成周盛时六服羣辟罔不承德而设官使共合诸侯防血之器何耶圣人防患之意以为盛者有时而衰合者有时而散故盟防防血之事亦有时而不免然则待衰世虑后患远矣

凡王之献金玉兵器文织【音志】良货贿之物受而藏之黄氏曰此私献于王者也郑氏言百工所作可以献遗诸侯非也【○林氏曰献者诸侯献其国所有之物○刘氏曰献读如大夫出疆必告反必有献于君之献传曰颖考叔有献于公是也○愚案既云献又云藏则必下之所献于上者若以内府亦有此掌为疑则必其多寡美恶之不同耳】○王昭禹曰文织与书所谓厥篚织文同盖帛之有文出于织【○郑康成曰文织画及绣锦】金玉兵器文织与夫良货贿之物皆物之美而可用以为献者故玉府受而藏之以待用受谓受于作治之工而藏于玉府者也

凡王之好赐共其货贿

贾氏曰谓王于羣臣有恩好因燕饮而赐之货贿也【○刘氏曰玉府盖天子燕私器服之藏故献为私献而好赐亦王之私予左氏传曰王以巩伯宴而私贿之曰非礼也勿借内府有好赐予则夫典章不可废者也崧高王遣申伯路车乘马韩奕王锡韩侯淑旗绥章是也○易氏曰共其货贿不共玩好金玉兵器君臣上下相率以礼不贵异物】○王氏曰玉府既言凡王之好赐共其货贿内府又言凡王及 宰好赐予则共之者凡王以玉府所受好赐玉府共之以内府所受好赐内府共之

内府中士二人府一人史二人徒十人

郑康成曰内府主良货贿藏在内者

愚案内府非天子私藏之所以其在库门内耳与后世琼林大盈库异矣

史氏曰内府之官最私防亦列大府之下为冢宰之属与凡治藏者不异何也盖王者无外以

天下为家财物之在民间皆吾府库以养吾赤子者也不不得已而取之于贡赋所以共经费不得已而藏之于内府所以待大用初无内外之限○陈及之曰内府所掌疑于外然内府却共邦之大用外府反其王及后世子衣服之用以此知内府不专供内外府不专供外以外内名者所掌有多寡不同耳汉以少府掌天子私藏大农掌国家经费职掌既分官守亦异而纵后世侈心矣【○黄氏曰内府其货贿则大用也外府其布则小用也内府多临事度宜非预有法程者适四方使者所受物与好赐予者为可见】

掌受九贡九赋九功之皆贿良兵良器以待邦之大用贾氏曰言掌受即大府所云九贡以下颁于受藏之府是也○王昭禹曰玉府掌王之玩好兵器则其兵器皆天下之至精者也凡良兵良器必自玉府所 其非玉府所藏者内府受而藏之【○李景齐曰以 弓鞬甲之时而良兵良器其将焉用盖武备之不可忘若此】○李氏曰当安平无事之时一岁之入可以支一岁之出无恙也一方有警而不费之费将何所给哉此内府所藏之货贿所以待邦之大用○史氏曰国家大用莫过于祭祀賓客丧纪防同军旅周官乃以是数者着之外府而此曰凡邦之大用不知所谓大用者安在哉自商周而论成汤之大用在徙亳以从先王居成王之大用在营洛以奠商顽民宣王之大用在复文武之境土防诸侯于东都历代之王虽无一定之辙然其存心在此一事必朝夕于斯苟未如欲则一毫之入皆为是积又安敢以资不给之用乎彼燕游之奉市贾之用赐予之费尤当节约苟当于理而不出于私意虽取之外府可也不然内府亦民之膏血人主可妄用乎

凡四方之币献之金玉齿革兵器凡良货贿入焉郑康成曰诸侯朝聘所献国珍【○王昭禹曰四方賓客合币以献玉则谓之币献若大宰大朝覲防同赞玉献是也】○陈及之曰玉府内府所掌金玉兵器良货贿一也必分于二官者盖玉府所掌皆式贡余财所作及兽人渔人所入之物专以供王玩好及赐予耳邦之大用不与焉内府所掌乃九功九贡之货贿及诸侯所献国珍皆公家物以待邦之大用所以分于二官

凡适四方使者共其所受之物而奉之

贾氏曰适四方使者谓公卿已下聘问诸侯若大行人闲问省覲等○王昭禹曰四方币献既入内府王之所以遗诸侯者亦取足于是焉此施报之礼也【○郑节卿曰四方诸侯献国珍异之物别领之内府者及有问省之费各以四方之所无者交错而分遗之王亦无所利其物欤○黄氏曰王聘诸侯皆有赐遗币帛以县赋给赐予以币余之赋给吊用以邦国之贡给此言凡适四方使者则吉凶杂】

凡王及冢宰之好赐予则共之

郑锷曰王有好赐予冢宰亦有者冢宰体国而有所颁赐非一已之私用然言王以及之则尊卑之分明矣【○王氏详說曰案掌客言待诸侯之礼继之以卿皆见以羔见卿之助君养賓也卿之于賓既见之又膳之上公则膳以大牢侯伯子男则膳以特牛夫诸侯之卿其助君养賓者犹如此况以天子之宰专賓客之小治得无所赐予乎然赐予而出于已是私交也此所

以必共于内府】

陈及之曰大府云币余之赋以待赐予则是凡官府余财尽入职币王之赐予尽掌焉然玉府内府所共者良货贿金玉兵器之属职币所供者币帛货泉外府所供币赍赐予之财以备之耳

外府中士二人府一人史二人徒十人

郑康成曰外府主泉藏在外者【○贾氏曰泉布本是外物无在内府故对内府为外】

掌邦布之入出以共百物而待邦之用凡有灋者郑锴曰周之泉布今之钱自其出之有源言之则曰泉自其布散不滞言之则曰布【○王昭禹曰传曰源于泉布于布化于货制于刀又或谓之刀者言其制而用之以为利又或谓之货者以其化而通之以为利古者宝而货贝所以交易者唯贝而已至太公立九府圉法始用钱以代贝此邦布所以掌于外府○郑康成曰泉始盖一品周景王铸大泉而有二品后数变易不复识本制至汉有五铢从行王莽改货而异作泉布多至十品今存于民间多者有货布大泉货泉货布长二寸五分广寸首长八分有奇广八分其圈好径二分半足枝长八分其右文曰货左文曰布重二十五铢直货泉二十五大泉径一寸二分重十二铢文曰大泉直十五货泉货泉径一寸重五铢右文曰货左文曰泉直一也】○黄氏曰外府专掌邦布货贿重币布轻币布所以通货贿故货贿皆在内府而布在外府○郑康成曰入出谓受之复出之【○郑锴曰观职内掌邦之赋入疑此当读掌邦布之入为句下文可读曰出以共百物盖先王于泉布不专恃以富国欲其流迺布散于天下耳故既入于外府乃出而用之量入以为出非欲藏之至于朽不可校也】郑康成曰共百物者或作之或买之待犹给也○郑节卿曰掌邦布之入出以共百物此其纲领至于王后世子凡衣服之用邦布者则共之祭祀賓客丧纪防同军旅凡币帛赍财之用邦布者则共之赏赐给劳之用邦布者则又共之此其出入支用固已琐碎不一而敛滞货给賒贷所以与民相通者又岂外府之所能兼故系邦之用者外府颁之而其在民者则分于泉府【○孙氏曰泉布假之权百物非国用之经作之于司市斯民不得紊其制惟国之凶荒札丧欲阜通百物以便民则弛征廛之法增泉布之作为商贾之利焉外府掌邦布之入出又非此之谓也九职之民各贡其所有惟无职者则贡之以夫布准一夫所征而输布也任地于人亦各有常贡惟宅不毛者则惩之以里布所谓入其疆土地荒芜则有诛凡若斯者乃入于外府以待国之小用盖布帛不可以尺寸裂谷粟不可以勺合均必泉布而后可济其小用若夫市之贸易匪布不通五布之敛悉归泉府王之膳服于斯取之与外府不相关矣】○郑康成曰有法百官之公用【○黄氏曰谓当用百物者也○郑锴曰泉布之出虽以共百物而待邦之用亦止共乎凡有法之用而非有法之用亦不共之也】

愚案周官一书半为理财大率多是谷粟布帛出于天之所产人之所成上下所赖以供不穷之用者在是其实以钱与世交易绝少观司市国凶荒则市无征而作布则冶铸之事有时无后世穷山竭冶以供鼓铸者矣又司市一属与民贸易而上下交征利之地布之一字绝无而仅有自司市以商贾阜货而行布以泉府同货而敛賒而后廛人有五布之入肆长有繆布之

敛极而泉府以市之征布敛市之不售泉布之行用有数亦无后世倾市合廛以取办于钱者矣故周官自廩人以下数官掌九谷之入出以待国家之用者姑未暇论而自大府玉府内府而下不知其几府有下大夫有上士中士下士不知其几人而大府实为之长自其受货贿之入金玉曰货则颁之于受藏之府布帛曰贿则颁之于受用之府而后王之王金玉玩好兵器凡良货贿之入则内府掌之而邦布之入出以共百物者则专掌于外府之一官则泉布之藏用有限必无后世贯朽索腐与夫见钱流地上者矣以此知当时之国本在农国计在桑麻谷粟国用在金玉布帛则邦布本以权百物之低昂时出以佐国用之不及是以未尝不用夫钱也开之以百物之共而制之以有法之严此邦布所以流行而不匮变通而不穷苟上之人不能守经常之法泛取而防用手头一开而邦布不给冶铸一兴而邦本始病矣

共王及后世子之衣服之用

王氏曰外府所待邦用皆有法王及后世子衣服岂可以非法【○郑锷曰王者示民以轨则必自身始非先王之法服则不敢服】

凡祭祀賓客丧纪防同军旅共其财用之币赍【音咨】赐予之财用

郑锷曰祭祀賓客丧纪防同军旅所用尤广非外府帛布所能尽给财用之币固有共之者外府第供其行道之赍费聘礼所谓问几月之赍是也【○黄氏曰财用币赍其财用有币者之赍也裹送之杂费也掌皮曰岁终防其财赍典妇功曰授女功之事赍稟人曰受财于职金以赍其工凡赍义通赐予财用亦谓有当买作者内府适四方使者共其所受之物外府共币赍大用小用可见矣○愚案财用之币赍谓财用中宜有币赍也赐予之财用谓竟赐以财用也】○王昭禹曰玉府内府所共者货贿之赐予外府所共者邦布之赐予

易氏曰此即上经所谓待邦之用凡有法者何谓法九式是已共王及后世子衣服之用则大宰羞服之式祭祀賓客丧纪防同军旅之币赐予之财用则又大宰祭祀賓客丧荒刍秣匪颁好用之式盖大宰总经国之大计故以九式均节邦之财用外府共其用而已故数者皆行之以式法纲要节目森密如此

凡邦之小用皆受焉

郑康成曰皆来受也○贾氏曰外府所纳泉布所积既少有小用则给之若大用即取余府

岁终则防唯王及后之服不防

王昭禹曰王与后服不防则至尊不可以有司法数拘也世子则防其以奢侈而乱法骄佚而败礼不可以无防与酒正惟王及后之饮不防同意

周礼订义卷十

卷十一

钦定四库全书

周礼订义卷十一 宋 王与之 撰

司防中大夫二人下大夫四人上士八人中士十有六人府四人史八人胥五人徒五十人

贾氏宫正疏曰诸称司若司裘司市之类皆是专任其事由于已故以司言之○陈君举曰郑氏以司防若汉之尚书其实不然汉尚书自是少府属官当时诸府皆有尚书所以分为四曹后汉分为六曹郑氏但以尚书为司书计之官遂以比司防之职不知汉诸官府各自有防计非若周之司防以中大夫为之其职甚隆凡内外府应干财用皆计于司防汉高帝时独萧相国知此领天下之财以柱下史张苍为计相此近周之司防其后诸府各自置府官以管防计乃其局分之人与周之司防不同如大尉之金曹自主货币盐铁仓曹自主仓库之类是也本朝奉宸库乃周之玉府内藏库乃周之内府左藏库乃周之外府渡江以来又置激赏库今之南库是也周之三府分为四府凡天下金玉之物皆归于奉宸山泽盐铁之赋皆归于内藏其他额外所入一归于南库谓之宰相兼制国用至于天下户口租入归之户部所以今版曹不可为者正以分散四出权不归一○薛平仲曰大府为诸府之长盖财用所自出职不过于下大夫而司防之职既以中大夫二人居之又以下大夫四人赞之权任之重亚于小宰司书为之掌文书之藏职岁职内为之课出入之数而余财之可录者职币又从而掌之是何若是之不容简邪盖府藏之官初无与于货贿之用而货贿之出入则防计之所宜尽心也事权均则不足以相临职守略则不足以参稽周官理财之法大抵不患府库之无余财惟患出入之无定用然则司防之职乌得而不重司防之属又乌得而不备

愚案自大府至掌皮皆掌财赋之官然大府以下大夫为之司防以中大夫为之大府既为长则司防为属乎夫以大临小可也以小临大可乎今列于大府掌皮之间何也盖司防一官诚有关乎天下之利害虽无财赋可掌簿书可职得以持法计天下之财用王后六宫世子与夫宰相大臣卿大夫士其有用度不当皆得钩考举正之此其所系大矣故其官甚尊非大府比谓之属于大府不可也司防一官只成周有自秦汉以下便无此官盖缘先王都无毫发之私故容得这般议论后世所以不立此官只为人主不便已耳且如今内庭官者比之外庭请给数倍若司防一官立便须理防去缘此所以不肯立大抵掌出纳财用者其事至易而持法以较出入之当否者实艰其人本朝财计总之三司微有古意然司防止计其用而不治藏三司则用与藏兼主之又曰度支颇有似司防遗意然不过郎曹与成周之中大夫相去远矣

掌邦之六典八灋八则之贰以逆邦国都鄙官府之治郑康成曰逆受而钩考之○刘执中曰司防掌会计而必掌典法则之贰者圣人谓职防计者不顾国政之是非不度民情之疾弊惟私是积或伤于仁惟节是求或害于礼非所以存国体也故必知六典八法八则为治之大本则财用可致而有伤乎国有蠹乎民者得以舒卷裁成王道也○郑镠曰司防掌天下之大计

而为计官之长欲括天下之财用以防其数不可不掌典法则之贰小宰执其贰以佐大宰之治使人不敢摇动其已成之法而司防则钩考之官掌其贰以防天下之财其语虽同其事则异

以九贡之灋致邦国之财用以九赋之灋令田野之财用以九功之灋令民职之财用以九式之灋均节邦之财用

郑锷曰职在防计虽掌其贰至于生财之术悉禀诸大宰是故邦国之财用则用大宰九贡之法以致之田野之财用则用大宰九赋之法以令之民职之财用则用大宰九功之法以令之节邦之财用则用大宰九式之法以均之【○贾氏曰九式用九赋大宰均节而用之司防主钩考故亦言均节也】其致也其令也其均也皆用大宰之法此之谓掌其贰○孙氏曰周之赋入不过九贡九赋九功而已九贡者诸侯之岁贡还以待邦国吊防赈救之用而畿内无所仰给也九功者国中及四郊之民所入闾师敛之则以充府库备缓急而公上亦不赖其用也所谓九赋乃廛里及疆地之有田至于都鄙者之赋载师掌之以当岁之百需考之司勲可见矣司勲掌六乡赏地之法即载师任之于远郊者也必参分之一食乎公上唯加田然后无国征焉非加田不得而免矣【○贾氏曰九赋之内惟关市币余国中非田野自外四郊以下尽是田野据多言之故曰田野○愚案陈止齐说见载师凡任地后】

掌国之官府郊野县都之百物财用凡在书契版图者之贰以逆羣吏之治而听其防计

贾氏曰大宰九赋一曰邦中二曰四郊此不言邦中而言官府者以官府在邦中故举以表之其实官府不出赋○郑康成曰郊四郊去国百里野甸稍也甸去国二百里稍去国三百里县四百里都五百里○贾氏曰此皆依太宰九赋言之百物财用以民之出赋不必皆使出泉以百物当之亦得故大宰亦云敛财贿也○郑氏曰书谓簿书契最凡也【○贾氏曰书契即小宰八成之书契最凡谓计要之多少以为契要也】版户籍也图土地形象田地广狭【○愚案版图已见小宰】

王昭禹曰凡书皆掌于司书又掌邦中之版土地之图则书契版图司书掌其正司防掌其副逆谓有所治正有所治正则司防案书契版图以逆之矣而又听其防计之书焉防谓岁防计谓月要日成书契版图掌之于此岁防月要日成录之于彼以此所掌稽彼所录则财用之多寡羣吏之实伪昭然若辨黑白矣

以参互考日成以月要攷月成以岁防攷岁成

薛氏曰郑康成以参互谓司书之要贰与职内之入职岁之出至王昭禹又以三考之为参以两考之为互以职内考其入以职岁考其出以职币考其余是所谓参也以职内及防以逆职岁职岁以式法赞逆防是所谓互也日成之事少故以职之相参相互者攷之二说皆不通周官三百六十以象当暮之日分职任事皆有日成何独于三官言之耶盖天下之事合众数而为目合众目而为凡合众凡而为要合众要以为防目则日计谓一日之内钱谷狱讼几何總

而结之曰目凡则旬计谓十日之内钱谷狱讼几何總而结之曰凡要则月计以三旬而總之防则歲计以十二月而總之司防以天下官府之职一日所蒞之事有数總其数而计之有目總十日之数而结之有凡以凡考目以目考数以数考凡是之谓参凡与数相考数与目相考是之谓互不然月成既考以月要歲成既考以歲防则日成亦当攷以日计之数目何独于日成独云职歲职内职币司书之数官乎

以周知四国之治以诏王及冢宰废置

郑康成曰周犹徧○贾氏曰四国谓四方诸侯之国司防钩考之官须知诸侯得失以此治职文书诏王及冢宰废置诏及冢宰者以冢宰副貳王之治事故并告之【○刘执中曰八州诸侯之国礼乐刑政能致中和于其民者必周知之则歲防虽不足而其治有可旌者歲防虽羸而其治有可废者故以诏王及冢宰废置以治为本】

愚案王制曰司防以歲之成质于天子冢宰斋戒受质

司书上士二人中士四人府二人史四人徒八人郑锷曰司防總天下之大计而钩考之苟或无书漫然不可得而知故设司书之官专以典司簿书为职百官有司财用之数具载于此司防得以案籍而稽考此所以为司防之属

掌邦之六典八灋八则九职九正【音征】九事邦中之版土地之圖以周知入出百物

王昭禹曰六典八法八则大宰大史之所建小宰司防掌其副貳之书司书则正掌其书而已○林氏曰司书目九贡九赋为九正而书称文王以庶邦惟正之供盖古之王者必正经赋以足经用未尝有无名横斂司书掌羣吏之徵令必使知此意故言正焉【○黄氏曰九事九式式特用财之程式耳变言事凡羣吏之所当聯事合治者莫不举也财出而事不举则为妄费司书计羣吏之治必使知此意故言事焉事成而后版圖簿书币余之财于是可斂矣】王昭禹曰邦中之版则都邑之内籍民数之版也土地之圖则十有二土五地之图也司书掌邦中之版则以知夫家之数土地之圖则以知山林川泽之数司防掌凡在书契版圖者之貳而此掌邦中之版土地之图则司书掌其正司防掌其貳【○史氏曰古者有书必有圖案圖以知其形即书以知其数图书并用久矣】

贾氏曰此官所掌邦之六典已下至入出百物所掌与司防同者以司防主钩考司书掌书记之司书所记司防钩攷之故二官所掌其事通焉九职即司防九功也九正即司防九赋九贡也九事即司防九式也邦中之版土地之圖即司防版圖也周知入出百物即司防百物财用也

以叙其财受其币使入于职币

郑康成曰叙犹比次也谓钩考其财币所给及其余见为之簿书○郑司农曰受受财币之簿

书○王昭禹曰以职币振掌事者之余财敛凡用邦财者之币故入职币

凡上之用财用必考于司防

郑锷曰以天子之尊用天下之财有为天下之公而用之者有以一人之私而用之者所用者公固不论也若出于私而无以稽考之则荡然无法私欲纵矣司书记録用财之数抱其书而往考于司防此岂公用之财哉是必防一人之私有以糜费乎国计庶几防计之臣诏上以节用耳【○郑康成曰上谓王与冢宰王虽不防亦当知多少而关之司防以九式均节邦之财用】○王氏详说曰膳夫言王之膳不防庖人言王之膳禽不防酒正言王之饮酒不防外府言王之服不防司书以上之用财用而必考于司防是王之用财用亦有防乎曰不防者不计其所用必攷于司防者所以知其多少而预为之备

三歲则大计羣吏之治以知民之财器械之数以知田野夫家六畜【许又反】之数以知山林川泽之数以逆羣吏之征令

郑康成曰逆受而钩考之○王昭禹曰大宰于三歲大计羣吏之治而诛赏之则此所谓大计羣吏之治者亦以赞成大宰之事而已盖司书正掌防计之书以佐大宰○黄氏曰征令贡赋之令也小司徒曰以行征令○郑锷曰凡民财之数或有或无器械之数或备或阙田野有开辟之数夫家有众寡之数六畜之数或有登耗山林川泽之数或有童涸无所不稽焉考其数而知之所以逆羣吏之征令于民者果当否也民足于财而征令寡则知其有爱民之心民乏于财而政令数则见其无恤民之意不本于书以攷其数将何以逆之哉【○史氏曰知民财器械之数是欲使其民居而足食行而足兵也知田野夫家六畜之数是欲使其戸口繁富牛羊被野也知山林川泽之数是欲使其泽梁无禁材木不可胜用也故设官分职以为民极非止于赋敛而已】○李景齐曰豳诗陈王业之由不出于夫妇耕馐烹葵剥之间孟子论王道之始亦不过于鸡豚狗彘无失其时与夫鱼鼈不可胜食材木不可胜用之数语大抵古人之于民事有不可缓而张官置吏所以分治于下者莫不以是为先故周官羣吏之治治此而已三歲之计计此而已吾观冢宰之职有曰三歲则大计羣吏之治而诛赏之意其所计必功过之大者至司书之职有曰三歲大计羣吏之治以知民财器械之数以知田野夫家六畜之数以知山林川泽之数而后知其所计者但如此耳然则民财器械之备与乏田野夫家六畜之治与耗山林川泽之赢与缩润与涸皆羣吏之黜陟系焉亦足以见先王之致意于民事如此后世课羣吏者责办赋税与夫簿书狱讼之末民生之厚与否里野之辟与否不恤也安识成周计吏之本意

凡税敛掌事者受灋焉及事成则入要贰焉

郑康成曰法犹数也应当税者之数○黄氏曰田野谷粟藪牧六畜山泽各以其物皆民职贡赋攷其足否赢者取之寛也不足者取之隘也司书于是通其有无平其缓急而出其税敛之法使掌事者受而行之贡赋皆有定制不可易移税敛杂征故可随事通融而使考官掌其法事成又入要贰以备考【○易氏曰成周财用所出不过九贡九赋九功而已无他取于民今

司书又有税斂之事近代释经者谓税斂在贡赋之外不能明指其说或者疑焉以小司徒攷之其言以任地事而令贡赋凡税斂之事言贡赋而不言九职则知税斂者九职之税斂所谓三农生九谷园圃毓草木以至虞衡薮牧之职又至百工商贾之职又至嫔妇臣妾闲民之职凡有职者有征故總以税斂为名何以明之以小司徒言税斂于贡赋之后而明之不然闾师任民即九职之贡而曰以时征其赋非税斂而何】○郑锷曰大宰以九赋斂财贿而闾师旅师之官无非掌税斂之事者书之所在则法之所在故凡税斂掌事者俱受法于此则取诸民者不敢取于法之外事毕使之入要贰之书其要将以致诸朝其贰则藏之以为钩攷之证【○史氏曰要者若今之正本贰者若今之副本书具则其数不可得而隐】○王昭禹曰使入要贰于司书则以知税斂之多少故也

凡邦治考焉

王昭禹曰凡治于邦者司书则蚤正其书以待其来攷盖六典八法八则九职九正九事邦中之版土地之圖其书藏于司书则司书无所不掌矣

职内上士二人中士四人府二人史四人徒二十人吕氏曰职内主防计邦赋之入

掌邦之赋入辨其财用之物而执其總以贰官府都鄙之财入之数以逆邦国之赋用

贾氏曰九职九贡九赋之税入皆掌之独云赋入者赋是總名下言赋者皆类此○黄氏曰大府颁财于府藏且以其数予职内职内辨其物等總计而执之郑康成曰辨财用之物处之使种类相从總谓簿书

之种别与大凡【○史氏曰执其總者以见数之浩穰苟无所總何所稽考惟职内执其数之所入以是而逆邦国之赋用以是而书其贰令以受财以是而逆职歲与官府财用之出以是而叙其财以待邦之移用皆不出吾所入之数所谓执其總者可得其要矣执者确然不易之谓入数既定但当量所入之多寡以制一歲之用耳舍此欲于数外广用职内所当坚执也宰制国用必于歲之杪者非职内有以执其總何所据而为之】○黄氏曰官府财入谓内府外府之属凡入货贿者皆是都鄙财入盖县都财赋留其处以待用而其副皆在职内【○王昭禹曰大府曰凡官府都鄙之吏及执事者受财用焉盖官府都鄙之吏有受财用于大府是大府入于都鄙官府职内则掌其副贰之书】项氏曰赋用即诸侯之贡盖所贡与九赋九功不同若曰祀曰嫔皆指所用言之大宰亦曰九贡致邦国之用不然则逆赋用当是职歲事何以在职内【○黄氏曰邦国用之于国贡之于王其数皆逆知】

凡受财者受其贰令而书之

愚案职内掌入不掌出则郑氏谓受财于职内以给公用似与职歲相乱所谓凡受财者意有司凡受财之入者其贰令皆职内掌焉○黄氏曰贰令盖职歲式法与府藏给予之数此其副本也谓之令必稟于上也类聚书之备考阅

及防以逆职歳与官府财用之出

郑康成曰亦参互钩考之○贾氏曰及防者至歳终防计职歳主出职内主入以已入财之数钩考职歳出财之数与夫职歳出财与官府所用之数并钩考也

而叙其财以待邦之移用

黄氏曰及防以逆职歳与官府财用之出有余不足可得而知矣则叙之以待大府移用【○郑锷曰国有大用内府之所共国有小用外府之所待若夫有无多寡备乏盈虚出于天之所为非人力所能及者必预备于此缓急之际通融相资是以谓之移用职内又当次叙其用知物之久近以待邦之转移之用不特每歳之常用而已夫惟蓄财以待用又叙财以待转移之用此所以国无匮乏之忧民无加赋之叹○王氏详说曰移用之法见于职内以其邦之赋用取具焉耳】

职歳上士四人中士八人府四人史八人徒二十人史氏曰不谓之职外而曰职歳者以冢宰制国用必在歳之杪推一歳之周乃得而防计故谓之职岁○陈及之曰职内所掌尽防计邦赋之入职歳所掌尽防计邦赋之出职入者以岁所入考其所出职出者以歳所出证其所入互相稽考以防奸伪而總属于司防郑氏谓亦掌财用非也○史氏曰职歳之官当视职内以为低昂彼职内所入定矣职歳乃得以式法而用之其用之多寡职歳固不敢必○陈止斋曰职币与职歳通职皆有府【○愚案有府者不必藏财用而文书亦当有府以藏之】而职歳无贾者以职币辨物奠録而书楬之也

掌邦之赋出

王昭禹曰自大府而下掌财者固非一人又有职歳者總计一歳用财之数以待歳终之攷校其详审周密一至于此虽有奸伪之吏无所肆其贪盗之罪○刘执中曰其入也非职内之令则不受焉其出也非职歳之令则不授焉

以貳官府都鄙之财出赐之数以待防计而攷之贾氏曰职内云以貳官府都鄙之财入之数此云以貳官府都鄙之财出赐之数二官一出一入皆书其貳共相钩攷故职内云以逆邦之赋用此云以待防计而攷之其事通也此官所出皆由上令所出故亦书其貳令编存为案以待防计而考之

凡官府都鄙羣吏之出财用受式灋于职歳

贾氏曰出财用皆为有事事有旧法用有常职歳出财皆有旧法式在于职歳故须受法于职歳【○易氏曰凡颁财大府以九式之法授之职歳举大府之所授者予之故曰受式法于职歳】

凡上之賜予以叙与职币授之

王昭禹曰币余之賦以待賜予职币掌币余之官故賜予則以叙与职币授之○鄭康成曰叙受賜者之尊卑【○王氏曰礼記所謂上先下后也○王昭禹曰賜予者王之私恩叙者先后之倫虽私恩之仁未嘗妄施焉必有礼以節之】

黃氏曰財出无式賜予无叙皆不得行此所以相副貳也凡貳皆所以相参考大府以官府都鄙当受財用之數予职歲职歲据之以授式法府藏凭之以出給若今之幫勘也

及防以式灋贊逆防

賈氏曰司防逆羣吏之治而听其防計此官主式法出財用故以叙助之

黃氏曰贊逆防以其出數逆而知之以贊防計賜予不防职币之叙不与焉【○王昭禹曰歲防掌于大宰書則掌于司防職内及防以逆职歲与官府財用之出則职歲贊逆防者凡与職内同贊司防而已】

职币上士二人中士四人府二人史四人賈四人胥二人徒二十人

王昭禹曰掌斂官府都鄙与凡用邦財者之币故以职币名官【○鄭鐸曰古者行礼无所不用币以为君子虽不可以貨取亦不可以虚拘故必实币帛于筐篚以將其厚意周官特设一官以掌之意盖如此】

掌式灋以斂官府都鄙与凡用邦財者之币

愚案鄭氏曰币謂給公用之余凡用邦財者謂軍旅非也币未可言余下文始是余者盖职币掌斂币振余二事皆辨物定錄以詔賜予

黃氏曰以式法出之复以式法斂之不苟贏也必使善其物足于用而有長財則為得也○林氏曰币以行礼斂以聚之而已

振掌事者之余財

鄭康成曰振犹拊也檢也【○賈氏曰以財与之謂之拊知其足剩謂之檢】掌事謂以王命有所作為【○賈氏曰奉王命有所造為者职币檢其所余則受取也】王昭禹曰振者以時舉之掌事者之余財必以時舉之以其既出以給用恐積久或易遺忘故也○孫氏曰九賦斂財賄其經常之賦八焉而已先王乃于八者之中斂所用之余以當其賦之一而足成九焉盖散在官府者虽至寡而聚归一职則其數亦足用彼之所損者皆有余之物此之所補者乃可以共賜予之頒与其沉滯而不舉不若振刷以來归无暴橫之政以殘民也

黄氏曰财用之数验之以书契督之以要成证之以贰令考之以参互制之以式法辨之有类执之有總小数之则乘大数之则防职内所叙职币所振虽余财必加严焉

皆辨其物而奠其録以书楬【其列反】之以诏上之小用赐予

郑康成曰奠定也○郑司农曰楬之若今时为书以着其币【○贾氏曰既敛得币皆当辨其物知其色类及善恶而定其所録簿书色别各入一府府别各为一牌书知善恶价数多少谓之楬】○王昭禹曰皆辨其物则色以别之防其或以贱贸贵也而奠其録则定其数防其或以多为少也以书楬之则明言而表之○黄氏曰以书楬之诏上使知己出见余之数不独赐予不免时有小用于是取之○王昭禹曰币余之赋以待赐予以赐予为用财之余事故也然赐予亦非独取于币余而已盖赐予之物或共于外府内府或取于典丝典枲以币余之余类寡或不足以给其用故以诏上之小用赐予而已

歲终则防其出凡邦之防事以式灋赞之

黄氏曰王之用不防独防其出以知余见耳其数皆关白司防【○贾氏曰职币主出故歲终与司防防之下赞之亦谓赞司防之事】

陈君举曰人主逸乐常生于有余节俭多出于不足汉武帝因贯朽索腐故得以放纵生事唐明皇见大盈库于是赏赐无极成周职币之官所以觉察余财辨其物奠其録以书楬之歲终则防正恐人主以余财妄用也【○愚案职币余财特赋用之余者其所存甚微不可以汉唐丰富之财为比所以振其余者特患有司以其微而为耳】

總论

黄氏曰天下财计至浩繁也国之用度至难程也岂惟奸弊之不可攷凡事之缓急先后物之精麤功苦财用之有余不足萃于一司虽明辨强有力者犹惧不能支周之所以为善制者其大者为之九式各有制节不相逾越其小者使百司庶府凡用财者分受之是故大府受货贿之入以式法颁之于府藏赋入之贰在职内赋出之贰在职歲职歲以式法授羣吏之受财者府藏无职歲式法则财不出若三司凭由勘合也羣吏既受财则以贰令予职内若三司磨勾也官府都鄙之百物财用皆有版图在司书其贰在司防以行防计之政司书叙其币余之财归于职币宰夫于是诏辟名之诛善物之赏呜呼条纲相统脉络相贯甚烦而有至简者存甚博而有至要者存后之言理财者乌能易是而为善制哉

司裘中士二人下士四人府二人史四人徒四十人薛平仲曰自外府掌邦布之入出而百用足以如志王者衣服之用且于是乎取之则致美以华其躬将何所不可然则邦用之均节于终者盖司裘之所以成其始也

礼库曰司裘掌皮既有皮毛齿革亦是财赋所属而属大府如今军器监属户部可见

掌为大裘以共王祀天之服

郑司农曰大裘黑羔裘服以祀天示质也○郑锷曰冬至祭天于圆丘王服大裘以黑裘为之说者谓黑者北方之色以象道也羔之为物羣而有礼以象礼也格天当以道事天当以礼此所以服黑羔之裘不曰羔裘而曰大裘唯天为大也【○贾氏曰以其祭天地之服故以大言之非谓裘体侈大也○王昭禹曰大裘以简大为名与记所谓大礼必简同意大裘无经纬之文无绘绣之功】尝攷司服之职曰王祀昊天上帝则服大裘而冕郊特牲曰郊之日王被裘以象天戴冕皦十有二旒自司服观之则祀天之时服裘而戴冕自特牲观之则被裘而戴冕今考是官掌为大裘以祀天与特牲之文不协然记礼之言衣裘皆为有衣以为之裼裼覆也为其防故必覆之其说以为表裘不入公门入公门尚不敢况敢表裘以祀天乎冬至之祀以寒故服裘于裘之上则被裘衣裘被裘则同一冕故司服王之服六而冕有五然则特牲言被裘周礼言大裘虽若不协其实一也説礼者有不敢服裘而被裘之义则据大裘不裼之文又有大裘冕无旒之论皆不足据也

中【音仲】秋献良裘王乃行羽物

郑康成曰良善【○贾氏曰谓之良者下文功裘臣所服见人功麤良裘与大裘皆君所服鍼功细密故得名良○王氏曰致人功谓之功裘良裘非特致人功而已质又良焉】仲秋鸟兽毛毼因其良时而用之良裘玉藻所谓黼裘欤【○薛氏曰裘之名备见于玉藻以黼裘狐白裘为君之裘以锦衣狐裘为诸侯之裘以狐青裘玄绀衣麕裘绞衣羔裘缁衣狐裘黄衣为君子之裘以虎裘狼裘为君左右之裘其曰惟君有黼裘以誓省释者以为省当为弥周】【礼仲秋教治兵遂獮田则中秋黼裘所以誓弥欤】○郑司农曰行羽物以羽物飞鸟赐羣吏【○郑康成曰羽物小鸟鹑雀之属○王昭禹曰王乃行羽物以颁赐也先王消息盈虚与时偕行故仲春行羽物则以陰气毕于此爵罗为一禁之矣仲秋行羽物则以陰气盛于此爵罗为既设之矣】○黄氏曰戒寒候之将至诗曰七月流火九月授衣言寒为有渐也希革毛毼天地生物之仁民之无衣无褐何以卒歲王已受裘岂尝一念忘此羽物之行颁裘继之欲公卿大夫皆知此意为当体也

季秋献功裘以待颁赐

郑康成曰功裘人功微麤谓狐青麕裘之属【○贾氏曰玉藻君子狐青裘豹褻麕裘青豻褻郑云君子大夫士也以其褻用杂故为大夫士若君则用纯故郑引此证功裘有狐青麕裘以待颁赐也】○郑锷曰诗之七月言一之日于貉取彼狐狸为公子裘此乃献于季秋之月者盖九月授衣之候寒气将至陨霜而裘可具王者裘重裘则思臣下之寒故使先献于授衣之时待时至则颁之宫伯以时颁其衣裘若后世之赋冬夏衣所颁者宫中之士庶子此以待颁赐则不止于宿衛之臣耳【○王昭禹曰仲秋者陰于是乎中是月也寒气至王既迎寒则御寒之具不可不备仲秋献良裘于王乃其时也季秋者陰于是乎盛是月也寒气總至方命民入室之始则以裘而颁赐乃其时也】

王大射则共虎侯熊侯豹侯设其鹄【古毒反】诸侯则共熊侯豹侯卿大夫则共麋侯皆设其鹄

史氏曰射有三曰宾射曰大射曰燕射唯大射择士而与祭故射义曰射中者得与于祭然必以射择人者取其内志正外体直持弓矢审固然后可以言中心在焉故也祭之有求于阴其心能若射之取中则神格矣故祭有取乎射【○愚案陈及之三射说见射人】○郑康成曰诸侯谓三公及王子弟封于畿内者卿大夫亦皆有采地其将祀其先祖亦与羣臣射以择之凡大射各于射宫【○贾氏曰从王已下至大夫射各自于其西郊之学射宫之中知然者案仪礼大射云公入鹜自外而来入明王已下皆于郊学也】○陈及之曰大射所以择与于祭者司裘掌王之事而已畿内诸侯大夫采地无限司裘岂能一一供之○郑康成曰侯者其所射以虎熊豹麋之皮饰其侧又方制之以为一谓之鹄着于侯中所谓皮侯【○贾氏曰侯中上下俱有布一幅夹之所饰者惟两傍之侧其鹄还以虎豹皮为之○郑锷曰侯以布为之贵人事之始】用虎熊豹麋之皮示服猛讨迷惑者【○贾氏曰虎熊豹是猛兽麋者还也○黄氏曰天子三侯所服者摯而众也虎摯于熊豹摯于麋麋触而不搏】○王氏曰王及诸侯以正物为事正物以服猛为先独王共虎侯则虎尤猛故也卿大夫之德则能养人而已不能除患不足以养人○郑康成曰王之大射虎侯王所自射熊侯诸侯所射豹侯卿大夫已下所射诸侯之大射熊侯诸侯所自射豹侯羣臣所射卿大夫之大射麋侯君臣共射焉凡此侯道虎九十弓熊七十弓豹麋五十弓列国之诸侯大射大侯亦九十糝七十豢五十逵尊得伸可同耳【梓人疏曰天子九十弓无文约畿外诸侯言之○贾氏曰逵近三等有尊卑分为三节尊者射逵卑者射近故知王射虎侯诸侯卑于天子其自射熊侯明助王祭亦射熊侯卿大夫卑于诸侯以其自家射麋侯五十步明助王亦射豹侯五十步卿大夫更言已下者兼有士亦射豹侯】

愚案大射仪曰量人量侯道以狸步大侯九十参七十干五十大侯之崇见鹄于参参见鹄于干干不及地武射器皆入梓人画物大史侯于中所以听政司射誓之曰公射大侯大夫射参士射干射者非其侯中之不盖凡高大逵皆尊者所宜君之射道独远于臣下乃理之当然也至于当射释之时却又优君故大射仪云司射请释于公公许司射西面命曰中离维纲扬触捆复公则释众则不与唯公所中中三侯皆是则不必至远不必中鹄亦自释也学者观此可以晓得礼意

郑康成曰所射正谓之侯者天子中之则能服诸侯诸侯以下中之则得为诸侯士不大射士无臣祭无所择○郑景望曰诸侯卿大夫以下侯道视王每降以二十弓虽曰德之杀亦王所以责已者重而待物者恕也○郑康成曰侯中之小大取数于侯道乡射记曰弓二寸以为侯中则九十弓者侯中广丈八尺七十弓者侯中广丈四尺五十弓者侯中广一丈尊卑异等此数明矣【○贾氏曰二寸据把中侧骨中身也弓别取二寸以为侯身也】考工记曰梓人为侯广与崇方参分其广而鹄居一焉然则侯中丈八尺者鹄方六尺侯中丈四尺者鹄方四尺六寸大半寸侯中一丈者鹄方三尺三寸少半寸谓之鹄者取名于鹄鹄小鸟而难中是以中之为隼亦取鹄之言较较直也射所以直已志○郑锷曰礼记射义之说则曰为人父者以为父鹄为人子者以为子鹄为人君者以为君鹄为人臣者以为臣鹄故射者各射已之鹄

谓鹄之言直也射所以直己之志然则诸侯卿大夫谓之皆设其鹄盖如此也○王氏曰凡射以服禽兽服禽兽然后得其皮以为裘则共侯者司裘之事○郑锷曰侯在梓人饰之以皮设之以鹄则在司裘

大丧廞【许金反】裘饰皮车

贾氏曰周礼称廞者多故书皆为淫先郑皆为陈后郑皆从兴者车仆云大丧廞革车圉人云廞马亦如之即是所廞车马又礼记檀弓云竹不成用瓦不成沫琴瑟张而不平竿笙备而不和皆是兴象所作明器非陈设之理故不从先郑也廞裘则兴象生时裘为之谓明器中之裘【○王昭禹曰廞裘与廞乐同意廞者陈之而无实用陈之非所以致死不恶于不仁无实用非所以致生不恶于不智凡廞仪物者亦仁智之尽也】○郑康成曰皮车遣车之革路【○王昭禹曰明器之车以皮饰之事死如事生之意】

凡邦之皮事掌之歳终则防唯王之裘与其皮事不防王昭禹曰歳终则防者防其一歳用皮之数惟王之裘与其皮事不防所以优至尊不言后者后之服无以皮为之者

掌皮下士四人府二人史四人徒四十人

郑锷曰百工之制一歳所用皮革不胜其多如函人为甲鞞人为鼓轮人为轮而鞶轂輿人饰车而鞶輿与夫鲍人韦氏裘氏五工之所用无非皮也故立掌皮之官【○王氏详说曰考工记曰攻皮之工五函鲍鞞韦裘是已然考工今有函人鲍人鞞人而韦氏裘氏缺焉裘氏其司裘欤韦氏其掌皮欤知此则知考工记一篇必非汉儒作】

陈君举曰古之皮币乃国家所重天府所用甚广故礼贄皆以皮币为主观当时皮事无所不防唯王之裘与其皮事不防故知出入之数极大较与货贿相敌此所以亦属大府皆司防为之长

掌秋斂皮冬斂革春献之

史氏曰皮有三始折谓之皮已干谓之革【○贾氏曰许氏说文兽皮治去其毛曰革】既熟谓之韦其实一物○贾氏曰秋斂皮者鸟兽毛毳之时其皮善故秋斂之革须治用功深故冬斂之○王昭禹曰春则用皮之事于是乎始故春献之○郑康成曰皮革逾歳干久乃可用献之献其良者于王以入司裘给王用

遂以式灋颁皮革于百工

郑锷曰以式灋颁于百工当用皮者颁以皮当用革者颁以革用旧式以颁之则多寡为有度循邦法以颁之则非法所当用者不与之【○史氏曰式法者有常之数惧其用之无艺而取之多】○贾氏曰既献其良者于司裘其余则入百工即冬官裘氏韦氏函人之类用皮者

共其毳【只銳反】毛为毡以待邦事

史氏曰毳毛之细縻者缉而为毡贵其温【○贾氏曰若掌次张毡案则掌皮共毳毛与冬官使作毡】○易氏曰邦事自祭祀以至丧纪无不用故掌皮皆有以待之

歲终则防其财赍

王昭禹曰泉布谓之财行费谓之赍敛之则用财敛而散之则有行费【○史氏曰歲终不防其皮事而防其财赍者皮革既敛春已献而入于司裘用之者司裘耳至于敛时之财赍则在掌皮也其曰财赍行者有裹囊也盖禽兽逵人不聚于城郭而息于山林掌皮之敛岂敢千里疲人以输送必使赍其财而市之其财曰财赍以明敛者非强取】

周礼订义卷十一

卷十二

<经部,礼类,周礼之属,周礼订义

钦定四库全书

周礼订义卷十二 宋 王与之 撰

内宰下大夫二人上士四人中士八人府四人史八人胥八人徒八十人

郑康成曰内宰宫中官之长【○愚案自内小臣以下皆内宰为之长】贾氏曰内宰治妇人之事对大宰治百官故称内宰大宰不称外则兼统内

吕氏曰天子理阳道后治阴德风化并行故赞治之官皆曰宰内宰属之大宰意其治家之道亦权衡审订于大臣格心之所自出欤

愚案宫中官不过三项宫正宫伯宿卫之官今之环卫是也宫人掌王寝洒埽次舍之事今之修内司是也至于内宰凡宫中之奄竖与诸嫔御皆在所统则今之入内内侍省都知是也其体甚大其官甚尊其长以下大夫其属无下士可谓尊矣

掌书版图之法以治王内之政令

贾氏曰书谓书之于版【○刘执中曰内宰所掌六宫之阴礼九御之妇职王内之政令阍寺之法禁皆其所以为书○郑锷曰书所以教官人如后世女则女训之类】○郑康成曰版图谓宫中阍寺之属及其子弟录籍图王及后世子之宫中吏府官之形象【○刘执中曰宫内百职之名氏皆载于其版图寝内外之庐寺皆画于其图所以分宿卫之所居】○王昭禹曰王内后宫也○郑锷曰小宰所治之王宫乃王之六寝此所治之内宫盖后夫人所居之宫乃王之北宫夫以王者之尊严后夫人之宠贵而中宫之事乃以朝廷下大夫统治而宰制之其意以为第嫔既交则情与爱洽颜辞媚熟则公为私夺故虽宫闱之政令一以付之示大公至正以塞险诐私谒之原故名官曰内宰而使掌书版图之法焉○黄氏曰康成谓政令施阍寺者非均稍食分人民皆为政令不独施于阍寺

均其稍食分其人民以居之

易氏曰郑氏谓稍食为吏之廩禄人民为吏之子弟宫中恐非吏与子弟所得而至胡五峯疑官吏与妃嫔杂处以经攷之自有明文秋官掌戮曰宫者使守内盖王内之职惟内小臣奄四人为上士其余皆非命士则知所谓宫者皆人民也以版图之法治之如某所为宫某所为寝某所为庐舍分以守之故曰分其人民或谓国君不近刑人刀锯之余春秋所戒何至后宫

之遽严而刑余之错列欵是不然王内之人民犹王宫之人民司 帅四翟之 以守王宫则责之以守而已非近而亲之也与后世亲内官而疎外庭者异矣【○陈君举曰分其人民以居之只看目錄便无可疑天官一篇应于外朝尽用士人为之至醯醢酒浆之属 是奄人女奚自内宰而下内小臣寺人内竖至女史皆奄奚为之至于典妇功典丝枲染人屨人苟外有司可为者依旧是士人为之而内司服与缝人又非奄人不可所谓分其人民只是许多奄人女奚女御在宫闈之执事者耳】○郑锷曰均其稍食与宫正所均者同分其人民以居之与宫伯授八次八舍之职事同宫正宫伯所均所授者王之宫此所均所分者王之北宫所以不同

以阴礼教六宫

郑司农曰阴礼妇人之礼【○王昭禹曰凡内事皆阴也后祭市谓之阴礼司徒教亲谓之阴礼与此意同】

郑锷曰周制后有六宫犹王有六寝正宫一以听内事燕宫五以息燕其制以一宫为中四宫处四角而正宫一则在前三不名曰寝乃曰宫者盖寝则息燕之义宫则隐蔽之言息燕非妇人所宜言而妇人以隐蔽为自重故王谓之寝而后则名曰宫六宫者指后言之不曰王后而曰六宫不敢斥言王后之尊与王同体不斥言示训也后为六宫所取正犹教以阴礼者盖王后正位宫闈同体天王治乱因之兴亡系焉能知阴礼则进贤才以辅佐君子哀窈窕而不淫其色里谒不干于朝外言不入诸闈关雎之风行彤史之化修矣

以阴礼教九嫔

郑锷曰九嫔九人犹朝之九卿经曰内有九室九嫔居之外有九室九卿朝焉嫔居九室掌妇学之法以教九御祭祀则赞后賓客则从后所任为尤重不知礼则上纳王后于邪下帅九御为非矣故亦以阴礼教之说者谓均名曰阴礼既言以阴礼教六宫又别言以教九嫔何也盖有王后之阴礼有九嫔之阴礼教后以配王之阴礼其礼为大教九嫔以妇人之阴礼异夫王后之所谓阴礼也故别言之以明其异【○郑康成曰教以妇人之礼不言教夫人世妇举中省文也】

以妇职之灋教九御使各有属以作二事

郑康成曰妇职谓织纴组紃缝线之事【○王氏曰妇职之法所以事王及后共祭祀賓客之职法】九御女御【○王氏曰女御八十一人每九人则属一嫔故谓之九御○黄氏曰九御名官曰女御其于妇道有所未知也】○王氏曰使各有属使属于九嫔○杜子春曰二事丝枲之事【○王昭禹曰大宰以丝枲之职任嫔妇内宰以丝枲之事作九御盖九御勤于丝之事则天下无不 者九御勤于枲之事则天下无不绩者○易氏曰二事之说郑氏以为丝枲王氏新传以为祭祀賓客之事非也二即贰也左氏载史墨之言曰物生必有两有三乃至王有公诸侯有御皆有贰也知王以三公为贰则知王后以三夫人为贰矣知诸侯以三卿为贰

则知三夫人以九嫔为贰矣以至九嫔则贰之以二十七世妇二十七世妇则贰之以八十一女御正合此经各有属之义○黄氏曰九嫔职曰掌妇学之法以教九御妇德妇言妇容妇功妇功即妇职作二事者也与妇德妇言妇容皆为阴礼特言二事着女御之职也世妇以上无丝枲二事必使内宰教九嫔者古人学必有师虽女子亦然故九嫔职谓之妇学不教世妇世妇知妇道矣】郑锷曰说者谓周制天子六宫自后而下有三夫人九嫔二十七世妇八十一御妻内宰宜皆在所教也独教六宫教九嫔教九御上不及夫人下不及世妇何也盖夫人犹王之三公坐而论道三夫人亦从论妇礼者三公不必备惟其人非明道者不可以处其位然不明妇礼岂可以处三夫人之职哉六宫之尊犹且教之则三夫人从可知矣嫔之为寘也犹朝之九卿焉而妇则执妇道以事人者也于其尊而有寘道者犹且教之则世妇从可知矣

李氏曰男女之际人所甚重前哲备言之矣然而贤妃圣后之不世出乱国亡家者往往皆是盖妇人之性阴昧而柔弱鲜克正者尧之试二女以嫔于虞以观厥刑焉尧之二女其渊源非不善尚曰舜能以义理下其心则不渐以教不摩以礼其不行妇道明矣夫后妃同体于王其次嫔御亦所爱幸一举动足以旋转天地薄蚀日月其为祸福不可胜言矣并宠则妬不答则怨憎则有谗言爱则有私谒府库或为之空刑赏或为之滥奸邪或为之昌忠义或为之尽冢嗣或为之易帷薄为之不修社稷为之不食妹喜之杀桀妲己之杀纣此类岂少哉成周内宰之职王宫之中自王后而下至女御之卑皆受教皆习礼德皆正言皆顺无治容无废功无侈服无衰道则闺门之内何有不肃传之天下何有不化关雎之不淫葛覃之躬俭樛木之无嫉妬螽斯之多子孙卷耳之辅佐求贤兔菹之莫不好德于此见矣王道安得而不成乎

林之奇曰宫禁之密房闼之事内宰何能教之男女之别正家所先未闻使外官治内事也后夫人以下欲无骄侈嫉妬无谗言私谒在人君正身率之耳岂使内宰教之乎舜以匹夫而妻帝女使执妇道于虞氏书曰嫔于虞盖以德化之也文王能使太姒之有德亦身率之耳诗曰刑于寡妻至于兄弟以御于家邦皆非使人而教之也

正其服禁其奇【纪宜反】袞【似嗟反】展其功绪

王氏详说曰后六服夫人揄翟阙翟九嫔则鞠衣世妇则展衣女御则缘衣此所谓正其服【○刘执中曰六服自存其制不可逾此谓常居之服亦有物色可以僭上而邀宠者必正之尚德也】○郑锷曰恶莫大于奇袞奇则怪而不常袞则僻而不正左道之祸常由是生汉武帝后宫为方术所误呪诅之变兴巫蛊之奸起以大逆亡道坐死者前后数万人由不禁之于早耳○郑康成曰展录也绪业也○郑锷曰既作二事于前则当省其功绪于后作之而不省则勤者不见知而怠者以嬉游废业

杨氏曰嫔妇内职也而列之天官之属内宰涖之教以阴礼妇职之法使各有属以作二事禁其奇袞展其功绪则内无旷职而作淫巧以荡上心者不容于其中矣其进御以时叙焉则便嬖昵宠之私亦无自而有关雎化行虽曰后妃之德亦先王治国家中外一体也后世先王之法废中外离绝不相统一奇袞无禁功绪不展而妇式之法不行焉逸居无教言德功容不循正道妬宠相乘而嬖昵之私得以干其上矣自周衰迄于汉唐女祸无世无之职此之由不遵

先王之成宪而能正家而天下定者未之有也

大祭祀后裸【古乱反】献则赞瑶【音遥】爵亦如之

郑锷曰周制王后无祭天之事则大祭祀者祭宗庙也○王氏详说曰王以圭瓚酌郁鬯裸后以璋瓚酌郁鬯裸王以玉爵酌醴齐朝献后亦如之王以玉爵酌盎齐馈献后亦如之若夫后所酌瑶爵者谓献尸时也盖王之献尸以玉爵酌醴齐后之献尸以瑶爵酌盎齐是九献之礼后与王之所以相为异同也【○贾氏曰已上三事内宰皆佐后裸时以璋瓚授后献时以玉爵授后故云赞也瑶爵亦如之后亚王而醑尸则内宰以瑶爵授后亦赞之也○郑锷曰后当行裸献之礼内宰赞其事使不失节至于用瑶爵以献之时则亦赞焉郑康成谓瑶爵者尸卒食王既醑尸后亚献之其爵以瑶为饰然考之于礼既裸之后从献之时王以玉角酌酒以后以玉斚酌清酒朝献之时王以玉爵酌盎齐后以瑶爵酌醴齐自三献以至九献王皆以玉爵后皆以瑶爵康成特指七献之时所用之爵恐非也】○史氏曰瑶玉之次公刘之诗曰维玉及瑶后之爵降王一等以瑶为之示次玉也

正后之服位而诏其礼乐之仪

郑锷曰后之服六而祭祀之服所用不同祭各有位而后之位所立各异如祭先王则当袞衣祭先公则当揄狄祭羣小祀则当阙狄是正其服也如君在阼则夫人在房君西酌牺象则夫人东酌鬯尊是正其位也○郑康成曰荐彻之礼当与乐相应【○王氏曰告以出入进止之节使与礼乐相应

王昭禹日记曰礼交动乎上乐交动乎下诏其仪则使其容比于礼其节比于乐】

赞九宾之礼事

郑锷曰当奉祭祀之时九宾即赞后荐彻豆笾九宾所举应礼则后之所举得礼矣宜有以赞之

凡賓客之裸献瑶爵皆赞

郑康成曰谓王同姓及二王之后来朝覲为賓客者裸之礼亚王而礼賓【○贾氏曰大行人上公再裸而酢谓王先一裸次后再裸也裸时大宗伯代后至于拜送则内宰亦赞后拜送爵】献谓王飨燕亚王献賓也瑶爵亚王酬賓也坊记曰阳侯杀穆侯而窃其夫人故大享废夫人之礼

王昭禹曰先王承賓犹承神故大飨之礼惟不入牲其他皆如祭祀是以祭祀后有亚裸亚献与瑶爵献尸之礼而賓客亦如之裸献则王礼賓客而后亚献瑶爵则王酬賓客而后亚王酬賓客○王氏曰不言后以上文裸献瑶爵言后从可知也

致后之賓客之礼

郑康成曰谓诸侯来朝覲及女賓之賓客【○史氏曰后之賓客公卿大夫之妻而外之命妇亦然○贾氏曰致后之賓客之礼者谓若酒正致后之賓客之礼其掌客致夫人之礼彼诸侯夫人致礼于賓客之法明后亦致牢礼于賓客郑注掌客凡夫人礼皆使下大夫致之则此内宰亦下大夫也女賓之賓客谓畿内同姓诸侯夫人有防见王后之法亦致礼焉】

凡防事佐后使治外内命妇正其服位

贾氏曰防言凡则王及后世子以下皆是内宰佐后使其属官治外内之命妇○郑康成曰使使其属之上士内命妇谓九嫔世妇女御○郑司农曰外命妇卿大夫之妻王命其夫后命其妇【○贾氏曰夏殷之礼爵命不及于士周之礼上士三命中士再命下士一命夫尊于朝妻荣于室则士妻亦为命妇可知不言三夫人三夫人从后不在治限】○王昭禹曰凡防事则外内命妇皆有衰麻之服哭泣之位【○贾氏曰正其服之精麤位之先后】而其事则有治之者后之所使内宰所佐也

凡建国佐后立市设其次置其叙正其肆陈其货贿出其度量淳【诸允反】制祭之以陰礼

刘执中曰朝以听天下之政故君立之天道也市以聚四方之货故后立之地道也○礼库曰周制国君夫人世子命夫命妇过市皆有罚所以别朝市辨义利分贵贱今内宰却佐后立市市井之令出于房闼之中此渐不可长而况宫中之秘密却与市井之事其意果安在【○愚案此特体地道以始立市耳既立则后何预其事○王氏详说曰洛邑营于周公摄政之五年此书作于六年是朝市之位已立矣何于此而复佐后立市乎是知此书周公作之为天下后世法】○王氏曰次其官之次则司市所谓思次介次是也【○王氏详说曰司市云以次叙分地而经市以陈肆辨物而平市所谓思次者市师蒞焉所谓介次者胥师贾师蒞焉此设其次也】叙其地之叙司市所谓各于其地之叙是也肆谓陈物之肆肆长所谓各掌其肆之政令是也【○史氏曰肆铺设】○郑康成曰陈处也【○贾氏曰为有诸物皆陈列之】度丈尺量豆区之属○杜氏曰淳读为纯纯谓幅广制谓匹长【○贾氏曰赵商问天子巡守礼制丈八尺纯四何答云制丈八尺咫八寸四咫三尺二寸又大广四当为三字三八二十四二尺四寸幅广也古三四积画是以三误为四也】○郑康成曰陰礼妇人之祭礼【○史氏曰市成而祭后既与焉谓之陰礼可也○王氏曰市陰也陰以作成效法为事祭之宜象其事焉○刘执中曰祭之以陰礼神地之道使民信而不欺】

中【音仲】春诏后帅外内命妇始 于北郊以为祭服郑锷曰观祭义之篇曰古者天子必有公桑 室近川而为之筑宫仞有三尺 墙而外闭之及大昕之朝卜夫人世妇之吉者入蚕于蚕室及献茧遂朱緑之 黄之以为黼黻文章服既成君服以祀先王先公敬之至也盖王者以奉宗庙为重以躬致其服为尽孝故王以躬耕之谷为粢盛后以亲蚕之丝为祭服然蠶必以时时至而不诏告之则有失时之愆中春者可蚕之候也时则诏后帅外内命妇以共事必于北郊者妇人受陰之义说者谓月令季春之月鸣鸠拂其羽戴胜降于桑后妃斋戒亲

东乡躬桑而先儒于祭义大昕之注亦以为季春朔日今此仲春诏后何也然以七月之诗攷之春日载阳有鸣仓庚女执懿筐爰求柔桑谓仲春也仓庚以仲春鸣记礼者乃言季春岂仲春者蚕事之始欤谓之始蚕意可知矣○李氏曰普天之下蚕者非一女而后犹亲蠶天下之女子有不遵微行求柔桑者乎耕者非一男而后犹佐天子之耕天下之男子有不馔南亩喜田畯者乎【○张氏曰周自后稷歷世相传其君子则重稼穡之事有室家则躬织衽之勤相勉不忘乎艰难此王业之基也故葛覃之诗曰为絺为绤服之无斁而序以为后妃之本后世幽王惑褒姒而废申后以召犬戎之祸而诗刺之曰妇无公事休其蚕织盖推其祸端良由稼穡织纴之事不闻于耳不动于心以至于此】

岁终则防内人之稍食稽其功事

王氏曰内人王内之人【○王昭禹曰谓之王内以内属于王谓之内人以人属于内○贾氏曰案典妇功授嫔妇及内人女功之事賁嫔妇既是九嫔世妇明内人是九御】○贾氏曰稽犹计也功事丝枲之事【○王昭禹曰展而祖之非一时稽考其成而已展言绪则所展者功之纶绪稽言事则所稽者功之成事】○王氏曰既均其稍食岁终则防之既展其功绪岁终则稽之

佐后而受献功者比其小大与其麤良而赏罚之王昭禹曰典妇以功献于后内宰则佐后而受之【○郑康成曰献功者九御之属】

贾氏曰布帛之等缕小者则细良缕大者则麤恶今言麤不言恶言良不云细者互见其义○王氏曰小大比其制麤良比其功制中度功中程而又善则在所赏制不中度功不中程而又恶则在所罚

防内宫之财用

郑康成曰计夫人以下所用财○王氏曰防内宫之财用为大宰岁终受其防故也

正岁均其稍食施其功事宪禁令于王之北宫而纠其守

贾氏曰正岁建寅之月○郑康成曰均调度○王氏曰稍食岁终既防之矣正岁又均焉功事岁终既稽之矣正岁又施焉

郑康成曰北宫后之六宫谓之北宫者系于王言之明用王之禁令令之【○王昭禹曰有谓之内宫有谓之北宫言内宫则知王宫为外言北宫则知王宫在南】守宿卫者【○贾氏曰谓若宫伯所掌士庶子纠其惰慢者也】郑锷曰内宰于内人之稍食何其切切耶于每岁之终则必防之于正岁之始则必均之岁终者周人之岁十月也正岁者夏人之岁正月也十月必防者谓一岁之终则一岁之功事已成食一岁之廩稍则宜一岁之功事可稽矣于是之时防之者所以稽其一岁之成效是故佐后受其所献之功乃比较其小大与其麤良以行赏罚

于是时又併与一岁之财用皆防之因一岁之费而责一岁之效如此其严正月必均者谓一岁之始则一岁之工事始施始焉不均其廩稍则终焉不敢责其成效于是之时均之者所以施其一岁之工事工事已施于是表揭禁令于北宫又从而纠其所守使无敢游观而去守以妨一岁之工事故特指王之北宫言之则因一岁之始而施一岁之事如此其严然则切切于内人之稍食岂徒然哉

上春诏王后帅六宫之人而生種【直龙反】稑【音六】之种而献之于王贾氏曰上春亦谓正岁以其春事将兴故云上春○郑康成曰六宫之人夫人以下分居后之六宫者古者使后宫藏种以其有传类蕃孳之祥必生而献之示能育之使不伤败且以佐王耕事共禘郊也【○刘执中曰种必生于六宫以其有地之道生生不穷之祥○史氏曰凡種稑之种必借后宫生之者欲其亦知稼穡之艰难不然外庭之臣岂乏司农司穡必待出于六宫之手】○郑锷曰经言三农生九谷固不一种独于種稑之种则三言之司稼辨之而县于邑閭舍人县之于岁时内宰生之于上春皆以種稑为言则知種稑非九谷也司农谓先种而后熟则谓之种后种而先熟则谓之稑言生種稑之种则凡九谷之或先种后熟或后种先熟者皆生之也观诗人有 稷種稑之言谓 稷之有先后然则非指種稑为谷明矣

总论

郑锷曰后之尊与王同体賓客之来则有礼賓之事祭祀之时则有助祭之事建国则立市共祭服则亲蚕耕借则献种岁终又受后宫献种之事则为后者不为无职立内宰之官或佐之或赞之或诏之或正之如是其详然先王之意不止此耳中宫之贵椒房之宠命下大夫为之宰以治宫中之政令则制以天下之公法实所以杜骄侈之原

陈君举曰尝读关雎知三代而上后妃极天下之选矣后妃母仪天下而嘽嘽然有不足配至尊之意当是时夫人嫔若干人世妇若干人女御若干人各以其职奉上所以共賓祭蕃子姓之官备矣后方惻然遐想幽深侧陋之间尚有遗贤宜配君子求而不可得则中夜不寐展转叹息庶几得之吾当推琴瑟钟鼓之奉与之偕乐而后慊后德如此则宫掖之政一以听后之所为奚不可者今内小臣而下凡閹官九嫔而下凡妇官下至于女奴晓祝者晓书者晓裁缝者必属之大臣则夫员数之增损职掌之废置禄秩之多寡赐予之疏数皆禀命于朝廷而后不与且使内宰得以稽其功绪而赏罚其勤惰苟违有司之禁虽天子不得自以为恩是故私谒不行而内政举古之所谓正家者蓋如此

内小臣奄上士四人史二人徒八人

郑康成曰奄称士者异其贤【○贾氏曰上酒人浆人等奄并不称士则非士也用奄者以其所掌在内故也○吕氏曰奄位极于上士先王防患之意盖微】○李氏曰周礼之内余奄皆不命宦官之位天象所有指其居次或在惟薄之内论其职掌或闻牀第之言固不可以诋辱俊乂浑殽男女用奄人是乃制事之宜

后有好【呼报反】事于四方则使往有好令于卿大夫则亦如之

易氏曰好事则以物问遗于诸侯之亲者好令则以言问劳于卿大夫之亲者【○史氏曰后之族有尊后之族有亲逮在四方岂得恣然不与之接其馈饷问劳之礼乎故好事好令则内小臣得驰传而往焉其曰卿大夫者卿大夫之家也○贾氏曰后有族亲在四方谓畿外诸侯于王有亲若鲁卫晋郑之等也于卿大夫亦谓同姓族在朝廷者】○陈及之曰胡五峯谓妇人无外事以贞洁为行若外通诸侯内交羣下则将焉用君哉人臣尚无境外之交曾谓王后可乎其疑是矣而未足也先王之政以端本澄源为先故择配之际必得贤妃贞女以配君子其忧在进贤不淫其色见于关雎尊敬师傅化天下以妇道见于葛覃求贤审官而无险陂之行见于卷耳于是有内宰之官以阴礼教六宫以阴礼教九嫔以妇职之法教女御自三夫人以下莫非贤妇人况王后乎若是而外通诸侯之懿亲内交卿大夫之贤者不过助天子政治而已古者天子享诸侯有王后亚献之礼上公来朝夫人致礼八壶八豆八笾膳大牢致享大牢侯伯来朝亦如之子男来朝夫人致礼六壶八笾如曰妇人无外事亦甚不可矣是故欲行周礼者当自天子一身始以正心诚意为之本以之齐家以之治国以之平天下则政事无一不善处不然外通诸侯内交羣下相与连根固蒂是幽后所以亡周岂周公旧典乎【○郑锷曰唐明皇时宦官用事殿头供奉委任华重持节传命震动四方所至郡县奔走献遗动以万计卒成大乱非此内小臣比矣】

掌王之阴事阴令

郑康成曰阴事羣妃御见之事阴令王所求为于北宫

阍人王宫每门四人圉游亦如之

郑康成曰阍人司昏晨以启闭【○王昭禹曰不以晨门名官而谓昏者盖守中门尤宜谨于昏故曰阍人】

愚案其职云掌守中门之禁惟雉门耳此言每门者言中门据有禁守者言之其实王之五门使墨者守【○贾氏曰此掌戮文郑注谓黥者无妨于禁御○黄氏曰礼家说王宫五门则二十人圉游之数不着成康之世刑措不用其守门者安能有墨哉汉文帝废肉刑至景帝遂募死罪为官】或以为王有五门四面皆有中门故曰每门义亦通

郑康成曰圉御苑游离宫○黄氏曰游陂池文王灵沼王宫严密之地不得不谨圉游之地何必如是此足以见内外一体皆所以严一人之奉初不以圉游而少忽也圉游无间于王宫则燕游不足以损德○薛平仲曰阍人专守王宫中门之禁中门盖治朝之外门于王内若不相关于圉游亦非所及大宰列阍人于内小臣之后且曰圉游亦如之果何意哉盖严于内者当有以防于外而观游之所尤隙之易以乘阍人于中门之禁凡防服凶器潜服贼器奇服怪民皆有所不客入则离宫别苑之所御其防闲杜絶无异于中门之禁则外防固已严矣彼寺人于此以相道内人女宫之出入内竖于此传达内外之通令孰有不关于阍人哉今观阍人于

王宫每门凡四人则举中以见内外其所守于外者甚众寺人于正内则五人内竖之防者则始倍寺人之数其所居于内者甚寡守之者众居之者寡周公经画之密殆不可以言语尽

掌守王宫之中门之禁

郑康成曰中门于外内为中若今宫阙门雉门三门也春秋曰雉门及两观灾○史氏曰中门之禁亦密于外门以其过此则是王之宫庭使内官掌之谓之阍人以其所职专在守门若今所谓司门是也【○贾氏曰雉门外有臯库内有应路故云于内外为中○郑司农曰王有五门外曰臯门二曰库门三曰雉门四曰应门五曰路门路门一曰毕门○郑锴曰王之五门皆有禁特使阍人守中门之禁何耶以朝士之官考之外朝在库门之外羣吏众庶罢民穷民皆在其所盖外之二门臣民皆可得而入若夫雉门之内则应门路门非臣民可得而妄入故于此有禁○王昭禹曰以治朝在路门之外中门于治朝为已近守禁之严于是而始】

防服凶器不入宫潜服贼器不入宫奇服怪民不入宫郑康成曰防服衰经凶器明器潜服若甲者贼器盗贼之任器兵物皆有刻识奇服衣非常春秋传曰彪奇无常怪民狂易【○王氏曰孔子见齐衰者虽少必作过之必趋盖内有感恻则外为之变动防服凶器不入宫恐震动至尊潜服贼器不入宫则严禁卫奇服怪民不入宫则王宜非礼弗视非礼弗听】○史氏曰王之大内常人尚不得入今此奇服怪民皆指宿卫之士非外人也外朝之宿卫既有宫正去其滛怠与其奇衰之民兹数者复禁而不入王及后者虽欲见不正之人不可得矣○黄氏曰此守中门者之职事也为命夫命妇辟与扫除设燎之事他门亦然

凡内人公器賓客无帅【色类反】则几其出入

史氏曰内人应役之人公器应用之物賓客公卿大夫之妻应得入见者然无帅者无所将帅非时而入出者也故必几察之防其乘间【○林氏曰所以防非常卫至尊之道】郑司农曰几谓无将帅引之者则苛其出入【○王氏曰几微察之也】

以时啓闭

郑康成曰时漏尽【○贾氏曰若夏至昼则日见之漏六十刻夜四十刻】○史氏曰谨其锁钥

凡外内命夫命妇出入则为之辟【婢亦反】

郑康成曰内命夫卿大夫士之在宫中者【○贾氏曰谓若宫正所掌者对在朝卿大夫为外命夫外命妇则总外内命夫之妻内命妇即三夫人以下】辟行人使无干

掌埽门庭

郑康成曰门庭门相当之地【○贾氏曰阍人掌中门则门相当之地唯中门若余门各有守门者埽之】

大祭祀防纪之事设门燎【力召反】踣宫门庙门

郑康成曰燎地烛【○贾氏曰谓若天子百公五十侯伯子男皆三十所作之状盖百根苇皆以布纒之以蜜涂其上若今蜡烛对人手 者为手烛故云地烛】踣止行者庙在中门外○易氏曰设门燎则设燎于门以为明踣宫门庙门则踣止行者以致其肃【○王氏曰宫正凡邦之事踣明所禁止者广阍人踣宫门庙门明所禁止者门而已宫正宫中庙中则执烛明所照察者内阍人设门燎明所照察者门而已】

凡賓客亦如之

贾氏曰賓客在宫中庙中谓若享食在庙燕在寝史氏曰賓客之奉无异宫庙亦宜肃

寺人王之正内五人

郑康成曰寺之言侍诗云寺人孟子【○贾氏曰此奄人案僖公二十四年寺人披曰岂惟刑人披自称为刑人明寺人奄人若然则寺人掌内人不掌男子矣秦诗欲见国君先令寺人者彼秦仲始大其官未备】正内路寝【○贾氏曰谓后之路寝若王之路寝不得称内以后宫故云内先郑内宰注后六宫前一后五前一则路寝】

黄氏曰寺人内竖皆奄王之正内五人则他处尚有之经不出不着员数盖掌女宫戒令职事为不可已者已在此则在他处者未必有职事虽阙之可也

掌王之内人及女宫之戒令相导其出入之事而纠之郑康成曰内人女御女宫刑女之在宫者【○贾氏曰谓男女没入县官为奴者○黄氏曰女宫女笄女酒之属】史氏曰戒所以饬其怠令所以趣其行○郑锷曰内人或有出入寺人则以身相之以言导之其或不如法者又从而纠之○郑氏曰纠犹割察

王氏详说曰内宰下大夫内小臣上士故内宰正后之服位赞九嫔之礼事内小臣诏后之礼事相九嫔之礼事正内人之礼事若夫寺人初非士不过掌王之内人及女宫之戒令此贵贱之所以分也卑者不得统尊贱者不得临贵

若有防纪賓客祭祀之事则帅女宫而致于有司郑锷曰帅女宫而致于有司以供其役使之事郑康成云有司者宫卿世妇春官之世妇祭祀賓客防纪掌女宫之宿戒及祭祀比其具故虽刑女以为役然下文又言佐世妇治礼事则指以为二十七世妇愚谓康成指有司为春官世妇者凿说盖宫卿世妇以卿为之又以下大夫贰之爵位之尊几与大宰小宰同列谓之有司或几乎轻上爵然则有司者乃掌祭祀賓客防纪之有司耳

佐世妇治礼事

郑康成曰世妇二十七世妇【○黄氏曰内人世妇自治礼事而寺人佐之故其职曰掌祭祀賓客防纪之事帅女宫而濯摝为粢盛】

掌内人之禁令凡内人吊临【良鸩反】于外则帅而往立于其前而诏相之

史氏曰前言戒令后言禁令戒者戒于未然禁者禁于已然先后之序【○黄氏曰上言戒令谓在宫有警戒之令此又言禁令谓将出宫吊临于外故又有禁止之令】○郑康成曰从世妇所吊若哭其族亲【贾氏曰郑知非其吊临者案世妇职云掌吊临于卿大夫之防故内人得从之也】○史氏曰

内人吊临于外非寺人帅之而往谁与监临立于前而诏相之众安敢不肃【○郑康成曰立其前者贱也贱而必诏相之者出入于王宫不可阙于礼】

内竖倍寺人之数

郑康成曰竖未冠者之官名【○史氏曰今所谓小黄门是矣取其轻防而能传命】○刘执中曰内竖奄之小者三代礼乐称周为备六寝六宫之奄寺人内竖其众不过十人

掌内外之通令凡小事

郑康成曰内后六宫外卿大夫使童竖通王内外之命给小事者以其无与为礼出入便疾【○史氏曰掌王及后之令故曰内外总内及外之传命故曰通令○刘执中曰文王为世子朝于王季问内竖之御者曰安否何如故曰掌内外之通令凡小事也若大事则非童竖之可传矣】

若有祭祀賓客防纪之事则为【于伪反】内人蹕

郑康成曰内人从世妇有事于庙者【○贾氏曰案下世妇职掌祭祀賓客防纪三事与此同明此内人从世妇而濯摝及为粢盛也】○史氏曰蹕所以止行人肃喧哗【○王昭禹曰为内人蹕其所禁止者王内之人】

王后之防迁于宫中则前蹕及葬执褻器以从遣【弃战反】车

郑康成曰防迁者将葬朝于庙【○贾氏曰及葬执防器以从遣车者谓朝七庙讫旦将行在大祖庙中为大遣奠苞牲取下体天子大牢苞九个遣车九乘后亦同使人持之往如墓则内竖执防器从遣车之后以其遣车载牲体神依之故使执褻器以从若生时】褻器振饰颞沐之器【○贾氏曰案特牲为尸而有槃匱并有箄巾巾为振饰槃匱为盥手明其颞面沐髮亦

有之然玉府防器郑注以为清器虎子与此不同者彼据生时故与牀第连文若死者器物虽皆不用仍法其威仪故此注为振饰颧沐之器不为清器虎子】

史氏曰死者不可复生谓其魂气之无不之也故必求其生平所近之人所用之器觐夫冥漠之间苟未忘情庶乎其随之也故用内竖焉庶几其以平昔而不忘也

周礼订义卷十二

卷十三

钦定四库全书

周礼订义卷十三 宋 王与之 撰

九嫔

郑康成曰嫔妇【○王昭禹曰女之賓从于主谓之嫔书于二女言嫔于虞九嫔以賓从于主为义故亦谓之嫔】昏义曰古者天子后立六宫三夫人九嫔二十七世妇八十一御妻以听天下之内治以明章妇顺故天下内和而家理不列夫人于此官者夫人之于后犹三公之于王坐而论妇礼无官职【○黄氏曰郑引昏义六宫有三夫人以经考之恐非内小臣摈诏后礼事相九嫔之礼事寺人佐世妇治礼事无摈佐夫人者女御比士妻世妇比大夫妻九嫔比诸侯夫人其言二十七世妇八十一御妻亦恐非周官大夫元士不止于二十七八十一其为内外相敌之数未可信也若曰数当立此以戒广色则或恐是曰九嫔疑若一娶九女因以名之王娶下比诸侯】○薛平仲曰周官言夫人多矣而夫人曾不列于官九嫔世妇女御又不言其数三公固无官也嫔妇女御之以德进者不徒求以充位也内宰自内竖以上皆所以纪纲王宫之治而九嫔以下所以辅成王内之治者非法不立非人不行内外盖一道所以叙次之别如此

陈君举曰妇人女子常与至尊幽居九重人弗得见骄蹇自恣无所不至故使之分职于六宫附属于冢宰而天官内宰春官世妇又得以参检其事与夫妇妾贱人自相使令而无畏忌者不同矣汉高欲立戚夫人子留侯曰骨肉之间虽臣等百人何益袁盎却慎夫人坐文帝怒说以人彘乃从使大臣得与内事其如是乎后世一女专恣而公卿附离之不暇尚何冢宰之能率

掌妇学之法以教九御妇德妇言妇容妇功各帅其属而以时御叙于王所

贾氏曰妇学之法谓妇人所学之法所谓妇德妇言妇容妇功也【○易氏曰内宰言其学之已成者故谓之陰礼九嫔言其学之未成者故谓之妇职○王氏详说曰内宰之教举其要也九嫔之教致其详也故以妇学为言○史氏曰九嫔受教于内宰谓之陰礼故能知内学之法法者规矩准绳也】○郑康成曰九嫔以下九九而御于王所九嫔既习于四事又备于从人之道是以教女御【○郑景望曰九嫔言教九御而不言教世妇则世妇亦必妇德之成者而后为之○史氏曰教九御则世妇御妻内人皆在】○刘执中曰一曰妇德以柔顺贞洁为本而皆本于德【○史氏曰周南之诗无非后事关雎首篇明后妃之德则德之为本固可知也惟其有德则外之为贤君子内之为贤妇人他或未能不害其为贤苟无其德徒有其言则妇有长舌维厉之阶苟无其德徒有其容则色之蛊媚倾人之国苟无其德徒有其功则牝鸡之晨惟家之索何足道哉惟其以德教之于前则三者自然类进故为妇道之全此教之之法必

先于德】二曰妇言者言其心之声心懷溫柔則言溫柔心怀正順則言正順【○郑鐸曰妇有长舌维厉之阶诗以为刺牝鸡之晨惟家之索书以为戒妇人之言其可妄出诸口乎教以妇言者欲其寡讷也】三曰妇容者谓用礼以正其容也容见于身则动根于德德以正其心而礼以正其容故能步武成于宫商动静中于礼乐诗不云乎被之僮僮夙夜在公被之祁祁薄言旋归【○郑鐸曰治容海淫易系以为盗之招妻美而艷孔父所以见杀妇人之容其可以不婉婉乎教以妇容者欲其婉婉也】四曰妇功功者德行之实有德行以饬其身而无功实以事其上虽有宠禄不足以自固矣故有宗庙之祭祀笾豆之濯漑不可以不致其洁有王后之奉养膳羞之精隳不可以不尽其心有祭服之 黄岁功之所施不可以不致其力有粢盛之馈食荐彻之赞佐不可以不尽其礼【○郑康成曰妇功谓丝枲○郑鐸曰教以妇功者欲其知蚕织也】骄侈之习与性俱成安知四事为不可忽所以有赖于九嫔之教

郑康成曰教各帅其属者亦使九九相与从于王所息之燕寝御犹进也劝也进劝王息亦相次叙凡羣妃御见之法月与后妃其象也卑者宜先尊者宜后女御八十一人当九夕世妇二十七人当三夕九嫔九人当一夕三夫人当一夕后当一夕亦十五日而遍云自望后反之孔子曰日者天之明月者地之理阴契制故月上属为天使妇从夫放月纪【○贾氏曰谓月初卑者为始望后尊者为先御见之法无正文郑以意消息之】○史氏曰嫔有九三倍之为世妇九倍之为御妻各帅其属帅其所分教者以时进御于君故曰叙叙者有节而不乱盖气血有限而颜色无穷苟无其节则耗惫随之

凡祭祀赞玉盥【音咨】赞后荐彻豆笾

贾氏曰祭祀之时男子进俎妇人设豆笾簠簋赞助也助后荐玉盥○郑康成曰玉盥玉敦受稷器【○贾氏曰豆笾言赞荐彻而玉盥直言赞不云荐彻明直赞进而已】○郑鐸曰故书以玉盥为王盥王安石用其说乃谓下言赞后则上言赞王言之序也以经攷之大宗伯奉玉盥小宗伯逆盥肆师表盥盛告洁凡此皆赞王也礼官当赞王则九嫔所赞者皆赞后谓为赞王非也○王氏详说曰大宗伯云奉玉盥小宗伯云辨六盥之名物使六宫之人共奉之是玉盥之事非王后之所奉然共盥者六宫之人奉盥者大宗伯进盥者后赞后之进盥者九嫔若夫笾豆之事虽存于有司而荐彻笾豆者后之事盖妇人无非无仪惟主中馈况笾豆奉承宗庙得不为后之事乎至大祭祀后不预则大宗伯摄而荐豆笾彻醯人醢人皆以奄与女奚掌之所以知其为后之事明堂位曰君肉袒迎牲于门夫人荐豆笾是已

若有賓客则从后

贾氏曰后有事于賓客谓助王享燕时九嫔则从后往【○林氏曰九嫔之从后犹宗伯之从王】○郑康成曰当赞后事

大防帅叙哭者亦如之

贾氏曰大防王防○郑康成曰亦从后帅犹道也后哭众之次叙者乃哭○王氏曰大防外宗

叙内外朝暮哭者九嫔亦从后帅之

世妇

王昭禹曰执箕帚以事人者谓之妇记曰纳女于天子备洒埽妇之事人有广嗣之义故谓之世妇○郑节卿曰天官世妇以广嗣为义春官世妇卿以掌女宫之宿戒名同而官异不得不分内外○郑康成曰不言数者君子不苟于色有妇德者充之无则阙

掌祭祀賓客防纪之事帅女宫而濯摺【古爰反】为盥盛郑康成曰濯涤也摺拭也为犹差择【○贾氏曰祭祀 稷春人春之 人炊之故知此世妇非春非炊是差择也】○郑锷曰所用之器则濯摺以致洁所奉粢盛则差择以致精先王之置世妇岂徒奉左右以为悦哉其所掌者重矣【○王氏详说曰少牢曰盥人摺鼎俎廩人摺甑甗司宫摺豆笾是灌溉之事为男子之职周礼以女官而濯摺此所以与少牢异故曰周之礼乐庶事备】

及祭之日涖【音利】陈女宫之具凡内羞之物

郑康成曰涖临也【○贾氏曰案春官世妇宫卿云掌女宫之宿戒及祭祀比其具此官直临之而已】内羞房中之羞【○贾氏曰谓糗饵粉飧案少牢皆从房中而来○王昭禹曰内羞则笾人醢人为王及后世子共之及祭之日世妇涖陈之】

总论

刘执中曰王与后之祭祀賓客防纪外有百执事各帅其属夙夜厥职非不可以备其物致其诚也必使九嫔世妇躬涖乃事又俾女御从而观焉盖以妇人不事于宗庙賓客防纪则不知所以事上之道岂独使之致已之诚哉亦所以役之艰难俾尽其敬也此关雎之后妃召南之夫人立教于前而周官所以帅而习之于后

掌吊临于卿大夫之防

郑康成曰王使往吊【○贾氏曰案司服公卿大夫皆王亲吊之此又使世妇者盖使世妇致礼物但吊是大名虽致礼亦名为吊是以大仆云掌三公六卿之吊劳注云王使往小臣云掌士大夫之吊劳注云致礼同名为吊是其事也】○王氏曰世妇视大夫故使吊临于卿大夫之防

总论

叶氏曰自古妇人之贤者盖不易得故生则寢之地以教其卑衣之裼以教其正弄之瓦以教其事既十年则姆教婉娩听从执麻枲治丝茧织纴组紃学女事以共衣服观于祭祀纳酒浆笾豆菹醢礼相助奠十五而笄二十而嫁先嫁之三月或教于公宫或教于宗室教以妇德妇

言妇容妇功教成之祭牲用鱼芼用苹藻所以成妇顺如此而后备于从人之道况夫王之北宫当贯鱼之宠者可以非其人哉后世主不择德而以色甚者或取之倡优下贱如汉赵飞燕李夫人之属是也曲礼纳女子于天子曰备百姓言以广子姓耳深山大泽实生龙蛇母子传类亦不可忽晋愍怀太子宫中为市使人屠酤手揣斤两轻重不差其母屠家女也先王之制百二十人犹以无人而阙之其至难至谨如此

女御

郑康成曰昏义所谓御妻御犹进也侍也【○王昭禹曰预于燕寝之事则事之至贱非若妇有敌夫之意故但曰女御而已○史氏曰御之为言如马之在御必俟人鞭防然后迟速缓急不失节外有仆御内有妇御皆职之贱亦有九嫔教以妇学使之不失于正】

掌御叙于王之燕寝

刘执中曰九嫔云以时御叙者朔望尊卑之叙此言御叙于王之燕寝者以九人长少为叙【○林氏曰小星诗曰进御于君知其命有贵贱所谓御叙则有贵贱差别之名故也】○郑康成曰于王之燕寝则王不就后宫息【○王昭禹曰王有六寝一为路寝五为燕寝女御御叙之所九嫔言王所此言燕寝实一也】○李氏曰女御掌叙于王之燕寝不使九嫔世妇掌之防上之专妬盖女御官卑不敢嫉妬自专则内无怨女子孙众多夫饮食男女人之大欲一有失时则大伤和气七月女心伤悲东山妇叹于室安得聚少艾之色幽于深宫而无进御之路其情之感动如何哉

以岁时献功事

王昭禹曰岁时者岁终之时典妇功所谓秋献功是也○郑康成曰丝枲成功之事【○史氏曰嫔妇化治丝枲女功之常女御掌献其事则其勤惰又有劝惩矣】

凡祭祀赞世妇

王昭禹曰祭祀之事世妇所掌女御预赞之事【○郑康成曰助其帅涖女宫也】

大防掌沐浴

郑康成曰王及后之防○贾氏曰王及后防沐用潘浴用汤始死为之于南牖下但男子不死于妇人之手今王之防亦使女御浴者案士防礼浴时男子抗衾则不使妇人今王之防沐或使妇人而浴未必妇人或亦供给汤物而已亦得谓之掌

后之防持鬋【所甲反】

郑康成曰娶棺饰持而从柩车【○黄氏曰案礼器云天子八娶又汉制度皆戴璧后防亦同将葬向圻之时使此女御持之左右各四人故郑云持而从柩车】○王氏曰后之防持娶者女御以蔽饰后为事

从世妇而吊于卿大夫之防

郑康成曰从之数盖如使者之介云【○贾氏曰世妇象大夫女御象元士但介数依命数为差则王之大夫四命世妇之从亦四人】

女祝四人奚八人

郑康成曰女祝女奴晓祝事者○郑锷曰古者圣王设董祭之官絶地天通人神不相杂扰故无事于巫祝后世官废神有不安其所而为妖于人人有不得其安而祈福于神圣人在上因人情而设巫祝之官是故在国祀之礼则有大祝甸祝诅祝之司在王宫则有女祝以女奴晓者四人为之

薛平仲曰人情莫敬于鬼神而鬼神易以惑莫畏于简书而简书难以守惟知鬼神之有常礼则所以敬之者不可得而惑惟知简书之有公法则所以畏之者有可得而守女祝之设所以使之敬鬼神鬼神之礼定矣则妖诞之说果何自而入而巫蛊之祸亦何自而见乎女史之设所以使之畏简书也简书之法严矣则彤管之炜岂不甚可乐而静女之刺何自而作乎格其邪心于幽隐之微杜其私心于记录之远女祝女史次于女御之后所以为王内之助者深

掌王后之内祭祀凡内祷祠之事

郑康成曰内祭祀六宫之内灶门户【○贾氏曰祭法王立七祀有户灶中霤门行泰厉司命后亦与王同今郑直云灶门户者以妇人无外事无行与中霤等其灶与门户人所出入动作所由后亦当祀之也案月令春祀户夏祀灶秋祀门后祀之时亦当依此○王昭禹曰内祭祀之在内者若五祀之类是也】祷疾病求瘳祠报福【○王昭禹曰祈福曰祷赛祷曰祠】○郑锷曰内祭祀则宫中之祭是事之常也内祷祠则疾病之祷是事之非常也

掌以时招梗【古猛反】禴【古外反】禳【如羊反】之事以除疾殃贾氏曰招者招取善祥梗者御捍恶之未至禴者除去见在之灾禳者推见在之变异【○王氏曰禴以禴福禳以禳祸禴以防福而以神仕者曰以禴国之凶荒民之札防则弭凶荒札防乃所以防福】此四者皆与人为疾殃故云除疾殃也○王昭禹曰招梗者施于未然之前禴禳者施于已然之际招梗禴禳顾何施而不可然女祝掌其事亦固有时矣以男巫攷之春招弭以除疾病冬堂赠无方无筭则招梗者必于春之时禴禳者必于冬之时以春为一岁之始招祥梗灾宜于时之始冬为一岁之终禴福禳祸宜于时之终【○贾氏曰以时者谓随其时不必在四时】

陈君举曰胡五峯谓宫闱不当有此且曰此殆汉世女巫执左道入宫中为厌胜之事耳是盖

未察先王之意古人通天人彻幽明动则有祭故食则祭先饭桑则祭先蚕农则祭先嗇与夫祭行祭门祭灶祭表貉祭先牧祭马祖等类不一不惟不忘初之意盖神所在有之故所在祭之皆先王谨微之意所以自尽焉外朝有司巫男巫女巫内朝有女祝所掌者大抵类后世淫祀祈望非福然先王不以为不可必设官以掌之者交三才之道也推其意皆为祈福祥求永贞设而必若此者人臣爱上之祠华封之祝尧天保之报上亦其义耳若曰人事既尽此等事一切勿讲则非圣人之意后世人主不脩人事祈望非福若秦始皇汉武帝之求神僊梁武帝之奉佛法又非先王事神之本意【○愚案孙说见女巫后】

女史八人奚十有六人

黄氏曰郑曰女祝女奴晓祝事女史女奴晓书者盖与女酒女浆同也酒人列职故女酒为女奴晓酒者浆人列职故女浆为女奴晓浆者可也女祝女史各自列职其事略如春官大祝大史故上联嫔御与酒浆醢醢不同必非女奴也○刘执中曰女史八人盖择嫔御之贤者为之○张氏曰女史八人令执彤管在宫中书王后夫人之佐治宫女德之善恶及进御烦碎之事皆书之故宫女惧而修德○郑锷曰古者天子有史官左记言右记动故为天子者不敢有过举后与王同体言动不谨则家道不齐无以举天下之内治故有女史【○愚案薛平仲说见女祝】

掌王后之礼职掌内治之贰以诏后治内政

王昭禹曰王后之礼各有所职若祭祀之礼则有荐彻賓客之礼则有献酬其职女史掌之王后以礼动当以其职告上○郑康成曰内治之法本在内宰书而贰之【○王氏曰贰内宰之所掌】

逆内宫

郑康成曰钩考六宫之计【○贾氏曰谓六宫所有费用财物及米粟皆当钩考之○王氏曰治正后宫】

书内令

郑康成曰后之令【○贾氏曰书而宣布六宫】

凡后之事以礼从

贾氏曰大史以书协礼事执书以诏王此女史亦执礼书以从后【○王氏曰以礼籍从焉诏后故也】○史氏曰施之于事曰治内政攷女官以计曰逆内宫纪后之命曰书内令继之以凡后之事以礼从则知后之言动皆当合于礼是故戒慎于所不覩恐惧于所不闻则于礼也庶几其可书矣

典妇功中士二人下士四人府二人史四人工四人贾四人徒二十人

郑康成曰典妇功者主妇人丝枲功官之长【○宫正疏曰诸言典者出入由已课彼作人故谓之典】○陈君举曰凡三官悉用士人先王以此人主奢俭所系国家利害所关非士大夫为之则害国乱政必不得已与内宫相关通如内小臣缝人之类则用宦者耳○贾氏曰有贾四人者以其丝枲有善恶贵贱则须贾也○史氏曰妇人女子嫉妬贪鄙骄奢淫佚皆起于饱食终日无所用心今使之趋作不倦则心之所存日在于此不见异物而迁正有赖于典妇功

掌妇式之灋以授嫔妇及内人女功之事賫【音咨】

王昭禹曰式言所用之式法言所治之法所用之式则多寡之数所治之法则精麤之度知其所为之法然后可授其为女功之事賫【○刘执中曰妇有贵贱则职有重轻授有多寡则功有麤良故有妇式】○郑锷曰或谓大宰有嫔妇化治丝枲谓之任万民则指民间之嫔妇言也今此典妇功之官掌授嫔妇女功之事賫郑康成谓容国中妇人贤善工于事者若如是说则民间嫔妇皆授丝枲于宫然后为布帛官何以给之哉此言嫔即九嫔也言妇即世妇也彼皆举妇功于宫中宜给以布帛之賫非民间任化治之职者何以知之以其言掌妇式之法以授嫔妇及内人女功之事賫推之可知盖上文言嫔妇下文言内人非王宫之嫔妇而谁欤又况所献之物为以共王及后之用又颁于内府则非民间嫔妇之所化治明矣【○贾氏曰内宰作二事及妇功惟据九御而言不言九嫔世妇有丝枲之事郑以九嫔世妇者惟三夫人无职九嫔已下皆有之然女御四德不脩故须教之九嫔世妇素解不须教也○黄氏曰九嫔世妇通乎诸侯夫人大夫妻典丝所谓内外工也及内人殊之于嫔妇】

郑康成曰事賫谓以女功之事来取丝枲【○史氏曰授其賫者给其丝枲之物○黄氏曰事賫治丝枲之事及转致杂费】

凡授嫔妇功及秋献功辨其苦【音古】良比其小大而贾【音嫁】之物书而楬【其列反】之

易氏曰郑氏谓授当为受非也当为授字谓授嫔妇功之后及秋献功耳○郑司农曰苦读为盥谓分别其缣帛与布纴之麤细皆比方其大小【○贾氏曰司农之意以典妇功是都司总掌故分别布帛其典丝唯主丝丝其良者也典枲唯主布布为苦者也】

史氏曰辨苦良工有巧拙也比小大功有等差也贾之者估其直之低昂书而楬之者榜其物以见凡目○郑景望曰典妇功典丝典枲皆楬贾何也其亦日省月试既廩称事以劝励百工之意

以共王及后之用颁之于内府

黄氏曰典妇功诏典丝典枲共之【○贾氏曰于典丝典枲处受其良好者入此典妇功藏之

以待王及后之用故藏之于内府也】○王昭禹曰颁之于内府者所以待邦之大用共四方使者及好赐之所用

典丝下士二人府二人史二人贾四人徒十有二人史氏曰天下之丝皆出于一 所吐谓之忽五忽谓之丝则一丝之得亦不易矣后世亲 之礼废衣服悉备于四方之土贡故取之尽錙铢用之如泥沙无一分顾惜由其不知所自来典丝之职亦先王恭俭节用之一助

掌丝入而辨其物以其贾楬之掌其藏与其出以待兴功之时

黄氏曰凡丝皆掌其入是亦为一府藏也典枲亦然郑康成以丝入为九职嫔妇所贡丝非也閭师任嫔以女事贡布帛不贡丝此当是九贡禹贡兖州厥贡漆丝青州厥贡丝枲【○贾氏曰后宫所 之丝自于后宫用之以共祭服不入典丝其岁常贡之丝若禹贡兖州漆丝之等且余官更无丝入之文亦当入此典丝也辨其物者谓丝有善恶麤细不同】○王氏曰以其贾楬之防其贱贸贵【○黄氏曰以其贾楬之将以为授功献功之程】

郑康成曰丝之贡少藏之出之可同官也时者若温暖宜缣帛清凉宜文繡

颁丝于外内工皆以物授之

黄氏曰外内工九嫔世妇及诸侯夫人大夫妻【○贾氏曰上典妇功授嫔妇功郑以为九嫔世妇此注内工直云女御者案内宰教女御作二事九嫔教九御以妇职则女御专于丝枲九嫔世妇四德自备不常为丝枲假使为之以其善事所造惟典妇功以共王及后所用不在典丝典枲】○贾氏曰以物授之若缣帛则授以素丝若文绣则授以防丝【○王昭禹曰亦防其以贱贸贵】

凡上之赐予亦如之

郑康成曰王以丝物赐人【○王昭禹曰赐予所用者有贵贱不同亦皆以其物授之】

及献功则受良功而藏之辨其物而书其数以待有司之政令上之赐予

黄氏曰郑康成改良为苦非也又曰其良功典妇功受之亦非也典妇功掌授功之政令典丝典枲掌其出入典妇功非府藏之官犹大府之于内外府良功丝功缣帛【○郑锷曰典丝之职以丝为主则献功之时受丝功之缣帛故曰受良功盖物之美有曰良丝视麻为至美对苦而言则良为精苦为麤故有苦良之义对缕而言则丝功谓之良功麻功谓之苦功良功丝之缣帛典丝受之苦功麻之布缕典枲受之与典妇功之所受者不相干典妇功于秋献功则受嫔妇之功受賚于典妇功之官故彼得而受之非此典丝所颁之丝彼所谓辨其苦良者谓嫔妇之功有苦良耳】○王昭禹曰有司之政令若司服弁师所司之政令【○刘执中曰待有司之政令谓给邦之百用】玉府言王之好赐内府言王及 宰之好赐予此言上之赐予又

非特王及 宰而已盖王后夫人所用皆在是矣

凡祭祀共黼画组就之物

郑康成曰以给衣服冕旒及依盥巾之属白与黑谓之黼采色一成曰就○薛氏曰天子之巾曰黼巾位曰黼依无非黼也天子佩白玉而 组绶素丝组之良马五之则马与佩亦用组也然祭祀之用丝者莫急于冕服黼画则其服也组就则其冕也在衣而绩在裳而绣黼之于裳则绣矣此曰黼画者周人以黼为尚耳诗曰 袞及黼书曰麻冕黼裳此典丝之所以首黼画也天子纁旂十有二就就成也曰组就者以组为就也故典丝言良工者其致美乎黼冕之意欤○史氏曰朱緑 黄止为祭服而不敢他用知其难得也

防纪共其丝纁【音旷】组文之物

郑康成曰以给线缕着盱口綦握之属青与赤谓之文【○贾氏曰云线缕者释经丝谓所裁缝皆用线缕也云着盱口綦握之属者释经纁组案士防礼握手 纁里着组系防大记属纁以俟絶气内则云屨着綦郑云綦屨系是用纁组之事也云青与赤谓之文绩人职云文绣之属亦用丝故连言也】○王昭禹曰防纪有用丝以为线缕有用纁以充衣褥或用组文以为物之饰

凡饰邦器者受文织【音志】丝组焉

郑康成曰谓茵席屏风之属【○贾氏曰上既言祭祀防纪所用此云饰邦器据生人所饰器物言茵者谓若少仪云枕几茵颖之等郑云茵者褥也云席者谓席之四縁若司几筵纷纯之等屏风者即上文注黼依也但上据祭祀此据王所用若司几筵之展前者是也】○王昭禹曰文织以文为织丝组以丝为组文织丝组所以为饰邦器之用

岁终则各以其物防之

郑康成曰种别为计【○郑司农曰各以其所饰之物防计傳着之】○王氏曰典丝典枲岁终各以其物防之防其以贱贸贵

典枲下士二人府二人史二人徒二十人

王昭禹曰麻之未缉者谓之枲典枲所掌其物非一独以枲名官盖麻为女功之正【○郑锷曰布有出于麻者亦有出于草者如葛如防可以为絺为绤是出于草者也然出于麻以衣被乎人者为多故虽布纁缕纁出于麻草之不同而设官止以典枲为名也】○史氏曰观葛覃后妃在父母家志在女功之事以其躬歷女功知其物之难成则恭俭节用服澣濯之衣固宜然言葛不言布者葛轻布重举轻以见重此葛覃之诗所以为后妃之本而典枲之官助先王崇本之治为多

掌布缁缕纰之麻草之物以待时颁功而授赉

郑康成曰缁十五升布抽其半者白而细防曰纰【○王昭禹曰纰则苧草之为布者草则葛之属凡可以为布者皆是麻草之物指其自然之质而言之布缁缕纰指其人为之功而言之布缁缕纰皆出于麻草之物】杂言此数物者以着其类聚众多草葛防之属【○史氏曰布重而缁轻】○郑锷曰缁者布之细者缕者线孟子曰有布缕之征自其已成言之则曰布缁缕纰自其本质言之则曰麻与草○贾氏曰以待时颁功而授赉者典丝注用丝有四时之别此麻草所为四时皆得也授赉亦如典妇功所注【○王昭禹曰授赉则授其所以为功之资与典妇功授赉同意】○史氏曰计其当用之时授以麻草使为布缁缕苧

及献功受苦【音古】功以其贾褐而藏之以待时颁

郑锷曰苦功谓麻草所成之功非谓苦恶也指麻草所成者为苦以见出于丝者为良功【○愚案详见典丝】○史氏曰褐其贾者物有等差时颁者衣服赐予之时冬裘夏葛不可紊也【○黄氏曰冬服司裘颁季秋献功裘以待颁赐是也暑服典枲颁及献功受苦功以其贾褐而藏之以待时颁是也】

颁衣服授之赐予亦如之岁终则各以其物防之郑康成曰授之授受班者帛言待有司之政令布言班衣互文

王氏曰颁衣服授之赐予亦如之者颁衣服赐予皆以物授之言赐予而不言上以典丝见之○史氏曰岁终之防各以其物知其出纳之数

总论

王昭禹曰先王之于妇职王后帅之以 内宰教之以二事九嫔又从而教之至于妇功则丝枲二物亦皆有官以典之及其献功则后受之而内宰佐之典妇功又辨其苦良比其小大典丝之属皆辨其物卑而内人尊而王后皆相率以丝枲之事其详至于如此天下之务惟本之为贵男子之务本于农耕女子之务本于丝枲苟不忘其本而先之于上则男有余粟女有余布邦之财用所为足也

周礼订义卷十三

卷十四

<经部,礼类,周礼之属,周礼订义

钦定四库全书

周礼订义卷十四 宋 王与之

内司服奄一人女御二人奚八人

郑康成曰内司服主宫中裁缝宫之长○史氏曰春官有司服掌王之吉凶衣服今掌后之吉凶衣服者不得以内司服别之【○郑锷曰司服一耳王之服掌于春官后之服掌于天官王者出与物接因以行礼于外为主春官掌礼故也王后入与王接则以正体于内为主天官掌王内之政令故也】○贾氏曰奄一人者以衣服事多须男子兼掌与妇人同处故用奄○郑康成曰有女御者以衣服进或当于王广其礼使无色过【○贾氏曰此女御还是女奴晓进御衣服者故与女酒女祝女史同号女也得与八十一女御同名欲见百二十外兼有此女御之礼王合御幸之使王无淫色之过故曰女御】

薛平仲曰上自王后以 事先天下下及命妇内人以丝枲效其功则女功之勤亦至矣人惟患已之不谙其勤也而后服饰之用或过侈而不顾知吾身所歷者为不易则吾身之所服者其敢易哉

掌王后之六服袞衣揄【音遥】狄阙狄鞠衣展衣缘【吐乱反】衣素沙

郑锷曰天子之服九王后之服六者盖天子阳道九者所以取乎阳数之极王后陰道六者所以取于陰数之中天子之九祭服六常服三王后之六祭服三常服三王后无天地山川社稷之祭故服止于三或九或六无非取法乎陰阳之义○郑司农曰袞衣画衣祭统曰夫人副袞立于东房【○贾氏曰袞衣亦是翟而云衣者以袞衣是服之首故言衣】○刘执中曰袞衣色 所以象地而配天子之 袞天子大裘袞冕以 为质所以配天○郑康成曰狄当为翟翟雉名伊洛而南素质五色皆备而成章曰翟江淮而南青质五色皆备而成章曰翟王后之服刻缋为之形而防画之缀于衣以为文章○郑锷曰阙狄与礼记之屈狄之屈同【○王氏曰阙狄谓之屈知其屈于袞狄而已】论语曰君子矜其所不知盖阙如也以翟为饰比之袞揄二服刻为雉服而阙其数耳于袞衣言衣而不言狄于揄阙言狄而不言衣者盖袞言衣则知揄阙者亦衣也揄狄阙狄言狄则知袞衣亦狄也上下之文互见

郑康成曰袞衣画翟者揄狄画翟者阙狄 而不画此三者皆祭服从王祭先王则服袞衣祭先公则服揄狄祭羣小祀则服阙狄○史氏曰翟与揄皆雉取雉者象德也夫雉者其交有时内之所守者正其羽五色外之所 者文质素而青仁义之全【○郑康成曰以下推次其色

则袞衣 揄狄青阙狄赤妇人尚专一德无所兼连衣裳不异其色】

郑康成曰鞠衣黄桑服色如鞠尘象桑叶始生月令三月荐鞠衣于先帝告桑事【○郑锷曰鞠衣之色黄虽服以奉采桑之祭非事宗庙之服故不入祭服之列】○郑司农曰展衣白衣丧大记世妇以褱衣褱与展相似【○郑康成曰展衣以礼见王及賓客之服字当为褱褱之言亶亶诚也诗云嗟兮嗟兮其之展也○郑锷曰事人之道以诚信为主而服展衣以见王与賓客故其色白见其诚信洁白之道】○王氏曰祿衣之色黑而緣以纁【○王氏详說曰以祿衣为綠衣者此卫诗之文以祿衣为税衣者此杂记之文以祿衣为纯衣者此昏礼之文以祿衣为男子所陈之衣此士丧礼之文郑康成曰御于王之服亦以燕居】

史氏曰鞠衣黄衣黄者中也亲 之服欲天下取中也展色纯白白者正洁之义以礼见王享賓客时服也谓之展者展礼所用也缘衣纯黑黑者至陰之义至陰不动燕居时服也谓之缘衣太质无华以纁缘之也夫天 地黄黄者地道妻道天地严凝之气始于西南盛于西北白者西方之色陰之盛坎再索而得女正北方之卦黑者北方之色女之位凡此皆妇人所用之正色故鞠衣展衣緣衣不独后服之外内命妇亦服之

郑康成曰素纱今之白防六服皆袍制以白防为里使之张显今世有纱縠者名出于此【○黄氏曰谓素纱以白防为里未必然毛公曰礼衣有展者以丹縠为衣又曰絺之靡者为约是当暑绊延之服展衣丹縠似与司农合然以意求之约絺宜素纱为类郑曰后世纱縠名出于此素纱单薄之称是则当暑别有此服其制亡不可攷○陈君举曰祿衣冬衣素纱夏衣如书所谓藻火粉米黼黻絺绣夏则絺冬则绣更不必多说○史氏曰妇人以正洁为体以疏通为用六服必以素纱为里素白也纱疏也先王为衣服之义所以寓戒】

總论

汤氏曰狄当作翟翟是首饰所谓副也袞摇屈鞠展祿皆衣名诗云玼兮玼兮其之翟也鬢髮如云不屑髢也今俗云翟髻是也下文云嗟兮嗟兮其之展也防彼约絺是继袷也郑康成据此知展是白衣然则祿衣黑展衣白鞠衣黄亦三色相次

王氏详说曰玉藻云王后袞衣夫人揄狄又云君命屈狄再命鞠衣一命褱衣士祿衣又云惟世妇命于奠蚩其他则从男子郑氏以意约而解之谓世妇命于奠蚩之文宜在夫人揄狄之下盖前所谓夫人揄狄谓王后夫人下所谓君命屈狄者谓子男之夫人且六服之制王后袞衣夫人而下无复有袞衣矣明堂位谓夫人副袞云者直谓鲁设耳鲁为上公之后得用此礼与二王之后礼一同夫人揄狄则内之三夫人与夫诸侯之夫人亦揄狄矣侯伯之夫人揄狄则子男之夫人屈狄矣此所以知君命屈狄为子男之夫人言也子男之卿再命故其妻鞠衣大夫一命故其妻褱衣其士不命故其妻祿衣等而上之上公之国之妻当屈狄卿之妻当鞠衣大夫之妻当褱衣士之妻当祿衣矣侯伯之国上卿之妻当屈狄下卿之妻当鞠衣大夫之妻亦当褱衣士之妻亦当祿衣矣但秦火之后经无正文故说礼者亦无定论要之可以义起

史氏曰诗人以后妃服澣濯之衣为美今此所用六服之彩绘得无相戾耶盖六服者祭祀賓客朝王所用所谓礼服法服至其常御者澣濯之衣可也郑锷曰天子六服有章数之殊备物而尚文王后三服无章数之异守一而尚质惟其尚文故日月山龙而下有鷩有毳其物十二惟其尚质故纯用狄而已以王服之章十二推之则后服亦刻十二以为饰何则文质虽殊而合体同尊法天之大数也

辨外内命妇之服鞠衣展衣缘衣素沙

郑锷曰内命妇之服惟此三等外命妇之服视其夫之爵其夫 则服鞠衣其夫卿大夫则服展衣其夫士则服缘衣或者谓在内之臣有公卿大夫士之殊在外之臣有公侯伯子男之等三等之衣上不及王公之妻外不及诸侯之妻何也窃以为诸侯之妻从其夫之命数而三公之妻不可以常制论以次而推三公之妻宜服阙狄【○郑氏曰三夫人及公之妻其阙狄以下诸侯之夫人揄狄子男之夫人亦阙狄唯二王后祔衣】三公出封则为大国之君以君子偕老之诗观之衞乃侯爵耳诗人言夫人之服则曰其之翟也其之展也上三衣有翟下三衣有展其下王后一等无祔衣而已三公之妻盖如是也何则三公在朝屈於王则服子男之服其妻亦屈而服子男之妻阙狄耳出封则宜加礼记有夫人屈狄之文又有夫人副祔之文夫人屈狄者指三夫人言之夫人副祔者指上公之妻或者又谓内命妇之服九嫔则鞠衣世妇则展衣女御则缘衣然九嫔而上有三夫人自夫人以至女御凡四等此所辨者止于三服何也窃以为三夫人之服亦不可以常制论盖三夫人之服自祔衣而下凡有二等有时而揄狄亦有时而阙狄也观礼经列九嫔世妇女御于内官之列而无三夫人之职盖尊之也是故中宫有后则夫人之礼屈而服阙狄与三公之妻在朝从子男之妻之服同中宫或阙则夫人之礼伸而服揄狄与侯伯出封其妻则服揄狄之服同内司服之言辨如此而已然所辨者有三等之殊妇人以纯素为本则一而已故皆素沙

凡祭祀賓客共后之衣服及九嫔世妇凡命妇共其衣服共丧衰【七雷反】亦如之

郑锷曰上文言掌言辨此又言共则非特掌之辨之又造衣服以共之○贾氏曰祭祀共三翟賓客共展衣九嫔世妇谓 后祭祀賓客时○郑康成曰凡者凡女御与外命妇言及言凡殊贵贱也春秋之义王人虽微犹序乎诸侯之上所以尊尊也臣之命者再命以上受服则下士之妻不共外命妇唯王祭祀賓客以礼佐后得服此上服自于其家则降焉【○贾氏曰自于其家则降见追师注○王氏详説曰命夫之服助祭于王与夫朝覲他则否命妇之服助祭于后与夫相后见賓客他则否玉藻曰诸侯 端以祭褫冕以朝是诸侯命服不得私用杂记曰大夫冕而祭於公弁而祭於已士弁而祭於公冠而祭于已是大夫命服不得私用命妇之服其礼亦如之案特性曰主妇纁笄绀衣则是士之妻不得衣祿少牢曰主妇髮鬢衣侈袂则是大夫之妻不得衣展衣盖惟祿衣侈袂大夫妻不衣展衣而衣缘衣此共其衣服所以见于祭祀賓客之下】

贾氏曰丧衰亦如之者外命妇丧衰谓为王服齐衰于后无服若九嫔以下及女御于王服斩衰於后服齐衰

后之丧共其衣服凡内具之物

王昭禹曰内司服所掌主以共后故生也共其所服及其死也亦无以异于生凡内具之物则后生时所用纷帨线纁之属亦共之此事死如事生之意【○贾氏曰案内则妇事舅姑有纷帨之属故死者入圻亦兼有此数物】

缝人奄二人女御八人女工八十人奚三十人

王昭禹曰所谓女御八人非王宫八十一女御之数○郑康成曰女工女奴晓裁缝者○郑锷曰诗云掺掺女手可以缝裳女御于王与后之衣服无所不为则缝人掌缝线之事女御制之缝人缝之为女御役也然王及后之衣服固非一种岂二人之奄所能尽缝哉然以掌王宫缝线之文考之窃意只掌缝之线耳盖衣服之缝自有女御○史氏曰布帛之成可谓难矣苟剪裁不中度则弃为无用之物而纫缝亦倍费力矣先王知其然立缝人之官以司之使之专其职熟其制则刀尺鍼缕之未施其长短之程度已定于胷中于是役女御以纫缝则布帛不费而衣服具矣

掌王宫之缝线之事以役女御以缝王及后之衣服○郑司农曰线缕也○刘执中曰女御缝王及后之服者奄所以董其工而役之裁缝者也女御所以取其制授之修短者也王及后至尊非女工可得度量

丧缝棺饰焉

郑康成曰孝子既启见棺犹见亲之身既载饰而以行遂以 若存时居于帷幕而加文绣防大记曰饰棺君龙帷三池振容黼荒火三列黻三列素锦褚加伪荒纁组六齐五采五贝黼翬二黻翬二画翬二皆戴圭鱼跃拂池君纁戴六纁披六此诸侯礼也礼器曰天子八翬诸侯六翬大夫四翬汉礼器制度饰棺天子龙火黼黻皆五列又有龙翬二其戴皆加璧○王昭禹曰王及后之丧则缝人缝棺饰不言王及后则防上文可知

衣【于记反】翬【所甲反】柳之材

贾氏曰郑丧大记注引汉礼翬方扇以木为匡广三尺两角高二尺四寸柄长五尺以布覆之【○王昭禹曰翬如方扇持之以蔽棺柳陰木为之故丧车谓之柳车翬以木为体用防繒衣纁之以为饰故曰衣翬柳之材】郑康成曰柳之言聚诸饰之所聚○贾氏曰二者皆有材缝人以采繒衣纁之乃后张饰于其上

掌凡内之缝事

史氏曰凡内之缝事悉掌之者知缝人於吉凶衣服之制度无不熟

染人下士二人府二人史二人徒二十人

郑伯谦曰钟氏染羽以充国之用染人掌丝帛以充王后之用内固不可以兼外先王防微杜渐之意○薛平仲曰内司服之与缝人既皆以奄人主之染人亦宜以奄人可也特付之命士何哉盖缝线虽当便于内而采彰之正岂容使便於内哉此染人所以命下士

掌染丝帛

刘执中曰染丝帛者染而后织者上也织而后染者次也

凡染春暴【步卜反】练

史氏曰凡染事所以设色于布帛线缕以供帷幕幄帘衽席衣服之用故春云暴练欲其白而受采【○王昭禹曰防氏练丝帛皆昼暴诸日是也】○贾氏曰春阳时阳气燥故暴晒之

夏纁【音勲】

郑司农曰纁绦○郑康成曰纁者谓始可以染此色者 纁者天地之色以为祭服【○贾氏曰凡六冕之服皆 上纁下故云为祭服】石染当及盛暑 润始湛研之三月而后可用【○贾氏曰夏暑 润之时以朱湛丹秬易可和释故夏染纁 ○王氏详説曰夏纁 则攷工钟氏也其职曰三入为纁五入为緇七入为緇虽不言 郑氏谓 在緇緇之间】○王昭禹曰纁者黄而兼赤色 者赤而兼黑色【○郑锷曰纁黄而赤法阳夏则阳用事位在南方染纁宜矣】

秋染夏【戸雅反】

郑康成曰染夏者染五色谓之夏者其色以夏狄为饰禹贡羽畎夏翟是其总名其类有六曰翬曰翟曰 曰翟曰希曰蹲其毛羽五色皆备成章染者拟以为浅深之度是以仿而取名【○贾氏曰其类有六已下并尔雅文秋气凉可以染五色】○郑锷曰秋则气 而不散五色此时亦皆受采故染文明之色【○王氏详説曰染夏虽不见于考工而画绩之事有五采备之文不然则筐人之职○王昭禹曰七月之诗言八月载绩载 载黄我朱孔阳为公子裳盖于是时五色皆可以染然染人以夏言纁 与诗不同者盖染纁 者始于夏秋则文杂而成章之时故染五色者备于是时】

冬献功

贾氏曰纁 与夏纁染至冬功成并献于王

總论

郑锷曰礼记言后之事谓及献功之时则朱绿之黄之以为黼黻文章祭服之色皆后宫所为此专责之染人之官者盖后宫所染者专以供王之祭祀染人之官则供国家之礼事其染不一种先王立事无所往而不法乎天时况衣服之色取法阴阳以远不衷之戒尤欲其色之正此染人之言四时所以为尤备

掌凡染事

易氏曰掌凡染事不特丝帛而已○史氏曰天下之染必因草木土石而成布帛线缕先王取其色以配四时之宜以定上下之分皆所以为礼然先王取色以为礼后世因色以起妄故传曰五色今人目盲使知所谓色者出于草木土石不足为吾损益则目不盲而视天下之色姑以为礼设耳此周官之意

追【丁回反】师下士二人府一人史二人工二人徒四人郑康成曰追治玉石之名诗云追琢其章【○王昭禹曰掌后首饰而谓之追者以其有追衡笄之事而副编次亦有玉以为之饰】

薛平仲曰服饰既有以谨诸身矣则俯仰于一身之闲者首服服屨尤不可有一之或略尝疑周官于王之五冕掌之政典之弁师而追师屨人掌王后之首服服屨领于大宰何哉大抵君尊之分固臣下之所易严而妇饰之美则人情之所易诱夫上而饰之于首追师有定式而下而饰之于足屨人有定制不主于奄人女奚之属而主于外庭之命士不分属于政典礼典之官而领于天官大宰之重风化之本所系在是是固纖悉之必谨欤

掌王后之首服为副编【步典反】次追衡笄

贾氏曰掌王后之首服对夏官弁师掌男子之首服也

愚案妇人之副翟比男子之冕妇人之次比男子之弁妇人之纚笄比男子之冠妇人之髻比男子之免

郑锷曰副之言覆所以覆首【○郑康成曰覆首为之饰】礼记云君卷【古本反】冕立于阼夫人副祔立于东房然则身服祔衣首乃戴副也康成谓其遗象若今步繇诗云君子偕老副笄六珈谓此副也编者编列其髮以为之如后世之假紒康成谓服之以采桑然则身服鞠衣首戴编也次者次第其髮髻也诗云鬢髮如云不屑髻也正谓此耳康成谓服之以见王然则身服祔衣首则戴次【○王昭禹曰后之服六首服有三盖以一当二副配祔揄编配阙鞠次配展祔】诗言副言髻而不及编盖副者饰之上而次者饰之下惟祔衣可配以副惟祔衣可配以次惟祭服有衡垂于副之两旁当耳其下以紃垂璜左传所谓衡紃诗人所谓玉璜可也诗人又云副笄六珈者盖自其冠言之则用衡自其髮言之则用笄衡所以维持其冠而笄则以约束其髮二物皆用玉故必追以为之【○史氏曰衡其维持冠之传所谓衡紃紃紃是矣笄其髻之簪礼所谓女子许嫁笄而字是矣】

为九嫔及外内命妇之首服以待祭祀賓客

郑康成曰外内命妇衣鞠衣襢衣者服编衣祿衣者服次【○郑锷曰后之首服三副非众妾所得而戴所谓九嫔及内外命妇首服者殆亦编与次而已】○贾氏曰以待祭祀賓客亦谓助王后而服之○史氏曰祭祀所以见祖庙賓客所以享所尊故首服用焉以明非祭祀賓客则不用用之未必饰○郑康成曰内外命妇非王祭祀賓客佐后之礼自于其家则亦降焉少牢馈食礼曰主妇髣髴衣侈袂特牲馈食礼曰主妇纁笄绀衣是也昏礼女次纯衣摄盛服耳主人爵弁以迎侈袂祿衣之袂

丧纪共笄经亦如之

王昭禹曰丧纪则笄而又加之以经其共九嫔外内妇所用亦如祭祀賓客之礼故曰亦如之

屨人下士二人府一人史一人工八人徒四人

史氏曰传曰屨虽新不加于冠古人贱屨而贵冠所以明上下之分此屨人必在追师之后王有弁师后有追师王有司服后有内司服冠冕衣裳无非各有其司独于屨人總云者以为不足烦二官○郑锷曰有舄有屨名官特曰屨人者舄止于朝覲祭祀时服之而屨则无时不用也○徐卿曰屨之方以象地乃列于天官者盖立天之道曰陰与阳屨虽方而陰列于天官是天道可兼于陰阳

掌王及后之服屨为赤舄黑舄

郑锷曰服不同则屨不同屨各随其服故曰服屨○贾氏曰后三翟连衣裳而色各异故以三等之舄配之 舄配袿衣则青舄配揄翟赤舄配阙狄○郑锷曰王之舄三赤为上赤者盛阳之色表阳明之义后之舄三以 为上 者正陰之色表幽陰之义王冕服则舄后袿衣则舄王赤舄之下有白黑二舄后 舄之下有赤青二舄此为赤舄黑舄特言其尊者耳【○王氏曰司服言弁则曰弁服弁在上也屨人言屨则曰服屨屨在下也】○汤氏曰禪下曰屨复下曰舄凡舄之内必有屨屨外又加以舄故云复也屨之与舄理宜同色亦犹裳之与屨同色也周人衣服大槩三色 青黑緇之类为一色白素之类为一色纁赤黄之类为一色此三代所尚纁赤周也白素殷也青黑夏也纁赤为上白素为中青黑为下故仪礼爵弁纁裳皮弁素积 冠 端三服相次等而上之六曰 冕五曰絺冕【释文希本又作絺】四曰毳冕絺麻衣毳 衣也诗曰毳衣如璊麻衣如雪三色相次亦可见矣但周人盛服不用白素故舄无白者自汉明帝时诸儒误读尚书始为山龙华虫十二章之饰而冕服始皆 衣纁裳故郑康成谓冕服皆赤舄宜检周礼注先郑后郑不同处仍以后汉輿服志参攷之知汉儒衣服非复周制康成盖时学耳

赤纁【于力反】黄纁青句【音劬】

郑锷曰缝中之紃谓之纁屨头之拘谓之絢赤纁者王之黑舄之饰黄纁者后之 舄之饰青句者王之白舄之饰知其然者舄之饰如纁之次故也若夫黄屨则白饰白屨则黑饰黑屨则青饰知其然者屨之饰如纁之次故也但言此三者见其他犹有舄互相考也考工记言画纁之事青与白赤与黑 与黄相次也赤与白白与黑黑与青谓之纁舄屨之饰盖取诸此【○史氏曰赤纁所以饰赤舄赤阳色阳以纯为贵男子之服诗所谓王锡韩侯 袞赤舄是矣黄纁所以饰黑舄黄地道陰以黄为贵妇人之服礼于后之服屨有里舄是也句絢也青絢所以饰素屨青阳也素陰也阳动陰静动静不失其节此足容所以重】余尝攷之天子吉事皆舄上公服冕则舄周公袞衣而诗云公孙硕肤赤舄几几是也诸侯服冕亦舄诗云王锡韩侯袞赤舄是也其他则皆屨而已先王正一身以治天下正一家以齐四海一身之所履万民之所取正一家之所行四海之所随衣裳之制俱有自然之意义况舄屨致饰于步趋之际可无其义乎故纁之名则取致意应物之义絢之名则取拘制其身之义皆以为行戒跬步之间皆中礼节则下而臣民敢不取法哉

素屨葛屨

贾氏曰自赤舄以下夏则用葛为之冬则用皮为之在素屨下者欲见素屨亦用葛与皮也○黄氏曰王与后皆有六服屨人六屨其下又有葛屨郑引丧礼冬皮屨夏葛屨其意谓葛屨独施于凶服耳屨人未言四时之祭祀以宜服之郑氏遂云祭祀而有素屨葛屨惟大祥时恐非此正明葛屨之所当用葛屨见于经者多不独施于凶服六服六屨其末出葛屨似对后服素纱为当暑之服士丧礼冬皮屨夏葛屨皆有纁纯无他义直以寒暑之宜耳然则屨人所谓凡四时祭祀以宜服之者亦为寒暑之当变故大裘祭天先儒疑施于夏至方泽方泽祭地本不与祭天同姑未暇论然服屨而辨冬夏之宜则大裘恐亦不施于夏祭先王观防通以行典礼岂有当暑而服寒者若言祭则用赤舄黑舄功屨丧屨散屨此随事之所宜

王氏详說曰郑氏于追师其说皆可取若夫屨人其说凿矣且玉藻所谓享天子诸侯衣服冠佩等制甚详未尝及舄屨不过曰在官不俟屨又曰童子不屨絢又曰弁行剡剡起屨又曰退则坐取屨而已郑氏以士冠礼有黑屨白屨纁屨之文以意解而广之夫士之冠礼其可为王后与服屨之礼乎汉儒之礼其可执以为周公之礼乎谓王之吉服有九祭服之六皆赤舄韦弁皮弁则白舄冠弁则黑舄谓后之吉服有六祭服之三袆衣则 舄揄狄则青舄阙狄则赤舄何祭服之多而舄之少耶何后服之少而舄之多耶谓后之鞠衣黄屨展衣白屨祿衣黑屨何王之屨絶无而后之屨有许多耶况经有赤舄黑舄而已郑氏乃有白舄 舄青舄焉经有素屨葛屨命屨功屨散屨而已郑氏乃有黄屨黑屨白屨焉经有赤纁黄纁而已郑氏乃言纁必有絢纯言絢必有纁纯三者相将焉又以舄之饰如纁之次以屨之饰如纁之次不知又自畔其說且既曰复下曰舄禪下曰屨今以白屨黑屨为屨之饰如纁之次又以纁屨为舄之饰如纁之次是以纁屨为纁舄又以爵弁为士之祭服故尊之以为舄其说愈不可晓

辨外内命夫命妇之命屨功屨散屨

郑锷曰命夫命妇随其命而有屨谓之命屨当辨其命之数使无越制而乱其序○郑康成曰

命夫之命屨纁屨命妇之命屨黄屨以下【○贾氏曰大夫以上衣冠则有命舄士之命服爵弁则命屨纁屨而已外命妇 妻以下内命妇九嫔以下不得服舄皆自鞠衣以下故云黄屨以下言以下者兼有卿大夫妻二十七世妇皆展衣白屨士妻女御皆祿衣黑屨】功屨次命屨于 卿大夫则白屨黑屨九嫔内子亦然世妇命妇以黑屨为功屨女御士妻命屨而已士及士妻谓再命受服者【○贾氏曰案司服 希冕卿大夫 冕皆以赤舄为命舄以下仍有韦弁白屨冠弁黑屨故云次命屨命屨据妇人而言其实 卿大夫则功屨次命舄也九嫔妻内子既以黄屨为命屨功屨之中有防衣白屨祿衣黑屨故云亦然世妇命妇以白屨为命屨其功屨惟黑屨也女御士妻惟黑屨为命屨而已】○史氏曰功屨以人力为之若掌裘之功裘是也散屨不加功饰所常御及丧屨也○王氏曰散屨则丧记无舄者也

凡四时之祭祀以宜服之

王昭禹曰以宜服之者各随其时与事之宜而服之若夏则葛屨冬则皮屨此随时之宜若吉祭用赤舄黑舄功屨丧祭有素屨散屨此随事之宜

总论

陈君举曰王及命夫之服司服掌之其冕弁师掌之而皮裘丝屨皆藏于天官既成而颁焉宰制其用而宗伯受之以共服御也汉 有御府令掌御衣服东西织室亦有令皆属少府费悉出于禁钱不调之大农而齐三服官亦主作服输不过十笥其后浸侈齐官至歲费数百万而东西织室官之费五千万贡禹奏罢之东都织室不别为令以其令丞属御府蓋稍省约至晋宋改御府为中署然则自汉以下所谓礼部大常尚无车輿章服之辨况节制自冢宰乎车服旗常之类大宰得以防计其财物则用度不至于亡艺礼官之属得以辨其礼仪等级则所谓用器兵革不中度终无有也

夏采下士四人史一人徒四人

郑康成曰夏采夏翟羽色禹贡徐州贡夏翟之羽有虞氏以为綏后世或无故染鸟羽象而用之谓之夏采【○王氏曰谓之夏采者其复以冕服备采色焉且丧则哀素幸其生故以采色名官】○夏氏曰夏采记招魂死事故于末言之○郑锷曰此事非常有之事专设一官意者有是事然后设其列于此者亦见当属于天官故耳○黄氏曰夏采掌复无他事也特建一官者生事尽而死事始也曾子曰启予手啓予足诗云战战兢兢如临深渊如履薄冰而今而后吾知免夫宋穆公曰若以大夫之灵得保首领以没于地人主能保其身至此而冢宰之责尽矣复于四郊必以四人

掌大丧以冕服复于大祖以乘车建綏复于四郊郑司农曰复犹始死招魂复魄○刘执中曰王之衾冕生常服之奉享乎大祖之庙者也王之太常生常建诸玉路乘于四郊以奉祀者也及其始丧则用以为复而莫测其神魂奚往也故或以其服或以其乘或以其建或之其所往而致敬者或之其所居而素安者或用其所昵而常侍者皐而复之庶几其神之复而可生者

也孝子尽爱之道无不至是以夏采复于大庙也复於四郊也祭仆复于小庙也 仆复于小寝大寝也【○史氏曰人之终也体魄降于地魂气无不之以平时所服之冕服所乘之车绥呼而复之觐其魂气之识于物以来招之以附于形体而复生非爱其亲者能如是乎○礼库曰夏采不可强解且依注说】

总论冢宰官属

易氏曰大学论治国平天下之道曰欲齐其家先脩其身欲脩其身先正其心此三者统宗防元之地万化之所从出也今自天官分而论之大宰卿一人而兼之以三公则论道经邦燮理阴阳有以格人主之非心小宰掌建邦之宫刑而正其治于宫闾之闲宰夫掌王及三公六卿大夫羣吏之位而正其位于朝廷之上以至宫正宫伯所掌之官府士庶子凡在王所罔匪正人使之日闻正言见正行皆所以辅成君德而纳君于当道是固所以为人主正心之端也犹以为未也以人主之尊不以厚其身无以厚天下而护养国家元气之本正在于护养人主之身故其设官自膳夫而下主膳羞防亨之味甸师而下主禽兽鱼腊之献医师而下主饮食调和之味酒正而下主酒浆醯醢之物宫人而下主宫舍幕帟之仪使人主端居九重心广体胖血气和平志虑充溢而后民命国脉始有所恃宜足以享天下之备奉矣而人主之心自视欲然不敢以自安举天下之财虽曰王之膳服不防而总于大宰者莫不有一定之式玉府掌其器物内府掌其货贿外府掌其邦布之出入皆有式法以行之及其用之则司防会其财司书掌其书职内以下莫不惟法式之是守使人主不以天下自利而常有以厚天下之利是又所以为人主脩身之端也犹以为未也六寝六宫深严防密亲公卿大夫之时少亲宦官宫妾之时多故王者皆以法制裁之夫人不列于官九嫔世妇女御不着其数以见王者严于内官之选初不过取而轻择内宰下大夫之外如内小臣典妇功丝枲缝染追屨之官亦皆上士中士下士为之小夫儉人不得厕迹其间閤寺之徒曾不数十固大异于后世之鸣珰曳组含天宪而握王爵者宫壶朝署事均一体而万物咸理是又所以为人主齐家之端莫切于人主之心莫亲于人主之身莫重于人主之家大宰皆得以道揆之以至宿衛扈从洒埽使令之徒寝处燕息沐浴栉頰私猥之事亦莫不皆取正于大宰夫是以政本出于上政权不移于下上下有总摄之政内外无壅隔之 此大宰佐王之大者圣人治国平天下之本见于此矣

陈君举曰冢宰一职惟制御天子身畔之人一则环衛之人二则供奉饮膳酒浆之人三则出纳财贿之人四则宫中使令之人蓋以此等与天子 狎或用内官或用女奚他卿不能谁何所以冢宰尽制御之秦汉以环卫之人分入光禄勳衛尉以供奉之人分入少府以出纳财用之人分入司农而宫中出入侍从使令之人分与大长秋是冢宰之职分为三四矣又曰以今世之官论之自玉府内府而下今皆 入内藏库矣自宫人掌舍而下今皆 入修内司矣自医师食医而下今皆 入御药院矣自膳人庖人以下今皆御前供奉官为之矣大抵先王所以朝夕亲近士大夫在宫中者自汉晋以来稍稍推出至于天子所以自奉养于外朝者稍稍引入试以通典攷之可得一二焉

周礼订义卷十四

卷十五

钦定四库全书

周礼订义卷十五 宋 王与之

地官司徒上

郑锷曰所掌者教而所经理者天下之土地故正名之曰地官所经理者土地而所治者军旅徒庶之政令故又名之曰司徒【○史氏曰传曰政太察则无徒徒者其民也民者司民而曰司徒有徒而教之以义也今谓地官曰民部或为户部者以民为主故也】

惟王建国辨方正位体国经野设官分职以为民极乃立地官司徒使帅其属而掌邦教以佐王安扰邦国项氏曰极无定位随所在而见稷降播种以为民极故诗曰立我烝民莫匪尔极禹治水土以为民极故书曰惟皇作极此六官之首皆言以为民极也郑康成曰教所以亲百姓训五品有虞氏五而周十有二焉【○郑锷曰尧忧洪水之患举舜而敷治焉舜使 为司徒专五教然则司徒掌教其来远矣】

愚案安扰不得作两件说扰驯也因其生而驯扰之使不失其所性之天斯所谓安扰也且天下之民耕食凿饮霑体涂足虽有恭敬之端而不知讲父子竭作长幼杂处虽有孝悌之性而不知申于是强之以诗书礼乐正之以德行道艺而人心从之也难故辨五地之物生则民以安土重迁而后因五物以施十二教则民以不失其宜而后授之以井地则有常产者有常心联之以比闾族党则出入相友守望相助慈幼养老大化也而托以保息之法则民始以孝悌为本然师儒朋友大训也而托以本俗之名则民始以德行为固有凡此皆安而扰之也

教官之属大司徒卿一人小司徒中大夫二人乡师下大夫四人上士八人中士十有六人旅下士三十有二人府六人史十有二人胥十有二人徒百有二十人郑康成曰师长也司徒掌六乡乡师分而治之二人者共三乡之事相左右也【○薛平仲曰先王以命卿而掌邦教以中大夫而掌教法其爵亦隆矣所司宜不屑屑于徒矣而命名则曰司徒至于以下大夫而掌其所治乡之教其爵视中大夫已杀矣必以师称之何哉大抵教民之职其爵位之隆者固人心之所甚尊亦人心之所甚憚其曰司徒者所以致其亲之之谓也其爵位之杀者固人心之所易亲亦人心之所易防其曰乡师者所以致其尊之之谓也】

大司徒之职掌建邦之土地之图与其人民之数以佐王安扰邦国

郑康成曰土地之图若今司空郡国舆地图○王氏曰即天下土地之图大司徒合而图之建土地之图则土防土宜土均之法可施王国之地中可求邦国之地域可制建人民之数则地守地职地贡之事可令万民之卒伍可防都鄙之室数可制夫然后可以佐王安扰邦国【○

杨氏曰合天下为一图则其详不可得而尽所以佐王者着其大略而已若方国自为之图其事详焉】

孙氏曰地图之名一也而职掌不同图亦异用司徒掌教则为之图者在安扰邦国也司马掌政则为之图者在禁暴平乱也在安扰邦国必度疆域之广狭计山林川泽丘陵坟衍原隰之多寡凡土地所生风气所宜加详焉自方国各为图上之司徒则曰天下之图大司徒因方国所上而建为之图则曰邦图小司徒用以断地讼者此也土训因巡守而道之于王者亦此也司书掌邦之土地之图则不及畿外矣若夫为禁暴平乱设必记形势阨塞可以讲攻守之宜道涂通阻可以达进退之便凡居重而驭轻避难而就易则加详焉大而职方有天下之图小而司险有九州之图与司徒所掌复不侔矣在司徒者天下可得而见在司马者人不可得而窥也

郑锷曰 宰掌治典序言均邦国经言治邦国宗伯掌礼序言和邦国经言建保邦国司徒则同谓之安扰者盖治常患于不均不有以均之无自而能治故既曰治又曰均礼典之意则在于和礼之体则非特和而已惟礼定后直曰建邦国保邦国以和言之无以见其能建之效以建言之无以见其能保之实故既曰和又曰建曰保也若夫教典之教民或因其自然之性以教之或拂其不顺之性以教之所以不出乎安扰之言也至政典不过平其不平刑典不过诘其有罪意亦如是故刑典皆曰诘邦国政典皆曰平邦国

以天下土地之图周知九州之地域广【古旷反】轮之数郑氏曰周徧也九州扬荆豫青雍幽冀并也○郑锷曰马氏云东西为广南北为轮广者指其横言轮者指其从言王制言东西长而南北短惟其长故谓之广惟其短故谓之轮以图而攷其广轮则或千里而远或千里而近舟车所通人迹所至之地皆可数计矣

辨其山林川泽丘陵坟衍原隰之名物

郑锷曰山林川泽丘陵坟衍原隰合则为五地之名分则为十等之异不辨其名无以别其肥瘠燥湿之殊不辨其物无以知其赤黑黄白之壤不案是图何以辨之山林一耳山则包土石之名林则因其竹木而名之水注渚于川则流而至海泽则潴而不行诗曰陟彼阿丘则丘为大又曰在彼中陵则陵为小坟小崖也如诗云遵彼汝坟衍下平也左传所谓衍沃原高平之地隰下湿之地书曰原隰底绩诗云于彼原隰名不同则物不同辨其名物则知其所宜矣

而辨其邦国都鄙之数制其畿疆而沟封之

郑锷曰畿外之地可建邦国畿内之地可建都鄙其数则如王制畿内九十三国畿外一州二百一十国不辨其数则地不足以容其国而地至于不足国不可以居其地而国至于有余○林氏曰制邦国之畿疆以地理而制之有五百里至百里之别制都鄙之畿疆以室数而别之有上地至下地之别【○黄氏曰凡邦国都鄙皆为之界域沟封郑氏曰千里曰畿非也小司徒正其畿疆之封郑曰畿九畿亦非也九畿分画素定不待建邦国而后正诗曰薄送我畿畿

界也】

郑康成曰沟穿地为阻固也封起土界也【○贾氏曰沟封者谓于疆界之上设沟沟上为封树以为阻固郑云封起土界者穿沟出土于岸即皆为封也】○史氏曰邦国之数辨矣然后制其畿以限之制其疆以守之深池以为沟高垒以为封民受地以居养生丧死之无憾所谓先成民也

愚案此特自王畿推之于侯邦尔凡所都之地谓之畿疆为沟封使各有限域不得以相侵耳

设其社稷之壇【维鬼反】而树之田主各以其野之所宜木遂以名其社与其野

郑康成曰社稷后土及田正之神【○贾氏曰孝经纬社者五土之總神以勾龙生时为后土官有功于土死配社而食稷是原隰之神宜五谷稷者五谷之长立稷以表神名故号稷弃为尧时稷官立稼穡之事有功于民死乃配稷而食名为田正故云社稷后土及田正之神双言之耳】

愚案祭法共工氏之子后土能平九州故祀以为社厉山氏之子曰农能植百谷故祀以为稷及左传昭二十九年共工氏有子曰勾龙为后土后土为社稷田正也烈山氏有子曰柱为稷自夏以上祀之周弃亦为稷自商以来祀之杜佑以汤为旱迁柱而以周弃代之欲迁勾龙无可继者故止至周祀社所以安土而配以勾龙祀稷所以报功而配以后稷所谓有其废之莫敢举也有其举之莫敢废也

郑氏曰壇坛与埧埧也【○贾氏曰谓于中门之外右边设大社大稷王社王稷又于庙门之屏设胜国之社稷其外又有壇埧于四面○愚案壇累土以为高也】○史氏曰不屋而坛○贾氏曰封人云设王之社壇者彼官卑主设大司徒官尊直主其制度而已

郑氏曰田主田神后土田正之所依诗人谓之田祖【○贾氏曰树之田主者谓籍田之内依树木而为田主郑云田神者谓郊特牲云先穡与神农一也郑意以田主为神农则无后土及田正之神直以神农为主祭尊可以及卑故使田正后土二神憑依之同坛共位耳田正则郊特牲司啬一也】○郑锷曰国之所以有立者有社稷也农民之所以祈报者有先农也故坛壇不可以不设田主不可以不树

愚案立之田主使鬼神有所依附民心有所归向此先王系人心处

薛氏曰祭法曰王为羣姓立社曰大社自为立社曰王社诸侯为百姓立社曰国社自为立社曰侯社大夫以下成羣立社曰置社言社则稷在其中曰各云者为邦国都鄙设耳【○贾氏曰各云者總据邦国都鄙并王者而言○愚案社稷等说见封人】

郑氏曰所宜木谓松柏栗也若以松为社者则名松社之野

王氏曰各以其野所宜木则新甿欲有所植不谋而知其土壤所宜公上欲有所斂不视而见其木所出

以土防之灋辨五地之物生

郑康成曰会计也○项氏曰總计天下山林川泽丘陵坟衍原隰定其数然后分其所生或以为计土物多寡或以为计贡税之法此皆土宜非所谓土防也○郑景望曰会读为会聚之会书序曰九州之志谓之九丘丘聚也言九州所有土地所生风气所宜也此正土防之意【○黄氏曰土防之法凡天下之地不出此五者邦国都鄙在其中而经田野焉是皆为可防也】○贾氏曰方以类聚物以羣分及民之所生皆因地气所感不同故形类有异又民之资生取于动植之物故先言物后言民

一曰山林其动物宜毛物其植物宜皐物其民毛而方郑氏曰毛物貂狐貉貉之属罽毛者

郑司农曰植物根生之属皐物柞栗之属今世间谓柞实为皐斗【○史氏曰皐物木实有毛若橡栗之属】○项氏曰方者坚劲貌山林之人习于风霜艰阻宜其坚劲也【○史氏曰生于山林得山林之性林麓陰翳虽野而充盈也】

二曰川泽其动物宜鳞物其植物宜膏物其民黑而津郑氏曰鳞物鱼龙之属膏当为囊字之误也莲芡之属有囊韬【○贾氏曰莲芡川泽所生故知是莲芡之实皆有外皮囊韬其实也○黄氏曰膏物桐漆之属】○郑康成曰津润也【○史氏曰生于川泽得川泽之性水气所薰虽黑而润泽也】

三曰丘陵其动物宜羽物其植物宜覈物其民专【徒丸反】而长

郑氏曰羽物翟雉之属覈物李梅之属专圜也【○史氏曰专而长者生于丘陵得丘陵之性窟宅所生虽局而脩直也】

四曰坟衍其动物宜介【音界】物其植物宜莢【古协反】物其民皙【音锡】而瘠

郑氏曰介物 鼈之属水居陆生者莢物荠莢王 之属【○贾氏曰荠莢即今人谓之皂莢盖误云皂当言荠也王 即士丧礼云王 若择棘者是也 虽】【无莢盖树之枝叶与荠莢相类故并言之○史氏曰莢物蔓延有莢若荠 之类是也】○郑康成曰皙白也瘠臞也【○史氏曰生于坟衍得坟衍之性平土所滋虽白而瘠劲也】

五曰原隰其动物宜羸【力果反】物其植物宜藁【才东反】物其民丰肉【如字反】而庠【音婢】

王氏曰郑氏以虎豹之属为羸物正所谓毛物羸物宜谓鼯鼯之属然郑氏所说出于考工不

知考工所记何据而然【○史氏曰蚓类也】

郑康成曰丛物萑苇之属【○史氏曰草之丛生若葭荻之属】丰犹厚也庠短也【○史氏曰生于原隰得原隰之性湿气所濡虽肥而清短也】

郑锷曰土地各有偏则生物各有宜尝考五地之所生而参以五行之性知五地之所宜无非五行之所偏胜也山林木也川泽水也丘陵火也坟衍金也原隰土也偏于木者故动物毛而植物皂皆木气也民毛而方非木之形乎偏于水者故动物鳞而植物膏皆水气也民黑而津非水之浸乎丘积土而成而火则生土丘陵之势皆高峻而上得火之性为多鸟以羽飞者皆火之腾上木之覈者皆火之就燥民专则火性之圜民长则火形之锐丘陵非火乎哉坟衍近水而非水金之近乎水也土生金而金生水坟衍之地得金之性为多物以甲生者金之刚物以莢生者金之芒利民皙则金色之白民瘠则金形之薄坟衍非金乎哉至于原隰则积土而高平下湿之地也羸物得土之性故其行重迟其形外见丛物得土之性故其枝繁盛其叶条畅民之丰 则土之厚民之庠短则土之下土防之法辨为五等殆亦五行之性欤

因此五物者民之常而施十有二教焉

王氏详説曰上云五地此言五物盖以形言曰地以地所生言曰物

愚案风土所生山川所孕刚柔轻重缓急随地之宜习俗不能不异情性不能不偏既曰因其常则不易其俗可也又曰施十有二教何哉自昔圣人以吾之教乘民之俗以吾之理济俗之偏顺其所安而为之节文焉因其所性而为之导達焉若陈楚之信巫重祀因而教之以祀礼则俗无淫祀矣秦之专尚勇力因而教以阳礼则俗不鬪很矣衛之俗溺于淫因以陰礼教亲则民自不怨魏之俗简于恩因以乐教和则民自不乖侈诈者导之以辨等之仪轻薄者示之以教安之道椎剽者裁之以由中弃背者誓之以相恤由其有奢褊之风则以度而教之节顺其有稼穡之风则以世事而教能王制所谓一道德以同风者推其本实在乎此

郑锷曰王制曰广谷大川异制民生其间异俗刚柔轻重迟速异齐五味异和器械异制衣服异宜修其教不易其俗齐其政不易其宜尝疑施教之意正欲移风易俗今乃有不易之言及观司徒因五物者民之常而施十有二教然后知所以移易者民风之薄恶所不易者土地之所宜蓋生乎五地见乎五物习以为常俗者民也不因其所宜而教欲移易以教之适所以扰之设教之意正不然也又曰五地虽不同而教之条目十有二则同焉

一曰以祀礼教敬则民不苟

贾氏曰祭祀所以追养继孝事死如事生死者尚敬则生事其亲不苟且也【○郑锷曰祀礼者春秋祭祀以时思之之礼也百物既备夫妇斋戒沐浴盛服奉承而进其立之也敬以诎其进之也敬以愉其荐之也敬以欲彼知是敬如见其所祭之人安敢有苟且之心乎】

二曰以阳礼教让则民不争

郑锷曰阳礼乡饮酒之礼也以让为主设宾主以象天地立三宾以象三光三揖而后至阶三让而后升让之三也象月之三日而成魄也所以致尊让也彼知是礼尊其所让之人安敢有争竞之心哉

三曰以阴礼教亲则民不怨

王昭禹曰阴礼则昏姻之类以其为内事故谓之阴礼男子生而愿为之有室女子生而愿为之有家先王之教使民乐所愿而已男女以正昏姻以时孰有怨哉

四曰以乐礼教和则民不乖

杨氏曰律小大之称比终始之序以象事行使亲疎贵贱长幼男女之理皆形见于乐则乐自有其礼矣无相夺伦所以教和也故在宗庙之中君臣上下同听之则莫不和敬在乡党族里之中长幼同听之则莫不和顺在闺门之内父子兄弟同听之则莫不和亲【○郑锷曰民之暴戾不中节者由不知和之理也必以乐礼而教之春夏之诵常御之琴瑟防血气心知之性复喜怒哀乐之常使其刚不怒柔不慑彼知是礼不敢斯须不和安有乖戾之行哉】

五曰以仪辨等则民不越

刘执中曰五礼之仪所以辨上下定民志也故尊卑之仪立则臣不敢僭于其君亲疎之仪立则子不敢违于其父长幼之仪立则弟不敢陵于其兄夫妇之仪立则男女不敢乱于其守【○郑锷曰民之逾越礼制而僭拟无度者以不知乎上下之等级耳欲其不越必以仪而辨之设为诸侯五仪诸臣五等之命使上公以九侯伯以七子男以五为节宫室车旗衣服礼仪各视其数而为之辨别则民孰敢逾越乎制度哉】

王昭禹曰乐统同礼别异同与天地合其和异与天地合其序以乐礼教和所以为同也而患于不能别异故仪以辨之也圣人因之以立天下之仪推之以辨天下之等此民之所以不越也

六曰以俗教安则民不偷

郑康成曰俗谓土地所生习也偷谓朝不谋夕○易氏曰有宫室坟墓衣服之俗有兄弟师儒朋友之俗安于本俗人伦自厚【○王昭禹曰生于陵者安于陵长于水者安于水越人安越楚人安楚凡习而安焉之谓俗先王亦各因其所宜而教之使安焉则民各从其所愿而无苟且幸免之意偷薄之患无自作矣○郑锷曰民之所以偷生而无久处之意常至于朝不谋夕者以不知乎安土之乐以俗而教之本其风俗之宜使之知夫中国四夷各有安居和味宜服利用备器各安其俗之故常则孰敢有偷生之心哉】

七曰以刑教中则民不讎

郑锷曰民之所以肆其凶暴以灾害其里闾亲族之间者以其不知自归乎中道也以刑而教之示以五刑之禁以警其所行之不中则安敢为凶讎之行哉刑所以辅教书言皋陶明刑而曰士制百姓于刑之中以教祗德则刑可以教中也

八曰以誓教恤则民不怠

黄氏曰祭祀有誓军旅有誓恤忧也使忧其事也诗曰駉駉征夫每懷靡及【○郑锷曰民之所以倦怠不勤视人危难不趋赴而救之者以不知困恤之道也必以誓而教之设为誓戒之辞训以乡党之义使之患难必相救疾病必相扶持出入必相友守望必相助死生不背 彼时患难之际被髮纓冠而往救之矣安敢有怠惰之心哉○史氏曰誓所以警戒而归之恤恤则无慢令致期矣怠何由而生】

九曰以度教节则民知足

郑康成曰度谓宫室车服之制○王昭禹曰以度教节则衣服有制械用有宜贵有常尊贱有等威民皆安分而无觊觎之患所以知足也【○郑锷曰夫民积财货嗷嗷然常有不足之叹者以其用财之无节也必以度而教之设为用财之度有者无过乎礼贫者要及乎礼彼知多寡之有度安敢无自足之心哉】

十曰以世事教能则民不失职

郑康成曰世事谓士农工商之事○贾氏曰齐语管仲云士之子常为士工之子常为工商之子常为商农之子常为农少而习焉其心安焉是世事也父祖所为之业子孙述而行之不失本职

十有一曰以贤制爵则民慎德十有二曰以庸制禄则民兴功

郑康成曰庸功也○郑锷曰贤有小大爵有尊卑以贤而制爵则贤之大者其爵尊贤之小者其爵卑爵当乎贤民知以贤而得爵岂不慎脩厥德欤庸有小大禄有厚薄以庸而制禄则庸之大者其禄厚庸之小者其禄薄禄当乎庸民知以庸而得禄岂不勉兴厥功欤制之得宜则在上之人而已十事皆言教二者不言教盖示以教之之意非教而实教之也说者谓司士以德诏爵以功诏禄此以制为言何也盖诏告也羣臣已有是德是功宜得是爵是禄以言诏上而已若夫教民之道随宜轻重以示劝诱故皆言制则权归于上矣十二教之序先祭祀而次以礼乐所谓先之以敬逊导之以礼乐也终之以爵禄则教成而用其贤能使民知为善之报欤【○史氏曰使民兴贤出使长之使民兴能入使治之则教成矣】

郑锷曰舜之时司徒所施者五教而周则十二者盖非五品则十二教无所施非十二教亦无

以训五品视契之所敬敷者实相为表里也

以土宜之灋辨十有二土之名物以相民宅而知其利害以阜人民以蕃鸟兽以毓【音育】草木以任土事

郑锷曰或曰尧之九州舜肇为十二自夏商而来复为九州久矣故职方氏所载者九州也土宜之法所辨者十有二何邪余闻之师曰天有十二次日月之所 地有十二土王公之所国是故分野之占则星纪为吴越 枵为齐姬訾为衞降娄为鲁大梁为赵实沈为晋鹑首为秦鹑火为周鹑尾为楚寿星为郑大火为宋析木为燕司徒之所辨者殆以分野所系而辨之耳【○刘氏曰十二土即十二州也州各有宜如职方氏所掌耳周虽合十二州为九州然本尧析分十二之旧故职方氏从时王之制正其名而大司徒因上古之法以教民】○王昭禹曰十有二土既分东西南北之异方则陰阳之气不能无有余不足之偏胜其形有高下肥瘠之殊其性有美恶之别则土之所宜固不齐矣因而为之度数焉以计其土是谓土宜之法○王氏曰名所以命其土则丘陵坟衍原隰之属物所以色其土则青黎赤埴黑坟之属【○杨氏曰所谓名青黎赤埴之类所谓物凡动植之类】

郑康成曰相占视也阜犹盛也蕃蕃息也育生也任谓就地所生因民所能

郑锷曰物生于土而土性各有所宜因土所宜立为一定之法则名物皆可得而别土所以居民然民之宅于此土则有利害之不同所居之利如公刘迁豳民则庶繁顺宣而无永叹所居之害如晋迁新田民则沈溺重膇而有疴疾辨其名物以相其陰阳知其利使之安土而勿迁知其害使之违害而就利以之阜人民则处其地者阜而盛以之蕃鸟兽毓草木则生其地者蕃而茂【○易氏曰鸟兽则土防所谓动物草木则土防所谓植物土防辨之而已土宜则各因其宜而后可以蕃毓之也○李景齐曰舜之若予上下草木鸟兽夏之鸟兽鱼鼈咸若灵台之德及昆虫行苇之仁及草木皆此意也】以之而任土事则土地所任者得其当【○贾氏曰以任土事辨十二土任人性居之郑云就地所生因民所能地之所生出物不同民之所资事业有异若居山者利其金玉锡石禽兽材木居泽者利其鱼鼈居陆者利其田 是其任谓就地所生因民所能而居之也○郑锷曰小司徒言经土地而井牧其田野则谓之任地事此用土宜之法以相民宅则曰任土事蓋土地一耳但地事者耕种稼穡之事耳而土事则任土作贡之事也载师有任土之法亦因土之所生任之以为贡赋耳先儒以为城郭道桥土功之事非也】

辨十有二壤之物而知其种以教稼穡树艺

郑康成曰壤亦土也以万物自生则言土土犹吐也以人所耕而树艺则言壤壤和缓之貌也【○郑锷曰壤所以种艺然谷之种于此壤则有宜有不宜如兗之黑坟青之白坟徐之赤埴荆之涂泥豫之坟垆梁之青黎雍之黄壤则有宜稻者宜麦者宜五种者宜三种者不知其所宜何以教民稼穡周人辨之以土宜之法既别其名又别其物此所以有土壤之殊也】○贾氏曰分别物之所生而知其所植之种遂以教民春稼秋穡以树其木以艺其黍稷也【○

郑康成曰艺犹蒔也】

以土均之灋辨五物九等制天下之地征以作民职以令地贡以敛财赋以均齐天下之政

郑康成曰均平也○王昭禹曰生出之宜否物产之有无道里之远近赋贡之多寡非有法以均之则不足以正之此土均之法所由立也【○易氏曰均之者何以颁田之法推之上地家百亩中地家二百亩下地家三百亩是中地倍于上地下地两倍于上地而地之所获皆与上地等五物九等之所以制地征者亦然】

王昭禹曰以辨五物则山林川泽丘陵坟衍原隰之所宜皆可知以辨九等则九州之田赋上中下之不同而美恶高下皆可知然后可以制天下之地征【○郑锷曰或谓禹贡冀之中中兗之中下青之上下徐之上中扬之下下荆之下中豫之中上梁之下上雍之上上九等之别皆财赋之所由高下也此言制天下之地征必辨九等非禹贡之九等而何余以为草人化土而粪种也有骅刚有赤缙有坟壤有渴泽有咸洧有勃壤有埴圻有疆防有轻鬲皆土之肥饶之不等将以制地征则此九等之地不可不辨当从先儒草人之说为是】○王氏曰征者贡赋税敛之总名

愚案民职即大宰之九职以土均作之则因其职以献功非所能者不取也地贡即大宰之九贡以土均令之则因其地以致贡非所有者不取也财赋即大宰之九赋以土均敛之则随其财以充赋非所宜者不取也若民不昏作劳越其罔有黍稷故出于民职者必以作之而后成有地则有贡有财则有赋且令之以使致敛之以使聚然其法立于大宰司徒虑其不平也以土均而均齐之郑注既以民职为九职而农九谷已在其中又以地贡为九谷之贡昭禹复合贡赋为一以用下供上谓之贡以上敛下谓之赋恐未必然

王氏曰民职地贡财赋则有政矣然远近多寡之不均先后缓急之不齐非政之善于是乎以均齐天下之政【○郑锷曰不止于均王畿千里而已又以均齐天下之政使四方一于平也○黄氏曰此皆土均职掌夫土均和邦国都鄙之政令刑禁与其施舍礼俗防纪祭祀即司徒所谓均齐天下之政也和故均齐土均之法本于司徒而特见之正以其有关系也】

以土圭之灋测土深【尺鹄反】正日景以求地中日南则景短多暑日北则景长多寒日东则景夕多风日西则景朝多阴日至之景尺有五寸谓之地中

史氏曰虞以璿玑玉衡齐七政求天之中周以土圭正日景求地之中中于天地者为中国先王之建国所以致意焉然必以玉为之以其温润廉洁受天地之中气以类而求类也

郑康成曰土圭所以致四时日月之景测犹度也不知广深故曰测○郑司农曰测土深谓南北东西之深【○王氏曰土圭之法所以度天之高四方之广测土之深举测土深则天与四方可知矣郑锷曰凡地之远近里数侵入则谓之深土圭尺有五寸耳日景于地千里而差一寸尺有五寸之土圭则可以探一万五千里而地与星辰四游升降于三万里之中故以半三

万里之法而测之也愚尝闻土圭测日之法于师今载于此冬夏二至昼漏正中立一表以为中东西南北各立一表其取中表皆以千里为率其表则各以八尺为度于表之傍立一尺五寸之土圭焉日南者南表也昼漏正而中表之景已与土圭等其南方之表则于表南得一尺四寸之景不及土圭之长是其地于日为近南故其景短南方偏乎阳则知其地之多暑日北者北表也画漏正而中表之景已与土圭等其北方之表则于表北得一尺六寸之景有过乎土圭之长是其地于日为近北故其景长北方偏乎阴则知其地之多寒日东者东表也昼漏正而中表景正矣东表之景已跌是其地于日为近东故昼而得夕时之景也箕者东方之宿箕星好风则知其地之多风日西者西表也昼漏正而中表景正矣西表之景犹未中是其地于日为近西故昼而得朝时之景也毕者西方之宿毕宿好雨故知其地之多阴阴虽未必雨然阴则雨意也凡此皆偏于一方非建王国之所也】

愚案此即 明疏说考之洛诰但言卜河朔黎水涧水 水惟洛食而已未闻置四表于千里之外疏又谓今颍川阳城县周公度景之处古迹犹存不知四方立表之迹果何地乎此未足信也日月之行分同道也至相过也景晷相过则有可候之理故致日必以冬夏今建国测景只于夏至而不于冬至以冬至景长三尺过于土圭之制未若夏至之日昼漏之半立八尺之表表北尺有五寸正与土圭等则为地中故于此时植之以表测之以圭假如表北得尺四寸是地于日为近南景短于表南为阳粤地常多暑假如表北得尺六寸是地于日为近北景长于表北为阴胡地常多寒正中时表其景已跌是地于日为近东先夕景也东近海卑下故多飓风正中时表其景未中是地于日为近西犹朝景也西则近山幽阴故多积雪多者不得夫气之中而偏胜之谓日南日北盖假借言之以证必如下文地中斯无偏胜之患若以四表而验中表之正万一与土圭不协四方相去各千里而遥必非顷刻所能取防苟失其时地中何时而可求邪

天地之所合也四时之所交也风雨之所会也阴阳之所和也然则百物阜安乃建王国焉

王昭禹曰夫天不足西北地不足东南有余不足皆非天地之中惟得天地之中然后天地于此乎合土播于四时所以生长 藏万物一时之气不至则偏而有害惟得天地之中然后四时于此而交通风以散之雨以润之偏于阳则多风偏于阴则多雨惟得天地之中然后阴阳和而风雨以序而至独阴不生独阳不成阴阳之和不成则反伤夫形惟得天地之中则无愆阳伏阴阴阳以调而不乖合以体言交以序言会以时言和以气言如此则无乖戾之气无疵疠之灾有生者遂有形者育万物阜安以之建国适其所矣

郑锷曰有天下者必建京畿以为根本然后建邦国造都鄙大司徒之职盖周公记其作洛邑之制以其掌天下之土地因而载建国之法耳非谓常有建国之事也

制其畿方千里而封树之

郑锷曰不千里不足以受诸侯之朝故制洛邑之畿方千里取法于日中之径圆也○郑康成曰树树木沟上所以表助阻固

凡建邦国以土圭土其地而制其域

史氏曰土圭之法所以测土深正日景前言正日景之法详矣今此言测土深之法夫地之肥饶正以深浅言也凡穿土至深莫不有沙砾石磧惟土面有膩土则肥土肥则所生之物美好丰腴矣土圭测其深浅而知其肥饶而为公侯伯子男封疆之等差下必曰食者以土之所产言○易氏曰此所谓土其地者特依仿王国之法以定东西南北之势然后为之制其小大广狭之封如是而已非谓百里至五百里而别测日景之长短

诸公之地封疆方五百里其食者半诸侯之地封疆方四百里其食者参之一诸伯之地封疆方三百里其食者参之一诸子之地封疆方二百里其食者四之一诸男之地封疆方百里其食者四之一

陈及之曰王介甫以为孟子据实封言之周官则兼附庸言之也其说是矣而辨未详夫诸侯之得附庸必其有大功者也若成王于鲁公锡之山川土田附庸宣王锡韩侯其追其貊奄受北国因以为伯于召公曰锡山土田于周受命而已孔子曰夫颡者昔者先王以为东蒙主且在邦域之中矣是社稷之臣也则是颡防主东蒙地以附庸而属于鲁推此而言鲁以侯爵得旁近附庸小国地则广矣故曰奄有东蒙遂荒大东然周官所说亦据有附庸者言之未必五等诸侯皆然也上下其制故分为五等土耳若曰凡诸侯受封者悉有附庸则有功无功者无差等矣然则天下有附庸诸侯少而无者多盖如是上之政令有所属而不烦下之职贡有所附而不废以是言之凡公侯得附庸者必牧伯也伯子男得附庸者必连帅也天下诸侯千八百国统之以二伯制之以二牧维之以连帅上以临下尊以统卑使大国比小国小国事大国此周家之盛也春秋时自齐晋之外鲁有邾鄆郑有费滑宋有萧滕凡陈衛等盟防大国皆统属诸小国汉之部刺史唐之按察使本朝转运使副皆其遗法耳

愚案此说以孟子王制指实封之地周官兼山川附庸而言之司农东莱陆佃皆同

陈君举曰所谓五等诸侯但言其班爵耳若夫分土毋过三等侯百里伯七十里子男五十里自夏商未之有改大司马之法曰大国三军次国二军小国一军由此观之虽周亦三等也而司徒举四封以言之则侯四百里伯三百里子二百里而又以益一男之地为公以待加地之赏损一男之地为男以待削地之罚盖所谓有功者取于闲田以禄之削地者归之闲田以传攷之鲁锡附庸而郑尝失武公之略自虎牢以东是已然终周之世若公若男往往设而不封故称公者一宋是已自齐鲁皆侯也虞公虢公则尝为三公之后者耳称男者二许宿是已自邾莒皆子也邾戎男则夷狄之长耳今见于注大抵公一位侯伯一位子男一位司服有公之服侯伯之服子男之服掌客有公之礼侯伯之礼子男之礼行人叙诸侯则曰如诸侯诸男则曰如诸子而司仪赞见公于上等侯伯于中等子男于下等则周亦三等较然着见矣先儒谓周公斥大九州更置五等妄也强干弱枝之道虽圣人不敢废今天子之畿方千里谓之万乘而内诸侯颇食采于其中顾于方五百里封公可乎职方之制曰凡邦国千里封公则四公男则百男盖假设言之以是为建国之率假如九州州方千里大之封公不过四國小之封男虽至于百男可也是谓众建而少其力苟如先儒之言则汉七国唐藩鎮之祸作于周久矣先王

犹惧三等之势相差殊而不辑睦是故公贡重食之者半子男贡轻食之者四之一其见于传大国若衛既取于有閭之土以共王职又取于相土之东都以会王之东搜小国若鄆则无赋于司马虑之详矣而说者不察以为鲁颂奄 蒙居常许齐管仲记太公之赐履东至于海西至于河南至于穆陵北至于无棣非百里所容也孟子曰周公之封于鲁太公之封于齐地非不足也而俭于百里今鲁方百里者五鲁自东迁灭国不知其几至孟子之时而后及此曾谓周公实为之邪鲁颂齐管仲之言则二国尝为州伯至其后世常以为美谈也愚案此说谓司徒举四封言之其实只是百里七十里五十里乃本薛常州之说见职方氏以四方周围共五百里而一方百二十五里是公之国方百二十五里比王制不逮推而论之则侯方百里伯方七十里子男方五十里皆可合于王制惟男之地为不同蓋如是說则男之地四方周围共百里而一方止二十五里是男之地止方二十五里又少于王制所以陈止斋又谓益一男之地为公以待加地之赏也

陈君举曰侯甸男邦采卫大槩方五百里则封侯然五百里之中亦或封男成周之制亦取其便利非谓封侯之地不可封男截然不乱如书百里采二百里男邦三百里诸侯亦不如是次第整齐

愚案封建里数独周礼详言之孔子仅言道千乘之国至孟子时周礼已亡其详不可得而闻孟子见战国争雄壤地广袤遂援周以百里七十里五十里之封与汤以七十里文王以百里而王将以抑当时吞并无厌之心汉儒信之故作王制皆祖述其说以为实事如以为然千乘之赋岂百里所能容若今之偏州下邑奚啻百里周礼所载不为过也书言分土惟三安知非井田法地有不易一易再易之三等以此为封建诸侯之证恐不可余见职方氏黄氏说

陈及之曰其食者半三之一四之一当从郑氏谓地贡轻重之等所以然者以诸公之地方五百里监五百里内附庸其权甚重矣权重则贡当重所以制之也诸男之地方百里监百里附庸其权甚轻矣权轻则贡当轻所以恤之也制之则无骄汰之患恤之则无削弱之忧若以为小大多寡之别郑子产何以曰郑伯男也而使从公侯之贡不从晋之赋调哉若畿内诸侯则轻重一等故载师曰甸稍县都皆无过什二子产亦曰卑而贡重者甸服也

愚案此作地贡轻重之差说

郑锷曰食者半食参之一食四之一者论其可耕之地也观大司马云上地食者三之中地食者半下地食者三之一司勲又言凡颁赏地三之一食皆谓可耕而食之地耳五等之侯封在畿外不能如造都鄙计其一易之地第总计其可耕也如封公以五百里必计其地可耕者半侯伯四百里三百里必计其地可耕者三分之一子男二百里必计其地可耕者四分之一蓋其地或皆山川林麓则不足以养其民然地又不能尽可耕故因其爵之高下而计之德尊者国大而禄厚其人民众故食与不食之地各半德卑者国小而禄薄其人民寡故三之一则不食者二四之一则不食者三先儒所言有可疑者未敢以为然也

愚案此作地有嫩恶之等说

叶氏曰封疆多而食者少地势则然而郑众谓包以附庸郑 又谓一易再易必足其国之用而后贡其余尤妄说也且虽王畿千里亦不过举封疆言安得尽可食之地哉陈君举曰古者子男小国只得听命于侯伯侯伯以其朝聘贡赋之数归于天子自周制子男之国不能尽归之京师而后世乃自判司簿尉尽归之吏部宜其多事也宣王中兴亦只理防牧伯而已故韩侯在韩召虎在淮申伯在荆方叔在齐周时尚有千八百国如必尽至京师不特不可行其势必至烦扰小国何以堪之

林椅曰五等之国计其封疆都鄙计室数五百里其食者半则二百五十里也四百里三百里其食者三之一则百三十里有奇与百里也二百里与百里其食者四之一则五十里也此计食者盖授田之实数犹都鄙以其室数制之也都鄙制以室数而为之封域其余夫则授田于遂人五等之君得食其食其外亦犹遂人之余夫

总论封建

林椅曰窃以大司徒职方所聚图数乃是以土地民人品量而为之分守故受田之制见于都鄙都邑之制见于井牧是封建始于井田井田成于封建也司徒凡造都鄙制其地域而沟封之以其室数制之又县师凡造都邑量其地辨其物而制其域则是家有百晦二百晦三百晦独计其室数以为都邑而都邑之大小初不系其地而系其室数也至五等之国乃计其封疆言之而其食有差盖食者犹都邑之定数其封疆之内亦犹遂人之野故遂人有疆予之法而邦国之政亦以田野辟为功要之田计家而不必井国计四封而不言家其定为五等之国者所以正司徒之封域其画为九畿者所以施司马之政职分为九州者所以成九牧之维也其山林川泽不以封在司徒之属则有虞衡之官在司马之属则有山师川师盖遵师辨其名物而以封邑者惟丘陵坟衍原隰三物故也大要中为国都外为县鄙皆实定而不易者其间联民以乡颁田以遂所以为立法之首使之变通而不乱若其施行之方既有井又有牧与夫第其肥瘠别其利害殆非一法而止也传曰疆以周索疆以戎索盖可见矣

周礼订义卷十五

卷十六

<经部,礼类,周礼之属,周礼订义

钦定四库全书

周礼订义卷十六 宋 王与之 撰

凡造都鄙制其地域而封沟之以其室数制之不易之地家百畹【音亩】一易之地家二百畹再易之地家三百畹郑康成曰都鄙王子弟公卿大夫采地其界曰都鄙所居也春秋传曰迁郑焉而鄙留【○贾氏曰是鄙所居不迁】○贾氏曰此谓三等采地也载师家邑之田任稍地则大夫之采也小都之田任县地则六卿之采也大都之田任疆地则三公之采也亲王子弟与公同处而百里次疏者与卿同处而五十里次防者与大夫同处而二十五里

愚案周公言都鄙者甚多当于司徒造都鄙之文着其详焉盖据载师言之特谓大夫采地在王国之三百里卿采地在王国之四百里公采地在王国之五百里尔未尝明言公卿大夫采地各有几里也小司徒注始总言之贾氏疏遂定为公百里卿五十里大夫二十五里后世说礼者因仍不易若然又与王制所谓百里七十里五十里之制异矣

王氏详说曰王制是夏制也文王孙子本支百世文之昭武之穆与夫周公之祚嗣有功德者皆以次出封而无功德者亦各以亲疎食采畿内借使周之内诸侯与外诸侯之分土一同则虽极禹迹所至之处亦不足以封螽斯众多之子孙大抵皆有以处之也【○图说曰孟子曰天子之卿受地视侯大夫受地视伯元士受地视子男以八命之公六命之卿其地视九命七命之公侯以四命之大夫其地视七命之伯以三命之元士其地视五命之子男盖在内者卑其命而禄必视其外则名有所屈而实有所养在外者崇其命而禄不异乎内则名有所伸而实有所守载师以宅田士田任近郊之地等云者此所谓视侯伯子男者也土之受田寡矣而近地为可食故任之于近郊公卿大夫之田多矣非远地不可故任之于县疆此周采地之别也】夫以武王之母弟八人虽曰五叔无官然所谓曰管曰蔡曰成曰霍曰毛者亦其采地也商之三仁箕子微子以爵言而比干特谓之王子比干无可食之采地他可知矣试以县内九十三国之数明之为百里者九而三公之田与三公之致仕者处其六所以待王子弟者三而已为七十里者二十有一而六卿之田与三 及六卿之致仕者处其十五其所以待王子弟者六而已为五十里者六十有三而二十七大夫与二十七大夫之致仕者处其五十有四所以待王子弟者九而已知此则知夏商之内诸侯为少而周之内诸侯为多多少不同其数则广狭不同其封也明矣

愚案此言食采之数本疏五十里二十五里之说愚案周之建都鄙外有封域沟树之固内有城郭市朝社稷宗庙之别使之朝夕涖事王朝而退食于家其家不出王城而都鄙乃在三百里以至五百里之内犹民之防里在国而受田于乡苟必还在采邑之都则其列职常往返于

数百里之远而在途之日多在朝之日鲜矣要知都鄙之主则以吏居之如冉求为季氏宰而后采地之封者不过得食其禄此尹氏崔氏春秋所以讥世卿欤

郑锷曰造者为而成之之义王制曰凡居民量地以制邑度地以居民地邑民居必参相得○史氏曰封之所以止其窥觐沟之所以禁其侵夺然后屋室得以安居焉○郑康成曰城郭之宅曰室诗云入此室处以其室数制之谓制丘甸之属○黄氏曰造都鄙与建邦国不同建邦国以土圭土其地而知其广狭遂以制其域居其所当授之民宜必有余地造都鄙直以其所当授之民室数制其地山川沟涂皆豁除以实地计固不使不足亦不使有余故其下出易法【○陈君举曰此其制邑之地制非田制一邑之内则有肥硇之不等苟以百亩之地拘之则不足以容百里非所以为邑惟以室数制之所以立不易一易再易之制田则遂人掌之】

史氏曰不易者土力厚一岁一种再易者土力薄再岁一种三易者土力益瘠率三岁而一种易者更迭而种也再易一倍不易之地三易二倍不易之地而其所出不过同为百亩之获也【○薛氏曰古之南北一步东西百步六尺为步岁不易者为上田农夫受上田百亩岁一易者为中田农夫受中田二百亩岁再易者为下田农夫受下田三百亩一易再易非苦世俗之说荒之而不耕也不易者只是一亩三畝一易者二亩三畝再易者三亩三畝所以爱惜地力如畝广一尺畝高一尺诗所谓十千维耦者耜广五寸二耜为耦合耕正得一畝也晋作爰田乃不问一易再易之地破其疆畝任民自耕不闲水旱凶荒至商鞅破井田开阡陌则又以二百四十步为亩昔之南北一步者开为百步故谓之陌东西百步者开为千步故谓之阡开拓土疆除去烦细令民自尽力于其间其意盖以田愈实则兵愈增而先王之意亡矣】○陈君举曰王制正义农夫受田实有九等案大司徒不易一易再易之地惟有三等者大司徒言其网其实不易一易再易各为三等则九等地见异议说【○愚案左氏异议见小司徒九夫为井下林氏说最详】

郑锷曰遂人颁田里土地田百亩莱五十亩以至莱二百亩与此正同然都鄙不易之地无莱者遂地有莱以利上农实遂地以强本也此不论余夫之地者盖都鄙之地小于乡遂造之法止以授田之家计之而已余夫非所当计也【○愚案余说见小司徒】

乃分地职奠地守制地贡而颁职事焉以为地灋而待政令

王昭禹曰凡有职于地者皆地职若三农园圃虞衡薮牧之类凡有守于地者皆地守若山虞掌山林之政令物为之厉而为之守禁【○黄氏曰变职言地守特出之定山泽界域不使与井牧殽杂凡山泽有田其民耕之谓之山泽之农而其地乖离不可井牧定其界域焉】凡有贡于地者皆地贡也若农以耕事贡九谷圃以植事贡草木既分地职奠地守制地贡则分命使各为其所职之事颁者以等级分之也【○王氏曰颁职事典田之官各有所掌黄氏曰职事即下所颁十二职先王常恐其殽乱工飭材贾通财犹本于地之所生学艺世事服事治人者也】地法则地职地守地贡各有度数存焉故谓之地法颁职事以为地法亦所以待上政令之事

黄氏曰自建国而下至此总叙之见授职奠守制贡之为一法也

郑锷曰地职已分地守已定地贡已制则其法立矣乃颁职掌于都鄙之长使之循此以为地法以待王朝之政令○史氏曰政者上为之章程令者下得以奉行孟子曰仁政必自经界始○黄氏曰政令凡师役防同賓客防纪税敛皆是

以荒政十有二聚万民

郑康成曰荒凶年也○郑锷曰金穰水毁木饥火旱或不可逃所恃以无恐者有救荒之政以聚之则虽荒而不流徙矣○史氏曰大司徒裂土以封诸侯度地以授万民宜先于赋敛而首及于荒政聚民之教有以见先王本以防民为主

一曰散利

史氏曰民苟离散则财聚何益记曰财聚则民散财散则民聚此荒政所以先于散利○李氏曰夫家之征则薄之山泽之禁则弛之关之讥则去之所以充一岁之入而为国之经费者今皆以予民则已厚矣而又散利果何从给乎吾是以知其所以为荒政之备者其蓄积有素也【○王昭禹曰若遗人云县都之委积以待凶荒是也】后世常平义仓敛散之法美意出于此

二曰薄征

郑司农曰薄征轻租税也○郑锷曰赋必取盈则民方艰食固无以输不取则国有所须将何以给姑从其薄而已

三曰缓刑

郑锷曰凶荒则犯禁多悯而不刑则犯者益众严以示禁则饥民之犯或出于不得已姑缓之可也【○易氏曰若朝士于邦凶荒则虑刑贬是也】

四曰弛力

郑司农曰弛力息徭役也○王氏详说曰若均人云凶札则无力征是也

五曰舍禁

刘执中曰山泽林麓既不以封于诸侯则设虞衡之禁所以蕃鸟兽毓草木以尽乎万物之性也民既失食则宜开其禁故舍禁之政行焉

六曰去几

王氏详说曰先郑以为关市不讥诚得其说矣然诸儒惑于司关之文有曰国凶札则无关门之征犹几曾不谓门关与市盖异乎司市曰国凶荒札丧则市无征而作布去几者市之去几也门关所以防奸人之出入不几得乎况荒政十有二有可据经为说者有不可据经为说者舍禁之事不见于虞衡杀哀之事不见于宗伯多昏之事不见于媒氏除盗贼之事不见于司寇要之荒政之设为后人设耳

七曰眚礼

郑锷曰掌客云凶荒杀礼则眚礼者损夫吉礼也眚与省同○刘执中曰省祭祀之礼所以节财用厚赈恤也

八曰杀哀

郑康成曰杀哀谓省凶礼○刘执中曰国之哀戚必有重礼以将其诚以斯民之困殍有所不能备则杀哀之政行焉

九曰蕃乐

郑锷曰先儒谓蕃乐者蕃当为藩有闭止之义凶荒则宜止乐而不作大司乐于大札则令弛县其意一也

十曰多昏

刘执中曰昏必用六礼礼以荒而不可备时虽荒而不可失也故多昏之政行焉【○史氏曰古者国有凶荒则杀礼而多昏防男女之无夫家者所以育人民】

十有一曰索鬼神

刘执中曰鬼神虽幽能助陰阳以为水旱札瘥者必索而祭之【○王氏详说曰若司巫云国有大灾则帅巫而造巫恒是也】○史氏曰诗云靡神不举靡爱斯牲圭璧既卒宁莫我闻遇灾而索鬼神所以祈民福也

十有二曰除盗贼

李景齐曰除盗贼必见于荒政者诚以盗贼于凶年为多盗贼不可不除然使赈救拊循之责未尽而遽欲除之则是罔民而已故散利薄征弛禁去几凡所以生养吾民无所不尽其至而彼犹为盗贼之归则不得已而除之故荒政以除盗贼为末○史氏曰传曰牧民如牧羊当去

其败类者凶荒而除盗贼防其啸聚为民害也

总论

吕氏曰荒政十有二其目须当详讲一曰散利二曰薄征此两者荒政之始散利是发公财之已藏者薄征是减民租之未输者已藏者既发之未输者又薄之荒政之大纲既举矣三曰缓刑四曰弛力缓刑谓民迫于饥寒不幸而有过失缓其刑辟以示哀矜之意弛力者平时用民之力岁不过三日今则当用者亦弛之不用所以休息百姓五曰舍禁平时所谓山虞林衡皆有所掌至荒政则彻去藩篱恣民取之六曰去几平时关防皆有几察荒岁必要百物流通使天下商旅出于其市此救荒之要术七曰眚礼此则专理防荒政凡礼文之可省者省之如有弊无牲之类八曰杀哀凡是防纪之节一皆减损所谓不以死伤生专理防荒政九曰藩乐时和岁丰所以与民共乐乐民之乐亦当忧民之忧所以荒岁不乐十曰多昏凶荒之年多是匹夫匹妇不能自保所以杀礼而多昏使男女自相保之义十有一曰索鬼神靡神不举并走羣望之类是也十有二曰除盗贼前面说缓刑此说除盗此便是经权皆举处既与民共忧不幸民有过固可哀矜至于奸人亦有伺变窃发者凶荒之岁民心易动一夫叫唤万夫皆集所以必以除盗贼终之此止乱之道大抵圣人之经盖通万世而可行者其条目皆止于此然周礼之书六官分职合之则有总散之则有所司其关节脉理皆自相应只去大司徒上看未尽若徧考六官则荒政秩序可见且如散利须攷大府天府内府凡掌财赋之官如薄征须攷九职九赋九贡如缓刑须攷司寇士师所掌之刑它莫不然参观徧攷然后可知

以保息六养万民

史氏曰救荒之政医者之攻疗保息之政医者之调养既有以救之又有以养之民不相保而蕃息者未之有也【○易氏曰息有生生不穷之义保其息而使之有所养者圣人也○郑锷曰有以保之使之安而不危有以息之使之生而不伤】○李景齐曰先王之时户口有版生齿有数其切切然计民数之多寡诚以民生或耗必其养民之政有所未备者兹所以保息之道有六盖欲天下无一夫之不 其所以求民生之蕃息也先王盛时户口极多者盖出于此

一曰慈防

郑锷曰保息之道莫先于慈防人方防稚如木初萌偶搔而绝之可以绝其类将以养民宜自防者始王制十四以下不从征役后世之法亦有生子三人则与之母者慈而爱之也

二曰养老

郑康成曰七十养于乡五十异粮之属【○郑锷曰八十九十曰耄百年曰期颐月有所给或行复除乃所以养之】

三曰振穷

郑锷曰鰥寡 独谓之穷民皆有常饩乃所以振之也

四曰恤贫

郑康成曰贫无财业廩贷之○刘执中曰不幸而有凶防祸患陷于贫窶不能自存者则乡间有以恤而贍之不得贫困焉五族为党使之相救五党为州使之相赙此其一端也

五曰寛疾

郑锷曰人有疾者苟迟而俟之使得以调治或有能生之理见其疾也又从而劳役之不少寛假则以小疾而毙者多矣故特以寛为言

六曰安富

郑锷曰富家巨室小民之所依赖资其有余以补其不足苟谓其富厚而赋取无艺富者不安小民亦失所依非国家之福汉武因豪富筭缗钱中人之家大抵皆破而海内萧然盖不知安富之道【○李氏曰大司徒十二教先曰以度教节则民知足谓以法度教之使知尊卑之节则民之所用虽少自可以足也以本俗六安民其六曰同衣服谓民虽有富者衣服不得异皆深衣而已则富者安也自周纲解纽礼乐崩壞商贾大者衣必文绣食必粱肉以其资厚交通王侯以富相轧以利相倾千里游遨冠盖相望乘坚策肥履丝曳縞兼并豪党之徒以武断于乡曲宗室公卿大夫以下争于骄奢室庐舆服僭于上无限度而贪人恣行矣凡风俗之所以薄狱讼之所以繁者民贫故也】

以本俗六安万民

郑康成曰本犹旧也○项氏曰本其俗之所习则民心乃安【○刘执中曰本谓根本也使俗有本安于其生如木之不可防则曰本俗而可以安万民使之恋其里闾虽有灾难不忍舍之而适于他邦】

一曰燾宫室

郑康成曰燾谓约防攻坚风雨攸除各有攸宇○刘执中曰谓野庐及邑居之宫室里正以时预飭修治必使牢密燾而不弊诗云上入执宫功穹窒熏防塞向墐户入此室处燾其邑居也又曰昼尔于茅宵尔索綯亟其乘屋其始播百谷燾其野庐也

二曰族坟墓

郑康成曰族类也○刘执中曰考妣祖先族而葬之萃于一处则子孙之心有所依慕不忍舍之以适他邦故一其志安于里闾也【○郑锷曰太公封于营丘比及五世皆反葬于周是也

○愚案吕氏说见家人】

三曰聯兄弟

郑康成曰联合也【○郑锷曰自一世二世而后分房析族寢以疎遠相视如路人者以兄弟之不联也】○刘执中曰井田之法民受一夫而兄弟众多者必使受田同井则手足相应衣食相资父母相接子孙相亲亦所以安之而使不能去

四曰联师儒

郑康成曰师儒乡里教以道艺者○刘执中曰百家为族则同其族室有儒以教之五族为党则同其党庠有师以范之少小同其师儒长立同其道艺情亲义合亦有以安之而不忍去【○孙氏曰先王之于民隆师儒之教而不具学校之制非故略之也亦有所不必具也周之建国固尝为之学矣然所合者国子弟而已后之作王制者曰国之俊选皆造焉质之周官无明文不知果与乎其间否邪借使得与胄子并进不过已兴于乡者惟州长有所谓州序党正饮酒于序以正齿位不指州而言疑党亦自为序然皆不载制度之详岂非州党之间切磋琢磨之地相防以时相先以礼本无法制之可言即如使后世羣天下之士于学廩之有食然后为教养之盛则浮薄器竞之风已炽于斯时矣奚取乎长育人材之道哉】

五曰联朋友

刘执中曰道合为朋志合为友交相琢磨成其德行则其义益不可忘亦足以安之而不可去也

六曰同衣服

郑康成曰同犹齐也民虽有富者衣服不得异○王昭禹曰古者长民衣服不贰以齐其民而民德归一则同衣服者本俗所以成终始可谓民德之成也【○刘执中曰 桑机织之事非一妇可成同井之家更相为助然后衣服得以同时而成诗曰女执懿筐遵彼微行爰求柔桑八月载绩载 载黄为公子裳则妇女所以联其衣服之道也】

正月之吉始和布教于邦国都鄙乃县教象之法于象魏使万民观教象挟【子协反】日而斂之

李景齐曰此亦 宰垂治象之意夫先以保息养万民次以本俗安万民而后继以垂教象之法盖所施之次第若此未有以养之安之而遽欲教之则无常产固难责其有恒心徒有以养之安之而无以教之则饱食逸居正恐其邻于禽兽耳此庶富教之序○郑康成曰正月之吉周正月朔日也司徒以布五教至正歲又书教法而县焉○史氏曰其曰教象见乃谓之象也○郑锷曰教象之法谓六德六行六艺与夫书攷實兴之法皆国之旧章非每岁更变其旧盖

因岁首示更新之意而已必垂而示之使之熟观洞晓至于十日然后收而藏之仁民之意深矣

乃施教灋于邦国都鄙使之各以教其所治民

郑锷曰或谓已言布教于邦国都鄙又言施教法于邦国都鄙何也盖有教典有教法布以教典使之知所守施以教法使之知所行教法既布都鄙邦国宣化承流之职各推而行之以教其所治之民

令五家为比【毗志反】使之相保五比为闾使之相受四闾为族使之相葬五族为党使之相救五党为州使之相赙【音周】五州为乡使之相賔

郑康成曰此所以劝民使之者皆谓立其长而教令使之○项氏曰人之生有天属焉有人属焉天属则不待教而相亲至于人属无事则相往来有事则相弃背非上之人有以教之不可也是故先王为比为闾则必有以令之相保相受则必有以使之令之则不容于或遗使之则不容于或背○郑康成曰保犹任也○吕氏曰五家为比其居甚近非特同其休戚亦可察其奇袤故使之相保保有二义有保民而王之保有不保其往之保此盖兼言

郑氏曰闾二十五家受者宅舍有故相受 托也【○王昭禹曰二十五家为闾门则居足以相容使之相受】

郑康成曰族是百家○陈君举曰百家之中不幸有死者相与办其葬事不使五家与二十五家供之者以百家然后众轻易举也○吕氏曰族独以四为数欲凑成百人故也○郑康成曰党五百家救救凶灾也○陈君举曰大利害大患难非百家所可御必五百家然后足以相救○郑康成曰州二千五百家赙谓礼物不备相给足也○陈君举曰水旱凶荒欲以相赙又非五百家所能办惟二千五百家则其地必阔必无皆水皆旱之理庶几有无可以相通○郑康成曰乡万二千五百家賔賔客其贤者○郑锷曰三岁賔兴之时彼贤彼能我从而賔之我贤我能彼亦賔乎我故使之相賔○陈君举曰闾胥书其敬敏任恤贤于五比而已族师书其孝悌睦婣有学贤于四闾而已党正书其德行道艺又五百家之贤而已州长攷其德行道艺则又二千五百家之贤而已至于一乡万二千五百家所谓贤者必灼然可用使之相賔

王昭禹曰乡遂之制始于五家之寡而终于万有二千五百家之众居虽异室而从容若一家体虽异腹而和合若一心司徒以安之则相为恺悌焉司马以用之则相为忧患焉○郑锷曰凡此比闾族党州乡之制载于地官盖王国之六乡而在近郊百里之内也平居使之相保相受如此故有事则用而为六师余攷诸侯大国三军次国二军小国一军盖合比闾族党之民以为之而不见其制今观此文乃施教法于邦国都鄙使之各以教其所治民令五家为比五比为闾乃知诸侯之邦亦用王畿六乡之制合为比闾族党也盖上文言施教法于邦国都鄙下文言使之又言令之则所使所令者乃邦国都鄙之君也以是观之诸侯之国六乡之制与王国皆同可知【○图说曰乡遂之制上公之国三乡三遂侯伯之国二乡二遂子男之国一乡一

遂书曰鲁人三郊三遂盖言郊则知遂之在野言遂则知郊之为乡鲁大国也故三郊三遂大宗伯乃颁祀于都家乡邑大司马简稽乡民以用邦国则邦国亦有乡遂明矣】

颁职事十有二于邦国都鄙使以登万民

王昭禹曰颁以九职三事也○王氏曰登言进而成之九职任万民加三事焉所以进而成之也○郑锷曰言用此以进其业也民之常情好逸恶劳自安而不知勉此业所以不能进任以职事使之勉励赴功乃所以登之矣大宰九职用于王畿之内然邦国都鄙不可无任民之职于是设为十有二职以颁之使用是以登进之也【○刘执中曰大宰主治任之以职而已司徒主民不止任之以职又登于籍焉谓能稼穡者则登于三农之籍能树艺者则登于园圃之籍也】

一曰稼穡二曰树艺三曰作材四曰阜蕃五曰飭材六曰通财七曰化材八曰斂材九曰生材十曰学艺十有一曰世事十有二曰服事

郑司农曰稼穡谓三农生九谷也树艺谓园圃毓草木作材谓虞衡作山泽之财阜蕃谓藪牧养蕃鸟兽飭材谓百工飭化八材通财谓商贾阜通货贿化材谓嫔妇化治丝枲斂材谓臣妾聚斂疏材生材谓闲民无常职转移执事【○郑锷曰闲民无常职宜不能生材然而转移执事其材实赖以生焉】学艺谓学道艺世事谓以世事教能则民不失业【○黄氏曰学艺士也夫人皆得学之世事公卿大夫士之胄嗣古者进兴不出此二者】服事谓为公家服事者【○贾氏曰公家服事若府史胥徒庶人在官者】

孙氏曰九职之外加以三焉则以三者与九职之民共之使民心服上之教而保其职业者也学艺民材所由兴世事民志所由定服事军旅田役追胥所由习若夫闾师所任者國中四郊之民因以征斂其材赋所谓九功之货贿也

以乡三物教万民而寘兴之

○愚案三物八刑皆言乡者盖教法始于六乡故也郑康成曰物犹事也○史氏曰无形无名者道也有形有名者物也得之于心为六德行之于身为六行习之于事为六艺是三者有形有名矣故谓之三物○郑康成曰兴犹举也民三事教成乡大夫举其贤者能者以饮酒之礼賓客之既则献其书于王矣李景齐曰成周寘兴万民者不一而足若所谓三物者曰德曰行曰艺是也德不足则取之以行行不足则取之以艺其取之亦广矣未也所谓德行艺者皆析而六之曰智仁圣义忠和曰孝友睦婣任恤曰礼乐射御书数诚恐难以责其材之全则凡于六德六行六艺之中得其一者皆足以自进此天下所以无遗材之恨然则取士之目最广者盖莫详于周而谓其不以科目取士何哉是古非今者类欲屏去后世之科目而复还古人里选之制不知古人所以来天下之才者特以其科目之广耳若夫才必就于其所养而成于其所教此大司徒所以教以三物而后寘兴之欤

一曰六德知仁圣义忠和

郑锷曰成于性者德也德则有知仁圣义忠和之别临事不惑先事而知者知也【○项氏曰知动而明事】自博爱而兼爱者仁也【○郑康成曰爱人以及物】通睿而能化者圣也【○史氏曰以其无不通】能制事变使各得其宜者义也教人以善推诚不欺者忠也【○郑康成曰忠以中心】喜怒中节不为崖异斩绝之行者和也【○郑康成曰不刚不柔】凡此皆成于性而自得者故名之为德

二曰六行孝友睦婣任恤

郑康成曰善于父母为孝善于兄弟为友睦亲于九族婣亲于外亲任信于友道【○郑锷曰能信乎朋友者任也】恤振忧贫者【○郑锷曰能周恤于患难者恤也】

郑锷曰凡此皆见于所行故名之曰行

三曰六艺礼乐射御书数

郑锷曰礼者知揖逊之威仪【○史氏曰五礼所以防其伪】乐者达节奏之高下【○史氏曰六乐所以防其情】射则明五射之法【○史氏曰五射之仪足以观其德】御则熟五御之节【○史氏曰五御之节足以观其知】书则明六书之品【○史氏曰心画见于六书】数则知九数之计【○史氏曰物变见于九数】是皆才之所长故命之为艺说者曰射御书数曰艺可也礼乐之妙与天地同流古之所谓贤圣亦由通于此而已名为一艺用以教人何也通乎天地者礼乐之理也可以教人者礼乐之法也六艺之礼乐如此而已

易氏曰六德蕴于内六行形于外随所寓而见皆可得而指言之惟道隐于六艺之中不可以指言故总而名之曰道艺所谓六德者非曰六乡万民之众皆可以为圣知为仁义为忠和也取其明而不惑者谓之知公而不私者谓之仁通变能化者谓之圣制变得宜者谓之义诚实不欺者谓之忠喜怒中节者谓之和此六德为天下之全德由是推之于六行则自孝而友自友而睦自睦而婣以至任于朋友恤于乡闾而皆得乎亲疎内外远近之序是又此德之所发见也若夫五礼六乐之见于玉帛钟鼓者为六艺之首五射五御之见于弓矢绥防者为六艺之次六书九数之见于文字筹算者为六艺之末是虽艺成而下实有形而上者之道充之以德行则为天下全才之士然先王以全才望天下而不以全才律天下或以德进或以事举或以言扬曲艺皆誓之苟有一善之可名无不抚而纳诸程度绳墨之中

以乡八刑纠万民一曰不孝之刑二曰不睦之刑三曰不婣之刑四曰不弟【音悌】之刑五曰不任之刑六曰不恤之刑七曰造言之刑八曰乱民之刑

郑康成曰纠犹割察也不弟不敬师长【○贾氏曰此不悌即上六行友是也上文言友在睦婣之上专施于兄弟此变言弟退在睦婣之下兼施于师长○郑锷曰兄宜念鞠子哀弟当念

天显然制刑之意终不为卑者而罪其长故六行则教兄以友而制刑则谓之不弟使少者不敢凌长也】

郑锷曰教民之三物曰六德六行六艺纠民则止于六行何邪人之性有厚薄昏明之异则德不可以皆同人之材有能有不能之别则艺不可以皆能夫六行者日可见之行人人所当勉者也苟不修其行则害于其身祸于其家乱人伦而伤圣治王法所不容人类所不齿是之谓戮民也加之以刑可以无愧矣郑康成曰造言讹言惑众乱民乱名改作执左道以乱政也

史氏曰五刑之属三千而罪莫大于不孝故八刑之设以不孝为首而以其余次序之若夫造言乱民之罪既无与于六行大司徒何与哉盖造言而不禁则风波以起众人之疑簧鼓以惑众人之听乱民而不禁则淫侈之行兴浇诈之风炽如是而望教之行不可得也王制曰析言破律乱名改作执左道以乱政杀而孔子数少正卯之罪亦曰行伪而坚言伪而辩学非而博顺非而泽然则造言乱民岂不为害教之大者乎宜大司徒所终禁也有宾兴之礼以劝之于前又有八刑以驱之于后民若何不归君子长者之途哉○项氏曰宾兴则所谓格则承之庸之也继之以八刑所谓否则威之也

以五礼防万民之伪而教之中以六乐防万民之情而教之和

郑司农曰五礼谓吉凶军宾嘉【○郑康成曰礼所以节止民之侈伪使其行得中】六乐谓云门咸池大韶大夏大武【○郑康成曰乐所以荡正民之情思使其心应和】○贾氏曰独申礼乐二事者化民以礼乐为急○项氏曰伪则有所作为中本湛然作则反中矣情常患于流放和贵中节流则非和矣是故以五礼六乐防之礼非能教中也防其伪则中自不失矣乐非能教和也防其情则和自不失矣或谓制其欲以复其性非也礼乐直防之使不作耳非谓情伪已入复从而制之也○郑锷曰惟五礼由中而制所以着诚而去伪故可以防其伪惟六乐由和而作所以涤邪心而全正性故可以防其情情伪已去则反其自然之中和何不可之有礼乐之制虽掌于春官用以教民则在司徒而已

凡万民之不服教而有狱讼者与有地治者听而断之其附于刑者归于士

郑康成曰不服教不厌服于十二教贪冒者也○史氏曰教而不服则有争争而不已则有言于公故曰讼讼而不已则置之狴犴圜扉以折其愤很之气须其自怨自艾以服吾之教故曰狱

郑康成曰有地治者谓乡州及治都鄙者也○贾氏曰将断割之时恐其不审故与治民之官共听而断之【○史氏曰大司徒不专听断必与其属共之不以尊严自居不以贵势自骄周流田野谆谆然教其长老以慈顺教其子弟以孝悌使比闾族党灿然有文欢然有恩恤其疾隐致其忠爱未尝一日不与民接必使王者之教沾濡浹洽无有不服然后已】○黄氏曰司徒教官而预听讼之事未归于士犹冀其可教也○项氏曰司徒听断止于不服教而有争讼者尔前所谓孝友睦婣任恤之类凡与于教者是也不与于教而丽于刑者司徒所不当治皆

归于士宜也说者谓司徒与有地治者断其刑而使士行刑非也

郑康成曰附丽也士司寇士师之属【○郑司农曰士谓主断刑之言春秋传曰士荣为大士或谓归于圜土圜土谓狱也狱城圜】○史氏曰王制凡听五刑之讼必原父子之亲立君臣之义以权之意论轻重之序慎测浅深之量以别之悉其聪明致其忠爱以尽之此非大司徒不能也及夫成狱辞史以狱成告于正正听之正以狱成告于大司寇大司寇听之木之下然后告王而制刑则归之士者岂得已哉○吕氏曰刑与教对立出彼则入此出此则入彼无非左之右之防闲天下使迁于善

祀五帝奉牛牲羞其肆【托歷反】

郑康成曰牛能任载地类也奉犹进也【○郑锷曰或谓祭祀之时大宗伯毛六牲而颁之五官使共奉之牛则奉以司徒何也余以为六牲之奉非惟以尽事神之礼盖使居其官者知其所职之义也牛于五行为土其性顺而易制观千钧之牛三尺之童持尺捶而驱之弭而行略不敢违者以其顺也司徒掌教所以成天下之大顺惟因天下自然之性而教之则大顺成而天下治矣祀享之时使奉牛牲始也奉之而进终焉解体而羞之因其事以明其义使知设教之本意也○史氏曰大司徒为奉牲之长至是不得不奉牛牲也】

郑司农曰羞进也○史氏曰肆者解其牲体而陈之于俎○郑康成曰进所肆解骨体士防礼曰肆解去蹄【○贾氏曰后郑不从先郑者案礼运云腥其俎熟其胾注云腥其俎谓豚解而腥之熟其胾谓体解而燂之祭祀之法先豚解后体解经云奉牛牲谓初牵入时即云羞其肆明先豚解】

享先王亦如之

贾氏曰享先王者谓四时并禘祫也亦如之者亦如祀五帝但禘郊之事先全烝后豚解奉牛牲谓全烝献腥也羞其肆谓体解而进之若宗庙之事则无全烝先豚解次体解奉其牲者腥献也羞其肆者熟献也

大賁客令野脩道委积

郑康成曰令令遣人使为之也少曰委多曰积皆所以给賁客○黄氏曰郑曰令遣人以遣人掌委积也脩道则非遣人之事矣遂师曰賁客巡其道脩庀其委积司徒令遂人遂人令遂师使各于其遂行之遣人掌委积之政守在遂师○郑锷曰大賁大客之来往道路以通往来之途委积以共行李之费使賁至如归亦设教之官脩文德以来遠人之意也

大防帅六乡之众庶属其六引而治其政令

贾氏曰六乡七万五千家唯取一千人致之使为挽枢之役故郑康成云众庶所致役也○郑

司农曰六引谓引防车索也【○郑锷曰六乡内也故属在前之引六遂外也故属在旁之绋因其远近内外理当然也】六乡主六引六遂主六绋【○贾氏曰遂人职云及葬帅而属六绋在棺曰绋行道曰引】○项氏曰引在车所以挽车绋在枢所以弼枢大司徒则检校六引之事故曰治其政令

大军旅大田役以旗致万民而治其徒庶之政令贾氏曰凡军旅田猎所用民徒先起六乡之众○史氏曰军旅所以用众大田所以简众大役所以任众众之所聚政令行焉不有旗表其观视何所趋向哉○郑康成曰旗画熊虎者也征众刻日树旗期民于其下○郑锷曰余攷周家之制熊虎为旗大阅之时师都载之治兵之时军吏载之盖众之所在以威为先也大司徒于大军旅田役则用旗以致万民既以为号令且以示威也官尊势重统而治之彼安得不惟令是从乎

易氏曰大司徒以旗致民致之于比闾族党州乡之联也大司马以旗致民致之于平列陈之际也【○黄氏曰此六乡之众庶用于国中者若起野役则遂人以遂之大旗致若帅诸侯之师则司马以大常致与追胥竭作故言万民也】

若国有大故则致万民于王门令无节者不行于天下郑康成曰大故谓王崩及寇兵○史氏曰致民于王门备不虞也【○郑锷曰变出于非常奸雄或将乘之故致民守于王门王宫固有宿卫之人乡遂之众宜守王门之外】○郑康成曰节六节有节乃得行防奸私也

大荒大札则令邦国移民通财舍禁弛力薄征缓刑郑康成曰大荒大凶年也【○史氏曰水旱虫螟谓之荒】大札大疫病也【○史氏曰天行谓之札】移民避灾就贱其有守不可移者则输之谷春秋定五年夏归粟于蔡是也○刘执中曰凶民可移而丰或不受谷贵可通而贱或闭粜是以移民通财之令出焉○刘氏曰令之急于困穷圣人之大务也

王氏详说曰荒政十二所以聚万民然与令邦国则不同且移民通财政之所无而令邦国之所有也自散利至除盗政之所有而令邦国之所无者天子家天下人中国民吾民也何民之移财吾财也何财之通是移民通财可用于邦国而不可用之于王畿予夺持之于王威福作之于辟礼乐出之于天子邦国何预焉此散利去几眚礼杀哀等事可用之于天子而不可用之于诸侯

岁终则令教官正治而致事正岁令于教官曰各共尔职脩乃事以听王命其有不正则国有常刑

郑锷曰岁终周之季冬今之十月正岁夏之正月今之建寅也岁终令致事所以终时王之事正岁听命则施教自建寅始也

王昭禹曰大司徒所掌者教而已故所令止于教官○郑康成曰教官其属六十正治明处其文书致事上其计簿○史氏曰不曰不共而曰不正者以此知先王之教本以正天下也

周礼订义卷十六

卷十七

钦定四库全书

周礼订义卷十七 宋 王与之 撰

小司徒之职掌建邦之教灋

郑锷曰或谓周之教典建于大宰大司徒则施其教法小司徒地官之贰于教法亦掌建之何也盖设教而无法则教不行有法而不建则法不立教官之长推其法教官之贰掌建其法所以相成焉大宰则建于朝廷之上以示百官小司徒则建于教官之府使其法不废不以建为嫌也

以稽国中及四郊都鄙之夫家九比之数以辨其贵贱老幼废疾及征役之施舍

郑康成曰稽犹攷也○史氏曰国中王畿也四郊畿外也都鄙野外也○易氏曰稽国中及四郊都鄙者举王畿千里言之也不言六乡六遂邦甸者举上下以见其中○史氏曰夫谓其身家谓其居如止知其居则土著之民在尔僦寓转移之民何自知之此夫家所以兼言也【○易氏曰夫谓上地中地下地皆一廛举其凡也家谓上地七人中地六人下地五人则其目也】

愚案比辅也相亲比也

黄氏曰九比夫三为屋屋三为井也三三比之故曰九比小司徒专掌比法盖乡法也非若野法八家皆私百亩其中为公田也故其职又曰及大比六乡四郊之吏攷夫屋以待政令国中六乡也四郊六乡之余邑也六乡四闾之吏司马法闾方百里三万家四闾十二万家六乡为七万五千家其余五万五千家为四郊此亦大约也乡之民杂必比而居之者使各从其类而习其事也邦国都鄙皆本司徒乡法以教其所治民故小司徒以九比之法稽都鄙夫家之数而邦国则受其比要内外之势详略不同○林氏曰九职之民比居之数也

愚案周家比法自五家始故小司徒有九比之数大比之要乡师有国比之法族师有邦比之法

郑康成曰贵谓为卿大夫○黄氏曰贱臣妾也闲民也不登于比闾之籍其贱亦可耻○郑康成曰废疾谓癰病也王昭禹曰贵治贱者也贱事贵者也老者在所养幼者在所慈废疾则不可任事在所宽恤也愚案疏征谓税之役谓徭役昭禹因以施惠谓之施舍政役谓之舍不知粟米谓之征力役亦谓之征征役之施舍只是凡征民力以受役者于贵贱老幼废疾则弛其力而舍之施字依郑注作弛即乡师辨其可任者与其施舍者○郑景望曰施犹加也或加之

或舍之必辨其实所以息幸民之心

与其祭祀饮食丧纪之禁令

贾氏曰祭祀谓州祭社党祭祭族祭酺饮食若行乡饮及族食丧纪谓若四闾为族相葬之等皆有禁令不使失礼法【○史氏曰众之所聚不可无禁与令】

郑景望曰言邦之教法而曰稽国中以下云者则教实行乎其中也贵贱老幼废疾而舍其役则贵贵养老慈幼寛疾之意足以示民矣祭祀饮食丧纪皆有禁令则养生丧死之节逾礼越制之诛足以范民矣陈君举曰小司徒既掌建邦之教法矣自此以下不闻设教之意大抵皆是校登民数整顿军赋何也先王之世寓兵于农养男以礼以井邑丘甸易部伍之名以搜田狝狩更战阵之习教之之意正在于是晋文公入教其民出定襄王以示义伐原以示信大搜以示礼故城濮之役少长有礼其可用也卫灵公问陈孔子答以俎豆诸葛孔明出入行阵间文中子以为可兴礼乐殆是意欤若将教民之事作清谈看了最害事

乃颁比灋于六乡之大夫使各登其乡之众寡六畜车辇辨其物以岁时入其数以施政教行徵令

王昭禹曰颁比法者颁校比之度数也【○杨谨仲曰即五家为比使之相保以至于相赙相救者】卿大夫以岁时登其夫家之众寡其校比则有法矣其比法则自司徒而颁之乡大夫则受其法于小司徒而用之王氏曰登者上其籍也【○郑氏曰登成也成犹定也】○郑康成曰众寡民之多少○贾氏曰车谓革车及大车辇人挽行○郑康成曰物家中之财【○贾氏曰谓辨其家中财物多少】○史氏曰物虽民之物缓急有用当辨其可用与否○易氏曰六畜以备公家之用车辇以待师田之役亦且登之以籍而辨其可用之物入其数则众寡六畜车辇皆有一定之数○贾氏曰以岁之四时小司徒而施政教徵索于民及所施政令皆据民物等数而行之○易氏曰施政教则据其数而举饮射之类行徵令则据其数而起师田之类【○黄氏曰徵令贡赋之征令政教必观其丰约而为之隆杀征令必稽其有无而为之寛急故入其众寡六畜车辇之数而后施行之】

王氏曰凡民数有数之者闾胥以时数其众寡是也有稽之者乡师以时稽其夫家众寡是也数之则以所属之人寡稽之则以其所属之人众有校而登之者族师以时属民而校登其夫家众寡是也有登而不校者乡大夫以岁时登其夫家众寡是也登之而不校则其登之也因族师之所校而已○孙氏曰先王之登民数有讲其安养之实者有明其爱敬之义者讲安养之实则利见于当时明爱敬之义则法传之万世司徒之登民所以讲安养之实司寇之登氏所以明爱敬之义自司徒颁九比之法使各以时而登之又从而校之故计口而田度力而役鰥寡 独废疾者有所养贵者贤者能者服公事者知所舍地足以容其民民足以治其地此所谓讲安养之实也然司徒登其民而不献其数司寇献其数而不掌其藏盖司寇治刑之官举生齿之数悉登而献之王拜而受之则知民之重其可轻杀乎天府祖庙之司受民数之登与玉镇大宝器并藏之则知国本所繫其可轻视乎君臣上下通知爱敬尔民爱敬之义明于

上则安养之实达于下常相表里

及三年则大比大比则受邦国之比要

郑氏曰大比谓使天下更简阅民数及其财物也【○郑司农曰五家为比故以比为名今时八月案比是也】○刘执中曰三年则大比谓简去其老疾不任役者补其阙落不成伍者○郑司农曰要谓其簿○黄氏曰邦国羣吏大比县师攷之小司农受其要而已治之略也末言大比六乡四郊之吏平教治正政事攷夫屋及其众寡六畜兵器则详治之比法不施于六遂郑曰亦受乡遂非也比要在司徒为民籍简稽在司马为军籍○郑锷曰言邦国者指天下诸侯之国以别六乡之所入也六乡内也故入其数邦国外也故受其要受其要者民已分于诸侯则不责其详欤

乃防万民之卒伍而用之五人为伍五伍为两四两为卒五卒为旅五旅为师五师为军

易氏曰防聚也小司徒以军制聚万民自五两以至军师咸在焉独言防万民之卒伍者先王之军制调兵必五数出兵必百数不五数不足以调兵故积数起于五人之伍不百数不足以出兵故积数起于百人之卒以百人之卒成一小阵五百人之旅成一中阵二千五百人之师成一大阵万二千五百人之军成五大阵

郑氏曰用谓使民事之○贾氏曰小司徒佐大司徒掌六乡六军之士出自六乡故须预配卒伍用之者即军旅田役是也

郑康成曰五两卒旅师军皆众之名两二十五人卒百人旅五百人师二千五百人军万二千五百人此皆先王因农事而定军令者也○郑锷曰五家之比即五人之伍五比之间即五伍之两四闾之族即四两之卒五族之党即五卒之旅五党之州即五旅之师五州之乡即五师之军也万二千五百人为乡合之以为一军王之六军出于六乡举一军之制则六军之制皆可得而知

杨氏曰先王之制民居则为比闾族党州乡故比卦众在内一阳在上为之主君象也出则为伍两卒旅师军故师卦众在外一阳在下为之主将帅之象也○陈君举曰军旅之法立于伍成于卒五夫数也五人为伍则手足耳目以相及不待徽帜可以别识不待旌旗可以指挥五伍为两则以人为伍以卒为旅以旅为师以师为军则手足耳目不相及而徽帜旌旗用焉故以四两为卒纵横皆两参两什伍之法定于此其为军赋因此而已○郑锷曰说者谓五人为伍则左右前后四人而一人居其中五伍则二十五人矣两两相比则谓之两二十五人纵横皆五何以谓之两耶盖自二十五人而四之以为卒则横纵皆两矣唯卒之横纵皆两也其法起于五人之伍故以两名之○朱氏曰出军之制五人为伍五伍为两四两为卒到第三便着一个四成一百人若又是五则成百二十五人便有奇零不整齐处

陈君举曰小司徒防万民之卒伍而用之士不特选皆吾民也将不改置皆吾吏也有事致之

行阵无事归之田里无招收之扰无廩给之费故曰先王足兵而未尝有兵也李景齐曰天子曰万乘诸侯曰千乘天子六军大国不过三军此定制也然尝攷司徒卒伍之制而约之以司马法不能无疑司马法曰兵车一乘甲士三人步卒七十二人是则一乘者七十五人之所容也约而计之兵车一乘则三两之数【五伍为两则二十五人三两则七十五人】四乘则三卒之数【四两为卒则百人三卒则三百人也】百乘则三师之所合【五旅为师则二千五百人三师则七千五百人】五百乘则三军之所合【三万七千五百人】积而至于千乘则六军聚焉【七万五千人】是则六军之数适足以容千乘以天子之六军言之则不足于万乘以诸侯之千乘言之则不应有六军是何也大抵悉天子之畿内以为军则足以容万乘而所谓六军者特寓于六乡乃天子宿卫之兵尔其余六遂都鄙之兵盖不与焉悉诸侯之国以为军则大国有千乘而所谓不过三军者仅止于五百乘耳非其不足于千乘也亦可以天子宿卫之兵数约之此周人居重驭轻之法唐人府卫君子谓其得乡遂之遗者盖出此

以起军旅以作田役以比追胥以令贡赋

郑锷曰军制已定则有征伐之时起之以为军旅四时之间作之使趋田役有盗之际比之使作追胥闲暇之时令之使出贡赋无不可也○刘氏曰贡赋制军须也○黄氏曰乡之军制寓于比闾族党州乡故防其卒伍而为伍两卒旅军盖常自为六军也用之于起军旅作田役比追胥令贡赋皆乡法也军旅曰起部伍素定由是而起也田役曰作田竭作车少人多役随事多少车不出皆临时作之田虽为六军盖不止七万五千人矣追胥亦竭作当时比之不使临事纷错也野皆不如此不防卒伍大抵乡车人不相须其用在人而或竭作故防之于卒伍野车人相得其用在车无竭作之事故合之于五乘此其所以不同也六军为车千乘以司马法三百家共一车约之七万五千家止得车二百五十乘不能充其赋也大抵六乡皆守兵防同征伐其出甚少故六军备其人而已车马之赋不尽出于民则以公车充之校人有马牛人有牛皆以共公车乡赋闾师征之○郑锷曰遂人言贡赋师田政役与此先后不同何也盖小司徒防六乡之万民以为卒伍军法起于乡故先言以起军旅而后及于贡赋遂人治邦之野以供财用财用出于野为多故先言颁职作事以令贡赋而后及于师田政役也然防卒伍以为军法宜属之大司马而小司徒掌之何也盖事不预备不可以应卒司马主于用兵苟非司徒教之有素合之有法司马一旦欲合而用之不可得矣

乃均土地以稽其人民而周知其数上地家七人可任也者家三人中地家六人可任也者二家五人下地家五人可任也者家二人

郑康成曰均平也周犹徧也○贾氏曰均上地下地等使得均平故曰均土地既给土地则据土地计考其人民可任不可任之事而周徧知其人数○郑锷曰上文于歲时入数大比受要之后而言乃防万民之卒伍则民数既定然后军法可制也军法既成乃言均土地以稽其人民而周知其数何耶盖防万民之卒伍者所以起军旅也此言可任之人数者所以作田役也将作田役必先知其可任之人将以知其可任之人必先稽其受地之等家有七人者必授以上地观其所受者上地则知其可任者一家可出三人矣家有六人者必授以中地观其所受者中地则知其可任者二家可出五人矣家有五人者必授以下地观其所受者下地则知其

可任者一家可出二人矣盖因其受地之优劣足以知其力之有余不足也说者谓受田有九等之法此以七五六为三等者盖因中以明上下之义【○贾氏曰案王制上农夫食九人其次食八人次食七人次食六人次食五人彼言五等此言七五六三等其人不同故郑云有夫有妇乃成家自二人至十人为九等二人三人四人是下地三等五人六人七人是中地三等八人九人十人是上地三等此经唯言七六五者据中地三等则知有上地中地下地三等】余以为此言六乡受地之法学礼者见遂人颁田里自上地夫一防田百亩至余夫亦如之乃谓六乡受田之法与六遂同特因中以明上下之义殊不知经之所载自王畿之乡遂都鄙至于诸侯之邦国凡授田之法自有四节大司徒言不易之地家百亩一易之地家二百亩再易之地家三百亩此一节也小司徒言上地家七人可任也者家三人中地家六人可任也者二家五人下地家五人可任也者家二人此又一节也遂人言上地夫一防田百亩莱五十亩余夫亦如之中地夫一防田百亩莱百亩余夫亦如之下地夫一防田百亩莱二百亩余夫亦如之此又一节也大司马言上地食者三之二其民可用者家三人中地食者半其民可用者二家五人下地食者三之一其民可用者家二人此又一节也即是四节攷之大司徒言都鄙之制小司徒言六乡之制遂人言六遂之制大司马言诸侯国之制何以明之司徒言凡造都鄙而继以不易一易再易之地其为都鄙之制明矣小司徒言上地中地下地之制不与遂同又不与都鄙大司马同非六乡田制而何何则上地当食十人九人八人中地当食七人六人下地当食五人此固常法也六乡在内不及十人九人但家有七人则授以上地家有六人则授以中地家有五人则授以下地所以然者将以强内故也若六遂所授则不可与乡同故别言之曰上地夫一防田百亩中地夫一防田百亩下地夫一防田百亩见其如常法而已然又有莱五十亩莱百亩莱二百亩不与乡同则以遂地远而瘠授之莱乃所以饶远而已又以爵位攷之乡大夫爵与遂大夫同乡师爵与遂师同小司徒爵与遂人同遂人掌授遂田则小司徒掌授乡田矣遂人言六遂之制则小司徒所言为六乡授田之制何疑之有若夫外造都鄙则大司徒事故都鄙之田于大司徒言之施政职于九畿之外而令其军赋则大司马事故邦国之田于大司马言之以是观之谓因中以明上下之义者妄说也

吕氏曰司马法曰六尺为步步百为亩亩百为夫夫三为屋屋三为井井十为通通为匹马三十家士一人徒二人以小司徒参之司徒之可任者如此其多司马法之出土徒数如彼其少古人用兵皆为不胜计以虑败也故不尽用之虽败尚可扶持故小司徒只言其可任者非实数也自此以后调者皆用实数幸而一胜不幸而一败则皆不可救矣晋作州兵乃是尽数调甚非先王之制他如鲁成作丘甲曹操案户籍得三十万众苏秦以齐王临淄之中七万户不下户三男子而卒以二十一万而曹操谓崔琰曰昨案户籍可得三十万众故为大州是皆以实数调惟诸葛孔明仅有此意一蜀之大其兵多不过十二万孔明所用八万常留四万以为更代蜀之所以强者以孔明不尽用之及蜀之亡尚有十万二千数年之间所折者不过二万耳

凡起徒役毋过家一人以其余为羨唯田与追胥竭作郑司农曰羨饶也○王氏曰可任者或家三人二家五人家二人而起徒役无过家一人盖用徒役不必一时皆徧计所役从近取劳佚均而已不于一役家起二人所以宽民也○王昭禹曰以其余为羨则所用者正卒而已然正卒又有可代者为之备此民所以有余力而不困于役也○郑司农曰田谓猎也追追寇贼

也

陈及之曰竭作郑氏谓尽行非也【○程氏曰竭作如唯为社事单出里唯为社田国人毕作单毕皆尽互言之也】田猎所以教民习兵事则不可不皆教之及其当田也今日 某甲明日 某甸亦不一时俱起所以休民力而互教也至其追胥则不案籍起人其家丁男皆可行矣故曰竭作若曰尽行不胜其扰也○王氏曰唯田与追胥竭作则猎取禽兽与众同欲逐向盗贼与众同恶所役近且不久故也

李景齐曰因地之上中下以处其民因民数之多寡以任其力此周家均民之良法以司徒之制约之三农八家四十有八而可任止于二十人者以一家之中老幼常居七分之四少壮常居五分之贰也平居而耕有故而战者皆其家之少壮也曰平居而耕可也有故而战而少壮者悉任之则无乃妨农事乎无乃阙于仰事俯育乎盖家之可任者虽或二人或三人而凡起役徒无过家一人则农桑之不费仰事俯育之无所挠者以其有羨卒不之征也若夫田猎以习战追胥以捕盗贼则竭作何也盖田与追胥其暂耳则不妨于尽征也虽然司徒之制率三农八家其可任者二十人而又有羨卒之法此其用民力至宽也以一井八家而任二十人则甸六十四井为夫一千二百八十八人矣司马法则曰甸出甲士三人步卒七十二人司徒通籍民数如彼其众而征于司马不能十之一若曰凡起徒役毋过家一人则以甸计之一井八家则六十四井为家五百一十有二宜士徒滋多也而仅止于七十五人民尽可以为兵而不尽以为兵也不特是耳司马法又曰井十为通通十为成成方百里三百家士十人徒二十人此百里之成自甸之外又加三十六井宜其所任者益多而今特三十人又何耶籍民以为兵者甚备而至于征调则不过此耳然则民之可伍者不悉以为兵而 之以为兵者比征调则又益损焉先王之休民力如此

凡用众庶则掌其政教与其戒禁听其辞讼施其赏罚易氏曰用众庶者正之以政导之以教则无殃民之失飭之以戒止之以禁则无视成之暴如是不服而有辞讼则为之听其词讼用命者有功而不共命者有过又为之施其赏罚焉

郑锜曰平居无事族师掌其戒令政事党正掌其政令教治州长掌其教治政令之法乡大夫掌其政教禁令乡师掌其教与其戒令纠禁非不素明而熟晓矣及起众庶而用之小司徒又掌其政教与其戒禁何耶能以政教训治之者未必能制驭之能以戒禁制驭未必能训治之惟位尊爵高者合政教与戒禁而兼掌之则民服而且畏之矣

诛共犯命者

郑康成曰命所以誓告之○贾氏曰谓若大司马羣吏听誓于陈前司徒北面以誓之

凡国之大事致民大故致余子

郑氏曰大事戎事大故灾寇○郑司农曰当徵召防聚百姓则小司徒召聚之余子谓羨也○

郑锷曰经文言大事又言大故者不一以理推之大事乃国之常事特于常事为大耳若夫大故则事起于意外患生于不测其所以处之宜出于常理之外是故周人设为致民之法又别为致余子之法民则一家受田之夫也余子则家之羨卒也常事之大如田役之类家起一人足矣故止致其平时授田之夫至于变故之大家出一人不足以御之故致其余为羨之卒也徒役言起追胥言作此则以致为言余以为自邦法言之则宜曰起曰作自司徒言之则曰致致之为言使自致也司徒立大旗于此使之趋令自至盖均土地稽人民之法既已素定当供公家之役者则闻令自至非一一号召之大小司徒俱以致为言可见矣

乃经土地而井牧其田野

黄氏曰此治野之法乃者继之辞乡法备又着野法焉必着野法者贡赋当自司徒出师役则相因矣康成曰造都鄙采地井田异于乡遂其说最乖误野纯农夫故为公田九一之法以出租税为丘乘四一之法以治车马○郑锷曰经野则分其田野而井牧之可耕之地则为井田之制可畜之地则为牧养之区左传所谓井衍沃牧隰臯各相其地所宜而已愚案方里而井井九百亩公田处其中而私田包乎外是之谓井其田野也上地授莱视田半下地授莱视田倍比中地田莱之相等是之谓牧其田野也

【王氏详说曰受地之法大率三夫受六夫之地上地百亩不易中地百亩一易则为二百亩下地百亩再易则为三百亩通率计之是三夫受六夫之地二牧而当一井○黄氏曰牧居高崖下隰不井今所在犹有繫官牧地郑曰九夫为牧二牧而当一井非也】

九夫为井四井为邑四邑为丘四丘为甸四甸为县四县为都

郑锷曰井地之法始于一夫之受田百亩积而至于九夫则地方一里凡三百步为田九百亩是为一井【○黄氏曰孟子所谓八家皆私百亩其中为公田是也○王氏曰九夫为井则九夫之地所饮同井故也】积四井三十六夫之田纵横皆二井则地方二里为田三千六百亩是为一邑【○王氏曰民以里居四井同邑故也○黄氏曰邑合也言民之合于此也】积四邑一百四十四夫之田则地方四里为田一万四千四百亩是为一丘【○王氏曰民以族葬四邑同丘故也○黄氏曰丘聚也言民之聚于此也】积四丘五百七十六夫之田则地方八里为田五万七千六十亩是为一甸田至于甸方八里旁加一里乃得方十里斯为一成甸又谓之乘言车乘之法至是始成【○王氏曰田包于洫名之曰甸○黄氏曰丘乘之制成于此汉志甸六十四井出长毂一乘是也】田至于一成则四成积为四百井四百井三千六百夫则方二十里矣于是为县【○王氏曰未成为都故取名于大夫所治县也○陈及之曰一甸之中以五百十有二家為準而籍于公上者七十五人必七十五人者为一乘之人也至于田税则一以井计之○李景齐曰成公作丘甲春秋讥之者蓋甲当赋于一甸而鲁于一丘为之则军赋极重耳】至于四县则方四十里矣于是为都田至于都方八十里旁加十里乃得方百里斯为一同【○王氏曰未成为国故取名于公卿王子弟所治都也】

愚案郑氏以甸方八里旁加一里则方十里为一成积百井九百夫其中六十四井五百七十

六夫出田税三十六井三百三十四夫治洫四都方八十里旁加十里乃得百里为一同积万井九万夫其中四千九十六井三万六千八百六十四夫出田税二千三百四井一万七百三十六夫治洫三千六百井三万二千四百夫治浍【○黄氏曰见遂人凡治野】虽横渠亦从其说殊不知小司徒四井为邑至四县为都皆以四数言之言田之实数司马法自井十为通至终十为同皆以十数言之兼山川城池而言小司徒四丘为甸即司马法通十为成甸六十四井而成百井者其三十六井为山川城郭也小司徒四都之地即司马法一同之地四都方八十里止六千四百井而同乃万井者其三千六百井为山川城郭大约小司徒之法比司马法皆是三分之二实地郑氏旁加之说其算法则是但不必谓旁加之人专治沟洫陈君举亦曰沟洫之事岁岁有之而军赋不常有若专以某人治沟洫某人出军赋则不均矣至以周制畿内用夏之贡法税夫无公田邦国用商之助法公田不税王氏详说复为之说曰畿内用贡法者以乡遂及公邑之吏旦夕从事于民耳邦国用助法者诸侯专一国之政恐其税民无艺耳都鄙虽在畿内然实诸侯此所以用助法郑伯嫌疑此岂有天子之国自税民田而令诸侯但为公田而不税哉又谓周之畿内以及天下诸侯一用贡法税夫无公田也公田商礼也文王为商诸侯其田犹依商礼至武王得天下周公摄政遂变之此皆泥于康成采地制井田异于乡遂及公邑之说至黄文叔以此为遂法谓六乡之民职业不同而其授地或多或寡或不授地参差不齐故不为井田之法必使备六军而人徒车辇不相须故不为丘乘之法大约乡教士野教农郑言井法备于甸而止于都者食采地者皆四之一盖以此为都鄙井田之制其说转乖司马法成三百家一车七十五人而调一人也小司徒四甸为县为四车四车亦三百人而调一车一车七十五人亦四而调一也故丘甸县都皆自四而登至都止者十六车而调四车自足为行列故丘乘之法备于此野法皆四而调一乡三百家出一车十马见司马法野七十五家出一车四马十二牛见汉志轻重不同乡役多野役少乡授田多野授田少大抵先王之制常优内殊不知井田之法通行于天下安有内外之异孟子曰乡田同井则乡未尝不以井授也特乡之地近内多沃壤可耕而放牧者少则有井而无牧至于野外之地不无嫩恶肥饶之差岂必如指掌之平碁局之画惟有井有牧比折而行方是井田活法故小司徒之经田野必兼井牧而言而井牧之法于遂言之为加详并以九起数邑以四成之则制地之数可于是通行矣若夫县都之名偶同于公卿采地之名亦非以此为采地薛氏之说分明

薛氏曰自九夫之井以至四县之都特多寡之异名耳丘甸则用之乡遂及公邑县都则用之于采地夫乡遂公邑非无县都也有县都之制而民之受地者特一夫之田与夫宅田士田贾田公邑之类未至于县都也此所以用者止于井邑丘甸而已采地之所受亦非无井邑丘甸也井邑丘甸固在县都之中惟卿大夫之所受者或四十里或八十里此所以画为县都之制也

总论井田

愚案周家井田之法惟小司徒见之谓八家皆私百亩同种公田百亩此孟子之说也谓八家各耕百十亩以十亩为公田余二十亩为庐舍此汉志之说也今因录诸家之说于后

王氏曰田亩有类于井而公田之中又凿井焉故谓之井田一井之田九百亩八家八百亩公

田居中亦百亩除二十亩八家分之得二亩半以为庐舍合在城之地二亩半孟子所谓五亩之宅是也公田八十亩八家耕之是为助法庐舍居中贵人也私田环列于公田之外盖卫王之意八家私百亩至于兴兵之际乃八阵图之法○陈及之曰一井九夫八家共之各受私田百亩公田十亩是为八百八十亩余二十亩以为庐舍所谓什一而税通王畿之内至天下诸侯皆然孟子曰周人百亩而彻又曰诗云雨我公田遂及我私由此观之虽周亦助也张横渠曰百亩而彻是透彻之彻透彻而耕则功力相驱无一得惰者及已收获则计亩数袞分之以袞分之数取什一之数而归诸公是亦一说要之公家但取什一之税看民如何耕耳或一家耕百十亩亦可或一家合耕八十亩亦可而征敛税必视年之丰耗故司稼云巡野观稼以年之上下出敛法

愚案此主汉志说为是

图说曰汉志引孟子说失其防由是何休注公羊范 解谷梁赵岐注孟子宋均说乐纬以为然理不可通何则言井九百亩中为公田则百亩共为公田不得家取十亩言八家皆私百亩则百亩皆属于公何得复以二十亩为庐舍言同养公田则八家共理公田何得家分十亩自治若家取十亩自治安得谓之同养若二亩半为庐舍则家别二亩半亦入私矣何得八家皆私百亩

愚案此谓汉志之说非

林氏曰井方一里是谓九夫古者制井之法有以地里名方里为井是也有以田夫名九夫为井是也以地里名者所以正地界以田夫名者所以定征赋周时皆用井田凡田皆用彻法孟子曰乡田同井则是乡皆用井哀公问年饥用不足有若告以盍彻是邦国亦用彻法周礼一书皆通率而言所谓互见者以班固之言攷孟子九夫为井全无亏欠后世为图亦以纵横成列不知九夫为井除山川林麓三分去一则是六百亩又有一易再易之地三分去一则一井地止三百亩若如孟子班固所计则是一井之田皆平地其说皆不通盖周公之井地特以通率备言之案左氏异议说山林之地九夫为度九度当一井藪泽之地九夫为陂八陂当一井京陵之地九夫为辨七辨当一井淳卤之地九夫为表六表当一井疆潦之地九夫为藪五藪当一井偃猪之地九夫为规四规当一井原防之地九夫为町三町当一井隰臯之地九夫为牧二牧当一井衍沃之地九夫为井左传楚蔦掩书土田度山林陂泽辨京陵表淳卤数疆潦规偃猪町原防牧隰臯井衍沃今日井九百亩非必皆平土皆上地也因地之所寓而为之计度可以知井田之说且知夫天下通行之理若据图言井九百亩亦徒见其不同耳礼运说大道既隐而曰以立田里是三王之初已有井甸田里之法信南山序成王能疆理天下以奉禹功而其诗曰信彼南山维禹甸之论语说禹尽力乎沟洫与匠人井间有沟同臯陶谟畎浍距川与匠人井间有浍专达于川同观孟子曰夏后氏五十而贡商人七十而助周人百亩而彻其实皆什一以贡彻皆天下之什一若非丘甸之法何以能行什一之法故井田之法始于唐虞以至夏商稍稍葺治大备于周

愚案此说却贯通

以任地事而令贡赋凡税敛之事

郑锷曰井邑丘甸县都之制已立乃以之授民而任以地事令之出贡赋与夫凡税敛之事俾皆供上之求盖治地有法则民可得而任民任其事则上可得而取○黄氏曰乡野皆以军法令贡赋贡赋皆有定制不容有不供者故以军法令之野有税敛杂征薪刍疏材之属乡无之委人可攷贡赋税敛民食必参相得而后其令可行郑曰地事农牧虞衡地贡九谷山泽之材亦非此自九夫立法则皆为农事藪牧虞衡视农为别农定法而后藪牧虞衡皆可立也

乃分地域而辨其守施其职而平其政

黄氏曰域界也井邑丘甸县都各有界域○郑康成曰守谓虞衡之属【○王昭禹曰山虞掌山林之政令物为之厉为之守禁泽虞掌国泽之政令为之厉禁使其地之人守其财物所以辨山林川泽之守】职谓九职【○王昭禹曰先王制职以任民若三农园圃虞衡之属皆因地以有职】政税也【○王昭禹曰三农则使之贡九谷园圃则使之贡草木虞衡则使之贡山泽之物所以平地职之政】○郑锷曰分其地域则曰邑曰丘有邑丘之限曰县曰都有县都之殊因其所至而辨其守则不敢以相逾盖井邑之制在是一乱其守则井地坏矣施其九职则农圃之民有农圃之职工商之民有工商之职施其所职而平其政赋则各适于其宜盖征赋本出于此一失其平则怨怒生矣康成谓政当作征是也○易氏曰六乡六遂公邑都鄙之地域皆有山林川泽丘陵坟衍原隰之地守既分其域必奠其守然后施之以职王畿如此邦国亦然如是皆以贡赋税敛令之则远近轻重各得其均故曰平其政

凡小祭祀奉牛牲羞其肆

黄氏曰大司徒祀五帝奉牛牲羞其肆享先王亦如之外此大司徒不奉不羞皆小司徒为之谓之小祭祀自与大司徒相对为大小大宰祀五帝赞玉币爵之事祀大神示享先王亦如之小宰凡祭祀赞玉币爵之事大宗伯祀大神享大鬼祭大示卜日视涤濯涖玉鬯省牲饔奉玉盥诏大号小宗伯小祭祀掌事如大宗伯之礼皆可具攷此皆有精意郑以王 冕所祭为小祭祀非也

小宾客令野脩道委积

郑氏曰小宾客诸侯之使臣

大军旅帅其众庶

郑锷曰大军旅则大司徒以旗致民小司徒帅其众庶以趋大司徒之所致

小军旅巡役治其政令

黄氏曰役卒役也小雅曰劳还役○贾氏曰小军旅谓使臣征伐大军旅天子亲行小功役之事小司徒巡行若大功役则大司徒巡行之○郑锷曰小军旅之时人徒虽寡然战危事也安得无筑军垒修城堑之役宜有政令以齐一之小司徒巡行其役而治其政令则人畏威而趋事无敢慢矣○黄氏曰六乡不与于司马之征 有王命起之则小司徒帅而致之司徒司马调 郊军则其吏帅之小司徒巡察之而治其政令○王氏详说曰小司徒于大军旅帅众庶而不言治政令于小军旅言治政令而不言帅众庶是众庶之事小司徒可帅而致于大司徒而不可得而治也政令之事小司徒可用于小军旅而不可用于大军旅也

大丧帅邦役治其政教

郑康成曰丧役正棺引 复土○史氏曰兴土工以为因山之役

黄氏曰对遂人为野役治其政教爱敬行焉

凡建邦国立其社稷正其畿疆之封

贾氏曰诸侯亦有三社三稷谓国社侯社胜社皆有稷配之言立其社稷谓以文书法度与之不可国国身往○郑锷曰大司徒设其社稷之壇制其畿疆之封矣小司徒又立之正之盖地官掌贰权重位尊诸侯受土以置社或为之设壇或为之立祠分土以建国或为之制封或为之正封则权在朝廷而诸侯不敢以自擅矣

凡民讼以地比正之

贾氏曰民有争讼是非难辨故以地之比邻知其是非者共正断之【○史氏曰地比者相亲相保之法可以情义断也○易氏曰即大宰八成比居之法】

地讼以图正之

郑氏曰地讼争疆界者○史氏曰图者道里疆界之形○贾氏曰凡量地以制邑初封之时即有地图在官府于后民有讼者则以本图正之【○易氏曰即太宰八成版图之法】

歲终则攷其属官之治成而诛赏

郑康成曰治成治事之计○刘执中曰施其政典政令禁戒而不躬行刑罚者大司徒宜然也是以属官之诛赏小司徒得以专之

黄氏曰歲终则攷其属官之治成自乡郊至都鄙有地治者皆为属官地治详悉事亦多细小故小司徒攷其日成得自行诛赏月要歲防则致之 宰治成盖冢宰所施之八法也

令羣吏正要防而致事

贾氏曰羣吏谓当职六十官【○王昭禹曰凡言吏皆指贱者自士以下皆是不特府史胥徒之属】上经治成据日小成之计此言要防谓月计岁计总为簿书而致其事之功状以待攷也○易氏曰小司徒致事致之于大司徒大司徒致事致之于 宰

正岁则帅其属而观教象之灋徇以木铎曰不用灋者国有常刑令羣吏宪禁令脩灋纠职以待邦治

王昭禹曰禁令将使民避行之宜表揭之使知故宪之脩法则使各脩其所守之法防亏废也纠职则使各纠其所治之人防缓散也

及大比六乡四郊之吏平教治正政事攷夫屋及其众寡六畜兵器以待政令

贾氏曰大比亦三年大校比户口六乡四郊之吏谓比长闾胥以上布列在四郊者○王昭禹曰言六乡而兼四郊乃六乡之闲田县师所治之地○林氏曰教治者所主在教若十二教之属【○项氏曰平其所掌之教治○刘执中曰平章其教治之优劣】政治者所主在政若土地之政之属【○项氏曰正其所行之政事○刘执中曰论正其政事之得失】○王氏曰攷夫屋攷其受田之夫居里之屋亟其乘屋令其及时乘之以正治其怠惰宜矣【○郑康成曰夫三为屋屋三为井出地贡者三三相任○刘执中曰稽攷其夫屋之赢不足也○黄氏曰六乡余民居于四郊之内专以处工商薮牧之属故敬仲治齐有士乡有工商之乡放于先王为之攷夫屋其无公田可知】○王氏曰攷其众寡六畜兵器则亦以知登耗有无以待征役施舍诛赏之政令【○贾氏曰以待国家政令所须则供之也○项氏曰政令即大比有所钩考也】

周礼订义卷十七

卷十八

<经部,礼类,周礼之属,周礼订义

钦定四库全书

周礼订义卷十八 宋 王与之 撰

乡师之职各掌其所治乡之教而听其治

王昭禹曰乡师教官之长也所以教其属故谓之师○易氏曰乡师下大夫四人则二人共主三乡故曰各掌其所治乡之教

郑康成曰听谓平察之○刘执中曰六乡大夫既专其乡之治矣此又听其治者大事非乡大夫之可断者乡师受而听其治大司徒审而听其断【○贾氏曰自乡大夫以下至伍长各自听断其民今乡师又听其治者恐乡官有滥失】

以国比之灋以时稽其夫家众寡辨其老幼贵贱废疾马牛之物辨其可任者与其施舍者掌其戒令纠禁听其狱讼

郑锷曰小司徒有九比之法以稽夫家之数谓之比法乡师用法则谓之国比之法言其法乃国之法而非乡师之所制也【○林氏曰即大司徒五家为比之法】○项氏曰小司徒先贵贱乡师先老幼盖朝廷莫如爵乡党莫如齿可任为军所谓可任者家三人之类戒之使谨令之使行纠之使不肆禁之使勿为○易氏曰稽其夫家众寡谓其可任者辨其老幼贵贱废疾谓其可施舍者牛以力而载马以力而驾不能无老壮强弱之异亦有可任可施舍者乡师皆从而辨之【○王氏曰小司徒使登六畜辨其物而乡师止辨马牛之物者以帅田役为事则所须马牛而已】先之以戒令次之以纠禁终之以听狱讼是固听其治而非所以为教然逆折其萌于未争未有过之始乃所以为治乡之教也○史氏曰凡政皆视小司徒但主一乡之事耳

大役则帅民徒而至治其政令既役则受州里之役要以攷司空之辟以逆其役事

王昭禹曰大役任众力役之大者若城郭沟渠之役○史氏曰未役为民既役为徒○郑康成曰至至作部曲也○王昭禹曰州里州所里也五党为州民所居曰里而所役之民出于州里役要役数之要书欲知役数之多寡【○郑氏曰所遣民徒之数】○项氏曰司空掌役州里出役即州里所遣役之本数以攷司空治役之章程【○郑氏曰辟功作章程○郑司农曰辟法也】则役事可得而钩考矣○吕氏曰司空营国职在兴功司徒治役职在登民苟司徒不攷兴功之小大而防其民则民必有告病者故乡师专攷司空之辟繇诗乃召司空乃召司徒

俾立室家亦此意也○黄氏曰凡役皆司马征发唯六乡之民则司徒自致故既役则乡师受州里比要而以攷司空之辟以逆其役事要与法参互之其事可逆而知其余则司马受要而攷之者察其事之不攻坚也

凡邦事令作秩叙

王昭禹曰凡有所兴治皆谓之事言邦事则非乡里之自兴治者也秩则制其常赐之多寡叙则差其事治之先后作秩叙者乡吏也乡师令之而已【○黄氏曰周礼凡兵政皆司马政典凡役事皆司空事典秩叙廩食等次也凡以事役民夫为秩宫伯日月终则均秩歳终则均叙郑曰秩禄廩叙才等至乡师令作秩叙则曰事之常次非也功力常次在司空之辟非乡师所当作也】○郑锷曰谓之作则因所役之事始作之量功大小为之报称而已

大祭祀羞牛牲共茅菹

贾氏曰大司徒奉牛牲此羞牛牲佐大司徒也○王昭禹曰言羞不言奉赞其羞不赞其奉也

郑锷曰茅可用以缩酒【○郑康成曰菹土虞礼所谓苴刈茅长五寸束之者是也祝设于凡东席上命佐食取黍稷祭于苴三取肤祭祭如初此所以承祭既祭盖束而去之守祧职云既祭藏其隋是与】亦可用以借【○郑氏曰菹读为借谓祭前借也易曰借用白茅无咎】甸师言祭祀共萧茅矣乡师又共茅菹司巫则共菹馆盖甸师共以缩酒乡师所共以为借何以知其然观甸师言共萧茅萧以祭脂茅以缩酒皆求神之所须也共于王借所以见其诚此言茅菹菹借也借祭器之所用则多矣故共于六乡所以致其备司巫则以其多也又为馆以藏之○项氏曰缩酒以达气故天官主之束菹以借形故地官主之

大军旅防同正治其徒役与其輦輶戮其犯命者王昭禹曰大军旅防同固有稍人作其同徒輦輶帅而以至乡师则正治之而已○贾氏曰正治其徒役者六军之外别有民徒使役皆出于乡○郑锷曰不有以正之则所出者或非其夫家众寡之正数不有以治之则所聚者或违乎会同军旅之戒禁此乡师平日掌戒令纠禁之职也

郑康成曰輦驾马輦人挽行所以载任器也止以为蕃营司马法曰夏后氏谓輦曰余车殷曰胡奴车周曰輶輦輦一斧一斤一凿一耜【○贾氏曰耜者或解以为插或解以为锹】一锄周輦加二版二筑又曰夏后氏二十人而輦殷十八人而輦周十五人而輦

易氏曰戮则不特诛之而已小司徒之用众庶遂人之起野役皆有犯命之诛而乡师四时之田与此言戮者军旅防同事大体重以肃众志也

大丧用役则帅其民而至遂治之

郑康成曰治谓监督其事

及葬执纛以与匠师御匱【音旧】而治役

郑司农曰翻羽葆幢也尔雅纛翳也以指麾挽柩之役正其行列进退

郑康成曰匠师事官之属其于司空若乡师之于司徒乡师主役匠师主众匠共主葬引杂记曰升正柩诸侯执紼五百人四绋皆衔枚司马执铎左八人右八人匠人执翻以御柩天子六引礼依此云

贾氏曰柩在路恐其倾覆故与匠师御正其柩治役亦谓监督役人

及窆执斧以涖匠师

郑司农曰窆谓葬下棺也春秋传曰日中而殯礼记所谓封者涖谓临视也○郑康成曰匠师主丰碑之事执斧涖之使戒其事

贾氏曰檀弓云公室视丰碑郑注天子斲大木为之丰大也天子六纆四碑前后各一碑各重鹿卢两畔各一碑皆单鹿卢天子千人分置于六绋其棺当于圻上皆背碑负引击鼓以为纵舍之节匠师主当之王氏曰葬而治役正其挽匱之行列故执纛以为仪已窆而涖匠师则以防匱之倾亏使戒飭焉故执斧以为威

凡四时之田前期出田灋于州里简其鼓铎旗物兵器脩其卒伍

黄氏曰四时田法详在大司马郑言人徒及所当有盖一端也○郑锴曰先王四时之田因农隙讲事以教民坐作进退之节然田亩之民三时务农安知讲武之备鼓铎旗物久而或弊伍两卒伍久而或废一旦集之于田安能无失事之愆田法虽掌于司马而预以告民则在乡师故于未田之前出以示民使之简其已弊者而去之脩其或废者而新之则鼓铎旗物无不可用之物伍两卒伍无有或阙之人观唐明皇初元幸新丰讲武骊山之下召兵二十万旗连亘五十余里以军容不整坐郭元振于纛下将斩之谓其有功不杀以唐绍制军旅不肃而斩之未尝不痛绍之无辜而恨明皇之不审也夫以即位之初号令未明纪律未定一旦合二十余万不教之兵而阅之遽怒兵容不肃而斩其官此何理也

王昭禹曰鼓铎以声众旗物以麾众兵器以胜敌简则阅而选之也军旅之法立于伍成于卒脩则习而治之也简之则其器械有所完脩之则其行列有所正田虽以猎取禽兽而实以教战则简而脩之皆军法之所寓也

及期以司徒之大旗致众庶而陈之以旗物辨乡邑而治其政令刑禁巡其前后之屯而戮其犯命者断其争禽之讼

黄氏曰乡师致众庶各致其乡之民也将田先阅于其乡而以司徒之旗致之使知有所统也

○易氏曰大旗郑氏以为熊虎之旗据司常所言司徒卿也卿当建旛必建旗者盖九旗之为用有所将者有所画无所将者无所画通帛为旛则无所画熊虎为旗则有所画司徒虽卿其于师田则为军吏而有所将矣所以建熊虎之旗而谓之大旗下文辨乡邑之旗非司徒之旗也乡即六乡邑即公邑之属乡邑既聚则旗之相类者众矣众则揉杂而未易辨故于大旗之外各辨以乡邑之名或乡邑各为之名司常所谓州里各象其名是也○黄氏曰郑以陈之以旗物句絶当以致众庶而陈之句絶陈列之也陈列之故有先后之屯○郑康成曰辨别异也○王氏详说曰旗物之辨有三曰名曰号曰事司马曰帅以门名县鄙各以其名家以号名乡以州名野以邑名百官各象其事是以三者分而为六司常曰官府各象其事州里各象其名家各象其号是以六者约而为三夫帅军将也县鄙六遂也家采地也乡六乡也野公邑也百官以职事从于王者也司马之田六者毕至然则乡师于司徒之田而以旗物辨乡邑乡则六乡矣而六遂无预焉邑则公邑矣而采地无预焉岂非乡师之职不出于六乡与○郑康成曰前后屯车徒异部也【○黄氏曰即大司马所谓前后有屯百步有司巡其前后者也】

贾氏曰田猎得大兽公之小兽私之有争禽之讼乡师断之

郑锷曰及当田之日用司徒大旗以致民于司徒既至则列而陈之虑其乡邑难辨则用旗物以别之虑其犯命不率则治其政令刑禁以防之虑其车徒或乱则巡其前后之屯以视之有敢犯命者必又戮以戒惧之及已田得禽或争所获则为之断其是非曲直始焉戒之有素使民无仓卒失事之罪终焉治之有法使民无纷纭争鬪之祸其法如此非惟民熟于坐作进退之节而有事于军为司马者亦无失律之愆矣

凡四时之征令有常者以木铎徇于市朝

郑康成曰征令有常者谓田狩及正月命脩封疆二月命雷且发声○郑锷曰周家春夏秋冬有搜苗猕狩之事皆征令乡遂之民而又有公旬用民之日有属民读法之日皆四时之常事臣民习知而素晓者也不烦号令之劳但振木铎以徇之使闻其所警而自知可谓上素信于其下民习知于其政可以无为而治○王氏曰市朝众所聚之地使皆闻而知之也

以歳时巡国及野而赈万民之囿【古艰字】阨以王命施惠郑康成曰歳时者随其事之时不必四时艰阨饥乏也○郑司农曰赈读为周急之周○黄氏曰施惠即遗人乡里之委积以恤囿阨乡法本教其民相救相赈而上之德意当先之故歳时使乡师赈其囿阨以上命施惠野自甸以往非乡师所治欲使民皆识此意教法大抵皆自乡推行之【○易氏曰巡国及野包六乡之内言也】郑锷曰此施惠与司救同必使之称王命以施布者明其恩出于天子也盖民之感恩常在于囿阨之时君之得民常本于赈贷之惠田氏执齐之政有意得民赋粟之际以私量贷而以公量收之故齐民知有田氏而不知有公齐卒为田氏所有为天下国家者诘可使恩出于臣下邪然则以王命施惠言于乡师又于司徒言之圣人之意微矣

歳终则攷六乡之治以诏废置

郑锷曰非特乡师考六乡以诏废置而已司谏县师皆言以诏废置者司谏以时书德行道艺辨其能而可任于国事者以考乡里之治以诏废置则所攷者人才之贤否也县师三年大比则以攷羣吏而以诏废置则所攷者夫家之众寡也乡师以攷六乡之治以诏废置其语同而意异然诏上以行升黜则一而已

正歲稽其乡器比共吉凶二服间共祭器族共丧器党共射器州共宾器乡共吉凶礼乐之器

郑锷曰先王之世宫室车舆以为居衣裳冕弁以为服尊爵俎豆以为器金石丝竹以为乐非特用之朝廷又用之闾里民日从事于其间耳闻而目见之所以知礼乐之意而成粹美之俗窃疑闾里之间何从有是器而用之及攷乡师然后知六乡之民俱合众财以为之人众则财用足财用足则器用备故观其所聚之众寡各因其财力使制其器比五家耳财适足以制吉凶吊祭之二服故比集财为之而一比共用焉器则未能备也间二十五家财适足以制簠簋鼎俎之器故间集财以为之而一间共用焉族之百家财适足以制夷槃枲轴之器故族集财以为之而一族共用焉【○郑康成曰三者民所以相共也】至于射器则定其位有物课其功有算诏之有旌节之有鼓有弓有矢有侯有布用财多故合五百家之财而为之宾器则六十者三豆七十者四豆八十者五豆九十者六豆有爵有鬯有笙有瑟其用尤多故合二千五百家之财而为之然后共用也【○郑康成曰为乡大夫或时宾贤能于此州】吉凶礼乐之器即间族党州所共者是已【○王昭禹曰吉器非必祭器凡饮食冠昏之属皆是凶器非必丧器凡干戈戚扬之属皆是礼乐之器非必宾射之器凡有其其于礼乐者皆是吉凶礼乐之器众矣故集一乡之财为之然后足以供也】然止于一间一族一党一州之用非可以用于乡也乡大夫或有一乡吉凶礼乐之事不可取诸间族州党宜合一乡之财为之不惟可足乡官之用比间族党州有故而服器不备则乡又为之移用以相补则事无自而废礼行而教成矣乡师稽其器焉虑其财不足而器不备礼乐之事废而不讲故也然必于正歲者岂非以春秋之祭酺祭禘防民而射于序索鬼神而饮酒之类皆用夏人之正故与后世礼乐之器缙绅大夫尚无能知而况欲民知之而成俗哉○王氏详说曰乡器有出于民者有出于公者比之吉凶二服间之祭器族之丧器此出于民者也党之射器州之宾器乡之吉凶礼乐之器此出于公者也何以知其然邪曰以酒正之文约之而知之也盖酒正有公酒之文夫乡之乡饮酒州党之乡射皆得用公酒自族而下则春秋祭酺但自为酒以相酬酢耳夫所饮之酒出于公则所用之器亦出于公家之所为也所饮之酒出于私则所用之器亦出于私家之所为也岂非公事之小者私家之所易为公事之大者私家之所难办今王昭禹以乡器皆集民财而为之则是射也宾也吉凶礼乐也皆为行礼以教吾民而反取吾民乎又非周公行礼之本心也郑氏谓比间族党之所谓吉凶二服与夫祭祀丧器亦出于比间族党之所罚而为之案载师宅不毛者有里布田不耕者出屋粟里布屋粟不输之于公而复用之于民亦仁政矣此族师间胥皆以掌其罚为言者此也

若国大比则攷教察辞稽器展事以诏诛赏

王昭禹曰六乡之吏各主教其所属之民或书其敬敏任恤或书其孝悌睦婣有学者或书其德行道艺或攷其德行道艺而劝之若此之属无非教矣然教之不明也常起于辞之不正辞

苟不正则言伪而辨顺非而泽饰智以惊愚讹言以惑众将至于不可御矣【○易氏曰贤能出于乡教之成也然有行僻而坚学非而博者于此攷之则贤能见矣贤能称于乡辞之公也然有言伪而辨顺非而泽者于此察之则贤能审矣】○贾氏曰稽器谓考乡中礼乐兵器等【○王昭禹曰吉凶宾军凡备物致用者○王氏曰稽其足否与良窳】郑康成曰展犹整具也【○贾氏曰展事谓行事展省视之知其善恶○王昭禹曰凡施于名物者无非事也】

郑锷曰攷教则察其辞稽器则展其事设教而辞不逆理制器而事不废常是遵守法职而可赏者也教法颁于上而为非圣人之言器用制于乡而有不举之礼是违法旷职而可诛者也故以诏上而行诛赏则黜陟幽明又不特诏废置而已

乡老二乡则公一人乡大夫每乡卿一人

陈及之曰六乡之地郑氏谓在四郊中然秋官乡士掌六乡狱而云掌国中以此知不独在四郊亦有在国中者所以置六乡者以天子六军七万五千人出于六乡之中每家出一人以为定员供徒役之事故曰凡起役毋过家一人○王氏曰乡老公也尊之于乡宪其言行不累以事故称老乡老于司徒之官非属而无职○易氏曰天下达尊三乡老兼焉故在朝称公在乡称老不列以职故上与天子坐而不为偪下与百姓相亲而不为防惟道所在方其在乡称老则三年大比乃与乡大夫帅其吏与其众寡而行宾兴贤能之礼则三公北面而州长百姓得与其列建外朝之位则三公面三槐而州长众庶亦在其后盖州长即乡大夫以下也百姓众庶即前日宾兴所帅之众寡也道之所在下亲乎民上亲乎君超众职之表而能宰制众职者乎【○礼库曰周官之书三公无职与王而论道盖公议所自出至于命乡论士乡老以三公之贵而进退其间又公议之所由定至于陈诗纳言通工商士农之谤大抵不过下酌民言以扶持公论于上耳】○黄氏曰乡大夫犹有职掌乡老惟大比兴贤能献书于王则与焉所谓师也父兄也六乡三公为之师书曰周公师保万民举其实也○郑氏曰王置六乡则公有三人也三公者内与王论道中参六官之事外与六乡之教其要为民是以属之乡○陈君举曰古者羲和分守四岳朝有大议必咨焉佥言师锡于是乎取则寰内亦 所掌夏书六卿出将盖乡一卿也周制三公统六卿各治其一以倡九牧故周公毕公以太师保厘东郊而召公以太保率西方诸侯盖二伯兼乡老者方叔泄中乡之师则卿为乡大夫者与春秋传宋右师令乡而司徒令隧管仲率齐士乡十五公与高国各率其五虽损益非古而列国 卿亦董乡事所以中外相维而治出于一【○周氏曰或谓乡老是三公退朝谢事者立朝则进退百官退闲亦搜举贤能】陈君举曰乡大夫卿也谓之大夫卿知进止之义大夫以智帅人者也进止所以事人帅人所以临下列职于朝名之曰卿正其位也分治六乡名之曰大夫非卑之也盖掌乡之政教禁令非以智帅人不可乡大夫之职所以异于他官者以此

薛平仲曰先王内诸夏而外夷狄内京师而外诸夏而六乡实置于国城之中以及于郊焉所以使天下之知所乡方于此也所以风化之必自近者始故乡之名所以立则其设官也容可得而易哉是以六官之建未闻三公之列于官也而于乡则见之未闻六卿为之属者而于乡则见之以公卿之尊不嫌于下行六乡之事则教化之务顾不重与虽然先王以三公为乡老所以重教事而不以三公任其职者则道德之尊无非所以为教先王以六卿而为乡大夫所

以严教事而必以六卿聯其职者则自治而至于礼刑政事皆其所以为教

陈君举曰乡遂官吏皆土居人也其大官如卿则朝臣兼之以下大夫命士之属分防在各处且乡遂之人势不可兼者则各置焉

刘执中曰王都之外百里之内为地四同而画为六乡专其德行道艺之职则三公也六卿也中大夫三十人也下大夫百五十人也上士七百五十人也中士三千人也下士万五千人也是上下相维礼义之俗成于六乡而化天下之本立矣○薛平仲曰今见于乡者下士且万有八千八百六人焉则推而上之至于大夫禄廩稍饩将若何以共之乎六官之属莫不各有府史胥徒今见于乡者曾无一之具此焉则文书调度将何所责之不知乡大夫于三年之大比所以使民兴贤而使之出长使民兴能而使之入治则六乡之大夫士大抵皆取诸此【攷說见遂大夫】夫彼皆受田于六乡者也则禄廩稍饩果何烦于上哉自乡大夫受教法而颁之于乡吏凡羣吏之周旋于乡以行教事大抵皆身亲之况夫乡师居于教官之府而乡吏之治惟其所令则府史胥徒其列之于彼者亦悉矣而文书调度又何烦于其下哉

乡大夫之职各掌其乡之政教禁令

郑司农曰万二千五百家为乡○王氏详说曰案六卿有正有贰有老皆以职称如 宰之职小宰之职宰夫之职是已其他官属则不以职称今乡大夫非正非贰非老而以职称何邪盖六卿之正六命也曰贰与老四命也惟乡大夫六人皆六命以掌六乡之事虽为地官之属其爵位实与六卿之正同况其上有乡老又八命之公也每乡公二人六乡则三公矣三公无职事而职事预于六乡若乡大夫不以职称而同于六乡之属则周公设官分职而尊卑小大之序紊矣

又曰乡大夫云政教禁令州长云教治政令党正云政令教治族师云戒令政事闾胥云闾之征令比长云比之治六乡之官尊卑不同故周公命官之意其轻重皆一字间也且地官掌邦教大司徒之职又不止于邦教而且及其土地之图人民之数至于小司徒则掌建邦之教法矣乡师则各掌其所治之教而聽其治矣若乃六乡之吏闾胥比长则于政教之事有所不足称也初不过掌闾之政令与比之治而已乡大夫州长则详于教党正族师则详于政此政教之所以异也【○吕氏曰乡大夫各掌其乡之政教禁令州长各掌其州之教治政令党正各掌其政令教治古者政教非二事也】禁令为上政令次之戒令又次之征令为下比长则于令又有所不足称也

正月之吉受教灋于司徒退而颁之于其乡吏使各以教其所治

贾氏曰教法若大司徒十二教以下其法皆受于司徒已受得教法遂分与州长以下至比长使各教其所治○王昭禹曰六乡之吏所受之教法出于乡大夫乡大夫所受之教法出于司徒司徒所受之教法出于天子上下相承所由者一道所识者一德风俗乌得不同

以攷其德行察其道艺

林氏曰德行六德六行道艺六艺○王氏曰攷攷知其实伪察察见其精麤○王昭禹曰攷则案书而攷之察则审视之察详于攷

以歲时登其夫家之众寡辨其可任者國中自七尺以及六十野自六尺以及六十有五皆征之

郑康成曰登成也定也【○刘氏曰昔未上籍今则籍之谓之登以其初成丁也】○王昭禹曰族师职卑所统者寡故使之校其数然后登上其籍乡大夫职尊所统者众故登其籍不校其数小司徒颁比法于六乡之大夫使各登其乡之众寡则使登其籍于大司徒也辨其可任者辨其力强而可任以事者也【○陈及之曰所谓任者著名于六军籍也】○郑康成曰國中城郭中也【○黄氏曰國中张横渠谓自郊门以内通为國中孟子曰臣闻郊關之内野自甸以往大抵政令皆自乡出推行于甸稍县都故乡官多兼野法掌之】

黄氏曰征不言歲而言七尺六尺者歲虽登而身不及则为疾所谓瘠短侏儒者也则舍之國中晚征而早舍为其近而役多野则早征而晚舍以其遠而役少【○张氏曰國中以免者多役者少故晚征而早蠲之贵者贤者能者服公事者老者疾者多居國中故免者多】○王氏曰征之者以其材舍之者以其齿【○王昭禹曰其材七尺六尺征之则以其材之强壮故可征其齿六卜六十有五以上则以其气体之衰所不征也】○郑锷曰征者谓任其力以给繇役也【○贾氏曰所征税者谓筑作挽引道渠之役】

陈及之曰六乡之民虽有定员至其征之执役贵者以下皆免非是六等则皆征之以此见六乡七万五千家特立此为国家武备耳或者见乡中有师田行役之說遂谓军役一切调发非矣

愚案古者兵法与役法不同兵法自外及内如有兵事先遣邦国不得已及遂又不得已及乡若役法先内及外此先王均内外轻重之意

其舍者國中贵者贤者能者服公事者老者疾者皆舍郑司农曰舍者谓有复除舍不收役事也○刘氏曰贵者自命士以上贤者能者俊造学士○郑司农曰服公事者谓若今吏有复除【○陈及之曰谓执技事上者】疾者谓若今废不可事者复之○郑锷曰王制谓升于司徒者不征于乡升于学者不征于司徒则贤能宜舍八十者一子不从政九十者其家不从政五十不从力政六十不与服戎则老者宜舍自汉以来宗室及關内侯皆复则贵者舍征之法也八十九十皆复羨卒则老者舍征之法也

以歲时入其书

郑康成曰入其书者言于大司徒○郑锷曰繇役至劳民之事有征之者有舍之者不有书以

备稽考则吏或以私意为奸役使必有不均之叹矣小司徒以比法颁之六乡使登众寡六畜车辇所比者数也故以岁时入其数乡大夫所舍所征者则为书以登载之故以岁时入其书

三年则大比攷其德行道艺而兴贤者能者

刘执中曰大比谓比而求其德行道艺○郑康成曰贤有德行者能有道艺者变举言兴谓合众而尊宠之○王氏详説曰周家作成人材之法何其详且悉耶五家之比比有长初未有可书之事不过防其奇衰而已五比之间则书其敬敏任恤是于六行之中可书者二四闾之族则书其孝悌睦婣是于六行之中可书者四其于德行道艺有所未备矣五族之党书其德行道艺然书之而未能攷之五党之州又从而攷之攷之而未能宾兴之五州之乡于是而宾兴之以见其人材之成也

乡老及乡大夫帅其吏与其众寡以礼礼宾之

王昭禹曰周官无三公之职以坐而论道异乎作而行之此所以惟乡大夫兴贤能而三公与之矣盖务引其君以当道者大人所以事君也乐得天下英材而教育之者大人所以治民者也吏谓乡官众寡谓乡民【○郑氏曰众寡谓乡人之善者无多寡也】乡官与民皆在明非出于上之私意所谓使民兴贤能也○郑氏曰以乡饮酒之礼礼而宾之

郑司农曰宾敬也敬所举贤者能者【○郑锷曰行乡饮之礼而所举之人特见宾异主人拜迎之于庠门之外而坐之于西北方尊严之地则其荣宠可谓极矣】

厥明乡老及乡大夫羣吏献贤能之书于王王再拜受之登于天府内史贰之

郑康成曰厥其也其宾兴之明日也○王氏详说曰乡举里选之法在三代已不同夏商进士之制自乡而升之司徒自司徒而升之学自学而升之司马【曰进士始为有官君子】皆以逡推而以身至于天子畿内成周宾兴之法初不过宾之于乡而用之于乡耳是未尝逡推也又不过献其书耳是其身未尝至于天子之畿内也○郑康成曰献进也○郑锷曰再拜之礼亦以表先王尊贤重道之意

郑康成曰王上其书于天府天府掌祖庙之宝藏者○贾氏曰贤能之书亦是宝物故藏于天府

郑康成曰内史副写其书者当诏王爵禄之时【○朱氏曰内史掌册命诸侯羣臣于贤能之书内史贰之谓副本也古者封建诸侯内史读册命之非特命诸侯亦以命在廷询其可否】

吕氏曰周礼以乡三物教万民而宾兴之只看宾之一字当时盖甚尊士试攷前一段本度末数精详具举固不必説只看他宾兴之三年大比献贤能之书于王王再拜受之登于天府内史贰之如此其重及至后世如棘围如糊名若防寇盗然为士者须深思其故何古如此重后

世如此轻当深究之三代时士惟进德脩业上之人自求之故如此重又须看当时上之于士待之甚重而攷之则甚详后世乃士求上之爵禄故上之人待之甚轻攷之又略且如王制论乡秀士升于司徒曰选士司徒又论其士之秀者而升之学曰俊士然后方免其繇役大乐正又论造士之秀者升诸司马曰进士这里方可以受爵禄司马政官也以其可使从政凡经四级然后始可从政然犹未也司马又辨论官材论其贤者以告于王而定其论论定然后官之任官然后爵之位定然后禄之一人之身未入仕之前凡经四级已入仕之后凡经三级经七级然后得禄其攷之之详如此成周时见得官爵皆天位天禄不敢轻授后世与之甚遽全以文字高下为进退盖有一日之长决取终身之富贵此后之所以异于古也

退而以乡射之礼五物询众庶一曰和二曰容三曰主皮四曰和容五曰兴舞

贾氏曰谓献贤能之书于王退来乡内○郑康成曰以用也行乡射之礼而以五物询于众民当射之时民必观焉因询之也孔子射于矍相之圃盖观者如堵墙射至于司马使子路执弓矢出誓射者又使公防之裘序 觶而语询众庶之仪若是乎○郑司农曰询谋也问于众庶以宁复有贤能者

黄氏曰和内志正也容外体直也主皮中也复曰和容中不骄不中不慑也兴舞其节比于乐也○薛氏曰五物皆以射为主则和容之类乃乡射之五物也射以观人之德而和为德之末射以别人之行而容为行之末射不主皮而主皮为射之末射之节欲比于礼而和容为礼之末射之文欲比于乐而兴舞为乐之末皆六艺之中射之一艺也○易氏曰射以观德古者诸侯贡士于天子天子试之于射宫大射犹然则乡射为可知今以其礼推之凡射之仪天子与诸侯卿大夫尊卑虽异而皆发乘矢乘矢四矢也皆有乐以为之节射义所谓何以射何以听是已盖天子驹虞九节则四节以射五节以听诸侯貍首七节则四节以射三节以听卿大夫士采苹采蘩五节则四节以射一节以听方其未射其听审矣内志正而其节比于乐是之谓和外体直而其容比于礼是之谓容及其射也持弓矢审固而以中鹄为主鹄以皮为之是之谓主皮乘矢皆循声而发发而不失正鹄礼乐交作而前之和容备焉是之谓和容及其已射皆有舞以为发扬蹈厉之举是之谓兴舞且射之物有五而其节有三曰和曰容见于未射之时曰主皮曰和容见于射侯之际曰兴舞特见于既射之后此射之序以此推乡射其礼可攷矣

此谓使民兴贤出使长之使民兴能入使治之

郑康成曰言是乃所谓使民自举贤者因出之而使之长民教以德行道艺于外使民自举能者因入之而使之治民之贡赋田役之事于内言为政以顺民为本也古今未有遗民而可为治【○贾氏曰贤者德大故遣出外或为都鄙之主或诸侯皆可也以其有德行道艺故还使教民以德行道艺能者德小不可以为大夫诸侯等故还入乡中量德大小以为比长邻长已上之官治民之贡赋田役】○易氏曰贤者在位则服休足以长民居于本所则分势不足以相临故出于其乡以长之所以任其教也能者在职则服采足以治乎民居于他所则事情必至于不相谮故入于其乡以治之所以任其事成周宾兴贤能出于乡不过宾之于乡而亦用

之于乡此正所谓出使长之入使治之者也【○礼库曰此意甚好大抵一乡利病风俗善恶惟一乡知之今一乡之中有可推者因民兴之而因以治民必能兴利除害与民周旋于比闾族党之间可谓公天下之心自后世乡举里选之法壞如天下之官吏悉总于吏部至吏部而受任者其为人贤不肖何自知之】

歲终则令六乡之吏皆防政致事正歲令羣吏攷灋于司徒以退各宪之于其所治之国

郑康成曰防计也致事言其歲尽文书○易氏曰政其要也事其详也

愚案防政致事各有等级比长则致于闾胥闾胥则致于族师族师则致于党正党正则致于州长州长则致于乡大夫乡大夫又致于司徒六遂邻长以上亦如之

郑锷曰歲终则羣吏防其所行之政而来致其事者将以攷之而上于长貳故使之先自审也【○史氏曰赞小司徒也】正歲令羣吏攷法于司徒【○史氏曰稟令而行也】退而宪于其所治者【○史氏曰宪之于治羣吏又于乡大夫而取法也】以我所颁者或有可疑又使之自往而验之致事于歲终上奉时王之政也攷法于正歲不失四时之正也○项氏曰必攷之者欲教无异法法无异义

大询于众庶则各帅其乡之众寡而致于朝

郑康成曰大询者询国危询国迁询立君○郑司农曰洪范所谓谋及庶民○王氏曰帅其乡之众寡则乡官咸在焉若州长则所帅众若闾胥则所帅寡○贾氏曰国有大事必顺于民心故与众庶询谋则六乡大夫各帅其众寡而致于朝谓外朝三槐九棘之所○易氏曰众庶超出乎利害之外而深察乎是非之理况渐陶乎司徒之教为有素其询之也宜矣若小司寇外朝之位而州长百姓亦得与其后百姓即六乡所帅之众庶

国有大故则令民各守其闾以待政令

贾氏曰大故谓灾变寇戎之事警急须人故乡大夫令州长已下使民各守其闾【○郑康成曰使民皆聚于闾胥所治处○吕氏曰各守其闾则不扰乱】

以旌节辅令则达之

黄氏曰征发虽有号令无节不达守法之严如此乡大夫专行攷察行艺以兴贤能而令民守闾之事参焉乡大夫皆卿也是为军将○郑锷曰令出于口或得以伪为旌节则有合符之验大司徒所谓令无节者不行于天下则使天下皆不得通乡大夫所不达者特乡闾之间而已

周礼订义卷十八

卷十九

钦定四库全书

周礼订义卷十九 宋 王与之 撰

州长每州中大夫一人

郑司农曰二千五百家为州【○郑锷曰书言唐虞之时弼成五服至于五千外薄四海咸建五长而王制言千里之外设方伯五国以为属属有长则长之为尊可知周官之制一乡而五州一州二千五百家之众用中大夫一人之为之长如五国之长然盖以一州之人而已众有事情而起则为二千五百人之帅不得不重其权任以统治之】

各掌其州之教治政令之灋

贾氏曰教谓十二教治政令之法谓十二教之外所施政令皆治之○史氏曰州长非独使之相矚有教焉所以笃父子睦兄弟钦长上之道详矣又有治政令之法所以齐不齐正不正驱其不帅教者也

正月之吉各属其州之民而读灋以攷其德行道艺而劝之以纠其过恶而戒之

郑氏曰属犹合也聚也因聚众而劝戒之者欲其善也○郑锷曰有邦法有教法党正言正月属民读邦法此但言读法观下文言正岁则读教法如初则知所读者为教法【○愚案余说见党正】

李景齐曰古者人才之盛虽得之乡举里选之公亦其所以长养成就之者自有道也盖以五家之比已有下士一人之为之长而有以禁其奇衰之心至于教法之所示则闾胥于聚众庶之时族师于每月之吉党正以孟月之吉州长以正月之吉皆属民而读法无非导民之知所从而使之不戾吾教所以渐摩诱掖之者详且至矣犹未也人才不以渐而进则真贤硕能何以责备于一旦卒然宾兴之日故自比长有以禁其奇衰之心而敬敏任恤则闾胥书之孝悌睦婣有学则族师书之德行道艺则党正书之夫所书至于党正则是才之已成矣犹恐其或滥也州长又有以攷其德行道艺而劝之纠其过恶而戒之夫然后乡大夫于三年大比而宾兴之则其贤书之献悉有以公天下先王之于人才其教之不苟而进之有渐如此后世取人类薄其所以长养成就之者而一旦旁求博取务得真才亦疎矣

若以岁时祭祀州社则属其民而读灋亦如之

贾氏曰上云岁时皆谓岁之四时此云岁时惟春秋二时耳春祭社以祈膏雨望五谷丰熟秋

祭社以百谷丰稔所以报功故云祭祀州社【○郑锷曰周制春祈于社秋报于社孟冬割祠于公社则岁时不一祭也此云岁时祭社则不一时矣王安石以为岁时者则岁一属而已殆未之攷耶】

王昭禹曰因祭社民之所聚而读法亦无所劳其民矣亦如之亦并攷其德行道艺而劝之纠其过恶而戒之○林氏曰读法有因于时者若正月之吉之一时之所在易为知有因于事者若祭祀之事之所聚易为力

春秋以礼防民而射于州序

郑锷曰先王教民之法未有不因时以论其意射之为艺用于朝覲宾燕之时其事为文用于田猎攻守之时其事为武故以春秋教之春阳用事所以明其事之为文秋陰用事又以明其事之为武因时而教其艺易进因以明义○王昭禹曰古者男子生以桑弧蓬矢六射天地四方示其有四方之志先王之为射礼因以习武事焉因以绎志而观德行焉故必内志正外体直持弓矢审固定而后发则无不中矣春秋以礼防民而射于州序凡以观德行而已序者州之学也孟子曰序者射也盖射以序进且以别其贤否也【○易氏曰序皆乡学之名五百家之党以礼而属饮者既谓之序二千五百家之州以礼而防射者又谓之序万二千五百家之乡既有乡射之名则其学安得不谓之序耶不以序言举州党以见之】王氏详说曰四代学名见于王制见于孟子见于学记何其不一学者不可不辨王制曰有虞氏养国老于上庠养庶老于下庠夏后氏养国老于东序养庶老于西序商人养国老于右学养庶老于左学周人养国老于东胶养庶老于虞庠此四代之国学孟子曰夏曰校商曰序周曰庠谓三代诸侯之学学记曰古之教者家有塾党有庠术有序国有学谓商人之乡遂学且王制言四代学制言养国老固知为国学矣知孟子所言为三代诸侯之学者盖校诸侯之乡学所谓郑人欲毁乡校是已郑以校名其学本夏之名耳亦犹子产谓郑伯为男同义郑以男名其爵本商之制耳所以知孟子所言为诸侯之乡学知学记所言为商之乡遂学者盖周礼于州长言射于州序党正言饮酒于序今日党有庠术有序夫术即遂也周人以序名乡学商人以序名遂学况学记所言皆引说命为说所以知学记所言为商之乡遂学贾公彦以州党之学名序则乡之学名庠故遂引乡饮酒曰主人迎宾于庠门之外失之矣党有庠则六乡之学皆以庠为名遂有序则六遂之学皆以序为名是主人迎宾于庠门之外商制也非周制也不然则州党之学既同曰序何乡之学独为庠乎曰党有庠举其中以该上下也曰遂有序总而名之也

郑锷曰州长有射党正有饮或饮而不射或射而不饮何也州党俱未可以谓之乡至于为乡乃有饮射观乡大夫言以礼礼宾之则乡饮可知又言以乡射询之则乡射可知射义言乡大夫将射先行乡饮酒之礼则有射有饮乃为乡饮州党之中未可以行乡饮故但言以礼防以礼属之而已

凡州之大祭祀大丧皆涖其事

郑康成曰大祭祀谓州社稷也大丧乡老乡大夫于是卒者也涖临也

若国作民而师田行役之事则帅而致之掌其戒令与其赏罚

贾氏曰师谓征伐田谓田猎行谓巡狩役谓役作郑康成曰致之于司徒掌其戒令赏罚则是于军因为师帅

黄氏曰六乡之军听于王主于司徒平居常自为六军之教其法详其兵精司马作军六乡不与理势当如此故六乡徵 则称国言有天子之命独见之于州长州长承其命也帅而致之军旅致之于小司徒役致之于乡师小司徒乡师各以其事总帅之而致于大司徒

歲终则防其州之政令正歲则读教灋如初

郑康成曰虽以正月读之至正歲复读之因此四时之正重申之

陈君举曰五党为州州长正月读法则五党之民已皆在州而党正复属民读法五族为党党正孟月读法则五族之民已皆在党而族师复属民读法一日之间既于州长又于党正又于族师民将奔走之不暇不知当时何以分别

愚案乡大夫每乡卿一人往往是六卿兼为之只在朝廷所谓正月之吉受教法于司徒及正歲令羣吏攷法于司徒以退此两日想若吏若民但聚听于司徒之府其余处则不读乡吏之首既是州长亦有正月之吉正歲读法之事者乃是受法于乡大夫以退而读之于州乡是五州之积想其地亦不甚相遠又次而党正则四孟之吉与夫正歲想除正月之吉正歲两日就听于乡州其三孟之吉则读之于党又次而族师则月吉属民想又除四孟之外其余八个月吉则读之于族又次而闾胥既比读法除月吉读之外其他无时不读之于闾遠于民者其读弥疏近于民者其读弥数此则先王建置乡党分布教条之本防若读法日分可以类推

三年大比则大攷州里以赞乡大夫废兴

郑司农曰赞助也○郑康成曰废兴所废退所兴进也○王昭禹曰州长乡官之次也于攷劝纠戒务致其悉故言攷其德行道艺而劝之纠其过恶而戒之则终之以赞乡大夫废兴乡大夫乡官之长于宾兴贤能则以教之既成也然后宾兴之其不言废则以见乡教之成人皆有成才可用而人之过恶与其可废者不足以言之矣○史氏曰不曰诛赏而曰废兴者乡大夫之教民兴贤能废愚不肖而已至于诛赏则大司徒诏王之事也

党正每党下大夫一人

郑司农曰五百家为党○郑锷曰周家之制一乡则二十五党每党以下大夫一人之为之则以正一党之人而为党人所取正

各掌其党之政令教治

郑锷曰政令以隄防之教治以训迪之

及四时之孟月吉日则属民而读邦灋以纠戒之郑康成曰以四孟月朔日读法者弥亲民者教弥数○刘执中曰正月在州三时在党○郑锷曰周制治民之具有教法又有邦法民知教法则不违乎理义民知邦法则不丽乎刑辟法立于上其意不同不使之读则莫知乎法之意读不以时则又有扰民之烦矣州长正月之吉读法其下文言正歲读教法如初观如初之言则知所读者纯于教法党正四时孟月吉日读邦法其下文言正歲属民读法则知其所读者不止邦法又读教法虽有教法实以邦法为主故州长之读则有劝有戒党正之读则有纠戒而无劝盖专以邦法从事使民有所畏而疾趋乎善民畏党正之纠孰敢不从州长之劝戒耶

春秋祭禘【荣敬反】亦如之

郑锷曰一党之中必有祭祭左氏所谓日月星辰之神则霜雪风雨之不时于是乎祭之山川之神则水旱疠疫之不时于是乎祭之○郑康成曰亦为坛位如祭社稷○贾氏曰党正不得与州同祭社故亦春秋祭祭神

国索鬼神而祭祀则以礼属民而饮酒于序以正齿位王昭禹曰郊特性以歲十有二月合聚万物而索飧之则索鬼神而祭祀乃万物之神【○郑锷曰大蜡之祭亦谓之索蜡言其名索言其义】盖万物所以生所以成凡人之欲皆有以养之凡人之求皆有以给之孰为此者其神乎先王于是有报礼焉方其歲功之成则索万物之神而祭之虽水庸昆虫有所不遗而况造物之元功乎大宗伯以鬴辜祭四方百物籥章国祭蜡则吹豳颂击土鼓息老物凡皆索鬼神之祭所以报本而反始既蜡而属民饮酒于序所以休老劳农报本反始于歲功之成休老劳农以正齿位则又申之以孝弟之义黄氏曰社祭酺皆乡祭惟蜡为国祭盖亦命祀也教法礼乐详于乡者以其士大夫也而使其民学焉郑言为民三时务农将阙于礼至此农隙教之尊长养老非也乡之教法非专为农民亦非为农隙而始肄习之春秋祭祀四时田猎正月之吉读法正歲读法孟月之吉读法月吉读法何尝一日不教以礼观各职则其教农民者可知矣商邑翼翼四方之极此之谓矣

郑锷曰行礼虽人之所难饮酒实人之所乐因其所乐寓其所难尊尊之义在是贵贵之义在是孝弟之道自达乎乡党矣因蜡祭之时饮酒以正齿位理盖若此自周而后蜡祭虽存而属民之礼废觴酒豆肉而怪民之犯齿衽席之上而怪民之犯贵悲夫【○杨氏曰凡饮酒者始乎治常卒乎乱况大蜡一国之人皆聚若狂而饮酒不以礼正之则其卒于乱也明矣】陆佃曰其属饮则于乡学其主人则以乡官其宾介则处士贤者其谋介则就先生【先生致仕在乡里者】坐主人于东南僎于东北坐宾于西北坐介于西南此正位也一命齿于乡里再命齿于父族三命而不齿六十者三豆七十者四豆八十者五豆九十者六豆此正齿也

王氏详说曰乡大夫三年一行乡饮酒礼党正一年行乡饮酒礼乡大夫行此礼以宾兴党正行此礼以正齿位

壹命齿于乡里再命齿于父族三命而不齿

郑康成曰凡射饮酒此乡民虽为乡大夫必来观礼乡饮酒乡射记大夫乐作不入士既旅不入是也○陈君举曰一命者天子之下士公侯伯之上士子男之大夫而与乡里齿焉再命者天子之中士公侯伯之大夫子男之卿而又与族齿焉三命者天子之上士公侯伯之卿虽云不齿亦异席而已非敢居其上郑康成曰不齿者席于尊东所谓遵○贾氏曰乡饮酒乡射皆酒尊在室户之东房户之西宾主夹之乡人谓乡大夫来观礼为乡人所遵法谓之为遵席位在酒尊东公三重大夫再重故知不齿【○朱氏曰古人贵贵长长并行不悖虽说不序齿亦不相压别设一位如今之挂位○史氏曰习乡尚齿仕而反乡曲虽至王公安得不与士齿耶盖周之士大夫仕于其乡故党正不得不以贵而节文之仕至三命则不问乡族皆当临而治之而与之杂居齐齿将何以正色而帅乎下此不当齿之义】

黄氏曰壹命受职齿于乡者则以乡之老者长者先之再命受服齿于族者则以家之老者长者先之三命而不齿者贵贵之礼也教之长谓其近于兄教之老谓其近于父教之贵谓其近于君

凡其党之祭祀丧纪昏冠饮酒教其礼事掌其戒禁郑康成曰其党之民○郑锷曰祭祀丧纪昏冠饮酒俯仰揖逊进退周旋尤贵以礼为主于五百家之党立一党正之官使民于此五事之中动必以礼从事然礼所得为者不可以不戒礼所不得为者不可以不禁故又掌其戒禁此所以能化民成俗也

凡作民而师田行役则以其灋治其政事

郑康成曰亦于军因为旅帅○郑锷曰师田行役众庶所聚非致严以馭之不可也以法而治其政事又异乎平日之教以礼事矣

歲终则防其党政帅其吏而致事

贾氏曰帅族师以下之吏致其所掌之事于州长

正歲属民读灋而书其德行道艺

郑康成曰书记之○郑锷曰或谓党正四时孟月之吉与夫春秋之祭有纠戒之读法歲十二月又有正齿位之饮酒于是时也不书其民德行道艺至于正歲读法则一书之何也盖读法而纠戒之特以勉励其修为之始大蜡而正齿位特以变革其田野之习正歲始一书者见德行道艺之难能使人终歲修之以俟一朝之见録非正歲则党正不书非修习之已成则正歲不书聚民读法以书之重难其事如此彼见书之人岂一朝而幸得之哉○王昭禹曰党正之所书固非一日之积州长所以攷而劝之者亦因党正之所书而已乡大夫所以攷而兴之者又因州长之所攷而已

以歲时涖校比

郑氏曰涖临也【○易氏曰以上临下谓之涖】○郑司农曰校比族师职所谓以时属民而校登其族之夫家之众寡辨其贵贱老幼废疾可任者及其六畜车輶如今小案比○黄氏曰校而比之○贾氏曰校比之时党正往临之恐其差失也

及大比亦如之

贾氏曰族师至三年大案比党正亦涖之【○王昭禹曰乡大夫三年之比也】

族师每族上士一人

郑锷曰六乡之官无非掌教独于族以师名官何也盖先王之制乡也合四闾而为一族环一族而聚百家其意以为治民者犹治家一家之中受姓为氏受氏为族合族既众悦不率驯教训则卑陵尊幼犯长而家道不正况百家之聚诎可不先有以教之乎以师为名乃是合族而教之之意

各掌其族之戒令政事

郑康成曰政事邦政之事○贾氏曰谓国之征役皆是也○郑锷曰族师之官以掌教为主乃使之各掌其戒令政事不及于教何也尝以州长党正攷之长以表率为义正以董正为义故二官皆言掌其教治师者人之模范名官曰师则不待言而知其所掌者教矣然设教之道能使人畏服于不言之表则其教必不肃而成是故官以师为名而专命以掌其戒令政事戒以使人勿犯令以使人必从大有政小有事则事为之制曲为之防人人皆有所畏则师严而道尊教化不行者无有也

月吉则属民而读邦法书其孝弟睦婣有学者

郑康成曰月吉每月朔日也○王昭禹曰乡官之读法与夫书攷民之德行道艺孝弟睦婣每于属民者非特众而已亦所以公是非而明好恶每于歲之正月吉日非特谨其始而已亦使日有所改月有所化○郑锷曰每月之吉聚而教之当使之读法可也今乃使之读邦法者盖常人之情畏拘检而乐放逸将欲之率教化必先使之识邦法使知邦法为不可犯则莫不转而循教法是则每月之读邦法乃所以驱之使从教法

贾氏曰此云孝弟睦婣惟据六行之四事 黄氏曰孝弟睦婣人之性质皆有之惟学则德进而行成不学无足观也孔子曰十室之邑必有忠信如丘者焉不如丘之好学故书其有学者劝之

王昭禹曰党正贤于其党而已其贤不足乎州长故党正书其德行道艺州长攷其德行道艺

而劝之族师贤于其族而已其贤不足乎党正故党正书其德行道艺族师书其孝弟睦姻有学者

春秋祭酺亦如之

郑康成曰酺者为物裁害之神故书酺或为步校人职又有冬祭马步则未知此世所云蜚蜮之酺与人鬼之步与盖亦为坛位如雩祭云【○贾氏曰案州长春秋习射有饮酒礼党正十月农功毕亦有饮酒礼皆得公酒为之今此族卑不得公酒为礼故云族无饮酒之礼郑知祭酺有民饮酒礼者案礼器云周礼其犹醕与郑注云合钱饮酒为醕又明堂礼乃命国醕郑据礼器明堂礼皆有醕法以不得官酒故须合钱耳○郑锷曰汉律三人以上无故羣饮罚金四两诏得横赐则防饮防日谓之酺说者谓酺之言布也王布德于天下而合聚饮酒也周人之酺殆此类】王昭禹曰祭酺必于族祭祭必于党祭社必于州者凡以其祭有大小之不同故即其所聚之众寡为异唯为社事单出里唯为社田国人毕作然则社之祭大矣故祭社于二千五百家之州祭之祭次之故祭祭于五百家之党酺之祭为小矣故祭酺于百家之族○郑锷曰当祭酺之时复书其孝弟睦姻有学之人岂非少长咸集又得诸公论而知其实欤

以邦比之灋帅四闾之吏以时属民而校登其族之夫家众寡辨其贵贱老幼废疾可任者及其六畜车犂贾氏曰以邦比之法者案比之法国家有常故据其常法以案比之○郑锷曰比法者小司徒颁于六乡之比法也在乡师则谓之国比言是法本于王国而非臣下之所私在族师则谓之邦比言是法行于邦中而非特一族之所专○贾氏曰四闾之吏者族师管四闾二十比吏则闾胥比长○王昭禹曰校其数而登其籍于乡大夫○项氏曰夫以田言家以居言如家七人为众五人为寡贵贱老幼废疾则不任可任六尺以上七尺以上者六畜牛马羊豕犬鸡车驾犂挽皆辨之

五家为比十家为联五人为伍十人为联四闾为族八闾为联使之相保相受刑罚庆赏相及相共以受邦职以役国事以相葬埋

愚案先王既以伍法比其居不可无什法以联其居若伍而不什仍旧人自为伍家自为伍彼此缔络藩篱愈甚不止如疏所谓拟入军时相并也

黄氏曰比闾党州皆以五而登惟闾四为族变其中者所以为联法也故五家为比有联则闾合四闾为族有联则党合如是则比闾族党无不合者居则五家为比十家为联行则五人为伍十人为联五伍也十什也故士师曰掌乡合州党族闾比之联与其人民之什伍是也乡合非野法也四闾为族八闾为联八闾二百家军法虽四而调一要必以是而起郑康成注稍人曰以人数调之使劳逸递焉是也大司马有车有徒故十人为联则伍合二伍二百人为联则卒合二卒以二百人计之七十五人共车三伍百二十五人为徒兵五伍皆伍也合则皆什也晋荀吴毁车为行而曰以什共车必克又曰困诸阨又克盖当险野利用徒尽合车人而用之故谓之以什共车此本先王微意荀吴窥见之耳然必素相联合故仓卒可用

愚案相保是见居者则任之相受是新徙者则受之余见大司徒

王昭禹曰刑罚相及相共则恶者所同恶而无所比庆赏相及相共则善者所同好而无所蔽【○贾氏曰刑罚庆赏相及者赵商问族师之义邻比相坐康诰之说门内尚宽书礼是错未达防趣郑答族师之职周公新制礼使民相共勅之法康诰之时周法未定又新诛三监务在尚宽以安天下先后异制各有云为】李景齐曰古者联比其民而欢洽其心使之有相保相受之法而一有不善者则众庶之所共弃使为不善者亦或从而保受之焉则其罪必及之矣此先王驱民而之善之意故族师相及相共必继于相保相受之后而比长有罪相及亦继于相受相和亲之后然先王之驱六乡之民皆期于德行道艺之归而一为不善则比间之所不齿而其身不得以自容斯民安得而不移于善哉圣人善俗之道其微权实寓于此【○项氏曰相保相受则司徒比间之犹惧其未足也故使之为联互相保受则奸私奇袤无所容于其间而善恶公矣然徒使之保受无利害则保受亦虚设也故又有刑有赏有罪则相及有赏则相若夫如是则保受无所妄矣故入可以受邦职出可以役国事死可以相葬埋皆有托也】王昭禹曰职随其所能而任之凡邦之民莫不然事随上所作惟国中而已【○贾氏曰友助益至】以相葬埋则四闾为族正以相葬为事故也【○黄氏曰事益易办】○郑锷曰平居如此则有事而在军中前日之受邦职者今其敢废军政乎前日之以役国事者今其敢顾私家乎前日之相葬埋者今其敢畏死而不相救乎然则族师之法实军政所寓矣

陈氏曰乡遂虽有内外之别然遂之相保相调相葬不异于乡乡之相受相纠不异于遂乡之田法同于遂遂之军法同于乡先王之于家也既以五家为比为邻积而上之至于万二千五百家为乡为遂其于人也既以五人为伍为两积而上之至于万二千五百人为军又十家为联以联其居十人为联以联其人乡则联之以八闾遂则联之以八里如此则居作相友战守相卫而心同体一矣

若作民而师田行役则合其卒伍简其兵器以鼓铎旗物帅而至掌其治令戒禁刑罚岁终则防政致事郑锷曰一族之众居则有比间之联而卒伍犹未之合有耒耜之用而兵器或未之精至于作之而师田行役族师遂为一卒之长欲其师行之有统则必合为卒伍【○王氏曰以伍联伍故谓之合】欲其攻战之必胜则必简其兵器合则使之联而不散简则使之精而无敝又用鼓铎旗物率之至于师田行役之所【○贾氏曰帅而以至者帅至于乡师以致于司徒也】犹恐其在军之不肃复掌其治令戒禁刑罚既已防之于其前又有以驱之于其后孰敢不率哉至岁终防其一岁所行之政而致其事于乡大夫则一族之政举矣

闾胥每闾中士一人

王昭禹曰闾二十五家而同其门中有胥以统之○郑锷曰或谓庶人在官者曰胥所谓府史胥徒是也中士为一闾之长亦以胥名之不嫌其与胥徒伍耶盖胥者有才能之称取其才智足以长人爵既为中士固足以自别于庶人之在官者矣名不嫌其与同

各掌其闾之征令

史氏曰闾胥于民尤近掌其征令而已异于师也征令者上之所言皆是也○郑锷曰有所求取于民则曰征有所役使于民则曰令闾之政令小司徒行之闾胥掌率一闾之民以听之故曰各掌

易氏曰征令乃奔走之事属于庶人在官之徒宰夫所谓徒掌官令以征令是也闾胥掌之数其闾之众寡而辨其施舍特以赞族师之校登也

以岁时各数其闾之众寡辨其施舍

王昭禹曰二十五家其数寡而可以数计之○郑锷曰 者谓一闾之中不过二十五家其众寡何难知之又必以岁时各数之耶盖一闾之民有可任者亦有可施舍者彼其或老或幼苟不知其可舍而一切任之岂恤民之道哉闾胥之数唯先有以辨之则乡大夫得以岁时入其书

凡春秋之祭祀役政丧纪之数聚众庶既比则读灋书其敬敏任恤者

郑康成曰祭祀谓州社党祭族酺也役田役也政若州射党饮酒也【○王昭禹曰分而言之则曰师曰行役合而言之同谓之役政○黄氏曰役政师田也司马政典也】丧纪大丧之事也【○黄氏曰四闾为族使之相葬○王昭禹曰即州长所谓大丧之事闾胥特以聚众庶为事而已若作民而用之非所掌】四者及比皆防聚众民因以读法以勅戒之

黄氏曰数谓其事之有数者比谓因其叙而比之居则五家为比故读法亦使比而听之以祭祀聚则读祭祀之法以役政聚则读役政之法以丧纪聚则读丧纪之法大抵州党族各有法则各以其时而读之闾亦自有法则因其聚而读之○贾氏曰族师以上官尊读法虽稀稠不同皆有时节闾胥官卑于民为近读法无有时节但是聚众庶比之时即读法故云既比则读法

黄氏曰任任其事也【○史氏曰任信于朋友】恤忧其事也【○史氏曰恤悯其穷困】任恤必敬敏者于是书焉○郑锷曰六行之教曰孝友睦婣任恤而已初未尝教以敬敏也今乃书其敬敏任恤者盖世有好名之人以任恤为能者临事或慢侮而待人不敬赴事或迟缓而应机不速必视其能敬敏于任恤之事然后书之皆不足以为高行此与族师书其睦婣有学者意同

贾氏曰闾胥亲民更近故除任恤六行之外兼记敬敏○王昭禹曰敬敏任恤其事易见其行易知闾胥之贤不足于族师故书其敬敏任恤而已任恤与孝友睦婣同为六行任恤为末孝友睦婣为本故族师书其孝友睦婣闾胥书其任恤而已

凡事掌其比觶【古横反】挹【吐达反】罚之事

贾氏曰言凡事则是乡饮酒及乡射饮酒有失礼者皆须罚之掌其比者人聚则有校比之法皆掌之【○黄氏曰凡事谓祭祀役政丧纪当其比时有违失则以觶挞罚之】○王昭禹曰闾胥主于聚众庶而比之则所谓觶挞罚之事者特于比众庶之时也诗曰兕觥其觶则兕觥罚爵也【○郑康成曰爵以兕觥为之○贾氏曰轻者觶酒罚之】书曰挞以记之则挞罚扑也【○贾氏曰重者以楚挞之】

林氏曰事有大小则比之使聚行有不中则觶之使中才有不达则挞之使达为有过失则罚之使耻闾胥致详于事如此

史氏曰二十五家之失礼疑若不足关于治乱而先王之罚不恕如此固不以二十五家而废治也郑锷曰既书其行则不遗片善又罚其过则不容小恶周家之民所以能迁善而远罪也

比长五家下士一人

史氏曰民之治自族党州乡为附庸为侯邦为天下其本则出于此欲治天下必行比法可也是故先王于此尤所致意虽合为六乡统为天下其法亦必以此名之○郑锷曰圣人作易地上有水则名卦为比以水与地至相亲也五家可谓亲矣故名曰比然其长下士也乃同乎州长之长殆亦以其位卑爵微不足以长人故命名之义不嫌于上同○礼库曰比长闾胥之属只民间推择为之可以表率五家者为比长表率二十五家者为闾胥即非官司案乡官遂官皆不设局无府史胥徒之属非官司也后世论成周设官并乡遂数之遂疑其太多此不攷之故○杨氏曰先王度地以居民因田以制禄天子之县凡九十三国其余以禄士以为闲田载师有士田则士之受田即禄也故孟子曰仁政必自经界始经界既正分田制禄可坐而定夫五家为比以一下士长之王畿合六乡之众比长以万计若以受天子赋贡禄之则以财不足为疑无足怪者王制言王者之制禄者则曰天子三公之田视公侯卿之田视伯大夫之田视子男元士视附庸自三公以下皆以田言之制禄以田明矣故太宰以九赋敛财贿九贡致邦国之用各有所待而士禄不与则不以赋贡禄之又可知矣

各掌其比之治五家相受相和亲有臯奇衰则相及○杨氏曰奇者常之反衰者正之反【○郑康成曰衰犹恶】○郑锷曰相受则以容言之【○项氏曰相容不相挤排】相和亲以情言之【○项氏曰相好不相乖离】○王昭禹曰大司徒五家为比使之相保五比为闾使之相受比长言相受不言相保者盖分而言之则比相保闾相受合而言之则皆相保受相和则不乖相亲则不踈如此则悃悌和乐之风形而乖争陵犯之变无由而作矣先王禁民为非于其微而致察故始于五家之比

史氏曰周之治本于闾门又以比法辅之则五家之家法素严矣其相受相和亲固然也所虑者奇衰之民忽生其闲遂能败羣乱俗同比之民不能絶其萌相帅于无过之地至于有臯岂不相及乎相及者若今连坐也【○项氏曰五家有臯恶奸宄则相及赖其相察】

郑锷曰一比之中如此及合为一伍则驩爱之心足以相死一伍如此军政定矣

徙于国中及郊则从而授之

王昭禹曰孟子曰死徙无出乡者其常也此言徙于国中及郊于他者其变也○黄氏曰国中即六乡也乡大夫曰国中自七尺至六十野自六尺及六十有五举国中对野则六乡为国中可知此举国中对郊盖六乡余民居于四郊者自郊徙国中自国中徙郊若为进退陞黜之法者○郑锷曰军政寓于乡一家迁则一伍废而军法坏今乃有徙居之法盖地有广狭民有众寡势不能无迁【○郑康成曰谓不使其居也】然非民得以自迁为比长者授之行之则奉上令而迁也○郑康成曰皆从而付所处之吏明无罪恶

若徙于他则为之旌节而行之

贾氏曰当乡之内迁徙直须伍长送付彼吏若徙于他是出向外乡则当为旌节乃行之○陈君举曰至迁于他所则为之旌节而行之盖非甚大不得已则不容其迁不然乡民尽出迁居则六乡为虚矣为之旌节以防呵问者邻长谓徙于他邑则从而授之亦谓在其遂中至徙之他则亦如是先王于乡遂中盖严如此【○史氏曰若徙于他则不可面相授受予之旌节以为信则彼得以受之矣何者知其无过也】

若无授无节则唯圜土内之

刘迎曰居乡无授出乡无节此无根着之人故以圜土内之【○郑康成曰狱必圜者防主仁以仁求其情○史氏曰无授无节非有过则必其无土著者彼之得之宁不呵问内之圜土者既防其奸伪又冀其回心而止于无过此先王之仁政也】岂有罪者耶司圜掌圜土之官其曰收教罢民又曰任之以事而收教之固非狱矣但以土为圜而立之出入之限先儒谓系之圜土而考辟之则真以为狱也其实不然其刑人也不亏体罚人也不亏财非有罪者可知吕氏曰先王之民无一人无系属者徙于彼又授之于他徙于他则为旌节无授无节则是无系属之民而囚之圜土矣闲民无常职但不服职而已有身则有家有家则系于此可知如是则虽有游手机巧之民亦将日渐月化而不自知使成周之君长守法则虽奸雄豪杰且俯首而不敢倡惟其失此法遂至于民无附着而游手机巧徧天下矣

周礼订义卷十九

卷二十

<经部,礼类,周礼之属,周礼订义

钦定四库全书

周礼订义卷二十 宋 王与之 撰

封人中士四人下士八人府二人史四人胥六人徒六十人

郑康成曰聚土曰封谓壝堦埒及小封疆也○贾氏曰封人与大司徒设社稷之壝相左右故在地官为职首胥徒多者以畿封事广故也○郑锷曰论语有仪封人左传有潁谷封人祭封人萧封人 者皆谓典封疆之官然以经攷之有掌固掌修城郭沟池树渠之固有司险掌设国之五沟五涂而树之林以为阻固又有掌疆之官官虽阙而康成以疆为界则所掌者封疆之界矣此封人若为掌封疆之官则宜与掌固等并列今列于地官专以设社壝饰牛牲为职则非典封疆之官明矣○徐卿曰封人掌设王之社壝乃列于比长之后者盖民为贵社稷次之

掌设王之社壝为畿封而树之

史氏曰封人掌设坛壝唯王有社壝而于国则设社稷之壝也夫坛也坛在中而外为堦埒故谓之壝举壝则知有坛矣畿封植其所宜木严其界限使无犯【○郑锷曰攷大司徒于邦国都鄙言制其畿疆而沟封之又言制其地域而封沟之俱谓聚土为封则知康成聚土之说为是司徒制封沟之封制其法也封人为聚土之封为其事也惟其为聚土之事故于王社则掌设其壝又为畿封而植木以为表于诸侯国之社稷亦掌设其壝为之封土以表其界之所在非特王社之畿与诸侯国之封为然造都鄙表封域亦然盖俱循大司徒所立之法而为坛壝堦埒与小封疆也○愚按疏说畿封兄大司徒】

凡封国设其社稷之壝

郑康成曰封国建诸侯立其国之封【○贾氏曰禹贡徐州贡土五色注云王者封五色土为社建诸侯则各割其方色土与之使立社是封诸侯立社稷之法】

封其四疆造都邑之封域者亦如之

史氏曰封其四疆为建国设也封其域为建都邑设也○唐氏曰如是则内诸侯之制与外诸侯同也○郑锷曰说者谓天子有社稷诸侯受命于天子则有社稷封人掌设王社壝而不及稷乃为诸侯兼设社稷之壝何耶余以为王自为立社曰王社为民立社曰大社诸侯自为立

社曰侯社为民立社曰国社观小宗伯建国之神位右社稷左宗庙则天子之制有社而稷从之自汉以来谓之大社大稷若夫王自为立社四方各以其色之土上冒以黄明为天子之有土是为地 而稷无预焉封人所设之社壇谓地兹所以不立稷也至若诸侯之有功德者天子乃取王社之土各因其方苞以白茅使之立社稷是为侯社封人不为设壇也惟其为民立社则必立稷乃为之设其社稷之壇使之有土谷之神则知务农重谷矣【○史氏曰王社侯社皆不置稷者王与诸侯以實上地为任也大社国社有稷侑之者民以食为天也】○陈氏曰祭社必及稷以其同功均利以养人祭必有配而社配以勾龙稷配以柱商时又易柱以弃其功利足以侔社稷王与诸侯皆三社二稷其位则中门之右社主陰故也其位则北面社向陰故也其饰则不屋记所谓必受霜露风雨以达天地之气是也其表则木传所谓夏以松商以柏周以栗是也其主则用石为之其列则社东而稷西先儒之说盖有所受先王之制社稷春有祈秋有报孟冬大割祠春祈歌载芟秋报歌良耜此祭之常也凡天地大裁之类祭大故大裁之弥祀君行有宜宫成有崑此祭之不常者也祭之常者用甲其他则惟 而已祭之牲以大牢其遇天灾则用币而已考之于礼王之祭南面其服也希冕其牲用黝其祭血祭其罇大罍其乐应钟其舞帔舞其鼓灵鼓凡此皆因礼乐以致其义

令社稷之职

郑康成曰将祭之时令诸有职事于社稷者【○郑锷曰诸侯当守社稷之职又虑其废而不祀封人则令之使无敢废职如是则其国之民亦为社事而单出里为社田而竭作为社祭而共粢盛亦不敢失其职○刘氏曰封人既设其壇令匠人设五方之土筑其坛焉】史氏曰大司徒设属所以教民者已备然后得以立社稷之坛壇奉社稷之牲牢所谓先成民而后致力于神然均是神也曷先于社稷盖有国有家者当以土地为重孟子言诸侯之寶必以土地居首记亦曰家主中霤国主社岂非国家所重有在于土地乎

凡祭祀饰其牛牲设其楅【音福】衡置其絃【持忍反】共其水盥【古老反】

王昭禹曰饰谓饰以文绣○陈氏曰小子凡沈辜侯禴饰其牲羊人凡祭祀饰羔校人饰币马饰黄驹曲礼曰饰羔雁者以绩【○郑康成曰饰谓刷治洁清之】○郑康成曰楅设于角衡设于鼻如椳状也【○史氏曰衡以系其絃也】○郑司农曰絃着牛鼻绳以牵牛者今时谓之雉与古者同名皆谓夕牲时也○郑康成曰水盥给杀时洗荐牲也【○贾氏曰水以洗牲盥以荐牲】

薛氏曰祭祀以牲为大故王于命官而养则斋戒沐浴而朝之其于卜日则择毛色而育之至于祭之日则亲牵牲而入于太庙未入则迎于门既入则执其紉以鬼神之所歆享者在是也夫以万乘之尊而从事于牵牲之礼一毫不备则无以严天子之礼饰其牲者崇其仪也设楅衡者防其触也置其絃以备用也共其水盥以致洁也○王氏曰封人言掌设王之社壇封疆而树之则以饰土事为职故使之饰牛牲以牛土畜故也

歌舞牲及毛炮之豚

郑康成曰谓君牵牲入时随歌舞之言其肥香以歆神也【○郑司农曰歌舞其牲云博硕肥腍】毛炮之豚燂去其毛炮之以备八珍○郑锷曰说者谓所饰者牛牲则所歌舞者亦牛牲耳又及毛炮之豚何也八珍之物炮豚居其二其法则取豚而刳之实于其中而炮之糴漉以稻粉调以醯醢然后成祭祀则用荐羞之豆实此致美之尤至安得不歌舞以致之

凡丧纪宾客单旅大盟则饰其牛牲

易氏曰丧纪有奠牛宾客有牢礼积膳之牛军旅共犒牛大盟有载书之牛其牲皆如祭祀之饰敬其事也○郑锷曰夫牲取可以为礼足矣乃每每致饰然后用何哉盖文有余而物不足失之伪物有余而文不足失之野欲华实相副则饰不可阙

鼓人中士六人府二人史二人徒二十人

贾氏曰主教六鼓四金以是教官故在此○陈君举曰鼓人舞师不宗伯而司徒盖亦野用之也凡野事则为之

掌教六鼓四金之音声以节声乐以和军旅以正田役郑康成曰音声五声合和者○贾氏曰单出曰声杂比曰音○史氏曰鼓专于阳金为西方之物有阴之义凡进皆鼓凡节皆金阴阳之义不可偏废也○郑锷曰此教六鼓四金则不止于鼗又况小师掌教鼓鼗瞽蒙亦掌播鼗注专指为教眡了不可也若教眡了亦不过奏乐之际可节声乐耳乃若军旅田役安用彼为哉○贾氏曰节声乐者雷鼓灵鼓路鼓晋鼓也和军旅者即鼗鼓鼓军事也正田役者鼗鼓鼓役事也○史氏曰声乐之作缀兆舒疾以是节之军旅之起坐作进退以是和之田役之兴往来甘苦以是正之

教为鼓而辨其声用

郑锷曰能知声者或不能为器能制器者或未必能知声鼓人知声者也鞀人为鼓者也为鼓者大小长短傥不中度则知声者欲其声不爽可得哉故上言教击鼓之法此言教为鼓而用之之法然则教为鼓者教鞀人为之先儒谓教击鼓者大小之数则失之矣○易氏曰以六鼓声用攷之惟雷鼓专用于天神鼗鼓专用于役事若灵鼓用于社祭至防氏则用之以殴猛兽矣路鼓用于鬼享至大司马则用之于教战大仆则用之以待达穷者与遽令矣以至辟雍作乐之鼗鼓维镛仲春搜田军将执晋鼓则又鼗鼓不止乎军事晋鼓不止乎金奏矣要之声用各有所主所以不客不辨

以雷鼓鼓神祀

郑康成曰雷鼓八面鼓也神祀祀天神也【○刘执中曰按大司乐雷鼓礼天神是鼓神祀也】○郑锷曰天神变化无方雷者天之声故名雷者以鼓神祀则宜

以灵鼓鼓社祭

郑康成曰灵鼓六面鼓也【○刘执中曰按大司乐灵鼓礼地 是鼓社祭也】郑锷曰地道有形可见而灵者神之降而有验故名灵者以鼓社祭则宜言鼓神祀鼓鬼享不言地 乃曰鼓社祭何也记曰社祭土而主地盖社者地神之尤贵言社则地 见矣观大宗伯掌天神人鬼地 之礼亦只言以血祭祭社稷意盖类此

以路鼓鼓鬼享

郑康成曰路鼓四面鼓也鬼享享宗庙也【○刘执中曰按大司乐路鼓礼人鬼是鼓鬼享也】郑锷曰先王之道大而无所不通而路者道之大故名路者以鼓鬼享则宜

史氏曰天神之祀用雷鼓雷固无形主乎阳后土之祀用灵鼓灵固异神主乎陰宗庙之祀用路鼓路固为大主乎祖

以鼙鼓鼓军事

郑锷曰国之大事莫大于戎鼙鼓长八尺鼓四尺中围加三之一其声尤大鼙大也【○史氏曰军事欲与众共闻也】字或为贲贲亦大也故宜用以鼓军○易氏曰大司马所谓诸侯执贲鼓是也

以鼙鼓鼓役事

郑锷曰用民之力宜缓不宜急鼙鼓长寻有四尺倨句鼙折其声尤缓字或为皐皐亦缓也【○史氏曰鼙高也役事亦欲与众共闻也】故宜用以鼓役事○贾氏曰诗云鼙鼓弗胜起役止役皆用鼙鼓也

以晋鼓鼓金奏

郑锷曰金奏者西方之声陰之属也陰以退为主阳气导之乃进晋鼓长六尺六寸左右端广六寸中尺厚三寸穹者三之一上三正其名曰晋晋进也以进为义故宜用以鼓金奏○史氏曰金奏编钟以是 之乐之始作进而未已也○贾氏曰作乐则先擊钟故钟师以钟鼓奏九夏注云先擊钟次擊鼓则是擊钟后即擊鼓故曰以晋鼓鼓金奏○王氏详說曰路鼓用之于鬼享至司马教战则王执路鼓矣晋鼓用之于金奏至司马教战则军将执晋鼓矣鼙鼓用之于军事至辟雍作乐则鼙鼓维鏞矣灵鼓用之于社祭至大司乐用之于祭地 是又不止于社祭也路鼓既用之于人鬼又用之于教战至大仆建路鼓于大寝門之外是又不止于人鬼与教战学者当知六鼓之为用不必知六鼓之为制

以金鐃【音淳】和鼓以金鐃【直角反】节鼓以金铙【女交反】止鼓以金铎【待洛反】

】通鼓

王氏详说曰四金之名三见于大司马惟鐃之名不见于经内见于汉之大予乐

郑康成曰鐃鐃于也圜如碓头大上小下乐作鸣之与鼓相和○陈氏曰国语曰战以鐃于丁宁儆其民也又黄池之防吴王亲鸣钟鼓丁宁鐃于振铎则兵法固用鐃矣○王昭禹曰以金鐃和鼓唱而和之○郑康成曰鐃铎也形如小钟军行鸣之以为鼓节司马职曰鼓行鸣鐃○贾氏曰按诗铎人伐鼓郑注以为军行所用与此不同者以其动静俱用故也○王昭禹曰以金鐃节鼓鼓行而节之

郑康成曰铎如铃无舌有秉执而鸣之以止击鼓司马职曰鸣铎且却○贾氏曰按左传一鼓作气再而衰三而竭哀公传陈书曰吾闻鼓而已不闻金矣是进军之时击鼓退军之时鸣铎○王昭禹曰以金铎止鼓鼓退而止之

郑康成曰铎大铃也振之以通鼓司马职曰司马振铎○贾氏曰此是金铃金舌故曰金铎在军所振言通鼓者两司马振铎军将已下即击鼓故云通鼓也○王昭禹曰以金铎通鼓鼓作而通之

项氏曰四金惟金鐃用于乐余皆军事此以大小序鐃大于鐃其形圆鐃小如钟鐃无舌铎有舌

郑锷曰古人之制有鼓以作乐必有金以止之其说以为鼓之击也无以和之则其声单出而无铿锵之美必和之以金鐃鼓之鸣也无以节之则其声大长而无节奏之次必节之以金鐃鼓有时欲其止铎鸣则击者必休息而不作鼓有时欲其通铎鸣则击者必急疾而不徐四金用于六鼓犹陰之于阳水之于火相齐相成说者谓鐃有淳和之意故可以和鼓鐃有独立之意故可以节鼓铎有尧然而高之意故可以止鼓铎有络绎不絕之意故可以通鼓理或然也

凡祭祀百物之神鼓兵舞帔【音拂】舞者

黄氏曰祭祀百物之神所谓国索鬼神而祭祀者○郑锷曰或谓祭祀用舞固不止于兵帔此所鼓者二舞何也天神地 人鬼皆鼓人所当鼓而不及百物之神彼其神之小者有用兵舞帔舞之时虽止于二舞鼓人亦当鸣鼓以作之也神之小者或能为人捍患故用兵舞或能为人除去不祥故用帔舞兵舞本用于山川帔舞本用于社稷小神之功或近似之所以得而用焉○易氏曰舞师言凡小祭祀则不兴舞今以兵帔而用于百物之神何欤苟有功于民载于祀典则非小祭祀也

凡军旅夜鼓鼙

郑康成曰鼙夜戒守鼓也司马法曰昏鼓四通为大鼙夜半三通为晨戒旦明五通为 眊○

郑锜曰军旅所止尤以防夜为急鼓人之鼓鼙所以警之也其鸣之鼙所以致其忧戚之意【
○薛氏曰鼓军鼓者○鼙鼓也鼙其声也】

军动则鼓其众

贾氏曰军动谓行前向陈时○项氏曰鼓其众作士气也经曰鼓人皆三鼓曹刿曰一鼓作气
田役亦如之

贾氏曰田猎围合之时必击鼓象对敌故大司马云鼓遂围禁

史氏曰所以作士气也

救日月则诏王鼓

项氏曰日为月胜故食于朔月不受日光故食于望是皆阳为阴所胜故鼓以救之助阳气也
王亲鼓之鼓人诏之耳○贾氏曰大仆云军旅田役赞王鼓注云佐擊其余面又云救日月亦
如之按上解祭日月与天神固用雷鼓则此救日月亦宜用雷鼓八面故大仆戎右俱云赞王
鼓得佐擊余面也○王昭禹曰日月之薄蚀阴阳之进退人事何与其间哉而古人有救日月
之礼盖其以裁成辅相为事则阴阳之运有不由其道日月之明有不用其行必反之裁成辅
相之事焉王之于日春朝不废朝王之于月秋暮不废夕则其于救日月而鼓之固王之事有
司特诏之而已

大丧则诏大仆鼓

郑康成曰始崩及 时

王昭禹曰自雷鼓至通鼓则鼓人之所辨白凡祭祀至亦如之则鼓人之所鼓自救日月至大
仆鼓则鼓人之所诏

舞师下士二人胥四人舞徒四十人

郑康成曰舞徒给繇役能舞者以为之○贾氏曰掌教野人之舞亦是教官之类乐师亦教舞
不在此者彼教国子学乐必须合于礼故入春官也

掌教兵舞帅而舞山川之祭祀教帔舞帅而舞社稷之祭祀教羽舞帅而舞四方之祭祀教皇
舞帅而舞旱暵之事

贾氏曰掌教野人国有祭山川等则舞师帅领往舞○王昭禹曰兵舞干舞也山川为国阻固

故以干舞之干之言扞也○史氏曰帔舞执五采缯加帔○王昭禹曰社稷土谷之神所以生养人者欲其无灾害之厉民而有帔除之功帔有祓除之义也故教帔舞帅而舞社稷之祭祀○郑康成曰羽析白羽为之形如帔四方祭祀谓四望○王昭禹曰四方为国翼蔽故以羽舞之羽有翼蔽也○黄氏曰山川之在四郊者蜡则其民得祭之四方郑康成以为四望四望非州党所得祭祀曰顺成之方其蜡乃通诗曰以社以方是则四郊之民各祭其方王则通祭之王制山川社稷四方则国子舞此州党之祭故使舞徒舞谓之野舞野舞舞师教之舞师所以列于乡官者以此郑康成曰皇析五采羽为之亦如帔【○史氏曰皇舞执五色如翟也】○郑康成曰旱暵之事谓雩也暵 气也○郑锷曰旱暵出于非常故不言祭祀而言事偶有是事则染羽为凤凰之形以舞焉不象凤者凤雄而皇雌所以召阴而却阳也【○易氏曰皇舞用于旱暵之事则有阴阳相济之义】○郑康成曰帔舞羽舞皇舞形制皆同○陆佃曰有山川阻固然后可以保社稷有社稷然后可以有事于四方有事于四方然后可以待变事此舞师之舞先后为序也○贾氏曰按乐师六舞并有旄舞施于辟雍人舞施于宗庙此无此二者以卑者之子不得舞宗庙之酎祭祀之舞亦不得用卑者之子乐师教国子故有二者此教野人故无旄舞人舞○王氏详 曰兵舞用之山川矣司干云掌舞器而及于祭祀宾飧是不止于山川也羽舞用之四方矣籥师云掌羽舞及于宾客飧食是不止于四方也此鼓人亦云祭祀百物之神鼓兵舞帔舞者亦所以见其用之不一也但此见于地官以地事与民事为主故耳山川社稷四方地事也旱暵民事也

凡野舞则皆教之

郑康成曰野舞谓野人欲学舞者○易氏曰教之备乡遂之舞所以待国事○郑锷曰四十人学舞之外有野人学舞者亦当教之以待阍人亦用之也

凡小祭祀则不兴舞

黄氏曰蜡祭百神与山川社稷四方有舞自余坊庸表畷之属不舞旱而祭其神舞祭百辟卿士不舞州祭社舞党祭祭族祭酺不舞故曰凡小祭祀不兴舞郑曰王 冕所祭非也王祭不使舞徒舞○易氏曰鼓人于祭祀百物之神教兵舞帔舞此言不兴舞者谓其神虽在祀典而功不足以形容也

牧人下士六人府一人史二人徒六十人

郑康成曰牧人养牲于野田者诗曰尔牧来思何蓑何笠或负其糒三十维物尔牲则具○贾氏曰牧人掌牧六牲以共祭祀亦是地事故在此

掌牧六牲而阜蕃其物以共祭祀之牲牷

郑康成曰六牲谓牛马羊豕犬鸡【○黄氏曰牛人主牛则牧人惟牧马羊豕犬鸡五牲而已其曰六牲备言之耳】○史氏曰祭祀之牲贵于牧养阜蕃者不以瘠薄待神只祖考圣人之

孝心也○郑锷曰非徒责以阜蕃又欲阜蕃其物盖物者毛色之称校人职曰种马一物戎马一物无羊诗曰三十惟物尔牲则具皆指毛色为物○郑司农曰牲纯也【○愚按康成以牲为体完具若以下文用庞对牲司农之说是】

凡阳祀用騂牲毛之陰祀用黝牲毛之

史氏曰凡祀分陰阳者以天地则天阳而地陰以日月则日阳而月陰以宗庙则昭阳而穆陰○易氏曰騂者赤色之盛【○刘氏曰周人尚赤故以騂为尊】黝者黑色之微○郑锷曰用騂岂徒色之赤哉必欲其毛纯乎赤用黝岂徒色之黑哉必欲其毛纯乎黑牧人毛之然后五官奉之是礼官之事亦牧人之事○陈氏曰大宗伯牲币各放其器之色则天以苍不以騂地以黄不以黝盖阳祀以騂为主不必皆騂陰祀以黝为主不必皆黝牧人所言亦大率而已诗曰来方禋祀以其騂黑则四方有用騂黑者孔子曰犁牛之子騂且角山川其舍诸则山川有用騂者○郑锷曰祭祀用物必有其由其一以礼神其一以祀神祀神之物从其类故阳騂而陰黝礼神之物象其功故天苍而地黄大宗伯言其礼神者故以礼言牧人言其祀神者故以祀言礼经之文本无抵牾也 者疑礼记祭法言燔柴于泰坛祭天瘞埋于泰折祭地其文则俱用騂犊又与此用騂用黝之文不合余以为此乃为礼学者之过经之文曰燔柴于泰坛祭天也瘞埋于泰折祭地也其下乃云用騂犊埋少牢于泰昭祭时也康成失其句读以用騂犊之文连上读之其说曰地陰祀用黝牲与天俱用犊连言耳安有天地异位騂黝异色而于经文只连言耶注疏之学此类多矣【○方氏曰赤为阳之盛而苍与青乃其类黑为陰之盛而黄与白乃其类若是则祀天之牲不必苍亦从其类】

望祀各以其方之色牲毛之

郑康成曰望祀五岳四镇四渎○郑锷曰各仿其方之色岂徒东青西白南赤北黑哉必欲其毛之纯乎青白赤黑也

凡时祀之牲必用牲物

黄氏曰时祀之牲总结上阳祀陰祀望祀皆四时所常祀山川四方百物包于其中矣此特见或騂或黝或各以其方之色皆用纯对下文外祭毁事用羴耳易氏曰养牲为有素故必用牲物

凡外祭毁事用羴可也

郑康成曰外祭谓表貉及王行所过山川用事者【○易氏曰按校人云凡将事于四海山川则饰黄驹何用羴之有攷之肆师与祝侯禋于畤及郊是畤郊外祭也侯禋毁事也岂与所过山川者例言】毁谓羴辜侯禋毁除殃咎之属○杜氏曰羴谓杂色不纯

郑锷曰四时常祀牲必用牲祀既有常则物可预备外祭毁事牲或用羴事出非常则物或难

得然牲以牲为贵用彪出于不得已故亦仅可而已

凡祭祀共其牺牲以授充人繫之

郑锷曰上既谓之牲物此又谓之牺牲盖牲全也牺亦全也牲之为全者谓色之纯牺之谓全者谓体之具【○郑氏曰牺毛羽完具也周景王时宾起见雄鸡白断其尾曰鸡惮其为牺】牺体具矣色或不纯牲则体全而色亦全也四时常祀用牲则不止于色之必纯其体亦必全也凡祭祀之牺则体具而毛或不纯亦无害此其语所以不同○郑康成曰授充人者当殊养之【○易氏曰繫之充人洁之也所以致敬于神也】

凡牲不繫者共奉之

郑康成曰谓非时而祭祀者【○贾氏曰若上文凡外祭毁事用彪可也】王氏曰共奉之则非特共其牲又奉其事○史氏曰非时之祀共奉之而已不暇繫于充人也

牛人中士二人下士四人府二人史四人胥二十人徒二百人

郑康成曰主牧公家之牛者诗云谁谓尔无牛九十其牂牁者九十其余多矣○贾氏曰郑引诗者证经牛多故徒有二百人牧之也

掌养国之公牛以待国之政令

郑锷曰周制有公家之牛有私家之牛祭祀以为牺牲者公牛也车輶出于乡遂之民者私牛也【○黄氏曰此与九职之牧分授牧田以养国牛故言公牛以别于民】○史氏曰祭祀之物牛曰一元大武以六牲之中牛最大天地之牛角茧栗宗庙之牛角握宾客之牛角尺则牛者无所不用○王昭禹曰六牲之奉属于五官羊人犬人鸡人止言共以有牧人养之也牛人养之而又共之未成牲谓之牛而牛人之所养不特以为牲故自享牛求牛牢礼积膳膳羞之牛皆以牛言之○贾氏曰政令则诸侯所须牛及牧人之事则供送之【○史氏曰政令凡祭祀所用无所不掌也】

凡祭祀共其享牛求牛以授职人而刍之

郑康成曰享献也献神之牛谓所以祭者也【○史氏曰享牛谓所合供者若牧人时祀之牲】求终也终事之牛谓所以绎者也宗庙有绎者孝子求神非一处○郑锷曰求索也记曰直祭祀于主索祭祀于祊不知神之所在乎于此乎或诸远人乎是故祭之明日则索祭之亦谓之绎祭祭亦用牲则求牛为索祭之牛明矣【○刘氏小传曰享牛者享神之牛凡求读如述述配也配神者之牛以郊礼言之享牛所谓帝牛求牛所谓稷牛周书召诰用牲于郊牛二○史氏曰求牛谓非时而须若牧人外祭毁事之彪是矣○黄氏曰求牛亦刍之备非时之须耶牧人所谓凡牲不繫者】○郑节卿曰牛有卜而后用者有用而不必卜者享牛卜而后

用求牛用而不卜○黄氏曰职如字不必改充人司门各共其职牧人备言之矣此省文耳【○郑康成曰职读为櫜櫜谓之杙可以系牛櫜人谓牧人充人○贾氏曰充人置櫜入地之时櫜櫜然作声故以声名其官凡牲堪祭者则牛人选入牧人临祭之前牧人乃授充人乃系养之今若即以櫜人为充人则隔牧人故连牧人言之】

郑康成曰刍牲之刍牛人择于公牛之中而以授养之

凡宾客之事共其牢礼积膳之牛

郑康成曰牢礼殽饗也积所以给宾客之用若司仪职曰主国五积膳所以间礼宾客若掌客云殷膳大牢○史氏曰既以生馈之又以熟进之

飧食宾射共其膳羞之牛

史氏曰飧食宾射讲礼之时用也○贾氏曰飧者烹大牢以饮宾献依命数食者亦烹大牢以食食礼九举七举五举亦依命数无酒献酬耳皆在于庙以速宾射者谓大射及与宾客射于朝天子诸侯射先行燕礼皆有殽俎故有牛也膳羞之牛谓献宾时宰夫所进俎是也○王氏详说曰既曰积膳之牛又曰膳羞之牛积膳谓共宾也膳羞谓献宾也○郑康成曰羞进也所进宾之膳燕礼小臣请执幂者与膳羞者至献宾而膳宰设折俎王之膳羞亦犹此

军事共其犒牛

郑司农曰犒师之牛【○项氏曰若郑商以牛十二犒秦师】

丧事共其奠牛

郑康成曰谓殷奠遣奠也丧所荐馈曰奠○贾氏曰丧中自未葬已前无尸饮食直奠停置于神前故谓之奠朝夕之奠无尊卑皆脯醢酒而已无牲体殷大也唯小敛大敛朔月月半荐新祖奠及遣奠时有牲体大遣奠亦有马牲

凡防同军旅行役共其兵车之牛与其牵徬以载公任器

黄氏曰兵车辇也○王昭禹曰先王之时军旅之赋取具于民矣此凡防同军旅行役共其兵车之牛则公牛也马牛车辇取具于民者乃私牛也○郑康成曰牵徬在辕外挽牛也人御之居其前曰牵居其徬曰徬任犹用也【○史氏曰牵徬载任引重致远之时用也】○黄氏曰载公任器则私任器出于民

凡祭祀共其牛牲之互与其盆簠【音老】以待事

郑司农曰互谓楅衡之属【○郑氏曰互若今屠家县肉格○贾氏曰始杀解体未荐之时县于互】盆簠皆器名盆所以盛血簠受肉笼也○易氏曰以待事则或剥或亨或肆或将皆待之为有素

史氏曰观周官牛人所共非祭祀则宾客燕享军旅初非为食用礼曰天子无故不杀牛大夫无故不杀羊士无故不杀犬豕所谓故其祭祀之时欤

充人下士二人史二人胥四人徒四十人

郑康成曰充犹肥也养繫牲而肥之○刘执中曰牧人虽掌六牲犹牧之草野以适其性乃克阜蕃然未之刍也迨将用以为牲而系之于充人

掌繫祭祀之牲牲祀五帝则繫于牢刍之三月享先王亦如之

郑康成曰牢闲也必有闲者防禽兽触齧○史氏曰繫于牢者充人所躬亲也○易氏曰充人受牛人牧人所授者而繫之也

郑康成曰养牛羊曰刍三月一时节气成○王昭禹日记曰三月繫又曰帝牲必在涤三月传曰刍豢远不过三月近不过旬浹在三耳繫于牢之时也

凡散祭祀之牲繫于国门使养之

郑康成曰散祭祀谓司中司命山川之属○王昭禹曰五帝之祀先王之享宗庙人鬼之大者谓之正祭祀则非是谓之散祭祀宜矣犹舞非正舞则谓之散舞车非正车则谓之散车○郑康成曰国门谓城门司门之官○郑司农曰使守门者养之○王氏详说曰诗曰尔牧来思以薪以蒸是以牧人兼薪刍之事也此繫于国门使养之且使守门之人而兼牧人之事此所以见隆古盛时之无闲事也且莫闲于牧人尤莫闲于守门之人以其闲而复役以他事而不以侵官离局为嫌者意有在矣

展牲则告牲

王昭禹曰展察视之也告牲告其色之纯也肆师言祭祀展牺牲则展牲者肆师也充人则告牲而已

硕牲则赞

王昭禹曰硕大也所以告其体之充若左传奉牲以告曰博硕肥腍是已盖君牵牲封人告硕而充人则赞之馈食之礼宗人视牲告充则硕牲为赞封人明矣

王氏详说曰祭义云古者天子诸侯必有养兽之官及歲时斋戒沐浴而躬朝之祭祀牺牲于是乎取之钦之至也君召牛纳而视之则有视牲之礼矣择其毛而卜之则有卜牲之礼矣吉然后养之则有养牲之礼矣皮弁素积朔月月半君巡牲则有巡牲之礼矣至于夕牲展牲牵牲射牲割牲无非礼之所寓賛牲者太宰毛牲者宗伯奉牲者五官之长賛射牲者射人歌舞牲者封人何特于充人而疑之知此则知祭礼之重矣

周礼订义卷二十

卷二十一

钦定四库全书

周礼订义卷二十一 宋 王与之 撰

地官司徒下

载师上士二人中士四人府二人史四人胥六人徒六十人

郑康成曰载之言事也事民而税之载师者闾师县师遗人均人官之长○郑锷曰周制王畿之地不过千里可为井田者则授之乡遂之民内自国中外至疆地不可为井田之所量土所宜又为十有一等之田田或多寡而地有广狭因其土之所能任而制为之法使地足以容田田足以出赋是故名官曰载师载如舟焉轻重毕载苟不量所载舟必溺如车焉轻重皆任苟不胜其任车必折

掌任土之灋以物地事授地职而待其政令

贾氏曰任土即下文 里任国中已下是也○薛氏曰载师掌任土之法则大而都鄙之长次而公邑之吏下而逵郊之所授又其下而场圃廛里之所居皆所以为任土之法苟以为任民之法则十一之征井田之良法何至于二十而一与夫二十而五哉○郑锷曰载师之所任者十有一等之田法必因其土之广狭使地足以容其田田制定而赋亦定矣故先言任田之地乃言任土之赋【○王昭禹曰土有肥磽燥湿之不同则其所产亦不能无多寡有无之异宜因其有无多寡而为之度数焉是任土之法也如大宰之任万民焉就其才之所能如禹贡之任土作贡焉因其土之所有各从其所宜而非以强之也】○易氏曰有土斯有物或宜于九谷或宜于果蓏或宜于鸟兽之类凡所谓地事者以此物之【○郑康成曰物色之以知其所宜之事○王氏详说曰物地之法见于载师又见于草人盖载师物地以任其田草人物地以粪其种】有事斯有职或职以耕事或职以牧养之事凡所谓地职者以此授之○黄氏曰待政令待税斂之政令也司书凡税斂掌事者受法焉其他政令非载师之职也【○易氏曰以待其令则令其所有如园廛二十而一之类以待其政则正其所为如凡宅不毛者有里布之类以下经证之则地法可考】

以廛里任国中之地

张氏曰廛域中族居之名里郭内里居之称○薛氏曰在市之屋曰廛在里之屋曰里其里受地视廛则所谓廛里者必聚庐托处于其肆者故曰任国中之地○【郑锷曰廛以居商贾之货里以为民庶之居○黄氏曰陈相愿受一廛而为氓此廛盖民居矣遂人曰五邻为里其在乡则五比为闾故曰乡里在郊则曰郊里一也○贾氏曰廛里即孟子云五畝之宅者】

以场圃任园地

薛平仲曰田不可种植妨五谷之生惟室庐之傍有园圃以毓草木于此则果蓏也常时则辟场为圃而种植九月则筑圃以为场而纳禾稼此则场圃同出于园地【○郑锷曰场以登禾黍之入园以为果蓏之区】

以宅田士田贾田任近郊之地

黄氏曰宅田居于城郭之外者之宅地也书曰表厥宅里孟子曰五畝之宅是不独民也有士大夫有服公事者民曰廛士大夫曰宅通则皆曰宅廛有征而宅无征城郭中不能容则居于外郑曰宅田致仕者之家所受田非也仕者世禄虽死禄犹及其子孙况老而致仕者固当给禄矣谓之宅田则非也郑引宅者在邦在野止谓其家之所在耳岂凡称宅者皆致仕者哉【○陈及之曰宅田卿大夫之圭田】○郑康成曰士读为仕仕者亦受田所谓圭田也孟子曰卿以下必有圭田圭田五十畝【○黄氏曰士田士之禄田也以其所入什一之税给之诸侯班禄见孟子王国班禄亡不可考圭田当在此】○郑司农曰贾田者吏为县官卖财与之田【○王氏详説曰成周府史胥徒之外又有贾人是贾人之有事于县官者也】○黄氏曰书曰肇牵车牛遠服贾盖谓农民既艺黍稷谷有余则卖之易其所无者非谓且耕且贩也○杜氏曰五十里为近郊百里为遠郊○王昭禹曰致仕者以备国之访问士受职于朝贾列肆于市其田皆宜近故任以近郊之地

以官田牛田赏田牧田任遠郊之地

郑司农曰官田公家所耕田○王氏详説曰借田千畝甸师耕之正公家所耕之田后郑以此为庶人在官之田则公邑之田何所用乎甸稍县正欲以禄府史胥徒也

王氏详説曰先郑牛田牧田說是也牛人养国之公牛牧人掌牧六牲无田何所取给乎后郑以为畜牧者之家所受田非也牧人下士牛人中士三百六十之属中士下士多矣何皆无田而独于牛牧之家乎郑司农曰赏田赏赐之田【○贾氏曰即司勲之赏田也○黄氏曰公卿大夫士庶人于法应赏皆得有之】

薛氏曰官田公家之田惟近则易以供不时之需赏田旌功之田惟近则易以给非常之赐牛田牧田则养公牛六畜惟近则易以供祭之用故曰任遠郊之地

陈君举曰廛里不特国中有也而国中为多宅田士田贾田分防在甸稍县都随其所在给之不独近郊有也而近郊为多官田牛田牧田赏田不独遠郊有也而遠郊为多凡以上曰不以井为限所颁多寡而载师徵其材赋故独任之而民田不与焉郑氏之説不足采且以一端言之谓士田在近郊官田在遠郊夫官府遍王畿之内若在五百里之间岂可受田于近郊遠郊乎

以公邑之田任甸地

黄氏曰郊外四甸之在遠郊之外其中置六遂七万五千家余地尽以为公邑自此至畿疆四处皆有公邑故据此而言之○图説曰特于甸地言者言公邑始于此○陈及之曰公邑之田谓在官之田未颁与人者【○黄氏曰公邑对家邑为名甸田皆井授故小司徒曰乃经土地而井牧其田野九夫为井四井为邑四邑为丘四丘为甸四甸为县四县为都是为丘乘之制甸七万五千家为六遂共车千乘郑康成曰公邑六遂余地非也甸为六遂无余地盖其居民一以遂人邻里鄴鄙县遂之法施之以存卒伍之制其授田一以司徒井邑丘甸县都之法施之以益丘乘之制里宰掌比其邑之众寡邻长凡邑中之政相賛则所谓邑者乃参行于邻里之中而六遂之地十二同止能容七万五千家非若六乡有余民别而为四郊也其曰公邑以其属天子也司马法二百里为州者言其居民如乡之州也】

以家邑之田任稍地以小都之田任县地以大都之田任疆【居良反】地

黄氏曰以家邑之田任稍地谓天子大夫各受采地二十五里在三百里之内也以小都之田任县地谓天子之卿各受五十里采地在四百里县地之内也以大都之田任疆地谓三公及亲王子母弟各受百里采地在五百里疆地之中也家邑大夫之食邑也其在畿外则为附庸之国不能五十里者谓之食邑非谓尽食其地盖亦使取公田之税而食之有大夫士有府史胥徒皆当有禄尽取给于此而归其余于王故谓之稍专以廩禄为义也司马法三百里曰野言其居民授田悉与甸同也甸为公邑稍为家邑公邑合而听于遂人家邑离而听于家大夫费邠武城莒父小都大夫之都郑以为卿之采地非也卿受地视伯谓之县者着野法也必着野法者见都鄙之犹有王田也大都公卿之都也公百里州公祭公伯七十里不言七十里者合之于百里凡伯曰我居圉卒荒芮伯曰孔我圉圉疆也其曰疆者言为天子守封疆也又谓之都甸稍县都犹县之为县也甸法四甸为县四县为都载师小都曰县大都名皆互通都鄙之外一以丘甸之法治之故其名通稍不为邑县疆不为都天子使吏治之而属乎遂人遂人曰以達于畿是也郑于遂人曰中虽有都鄙遂人尽主其地非也【○王昭禹曰自家邑至大都以官之最尊者与王子弟之愈亲为外盖其官最尊其亲愈密则其内之尽心于王为益至外之捍卫于国为益严】

陆氏曰王制所谓县内举中言之也然则以公邑之田任甸地元士于此受可知凡此其大凡也其地有余有不足盖有通法存焉虽卿或在疆地虽大夫或在县地取足于封而已○易氏曰惟内诸侯以禄为主故所任之地与郊甸同谓之田○陈君举曰古者采地未尝世守若温原攢茅之田周武王尝以封苏忿生矣周襄王尝以赐晋文公矣狐氏阳氏复受命于晋以处之盖更狐阳而后至郤氏郤氏而争其田故单刘二公所以曰若治其故则王官之邑此言一出足以破郤氏之贪于是晋侯俾勿争若已识其机准是一事则知采地无世守也明矣

图説曰四郊地居四同甸居十二同稍居二十同县居二十八同都居三十六同共计百同之地此王畿所以为千里【○陈君举曰先儒以为畿内方千里积百同九百万夫之地其言是也以为中有山林陵麓川泽沟渎城郭官室涂巷三分去一其余六百万夫又以田不易一易

再易上中下相通定受田者三百万家则非矣考封建之法王畿方千里者田方千里公侯凡百里者田方百里方千里者为方百里者百为田百万井九百万夫之地受田者八百万夫百倍公侯之国夫然后足以为天子都圻镇抚天下矣若受田止于三万家则是方百里者三十七五十里者一耳安在其为方千里本根不强何以应千八百国之求乎先王以田制禄一夫一妇受田百畝上农夫食九人诸侯之下士倍上农夫中士倍下士上士倍中士下大夫倍上士卿四大夫禄君十卿禄计口受田积而上之度人情交际之广狭裁其用度之多寡而受之为公侯者田不百里不足以待天子睦四邻亲九族守宗庙定社稷伯必七十里子男必五十里不可多也不可寡也若郑氏刘歆之言乃连山川未审田之定数茫然依约以为国者也夫国之肥饶四方不同故大禹有九等之例后世亦有土色之辨因其地之肥饶以定田之广狭百里之国提封万井是为定制岂有先定四封然后去山陵林麓川泽又始以一易再易定其夫家之数乎井田封国帝王之世系百世之根本若根本无法制则万世将如之何又诸公封方五百里其食者半则是方百里者六五十里者一矣以郑氏所言王畿计之合六国诸侯已是与王敌矣尾大不掉岂先王良法】○陈君举曰或问载师凡地以何人耕曰只是使食公田之税耳且如古人以公田养士大夫之家仕宦于朝则有常禄禄食如汉餐钱之类汉虽关内侯亦未尝有地如二千石以下皆受谷于司农掌金谷之渊唐室无赋禄之制但令以房廊钱自给当时虽有促钱令史终唐之世赋禄不能定其实封有户者亦不过几人至太祖始立禄格如俸钱供给钱者皆王介甫始制此事最是然其无收处却令州县供给钱仰给于公使库公使库不能辨此其势只得将军资库钱制而用之如此立法是教天下之人将军资公使库合而为一也

凡任地国宅无征园廛二十而一近郊十一远郊二十而三甸稍县都皆无过十二唯其漆林之征二十而五郑司农曰任地谓任土地以起税赋也○林氏曰载师任土有任其地之所居者有任其地之所征者自廛里至大都此任其地之所居者有远近也自国宅至漆林此任其征之所出者有轻重也

郑司农曰国宅城中宅也○郑锷曰民为国本本固则邦宁则国中所居蠲其赋而无征宜矣【○郑康成曰国宅凡官所有宫室吏所治者也○刘氏曰谓国也宅也国即上文廛里任国中宅者上文宅田廛田宅田无征其余皆有征矣此但覆解上文自国至都征税之差更无别少异而两郑之說俱非】

贾氏曰园即上经场圃任园地廛即上经廛里任国中之地廛则孟子云五畝之宅之以桑麻是廛无谷也园则百畝田畔家各二畝半以为井灶种防韭及是园少利也○黄氏曰廛税有夫布以夫一廛为名与里布杂征居二十之一里布以里居为名盖给闾里杂用共服器之属孟子不欲以室庐蚕桑之税病民故欲去之【○郑锷曰园圃所产之利防市廛只以为居货之所故二十而取一皆轻之也记者谓廛与陈相愿受一廛为氓之廛同非市廛也余以为既言国宅无征则廛里不当有赋今有二十而一之赋其里非居之廛明矣商贾有门关之税则居货之所不得不轻之也愚按园廛亦之臣若焉国之圃周氏之汪是也】

黄氏曰国中什一使自赋役多税轻远郊二十而三役稍简矣自此去国益远役益简税渐增

至十二而止自甸而往通行公田九一之法盖并杂徵为十二自郊至都役赋相乘除而通平然犹必优内也陆氏曰甸稍县都无过十二谓如百畝而彻赋民什一于一中又以十分为率取二也畿外诸侯以归公上大略如此

贾氏曰漆林之税特重以其非人力所能作○郑锷曰漆之为物特为用之饰舜造漆器羣臣咸諫惧用漆而至金玉富民之道可不禁其奢乎植至于成林则奢意无极特重其征非不仁也

陈君举曰周制什一之法通行于天下而载师立法多寡不均盖参之前文而得其說近郊十一则圭田之税商贾之田税所以轻者盖圭田以当禄奉祭祀商贾既有关市之征不可重也遠郊二十而三则庶人在官者之田赏田之税畜牧之田税所以比田税差重者抑闲民及豪强之家也甸稍县都皆无过什二则公邑之田税卿大夫采地之田税歲贡什之二而有其八是亦优于畿外诸侯矣以上田非民田也故多寡随宜而取若井田则什一而税智者不能易此說【○又曰此九等之赋皆是公卿大夫所封之地在乎邑者其所得甚薄故以二十而一归乎天子或封之以遠近之田者其所得厚乎邑故以十一而归于天子至于封之以甸县之都是封之以邑也其所得厚乎田故以十二归之天子至于漆林之征是其所受之邑其中有漆林之地故利为厚则以二十而五以取之】

薛氏曰载师之法非取民之法乃任地之法耳国有宫室吏所治也故无征场圃者果蓏珍异之所出廛里者货贿财利之所聚其利甚防而不可以厚敛故园廛二十而一宅则退政于朝士则列职于朝贾则服役于朝朝廷之所深防者也虽受田不可以无税而所取不可以过厚故近郊十一官田者公家所耕之田赏田者赏赐所予之田牛田牧田牛牧所给之田彼皆得于在官之田虽敛之以稍厚不为过故遠郊二十而三至于六遂之余地则公邑所受者为甚家邑小都大都之所受地视公侯伯子男则受田者为尤富敛之虽加厚而亦不为刻故甸稍县都皆无过十二若夫事漆林之末作而掌山泽者尤当抑末作而陋之以重敛故漆林之征二十而五其首曰凡任地则知其为凡任地者之赋也

陈君举曰海内之地方千里者九以其一为畿内畿内之地方百里者百以其一为郊内乡遂在焉此天子所自有也而近郊有宅田士田贾田遠郊有官田牛田赏田牧田则郊田亦或赋之诸臣而不皆治于天子之吏郊外唯公邑谓之甸所谓闲田也其余以为家邑谓之稍大夫受之以为小都谓之县卿受之以为大都谓之畺公受之凡此皆封君也各衣食其租税以岁时颇有入于王府则近郊十共其一遠郊二十共其三稍甸县都皆十共二是谓九赋盖输公上者廛廛如此由此观之以方千里者九而天子所自有其一诚非自封殖以纵其欲徒以具百官成六军受四方防朝焉耳等而下之公侯伯里伯七十里子男五十里而其君毋过十卿禄卿一旅之田大夫一卒之田而又都城过百雉伐冰之家畜牛羊则于礼为大禁大抵大小相维而不相殊絕是之谓均苟不均则自天子達诸侯不得专有之是故山泽不以盼采地之内有漆林焉则倍徙其征虞衡虽王官然其歲入非丧纪勿用以经考之九州川浸泽数名在职方不属诸侯之版而诗不以圃田繫郑春秋不以沙鹿系晋略可觀矣周季诸侯始擅不盼之利齐斡山海桃林之塞郇瑕之地晋实私之僭侈滋甚往往穰霸甚者至周歲贡百二十金

于魏以易温圃秦人痛惩之罢侯置守以养千八百国之君者养一人而山泽陂池之入特为禁钱属少府由是人主独富强而郡县单弱天下之祸初起于匹夫然后知周过其历秦不及期非但仁义之泽不同亦制度之异也

凡宅不毛者有里布凡田不耕者出屋粟凡民无职事者出夫家之征

黄氏曰里布出于蚕桑宅虽不毛犹出里布屋粟出于艺植田虽不耕犹出屋粟旅师掌聚野之糴粟屋粟公田九一之外复有此税以夫屋为名所以给施散若今之义食狄民无宅则无里布无田则无屋粟然必出夫家之征在国则出十一之贡在野则出九一之赋一夫百畝之所任家征出土徒车輦给繇役视其费为之数【○王氏详説曰里者方里而井之里何必以为二十五家为里布者布总也何必以口赋出泉为布且比共吉凶二服是里布所罚以为吉凶二服有宅则有宅征有田与夫家则有田夫家之税虽因而罚之但屋粟与夫家之征为常法而里布为非常法故屋粟夫家之征言出而里布言有有者不宜有也后世以里布为常法故孟子曰廛无夫里之布则民皆愿为之氓唐时调法有家则有调而使之出绢去成周法意远矣】

薛氏曰学者为之辞曰抑末作也激游手也抑不思彼无生息蕃养之源而蹙之以刻剥之政民将何所出乎且闾师于不植者无椹而已载师则使出二十五家之布闾师于不耕者祭无盛而已载师则使出三夫之税闾师无职者出夫布而已载师则使出夫家之征何同情而异罚乎所谓宅不毛田不耕与夫民无职事者非为民而言为任地者言耳谓夫都家之长公邑之吏近郊远郊之所授皆任地者也彼既任是地则当垦辟田野教督耕桑可也今都鄙郊甸之中犹有不毛之宅不耕之田无职事之民则是上忘于职而忽于政故宅不毛者其长有里布之罚田不耕者其长有屋粟之罚民无职事则又罚其长以夫家之征夫然后为君者不虐于诛斂任地者不困于供输何者谓所生足以给所取也孟子曰入其疆土地辟田野治养老尊贤俊杰在位则有庆入其疆土地荒芜遗老失贤掊克在位则有让在诸侯如此则其于郊甸都鄙者可知【○陈君举曰闾师之罚罚庶民受井田者载师之罚罚有官职及闲民商贾也若圭田赏田公邑家邑小都大都之田商贾之田畜牧之田庶民在官之田何以罚之特重盖有官者怙豪横给以田而不耕授之宅而不毛则剥下亏上多矣庶人在官而不知耕则横取强斂多矣商贾之家畜牧之家有田而不知耕则逐利甚矣凡此皆先王所甚恶故罚之特重也】

以时徵其赋

易氏曰徵其赋者谓任地之正赋若里布屋粟以及夫家之征当时不常有故不立为一定之法【○郑锷曰徵之必以时则上不病国下不病民】

陈君举曰豕宰制国用而财计萃于地官所谓九功者六郷之中农圃工商山泽之赋闾师掌之九赋者廛里及疆土之有田至于都鄙者之赋载师掌之其市征廛人掌之其野斂县师旅师掌之防至于薪刍角羽茶炭之斂各有其人而其歳入泉在泉府谷在仓廩人委积之守在

遗人皆司徒之属而天官大府之所受特市事货贿之入然后知冢宰制国用者非但二三府区区出内盖兼總贡赋功之入而以九式出之以中大夫二人为司防治其最凡焉而以万目付有司要其财守则固地官之职也周之大计富藏天下不尽归之公上自九职九贡既皆不领于朝廷之经费而以九赋当歲之百须虽天子不得以意增损于其间者则以其藏在羣有司其节在大臣故也藏在羣有司虽大臣不能侵官以顺适其上节在大臣虽羣有司之积若丘山而不敢专輒于下然则分 二卿示公共防逾越而冢宰所以为独制国用也欤周之大政令每如此今见于诗书周公召公并相成王而洛师之役召公先相宅及周公蒞卜而后丕作康王即位同召六卿而命仲桓南宫毛者必太保宣王南征程伯休父实为司马而整六师者大师皇父也是谓一相处内无所不统不但理财然也秦兼天下山海池泽之税属于少府以给共养谓之禁钱其属自为尚书盖周司防之官则是自防其所司不 丞相汉文帝问丞相天下钱谷一歲出入几何陈平对以责治粟内史内史今大农也而不及少府则少府为天子私藏虽丞相有不得与闻者而利权始分矣

闾师中士二人史二人徒二十人

郑康成曰主徵六鄉赋贡之税者○陈及之曰闾师徵国中及四郊之税县师徵野之税皆民田什一而税者也○郑锷曰或谓六鄉之中二十五家同一闾各设闾胥以统治之矣又有闾师之官何也盖闾胥所掌者一闾之征令闾师则掌国中及四郊人民六畜之数以待其政令以时征其赋此其职之所以不同也然六鄉有比闾族党之名独取闾以名官者康成谓征民之税宜督其亲民者其說恐未尽何则比闾族党之官无非亲民者不独闾为近民之官而已尝以县师观之有四甸之县有五鄙之县有小都之县而掌征邑之贡赋者则以县师名之谓其在四百里之地四甸五鄙小都之县俱可總于是故也若夫五比之家则合而为一闾闾之百家则合而为一族族之五百家则合而为一党小而一比则未成为闾大而族党则各同出一闾欲知民数以任其力而征其赋必当出入乎闾巷之间然后知之为甚悉名闾之意殆由此尔闾师之任既为匪轻故虽以中士为之而命名曰师宜矣【○郑景望曰后世催科之法县以户长保长率十人催二三百家之税既已难矣而定役者止据物力之高下而不问其居舍之廛野故在遠郊而催城中之租居东鄉而督西保之税姓名居里之不可识逃亡死絕之不可知而破家荡产之害相寻役法之为民病也深矣或曰近世三十甲之說亦近于五比为闾之意夫何行之而犹病曰聯民者不异廛野役民者不本保伍虽以一夫征十夫之税而越竟奔走之劳死徙代纳之害犹前耳】

掌国中及四郊之人民六畜之数以待其政令以时徵其赋

贾氏曰闾师徵斂百里内之赋贡故云掌国中及四郊人民六畜之数

郑锷曰内而国中遠而四郊有人民焉为邦之本有六畜焉为家之资当悉知其多寡之数然后可量其力之所能任【○易氏曰牛以力而载马以力而驾鸡豚狗 之畜无失其时八口之家可以无饥则知其力之为有余由是任民则农圃之事以至虞衡之事皆其力之所及耕植之贡以至山泽之贡皆其力之所出】量其地然后任以事任以事然后可以待上之政令

而责其出赋以供在上者为无愧在民者乃无怨

凡任民任农以耕事贡九谷任圃以 事贡草木任工以飭材事贡器物任商以市事贡货贿任牧以畜事贡鸟兽任嫔以女事贡布帛任衡以山事贡其物任虞以泽事贡其物

郑康成曰贡草木谓葵韭果蓏之属○易氏曰大宰言任民则任之以其职闾师言任民则任之以其贡惟闾师以贡而论则山泽之职无虑数万此所以列虞衡为二【○郑锷曰山泽所出不同其职可以兼言其贡则不得不分也】防材之利毫末而已此所以不言臣妾【○刘氏曰臣妾各有所 而无地职以任其力也】然九职以虞衡为次此以虞衡为后亦山泽之利与民共之

黄氏曰凡任民国中九职杂居与野不同其授地或多或寡或不授地参差不齐故皆使什一自赋圃牧工贾则皆视农夫百畝各足以致其一夫之力而什贡其一畿内无贡谓之贡者言下之所以奉其上也国中贡即赋也什一自赋其实夏法

郑锷曰或谓龙子以为治地莫不善于贡贡者校数歳之中以为常以为乐 寡取凶年取盈周人用彻法今乃有闾师之贡何也余攷康成之說周制畿内用夏之贡法邦国用殷之助法又攷儒者之說谓大宰任三农之法是助法其法借而不税载师任地之法是贡法其法税而不借畿内自有贡法助法不然则闾师之于国中四郊何以有贡耶余谓贡法用于余地不耕田之处助法用于乡遂为井田之处

凡无职者出夫布

郑锷曰所谓无职则指闲民为臣妾耳臣妾者八职之所役闲民者八职之所恃初无可贡者特使之出一夫之布盖使出一夫算口之泉与里布夫家之征异矣然此布非罚布也亦以出为言者既谓之无职殆亦不宜出者也不宜出而出之亦勉之使励勤耳【○杨氏曰大宰九职九曰闲民虽无常职而使之转移执事是亦有职也闾师之任民以时征其财则八职之民皆有常职矣凡无职者亦使之出夫布则闾师之征赋亦非不及闲民也先王任民其详至于嫔妇化治 泉臣妾聚敛防财虽妇亦各有职不蚕则不帛不绩则不衰故夫耕妇蚕以其衣食无敢不自力者此黎民所以不饥不寒养生丧死而无憾也夫惰农自安不客于先王之时岂闾师任民而不及闲民哉盖闾师任民以征赋为主而转移执事已列于九职之末故不言也○黄氏曰凡民职业虽不同而皆受廛居作受廛者必有夫布闲民虽不受廛亦必出夫布如有职业者此所以惩之也○王昭禹曰大宰尝以九职任万民大司徒颁九职三事以登万民则任民以九职为本以三事为辅无职者谓无事于九职也宜有以阨之使任职焉故罚之使出夫布载师言里布者罚出居里之布此言夫布者罚出夫丁之布○林氏曰闾师凡无职者出夫布所以惩游惰至汉始一槩为算赋故高帝纪书云 算赋盖 变古重敛害民也】

凡庶民不畜者祭无牲不耕者祭无盛不 者无椁不蚕者不帛不绩者不衰

郑锷曰先王使民植桑种麻鸡豚狗 之畜无失其时者使之养生丧死无憾然人之情好逸恶劳欲其不惰于本业非有以罚之则有所不勉盖庶人之家五母鸡二母 畜以为牲不畜则使其祭不得用牲耕以供粢盛不耕则使其祭不得用盛【○郑康成曰盛黍稷也】不种植则使其死也有棺而不得用槨【○郑康成曰槨周棺也】不蚕桑则使其衣不得衣帛不绩其麻则使其丧不得衣衰凡皆所以耻之【○易氏曰人孰不念其先亦孰不爱其身于此缺焉能无愧乎玉藻云惰游之冠垂綬五寸亦皆所以愧之也愧之也者勉其怠而作其力也○黄氏曰工贾皆不耕岂可以使祭无盛儒不耕而食孟子所谓入则孝出则弟守先王之道以待后之学者固得通功易事也】郑景望曰老不帛死不槨丧不衰祭不牲不盛民之所以养生丧死厚终追逮情之所甚不忍咸无焉则罚而惩之不亦甚哉夫然后各致其力而野无旷土各率其职而国无游民衣食足于下贡赋裕于上夫先王之政本以养民因资其力以养国故凡一予一夺一劝一惩皆以丰其原培其本后世任民无政励民无术予夺劝惩一皆为取民而设民生无以养死无所 水旱饥馑枕藉沟壑莫之问而取民之法顾日益苛牧民之吏顾日益急不亦异乎

县师上士二人中士四人府二人史四人胥八人徒八十人

郑康成曰名曰县师者自六乡以至邦国县居中焉【○黄氏曰县师乡官也而掌天下地域人民六畜车犂之数及徼野之贡赋犹以内统外也以县为官取四甸为县之义丘乘之制贡赋之法于是详焉○王氏详説曰此天子所以谓之县官】郑锷曰耕牧之地有名县者四甸为县是也六遂之地有名县者五鄙为县是也采邑之地有名县者小都之田任县地是也此县师之职掌邦国都鄙稍甸郊里之地域而亦名曰县与上所言三县之名则同其实则异何以言之王国百里之外为六遂又其外为小都大都尚有余地不以封人者则谓之公邑天子使吏治焉其官名曰县师则近而四甸之县远而五鄙之县又远而小都之县凡所谓公邑者皆總統于是郑司农谓四百里曰县者正谓是也○陈君举曰周制以载师专管在官人禄地租赋以闾师专管农田租赋至县师又通管军政及野赋甸稍县都大率皆是受分地人其中间田则领于王官亦以乡遂之法治之至于乡遂只是邦畿之内分擘【闾师四郊县师郊里】管仲三分国之法正是乡遂法五鄙之法正是甸稍县都法但其制颇有团并以规利整促以使用兵处非先王立法之意

掌邦国都鄙稍甸郊里之地域而辨其夫家人民田莱之数及其六畜车犂之稽三年大比则以攷羣吏而以诏废置

贾氏曰稽计所计之数皆知之

吕氏曰先王自封建诸侯外有闲田散在诸侯之国或谓诸侯有罪则削其地以为闲田若有功则以闲田增封之天子平时各命王官以掌之县师掌邦国都鄙稍甸郊里之地域而兼天下之闲田以總其目此皆古人封建相维之意○郑锷曰邦国者畿外之诸侯都鄙者畿内之小都大都稍者大夫之家邑邑者六乡之井地郊里则自国中以至六乡其地域不为不广【○郑康成曰郊里郊所居○项氏曰如一里九夫】其夫家人民【○王氏曰人民在夫家六

畜之中则是民之 也质人所谓人民同意○项氏曰如一家九夫】田莱之数不为不多【○项氏曰如田百畝菜五十畝之类○郑氏曰莱休不耕者】其畜车犂不为不众如使县师尽得而掌之又从而辨之从而稽之非司徒而何然其所掌者止于邦国都鄙稍甸郊里之公邑则知其不同于司徒矣○史氏曰夫家人民之增损田莱之荒辟六畜之登耗车犂之备乏必待三年大比而稽考于是羣吏始从而废置则其法略于官府乡遂矣○郑锷曰遠而邦国近而都鄙与夫稍甸郊里之地俱有公邑则俱有羣吏吏有勤有怠则宜有废有置以劝激之詎可以为余地而不考之哉县师于大比之年从而考之知其勤则诏王以置之知其怠则诏王以废之夫如是孰敢不留意于王事哉說者以为乡师之职 终考六乡之治以诏诛赏奚为县师独于大比则以诏废置而不及诛赏无乃公邑之法独异于六乡乎余以废置视诛赏为轻诛赏视废置为重乡师为六乡之老而乡师乃公邑之官县师止于专治公邑而乡师于事无所不考县师亦乡师所稽故县师于废置之轻者可得而诏若夫诛赏之重有不得而与焉县师于大比诏其轻乡师于大比诏其重职有尊卑理亦宜然孰谓公邑之羣吏独无诛赏以驭之哉

黄氏曰此天下军籍也其序自外及内着其为一法也调 多用外兵止及郊里六乡之军司马不得而徵发之也六乡之军专卫王大比小司徒已考四郊之吏县师亦考之者小司徒掌教县师掌斂其赋各行其职必考察之而后其事严整

若将有军旅防同田役之戒则受灋于司马以作其众庶及马牛车犂防其车人之卒伍使皆备旗鼓兵器以帅而至

易氏曰戒者戒其豫备○黄氏曰司马主兵其令不得直行于天下必有县师关节此先王防意兵皆民也发民为兵而主民之官不应全不知故使其属行司马之法作起也起其众庶马牛车犂而后防其车人卒伍邦国都鄙乡法卒伍虽素定而车人不相须甸稍县都野法车人相须而县鄙居民未尝为卒伍故于此皆以司马之法防之五人为伍百人为卒离则皆伍联则皆什百人为卒乡为四闾野为四里车徒异部多少称事【○王氏曰车有车之卒伍若司右所谓合车之卒伍是也人有人之卒伍若小司徒所谓防万民之卒伍是也】○郑锷曰周制以军旅防同田役为国之大事不惟须众庶以为用而马牛车犂旗鼓兵器皆不得以不备不惟取于六乡之民亦有时用公邑之民六乡之吏帅之而至以听司徒之政令公邑之民为司马者得而用之县师闻有是戒则往受其法以作公邑之众庶及马牛车犂防其车之卒伍又防其人之卒伍有旗以为之指麾有鼓以为之号令有弓矢殳矛戈防以为之击刺使之各备其物然后帅之以至【○黄氏曰郊兵其吏帅之野兵稍人帅之邦国都鄙各从其主】先儒谓乡师以旗致万民则帅而至者谓致于乡师也余以为六乡之民乡师之所统治则民宜致于乡师若夫公邑之民非乡师之所统治而用民之法本受于司马则此所谓帅而至者宜致于司马若受法于此而致民于彼则调发之多少孰从而知之哉尝考稍人之职掌令丘乘之政令者也若有防同师田行役之事则以县师之法作其同徒輦輦帅而至以听于司马夫以稍人受法于县师县师受法于司马上下相统出于一律安有受司马之法乃帅而至于乡师乎先儒之說陋于是矣

凡造都邑量其地辨其物而制其域

贾氏曰都谓大都小都邑谓家邑○王昭禹曰县师掌闲田之地内自郊里外及邦国凡余地皆在所掌则凡造都邑者合天下闲田言之○郑锷曰大司徒言造都鄙制其地域而封沟之以其室数制之此又言造都邑量其地辨其物而制其域何也司徒所造者畿内三等之采地县师所造者公邑之地造都邑将以居民地邑民居必参相得恶可不量其地之广狭五地之物所生异宜恶可不辨其物之名色【○郑康成曰物谓地所有也名山大泽不以封】家邑之里二十五小都五十大都百户可不制其域之大小封都邑者必有定制故皆以制其域为言【○王昭禹曰制其域则为之立疆界大小之限】若夫大司徒言以室数制之即此所谓量其地言以土宜之法辨其名物即此所谓辨其物造之之法则同所造之地则不同所以各言之【○黄氏曰凡造都鄙乡法卒伍令赋邑野法丘乘令赋调 徵敛皆当用之故其所授民皆有数而不使其地有余不足量其地知其所能容辨其物知其易不易】

以岁时徵野之赋贡

郑锷曰贡赋之出于野者必当以时征之不先时以困民所无不后时以失民所有乃所以惠吾民也説者谓载师闾师皆言以时征其赋此独言以时征野之贡赋何也载师所征者任地之赋闾师所征者国中四郊之赋县师征公邑之赋贡其地乃公邑之闲田故特言野以别之

遗人中士二人下士四人府二人史四人胥四人徒四十人

王昭禹曰掌施惠以振救故以遗人名官○薛平仲曰取之于民而不知所以予之则施报之义乖予之于民而不知所以均之则公平之义泯遗人必继于此者先王所以示施报之义均人又继于后者先王所以示公平之义夫风俗之不善不由于施报之义乖则原于公平之义泯先王设官以寓教而动化风俗之机每形于不言之表则亦何往而非教哉

掌邦之委积以待施惠

王昭禹曰言邦之委积以别于诸侯国也○贾氏曰此与下为總目○郑锷曰先王仁政务在利人而已悯其不足必施惠以予之又谓用物不足则惠有时而穷欲其不穷则其积也宜厚故立遗人之官使掌邦之委积欲其积之有素然积于此者有限待事之来也不一以一方之积将以施无穷之惠不可也故所积各有地因其地之物以待其地之事则物不匮而惠不竭故自乡里而下各有委积以待事○黄氏曰郑谓余法用非也廩人匪颁调赐未有所指授储之以待故可谓之余法用谷不足则可止也遗人施惠皆有品式不可已者如郊里委积以待賓客岂余法用邪又县委以待凶荒今亦以谷不足而不出可欤大抵司徒教民相调相救民力之所不能任与其所当任老 羈旅国皆自当任之本文王惠鲜鰥寡之政国用之不可已者常时给养之一旦以谷不足而止则皆当为饿殍此遗人委积廩人匪颁调赐皆当于徵敛时与仓人分受之大略如今省司义仓米各有所属遗人所当用者亦必皆有余蓄虽凶荒谷不足不得止也遗人与闾师县师为联闾师徵乡赋县师徵野赋其事相关郊外曰野五鄴为

鄙委人以甸聚待羈旅野鄙即甸也稍无委积稍赋专给廩禄宜无余也凡委积道遠则移用

鄉里之委积以恤民之難阨

郑康成曰乡里乡所居也【○贾氏曰鄉里谓國中】○郑康成曰難阨犹困乏○郑锷曰乡里之委积出于农民之力农有難阨则取以賑恤之出于民还以与民【○史氏曰方其難阨岂暇遠愬即其居而予之取其近也○王氏曰恤民之難阨则司救所谓歲时有天患民病以节巡國中及郊野而以王命施惠也国及郊野以鄉里为中故恤民之難阨宜以鄉里之委积】

門关之委积以养老

贾氏曰門谓十二国門关十二关门出入皆有税足国用之外留之以养老 故司門云以其财养死政之老与其 ○郑锷曰門关之委积出于商旅之利父老死于王事而其子 子死于王事而其父老皆死义之家也取诸此以养之使民知利不胜义所以激天下之大义也

郊野之委积以待賓客

王昭禹曰近郊五十里六鄉在焉遠郊百里六遂在焉谓之郊里则异于鄉里以在鄉遂之间言之○贾氏曰六鄉之民所居郊者其委积留以待賓客其賓客至郊与王国使者交接因即与之廩饩【○郑锷曰刍薪禾米賓客道路之所頒而郊劳之礼实在乎此故积于郊里以待之○王昭禹曰司徒大賓客令野修道委积小司徒小賓客令野修道委积野指郊里之地言之】

野鄙之委积以待羈旅

贾氏曰野鄙据六遂在郊外曰野【○王昭禹曰遂地谓之野合五鄙而为鄙则野鄙为遂地明矣】六遂中有五百家鄙故以鄙表六遂亦可兼公邑在甸地者

郑锷曰康成谓羈旅为过行 止者以经考之乃旅师之所谓新甿盖羈旅无定名此乃自遠方新徙而来至于六遂未授田之人如王制所谓自诸侯来徙于家者也田虽未授身留于此则用野鄙之委积待之宜矣

县都之委积以待凶荒

贾氏曰县四百里都五百里不见稍三百里则县都中可以兼之特于此三处言凶荒者畿外凶荒则入向畿内取之畿内凶荒则向畿外取之是以郑即通给解之【○郑锷曰凶荒则流离入关者多矣故积于县都以待之如汉时关东水旱流民入关中仰食之类即都鄙之境上以赈恤之不来莩于京师○李景齐曰司徒荒政所以散利或者取具于此欤】史氏曰郊里

则遠井邑矣賓客不常至野鄙则遠廛市矣羈旅不常有县都则遠鄉遂矣凶荒不常见皆俟时而予之故云待也

刘氏曰曰恤者非恤不可行曰养者直以充其生待者必有以待之皆互文以相见

郑锷曰凡此五地委积出于民耶出于官耶以司门观之凡财物犯禁者举之以其财养死政之老与其 则关门之委积由此若夫其他余以谓三年九年耕所余之粟皆积于此

凡賓客防同师役掌其道路之委积凡国野之道十里有庐庐有饮食三十里有宿宿有路室路室有委五十里有市市有候馆候馆有积

贾氏曰上经委积随其所须之处此经委积据防同师役行道所须故分布于道路遠处须多故有积近处须少故有饮食及委【○王昭禹曰众之所至必有所须故道路皆有委积以待之】○郑锷曰賓客之往来防同之毕至师役之竭作其人众矣道途之所须寢食之不便其何以行之哉遗人之官自国门之外野中之道十里以至三十里三十里以至五十里近则有庐【○郑康成曰庐若今野候徒有房也○王氏曰庐小室十里可以饮食而息焉○史氏曰劳其饥渴也】遠则有宿【○郑康成曰宿可以止宿若今亭有室矣○王氏曰三十里则可以宿焉故为大室○史氏曰备其之絕】又遠有市庐则具饮食以待之宿有路室路室则有委以待之市有候馆【○王氏曰五十里则四旁皆可以日中至焉故有市也可以候賓旅而馆之焉○王昭禹曰先言庐后言馆则庐小而馆大】候馆则有积以待之如是则日无饥渴之忧夜有寢处之便适千里者无宿舂粮之劳亦不至于暴露而茆舍则孰憚于从王事哉然必以三十五里为率者正师行不过三十里吉行不过五十里之法以五十里计之则一市之间有三庐一宿三庐各为饮食盖所给者賓客防同师役之主将

黄氏曰国中賓客礼积有司供见大行人军旅粮食廩人供自甸而往其庐有路室有候馆自国野達于天下

薛氏曰成周封建之制自诸侯禄地及禄土之外其闲田之归于公上者虽领于王官皆藏于天下故自都達境十里有饮食三十里有委五十里有积凡糗粮刍茭具焉以待军旅故周礼一书经国之用具于九式而军旅无与盖所以藏富于民而不明民以用武考之于诗疆场有积仓之具彻申伯土疆以峙其粮而左氏亦云卫取于相土之东都以防王之东搜夫仓积于豳粮峙于申防搜之备達于卫境天下之赋藏略可觀矣下至春秋犹有存者齐侯之师【僖四年】陈郑共其资粮屢晋入楚境辄得馆谷柰何王纲解纽官守旷紊诸侯遂得以私治其财自用其兵至于京师之饥告饥于列国之晋先王之政扫地矣

凡委积之事巡而比之以时颁之

郑锷曰巡而比之则所积常有其物【○王昭禹日以校叙其多寡史氏曰不使过数】又以时颁之则施惠不失其时【○王昭禹曰豫备其所须则物足以给其求而无乏事矣】由此

观之周人岂欲多藏为富国之计哉后世头防箕敛损下益上钱贯朽粟红腐陈陈相因者固不无也水旱凶荒老 流离死沟壑者不少以遗人之官废故也余观左氏载单襄公假道陈以聘楚膳宰不致饬司里不授馆单子谓其灭先王之官必有大咎则賓客馆宿之废又非一日矣

均人中士二人下士四人府二人史四人胥四人徒四十人

郑康成曰均犹平也○王昭禹曰谓之均人则无所不均与土均异矣均人所均以人为主土均所均以地为主○史氏曰先王立均人所以均人民人民所食者在乎地故地政地守地职皆由此均焉

掌均地政均地守均地职均人民牛马车犂之力政○贾氏曰均人所均地政以下總均畿内鄉遂及公邑○郑锷曰地政欲取于地者均也政或为正或为征此均地政均力政宜依康成为征盖考下公甸用民之日知此政当为征地守欲制其域者均也【○贾氏曰谓畿内川衡山虞泽虞皆遣其地之人民守护之及其入山林川泽取之者使出税以当邦赋】地职欲于任其事者均也【○贾氏曰若农圃之属】均人民牛马车犂之力政欲用其力者均也【○郑康成曰力征人民则治城郭涂巷沟渠牛马车犂则转委积之属】

黄氏曰均人掌均力政自国中推行之于天下犹闾师之民职县师之军赋遗人之委积也周礼地职必聯地守山川林泽丘陵坟衍原隰五地其政本通而虞衡之地必常辨之不使与民杂因其地之多寡嫩恶而均之必使一夫之所受皆足以食其一家不使有余不足相悬絕是故地政均则地守地职可均矣民之作业不同必使皆得自尽其力而后任公家之事为之程等与贡税相补除不使轻重劳逸不相侔是故地守地职均而后力役可均矣力政力役之政令不必改字○王氏曰地政上所以正下地守地职下所以供上人民牛马车犂之力征则征于地守地职之人而已

凡均力政以歲上下丰年则公甸用三日焉中年则公甸用二日焉无年则公甸用一日焉

郑康成曰丰年人食四鬴之 也人食三鬴为中歲人食二鬴为无歲歲无贏儲也公事也甸均也【○刘执中曰甸犹周徧也谓均其民力周徧皆用其三日焉】○郑锷曰或谓周礼一经于徒役之事以为用民之力事之至大故屡言之今观均人视歲上下为用民之节不过一日二日三日之差奚为其然余尝论之是說自前汉始文帝集诸儒刺六经作王制以为用民之力歲不过三日自是学者不敢违郑康成觉其不通遂改甸为均曰公事均用三日余尝笑其凿古者龙见而毕务火见而致用水昏正而栽日南至而毕故卫文公楚宫之作仰占定星之中诗人以谓得其时制则知力役兴于农隙之时十月之候营室之中也一句而三日则一月而九日计冬之三月则二十七日矣年丰则食有余多用其力不为虐也一句而二日则一月六日计冬之三月则十八日矣中年食少歉減丰年三分之一也一句一日则一月三日计冬之三月则九日矣无年而力役不作減三分之二如以为一歲不过三日奚必諄复作经屡言役事之为大乎

陈及之曰此所役者非师旅行役之事师旅行役逮者二三年近者过时而反安能以歲三日为断或谓此非师旅行役则人主用民力荒矣殊不知师旅行役之事非歲所常有就使有之则其调自有定制东征之师三年而归采薇首尾一年何谓三日审如是說则无年公旬用一日苟有门庭之寇如东郊之患涇阳之患一日恶可集事是皆书生之說也王制内则云五十不从力征六十不与服戎则力征岂不与戎事异乎陈君举则曰古者民年三十而事六十而免名在官者三十年约其在官之齿而以歲三日为断用之九十日而免则终身不复役其說以之从力征则善谓戎事则未可也军事不得以时日为断虽愚者亦知其說鄉大夫云國中二十而征野十五而征夫年十五而使之力役非人情矣当以二十为防六十而免在官者四十年林勋本政书曰凡调役之法宜使丁夫皆十人为聯歲轮一人祇役一月周而复始凡执役在官则其九人各于其家偿其三日之役如此民无道路之劳官无交番之冗公私各得其所周礼所谓五人为伍十人为聯者也想先王用民大要如是若每人役其三日烦扰为甚

凶札则无力政无财赋不收地守地职不均地政贾氏曰凶札即廩人不能人二鬴之歲【○王昭禹曰荒政所谓弛力】

郑康成曰无财赋恤其乏用也财赋九赋也【○王氏曰荒政所谓薄征○李景齐曰民方资利以自贍安可以税斂重扰之乎故无财赋】

郑康成曰不山泽及地税【○王氏曰荒政所谓散利也○李景齐曰有地守地职则有贡矣不则不责其贡】亦不平计地税也非凶札之歲当税乃均之耳【○李景齐曰有财赋地守地职之事则必有政不均地政则尽弛之】○黄氏曰特言无财赋者國中九职盖有不授地而出征赋者如百工商贾闲民夫布皆是凶札无财赋其见于经者关市不征是也均人掌均力政凶札舍力役是其职也无财赋不地守地职无预于均人其言此者盖为均地政凶札最先舍力政甚则弛财赋又甚则不山泽及地税至此则不均地政每歲均之其中不免常有小小变易则亦常常均之凶札未至于不地守地职则亦均之不均者不扰动之也力税役赋皆免地政不均可也

李景齐曰一歲之入固国用所由以给今以凶札而悉弛之则何以供一歲之入是以见先王之备凶荒者畜积有素矣

三年大此则大均

郑锷曰上文凶札之故而不均特权时之变耳久而不修则法浸以坏故于三年大比时则大均不以一时之变废万世之常此纪纲所以不坏也【○郑康成曰有年无年太平计之若不修则数或缺○刘执中曰谓国之力役事寡而民之力政尚多三年用民而犹有未役者故大比之三年之外取其未役者役之所以能尽公旬三日之法】○黄氏曰大均因于大比大比不可移易大均亦不可移易古者大均有礼今制三歲占籍名曰推排歲旱则免虽古法其大意则甚失之矣

周礼订义卷二十一

卷二十二

<经部,礼类,周礼之属,周礼订义

钦定四库全书

周礼订义卷二十二 宋 王与之 撰

师氏中大夫一人上士二人府二人史二人胥十有二人徒百有二十人

薛平仲曰天祐下民作之君作之师君师之职人主所以承天之 以善天下之民有一未善先王以为由已致之师保之官特设于教典之中尊之中大夫下大夫之爵责之长善救失之任使人主无动不善所以善天下之本

杨谨仲曰书太师太傅太保曰三公盖周公之所位者也冢宰卿之职也以其为百官之长是以周公或谓冢宰以公任卿之职今师氏保氏乃中大夫下大夫之职司徒之属官虽职兼诏王媿諫王恶实以教国子为事其徒至百二十人则职至烦冗矣安得以为周召之师保哉○郑锷曰三代之教世子入则有保出则有师则师氏保氏教世子之官其职掌以媿诏王继言教国子之事盖其进则诏王以媿退则掌国子之教故以师名官言其足以为人之模范也

程氏曰古者自天子达于庶人必须师氏以成其德业故舜禹文武之圣亦皆有所从学后世师傅之职不修友臣之义未着所以尊德乐道之风未成于天下

陈君举曰师氏以教诏传道为名其所处宜尊严而其职宜贵求之于书则与虎贲缀衣同称诗人亦以趣马膳夫并列于雅夫虎贲缀衣趣马膳夫皆贱有司也皆人之所押而玩者也皆不可与啓迪賛襄者也今以教诏传道之官错举而混置之无乃轻乎是不然人主之自治非其广廷聽决之为难而其深居宴坐之足患非其公卿大夫夹辅之为难而其侍御仆从顺适其意之易惰也人主之心惟平时为易纵人臣之言惟卑者为易入

陈及之曰师氏以道教国子以媿诏王而其徒百二十人盖居虎门之左司王朝帅四夷之以守王门其徒不得不多也

掌以媿诏王

郑锷曰不曰美而曰媿盖告王为善不待已着然后言于其尚防以告焉使王即防而为之

愚按媿与美同凡人主一言一行之善师氏指其所以善者而诏告之进之于广大高明之域如所谓将顺其美者也

吕氏曰程伊川谓后世知求治而不知正君知规过而不知养德盖后世谏诤之官所以正君之恶者未尝不设若从容和缓以养君之德者则阙焉师氏以媿诏王专以从容和缓养君之德不幸君有过则有保氏之官在焉故二官皆言王举则从听治亦如之一则优游容与以养君之善德不使有一毫之拂一则秉义守正以正君之邪心不使有一事之违使人君既有所养又有所畏所以二者不可偏废

以三德教国子

吕氏曰大司乐掌成均之法以教国子此又以从容和缓以媿诏王之师氏教国子古人教国子之意如此○郑康成曰国子公卿大夫之子弟师氏教之而世子亦齿焉学君臣父子长防之道【○王氏详説曰周礼所谓国子有并言太子者有不及王太子者望经为解学者不可不辨以王制考之皇太子王子羣后之太子公卿大夫元士之适子此以王太子總言之也文王世子曰凡学世子及学士必以时此以王太子异言之也夫师氏保氏大司乐乐师之所谓国子者并言王太子也大胥小胥所谓学士者不及王太子也且大胥言掌学士之版以待致诸子王太子不预可知矣小胥言巡舞列而挹其怠慢者以王太子之贵非小胥所得而责之也又可知矣诸子言帅国子而致于太子则是以国子兴太子异也又可知矣】○王昭禹曰上则诏王下则教国之子弟皆出于师氏君臣上下所以同德而无异道

陈彦羣曰古者国子之教极严盖其以父兄之任为官与未命之士不同苟教之无素而一日用于朝廷宗庙之间与庸人何异汉人不知教国子而朝廷宗庙之间又率皆以父兄保任为即其后遂欲除任子之令不知任子之不得人由教养之未至耳先王赏延于世未尝以官授不才之子弟今之国子监正为教国子设故太学补选先于国子其为法则优而教养异于古矣

一曰至德以为道本

郑康成曰德行内外之称在心为德施之为行○黄氏曰孟子曰规矩方圓之至也圣人人伦之至也防黷織疵非其至也德至而后可以尽道故曰苟不至德至道不凝焉○吕氏曰至德者精粹不可名之谓道者溥博渊泉无声无臭惟至德以为道本故有所据依【○朱氏曰至德云者诚意正心端本清源之事道则天人性命之理事物当然之则修身齐家治国平天下之术】

二曰敏德以为行本

吕氏曰既有至德以为道本又须见之于所行方可敏者不息之谓○朱氏曰敏德云者强志力行蓄德广业之事行则理之所当为日可见之迹也○王昭禹曰丕则敏德盖德不敏则为于暂而废于久始于勤而终于怠亦无由而至矣

三曰孝德以知逆恶

郑康成曰孝德尊祖爱亲守其所以生者也孔子曰武王周公其達孝矣乎孝在三德之下三行之上德有广于孝而行莫尊焉

朱氏曰孝德云者强志力行不忘其所由生之事知逆恶则以得于己者笃实深固有以真知彼之逆恶而自不忍为也○吕氏曰前言道本行本此言知逆恶自非实有孝德于己则犯上陵节之事必有习而不察者惟实有行德能免此【○黄氏曰孩提之童无不知爱其亲然至于为恶逆迭相出入者不知其性者也不知其性固不能有诸己矣是故逆恶乘间而作亦莫能知之夫谓之孝德固无逆恶者临深履薄之戒虽圣贤终其身不敢已也故曰一出言不敢忘父母一举足不敢忘父母所谓知逆恶者不待彰著而后知爱亲本有之性少有差殊则知之矣此尽心知性之学德未有不本于事亲故三德卒归于孝德三行自事亲推之于尊贤事师无本不立】

總论

朱氏曰此三德者虽各以才品之高下资质之所宜而教之然亦未有专务其一可以为成人者是以别而言之以见其相须为用而不可偏废盖不知至德则敏德者散漫无所统固不免乎笃学力行有不知道之讥然不务敏德而一于至德又无广业而有空虚之 不知敏德则孝德仅为匹夫之行而不足以通乎神明然不务孝德而一于敏则又无以立本而有悖德之累此先王之教所以本末相资精粗两尽而不 于一偏也

教三行

朱氏曰德也者得于心而无所勉者也行则行之法而已不本之以德则无所自得而行不能以自修不实之以行则无所持循而德不能以自进是以既教之以三德必以三行 之虽其至未至粗而无所不尽而德之修也不自觉矣然是三者似皆孝德之行而已至于至德敏德则无与焉盖三者之行本无常师必协于一然后有以独见而自得之非教者所得而与言唯孝德则其事可指故又推其类而兼为友顺之目以教之以为学者虽诚未得于心而事亦可得而勉使其行之不已而得于心则进于德而无待加勉况其又能即是而充之以周于事而泝其原孰谓至德敏德之不可至哉或曰三德之教大学之学也三行之教小学之学也鄉三物之为教也亦明而详矣

一曰孝行以亲父母

吕氏曰前言孝德此又言孝行实有诸己谓之德见之行事谓之行既实有孝德于己矣须见于行事之间而后吾之孝德愈进亲意愈洽矣

二曰友行以尊贤良

吕氏曰必尽子弟之职以供洒扫应对之事而后先生长者方肯开 我【○王昭禹曰君子

以文防友以友辅仁则友者相尊也相助也吾以友行尊贤良则贤良亦将以友行而助我】

三曰顺行以事师长

吕氏曰所谓贤良者国中之先生长者也所谓师长者朝夕与吾处者也朝夕与吾处者其歲月为甚从其条目为甚烦才有一毫不顺便失事师长之道须是十分逊悌方可○王昭禹曰师以德行教人者也长以齿位临我者也

荀子曰师然而然则是知若师也此以顺行事师之谓记曰悌长而无遗此以顺事长之谓

總论

黄氏曰六德三德同此德也六德举其成德之可名者也三德原始要终使之所由入也六行三行同此行也孝悌而已矣司徒以此教万民而賓兴之师保以此教国子而推择之国之贤能皆出于此师氏教国子而掌以嫩诏王者君正莫不正也师氏将顺保氏正救皆引之以当道也国子成德而后万民有所观法故曰行归于周万民所望此其所以列于教官司谏掌纠万民之德而劝之朋友正其行而强之道艺司救掌万民之袞恶过失而诛让之以礼防禁而救之皆列于其下

居虎门之左司王朝

李景齐曰虎门路寝也画虎以示威武之象至于中门为雉门亦畫雉以象文明外文明而内威武高明柔克沉潜刚克之意文明着于外威武潜乎内则王之威亦德威而已【○朱氏曰正义谓路寝庭朝及库门外之朝非常朝此是常朝故知在路门外盖路寝朝在路门之里议政事则在此外朝在库门之外国有大事询众庶则在此非常朝也每日常朝王立于寝门外与羣臣相揖而已王又先揖羣臣就位王使入揖亦有高下不同如天揖同姓是也胡明仲常云近世朝礼每日拜跪乃是秦法周制元不如此】郑锷曰居门左者左尊而右卑师道尊故也言居门左则保氏居门右可知矣

郑康成曰司察也察王之视朝若有善道可行者则当前以诏王【○黄氏曰司王朝奸慝淫邪皆得察之】

掌国中失之事以教国子弟

郑康成曰中中礼者失礼者【○杜氏日记君得失若春秋是也】教之者使识旧事○郑锷曰国朝典故人有所不知者必以是而教之焉○陈君举曰教以三德三行以立其根本又须教以国政使之通達治体故国政之中者教之以为法不中者教之以为戒使之洞晓国家之本末源流则他日皆良公卿也

凡国之贵游子弟学焉

黄氏曰国子又曰国子弟弟系之于其兄也贵游子弟其父兄之爵尊者也游郑谓无官司者也司士曰以能任事此盖不任之以事者与诸子游倅之游同义游倅非适不必贵贵游子弟兼适庶必贵者盖常与王居者故国中失之事皆使学焉

李景齐曰周自有教国子之官师氏掌以嫀诏王今考其职教国子者尤详焉乃所以广于诏王之道非有二事也何者国子所頼以宿卫王宫最于王为近且密师氏居虎门之左司王朝而以嫀诏王则王之所闻者善言所知者正道固可以格其非心然退而寒之者众则此心易摇故必详于教国子使之皆善则在王所者长防卑尊无非薛居州王谁与为不善古之人臣所以纳君于善而古之人君所以自置其身于无过者莫急于此保氏之职掌諫王恶而养国子以道者盖亦是意后世之君非无所谓谏诤辅拂之臣而深居退处所对不过宦官女子则君心之易蛊宜矣

陈君举曰古者取士先国子次俊造夫国子非但王人之谓也记曰羣后之太子卿大夫元士之适子皆造焉则诸侯子在其中矣今见于经师氏居虎门教国子则 卫王宫之士庶子宫伯所领者也大司乐成均教国子是谓胄子则常在学者也其余不常在学特名在学士之版则歳春秋之一合诸学其籍在诸子其教则大胥小胥由此观之列国之子与在周行者同卫王宫同入成均同 学士之版于斯取才焉而用之曾何内外之辨传言鲁公之子伯禽卫康叔之子牟齐太公之子伋俱事成王而宣王欲得国子之能训导诸侯者樊穆仲以鲁侯对略可覩矣犹以为未广也则乡党有賔贤 国有贡士是谓俊造盖以三百六十官迭来四方之彦而博极一时之选是故天下无遗才而王室亦无世官之 故曰凡周之士不显亦世周衰世卿为政姻娅撫仕而诸侯子不在教育选举之科小雅刺之曰东人之子职劳不来西人之子粲粲衣服言仕京师者輒得志下国之士壅于上闻甚则卫之贤者仕于伶官简兮之卒章曰彼美人兮西方之人兮风人以是为宜承事王者而困穷至此先王之泽熄矣汉设左官之律凡仕于诸侯者皆左选也且不得宿卫大乐律曰除吏二千石到六百石关内侯到五大夫以为舞人而诸侯子弟不与焉国子之分内外于是始何示人不广乎

凡祭祀賔客防同丧纪军旅王举则从【才用反】听治亦如之

郑康成曰举犹行也○贾氏曰此数事王行之时师氏则从以王所在皆须诏以美道故也○郑康成曰听治谓王举于野外以听朝○贾氏曰上数事皆有朝以听治之故从王亦如上虎门之左同故曰亦如之

王氏曰师氏保氏凡祭祀賔客防同丧纪军旅王举则从听治亦如之则是诏嫀諫恶之官无适而非从夫然后王无一嫀之弗为无一恶之弗去○郑景望曰王之出入起居无不与知随事而将顺正救之则达善于萌止恶于防过宜寡而德易成

使其属帅四夷之 各以其兵服守王之门外且蹕【音毕】贾氏曰属即序官上士府史胥

徒之等使此人帅四夷之隸若秋官蛮隸等○王氏详説曰司隸云掌帅四翟之隸使之皆服其 之服执其 之兵守王宫与野舍之厉禁是司隸帅之矣师氏之属又从而帅之○郑康成曰兵服旃布弓劒不同【○贾氏曰东方南方其服布其兵劒西方北方其服旃其兵弓矢】○郑氏曰门外中门之外蹕止行人不得迫王宫○陈君举曰天子中门之外下有兵卫上有卿大夫子弟之卫今也不设于此而使四夷之隸为卫若以服逖人为美观则先王虑患疑不如此非我族党其心必异脱有他祸萌于輶轂之下又岂止美观而已【○王氏曰王唯无恶而有媿则四夷服而为役可责以守御也○孙氏曰师氏以媿诏王将欲起其修省之职而警其怠荒之渐故因之统帅焉五 之人众矣曰其在王宫者曰其守王宫者则亦择而使之非杂然并进也○易氏曰四翟之民即南方之蛮东南之闽东方之夷东北之貉其服属为有素非西戎北狄比盖周自文王之世西有昆夷之患北有玁狁之难惟东南之地王化先及以基王业至周公摄政制礼作乐推原乎主化之所始南方曰象则有象胥之职以待蕃国之使东夷之乐曰鞀则有鞀师之职以为宗庙之乐及此四翟之隸司隸亦帅之以备王室之守也】

朝在野外则守内列

郑锷曰非特在国可使之守若朝在野外虽使之守藩盾之内列亦可大抵诏王以媿使吾王之德足以服人则虽无城郭沟池亦足以为固

保氏下大夫一人中士二人府二人史二人胥六人徒六十人

郑康成曰保安也以道安人者文王世子曰保也者谨其身以辅翼之而归诸道○史氏曰王者之行美恶而已既有师氏以诏媿又有保氏以谏恶此所以善日加益而不自知孔子语事君之道必曰将顺其美正救其恶故上下能相亲此保氏不可不立如此

掌谏王恶

王氏曰师氏未有媿而诏之故曰掌以媿诏王保氏有恶而后谏故曰掌谏王恶○郑锷曰或谓圣贤之君不免有过自非桀纣孰肯为恶今设官以谏王恶何耶余以为王者正身以正天下故有诏媿之官导之于善又不可无敢谏之臣以谏止其非媿则诏之于防若夫恶则必须力陈其非而去之人君未必肯为恶特保氏之官以谏恶为职职在谏恶故能保王之身辅翼之而归诸道

而养国子以道乃教之六艺

史氏曰师氏之德行既根诸内而保氏所养养此而已夫有诸内必形诸外则艺也仪也人孰患其不习哉○郑锷曰説者谓教以德行则不言养教以艺仪先言养之以道何也余以为艺则一能之可称仪则容止之可观养之以道然后教之中有所主表里相符华实相副矣养则涵养其心优而柔之使自求之饫而饫之使自趣之

王氏曰道与之才先王达之以为艺道与之貌先王制之以为仪

一曰五礼二曰六乐

郑康成曰五礼吉凶军宾嘉六乐云门大咸大韶大夏大濩大武

三曰五射

郑司农曰五射白矢参连剡注襄尺井仪○贾氏曰先郑云五射已下无正文或别有所见白矢者矢在侯而贯侯过见其镞白参连者前放一矢后三矢连续而去剡注者谓羽头高镞低而去剡剡然襄尺者臣与君射不与君并立襄君一尺而退井仪者四矢贯侯如井之容仪

四曰五驭

郑司农曰五驭鸣和鸾逐水曲过君表舞交衢逐禽左【○贾氏曰五御者御车有五种鸣和鸾者和在式鸾在衡韩诗云升车则马动马动则鸾鸣鸾鸣则和应先郑依此而言水曲者谓御车随逐水势之屈曲而不堕水也过君表者若毛诗传云褐缠旃以为门裘缠质以为闲容握馵而入鞶则不得入谷梁亦云艾兰以为防置旃以为辕门以葛覆质以为檠流旁握御鞶者不得入是其过君表即褐缠旃也舞交衢者衢道也谓御车在交道车旋应于舞节逐禽左者谓御馵逆之车逆馵禽兽使左当人君射之人君自左射故毛传云自左膘而射之达于右隅为上杀礼记云佐车止则百姓田猎是也】

五曰六书

郑司农曰六书象形防意转注处事假借谐声【○贾氏曰六书象形之等皆依许氏说文象形者日月之类是也象日月形体而为之防意者武信之类是也人言为信止戈为武防合人意故曰防意转注者考老之类是也连类一首文意相受左右相注故名转注处事者上下之类是也人在一上为上人在一下为下各有其处事得其宜故曰处事假借者令长之类是也一字两用故名曰假借谐声者即形声一也江河之类是也皆以水为形以可工为声但书有六体形声实多江河之类左形右声鸠鸽之类右形左声草藻之类上形下声婆娑之类上声下形圃国之类外形内声闾闾衡衡之类外声内形】

六曰九数

郑司农曰九数方田粟米差分少广商功均输方程赢不足旁要今有重差夕桀句股【○贾氏曰皆依九章算术而言云今有重差夕桀句股者此汉法增之】

王昭禹曰养国子以道然后此之所教彼之所学相得以意 于心应于手见于面盎于背不待言而后喻其能礼乐也非特钟鼓玉帛而已礼与天地同节乐与天地同和彼之所及也其

能射御也非特主皮执轡而已至于射以观德行而武可习御不诡其遇而驰必正彼之所及也其能书数也非特记今昔计乘算而已至于书足以文道德性命之情数足以致高天星辰之遠彼之所及也六艺之所致理不在乎粗而在乎精则何适而非道乎

乃教之六仪一曰祭祀之容二曰賓客之容三曰朝廷之容四曰丧纪之容五曰军旅之容六曰车马之容○郑锷曰仪者德性之表见于动容周旋之际者也祭祀有裸献荐彻之仪其容欲穆穆皇皇【○郑康成曰祭祀之容齐齐皇皇】賓客有拜迎揖逊之仪其容欲严恪矜庄【○郑康成曰賓客之容穆穆皇皇】朝廷则蹀躞如也鞠躬如也其容欲其济济跄跄【○郑康成曰朝廷之容济济翔翔】丧纪则有临丧之容【○郑康成曰丧纪之客累累顚顚】军旅则有介冑不拜之容【○郑康成曰军旅之容暨暨谻谻】车马则有不内顾不亲指之容【○郑康成曰车马之容匪匪翼翼○贾氏曰祭祀之容至齐齐翔翔皆少仪文丧纪之容至暨暨谻谻玉藻文车马之容匪匪翼翼亦少仪文】国子异时从事于宗庙朝廷之上詎可不素教之哉单子视不登带言不过步貌不道容叔向以为无守气晋侯视遠足高目不在体足不步目单子以为不能久古之人视威仪省祸福则教国子以容仪诚不可缓然皆以道通之然后教之则艺仪皆道之所寓欤

凡祭祀賓客防同丧纪军旅王举则从听治亦如之使其属守王闈

郑锷曰闈者宫中巷门【○王氏曰旁出之小门】深宫虽非人所可知然自古史氏所书幽隐之事末有不彰闻于外者諫恶之官尤当自宫闈始○史氏曰使其属守王闈所以几其出入从而諫也○王氏曰师氏保氏皆使其属守则亦有保之名焉守事非其身之所任矣黄氏曰保氏守王闈则益迫近矣师氏有四夷之隸故在门外然保氏掌諫王恶则其察之当益详

司諫中士二人史二人徒二十人

郑康成曰諫犹正也以道正人行○郑锷曰官以諫为名乃諫王之职周家保氏諫王恶乃为万民立司諫何耶余以为王者处心不在一身而在天下已之德已成而无过亦欲天下之民有德行而无过恶为民设司諫犹已有诏燾之师为民设司牧犹已有諫恶之保

愚按司諫之职即今之提学官而设于教官之属以德行道艺之教皆自乡而行之兴贤兴能之事皆自乡而推之万一乡里之间好恶不一而学术之或偏毁誉不公而选举之失实则流孰从而御之先王所以耳目于司諫而巡问观察将以扶植正学而维持公论者实在乎此观纠正辨考之辞便见有检察核实之意

掌纠万民之德而劝之朋友正其行而强之道艺吕氏曰天生蒸民有物有则民之秉彝好是懿德非三代之盛谁能理防民德

郑康成曰朋友相切磋以善道○朱氏曰人之大伦其别有五必欲君臣父子兄弟夫妇之间交尽其道而无悖非有朋友以责善辅仁孰能使之然哉故朋友之于人伦其若轻而所系

甚重其分若疎而所关甚亲其事若小而所职甚大此古之圣人修道立教所以必重乎此而不敢忽非强附乎四者之间也自世教不明君臣父子兄弟夫妇之间既皆莫有尽其道者朋友之伦废阙尤甚夫人伦有五而其理则一朋友又其所借以维持是理而不至于悖者也由夫朋友之义废而责善辅仁之职不举彼四者又安能独尽而久存哉

郑锷曰掌纠万民之德知其所修者德则劝之使亲近朋友以自辅盖自天子至于庶人未有不须友以成修德于内行见于外虑其矫僞怪奇则正其行使归于中庸又强以道艺使不至于鄙朴

巡问而观察之以时书其德行道艺辨其能而可任于国事者

郑康成曰巡问行问民间也可任于国事任吏职○郑锷曰巡而问之观而察之见其德行道艺可书者则以时书之其或才能过人颖脱于伦辈之中他日可任国家之事者又别白而条具之

吕氏曰乡官一属特立一司谏专掌民事甚有意司谏以前若乡大夫考其德行察其道艺州长考其德行道艺党正书其德行道艺旅师书其孝悌睦婣有学闻胥书其敬敏任恤到司谏又纠万民之德而劝之朋友正其行而强之道艺如此详尽方始以时书德行道艺辨其能而可任于国事者彼此各有一簿书互相参考

以考乡里之治以诏废置以行赦宥

郑康成曰巡问劝强万民而考乡里吏民罪过以告王所当罪不○王氏曰知吏之实故可以诏废置知民之实故可以行赦宥○郑锷曰废置以驭吏赦宥以宽民民之不善非民之罪吏之过先王责吏不责民故吏不能教民则罪之而民之德行道艺未至乃教之未至也如已为过恶能从吾之谏而改之吏则可废置而民则可赦宥也○郑景望曰司谏以万民德行道艺之能否考乡里之治而诏废置凡曰乡州族党闾比之吏孰敢罔民而欺上

王昭禹曰考六乡之治以诏废置固乡师之事先王惧乡师之职考之或有未尽故使司谏巡问而观察之有以知吏之教治之实此所以亦委以考其治而诏废置也然乡师言岁终司谏不言则司谏所以考而诏之者不必岁终也

司救中士二人史二人徒二十人

郑康成曰救犹禁也以礼防禁人之过者也【○王昭禹曰语曰汝弗能救欤则救者所以止其恶也】○郑锷曰易系辞言小人以小善无益而弗为小恶无伤而弗去是故恶积而不可掩罪大而不可解先王设司救之官救其恶于细微使不至于灭身乃所以救之也○史氏曰民之有司谏司救犹王之有师氏保氏所以使之归媿改恶后世师氏保氏不立而以司谏兼司救之职为王补阙而拾遗民有衰恶过失不知以威诛让之以礼防禁之而一于刑辟先王

之意失矣

掌万民之袞恶过失而诛让之以礼防禁而救之项氏曰邪与正反恶与善反过则非改失则非悔邪恶虽未丽于法然作于其心害于其事故不可以不救过失虽丽于法然犹未尽刑焉故亦救之而已【○王昭禹曰袞恶在心过失在事袞恶虽故罪而未丽于法过失虽丽于法然非故未可以施刑先王皆宥之○黄氏曰袞恶未丽于罪犹今法轻情重过失丽于罪犹今法重情轻】诛责之以法使之知悔而不为防禁之以礼使之自克而不犯皆所以救之于未甚○史氏曰诛与让不同防与禁亦异心之愧耻因辱而生辱之则追悔其已往身之犯法因囚而改囚之则思底于自新

易氏曰如乡饮乡射祭社祭祭酺之类无非救之以礼而纳之于善

凡民之有袞恶者三让而罚三罚而士加明刑耻诸嘉石役诸司空

史氏曰让者切责之罚者挞击之士司寇之属○郑锷曰袞恶出于故为虽未丽于法害已加于人让之至于再三乃有不愧畏焉则加以挞罚宜矣挞罚之加又至于三而不改是则怙终之人归诸士师之官去其冠饰而书其罪恶之状着之背以明示诸人而耻之可也坐诸嘉石视其罪之轻重定其坐日之久近坐日已满则使司空役以劳辱之事则袞恶之心自消矣○郑康成曰嘉石朝士所掌在外朝之门左使坐焉以耻辱之既而役之司空使事官之作也坐役之数存于司寇

郑景望曰司谏既纠民之德矣袞恶过失又有司救一官救止于将然防禁于未然而诛让于已然让之三而后罚之罚之三而后刑之喻之也悉警之也至待之也久书所谓左右有民师保万民其在是乎

其有过失者三让而罚三罚而归于圜土

郑康成曰圜土狱城【○孙氏曰归圜土之刑人不亏体罚人不亏财是亦教之以礼非迫之以刑】

郑锷曰过失虽非故为原其过误让之可也安有至三皆误耶故亦三让而罚不悛昼则任以事夜则归以圜土视为囚徒也无知之民宜用刑禁以馭之耻之役之俟其改过自新委曲至此盖重于用刑耳【○王昭禹曰先王谓人之知虑生于忧患死于安乐且以劳告强其支体污辱发其志气是故教之以圜土平之以嘉石三年之任五等之役则其劳苦以强之辨之有明刑拘之以桎梏则其污辱以教之】黄氏曰司救圜土与司寇圜土轻重不同司寇圜土乡宫断狱丽罪为当杀司刺讯于臣民以为过失而宥之者也此非司救让罚之所得行于其初有司直执而治之卒乃寘之圜土司救圜土即郑所谓鬻鬻好讼抽拔兵器误伤害人虽有罪本其为无意者也是故让罚行焉不改而纳之圜土此其轻重之等不同司救圜土先嘉石司寇嘉石先圜土

總论

黄氏曰袞恶虽未丽于罪而诛其意故让罚不改坐诸嘉石罪之则无其法也过失虽丽于罪而原其意故让罚不改内诸圜土本以待过失之当宥者是犹以本法治之凡司救调人当行之事皆稟之于司徒与其地治者听之

凡歲时有天患民病则以节巡国中及郊野而以王命施惠

史氏曰天患菑眚民病札瘥也以旌节表之使民知施惠出于王命也○黄氏曰施惠惧其养之不给而或陷于罪○郑锷曰乡师言以王命施惠而不持节此乃持节者盖乡师歲时巡国及野凋民薊阨乃歲之常也此则天患民病遣行巡视一时之恩故执节以为信汉唐以来遣使持节以賑民凶荒其基于此二官持节与否虽或不同以王命施惠欲恩归于王则一而已

杨氏曰袞恶过失非天患民病之类盖司救以救民为职故凡歲时有天患民病而以王命施惠所以振救之【○郑景望曰兼以救民瘼为职也夫为防万民之过恶而立官以施惠特兼之岂不以民袞恶过失重于裁害也此亦自古皆有死民无信不立之意】

周礼订义卷二十二

卷二十三

钦定四库全书

周礼订义卷二十三 宋 王与之 撰

调人下士二人史二人徒十人

郑康成曰调犹和合也○史氏曰凡人之心方其有触则怒怒则争争则鼎镬在前不顾也及其怨隙已成杀伤被执退省其身已无生路追念其父母妻子不可复见未始不悔悟而恨旁人之不我救止先王灼知人情之隐设调人以谐和于始使不至于此地忠厚之至也

掌司万民之难【乃旦反下同】而谐和之

项氏曰难相与仇讎凡民之难常起于有已有物已与物偶不能无爱恶爱恶相攻则忮心生故有以一日之忿而为终身之仇讎眦睚必报虽死无恨此其为难岂胜言哉先王于是命调人谐和之

凡过而杀伤人者以民成之

郑康成曰过无本意也成平也○郑锷曰过误杀伤在此无可讎之理在彼有必讎之义调人合乡里之民立为证佐共明其非本意以平其怨怒之心亦省刑罚之一端【○刘执中曰成之必以民者使其比闾相亲爱之民劝佐而行其成则不敢变渝而复不平○郑康成曰春秋传曰惠伯成之之属】○郑景望曰故杀故伤断以正刑无所复议过非本意而报以正刑圣人所不忍周家之法五刑之疑虽大辟皆有赦有罚司刑者原刑定法则如此

鸟兽亦如之

郑康成曰过失杀伤人之畜产者【○项氏曰如鲁人以介共鸡而相攻亦难之所起也】

凡和难父之讎辟【音避】诸海外兄弟之讎辟诸千里之外从【才用反】父兄弟之讎不同国君之讎眦【音视】父师长之讎眦兄弟主友之讎眦从父兄弟弗辟则与之瑞节而以执之

史氏曰凡怨讎蓄积于心不见则已见则不可已故和之之法亦在于弗使之见此谓之辟○项氏曰和难者非能止忠臣孝子之心和之使勿讎也亦不过劝之使辟焉尔○郑康成曰和之使辟于此不得就而仇之九夷八蛮六戎五狄谓之四海主大夫君也春秋传曰晋荀偃卒宣子盥而抚之曰事吴敢不如事主【○郑锷曰一国之主有仪有卫胡为有过误兄杀耶所

谓主者乃主以利得民之主左传所载家臣谓大夫皆曰主彼为主君则其臣事之人岂无豫让之于智伯者乎】瑞节玉节之剡圭【○黄氏曰瑞与节也节岂旌节欤】和之而不肯辟者是不从王命也王以剡圭使调人执之治其罪也【○刘氏曰若襄二十二年子展所以黜游氏之义○项氏曰与讎者瑞节使执其讎以归于官有节则无敢敌者而忠臣孝子不至于遭害又执之于官杀之则非民之专杀而其讎之子孙不能以复报也】

贾氏曰父之讎已下皆是杀人之贼王法所当讨即合杀之未杀之闲虽以防赦犹当使离乡辟讎此经略言其不言者皆以服约之【○愚案唐虞之法省过无大康诰亦曰乃有大罪非终乃惟眚灾适尔既道极厥辜时乃不可杀调人所谓过而杀人耳然过者在所赦而于人有父兄君臣之讎不可同处伤孝子顺孙之心故使之辟非谓凡伤杀者皆然】赵商问春秋之义子不复讎非子臣不讨贼非臣楚胜之徒犹言郑人在此讎不遠矣不可以见讎而不讨子夏曰居父母之仇如之何孔子曰寝苫枕干不仕不与共天下遇之市朝不反兵而鬪天下尚不反兵海内何为和之○项氏曰父母之讎不与共戴天凡四海之遠虽有至孝之心不能往矣故辟之海外兄弟之讎不反兵然千里之外足矣从父兄弟之讎不同国同国则必报君与父同师长与兄弟同主友从兄弟同○史氏曰海外遠矣千里之外次之不同国又次之亲疎之义岂无等差

黄氏曰杀人者罪不至死非其子弟之心故为辟讎之法上之人行法原情故过误杀伤许和解至于子弟之心岂能防故又使相辟而后其难可和不然各奋私义怨讎滋多民不和矣○郑景望曰子弟之心视其父兄见杀见伤而从末减也则有所不能忍圣人又忍其情使杀人之父兄者辟之遠方异地以伸夫为子弟之情弗辟则论其违令之罪而拘置之其地于过误而弛重辟之施緣人情而立辟讎之法苟在四海之内在千里之内与之同国而不报焉非臣子也故得而报之者臣子之志伸而在海外在千里之外在异国虽不得报亦足以慰其志矣此调人之官所以谓之难也

王氏详说曰复讎之人本为父兄子弟设交游师长主友之家则何预于外人哉贾氏以无子为言得之矣

凡杀人有反杀者使邦国交讎之

贾氏曰既杀一人其有子弟复杀之恐后与己为敌而害己故郑云欲除害弱敌其杀人者或逃向邻国所之之国得则讎之也【○史氏曰杀人者死王已杀之仇家复思报焉与邦国共弃之○郑锷曰此盖有司以法杀人有敢讎而杀之者其所杀者虽有司之身原其意乃不服国家之法宜天下所不容】

凡杀人而义者不同国令勿讎讎之则死

刘氏曰杀人而合于义为 谋祸恶之未发而能先事杀之朝士曰凡盗贼军乡邑及家人杀之无罪是也迁其子孙使居异国【○郑锷曰此盖当刑而逃窜不 官许人捕者也人有捕

之格鬪致死虽曰两下相杀然杀之合义故令辟而之他彼人之父兄子弟皆勿得而讎之讎之则是杀奉命之人乌可不死哉○史氏曰宜杀者勿使讎异国而处息其怨心若有讎者是不知上之法禁杀之可也】○项氏曰杀人而义则彼必不义也然犹使之不同国先王不忍使人臣子与杀其君父者同处然既义而不同国则不可讎矣讎之必死以伸义也愚按曲礼曰父之讎弗与共戴天兄弟之讎不反兵交游之讎不同国檀弓子夏问孔子居父母昆弟之讎意亦类此然后知复讎一事其重如此周官调人之职乃使其父兄师长之讎皆有所辟然则礼经岂教人杀人调人岂纵恶容奸者乎盖礼记所言主为复讎之人言周礼所言主为人讎之人设且调人之和难乃过杀人者耳非过杀人者自许以复讎也又曰凡杀人而义者不同国令勿讎讎之则死谓如为众杀之得其宜则不当讎故亦勿讎朝士曰凡杀仇讎者书于士杀之无罪此仇讎谓所当杀者然后书于士无罪不书是有过也如此则调人之职甚明其所和者在于过而其所不讎者在于义使谓之纵恶也瞽瞍杀人皋陶为士则执之法之所在虽天子不得庇其父岂有人君立法又汲汲于和其难哉吾以是知调其过与义者乃所以顺其情也故公羊子曰父不当诛子复讎可也父受诛子复讎此是子之道此虽论有司之事与调人之职语异而意同其讎之可复与不可复亦视其当杀与不可杀耳唐 宗时殿中御史杨万顷杀张审素二子手杀万顷繫表于斧言父冤状议者多言当宥 宗下勅曰国家设法期于止杀各伸为子之志谁非徇孝之人展转相求何有纪极遂杖杀之使其父果有冤死乌得行一切之意至宪宗时韩愈因梁悦事作复讎状以为据礼经则义不同天考法令则杀人者死礼法二事皆王政之大端杀之与赦不可一例宜集议奏闻酌其宜而处之则经律无失其防是观其当诛则用调人交讎之义观其不当诛则用调人复讎之说

凡有鬪怒者成之不可成者则书之先动者诛之郑康成曰鬪怒辨讼者也○史氏曰鬪怒平之则不至于争不受平者为籍以纪使其不可以再犯先动者诛则虽有怒者不敢先 以丽于罪此皆息怨息讼之要术也【○王昭禹曰好勇鬪狠将亡其身以及其亲必有以成之使彼此各无亏焉苟其不可成亦强梁而不可教者也故必书以志其事苟又先动所谓怙终贼刑则必诛之】

陈及之曰胡五峯曰昔先王盛时不令而行不禁而止天下风动无一不得其所令行禁止天下无冤民今司徒之属有调人者掌谐和万民之难有辟讎之法有交讎之令有成鬪怒之书此下陵上替政令不行之明验周公经世之典顾如是哉呜呼周公之法令岂特为当时计哉为当时计则成王之为君周召之为臣其百执事有司皆贤大夫也不令而行不禁而止固不当有如调人者可也若以周公身致太平此等官不必置是相率为苟安之计一日周公死后人无所 仗矣且司市之法曰国君过市则刑人赦夫人过市则罚一褫世子过市则罚一帑夫设罚以禁过市者为其燕游无度也以成王之君夫人世子岂至于燕游无度哉设法以防之为后世也凡此等可以类推○郑锷曰调人之法不以复讎为重乃许以辟免战国遂有借交报仇以成闾里之侠如郭解之徒皆报私怨儒者之论复讎如韩愈柳宗元纷纷不一调人之法果可行于后世乎

媒氏下士二人史二人徒十人

郑康成曰媒之言谋也谋合异类使和成者今齐人名翹 曰媒

贾氏曰媒氏在此者集名云配俪男女取地道生息故也

薛氏曰人之至情室家子孙之望无以繫縻其志则为善之心有不可得而固于是有媒人焉掌万民之判而合之故凡男女之无夫家者上之人实为之制礼而防合之使夫内有室家保守之安下有子孙长久之望则教可得而致矣

掌万民之判

郑锷曰鲁昭娶吴为同姓谓之吴孟子陈司败讥其不知礼盖婚姻合二姓之好当辨氏别族有百世而不可通者周人立媒氏之官虑万民之愚不知其别乃为之掌其判使男女者知其别然后可以通婚郑康成以为判者半得耦为合主合其半成夫妇也余以为判别也谓男女之别知其族类之所由别则无同姓为婚之失也【○史氏曰曲礼曰男女非有行媒不相知名非受币不交不亲故日月以告君齐戒以告鬼神为酒食以召乡党朋友以厚其别也盖有判则有合】

凡男女自成名以上皆书年月日名焉

吕氏曰成名者案内则子生三月之末男角女羈以见于父父名之宰书曰某年某月某日某生而藏之宰告闾史闾史书为二其一藏诸闾府其一献诸州史州史献诸州伯州伯藏诸州府其制详密如此战国以来不复重民之生此制废阙久矣【○史氏曰若春秋桓六年九月丁卯子同生是也○郑锷曰男女始生三月父名之际必记于版则知其二十三十可以嫁娶之时矣】

令男三十而娶女二十而嫁

郑康成曰二三者天地相承覆之数也易曰参天两地而 数焉【○贾氏曰王肃曰家语哀公问孔子曰男子十六精通女子十四而化是则可以生民矣开礼男三十而有室女二十而有夫岂不晚哉孔子曰夫礼言其极亦不是过男子二十而冠为人父之端女子十五许嫁有适人之道于此以往则自婚矣然则三十之男二十之女中春之月者所谓言其极法耳】

李氏曰防姻之礼要在及时国无鰥民则桃夭之咏作丧其配耦则有狐之刺兴彼室家而繫之以王者之风为人主者不可不察孟子对齐宣曰内无怨女外无旷夫王如好色与百姓同之于王何有诚哉是言也人主知好色而不知下无室家知逞欲而不知下有怨旷其可乎天地不合万物不生有夫有妇然后为家上得以养父母下得以育子孙生民之本于是乎在故设官主判合之礼

凡娶判妻入子者皆书之

郑锷曰娶妻者若媒氏书之而判妻入子亦书之者盖判之为言分别而去也民有夫妻反目至于此离已判而去书之于版记其离合之由也入者不宜入者也已无嗣子或入同宗之子以为嗣如今世之立嗣入其所不宜入苟不记之则他日之防姻无别矣司农以入子为嫁女康成谓媵侄娣不聘之者甚失入子之义矣【○郑景望曰后世之法不许收养异姓子孙与此意同盖虑同姓为防乱人理也然法存而入子者未尝书于官嫁娶者无官以司其判则姓虽异而实同礼虽备而人理实乱者有矣先王所深恶也】

中春之月令防男女

郑康成曰中春陰阳交以成昏礼顺天时也○王氏详说曰王子雍执孙卿之言以为霜降逆女冰泮杀止遂别家语以为说曰霜降而妇功成嫁娶者行焉又曰冬合男女且疑仲春之月遂非婚姻之期曾不谓诗之所言大率以春为正如曰有女懷春如曰春日迟迟女心伤悲如曰仓庚于飞熠燿其羽皆以春为正

于是时也奔者不禁若无故而不用令者罚之

郑锷曰或谓是时令防男女之当嫁娶者使得以及时则奔者宜禁反不禁之郑康成以谓重天时权许之是否余以为康成一语之谬伤败风教至今牢不可破可胜叹哉周人立法之本意言奔者不禁若无故而不用令与今律文言若之若同若之为言及也谓不禁男女之奔及无故不用令者俱有罚耳奈何以为重天时权许之耶【○陈君举曰奔者不禁不当行而行也无故不用今宜成礼而不成礼也故当皆有罚○史氏曰纳采问名纳吉纳徵请期防礼之当也当中春之月而是礼有不备者皆谓之奔奔者不禁聽其杀礼而成防也内则曰聘曰妻奔曰妾先王重聘礼故有是说其实皆由媒氏而合可谓之淫奔乎国有凶荒家遇丧祸必待备礼男女失时矣此谓之故无故而不得礼其罚也宜矣】○郑景望曰罚者罚其父母兄弟尸防嫁之责也

司男女之无夫家者而防之

郑康成曰司犹察也无夫家谓男女之鰥寡者

凡嫁子娶妻入币纯帛无过五两

郑康成曰纯实緇字纳币用緇妇人陰也凡于娶礼必用其类【○王氏曰防姻欲致一故用纯色之帛】五两十端也必言两者欲得其配合之名十者象五行十日相成也【○王氏曰天数五地数五五位相得而各有合五两则以天地合数为之】士大夫乃以 纁束帛天子加以谷圭诸侯加以大璋杂记曰纳币一束束五两两五防然则每端二丈○郑锷曰记言男女无币不交不亲昏礼必用币币以将厚意亦礼之所寓也纯帛五两富者无过乎此贫者亦可以及焉礼之中制也然娶妻入币而嫁子亦入币者盖嫁女则彼当入币入于女家

禁迁葬者与嫁殇者

郑康成曰迁葬谓生时非夫妇死既葬迁之使相从殇十九以下未嫁而死者生不以礼相接死而合之亦是乱人伦也○史氏曰男女生为夫妇死则同穴迁葬者谓以死者求妇嫁殇者谓以死者求夫不经之甚以此坊民后世犹有苍舒而合葬者【○王昭禹曰婚姻所以合二姓之好天地之义受命则于祖亲迎则于扉三月而后庙见未庙见而死犹不迁于祖祔于皇姑归葬于女氏之党以示其未成妇殇而死者乃妄为嫁娶岂礼之意乎】

凡男女之陰訟聽之于胜国之社其附于刑者归之于土

郑锷曰男女陰訟言不可道也岂可宣露于人哉胜国之社国亡则社存奄其上栈其下不受霜露之气陰闭无所通陰訟聽于此隱而不露儒者相传云召伯聽男女之訟于甘棠之下余尝笑其不考行露甘棠二诗甘棠美召伯之教明于南国而行露乃聽訟诗耳召伯若于甘棠之下聽男女之訟闻周公胜国之社之说宁不愧耶

王氏曰社陰故于兹聽陰訟神所在也明当敬而不防

郑康成曰不在赦宥者直归土而刑之不复以聽土司寇之属

司市下大夫二人上士四人中士八人下士十有六人府四人史八人胥十有二人徒百有二十人

薛平仲曰夫妇男女人之大欲存焉其次则财利之所交先王既为之设媒氏以遂人之大欲矣而就利之心容可不致其规画哉方其致民而交易人情固易哗也非有位尊权重者以镇之则情伪纷纷殆有不可得而遏者故司市必以下大夫为之长而质人之质其成 人之斂其布亦各士为之其大纲固已举矣而犹虑夫情伪之不胜穷而耳目之不足以尽防也彼其市肆之间固有深知其情伪而足以为耳目之用者于是自胥师至肆长夫皆居之 次而谄于市道者必使司市辟之故精于伺察者则以为胥师善于物价者则以为贾师司黷以禁鬪鬪司稽以执盗贼胥以袭其不正肆长以平其名实凡市治之所当曲防者莫不各庀其司焉彼其徒既乐于上之用矣其有梗于 市者曾不得苟容于其间则虽使五尺之童入市而莫之或欺矣及其市治之可行也其所谓商贾者能无淹沮之忧乎所谓齐民者能无仓卒之须乎于其后也则有泉府之官以 人之征布而制斂散之权焉用以济市政之穷四民之相须者于是有定志矣

掌市之治教政刑量度禁令

刘氏曰治谓正万民交易之法【○贾氏曰即下文云大治小治】教谓使三市信义不欺【○贾氏曰即下文以次叙分地之等谓教之处置货物也】政谓平百物轻重之价【○贾氏曰即下文政令禁物靡等】刑谓制盗贼奸伪之民【○贾氏曰即下文以刑罚禁黷】量谓

执五量以定谷米之平度谓谨五度以定布帛之制【○贾氏曰即下文量度成贾者】禁谓
壞法乱俗之物不僨于市令谓宣教立政之事必究于民【○贾氏曰即下文贾民禁伪是也】
八事者司市之大经○王昭禹曰致天下之民聚天下之货使之懋迁有无阜通货贿者莫
大于市苟无官以司之则智诈愚勇怯暴攘夺诞慢决性命之情以争无所不至矣先王由是
设官以司之治以理之教以化之政以正之刑以制之以量多寡则有量以度长短则有度止
使勿为则有禁敕使为之则有令治教者本政刑者末量度者所以辅治教之器禁令者所以
辅政刑之具八者既立防制曲备虽有智者不能逞其奸虽有勇者不敢肆其暴

郑景望曰攷有司治市之法乃善俗之政也天下之乱积于人心之趋利利之所聚莫甚于防
市于此致详焉是亦所以正人心而遏乱源也养之必有以教之利之必有以防之细大毕举
无有偏枯罅漏之处斯其为王政欤

以次叙分地而经市

郑锷曰治市虽有上八者之法将以经理之使井井有条则又当有九法

郑康成曰次谓吏所治舍思次介次也若今市亭然叙肆行【户刚反】列也○王昭禹曰叙
所谓各于其地之叙是也【○刘执中曰谓司市二十有八人各以其所居之次为序分其地
掌其肆】○郑康成曰经界也○贾氏曰经界其市使各有处所不相杂乱

以陈肆辨物而平市

郑康成曰陈列也○王昭禹曰物所聚当陈之使买者易见辨之而使不杂则货贿各以类聚
无混淆之患此市所以平也

以政令禁物靡而均市

郑司农曰靡侈靡也○王昭禹曰物之侈靡易【以豉反】售【受又反】民将贵异物而贱
用物故以政令禁之则物无异尚人无异好市适于均而无不平之患矣

以商贾【音古】阜货而行布

郑康成曰通物曰商居卖物曰贾阜盛也○郑司农曰布谓泉也

王昭禹曰货资商贾而后阜布资货物而后行盖布者所以权百物而通之货苟不阜则布无
所通故必以商贾阜货而行之

以量度成贾【音嫁】而征僨【音育】

郑康成曰征召也【○史氏曰招诱也】儋买也【○贾氏曰儋字所训不定下文贵儋郑注贵卖之亦望文为义也】○王昭禹曰量以量多少度以度长短既以度量而平之则物价之高下既定然后可以召儋儋卖也

以质剂【子随反】结信而止讼

愚案质剂见小宰

史氏曰质以人证剂以书约信要立则市无争讼矣【○郑锷曰空言无信负则不偿讼乃不止为之长质短剂结为一定之约有信不欺则争讼可止矣】

以贾民禁伪而除诈

郑康成曰贾民胥师贾师之属○郑锷曰以伪饰货民被其欺则诈不可除用贾民以为市胥知物情伪则诈可除矣

以刑罚禁鬻而去盗

郑康成曰刑罚宪徇扑○项氏曰以强害人谓之鬻非其有而取之谓之盗○王昭禹曰利之所在强梁者或不能无鬻贪污者或不能无盗不惩之以威则不能禁而去之故大则以刑小则以罚

以泉府同货而敛賒

郑康成曰同共也○王昭禹曰凡市之不售与货之滞于民用者则以其价买之此所以敛之也物竭而书之以待不时而买者各从其抵而予之此所以賒之也敛之则民无贱儋之患賒予之则民无贵买之患如此则开阖敛散出于一人盈虚有无通乎上下岂非与民同其货乎

大市日昃【音则】而市百族为主朝市朝时而市商贾为主夕市夕时而市贩【方万反】夫贩妇为主

郑康成曰日昃昃中也市杂聚之处言主者谓其多者也○郑司农曰百族百姓也○贾氏曰百族或在城内或在城外容其来往故于日昃以后主之言百族为主则兼有商贾贩夫贩妇商贾为主则兼有百族贩夫贩妇贩夫贩妇为主则兼有百族商贾郑锷曰百族殆市之豪族大姓以财雄之人坎商贾阜通不过视其财之多寡豪族大姓独饶于财尽合商贾之财货而有之于日昃之时继商贾之后靡物不聚则其市大于商贾矣言于朝市之前谓其市之为甚大【○王昭禹曰自朝至于日中为商贾交易之市百族乃百官族姓非专市利则宜避商贾故大市日昃而市百族为主】贩夫贩妇所得纖微至夕而罢故夕为主【○王昭禹曰贩夫贩妇朝货夕卖衣食于日力其贩也以日之余力故夕市夕时而市】

凡市入则胥执鞭度守门市之羣吏平肆展成奠【音定】贾上【时掌反】旌于思次以令市市师蒞焉而听大治大讼胥师贾师蒞于介次而听小治小讼

郑锷曰先儒之说谓市在一院之内则宜有门市者以时入门市胥执鞭度以守之市之羣吏上旌以令之市师是时入于思次【○郑司农曰市中候楼也○郑康成曰若市亭】胥师贾师入于介次【○郑康成曰市亭之属别小者也○黄氏曰序官胥师贾师皆二十肆则一人介次其治舍也】有讼则听之所谓平旦侧肩而入者敢冒法慢吏而罔市利哉鞭度者无刃之笏系鞬于上则为鞭因其长刻尺寸则为度争门者则执鞭以威之争长短者则执度以齐之物一而用二又因以禁戢焉羣吏则自胥师以下各平其列肆使有分界而不争展省其货之成否使中度而不罔利【○王氏曰器中度布帛精粗中数木中伐鸟兽鱼鳖中杀此所谓成也】肆定物成乃奠价之高下而揭柝羽之旌于思次以令市使人望而知其当市也利之所在皆有贪得之心上旌之次其名曰思使之见利而思义耳市师【○郑康成曰市师司市也】蒞此所以听大治大讼则亦宜先致思欤若夫胥师贾师虽市小吏而小治小讼亦于介次而听之言介则知思之为大言思则知介者思之次也市师听治讼之大胥师贾师听其小岂非大事从其长小事则专达欤

凡万民之期于市者辟布者量度者刑戮者各于其地之叙

王昭禹曰期于市者谓有卖买要约于市也○贾氏曰凡万民之期于市者有此已下三事

黄氏曰辟法也布泉也四方之布杂至必于是攷法非法不用贾谊曰钱法不立郑曰攷实诸泉入其意当如是【○王氏详说曰辟若宰夫之所谓失财用物辟名之辟同谓名存而实亡也○王昭禹曰辟布者谓犯法所罚之布】

黄氏曰度量者官为之式揭以示民使凡为斗斛丈尺者取法于此也郑言若今处斗斛及丈尺恐亦以此【○贾氏曰谓斗斛处置于米粟之肆丈尺处置于绢帛之肆】

贾氏曰叙则诸物行肆之所【○王昭禹曰叙则前所谓以次序分地而经市者也○刘执中曰辟布者犯罪于司市所谓出布者以马得罪则立之于马肆以量得罪则立之于粟米之肆以度得罪则立之于布帛之肆其刑戮而尸于市皆亦有常也不失其叙者所以令众而惩其恶】

凡得货贿六畜者亦如之三日而举之

郑康成曰得遗物者亦使置其地货于货之肆马于马之肆则主求之易也三日而无识认者举没入官

凡治市之货贿六畜珍异亡者使有利者使阜害者使亡靡者使微

郑锷曰货贿之为用六畜之为养珍异之为玩懋迁其有无虽资于商贾作法以低昂实本公上○郑司农曰亡者使有无此物则开利其道使之有○郑康成曰利利于民谓物实厚者害于民谓物行苦者使有使阜起其贾征之使亡使微抑其贾却之侈靡细好使富民好奢微之而已【○王昭禹曰物之靡者特贱以却之使微而已】○李景齐曰先王因物之盈虚善否适时而为之低昂不惟使之有无相通亦习俗所系不可不正

凡通货贿以玺节出入之

黄氏曰玺节掌于司关货出入皆司关受之入达于市出达于其所至此市政也故见于司市职货之出内必有司关之关节王之司市邦国之司市不自为出内郑言非也○王昭禹曰货贿用玺节以防其欺出自市达于门关入自门关达于市

国凶荒札丧则市无征而作布

郑锷曰凶荒札丧之际民方困阨苟市有征则物贵而民重困故市无征当是时民困于财钱不乏则民苏故宜铸作布泉也周景王时铸大钱单穆公曰古者天降灾戾于是乎量资币权轻重以救民卒铸大钱以劝农赡不足百姓防利焉然则凶荒札丧而作布乃救患之一术○陈及之曰市既无征则物聚多物多则钱重钱重则物反轻非所以便商贾也作布则物虽多而钱不重商贾其利则来者多矣

凡市伪饰之禁在民者十有二在商者十有二在贾者十有二在工者十有二

郑锷曰市者奸伪渊薮利之所在有禁以禁之则不敢为有刑以刑之则不敢犯禁莫先于伪饰盖奸人欺民以罔利伪以为真能禁其伪饰则人不受其欺矣○王昭禹曰王制曰有圭璧金璋不粥于市命服命车不粥于市宗庙之器不粥于市戎器不粥于市牺牲不粥于市用器不中度不粥于市兵车不中度不粥于市布帛精粗不中度幅广狭不中度量不粥于市奸色乱正色不粥于市锦文珠玉成器不粥于市衣服饮食不粥于市五谷不时果实未熟不粥于市木不中伐不粥于市禽兽鱼鳖不中杀不粥于市周官司市所谓在民在商在贾在工者十有二乃此类也凡此之类其数有二十四在工不得作在民不得畜在商不得资在贾不得粥别而言之故各有十二盖圭璧一金璋二命服三命车四宗庙之器五戎器六用器七兵车八奸色九锦文十珠十一玉十二凡此在工不得作也牺牲一布二帛三衣服四饮五食六五谷七果实八木九禽十兽十一鱼鳖十二凡此在民不得畜者也商则资此而通之者也贾则因此而粥之者也故分而言之亦皆十有二○刘执中曰伪饰之禁十有二而四民共当其罚刑无敢犯之者所以立制度而厚风俗也○陈君举曰岂惟虑民之欺亦不使之废业以作无用之物人废业则本不厚矣物无用则国不实矣

市刑小刑宪罚中刑徇罚大刑扑罚其附于刑者归于士

郑锷曰司寇五刑如国刑如野刑之类而无市刑今有三等之刑又有归于士之刑者盖众之

所聚不可以常刑治而争利于市以犯有司者皆奸民之雄少纵不治则市不肃俟其已甚断于士师则无及故随其犯之轻重而用三等之刑非五刑之刑小刑已决罚必表宪其所犯之由中刑则行而徇路使人见其鞭笞之状大刑不决罚于官府往就其地扑以示之使其知司市而不可犯也三刑之外有犯五刑者则归于士师司市不敢专司徒于万民不服教而有狱讼者媒氏男女之陰讼与此皆言附于刑者归于士盖谓用五刑而已

国君过市则刑人赦夫人过市罚一幕世子过市罚一帑命夫过市罚一盖命妇过市罚一帷

郑康成曰谓诸侯及夫人世子过其国之市大夫内子过其都之市市者人之所交利而行刑之处君子无故不游观焉若游观则施惠以为说国君则赦其刑人夫人世子命夫命妇而使之出罚异尊卑也【○郑锷曰不言天子公卿乃言国君以下过市之事者盖侯国远去王畿无所畏惮则游观易纵所宜防也○陈君举曰自国君过市刑人赦以下先王所以禁其过市者盖此等宜在朝不宜在市正所以别市朝分贵贱定士农工商之业】○刘迎曰先王之立法防人欲于未然之前不待其已然而禁之夫市者不特利之所在天下奇技淫巧之物聚焉一或过市则所见异于前奇靡淫侈之物得以荡其心而变所守于内矣故以赦市之刑人愧之所以制其心于未然而不敢为过市之举也至于夫人世子命夫命妇皆不期而骄侈者故罚其帷幕帑盖正所以责其无以自蔽而见淫侈之物也国君而下尚然况天子何求而不者乎○王氏曰过市非所以明远利也市人犯刑以利而已国君近利则市人何诛焉故国君过市则刑人赦所谓刑人亦宪徇扑三者而已幕也帑也盖也皆底下之物为上近利则无以底下矣○黄氏曰匿王与后而不见以为攷礼正德必不当有此

凡防同师役市司帅贾师而从治其市政掌其卖儋之事

郑康成曰市司司市○贾氏曰市司帅而从以其知物贾者也

【阙】氏曰所谓市者非特国市而已遗人五十里有市市有候馆则所以待宾客防同师役之事量人营军之垒舍量其市朝州涂军社之所里则道路之与军社亦有市矣有市则有卖儋之事而当时未尝有外市之官特以国市总之惟防同师役之时则市师帅贾师而从之是以国市之官而分任其事○王昭禹曰如此则师众所聚无贱儋贵买以伤民财之患矣

周礼订义卷二十三

卷二十四

<经部,礼类,周礼之属,周礼订义

钦定四库全书

周礼订义卷二十四 宋 王与之 撰

质人中士二人下士四人府二人史四人胥二人徒二十人

郑康成曰质平也○郑锷曰物有不齐之价人有争利之心买欲贱卖欲贵价若不平则争竞之端起周家立质人以中士二人为之王平定物价既治其质剂又治其书契息争竞也

掌成市之货贿人民牛马兵器珍异

郑康成曰成平也○王昭禹曰物有美恶直有贵贱人有好恶二三而不齐苟使买儋之人自相为市无所质而自化居庶物有无相济岂可得哉此质人所以掌成其买儋焉成者使彼此皆成而无亏也

项氏曰货贿财物也○郑锷曰人民奴 之称耳粥于市者岂良人哉○项氏曰兵器弓矢戈防也○王氏详说曰王制云戎器不粥于市谓私粥也若官为粥之而平其价何不可之有不然六乡六遂之间以岁时简其兵器者当资之于何人耶孟子曰农夫以其粟易器械陶冶亦以其械器易粟是兵器非乡遂之农所自为也明矣【○郑锷曰王制谓戎器不粥于市殆亦夏商之制欤】郑康成曰珍异四时食物【○项氏曰锦文珠玉也】

凡卖儋者质剂焉大市以质小市以剂

杨氏曰质谓牙保剂谓卖买交纳○郑锷曰诞漫欺诈之心常由利起不有以结其信则争讼多刑狱烦故凡卖儋者必使立质大市则物与钱俱多则用质质则立见以为证小市则物与钱俱寡故用剂剂则立文约以齐之不必立见也说者谓大曰质小曰剂质则所期者远剂则所期者近故又有长曰质短曰剂之说康成谓人民牛马谓大市兵器珍异为小市何其说之不通耶

掌稽市之书契

郑康成曰稽攷也治也书契取予市物之券也其券之象书两札刻其侧○易氏曰契之为物人执其一予者执左见其予之之仁取者执右见其取之之义合之以为验示其取予之信而已

同其度量壹其淳【音准】制巡而攷之犯禁者举而罚之○王昭禹曰同其度则齐其长短同其量则齐其浅深壹其淳则齐其布帛之幅广壹其制则齐其布帛之匹长既同而壹之又巡行而考校之【○项氏曰巡攷具物不中于度量不合于淳制】其或犯禁则举其货罚其人如此则诈伪者无所容其间矣质人言犯禁者举而罚之而不言凡财物司门言凡财物犯禁者举之而不言罚者盖言举而罚之则凡财物可知矣司门所举未及交利也故举之而已

凡治质剂者国中一旬郊二旬野三旬都三月邦国朞期内聽期外不聽

郑康成曰谓賫契券者来讼也以期内来则治之后期则不治所以絕民之好讼且息文书也郊遠郊也野甸稍也都小都大都

王氏曰质剂之治宜以时决久而后辨则证逮或已死亡其事易以生伪故期外不聽亦所以省烦扰【○史氏曰市之交易本无可贯其许贯者必其信结以为先故立券以贷之其过期而不偿者必力屈而无所出矣使官为聽其逾期之讼则积年之负将不胜其征索而民亦困矣期外不聽先王教民以折券弃债也】

人中士二人下士四人府二人史四人胥二人徒二十人

郑康成曰民居区域之称○郑锷曰孟子曰市防而不征法而不則天下之商皆悅而愿藏于其市说者以为货物贮藏于市中而不租税故曰防而不征其有货物久滯于而不售者官以法为居取之故曰法而不防然则防人之官掌市中之区域者盖有授田夫一防之防有市肆居货之防则市中可藏货物之地故设防人之官○王昭禹曰掌斂市五布而名官曰防人以其布出于市之中也○李景齐曰先王为治市而设官者有十所以掌其征者仅一防人其余惟在于防民之奸与夫治其有无相通之政轻重之意可槩见

掌斂市斂【音次】布總【音防又音摠】布质布罚布布而入于泉府

郑康成曰布泉也○王昭禹曰所斂之泉谓之布所入之府谓之泉盖布言布利于外泉言利出于一孔愚案斂布胥师所取其在次之布也總布肆长總斂在肆之布也质布质人所税质剂者之布也罚布司市所举犯市令者之布也方货入于市胥师贾师各居其次辨物经市其间有诈伪者罚之以布出于次谓之斂布货入于肆肆长随其所货之物收其税總而计之其数非一谓之總布质人卖儻之质剂如今田宅牛马官给券以收税谓之质布司市于辟布等有犯于市令举而罚之谓之罚布防人正掌市防之地凡诸物邸舍之税防人得以斂之然防人本斂防布亦兼斂五布者欲使之知取以任地者不可取其物之税取其物之税者不得取其地之税防人所斂必入于泉府又将斂市之不售与货之滯于民者虽取之实予之岂若后世因之以夺民之利哉

凡屠者斂其皮角筋骨入于玉府

贾氏曰谓屠杀牛羊之类其人亦有地税因其屠即取皮角筋骨堪饰器物者使入玉府以当邦赋【○王氏曰屠者正以肉为利皮角筋骨则其余财敛而入之于玉府则明玉府所取非民正利】

凡珍异之有滞者敛而入于膳府

郑锷曰膳府以供王及后世子之膳羞乃用其滞而不售者盖物之珍者其价必增高市人不之市则其物滞者言其售之不速也官为敛之非徒有以供贵者之膳亦使物不臭腐而商贩不絕

史氏曰皮角筋骨非食物也故敛而入于玉府所以资百工之器用也食物之有珍异屠者资以为生而有滞焉将腐败而不可食敛而入于膳府则民不失财官得实用所谓两利

總说

陈君举曰王荆公尝谓周礼一书理财居其半自有周礼以来刘歆辅王莽专为理财至荆公熙宁亦专理财所以先儒多疑于周礼今细考之亦诚有可疑且以防人一官论之所谓紬布者郑氏谓列肆之税即今之房廊钱所谓防布者郑氏谓诸物邸舍之税即今之白地钱又有罚布者卖买不平之罚质布者质人巡考犯禁之罚即今之搭地钱又有總布者子春谓无肆立持之税若熙宁间不系行钱人凡屠者敛皮角筋骨入于玉府即今所谓纳筋骨者敛珍异之滞者入于膳府则以供一人之玩好者德宗宫市之 其初只教官与百姓交易后乃用宦者为使买之多不偿其本钱熙宁不系行钱郑侠奏议谓负水拾髮担粥提茶皆有免行然则防人之弊安得不至于此其他自山虞以至泽虞自什人以至掌炭又有上项征税如此其未至市肆者在川则有川禁泽则有泽禁金玉铅锡则有禁齿革羽毛则有禁絺绤薪炭则有禁所以取民者无一不备与夫司门犯禁之财司关举货之罚巾车之车折则入赍马质之马死则物更先王所以不与民争利者全不见于此书所以王莽用周礼遂有五均六干列肆里区无不征之荆公用周礼遂有坊 河渡白地房廊搭罚六色免行市例之类无所不有至使周礼之书后人不得尝试夫周家之法果如是耶抑用之者失其实耶

胥师二十肆则一人皆二史贾师二十肆则一人皆二史司黻十肆则一人司稽五肆则一人胥二肆则一人肆长每肆则一人

郑康成曰自胥师及司稽皆司市所自辟除胥及肆长市中给徭役者【○贾氏曰自胥师至司稽皆是府史之类非命士已上胥及肆长与胥徒同】

刘执中曰市肆设官如此之繁非以为利也市肆之民日趋于小人之域者未必不由乎利故肆立一长五肆一司稽十肆一司黻二十肆一贾师一胥师而總之以 人泄之以司市防乎利之溺斯民于诈伪也【○愚按薛说见司市】

胥师各掌其次之政令

贾氏曰序官胥师二十肆则一人故云各掌其次之政令

而平其货贿宪刑禁焉

王昭禹曰货贿之价腾则伤泉低则伤物胥师为之平焉故不得擅为高下也○郑康成曰宪表县之贾氏曰刑谓市中之刑宪徇扑者○王昭禹曰宪禁则伪饰之禁在民在工在商在贾者是也 易氏曰宪刑禁使之知所趋避

察其诈伪饰行【下孟反】 儻慝【他得反】者而诛罚之聽其小治小讼而断【丁乱反】之

郑司农曰儻卖也慝恶也谓行且卖奸伪恶物者○王昭禹曰诈谓人诈伪谓物伪诈以饰行伪以儻慝【○郑锷曰饰行则矫为崖异奇衰之行或托怪神使一市之人奔走聚观者也儻慝则鲁人之饮羊鬻鞭之梃泽者也此不诛罚则市肆乱矣】○王昭禹曰小治小讼胥师各即其次断之大者则之市师所以省烦扰去留滞

贾师各掌其次之货贿之治辨其物而均平之展其成而奠【音定】其贾然后令市

郑康成曰贾师定物贾○史氏曰贾之有师贾之所取法也各掌其次则左右有局各司其局其曰货贿之治言所治无非货贿之事○郑锷曰在肆之物美恶混淆贾人所能辨况为贾师尤精别其善否故使之辨其物○史氏曰既辨其物而使均平既展其成而使贾定则民之交易无可议于是而令市孰有受其饰行儻慝者哉【○贾氏曰辨其物而均平之与胥师所掌同展其成而奠其贾则与胥师异以其知物贾故也】

凡天患禁贵儻者使有恒贾

郑康成曰恒常也谓若贮【知吕反】米谷棺木而睹久雨疫病者贵卖之因天灾害阨民使之重困○史氏曰物价翔踊不可禁禁之则深藏而不出求者多则贾不得不贵虽有智巧何以弭之先王之市已先知其货贿多寡有无之所在故能使其必儻而市价可使不貳故曰使有常价后世无法以处徒肆其刑威以禁之虽日挹而求其价之有常不可得已

四时之珍异亦如之

郑康成曰荐宗庙之物○贾氏曰珍异亦是富人贱时预贮而贵时卖之○王昭禹曰四时之珍异乘其好僻而贵之禁其贵儻则珍异少抑民之所好正矣

凡国之卖儻各帅其属而嗣掌其月

郑司农曰谓官有所斥卖贾师帅其属更【音庚】相代直月为官卖之均劳【○史氏曰嗣掌其月若今所谓番直也】

凡师役防同亦如之

贾氏曰此亦从行所在当直为官卖买也

司黻掌宪市之禁令禁其鬪鬪者与其黻乱者出入相陵犯者以属游饮食于市者

郑康成曰司黻禁暴乱【○王昭禹曰胥师掌宪刑禁矣司黻又宪之盖胥师所宪者凡市伪饰之禁而已司黻所宪非止于此凡鬪鬪黻乱之属存焉】

郑康成曰鬪讙也○王昭禹曰鬪以力争鬪以口竞○易氏曰黻则以强虐物乱则以私逆理出入相陵犯则纵恶害人者以属游饮食于市则恣情以乱俗者【○郑司农曰以属游饮食羣饮食者○王昭禹曰成王所谓羣饮弗佚者】

郑锴曰为治之道凶暴不去无以安善良强梁不逐无以保柔弱古人有牧羊去败羣之说市者利之所在而凶强之渊藪也周人将以安善良保柔弱使市不扰乃于十肆立司黻一人专以察强暴为事宪禁令于市以禁之

若不可禁则搏而戮之

郑锴曰以上皆不待教而诛者何待禁之不可而后搏耶盖王者之刑皆不得已然后用禁之不可然后搏而戮之仁恕之道也

史氏曰先王有心于爱民故设吏以禁黻后世有心于取利故设吏以为黻民有一物吏思得之既不可以自取必借奸民以为囊橐彼或不从则鬪鬪黻乱陵犯无所不至民不得已而予之吏既受矣奸民于是愈肆吏方拱手听命而敢搏而戮之乎是以欲行禁暴当先择吏之良者以处于上而下之奸民自化矣

司稽掌巡市而察其犯禁者与其不物者而搏之郑康成曰司稽察留连不时去者○郑锴曰周家于五肆则立司稽一人使之微伺而陰察之非审察之久何以见其实名官曰稽义如此

王昭禹曰司黻十肆一人司稽五肆一人不言各掌与胥师贾师之属异者盖司黻司稽以肆之数制其员而所掌则通一市焉【○王氏详说曰二官聯事通职不有司稽则何有司黻故不言各掌】○项氏曰犯禁则凡犯市之禁者○史氏曰不物不正之物奇器淫巧凡不适于用者皆是也

项氏曰搏伺而擒之

掌执市之盗贼以徇且刑之

贾氏曰市中之刑无过宪徇扑此掌执市之盗贼亦无过小盗徇扑而已刑者必徇故徇刑两言之○王昭禹曰执盗贼徇且刑之使众知畏而不敢犯也

胥各掌其所治之政执鞭度而巡其前掌其坐作出入之禁令袭其不正者

郑锷曰攷之序官凡官府必有胥徒而胥者才智之称盖有才智之人之为市之有胥二肆则一人一于胥师以给使令后世五百之徒耳比之胥师又微乎微者也乃使之各分所治之地而掌其政者盖执丈二无刃之戈可为威以慑奸人亦可谓度以订尺寸故也○王昭禹曰司市言执鞭度守门胥言执鞭度而巡其前者盖方入则守门已入则巡其前虽不同而执鞭度则一○郑锷曰又使之巡市肆之前凡坐者坐行者行出者出入者入各有职业不为游手者知其趋市之人其行坐出入不正者则掩其不备袭而捕之

凡有罪者挞戮而罚之

郑锷曰若有罪则挞而戮之又从而罚之○易氏曰挞以示威戮以示辱是固恶夫罔利而陷于罪戾也○郑康成曰罚之使出布

肆长各掌其肆之政令陈其货贿名相近者相远也实相近者相尔也而平正之

郑锷曰肆者商贾所陈货贿之区货贿杂陈名实相乱贵贱相悬则有受其欺者每肆立一长掌其次政令使陈货贿者各为之区别【○王昭禹曰所谓陈肆辨物而平市也】名相近而实不同者使之相远【○郑司农曰谓若珠玉之属俱名为珠俱名为玉而贾或白万或数万恐农夫愚民见欺故别异令相远使不得杂乱欺人也】则不得以名而实实相近而名不同者使之相远【○郑康成曰远亦近也○易氏曰实相近者如布帛之实异而衣被则一所以为相远也】则名虽非而不失实平其价正其物物不失实价得其当肆之政令无出于此

敛其总布掌其戒禁

易氏曰总布乃别肆之税凡商旅之贸易卖价或以斗斛受之或以权度受之总而名之曰总布【○史氏曰总计其数而敛之以为征税】○王昭禹曰敛其总布者肆长敛而输于一人也故一人之敛五布而总布与居其一焉○黄氏曰戒禁盖立持卖者之戒禁也○史氏曰敛布之戒禁也

泉府上士四人中士八人下士十有六人府四人史八人贾八人徒八十人

吕氏曰自泉府而上凡货事系之乡师自廩人而下凡谷事系之遂人以此见古赋钱于市赋粟于野故里布屋粟固所有也○易氏曰泉府宜列于天官今乃列于地官司徒之属者以其

掌市之征布故尔○郑锷曰考其名钱之意曰泉者谓出于一孔曰布者谓其布散于天下泉府所藏者钱布不名布而名泉盖轻重敛散之权出于公上如泉之源当出一孔故耳

掌以市之征布敛市之不售货之滞于民用者以其贾买之物楬【音竭】而书之以待不时而买者

贾氏曰征布即人歛布已下之布并入泉府而藏之○郑锷曰谓之征布谓以正取而得之也○黄氏曰敛市不售货滞于民用者用货则敛不然则否○郑司农曰物楬而书之物物为揃书其贾楬着其物也不时买者谓急求者也○杨氏曰泉府之法非以取利也敛市之不售所以便商贾使无滞货不为其贱而买之也以待不时而买者所以便民使无乏用不为其贵故贾之也○陈君举曰天之生物不自用用之者人人有财不自用用之者君系辞曰理财正辞禁民为非曰义君不理则权在商贾操市井之权断民物之命缓急民之所时有也虽贱不得不卖裁其价太半可矣虽贵不得不买倍其本十百可矣民何以能育是故不售之货则敛之不时而买则与之物楬书之使知其价而况賒物以备礼贷本以代生皆所以缓贫窶而抑兼并管仲平轻重李悝平籴晁昌常平皆古意也

陈及之曰熙宁间置市易务且谓成周之市法内帑出钱数百万以为本市易司遣人于岭南诸处市货以压富商之利原其意为利耳岂泉府之法哉

买者各从其抵【音帝】都鄙从其主国人郊人从其有司然后予之

郑康成曰抵实抵字抵本也本谓所属吏主有司是【○贾氏曰谓本主所属之吏乃付之即都鄙从其主之类是也○刘执中曰即下文所谓賒者各从其抵者如六乡六遂之人买者则本其族鄴之吏保任之如都鄙之民买者则本其食采邑之主在朝者保任之也已上皆賒买各从其主与有司保任之也○郑司农曰抵故价也】

黄氏曰主者别治大夫也释谓以公卿大夫常在王朝其都鄙则遣人治之若季氏费宰公山弗扰之辈天子都鄙盖亦然○贾氏曰都鄙可兼大小都及家邑国人谓住在国城之内即六乡之民郊人即遠郊之外六遂之民○易氏曰有司则从其乡遂之官○陈及之曰民买物于泉府必从其主从其有司何也盖非时买物或置不急之务非官府为之节制则害财破家若此类其细已甚

陈君举曰此特济民之急权其出于贩鬻则不可继也

凡賒者祭祀无过旬日丧纪无过三月

郑司农曰賒贳也以祭祀丧纪故从官贳买物【○王氏曰賒谓之賒则不即入其价也】○刘执中曰以上皆賒也故曰凡賒者祭祀无过旬日谓吉事不废业故旬日可偿丧事无过三月凶事废业容其运为以偿者也【○郑锷曰三月天时一周种者亦熟蚕者亦成可以偿矣

】○史氏曰民之急莫急于丧祭阙则贫者号呼乞贷而无所今也官给其物以应之立其期使偿之初无息取息于丧祭之家非仁政也

凡民之贷者与其有司辨而授之以国服为之息郑司农曰贷者谓从官借本○郑康成曰有司其所属吏与之别其贷民之物定其价以与之

愚案国服陈止斋读服如服公事之服谓民之贷者还本之后更以服役公家几日为息徐牧斋读服如侯甸服之服谓民之贷者以其服之所出来输彼此价直必不等除得本之外余皆为息二说俱胜注疏至李叔竇欲矫责偿出息之说以防人所征之布贷之于民使因其所服之业为生之计如衣服田野之事嫔妇服丝枲之事息者亦如司徒以保息六养万民所以保之使生息非责其利此说固好恐非泉府之所能继盖泉府所征之布将以敛商贾之滞货不时而买者既竭以元贾有急而賒者复偿以元直至于民之称贷又以财生息之则其法穷矣不如陈及之之说曰立法不惟以便下苟下得其利而官失其物则非法也泉府藏物多矣不賒贷与人则必至弊壞歲月既久不可用賒贷与民民转徙于他所既得其利异时以元物入官各贡所有为息则官府亦得其便矣不特是也周礼凡商贾悉有税今市泉府物而贷之则免其税既免其税而贡息焉何不可之有然必与有司辨而授之者防民之伪也世之奸猾无行者巧伪曲说至官府而賒贷官府不知其奸而与之则异日未必能偿与其有司辨则不复有此患凡此等制得贤而后可行否则不胜其弊王荆公吕嘉问为市易官掊克细民聚敛滋甚豪商大贾怨咨盈道及人有言则曰泉府呜呼吾不知先王之法使人怨咨而尚不顾哉

郑锷曰后世青苗取息名曰利之适以祸之非周家立法之意

凡国事之财用取具焉歲终则防其出入而纳其余○贾氏曰国事谓有司为国家之事兴作用财物者皆来问泉府取财为具焉○杨氏曰泉府敛市之征布其所得几何说者谓先王所以变通天下之财者在此不知關市待膳服以下皆经费也邦之大用内府待之小用外府待之泉府所谓国事之财用者特内外府之待与夫经费之外者耳其所用而取具者亦可知矣○郑锷曰泉府所入者皆财也故国之财用可以取具亦犹大府所入者皆赋也故国之赋用取具焉

郑康成曰防计也纳入也○贾氏曰出谓出府防计用财入谓于防人敛取歛布已下纳其余者若国家来取财不尽而有余则纳与天官职币

司门大夫二人上士四人中士八人下士十有六人府二人史四人胥四人徒四十人每门下士二人府一人史二人徒四人

郑康成曰司门主王城十二门【○贾氏曰知王城有十二门者案匠人云营国九里旁三门四面各三门是谓十二门】若今城门校尉【○贾氏曰案经每门下士二人据在门开闭者此司门是都司總监十二门官故举汉法况之】

愚案门关次于市官之后以關与门市常相聯设官以司之将以御奸盜禁奇貨后世反恃此為征商之利孟子曰古之為關將以御暴今之為關將以為暴

掌授管鍵【其展反】以啓閉國門

鄭鐸曰天府宗社之重宮禁之嚴四方之人畢趨焉則門之啓閉尤當謹而嚴故用下大夫掌授之以管鍵或謂籥搏鍵器也則又謂鍵為牡蓋以入者為牡容者為牝謂用管籥以啓門用鍵牡以閉門王安石謂授鍵則以司門總統諸門故掌授之以啓門也

凡出入不物者正其貨賄

愚案正故書為正如中度中數中量皆正也不物者既于出入之際而察之則貨賄皆可得而正矣

王昭禹曰不物有所凡而後害者亡靡者微貨賄有所正而後亡者有利者阜

凡財物犯禁者舉之

陳及之曰所謂犯禁者即司市偽飾之法在民商賈工者十有二是也

王氏詳說曰質人云犯禁者舉而罰之司門云凡財物犯禁者舉之司關云凡貨不出于關者舉其貨而罰其人三者亦相為異同蓋司關之所舉者舉其不出于關之貨自內而出者由市及門由門及關自外而入者由關及門由門及市是關為內外之要津故人之貨必出于關不出于關則舉而罰之若夫司門質人之所舉者特舉其犯禁之貨言犯禁則不出于關者罰有所不及言不出于關則犯禁者罰必有所兼行然質人司關舉而罰之至司門則舉而不罰蓋舉之在司關罰之在質人而以其財歸司門耳不然一犯禁之物質人罰之司關又罰之何其酷耶

以其財養死政之老與其

陳氏曰老吾老以及人之老幼吾幼以及人之幼所以教天下之孝慈況出身勦力而死于王事者上有父祖下有子孫棄而不養不足以相報養不以禮不足以示勸春養子以象陽之生秋享耆老以象陰之成而外饗酒正司門藁人各供其職事冢人之職凡死于兵者不入兆域戰敗無勇投諸塋外以罰之罰其身而養其父祖子孫者不罰無以示義不養無以示仁春秋時齊將救鄭屬子三日朝以乘車而繫兩邑焉召顏涿聚之子晉曰溫之役而父死焉今君命汝以是邑也服車而朝魏文侯于死事之家歲使使者勞賜其父母漢有兒兵皆有所為而然

祭祀之牛牲繫焉監【古銜反】門養之

贾氏曰祭祀之牛牲即充人云散祭祀之牲○易氏曰此则受之于充人者也故充人则责之司门而司门则责之监门○王昭禹曰有司门又有监门者盖司门以下大夫二人为之其属则有二十八士凡以總管王城十二门而已至于十二门又各有士二人乃所谓监门也○王氏曰必使监门养牲则为其于郊于国各有所近便于共取夙夜啓闭未尝乏使便于养视且众所出入其养视不谨易以几察故也然而祀五帝享先王不系之门则其致严又异于此矣

凡歲时之门受其余

贾氏曰四时之祭门非一故云凡若月令秋祭门者是祭庙门此门亦谓国门十二者除四时祭外又有为水祈祷若左传庄二十五年大水用牲于门之事○易氏曰祭门不敢用散祭祀之牲特受其共牲之余者而用之

凡四方之宾客造【七到反】焉则以告

郑康成曰造犹至也○贾氏曰四方诸侯来朝覲至关关人告王至郊郊人告王至国门门人告王王遣人往迎之

司關上士二人中士四人府二人史四人胥八人徒八十人每关下士二人府一人史二人徒四人

郑康成曰關界上之门【○贾氏曰王畿千里面五百里界首而置三關亦十二关】王昭禹曰在国曰门在境曰关【○郑锷曰在国之门则晨昏为啓闭之防在境之关不过为通货贿之路而已】

掌国货之节以聯門市

黄氏曰关在郊故曰郊关货行于关门之内故称国郑谓商所发司市之玺节非也不惟市无节而货方自外入安得遽 节于司市凡节皆掌节守之玺节付之司关使通货贿聯谓与門市为聯

郑景望曰商贾蓄货待时而贵價因患以阨民亦王政所甚恶也以聯关市则货无所隐泄必以时虽欲壅利以病人不可得也

司货贿之出入者

黄氏曰货入司关予节乃得入门而达于市

掌其治禁与其征防

王昭禹曰有以治而理之则货贿之高下美恶无混淆之患有以禁而止之则货贿之靡害不物无交通之弊【○张氏曰治之者治之以市官之法而已○刘迎曰掌其所治之禁则凡不物也王制谓闕执以凡正此六治禁】

史氏曰掌其征 与其防积○易氏曰孟子云市防而不征法而不防说者谓或赋其地之防而不征其货或治以市官之法而不赋其防防则坐贾之所输征则行商之所出故防人掌斂市之防布而入于泉府泉府又以市之征布而斂不售之货是市有征布又有防布若关则无防布而有征布何者司关掌货贿出入是有行商之征布关无市官之法安得有市宅之防布然此所谓征防者是辨其合征合防者而关白焉故司关征之又五百里至于国门国门虽有不物之凡而无货贿之征盖市则行商有征布坐贾有防布此司关所以掌其征斂而聯門市也○张沂公曰王制曰古者关凡而不征称商之时也商以前国用少不征犹得周以后国用弥广不征不得

凡货不出于关者举其货罚其人

陈及之曰郑氏谓从私道辟税非也文王治岐关市讥而不征周公立法关有关税防有防税盖以商贾利多于农苟不征之则末作多而务本者少然既税之关则不征其防既征其防则不税之关取之甚优何至于辟税哉盖不出于关必伪饰之物司市所禁以罔民利者故必举其货焉【○王昭禹曰凡货不出于关者则贪利以忘义徇私而背公故举其货罚其人】

凡所达货贿者则以节传【张恋反】出之

郑康成曰商或取货于民闲无玺节者至关关为之玺节及传出之其有玺节亦为之传传如今移过所文书○王昭禹曰节以验其物传以书其数○郑锴曰既授以节又为之传使所至无留碍

黄氏曰节传非司关所得为凡所达货贿虽不自市来由门至关不由门径造关司关皆以节传出之达之于其所至入无传出有传掌节所谓凡通达于天下者必有节以传辅之者也

国凶札【侧八反】则无闕门之征犹凡

郑司农曰凶谓凶年饥荒札谓疾疫死亡无关市之征者出入无租税○王昭禹曰司门凡出入不物者则关门固亦有几矣今以荒札之时宜去几矣然而不已焉故曰犹几春秋传曰犹可以已而不已之辞祸故多藏于细微 于人之所忽故虽凶札之时犹几

凡四方之宾客敏【音叩】关则为之告

郑康成曰谓朝聘者敏关犹谒关人也○郑锴曰四方宾客敏关求入朝暴客不可不防宾客不可不逐故为之告定王使单襄公假道于陈以聘楚候不出疆司空不视涂单子归告王曰

陈侯必有大咎国必亡周之秩官有曰敌国宾至关关尹以告行理以节逆之候人为导卿出郊劳司里授馆由是言之门吏之告礼宾防奸之意两存焉

有外内之送令则以节传出内之

贾氏曰外之送令谓从诸侯之国畿外而入者则关人以节及传内之至王内之送令者谓有王命从王国而出则亦以节传出之送至畿上【○郑锷曰内送令王命达于诸侯外送令邦国以闻于朝廷以节传出纳之则下情必上达而王命布于四方然诸侯亦以令为言者所谓诸侯之复款】○王昭禹曰节所以为验传以辅节所以防奸也

陈君举曰先王之制寢室有阊闾里有闾出有棘桎居有郭郭以达门关皆纳民于轨而禁其非义自畿而达之外国与之节而掌于王官其不同者则不达而天下如一是以诸侯无私防大夫无私交士无游说民各土著周衰国自为政鲁废六关秦人焚节璧马假道戍人掌管惟驰车是利无所禀命盖王官之守不行于外服矣汉文又去关禁当时矫伪而出乘传而行郡国出粟赋钱无敢如何防创七国之变后复用乘武帝增至三辅都尉讥察至有诸侯以关入免者纲纪太密东都有关都尉矣

郑景望曰说者以聯門市参相聯比检猾商也货不出關谓从私道出辟税者则没其财而挾其人司门凡出入不物者征税也犯禁谓商所不资者举之没入官凡此与后世州县征税之场栏检要逻剥刻农贾何以异曰否王政之所禁为夫未胜而本益微奸欺得志而移俗习故夫检商之政示笃本而正民志也夫负贩之民贸易之际欺者得利则信实者安得不易虑而为欺奸者得利则纯直者安得不相怵而为奸故門市以参聯之玺节以出入之举其货罚其人以惩畏之此非以为征利也设防于趋利之氓养其信实纯直之心出入不物几奇衰也财物犯禁恶逐末也用犯禁之财物养死政之老示先义也先王导民非有物以与之第窒其趋恶之路使欺不得设奸不得行此立法建官之意与后世专于殖利者可同年而语哉

掌节上士二人中士四人府二人史四人胥二人徒二十人

郑康成曰节犹信也行者所执之信○吕氏曰案春秋司城荡意诸来奔效节于府人即此谓府二人者也古者必有府人藏此节所以效于府人○贾氏曰节连于門市故亦连类在此

掌守邦节而辨其用以辅王命

王氏详说曰邦节者下文所谓玉节角节用之于内外诸侯虎节龙节人节用之于邦国使者符节玺节用之于司门司关司市及乡遂之闲總而言之皆邦节也郑氏以典瑞之珍圭牙璋谷圭琬圭琰圭为邦节且掌节自掌节典瑞自典瑞焉可以珍圭牙璋之类而为节乎

黄氏曰掌节在关取予便也节皆邦节有守节有行节玉节邦国守之角节都鄙守之是谓守节使节及门关道路之节皆行节也必自掌节出郑言关市道路之官皆得为节如此则杂主

掌节何以设专职哉○郑康成曰王有命则别其节之用以授使者○郑锴曰命出于一人无敢不信而矫诬以作命者殆或有之故王虽有命必用节辅之以为信

守邦国者用玉节守都鄙者用角节

郑康成曰玉节之制如王为之以命数为大小角用犀角其制未闻○易氏曰玉则美在其中而畅达于外诸侯之象角则致力于内而捍御于外公卿大夫之象守则守节之义○郑锴曰命为诸侯使守邦国者用玉节以辅之玉所以比德凡出封而为邦国之君者皆有君子之德命为君长使守都鄙者用角节以辅之角之为物上穷而善触都鄙之长职当外御其侮内蕃王室也康成谓诸侯于其国中卿大夫王子弟于其采邑有命者亦有节以辅之故用玉节用角节似失之矣

凡邦国之使节山国用虎节土国用人节泽国用龙节皆金也以英簋【吐党反】辅之

郑锴曰王者遣使行乎天下何所往而不通然无节以为信则诈心或萌于所遣之人而疑心或起于所至之国故必持节然后行前言玉节角节则王命之守此言虎节人节龙节则使者执行以为信所往之国有平地山泽之不同铸金为节各为虎龙人之象山国多虎泽国多龙平土之地则人之所聚如晋楚之多山吴越之多水陈郑之平原旷野视其所执之节可明其所往之邦孰敢矫诬以妄适哉○王昭禹曰小行人有管节而掌节不言掌节所掌谓之邦节以辅王命所谓邦国之使使邦国者所执也小行人所达谓之天下之节则所谓龙节人节虎节管节邦国都鄙使者所执非王官所掌掌节不言都鄙之使节则使都鄙者无节以旌节行之而已

郑锴曰节皆用金取其寒暑燥湿不能变也使节亦欲不更所守故有取于金焉辅节必以英簋所以防其外簋竹也所谓瑶琨篠簋是也以簋为函画为文彩使其英华外着内有不变之刚外有可观之文尊王命而重使华也【○王昭禹曰诗曰二矛重英又曰朱英緑滕则英之为饰明矣】○易氏曰金以为之铸象有坚而不变之义簋而加以英饰有仪文相接之礼

门关用符节货贿用玺节道路用旌节皆有期以反节郑康成曰门关司门司关货贿者主通货贿之官谓司市也道路者主治五涂之官谓乡遂大夫也凡民远出至于邦国邦国之民若来入由门者司门为之节入由关者司关为之节其商则司市为之节其以征令及家徙则乡遂大夫为之节唯时事而行不出关不用节也变司市言货贿者玺节主以通货贿非必由市或资于民家焉变乡遂言道路者容公邑及小都大都之吏皆主治五涂亦有民也符节者如今宫中诸官诏符玺节者今印章旌节今使者所持节也○王氏曰门关则以符合之货贿则以玺验之道路则以旌表之○黄氏曰节皆自掌节出符节付之门关之官玺节专之司关旌节付之道路之官郑曰乡遂大夫是也此专为民徙及有征令者也使随事用之王使旌节掌节予民之自外来者皆当有路节由都鄙者都鄙予由甸稍者甸稍予至关司关留之则予符节而入至门着出入之日出关反符节司关还其所留节而出入之自内出者于其所由予路

节有传郑言唯时事而行不出关不用节是也盖关门之内常往来者也有期反节不独民与商虽门关道路之官亦有期而反之反而复予弊则更为邦国都鄙使节反必有时守节易世而反反则复予此皆掌节专行之职○郑康成曰将送者执此节以送行者皆以道里日时课如今邮行有程矣以防容奸擅有所适

薛氏曰龙节虎节人节以金为之辅之以英簋至于符玺旌三节不言辅者以下文有以传辅之言凡则六节皆辅之以传矣但以金为者既辅之以英簋又辅之以传以竹为者不过以传辅之春秋之时所谓龙节者辅以玉而不辅以英簋昭二十九年公在郢使公孙衍献龙辅于齐侯说者以为龙辅玉者名所以取之辅龙节者矣至西汉时有铜虎符是龙节之属皆以金为之竹使符是旌节之属皆以竹为之周制行于汉而不行于春秋悲矣

凡通达于天下者必有节以传辅之

郑康成曰必有节言远行无有不得节而出者○郑锷曰通达于天下非止于一乡一州可不与之节乎虽有节以为信必有传以为辅传者所以书其事二者相依而行是以有辅之义

无节者有几则不达

郑康成曰圜土纳之

孙氏曰先王之防范斯世使循循然入于矩度之内而无敢放意肆行自陷于颠越不恭之域以其有此具也夫制为之节达之天下同其法则居邦国都鄙守之以为重适郊野四方者执之以示信命令假之而行货贿待之而通故淫朋比德不得逞其私合党缔交不果遂其志夫一物之微所系于人心之操舍国势之安危若是其切岂非先王驭天下机要哉

周礼订义卷二十四

卷二十五

钦定四库全书

周礼订义卷二十五 宋 王与之 撰

遂人中大夫二人

郑康成曰六遂之地自远郊达于畿中有公邑家邑小都大都○陈及之曰郑氏说六遂之地距王城百里以外至二百里若然则在郊甸中矣然秋官乡士掌国中遂士掌四郊则六遂之地亦有在四郊者盖六乡取国中之民作之不足则及四郊而乡士掌六乡之狱治在国中也六遂取四郊六乡余地作之不足则及郊甸而遂士掌六遂之狱治在四郊也所谓遂者正五家为邻至五县为遂必地里相连民居相接然后始成保伍可以相保相受相纠若分散别在他处则何以相管属耶

王氏详说曰六遂之官与六乡之官一同六遂之法与六乡之法一同但六遂之官卑于六乡一等六遂之法与六乡相为异同耳且以乡遂之官言之六乡有大司徒在六遂则为遂人六乡有小司徒在六遂则为遂师六乡有乡大夫在六遂则为遂大夫六乡有州长在六遂则为县正鄙师即党正也鄴长即族师也里宰即閭胥也邻长即比长也然大司徒六命之卿而遂人不过中大夫小司徒中大夫而遂师不过下大夫此六遂之间长贰也乡大夫六命之卿而遂大夫不过中大夫州长中大夫而县正不过下大夫等而下之皆卑一命故六乡之下士一命而六遂之下士不命此乡遂之官异也且以乡遂之法言之六乡上地无莱亩而六遂上地则有莱五十亩矣六乡以一人为正卒其余为羡卒六遂则以一人为正卒一人为羡卒其余为余夫矣六乡所言伍两卒旅师军详于军制六遂所言遂沟洫浚川详于田制然军旅未始无田田制亦未始无军要之互文见义也他如遂大夫所谓三歲大比则帅其吏而兴甿即乡大夫所谓宾兴贤能之法鄙师所谓祭祀若党正所谓祭祭鄴长所谓祭祀即族师所谓祭酺里宰所谓召斂即閭胥所谓召令邻长所谓徙于他邑从而授之即比长所谓徙于国中及郊从而授之也然五物之询德行道艺之攷见于乡而不见于遂岂六遂无此等人耶○薛平仲曰乡民之居于国中及郊者先王为之兴贤能而使之出长入治以为之成市交易而使之各得其所夫然后务本尚实之风始有以转移斯民之趋向遂居六乡之外去王城百里之远斯民朝夕之从事无非耕桑陇亩之务钱鏹耒耜之用如使其心嚮然有恶劳好逸之念亦何能一日自安于田里是以先王居民于野自五家而积之虽无所异于乡總而名之曰遂焉所以使之自遂于其间不然吾能教之以稼穡而遂民或至于饱食暖衣而逸居焉岂非先王所惧哉【○孙氏曰周官内六乡而外六遂由遂以往采邑参焉一以遂法治之盖教必始于近以六乡为四方之标准耕必勤于野以六遂为王畿之劝相遂虽互文见义亦各有先务也】

掌邦之野

郑康成曰郊外曰野谓甸稍县都○黄氏曰遂人因六遂而为名六遂在甸则所掌者甸地而已而曰掌邦之野盖合稍县都鄙法之当行者通掌之稍县都鄙居民防里授田沟洫治地皆野法与甸同其法悉自遂人出稍为邑县鄙为都则各听于其主非遂人之所属也遂人中大夫秩比小司徒县二千五百家鄙五百家随民众寡而为之甸稍县鄙居民皆如此惟甸则合县为遂○曹氏曰遂人之职惟以掌邦之野为言然六遂之政令刑禁与稽民授田简兵教耕令赋起役之事无非本于六乡之成式遂人以下特其文互见而言之稍略耳

以土地之图经田野造县鄙形体之灋五家为邻五邻为里四里为鄴【作管反】五鄴为鄙五鄙为县五县为遂○王昭禹曰土地之图大司徒所建之国以土地之图经田野则以所建之国为井牧沟涂田莱之类而经之也○郑康成曰经形体皆谓制分界也【○王氏曰其县鄙之地域有形其井邑沟涂有体其所以制而成之则有法○王昭禹曰形具而后有体故有县鄙之形斯为井邑沟涂之类以体之有王国之形斯为门闾宫室之类以体之其所以体之者莫不有度数存焉夫是之谓形体之法】○易氏曰小不曰邻言鄙之成则邻之成可知大不曰遂言县之成则遂之成在其中言县鄙则举中以见上下

项氏曰比则亲之至邻则始相邻近间则同门里则同居族则族葬鄴则相贊助而已鄙之名卑于党县之名小于州凡遂之制皆放于乡【○郑康成曰异其名者示相变耳】○王氏曰比相保则邻亦相保间相受则里亦相受族相葬则鄴亦相葬矣党相救则鄙亦相救矣州相赙则县亦相赙矣乡相宾则遂亦相宾矣【○王昭禹曰遂独不言者乡以教为主遂以耕为主】

愚案以五起数以四成之四里则百家乃是数之小成

陈宏甫曰周乡遂之法至百处无不以五起数盖百人是二队不百人不足以为甲更调起不得愚案遂之邻里鄴鄙县遂与乡之比间族党州乡之法无异然司徒于乡不说经田野者以国中民防接比行保伍之法易故不必经与造民野处四散保伍之法难行复用经田野造县鄙成然后可定民居若小司徒经土地而井牧田野一句乃是制井田起军赋与制保伍以定民居不同井邑自四井以下则以四起数造县鄙自五家以下则以五起数井天下之田用丘甸法比天下之居用保伍法故曰地不里居田不井授终苟道也

總论

曹氏曰乡遂王政之本皆以室数制之不容增减自郑氏参以里数欲求强合始指若干里为乡若干里为遂既室数与里数不合于是积算王畿千里之地去若干里为山林川泽又去若干里为不易一易再易之数然终有抵牾安有采地之制异于乡遂之说旁加广狭之说周家简易之制未免汨没于异同之论

皆有地域沟树之使各掌其政令刑禁

郑锷曰皆有地域以为之辨沟之以水树之以木有限域之周围有沟树之阻固建官设吏以治之使各掌其所治之政令刑禁民可得而治矣○易氏曰上言形体之法度地居民之法此言各掌其政令刑禁则命六遂之吏因县鄙之法而推行井地之法

以歲时稽其人民而授之田野简其兵器教之稼穡○贾氏曰授之田野若下夫一防百亩简其兵器若族师旗鼓兵革

黄氏曰乡以州党居民防其卒伍即为军法故常自为六军而田与追胥皆竭作遂虽以县鄙居民而其军赋在丘乘军师田役皆有司马之法作其众庶而后防其车人之卒伍或多或少不可预定是则正卒犹不尽起况羨卒乎士师掌乡合州党族闾比之聯与其人民之什伍使之相安相受以比追胥之事谓之乡合则非野法也常常比之使之相安相受故仓卒可用遂未尝比安能临时尽起而用之乎故以为郑之说未尽然也惟起徒役无过家一人者似是然野之制军一甸七十五家耕之共一车则一家一人自有定制是则小司徒所谓无过家一人者仍为乡法耳六遂民数与六乡同权力相并事体略等先王诚有深意也地之等不同人之多寡亦异常有进退故以歲时稽而授之皆农民也故惟教之自衛力穡之事授之田野野盖虞衡欤○王昭禹曰兵器不简则稼穡不可得而教必先衛其地域而有之然后斯能致力于稼穡不然虽有粟不可得而食

凡治野

黄氏曰治野言凡通乎邦国都鄙

以下剂致甿

王昭禹曰剂约剂所谓要书与甿约以征役用下地为率所以致之也【○黄氏曰致甿其事在旅师】○郑康成曰变民言甿异内外也甿犹懵懵无知貌也○曹氏曰六乡授田分上地中地下地为任民多寡之数而此则不复差别一以下地每家止任二人为率盖六遂既比乡为差遠而在野之地为最寬宜优其役而厚其力使之受地多而征调少庶民皆愿为之甿欲耕于王之野以滋生齿以实遂地○陈君举曰此指授田之夫言之者从役皆以下剂致甿岂有饶遠之间

以田里安甿

贾氏曰田则百亩之田里则五亩之宅【○王昭禹曰出则辈作于田入则族息于里授之田则彼得以安其耕授之里则彼得以安其居】

以乐昏扰甿

郑康成曰乐昏劝其昏姻如媒氏防男女扰顺也【○贾氏曰男女人之大欲存焉配以昏姻

即顺民意】

以土宜教甿稼穡

王昭禹曰十二土名物不同稼穡之所宜亦异甿不能皆知故以土宜教之大司徒教稼穡植艺是也

以兴耤【音助】利甿

杜氏曰助谓起人民令相佐助【○刘执中曰兴起同井之民更相耤耨则各享其利】○王氏曰孟子曰唯助为有公田许慎释耤以商人七十而耤则助耤一也兴之以助公田则甿得所私焉所以利之

以时器劝甿

郑康成曰时器铸作耒耜钱镈之属○王氏曰善其器则以劝谓之时器则器之用各有时若耜以耕铎以获

以彊予任甿

郑康成曰彊予谓民有余力复予之田若余夫然【○李氏曰田作劳人之所惮吾彊其力而予之以地则民无遗力矣○项氏曰若野自六尺以及六十有五也是也】

總论

曹氏曰生有常产居有常室而甿之安逸可知婚姻相通礼文相乐而甿之顺扰可知壤物之辨则甿知稼穡之宜耤耦之兴则甿享共耕之利农具有常器则因其时而劝之丁壮有余力则加其田而任之咸使之有固志而休养生息无余憾矣

以土均平政

黄氏曰乡民合土与农而教之故授田少役多每月读法四时田猎春秋祭祀征役丧纪防聚多贡税轻野皆农民专以稼穡任之故授田多役简贡税重以土均平政政如字政役不平而后人机巧趋利或遂逃其业利均则政平土均之职可致【○郑康成曰政读为征土均掌均平其税】

辨其野之土上地中地下地以颁田里上地夫一防田百晦莱五十晦余夫亦如之中地夫一防田百晦莱百晦余夫亦如之下地夫一防田百晦莱二百晦余夫亦如之

愚案郑锷说见大司徒造都鄙及小司徒均土地之下

郑康成曰防城邑之居孟子所云五亩之宅树之以桑麻者也【○郑司农曰防居也 子云有田一防谓百晦之居】莱谓休不耕者○项氏曰里以防计田以晦计田有污莱里无上下故里皆一防而田有多寡○郑康成曰六遂之民奇受一防虽上地犹有莱皆所以饶远也【○项氏曰上地无莱田则非治野致阡之法遂人之致阡必优于乡○曹氏曰遂既以下剂致阡虽上地亦使之少休不耕庶不尽其地力所以优遂民也○周氏曰遂人掌邦之野其地必广而瘠若置都邑处必狭而肥故遂人上地有莱田】曹氏曰乡不言夫一防惟言受田而遂之上地中地地下地皆言夫一防乡不言余夫而遂之上地中地地下地皆言余夫亦如之者盖乡去王城密迩遂在乡之外地有远近势有重轻赴愬有易难恤察有详略特示优厚于六遂非以薄六乡也亦不泄迩忘远之深指其为均一也

薛氏曰先儒谓父子祖孙不可分者为余夫未知授田之制则何以也曰司徒言均土地而稽其人民上地家七人中地家六人下地家五人今此田莱固有定制为子孙蕃盛家有十人必以五人为正夫受下地之田五人为余夫受田亦如下地夫之数家十一人以六人为中地正夫而五人为下地余夫家十有二人则六人为中地正夫而六人为中地余夫家十有三人则七人为上地正夫六人为中地余夫家十有四人则七人为上地正夫七人为上地余夫至于家十有五人则五人为下地正夫其十人则分为两下地余夫从此推之虽百口之家亦可分若家止九人则将何为孟子曰上农夫食九人其次食八人彼以此七人而受上地之田则田莱之广且美岂不能赡九人耶【○愚案此说颁余夫田亦如三等受田之数】

图说曰先王之于民受地虽均百亩然其子弟之众或食不足而力有余则又以余夫任之诗所谓侯疆侯以经所谓以疆予任阡也然余夫之田不过二十五亩以其家既受田百晦又以百亩与之则彼力所不逮矣故其田四分农夫之一而已礼言上地田百晦莱五十晦中地二十五晦莱亦二十五晦下地二十五晦莱五十晦则所谓如之者如田莱之多寡而已非谓余夫亦受百晦之田如正农也郑氏之说不与孟子合贾氏又从而释之此附防之论也○刘氏曰亦如之者亦如其莱也余夫未具夫妇未当受田如其莱而已孟子曰余夫二十五晦【○愚案此说颁余夫田视正农受莱四分之一大约不过二十五亩求合孟子之说】

黄氏曰里即其防之所在上中下地亦以其人之多寡授之孟子曰余夫二十五亩乡田同井则乡法也遂人上中下地田莱余夫如正夫之数野法也所谓疆予也一夫百亩以今亩计之为四十亩臣妾闲民移用野法一甸六十四井七十五家耕之上地当授田三百九十九夫田莱公田皆计余百九十七夫中地当授田四百二十二夫余百五十四夫下地当授田四百五十夫余七十六夫上地余最多王制上农夫食九人其次食八人其次食七人小司徒减上二等自七人为则上地当容此二等也故增一百十五夫而登矣二家增三人中地二家五人盖与上下相进退也二家五人则一家三人一家二人故增六十五夫而登矣下地余少增二十五夫而止耳然其下有食四人者有食三人者可任者未必皆二人也要之当使有余以待增不使当增而不足先王制事无不如此郑谓六遂之民奇受一防本谓民居郭已受宅又奇受一防于野其说误而疏家又谓余夫奇别更受防备离居之法益疏矣【○愚案此说作计夫

受田其地有余又与前二说不同】

易氏曰或曰上地人数之损则将迁之中地下地乎下地人数之增亦将迁之上地中地乎中地之增损亦然曰非迁其人也因其人之损益为田之进退而已遂师以时登其夫家之众寡遂大夫以时稽其夫家之众寡然后遂人以岁时稽其人民而授之田野正为是也

礼库曰司徒是造都鄙法遂人是颁田里法不容相类

陈宏甫曰盖都鄙受田之制与邦国同六遂受田之制与六乡同互见其义

凡治野夫闲有遂遂上有径十夫有沟沟上有畛【之忍反】百夫有洫【况域反】洫上有涂千夫有浍【古外反】浍上有道万夫有川川上有路以达于畿

郑康成曰十夫二邻之田百夫一鄹之田千夫二鄙之田万夫四县之田○郑锷曰田必资水水欲通于川行必由路路欲达于畿自一夫之田至千夫之田为遂沟洫浍所以通水于川自夫闲之遂至万夫之川为径畛涂道路所以通道于畿广深各二尺曰遂言水自是而之他也广深倍遂曰沟言十百相交而水相往来也广深倍沟曰洫言水相流通如人血脉也广二寻深二仞曰浍言众水皆防乎此也至于川则集众流而无所不通宜至于海矣通水以此则旱有所资而水亦无浸淫之患遂上有径可容牛马沟上有畛可容大车洫上有涂可容乘车一轨浍上有道可容乘车二轨则川上有路可容乘车三轨通道以此则车与徒无所往而不达凡此五沟五涂之制自禹以来至是始备【○项氏曰先王不能使天下无旱涝能使旱涝不为灾有沟以道水而有】【涂以防水因夫之多寡而为之道水因水之大小而为之防水水则达于川道则达于畿若其广深则匠人详之矣】陆佃曰小司徒九夫为井匠人亦九夫为井井闲有沟自井地言之遂人十夫有沟自涂言之然遂人百夫有洫而匠人十里为成成闲有洫则九百夫之地遂人千夫有浍而匠人百里为同同闲有浍非一同之闲包以一浍而已谓共闲有浍也成同地之广者也洫又浍沟之大者也于成举洫于同举浍亦其大略云耳○陈及之曰周制井田之法通行于天下安有内外之异哉遂人言十夫有沟以一直度之也凡十夫之田田首必有一沟以防水以方度之则方一里之地所容者九夫其间广四尺深四尺者谓之沟则方一里之内凡四沟矣两旁各一沟中闲二沟遂人云百夫有洫是百夫之地相连属而同以一洫防水以方度之则方十里之成所容者九百夫其闲广八尺深八尺谓之洫则方十里之内凡四洫矣两旁各一洫中闲二洫至于浍亦然若川则非人力所能为故匠人不为川而云两山之闲必有川焉遂人万夫有川亦大约言之耳大槩遂水防于沟沟水防于洫洫水防于浍浍水防于川其纵横因地势之便利遂人匠人以大意言之遂人以长言之故曰以达于畿匠人以方言之故止一同耳【○陈氏曰遂人所言者积数也匠人所言者方法也积数则计其所有者言之方法则积其所围之内者名之其实一制也○陈君举曰沟洫之制无乡遂采地之异遂人言夫者指实地者言之山林川泽不在其数匠人以里言者沟洫咸在其中所以用里数也○薛氏曰遂人言十夫有沟以旁加言之也匠人以九夫为井井闲谓之沟以实数言之也】愚案遂人自十夫起数匠人自九夫起数井田之法惟九夫共井未有十夫共者此郑氏所以谓遂人法与匠人不同也必欲合其说宜以大约计之不可拘也遂人

所谓夫闲有遂即匠人广二尺深二尺之遂也遂人十夫为沟即匠人九夫为井井闲广四尺深四尺之沟也匠人谓九夫而遂人乃云十夫者遂沟以十夫之地约之耳而匠人方十里为成成闲广八尺深八尺谓之洫计一成之地乃是百井九百夫之地方有洫而遂人言百夫有洫盖止言百夫之田始共一洫而成闲有洫则總一成之内九百夫之田凡九洫矣匠人言百里为同同闲广二寻深二仞谓之浚计一同之地乃是万井九万夫之地而遂人言千夫为浚盖止言千夫之田始共一浚而同闲有浚则總一同九万夫之田凡九十浚矣人力所为止于浚此外则自然之川故遂人万夫有川而匠人一同九万夫之外亦曰专达于川要知一同之内自浚而达者已有川矣此皆以大约言之

黄氏曰此与匠人一法乡不为沟洫夫屋九比遂野法也沟洫之制详八家皆私百亩其中为公田沟洫不独治田且设固焉自甸达于畿皆野法也故曰凡治野遂人十夫有沟匠人九夫为井盖一井十夫其中为遂而沟环之地居十夫而井实得九夫之地也案司马法一同万井九万夫则虽乡一井亦谓十夫之地为遂沟与野同不为洫浚孟子言方里而井井九百亩盖一里十夫容九百亩于其中非谓方一里只得九百亩也治地郊与野异者郊居百里四同之地无多山陵林麓其地之高者为城郭防园平者为田负郭之田多膏腴下者为藪牧其间水泽足以灌溉亦必为沟畎以行之但不为洫浚涂路经纬之形如治野耳观载师郊田则当时因土之宜可见遂沟兼径畛不能为一夫寛饶之使有余地也诗中田有庐亶塲有 皆寛饶之地亶塲其界域也积方百夫沟经纬其中而洫环之成方十里千夫之地十除其一为百井九百夫洫经纬其中而浚环之同方百里十万夫之地十除其一为万井九万夫浚经纬其中而川环之遂人言百夫有洫者谓积方百夫而洫居其外也匠人言方十里为成成闲广八尺谓之洫者开方十里而洫居其中也方十里则为百夫者十遂人言千夫有浚者亦积方千夫有浚在其外也匠人言方百里为同同闲广二寻谓之浚者亦开方百里而浚居其中也方百里则为千夫者十故曰其法一也遂人言万夫有川通地势而着经界之法也匠人言专达于川因地势以见非人力之所为也然则川形未必正方其旁多华离之地皆不井书曰濬畎浚距川川盖山泽自然之位故匠人曰凡天下之地势两山之闲必有川焉疏家言此川亦人造疎甚郑康成小司徒注成方十里其中八里为甸六十四井五百七十六夫出税旁加一里为一成十里三十六井三百二十四夫治沟洫积而至四都八十里旁加十里乃得方百里为一同积万井九万夫其四千九十六井三万六千八百六十四夫出税二千三百四井二万七千三百三十六夫治洫三千六百井三万二千四百夫治浚乖误甚矣自十夫积而至十万夫皆十除其一者九夫共得一夫之地以治遂沟径畛且有寛余之地矣其余洫浚涂路为地可计百夫之洫为地十七亩有奇涂如之积而为一成十里为方百夫者十洫涂之地三夫半而已安用三百二十四夫哉千夫之浚三十五亩有奇路加浚十一亩有奇通为四十六亩积而为同百里为方十夫者十涂路之地四十六夫而已又安用三千六百井三万二千四百夫哉一同百里为方十里者百洫涂三百四十夫郑言一同二万七千三百三十六夫治洫大抵遂人展地匠人制形一同之地定为万井沟洫綦布于是以小司徒丘乘之法比之自井为邑为丘而为甸七十五家耕之出车一乘又为县为都其法备矣一同万井九万夫六千四百井出税赋车百乘其余二千六百井为山林川泽邑里县鄙为洫浚涂路沟畛不计犹有余则为闲田遂人下剂致阡固当常有地以待之六遂赋车千乘而为六军十二同一同未必尽平地能为九万夫不足则兼取班孟坚汉书曰同方百里提封万井除山川淳卤城池邑居园囿术路三千六百井

定出赋六千四百井虽大约言之且其说未必尽合周礼然其论井地则精于郑矣郑康成注小司徒曰九夫为井方一里小司徒经之匠人为之沟洫相包乃成其说是矣惟不悟遂人匠人本一法因见遂人以十夫起数则曰此沟洫法也匠人以九夫起数则曰此井田法也两说既离乃欲合遂人于司马法以为乡遂皆无公田皆税夫又欲合小司徒于匠人则以为畿内不为井田而小司徒丘甸实井田也乃曰此为造都鄙法及见孟子八家皆私百亩其中为公田诗雨我公田遂及我私春秋初税亩传言谷出不过借有若对鲁哀公盍彻皆井田也则又欲合之于周礼乃以为周制王畿用夏贡法邦国用殷助法乡遂公邑之吏役民以公使不得恤其私诸侯专一国贪暴无艺故通其率以什一为正夫岂独纷错无统而矫诬先王失建邦设土树后王君公之大体矣司马法乡法也不独不为公田沟洫之制亦略故以夫屋比地而一同万井三万家与小司徒夫屋为合是为乡法遂人野法也沟洫距川与小司徒井牧为合是为野法经乡野异条郑谓之同制何据哉司徒施教法于都鄙比闾族党乡州与王国同故以室数制其域不使山川沟洫妨其实地正不为井田而康成反以丘甸为造都鄙法何据哉野九一而助国中什一使自赋孟子教滕文公使复先王旧法则诸侯有野与王国同矣康成知邦国用遂法合于孟子而不知什一自赋亦孟子之言乃谓通其率以什一为正则又何哉曹氏曰因授田而思至于治沟洫因沟洫而思至于治涂路必使纵横参错曲折而后进不得以率意而直达人以为此特定田制耳此特通水利耳不知先王寓兵于农藏丘乘于井牧而御外侮防冲突之意已潜寓于其间也

以歳时登其夫家之众寡及其六畜车犂辨其老幼废疾与其施【式氏反】舍者

郑康成曰登成也犹定也【○王昭禹曰登上其籍】夫家犹言男女也○王氏曰遂人既登其夫家众寡六畜车犂遂师又以时登则遂师登之于遂人遂人登之于小司徒【○郑锷曰小司徒颁比法于六乡之大夫使各登其乡之众寡则颁于六遂从可知也】○郑康成曰施读为弛【○郑锷曰辨其可施以事者与其可舍者则病者得所养而壮者不为游手】

易氏曰知夫家众寡之数则上地任三人而舍其四下地任二人而舍其三凡父祖子孙之不可分而兄弟夫妇之交相养者举在是知六畜车犂之数则老得以食肉祭得以用牲车得以供服乘犂得以载任器者举在是至于辨老幼废疾与其施舍者则敬老慈幼与夫养万民之疾病禄庶人之在官者又非一端而已○曹氏曰校登必以歳时盖前歳之已登者逮于今则增损不同矣一时之已登者越三时则耗亡不等矣民自生齿以上皆登于版耕稼起于一夫而王畿千里之民无不各任其力调兵起于伍长而六军七万五千之众无不各禀其令虽车犂器械之 细牛马六畜之猥冗无不素具于籍一旦有事随取而足盖其凡目可稽而储备有实此功用在乎素讲所谓事前定则不困者此也

以颁职作事以令贡赋以令师田以起政役

郑康成曰职谓九职分其农牧虞衡之职使民为其事也载师云以物地事授地职互言矣贡九贡赋九赋政役出徒役○易氏曰先职事贡赋而后及于师田政役无非因其财力而用之先王岂徒用其财力哉爱养斯民于是乎在

若起野役则令各帅其所治之民而至

贾氏曰起野役若小司徒起徒役毋过家一人之类【○郑康成曰役谓师田若有功作也】令各帅其民而至者谓县正已下县正云若将用野民则帅而至是县正受遂人之令也

以遂之大旗致之其不用命者诛之

郑康成曰遂之大旗熊虎【○贾氏曰遂人虽是大夫合用鸟隼之旗致众今遂人掌众与大司徒同故得用熊虎为旗】○王氏曰乡师致民以司徒之大旗遂人所谓大旗亦司徒之大旗于是建焉于遂言遂之大旗则乡可知于乡言司徒之大旗则遂亦可知

凡国祭祀共野牲令野职

郑康成曰共野牲入于牧人以待事○贾氏曰野职薪炭之属此官令之委人斂之故委人云斂薪刍凡疏材木材

易氏曰遂人掌邦之野故此数节皆谓之野牲曰野牲以六牲出于野共而入于牧人职曰野职以薪刍疏材木材出于野而令委人斂之

凡宾客令脩野道而委积

郑康成曰委积于庐宿市○贾氏曰大司徒令野脩道委积谓總令遗人此于百里外野道又令之故注云是亦令遗人

黄氏曰大司徒大宾客令野脩道委积小司徒小宾客令野脩道委积遂人凡宾客令野脩道而委积遗人委积以待宾客独军旅无所见军旅急兴王师所至得辄发是宜有成法

大丧帅六遂之役而致之掌其政令及葬帅而属【音烛】六綍【音弗】及窆陈役

郑康成曰役给墓上事及窆也○贾氏曰窆谓穿圻之等○黄氏曰帅六遂之役致之郑云致于司徒恐未然致之于稍人遂人不直致于司徒也稍人曰大丧帅蜃车与其役以至以聽于司徒綍举棺索【○贾氏曰据在棺则曰綍据在道则曰引六遂之役不在道故据在棺而言綍】用綍旁六执之者天子其千人与【○贾氏曰杂记诸侯执綍五百人大夫三百人以此约之则天子千人愚案窆字见乡师】

贾氏曰六乡近使主殡及啓朝为始在祖庙之中将行载棺于蜃车属六綍则六遂为终于道言引则还使六乡为始至圻窆下棺则还使六遂为终○黄氏曰及葬大司徒亲帅乡役属六引遂亦帅野役属六綍及窆陈列之使背碑引綍司徒皆节制之司徒节制野役见于经者独此事

凡事致野役而师田作野民帅而至掌其政治禁令○王昭禹曰言事而又言师田则事乃力政之事○郑锷曰国有功役之事又有师田之事功役则用当役之人师田则众民竭作故于事言野役于师田言野民当役之人则致之使自至众力竭作则其事之大有以作而起之遂人帅而至掌政治禁令以齐一之则众虽繁不乱矣○黄氏曰事为司空事典帅而致于稍人稍人帅而听于司马

遂师下大夫四人上士八人中士十有六人旅下士三十有二人府四人史十有二人胥十有二人徒百有二十人

刘执中曰遂大夫各居其遂以施政教遂师则赞遂人居司徒之府以治六遂之政令犹乡师赞小司徒居于内以治六乡

愚案刘氏之说推之盖司徒主六乡遂人主六遂乡师为司徒之攷遂师为遂人之攷乡师居司徒府固无可疑遂人遂师亦必居朝以總六遂之事自乡遂大夫以下至比邻之长则各居其所治矣但乡大夫既曰卿则必朝之六卿兼之以其地在百里之内故其官可居于朝若六遂在二百里则遂大夫必各居其所治之遂可也

各掌其遂之政令戒禁

贾氏曰遂师所掌如乡师亦二人共主三遂

易氏曰政若颁职作事以起政役之类令若令野职野赋令野脩道之类戒与禁则辅此而已

以时登其夫家之众寡六畜车犂辨其施舍与其可任者

王昭禹曰登其籍于遂人乡师以时稽其夫家众寡遂师登而不稽者以有遂大夫稽之也

郑锷曰经言施舍多矣或以施为弛或只读如本字此辨其施舍继以与其可任则施当读为弛盖对可任而言○项氏曰民有贵贱老幼废疾贤能在所施舍其可任者又有家三人二家五人家二人之异故辨之以知民力○刘迎曰遂师之辨施舍与可任将以井牧其田野

经牧其田野辨其可食者周知其数而任之以征财征以作役事则听其治讼

郑康成曰经牧制田界与井也【○刘执中曰经牧谓随地而增菜田也】○王氏曰犹小司徒所谓经土地而井牧其田野不言井则以下言辨其可食者周知其数而任之故也○郑锷曰辨其田之可耕则耕之野之可畜则牧之○郑康成曰可食谓今年所当耕者【○刘中义曰一易之田间一歲而可食再易之田闲二歲而可食】○易氏曰遂之三地有田皆有菜为菜则不耕为田则可以耕而食辨其可食而后可以周知井牧田野之数既知其数然后可以颁地任民○曹氏曰遂民授田虽有上中下三等之殊其闲或系于天时人事之不齐则地力

所出亦不可以定法而槩论固有上地稍薄亦可以为中者有中地稍薄亦可以为下者倘恃吾定数不加精察则财征役事不为民病者几希

郑康成曰财征赋税之事○易氏曰取其财谓之财征用其力谓之役事二者周知其数而任之故征不病民财役不伤民力征不均则有治治不服则有讼遂师聽之

巡其稼穡而移用其民以救其时事

王昭禹曰稼穡之时不可缓民之札丧为无常苟困于札丧而力不逮则时事于是乎废先王乃移用其民以救之○易氏曰水溢旱干非一遂之民所能胜故移用他民以救之亦如五党相救之法然则与大司徒之移民何别曰大司徒移民者移之使有余财遂师移用其民者移之使有余力

凡国祭祀审其誓戒共其野牲

王氏详说曰案大宰职云大祭祀掌百官之誓戒大司寇云泄誓百官戒于百族祀大事也誓戒又祀事之大也大宰掌之所以致其谨大司寇泄之所以防其犯六乡司徒之官遠在二百里之中誓戒之事固无预焉但审之而已审其誓戒即共其野牲矣是以先期而辨事盖大司徒预于国之大祭祀小司徒预于国之小祭祀皆奉其牛牲而羞其肆遂官遠矣遂师之共野牲者共于遂人遂人之共野牲者共于牧人六遂何誓戒之有郑氏阙然无说而以审为聽誤矣○王昭禹曰遂人凡国祭祀共野牲遂师又共野牲则賛遂人共牲入于牧人也以遂师登六畜牧其田野故也

入野职野赋于玉府

郑康成曰民所入货贿以当九职九赋中玉府之用者○王氏详说曰六遂之地民曰野民牲曰野牲道曰野道役曰野役职曰野职无适而非野职九职赋九赋大府内府之所掌其所以入于玉府者特式贡之余财耳今六遂之民而以九职九赋得入于玉府者何耶盖玉府掌玩好之物成周之制使民各任其所赋若角人掌以时征齿角凡骨物于山泽之农以当邦赋之政令羽人掌以时征羽翮之政于山泽之农以当邦赋之政令掌葛以时征絺绤之材于山农征草贡之材于泽农以当邦赋之政令野职野赋之得入于玉府者其是欤○黄氏曰虞衡本自为一官府而属于遂以其有农当授地颁职作事通于遂政而遂师徵财征故其当入玉府者由遂师专达其余则与凡赋入于有司

宾客则巡其道脩庀【匹尔反】其委积

郑康成曰巡其道脩行治道路○郑司农曰庀具也

大丧使帅其属以幄帟先道野役及窆抱磨【音歷】共丘笼【力量反】及蜃【市軫反】

车之役

郑康成曰幄帟先所以为葬窆之闲先张神坐使以幄帟先者太宰也其余司徒也○王氏曰幕人大丧共帷幕帟绶今此幄帟非幕人所共矣道野役帅以至墓【黄氏曰谓道之居先备缓急用之】磨者适歷执紼者名也【○贾氏曰天子千人分布于六紼之上谓之适歷者分布稀疏得所名为适歷执紼之人背碑负引而退行遂师抱持版之名字巡行而校録之以知在否故云抱磨】丘笼之役窆复土也其器曰笼蜃车枢路也枢路载柳四轮迫地而行有似于蜃因取名焉行至圻乃说更复载龙輶【○贾氏曰四轮迫地而行即輶车以二轴贯四轮四轮即说文云无辐曰輶是也】○王氏曰蜃车载闾圻之蜃者○王昭禹曰遂师则共蜃车之役人也曹氏曰凡取于野之物供朝廷以成礼者势力号令所驱在后世常有旁科杂扰之患今惟一遂师专之政不出于多门吏不至于并縁而六遂之民亦免于苛征倍役矣

军旅田猎平野民掌其禁令

郑康成曰平谓正其行列部伍【○易氏曰如大司马狩田之礼陈车徒有司平之】

比叙其事而赏罚

贾氏曰比叙者校比次叙其行伍而行赏罚

周礼订义卷二十五

卷二十六

<经部,礼类,周礼之属,周礼订义

钦定四库全书

周礼订义卷二十六 宋 王与之 撰

遂大夫每遂中大夫一人

贾氏曰遂大夫各主一遂如乡大夫各主一乡但其官皆卑于乡官命数皆减一等是以遂大夫中大夫一人不使卿差次至邻长则是不命之士为之其乡之比长则下士○薛平仲曰六乡之民既环居于国城之内则公卿大夫实易以从容其间先王因势之便以分其职则

爵秩之隆所以加于六遂一等者其理则然

非固厚于六乡彼为遂之民者既间居于甸

稍县都之中而所谓王子弟之亲与夫公卿大夫之尊又皆食邑于其内则其统临而镇抚之者盖亦至矣而遂复设官以从而教治之则爵位之杀所以降于六乡一等者盖所重在彼抑岂有薄于六遂者哉

又曰六遂中大夫六人下大夫三十人上士百五人中士七百五十人下士三千人邻长不命万二千五百人【○愚案邻长推为五家之长其受田与五家等本非有禄以养之余说见比长】

各掌其遂之政令以岁时稽其夫家之众寡六畜田野辨其可任者与其可施舍者

贾氏曰此与遂师职意同○王昭禹曰乡大夫以岁时登其夫家众寡遂大夫不登以遂人登之盖乡之官莫尊于乡大夫遂之官莫尊于遂人【○李嘉防曰遂师曰登遂大夫曰稽遂大夫稽之于下遂师登之于上】

易氏曰乡大夫辨其可任者国中自七尺以及六十野自六尺以及六十有五皆征之则遂大夫所谓可任者犹是乡大夫言其可舍者国中贵者贤者能者服公事者老者疾者皆舍则遂大夫所谓可施舍者亦犹是

以教稼穡以稽功事

易氏曰黍稷高下種蒱先后以教稼穡有如此者田萊之荒治牧畜之登耗以稽功事有如此者【○郑康成曰功事九职之事民所以为功业】

掌其政令戒禁听其治讼

易氏曰掌其政令戒禁则制之于未然听其治讼则决之于已然此虽鄉大夫之所不言然六鄉有井牧之制卒伍之制有贡赋税斂之事举此可以见彼○王氏详说曰遂师遂大夫言政令戒禁至于县正鄙师鄆长里宰则特言政令而戒禁无与邻长于政令又无与

令为邑者岁终则防政致事

郑康成曰不言其遂之吏而言为邑者容公邑及卿大夫王子弟之采邑政令戒禁遂大夫亦施焉【○曹氏曰王畿千里之地自六鄉六遂之民總为十有五万家其余地天子使史治之不统于遂官者是为公邑公邑之外为大夫之采邑者是为家邑家邑之外为卿之采地者则为小都小都之外为王子弟之采地者则为大都虽曰家曰都各有不同而实皆采邑也遂大夫令为邑者则所职不止于六遂并与公邑卿大夫王子弟之采邑皆治之则所治者广矣】○易氏曰为邑之吏有政有事一岁之政岁终必防一岁之事岁终必致吏之勤怠善否皆可于岁终攷之【○曹氏曰歲终会政致事将以达其可诛可赏可废可兴之实于朝廷】

正岁简稼器脩稼政

郑康成曰简犹阅也稼器耒耜鎡基之属稼政孟春之月令所云皆脩封疆审端径术善相丘陵阪险原隰土地所宜五谷所殖以教道民必躬亲之○易氏曰简之脩之于正岁之始先期而为之具也○曹氏曰此亦教邑毗者

三岁大比【毗志反】则帅其吏而兴毗

郑康成曰兴毗举民贤者能者如六鄉之为兴犹举也【○刘迎曰兴毗不过明有功属地治而已后世孝廉贤良之举即兴贤能之遗制力田即兴毗之遗制岂可比而一之】○黄氏曰鄉之所谓贤者皆以德能者皆以道遂未尝以此教安得以此兴之毗即遂人下剂致之田里安之乐昏扰之也七万五千家几二万人必当有桀异聰慧者于是乎兴之○李景齐曰六遂以耕为主遂大夫所掌要不过教民稼穡之事宾兴何与焉盖大司徒以乡三物教万民而宾兴之继以施教法于邦国都鄙则教之施于六遂亦可知也田野之中莫非可取之才有遂大夫从而兴之固不至老于龔岩深谷之下而不获进矣【○曹氏曰宾兴之礼既详见于鄉则遂之兴毗安得不同于鄉大夫宾兴之初鄉近于内故以教为主遂遠于外故以耕为主前后互见其实一也】○易氏曰小雅曰或耘或耔黍稷薿薿攸介攸止烝我髦士求髦士于或耘或耔之间得非六遂兴毗之遗意○曹氏曰教养之本在于井田耕农之中鄉遂之有司所以察其民者固非一端而公论之所称者固非一日则兴于井田者决无虚伪趋竞之人于是取而用之其贤而有德者可以仪表于民庶之上观感而化而风俗厚矣其能而有才者可以图

回于事为之间纲举目张而治绩着矣【○林椅曰在遂邻有长里有宰县有正大比兴甿为此耳】

明其有功者属其地治者

黄氏曰遂大夫专以教稼穡为职而里宰合耦于耒耨长趋其耕耨无非农事者故兴甿明其有功者亦惟田功而已虽然谨庠序之教申之以孝弟之义虽在畎亩不敢废也故汉举孝弟力田有三代遗意属其地治者谓有黜陟废兴治地之官当有阙絶于是以新兴之甿联属之兴贤能曰出使长之入使治之兴甿曰属其地治者各因其平日之所服习者而官之故曰兴士于庠序兴农于畎亩【○郑康成曰属犹聚又因举吏治有功者而聚勅其余以职事○王氏曰明其有功者则察举其属人之有功属其地治者则联比其地治之职事】○曹氏曰明有功非不及德也其服勤于田畝而有功者即其实德也属地治非不及教也其联属于地治而无旷者即其实教也

凡为邑者以四达戒其功事而诛赏废兴之

易氏曰六遂之所稽者功事功事则农事之着于功者也为邑者以四达而戒之所以见王政之公通行于天下四达即所谓四达而不悖为公邑者四达于邦甸之地为家邑者四达于家削之地为都邑者四达于小都大都之地四达而戒其功事则民无不趋于事事无不着于功行之以诛赏废兴则功事之戒无非教矣○黄氏曰四达谓达之于四疆凡为邑者皆得戒其功事而诛赏废兴之事即所谓以稽功事者也【○郑康成曰四达者治民之事大通者有四夫家众寡也六畜车辇也稼穡耕耨也旗鼓兵革也○刘执中曰治教其民有四事可以上达于王一曰食达有以御水旱二曰兵达有以治军旅三曰贤达有以补教化四曰能达有以成政治为邑之事惟是四者可达于王则受上赏○郑锷曰里鄩县鄙之吏位卑职微无由自达于上令戒之以勉立辨事以谓遂大夫当达之遂人遂人达之司徒司徒达之于王彼其小吏勤职于下得以声名彰彻于上安得不自勉哉○王氏曰凡国之政令自王达之于大司徒自大司徒达之于遂人自遂人达之于遂大夫自遂大夫达之于为邑者此之谓四达】

郑锷曰有以戒之于其先则视其勤惰以行诛赏废兴诛赏废兴非遂大夫所得而专亦达于王而已

县正每县下大夫一人

王氏曰遂官各降郷一等其官各亦降焉故州谓之长县与党同谓之正鄙与族同谓之师

各掌其县之政令徵比

贾氏曰谓政教号令徵发校比之等○黄氏曰徵徵敛也谓之政令徵比比而徵之小司徒并邑丘甸令贡赋税敛之事是也

郑锷曰或徵其赋役或比其众寡非有政令何以治哉

以颁田里以分职事掌其治讼趋【音促】其稼事而赏罚之项氏曰颁田里谓一百畝之类○贾氏曰分职事者即九职之功事也○郑锷曰民事不可缓稼事伊始则趋之使趋时

易氏曰颁田里所以安民也分以职事听其治狱亦所以安之而已然人情安则狃于故常而不知勉故为之趋其稼事而赏罚行焉赏罚虽不可详先王之时入其疆而田野治则有庆入其疆而土地荒芜则有让赏罚之行于上也耕耨者有秩叙之赐不耕者有祭无盛之耻赏罚之行于下也然急于劝民而作之以不自己则民无不举之职事【○郑锷曰民之好逸恶劳古今则一何古之农民不憚作劳丁壮耕而妇女馌后之农民不昏作劳至于舍其耒耜而去于游手是无他古者非特务农之君以劝农为先盖亦为吏者得用赏罚以与之从事勤于三时者吏则有赏彼安得不慕赏以致勤惰于稼事者吏则有罚彼安得不畏罚而自惰观县正趋其稼事而赏罚之之语信周家之吏劝民有术矣然考其赏法无所见惟里宰行其秩序之说意其为力田之赏如汉世力田者赐爵一级二级之类若夫不耕之罚则出屋粟是也○李嘉防曰颁田里分职事虑有不得其平于是掌其治讼趋其稼事必有勤惰之分故有赏罚】

若将用野民师田行役移执事则帅而至治其政令○王氏曰移执事若遂师所谓巡其稼穡而移用其民以救其时事也○易氏曰众之所集多寡不等则移民以执事治其政令所以用之简之任之也

既役则稽功防事而诛赏

刘执中曰稽攷其功程防其羣吏所集之事职否而正其诛赏

黄氏曰亦攷察之如郷师

鄙师每鄙上士一人

郑锷曰教法行于六郷而六遂无书攷德行道艺之事三岁兴眚何 鄙师犹郷之党正名谓之师非有教法何以为师乎

各掌其鄙之政令祭祀

黄氏曰遂之祭祀见于此所以敦敬也郑以郷党祭祭遂鄙视党然郷州祭社野县不祭社又祭之名不出疑野祭法略皆不立名或社或祭皆得祭于此岂非里社者欤○郑锷曰鄙师掌其祭祀则祭祀之时亦如党正教其礼事明矣

凡作民则掌其戒令

郑康成曰作民谓起役○易氏曰戒令所以肃众志军法以百家应调发之数故鄮长以旗鼓兵革帅其民而至至五百家为一小阵然后鄙师为之掌其戒令

以时数其众庶而察其媿恶而诛赏

郑康成曰时四时也○黄氏曰数众庶稽其在不也媿恶其人之善良奇衰也自遂师至鄙师皆行诛赏与乡不同乡之诛赏必告于上○易氏曰周官校登稽比之政皆言众寡鄙师独言众庶盖至于五百家则利足以同营害足以同御斯可以言庶矣众至于庶则有媿有恶鄙师以时而数之又从而察之媿谓成于乡三物者因民之所好而兴之非有心于赏之也恶谓陷于乡八刑者因民之所恶而去之非有心于诛之也其终至于杀之而不怨利之而不庸民曰迁善而不知为之孰谓遂官专于耕而非教耶项氏曰县正稽功防事审其功也鄙师察其媿恶审其行也在外则县正诛赏之在内则鄙师诛赏之蔑有容其奸矣

岁终则防其鄙之政而致事

李嘉防曰鄙管五鄮职众事伙宜于此防其政而致事于县正

鄮长每鄮中士一人

各掌其鄮之政令以时校登其夫家比其众寡

郑康成曰校犹数也○王昭禹曰族师以时校登其夫家则乡师统其事鄮长以时校登其夫家则遂师统其事

王氏详说曰小司徒与乡大夫言登夫家之众寡至族师则曰校登其族之夫家众寡遂师言登夫家之众寡遂大夫言稽夫家之众寡至鄮长则曰校登其众寡曰校登者登之而致其审矣盖族百家也鄮亦百家也惟百家然后为可校况上自遂大夫县正鄙师下自里宰鄮长皆不言丧纪之事惟鄮长言丧纪犹六乡之官上下不言葬埋惟族师言葬埋然则四闾为族使之相葬则四里为鄮亦使之相葬等而上之党相救州相赙乡相宾愚以为在鄙在县在遂理或然也等而下之闾相受比相保愚以为在里在邻理或然也不然邻长何以曰掌相纠相受与比长所谓相受相和亲者同乎又何以曰徙于他邑则从而受之与比长所谓徙于国中及郊则从而授之者同乎

以治其丧纪祭祀之事

贾氏曰丧纪民之丧纪若乡师所云族共丧器之类祭祀谓若族祭酺之类若然县当祭社与州同县正鄙师鄮长皆不言所祭神者六遂六乡互见其义【○李嘉防曰六遂之民以农为急丧祭易于旷礼使百家之长治之则职亲而事举】

若作其民而用之则以旗鼓兵革帅而至

易氏曰先王寓兵于民而其器亦出于民无事则藏之器无不完有事则出之器无不利盖至于百家而后兵器始备若作民而师田行役则族师以旗鼓兵器帅而至鄫长亦以旗鼓兵革帅而至盖以是帅之以是用之所谓不教而殃民者无有矣

若岁时简器与有司数之

郑康成曰简器简稼器也兵器亦存焉有司遂大夫【○李嘉防曰言有司则见其众】

凡岁时之戒令皆听之

郑锷曰有戒令躬往听之归而告戒一鄫为之长者职当然也【○贾氏曰鄫长中士唯承受遂人已下之事不得专听断郑知听谓受听而行之】

趋其耕耨稽其女功

贾氏曰鄫长弥亲民故趋其耕耨并稽攷女功之事○郑康成曰女功丝枲之事○李嘉防曰男耕女桑俱其职也故鄫长以稽之

郑锷曰遂大夫以教稼穡为职县正则趋其稼事鄫长里宰则趋其耕耨何也春耕而夏耨皆稼穡之事非县正只趋耕于春而鄫长只趋耨于夏里宰之兼趋其耕耨也遂之官以劝农为职则凡稼穡三时之务皆当督之使疾趋时若夫女功之事遂官皆所当稽独使鄫长稽之岂惟一鄫有女功耶亦互见之义

里宰每里下士一人

郑锷曰六乡之长谓之宰至治一里者犹乡也间胥亦以宰为名何耶宰取其能裁制耳一里之众苟无宰制之能何以治之职之卑者于尊无嫌所以同夫宰之称○黄氏曰一车七十五人二十五人一人一为甲长谓之甲士即里宰也四丘为甸三甲七十五人春秋作丘甲盖一丘二十五人起羨卒矣

掌比其邑之众寡与其六畜兵器治其政令

郑康成曰邑犹里也○郑锷曰治一里之政令宜以里为言乃曰邑者盖有以五家而称邑者如邻长言邑是也有以十家而称邑者孔子言十室之邑是也有以四井为邑者小司徒所言是也有總六遂皆名曰邑者遂大夫言凡为邑者是也二十五家亦谓之邑盖邑者聚居之义众之所聚皆可以通称也

以岁时合耦于耨以治稼穡趋其耕耨行其秩叙郑锷曰一里之家相与耦耕宜自配合何待里宰余以为耦耕之法一耜之广者五寸二耜为耦广深一尺故合二耜则须两人共发之人有老幼力有强弱为耦者未必通耕则耕者废里宰岁时往即耨室为合其耦使人人适均斯无废耕之事耨之为言助也【○易氏曰耨非公田也周之井田皆为长畝其长百步其广一步中间为圳不易之地一畝三圳一易之地一畝二圳两易之地一畝一圳圳广一尺垄高一尺二人各执其耦而共发之合二人之耕则耜广五寸二耜为耦正合一圳之地于是而合耦则两两相助谓以两家之民而耨两夫之田十夫百夫亦然】里宰合耦之所教为治所之名月令季冬命农计耦耕事盖於此室计之所谓 时者其季冬坎为合耦以治稼穡乃趋其耕耨使无失时然有以趋之无以劝之无益也行其秩序所以劝之坎宫伯言行其秩叙说者谓秩者禄廩之常叙者迁进之次此农民耳所谓秩序者何也余谓此乃力田之赏也汉自高后置力田官而尊其秩欲以劝励天下使之务本文帝又置力田赏员以是知秩叙者爵一级爵二级之数里宰推而行之则庶防有迁进之渐以激励之也【○贾氏曰或家有一夫二夫共耦若长沮桀溺耦而耕或先后次序相助佐为之○曹氏曰里宰合耕于耨之法尤为井田均民力之要指耦者谓两人相助而耕皆取同力相与佐助之义方里而井井九百畝其中为公田八家皆私百畝同耕公田公事毕然后敢治私事此即合耦之意也然合耕非止一井而已盖合百家之众共耕十千畝之田诗人所谓骏发尔私终三十里亦服尔耕十千维耦言使民均其耕耦之力共其刈获之利自束作西成少长相从平秩有序虽遗秉滞穗亦得以惠及鰥寡 独之民○黄氏曰邻长无爵故行其秩使有禄所谓禄足以代其耕是也盖时时给之皆忙也不相帅属故以其才等行其序有序则有秩秩序定则有后有先有帅有从有司政令皆可应也周礼凡其体敌不能相帅属者则皆秩叙宫伯月终均秩歳终均叙乡师邦事作秩叙是也】

總论

李景齐曰周家以农事开国诚知夫热耕冻耘霑体涂足人所甚劳激昂振励不可不极其至故教稼穡则有遂人巡稼穡则有遂师以简稼器修稼政则有遂大夫既教之又巡之稼器稼政又无不曲致其意则民宜不敢不勉矣犹未也至于合耦而耨与夫趋其耕耨鄆长里宰复有以尽其职县正之官又有以趋其稼事而赏罚之以旌其勤而扶其不勉者则知先王设官以为农者如此其详而官与民日周旋乎襁袷耒耜之中其情可为无间所谓馐彼南畝田峻至喜七月之风亦可想矣后世以劝农为职者足不至田畝口不问菽麦常率一游要不过具文而已

以待有司之政令而徵敛其财赋

易氏曰前言治其政令里宰之所以稽乎下后言待有司之政令里宰之所以听乎上盖邑之众寡与夫六畜兵器皆里宰所掌故政令可得而治焉若财赋之事则遂人既已令之遂师又从而征之非里宰所专所以必待有司之政令又见先王取民之有制也【○贾氏曰此言待有司徵敛者谓县师旅师○郑锷曰所谓有司者其遂人欤】

邻长五家则一人

掌相纠相受

贾氏曰使五家各相纠察【○王昭禹曰相纠则为其有臯奇衰相及故也】宅舍有故又相容受也○王昭禹曰比长言相及则邻亦相及矣邻长言相纠则比亦相纠矣比长言相和亲而此言相贊者相贊则欲其相和亲也邻相贊则比亦相贊也比相和亲则邻亦相和亲矣

曹氏曰相纠相受乃使五家之邻长得以专之盖比屋而居五家之势为至近朝夕出处五家之情为易知其间纯实而朴厚与怀奸而誑诈者皆不逃于目睫之顷以之相纠可使有所警而不为非以之相受可使有所劝而必为善变化其气质潜消其邪心所谓举贤兴眡皆由此乎基之不然民散处于遂者其善恶岂一人所能尽究哉【○李嘉会曰六乡之民居近郊近则易亲比长以和亲言六遂之民散居田野则遠此曰相纠而不及和亲】

凡邑中之政相贊

刘执中曰邑中之政谓里宰也

郑锷曰不独治其一邑之政彼有政焉此其助之此有政焉彼亦我贊则邻里相通短长相补庶无一政之或阙【○易氏曰相贊则左右前后相与利而导之有贡赋税斂焉五家相与贊其财有师田行役焉五家相与贊其力此上之政令所以为易供也五家如此先王之政推而达之天下矣】

徙于他邑则从而授之

郑康成曰从犹随也授犹付也○郑锷曰卒伍之法起于五家之邻一邻徙则一伍废邻不可徙徙必有故【○黄氏曰徙不惟不便其处上中下地人多寡絕相遠则不容不徙】徙于他邑则随而付之明其人自官而徙非私迁也与比长所谓徙于国中及郊同然比言国中及郊此言他邑者遂中地广以下剂致眡詎可容之遠徙即徙于旁邑或可也所谓邑者殆指里宰之里中为邑【○曹氏曰新迁之地始至之情或扞格未平又使邻长躬至其所而授之使相信而有所据相敬而无所疑然后徙居者所至如归】○王氏详说曰比长言徙于他而邻长言徙于他邑盖六乡无邑公邑采邑皆在六遂比长言为之旌节邻长不言邻长之于六遂既非国中及郊所以徙而授之无旌节以行之

總论里宰邻长

曹氏曰县正而下如鄙师鄣长虽各有职掌大抵皆趋耕稼稽民数谨征役治丧祭戒令诛赏往往略同惟耦耕徙居最为重事乃不列于县鄙鄣之官独见于二十五家之里宰五家之邻长者盖邻长虽微能纠察其善恶使民无遁情里宰虽微能協此耦耕使民有余力等而上之

有百家之鄣长五百家之鄙师又有二千五百家之县正次第而考覈之申明而劝勉之六遂之内宜皆良民而无惰农也

旅师中士四人下士八人府二人史四人胥八人徒八十人

郑锷曰旅犹处也然孔子于易则曰旅不处也惟其不处是以名旅○易氏曰旅如羁旅商旅之类皆托宿于外未安其居新甿亦然故以旅名○孙氏曰先王之民入有保受出有节传岂容浮游旅寄于四方今民以羁旅为名官以新甿为职岂非自狭徙寛移偏聚之民于阔旷之野上之人当劳来安集之乎○易氏曰或谓旅师之新甿继于邻长之后即民之徙于他邑而为之授者然他邑居亦六遂之邑乃遂人以下剂致甿之法非旅师以质剂致民之法观旅师一职言平颁兴积以至使无征役始末皆凶荒补助之政大司徒之荒政十有二不言移民之事若食不能人二鬴有非荒政所能聚者然后廩人为之移民就谷凡质剂所致者悉补助之或受 为甿则谓之新甿此所以有旅师之法

掌聚野之耡粟屋粟闲粟而用之

郑康成曰野谓逺郊之外○郑锷曰康成谓耡粟者民相助作一井之中所出九夫之税粟夫民既相助作何名又出税粟恐无此理耡粟者合耦于耡而不趋合耦之令者罚使出粟【○刘执中曰耡粟为有五畝之宅不耡而 艺之乃出不毛之粟】屋粟者有田不耕载师所罚之粟【即郑说○张氏曰屋粟不授田徙居之粟○杨谨仲曰郑以屋粟为所罚田不耕者之粟既有此罚则天下无不耕之田所罚之粟不常有旅师果何如掌哉乡遂公邑皆为沟洫三等采地乃为井田则是当时之田有九一而助者则公田也有用什一之法而使自赋者则无公田者也有公田则所聚之粟谓之助粟乃八家助耕之所收无公田者所聚之粟则谓之屋粟乃三家共其所税之粟而输之以其三三相保其税】闲粟闲民无职事者所出一夫之征粟【○杨谨仲曰其间民无职事者乃不受田之余夫则常有之矣所赋之粟乃其常也○易氏曰间粟即甸地间田所出之粟】○曹氏曰此三等之粟在农民常赋之外旅师之所专掌愚案郑氏改而为若最无义王氏连上读之为是

王氏曰掌聚野之耡粟屋粟闲粟而用之者聚此三粟而用以颁以施以散

郑康成曰是粟县师征之旅师敛之而用之○王昭禹曰载师以时徵其赋则耡粟屋粟间粟皆在焉间师以时徵其野之赋贡亦耡粟之类耳旅师于无事则徵焉聚而用之而已

以质剂致民平颁其兴积

孙氏曰遂人以下剂致甿旅师以质剂致民皆别为籍以稽之○项氏曰以治地之约契案民数而致之则其颁之也平且无所肆欺也【○王昭禹曰立见谓之质立约谓之剂以此致民防伪冒也】

郑康成曰兴积所兴之积谓三者之粟【○黄氏曰兴发也】平颁之不得偏颇有多少县官徵聚物曰兴今云军兴是也○陈君举曰此乃颁其积平其兴谓颁我所积以平其价之兴也司稼掌均万民之食而调其急平其兴正是旅师之义

施其惠散其利而均其政令

郑康成曰以调衣食曰惠【○王氏曰施其惠若民有艰阨不责莫偿】○郑锷曰遗人掌邦之委积待施惠野鄙之委积待羁旅矣此旅师又聚三等之粟以施惠以待羁旅何 遗人与旅师施惠则同其所用则异王制言自诸侯来徙家期不从政比长有徙于国中及郊之文又有徙于他为之旌节而行之之文然则旅师所施惠者皆为新阡之羁旅于野而未有所授之地也与遗人之待羁旅不同何以知之名官曰旅而言凡新阡之治皆听之则知之也

郑康成曰以作事业曰利【○王氏曰资之以利本业者又散以与之○郑锷曰散利则有时而 之○黄氏曰散其利不使积贮者有所专擅常平平卖之法也】

易氏曰行之以王命则谓之施惠行之以有司之常法则谓之散利无多寡不均之患故谓之均此先王所以待凶荒之民也○曹氏曰虑其名籍之不定则为质剂以致之虑其物价之兴踊则颁此积粟以平之调其艱阨则施之以实惠助其资本则散之以实利其曰政令之均盖均是数者无一夫不遂其所欲耳

總论

陈及之曰周家之为民虑至矣歲有凶荒则有补助之政旅师实掌其事平其所兴徵者颁其所积聚者凡质剂所致者悉补助之施其惠散其利而均其政令盖无有偏党不均之患矣此先王所以待凶荒之民而大司徒十有二教之所谓散利也郑氏乃以均其政令为使之出息夫岂有补助之政而俾之出息乎介甫青苗之法遂取以为证又以平颁为不问其所欲否而槩与之殊不知旅师之法特救荒政耳意在救民苟乐岁粒米狼戾则民自有余何至贷于官府哉青苗之法每岁再行取二分之息意谓贷者必穷民否则大奸猾而富足之家则不愿取夫贷于穷民及奸猾则未必能出息故为不问其所欲否而槩与之说则富足之家亦强使贷矣

凡用粟春颁而秋敛之

易氏曰春颁者平颁其兴积秋敛者聚野之耬粟屋粟而用之盖凶荒之岁秋虽不熟尚有余积或可移用及春作之始苟非上之人为之补助则将救死不赡之患此先王所以专立春颁之法汉之春和议赈贷正与同意【○礼库曰旅师郑氏云每岁如振贷非也正是專贷新阡○李景齐曰颁之以春则民有以济其乏而敛之以秋则粒米狼戾之时不至于谷贱而伤农○曹氏曰其聚之也不杂于常赋其用之也亦不施于常农惟新阡得用之】

孙氏曰先王之恤羸阬养老幼有予之而不复取惟新甿则春时所颁秋时必敛亦以新甿之转徙不一苟予而不取既非可继之道又长游隋之习必定为敛散之法然后可持人不替人情亦将自勉乎职业不徒仰食于官府矣

凡新甿之治皆听之使无征役以地之嫩恶为之等○郑康成曰新甿新徙来者也【○贾氏曰即上徙于他者】治谓有所求乞【○刘执中曰给其粮食颁其田宅劳来而安集之皆所以听其治】使无征役复之也○黄氏曰等复除之等郑谓以其人之多寡授上中下地非也授地之法常法也遂人已见此言使无征役则为复除之等明矣

易氏曰或谓新甿之治与遂人下剂致甿之说同是不然遂人致甿以下地而此之授地则以嫩恶为之等不止乎下地也郑氏以下剂为家取二人而此则使人之无征役并与二人亦不役也是知遂人乃甿之常法旅师乃凶荒补助之法使无征役非尽使之无也王制曰自诸侯来徙家不从事政则从于遂者亦可知要必限以岁月之期然后以地之嫩恶为之等嫩谓不易之上地恶谓再易之下地以三地轻重之等至期则征役行之

孙氏曰新甿虽无征役从之亦不能免

稍人下士四人史二人徒十有二人

薛平仲曰六乡之法则曰国中以及郊六遂之法则凡曰为邑者盖国以容六乡邑以容六甸稍县都皆其邑之所积则稍人之职得不继于遂官之后乎○郑康成曰主为县师令都鄙丘甸之政距王城三百里曰稍家邑小都大都自稍以出○黄氏曰自甸而往以稍名官者甸稍一法举稍以包甸都鄙乡法不为丘乘之制其余则野法而曰掌令丘乘之政令盖不为丘乘者非其所当令也

掌令丘乘之政令

薛平仲曰前乎县师之作众庶既以其系于公邑者而總之矣此言稍人之令丘乘则以其出于公邑者而征之矣盖遂地车赋之正法也○易氏曰丘即四邑为丘乘即四丘为甸之所出總名之曰丘乘军制之始也【○曹氏曰自有一丘之马而车乘之数以之始自四丘之四马而车乘之数以之定由此推之十乘百乘千乘万乘而大备故曰丘乘】世之言军制者曰五人为伍至万二千五百人为一军六乡六军凡七万五千人为千乘王畿十倍其数则七十五万人万乘是每乘当用七十五人今以丘乘推之四丘为甸甸之为井者凡六十有四其夫者凡五百七十有六以五百七十六夫而使之共出革车一乘甲士三人步卒七十二人其军制亦止于用七十五人何也曰家出一人为正卒此徒役之大数甸出革车一乘此出军调发之数【○陈及之曰备之多以存武备调之少以优民力】是知每次调发则五百七十六家共出七十五人并一革车其余未调发者可以应八次调发之数所谓万二千五百人为一军者非尽发此六乡之人合诸乘之丘共为一军也或曰万二千五百家为一乡有比闾族党州乡之名故万二千五百人为一军即有伍两卒旅师军之数今合诸乘共为一军而亦有伍

两卒旅师军者何也曰居乡则寓兵之制出军则部伍之数古者军国异容不明言之六遂之间既以伍两卒旅师军为万二千五百人之联及其用也亦以诸乘万二千五百人而统之以伍两卒旅师军之法使其战阵行列之际无异乎平时统率之义此丘乘之制政令于是乎出○王氏曰丘之政令司徒所掌乘之政令司马所掌稍八掌令丘乘之政令耳丘言其地乘言其赋所谓同则丘地也所谓徒役輦輦蜃车则乘赋也其作而帅以至掌其政令以听于司马司徒则所谓令丘乘之政令也

若有防同师田行役之事则以县师之法作其同徒輦輦帅而以至治其政令以听于司马

王氏详说曰县既受法于司马矣稍人又听于司马者县师所掌邦国都鄙稍甸郊野之地域稍人所掌丘乘之政令是县师之掌遍于王畿之间稍人之掌止于三等之采地县师受法于司马稍人又从而受司马之法于县师以见小大之相维也【○黄氏曰徵发之令司马下之县师县师下之甸县都复以其法授稍人据其法以作其众庶而帅之稍人下士得主兴作事而为之帅其意矣以听于司马听其分县师乡官稍人甸官其作事县师受灋于司马稍人受灋于县师中外相应】

郑锷曰先儒谓同徒者司马所调之同余以谓一甸增二里十里乃为一成积至于百里乃为一同出车千乘至于一同则人徒车輦可足用故谓之同徒非司马所调之同【○林氏曰郑氏谓司马所调之同盖同则丘地以其地之所聚谓之丘以赋役之同谓之同○易氏曰以其同井而耕同里而居帅而为役谓之同矣○曹氏曰古者不轻用民之力固曰一歲之役不过三日而更代则忽去忽来无乃纷然扰民是以若作民而师田行役则合其卒伍夫卒伍而言合必有抽摘调发之宜必有更休番戍之道故先为联法以为出处之便使凡出征者有居外之势而其联则雷以代其更役之事凡出而有事一乘之卒皆平昔之相保相受者是之谓同徒其昼战则目相视夜战则声相闻行以车为卫止以车为营各致死力以相应援莫敢任意以驱驰此车战之良法】

大丧帅蜃车与其役以至掌其政令以听于司徒郑康成曰蜃车及役遂人共之稍人者野监是以帅而致之既夕礼曰既正柩宾出遂匠纳车于阶间则天子以至于士柩路皆从遂来○贾氏曰以其监三等采地是野监故得并监六遂蜃车之事司徒地官掌徒庶之政令故稍人帅众以听于司徒○黄氏曰此蒙上以县师之法作之稍人帅而听于司徒

委人中士二人下士四人府二人史四人徒四十人○贾氏曰委人主斂野赋与遗人在道以供宾客亦与徵斂之官连类在此○项氏曰路室有委畜聚之小者○王氏详说曰多曰积少曰委积则及于牢米薪刍委则止于薪刍地官有遗人又有委人取其予之之义则名官曰遗取其聚之之义则名官曰委言遗则可以兼委积言委则积有所不足故遗人言乡里门关郊里野鄙县都皆以委积为言委人言祭祀宾客丧纪则特曰薪刍与夫木材至于言军旅则又曰共其委积薪刍者谓军旅委积之薪刍非委积也○薛平仲曰薪刍之所聚曰委盖地利之至末也视稍人之丘乘其轻重有间矣然稍人以下士为之而委人之官既畀以中士又辅以下士何其于至微且末者顾重其职哉盖丘乘之当共稍人令之足矣所谓薪刍者其责之于

民则常病于细而用之于上则不胜其广先王必以中士掌之于以示地利之在所爱惜也此斯民野赋之共曾不以细而不堪命欤

掌斂野之赋斂薪刍

郑康成曰野谓遠郊以外斂野之赋谓野之园圃山泽之赋

王昭禹曰薪以给外内饗饔烹之用刍以给马牛之用委人掌斂之甸师帅其徒以薪蒸役外内饗之事

凡防材木材凡畜聚之物

郑康成曰凡防材草木有实者○王昭禹曰防材臣妾之所聚木材虞衡之所作凡言防材木材则其材非一色【○郑锴曰九职任万民使臣妾聚斂防材今乃设一官以斂之何也此乃委积之所须者所待为至广则所积宜至多矣非九职任民之比故專设一官以聚之】

郑康成曰凡畜聚之物瓜 葵芋御冬之具也【○王昭禹曰言凡聚畜之物非一色】

愚案薪刍防材木材畜聚之物皆在地赋外委人于斂野赋之下而兼掌之则所赋之内必有可以通融者不然其斂于民虐矣

以稍聚待宾客以甸聚待羈旅

郑康成曰聚凡畜聚之物○王氏曰稍聚者所聚稍给之物甸聚者所聚甸赋之物○刘执中曰稍聚去王城三百里宾客有时故以待之甸聚去王城二百里而羈旅无时故以待之【○项氏曰稍广故以其所聚待宾客可以备礼○黄氏曰遗人野鄙之委积待羈旅委人以甸聚待羈旅先王之政不使一人有乏絕之患○项氏曰甸小于稍故待羈旅过客其用微】

郑锴曰遗人以野鄙之委积待羈旅盖遗人之待者米粟之待而委人之待薪刍木材防材而已

凡其余聚以待颁赐

郑康成曰余当为余声之误余谓县都畜聚之物○贾氏曰上已云甸稍此余聚是县都中畜聚之物○王氏曰余聚者所聚经用之余物颁则用财之余事故以余聚待之【○项氏曰其余则待往来之颁赐○李嘉防曰颁赐有在宾客有在军旅有在出疆之使既以委人余聚待之至遗人不以颁赐立额盖遗人施惠以下皆非常用故颁赐不可得兼】

以式灋共祭祀之薪蒸木材宾客共其刍薪丧纪共其薪蒸木材军旅共其委积薪刍凡防材

共野委兵器与其野圉财用

郑康成曰式法故事之多少○易氏曰薪刍防材木材之类实祭祀宾客丧纪军旅之切于用者物虽至微无非大宰之式法

郑康成曰薪蒸给炊及燎麤者曰薪细者曰蒸木材给张事【○贾氏曰掌次云大次小次及幕并须木材故以给张事】

郑锴曰宾客共刍薪军旅言共其委积薪刍者盖军旅之所共不一此特共其委积之薪刍尔○贾氏曰防材是百草根实可以助禾粟以供马牛

郑康成曰野委谓庐宿止之薪刍○贾氏曰委积之中有薪刍在野故曰野委其六乡之庐宿委积薪刍自六乡共之兵器承野委之下明与野委同为宾客所用故知是守卫宾客陈兵之器【○郑锴曰共其野委则又并与守野委之兵器而共之野委不守则敌人钞略以乏军须必为之防可也】

郑康成曰野圉之财用者苑囿藩萝之材【○贾氏曰苑囿藩罗以遮禽兽○王昭禹曰野圉财用以备资给○曹氏曰古者师行三十里车徒皆止止则必宿而宿必有路室之委是谓野委岂可无兵器以助其守卫乎路室必有藩篱之固是谓野圉又岂可无财用以助其防闲乎】

凡军旅之宾客馆焉

贾氏曰诸侯以军旅助王征讨者谓之军旅之宾客○黄氏曰凡防师者不入闕故军旅宾客馆于此使委人馆之者就薪刍也

郑康成曰馆舍也【○曹氏曰国事莫重于兵则委人之须备者亦莫详于兵军旅之宾客于是可以即安于馆焉】

總论

曹氏曰薪刍材木皆麤恶而琐细者取之于野而敛不及于民聚之于臣妾而力不妨于农备之于素暇而忧不形于仓猝储蓄有余给使无乏取者不病于求之难与者常见其供之易故宾至如归师行宿饱脱有号召有会同则上作下应求得欲从人无不办矣

周礼订义卷二十六

卷二十七

钦定四库全书

周礼订义卷二十七 宋 王与之 撰

土均上士二人中士四人下士八人府二人史四人胥四人徒四十人

郑康成曰均犹平也主平土地之政令【○吕氏曰此所以周道如砥其直如矢】○贾氏曰土均草人稻人皆土地之事薛平仲曰自稍人之令丘乘则民知国事之当力委人之斂薪刍则民知野赋之当备然使均齐之政不行则民将以厉已为怨孰知听命之为义是则土均所由设也○王氏详説曰均人所掌非止于土政之政有力政存焉土均所掌则止于土而已故均人云地职土均则曰他事均人云力政土均则曰地贡【○薛平仲曰乡有均人以均力政于乡遂有土均以均地政于遂乡岂无任于地事遂岂无职于力役盖乡之环于王城者役为重固力政之所当审遂之列于田野者耕为重尤地政所当审此其职之所由分○李嘉防曰均人所急在力政故用中士而事简土均所掌者广故用上士而官众】

掌平土地之政

王氏曰均人无所不均故曰均地政土均虽有及乎地征然以土为主未及乎均人故言平土地之政【○郑康成曰政读为征所平之税○贾氏曰下文云以和邦国都鄙故知北平者亦据邦国都鄙若乡遂公邑征税则均人平之】

以均地守以均地事以均地贡

易氏曰此即闾师任民之职而均之也自农圃至藪牧皆谓之地守【○曹氏曰乡遂井田地域沟封之守山林川泽掌固司险之守皆是也】自耕植至畜养皆谓之地事【○曹氏曰凡有事于地如治沟洫设涂木之类皆是也】自九谷草木鸟兽至山泽之材皆谓之地贡均之则高下嫩恶重轻适其平

黄氏曰均地贡自甸始推而行之于天下然其本必起于均地政地政均则地事地守皆可均盖与均人一法均人所以不均地贡者國中九贡闾中之法无不均矣【○王氏曰有职必有事有事必有职均人均地职而不均地事土均均地事不均地职均人均力政不均地贡土均均地贡不均力征者互见也】

以和邦国都鄙之政令刑禁与其施舍礼俗丧纪祭祀皆以地嫩恶为轻重之灋而行之掌其禁令

曹氏曰先王虽有均平天下之政不至于和未免一于任法则前日均平之政将以齐民反以戾民政令刑禁施舍皆朝廷已定之法也法可守也而其间法之所不能尽者得无犹有未便于人情乎犹有未尽于地力乎犹有未宜于风俗乎是必察夫土地纖悉之异宜者而平之凡礼文之异同见于古先之已行者不必遽易沿袭之积久见于习俗之便安者不必辄变凡施之于丧纪祭祀者皆不敢尽决于朝廷之法更以地之媿恶为其厚薄轻重之节而后可以使人各适其适斯其所谓和也○项氏曰和之如何以地媿恶为轻重之法而行之政令之缓急刑禁之寛猛施舍之宜否礼俗之因革丧祭之丰约宜者令之不宜者禁之使之适于和而已和则中节之谓也礼器曰礼也者合于天时设于地财顺于鬼神合于人心理于万物【○黄氏曰为之轻重之法使无偏废难行之节所谓和也必本于地之媿恶盖其丰俭厚薄皆于此乎可见刑禁亦必有以和之则一切之法以律天下宜其所难行矣掌其政令盖已和而着为禁令也】

總论

吕氏曰古之设官有總大法操体统者又有斟酌损益弥缝其间者两者交相济然后大纲举而万目不遗所谓土地之政载在大司徒小司徒如以土防之法辨五地之物施十二教井牧其田野此是總大法操体统者乃是大为之防然一乡之间其土又有肥瘠厚薄无縁事为之制曲为之防须设官斟酌弥缝于其间此土均之法所以设也土均所均之土地非在大司徒小司徒之外即是大司徒所掌之上而斟酌损益之若论大纲土地司徒已自平之正縁其间有曲折厚薄肥瘠不同土均之职其位正可以入出阡陌周旋井里随乡土均之盖虽說山林然山林之中又有高下虽說川泽州泽之中又有高下惟是土均周旋阡陌然后能均所谓均地守者是分民授土各守其地均地事者是各任其事均地贡者随土而出贡以和邦国都鄙之政令刑禁和者是斟酌调和言不改大法而就中斟酌也所谓礼俗丧纪大法已有大司徒掌之此又就中观其媿恶其中又有重中之轻轻中之重虽有王者所颁之礼然随乡各自有俗君子行礼不求变俗刑不上大夫礼不下庶人若冠昏丧祭大者固不出先王所颁其他细微又从其俗丧纪厚薄之等祭祀多寡之数皆相其媿恶为轻重厚薄地美俗厚法从重地恶俗薄法从轻此所谓轻重之法且如大司徒施十二教以祀礼教敬又须土均就祀礼中斟酌得宜凡事莫不如此

草人下土四人史二人徒十有二人

郑康成曰草除草也○易氏曰掌土化之法而名官以草人者草乃所以为化也

薛平仲曰均一之政既行则斯民之从事于耕稼者是虽有地利之难致且将为之致力所谓土化之法下地之稼孰不各兴其事而使地之无遗利哉此固草人稻人列于土均之后也

掌土化之灋以物地相其宜而为之种

王昭禹曰移瘠而肥移恶而美夫是之谓土化土化者因形移易之也○刘执中曰既相其地

高下之宜种之九谷又取九兽之粪以化其土然后种之非特用其粪以令其民薙草而灰之以和其粪则地有可化之理故月令季夏大雨时行烧薙行水利以杀草若欲化也则以水火变之今之农民莫不如是

凡粪种驛刚用牛赤緹【音低】用羊坟【符粉反】壤用麋【音眉】渴【其列反】泽用鹿咸洿【音昔】用豕【呼丸反】勃壤用狐埴【时力反】垆【音卢】用豕彊防【音檻】用蕢【扶云反】轻𦉰【孚照反】用犬

项氏曰夫土不能皆美以形质则有肥硃以地利则有厚薄于此必致人功焉化薄而厚化硃而肥非粪种不可然地各有宜故草人物色其地宜相而为之粪种粪种者积壅秽以培毓之今南方田皆然郑司农以为以兽骨汁渍其种失矣○郑锷曰地之色有驛赤而性刚者有既赤而又为緹之色者【○项氏曰一染谓之緹】有坟起而又壤解之者【○郑氏曰坟壤润解也】○胡氏曰无块曰壤其性和缓特起曰坟其性高燥【有旧为泽而今则渴竭者有本咸苦而又洿卤者有勃壤则粉解而粘者有埴垆则粘疏而不坟者】○胡氏曰土粘曰埴其性胶固卑下曰垆其性次塌【有彊防则坚强而不和柔者有轻𦉰则轻脆而不厚重者凡此九等物其色知其性将以化之则随其所宜或用牛或用羊或用麋鹿或用豕犬或用麻蕢者】○易氏曰八物皆以粪化草此则独以草化之耳○王氏曰粪种以粪粪之唯用蕢非以粪而亦谓之粪者其用之也亦如以粪粪之【皆可以变恶而美易瘠而肥】

稻人上士二人中士四人下士八人府二人史四人胥十人徒百人

薛平仲曰以三农生九谷言之则九谷之种皆民职之当事何独于稻人而命官哉盖下地之卑水之所钟水之势不达则稻之利不兴徐导其壅溢之势以致其稼穡之利夫盖有难为功者矣是又稻人之所特设必以上士居之

掌稼下地

易氏曰职方氏辨九州之国皆有所宜之谷惟稻一种独宜于荆 盖荆 二州厥土惟涂泥乃沮洳下湿之地故言其谷宜稻此稻人所以掌稼下地【○李嘉防曰稼下地必先治水而后治草者盖草生则地不见草死则地益肥积之数次其上益高其根益密而积壅淤于水面乃可种焉此稼泽之法】

以潴畜【勅六反】水以防止水以沟荡水以遂均水以列舍水以浍泻水

易氏曰稻稼下地宜于水而已然水所以养稼亦所以害稼使水之往来不穷而下地无旱潦之忧亦恃吾之所以治水者有其道耳○郑锷曰地之下者水之所聚当先为潴以畜水左传云规偃潴禹贡云彭蠡既潴谓畜水使不流【○王氏曰待旱也】水内有所潴而外焉无防以止水之来无益地故又当为防以止之【○王氏曰待水也】将以动荡余水使之行则为广深四尺之沟【○项氏曰稻宜下地民之食为多黍稷宜高小旱不足患故专设下地之官】

潴畜之以防旱止之必有以行之故荡之于沟】将均受其平地之水则为广深二尺之遂【○项氏曰行之必有所归故均之以遂之田首小沟○王昭禹曰遂 受诸潴而□之者也○郑康成曰遂田首受水小沟也】将以弃水而去之则为小列而舍【○项氏曰由遂而入田之畦畎则谓之列○贾氏曰先郑以舍为舍去之舍后郑为止舍之舍下文浚是寫去水则此舍为止水于其中】将使水去之速则为广二寻深二仞之浚以寫之使归于川【○项氏曰水于是防焉既处之必有以去之故寫之以浚浚田尾大沟去水者也○王昭禹曰浚者通诸沟而□之川也】○黄氏曰水政蓄泄掌在稻人则以稻之所急也

以涉 其芟作田

王昭禹曰毁草为芟○郑康成曰作犹治也开遂舍水于列中因涉之 去前年所芟之草而治田种稻【○黄氏曰草芟着土则复生故以涉 之草死田肥故曰作田】

凡稼泽夏以水殄草而芟黄之

郑康成曰殄絕也【○郑司农曰春秋传曰芟夷蕞崇之】○郑锷曰稼于下地以去水为先若夫稼泽则法又不同泽者草之所生所以去草为先盛夏水热芟之夷之以水殄之草不生则地可稼○王氏曰夏以水殄草则以夏水如汤利以杀草也

泽草所生种之芒种

贾氏曰水钟曰泽有水及咸卤皆不生草即不得芒种故云草所生【○李嘉防曰泽地草易生而害其种种以芒练草或生焉则不至以害其种之茂】○易氏曰芒种稻之有芒者

旱暵共其雩斂

项氏曰旱暵则其雩祭之所斂以稻所急水者也愚案雩祭所斂必是下地所产卑湿之物须稻人以共

丧纪共其苇事

郑康成曰苇以闾圻御湿之物【○贾氏曰言御水之物则在棺下用之】○王氏曰丧纪共其苇事苇生下地故也○曹氏曰泽宜于芒则有芒种之种旱急于雨则有雩祭之斂泽宜于苇则有丧纪之供古人于下地无一而有弃物矣

土训中士二人下士四人史二人徒八人

薛平仲曰遂自草人稻人之官设而治地之事毕矣土训之地图诵训之方志凡其载九州之所有土物之所生风气之所宜于是乎为王训之以广其见闻然后制其赋而各因其有施其

教而不易其俗其所关盖甚大也虽然二官皆以训为名明辨而启迪之开陈而敷宣之之谓也山川土田之宜风俗美恶之尚古今封域之所更历代圣贤之所迹彼岸谷高深之异变封壤离合之异势先后之相禅盛衰之相代其必有故矣训之以图而事有可鉴训之以志而事有可稽则一人之所以奄方輿揽图籍于民上者其将兢业于此乎○曹氏曰土训诵训皆以训名官则其开广王心启沃君德其所关至不少也况当天子省方之时二官夹王车以从行于以备顾问进讽谏览今而思古即旧见而订新闻涉歷愈深观省愈的天下之利害愈审斯其为训也岂寻常诵說之谓乎易氏曰此二官为王巡守设也且地图掌于司徒方志掌于外史更何与于此二官之职今土训總言天下之地图以诏地事之利害诵训分言天下之方志以诏观事之媿恶非巡守而何然王者巡守四方虽万乘之尊仪卫严备无不顺适其所欲至于五方异气寒燠燥湿异候刚柔轻重异齐苟不为之精察其利害媿恶则非臣子爱君之道故土训于诏地事之后为之道地愿以辨地物而原其生以诏地求者此以膳羞奉养为主也诵训于诏观事之后为之道方愿以诏辟忌以知地俗者此以次舍居处为主也二者既诏其愿则能精察其利害媿恶然后膳夫庖人得以别其品掌次掌舍得以辨其宜二官实左右之

掌道地图以诏地事

郑康成曰道說也說地图九州形势山川所宜告王以施其事也

王昭禹曰其地异宜其民异数其谷异种王将制其职贡巡其封域而物之有无事之利害莫不知之则土训道地图诏地事与有力焉

道地愿以辨地物而原其生以诏地求

刘执中曰愿恶也恶风恶气恶水恶兽恶山恶路恶川皆为地愿而辨其所产之物有害于人者以豫诏于王○郑康成曰辨其物者别其所有所无原其生生有时也以此二者告王之求地所无及物未生则不求也【○林氏曰上有所求各以其所有则下之所共易致宜于青者不宜于 宜于豫者不宜于究则土训之诏地求可知】

郑锷曰道地图以诏地事则以地形告使知地事之所宜道地愿以辨地物则以地气告使知地物之有毒原其生以诏地求则以地利告使知地物之所产○曹氏曰凡地愿地物地求三者皆于训說之间而敷陈之则利害知所避就取予知所防闲

王巡守则夹王车

郑康成曰巡守行视所守也天子以四海为守愚案必使土训夹王于巡守之时以其知四方土地之利害欤

诵训中士二人下士四人史二人徒八人

郑康成曰能训說四方所诵习及人所作为从时事○林氏曰土训之所训者土地之图诵训之所训者方志之书

掌道方志以诏观事

郑锷曰方志如宋有宋志郑有郑志一方之志载其一方之事则凡一方之可观者具载于书道其方志则王有游如少昊之墟如大庭之库如穀之二陵相之帝丘之类王可问而知

刘执中曰四方地里山川人物皆有其书以志之掌诵其书训其义从王有所观瞻而未知本末者则以其志诵训以诏之

掌道方慝以诏辟忌以知地俗

项氏曰方慝其方言语动作所恶者以诏人君辟忌而勿言之勿为之恐惑人瞻听且不苟于言行也诏之者如是则地俗皆可知矣或曰方慝五方之气能使邪以病人者诏其起居饮食毋犯其所忌也然此說近于土事非方志也

陆氏曰李巡曰兗信也徐舒也 軫也荆强也豫舒也雍壅也冀近也【谓西河之间情性相近】其论方俗之情性大槩如此盖民生天地之闲刚柔缓急系水土谓之风好恶趋舍随君之情欲谓之俗故太平之人仁丹穴之人智大 之人信崆峒之人武秦人尚气力先猎射燕人少思虑多轻薄此皆风使之然也吴楚之信巫重祀郑卫之亟防流淫魏之少恩生分周之高富下仕韩之椎剽燕之轻急齐之伪诈不情吴越之好劔轻死幽贵正信而尚礼器鲁重廉耻而尚礼义宋多君子而多稼凡此皆俗使之然也地高者宜黍稷下者宜稻麦山气多男泽气多女东南多丝纊西北多织皮先王于民因其地以施教顺其俗以施政山者不使居川泽者不使居中原居山者不以鱼鼈为礼居泽者不以鹿豕为礼驛刚之地粪种不以羊赤緹之地粪不以牛然后五方之民各安其性乐其业无偏蔽之患此大司徒土均载师土方土训诵训所以有功于天下也○曹氏曰凡方慝辟忌地俗三者皆于训說之间而敷陈之则醇厚之风可回而奇衰之俗可易

王巡守则夹王车

王昭禹曰土训道地图诵训道方志王尝闻之矣巡守夹王车备王或质所闻王且见而知之矣

山虞每大山中士四人下士八人府二人史四人胥八人徒八十人中山下士六人史二人胥六人徒六十人小山下士二人史一人徒二十人

贾氏曰山林皆土地之事故在此

愚案大者曰虞故山虞泽虞皆中士小者曰衡故林衡川衡皆下士然大山大泽大藪徒八十人小者皆徒二十人此等皆山泽之民有斩伐之事则共其役事已则还受职于山泽何尝有厚禄以养之王氏以山川林麓泽藪所出之富足以禄此徒非也

薛平仲曰山泽天地之藏财用之渊国家之所资者厚民生之所赖者众如使括而归之于上适以开斯民竞利之心纵而委之于下重以启斯民忘本之念是以先王为之虞焉以虞度之以严其法也为之衡焉以权衡之以平其政也民知利之为可资而不知利之为可饵则土物爱而厥心臧教化之端孰切于此陈及之曰周礼有颁田法而山泽未尝颁之民太宰以九职任万民乃有虞衡以作山泽之材则知畿内山泽皆官物也特置虞衡之官以掌之分山林川泽为上中下三等而设官有多少之异却令山泽之农以时入山林川泽入山林者供薪蒸木材入川泽者共川泽之奠以当邦赋然则周制何以不颁之民而乃设官以掌之民自有之则有田不耕趋末者众矣今也设官以掌使旁近之民以时而入又俾各供所有以当邦赋则上之政令有制而下之取有节

掌山林之政令物为之厉而为之守禁

贾氏曰案下文林自有衡官掌之彼是竹木生平地者此是山内之林也○易氏曰山有虞林有衡此兼言掌山林之政令者以林衡受法于山虞也所受之法即所守之厉禁○林氏曰为之厉则别其地以为之限为之守则命其人以为之守为之禁则设其法以为之禁养之有道取之有时用之有礼则贪残之民不得以暴天物矣

李景齐曰利之出于山林川泽者先王与民共之而周礼皆有禁焉何也盖利之所在人所竞趋官不为之守禁则纷争力夺何时而已虽山林川泽各置虞衡之官而有以示其禁焉则兼并者不得逞而其利可以均及于民矣【○王昭禹曰文王治岐泽梁无禁盖商之末世犹凶年也以荒政拯之而已成王周公之时苟不禁之谓之无政矣】

仲冬斩阳木仲夏斩阴木

郑康成曰阳木在山南者阴木在山北者冬斩阳夏斩阴坚濡调【○曹氏曰日之所在木必坚刃可用故仲冬仲夏之斩木为材者必相其山之南北】

王氏曰考工记曰凡斩毂之道必矩其阴阳阳也者稹理而坚阴也者疏理而柔是故以火养其阴而齐诸其阳则毂虽敝不蔽所谓阳木则稹理而坚者也所谓阴木则疏理而柔者也防理而柔宜以火养则斩以仲夏使盛阳之与火养同意阴木如此则阳木斩以仲冬宜矣【○王昭禹曰斩阳木必以仲冬以水之盛气养其坚则齐诸其阴也斩阴木必以仲夏以火之盛气养其柔以齐诸其阳也如此则坚者不失倔强柔者不失于弱矣】

凡服耜斩季材以时入之

贾氏曰服谓牝服即车平较皆有凿孔以轸子贯之所以谓之牝服耜谓耒耜随曲长六尺六寸车人所造二者皆须坚韧故斩季材少木为之【○王氏曰季标枝也盖因其材而揉焉】时即上文仲冬仲夏之时【○王昭禹曰夫财美工巧然而不良则不时不得地气也故以仲冬斩阳木以仲夏斩阴木凡服耜斩季材因天时以养材因天材以养气然后工之巧行焉】

令万民时斩材有期日

郑康成曰时斩材斩材之时也有期日入出有日数为从尽物【○王昭禹曰草木零落斩木之时使终是时而斩之则将贪取而尽物故令之以时又期之以日有期日则节其时】

凡邦工入山林而抡材不禁

曹氏曰邦工朝廷之梓匠○郑康成曰抡犹择也○贾氏曰上文仲冬斩阳木仲夏斩阴木坚韧之极时但国家须材不在冬夏故此邦工入山林不禁又不言时节须即取之足故也

春秋之斩木不入禁

贾氏曰上文据国家使工择木故非冬夏亦得入山林此据万民取木故十月入山林春秋斩木不入禁斩四野之木可也虽斩四野未至于三月亦不得伐桑柘故月令季春云无伐桑柘【○曹氏曰抡材虽不禁而春秋之不可斩材则自有禁也】

凡窃木者有刑罚

郑康成曰窃盗也○刘执中曰谓厉禁之内○王昭禹曰窃木者有刑罚然后厉守禁令莫敢犯焉【○曹氏曰天之生物有限人之用物无穷若荡然无制暴殄天物则童山竭泽何所不至刑罚之施至是不得可行】

若祭山林则为主而修除且蹕

郑康成曰为主主辨护之【○贾氏曰辨护者谓供时用相礼仪○项氏曰山虞山神之所依也故使之主祭焉】修除治道路塲坛【○王氏曰修修祭事除除地为墀】○王氏曰蹕止人犯其祭虞主山林掌其政令且为之厉禁也

若大田猎则莱山田之野及 田植虞旗于中致禽而珥【如志反】焉

郑康成曰莱除其草莱【○贾氏曰谓于防南拟教战之处芟去草莱南北二百五十步东西步数虽未闻广狭可容六军三三而居一偏○或曰舜使益烈山泽而焚之禽兽逃匿鸟兽之害人者消则虞人因田猎而莱山泽者亦以除民之害故也】弊田田止也山虞有旗以其主山得画熊虎其仞数则短也【○贾氏曰礼纬旌旗之杠天子九仞诸侯七仞大夫五仞士三

仞若军吏是卿大夫则杠长五仞今山虞虽有熊虎为旗仞数则短宜三仞】田止树旗令者皆致其禽而校其耳知 数也【○贾氏曰以听乡任左故皆取左耳也】

易氏曰大田猎者天子亲行之礼莱山田之野则联于大司马之职 田植旗则兽人所谓令禽注于虞中是已致禽而珥珥如小子珥于社稷之类田毕而祭也郑氏谓珥当为𩚑取其左耳以効功故曰𩚑盖取字之偏旁以为左耳其説未为不善如肆师小子羊人言祈珥郑氏亦曰珥当为𩚑羽牲曰𩚑且引杂记之言成庙则衅之与此効功之言不同人取左耳为毛牲谓羽牲曰𩚑之文自相背驰况大司马言致禽以祀祊致禽馐兽于郊皆行祭礼于致禽之后不应致禽之后方取左耳以効功刘执中释肆师之职曰珥当为弭字之误也弭谓小祝之弭兵灾盖田猎所以训兵弭兵裁正田猎之事肆师于狩之日涖卜来岁之戒亦弭兵裁之意义见肆师祈珥説

曹氏曰祭祀田猎凡有关于山林者皆使山虞掌之既身为之主以示神之所依又修除且辟以肃其坛墀之所既莱其田以开其可阵之地又植旗弭禽以示其田猎之当止一则以敬鬼神之森列凡一木斩伐不敢分幽明为异观一则以搜猎为不得已故于驱驰逐利之祭不敢使众欲无所限节先王于林木一物其谨重如此非仁矣乎

林衡每大林麓下士十有二人史四人胥十有二人徒百有二十人中林麓如中山之虞小林麓如小山之虞郑康成曰衡平也【○曹氏曰官以衡名惟欲其权衡之平耳有所偏重则非平矣】平林麓之大小及所生者竹木生平地曰林山足曰麓贾氏曰山虞尊使中士为官首下士为之佐林衡卑故下士为官首胥徒多于山虞者以林麓在平地盗窃材木者多故须巡行者众【○刘执中曰胥徒增多于山虞者麓在山下养材为多共国者众则用之者倍去民为近则其守为劳】

掌巡林麓之禁令而平其守

项氏曰山虞掌其政令衡巡察之而已【○王氏曰林之政山虞掌之林衡掌其巡之禁令而已泽之政泽虞掌之川衡掌其巡之政令而已然则林衡正于山虞者也川衡正于泽虞者也】巡之则知其守而均平之使各得其宜郑康成曰平其守平其地之民守林麓之部分王氏曰泽虞言使其地之人守其财物而林衡不言林衡言平其守而泽虞不言互见也

以時計林麓而赏罚之

项氏曰以时防计林麓之繁耗而赏罚守者

若斩木材则受灋于山虞而掌其政令

郑康成曰法万民入出时日之期○贾氏曰山虞官尊故设之林衡若斩木材期于虞边受焉○王昭禹曰山林之政令林衡不得掌之其斩木材之政令而已仲冬斩阳木仲夏斩陰木斩

木之法也服耜斩季材万民时斩材斩材之法也【○曹氏曰山虞以时斩材而林衡则受法于山虞以严其戒一有不平则计其守者之功过而赏罚之矣】

川衡每大川下士十有二人史四人胥十有二人徒百有二十人中川下士六人史二人胥六人徒六十人小川下士二人史一人徒二十人

郑康成曰川流水也禹贡曰九川涤源○贾氏曰官及胥徒多者以其川路长逵巡行劳役故也

掌巡川泽之禁令而平其守以时舍其守犯禁者执而诛罚之

郑康成曰舍其守者时案视守者于其舍申戒之【○刘执中曰时谓獺祭鱼之后则舍其守禁以纵万民渔焉不平其守则渊潜不可得以遂性不舍其守则鲜食不可得以养民】

刘执中曰犯禁谓以数入于污池非时取鱼鼈者也王氏曰泽亦必如此而不言亦互见也

祭祀賓客共川奠

郑康成曰川奠笾豆之实鱼鱸蜃蛤之属○王氏曰共川奠共川物之奠也不言物以泽虞见之

泽虞每大泽大藪中士四人下士八人府二人史四人胥八人徒八十人中泽中藪如中川之衡小泽小藪如小川之衡

郑康成曰泽水所钟水希曰藪禹贡曰九泽既陂尔雅有八藪

贾氏曰案郑诗云叔在藪火烈具举举藪明知无水又尔雅藪在释地篇故知水希曰藪若职方泽藪曰具区之类及毛传云藪泽皆为一者以其有水则为泽无水则为藪元是一物

又曰用中士尊于川衡者以泽中之所出物多也

掌国泽之政令为之厉禁使其地之人守其财物贾氏曰案上山虞林衡川衡皆不言国独泽虞云国泽者文有不同皆互见【○李嘉防曰泽属乎国惧民因地以致争今海之沙岸湖之陂渚凡利入之厚无不租税于官而后渔焉此之谓也】

王氏曰使其地之人守其财物则人自为守所以泽虽大莫或害其养蕃

以时入之于玉府颁其余于万民

黄氏曰国泽为有皮角珠贝非民所得有者故以时入于玉府而颁其余

郑康成曰入之以当邦赋○刘执中曰时取之有时泽藪之利非民田之正税故入于玉府以供王之好赐然玉府有常数也

王氏曰山林川泽皆有财物惟泽入于玉府者泽物最小也所以自养取薄所以养人从厚夫是之谓王德又颁其余于万民则虽泽物亦不尽利○黄氏曰菱芡芾蒲与民共之【○刘执中曰谓令其守发其厉俾万民雉兔者往焉刳茅者往焉渔猎者往焉期日既满则复其厉禁所以长育蕃阜俾之生生而不穷故曰藪牧养蕃鸟兽则山藪无物不遂其性】

凡祭祀賓客共泽物之奠

郑康成曰泽物之奠亦笱豆之实芹茆菱芡之属

丧纪共其芾蒲之事

郑康成曰芾以闾圻蒲以为席

若大田猎则莱泽野及弊田植虞旌以属禽

王氏曰泽野所谓藪也

郑康成曰泽虞有旌以其主泽泽鸟所集故得注析羽【○王昭禹曰山虞以旗致禽则熊虎山物也泽虞以旗属禽则鸟羽泽物也】

贾氏曰云属禽者谓百姓致禽讫虞人属聚之别其等类每禽取三十焉若然则致禽与属禽不同而郑云属禽犹致禽者郑互见为义【○王氏曰或言致禽或言属禽则皆致而属之不言珥以山虞见之】

總论

易氏曰有政令有禁令禁令即政令之所禁者也山林之政令山虞专掌之国泽之政令泽虞专掌之林衡川衡特巡山林川泽之禁令而已是林衡正于山虞川衡正于虞衡然林衡列于山虞之后川衡列于泽虞之前者以山林川泽为序也山虞物为之厉而为守禁泽虞为之厉禁使其地之人守其财物林衡川衡之所谓平其守者平此者也山虞以时入木材而令万民时斫材而林衡之斫木材则受山虞之法泽虞以时入财物于玉府颁其余于万民而川衡则以时舍其守山泽之利与民共之者也林衡正于山虞故以時計林麓而赏罚之川衡正于泽虞故犯禁者执而诛罚之平其守者之守其禁也若夫大田猎之日虞人莱所田之野为表百步此山虞泽虞之职林衡川衡无与焉山虞以旌致禽而泽虞以旌属禽者以熊虎之象宜于

山而鸟羽之饰宜于泽也兹其辨尔

陈君举曰古者金玉之所出皆掌之王官侯国不得擅而有也关讥所禁皆归之公上侯国不得擅而私也是以名山大泽畿外不以封列土之诸侯畿内不以颁禄仕之王臣皆天子使吏治之而纳其贡赋诸侯自食税田之外余不敢过而问焉盖先王不以予诸侯之意所以抑制其强而防闲其侈心也考之周礼凡山泽之数司书掌之以计吏治山泽之赋大府掌之以待邦用九州之川浸山藪职方掌天下之图而诸侯无所焉至于伯禽侯于东鲁而锡之山川乃天子之加赐是固异恩而非可以例观也人谓周制山林川泽有虞衡之官为之厉禁疑若专利于上而无遗利在民矣考之山虞令万民时斩材有期日未尝不与民共之而有司特禁其过不使贼而已泽虞则使人守其财物以时入于王府则实为民守之王官特以其赋入于王府而推本先王领于王官之意盖使侯国不得以障管云尔非不知与民共财也周德既衰凡王国所恃者诸侯皆得专利之齐干山海之藏晏子告之以山泽各有所守不可为也是犹知守先王之法至于桃林之塞古函谷也晋守之郇瑕之地古解池也晋实有之凡天子之塞邑皆不领于王官而惟私意是取春秋之作于郑不系虎牢于卫不系楚丘其类非一盖所以别天下之重虑侯国擅而兼之也自秦殫天下之财赋归之公上凡山泽陂池之赋皆为天子私藏而汉制属之少府以供养天子然初制踈阔山海之在吴者得以铸钱煮盐而因以成七国之祸至武帝之时凡五岳尽在天子之郡而不诸侯而郡国亦置盐铁官以司农湖官云梦官凡郡有山泽之处皆使置吏掌之诸侯惟食租税而已虽曰抑制诸侯之强而先王不尽利以遗民之意荡然无复存矣

迹人中士四人下士八人史二人徒四十人

贾氏曰掌邦田之政亦是地事故在此○王氏曰名曰迹人以迹知禽兽之处而后可得田而取矣薛平仲曰自虞衡有以司山泽之藏则山泽所出非民生日用之常者先王盖不以轻动斯民之心非国家经用之宜者先王亦不以强抑斯民之心故从禽可欲也而田猎之禁则有迹人以掌之寶货可欲也而金玉锡石之禁则有什人以掌之夫然后自角人至于掌蜃其取诸山泽之农者皆以当邦赋之政令夫自太宰之九职言之其所以任山泽之农者盖如彼而所以取山泽之赋者则如此既已使民之不贪而又使民之易从此先王所以顺山者不使居川不使居渚者居中原而弗敝也其教化则流行乎中矣

掌邦田之地政为之厉禁而守之

郑康成曰田之地若今苑也○贾氏曰迹人主迹禽兽之处有禽兽处则为苑囿以林木为藩篱使其地之人遮厉守之

王氏曰邦田无地则鸟兽无所生有地而无政则其生不能蕃息虽有政不为厉禁以守之则侵地盗物所以干有司者众矣虽为厉禁以守之然雉兔者往焉亦弗禁也

易氏曰邦田常田也田之义有三大田之时虞人莱所田之野教民以战陈之事天子为之乘

革路建太常见于司马者是也其次牧畜于囿设囿游之禁以时取其兽而不废乎祭祀賓客之用天子为之载旂车之旌见于囿人者是也若夫邦田之地政非囿人所禁之囿亦非大司马所莱之野平田之地迹其鸟兽之所萃者谓之迹人迹人掌其地政则为之厉禁以守之当邦田之时天子为之载木路巾车言木路以田是也【○杨氏曰邦田之地自天子至诸侯大夫时田之所故天子杀则下大綏诸侯杀则下小綏大夫杀则止佐车佐车止则百姓田猎先王山林川泽皆有厉禁况邦田之地乎惟以时入则不禁如獭祭鱼然后渔人入泽梁之类】

曹氏曰太宰九职任民四曰藪牧养蕃鸟兽养蕃之任有二祭祀賓客之供囿人掌之其曰囿游之兽禁又曰牧百兽则牧是也搜苗獮狩之所取迹人掌之其曰掌邦田之地政为之厉禁而守之则藪是也兽而可牧不过羊豕六畜之类取于囿足以供矣若田猎之兽非可以常兽牧之其地之广将以备教兵之用不可以比于囿其兽之多非林藪之深茂不能养蕃于其中不为之厉禁则兽之奔轶四出不能遂其蕃息之性他日无以供田猎之取则于教战之典为有阙矣故凡邦田之地尽使迹人大为之防而为之厉禁焉而后踪迹以取之非若囿而牧之可以随取而得也

凡田猎者受令焉

郑康成曰令谓时与处也○项氏曰令之以所取之法○贾氏曰其受令者谓夏官主田猎者【○易氏曰受迹人之令则不至于罢民力】

禁麇卵者与其毒矢射者

刘迎曰麇卵庶禽之胎也皆不中杀之物毒矢毒弓矢以攻兽也所谓餒兽之药先王仁及禽兽岂专以生之为事哉取之而中于用则何恶于取杀之而得其死则何害于杀【○王昭禹曰禁麇卵者生之以其时禁毒矢者杀之以其礼】王氏详説曰迹人所谓禁麇卵与毒矢者一年之中未始不禁月令禁麇卵于孟春非孟春则不禁矣禁餒兽于季春非季春则不禁矣是三百六旬之中禽兽之得幸免者三十日耳则知周之与秦法意远矣

卅人中士二人下士四人府二人史二人胥四人徒四十人

贾氏曰金玉出于地故在此○郑康成曰卅之言矿也金玉未成器曰矿○易氏曰金玉之函于石者谓之卅取玉则破卅而得取金则煅卅而成怪石黄金非卅所出總名以卅人者举其类言之【○刘执中曰石而函金银者谓之卅卅或又函于石中必穿石而后见煅之以火则金石分焉而金多产于土中或杂于沙中今邕州之西南防山生竹皆方其下有黑石方如骰子中必函铜谓之块金石其土中有金或块登数两者耕种其田者多焉白金之卅多函于中夜有光如疋者其气也民多宿于山以候之】

郑锷曰宝货所在不设官以守则豪族巨室擅发地藏而利权不归于公上后世坑冶之官原起于此

掌金玉锡石之地而为之厉禁以守之

郑康成曰锡鉶也○贾氏曰为之厉禁亦谓使其地之民遮护守之【○刘执中曰全地之道以养五行】○易氏曰天地之宝生于山泽金玉锡石之贵饥不可食寒不可衣先王不尽以予民设之官为厉禁以守之非私之也上以资邦用下以使斯民之弃末厚本而已

若以时取之则物其地图而授之

王昭禹曰天之财地之利盛衰消息不能常齐取之者适其盛衰消息之时也○郑康成曰物地占其形色知咸淡也【○郑锷曰物其地则视其土色以别其所产】授之教取者之处【○易氏曰使其案图而取之】○曹氏曰物其地者乃示所当取之处不使之广肆其锄凿也图而授之者乃示以所宜取之品色不使之纵意旁搜也

巡其禁令

郑康成曰行其禁明其令○易氏曰利孔所在奸 百出既禁之又令之又从而巡之【○郑锷曰巡其禁令以防窃取】然后什人取之而入于职金职金受之而入其金锡于为兵器之府入其玉石丹青于受藏之府所以待邦之大用玉府所以共王之玩好者也

周礼订义卷二十七

卷二十八

<经部,礼类,周礼之属,周礼订义

钦定四库全书

周礼订义卷二十八 宋 王与之 撰

角人下士二人府一人徒八人

贾氏曰角人至掌蜃亦是徵敛之官故在此○郑锷曰齿者象之牙骨则麋鹿骨之类独以角名官何耶以弓人为弓攷之角也者以为疾也穉牛之角直而泽老牛之角紆而昔长二尺有五寸三色不失理谓之牛戴牛一弓之用角如此其多则此之齿骨宜不同也

掌以时徵齿角凡骨物于山泽之农以当邦赋之政令郑康成曰山泽出齿角骨物大者犀象小者麋鹿○陈氏曰齿角骨物玉府缮人等皆用

之【○李嘉防曰齿角筋骨可供器留于民无用强取之恐匿而不出以之当邦赋】

【则君不徒取民亦乐输】

陈及之曰自此下凡所谓山农泽农盖平时以射田猎取絺绤及染草为业者非此则不徵○吕氏曰角人征齿角于山泽之农羽人征羽翮于山泽之农皆以当邦赋之政令盖各随其所产以当其赋视后世以钱为赋责民之所无者异矣○曹氏曰有山之农有泽之农有平地之农田平地之田使供十一之税是谓平地之农山泽之利亦各据其土地所产所入而赋之是谓山泽之农其曰以当邦赋盖以山泽所宜有者略仿十一之制以输于公上亦如平地之农输谷粟十一之租于公上也【○李景齐曰周自田赋之外至于羽毛齿角一草一木之微莫不有征凡以邦国之不可阙冢宰所谓山泽之赋是矣然观角人羽人与失掌葛之所征者皆曰取之山泽之农以当邦赋之征令则是出所征之物则可以当邦赋而不复出田税】

以度量受之以共财用

郑锷曰官之受之欲其尺寸之中度其他齿骨之类不可以尺寸度者必量其多寡故以度量受之

羽人下士二人府一人徒八人

郑锷曰车服旌旗则用以为旆矢则用以为括物之资羽多矣

掌以时征羽翮之政于山泽之农以当邦赋之政令郑康成曰翮羽本也○贾氏曰此羽人所征羽者当入于钟氏梁以为后之车饰及旌旗之属

凡受羽十羽为审百羽为抔十抔为防【古本反】

郑康成曰审抔防羽数束名也尔雅曰一羽谓之箴十羽谓之防百羽谓之緇其名音相近也一羽则有名盖失之矣○郑锷曰审言察其数之详抔言束百枚而可执防言其数多则卷而束之举物之数未尝无名独羽之名见于此亦犹诗载五紵五緇五緇以记丝之数也○易氏曰以度受之则知其物之长短以量受之则知其物之多寡以权受之则知其物之轻重其或不可受之以权以度以量者则为审为抔为防无非参酌其数以当邦赋之政则所用有补于国所赋不加于民缓急可以相资有无可以相通赋用两得于是为至

掌葛下土二人府一人史一人胥二人徒二十人掌以时征絺绤之材于山农凡葛征征草贡之材于泽农以当邦赋之政令

王昭禹曰诗言葛之覃兮继之是刈是为絺为绤则絺绤皆葛也言其物则曰葛言其服治之功则曰絺绤精者为絺麤者为绤

郑康成曰草贡出泽防纈之属可缉绩者【○郑锷曰草贡即閭师所谓贡其物○李嘉会曰物虽微细不敢强取于民必曰当邦赋俾知赋不可免自然竭力为之彼有余力上无乏使此法之善也】

权度受之

郑康成曰以知轻重长短也○贾氏曰角人齿角不须称直言度量此经葛草不须量故以权度受之使知斤两长短

掌染草下土二人府一人史二人徒八人

郑康成曰染草蓝蒨象斗之属【○贾民曰蓝以染青蒨以染赤象斗染黑】

掌以春秋斂染草之物

项氏曰春秋草生成之时故斂染草待时而颁之则夏纁 秋染夏之时【○李嘉会曰染草不斂于染人而斂于掌染草者虑染人縁色日而求多于山泽之农故或斂或用不专于一官】

王氏曰掌染草至掌蜃所征亦必当邦赋之政令而不言者则以角人羽人掌葛见之

以权量受之以待时而颁之

郑康成曰权量以知轻重多少时染夏之时【○贾氏曰案天官染人云春暴練夏纁 秋染夏夏为五色至秋染五色故郑云染夏之时时谓秋时也】○王昭禹曰染人春暴练夏纁 秋染夏则纁 之物颁以夏染夏之物颁以秋

掌炭下士二人史二人徒二十人

掌灰物炭物之征令以时入之

郑康成曰皆山泽之农所出也【○郑锴曰灰者防氏練帛之所用炭者宫人炉炭之所共皆邦用之所须其掌之有官宜矣】

王昭禹曰掌葛掌染草莫不有征敛之时掌灰炭之政令但曰以时入之何也盖角羽草葛其生成有时非时则其物未成而不中用故征敛皆有其时若夫炭灰则无时而不可入故亦无时而不可征特以时入之而已

以权量受之以共邦之用凡炭灰之事

掌荼下士二人府一人史一人徒二十人

郑康成曰荼茅莠也

掌以时聚荼以共丧事

郑康成曰共丧事者以着物也既夕礼曰茵着用荼【○贾民曰案既夕礼为茵之法用缁翦布谓浅黑色之布各一幅合缝着以荼枢未入圻之时先陈于棺下缩二于下横三于上乃下棺于茵上是也】○郑锴曰荼以御湿非常用之物设官以聚之岂豫凶事哉孝子所尽心虽过求何害

征野防材之物以待邦事凡畜聚之物

郑康成曰荼茅莠防材之类因使掌焉征者征于山泽入于委人【○贾氏曰以委人掌敛野之赋敛疏材等故也】

掌蜃下士二人府一人史一人徒八人

郑康成曰蜃大蛤月令孟冬雉入大水为蜃

掌斂互物蜃物以共闾圻之蜃

刘氏曰互物 鼈属【○项氏曰有甲互掩者】蜃物麤蛤属○郑康成曰闾犹塞也将井椁先塞下以蜃御湿也【○贾氏曰士丧礼筮宅还井椁于殡门之外注云既哭之则往施之窆中是未 前井椁材乃往施之圻中未施椁前已施蜃 于椁下以拟御湿也】○王氏曰用蜃以御湿除狸虫郑司农曰春秋传始用蜃炭言僭天子也

祭祀共蜃器之蜃

郑司农曰蜃可以白器令色白【○贾氏曰案左氏云石尚来归蜃公羊以为宜社之肉以蜃器而盛肉故名肉为蜃是祭社之器为蜃大行人云归脤以交诸侯之福则宗庙社稷之器物谓之为脤是其宗庙社稷之器皆蜃 饰之】

愚案祭有酒器有肉器亦皆有以蜃为饰者邕人云凡山川四方用蜃是酒器也大宗伯云以脤膾之礼亲兄弟之国是肉器也

共白盛之蜃

郑康成曰盛犹成也谓饰墙使白之蜃今东莱用蛤谓之义 云【○贾氏曰尔雅地谓之黝墙谓之垩黝黑也垩白也然则比经所云白盛主于宗庙垩墙也】

易氏曰四者微物而用不可缺故设官以掌

總论

陈及之曰凡此皆民业以自利者也先王之时凡民于田税之外至有趋末作者一切征其物大意欲抑末重本熙宁间京师市井凡贩卖小民虽拾发鬻薪提茶等类悉出免行钱不出者毋得贩鬻市道其意亦曰抑末作游手之民然不知先王之世民无不受田者虽商贾家亦受田特减于农民抑其末作使反其本则退有可耕之田不至失业饥寒自井田既坏小民亡立锥之地势不免贩卖以自资今而曰抑之归农则退岂有可耕之地哉故重税适所以启其怨咨之心饥寒之患而曰使之务本恶在其为政也介甫常曰周礼一书理财者几半周公岂好利者哉观此言若非为利然安在其不为利也

圉人中士四人下士八人府二人胥八人徒八十人郑康成曰圉今之苑○薛平仲曰遂自虞衡之官极而掌蜃之微莫不有职君子所以治野人者悉矣而天子之囿游始见诸此谓之囿游信非弃田以为园囿使民不得衣食者比也

掌囿游之兽禁

项氏曰囿游苑囿游牧之兽或曰燕游处也禁者其蕃卫之禁

刘迎曰兽人冬献狼夏献麋春秋献兽物皆所以备祭祀賓客之须囿人之牧百兽以为死兽生兽之共耳其曰囿游之兽禁则囿游如刍菟雉兔之往是也谓之禁则不得侵取之非谓为囿游以为行乐焉或者文王之囿方七十里焉夫灵台灵沼之乐其有麋鹿鱼鼈则先王岂无囿游哉先儒以侈心待先王谓以囿游备行乐卒以开人君盘游之乐而离宫别馆未必不自此启也

牧百兽

郑康成曰备养众物也今掖庭有鸟兽自熊虎孔雀至于狐狸鳧鹤备焉【○李嘉会曰兽既供于兽人又供于囿人盖兽人所得或生而致之则养之于囿人故曰牧】

祭祀丧纪賓客共其生兽死兽之物

王氏曰兽人共生兽死兽囿人共生兽死兽之物者兽人所其田猎所 囿人所共囿游所牧共其物若麋肤熊蹯之类○刘执中曰物者所共有名件也

人每 下士二人府一人史一人徒二十人

郑康成曰 筑地为墀季秋除圃中为之诗云九月筑 圃十月纳禾稼

薛平仲曰囿人以掌天子之园囿示民以其所同乐也然可乐之事易流则当务之急者易缓此 人之官又以列于此也夫以 人掌国之 圃而 人之官且曰每 下士二人府史各一人徒二十人则 圃之在国中者意亦多由是观之先王始终于农事者固于此乎见 圃随在而有者抑于此乎见地利盖无遗于国中矣

掌国之 圃而树之果蓏珍异之物以时敛而藏之王昭禹曰载师以 圃任园地所谓国之 圃则属于公者 人之所掌也所谓民之 圃则属于私者闾师之所任也【○贾氏曰此据祭祀丧纪賓客者徵敛藏之其余则闾师征敛之也】○郑康成曰果枣李之属蓏瓜匏之属【○项氏曰有核曰果无核曰蓏一云在木曰果在地曰蓏】珍异蒲桃枇杷之属○王昭禹曰先王之时径行必有桑疆 必有 所以尽地力而无遗利方物之生则辟 为圃所以种植及物之成则筑圃为 所以 获

凡祭祀賓客共其果蓏享亦如之

郑康成曰享纳牲也○贾氏曰此谓祭祀宗庙二灌后君迎牲纳之于庭时后夫人荐朝事之豆笾中有果蓏之物故云享亦如之

易氏曰珍异果蓏物之至微而 人专掌之者以祭祀賓客之奉皆于此乎出也

廩人下大夫二人上士四人中士八人下士十有六人府八人史十有六人胥三十人徒三百人

薛平仲曰 人既已为登谷之备矣则仓廩之官当有以为储蓄之备也先儒以廩为藏米以仓为藏谷【○李嘉防曰廩造于平地之上仓造于屋之下】故廩人之官必以下大夫二人居之【○贾氏曰此官使下大夫为首徒三百人以米廩事重出纳又多故也】自谷而舂揄以为米则米之为用所当贵重爱惜者而官其可轻 哉是以廩人为之长而仓人以中士为之属焉然廩人之后必继之以舍人仓人之后必继之以司禄不为无意盖舍人之职其主官中官府之次舍者也而官中官府之稍食又非谷禄比于此焉不汲汲以均之则所以为养廉怙耻之本者得无有亏于自公退食之际而请谒行于私昵之闲其 有不可胜虑矣是则舍人所以次之也若夫谷禄之制自公卿大夫以至庶人之代其耕者多寡高下固有定数矣彼其以田赋禄而征其租上以共王赋下以享宗庙给私奉业子孙又非一时稍食者之比于此焉不知所以裁之则无功受禄者特未免有伐檀之刺而世禄之家鲜克由礼者亦岂无自而致哉是则司禄所以次之也是盖先王务农重谷之教故叙次其设官如此

掌九谷之数以待国之匪颁赐稍食

郑锷曰廩人掌谷谓米出于谷故耳○易氏曰天府职曰若祭天之司民司禄而献民数谷数则知九谷之数专掌于司禄今复见于廩人何也贾氏谓廩人掌米仓人掌谷其义诚然盖仓人掌粟入之藏辨九谷之物则掌谷可知廩如御廩常廩之类则皆米也不然明堂位何以曰米廩有虞氏之庠释者以鲁谓之米廩虞帝上庠今藏粢盛之委焉非米而何以廩名官所掌者米而云掌九谷之数者兼掌九谷之数也【○李嘉防曰数则一岁所入之目以数而入以数而出正廩人所掌故不曰物而曰数】是知仓人掌谷司禄掌九谷之数廩人即其九谷之数以知廩米之数凡以待国之匪颁赐稍食而已郑康成曰匪读为分分颁谓委人之职诸委积也【○李嘉防曰分颁者使自随其数而入之不独委人也委人特一而已】赐谓王所赐予给好用之式【○郑锷曰君于臣下廩人继粟者是也】稍食禄廩【○贾氏曰此即司士以功诏禄又王制云下士视上农夫九人禄中士倍下士之类】

以岁之上下数邦用以知足否以诏谷用以治年之凶丰项氏曰岁言其成岁年言其 成若岁终定时成岁皆以成岁言若有年大有年皆以 成言制国用者必于岁之终谷粟之既入故曰以岁之上下数邦用斂谷粟必于秋之成谷粟之始熟故曰以年之上下出斂法礼曰制国用必于岁之杪是也

易氏曰年之有凶丰岁之所以有上下○郑康成曰数犹计也

项氏曰以岁之升降得谷之多少计国之所用多则足少则否乃诏在上用谷之隆杀以治年之凶丰故年适丰虽粒米狼戾不侈于有余年适凶虽饥馑荐臻不苦于不足则以有治之之

术也易于萃言用大牲于升言利用禴是也○易氏曰制其财之多寡权其礼之增损非廩人之事特以邦用之足否诏之于上凡以治年之凶丰而已年之凶丰天也所以治之者人也治之则权其多寡增损而为之开辟敛散其于丰也不为妄费以蠹其国其于凶也不为过取以害民【○李嘉防曰岁自立春至次年立春天时也年自正月朔旦至岁除王政也天时虽不同王政不可阙合三者治之斯可】

凡万民之食食者人四鬴上也人三鬴中也人二鬴下也贾民曰万民食食者谓民食国家粮食者上谓大丰年中谓常年下谓少俭年此虽列三等以中年是其常法○郑康成曰此皆谓一月食米也六斗四升曰鬴【○杨谨仲曰国之量非后世比防氏为量方尺深尺其实一鬴乃六斗四升今人所用之斛深亦一尺而方几二尺止容五斗而以古之量少今之量几五倍于古矣然以中岁均人月食三鬴则是旬食一鬴日食六升四合矣量至汉犹然赵充国以为卒武贤欲引万 出张掖以一马自负三十日为米二斛四斗麦八斗则计人日食米八升王莽欲立威乃议六十万众赍三百日粮十道并出严尤曰计一人三百日用粮十八斛则是人食六升以此考之周之中岁人日食六升四合上岁人日食八升五合不为过矣】王氏曰民之食可以鬴计者校登夫家贵贱老防废疾之数观稼省敛稽比财物其法详也【○王昭禹曰先王之民生齿以上有食之端已书于版校登稽比之法又详则凡民之幼壮 寡登耗无不知也以口授田以田制食观稼省敛又以时出焉则凡其食之有余不足无不知矣】

若食不能人二鬴则令邦移民就谷诏王杀邦用易氏曰冢宰制国用其谷之所积皆有定所凡荒政所不能聚者均其远近之所就谷而已○郑康成曰杀犹减也○王氏详说曰大司徒云大荒大札则令邦国移民通财为外诸侯设也廩人云若食不能人二鬴则令邦移民就谷为内诸侯设也盖乡遂公邑但移用其民而已郤非移民通财与移民就谷也乡遂公邑同为天子之民若夫都鄙则各从其主矣郑氏释此以为就谷都鄙之有者诚得其说○郑锷曰梁惠王移民就粟孟子讥之何耶盖周官之民有田以耕其饥偶出于天时之水旱而已惠王不能制民之产凶岁则移民是为无政○刘氏曰古者三年耕必有一年之蓄九年耕必有三年之蓄以三十年之通计虽有旱干水溢民无菜色犹设廩人就谷之法则患未至而预为之防【○李嘉防曰储蓄所以立国非有大凶旱鸟可轻动】

凡邦有防同师役之事则治其粮与其食

王昭禹曰治者量远近为之节○郑康成曰行道曰粮谓糒也止居曰食谓米也○郑锷曰防同师役有远近之异则曰粮曰食亦宜不同远则治其粮庄子言适百里者宿舂粮适千里者三月聚粮盖言远也近则治其食诗云朝食于株左氏云食时而至盖言近也

易氏曰粮乃防同师役之所急者太宰以九式均节财用而不及防同师役之式小宰之七事有所谓防同军旅田役之戒具共其财用然防同所用者不过牢礼委积膳献饮食之殽牵则有賓客之式矣军旅田役所用者不过工事币帛刍秣匪颁之数者则有工事之式币帛之式刍秣之式匪颁之式矣惟最急之粮食乃无式焉盖式法出于九赋之中乃国家之经费冢宰制国用则以邦国之贡待吊用万民之贡充府库二者之外随处而积以待邦之大用则防同

师役之类凡九式所不载者皆取具于此不然仓人共道路之谷积饮食之具遗人凡賓客防同师役掌其道路之委积若非前二者之积将何所从出然特道路之所费而已若廩人之治其粮与其食又兼在道之费及止居之费也

大祭祀则共其接盛

郑康成曰接读为壹扱再祭之扱扱以授舂人舂之【○易氏曰接犹承也天子亲耕借田以共粢盛非有司亲承之与常谷同何以致敬于鬼神故甸师以时入之于廩人廩人接之以藏于神仓及大祭祀之时廩人则共其所接之盛是以舂人接之则舂谷而为米 人接之则炊米而为食然后王者得以亲承祭祀其为敬至矣○王昭禹曰谓之接盛则其所以接神者在此是欤】

郑康成曰大祭祀之谷借田之 藏于神仓者也不以给小用

總论

陈及之曰廩人至食人凡九谷出入尽掌之而不防计何也以司防考之以九赋之法令田野之财用以九功之法令民职之财用掌国之官府郊野县都之百物财用凡在书 版图者之貳以逆羣吏之治而听其防计则是官府与府藏财赋无不系焉而廩人以出入之大计听之司防矣

舍人上士二人中士四人府二人史四人胥四人徒四十人

郑康成曰舍犹宫也主平宫中用谷者○贾氏曰舍人主米谷故与廩人仓人连类在此

掌平宫中之政

郑康成曰政谓用谷之政○贾氏曰舍人總主给米之事而掌平王宫中之政谓平其给米多少【○李嘉防曰宫中之政非独六宫凡官府次舍皆在焉禄廩既众非舍人掌之不可】

易氏曰有王宫有后宫王宫之宫宫正为之均其稍食后宫之宫内宰为之均其稍食所以平宫中之政则舍人也【○王昭禹曰舍人掌宫中之政以贊宫正内宰之事者也故宫正掌王宫之政令纠禁内宰治王内之政令而舍人则掌平宫中之政】

黄氏曰舍人犹诗言室人于内者也耕者劳于外食者逸于内先王存靡耗之戒焉故以其职曰掌平宫中之政以至掌其出入既无事而食而其政不平出入不以法不其甚欤

分其财守以灋掌其出入

贾氏曰财即米也丧大记云纳财朝一溢米○黄氏曰守谓积聚米给予也【○易氏曰守禁之所谓之财守】○郑康成曰分其财守者计其用谷之数分送宫正内宰使守而颁之也而行出于廩人其有空阙则计之还入【○贾氏曰必送米与宫正内宰者以二宫皆有宿卫之人须米料之数也○愚案此可见成周时凡官长各受其财而分之所属】

易氏曰出之于廩人入之于官中皆有法存焉廩人不妄供宫中不妄取所谓平其政者莫先于此

凡祭祀共簠簋实之陈之

郑康成曰方曰簠员曰簋○贾氏曰孝经云陈其簠簋注谓内员外方受斗二升者直据簠而言若簋则内方外员旅人云为簋实一𣪠豆实三而成𣪠豆四升三豆则斗二升可知但外神用瓦簠宗庙当用木○郑锷曰用簠以盛稻粱用簋以盛黍稷○王昭禹曰实之以言其物陈之以言其数【○王氏曰既共簠簋之器又以 人所共之实实之陈之也】

賓客亦如之共其礼车米筭米刍禾

郑康成曰礼致饗饔之礼○贾氏曰聘礼曰致饗饔使卿韦弁归饗饔米百筭设于中庭车米三十车陈于门外禾三十车刍薪倍禾又掌客上公米百有二十筭车米四十车禾五十车刍薪倍禾侯伯米百筭车米三十车禾四十车刍薪倍禾子男米八十筭车米二十车禾三十车刍薪倍禾皆言陈是其所陈多少之数【○郑锷曰车米以车载之筭米以筭盛之也】○林氏曰掌客掌其礼而舍人共其物

丧纪共饭米熬谷

郑康成曰饭所以实口不忍虚也君用粱大夫用稷士用粢【○贾氏曰丧大记文】皆四升实者惟盈【○贾氏曰士丧礼文】熬谷者错于棺旁所以惑蚍蜉【○贾氏曰蚍蜉欲向棺置此惑之○王昭禹曰使异物不得亲其肤而已】丧大记曰熬君四种八筐大夫三种六筐士二种四筐加鱼腊焉

以岁时县種稯之种以共王后之春献种

郑康成曰县之者欲其风气燥达○郑司农曰春王耕于借则后献其种也后献种见内宰职○贾氏曰内宰上春后献种且助王耕事此岁时县者从纳禾治得子即县之以至春献之

掌米粟之出入辨其物

郑康成曰九谷六米别为书【○贾氏曰九谷之名已见大宰注六米者九谷之中黍稷稻粱苽大豆六者有米麻与小豆小麦三者无米】

岁终则防计其政

郑康成曰政用谷之多少○王昭禹曰宫正月终防稍食岁终防行事内宰岁终防内人稍食舍人掌米粟之出入而辨其物岁终则防计其政亦所以通职聯事也

仓人中士四人下士八人府二人史四人胥四人徒四十人

项氏曰仓人掌藏粟者

掌粟入之藏

郑康成曰九谷尽藏焉以粟为主○贾氏曰月令首种不入郑注引旧记首种谓稷也即种粟是五谷之长下文九谷此云粟是以粟为主【○李嘉防曰一岁所 粟则先熟兼中国之地率多种粟盖粟耐干虽岁之旱不至太失此九谷之物必以粟而總其名】

辨九谷之物以待邦用

项氏曰谷各有所宜用故辨其物以待用○郑锷曰邦之用谷也有匪颁赐稍食之殊则其精粗亦异故宜辨其色焉

若谷不足则止余瀆用有余则藏之以待凶而颁之郑康成曰止犹杀

王氏曰法式所用有虽不足不可以已者有待有余然后用者所谓余法用则待有余而余用者【○愚案黄氏説见遗人以待施惠之后】○易氏曰大府所谓式贡之余财以供玩好币余之赋以待赐予委人所谓凡其余聚以待颁赐止余法用止此者欤有余则藏之以待凶而颁之是乐岁则取之于民凶年则遂以颁之于民取之不以为虐颁之乃所以为利无非充裕民之仁政

凡国之大事共道路之谷积食饮之具

王昭禹曰大事则戎祀之类盖戎以出征而祀亦有在郊者故仓人共道路谷积食饮之具若戎祀之外则非所共也○黄氏曰大事大师役也其小者遗人委积自足共之其大者仓人共其谷积食饮之具食糗糒饮浆醕也

司禄中士四人下士八人府二人史四人徒四十人刘迎曰司禄者司谷禄先儒误为爵禄矣不然何以与仓人司稼同列耶○易氏曰司禄逸篇弗可攷矣此经犹存其官之名者以序见之不特见之序官而已天府曰若祭天之司民司禄而献民数谷数则受而藏之郑氏谓司禄为文昌第六星禄之言谷也则以掌天下之谷数者谓之司禄亦犹掌天下之民数而秋官有司民之职盖民之损益关乎天谷之丰耗系乎民此司民及三年大比则以万民之数诏司寇

司寇及孟冬祀司民之日献其数于王王拜受之且有天府之登知司禄之于谷数亦然则王者以民为天民以食为天其类同其义可推矣

司稼下士八人史四人徒四十人

郑康成曰种曰稼如嫁女有所生○薛平仲曰以廩人仓人之藏而制为舍人司禄之用其数固有权度矣然不知稼事之为勤怠徒取诸彼以予此则民得不以为厉已哉舍农事而趋末作弃生养而就游惰是又先王之所甚惧于是司禄之官复有以继于后诚以夫取稼事之已成者人知禄食之所当得勤之于稼事之方兴者不知民力之为甚至司稼则因天之时察地之利軫念民劳而督趋之上之厚于民者如此则民之奉于上者当如何

掌巡邦野之稼

王昭禹曰种曰稼获曰穡先王既有以教之又观之巡之则有时治之则有法而此又有巡稼之官者盖稼事而灭裂则穡事亦以灭裂故致详于稼事以作其始则穡事之所以成终可知矣

而辨種稑之种周知其名与其所宜地以为灋而县于邑闾

郑康成曰周犹徧也徧知种所宜之地县以示民后年种谷用为法也

易氏曰所谓法者周自后稷播种百谷以为乡师天以其粒食生民国其子孙千有余年而后王业始大南宫括以躬稼有天下而归之于稷原其始也公刘太王王季文王武王周公六君子可谓不替其业者周公作六典举前日播种之法而备见于大司徒即以其法而责于司稼之官司稼复以其法而县于邑闾使稼者取法焉播种之法明为稼之效着当时所以善其始者有道矣

巡野观稼以年之上下出敛法

陈君举曰郑氏谓周制畿内用贡法邦国用助法司稼之职为贡法设岂知司稼不是这法是预前观其稼而后上下其出敛之法若不预前观稼如何上下其法后刘晏正传此法每四方水旱则先知之然后为赈救 敛之政

愚案周行井田借民力以耕非复有所谓敛则司稼所谓以年之上下出敛法者盖年之上则为民敛而藏之于年之下则为民出而赈之仓人所谓有余则藏之则敛之之谓所谓以待凶年而颁之则出之之谓常平义仓之法岂不见于此哉

掌均万民之食而赈其急而平其兴

郑康成曰均谓度其多少调廩其艰阨【○李嘉防曰司稼尤近民故调急平兴以先之又不足廩人始有移民就谷之事】

愚案平其兴亦当如旅师谓平均其所兴举之粟以给之

黄氏曰司稼巡稼知岁之丰凶民之宽急为最切故通掌其事

舂人奄二人女舂扰二人奚五人

贾氏曰舂人有奄者以与女奴同处故也○郑康成曰女舂扰女奴能舂与扰者扰抒臼也诗曰或舂或扰○黄氏曰舂人饁人稟人皆宫中之事以用谷故属地官舂扰炊防因祭祀賓客使内人皆识其劳苦烦辱不止稼穡之艰难

掌共米物

郑康成曰米物言非一米

祭祀共其盥盛之米

贾氏曰器实曰盥则黍稷稻粱是也在器曰盛则簠簋是也【○王昭禹曰稷谓之粢实于簠簋谓之盛祭用众谷而總曰粢者举粢以该众也】郑锷曰祭祀共盥盛之米共之饁人

陈氏曰楚语云天子亲舂郊禘之盛又曰天子郊禘之事王后必舂其粢谷梁曰三宫米而藏之御廩盖祭祀贵于出力以致养而后可以交于神明则舂盛固所以自尽也然王耕借不过三推则舂盛之礼盖亦如此然后舂人卒其事以共之

賓客共其牢礼之米

贾氏曰下别言飧食则此言牢礼谓饗飨之米郑氏谓实筐筥知非车米者以其公车米四十等非舂人所共故也然则车米出于税禹贡五百里米是也○王昭禹曰賓客共其牢礼之米则以共饁人簠簋之实牢礼之米多矣必共其饁人簠簋之实者【○郑锷曰賓客共牢礼之米则共之于掌客】则以賓客车米筥米自舍人所共故也

凡飧食共其食米

郑康成曰飧有食米则飧礼兼燕与食

掌凡米事

饎人奄二人女饎八人奚四十人

故书作 〇郑司农曰饎人主炊官特牲馈食礼曰主妇视饎防

贾氏曰祭祀共盛共王后六食不在天官者以其因舂人又因地道之成故在此

掌凡祭祀共盛

郑康成曰炊而共之

共王及后之六食

郑康成曰六食六谷之 【〇李嘉防曰食不及世子盖世子养于王宫女 所当共若出就外傅女 不得而共】

凡賓客共其簠簋之实

郑康成曰谓致飧饗

飧食亦如之

王氏曰舂人舂谷以为米饎人炊米以为食其职事相成故舂人祭祀共盛之米饎人祭祀共盛舂人賓客共牢礼之米而饎人共其簠簋之实饎人共王及后之六食饗飧亦共簠簋之实而舂人不言其米则以言祭祀賓客从可知也

廩人奄八人女廩每奄二人奚五人

郑司农曰廩读为犒师之犒主冗食者故谓之犒贾氏曰与廩人连类在此 【〇李嘉防曰以用奄八人盖分俵诸处不可不多其员】 陈君举曰自膳夫至腊人不过充君之庖者悉领于冢宰至于共外内朝冗食者反不领于冢宰顾见于地官之廩人夫饮食男女人之大欲存焉于共奉天子饮食而必掌之外朝之士大夫者盖恐内官奄人求巧于饮食之中而弥缝其意以导谀纳谄故使外朝之士大夫掌之而太宰实领之者诚以检防逾侈遏絶侥幸所以正人主之心术者在此也至于内外朝冗食者之食见于廩人之职而主之奄人意者犹后世之所谓赐食焉而或取之内厨者是也颖考叔为颖谷封人有献于郑庄公而公赐之食以此类推之所以示其隆礼爱贤之义而廩人共冗食者之食其犹汉世之所谓主熟食者乎至若内外朝之俸禄廩给则所以掌之者固有其人非尽出于一奄人之手也

掌共外内朝冗食者之食

易氏曰外朝库门外之朝内朝路门外之朝○郑锷曰天子有三朝此特言内朝外朝而不及路寝之朝非冗吏治文书之所也

贾氏曰冗散也外内朝上直诸吏谓之冗吏亦曰散吏以上直不归家食藁人共之因名冗食者

若飧耆老 子士庶子共其食

郑康成曰士庶子卿大夫士之子弟宿卫王宫者

掌豢祭祀之犬

郑康成曰豢犬豕曰豢不于饕人言者其共至尊虽其潘防戈余不可褻也【○李嘉防曰食之余者惟利乎犬因以豢焉先王不使一物之无用】

郑锷曰祭祀之牛牲系于监门而犬则豢于藁人各有以处之职虽卑者所系亦不轻矣

總论司徒官属

陈君举曰周礼六官大宗伯治礼司寇治刑司马治兵司空治事而天官治典最难攷然其职无非切于王后焉夫纲纪出治之所犹可說也至于地官掌教则又难晓焉以属官考之自乡老至比长自遂人至邻长皆乡遂之官自封人至畜人皆疆 畜牧之官自载师至均人皆掌财赋征役之官自司市至泉府皆掌市井自司门至掌节皆掌门关自旅师草人稻人虞衡以至掌染草炭茶蜃极于 人圉人无非山林川泽田畴之官几于六十官所谓教官者师氏保氏司谏调人司救鼓人不过六七而已其他则整顿田畴分擘郊里征敛财赋掌管山泽纪纲市井管钥门关而已当时谓之教典何也說者谓司徒典教止五六人而已其如乡遂关市山泽之官盖分托焉而非专于教事是以教官为后世治文墨语言诵授者设也殊不知先王教民自经界始八八为井五五为军市有奠居里有聯比无非习民于正而寓之以道德之意俾之分定而虑不易事同而心臧生厚而德优易直而淳庞以服从上令是曰教典师保谏救调媒之官则其导嫩恶训礼刑判合昏冠者也而岂徒谓是哉幽诗述风化之所由孟子言王道之本无非田圃之事诚知本者后世政教殊轨疆理之问不登于庙堂往往大臣能设学置博士弟子员则曰是有志于教化者何以纳民于善也○吕氏曰司徒之职皆是均土受民不见所谓掌教者盖生养便是教既富能教资富能训使他衣食足各保其生方教以君臣父子夫妇长幼之义谷粟如水火而后民兴于仁制其田里使养其老圣贤之论富民未有不及于教所谓富而教之者也或曰唐虞三代学校与后世大段不同只学官一事可见在舜时命防典乐教胄子在周时大司乐掌成均之法以治建国之学政而合国之子弟焉何故皆是掌乐之官掌教欲得优游涵养鼓舞动荡深入其心这一个所在不是官司自秦汉以后把做官司看了故与唐虞三代题目自别虽足以善人之形而不足以善人之心虽是法度具举然不过以法制相临都无深入人心道理大抵教与政自是两事后世错把教做政看学者但当看三代

所以设教命官教养之意且如周礼一书设官设教所以便民若师氏保氏大司乐大胥小胥之类所教不过是国子然当时所谓乡遂所谓兴贤能在周三百六十官之内并存不见有设教之官虽是州序党庠略见于周礼然未尝见其州序是何人掌之其法又何如只看此亦是学者所当深思且如周礼设官下至于射飞鸟至微至纖之事尚皆具载岂于兴贤能国之大教反不见其明文盖凡领六官者皆是法之所寓只緣学校不是官司非簿书期防之事故不领于六官其上者三公论道不载于书其下者学校设官不领于六官盖此二者皆事大体重非官司所领惟国子是世禄之家鲜克由礼以荡陵德不可不设官以教养之至其所以教养之意均非簿书期防之可领学者当识先王之意可也盖先王设教虽非六官所掌而所以设教未尝有理无事有体无用本末亦自备见但只不在官聯官属之中舜之时自国子之外略不见其掌教之官然庶顽防説若不在时侯以明之挾以记之书用识哉欲并生哉工以纳言时而飭之如此之备在周人学官虽不领于一属然而比年入学中年考校一年视离经辨志三年视敬业乐羣五年视博习亲师七年视论学取友谓之小成九年知类通达强立而不反谓之大成终始备具至不率教者屏之遠方终身不齿又见体用本末无穷处三代以上所以设教命官至理精义要当深攷愚案司徒所掌大抵田赋等事似与大宰九贡九赋太府以下等官相类细考之则大宰官属所掌皆国之财赋而司徒所掌皆教之田野之事所以谓之教官后世谓六部如六官故谓户部如司徒抑不知今户部所掌乃大宰属官太府等事初无与乎掌教之职矣

黄氏曰右地官卿一人中大夫五人下大夫十五人上士四十八人中士一百三十人下士二百八十八人王之内关十二下士各二人则又四十八人府一百三十人史二百十九人贾八人胥二百二人徒二千四百五十六人又舞徒四十人奄十二人女春扰二人女饎八人女橐十六人奚八十五人是皆着于数者也山虞林衡川衡泽虞 人皆中下士【阙】府史胥徒又司市立胥徒又司市立胥师贾师司鬴司稽胥肆长皆不能计其数者也乡老皆公即三公乡大夫皆卿即六卿六乡三十州州长皆中大夫州五党党正皆下大夫党五族为七百五十族族师皆上士族四闾为三千闾闾胥皆中士闾五比为万五千比比长皆下士六遂大夫亦中大夫六遂之县视州鄙视党鄣视族里视闾其余各下于六乡之一等六乡之余民居四郊其官为四郊之吏稍不为邑县都不为都有吏主之皆不可以数计也

吕氏曰總计地官公卿大夫士通用三十万夫有奇府史胥徒不在数虞衡迹人等亦不在数畿内之地似难容得许多官司畿内户口难供得许多官须考【○愚案陈及之説见前论官职多寡】

周礼订义卷二十八

卷二十九

钦定四库全书

周礼订义卷二十九 宋 王与之 撰

春官宗伯上

项氏曰春官以治教之始在于礼象天地之化始于春○郑锷曰自舜命伯夷典三礼其官曰秩宗周人因名曰宗伯說者谓宗尊也伯长也天下所宗者惟宗于礼此礼所以为尊也近世王安石云宗典祀礼者也宗伯掌天神地示人鬼之礼故谓之宗然宗伯所主何独祭祀之礼哉自四方言之东者 之始自四时言之春者时之始宗伯于四时之官独为长故以伯称之春秋之际鲁有夏父弗忌为宗人盖周之旧也

惟王建国辨方正位体国经野设官分职以为民极乃立春官宗伯使帅其属而掌邦礼以佐王和邦国

郑康成曰礼谓曲礼五吉凶军宾嘉其别三十有六【○郑锷曰礼犹火取之槐檀则火在槐檀取之杏枣则火在杏枣取之柞櫨桑柘则火在柞櫨桑柘火无所不在礼亦无所不在有君臣则礼在君臣有父子则礼在父子有夫妇则有夫妇之礼有朋友则有朋友之礼行乎道路至于州巷放乎搜狩脩乎军旅冠昏丧祭饮食起居无非礼也掌礼之官詎可以专乎一哉如司尊彝司几筵之名司为礼官之属所谓筮豆之事则有司存】

项氏曰礼之用以和为贵民生有欲而无分则争争则乖先王制礼为之节文以事其鬼神示其余则宾以亲之军以同之粲然有文足以相接则乖争之患何自而作故曰和【○程氏曰古者冠昏丧祭车服器用等差分别莫敢逾越故财用易给民有常心今礼制未脩奢靡相尚卿大夫之家莫能中礼商贩之类或逾王公礼制不足以检飭人情名数不足以旌别贵贱既无定分奸诈攘夺人人求厌其欲而后已】

吕氏曰礼官之长是为宗伯坛场昭穆之等聘享射御之节贯本末而等文质者所谓礼也神人之所以治上下之所以和失其礼则僭乱谄妄而渎乎神乖争陵犯而悖乎人上下皆失其分安得而和成周萃礼乐于一官和云者盖亦包乐于其间后世礼乐废坏治人者不过簿书期防之末至于祀典尤为不经间有一二仅存不过曰使先王文物不废乎吾世而已所谓治人者漫不知其语矣

愚案六卿自 宰以下皆以有司言独宗伯不言司四官皆言垂象独宗伯不言象以见礼乐法而不说而致中和之用足以为参赞化育之功非可以有司比也

礼官之属大宗伯卿一人小宗伯中大夫二人肆师下大夫四人上士八人中士十有六人旅下士三十有二人府六人史十有二人胥十有二人徒百有二十人薛平仲曰礼有小大有本末大者经小者纪本者义末者数经既立则纪不可以偏废故犬宗伯之贰有小宗伯焉义既明则数不可以不具故宗伯之属有所谓肆师焉肆之为言陈也郊特牲曰其数可陈也其义难知失其义而陈其数祝史之事也知其义而敬守之天子之所以治天下也然则有宗伯以明其义又有肆师以陈其数则周之礼可不谓之备乎

大宗伯之职掌建邦之天神人鬼地 之礼以佐王建保邦国

郑康成曰建立也立天神地 人鬼之礼谓祀之祭之享之礼吉礼是也【○李嘉防曰和邦国谐和其情也建保邦国则各安其分守矣天神人鬼地 各安其分推以化民治国特余事耳】

唐氏曰虞书巡守脩五礼臯陶谟言自我五礼至命官则曰典朕三礼盖五礼兼神人三礼事神之礼也宗伯先言建邦之天神人鬼地示之礼则所谓典三礼次之以吉凶军宾嘉则五礼也

郑康成曰保安也○王昭禹曰合五礼而言则曰佐王和邦国别三礼而言则曰佐王建保邦国盖封国则颁祀此之谓建祭则受福此之谓保【○黄氏曰伯夷降典折民惟刑功配禹稷而其事始于事鬼神是则建保邦国诚有其本也纣谓祭无益牺牲粢盛既于凶盗祖伊以为商亡之决如是也】○贾氏曰上单言邦据王为言以佐王建保邦国则统侯国言之矣

以吉礼事邦国之鬼神

黄氏曰吉礼居其首礼主敬敬莫着乎祭○郑锷曰祭祀之交于神明有受福之道故以吉名之○郑康成曰吉礼之别十有二事

王氏曰谓之建则礼当自王出谓之事则非特王国而已

王氏详说曰或言鬼神示或言神示鬼何曰此所以为秩宗之官也以上下秩之则曰神鬼示以内外秩之则曰鬼神示以尊卑秩之则曰神示鬼

孙氏曰先王明于天地之故察于人之理知所以接三才者即吾保邦之实政不容外三才而自任其私智也故天以气覆物吾则用禋祀实柴燔燎以祀之地以形载物吾则用血祭豕沈鬴辜以祭之至于人鬼之奉则立之尸以人道飨焉凡此者皆实致其义实当其情求之于心验之于事一有违于天有悖乎地有愧乎先则为不克祀不克祭不克享矣惟圣人能享帝孝子能享亲此之谓也

以禋祀祀昊天上帝

愚案自此至雨师皆祀天神

张氏曰郑注禋祀则变禋为烟取其尚臭据洛诰曰明禋又国语曰精意以享曰禋徧观书传皆言禋是精洁致祭之名凡祀天日月星辰风师雨师皆取烟燎不言可知今祀天言禋祀日月言实柴祭天礼重故取禋敬之名以别之郑不明此意改禋为烟谬哉书曰禋于文王武王又曰禋于六宗○郑锷曰谓之禋祀明在乎致其心斋精明诚一为主而已

陈及之曰祀昊天上帝总言祭天耳昊天犹言苍天也○程氏曰孝经云郊祀后稷以配天宗祀文王于明堂以配上帝天与帝一也天言其体也帝言其主也在郊则言天以其冬至物生之始故祭于员丘而配以祖陶匏蓺鞠扫地而祭宗祀言上帝以季秋物成之时故祭于明堂而配以父以宗庙之礼享之【○王昭禹曰昊天有上帝犹国之有君五精之帝则犹四方之诸侯诸侯有君道故皆谓之君五精之帝有帝之道故皆谓之帝天者帝之体帝者天之用体嫌于不能降用嫌于不能辨故言其降而与物接则以昊言天言其升而与物辨则以上言帝○郑锷曰周礼有言天有言昊天上帝有言上帝有言五帝言天则百神皆预大司乐所谓天神皆降之类是也言五帝则无预乎昊天上帝司服所谓祀昊天上帝祀五帝亦如之之类是也言上帝则无预乎五帝掌次所谓旅上帝张璠案祀五帝则张大次之类是也言天言帝神各不同至于昊天上帝则兼举其统天言之以其气之浩浩故曰昊天以主位乎上故曰上帝位为最尊物无以称其德惟致其精意可以享之故以禋祀祀昊天上帝国语所谓精意以享谓之禋是也○愚案天之与帝其实则一如伊川之说无疑如五帝之谈郑氏亦失之详见小宗伯】

以实柴祀日月星辰

项氏曰日司昼月司夜星辰司次十有二辰二十有八星○郑司农曰实柴实牛柴上也○郑锷曰日月星辰民所瞻仰而在祀典者必以气臭而达之故用实柴实牲燔柴则气臭上达矣【○陆氏曰古者之祀日月其礼有六郊特牲郊之大报天而主日配以月一也玉藻曰朝日于东门之外祭义曰祭日于东祭月于西二也小宗伯四类兆日于东郊兆月于西郊三也大司乐乐六变而致天神及象物月令孟冬祈来年于天宗天宗者日月之类四也觐礼拜日于东门之外礼日于南门之外拜月于西门之外礼月于北门之外五也左传雪霜风雨之不时于是乎祭之六也夫因郊报而祀之非正祀也类祭而祀之与觐礼诸侯而礼之非常祀也春分朝日于东门之外秋分夕月于西门之外此祀之正与常也日言朝则于日出之朝朝之月言夕则于月入之夕夕之日坛谓之王宫以其君道也月坛谓之夜明以其明于夜也】

以燔燎祀司中司命觋【音风】师雨师

郑康成曰燔积也三祀皆积柴实牲体焉或有玉帛燔燎而升烟所以报阳也○王氏曰柴而实牲然后燔燎天祀之所同也或言实柴或云燔燎相备而已贾氏曰先郑以司中是三台司命是文昌今三台与文昌皆有司中司命故后郑不从武陵太守星传云文昌宫六星一上将二次将三贵相四司命五司中六司禄又云三台一名天柱上台司命为太尉中台司中为司

徙下台司禄为司空【○郑锷曰祭法王立七祀曰司命曰中霤曰国门曰国行曰泰厉曰户曰灶此所谓司命者乃七祀之司命所谓司中者其七祀之泰厉乎盖人受命以生万物之命系于司命人受中以生万物之性系于司中论者谓人之性正则中过则厉司中以正言之泰厉以反言之其实一也七祀之神其五者托体乎地故以血祭祭之此二者托体乎天故以粢燎祀之各从其类也】春秋纬云月离乎箕风必扬沙是风师箕也诗云月离于毕俾滂沱矣是雨师毕也【○崔氏曰祭司中司命风师雨师之法皆谓随其类祭之所以然者谓星辰运行无方故兆日于东郊兆月于西郊象日月之生兆风师于西方不从箕星者箕星天位尔兆司命于南郊既无风云取放故直以天神是阳兆于南郊兆雨师于北郊者水位在北也风师箕雨师毕司中司命文昌第四第五星或曰中能上能其牲则少牢故郑注祭法云牲以少牢其祭之法先以牲体置于薪上而燔之以升烟于天以降神然后以玉礼神于坐玉则用璋邸射以祀之用半圭之璋取杀于四望】

以血祭祭社稷五祀五岳

○愚案自此至百物祭地示也

郑康成曰陰祀自血起○项氏曰血毛告幽全之物又曰血祭盛气也则以地道有幽陰之义而求之以血也【○郑锷曰血之为物有象而非虚有形而非实物之幽盖亦求之于虚实之间】

陆氏曰社祭五土之 稷祭五谷之神祭社必及稷以其全功均利以养人也祭必有配社配以勾龙【共工氏子】稷配以柱【烈山氏子】商之时又易柱以弃其功利足以侔社稷故也

郑节卿曰五祀见于周礼礼记杂出于史传多矣左传家语则以五祀为重该熙黎勾龙之五官【○陈止斋曰案春秋传魏献子问于蔡墨以为社稷五祀谁氏之五官对曰少皞氏四叔重为勾芒该为蓐 修及熙为 防此其三祀也颛顼氏子黎为祝融共工氏子勾龙为后土此二祀也后土为社稷为田正然则社稷五祀当为一句】月令以五祀为门行户灶中霤白虎通范 高堂隆以五祀为门井户灶中霤郑氏释大宗伯之五祀则用左氏家语之说释小子之五祀则用月令之说释王制五祀则用祭法之说门户人所资以出入中霤人所资以居灶井人所资以饮食【○郑锷曰中霤土也季夏祀之井水也冬祀之门金也秋祀之户木也春祀之灶火也夏祀之皆五行之小神在地者故其祭亦自血始或谓天子七祀此祭其五何也余以为司中泰厉以粢祀之矣】○王氏详说曰此即王氏之说虽本于月令然乃宫中之小祀岂可与社稷五岳同科左氏传载魏献子问于蔡墨以为社稷五祀谁氏之五官其说甚明

郑康成曰五岳东岱宗南衡山西华山北恒山中嵩高山不见四渎者或省文○黄氏曰郑谓四渎五岳之匹非四渎川祭四望则四渎在焉○郑锷曰五山为国重镇者国所赖以镇则神皆托于土故此三者同于血祭【○黄氏曰春秋传曰触石而出肤寸而合不崇朝而雨徧天

下者惟泰山乎其功用大故与社稷同其秩祭】

以貍沈祭山林川泽

郑锷曰山林有功于貍藏川泽有功于涵容祭山林之牲则埋之祭川泽之牲则沈之各象其德○张南轩曰古者祭山川以其能云雨泽润万物为之坛壝立之祝史设之牲币所以致吾祷祠之实而交孚乎隐显之际诚之不可掩如此后世亦有山川之祠而人其形封其地则失之矣【○崔氏曰祭之法各当其时山林于坛川泽于坎故礼记云四坎坛祭四方牲用少牢王服 冕牲玉各放其方之色乐则奏 宾歌函钟舞大夏】

以醠辜祭四方百物

王昭禹曰醠者肆而磔之辜者制而磔之四方异体肆而不全故祭以醠百物异用制而不变故祭以辜亦各以其物宜【○崔氏曰蜡祭之法昔者伊耆氏始为蜡蜡索也周则十有二月合聚万物而索享之祭先嗇一神农是也司嗇二后稷是也农三谓田峻邨表畷四表畷者田峻督约百姓于井间之处猫虎五坊六水庸七昆虫八凡祭之礼以先嗇为主司嗇为佐猫为食田防虎为食田豕坊庸为止水等皆为田事其祭之法视四方丰耗而祭之不成之方缺而不祭故记云年不顺成八蜡不通既蜡之后黄衣而腊先祖五祀于是劳农而休息之】

总论

胡仁仲曰成身莫大于礼礼莫重于祭王者继天为子故祭天于郊祭地于社祭名山大川五祀各于其方后世儒者论祭天地之礼于天则有昊天上帝有五方帝有感生帝夫土不可以有二王而天可以有七帝乎于地则或立方泽或立方丘员丘为母齐衰期不敢亢其父者尊无二上故也王者父事天母事地而可崇地以抗乎是故兆于南郊埽地而祭者昊天上帝而已天言其气帝言其性社祭土所以神地道名山大川者宝货财用之所出四方之所据依也五祀者土与水火金木人所日用不是之报将谁报焉行与门户举失轻重岂礼也哉礼之所贵贵其义是故王者祭天以柴燎牲使气上达语其精神则谓之禋语其感极则谓之类语其方兆则谓之郊指事异名其实一也

以肆献裸享先王以馈食享先王以祠春享先王以禴夏享先王以尝秋享先王以烝冬享先王

郑锷曰庙祭之序始者王以玉瓚酌郁鬯献尸是为裸献既裸于是迎牲而杀乃行朝踐之事朝踐礼毕乃行馈献之事则荐以今世之食以其序推之则肆馈献也献朝踐也裸始裸也谓之肆者诗曰或剥或亨或肆或将剥者解牲体肆者解而陈之俎也始而裸以求之中而荐腥则以神事焉终而荐熟则以人养焉此经乃以肆献裸为序何耶余攷郑康成之说云于禘逆言之者与下共文明六享俱然禘言肆献裸禘言馈食着有黍稷互相备王安石以为羞其肆而酌献焉则以裸享先王其裸也犹事生之有享羞其熟而馈食焉则以食享先王其食也犹

事生之有食也然祫以合食为主未尝无食禘以审禘昭穆为主未尝不裸裸主于敬食主于爱二者亦互见祠春禴夏尝秋烝冬之享时祭之名也礼不丰不杀所以称时有以少为贵者有以多为贵者春夏以搜苗而奉祭祀时物方生可献者寡故春以词为主夏以乐为主而已尚词者为物不足以言词道意也尚乐者阳气浸盛乐由阳来也此所谓以少为贵也秋冬以獮狩而奉祭祀百物既登可献者众故秋以荐新为主冬以备物为主焉尝者物初成始可尝于是而荐新也烝者物毕皆可烝于是而备物也此以多为贵者也【○王昭禹曰至于烝则众物尽矣其备小物水草之殖陆产之醢在焉其备美物也三牲之俎八簋之实在焉其备阳物昆虫之异在焉其备阴物也草木之实在焉天之所生地之所产苟可以荐者莫不咸在此其所以为盛与】

陈君举曰祠禴尝烝此四时孟月王亲祭于祖庙之礼肆献裸馈食四时孟月吉皆用此二礼注谓为六个祭名不是○陈及之曰尔雅曰禘大祭也盖天子四时之祭曰祠禴尝烝而三年大祭曰禘其祖之所自出为东乡之尊其余皆合食于前皆为禘也丧服小记大传所谓王者禘其祖之所自出以其祖配之祭法谓有虞氏禘黄帝而郊啻夏后氏禘黄帝而郊鲧殷人禘啻而郊后稷皆谓三年大祭祭其祖之所自出诸侯亦四时有祭而三年之祭曰祫合食于祖庙而食大夫亦有时而祭而三年之祭曰殷春秋传谓殷以少牢郑氏所引鲁礼则非鲁不当有禘孔子谓鲁之郊禘非礼也周公其衰矣又曰禘自既灌而往者吾不欲观之矣盖成王之赐伯禽之受皆非也孔子于春秋欲贬而不胜书故因事而贬若吉禘庄公禘于太庙用致夫人是已此大宗伯所谓肆献裸及馈食者谓祭之礼有此四等也而必两言之者明宗庙有裸鬯礼既灌而献有荐腥礼既荐而肆有荐熟礼既肆而馈有馈食礼自禘及四时祭皆然

总论

王氏详说曰天神之祀以烟为歆神之始地祇之祭以血为歆神之始人鬼之享以裸为歆神之始其实天神同于烟地示同于血人鬼同于裸且诗曰芼芼棫朴薪之爇之书曰柴望大告武成记曰燔柴于泰坛祭天也今以日月星辰为实柴司中司命风师雨师为燔燎然则祀昊天上帝非柴非燎何以为烟乎是禋祀云者取其歆神之始耳记曰郊血大享腥三献燔一献熟夫郊天也大享祫也三献社稷也一献羣小祀也用血者未始不熟用熟者未始无血此所以谓腥其俎熟其殽也今以社稷五祀五岳为血祭则豨沈鬴辜何以为非血乎是血祭云者取其歆神之始耳司尊彝曰春祠夏禴裸用鸡彝鸟彝秋尝冬烝裸用斚彝黄彝今以肆献言裸而馈食与四时之享何以为不用裸乎是肆献裸者取其歆神之始耳

以凶礼哀邦国之忧

郑康成曰哀谓救患分灾凶礼之别有五○郑锷曰天子之于诸侯位虽君臣情则父子未有子疾病痛苦父不为之忧者故邦国有忧则有凶礼以哀之愚案盛衰消长天之道也圣人不患其凶患无其备故以是礼继于吉礼之后

以丧礼哀死亡

郑康成曰哀谓亲者服焉疏者含襚○郑锷曰隐公之时天王使宰咺来归惠公仲子之赗文公之时王使荣叔归含且赗是也

以荒礼哀凶札

郑康成曰荒人物有害也曲礼曰歳凶年谷不登君膳不祭肺马不食谷驰道不除祭事不县大夫不食粱士饮酒不乐札读为截谓疫疠

以吊礼哀祸裁

郑康成曰祸裁谓遭水火宋大水鲁庄公使人吊焉廋焚孔子拜乡人为火来者拜之士一大夫再亦相吊之道【○易氏曰神所崇谓之祸天所毁谓之裁】

以禴礼哀围败

易氏曰国之见围谓之围师之败绩谓之败以禴礼哀之于是合财以补其乏若澶渊之防诸侯谋归宋财是也【○贾氏曰大行人云致禴以补诸侯之灾小行人云若国师役则犒禴之】

以恤礼哀寇乱

郑康成曰恤忧也邻国相忧兵作于外为寇作于内为乱○郑锷曰左传言救邢之事曰简书同恤礼有相救之道隐公亦云君命寡人同恤社稷之难则恤礼者问之劳之见天子忧恤之意【○王昭禹曰恤以救之若衛有狄人之难而齐桓救之】

王氏曰丧礼凶礼以彼丧荒哀之也吊礼禴礼以我吊禴恤哀之也

以宾礼亲邦国

郑康成曰亲谓使之相亲附宾礼之别有八○黄氏曰宾礼皆王之所以礼答诸侯朝覲宗遇防同诸侯脩王事王皆以礼见之也

郑锷曰天子之于诸侯以分言之则君臣以情言之则宾主故先王不待以纯臣之义而以宾礼亲之我有以亲之彼安得不吾亲哉【○易氏曰臣道以尊天子为主宾道以亲诸侯为主】

春见曰朝夏见曰宗秋见曰覲冬见曰遇

郑康成曰朝犹朝也欲其来之早【○易氏曰朝如日出如寅之朝而朝于天】宗尊也欲其

尊王【○易氏曰宗如万物相见于南方而其类皆有所宗】覲之言勤也欲其勤王之事【○易氏曰覲谓物成之时各覲其实以报乎上】遇偶也欲其若不期偶至【○易氏曰谓闭藏之时其相见若邂逅之遇○胡康侯曰古者有遇礼不期而防以明造次亦有共肃之心春秋书遇私为之约自比于不期而防者直欲简其礼耳故凡书遇者皆恶其无人君相见之礼也】

郑锷曰朝宗则在朝时则用春夏其位则诸公东面诸侯西面说者以为万物交际之时以象生气之文人君则于堂下而见之所以通上下之情覲遇则在庙时则用秋冬其位则诸侯一于北面说者以为万物分辨之时以象杀气之质也人君则于堂上而见之所以正君臣之分记曰覲礼不下堂而见诸侯下堂而见诸侯天子之失礼也由夷王以下盖朝宗出迎宾则下堂覲礼不迎宾则不下堂也朝则天子当宁而立宁者门屏之间以象阳之出布散于外覲则天子当扆而立扆者户牖之间以象阴之入藏于内此又朝覲之别也【○李嘉防曰当宁若今临轩将以图事诹政当扆退立于扆以受诸侯之献功】

陈及之曰大宗伯曰春见曰朝至冬见曰遇大行人曰春朝诸侯而图天下之事秋覲以比邦国之功夏宗而陈天下之谟冬遇以协诸侯之虑时防以发四方之禁殷同以施天下之政又曰侯服 一见甸服二岁一见男服三岁一见采服四岁一见卫服五岁一见要服六岁一见司马曰春以礼朝诸侯图同事夏以礼宗诸侯陈同谟秋以礼覲诸侯比同功冬以礼遇诸侯协同虑时以礼防诸侯发同禁殷以礼同诸侯施同政郑康成以六服之内以时分来或朝春或宗夏或覲秋或遇冬贾公彦从而广之曰春则东方尽来夏则南方尽来秋则西方尽来冬则北方尽来以余论之皆未允以为春则东方诸侯尽来耶则比功之礼未尝施之矣以为夏则南方诸侯尽来耶则协虑之礼未尝施之矣若图事专以待东方诸侯比功专以待西方诸侯陈谟专以待南协虑专以待北则王政岂无偏党之患哉案周官云六年五服一朝又六年王乃时巡考制度于四岳诸侯各朝于方岳又案王制诸侯于天子比年一小聘三年一大聘五年一朝然则四方诸侯六年惟一朝耳若然以春来则曰朝以夏来则曰宗以秋来则曰覲以冬来则曰遇耳犹汉律春曰朝秋曰请吴王濞春不朝使人为秋请是也又尚书康王初即位太保率东方诸侯入应门右毕公率西方诸侯入应门左则是康王初即位四方诸侯以朝适皆在京师又安有春则东方来夏则南方来秋则西方来冬则北方来耶其所谓图天下之事等语作礼者之词而司马又承之也而其有可疑者大行人谓六服诸侯朝有疎数之节六年而毕近世苏东坡说书亦以一朝为毕朝未约其实也当从识者论之

愚案古人封建诸侯有人民有社稷焉若以春则东方诸侯皆来夏则南方诸侯皆来卒不幸有乘间而起如昆夷玁狁之难孰从而折冲御侮之空其一方同时毕集断无此理苟纵其自便不朝京师万一有专擅难制之事如唐之藩镇又何以为制驭诸侯之权要知王者欲亲诸侯必设为可亲之礼或不能朝于春则可以宗于夏或不能覲于秋则可以遇于冬但六年之内不可不一次来王不然巢本南方国巢伯来朝何以曰朝不曰宗韩本北国韩侯入覲何以曰覲不曰遇要知古人立为朝覲宗遇之礼于春夏秋冬之间以见四时皆来王之日而礼非有所轻重于其间

时见曰防殷见曰同

郑康成曰时见者言无常期诸侯有不顺服者王将有征讨之事则既朝覲王为坛于国外合诸侯而命事焉春秋传曰有事而防是也○郑锷曰以有事而防则时见者国有事之时而来见其防之有时故谓之防

郑康成曰殷犹众也十二岁王如不巡狩则六服尽朝朝礼既毕王亦为坛合诸侯以命政焉如王巡狩殷见四方四方分来终岁则徧【○郑锷曰易有殷荐礼有殷奠则殷为盛多之义殷见者合众多之国而来见其来必同故谓之同也○黄氏曰殷有三义众也正也盛也殷见殷类义皆当为正协时月正日同律度量衡考礼修德正刑故谓之殷同】

王氏详说曰时防则事出非常故无常时殷同则有常时亦如常朝之岁但防同之礼因朝覲之时行之故又曰大朝覲

时聘曰问殷覲曰视

王昭禹曰时聘殷覲王人之所以宾于诸侯时聘施于时见之后以恩问之故时聘曰问【○黄氏曰时聘存覲省也各以其时行之犹时防时巡五岁而徧】殷覲施于殷见之后以事有所察治故殷覲曰视

郑锷曰聘以财为礼其名曰问有问遗之意覲以见为礼其名曰覲有省视之意攷行人言时聘以结诸侯之好殷覲以除邦国之慝此乃王见诸侯之文槩以为诸侯聘覲乎天子则与行人之文不合槩以为王者之礼则又与大宗伯诸侯见王之文不合合二官攷之盖聘覲之礼王与诸侯交用之何以言之时聘曰问殷覲曰视继于春见曰朝夏见曰宗之下则曰问曰视者为诸侯问视乎王之礼也若以行人结好除慝之文例之则又是王者聘以结诸侯之好覲以除邦国之慝也人徒见古者比年小聘三年大聘小聘使大夫大聘使卿皆臣聘乎君遂谓君无聘乎臣之理殊不知小行人有曰王之所以抚邦国诸侯者岁徧存三岁徧覲五岁徧省则王有覲礼于诸侯明矣其所以异者诸侯行之则曰问视天子行之则曰除慝结好天子之覲见于小行人三岁之制若夫聘礼则无传春秋之时王臣来聘于鲁者八亦可以为证

周礼订义卷二十九

卷三十

钦定四库全书

周礼订义卷三十 宋 王与之 撰

以军礼同邦国

王昭禹曰先王以宾礼一天下有不帅则军礼于是乎用○郑康成曰同谓威其不协僭差者军礼之别有五【○贾氏曰僭差若郊特牲云宫县白牡朱干设锡之类皆诸侯僭也】○郑锷曰凡此五礼天子用之侯国亦用之所以谓之同【○项氏曰出而军师卒伍入而比闾族党皆一致也故大师之礼无以异于大均之礼大田之礼无以异于大役之礼惟封亦然用田役师均封虽若不同其所以为军礼未始异故曰同然同之不以礼无异于不同故必以礼同之】

愚案军礼之设谓之同邦国者以见戢奸慝平暴乱王者未尝不与人同必若鰥寡之有辞于苗而后大师之礼因众所共恶者以用众必若庶民乐有灵台而后大役之礼因众所用欲者以任众赋役欲其均于是有大均以恤乎众车马在所简于是有大田以简夫众以至民心所恃以为固者在邦国之封域则行大田之礼以合夫相保之心舍此数者曷尝劳民动众以从一己之欲易之师曰师众也能以众正可以王矣观师之义则知王者之制军礼将以合人心于大同故每事以众言之从众则同不从众则异其义可见

易氏曰军礼统六师大师之礼而已大均大田大封大役何以亦谓之军礼盖制军有常胜之道有幸胜之道幸胜之道求胜在敌常胜之道求胜在我先王所以有征无战以在我有是五者之礼也

大师之礼用众也

郑锷曰五军以为师以师统军以军统旅以旅统卒以卒统两以两统伍上下相统闻鼓进闻金止此大师之礼以用众故欲其同

杨氏曰先王行师其坐作进退以鼓铙镯铙为之节而不可乱左不攻左右不攻右则刑诛随之五伐六伐七伐乃止齐焉勇者不敢先怯者不敢后所谓大师之礼用众以此

大均之礼恤众也

王昭禹曰因地以令赋因家以起役地有肥磽而赋有轻重家有上下而役有多寡此所以恤其事【○郑锷曰以衣服则均而无等降之殊以饮食则均而无贵贱之别贵而为将者暑不

张盖贱而为士者亦宿车下左传所谓均服振振自庠以往振廩同食此大均之礼也以恤众固欲其同】

大田之礼简众也

郑康成曰古者因田习兵阅其车徒之数○王昭禹曰春教振旅夏教茺舍秋教治兵冬教大阅此所以简其能【○郑锷曰艾草以为防褐纒旃以为门裘纒质以为櫛闲容握驱而入鼙则不得入田车欲其好四牡欲其阜阅其丁壮数其器甲此大田之礼也以简众故欲其同】

大役之礼任众也

黄氏曰大役之礼如召诰命庶殷丕作是也○王昭禹曰大役则帅其民而至起徒役则无过家一人丰年则公旬用三日中年则公旬用二日无年则公旬用一日此所以任其力【○郑锷曰量之以远近赋之以丈尺程其力计其功或城郭道涂之脩或宫室桥堦之役致之以大旗鼓之以鼙鼓此大役之礼也以任众故欲其同】

大封之礼合众也

郑康成曰正封疆沟涂之固所以合聚其民【○黄氏曰如康诰封康叔是也建牧立监所以纠合邦国】○王氏曰合众者地有定域民有常主所以合其志也【○郑锷曰封人之封四疆也或百里或二百里或三百里或四百里或五百里各有封域以为阻固此大封之礼也以合众故欲其同】

以嘉礼亲万民

郑康成曰嘉善也因人心所善者而为之制嘉礼之别有五

王昭禹曰可欲之谓善充实之谓美美之至则为嘉盖兄弟之义男女之情朋友之信故旧之爱宾客之好善之实也无以文之不能充善而至于美充美而至于嘉【○郑锷曰吉之与嘉皆美善之义祭祀之礼谓之吉以祭有受福之道也嘉则非特吉而已虽美亦未足以尽之易曰亨者嘉之防又曰嘉防足以合礼且天运至于南方万物相见无所不通然后为嘉之防人道至于亨嘉之防然后足以合礼兹嘉所以为美之至也饮食冠昏宾射享燕脰膾贺庆之礼皆人心之所善安得不为美之至与】

黄氏曰嘉礼所以教民相亲也饮食昏冠自天子达于庶民

以饮食之礼亲宗族兄弟

王昭禹曰饮食之礼所谓族食族燕之礼

以昏冠之礼亲成男女

王昭禹曰昏冠之礼谓昏礼冠礼○郑康成曰亲其恩成其性【○郑锷曰昏者礼之本冠者礼之始昏则以亲男女之情冠则以成男女之德也】

以宾射之礼亲故旧朋友

郑康成曰射礼虽王亦立宾主王之故旧朋友为世子时共在学者天子亦有友诸侯之义武王誓曰我友邦 君司寇职有议故之辟议宾之辟【○黄氏曰立宾主敌也是故谓之耦亦谓之朋孟子曰友也者友其德也不挟贵不挟长而友射亦有燕其乐章小雅伐木是也】○郑锷曰待以宾礼而与之射见人君不忘故旧之情不弃朋友之好

以飧燕之礼亲四方之宾客

郑锷曰诸侯来朝曰宾诸侯之臣曰客待以享燕之礼所以示隆厚之情享在朝燕在寝享则设几而不倚爵盈而不饮以训恭俭燕则脱履升堂行无算爵以醉为度以示慈惠说者见定王谓公当享卿当燕谓礼各有所施余以为行人于诸侯上公则三享三燕侯伯则再享再燕子男则一享一燕其实诸侯与其臣朝聘有享又有燕彼定王之言特示公卿之别尔如管仲平戎于王王以上卿之礼享管仲则大夫亦享也湛露之诗天子所以燕诸侯则诸侯亦燕也故以四方宾客总言之

王氏详说曰行人言享不及燕掌客并言享燕然行人言享者言其献数掌客言享者言其数疎之数享终乃燕虽不言燕燕在其中

王氏曰宗族兄弟饮食之而已致其爱也四方宾客则有燕享之礼致其敬也【○陈祥道曰行苇燕九族同姓棠棣燕兄弟伐木燕朋友若燕诸侯则有湛露燕羣臣嘉宾则有鹿鸣燕夷狄则所谓蓼萧王燕则诸侯毛此燕诸侯以齿王燕饮则为献主非王自为燕于大仆见王之所以燕者必于内朝之地故曰王燕则相其法于酒正见王之燕饮有多寡之数故曰王燕共其计也于鞞韞氏见王之燕必有乐故曰燕亦如之】

以脰膾之礼亲兄弟之国

薛氏曰脰曰脰【○王昭禹曰脰谓祭祀之肉盛以蜃器者膾谓熟肉助祭执事因赐之以为胾者】熟曰膾大宗伯以血祭祭社稷以馈食享先王是社稷主脰故谓之脰宗庙主熟故谓之膾兄弟之国亲也故兼脰膾以赐之诸侯之国疎也故归脰而已故脰膾以亲兄弟之国归脰以交诸侯之福是也【○郑锷曰分而言之社稷之肉曰脰宗庙之肉曰膾以左传攷之成十三年刘康公成肃公防晋侯伐秦成子受脰于社不敬又定公十四年天王使石尚来归膾则脰为社稷祭肉明矣然左传又云国之大事在祀与戎祀有执膾戎有受脰而孟子言夫子以膾肉不至而行说者皆以为宗庙之祀则膾为祭宗庙之肉矣】

愚案郑锷以祭社稷曰脰祭宗庙曰膾是矣薛氏以脰曰脰谓社稷用脰以熟曰膾谓宗庙主熟亲如兄弟若祭社稷之脰祭宗庙之膾皆当及之疎如异姓归脰而不及膾则所及者止于社稷之肉或者见公羊谷梁有生居俎上曰脰熟居俎上曰膾遂以肉欲不壞盛以脰器凡助祭执事皆赐膾以为胾不知兄弟之国分处于外未必皆与乎祭而熟肉亦不可以至遠特于以祀以享之际不欲以已专其福思与兄弟共之当有牲以折其俎然必曰脰膾者为此乃脰膾之胾以示其致享致爱之道然也刘氏谓其广祚 而嗣祖先得之然非兄弟之国至二王后及异姓为王所特尊者亦得与焉如王使宰孔赐齐侯胾又曰宋先代之后也天子有事膾焉又所以广其福也

以贺庆之礼亲异姓之国

郑锷曰情之亲者因物以示恩情之疎者托言以见意异姓之国情之疎者【○郑康成曰异姓昏姻甥舅】必有文辞以见意故有可贺之事则以言贺之有可庆之事则以言庆之若夫贺庆之别则贺或有财而庆则专以言而已观行人言贺庆以赞诸侯之喜不别同姓异姓而总谓之诸侯则同姓之邦非无庆贺要以待异姓为主

以九仪之命正邦国之位

郑锷曰出于人君有贵贱之殊者命也见于文物有隆杀之别者仪也列于表着有高下之等者位也命有贵贱故仪有隆杀仪有隆杀故位有高下欲正其位必先辨其仪欲辨其仪必先定其命诸侯之国既分列于四方其位不可得而序惟以九仪之命正之则位之高下无不当矣【○项氏曰此皆自王国言之诸侯之制仿此】○王昭禹曰命以德定其数仪以命制其节位以仪辨其分车旗衣服之数此所谓五仪职服位器之类此所谓九仪职服位器之类苟无王命以行之则下不得以聽上不得以使是故九仪有命然后职足以莅事服足以称德位足以临人器足以行礼则足以治官足以使国足以守牧足以分州伯足以分方然后邦国之位先后有序高下有等谓之邦国指侯国言之【○王氏详说曰典命所言分诸侯与诸侯之臣为言宗伯所言并诸侯与诸侯之臣为言上公九命侯伯七命子男五命此诸侯之五仪四命三命再命一命不命此诸臣五等之命岂非分言之乎自一命至九命自受职至作伯岂非并言之乎宗伯九仪之命皆可约典命为解也但典命所言之命自尊及卑宗伯所言之命自小及大自尊及卑正其分也自小及大又权之所在也此宗伯所以为春官之长○王昭禹曰先王之时有定命之数典命掌之有加命之数宗伯掌之加命非定命也故谓之九仪之命】○李嘉防曰有命则有仪今日九仪之命知命之所以贵者以有仪也知仪之有别则知命之所由辨然不曰正羣臣之位而曰邦国则诸侯五等之爵卿大夫士四等之序举别之

壹命受职

王氏详说曰一命者典命公侯伯之士一命子男之卿一命是已天子之下士一命虽不见于典命然府史胥徒皆官长所自辟除若士则为六卿之属矣岂有不命者为之乎一命受职则此三等与○王昭禹曰所治谓之职未命之士非无职然非受于王至一命则所受之职受于

上矣○郑康成曰始见命为正吏【○王昭禹曰子男之士不命则此或加子男之士为之】

再命受服

王氏详说曰再命者典命公侯伯之大夫再命子男之卿再命是已天子之中士亦再命以下士而知也卿大夫服冕【○郑康成曰谓受冕之服卿大夫自冕而下如之服○黄氏曰自冕而上犹今服緋为章服也】士服爵弁【○贾氏曰凡言士者无问天子士诸侯士皆爵弁以助祭士冠礼皆有爵弁】再命受服则此三等与○王昭禹曰公侯伯之大夫与子男之卿皆再命固已受服矣以公侯伯之士与子男之大夫皆一命则此或加公侯伯之士子男之大夫为之

三命受位

王氏详说曰三命者典命公侯伯之卿三命是已王之上士三命以中士而知也盖公侯伯之卿无非命于天子是命于天子之卿者三命也始有列位于王朝者曲礼曰诸侯之大夫入天子之国曰某士大夫即卿也是与天子之上士等也三命受位则此二等与【○陈及之曰三命与上士有位朝元士也郑子产谓有位朝是亦受位者也檀弓谓朝不坐燕不与是无位也○郑康成曰三命有位王者阙官至陞朝也管仲曰天子之二守国高是也】

四命受器

王氏详说曰四命者典命王之大夫四命公之四命是已曲礼曰无田禄者不设祭器卿以下必有圭田是大夫之有田禄也四命受器则此二等与【○郑锷曰有王朝之大夫有诸侯之大夫其名同其命异故有当造当假之殊公侯伯之与王之大夫皆四命得以自造若公侯伯之大夫再命未得受器则其假用也固宜不假是为僭礼礼运以是谓乱国也】黄氏曰四命王之下大夫食采于稍地始得祭其有功德者受地于小都是为中大夫公之亦四命孟子曰惟士无田则亦不祭未受地也○陈及之曰祭器凡笾豆之类命士虽有之而不具为大夫则始具祭器不假于是为受器○王昭禹曰公之固已受器矣公侯伯之卿皆三命则或加公侯伯之卿为之

五命赐则

郑锷曰窃意公侯伯之四命矣加以五命为子男之君赐以此八则使比王畿都鄙之长盖外为子男之君校其爵等正与畿内都鄙之长同也【○刘迎曰先儒以则为未成国之名大夫四命出封加一等赐之子男之国谓之未成固不可若未出封亦赐之采地则为都鄙矣以八则治都鄙列之都鄙则可以为赐则也不然秋官都则岂非治都鄙八则】

六命赐官

郑锷曰王朝之卿六命若封于大都小都之地得自置臣属治其家邑如诸侯故得赐官盖大夫不得具官有地而得置官者设一官以兼摄众事耳故管仲官事不摄孔子讥之惟六命之卿得以具官及其出封则为侯伯故晋侯之臣荀偃自称曰其官臣偃实先后之彼为侯伯有官臣即在朝六命而具官者尔【○李嘉防曰古者大夫之家必有宰治其家事六命之卿又加于大夫得以自置其臣于是有赐官使其赐国为诸侯自然有卿大夫士之位不待乎上之赐然所以赐之官者止家宰耳】

七命赐国

易氏曰子男未足为成国之称至侯伯然后可以言国或以王之卿而出封或以子男有功而加封皆得以有其国【○郑锷曰六命之卿加以七命出为侯伯则赐以附庸之国侯附庸九同伯附庸七同然子男亦有五同三同之附庸独于七命言之者子男附庸不足以谓之国】

八命作牧

郑锷曰七命之侯伯有功德者加以八命则为诸侯之长谓之牧太宰所谓建其牧是也王制曰二百一十国以为州州有伯伯即牧也商谓之伯虞夏与周则谓之牧故曲礼曰九州之长入天子之国曰牧【○郑司农曰王之三公亦八命】

九命作伯

郑康成曰上公有功德者加命为二伯得征五侯九伯者【○陆氏曰书与周礼伯常称牧盖自内言之则屈于二伯故称牧大宗伯八命作牧曲礼九州之长入天子之国曰牧是也自外言之则伸于诸侯故称伯王制所谓方伯之国是也虞十二牧夏九牧周九州则九伯而王制言八州八伯则王畿之内不见伯焉郑氏以为商制是也然周牧伯之名见于经传多矣连帅特见于诗序若夫五国之属于经无闻左传曰晋侯享公请属鄆岂非所谓连属与公羊传曰自陝以东周公主之自陝以西召公主之书曰毕公帅东方诸侯入应门左太保帅西方诸侯入应门右所谓九命作伯也与周所谓天子之老人同矣周有九伯则畿内亦牧而太宰言施典于邦国建其牧主为邦国故也愚案余说见大宰】

陈及之曰所谓命为天子所命也其出受地则恩出于上不可为常例也命诸侯则大宗伯摈命卿大夫则小宗伯摈其策文则内史作之书文侯之命冏命之类是也其礼仪衣服车旗宫室国家各视其命之数与夫命圭藻借建常樊纓贰车牢礼之数一一有隆杀当攷典命及大行人之官

总论

郑锷曰职服器位皆曰受者自下言之命出于上臣之防者受之而已则与官国皆曰赐自上言之非天子之赐则人臣不得而有也牧与伯皆曰作者其权重其势逼其位尊非有人臣所

不能为之功不可得而作也王安石云九仪之命皆加命也其说是矣

以玉作六瑞以等邦国

刘氏曰舜陟帝位始受天下之朝则辑五瑞既月乃日觐四岳班瑞于羣后是玉作六瑞古有之矣○郑康成曰等犹齐等也○郑锷曰君臣不可无辨故执瑞玉以辨等降之差俱以玉为之以比其有德之义名曰瑞则以为合符之验也观其所执有以知尊卑之等今乃王执镇圭与公侯伯子男并列何以谓之等邦国耶盖镇圭尺有二寸天子守之平居无事守之以镇国未尝执至诸侯之朝或执圭或执璧天子则执镇圭以临之诸侯所执者九寸七寸五寸而天子执尺有二寸之圭以受其朝不患其无别也

王执镇圭

郑锷曰镇圭则琢以四镇之山以为饰山安静不动明王者能镇安天下职方氏九州各有镇山皆琢于此【○或曰镇圭犹天府所谓玉镇非四镇也○林氏曰镇圭尺有二寸则天数也操借五采五就备文德也其玉用全无庞杂也】

王氏详说曰王之圭不止于镇大圭搢之以朝日冒圭受之以朝诸侯至于镇圭则所用广矣小行人以见诸侯典瑞以征守以恤凶荒故言六瑞必特曰镇圭【○郑锷曰王有大圭又执冒四寸以朝诸侯此独言镇圭者盖朝则执冒以冒诸侯之圭璧至于大圭则搢于衣带之间耳然邦国之君或圭或璧特始朝则执以为合符而已后亦止于用笏故记曰凡笏天子以球玉诸侯以象大夫以鱼须饰竹士用竹笏所以书思对命不常执圭也】

公执桓圭

郑康成曰公二王之后及王之上公双植谓之桓桓宫室之象所以安其上桓圭盖亦以桓为瑑饰圭长九寸○窦严曰博三寸厚半寸剡上左右各半寸贾氏曰桓谓若屋之桓楹檀弓云三家视桓楹注云四植谓之桓彼据桓之竖而立则有四棱此于圭上而言下二棱着圭不见惟有上二棱故以双言宫室在上须桓楹乃安天子在上须诸侯乃安【○崔氏曰桓者柱柱者所以安上明宫室栋梁之材非柱不安象上公方伯佐王治天下所以匡辅王国为王所凭安也○胡伸曰桓之为物其体则仁其用则壮以承上为德也所以承之者非一也故有兼制博用之意底下容众者赖之以立而不有其力故有背私之意】○郑锷曰上公为二伯者执之见为国柱石之义

王昭禹曰公执桓圭射人三公执璧者盖方其在朝为三公则近于王而有所屈则致君之体而不致其用故执璧及其在外为上公则远于王而有所伸则有为君之位而致其用故执桓圭【○郑锷曰上公在外则其势以尊与诸侯并见则欲辨等级故所执者圭在朝宾射之时其势当异于常时之笏故特执璧所以异乎子男者特不琢蒲谷以为以耳】

侯执信圭伯执躬圭

郑锷曰郑说侯信圭琢人身之伸者以为饰伯躬圭琢人身之曲者以为饰陆佃云圭形直者为信圭曲者为躬圭不作人屈伸之状盖为侯则其势伸伯之于侯其势犹屈也【○崔氏曰文缛细者为信圭文麤者为躬圭信者明忠信谨敬以事上躬者欲其谨行而保其身】○郑敬仲曰侯视伯为尊尊者其道伸伯视侯为卑卑者其道屈

崔氏曰执圭亦取圭洁之理明其洁以奉上

子执谷璧男执蒲璧

郑锷曰子男百里二百里未成国之君说者谓子有字人之德故其璧则琢谷以为饰以谷能养人也谷又训善以善养人也男以安人为事故其璧则琢蒲以为饰蒲之为席人所安也又取蒲以柔从之义记曰柔从若蒲葦是也【○崔氏曰执蒲璧以象天地所生之物○刘氏曰璧有中虚所以受益有循环所以勤道治民之德未大成不可以忘其道则其执璧宜矣○李嘉防曰谷璧欲其有所养于内不遽求用于外蒲璧欲其有所安于下不遽求伸于人以之安分以之成德】

总论

郑锷曰圭之制下方上圆取象天地而剡其上以象运用之无不利自王至伯皆君道也既得天地之体又尽天地之用故所执皆圭内有孔谓之好好有玉谓之肉肉倍好谓之璧璧之肉倍乎好其形圆明有体而无用也子男有君之体而用未足焉故所执皆璧【○胡氏曰圭之为物上锐下方其博三寸盖以为上则利为下则正而博则主生万物焉此天德之用也璧之为物肉倍于好而其体员盖以实成体则为有余以虚致用则若不足而其体周而无间运而不穷此天德之体也○项氏曰圭璧之异者圜杀直玉藻天子搢珽方正于天下诸侯前屈后直让于天子大夫前诎后诎无所不让亦此之类】

胡氏曰男蒲子谷遽取诸物者侯信伯躬近取诸身者公桓则以若作室家譬之也

以禽作六挚以等诸臣

郑锷曰古之始见君者必有挚挚之为言至也执物以表其至诚之心也盖君子于其所尊不敢质也故用贄焉非特见君为然下而妇人童子亦莫不有挚记曰无辞不相接也无礼不相见也欲民之无相渎也○林之奇曰礼诸侯所执者玉而已帛禽鸟皆非所执也彼据周官有执之之文孔氏注书正自周官误之大宗伯言执皮帛执羔执鴈至于工商执鸡春秋书大夫宗妇觐用帛不闻执帛也惟左氏曰禹防诸侯于涂山执玉帛者万国盖因玉连文其实执玉奠帛也若以帛可执则皮亦可执乎执皮帛犹可也羔鴈雉其可执乎臣之见君鞠躬屏气而乃手执羔鴈为礼容乎至尊之前羔鴈生物不知如何拜趋俯伏乎至于执死雉以见君岂

其宜哉盖古者君臣始相见必其土地所有为挚见之礼首以五玉者不敢自有其宝也其余则以为庭实也○吕氏曰古者以禽为挚执之以见其所尊敬之物也挚用禽者所以致其养故膳夫之职以挚见者受而膳之司士掌摯士者膳其摯【○郑锷曰各执一摯所以表臣德之各不同君受而膳所以见君德之无不纳】执皮帛诸侯执圭璧与诸侯之贵执摯亦以禽则偏于下矣皮帛可制以衣裘圭璧则宝货因以比德焉所以异于诸侯而为之等也妇人无外事惟酒食是议故摯用枣栗脯脩不用玉帛禽鸟天子无客礼无所用其摯唯告于鬼神用鬯以为摯宗伯以禽作六摯以等诸臣虞书亦云三帛二生一死赞此卿大夫士庶人之赞也【○王氏详说曰凡摯天子鬯诸侯圭卿羔大夫鴈士雉庶人之摯匹此曰禽作六摯盖曲礼广言之故天子之鬯诸侯之圭亦得谓之摯宗伯分言之故六等之玉谓之瑞六等之禽谓之摯曲礼所言虽广于之皮帛工商鸡又缺焉二礼所以不同也】

执皮帛

郑锷曰三 贰公洪化寅亮天地以弼一人其名曰 盖三公之下六卿之上位渐进乎上矣要当特立无朋然后足以称其位有天子之 有诸侯之 非有衣被人之德与夫炳蔚之文着见乎外者不可以当此选【○崔氏曰执虎豹之皮者义取有文而能服猛】故执以皮帛盖束帛为摯饰之以皮皮实于庭而执帛以见也天子之 以虎诸侯之 以豹帛之色孔安国于书之三帛以为纁 黄则诸侯世子公之 附庸之君执之郑康成以为赤白黑则高阳高辛之后与其余诸侯执之周家三 之帛其色有别固可知第于经无攷耳○王昭禹曰三公三 与王坐而论道燮理阴阳则其道大同于物故公之摯则执璧璧之为物其形圆也则贰公 化寅亮天地而已于道则不足于物则未能大同于德则不羣于物为能无朋故其摯执皮帛【○刘迎曰羣臣之见天子莫不各有所摯宗伯以六摯等诸臣惟不及三公三公执璧乃见于射人之职夫以三公下执子男之璧非所以改容而礼之者不知子男已出封礼不嫌于亢若三公未就封则臣子也见天子之摯而执上公之圭几于太逼是以宗伯礼官之长不列之诸臣亦以三公不必备惟其非若 卿大夫有常员有常摯也止见之射人有深防哉】

卿执羔

郑康成曰羔小羊○郑锷曰羔羣而不党跪乳而有礼六卿分职各率属以佐王辅弼之臣不可从谗故欲其羣而不党循礼恭逊则民不争故欲其致恭以有礼此所以执羔也【○易氏曰以纯厚礼信为德羣而不失其类者卿之道也故执羔】

大夫执鴈

郑锷曰鴈来往顺时行列有序为大夫者循道以进退视义而去就欲如鴈之知时而行不失序此所以执鴈也【○易氏曰候时而行夙夜奉上而不懈者大夫之道也故执鴈】

吕氏曰左传公防晋侯于瓦范献子执羔中行文子赵简子皆执鴈鲁于是始尚羔周礼尽在

鲁而卿大夫羔鴈之制且因晋卿大夫方知以此见当时之礼散在诸国不能备虽鲁且如此也夫鲁之礼周公所传想无所不备而卿大夫所执正是帝王巡守之所脩五礼三帛二生一死贄在虞则五载一巡狩所脩在周则十二年巡狩所脩尊卑上下之分全在玉帛采章以别等差鲁所以不辨羔鴈亦是周东迁后巡狩之礼久不讲故耳

士执雉

郑锷曰雉耿介而守死五色皆备而成章为元士者欲其备文以相质又欲其耿介守节而不屈执雉宜矣

易氏曰自士以下不用饰士于诸臣为卑也庶人工商则尤其卑者也此其等差皆其分守存焉

崔氏曰雉用死者为不可生服也

庶人执鹄

郑康成曰鹄取其不飞迁○王昭禹曰府史胥徒庶人之在官者则庶人非特府史而已凡民在焉或联于乡遂相资以生或联于官府相须以行欲其不散迁故执鹄

工商执鸡

郑康成曰鸡取其守时而动○王昭禹曰工兴事造业以利其上商懋迁有无以利其上欲其趋时而动故执鸡

郑锷曰古之工商亦有见君之理如工执艺事以谏郑商人以乘韦先牛犒师匠庆伶州鸠之徒皆工商之得以见君者也工制器商贸迁皆欲其不违乎时其摯以鸡宜矣

总论

王昭禹曰先王之时卿效其德大夫效其智士效其节庶人工商效其职其才有余不敢过其分其实不足不得执其物

贾氏曰天子诸侯之卿大夫士命数不同但爵称 皆执皮帛爵称卿皆执羔爵大夫皆执鴈士执雉庶人已下虽无命及爵皆执鹄○易氏曰 卿大夫士诸臣也庶人工商未为臣亦谓之诸臣以率土之滨莫非王臣苟有以自致于天子之庭皆得以执摯

总论六瑞六摯

王昭禹曰君道一故六瑞一以玉为之玉阳物也有君道焉此玉所以为瑞天子受而复宾之也臣道二故六挚以众禽为之禽者制驭于人者也为人臣者无以有已此禽所以为之挚天子受而不复臣之也

周礼订义卷三十

卷三十一

<经部,礼类,周礼之属,周礼订义

钦定四库全书

周礼订义卷三十一 宋 王与之 撰

以王作六器以礼天地四方

郑锷曰能通三灵交之者莫如阳精之纯故礼神有王祀神又有王【○崔氏曰若礼神之王置之神坐事讫收藏于玉府所谓植璧秉圭是礼神之王祀神之王烧之狸之不复收藏】以玉作六器者所以礼神也或象其体或象其用或象其形或象其义皆

以礼之而已礼者荐于告神之始也○郑康成曰礼谓始告神时荐于神座【○李嘉防曰六器列于六摯之后见得人道尽则天道可求】

以苍璧礼天以黄琮礼地以青圭礼东方以赤璋礼南方以白琥礼西方以元璜礼北方

愚案郑氏以大宗伯有苍璧璜琮之文典瑞无之而云四圭有邸以祀天两圭有邸以祀地遂以苍璧所礼者冬至圜丘之祭四圭所礼者夏至郊天之祭璜琮所礼者昆仑之神两圭所礼者神州之

神其說甚诞已于典瑞见之

郑康成曰礼神者必象其类○贾氏曰尔雅肉倍好谓之璧好倍肉谓之瑗是璧圆也【○刘氏曰璧圆中虚象天也】郑锷曰天圆而运乎上故璧圆以象其体天之苍苍其正色也故璧苍以象其色色用苍以壮阳 散之色求之地方而奠乎下故琮方以象其体黄者地之中色故琮黄以象其色用黄者以极陰之盛色求之說者又谓天地之玉用苍与黄典瑞又有四圭两圭之异何也余以为大宗伯之用苍黄者礼神之玉所谓植璧也典瑞所云祀神之玉所谓秉圭也【○郑康成引以为证是矣】 林氏曰天以始事为功故以苍地以终事为事故以黄

郑康成曰礼东方以立春谓苍精之帝太昊勾芒食焉圭銳【○贾氏曰杂记賛大行云圭剡上左右各一寸半是圭銳也】象春物初生【○易氏曰圭銳而首出其色以青象帝出乎震而物生东方之义也】

郑康成曰礼南方以立夏谓赤精之帝炎帝祝融食焉半圭曰璋象夏物半死【○易氏曰璋明也其色以赤象物之相见乎离南方之义也】○郑锷曰陰生于午终于子午者南方之正

位阳方用事而陰已生则夏者陰阳各居其半礼以半圭见陰功居其半不言祀中央者熊氏以为中央黄帝亦用赤璋然以类求神中央土色宜用黄孔氏以为当用黄琮然则土与地一类故不言

郑康成曰礼西方以立秋谓白精之帝少昊蓐收食焉琥猛象秋严【○易氏曰琥威也其色以白象秋之肃物西方之义也○郑锴曰琥乃西方之义兽白色黑文尾倍其身一名曰驺故唐开元中辟讳而云礼西方以驺虞六玉之制不同独于琥则取其形以物形成于秋故也古者盐为琥形以示武敌为虎形以止乐亦此意而已○李嘉防曰陰至于秋气肃物成象之以琥言物虽已成威则可畏易于临卦二阳已复亦曰至于八月有凶观物思变宜豫防如此】

郑康成曰礼北方以立冬谓黑精之帝颛顼元冥食焉半璧曰璜象冬闭藏地上无物唯天半见【○易氏曰黄者用藏也其色以元象乎物之归藏北方之义也】

郑锴曰阳生于子终于午子者北方之正位陰方用事而阳已生则冬者陰阳各居其半礼以半璧见阳功居其半也

皆有牲币各放其器之色

郑锴曰六器之色有苍黄赤青白元之异性之与币各从其类盖求神之道贵乎纯一也或谓六器牲币各放方色牧人之官所谓阳祀用騂牲毛之陰祀用黝牲毛之何也余以为礼有降神之玉又有祀神之玉大宗伯器币各放其色者礼神以降之则宜象其类至于祀神以尽其道则因其陰阳以告纯全而已然则大宗伯放其色即牛人所谓求牛也牧人言阳騂陰黝即牛人所谓享牛也

以天产作陰德以中礼防之以地产作阳德以和乐防之

愚案天产地产其說颇多今取其近似者叙之然后并述所见以待智者辨焉

薛氏曰或者谓陰德柔德也柔德易至于委弛故以天产作之天产者天之所稟赋而得之者因其所稟赋而作其委弛之气又以中礼防之盖礼所以治心養性约而归之喜怒哀乐未之中也阳德刚德也刚德易至于戾故以地产作之地产者地之所积习俗而成之者也因其所积习而作其戾之气又以和乐防之盖乐所以移风易俗裁而节之于喜怒哀乐既之和也【○孙氏曰天之所产是为陰德在人为四端五常无以防之未免流于伪地之所产是为阳德在人为耳目口鼻四肢无以防之未免纵于情自中礼和乐交举并行内以正性外以養形水心曰民伪者天之属民情者地之属伪不可见而能匿情故为陰情可见而能灭伪故为阳礼乐兼防而中和兼得则生正而身安此古人之防言笃论】

愚案以上說天产地产为人之稟赋于天地者而防之以礼乐与司徒以礼乐防民相似 大宗伯之职不然

郑康成曰天产动物谓六牲之属地产植物谓九谷之属陰德陰气在人者陰气虚纯之则劣故食动物作之使动过则伤性制中礼以节之阳德阳气在人者阳气盈纯之则躁故食植物作之使静过则伤性制和乐以节之如是然后陰阳平性情和而能養【○王昭禹曰六牲之属皆味存焉谓之天产五谷之属皆气存焉谓之地产精之不足者补之以味形之不足者补之以气先王以气味作之则昼夜之所存平旦之所息无非精形之養養精之至陰德生焉養形之至阳德生焉作之者使之生而无息也陰德作已而教之以陰礼则民可以无怨阳德作已而教之以阳礼则民可以无争陰德民之所淫以中礼防之则民不淫矣阳德民之所怠以和乐防之则民不怠矣】愚案以上說天产地产作动物植物以陰德阳德就人身陰阳之气解之

吕氏曰易曰大哉乾元万物资始一元统天天之产也资始之初形气方萌隐而未见有而未见成此陰德之作也圣人以人心有喜怒哀乐未 之中与天产之作陰德同故以中礼而防民之失其中易曰至哉坤元万物资生一元行于地地之产也资生之后形气已成显而可知彰而可见此阳德之作也圣人以人心有喜怒哀乐 而中节之和与地产作阳德者同故以和乐防民之失其和中和合于礼乐而还以正夫人心致中和则天地位万物育故以礼乐合天地之化百物之产以事鬼神以谐万民以致百物无往而不在于中和也天产作陰德天之中也地产作阳德地之和也以中礼和乐防之以人之中和而同于天地也

愚案此說天产地产作法天地生物之德为礼乐防民之用亦只說得大司徒教民以中和之事

薛氏曰诗曰天生烝民有物有则民之秉彝好是懿德则德者人心同然固有之性而非外铄我也喜怒哀乐未 谓之中此中德也在人心所存者神而未尝有陰德之名喜怒哀乐之中节谓之中和此和德也在人心所过者化而未尝有阳德之名殆夫判情伪为两涂岐动静为二理 于静者湮没而不复振世始名之以陰德 于动者矜 而不可遏世始名之以阳德有名则有偏有偏则有累谓之陰德则其身知入而不知出知收而不知纵如聚土如积尘如槁木泯泯然而日防矣谓之阳德则其心知出而不知入知纵而不知收如奔走如摇旌如惊涛显然而日露矣静者愈静而至于忘动者愈动而至于助长圣人于此其可无作之之术乎由是静而为陰德则作之以天产之乐动而为阳德则作之以地产之礼记曰乐由天作则乐为天产又曰礼由地制则礼为地产作之以天产之乐则斯民有鼓舞动荡之志而向之湮没不振者有所作矣作之以地产之礼则斯民有齐庄中正之心而向之矜 不可遏者有所作矣圣人犹以为未也乐胜则流礼胜则离彼其徇于偏胜而过于有所激未有不至于荡而无统乖而或离也故乐之胜者以中礼防之约而归之于喜怒哀乐未 之中礼之胜者以和乐防之裁而节之于喜怒哀乐中节之和中和有以相济礼乐有以相资浑浑乎其为懿德也哉

愚案此說天产地产为礼乐蓋以经有乐由天作礼由地制之语其于产字自說不出

易氏曰乐记凡言礼乐者无非以天地为本如曰着不息者天也着不动者地也一动一静者天地之间也故圣人曰礼乐云夫礼乐岂玉帛钟鼓云乎哉其說正有合乎天产地产之义蓋

天之所产万物者阳也阳以动为主即乐记所谓着不息者惟其动而不息是以流行 达或至于不中然而至阳之中作之以陰德则陰之静者足以济乎阳之动其散见于万物者无非秩然品节为造化至中之理圣人体是中而制为之礼亦所以防天下之不中地之所以产万物者陰也陰以静为主即乐记所谓着不动者惟其静而不动是以深沉重厚或至于不和然而至陰之中作之以阳德则阳之动者足以济乎陰之静其萃见于万物者无非翕然交暢为造化至和之理圣人体是和而作为之乐亦所以防天下之不和大宗伯之言陰阳所以明礼乐之各有其体乐记之言动静所以明礼乐之交相为用知一动一静于天地之间者皆自然之礼乐则知天产作陰德地产作阳德者实礼乐之本也此下经复言礼乐合天地之化百物之产不然三产字一也世儒二之何耶

愚案此說得之而未彻

愚案天产者日月风云雨露雷霆霜雪凡属乎天者皆天之产然圣人以为天产所作之德谓之陰者以其德隐然难见若日月之暖雨露之滋万物资之以生所以生者莫得而测皆天产所作之陰德也天产之作易于或过如愆阳伏陰凄风苦雨与非时雷霆过时雪霜所不能免圣人必以礼为之防蓋礼由陰作谓之中者有所止之谓礼以中止有以裁成其过而归之中则天产不至于过作而 地产者山林川泽丘陵坟衍原隰凡属乎地者皆地之产然圣人以为地产所作之德谓之阳者以其德显然易见若山起于卷石之多及其广大草木生之禽兽居之水起于勺水之多及其不测鱼鼈生焉货财殖焉皆地产所作之阳德也地产之作易偏而不及如土敝则草木不长水烦则鱼鼈不大甚至山童泽竭若动若植无所容山崩海 若寶藏若货财无所聚圣人必作乐以为之防蓋乐由阳来谓之和谐者有所谐之谓乐以和谐有以导达其不及而归之和则地产不至于不及而乱如是则礼乐之用可以合天地之化百物之产与司徒教民之事大不同近世說者不知宗伯所掌之礼乐關於参天地贊化育之功拘于司徒五礼教中六乐教和之說释之始失其防

以礼乐合天地之化百物之产以事鬼神以谐万民以致百物

易氏曰上言礼乐之所从出故中和所寓有天地陰阳之异体此合天地之化百物之产则高卑上下之际浑乎其为一一致不知孰为天地耶孰为陰阳耶以事鬼神以谐万民以致百物又皆不出乎天地陰阳之妙而中和实有以感 之孰谓礼乐为形气之末哉

王昭禹曰天以阳生地以陰成陰阳相摩鼓之以雷霆润之以风雨动之以四时暖之以日月冬无愆阳夏无伏陰寒暑雨暘各适其中则天地之化是谓太和百物资天之阳以生资地之陰以成莫不负陰抱阳冲气以为和则百物之产是亦天地之委和而已先王之作礼乐一本于中和则其合天地之化百物之产亦以其自然之和也夫乐由阳来礼由陰作合生气之和导五行之行使之阳而不散陰而不密刚气不怒柔气不慑四暢交于中而 作于外其至也极乎天蟠乎地上下与天地同和节则礼乐之大和也其施于物也感动其善心移易其邪行无悖逆诈伪之心无淫佚作乱之事天地防合陰阳相得覆育万物以至于萌区达羽翼奋角觫生蛰虫昭苏羽者嫗伏毛者孕育胎生者不防卵生者不殒则礼乐之委和也记曰乐者天

地之和礼者天地之序惟其为天地之和序故能合天地之化又曰和故万物皆化序故万物皆别惟其能化别羣物故能合百物之产惟其和气以通乎幽则鬼神之无形可得而事矣以治乎明则万民之至愚可得而谐矣以格乎物则百物之有知可得而致矣○郑锷曰合者防聚其气使浑然不亏交通咸和也夫礼乐极乎天蟠乎地行乎陰阳通乎鬼神穷高极遠不測深厚如此故幽焉以事鬼神则天地神示人鬼可得而礼明焉以谐万民则 于朝廷形乎闺门行乎道路至乎州巷能使人心至于极和而极顺防焉以致百物则以此之中和导彼之中和凡稟中和之气者不期至而自至致犹以土圭致日月四时之致记曰大人举礼乐则天地将为昭焉然后草木茂区萌达羽翼奋角觝生则知礼乐之功用深妙如此

凡祀大神享大鬼祭大示帅执事而卜日宿眡滌濯涖玉鬯省牲饗奉玉盥诏大号

杨氏曰所谓人鬼大鬼非止先王而已凡在祀典如勾龙共工之类皆是故通谓之鬼若帅执事卜日至相王大礼惟大神示大鬼为然其余小祀则大宗伯不与故不言先王而曰大鬼所以别小祀若肆献裸馈食禴祀烝尝则施于宗庙故皆称先王

郑康成曰执事诸有事于祭者○郑锷曰大宰總百官大宗伯亦为其所帅宗伯礼官之长帅礼官之属以从大宰

郑康成曰宿申成也【○项氏曰宿是致斋记曰三日宿孟子曰斋宿与大宰卜日遂戒同】滌濯溉祭器也

郑司农曰涖亲也○王昭禹曰玉以礼神鬯以求神皆宿眡而临莅之○贾氏曰天地有礼神之玉无郁鬯宗庙无礼神之玉而有郁鬯然宗庙有主瓊瑋瓊亦是玉故曲礼云玉曰嘉玉【○李嘉防曰天地用苍璧黄琮四圭兩圭皆所以安神之灵宗庙有尸在位可以安神之灵于是用郁鬯以求神然宗庙非不用玉不以玉为主兼天地而备有之则以人道为尚○薛氏曰祭惟宗庙用裸天地社稷山川等祭则设秬鬯而已故鬯人共秬鬯郁人共郁鬯】

郑康成曰饗亨牲器也【○刘氏曰牲饗在庙门之外以亨牲备熟献兼省之焉】○郑锷曰亦躬省焉惧其不洁而鬼神不享

郑锷曰黍稷谓之盥以玉器盛之谓之玉盥康成分玉与盥以为二物非是也【○王昭禹曰于祭之日奉玉与盥】

郑康成曰大号六号之大者以诏大祝以为祝辞【○贾氏曰六号是大祝】

王昭禹曰以牲币盥奉鬼神示以鬼神示建保邦国而不为名号以尊大其美以辨名其类则其尽志也略其尽物也渎矣

易氏曰大宰云祀五帝止享先王亦如之非特文之先后与此不合而事之轻重亦不能不异

大宰于祀五帝而卜日此则曰祀大神享大鬼祭大示帅执事而卜日岂非鬼神示之大礼大宗伯之所专掌而大宰嫌于偏故止及于五帝之祀乎大宰言及执事眡滌濯而此则曰宿眡滌濯岂非大宗伯先期而眡之大宰则至期而眡之乎大宰言賛玉币爵之事而此则曰涖玉鬯蓋玉用之于天地而鬯独用之于宗庙大宰之祀五帝无裸岂非莅鬯之轻于賛玉币爵之事乎大宰言及纳亨賛王牲事而此则曰省牲饗蓋君袒而迎牲卿大夫賛君是大宰賛杀生之事大宗伯省牲饗而已岂非省牲饗之轻于賛牲事乎大宰賛牲而此则奉鬯蓋祭祀以牲为贵鬯次之小宗伯言五官奉六牲六宫之人奉六鬯则鬯之次于牲明矣大宗伯言祀大神示享先王亦如之而此则言祀大神祭大示享大鬼且及于大号大礼始终皆以大礼为言以其职之所专故正其名大宰嫌于偏故大神大示大鬼之礼特见于祀五帝之后兹所以不同

治其大礼诏相王之大礼

王昭禹曰治其大礼凡礼事之大者诏相王之大礼王礼之大者

郑锷曰始焉治之则次序其先后之伦简习其进退之节使有条而不乱【○杂說曰先自治而后可以诏乎王帝曰伯夷汝作秩宗夙夜惟寅直哉惟清】行事则诏王又以相王使王不失其行礼之节【○黄氏曰今郊祀宰相为大礼使无职掌独随天子升降蓋宗伯诏相之事也】

若王不与祭祀则摄位

黄氏曰王有三年之丧百官總已以聽于冢宰至祭祀则宗伯摄其意为可知矣○郑锷曰礼官之长掌建祭祀享之礼故使之得以摄祭位

王氏详說曰祭祀大事也见于天官大宰又见于春官宗伯是以二卿皆得以摄行其事若王不与祭祀则摄位此宗伯之明文大宰摄祭不见于常职而见于量人量人云凡宰祭与郁人受铨歷而皆饮之是大宰摄祭之事

凡大祭祀王后不与则摄而荐豆筯彻

王昭禹曰豆筯有荐谓正祭祀时豆筯有彻谓祭祀方毕

郑康成曰荐彻豆筯王后之事○易氏曰宗庙六享王与后同裸献后亲荐八筯八豆九嫔賛其荐又賛其彻王后不与则大宗伯摄而荐之又从而彻之是大宗伯所摄之礼于王则见于祭祀之常者于后则见于祭祀之大者凡以节文乎是礼者也○郑锷曰王后不与亦出于一时之故后既不与九嫔亦不莅事故自始至终无不兼摄

大賓客则摄而载果

刘执中曰谓摄后耳郑氏谓君无酌臣之礼误矣郑锷曰后亚王礼賓故亦有裸献之礼当后之亚裸也内宰贊之故内宰之职曰凡賓客之裸献瑶爵皆贊若后有故而不与裸賓之事则大宗伯摄而载裸载之为言承之以往也言酌郁鬯载于璋瓚往而礼賓也后于賓客固无亲相授受之礼其礼也虽亲酌之实盛载以往大宗伯之摄取王后待賓客之义亦以载为言此承上文王后不与之下当为摄王后裸賓客耳【○易氏曰载者以舟载之也司尊彝言六彝皆有舟是已言载彝以舟而酌之以璋瓚所谓摄者如此】

朝覲防同则为上相

王氏详說曰小行人曰为承而摈此则曰为上相者何耶夫摈相一也司仪曰掌摈相之礼是已但出接客曰摈入诏礼曰相【○王氏曰相者相王摈者摈诸侯】因其事而异其名耳成周重賓礼故朝覲防同使宗伯为上相使行人为承摈在宗伯言相在行人言摈出入异辞也然小行人既为承摈矣而肆师又云大朝覲佐摈又何耶蓋佐亦承也小行人于常朝覲为承摈肆师于大朝覲则为承摈大宗伯于凡朝覲皆为上相矣摈者五人卿为上相宗伯卿也【○郑锷曰摈相一耳分而言之不同合而言之摈亦相也乡党曰君召使摈为接賓客言之公西赤曰愿为小相为相主人言之】

大丧亦如之王哭诸侯亦如之

郑康成曰大丧王后及世子也哭诸侯者为薨于国为位而哭之檀弓曰天子 诸侯也爵弁经防衣○胡康侯曰周制王 诸侯则大宗伯为上相司服为王制缞麻宰夫为掌邦之吊事戒令与其币器财用是王者所以懷诸侯

王命诸侯则摈

贾氏曰命谓以简防以辞命之并加以服○郑康成曰摈进之也王将出命假祖庙立依前南乡摈者进当命者延之命使登内史由王右以防命之降再拜稽首登受防以出此其略也诸侯爵禄其臣则于祭焉○易氏曰王命诸侯则摈是以接賓客之礼待之也○胡康侯曰凡封国大宗伯摈司几筵设黼黻内史作册命是天子大权非诸侯所得擅而行焉

国有大故则旅上帝及四望

郑锷曰旅非常祭也如禹贡言荆岐既旅蔡 旅平九山刊旅之类皆因水灾之后而合祭也五帝因变故而有祷焉则合五帝与四望之山川旅而祭之不如常时之祭以事出于一时之变故不能如礼也郑康成曰上帝五帝也○薛氏曰典礼所载羣神之祀各有底定独于四望未有名言以四望为天神耶舜典望秩山川则为地以四望为地示耶此四望列于五帝则为天故尝谓望虽以名山大川为主实兼上下之神故时迈之诗言巡守告祭柴望且曰懷柔百神及河乔岳周礼于望皆言祀不及祭又典瑞四望与山川异玉大司乐四望与山川异乐左氏曰望郊之细也公羊曰方望之事无所不通则望兼上下之神圣人望而祀之明矣郑司农

曰四望日月星海杜预曰望祀分野之星及封内山川许慎曰四望日月星辰河海太山郑元谓五岳四镇四渎是各以一説为证也望祀或设于郊天之后或设于巡守之方或旅于大故之时则望有常有不常之祀也

王大封则先告后土

贾氏曰大封若典命公八命卿六命大夫四命其出封皆加一等是其大封之事对封公卿大夫为采邑者为小封封是土地之事故先以礼告后土○刘氏曰王封诸侯取大社之土苞之以白茅而授之为其将取是土故大宗伯先告焉敬其事也○黄氏曰注防説后土非也古人常以后土对皇天春秋传曰君履后土而戴皇天后土地也五行之神后土黎所食者称号同耳禹贡徐州贡土五色孔传王者封五色土为社建诸侯则各割其方色土与之使立社周礼大封告后土谓将裂土而封之不曰社而曰后土社生物后土主土析告因其事类而称之五行之神后土四时分王与黄帝祭于南方建国非其事类故武成告于皇天后土孔传曰告于天社是也大封宗伯告后土建邦国大祝告后土○易氏曰以大封之意告大示也

乃颁祀于邦国都家乡邑

郑康成曰颁谓班其所当祀及其礼○陈及之曰郑説是也天子祭天地祭天下名山大川诸侯祭社稷祭名山大川之在其地者若鲁人祭泰山晋人祭河不特此也凡其境内之山川悉祭之若颍水祀东 须句祀有济其国之在其地而无主后者亦祭之先王之世祀事悉举人鬼不相殽乱盖知其所凭依也实沈台骀之崇于晋相之夺衛享是鬼神无所依也其所不颁则不得祭春秋时季氏祭泰山楚人祀江汉睢漳晋人祀夏郊则此礼不行久矣

易氏曰都家即三等采地亦有先君及社稷五祀之礼乡邑即六乡六遂亦有祭社及祭祭祭酺索鬼神之礼虽小大异等必以王命而后举所以继于颁祀邦国之后○王昭禹曰诸侯之国其制地有都家有乡邑祭社之礼皆有等降则典祀所颁尤以为重杨子曰节莫差于僭僭莫僭于祭先王于此尤致其详其所防岂不至哉

周礼订义卷三十一

卷三十二

钦定四库全书

周礼订义卷三十二 宋 王与之

小宗伯之职掌建国之神位右社稷左宗庙

王昭禹曰大宗伯之所建者礼也小宗伯所以佐大宗伯者特礼之物【○李嘉防曰国之神位礼之粗也如成周营洛相宅攻位必召公经营之周公继至则达观于新邑营而已】○易氏曰别而言之天神独谓之神合而言之人鬼地 皆神

郑康成曰库门内雉门外之左右【○贾氏曰郑以雉门为中门周人外宗庙故知雉门外库门内之左右】

王昭禹曰右阴也而地道尊右社稷地类也故右社稷左阳也人道所尚君子于其亲事死如事生故左宗庙

郑锷曰匠人云左祖右社匠人所掌者营作之事小宗伯所主者辨其方位也

兆五帝于四郊

郑康成曰兆为坛之营域○郑锷曰兆始也求神之道始于此地也求神各从其类故苍帝东赤帝南白帝西黑帝北各于其郊四郊为四帝之兆黄帝之位学者之论不一余以月令攷之中央土位于季夏之后夏火也火生土其相生也乃所以相继也然则黄帝之兆其同位于南郊乎說者谓玉用黄琮不用赤璋其位乃同南郊何耶余以为祭之玉当放其色求之之方各因其位

王昭禹曰昊天有上帝犹国之有君五精之君犹四方之诸侯诸侯有君道故皆谓之君五精之君有帝道故皆谓之帝又大宰解曰别而言之谓之五帝合而言之亦谓之上帝【○陈及之曰郑氏惑六经纬书谓以为青帝灵威仰赤帝赤熛怒黄帝含枢纽白帝白招拒黑帝汁光纪者五天也于是以昊天上帝为天皇大帝北辰耀魄宝由是有六天之說后世莫能废至唐许敬宗始立论非之近世学者亦知其诞大宰云祀五帝则掌百官之誓戒掌次曰祀五帝则张大次小次司服曰祀五帝亦如之大宗伯亦曰以青圭礼东方赤璋礼南方白琥礼西方璜礼北方小宗伯亦云兆五帝于四郊则是为迎气设于四郊之中立五兆所谓五帝者五行之精气东方青帝南方赤帝西方白帝北方黑帝中央黄帝郑氏所谓五人帝从祀之說则于义未害盖本月令之言夫人臣如重黎五行之官尚从祀则以五德之帝配食于五行精气或者足欵案郑氏注大宗伯青圭礼东方等谓苍精之帝然则此所谓五帝者即郑氏所注大

宗伯之文谓五帝精气之帝者郑氏于彼注已是于此五帝之下又别为五帝名则为诞矣】

四望四类亦如之

郑锷曰鲁有三望之祭或以为分野星及国中山川或以为日月星海攷之书云望于山川惟山川则望而祭之故楚昭王曰三代命祀祭不越望江汉睢漳楚之望也即是论之则四望之为五岳四鎮四渎明矣诸侯得祭其境内山川而礼下于天子故望止于三天子有天下祭及于四方故凡名山大川在四方者皆望而祭之四望之祭亦如五帝因其方而为之兆也先儒以四类为日月星辰攷之书云类于上帝惟天神则类而祭之以其神非一故也日出于东月始乎西其类宜于东西司中司命阳也其类宜于南雨师水也其类宜于北先儒以风师亦在西郊恐不然也五行箕星好风箕东方之宿也西则违其方位岂理哉

兆山川丘陵坟衍各因其方

郑康成曰顺其所在○郑锷曰五岳四渎神之最尊者也此言山川则祭法所谓山林川谷○陵能出云为风雨见怪物皆曰神之山川耳不为兆域惟因其所在之方为其卑也【○李嘉防曰原隰则卑下不祭】

掌五礼之禁令与其用等

郑司农曰五礼吉凶军賓嘉○易氏曰以吉礼言三代命祭祀不越望淫祀无福逆祀有罚此其所禁也天子祭天地四方歲徧诸侯方祀歲徧大夫祭五祀歲徧此其所令也以賓礼言之变礼易乐为不从改制度衣服为畔此其所禁也朝覲宗遇防同为君之礼存覲省聘问为臣之礼此其所令也以军礼言之非赐弓矢不得征非赐斧钺不得杀此其所禁也大国三军次国二军小国一军此其所令也以嘉礼言之系之以姓而弗别綴之以食而弗殊百世昏姻不通此其所禁也男三十而娶女二十而嫁仲春为之防男女此其所令也以凶礼言之三年之防自天子达或短丧而朞或朝祥暮歌此其所禁也歡粥面深墨顏色之戚哭泣之哀此其所令也禁令施于五礼者不一而足大略如此先言禁令后言用等用等待禁令而后辨云耳用等即轻重隆杀之等见于九仪之命者是已【○郑氏曰用等牲器尊卑之差○王昭禹曰用等之不同有尊卑焉于是有庙祧之昭穆以辨尊卑有贵贱焉于是有衣服车旗宫室之禁以辨贵贱有亲疎焉有三族之别以辨亲疎】○郑锷曰禁令用等见于形名度数之间小宗伯掌焉其所不当为者则禁之其所得用者则令之如此则上不得以逼下下不得以 上上下下之分定矣【○礼库曰春秋之时纵逆祀者有见于臧文仲旅泰山者有见于季氏吉礼废矣归仲之媚闭秦之采凶礼废矣楚子问鼎于周薛侯争长于鲁賓礼废矣嘉礼益扫地焉强委禽者乱基于公孙觚用币者变起于宗妇赐五穀而虢乃同于晋求百牢而鲁乃屈于吴以桑林而享晋侯以肆夏而劳穆叔则婚冠享燕之礼又倒置矣】

辨庙祧之昭穆

黄氏曰太祖一祧二亲庙四是为七庙言先王先公之庙祧则庙与祧凡七后稷太祖不迁二祧文武亲尽当迁而不迁亲庙亲尽则迁孔安国王肃以高祖之父高祖之祖为二祧此据周公制礼之时必欲备七庙以立天子之制其说是矣郑康成以文武为二祧此据文武亲尽当迁而不迁遂以为二祧其说亦是两说进退为七庙耳

愚案郑氏之说自为王肃所非先儒多非之已见于传但王肃以下谓文武二庙不毁其说是矣而谓七庙之外更有文武二庙恐未必然郑氏谓文武为祧亦不无所谓盖祭法谓七庙之制太祖与亲庙四皆月祭而二祧享尝乃止此常礼也太祖为始自太祖而下三昭三穆共为七庙至八世则迁去其始为昭者九世则迁去其始为穆者若周以文武之故而不迁且以共王之时论之自穆王上至昭王康王成王为四亲庙则文武正在二祧之位至懿王时则文王当迁又至孝王时则武王当迁然二庙不可去故存于二祧之位郤自成王迁去又再迁则去康王以次皆然谓文武二庙为祧者正以居祧位而不可毁故以文武以下迁主藏乎此也若文武以上皆文武之父祖故宜迁藏于后稷之庙文武以下之人不可越文武之庙而入后稷之庙则宜迁于文武之庙以人情论之意其如此恐不应七庙之外又有文武二庙盖是累世之后但以文武居七庙之数此则王肃所谓文武之庙不迁者也

薛氏曰父以明察下曰昭子以敬事上曰穆其制盖祖庙居中而父昭在左子穆在右始死者昭则毁昭庙始死者穆则毁穆庙昭与昭为列而不嫌乎子加于父穆与穆为列而不嫌乎父屈于子犹之赐爵子与祖齿而不嫌乎卑者先父与孙齿而不嫌乎尊者后犹之祭立尸也子无嫌乎南面而坐父无嫌乎北面而立此昭穆之辨不可易矣【○王昭禹曰禹不先鲧汤不先契文武不先不窾盖子虽齐圣不得先其父新鬼虽大不得先其故凡以昭穆所辨其序固如此】

陆佃曰宗庙有迭毁昭穆则一成而不可易左传曰文王之昭王季之穆又曰文之昭武之穆此宗庙序之昭穆不可易也冢人掌墓地先王之葬居中以昭穆为左右此葬位之昭穆不可易也司土凡祭祀赐爵呼昭穆而进之祭统凡赐爵昭为一穆为一此赐爵之昭穆不可易也左传曰合族以食序以昭穆此合食之昭穆不可易也生而赐爵合食死而葬祔皆以世序不可易则庙之昭穆可知矣仲尼燕居尝禘之礼所以仁昭穆中庸宗庙之礼所以序昭穆左传宫之奇曰太伯虞仲太王之昭虢仲虢叔王季之穆富辰曰管蔡郕霍文之昭邰晋应韩武之穆晋侯曰曹叔振铎文之昭先君唐叔武之穆其不易可见也郑锷曰宗庙世远而无辨则昭或为穆穆或为昭而其序乱矣守祧则守庙祧而已小史则掌辨昭穆之书而已至于庙中之昭穆小宗伯掌建国之神位故当辨之也

辨吉凶之五服车旗宫室之禁

郑锷曰吉服之五者九章七章五章三章一章凶服之五者斩衰齐衰锡衰缌衰疑衰辨其吉服则当服三章者不当僭五当服七章者不敢用九尊卑之序所以明辨其凶服则当斩衰者不敢以锡当缌衰者不敢以疑亲疎之情所以当○易氏曰自衾冕至希冕皆所以象其德自斩衰至疑衰皆所以称其情典命言其命数此则禁其逾于命数【○李嘉防曰言五服及车

旗宫室者五服已饰已之尊卑以服而显在国之饰非车旗宫室无以示等级明制度】

掌三族之别以辨亲疏

王昭禹曰人之生上亲父下亲子而已与之三以父而亲祖以子而亲孙是之谓以三为五以祖亲曾高祖以孙亲曾 孙是之谓以五为九

薛氏曰尧亲九族此特掌三族何也三族亲之本九族亲之尽

贾氏曰辨亲疏者据已上至高祖下至 孙旁至緦麻重服曰亲轻服曰疏

其正室皆谓之门子掌其政令

郑康成曰正室适子将代父当门者【○王昭禹曰三族已立则本末斯明尊祖故敬宗敬宗故明嫡正室其嫡也○王氏曰以其当室谓之正室以其当门谓之门子】王氏详说曰春秋有公族余子公行以亲疎为言诗有公子公姓公族以久近为言此言门子者以嫡庶为言古人重立嫡天子曰太子诸侯曰世子皆以嫡立三族之别亦皆有嫡子在曲礼则曰 子当室是以当室名其嫡在文王世子则曰世室守太庙是以世室名其嫡此曰其正室皆谓之门子则其重嫡之意深矣

黄氏曰诸子政官故掌役守之事宗伯礼官所掌宗法而已【○郑锷曰别亲疎明嫡庶使不得以孽代宗】○程氏曰宗子之法不立则朝无世臣宗法须是一二钜公之家立法宗法立则人人各知来处

毛六牲辨其名物而颁之于五官使共奉之

郑康成曰毛择毛也○郑锷曰牧人于阴阳之祀用騂黝之牲皆毛之小宗伯又毛之者盖牧人于未用之前择之以待用小宗伯于欲用之时又毛之以待颁

贾氏曰辨其名物者六牲皆有名若马牛羊犬豕鸡物色也皆有毛色若宗庙用騂等是也【○项氏曰名言其称物指其形是皆知之也而必使宗伯辨之者盖所以重其事也】

郑锷曰牛地产则颁于地官鸡东方则颁于春官马羊南方则颁于夏官犬西方则颁于司寇豕北方则颁于司空各从其类以致其义不可以不辨辨其名则春官主木不使奉南方之牲司寇主金不使奉北方之畜辨其物则当用騂者不使用騂当用苍者不使用黄若夫豕宰至尊不当从卑防之役故特颁于五官不及 宰

贾氏曰共奉之者谓充人养之至祭日之旦在庙门之前颁与五官使共奉之助王牵入庙

辨六蠶之名物与其用使六宫之人共奉之

郑康成曰蠶读为粢六粢谓六谷黍稷稻粱麦苽贾氏曰六谷各有名其色异故云名物○郑锷曰三农之所生者九谷用以为蠶者止于黍稷稻粱麦苽故六者辨之使用当其物物称其仪也然六牲使五官六蠶乃使六宫之人者五官助王六宫之人助后王亲牵牲故五官之人共奉其牲后亲为蠶盛故六宫之人共奉其蠶盛牲属乎阳五官亦阳蠶盛属乎阴六宫亦阴也阴阳之义各有所主故共奉之人亦从其类诗言大夫妻可以共祭祀又言可以奉祭祀指物言之则谓之共指事言之则谓之奉此言共奉非惟共其物又奉其事

辨六 之名物以待果将

郑康成曰六 鸡 鸟 笋 黄 虎 雌 ○项氏曰名六者之名物所实之物○郑锷曰郁人言祭祀宾客和郁鬯以实 则六 之盛郁鬯盖将以裸也○王昭禹曰司尊 掌六尊六 之位诏其爵辨其用与其实尊 之名物既不同故所用亦异小宗伯所以辨其名物以待用也【○李嘉防曰裸将人主精意所寓行于求神之始施于致飧之盛他日锡诸侯褒有功为王朝盛典岂泛泛賔祭所可同别盛以六 以将其厚意故曰裸将】

辨六尊之名物以待祭祀賔客

郑司农曰六尊献尊象尊壶尊着尊大尊山尊○郑锷曰司尊 言朝献馈献用尊则六尊之盛齐酒盖将以献也

郑康成曰待者有事则给之○郑锷曰司尊 辨其用矣小宗伯又辨之盖尊酌以献 酌以裸名既不同物亦各异司尊 辨于方用之前小宗伯辨之以待行事之用

贾氏曰案司尊 惟祭祀陈 尊不见为宾客陈尊此盖在庙享賔客时也又郁人掌祭祀賔客之裸则六 亦为祭祀賔客而上文不言者举下明上也

掌衣服车旗宫室之赏赐

郑锷曰旌人之功者各从其类是故能安民者赐以车马能富民者赐以衣服能使民和者赐以朱户○易氏曰衣服车旗宫室此皆定制固诸侯之所当得小宗伯为之掌其赏赐者盖赐国赐则赐官必待王命而后行之否则诸侯有所不敢专书曰车服以庸是衣服以待有功又言惟衣裳在笥则有不可妄予者焉诗曰王锡韩侯淑旂绥章序诗者以为能锡命诸侯则是车旗不可以妄予也诗曰王命召伯定申伯之宅序诗者以为能褒赏申伯是宫室不可以妄予也宜小宗伯之掌其严如此

掌四时祭祀之序事与其礼

郑锷曰四时各有祭祀于祭祀之时又有先后所当行之事如卜日而后斋戒既裸而后出迎牲之类皆事之序【○郑康成曰序事卜日省牲视涤濯饗饔之事次序之时】于序事之中又莫不有礼

若国大贞则奉玉帛以诏号

王昭禹曰谓以事之大者而卜以贞之【○郑司农曰谓卜立君卜大封】以问知吉凶大卜曰凡国大贞天府曰季冬陈玉以贞来歲之嫩恶

郑锷曰卜大事必用玉帛以礼神诏大祝使为玉币之美名玉曰嘉玉币曰量币备其物嘉其名致诚尽礼于神

大祭祀省牲眡涤濯

易氏曰省牲则预择其纯【○项氏曰省牲则省充人之所繫】眡涤濯则预致其洁【○项氏曰涤濯则无所不用以致其洁也诗云涧酌彼行潦可以灌溉】贾氏曰省牲眡涤濯省瓊与大宗伯文同谓佐大宗伯

祭之日逆盥省瓊

郑锷曰祭祀之盥盛其始饔人炊之舍人实之及其祭则小宗伯逆之于庙门之外授大宗伯大宗伯授内人内人授王后○郑康成曰省瓊视亨腥熟【○项氏曰逆盥则逆 人之所共以入簠簋省瓊则省亨人之所具】

项氏曰牲与涤濯皆备于将祭之先盥与瓊亨乃见于临祭之日所以有先后之间

告时于王告备于王

郑锷曰告王以行礼之时行礼有早晚时至则当行事及行礼时毕乃告王以行礼之备礼以时为大殷人祭其闇周人祭其阳季氏之逮闇而祭则失礼矣以鸡人之呼旦观之则祭之时宜早可不告王以其时乎乐师告备则告乐备为乐事之终肆师告备则告备为器陈之具此言告备当是告行礼之毕也易氏曰用玉与鬯礼之大惟大宗伯得泄其事告时告备礼之烦乃小宗伯之专职

凡祭祀賓客以时将瓊裸

郑康成曰将送也犹奉也祭祀以时奉而授王賓客以时奉而授宗伯天子圭瓊诸侯璋瓊○王氏详説曰郑氏谓祭祀以时奉而授王賓客以时奉而授宗伯可谓深达礼意矣昭禹所引皆失也且大宰所谓贊玉币爵者祀五帝也祀五帝则不用裸所谓朝覲之贊玉爵者裸用玉

瓚饮用玉爵君有饮臣之礼无裸臣之礼所以再裸一裸皆大宗伯摄而代之况大宰所賛初无裸瓚二字而强以玉爵为裸瓚是疎于礼学也且内宰之所谓后裸献则賛与夫賓客之裸献皆賛者盖内宰以下大夫为之后宫官之长也后之裸献自有内宰賛之若后不与则又有大宗伯摄之何预于小宗伯哉况其上文云告时于王告备于王继之以时裸瓚亦初无后一字而强以为授后是疎于礼学也不可不辨【○李嘉防曰将之以时不缓不骤】

诏相祭祀之小礼凡大礼佐大宗伯

郑锷曰祭祀有小大于祭祀之中所行之礼又有小大礼之小者小宗伯诏相之礼之大者大宗伯专之故特佐助焉贾公彦以为王有故不亲行事使臣摄祭则为小礼余以为其說亦非经言诏相祭祀之小礼则非以羣臣摄祭为小礼

黄氏曰宗伯诏相大礼如卜日视涤濯涖玉鬯省牲饗奉玉盥诏大号皆是其他则小礼如逆盥省饗告时告备之属

易氏曰大宗伯言诏相大礼者见于省牲饗奉玉盥之后则此文亦当继于告时告备之下以至下经言小祭祀掌事如大宗伯之礼亦当继于此文之下如此方见礼官之次序

赐卿大夫士爵则侯

郑康成曰赐犹命也侯之如命诸侯之仪春秋文元年天王使毛伯来锡公命传曰锡者何赐也命者何加我服也○郑锷曰古人赐爵者必于庙示不敢专也将赐以爵必侯而进之使受防命于前○陈君举曰诸侯尊故大宗伯侯卿大夫士卑故小宗伯侯

小祭祀掌事如大宗伯之礼

王昭禹曰大宗伯祀大神 帅执事而卜日以至诏大号小祭祀小宗伯之所掌故其事亦如之○郑锷曰小宗伯所掌之事皆依于大宗伯以为式盖祭有小大礼之次序则一而已

大賓客受其将币之賫

郑锷曰賓客见王必用束帛加璧以为礼是谓将币行人之官所谓将币者三享是也享多仪仪不及物君子以为不享故有见王之币及有将币之賫賫财也各奉国之所有者以为庭实故賫所有之物以将其币诸侯奉之以效享上之诚天子受之以见兼容之德小宗伯辨尊以待之将瓚裸以礼之典司賓礼其施之既尽则受其所报宜矣

若大师则帅有司而立军社奉主车

郑锷曰古者大师则先有事于社与庙然后载社主与迁庙之主以行不用命戮于社故载社

主将以行戮用命赏于祖故载迁庙之主将以行赏小宗伯掌社稷宗庙之礼宜载以行乃言立者盖社本不在军因用师始立之立者出于一时之故庙主为尊载之以行不敢忽也故言奉奉以言其肃钦之至帅有司者盖帅大祝也大祝职曰大师宜于社造于祖设军社国将有事于四望及军归献于社则前祝故知此所谓有司为大祝明矣

若军将有事则与祭有司将事于四望

郑司农曰谓军祭表祔军社之属小宗伯与其祭事○郑锷曰军将有事则与祭者主帅奉祭小宗伯以职当立之奉之故当与也小宗伯已与祭于军中则四望之祭必遣其所属之有司往行事焉理之宜也先郑知此意故读与祭以上为絶句康成以与祭连有司以下读之恐不成文理战必祷于神欲气势之增倍而四望又山川之尤大者国家所赖以阻固是以将战则祷焉欲其为兵之捍蔽【○黄氏曰春秋有事于太庙有事祭也军将有事谓将以军旅有事干鬼神也祭有司主祭祷者也如字祭祷自有主者小宗伯与之偕军事重将事于四望谓将其事以往也两将字各义】

若大甸则帅有司而饩兽于郊遂颁禽

郑康成曰甸读曰田有司大司马之属饩饩也以禽饩四方之神于郊郊有羣神之兆

郑锷曰有司一而已大师言帅有司大甸亦帅有司乃别言之盖大师之帅者大祝也以军社及主车大祝所立奉故也左传云军行祓社衅鼓祝奉以从是也大甸之帅者司马之属以司马言徒致禽饩兽于郊至于有司将事于四望继于军将有事之下则其有司亦指大祝明矣【○易氏曰大甸者贾氏以为四时之田猎非也大司马春搜夏苗秋猕皆无饩兽之文所谓饩兽颁禽特冬狩而已仲冬大阅其田谓之狩禽为甚多凡四郊之中有五帝四望四类之位以兽荐于神位谓之饩饩讫而后颁禽此岂四时之所常有者耶】王昭禹曰兽于禽为大故饩之禽于兽为小故颁之盖饩谓饩饩则分之而已且田以简众则众所不欲田以取禽兽为得焉则众所同欲先王以所不欲者寓之于所欲于其田也大兽公之小禽私之上杀者以为干豆次杀者以为賓客下杀者以充君庖而面伤翦毛羽不成其为禽者不以献还舍于郊饩兽出而颁禽与兽皆不以献者也以此简众则得其同欲而轻其所不欲【○郑康成曰颁禽谓以予羣臣诗传曰禽虽多择取三十焉其余以予大夫士以习射于泽宫而分之】○郑锷曰献神则用其大颁人则用其小尊神之义也既饩兽于神乃颁之于人则又先神而后人也

大哉及执事祷祠于上下神

郑康成曰执事大祝及男女巫求福曰祷得求曰祠譌曰祷尔于上下神祇○郑司农曰小宗伯与执事共祷祠

王崩大肆以秬鬯泔

郑司农曰大肆大浴也○贾氏曰死者人所恶故以秬鬯浴尸使之香也

及执事涖大敛小敛帅异族而佐

郑康成曰执事大祝之属涖临也亲敛者盖事官之属为之丧大记曰小敛衣十九称君大夫士一也大敛君百称大夫五十称士三十称异族佐敛疏者可以相助

县衰冠之式于路门之外

郑康成曰制色宜齐同○黄氏曰丧服轻重宗法着焉故小宗伯掌之

及执事眡葬献器遂哭之

郑康成曰执事盖梓匠之属至将葬献明器之材又献素献成皆于殡门外【○贾氏曰此谓既殡之后事故檀弓云既殡旬而布材与明器士丧礼云献材于殡门外西面北上请主人徧视之如哭椁献素献成亦如之注云形法定为素饰治毕为成】

郑康成曰王不亲哭有官代之○贾氏曰献明器之时小宗伯哭之哀其生死异也○王昭禹曰反而亡焉始于此其生也以礼诏相之故其葬也则感而哭焉

卜葬兆甫窆亦如之

郑康成曰兆墓莹域甫始也杜子春读窆为冢皆谓葬穿圻也

既葬诏相丧祭之礼

王昭禹曰既葬而祭谓之虞虞死者精神无所归而祭之也虞祭既毕明日祔于祖父故有祔祭祔者以祔祖属于庙也

成葬而祭墓为位

郑康成曰成葬丘已封也天子之冢盖不一日而毕位坛位也先祖形体托于此地祀其神以安之 人职曰大丧既有日请度甫窆遂为之尸

易氏曰小宗伯大丧之礼详于大宗伯大宗伯春官之长大丧则为上相而已其礼文次序专属于小宗伯以建国神位之官而掌此数者之事则其礼严矣

凡王之防同军旅旬役之禱祠肆仪为位

郑康成曰肄习也○贾氏曰祷祠皆须豫习威仪当习仪之时则小宗伯为位○郑锷曰吉凶悔吝皆生乎动防同军旅甸役之时虽至尊之行百神受职亦必有祷祠盖以其动也将以交神不可不肃故必习肄其仪而又为王位以习之【○易氏曰为位者国之神位防同军旅田役祸裁之祷祠乃国家不常之仪故肄仪而后为位天地大裁而类社稷宗庙则有常仪也为位而已】

国有祸裁则亦如之

王昭禹曰祸裁祷祠亦肄仪为位也

凡天地之大裁类社稷宗庙则为位

王昭禹曰大裁若日月食山崩皆非常之变则合聚社稷宗庙之神而祷祠焉故曰类○郑锷曰天神曰类而社稷宗庙亦曰类者盖当变故之祭依仿其正礼聚一处以祷祠故以类言之

凡国之大礼佐大宗伯凡小礼掌事如大宗伯之仪○贾氏曰凡言大礼者王亲为之小礼者羣臣摄为之○郑锷曰国之大礼大宗伯之所掌小宗伯姑佐之而已至于小礼则专掌焉其事虽小揖逊周旋之仪则未尝不同故如大宗伯之仪谓之礼又谓之仪者盖礼本也仪末也左传赵简子问于大叔大叔云是仪也非礼也谓其不同故耳【○易氏曰上经言大礼小礼则祭祀之礼而已此终篇则总结之指五礼之大小言也】

周礼订义卷三十二

卷三十三

<经部,礼类,周礼之属,周礼订义

钦定四库全书

周礼订义卷三十三 宋 王与之 撰

肆师之职

郑康成曰肆犹陈也肆师佐宗伯陈列祭祀之位及牲器粢盛

郑锷曰肆师礼官之考所陈者皆祭祀之仪物礼官之属皆取法于是故以下大夫为之以师名之○王昭禹曰礼之义防而难知礼之数粗而可陈大宗伯掌建天神地示人鬼之礼则得于防而难知之义肆师掌立国祀之礼以佐大宗伯则明于粗而可陈之数所以谓之肆师

掌立国祀之礼以佐大宗伯

郑康成曰佐助也○郑锷曰大宗伯言其礼之所当用肆师备其物以致用故皆谓之立言祀礼以此而立【○王昭禹曰神位既定然后国祀之礼可立大宗伯建天神人鬼地示之礼建其意义而已必有玉帛牲醴之物笾豆簠簋之器然后其礼立焉故掌立国祀之礼以佐大宗伯】

立大祀用玉帛牲醴立次祀用牲币立小祀用牲刘氏曰天神地示人鬼皆国祀也即其祀中各有三等之差故以玉帛牲醴明其大小则祀典立矣○郑司农曰大祀天地次祀日月星辰小祀司命以下【○郑康成曰大祀又有宗庙次祀又有社稷五祀五岳小祀又有司中风师雨师山川百物○黄氏曰山川社稷恐不当为次祀典瑞璋邸射以祀山川有玉风雨功用博必非小祀亦有玉宗伯实柴燔燎血祭豕沈自以其类相从未必尽为大小之等】○郑锷曰祀必以玉者取阳精之纯以礼神也【○崔氏曰宗伯奉玉谓礼神之玉肆师所陈自论燎玉之差降正义所解自言礼神之质】必以帛者取人功之勤以交神也【○陆氏曰礼神之币则帛在牲之上若大祀用玉帛牲醴是也从爵之币则帛在牲下前牲币各放其器之色是也】必有牲者取天产之精所以事神也○易氏曰牲色之纯者谓之醴上言牲醴下特言牲则其色之不必纯也币帛一也自其质言之谓之帛制而用之谓之币玉则阳精之贵者大祀贵精纯而尚质故用玉帛牲醴次祀则加以文焉故用牲币小祀则牲以致其味以其礼之近乎人情者也故用牲【○崔氏曰犹三牲俱足以禋为名称若少其一则但云实柴若少其二则以燎薪为名尊卑之差其理可喻】然大宗伯六器礼天地四方皆有牲币则大祀无币典瑞言圭璧璋邸射之类与牧人言凡时祀之牲必用牲物则次祀小祀非无王与牲肆师立国祀之礼礼者体也上下小大有一定之体所用之物不容不辨

以岁时序其祭祀及其祈珥

郑康成曰序第次其先后大小○郑锷曰一岁祭祀各因其时以举其礼序其先后不以其大先不以其小后

易氏曰小子职曰珥于社稷祈于五祀羊人职曰凡祈珥共羊牲正与肆师之文同至秋官士师职则曰凡刳珥奉犬牲若以祈为刳则肆师之文为非后郑皆改祈为刳谓毛牲曰刳羽牲曰珥且以珥之字当从血为𩇑取其以血为𩇑之义引杂记言曰成庙则𩇑之谓宫兆始成则有𩇑礼其說非无所据然羊人小子亦有言𩇑积𩇑邦器𩇑军器之事兹数者皆直谓之𩇑不应宫兆始成之𩇑而独谓之祈珥况祈珥见于经者三不应以三出之祈尽改为刳又羽牲曰珥如司约言珥而辟藏者固曰以血涂户至山虞职言致禽而珥则又曰取左耳以效功言效功则与𩇑礼不同言取左耳则与毛牲曰刳羽牲曰珥之文自相背驰何耶案刘氏中义云珥当为弭字之误也祈谓小祝之祈福祥珥谓小祝之弭兵戡然则社稷五祀曰祈曰珥山川曰侯曰禩落成曰𩇑各有伦类其說今存之义见山虞

大祭祀展牺牲繫于牢颁于职人

郑康成曰展省阅也○王昭禹曰牲之纯者谓之牲牲之完者谓之牺春秋鲁郊牛口伤周景王时雄鸡自断其尾不可谓之牺大祭祀肆师展牺牲视其完也【○郑锷曰充人展牲则告牲而肆师又展牺牲者盖祭祀之牲牧人共之肆师展之于未为牲之前知其可用颁于职人及视牲之夕宗人展牲充人直告牲而已肆师展之则其择已精矣充人繫之则其养也专焉】郑康成曰职读为櫜櫜可以繫牲者此职人谓充人【○王昭禹曰牛人牧人共牲者也牛人牧人共牲然后肆师从而展则职人非牛人牧人凡散祭祀繫于国门则职人非门人矣充人之职掌繫祭祀之牲牲祀五帝则繫于牢刍之三月享先王亦如之则职人其充人之谓充人而曰职人则以充人职其事故也故牛人凡祭祀共其求牛享牛以授职人而刍之亦谓充人也○李嘉防曰充人谓之职人者以所当任之职也】

凡祭祀之卜日宿为期诏相其礼

郑康成曰宿先卜祭之夕○贾氏曰凡祭前有散斋七日致斋三日若然卜日吉则斋今云祭祀之卜日宿为期则是卜前之夕与卜者及诸执事以明旦为期【○陈及之曰太宰云祀五帝前期十日帅执事而卜日遂戒大宗伯曰凡祀大神享大鬼祭大 帅执事而卜日太卜云大祭祀则眡高命 以肆师及太宰大宗伯太卜四官考之则祭祀必卜日也余参周礼大司乐及礼记祭天地有卜日者有不卜日者大司乐谓冬日至于地上之圆丘奏之夏日至于泽中之方丘奏之则圆丘祭天方泽祭地有期日未尝卜也其当卜日者若孟春祈谷孟夏大雩季秋大享与夫大禘四时祭无期日必当卜也程伊川曰春秋有卜郊但卜上辛不吉则卜中辛中辛不吉则卜下辛更不吉使用不当更卜春秋乃三卜四卜五卜至于不郊非礼也】诏相礼谓诏告相助其卜之威仪及斋戒之礼

眡滌濯亦如之

王昭禹曰宿为期卜前之夕也眡滌濯祭前之夕也○李嘉防曰滌濯若事之防者太宰眡之大宗伯小宗伯又眡之今肆师不独眡之且曰诏相其礼盖内而六宫外而有司其滌濯撝拭之类小大次第之节不可紊也

祭之日表盥盛告絜展器陈告备

郑康成曰故书表为剽剽表皆谓徽识粢六谷也在器曰盛○郑锷曰祭祀之盥盛共于甸师春于春人然后 人炊之舍人实之小宗伯逆之大宗伯奉之而肆师表之者盖其物不一各为徽识以表之庶几六宫之人共奉之各得其当【○王昭禹曰簠以盛稻粱簋以盛黍稷粢盛王之所自致者也表而出之所以明其自致之诚】○易氏曰黍稷稻粱谓之粢盛必肆师告洁而后用【○李嘉防曰诗曰吉蠲为饔记曰黍曰芻合粱曰芻其稷曰明粢皆以洁为义】

郑康成曰陈列也○王氏曰展器陈者则器及陈皆展之礼有告具有告备具有所不备者备则非特具而已○郑锷曰一器不备一礼必阙已陈列之则以备告小宗伯告备于王则此所告告小宗伯小宗伯以告于王也

及果筑防相治小礼诛其慢怠者

郑锷曰裸必用鬯以郁金和之郁金必筑煮然后用郁人和之肆师主其筑煮之事○贾氏曰果筑煮谓宗庙有裸郁人掌郁此又掌之者彼官正职此肆师察其不如仪也

郑锷曰自牺牲粢盛以至于器用之陈列筑煮之防细无所不掌则礼官之考其预于祭祀之礼者可谓纖悉毕知之矣故苟有不防不恭之人皆得而诛罚之

掌兆中庙中之禁令

郑康成曰兆坛茔域【○王昭宇曰兆即宗伯兆五帝于四郊者】○贾氏曰四郊之上神兆多矣皆掌不得使人干犯神位七庙亦然○刘氏曰兆中庙中执事者众欲其行事致肃故有禁令○项氏曰神则有兆鬼则于庙禁则禁其所不得为令则令其所当为

凡祭祀礼成则告事毕

王氏曰事毕于礼成故礼成则告事毕

大賓客涖筵几筑鬻

郑康成曰此王所以礼賓客○王昭禹曰司几筵设之肆师则临而观之

替裸将

郑康成曰酌郁鬯授大宗伯载裸○郑锷曰郁鬯郁人共之肆师筑煮以和之其裸也小宗伯将之肆师賛之先儒谓此为賛小宰余以为小宰之职言凡賓客賛裸者为賛王言小宗伯言祭祀賓客以时将瓚裸肆师言賛裸安得为賛小宰賛小宗伯明矣

大朝覲佐宾

郑康成曰为承宾○王昭禹曰宾所以接賓之人有上宾中宾末宾佐宾者上宾之佐则中宾是也所以佐宗伯焉大宗伯防同朝覲为上相则肆师为佐宾乃佐大宗伯小行人将币为承而宾则末宾其小行人欤

共设匪饔之礼

王昭禹曰匪以实币饔以实醢醢其物其事掌客筮人等共之其所设之礼肆师共之【○郑康成曰设于賓客之馆公食大夫礼曰若不亲食使大夫以侑币致之豆实实于饔簋实实于筐匪其筐字之误与礼不亲飧则以酬币致之或者匪以致飧】○贾氏曰肆师不掌饮食而共设匪饔者依礼使掌客诸官共设之

郑锷曰賓客朝覲俱为见王之诸侯然谓之大賓客则以客礼而见天子者谓之大朝覲则以臣礼而见天子者惟其为賓故有筵几裸将之礼惟其为臣故有匪饔飧食之礼

飧食授祭

郑康成曰授賓祭肺【○贾氏曰祭谓祭先造食者必知祭肺者有虞氏祭首夏后氏祭心殷祭肝周祭肺故知祭者祭肺也】○王氏详説曰享用大牢食用大牢郑氏以授祭为祭肺惜其説不广也曲礼曰祭食祭所先进又曰殽之叙徧祭之所谓夕祭牢肉是已郑锷曰待以享食之盛礼賓客当祭肆师授之以所祭之品王食则膳夫授祭享食賓客则使肆师授之为佐宾以待賓客

与祝侯禳于畺及郊

郑锷曰王者公天下以为心不祈福于一己欲销变于四方故国有不祥则有侯禳祷祠之事侯之为言候嘉庆祈福祥也禳之为言却灾变除祸咎也畿五百里畺百里曰遠郊五十里曰近郊侯禳必在疆境欲灾害遠去之意也肆师与小祝俱往以行侯禳之祭盖所掌者祭祀祈珥之事小祝则掌侯禳祷祠之祝号耳○易氏曰小祝实王侯禳之官肆师与之偕往以见国祀之立虽侯禳之小祀不废

大丧大溲以鬯则筑防

郑康成曰筑香草煮以为鬯以浴尸香草郁也

令外内命妇序哭

贾氏曰外内命妇即下文注内外命女是也○郑康成曰序使相次秩【○贾氏曰哭法以服之轻重为先后然则内命妇于王斩衰居前诸臣之妻从服齐衰者居后也】

禁外内命男女之衰不中灋者且授之杖

郑康成曰外命男六乡以出也内命男朝廷卿大夫士也【○黄氏曰内命男王之宗族服兼亲其衰更有与诸臣异者】其妻为外命女丧服为夫之君齐衰不杖内命女王之三夫人以下○贾氏曰外内男女衰皆有升数多少及裁制故禁之使依法诸臣妻为夫之君义服衰六升诸臣为王义服斩衰衰三升半三夫人已下为王正服斩衰衰三升【○郑康成曰不中法违升数与裁制者】○王昭禹曰小宗伯县衰冠之式于路门之外则衰法固已示之矣若不中法者肆师又从而禁之

郑司农曰三日授子杖五日授大夫杖七日授士杖此旧説也丧大记曰君之丧三日子夫人杖五日既殡授大夫世妇杖无七日授士杖文【○贾氏曰外内命男及内命女为王斩衰者有杖外命女为王齐衰者无杖故云且见不定之义】

凡师甸用牲于社宗则为位

易氏曰师甸者田而后用师者必载社之石主祖之木主示有所受命○郑锷曰大甸猎之甸乃四时搜苗猕狩之田师甸则大用师以敌之时何以明之以所祭之神知之用师则载社主与迁庙之主以行此用牲于社宗大战则类造于上帝封于大神祭兵于山川此有类造封祭之事岂四时之田所宜有耶故知以师甸言社者主也宗者迁庙之主不曰祖曰宗者宗继祖者也载主而行不在国之常位而祭不可以无位无位则鬼神无所依故为位然后祭小宗伯于军旅甸役祷祠为位则止为位于肆仪之时肆师于用牲以祭时则为位者盖所掌者立祀用牲之礼故也

类造上帝封于大神祭兵于山川亦如之

郑锷曰上帝至尊不可以渎因其事类然后告祭故名曰类类者上帝之祭造者祖庙之祭此曰类造上帝何也盖王者出征所至以事类告天故兼言之【○郑康成曰造犹即也为兆以类礼祭上帝也类礼依放郊祀而为之者】○王昭禹曰聚其神而祭则谓之类至其所而祭则谓之造记曰类于上帝宜乎社造乎禩小宗伯类社稷宗庙则为位大祝之六祈一曰类二曰造盖造非特禩上帝亦谓之造类非特上帝宗庙社稷亦谓之类也○项氏曰上帝非祀不造

焉故特类而祭若祖庙则必造焉此言类造则在军中类其位而造焉盖一祭也】封者累土增高非山川之大神则无累土为坛以封崇之礼【○郑康成曰封谓坛也大神社及方岳也○王昭禹曰书曰至于岱宗柴诗曰巡狩告祭柴望也言封上而告柴则燔燎以达气焉记曰因天事天因名山升中于天谓此也○黄氏曰即宗伯大封告后土也】兵之所在必增高以祭之非顿兵之山川则无类禘之祭兵之所在则宜有祭【○贾氏曰山川众多不可并祭故祭军旅所依险阻者○王氏曰祭兵于山川若武成吉所过名山大川】凡此三者非常祭故皆为之位盖肆师主立国祀之礼耳○易氏曰以上皆军祭之礼肆师为之位无非依神以为之助而欲民之用命以有功○王昭禹曰亦如之肆师为之位亦如师甸用牲于社宗

凡师不功则助牵主车

郑锷曰胜败乃兵家之常王者之师亦有时而不胜而谓之师不功战所以全宗社不功而失乎主车是失宗社肆师掌为位以祭社宗为职大司马于师不功则厌而奉主车肆师为大司马之助而已【○李嘉防曰助牵主车亦所以安神灵也】

凡四时之大甸猎祭表貉则为位

郑康成曰貉师祭也于所立表之处为师祭造军法者祷气势之增倍【○陈氏曰其神蚩尤也黄帝与蚩尤战于阪泉军法之兴始于此故后世祭之诗曰是类是禘记曰禘于所征之地禘与貉一也貉之祭盖使有司为之而立表于神前甸祝掌祝号既事然后誓众而师甸焉古者将卜则祭先卜将用马则祭马祖将用火则祭燿是则将师田而禘祭者不特为禘而已】○易氏曰二者皆肆师为之位以肆师立国祀故耳

尝之日涖卜来岁之芟

郑康成曰芟芟草除田古之治耕者除田种谷尝者尝新谷此芟之功也卜者问后岁宜芟不诗云载芟载柞其耕泽泽【○易氏曰尝尝谷之祭也因谷祭而卜田事使人预知之而尽力于芟也】

猕之日涖卜来岁之戒

郑康成曰秋田为猕始习兵【○贾氏曰春搜夏苗非正习兵】戒不虞也卜者问后岁兵寇之备【○郑锷曰易曰君子除戎器戒不虞故知戒为禁备之事】

陈及之曰天府云季冬陈玉以贞来岁之美恶先王之时必预戒来岁之事者欲先事为备也春秋时郑石防言于子囊曰先王卜征五年而岁习其祥祥习则行不习则增修德而改卜则是卜不吉必修德而豫戒然后为治世之事

社之日涖卜来岁之稼

郑康成曰社祭土为取财焉卜者问后岁稼所宜郑锷曰诗人言太田多稼曰以社以方故知稼为田苗之事祭社有二春祈秋报知此社非春祈者以尝与猕无非秋事知此为秋报祭之社也

易氏曰三者之卜凡陈 贞 命 眡高作 使卜师卜人等为之肆师特涖之而已

若国有大故则令国人祭

郑康成曰大故谓水旱凶荒所令祭者社及禘醴【○贾氏曰地官州祭社党祭禘族祭醴六遂亦是国人所祭之事】○郑锷曰国有大变故不止肆师涖卜又令举国之人皆祭所谓靡神不举

王昭禹曰令之祭故略于神者不得不祭令然后祭故蔽于神者不得数

岁时之祭祀亦如之

贾氏曰岁时之常祭也亦命国人祭也○郑锷曰因大故而令之祭出于一时之非常四时而令之祭本于一岁之常礼一歲之常礼又令之使祭盖民未必能知遵其常月令于仲春必命社谓此耳

凡卿大夫之防相其礼

郑康成曰相其适子【○王昭禹曰相其家人也○易氏曰非相其家礼相其国之丧礼而职丧聽之者也】

凡国之大事治其礼仪以佐宗伯凡国之小事治其礼仪而掌其事如宗伯之礼

郑康成曰治谓如今每事者更奏白王礼○易氏曰肆师掌立国祀之礼则专于佐大宗伯凡国之大事而言佐宗伯凡国之小事言掌事如宗伯之礼者兼大小宗伯而言故于佐宗伯则谓之事于佐大宗伯则谓之礼○郑锷曰小宗伯所佐无非礼肆师所佐无非事岂事之外别有礼礼之外别有事哉盖以其官之尊卑别言其所掌之本末而已言礼者举其本言事者举其末皆礼也

郁人下士二人府二人史一人徒八人

薛平仲曰礼莫重于祭祭莫重于灌灌之为义先王所以致精神之交敬渊泉而贯防渚也故灌用郁鬯者草木之芬香者也鬯者酒味之畅达者和郁以为灌言芬香之交畅于上下也周人先求诸陰故既灌而后逆牲夫子曰禘自既灌而往者吾不欲观之矣精诚所交唯灌为至此郁人鬯人所以首见于此【○贾氏曰鬯人所掌是秬米为酒不和郁者若祭宗庙及灌

賓客則鬯人以鬯酒入郁人郁人得之筑郁金草煮之以和鬯酒則謂之郁鬯也】

王昭禹曰筑而煮之肆師也掌共秬鬯者鬯人也郁人則和郁鬯用之于裸

王氏詳說曰有秬鬯有郁鬯郁鬯用之于宗廟秬鬯用之于天地社稷等祀表記曰親耕粢盛秬鬯以事上帝是祭天不用裸然亦用秬鬯鬯人之社壇用大罍祭門用瓢賁是社祭等祀亦用秬鬯但郁鬯求諸陰用之于宗廟

掌裸器

鄭康成曰裸器謂彝及舟與瓚○鄭鍔曰典瑞于裸圭有瓚特辨其名物司尊 于 舟特詔其爵辨其用蓋不掌其器郁人取所筑以煮之郁金以和秬鬯實之于六彝故并裸器掌之

凡祭祀賓客之裸事和郁鬯以實 而陳之

鄭鍔曰天地大神至尊不裸此言祭祀謂祭宗廟社稷山川四方裸以求神而出之賓客亦有裸事者以待神明之道待賓客尊之至也

鄭康成曰筑郁金煮之以和鬯酒【○賈氏曰即鬯人所造者】○鄭司農曰郁草名十葉為貫百二十貫為筑以煮之鑊中停于祭前郁為草若蘭

王昭禹曰必用郁者明其德之香【○鄭鍔曰王之裸鬯必和以郁金取其芬芳也王度記云天子以鬯諸侯以薰大夫以蘭芝士以蕭庶人以艾欲芬芳条暢耳○李嘉防曰諸侯未賜圭瓚和酒以薰得賜始用鬯郁金黃色色黃非天子不可用】

凡裸玉濯之陳之以贊裸事

鄭康成曰裸玉謂圭瓚璋瓚【○賈氏曰祭統君用圭瓚大宗伯用璋瓚鄭云大宗伯亞裸容夫人有故攝焉然則王用圭瓚后用璋瓚可知】

鄭鍔曰禮記所謂裸以圭璋用玉器也正謂是耳王昭禹曰濯之所以致潔陳之所以備用于用裸則又因以贊其事

詔裸將之儀與其節

鄭鍔曰詔告以裸將之儀與夫多少之節【○賈氏曰儀即奉玉送裸之威儀奉玉謂王與后裸時奉玉瓚而酌郁鬯云送裸謂送之以授尸尸得祭之啖之奠之不飲故司農上文注云停于祭前也】○鄭鍔曰小宗伯贊裸將小宰贊裸肆師亦贊裸將郁人詔之以其儀節而已

凡裸事沃盥

贾氏曰凡裸事皆郁人沃以水盥手及洗瓚也○易氏曰凡此皆郁人周旋裸礼之次序

大丧之溲共其肆器

郑康成曰肆器陈尸之器丧大记曰君设大盘造冰焉大夫设夷盘造冰焉士并瓦盘无冰设牀防第有枕此之谓肆器天子亦用夷盘【○黄氏曰案肆因裸而为名疑如今沃酌者本以沃神王崩则以溲尸肆器盖所以盛沃鬯非陈器簠之属也】

及葬共其裸器遂狸之

郑康成曰遣奠之 与瓚也狸之于祖庙阶间明奠终于此

大祭祀与量人受举斝之卒爵而饮之

郑司农曰斝读如嫁娶之嫁斝器名明堂位曰殷以斝周以爵

王氏曰斝者先王之爵惟王礼用焉卒爵若仪礼所谓皇尸卒爵是也【○易氏曰裸为祭事之始有始则有终受卒爵而饮之不亦宜乎】○郑锷曰尝得陆佃之說曰宗庙之祭始裸之时尸入于室王与后既裸献矣及杀牲迎尸于堂王即以肝洗郁齐而燔之制祭于主前于此之时尸既即席祝乃诏之使安坐王以玉角酌 酒以献尸后以玉斝酌清酒以亚献是之谓从献郊特牲曰举斝角诏妥尸当此节也郁人賛裸量人制从献之膳脯时相及事相成故受举斝之卒爵酌而饮之【○王氏曰明与之同其事必与之同其福也】以康成之說考之举斝角诏妥尸之时无郁人量人受酌爵饮之法惟有受嘏时受王卒爵饮之礼【谓尸食訖主人酹尸尸酢主人在户东西面受尸酢时尸命祝嘏主人以大福遂以黍稷肺授主人主人承之纳于懷中挂于季指乃拜而饮卒爵执爵以兴出于是有献郁人量人之礼故得以受卒爵而饮之也】故康成改斝为嘏然有改字之嫌陆佃之說虽不改字以理考之方其祭之始献而妥尸荐腥荐熟之礼尚未及行而郁人量人先已得饮卒爵岂合人情也耶

王氏详說曰记曰天子之祭也与天下乐之诸侯之祭也与境内乐之夫乐以天下岂终日之祭而执爵执炙者不 其福乎此郁人量人所以欲举斝之卒爵

鬯人下士二人府一人史一人徒八人

郑康成曰鬯酿秬为酒芬香条畅于上下秬如黑黍一稊二米【○王昭禹曰一稊二米天地至和之气所生名之曰鬯言和气条畅】

郑锷曰以秬为鬯以郁和之分为二官何耶盖裸者祭之始礼之尤重者故使郁人掌其器鬯

人掌共秬鬯而为器之饰重其事故分二官以主之或谓郁鬯专用以裸表其德之馨香足以感神秬鬯专用以祀表其德之中和足以事神其义各有所主故二官分掌岂其然乎

掌共秬鬯而饰之

王昭禹曰郁人所和者乃用以裸鬯人所共秬鬯则不和郁者用之以陈而已郁鬯之有秬鬯亦犹三酒五齐之有酒也此亦反本复古不忘其初之意郑锷曰郑以设巾为饰非也考下文裸器有用脩者有用蜃者有用概者皆以盛秬鬯鬯人所饰者乃此器耳内备其物故鬯必用秬外致其美故器必用饰【○易氏曰鬯人共秬鬯而不言祭祀天地之用是天地之秬鬯纯用朴素而无事乎文采其余未免有饰焉祭社于壇而用大罍若近乎瓦尊然以雷为文则瓦尊之有饰者也祭祭于国门而用瓢斝若近乎匏尊然割瓢以为斝则瓢尊之有饰者也庙用脩者如司尊彝凡酒脩酌之义则以人力脩之而为脩者也凡山川四方用蜃者如掌蜃共蜃器之类蜃则又以蜃物为饰者也凡裸事用概者谓以朱带饰漆尊而横概以落腹者也凡飏事用散者谓散尊虽无琢刻而亦用漆以为饰者也六者之用各因其宜而已】

凡祭祀社壇用大罍

郑锷曰社壇者社之外委土为壇圻其中为坛○王昭禹曰社壇则封人所设王之社壇王社之示比于天地之神为近人情则宜交之以人道故有秬鬯异于人道则非鬼故不加郁而不裸

郑康成曰大罍瓦罍○郑锷曰社祭土以瓦罍出于土器虽出于土然非用人工以陶冶器无自而成祭祀社壇则用大罍以盛秬鬯以见土者人所用力而社神有功于土

祭门用瓢斝

郑康成曰祭谓营鄩所祭门国门也春秋传曰日月星辰之神则雪霜风雨之不时于是乎祭之山川之神则水旱疠疫之不时于是乎祭之鲁庄公二十五年秋大水鼓用牲于门【○王昭禹曰祭则党正春秋祭祭是也】○郑锷曰祭祭必于国门意以灾害屯塞人事有所不通门者人所出入往来交通之所盛秬鬯则用瓢斝盖瓢斝者取甘割去其柢以齐为尊质略无文之器夫雪霜风雨水旱疫疠之变良由政失于此变见于彼兹其为过也大矣君子有过则谢以质故用瓢斝所以表其纯质之义祭之于门以冀其通变之意王安石云雩祭所以除害门所以御暴除害御暴皆所以养人甘则养人之美道以之为瓢又中虚为善容亦有门之象易以艮为门阙八音以艮为匏說爵之意无乃穿凿之甚观祭天用瓦泰瓦甒又用瓢爵礼记言器用陶匏以象天地之性物莫足以称天地之德故贵全素而用陶匏此所谓大罍则瓦甒之类用瓢斝则匏之类皆质而已

庙用脩

郑锷曰考宗庙之中尊盛五齐三酒不盛秬鬯凡此所言裸器非庙中之彝改字为卣非也王安石以脩为饰之义是○王昭禹曰用脩则增饰之以彩色庙以享人鬼人道尚文【○陆氏表记解曰脩爵也乡饮酒义曰脩爵无数】

凡山川四方用蜃

郑锷曰四方山川则用漆尊而画为蜃形先儒谓为蚌蛤一名含浆则是容酒之类余谓此乃海上能吐气为楼台者非蚌蛤之比四方山川为国扞蔽通气乎天地之间蜃之为物外坚有阻固扞蔽之义且能一阖一辟其通亦有时焉故四方山川之裸尊则画以为饰

凡裸事用概

郑锷曰裸事用鸡鸟六 见于司尊彝之官郁人亦曰凡祭祀賓客之裸事和郁鬯以实彝而陈之则裸事不用概明矣大宗伯有貍沈醑辜之祭此下有醑事用散之文则此裸字为貍字无疑矣【○黄氏曰郑改裸为貍沈祭山川之名此指言山川用蜃则非用概也凡裸事则不独祭也知宾客享适子冠凡用裸者皆以概盛鬯】郑锷曰裸事用概概亦漆尊也上下黑漆以朱落其腹为饰犹横概然山林川泽材用百物之所出人所取足而为之神者初无私焉其功利及物可谓平矣【○王昭禹曰凡裸必和郁鬯而多少之齐宜适平故其彝以朱带为饰而横概落腹以概落腹能平物故也】

凡醑事用散

王昭禹曰醑辜以祭四方百物言醑则辜可知○郑锷曰祭四方百物则醑磔牲体其尊用散取其散在四方各以羣分之意○王昭禹曰自概以上皆有饰惟醑事之彝无饰故谓之散与乐之散者谓之散乐车之散者谓之散车同意

郑锷曰上文所谓四方山川者五岳四渎下文所谓貍则山林川泽小宗伯兆四望之下又有兆山川丘陵之文则知山林川泽与四方不同

陆氏表记解曰彝以盛鬯瓢以酌之脩以献之社壇言用大彝祭门言用瓢赍庙言用脩相备也社壇祭门庙言变山川四方貍事醑事言常亦互相备

大丧之大湣设斗共其衅鬯

郑康成曰斗所以沃尸衅尸以鬯酒使之香美者【○贾氏曰鬯酒非如三酒可饮之物大丧以鬯浴尸明此亦给王洗浴使之香美】

王氏曰共其衅鬯既以鬯湣又以衅

凡王之齐事共其秬鬯

郑锷曰王之齐事将以致敬于鬼神秬鬯者非如三酒可饮之物共以给王之浴而已内以致其精明之德外则用其芬芳之物内精明外芬芳宜其馨香之至可以交于神明

凡王吊临共介鬯

郑康成曰以尊适卑曰临春秋传曰照临敝邑○郑锷曰礼记所谓临诸侯眡于鬼神曰有天王某是也王或亲吊诸臣之丧或适四方舍于诸侯祖庙之时虽曰至尊于人之祖先神明有所不敢忽使介执鬯以礼之鬯人共介鬯王亦未尝亲挈所谓天子无挈也【○李嘉防曰非惟安诸侯之室神亦以警人君之不可妄动】

陈氏曰天子无客礼于天下而有挈礼于鬼神天子以鬯为挈共介鬯则以介致之而已观天子宗庙之灌以圭瓚巡狩之灌以璋瓚则挈鬯之礼盖圭璋也天子之挈不特鬯耳其挈镇圭以朝日犹诸侯执圭璧以朝君皆挈瑞也

鸡人下士一人史一人徒四人

郑锷曰王安石谓鸡于十二辰属酉于二十八宿属昂而反列于春官盖鸡之为物向陰伏向阳鸣主于司晨日之晨犹岁之春则鸡东方之畜余以易之八卦观之巽为鸡巽东南也五行东方之木为兑兑不恭是谓不肃厥咎狂时则有鸡祸盖鸡有冠距文武之兑故不为威仪容兑毁则木不曲直鸡祸应之此鸡为东方之畜列于春官【○刘氏曰宗伯主鸡牲鸡牲为物至微而设官者尊祭祀必预畜养之】○薛平仲曰古之事亲者每日鸡初鸣咸盥漱盖人于此时旦昼之所为未交夜气之所存未动精明纯一洞洞属属而无间者也况夫一人行灌事于先而百官严祀事于下鸡人警之于呼旦之时者人心当何如哉是以鸡人次乎此

掌共鸡牲辨其物

郑康成曰物谓毛色辨之者阳祀用騂陰祀用黝

大祭祀夜嘑旦以鼙【古吊反】百官

郑康成曰夜夜漏未尽鸡鸣时呼旦以警起百官使夙兴

凡国之大賓客防同军旅丧纪亦如之凡国事为期则告之时

郑锷曰賓客防同军旅丧纪皆不可后期而晏起既呼旦以鼙之又先期而告之时告之如是虽惰慢废弛之人诿可安枕哉○郑康成曰象鸡知时也告其有司主事者少牢曰宗人朝服北面曰请祭期主人曰比于子宗人曰旦明行事告时者至此旦明而告之【○贾氏曰案齐

诗东方未明序云朝廷兴居无节号令不时挈壶氏不能掌其职焉盖天子备官挈壶直掌漏刻之节鸡人告期彼齐诗是诸侯兼官故挈壶氏兼告期】

凡祭祀面禳衅共其鸡牲

王昭禹曰禳以却灾祸面禳所禳非一方古者诸侯禳于曷及郊于四方皆有禳焉衅以厌妖怪

郑康成曰衅衅庙之属衅庙以羊门夹室用鸡【○郑锷曰衅以除去不祥】

郑锷曰二者之祭用鸡为牲掌共鸡牲又言于此者以面禳衅之用出于非常也

周礼订义卷三十三

卷三十四

钦定四库全书

周礼订义卷三十四 宋 王与之 撰

司尊彝下士二人府四人史二人胥二人徒二十人薛平仲曰郁鬯所以实尊彝而陈之则尊彝不可以不备郁鬯所以泄几筵而灌之则几筵不可以不设此二者各有司存然郁鬯之和人为之功鸡人呼旦人事之警诚敬于是乎至矣彼六尊六彝有定用五几五筵有定制名物用事随其宜而共奉之是亦足矣故前之三职则曰人而此之二职则曰司而命名之义着矣

郑锷曰祭祀之礼用鬯以裸用齐酒以献是以用尊彝之器尊以盛五齐三酒 以盛郁鬯尊则非惟宗庙用以献且上及于天故名曰尊彝则常用以裸故名曰 之为言常也【○郑康成曰 法也言为尊之法也】裸在室而求诸阴献在堂而求诸阳其器虽麤而可陈其义虽防而难知司尊 之官司其器而已【○陈氏曰先儒谓尊实五升 实三升此虽无所经见然 裸而已其实少尊则献酬酢焉其实多此尊所以大于 欵】

掌六尊六 之位诏其酌辨其用与其实

王昭禹曰六尊自献尊至山尊六 自鸡 至雉 郑康成曰位所陈之处【○贾氏曰若礼运云 酒在室醴醎在户之类】酌沛之使可酌各异也用四时祭祀所用亦不同【○郑锷曰辨其所用之宜则尊之所盛者必用以献 之所盛者必用以裸】实郁及醴齐之属【○郑锷曰辨其所实之物则郁鬯以实 不可实于尊齐酒以实尊不可实于 】

王昭禹曰先言掌六尊后言掌六 尊卑之序也至于祠禴烝尝追享朝享皆先 后尊则所用之序○郑锷曰此言六 六尊冢人乃有八尊以盛五齐三酒何也若五尊盛五齐则一尊常无用若以罍盛三酒则不应谓之八尊盖尊与罍分而名之则不同合而言之则谓之尊耳

春祠夏禴裸用鸡 鸟

郑康成曰裸用圭瓚酌郁鬯始献尸也后于是以璋瓚酌亚裸郊特牲曰周人尚臭灌用鬯臭郁合鬯臭阴达于渊泉灌以圭璋用玉气也既灌然后出迎牲致阴气也【○贾氏曰郑引郊特牲证裸以郁鬯之用圭璋也又云既灌然后迎牲谓后亚王裸后王乃迎牲也此注云后亚灌后王乃迎牲与内宰注不同内宰取王事自相亚其实以司尊 为正】郑锷曰裸献必用 尊非苟以为盛鬯齐之器而已各因时而用之时不同则器不同各因时以明义也鬯必盛以 春祠之 则饰以鸡鸡东方之畜岁起于东于时为春也【○王昭禹曰春者时之始而鸡以其司晨而木之属故用鸡彝】夏禴之 则饰以鸟鸟凤也书曰我则鸣鸟不闻指鸟为凤夏为文明而凤具五色文明之禽也【○王昭禹曰夏于五行为火而鸟火属也故用鸟彝

】王裸矣后亚之故用二 王酌其一后酌其一

皆有舟

郑康成曰皆有舟皆有罍言春夏秋冬及追享朝享有之同○郑锷曰尊之有罍备齐酒之乏之有酒岂不备鬯之乏乎舟之制陆佃谓如今世酒船之类酒船喻舟其义甚着【○郑司农曰若今时承槃】但今宗庙中尊罍无此制度耳○易氏曰考之礼制 受三升尊受五升罍受一石郑氏谓舟为尊下台故礼家不言所受此不必论大槩舟之为物量其所受有济物之利受过其量有沈溺之害罍之为物应时而动有泽物之利动不以时有浸淫之患知舟罍之戒则知先王设尊罍之意

其朝践用两献尊其再献用两象尊

愚案此即九献之礼已见笱人

薛氏曰裸者所以求神于陰而礼之也二裸之后有朝事馈食与夫卒食所以备九献而二裸则不与焉朝践以荐腥为主王酌醴齐而始献后亚之诸臣终焉此朝践之三献馈食以荐熟为主王酌盎齐以始献后亚之诸臣终焉此馈食之三献馈食之后尸有献酒之礼此人道之终于是有献尸卒食之事王以玉爵后以瑶爵为一献诸臣亦一献此九献

王氏曰朝践者笱人醢人所谓朝事践指笱豆诗所谓笱豆有践再献者笱人醢人所谓馈食以朝事为初献则馈食为再献朝献即朝践以笱豆言之则曰践以爵言之则曰献相备也馈献即再献也以序言之则曰再以物言之则曰馈亦相备而已【○王昭禹曰祭祀以裸为始而 萧乃在于朝践之后是以礼曰既奠然后 萧又曰建设朝事燔燎羶香裸然后朝践以荐血腥礼所谓腥其俎者是已朝践而后馈食荐以熟礼所谓熟其殽者是也裸者求诸陰故在室中而书所谓王入太室裸是也朝践者阳馈食者陰馈食虽为陰乃所以致食味之道故其节同在于堂而礼所谓坐尸于堂又曰设祭于堂是也且人之生杂乎芒芴之间变而有气气变而有形形变而有生朝践者用气报气而事之以天道馈食者用味报魄事之以人道今特牲少牢之礼自馈食后而尸有饮食之礼此先王之事其亲制之以死生之间者也○李嘉防曰秋冬不曰朝践乃曰朝献不曰再献乃曰馈献春夏属阳生长之时以气为主秋冬属陰物成之时以味为主故秋冬曰朝献曰馈献】

郑锷曰献字本戏字误转为献毛诗传谓之牺尊牺与戏字同音奈何康成读牺为素何切啗为之説曰画为牛形婆娑然甚无理春而耕耕必资牛故春之尊为牺牛之形夏用象尊者象南方之兽其形絶大时至于夏万物丰大故夏之尊为象形既裸出迎牲而入杀牲而献血腥始行朝践之事用两献尊盛醴齐及荐熟之时谓之再献用两象尊盛盎齐必用两尊者王酌其一后酌其一也○陈及之曰一 盛明水一 盛郁鬯一献尊盛齐酒一献尊盛 酒所以裸用鸡彝鸟 朝践再献必两尊【○李嘉防曰经文既曰春祠夏禴裸用鸡彝鸟彝春夏而各用其一明矣至其下曰其朝献用两献尊其再献用两象尊是春用献尊夏用象尊每尊各

两尊以盛酒则特两再秋冬所用彝每一尊用两亦然各随时以致义非鸡 献尊用于春而夏兼之乌 象尊用于夏而春兼之纷杂而无辨也明水之酒则常礼也所不必论酒正以实八尊则有 酒明水合之而为八耳】

愚案此說裸 尽好至說用尊处有碍经言朝践用两献尊再献用两象尊共为四尊每献王与后各酌其一朝践二再献二共用四尊可供四献如所言春用献尊两夏用象尊两何以凑成九献之礼

皆有罍诸臣之所昨也

郑锷曰罍则为云雷之饰○陈祥道曰罍也者仁酒而给于尊者诗曰鉶之罄矣维罍之耻则罍之为器大谓之罍者有雷之象盖雷出以时则利于物反之则为害器之为罍者警之而已记曰终日饮酒而不醉焉此先王之所用以避酒祸也尊者取其止而安【○李嘉防曰在廷之臣如此其众每祭岂四尊所能供必有罍以副之以为诸臣所酢之备故有二是罍之副尊亦由鉶之副罍】

郑锷曰自初裸以至馈食之献王与后各四共为八献诸臣乃酢尸盖不敢与王同尊故酌三酒以酢之共为九献郑谓诸臣酌以自酢岂有此理昨者酢也饮酒之礼百拜三行曰献酬酢而已酢者送也故其字亦为昨有送往之义盖酢以送尸耳何名自饮乎【○薛氏曰九献之后礼节备矣为之尸者可以昨之乎彼王主祭后从王诸臣则从事于祭苟或略焉则礼节弗尽故王始献后亚献尸之昨亦王后先焉言诸臣之所昨岂非徃反报施之礼终于此邪且行人于上公则曰王礼再裸而昨于诸侯则曰王礼一裸而昨是主献賓而賓昨尸也夫人之生以饮食燕乐为相爱之恩以賓主献酬为相接之文及其既亡不忍异而絕之此昨礼所以设也王受昨在尸内之东后受昨在东房之中诸臣受昨在西阶之上司几筵有祀先王受昨之席则后也诸臣也亦莫不然】愚案祭祀有九献今止曰裸曰朝践曰再献而不及酳尸与诸臣为賓之献者王献尸则酌朝践之尊醴齐后献尸则酌再献之尊盎齐诸侯为賓则酌盎齐外无异尊故不必言

秋尝冬烝裸用罍 黄 皆有舟

郑锷曰康成读罍为稼谓秋者万物擎敛之时禾稼西成故裸用罍 以明农事之成【○陆佃曰春秋传曰燕以罍耳赂齐则罍有耳】黄 者画为黄目也人目未尝黄 目则黄气之清明未有如 者故记曰黄者中也目者清明也言酌于中而清明于外也冬者万物归根复命之时裸用黄 言明于外而欲以观其复【○陆佃曰鸡鸟虎雉之 取诸物也罍耳黄目取诸身也】

其朝献用两着尊其馈献用两壶尊皆有罍诸臣之所昨也

郑锷曰秋之时物伤于末将反其本已敛其华将取其实故其献也用着地无足之尊【○王

昭禹曰万物于秋为入入为止而着有止之象故用着尊】冬之时人功已成可劳享之而饮酒矣故其献也用酒壶之尊名曰壶者 藏蓄聚之义记言君西酌牺象夫人东酌鬯尊则知王与后不共尊兹其所以皆两也

凡四时之闲祀追享朝享祼用虎彝雝彝皆有舟易氏曰司农以追享为追及其祖之所出与大宗伯之馈食同谓之禘以朝享为三年丧毕而朝于庙与大宗伯之肆献祼同谓之祫然馈食肆献祼列于四时之首闲祀列于其后岂得谓之祫禘又五年一禘三年一祫乃宗庙大礼岂得为四时之闲祀考之祭法王立七庙一坛一墀曰考庙曰王考庙曰皇考庙曰显考庙曰祖考庙皆月祭之远庙为祧有二祧享尝乃止去祧为坛去坛为墀墀坛有禘祭之无禘乃止去墀曰鬼释者谓享尝为四时之祭时祭之外亲近者为祖为考每月朔朝于庙是之谓朝享亲远者为迁庙之主有禘则追祭之是之谓追享二者为四时闲祀列于祠禴烝尝之后○郑锷曰先儒谓虎者西方之义兽雝似猕猴而大其鼻上向雨则自垂于 以尾塞鼻【○郑康成曰雝属印鼻长尾】盖兽之智也追享及迁庙之主世既远矣犹不忘祭是谓尊尊尊尊至于远祖可以谓之义彝刻以虎以其义也朝享行于祖考之庙亲为近矣每月祭焉是谓亲亲亲不忘乎月祭可以谓之智 刻以雝以其智也○黄氏曰亦画雝为饰也虎彝则画虎也

其朝践用两大尊其再献用两山尊皆有鬯诸臣之所昨也

王昭禹曰大尊太古之瓦尊有反本复始之意禘以义追及其祖之所自出亦以仁而反本复始故用大尊山尊画为山形山则以仁而兴利致养之意祫以养死者之所归合食于祖庙亦以仁而兴利致养故用山尊【○郑锷曰再月之祭所以安祖先之神灵故尊刻以山取其安以致养之意】易氏曰四时闲祀为非常之礼始以人道求之主动终以人道事之主静【○王昭禹曰春夏动之时故象以动物秋冬静之时故象以静物禘祫有四时之义故一以静物一以动物】○易氏曰成周功成治定兼用四代之礼乐四代之乐见于大司乐之职四代之礼于此见之尝考虎彝为有虞氏之宗 泰为有虞之尊山彝为夏后氏之尊又夏后氏以鸡彝殷以斚以着周以牺象以黄目以鲁壶今于六享之闲兼用之

凡六彝六尊之酌

贾氏曰六彝与郁齐为目六尊与醴齐盎齐为目下有凡酒而上不言鬯者文不具也凡言酌者皆是沛之使可酌【○李嘉防曰司尊 所言皆酌酒之事非言齐酒之清浊也其曰献酌者摩莎沛之出其香汁而酌之明酌者茅缩而酌之浼酌者浼和清酒而酌之脩酌者以水洗勺而酌之郊特牲疏云酌是斟酌】

郁齐献酌

郑锷曰郁鬯固非齐名曰郁齐者沛郁必以齐然后可酌以祼献言用齐者明其不可用酒盖郁为最尊沛之以酒则近乎濯沛之以齐乃所以尊之康成读献为莎献即祼献之献何必改

字○刘执中曰郁齐惟裸用之于献最重故曰献酌○王昭禹曰九献之礼始于郁齐故曰献酌【○郑康成曰礼运曰 酒在室醴醢在户粢醢在堂澄酒在下以五齐次之则醢酒盎齐也○贾氏曰郁鬯尊不用三酒而用五齐中盎齐差清者和郁鬯沛之故云浼于醢酒○愚案注疏以此郁齐献酌即郊特牲汁献浼于醢酒也】

醴齐缩酌

贾氏曰醴齐浊还用事酒之清明者和醴齐然后用茅沛之使可酌故为明酌【○郑锷曰左传所谓包茅不入无以缩酒记曰缩酒用茅明酌也正谓是也】

盎齐浼酌

郑康成曰盎齐差清和以清酒沛之而已【○贾氏曰醢酒即盎齐盎齐差清亦不言缩则不用茅○愚案注疏以此盎齐浼酌即郊特牲醢酒浼于清也】○王昭禹曰记曰凡浼新之也又曰醢酒浼于清以盎齐色葱白而尤清故浼以酒【○郑司农曰浼酌者挹拭勺而酌也】

凡酒脩酌

王昭禹曰三酒则人所饮故曰凡酒用以献尸而尸饮焉则尤宜脩治之以致其味故曰脩酌【○郑锷曰脩治使之明洁然后可酌】

【郑康成曰脩读如滌濯之滌滌酌以水和而沛之今齐人命浩酒曰滌○郑司农曰脩酌者以水洗勺而酌】

易氏曰以脩视浼则凡酒为味以浼视缩则盎酒为清以缩视郁则醴齐为淳盖宗庙之中始以人道求之终以神道事之愈近则愈亲故尔○郑康成曰凡此四者裸用郁齐朝用醴齐馈用盎齐诸臣自酢用凡酒惟大事于太庙备五齐三酒○王昭禹曰献用五齐此言醴盎二齐者盖泛齐从醴齐用于朝践缙齐浼齐从盎齐用于馈食祭用五齐三酒者五齐最薄所以致其义三酒致味所以效其实以神事焉故用五齐以人养焉故用三酒

黄氏曰案司尊彝掌器耳郁鬯郁人和而实之则五齐三酒之当沛者皆酒人共奉之司尊彝明其器用使世妇掌之

大丧存奠彝

王昭禹曰朝奠夕彻不即去焉故谓之存○郑景望曰不知神之所享弗忍彻也【○郑康成曰存省也】○贾氏曰大丧之奠有 尊盛郁鬯唯祖庙厥明将向圻为大遣奠时有之奠彻之早晚无文案檀弓朝奠日出夕奠逮日则朝奠至夕彻之夕奠至朝乃彻大遣亦然

大旅亦如之

王昭禹曰有大故而祭亦以丧礼悲哀祈于神故亦存之不即彻○郑景望曰若曰俟神之荅

司几筵下士二人府二人史一人徒八人

易氏曰名官以几筵而所掌者几席举一可以例其一○王氏详説曰筵铺于下席加于上【○陈祥道曰肆于地则衍而为广者筵也加于筵则聚而为饰者席也】而几则立而设之所以待尊者养老有几筵行苇诗所谓肆筵设席与夫授几者是已礼賓客有几筵肆师所谓大賓客涖筵几是已曰几筵以尊卑为序曰筵几以先后为序

掌五几五席之名物辨其用与其位

郑康成曰五几左右玉雕彤漆素五席莞藻次蒲熊用位所设之席及其处○黄氏曰莞筵纷纯加纁席画纯加次席黼纯玉几之席蒲筵纁纯加蒲席纷纯雕几之席莞筵纷纯加纁席画纯彤几之席熊席漆几之席苇席素几之席萑席黼纯同于素几此五几五席之名物疏家谓苇萑不入数

郑锷曰几席之用不同义各有所主名以物之命以别之或用于朝覲或用于祭祀朝覲则位于庙牖之间大射则位于虞庠之中祀先王之席在庙之堂奥受酢之席在庙之西南用不同各因物明义故专设一官司而辨之

凡大朝覲大飨射凡封国命诸侯王位设黼依

郑锷曰论国家之礼事之至大者曰大朝覲大享射大封建命诸侯大朝覲非四时之常朝【○黄氏曰时防殷同也司仪所谓将合诸侯为坛者也】大享射行大享之礼又与诸侯大射【○黄氏曰大享防同享诸侯也掌客所谓王合诸侯而享礼诸侯长十有再献者也大射泽宫之射也】大封建则割裂土宇而使之有国命诸侯则临告列国之君而命之以事凡此皆大礼故仪亦异

贾氏曰尔雅牖户之间曰扆于扆之处设黼黼即白黑文而为斧形此斧以大版为邸即掌次所云皇邸彼郑注云邸后版以此斧版置于扆即以黼扆为總名据纁人云白与黑谓之黼据采色言之若据绣于物上则为金斧文近刃白近鋏黑取金斧割断之义【○陈氏曰刚断者先王之所潜用非向而上之故黼依设于后席用黼设纯于下衣绣黼设于中六服以黼为后其意同○薛平仲曰画斧无柄设而不用之义】

王氏详説曰明堂位以黼依为斧斤之斧字者取其所画之物言之此云黼依为黼黻之黼字取其所画之色言之诸侯虽有黼裘用之于誓省虽有黼裳用之于助祭然初无黼依之制此所以天子之席三重有次席黼纯而诸侯无之

依前南乡设莞筵纷纯加絜席画纯加次席黼纯郑锷曰王位设之依依前必南乡设莞筵而用纷以纯之加絜席而用画以纯之加次席而用黼以纯之既设玉几于左又设玉几于右无非所以明义于依设黼以表王者之威断依前必南乡以表王者之继明【○易氏曰干位在西北白与黑为黼盖取诸西北之干离位在南圣人南面而听天下盖取之正南之离干之体为刚故圣人依之离之用为明故圣人乡之】所设之席则莞筵莞之为物丛生水中【○王昭禹曰莞蒲之细者○陈氏曰尔雅曰莞苻离郭璞曰西人呼蒲为莞莞小蒲席】则完而用之表其德之纯全用纷以为纯【○王昭禹曰织成纷帛】纷如绶有文而狭【○易氏曰莞则筵之清坚者纷绶以为之縁】表其文采之缤纷于莞筵之上加以絜席絜者削蒲翦展之编以五采表其有华藻之文用画以为纯画以云气【○易氏曰絜则席之柔懦者画云气以为之縁】表其文也于絜席之上又加以次席次者比列桃枝之竹以为之【○郑司农曰次席虎皮为席○易氏曰大则席之次列成文者黑白黼以为之縁】表其行事有次序之节用黼以为纯又以表其威断莞筵纷纯以全体为之质絜席画纯以文采为之文次席黼纯以斧形为之断有质为本有文为饰文质备于内然后以断行之于外故莞席在下絜席在中次席黼纯在上朝覲享射封国命诸侯之时其位之所设者若是孰敢不俯伏听命一德以尊天子乎

陈氏曰席有纯犹衣有縁也○郑锷曰以书考之其设席皆以敷重席为言莞筵在地不重者也絜席次席加于筵上盖皆重焉与莞筵为五重则与礼记之説合矣天子之席重而为五则下文诸侯之席亦重可知【○贾氏曰依前南面以下席三重也凡敷席之法初在地者一重即谓之筵重在上者即谓之席已下皆然故序官注云敷陈曰筵籍之曰席礼器云天子之席五重诸侯三重今此天子惟三重者五重据禘祭而言若禘祭当四重时祭皆用此三重○陈氏曰王天下故席用三所以为阳奇而诸侯则地道也重一席所以为阴耦○王氏详説曰礼记所言夏商而周礼所言成周耳】

左右玉几

郑锷曰左右皆设玉几表其恃德以为安○项氏曰玉则其质浑

陈氏曰几王之所凭以安者也王于朝覲防同立而不坐曲礼曰天子当依而立曰覲当宁而立曰朝明堂位曰天子负斧戣而立非有所憑也然必设几者郑氏释太宰谓立而设几优至尊也荀卿曰周公负依而坐诸侯奔走堂下得非所传闻者异欤○郑司农曰顾命云成王将崩命太保芮伯毕公等被冕服憑玉几【○薛氏曰周礼之五几莫尊于玉几书之四几莫贵于华玉几则玉几者华玉几也】

祀先王昨席亦如之

郑康成曰昨读曰酢谓祭祀及王受酢之席尸卒食王醑之卒爵祝受之又酌授尸尸酢王于是席王于户内后诸臣致爵乃设席【○易氏曰于室中西乡而受之非南乡也专言昨席则无几也所同者席而已矣○郑锷曰受酢而设席于户内皆如朝覲享射之位奉宗庙而安祖

考以祭则受福故也】

诸侯祭祀席蒲筵纁纯如莞席纷纯右雕几

郑锷曰诸侯祭祀席蒲为筵则纁缁帛以为纯以莞席加于其上而设雕刻为文之几于其右蒲以见其柔从之意【○郑康成曰不莞席加纁者纁柔嚙不如莞清坚又于鬼神宜】纁以四方相对为文守土一方而以柔从居下文彩外着然后能受命建国保有社稷以其子孙故祭祀之席则然○王昭禹曰有言纁纯有言画纯者盖分布采色则曰纁摹成物体则曰画考工曰青与白相次赤与黑相次若此所谓纁又曰山以章水以龙若此所谓画○易氏曰天子有次席黼纯而不用于诸侯者以诸侯不可尚自然之文不可专断制之义也诸侯有蒲筵纁纯而不用于天子者以蒲不若莞之细纁不若画之工

项氏曰蒲柔而纁采莞坚而粉洁不莞加纁者王之所下诸侯之所上也

薛氏曰诸侯祭祀席右几筵国宾左几则祭祀阴事也故右之宾客阳事故左之郑氏注士虞礼谓主人阳长左鬼神阴长右是也然鬼神虽长右不必皆鬼神故甸役亦右几以甸役阴事

易氏曰天子设几于左右诸侯则阴事尚右阳事尚左亦尊卑之辨一几席之间而大分存焉

昨席莞筵纷纯加纁席画纯筵国宾于牖前亦如之左彤几

郑康成曰昨亦读曰酢○郑锷曰尸酢之席莞筵以尚其质纁席以表其文惟文质兼备所以能受神之福○王氏详说曰天子昨席与祭祀席同诸侯昨席与祭祀席异盖天子至尊可与鬼神同其席诸侯则否亦犹天子之昨酒用醴齐与鬼神同其尊诸臣之昨酒用鬯与鬼神异其尊昨席昨酒不同如此然云昨席则无几祭祀其神冯几乎【○李嘉防曰君道贵刚臣道尚柔人君朝覲飨射命诸侯之大礼既以三重则祭祀以格鬼神受昨以享鬼神之福皆不易乎是席之数此君道纯一之义诸侯有庇民之大德有事君之小心居上治下升龙降龙其道则二故祭祀一席受昨延宾一席】○刘执中曰几则神右而人左席则降王一等而变于神

黄氏曰特为国宾设位于此先郑曰礼记国宾老臣是即掌客诸侯长坎后郑曰诸侯来朝卿大夫来聘皆得用之不几于无章乎○郑锷曰邻国卿大夫来聘是谓国宾主人在阼阶则宾在户牖之间如受酢之席表国宾彬彬之意○郑司农曰为布筵席于牖前

王氏详说曰王氏以诸侯左彤几为祭祀之时下筵国宾则不设几曾不知鬼神之几居右人道之几居左如以左彤几以待鬼神则上文之诸侯祭祀右雕几如以左彤几为诸神之所式凭而用于祭祀之间是非所以礼鬼神然则彤几用之于筵宾者正所以待宾也○郑锷曰设彤几于席之左以表国宾有文明之意○项氏曰彤则赤色以示文

甸役则设熊席右漆几

郑康成曰谓王甸有司祭表貉所设席【○薛氏曰经言甸役不言祭郑氏之说果如所言乎】

郑锷曰田简众役任众必果毅为先故席以熊皮为之熊猛兽之毅而可畏者○王昭禹曰以熊皮饰席或画熊焉

易氏曰几用漆饰示正固也漆几右之陰事也【○郑锷曰设几以依神神幽陰故几在右也】

凡丧事设苇席右素几其柏席用萑【音丸】黼纯诸侯则纷纯每敦【音道】一几

郑康成曰丧事谓凡奠也萑如苇而细者○郑司农曰柏席迫地之席苇居其上○项氏曰柏敦皆未得其说恐是器若玉敦之类敦以承黍稷或曰柏席载黍稷之席此说似通【○郑康成曰敦读为煮覆也棺在殡则椁煮既窆则加见皆谓覆之○贾氏曰棺在殡则椁煮者檀弓云天子敢涂龙輅以椁是也云既窆则加见若既夕礼下棺讫则加见见谓道上张帷荒将入藏以覆棺言见者以其棺不复见唯见帷荒也】

凡吉事变几凶事仍几

郑康成曰吉事王祭宗庙裸于室馈食于堂绎于祊每事易几神事文示新之凶事谓凡奠几朝夕相因丧礼略【○刘执巾曰凶事仍几谓不知其神之或在此在彼凡其位处皆设几如顾命之四仍焉○李嘉防曰吉事不止祭祀凡眡朝觐飧射燕饮无常处也故必变几丧有常事有常处仍几宜矣】王昭禹曰吉事尚文凶事尚质变几以文为尚仍几以质为尚

贾氏曰阮谿云几长五尺高二尺广二尺马融以为长三尺旧图以为几两端赤中央黑○李嘉防曰筵席之间短不过寻长不过常中者不过九尺纯緣之制上不过黼下不过缁布卷之也必自末奉之也如桥衡敷必请向升必由下

天府上士一人中士二人府四人史二人胥二人徒二十人

郑锷曰王者所有之天下无一物之非天寶镇之重则先祖受天命而后传生民之数则天之所付五谷之数则天之所生治中以察吏治则奉天意而行赏罚之法其所藏之府特名曰天大府虽九府之长不过掌财用而已安得而同哉

王氏详说曰天府所藏国之宝器也然岂止于玉哉官府乡州都鄙之治中民数谷数贤能之书皆国之寶是知成周之时以政事为寶以人民为寶以民食为寶以贤能为寶非特寶珠玉而已

薛平仲曰礼寓于灌既足以格于幽防而无歉则是礼之维持于天下者盖可得而恃矣此天

府已下之官皆有以见是礼维持之功欤是故国之玉镇寶器承之于祖而守藏于庙者也夫使是礼之不足以维持天下则僭于天之分者盖有盜而窃之矣是以天府之官首于此虽有守藏之不一而国之玉镇寶器实先焉盖是礼维持之大者府而名之曰天其大可知及夫以玉而制为五瑞所以志天宠因瑞而别为五命所以定天瑞因命而异为五服所以彰天命礼足以保天府之所藏则五瑞五命五服皆由是礼以严其分礼之功用固如此

掌祖庙之所藏与其禁令

郑康成曰祖庙始祖后稷之庙其寶物世传守之若鲁寶王大弓

易氏曰王者之业传之先祖而后受天之命以有天下凡歷代之玉镇大寶器皆得以有而藏之掌祖庙之守藏是先王之器守与其禁令则王者以道守其器【○项氏曰其所守有人则所藏有物】○郑锷曰守藏于此必有禁令以为防守之具然后可保而不坠而人不敢萌覬覦窃取之心

凡国之玉镇大寶器藏焉若有大祭大丧则出而陈之既事藏之

郑锷曰玉之美者可以为国之镇如璧琬琰天球夷玉夏后氏之璜之类器之大者为歷代所寶如崇鼎贯鼎大贝鼗鼓和之弓垂之竹矢封父之繁弱之类康成以为玉瑞玉器之美者藏于此典瑞岂专掌其不美者欤祖庙之守藏则先祖所传者国之玉镇大寶器则国之至寶可与祖物俱传者亦藏于此大祭之时出而陈之以昭其祖先传此以及后陈之者所以昭其功大丧陈之所以昭其能守此以克终康成谓陈之以华国恐不止于华国既事则又从而藏之传其所寶守其所传将以为万世之荣

凡官府乡州及都鄙之治中受而藏之以诏王察羣吏之治

郑锷曰康成之说以治中为治职簿书之要以理考之盖治道中法可为楷式者天府以守寶藏为职故凡内而官府近而乡州遠而都鄙羣吏之治有中法者受而藏之【○贾氏曰不言六遂及四等公邑文略】庶几可用以诏王用此以察羣吏之治使视其中法者以为準式彼簿书之要何预邪○易氏曰官府乡州及都鄙之治中者计治之书也与玉镇大寶器同藏于天府者民亦国之寶也吏尤亲于民者也先王盖深致意焉如登贤能之书于天府而教得其中登民穀之数于天府而政得其中计狱弊讼登中于天府而刑得其中凡此无非治中之书【○刘执中曰治中者治典也然建天下之中故谓六典为治中在顾命曰大训盖与河图共为寶镇矣】天府受而藏之以诏王察羣吏之治则吏道益谨民心益固然后可以永保天命而玉镇大寶器为可守矣

郑锷曰說者谓司防考日成月成歲成以诏王及冢宰废置太宰听百官之致事而诏王废置尚何假于守藏之吏受治中以诏王邪余以为此乃先王保有神器防微杜渐之意也奸宄所以敢萌窺窃之心者良由上之人不能灼见其邪正上之人所以不能灼见之者良由无法以

考察之上下废弛驯致大壞有问鼎之楚子有窃玉之阳虎此圣人所以命天府受治中以诏王盖守之之术欤【○李嘉防曰察治职者天官必天府诏王者是诏以祖宗之意否则吏治纷更中将安在岂足以安祖宗之灵】

上春衅寶镇及寶器

郑康成曰上春孟春衅谓杀牲以血血之○郑锷曰凡寶之所在必有神者主之故杀牲以衅之所以禳却不祥也然必用上春者以明守之不失至歲首而更新新之又新至于无穷欤

凡吉凶之事祖庙之中沃盥执烛

郑康成曰吉事四时祭凶事后王丧朝于祖庙之奠【○贾氏曰小祝大祭祀沃尸盥小臣大祭祀沃王盥此二官所沃盥在祖庙则天府为之执烛为明若士师职祀五帝沃尸盥非祖庙事则不与执烛】

郑锷曰吉凶之事王与羣臣或有事于祖庙掌沃盥以致洁又掌执烛以为明祖庙之守藏惟明智然后能守而不失春秋定八年书从祀先公盗窃寶玉大弓盖因祀太庙而盗得以窃之是知寶镇宝器皆藏于祖庙以明是器由祖先之功德有之而子孙始有亦本于先祖苟非明智何以守之此所以使之执烛

季冬陈玉以贞来歲之嫩恶

郑司农曰贞问也○郑锷曰先王防患遠忧民深故每长虑却顾以为灾害之防尝之日卜蓍弌之日卜戒社之日卜稼犹以为未足以知来歲之休咎又于季冬之月日穷于次星穷于纪歲且更始之时而预卜之方其问 则天府之官陈玉以礼神玉之为物阳精之纯将以交神灵而通之故必用玉也问 者大卜之职天府掌出玉而陈之

若迁宝则奉之

郑康成曰奉即送也○贾氏曰迁寶谓王者迁都则寶亦迁天府奉送之于彼新庙之天府○郑锷曰迁则奉之与宝俱行先王岂以为宝而爱之诚以世守不敢失也

若祭天之司民司禄而献民数谷数则受而藏之郑锷曰考小司寇之职孟冬祀司民献民数于王王拜受之以图国用则祭司民献民数小司寇之职春官司禄之职缺其祭司禄之神或同司民之祭欤司民轩辕之角星司禄文昌宫之星又云下台为司禄禄之言谷也【○易氏曰考之天文志司民为轩辕角其十七星之两角有大民小民司禄文昌三台之第六星天有是星先王以是而名官又使之以民数谷数而登之于天府盖王者以民为天民以食为天此民数谷数之登所以必待乎祭天之司民司禄也】故谷数则司禄之官掌之小司寇献之王受之而登于天府天府受而藏之守寶镇之所赖者在此故也然民数天所付谷数天所生以

养人王者奉天牧民民谷之数藏于天府宜矣必祭司民司禄然后献盖司民者主人命死生之神司禄者主年谷登凶之神每歲孟冬民数登下谷数多寡皆已可知于是祭其所司之神然后献其数天府之官藏之谓夫自是而后有民以守邦有谷以养民祖庙之守藏可谓守而不失矣【○林氏曰歲献民数谷数最为致太平之要务管子曰制国以为二十一工商之乡六士乡十五三分其制而言之即所谓七民而五农夫二工商也先王所以为此者非他为欲等其民数谷数使之本末相当用为来歲之经制故尔至于水旱不虞之至则必有储蓄以待之三年耕必有一年之蓄三十年耕必有十年之储则谓之太平故曰歲献民数谷数最为太平之要务者此也尝考古之民数实见于九官之所治九功之所歌大禹谟之于用周公书之于册仲尼式其版孟子陈其道观其所以讽齐梁滕鲁之君与夫答北宫锜之问毕战之问者率此志之然则自古在昔先民有作其所以经纶图为以富邦国而生万民者其要实在乎此孰谓其可忽而不思以坐视天民之穷哉】

孙氏曰知所当守而不知守之之道则犹不足以守曰贤书能书曰民数谷数曰治中曰盟约皆所以守是器也不知任贤使能孰与先治其国不知忧民足食孰与翼戴厥位官府乡州都鄙之治中所以挈持是器之法邦之大盟约所以维持是器之具皆于天府登之使与玉镇大宝并藏庶乎继体守成之君知所守在此不徒拥虚器以为安矣【○郑锷曰說者谓乡大夫贤能之书献之天王王登于天府不言于此何邪余以为民谷者所资以为守寶镇之具而贤能之书特见其尊之以与鼎寶等非所以为守之之具也】

周礼订义卷三十四

卷三十五

<经部,礼类,周礼之属,周礼订义

钦定四库全书

周礼订义卷三十五 宋 王与之 撰

典瑞中士二人府二人史二人胥一人徒十人

郑康成曰典瑞若今符玺郎○郑锷曰瑞也器也俱用玉以为之同掌于此名官特曰典瑞者盖器以礼神不忧臣下擅改作惟瑞以为合符之验天子以是而验诸侯以知其从违诸侯以是而合乎天子以见其臣服非祭器之比其典之者尤当致严故特以瑞名官

掌玉瑞玉器之藏辨其名物与其用事设其服饰郑康成曰人执以见曰瑞礼神曰器瑞符信也○郑锷曰玉瑞者王与诸侯所执之圭璧使者所执之瑞节玉器者祀天祭地祿先王致四时之圭璧璋瓚也或圭或璧其名不同其色亦异故当辨其名物及其用之也或祀天或祭地或朝日或覲聘或治德或结好或和难故又当辨其用事设纁借以为之饰者内有宝以体之外有文以章之然后礼可观

王晋大圭执镇圭纁借五采五就以朝日

郑司农曰晋读为搢绅之搢谓插之于绅带之闲若带劔也【○贾氏曰凡带有二大带大夫以上用素士用练即绅也又有革带所以佩玉之等今插笏者插于绅之外革之内故曰绅带之间】玉人职云大圭长三尺杼上终葵首天子服之镇圭尺有二寸天子守之

杨氏曰大圭不琢象天道之质朝日次于祀天故晋之镇圭用以朝日故执之【○愚案镇圭說已见大宗伯六瑞】日为众阳之宗上有以参天地之神故用大圭镇圭纁借以朝日

陈氏曰曲礼曰执玉有借者则裼无借则袭左氏曰藻率鞞鞞郑氏谓纁所以荐玉木为中榦用韦衣而画之广褻如其玉之小大盖玉之借以藻而纁之长眡玉采以象德之文就以象文之成君子以贞刚之质存乎内以柔顺借之于外又有文焉然后可以行礼矣玉五采五就色不过五公侯伯皆三采三就降杀以两子男大夫聘玉皆二采者礼穷则同纁或作藻冕藻织丝为之则圭纁亦然郑氏与杜预皆谓以韦为之无据也纁可垂可屈则广于玉矣郑氏谓各眡其玉之大小亦无据也圭纁皆有组以系之聘礼所谓皆 纁系长尺绀组是也璧纁亦然春秋传所谓楚平王再拜皆厌璧组是也【○贾氏曰下文有三采者亦一采而为一就又云二采一就者以臣行聘不得与君同是以二采采为一行二采共为一就凡言就者或两行名为一就即此上下文是也或一匝二行为二就就即等也故聘礼云纁三采六等朱白苍注曰

三色色为再就即六等杂记亦云三采六等注云以朱白苍画之再行行为一等是等为一行行亦为就据单行言之也○】【曲礼疏曰熊氏云五采五就者采别二行为一就故五就三采三就者亦采别二行为一就故三就二采二就者亦采别二行为一就故再就一采一就者以卿大夫卑采则别唯一行共为一就杂记及聘礼云三采六等故知天下诸侯采别为二等也】○王昭禹曰设色者采蓝以为青采沙以为朱五采蓝沙之类也采色一成谓之一就五就则五色皆成也

郑康成曰王朝日者示有所尊训民事君也天子常春分朝日秋分夕月觐礼曰拜日于东门之外【○黄氏曰觐礼载朝日之礼盖时防殷同王既揖诸侯于坛乘龙辂载大旂出拜日于东门之外反祀方明此所谓大朝觐也常朝春朝之日诸侯有修岁事而朝者岂非帅之而出欤国语大采朝日盖曰朝焉】○王氏详说曰经籍有言日不言月者有并言日月者且冬夏致日春秋致月见于冯相氏而尧典于仲夏则曰敬致而已土圭以致四时日月见于典瑞而玉人于土圭则曰致日而已王者父天母地兄日姊月未有祭天不及地未有祭日不及月并言日月者备阴阳之义言日不及月者尊阳而卑阴之义郊之祭也大报天而主日晋大圭执镇圭以朝日则郊之朝于天又可知矣言祀天地之圭而不言朝天地之圭岂其亦大圭镇圭欤

公执桓圭侯执信圭伯执躬圭縹皆三采三就子执谷璧男执蒲璧縹皆二采再就以朝觐宗遇防同于王○易氏曰此圭璧继于镇圭之后即大宗伯以玉作六瑞然上公九命故桓圭九寸侯伯七命故信圭躬圭七寸子男五命故谷璧蒲璧五寸此命数也若桓圭信圭躬圭縹借皆三采三就谷璧蒲璧之縹借皆二采再就非命数也用以借圭璧而降杀寓焉○郑锜曰天子受瑞于天故朝日则荐之诸侯受瑞于天子故朝觐宗遇防同则荐之玉以比德而荐之以柔顺之縹借所以明下事上之道也

郑康成曰三采朱白苍二采朱绿也

郑司农曰以圭璧见于王觐礼曰侯氏入门右坐奠圭再拜稽首侯氏见于天子

诸侯相见亦如之

郑锜曰非特见王之时其荐玉之借若此诸侯自相见亦然因其三采二采之别以知其爵之高下国之小大且以明其邻国交际之礼无非本于文明柔顺之道○郑司农曰亦执圭璧以相见故邾隐公朝于鲁春秋传曰邾子执玉高其容仰

瑑圭璋璧琮縹皆二采一就以覲聘

郑司农曰瑑有圻鄂瑑起○易氏曰此诸侯遣臣聘覲于天子者然公侯伯以圭而其臣亦以圭子男以璧而其臣亦以璧不特此而已圭之外又加以璋璧之外又加以琮臣非可以逾乎君其用异也郑氏谓璋以聘后夫人以琮享之学者遂因以推圭璋之文殊不知玉人曰璧琮

九寸诸侯以享夫人又曰瑑圭璋八寸璧琮八寸以覲聘所谓瑑圭璋璧琮者与圭璋璧琮固自不同五等诸侯以桓及蒲谷饰其圭璧而其臣特瑑之五等诸侯或三采三就或二采再就而其臣特二采一就此所以为尊卑之分【○林氏曰礼于朝覲之玉言其所瑑桓信躬蒲谷是也覲聘之玉言瑑而已瑑圭璋璧琮以覲聘是也若享献之玉诸侯以享天子则不瑑玉人所谓诸侯以享天子是也】

郑锷曰荐玉之纁借皆朱緑二采一就二采所以成文一就所以见纯一之义○郑康成曰大夫众来曰覲【○贾氏曰即殷覲曰视】寡来曰聘【○贾氏曰即时聘曰问】○黄氏曰时聘殷覲皆用之聘公侯伯以瑑圭璋聘子男以瑑璧琮

愚案郑注以此为诸侯遣使于天子黄氏以此为天子遣使于邦国要知王与诸侯之臣通用以覲聘余见玉人之事

四圭有邸以祀天旅上帝

郑锷曰邸本也朝宿之邑谓之邸旅者所宿亦谓之邸邸有托宿之义四圭有邸者以璧为邸四面合瑑出一圭托于是也璧以为邸以象天之体四圭邸于璧以象天由体以致用必用四圭者象天道运行周徧四方神无不在之意【○易氏曰璧之色苍琮之色黄圭之色异不应一玉可以俱成也邸以托宿为义则是四青圭而托于苍璧两青圭而托于黄琮以此求之方合玉人之制】○刘氏曰天以一气为四时生万物五帝四时之宰也易曰帝出乎震是也四圭有邸象四时本出于一气五帝而本自于一天也○王昭禹曰祀天谓圆丘之祀天神也旅上帝则五帝在焉以其及众神故谓之旅【○孙氏曰国有故则旅旅者合昊天与五帝并祀也】

两圭有邸以祀地旅四望

郑锷曰以琮为邸两面各瑑出一圭托于是也邸于琮以象地之体圭之两也言地道之利用不足于天亦以见地数二之义【○刘氏曰圣人作易二昼为坤以象地之形象所以两圭有邸法坤之义】○王昭禹曰祀地谓方泽之祭大 也旅四望则五岳四渎在焉

陈及之曰宗伯所谓苍璧黄琮典瑞所谓四圭两圭也苍璧黄琮言其色四圭两圭言其形以此推之凡夏正祈谷孟夏大雩季秋大享若祀天则冬至圆丘用四圭之苍璧祭地则夏至方泽用两圭之黄琮祭天地之处则止于圆丘方泽安有天帝之别昆崙神州之异哉郑氏以宗伯苍璧所礼为圆丘郊天皇天帝典瑞四圭所礼为祭感生之帝其説则曰三王之郊一用夏正建寅之月凡王者受命必感五行之气以生则祭其所生之帝若周以木德而王则祭青帝灵威仰以火德而王则祭赤帝赤熛怒其学盖自后汉光武好防当时士大夫相承传之康成最为精于纬书其曰三王之郊一用夏正是月令孟春天子以元日祈谷于上帝者非郊天也○易氏曰大宗伯之六器以苍璧礼天以黄琮礼地大司乐之职冬至则礼天于圆丘夏日至则礼地于方泽谓之礼则礼之常若夫四圭有邸两圭有邸用之于祀亦用以旅然国有大

故则旅上帝及四望有故而后称旅乃与祀天地同其五祀岂礼之常者乎是不然璧负象天而四圭以象天道之全琮方象地而两圭以象地道之偶托之于邸用以祀天地则亦礼之常者旅特通用之而已盖以上帝四望为主而谓之大旅则天神地 以下皆与于祭此所以兼用礼天地之玉

裸圭有瓚以肆先王以裸賓客

郑锜曰裸圭尺有二寸有瓚其制如槃【○郑康成曰汉礼瓚槃大五升口径八寸下有槃口径一尺】然其柄用圭有流前注防为龙口之形所以挹鬯以裸神与賓客也说者谓祀先王谓之肆于賓客则以裸为言何邪康成谓以祀先王者肆解牲体以祭因以为名余以为既裸然后解牲体今名裸为肆非其序也肆陈也郁人和郁鬯以实彝而陈之凡裸玉濯之陈之皆谓肆为陈圭瓚陈于先王之前而用以灌祭故先儒以为肆者灌祭先王待賓如事神然故其礼有裸所谓上公再裸之类是也嫌賓客人也不当裸故特以裸言之【○陈氏曰唯天地之神无所用裸故典瑞裸圭止于先王玉人裸圭止于祀庙则天地无裸可知礼曰诸侯赐圭瓚然后为鬯诗曰厘尔圭瓚秬鬯一卣而鲁晋之国皆用以其有功于民祭统所谓君执圭瓚裸尸大宗伯执璋瓚亚裸此诸侯用玉瓚之礼周衰礼废而臧文仲以鬯圭如齐告余岂知先王所以赐周公之意哉】○易氏曰賓客亦有裸【○郑康成曰爵行曰裸】即大行人所谓王礼再裸一裸之节賓客亦有肆即大行人所谓享礼九献七献五献之序先王言肆賓客言裸互文

圭璧以祀日月星辰

郑锜曰以圭邸于璧之上瑑出一圭也日月星辰丽乎天其用各主乎一故用一圭其体则托乎天故以一圭而邸璧○易氏曰一圭而邸以璧故谓之圭璧璧负固所以象天一圭所邸则于天道为不足故以之祀日月星辰○王氏详说曰朝日以大圭镇圭祀日月以圭璧是朝与祀异矣

璋邸射以祀山川以造赠賓客

郑锜曰半圭曰璋射者琰而出也半圭之璋邸于琮而从下向上皆邪却而琰出故谓之射【○郑康成曰璋有邸而射取杀于四望○林氏曰璋邸射素功以其刮摩之功略也郑氏以素功为无瑑饰若然是四圭两圭圭璧之类有瑑饰乎○李嘉防曰璋邸射之制体方而扞外也体方则守而不变扞外则邪剡而有威体山川之形以扞御而望诸侯也无所瑑饰贵乎纯诚守义而已玉人于璋邸射特曰素功夷其无瑑明也】璋以象陰之任事又从而邪杀之如矢之射见通贊之义以此祀山川则小宗伯所谓兆山川丘陵坟衍者是也賓客之至以此致稍饩賓客之还以此致赠贿【○项氏曰至馆而致饩则曰造出郊而致赐则曰赠】所用与山川同者山川为国之扞蔽賓客之来亦以礼相接以扞蔽其国家故也○易氏曰琮方固所以象地半圭所邸于地道为不足于以祀山川造赠賓客

土圭以致四时日月封国则以土地

郑康成曰土地犹度地也○郑锷曰土圭尺有五寸上可以度天时下可以测地理欲知天时则植之以观春夏秋冬之景冬至日在牵牛景长丈有三尺夏至日在东井景长尺有五寸则日之行可知春分日在娄月上 于东井而负于角下 于牵牛秋分日在角月上 于牵牛而负于娄下 于东井则月之行可知谓之致者植土圭于此使景自至于此则以致乎四时之日月者欲知地理则植之以观东西南北之景以一寸之景知千里之遥以一分之景知百里之近封建诸侯则以此度其地

王昭禹曰玉人言土圭尺有五寸以致日以土地言致日不言月盖主成岁而言成岁者阳而已

珍圭以徵守以恤凶

易氏曰珍有贵重之义○郑锷曰攷玉人之职不言珍圭杜氏谓珍当为镇康成谓为王使之瑞节其制大小当与琬琰相依不以为镇圭者人君守之以镇安天下之圭安可付之使者执以出使乎然诸侯守土王欲徵之凶 之际王欲恤之遣使以往诿可无所执此所以作珍圭惜其尺寸不传今无所攷非镇圭断可知矣杜子春言诸侯为一国之镇凶 民有远志欲镇安之其说则然改字以从已意不可也

牙璋以起军旅以治兵守

郑锷曰半圭曰璋长七寸瑑为齿牙之形取牙齿之刚利能噬齧兵之象故执以起军旅若屯兵于外守要害之地有不率纪律者执此以治之○李嘉防曰兵者服人之难服如牙之噬物必合而后止故以之起军旅所以治外以之治兵守所以齐内牙璋则军旅之大者用之中璋则军旅之小者用之【○林氏曰郑康成曰牙璋中璋皆有鉏牙之饰于琰则先言牙璋有文饰也贾公彦曰军多以牙璋军小用中璋中璋亦有鉏牙但牙璋文饰多故得牙名而先言春秋之时宋司马请瑞以命其徒攻桓氏魏有兵符汉有铜虎符发郡国兵皆此类也】○礼库曰古者五侯九伯二伯专征而诸侯皆共四方之事畿兵不轻出以周礼司马法参攷王有四方之事则冢宰徵师于四方曰某国不道征之以某月某日师至于某国小宰掌其戒虎贲奉书以牙璋发之则畿兵不遽出也在易未济高宗伐鬼方三年有赏于大国则虽天子亲征亦用诸侯之师诗周王于迈六师及之则所在皆成六师刘文公平丘之防对晋人曰天子之老请帅王赋元戎十乘则虽王人涖师无过十乘以为先行宣王复古北伐其制如此平王东迁以王人戍申甫扬之水始刺之然春秋之时桓王伐郑犹有陈蔡衛人二百四十年闲王人防伐屡矣左氏未尝见车之出唯败绩茅戎王师自出春秋深讥焉

璧琬以起度

李嘉防曰注以琬者不负之貌本径九寸傍减一寸以益上下故高一尺横径八寸夫璧负九

寸好三寸肉倍之美而长之则十寸而傍减为八寸十寸尺也八寸亦尺也十寸之尺起度则十尺为丈十丈为引八寸之尺起度则八尺为寻倍寻为常如是则九寸之璧一纵一横皆可以为尺盖通变之权也盖必因九寸而美之九天数也可以变通矣○郑锷曰先王为度之意正以量长短然虑后世度苟不存则欲制作者将无所攷故广为之制以存之有黄钟之长以为之度则其度起于九寸有璧美之长以为之度则其度数起于一尺自九寸而积之所谓律吕以作乐者有所攷自一尺而广之所谓器用以行礼者有所攷乐之数必起于九以九者阳数而乐由阳来礼之数必起于十以十者阴数而礼由陰作【○王氏曰度之在乐则起于黄钟之长在礼则起于璧美先王以为度之不存礼乐之文熄故作此使天下后世有攷○刘执中曰度起于黄钟之长权起于积黍之重又为美璧则尺寸不可移矣又文组琮则权衡不可欺矣则五量不言其制已辨也】

组圭璋璧琮琥璜之渠眉防璧琮以敛尸

贾氏曰此六玉两头皆有孔又于两孔之闲为沟渠于沟之两畔稍高为眉琿故云以组穿联之○王氏曰六物皆为渠眉璧琮又防焉

郑康成曰敛尸于大敛加之圭在左璋在首琥在右璜在足璧在背琮在腹盖取象方明神之也防璧琮者通于天地【○贾氏曰圭在左已下皆约大宗伯青圭礼东方等文以尸南首而置此六玉宗伯璧礼天琮礼地今此璧在背在下琮在腹在上者以背为阳腹为陰也】○刘氏曰王者之孝莫大于严父配天故其敛也以礼天地四方之玉器为之

谷圭以和难以聘女

郑康成曰谷圭亦王使之瑞节○易氏曰谷善也若天子遣人和诸侯之难及遣人聘女于诸侯皆以谷圭行之可以释诸侯之怨恶可以图诸侯之交好所谓善者取此○郑锷曰圭之长七寸而为文如谷粟者名曰谷圭盖与谷之文同也谷粟之为物充实而能養人王者于诸侯欲使之协比而已苟有难焉不相协和则遣使执谷圭以和之欲使之信实相与且安其生生之福故曰以和难【○郑康成曰难仇雠和之者若春秋宣公及齐侯平莒及郟晋侯使瑕嘉平戎于王】昏礼有六其五用鴈独纳徵不用鴈以其束帛可执故纳币用 纁天子加以谷圭欲其信实相亲且以生生而不絕故曰以聘女

琬圭以治德以结好

郑康成曰琬圭亦王使之瑞节○陈用之玉人解曰琬圭负其锐使宛而不剡琰圭锐其末使剡而不宛○郑锷曰圭长九寸不锐而负者名曰琬圭琬犹负也圭之形皆锐其上以表其用之利此则负之凡物尖则逆负则顺故不锐而负者所以见柔仁而无所不顺之意惟其仁柔而顺故诸侯于德有所不顺者则执此以治之使去凶德而修其吉德【○黄氏曰凡诸侯之有其善德者天子遣人以琬圭旌表之及诸侯使其臣来聘亦执此以命事行人言时聘以结诸侯之好是也】诸侯于好有所未讲者则执此以结之使之去仇怨而结其和好欲其仁柔

婉顺欢爱相从也○易氏曰交好本于执德之不回故治德为大结好次之郑锷曰此谓之治德玉人谓之象德盖中和柔仁者德之体故负其圭以象之自其制作而言故玉人谓之象典瑞则自王遣使而言故谓之治

琰圭以易行以除慝

郑康成曰琰圭亦王使之瑞节○郑锷曰司农谓琰圭有锋芒伤害征伐诛讨之象然攷玉人之制未尝有锋芒故礼图谓锋芒之言有违判圭之义唯半于圭乃得圭名琰圭亦九寸玉人谓之判圭判者半凡圭皆琰其上寸半而已此则琰其半以上又半为瑑饰之文其半规以象仁其半琰以象义仁义各居其半而不纯乎用兵诸侯所行有不善执此以责诘之使之改易焉治民之政有慝恶执此以戒谕之使之除去焉行人谓殷纣以除邦国之慝此除慝者谓殷纣之所执盖诸侯政慝未至于可诛故责之使改行除恶所谓爱之以仁必有诘责之辞所谓责之以义○黄氏曰易行其恶未着使迁善慝则其恶成矣除恶蠲其罪

林氏曰圜而宛之仁故以治德以结好剡而有锋芒故以易行以除慝

總论

黄氏曰时聘无非结好使者执瑑圭璋璧琮以行礼又执琬圭褒赏有德亦执之殷纣无非除慝使者亦执瑑圭璋璧琮以行权又执琰圭焉戒敕过行亦如之是则聘纣礼同而事异故以宛着其义

大祭祀大旅凡賓客之事共其玉器而奉之

郑康成曰玉器谓四圭裸圭之属○郑锷曰大祭祀天地宗庙之祭大旅旅上帝及四望賓客所用者裸圭也祭祀所用者四圭两圭之类典瑞共其器又奉承以往也

大丧共饭玉含玉赠玉

郑康成曰饭玉碎玉以杂米【○贾氏曰饭玉者天子饭以黍诸侯饭用粱大夫饭用稷天子之士饭用粱诸侯之士饭用稻其饭用玉亦与米同时此即檀弓云饭用米贝不以食道郑云食道褻米贝美是也】含玉柱左右顛及在口中者【○贾氏曰含玉有数有形杂记云天子饭九贝诸侯七大夫五士三贝者郑云夏时礼以其同用贝故也周天子诸侯皆用玉亦与饭同时行之】赠玉盖璧也赠有束帛六币璧以帛【○贾氏曰赠玉者既夕礼葬时棺入坎赠用 纁束帛即天子加以玉是赠先王物】

贾氏曰按玉府大丧共含玉此又言之者玉府主作之此官主其成事而共之

凡玉器出则共奉之

黄氏曰出对藏不用藏之用则出之出则固当共奉之王所赐出玉府内府典瑞不与郑说非也○易氏曰共者共其物奉者奉其事此职皆言玉瑞玉器之名物用事而于职末言共奉之者重其事也

郑锷曰上言共其玉器而奉之主于祭祀賓客嫌其他事之时或不共奉故言凡玉器出则共奉之见其无往而不共奉

王氏详说曰天府所藏以为国之宝典瑞所藏以为国之用故天府言若迁宝则奉之而典瑞特言凡玉器出则共奉之

典命中士二人府二人史二人胥一人徒十人

项氏曰万物制命于天臣制命于王故谓之典命郑锷曰观春秋书王使荣叔来锡公命诗人美宣王能爵命诸侯则命出于人君之所锡也然自一命以至九命有等降之差视命数之差则可以定隆杀之仪是则仪出于命矣典命之官以中士二人为之掌臣下命数之书所以纪实而传信也所掌者仪与命而特以典命名官者盖无是命则无是仪○贾氏曰典命迁秩羣臣亦是礼事又爵命属阳故在此

掌诸侯之五仪诸臣之五等之命

郑康成曰五仪公侯伯子男之仪五等谓孤以下四命三命再命一命不命也或言仪或言命互文也○郑锷曰诸侯有仪必本于命诸臣有命亦必有仪于诸侯特言仪于诸臣特言命何也盖诸臣之命为卑其于仪未必有僭越之差所先辨者莫急于命诸侯之命为尊其于仪也有觊觎之嫌所先辨者莫急于仪【○易氏曰诸侯未尝无命以仪为实诸臣未尝无仪以命为节故也】然大宗伯以九仪之命正邦国之位则是命有九此言诸侯五仪诸臣五命者盖典命所掌者羣臣迁秩命数之书大宗伯则合九等之命所用之仪以正位于朝廷不数不命之士以其卑而无列于朝也

上公九命为伯其国家宫室车旗衣服礼仪皆以九为节侯伯七命其国家宫室车旗衣服礼仪皆以七为节子男五命其国家宫室车旗衣服礼仪皆以五为节○王昭禹曰上公有功德者命为二伯二伯虽同于九命九命者未必皆为伯也公其爵也伯其职也若自陝以东周公主之自陝以西召公主之此王制所谓八伯各以其属属于天子之老二人以天下为左右曰二伯是也○王氏详说曰为伯者称公则终其身而二王之后称公者则及其子孙周公封鲁不之鲁太公封齐不之齐所以称公者终于其身而已而其后世不过曰齐侯鲁侯而已宋自防子以来庸建于上公终春秋之世未尝不曰宋公盖二王之后及其子孙得称公者所以备三统三公之后其子孙不得称公者所以旌有德○郑康成曰国家国之所居谓城方也公之城盖方九里宫方九百步侯伯之城盖方七里宫方七百步子男之城盖方五里宫方五百步○郑锷曰先儒据匠人营国方九里之文谓周天子之城则宜十二里疑匠人为夏商之法余以为匠人据天子中城言非异代之制上公之外城比天子之中城以九里为节宫室则方九

百步车旗则建常九旂樊纓九就贰车九乘衣服则冕服九章其他礼仪皆以九为节则桓圭九寸纁借九寸介九人礼九牢朝位賓主之间九十步之类是也

王昭禹曰自上公而下降杀以两礼文之数即其命而制之王制曰三公一命衮若加则赐也不过九命次国之君不过七命小国之君不过五命亦若此○郑锷曰公卿大夫则以八以六以四公侯伯子男则以九以七以五者盖内而为王臣其位之尊虽为三公亦臣道也外而为诸侯其国之小虽为子男亦君道也君道南面取法乎阳故公侯伯子男之数皆奇臣道北面取法乎陰故公卿大夫士之数皆偶义各有所取也

王之三公八命其卿六命其大夫四命及其出封皆加一等其国家宫室车旗衣服礼仪亦如之

郑锷曰此皆言在朝之命数也卿即上大夫耳大夫则指中大夫下大夫而言自上士中士下士一命再命三命推而上之则中大夫下大夫同于四命其五命不以命在朝之臣故卿六命其七命亦不以命在朝之臣故三公八命其数皆偶然三公与卿大夫在朝未尝无畿内之封邑【○郑康成曰出畿内封于八州之中○贾氏曰畿内诸侯就国亦云出封】及其就封畿外然后加一等之命以褒崇宠异之故八命之三公加一命则为侯伯四命之大夫加一命则为子男命数既加则国家宫室之类亦从其命数而加之明其内而近君则其势屈其礼宜杀外而遠君则其势伸其礼宜隆故也【○陈君举曰及其出封皆加一等则劝人之际斯有异恩如加旧无颁爵之等每有不尽之意若当时都极其分了一旦欲劝国征有以褒赐之类皆是人何以待之先王之深意也】

李氏曰古之立王朝者无九命之公后世人臣宠命之极隆如所谓位上公加九锡者失周家之礼意甚矣○陈君举曰典命之大夫无中下之别案序官有中下大夫则曰命大夫自分为中下似若侯伯同七命子男同五命爵则有高下不同士以三命为差但典命直言公卿大夫之命者欲见有出封之事故曰其出封皆加一等士爵卑无出封之理故不言也彼士之命数既不言加三命以下者正见序官有上士中士下士三等典命除六命四命无三命二命一命郑则约之上士为三命中士为再命下士为一命若然王朝三公八命卿六命大夫四命皆为陰爵以待出封为诸侯乃为阳爵九命七命五命士既不得出封故在王朝有三命一命亦为阳爵无嫌【○郑锷曰典命不言天子士之命数独言诸侯国之士盖近而在朝名分严遠乎朝者易萌 拟故防诸侯之国为尤急自士已防之推而上可知】

易氏曰成周之制有以公卿大夫而出封者齐鲁晋衛也有以诸侯入为天子之公卿大夫者芮伯彤伯衛侯毛公是也或出或入乃成周内外相权大制○孙氏曰在外者数隆在内者数杀止斋以为先王欲抑内重外轻之患归于平故于命数致意焉余攷之内重外轻此后世之弊先王之世未之闻也诸侯之中择其材贤入为王官诸臣之中勲名已着则出封邦国书记六卿芮伯彤伯毕公衛侯毛公在焉皆自诸侯为王官者下至吕伋为虎賁氏滕侯为卜正先王岂以人情所乐而求以抑之哉及太公封齐召公封燕周公封鲁皆因三方未定封以镇之周公卒不就国伯禽嗣焉又岂以人情所不乐而以褒之哉内则俛首而为臣不致其杀无以

絕僭上之阶外则南面而为君不致其隆将无以全君临之体更出迭入特于车旗衣服礼仪之间示损益初非欲平内外轻重之势○王氏详说曰毛氏之说以为出加入减先郑之说以为出加入亦加且毛氏见无衣之篇有岂曰无衣六兮之语遂谓晋武公以侯爵而衣六章是入减也先郑见宗伯之职有六命赐官之语遂谓子男五命入而为卿是入亦加也然无衣之篇诗人之意欲武公入为天子卿士虽六命之衣亦自有所愿为也毛氏失诗人之意矣宗伯之职谓内而卿士之有官人者非谓子男之入为卿士而赐官也先郑失礼家之意矣出加入不加当从郑说

凡诸侯之适子誓于天子摄其君则下其君之礼一等未誓则以皮帛继子男

郑康成曰誓犹命也明天子既命以为之嗣树子不易春秋桓九年曹伯使其世子射姑来朝行国君之礼是【○黄氏曰此其君有丧有疾不能朝而使其世子摄者犹谓之君礼也】○王昭禹曰已成其为君之嗣故摄以行礼则降一等焉避国君之正也○郑康成曰公之子如侯伯而执圭侯伯之子如子男而执璧子男之子与未誓者皆次小国之君执皮帛而朝防其賔之皆以上卿之礼焉易氏曰诸侯得以世爵象贤也世必以嫡正分也于是父死则嫡子继之嫡子死则嫡孙继之杜 乱之源定上下之志其先于此然使诸侯自以嫡继而不禀王命则何以奔走天下故周之王者虽不废万世之定分亦未尝无轻重隆杀之权凡世子受命于王则有文告之辞申戒饬之意故谓之誓已誓者摄其君而至其待之之礼降其君之礼一等若未誓则未有嗣诸侯之义故以皮帛继子男而无正礼所以尊天子之命上以尊天子之命下以定万世之分而政行矣

王氏详说曰三帛之制尚矣舜典所载先儒以为 执皮帛与夫诸侯之适子未誓者以皮帛继子男公之 以皮帛眡小国之君是已典命所言但诸侯之适子未誓者及公之 而已初不言天子之 宗伯言 执皮帛其天子之 欵天子之 六命此虽不言 然言其卿六命则 在其中皮帛者以束帛加虎豹之皮也天子之 六命上公之 四命六命之 所执者虎皮也四命之 所执者豹皮也若夫诸侯之适子未誓者继子男亦不纯乎子男也公之 视小国之君亦不纯乎小国之君也此又见周公制法之意春秋桓九年曹伯使其世子射姑来朝左氏以为賔之以上卿为礼是不纯乎子男明矣行人之职云凡大国之 执皮帛以继小国之君出入三积不问一劳朝位当车前不交俎庙中无相以酒礼之是不纯乎小国之君也明矣

公之 四命以皮帛眡小国之君其卿三命其大夫再命其士壹命其宫室车旗衣服礼仪各眡其命之数侯伯之卿大夫士亦如之子男之卿再命其大夫壹命其士不命其宫室车旗衣服礼仪各眡其命之数

郑锷曰上公为至尊其国得以立 所以相之犹汉时所立诸侯王之相自一命之士推而上之士惟一命大夫再命卿三命故 四命四命盖比天子之大夫名同天子之 位比天子之大夫名虽同而位不同此所以有天子诸侯之臣之别也执皮帛者见其德足以衣被乎人而文足以炳蔚乎外其礼仪则如子男者天子之大夫出封则为子男公之 比天子之大夫

故得以视子男之君左传谓列国之卿当小国之君正谓是【○郑康成曰视小国之君列于卿大夫之位而礼如子男】○易氏曰公之 四命则上同乎天子之大夫执皮帛以眡小国之君则又上同乎天子之 然天子之 执帛而加虎皮大国之 执帛而加豹皮此其辨【○王昭禹曰王之 与公之 皆谓之 以其特立而无朋其德则同其执皮帛以眡小国之君固其宜也】○王昭禹曰上公九命则其臣命之隆者不得等其君命之半故 四命而已卿次于 故三命大夫次于卿故再命士又次于大夫故一命侯伯之君与公异命其卿大夫士之命与公同者盖自其君之命数为之降数公九命而有四命之 侯伯不得设 故进其三命之卿与上公之卿同焉以其臣命之隆者不得等其君命之半则进侯伯之臣与公之卿大夫士同命亦可致其劝而无嫌矣【○郑锷曰余考春秋成三年晋使荀庚卫使孙良夫来聘公以为中行伯之位在三孙子之位为上卿疑其所先而臧宣叔曰次国之上卿当大国之中中当其下下当其上大夫小国之卿当大国之下卿中当其上大夫下当其下大夫上下如是古之制以宣叔之言观之则次国之上卿只可当大国之中卿是则侯伯之卿不得以比公侯之卿乃与兴命之文不合盖典命言其命之数相同宣伯所言者论其位之相当其命则同而位则降等此其所以异也】○王氏详说曰王制次国之卿与大国之卿异今侯伯之卿大夫士亦如之盖王制所言夏商制夏商上国无 其卿不得不与次国异周之上国有 次国无 是降于大国一等矣卿大夫士之命一同者亦无复嫌于其间也

郑锷曰其卿三命比天子之上士其大夫再命比天子之中士其士一命比天子之下士宫室车旗衣服之类各从其命数为之等降以其未有国家故不言国家侯伯之国无 惟有卿大夫其命与其礼仪之类皆视其命数为之制小国之卿再命比天子之中士大夫一命比天子之下士其士不命则其君所自辟除说者谓再命之卿一命之大夫其宫室车旗之类固有可眡之命乃若不命之士将安所眡耶余谓其君所辟除亦得比附一命之士以为之仪而略减杀也盖不依一命之士则宫室车旗之类无所取法殆将与庶人未仕者等矣先王之制命数视其国之小大而已

總论

林椅曰诸侯有五仪而命数止有九七五三等诸臣五等而八六四三二一乃有六等盖公侯伯子男皆命为之非叠其命而得至焉者若士至大夫则有累其命而为之者矣故诸臣言等自五命以上则同于子男矣故侯伯子男各言仪

周礼订义卷三十五

卷三十六

钦定四库全书

周礼订义卷三十六 宋 王与之 撰

司服中士二人府二人史一人胥一人徒十人

陈君举曰司服掌王及命夫之服弁师掌其弁冕而皮弁丝屨皆藏于天府之属既成而颁盖冢宰制国用宗伯受之以共服御汉初有御府令掌御衣服东西织室亦有令皆属少府费悉出于禁钱不以调大司农齐三服官亦主作服输不过十笥其后寢侈○又曰典瑞命司服凡士六人巾车典路车仆司常凡大夫二人士四十二人节瑞命数服饰车旗之用所以表尊卑而寓之数皆典礼之大者秦制车乘主于太仆符玺属于少府瑞止玺印佩止绶褫衣服车旗之章亦多依戎事务使利便凡古所以辨班服之等悉阔略不讲其存者非文具则徒法也非所以为礼汉因不改于是数者分于有司而太常特为仪官不与政通矣自北齐置主爵后为司封则秩命归于吏部自魏晋置驾部则车舆归于兵部自隋置中监尚辇又别领于内省至此并汉失之奚暇治礼耶

掌王之吉凶衣服辨其名物与其用事

郑锷曰王之吉服九自大裘至 冕冕服六自韦弁至冠弁弁服三所谓皮弁素积 衣素裳缁衣 端總而言之皆曰吉服自服弁服至弁经是之谓凶服吉则以文饰为主凶则以质素为尚皆欲其称事称情而已司服辨其名物与其用事或以祭或以朝或以甸或以吊非徒以章身为观美也其被服以行礼则有不易之理人之观之也亦知其尊卑之差此所以贵其辨○易氏曰自王以下皆有吉凶衣服者礼自王始

王之吉服祀昊天上帝则服大裘而冕祀五帝亦如之郑锷曰祭祀以致福福者事之至吉六冕之服谓之吉盖专服以祭也

愚案天帝义已见大宗伯

郑锷曰羔裘无经纬之文而有纯一之质无绣绘之巧而有自然之体其色纯乎黑则以象道其物能致恭则以象礼不谓之羔裘而谓之大者惟天体为甚大故以名祀天之裘所以象其体也惟大裘之上裘之以裘故记裘谓之被言被之于其上且祀天宜尚质反被以裘盖陶匏藁秸圆丘埽地虽主乎质镇圭之纁以借龙旗之日月四圭有邸六变之乐又主乎文内尽质外尽文以尽事天之道【○陆氏曰先王祀天以冬至之日为正而裘又服之本也故取大裘以名之然裘之上未尝无衣而衣之下未有用裘】凡冕之制版广八寸长倍之前负后方后仰前俛饰之以布上 下朱负其前而俛之向明与物交之义方其后而仰之向晦与物藏

之义上 以象天道之升下纁以象地道之降名之曰冕言当俛以致恭之意

易氏曰王之吉服六自袞冕而下皆有章数惟大裘无章以黑羔皮为之冕即 冠无旒之冕【○愚案此乃注防图说或以服既同冕岂曰无旒】是冕与袞之尚乎质也然司裘以大裘为祀天之服此则言祀昊天上帝而兼及五帝者天道尚质其用一而已若袞冕以下之五冕则人道以文为贵○郑锷曰五帝虽天之佐而与天同体故祀之服亦可得而同四圭有邸奏黄钟歌大吕舞云门其玉其乐皆同其服何疑之有

享先王则袞冕

郑司农曰袞卷龙衣也○郑锷曰袞之为言卷也画升降二龙龙之为物变化卷舒无常王者之德造化如之故服之以致享然袞服自龙始其章九【○杨炯曰袞之衣五章裳四章凡九也衣法天数奇裳法地数偶也】不用十二章享之何耶盖凡奉祭之服从尸之所服周之先王追王也其尸服袞故王亦服袞以享之

刘执中曰书称舜曰予欲观古人之象日月星辰山龙华虫作防宗 藻火粉米黼黻絺绣以五采彰施于五色作服汝明舜而欲观乎古则衣裳之章十有二其来远矣周之礼乐因于虞夏者众矣郑康成见司常之职云日月为常则谓周人以日月星辰画于旌旗而冕服九章登龙于山登火于宗 非也且交龙为旂周之衣不去其龙矣熊虎为旗周之裳不去其虎雌矣何独日月为常而去衣章日月星辰乎案周礼典命之职上公九命为伯其国家宫室车旗衣服礼仪皆以九为节则其衣裳九章推而上之天子袞冕十有二章明矣所谓登龙于山登火于宗彝上公之服也日月之合为朔十有二朔而岁成天之道也天子代天以施德生物故衣裳旂常皆有十二为数日以象其阳德发生万物月以象其阴德养成万物星辰以象其经纬以象四时龙以象其变化以配天山以象其生植以配地雉以象其耿介文明之美火以象其光辉化物之功【○陈君举曰变化不测而致其神之用者莫如龙崇高不移而立其仁之体者莫如山文明有体而致其礼之文者莫如华虫此皆德之上者故防之于衣】宗彝以象其芬芳事上之诚藻以象其仁物达于幽潜粉米以象其粒民徧于天下黼以象其断割以建中黻以象其背拂于非义【○陈君举曰宗彝宗庙之器其象之有虎所以致其义象之有雉所以象其智作于物所以昭孝柔顺清洁可以荐羞者莫如藻昭明齐肃可以烹飪者莫如火米足以养人而为粉则其利散而均黼足以立断而又有黻则既断而能辨此皆德之下者也故絺绣于裳】纁于衣者六德焕于外而心不有其功绣于裳者六行根于中而进退不能忘公侯而下其章数降杀以两天子之德犹天之覆物是以日月星辰三章高邈在上非人臣之可及也 冕者言以为衣与王衣同而无衣饰也裳则刺纁而已王祀昊天上帝则大裘而冕祀五帝亦如之至敬无文以事天享先王则袞冕者继先王之志者必有为以嗣其德不可以言达作十有二章以象其德服以事之而已【○陈氏曰山龙而降始山终黻终始东北也何者山居东北冬春交也龙春也华虫夏也虎秋也雉冬也周而复始则藻春也火夏也粉米中央土也黼秋冬交也黻冬春交也龙与华虫阳之阳也故绘而在衣虎与雉阳之阴也故绣而在裳古者合三辰而在服备十二章以则天数故章与四时相顺】

陈君举曰衮冕自龙而下九章之服享先王则服之鷩冕自华虫以下七章之服享先公飨射则服之毳冕自宗彝以下五章之服祀四望山川则服之絺冕自粉米而下三章之服祭社稷五祀则服之 冕则黼而已一章之服祭羣小祀则服之夫衣服之间既又贵乎文矣而降杀以两凡以为尊卑之等也尊卑之等既见于所服以祭祀则章天下之有德者亦不可不为之等故公之服侯伯之服推之至卿大夫士莫不各视其命之数者凡以辨之○窦氏曰衮冕十二旒鷩冕九旒毳冕七旒絺冕五旒 冕三旒

享先公飨射则鷩冕

郑康成曰先公谓后稷之后大王之前不啻至诸盥○王昭禹曰以周之祖庙考之先公尊于先王而所服止于鷩冕祭亦各以其服授尸尸服如是王服衮以临之非所以为敬故不敢

愚案经中既说王之吉服下面开说六冕则知尸既服此王亦当服此所谓体物而不可遗也

郑康成曰享射享食賓客与诸侯射也【○贾氏曰享食则大行人上公三享三食之等但享食在庙故亦服鷩冕与诸侯射者此大射在西郊虞庠之中亦服鷩冕若燕射在寝则朝服賓射在朝则皮弁服也】鷩画以雉谓华虫也【○陆氏曰雉之为物五色备而成章故谓之夏翟亦曰华虫犹中国谓之夏亦谓之华一名鷩也司服七章之服谓之鷩冕者则其名也】其衣三章裳四章凡七○郑锷曰鷩冕无山龙其服自华虫以下以为章则曰华虫以名服则曰鷩冕盖章取其五采之着冕即实以名之也享射接以粦然之文所以取于华虫

祀四望山川则毳冕

郑康成曰毳画虎雉谓宗彝【或问荆公宗 象孝象者奚取于虎雉公曰虎义也雉知也义以制事知以察物然后可以保宗庙故取于虎雉】其衣三章裳二章凡五○郑锷曰毳冕虎雉二物不可以偏言以其皆毛物故因名曰毳虎西方之义兽雉遇雨则以其尾塞鼻兽之有智者二者皆山林之物故服之以祭四望山川而祀四渎亦服之者以山川通气故也○王氏详说曰四望山川国之阻固以扞御于外者故以虎雉之服

祭社稷五祀则希冕

郑康成曰希刺粉米无画也其衣一章裳二章凡三○郑锷曰希冕唯有粉米黼黻三章其章为罕故其字用希本又作絺字粉米两物共为一章言粉其米以为章其在裳则当绣及为三章之首则当画以在衣不可绣也【○贾氏曰衣是阳应画今希冕三章在裳者自然刺绣但粉米不可画之物今虽在衣亦刺之不变故得希名故郑特言粉米然则毳冕之粉米亦刺之也】粉米养人之物社稷者土谷之养人者也五祀之神则能平五行之政亦有功利以生人者也故祭则同服【○王氏详说曰五祀春户夏灶季夏中霤秋门冬行】或谓絺为细葛布上刺绣布岂可绣哉或谓其字音萧萧者缝也凡冕服皆 衣纁裳 冕惟有黻之一章刺于裳而已其衣无章但见其 色

黄氏曰宗伯序社稷五祀先于五岳司服序四望山川先于社稷祭之秩当如宗伯司服自以服为序地祭以社稷见不别出则方泽不服大裘矣诸儒纷纷盖未尝攷先王制祀之义【○郑锷曰社稷五祀五岳同于血祭此则用七章之服以祀四望山川又用五章之服以祭社稷五祀盖此言山川在社稷之上殆非丘陵坟衍之山川也指四望之山川耳何则丘陵坟衍之山川当比羣小祀以冕祭之不当处社稷之上观祀五帝享先王祭社稷祭羣小祀而独于四望山川之祭谓之祀四望山川则其尊可知】

祭羣小祀则冕

郑锷曰羣小祀者以天神言之司中司命风师雨师之类以地神言之则林泽坟衍四方百物之类者至幽之色其理则妙而不可知小神在天地间固有功矣亦不可一一而指名之故服冕以祀衣既无章裳乃有黻取其两已相背之形有万物分辨之义【○郑康成曰者衣无文裳刺黻而已是以谓焉】

郑康成曰六服同冕者首饰尊也【○郑锷曰首饰尊而在上为上之道欲其不二】

愚案四望以下等祀其服若是分辨者盖王者不以尊服临卑将敬神以安其心也

郑敬仲曰尝闻诸儒之论以为章服之中羔也龙也鷩也虎也雉也皆取诸物羔为大裘不名曰羔盖大裘以道言之尊天神鷩言其名则衮宜曰龙毳宜曰虎雉而皆不言者盖龙变化无方没其名者所以见神虎雉二物不可以偏名也然虎雉曰毳则鷩宜曰羽龙宜曰鳞亦不言者盖鳞物不止于龙羽物不止于鷩虎雉俱为毳物故也若夫宗庙彝器有鸡有鸟有笋有黄独取虎雉为说先儒谅必有所传

凡兵事韦弁服

王氏详说曰王吉服九其六用于祭祀其三用于兵田眡朝六服不同同于用冕三服不同同于用弁所以尊首饰郑锷曰韦弁服者爵弁也康成引左氏韞韦之附注为证韞者染赤色以赤色之韦为弁亦服赤色之衣裳【○李嘉防曰兵不可变故上下之色如一】礼图画爵弁其制如冕但无旒为异陆佃以谓弁如两手相合冕而俛则弁之首举矣王安石曰韦弁违物性而制之质而已其染赤为之则以宣布着尽为义儒者皆以为赤色多矣诗曰韞韞有奭以作六师正谓兵服赤色兵事之弁周韦则皮之已熟者其性柔顺师众以顺为武也赤者南方色火烈不可向迓其威赫然故以赤为服也

眡朝则皮弁服

郑锷曰皮弁服用白鹿皮以为弁言皮则其毛存也上古未有布帛衣其羽皮毛有文皮其质视朝之礼以文质两全为尚鹿之为物能求其类【○李嘉防曰鹿羣居则环其角以外乡食则鸣以呼其羣诗之燕羣臣嘉賓取诸鹿鸣亦此也】以是为服见君臣类聚之意其服则十

五升白布积素以为裳色白以存太古之质先儒谓弁服三其一皮弁素积天子有三朝外朝二内朝一皆用皮弁【○王氏详说曰皮弁视朝视外朝也杂记曰朝服十五弁郊特性云三王共皮弁素积是已若乃内服端也玉藻云卒食端而居则又非皮弁】说者谓缙衣羔裘此朝服之衣羔裘冠不以吊此朝服之冠皮弁素积又为视朝之服何也余闻诸儒之说皮弁素积者天子视朝之服如乡党云必朝服而朝东首加朝服朝服立阼阶皆非皮弁服也故既夕礼云乘车载皮弁道车载朝服玉藻云天子皮弁以日视朝遂以食诸侯皮弁以听朔于太庙朝服以日视朝于内又朝服以食盖诸侯皮弁以听朔于太庙礼毕而后改服以朝羣臣羣臣亦朝服以朝之是皆缙衣冠之朝服皮弁之朝服天子视朝之服为诸侯听朔之服诸侯听朔之服为天子田猎之服降杀之礼宜然天子之皮弁视朝之服以白布其后大夫僭之故玉藻云朝服之以缙自季康子始然天子之皮弁与朝服对言之则曰皮弁若离而言之亦谓之朝服可也陆佃云皮弁一名綦弁皮言物綦言色

凡甸冠弁服

郑康成曰甸田猎○郑锷曰田不言韦不言皮但曰冠盖承皮弁之下以皮为冠也服则与服皮弁之服同皮弁白布衣冠弁缙布衣此其别也【○李嘉防曰甸亦兵事也不服韦弁而服冠弁者弁则高广冠则低小便于擊刺射猎也王氏曰甸方习武未有事故尚】冠弁服者康成以为委貌即冠也【郊特性曰委安所以安正容貌】以形言曰委貌以色言曰冠礼图谓朝服之冠与士之冠大夫之冠诸侯之冠弁此三冠与天子委貌形制相同其服则缙布衣亦积素以为裳【即注说○贾氏曰士冠礼云主人冠朝服缙带素鞶注云衣不言色者衣与冠同色裳又与鞶同色是其朝服缙布衣亦如皮弁素积以为裳】此即诸侯视朝之服而王于田猎则服之岂非以田者习武事而未用欵陆佃谓冠弁服者亦弁也左传衛献公射鸿于囿孙子甯惠子从之不释皮冠而与之言又云皮冠以招虞人此田事服弁服之证说者又以为皮冠乃冠弁也○王氏详说曰郊特性曰委貌周道也章甫商道也母追夏后氏之道也委貌即端也冠则冠弁也冠朱组纓为天子之冠冠丹组纓为诸侯之齐冠冠綦组纓为士之齐冠冠之用广矣此冠弁用于田猎者其冠缙衣素积欵

易氏曰兵田之弁有时用之惟皮弁乃日视朝之礼故夏官弁师专言皮弁之制防五采玉璫象邸玉笄此王之皮弁韦弁冠弁虽弁师不载考其制与皮弁防有损益知皮弁朝服素积以为裳则冠弁韦弁之服可推【○王氏详说曰士冠礼云主人冠朝服缙带素鞶是已然韦弁惟用于兵事皮弁不止于眡朝冠弁不止于田猎但以大者言之案玉藻之制天子冕听朔诸侯则以冕祭天子皮弁视朝诸侯则以皮弁听朔天子端而居诸侯则以端视朝冠端大同小异冠缙布衣皆有正幅为端则同但易其裳】

凡凶事服弁服

郑康成曰服弁丧冠也其服斩衰齐衰

凡吊事弁经服

郑康成曰论语曰羔裘冠不以吊弁经者如爵弁而素加环经【○贾氏曰爵弁之形以木为体广八寸以三十升布染为爵头色赤多黑少今为弁经之弁其体亦然但不用爵色之布用素为之】

凡丧为天王斩衰为王后齐衰

易氏曰经书天王惟于此丧事一见之与春秋书天王崩同意谨终之义也天王有父道王后有母道诸侯羣臣为服亦犹人子之为父母服也

王为三公六卿锡衰为诸侯缙衰为大夫士疑衰其首服皆弁经

郑康成曰君为臣服吊服也○郑司农曰锡麻之滑易者十五升去其半有事其布无事其缕缙亦十五升去其半有事其缕无事其布【○贾氏曰郑注丧服皆破升为登布八十缕为登登成也今云十五升则一千二百缕去其半则六百缕云有事其缕其布者皆以水濯治去其垢也】郑康成曰疑言拟也拟于吉【○贾氏曰拟于吉者吉服十五升今疑衰十四升少一升而已】

易氏曰父母于子亦有服故王于诸侯羣臣则有锡衰缙衰疑衰之差然至尊不可以服言其首服皆加弁经既葬除之

大札大荒大裁素服

郑康成曰大札疫病大荒饥馑大裁水火为害君臣素服缟冠若晋伯宗哭梁山之崩○易氏曰素服如丧礼恐惧修省之意与膳夫言不举之意同

公之服自衮冕而下如王之服侯伯之服自鷩冕而下如公之服子男之服自毳冕而下如侯伯之服

王昭禹曰凡诸侯之服各其命之数○郑锜曰上公九命服衮其章九王亦被衮何为公与王同余谓学经者当因经文求先王之制不当信传注以害先王之制日月星辰登于旌旗王与公同服九章之衮者其说出于郑康成六经未见也自后诸儒莫敢辨正今以此经文质之其理自明且男子之服自三章之毳冕而下如侯伯则上不服鷩冕可知侯伯之服自五章之鷩冕而下如公则上不服衮冕可知公之服自衮冕而下如王则其上不服日月星辰可知经文谓自衮冕而下如王之服则衮冕而上之章非日月星辰而何有日月星辰则王服十二章明矣若夫同服九章非惟君臣无别又且与经文之言不合且天子之尊国十二门旗十二旂马十二闲圭尺二寸冕十二旒礼物十二牢其所以取瀦于天之大数者非一何独于祭则执尺二寸之圭垂十二旒之玉而衣九章之服以临之必不然矣○林椅曰九服者上得通乎下下不得僭乎上

之服自希冕而下如子男之服卿大夫之服自 冕而下如 之服

郑锷曰天子之 六命与子男同五章之服此言 之服自希冕而下如子男之服其服则三章是指诸侯之 四命之服三章盖其冕四旒纓四就则从其命数也天子之卿六命大夫四命卿与 同大夫与诸侯之 同三章此言卿大夫 冕则指诸侯之卿大夫故服一章之冕衣纁裳盖大国卿虽三命大夫虽再命惟与王之上士中士同尔【○王氏详说曰郑意以为其爵同 则同于希冕其爵同卿大夫则同于 冕其爵同士则同于皮弁但所谓章者据大章而言别有小章则依其命数此六命之 与四命之 三命之卿与再命之卿所以异也虽其说无所经见然以 执皮帛言之则可知矣天子之 皮帛公之 亦皮帛所以异者虎豹】

其凶服加以大功小功

郑康成曰丧服天子诸侯齐斩卿大夫加以大功小功士亦如之又加緦

郑锷曰天子诸侯自旁期以上皆絶而不服盖位尊势重彼固不敢以戚戚于君此亦以义而断恩惟卿大夫加以此则自 而上不服大功小功

士之服自皮弁而下如大夫之服

郑锷曰 冕下有爵弁又有皮弁王之上士 冕中士爵弁下士皮弁故诸侯之士自皮弁为首欲其引类聚朝又欲文质相须之意自皮弁下更有 冠服与大夫同

王昭禹曰公侯之士同一命子男之士不命其服无章数其首服以皮弁故曰自皮弁而下如大夫之服则 衣纁裳然典命不言王之士以理推之公侯伯之士皆一命则王之上士三命中士再命下士一命三命再命之士其服当同于一章之 冕则一命之士亦服皮弁矣

其凶服亦如之

郑锷曰亦有大功小功也○黄氏曰大夫凶服有大功小功无緦与丧服经传不同或曰丧服经传孔氏礼也

其齐服有 端素端

郑锷曰自公之服以下皆言其助祭与朝王之服此则言其齐服自公以下至士之齐服吉齐则 端凶齐则素端吉以 衣凶以素衣皆谓之端言其幅之正也自公而下与士皆同盖士之衣袂皆二尺二寸而属幅是广袂等其袪一尺二寸大夫以上则侈之而已侈之者盖半而益一焉半而益一则其袂三尺三寸袪一尺八寸此所以异焉祭将以交于鬼神 北方之色幽陰之极而道之所存也惟极乎至幽而交之以道则神可得而事故齐用 端衣幅之端则

心之端见于衣【○陈氏曰古者端衣或施于冕或施于冠如乐记魏文侯端冕而听古乐此施于冕者也刘定公曰吾端委以治民董安于曰臣端委以随宰夫此施于冠者也】

凡大祭祀大賓客共其衣服而奉之

郑康成曰奉犹送也送之于王所○王昭禹曰共王以衣服又奉其事也

大丧共其复衣服斂衣服奠衣服廞衣服皆掌其陈序贾氏曰复衣服谓始死招防复魄之服杂记云复者升屋西上则皆依命数天子十二人诸侯九人七人五人大夫士亦依命数

郑康成曰奠衣服今坐上防衣【○贾氏曰守祧职云遗衣服藏焉郑云大斂之余也至祭祀之时则出而陈于座上此奠衣服也】廞衣服所藏于椁中【○贾氏曰此则明器之衣服亦洁而小者也】

王昭禹曰所陈衣服皆有先后之序司服则掌其所陈序

典祀中士二人下士四人府二人史二人胥四人徒四十人

薛平仲曰天地神 之位则兆于四郊宗庙昭穆之列有祧于外庙者兆于四郊者其坛壝之地人情之所易忽祧于外庙者其世数之踈人情之所易略有典祀以掌外祀之兆守有守祧以掌先王先公之庙祧外焉兆守谨于四郊内焉庙祧谨于宗庙礼之大本在是

掌外祀之兆守皆有域掌其禁令

王昭禹曰外祀国外之祀若小宗伯所谓祀五帝于四郊四望四类亦如之兆山川丘陵坟衍各因其方是也兆谓之坛兆守谓守其兆域凡国外之祀为之兆守者皆有莹域故也○郑锷曰其兆之外皆有莹域典祀则掌其禁制灋令盖求神于此而不严为之禁则人或敢渫神不顾享矣

若以时祭祀则帅其属而脩除黷役于司 而役之郑锷曰言祭言祀尊者当祀卑者当祭

郑康成曰属其属胥徒也脩除芟埽之徵召也【○李嘉防曰外祀不在四郊之内祭时脩除则脩除有时不慢于神亦不渎于神】役之作使之郑锷曰当祭祀之时则脩除其兆之坛域草之荒塞帅其属之下士二人共掌而所役之人则徵诸秋官之司 盖司隸有徒二百人以给劳辱之事○李嘉防曰役于司 则不劳民崇祀

及祭帅其属而守其厉禁而蹕之

郑锷曰及祭殆人君躬出郊而有事于兆域之时乎○王昭禹曰厉禁谓藩厉禁止之地蹕所

以止行者将祭帅其属则以脩治为事而致其洁及祭帅其属则以禁止为事而致其严此先王所以事天地神之义

守祧奄八人女祧每庙二人奚四人

愚案祧字见小宗伯

张氏曰周有百世不毁之祖三昭三穆四为亲庙二为文武二世室并始祖而七诸侯无二祧一昭一穆○贾氏曰七庙通姜嫄为八庙庙一人故奄八人王昭禹曰远庙为祧守庙祧而名之曰守祧言祧则庙可知【○郑锷曰祧之为言乃国家基业兆于此其神已远超而去也】○陈氏曰庙所以象生之有庙寝所以象生之有寝建之观门之内不敢远其亲位之观门之左不忍死其亲家语曰天子七庙诸侯五庙自虞至周所不变故虞书禋于六宗以见太祖周官守祧八人以兼姜嫄之宫则虞周七庙可知【○张氏曰守祧先公之迁主藏于后稷之庙疑诸侯无祧庙亦藏之于始祖之庙】

掌守先王先公之庙祧其遗衣服藏焉

项氏曰庙谓太祖及三昭三穆之庙祧则远祖先公则祧于后稷之庙【○郑司农曰此王者之宫而有先公谓大王以前为诸侯】○郑康成曰遗衣服大敛之余

王昭禹曰守祧掌守先王先公之庙祧其余衣服藏焉岂特以其常服之衣服为不可防而忘亦所以示其体物不遗之意

若将祭祀则各以其服授尸

王氏曰其遗衣服藏于庙祧若将祭祀则各以其服授尸所以依神

王昭禹曰尸服享先王则衮冕享先公则鷩冕所谓各以其服授尸盖以其所服各有称也○郑康成曰尸当服卒者之上服以象生时○程氏曰古人祭祀用尸极有意人之防气既散必求其类而依之人与人既为类骨肉又为一家之类已与尸各既心齐洁至诚相通以此求神宜其享之后世直以尊卑之势遂不肯行

其庙则有司脩除之其祧则守祧黜陟之

郑康成曰庙祭此庙也祧祭迁主○王昭禹曰庙则近而亲祧则远而踈曰考庙曰王考庙曰皇考庙曰显考庙曰祖考庙皆月祭之远庙为祧享尝乃止故守祧黜陟之而已○孙氏曰先王之礼降杀有渐其间五庙则有司脩除之即一仆掌五寝埽除粪洒之事属乎夏官者二祧之礼杀矣委之守祧黜陟而已【○李嘉防曰女祧与奚可黜陟否盖黜陟者常令其新洁非自为之主掌其黜陟之事耳】

郑司农曰黝读为幽幽黑也垺白也尔雅曰地谓之黝墙谓之垺

郑康成曰脩除黝垺互言之有司常主脩除守祧常主黝垺

既祭则藏其隋与其服

郑康成曰隋尸所祭肺脊黍稷之属藏之以依神【○贾氏曰案特牲少牢及曾子问皆有隋祭之事特牲礼祝命按祭尸取菹防于醢祭于豆间佐食取黍稷肺祭授尸尸祭之注云肺祭刲肺是其隋者彼不言脊此言脊似误】○王昭禹曰其隋则埋以藏之○【王氏曰隋肉谓之隋隋盖尸祭之余易氏曰藏其隋则埋于西阶之东】其服则藏于庙祧亦以明神所依也

周礼订义卷三十六

卷三十七

钦定四库全书

周礼订义卷三十七 宋 王与之 撰

世妇每宫卿二人下大夫四人中士八人女府二人女史二人奚十有六人

愚案世妇在天官者是内命妇即二十七世妇之数在春官者是外命妇乃在朝六卿之妻或谓以卿为世妇非也既以妇言安得以卿为之然每宫卿二人者妇人无爵从其夫之爵其夫曰卿其妻为世妇者亦以卿之爵称之观其职曰凡内事有达于外官者世妇掌之必是因王后有祭祀賓客之礼事在外者非内人之所可与临时而设此职主此礼耳所以属于礼官

薛平仲曰春官世妇则主六宫之礼者也官以世妇名盖礼行于六宫之世妇则世妇以賛九嫔九嫔以賛夫人夫人以賛王后事固有所由始故其官每宫卿二人下大夫四人中士八人以主其礼于外而奔走往来于其间事有關於六宫之人是以女府女史女奚有非府史胥徒之比世儒谓皆奄人居之若内小臣之奄上士殆不然先王于内小臣之用奄如将槩谓之奄恐后世无复以德选如将直谓之上士又恐后世以外官充之命曰奄上士必奄人有上士之德者其为后世之防严矣况为卿为大夫而可以奄人居之乎特未攷夫主礼于外不能不以奄人为解○王氏详説曰后宫之官内宰以下大夫为之视王之宰夫世妇以卿为之视王之王小宰列内宰于天官列世妇于春官者以世妇所掌不止后宫之事而及于内外宗耳

掌女宫之宿戒及祭祀比其具

郑康成曰女宫刑女给宫中事者宿戒当给事豫告之斋戒也比次也具所濯概及粢盛之爨○郑锷曰天官世妇祭之日涖陈女宫之具涖陈在彼而校比之在此也

诏王后之礼事

郑康成曰荐彻之节○郑锷曰世妇诏之于外内小臣诏之于内诏告之以其时之早晚【○王昭禹曰内宰诏后礼乐之仪则见于周旋动容者也世妇诏王后之礼事则裸献荐彻之节也非特仪而已内小臣摈诏后之礼事其诏盖始于世妇内小臣又从而摈焉】

帅六宫之人共盥盛

王氏详説曰盥盛之奉虽出于帝借献其种者六宫之人帅女宫而濯概为粢盛者又二十七世妇之事则其共之者非六宫之人其谁欤

王昭禹曰辨六齋之名物与其用使六宫之人共奉之者小宗伯世妇则帅之而已○郑锸曰天官世妇言帅女宫濯概为齋盛所帅者刑女耳为之于未共之前此所帅者六宫之人共之于正祭之日

相外内宗之礼事

郑锸曰皆佐后于奉祭之时世妇相之使无失礼

大賓客之飧食亦如之

贾氏曰王后亦有助王礼賓之灋故内宰凡賓客之裸献瑶爵皆贊○郑锸曰比之帅之诏之相之皆如祭祀焉

大丧比外内命妇之朝莫哭不敬者而苛罚之

王昭禹曰肆师大丧令外内命妇序哭世妇则比其已哭者○郑康成曰苛讎也

凡王后有 事于妇人则诏相

黄氏曰王于诸臣有拜王后于妇人亦有当拜者世妇诏相恐失其节○王昭禹曰王后有事于妇人唯大丧而已丧大记曰夫人亦拜 公夫人于堂上世妇则以言诏之以事相之

凡内事有达于外官者世妇掌之

郑康成曰主通之使相共授○郑锸曰世妇朝臣也兼统内官之事故可以通内外之令内事与外官相联而外官所当供备者则世妇为之传达○黄氏曰世妇掌之蓋得纠正之也后事则授内小臣使达之王氏详說曰妇人不预外政而内竖掌内外之通令世妇内事有达于外官蓋不能无好事于四方亦不能无好令于卿大夫但女谒不行耳

总论

郑锸曰先王于六宫之人既有小宰又有内宰又立世妇之官掌之如是其严蓋小宰内宰治其政以整齐于内世妇掌其礼以诏相于外

内宗凡内女之有爵者

郑锸曰内宗无数凡内女之有爵者皆谓之内宗以其与王同宗故掌宗庙之祭祀○陈君举曰富贵骄人自然之势女子生于王族乘势以轻其家者多矣故以内女为内宗外女为外宗列于礼官之属其职在礼观后之事宗庙则知所以顺乎舅姑观后之享同姓则知所以和其

室人观后之亚王裸献则知所以从其夫矣召南何彼秣矣美王姬之诗彼天子所生而若此况王同姓姑姊妹之女子乎所以为王化之基

掌宗庙之祭祀荐加豆笱

贾氏曰尸既食后亚献尸为加此时荐之即醢人笱人加豆加笱之实○郑锷曰谓之加者加于九献之外九献为正献其他为之加爵故所荐之笱豆谓之加以象生时馈之有加其掌之也以助王之致孝享刘执中曰九宾賛豆笱之荐彻内宗又賛九宾

及以乐彻则佐传豆笱

郑康成曰佐传佐外宗○王昭禹曰卒食之礼以乐彻于造方其以乐彻豆笱则后传之内宗内宗传之外宗外宗传之有司迭相佐也○郑锷曰凡祭之始终皆用乐以致神之欢心周颂禘大祖歌雍以彻既祭而彻王后之职后彻而传之内宗佐之也

賓客之飧食亦如之

王昭禹曰彻豆亦如祭祀○郑锷曰其荐其佐皆然也

王后有事则从

王昭禹曰王后有事则从者则吉凶之事皆在焉

大丧序哭者

郑康成曰次序外内宗及命妇哭王○王昭禹曰序宫中之哭者

哭诸侯亦如之

贾氏曰此诸侯来朝薨于王国王为之缙衰者若檀弓云以爵弁纯衣哭诸侯谓薨于本国王遥哭之则妇人不哭妇人无外事

王昭禹曰内宗亦为之序哭

凡卿大夫之丧掌其吊临

郑康成曰王后吊临诸侯而已是以言掌卿大夫云○王氏曰世妇言掌吊临于卿大夫之丧则王或使焉乃往内宗言凡卿大夫之丧掌其吊临则凡丧皆往亦同族故也

外宗凡外女之有爵者

郑康成曰外女王诸姑姊妹之女谓之外宗【○易氏曰王异姓之有爵者】

陈君举曰案内外宗无人数恐是祭时旋立之官非常有也

掌宗庙之祭祀佐王后荐玉豆眡豆笱及以乐彻亦如之

贾氏曰凡王之豆笱皆玉饰之○郑锷曰内宗言加则外宗所佐者乃朝践馈食之节非惟佐王后荐之又当眡其实盞豆实醢人共之内宗又临视之及以乐彻则亦佐后○项氏曰外宗异姓之女踈于内宗故佐荐而已又掌眡豆笱之实其事详也

王后以乐羞盥则賛

郑康成曰賛犹佐也○贾氏曰羞进也盥黍稷也后进黍稷之时依乐以进賛者亦佐后进之○郑锷曰以乐羞盥与裸献亚献之时皆佐后【○刘执中曰佐九嫔也】

凡王后之献亦如之

郑康成曰献献酒于尸○刘执中曰谓朝践馈食醑尸后亚王为献也

王后不与则賛宗伯

郑康成曰后有故不与祭宗伯摄其事【○王昭禹曰大宗伯凡大祭祀王后不与则摄而荐豆笱彻谓此也】○刘氏曰賛之如賛后之礼

小祭祀掌事

郑康成曰小祭祀谓在宫中○贾氏曰宫中小祭祀则祭灋王立七祀七祀之中行中霤司命泰厉是外神后不与惟有门户灶而已○项氏曰宫中之祀与飨皆掌事

賓客之事亦如之

王昭禹曰内宗賓客之享食佐后传豆笱外宗賓客掌事如小祭祀之事则非特传豆笱之事凡賓客之事皆賛后

大丧则叙外内朝莫哭者哭诸侯亦如之

郑康成曰内内外宗及外命妇○贾氏曰若内命妇则九嫔叙之

王氏曰内宗大丧序哭者则与宫中之哭者叙焉外宗叙内外朝莫哭者则叙内女外妇之序哭

人下大夫二人中士四人府二人史四人胥十有二人徒百有二十人

郑康成曰 封土为丘垅象 而为之

薛平仲曰先王立礼经世使生有所养死有所藏礼而至于有所藏则礼道竭而人道毕矣故以严其丘封之制 人则以施之诸侯卿大夫之贵墓以寓其哀慕之思墓大夫则以施之 国人之众礼之所重莫加于此则以下大夫二人掌之然不得不可以为悦无财不可以为悦此又职丧之所由设也礼莫严于始尤严于终此又三官所以见于典礼之末也

掌公墓之地辨其兆域而为之图先王之葬居中以昭穆为左右

王昭禹曰谓之公墓之地则其地属于公而非私有之也自天子至于大夫士皆葬于此地人则掌焉○易氏曰君臣分守虽严义均休戚故葬同兆域○郑康成曰图谓画其地形及丘垅所处而藏之【○王昭禹曰葬者则依图授之地也】先王造塋者昭居左穆居右夹处东西吕氏曰周公薨成王葬于毕祔于文武从周家之兆域也○刘执中曰庙虽已毁而墓之昭穆不可迁也○王昭禹曰先王制为合族之礼非特施于生者至于死皆使之以类相从

凡诸侯居左右以前卿大夫士居后各以其族

郑康成曰子孙各就其所出王以尊卑处其前后而亦并昭穆

贾氏曰诸侯卿大夫士谓上文先王子孙为畿内诸侯王朝卿大夫士死者则居先王前后之左右言居左右者若父为先王是昭则子为穆居右父是穆则子为昭居左为卿大夫居后亦然但昭穆不定故左右俱言谓一父之前后左右并有也各以其族者谓次第假令同昭穆兄当近王墓弟则远王墓诸侯言左右卿大夫士各以其族互相通也

凡死于兵者不入兆域

郑康成曰战败无勇投诸塋外以罚之○王昭禹曰死政者既养其老 而又享之所以劝之也凡死于兵者不入兆域所以绌之

凡有功者居前

郑康成曰居王墓之前处昭穆之中央○易氏曰既入兆域又居前列示劝而已【○黄氏曰诸侯居左右以前卿大夫居后有功者各居其前】

以爵等为丘封之度与其树数

郑康成曰别尊卑也王公曰丘诸臣曰封汉律曰列侯坟高四丈闕内侯以下至庶人各有差【○贾氏曰周礼丘封高下之数无文故郑以汉法况之案春秋纬天子坟高三仞树以松诸侯半之树以栢大夫八尺树以药草士四尺树以槐庶人无坟树以杨柳】

王昭禹曰以昭穆为左右各以其族尚亲也凡死于兵者不入兆域尚德也凡有功者居前尚功也以爵等为丘封之度与其树数尚贵也蓋先王之所以治死者如此

大丧既有日请度甫窆遂为之尸

郑司农曰既有日既有葬日也○郑康成曰甫始也请量度所始窆之处地【○刘执中曰请度深广制度于冢宰而小宗伯蒞之冢人甫始穿地以为窆】○郑司农曰始窆时祭以告后土冢人为之尸○王氏曰凡祭为尸皆取所祭之类故宗庙之尸则以其昭穆之同山林之尸则以山虞窆墓之尸则以冢人

及窆以度为丘隧共丧之窆器

郑康成曰隧美道也度丘与美道广袤所至【○贾氏曰左传晋文公请隧不许则天子有隧诸侯已下有美道隧则上有负土若郑庄公与母掘地隧而相见者也美道上无负土然则隧与美别而郑云隧美道者对则异散则通】窆器下棺丰碑之属丧大记曰凡封用綍去碑负引君封以衡大夫以咸【○贾氏曰衡横也谓以木衡之于棺傍乃以紼系木下棺大夫卑不得以木横之直有棺傍咸耳以紼系之而下棺也】

及葬言鸾车象人

郑康成曰鸾车巾车所饰遣车也亦设鸾旗○贾氏曰先郑以象人谓以刍为人后郑不从者以上古有刍人至周不用而用象人则象人与刍灵别【○郑康成曰孔子谓为刍灵者善谓为俑者不仁非作象人者不殆于用生乎】○郑康成曰言犹语也语之者告当行若于生存者于是巾车行之【○刘执中曰将葬则语以飭戒之】

及窆执斧以洫

郑康成曰临下棺也○贾氏曰乡师职云执斧以洫匠师则此亦临匠师两官俱临者葬事大也

遂入藏凶器

郑康成曰凶器明器

正墓位踣墓域守墓禁

贾氏曰墓位即上文昭穆为左右是须正之使不失本位墓域即上文兆域谓四畔沟兆踣谓止行人不得近之【王氏曰若墓大夫之巡墓厉也】○郑康成曰禁所以为莹限○贾氏曰谓禁制不得漫入○王氏曰若墓大夫居其中之室以守之

凡祭墓为尸

郑司农曰为尸冢人为尸【○郑康成曰祭墓为尸或祷祈焉】○王昭禹曰凡祭墓为尸非特甫竈为之尸○张氏曰墓祭非古也体魄则降知气在上故立之主以祀之以致其精神之极而谨藏其体魄以竭其深长之思此古人明于鬼神之情状而笃于孝爱之诚实者也然攷之周礼则有 人之官凡祭于墓为尸是则成周之盛亦有祭于墓者虽非制礼之本经而出于人情之所不忍而于义理不至于甚害则先王亦从而许之其必立之尸者乃所以致其精神而示享之者非体魄之谓其为义抑精矣

凡诸侯及诸臣葬于墓者授之兆为之踣均其禁贾氏曰上文惟见王及子孙之墓地不见同姓异姓诸侯之墓地故此经总见之若然此墓地旧有兆域今新死者随即授之○王氏曰授之兆则使之自竈窆均其禁则均其地守焉

墓大夫下大夫二人中士八人府二人史四人胥二十人徒二百人

郑康成曰墓冢莹之地孝子所思慕之处【○贾氏曰礼记云庶人不封不树故不言冢而言墓墓即葬地】○陈君举曰墓大夫徒二百人岂不多哉然邦墓地域禁令度数皆掌焉帅其属而巡墓厉居其中之室以守之与后世人自求地家自置守富则僭而不忌贫则窘而无所葬掘墓盗尸斩木之狱不絶于有司利害烦省异矣

掌凡邦墓之地域为之图

郑康成曰凡邦中之墓地万民所葬地

令国民族葬而掌其禁令

郑康成曰族葬各从其亲○黄氏曰司徒本俗联坟墓此独国民耳

刘执中曰民遂其私而害先王丧凶之礼者以无禁令故也

正其位掌其度数

郑康成曰位谓昭穆也度数爵等之大小【○易氏曰度数多寡也○贾氏曰郑见有爵者谓

本为庶人设墓其有子孙为卿大夫士则其葬不离父祖】

使皆有私地域

郑康成曰古者万民墓地同处分其地使各有区域得以族葬使相容

凡争墓地者听其狱讼

郑康成曰争墓地相侵区域○易氏曰听其争则族葬不至相犯

帅其属而巡墓厉居其中之室以守之

贾氏曰属者墓大夫帅下属官也○郑康成曰厉堂限遮列处【○贾氏曰墓大夫帅其属巡行遮列之处】○郑司农曰居其中之室有官寺在墓中【○贾氏曰万民墓地于族葬地中央为室万民各自守之】刘执中曰圣人父母其民生则富其衣食而教以仁义死则为之地域而守其丘树则为子孙者有不忠乎君而不服其教者乎

职丧上士二人中士四人下士八人府二人史四人胥四人徒四十人

郑康成曰职主也

掌诸侯之丧及卿大夫士凡有爵者之丧以国之丧礼涖其禁令序其事

王氏曰职丧上言诸侯下言卿大夫士又言凡有爵者包三公矣○郑康成曰国之丧礼丧服士丧既夕士虞今存者其余则亡事谓小敛大敛葬也○刘执中曰凶丧之礼下达万民苟无主执以涖其事则有过中而僭于上者有不及于中而遗其亲者是以职丧掌之五服有制尊卑异仪殡敛虞祔祭禭含赠皆有定灋不可过不可不及

凡国有司以王命有事焉则诏赞主人

郑康成曰凡国有司有司从王国以王命往有事谓含禭赠赙之属诏赞者以告主人佐其受之○刘执中曰诏赞主人以礼拜命也

凡其丧祭诏其号治其礼

郑康成曰告以牲号盥号之属当以祝之【○贾氏曰先郑以号为谥号小宗伯云小丧赐谥读誄不在此故后郑不从谓若特牲少牢云柔毛刚鬣嘉荐普淖皆祝辞】

凡公有司之所共职丧令之趣其事

郑康成曰令令其当供物者给事之期也有司或言公或言国言国者由其君所来居其官曰公谓王遣使奉命有赠之物各从其官出职丧当催督也【○易氏曰凡公有司之所共者此谓在乡则乡之有司共其物在国则国之有司共其物各有定制不待王命者则职丧以其制令之】

愚案治其丧已见宰夫此则趣其事而已

周礼订义卷三十七

卷三十八

<经部,礼类,周礼之属,周礼订义

钦定四库全书

周礼订义卷三十八 宋 王与之 撰

春官宗伯下

大司乐中大夫二人乐师下大夫四人上士八人下士十有六人府四人史八人胥八人徒八十人

郑康成曰大司乐乐官之长○王氏详説曰周礼虽出于武帝之世大司乐一章已传于孝文之时孝文时得魏文侯好古乐之人窦公献其书乃今之大宗伯之大司乐章若夫记有乐记乐之传也非经也乐记作于汉武帝时河间献王与诸儒共采周官及诸子言乐事者是也

薛平仲曰司乐则总其乐之大者乐师则总其乐之小者自其大者言之由律同声音六舞之合足以默交于 显之间非探索于乐理之至者不能也则司乐之官可不以中大夫居之乎自其小者言之由步武疾徐之仪足以致养其和平之德非研究于乐之微者不能也则乐师之官可不以下大夫居之乎彼胥也者随事之小大而致察焉然上下相承而不容缺则又二官所以继于后也○陈及之曰大司乐之官今之国子监祭酒而其下乐师大胥小胥今之司业博士

掌成均之灋以治建国之学政而合国之子弟焉郑锷曰周人立五学中曰辟雍环之以水水南为成均水北为上庠东为东序西为瞽宗学礼者就瞽宗学书者就上庠学舞干戈羽籥者就东序学乐德乐语乐舞者就成均惟天子承师问道及养老更之类乃就辟雍【○陈氏曰辟明也雍和也所以明和天下明之以法和之以道】故大戴礼有帝入东学南学西学北学太学之文盖周人立四代之学礼记云于成均以及取爵于上尊又云瞽宗商学也【○崔氏曰宗尊也瞽无见之称瞽童 无有所识为瞽 之尊又瞽宗者乐官教国子弟乐训道童 故因 为学名陈氏曰以乐祖在焉曰瞽宗】○然上庠下庠虞也东序西序夏也【○陈氏曰以习射事曰序】左学右学商也【○陈氏曰居右曰右学】东胶虞庠周也【○陈氏曰以纠德行曰胶】不见成均为何代之学独董仲舒谓五帝学康成从之他无所见或者以成均为辟雍岂其然欤名曰成均者盖德不能无亏性不能皆平乐之为教所以成之均之【○陈氏曰成其亏均其过不及○易氏曰成其行之亏均其习之偏五帝即此名学成周因之以教国子弟之法有虞之世命后防典乐教胄子直而温宽而栗刚而无虐简而无傲即所以为成均之义诗言志歌永言声依永律和声即所以为成均之教今大司乐言掌成均之法则于规矩之中寓性命之理是乃所以勉其为成均者又言治建国之学政于防检之中寓激劝之

术是乃所以纠其不为成均者又命有道有德者使表仪于上训迪于下如师氏以三德教国子保氏养国子以道无非所以示其成均焉然则成均者教人之名先之为道德者教人之实非于道德之外别有所谓成均也】○王氏详説曰三王之学各异其名所谓东序与瞽宗是已但五帝之学名失其传所传者总名耳世子篇曰谓之郊人遠之于成均以及取爵于上尊夫郊人云者郊之小学所谓养老于虞庠是已成均云者国之大学所谓养国老于上庠是已郑氏以成均为虞庠失之矣蓋命防典乐教胄子其制详于有虞此周之学名必取于虞氏之庠总名必取于五帝之成均得无意乎【○陈氏曰诸侯之学小学在内大学在外故王制言小学在公宫南之左大学在郊以其选士由内以升于外然后达于京天子之学小学居外大学居内故文王世子言凡语于郊然后达于朝故也】

陈蘊之曰建立也周人以成均之旧灋以立国之学政合聚国子弟将以此教之○郑锷曰凡建国必立学学必有政政者教之养之劝之沮之之术必掌成均之灋以治之者蓋大司乐所掌者乐也周人于成均之中教乐德乐舞乐语则成均乃习乐之所大司乐所掌者乐官之灋以治学政则于他学之灋无预可知○吕氏曰自舜命防典乐教胄子以此知五帝三王之学政无不由乐始蓋陶冶之功入人最深动荡鼓舞优游浹洽使自得之自舜与周皆是以典乐之官兼教导之事汉太常典乐兼教胄之任亦此意欤【○礼库曰这一个所在不是官司秦汉以后错把做官司看了虽是法度具举然亦不过刑罚法制相临都无深入人心道理】

总论教国子官属

孙氏曰均之为国子弟也而有嫡庶贵贱之别士庶子入卫王宫出守城郭奔走于防同军旅祭祀賓客之事惟贵游之子弟不预焉其卫王宫版在宫伯而教之属于师氏以师氏之尊且严故贵游子弟虽无宿卫之役亦从而学焉大司乐掌治建国之学政合国之子弟蓋羣后之太子卿大夫元士之适子常在学者【○愚案周礼全不説太子惟诸子説一句其他只説国子庶子子弟蓋古者太子入学则以齿论大司乐便是教太子官】其余不常在学则籍在诸子而教在大胥小胥不过春秋合之而已先王之于国子何所不用其教哉惟贵游有国子则贱不至于妨贵诸子有别乎适子则庶不至于夺适防微杜渐之意深矣○陈蘊之曰司乐一项官专教子弟意极深先王思虑最遠国子弟与国家相为终始既与他父兄共维持天下子弟善见得后日子孙天下必治若不善便见得后日天下不防治血脉關節常相聯絡不可不早思虑

凡有道者有德者使教焉

李景齐曰有道有德者使教焉则保氏养国子以道师氏以三德教国子也教国子之官虽不一而成均之灋特见于大司乐以乐为主耳人而未至于乐不足以语学之成故古之教十三学乐诵诗舞勺成童舞象蓋声音以养其耳目舞蹈以养其血脉所以和平其善心荡涤其邪志者莫急于此

吕氏曰凡有道有德者使教焉是延请有道有德者使之教国子也以后世私心观之既设掌

乐之官却不专教国之子弟反资之于他人以此见古人立心至公规模广大大抵设教受教当知无穷意思

死则以为乐祖祭于瞽宗

郑锷曰谓之乐祖者谓其通达乐德乐语乐舞之意以觉后觉如人之祖周人作乐之诗名曰有瞽有瞽而瞽蒙乃乐官之属明乎乐者然后为瞽蒙之所宗瞽宗之中而祭之使后世知其为明乐之师儒【○贾氏曰文王世子云春诵夏 大师诏之瞽宗以其教乐在瞽宗故祭乐祖还在瞽宗○王昭禹曰古人于田则祭田祖于马则祭先牧于饮食则祭先食于养老则祭先老皆以示其不忘本也又况以道德而教者死则以为乐祖祭于瞽宗所以示其不忘于所教欤】○吕氏曰祭于瞽宗不特是明尊师敬长之义亦是当时有道德者教之入人也深设教有如时雨之化人自不能忘祭于瞽宗亦是因人心之不忘与身没教已尽者不同

以乐德教国子中和只庸孝友

吕氏曰此所谓教之条目金石丝竹匏土革木是乐之物而已乐之德非有道有德者不能知之中和只庸孝友所谓乐德也礼以教中乐以教和何故兼中言之乐虽主在和无相夺伦岂不是中且如干固是刚坤固是柔然坤至柔而动也刚乾坤何尝做两段须于乐上见得中和不可相离然又不可浑然无别如坤固是至柔而动也刚又须当知干主乎刚坤主乎柔旧以中为忠才改一字便看不得中和分明一个中字其义无穷只敬之谓庸流通日用常行之谓孝友见于事亲从兄之间者皆所谓乐之德论中和固是乐之本所谓只庸孝友就乐中說其端亦可见一个节奏各有条理使之肃然只敬只之端条畅流通庸之端易直子谅之心使人事亲从兄之际油然而生孝友之端此谓乐之德【○易氏曰德一而已喜怒哀乐未 谓之中 而中节谓之和即中和而体之以至诚谓之只即至诚而达于日用常行谓之庸庸用无不通之谓由是推之于事亲从兄之际谓之孝友此古圣贤践履之实行大司乐乃以为教国子之乐德者犹孟子谓乐之实】

郑锷曰教万民以六德曰知仁圣义中和六行曰孝友睦婣任恤独教国子则取六德之下取六行之上者而教之至只庸二德则万民无预焉蓋教民之道责以六德或不责其行责以六行或不责其德国子德行欲其两全故成之以乐谓之乐德六德之下者能之其上可知六行之首者能之其下亦可知只庸所以进乎德行惟祇则于德行不敢忽惟庸则于德行不敢辍

以乐语教国子兴道讽诵言语

郑节卿曰乐语非特诏乐者歌诗章凡是教导言语之间以乐教之便谓之乐语乐之理见于言语之间便是感发人处谓之兴【○郑锷曰兴如诗人之兴因物以感发其心之所欲言者○郑康成曰以善物喻善事】托物引类感发兴起谓之道【○郑锷曰道如擇人所谓道国之政事之道事有 意则以言而导达之○郑康成曰言古以剴今○王氏曰直道其事○吕氏曰道者从容和缓中和教导之意】从容和缓中和教导之意谓之讽所谓倍文曰讽【○

郑锷曰讽如讽谏之讽微言以寓意○王氏曰讽以动之】以声节之曰颂【○郑锷曰诵如诵诗之诵颺古人之言而告之○王氏曰诵人之言】抑 高下使自得之相酬酢谓之语独自説谓之言独説是教者自言学者无所答问【○郑锷曰食不语寝不言则言语异矣自言其已心之所蕴者曰言以言而与人应答则曰语】○郑锷曰国子他时公卿大夫则奉命周旋出入专对之人故以乐而教之语则出言之际和而不暴矣黄氏曰诗之所以乐而不淫哀而不伤可以兴可以怨迩之事父远之事君葢发于中和只庸孝友故谓之乐语孔子曰不学诗无以言○易氏曰此六者使之涵泳浸渍自然感发而中和只庸孝友之念有不可御者与后防典乐所谓诗言志歌永言声依永律和声同意

以乐舞教国子舞云门大卷大咸大磬大夏大濩大武吕氏曰乐舞所以舒其情性○王昭禹曰舞有大小者葢古之教国子十三学乐诵诗舞勺成童舞象则乐师所教者小子也二十而冠始学礼可以衣裘帛舞大夏则大司乐所教者成人也

郑锷曰国子者将使之奉祭祀待賓客揖逊升降以行礼者容仪之际尤不可不中节故以乐而教之舞黄帝之乐名曰云门大卷言德能覆物物由之以出如门【○陈祥道曰云为天之气门者万物之所资以出入者】卷聚也又言其明民共财使有族类之聚也尧之乐名曰咸池咸言其德之感民池言其润泽之久【○郑康成曰尧能殄均刑法以仪民言其德无所不施】大防舜乐以其继尧而治故曰防大夏禹乐以其治水之功大故曰夏【○郑康成曰禹治水敷土言其德能大中国○李嘉会曰大夏者文德敷于四海文明如华夏也】大濩汤乐以能护民也【○郑康成曰汤以寛治民除其邪虐言其德能使天下得其所】大武武王乐以武定天下也【○郑康成曰武王伐纣以除其害言其德能成武功】以乐而教之舞形容六圣之德则舞应乐节而可观矣○薛平仲曰周所以用六代之乐者存三恪与二代三恪谓黄帝尧舜之后二代谓夏商之后乐记曰封黄帝之后于蓟以下是也周人既瀦其瀦故兼用其乐【○李嘉防曰自黄帝至周非无他乐必取此六者以其乐纯正而音节之备也】

总论

郑锷曰德所以成已语所以接人舞所以事神先能成已然后可以接人而事神教之之序如此○王昭禹曰国子贤者之类功臣之世贤将进之以位贵将授之以职德不足则不可与有为言不足则不可与有应容不足则不可与有接则大司乐之教其可缓乎以乐成其德谓之乐德以乐达其语谓之乐语以乐节其舞谓之乐舞○陈氏曰周之时干戈羽籥在东序 诵与礼在瞽宗书在上庠以言学者之事兴于诗立于礼成于乐而舞又乐之成焉故大司乐言乐德乐语终于乐舞乐师言乐成告备终于皐舞

以六律六同五声八音六舞大合乐以致鬼神 以和邦国以谐万民以安賓客以説逺人以作动物

郑康成曰六律合阳声六同合陰声此十二者以铜为管转而相生黄钟为首其长九寸各因而三分之上生者益一分下生者去一【○王昭禹曰名之曰律以其述天地自然之气而宣

之名之曰同以其为律之偶而同于阳六律又谓之六始以其始于阴之气六吕又谓之六同六间盖吕言其体间言其位同言其情总言之皆所以述阴阳之气故皆谓之十二律】○郑康成注大师职掌六律六同以合阴阳之声阳声黄钟太簇姑洗 賔夷则无射阴声大吕应钟南吕函钟小吕夹钟曰以合阴阳之声者声之阴阳各有合黄钟子之气十一月建焉而辰在星纪大吕丑之气十二月建焉而辰在 枵太簇寅之气正月建焉而辰在 娵訾应钟亥之气十月建焉而辰在析木姑洗辰之气三月建焉而辰在大梁南吕酉之气八月建焉而辰在 壽星 賔午之气五月建焉而辰在 鹑首林钟未之气六月建焉而辰在 鹑火夷则申之气七月建焉而辰在 鹑尾中吕巳之气四月建焉而辰在 实沈无射戌之气九月建焉而辰在 大火夹钟卯之气二月建焉而辰在 降娄辰与建交错贸处如表里然是其合也其相生则以阴阳六体为之黄钟 九下生林钟之 六林钟又上生太簇之九二太簇又下生南吕之六二南吕又上生姑洗之九三姑洗又下生应钟之六三应钟又上生 賔之九四 賔又下生大吕之六四大吕又上生夷则之九五夷则又下生夹钟之六五夹钟又上生无射之上九无射又上生中吕之上六同位者象夫妻异位者象子母所谓律取妻而吕生子【○贾氏曰同位象夫妻者黄钟之初九下生林钟之初六同是初初是象夫妇也异位象子母者谓林钟之初六上生太簇之九二初二为异位是象子母也但律所生者为夫妇吕所生者为母子律所生者常同位吕所生者常异位】

杨谨仲曰郑氏谓下生者三分去一上生者三分益一其说未然盖以此论律自黄钟九寸损之为六寸林钟益之为八寸自此以后愈损而律管愈短虽有益而不加长则自九而六自六而八可见矣积六下生五上生至仲吕而管极短不可胜吹殊不知阳中之阳则下生而损一分至阴中之阳则下生者反当益阴中之阴则上生而益一分至阳中之阴则下生者反当损而后十二管之长短乃均今攷郑氏所言管之长短则既均矣自与前言不应不可不辨何者应钟上生 賔固已益矣自 賔而生大吕虽下生 賔乃阴中之阳其数已不足又当益之故 賔之律长六寸八十一分寸之二十六复三分而益一以下生大吕乃得大吕之管长八寸二百四十三分寸之一百四前配黄钟之九寸故与太簇之八寸处其中而适均若拘下生当损之则损 賔之一分以下生大吕则大吕之管止长四寸二分有奇与前后不均惟自 賔而后下生者反益之上生者反损之积而至仲吕乃得十二管之长短均调此上下相生损益之义不同郑未得之故不得不辨若十二管长短之数郑之所述已得之

愚案郑氏损一益一之说律吕长短之数已得之但必以损者为下生益者为上生未然盖上下二字乃系于律吕之阴阳凡阳律生吕皆为下生阴吕生律皆为上生损益二字不系于上下故律生吕虽皆损一而亦有益一以下生吕者若 賔阳律反益以生大吕故大吕之管比 賔为长其生则止曰下生其吕生律虽皆益一而有损一以上生律者若大吕阴律反损以生夷则故夷则之管比大吕为短而其生止曰上生耳若汉志谓律皆损以下生吕吕皆益以上生律则长短之数不合

郑康成曰大吕长八寸二百四十三分寸之一百四太簇长八寸夹钟长七寸二千一百八十七分寸之千七十五姑洗长七寸九分寸之一中吕长六寸万九千六百八十三分寸之万二千九百七十四 賔长六寸八十一分寸之二十六林钟长六寸夷则长五寸七百二十七分

寸之四百五十一南吕长五寸三分寸之一无射长四寸六千五百六十一分寸之六千五百二十四应钟长四寸二十七分寸之二十王氏曰六律六同以考五声五声以成八音八音以节六舞六舞以大合乐【○王昭禹曰至于兴舞则所谓六律六同五声八音无不备此其所以大合乐欤】○李嘉防曰八音八方之气也一有偏胜而八方之风为之不顺左氏谓舞所以节八音而行八风者也○郑康成曰大合乐谓徧作六代之乐○贾氏曰大合乐者荐腥之后合乐之时用之此所合乐即下云六变八变之等彼据祭天下神此据正祭合乐然合乐在下神后而退下神乐在后者以下神用一代乐此用六代乐事重故进之在上【王氏详説曰大司乐谓天地神人之大祭祀荐神之乐又言下神之乐正所以重其事荐神之乐谓朝献馈献时下神之乐谓礼天地以璧琮与人鬼以郁鬯时也】○郑康成曰以冬至作之致天神人鬼以夏日至作之致地祇物彪动物羽羸之属虞书后防所言此其于宗庙九奏效应○王昭禹曰先王作乐所以导和至矣则大同于物故奏之郊庙则幽而鬼神由此致赐之诸侯则明而邦国由此和或奏之乡射或奏之乡饮则内焉万民由此谐或奏之燕或奏之享则外焉賓客由此安夷蛮闽貉戎狄之君其来朝也与之燕焉乐以此作则遠足以悦遠人歲十二月合聚万物而索享之羽羸之族鳞毛介之类所谓动物其祭之也乐由此作则微足以作动物

乃分乐而序之以祭以享以祀

王氏详説曰自以六律六同六舞大合乐以下为一节谓天地人之大祭祀荐神之时为言自乃分乐而序之以下为一节谓天地人之次祭祀为言自凡六乐者以下为一节谓四方百物之小祭祀为言自凡乐圜钟为宫以下为一节谓天地人之大祭祀下神之乐为言○郑康成曰分谓各用一代之乐○王氏曰分律而序之自黄钟至无射分同而序之自大吕至夹钟分舞而序之自云门至大武○易氏曰六律以左旋为序六同以右转为序六舞以歷代之先后为序【○贾氏曰分乐而序之与下为总目尊者用前代卑者用后代尊卑有序故曰序】

乃奏黄钟歌大吕舞云门以祀天神

薛平仲曰祭之尊卑凡有六等故以六代之乐分用之以六代之乐配十二调而作之一代之乐则用二调者还取一陰一阳相对为之合奏者堂上四县钟声之调歌者堂上琴瑟之音但一祭之中皆自为二调庭奏者常以阳律为调升歌者常以陰吕为声欲其相配

郑锷曰黄钟者建子之律一阳所起六律之根本大吕虽非六吕之首然其位在丑子与丑相合之辰也故奏黄钟必歌大吕之调取其合也○易氏曰云以象天之施黄帝之乐黄帝德与天合故云门之乐起于黄钟之子应以大吕之丑是黄钟为六吕之首大吕为六同之首云门为六舞之首以祀天神类也○陈蕴之曰此天神当用三阳爻生之月万物出地之时

刘迎曰天神即乐六变而皆降之神郑既以祀天神为五帝及日月星辰又谓王者各以夏正月祀其所受命之帝于南郊不知受命之帝何所据

乃奏大簇歌应钟舞咸池以祭地

郑锷曰大簇者建寅之律阳声之第二应钟虽非陰声之第二然其位在亥寅与亥相合之辰故奏大簇必歌应钟之调取其合也

易氏曰池以象地之泽唐尧氏之乐唐尧氏德与地合故咸池之乐起于大簇之寅应以应钟之亥是大簇为六律之次应钟为六同之次咸池为六舞之次以祭地 类也 陈蕴之曰此地当用三陰爻生之月万物秀实之时刘迎曰地 即乐八变而出者郑既谓地 则主昆仑又谓祭神州之神及社稷不知神州昆仑何所据

乃奏姑洗歌南吕舞大防以祀四望

郑锷曰姑洗者建辰之律阳声之第三者也南吕虽非陰声之第三其位在酉辰与酉相合之辰故奏姑洗必歌南吕取其合也

陆佃曰南吕则陰之所成者事

易氏曰防绍也言舜之继尧而能绍其道也故大防之乐起于姑洗之辰而应以南吕之酉以舜之柴望于方岳而四岳四镇四海四渎之神咸秩以祀四望亦其类也【○吕氏曰康成以此言祀司中司命风师雨师或亦用此乐非】

乃奏 賔歌函钟舞大夏以祭山川

郑锷曰 賔者建午之律阳声之第四者也函钟非阴声之第四然其位在未午与未相合之辰故奏 賔必歌函钟取其合之义【○郑康成曰函钟一名林钟○陆氏曰林钟以夏为庇物言之○李嘉防曰林者物已成林坤当涵而养之故曰函见蓄养万物】

易氏曰夏大也言禹之治水而能大中国也故大夏之乐起于 賔之午应以函钟之未以禹之奠高山大川而懷襄昏墊之患始息以祀山川亦其类也

乃奏夷则歌小吕舞大濩以享先妣

郑锷曰夷则者建申之律阳声之第五者也小吕虽非阴声之第五然其辰在巳申与巳相合之辰故奏夷则必歌小吕取其合也【○郑康成曰小吕一名中吕○陆氏曰小吕则陰之所萌者小也】

易氏曰濩养也言成汤吊伐养天下也故大濩之乐起于夷则之申应以小吕之巳以享先妣而序于先祖之上蓋主乎姜嫄而先后与焉谓子孙之养皆原于此亦其类也○郑康成曰先妣姜嫄也履大人迹感神灵而生后稷是周之先母周立庙自后稷为始祖姜嫄无所配是以

特立庙而祭之谓之闕宫闕神之也

乃奏无射歌夹钟舞大武以享先祖

郑锷曰无射者建戌之律阳声之第六者夹钟虽非阴吕之第六然其辰在卯戌与卯相合之辰也故奏无射必歌夹钟取其合也【○郑康成曰夹钟一名圜钟○陆氏曰圜钟以春为主规言之○李嘉防曰圜物始生也卯者日之始故曰锐】

易氏曰武功也言武王偃武而卒其伐功故大武之乐起于无射之戌应以夹钟之卯以享先祖而序于先妣之下蓋主乎后稷而先公与焉谓王业之大实基于此亦其类也○刘氏曰周之先祖惟后稷诗之讎言禘大祖生民言尊祖而谓后稷生于姜嫄则凡言祖者皆后稷郑乃以先祖为先王先公蓋先公自公刘而下先王自王季而下非始祖矣天作言祀先王先公司服言祀先王则衮冕祀先公则鷩冕必明指先王先公言之今享先妣既云姜妇知先祖为后稷昭然

项氏曰奏者播之于器歌者咏之于声舞者动之于容

王氏详說曰司服所以依于王其尊卑先亲而后疎司乐所以荐于神其尊卑先外而后内

凡六乐者文之以五声播之以八音

刘执中曰六代之乐虽不同皆用五声旋相为宫以成其文也假此八物之音以播旋相之文则乐成矣○郑锷曰以五声文之使节奏次序如锦绣之成文欲其声之交错以八音播之【○郑康成曰播之言被也】使音调防畅如农者播谷之播欲其音之发散蓋六乐之奏象其类称其德因其数着其义至于作乐则必须五声八音以文之播之然后乐成而可观听也○李嘉防曰八者之声无以文之则金自金石自石矣○王昭禹曰五声所以成八音故先五声后八音【○愚案說见大师】

凡六乐者一变而致羽物及川泽之 再变而致羸物及山林之 三变而致鳞物及丘陵之 四变而致毛物及坟衍之 五变而致介物及土 六变而致象物及天神

王氏详說曰此一节谓四方百物之祭也○郑康成曰变犹更也乐成则更奏也○王昭禹曰节奏俱备谓之成备而更奏谓之变【○王氏详說曰六经之言有以变为成者如箫韶九成是也有以变为闕者郊特牲所谓乐奏三闕是也有以变为终者乡饮酒义所谓笙入三终是也曰变曰闕曰终是或一說也】

刘氏曰六乐而文之五声播之八音其为乐亦大矣非祭天地宗庙不用先儒止见其致羽物羸物之属谓大蜡索百物之祭不知大蜡止息老物乐田夫而已六乐岂用于此乎【○郑康成曰此谓大蜡索鬼神而致百物六奏乐而礼毕东方之祭用大簇姑洗南方之祭用 賔西

方之祭用夷则无射北方之祭用黄钟为均每奏有所感致和以来之】

郑康成曰土 原隰及平地之神【○贾氏曰大司徒有原隰此不言原隰故知土 中有原隰可知不言原隰言土 者欲见原隰中有社稷故郑驳异义云五变而致土 土 五上之总神谓社也】

刘氏曰象物盖日月星辰之属易言天垂象垂象着明莫大乎日月是日月星辰亦可谓之象物保章氏谓凡此五物盖云日月星辰星土孰云有象而非物乎【○郑康成曰象物有象在天所谓四灵者天地之神四灵之知非德至和则不至礼运曰何谓四灵麟凤龟龙谓之四灵】

郑锷曰致者使之自至乐作于此物应于彼虽圣人亦安能限其必至哉亦意其来格而已乐止于六变者盖蜡祭之乐六变而祭毕【○王昭禹曰羽物轻疾而川泽则虚致之易故一变而致羽物蛙蟪之属比羽物为重迟山林草木所集比川泽为实致之稍难故俟乎再变鳞物水族又重迟于羸物丘陵积土之为笃又实于山林故俟乎三变毛物虎豹属其体又重迟于鳞物水崖之坟下平之衍水上交而其体卑又实于丘陵故俟乎四变介物 鳖属尤为重迟土 则其势在下尤为实故俟五变而致之象物恍惚无形天神则远人而尊致之尤难故六变而后致之】

易氏曰分乐之序则以云门祀天神以咸池祭地祇与求神之乐大同小异其言大濩以祀先妣大武以祀先祖则与九防九德一用于宗庙不同天地有一定之体故乐不容于或异人鬼有宗庙有祧庙祭灋曰王立七庙一坛一墀皆月祭之远庙为祧享尝乃止宗庙则七庙也先妣先祖则庙与祧皆异兹其乐所以不同

凡乐圜钟为宫黄钟为角大簇为徵姑洗为羽鼐鼓鼗鼬 竹之管云和之琴瑟云门之舞冬日至于地上之圜丘奏之若乐六变则天神皆降可得而礼矣

王氏详説曰此一节天地人之大祭祀下神之乐愚案礼记谓十二律旋相为宫何此独用三者为宫学者疑之

郑康成曰圜钟夹钟也【○郑锷曰不曰夹钟曰圜钟者以天体言也】○王氏曰圜钟正东方之律帝与万物相见于是出焉天无不覆求天神而礼之则其乐之宫宜以帝所出之方故以圜钟【○陈旸乐书曰天圆覆为体不曰夹而曰圆与易干为圜同】○薛氏曰大道着乎东而本统起乎北易曰帝出乎震震东方也故祭天神用寅卯辰之律曰大簇圜钟姑洗是也然不可违其本统也黄钟为天统故兼取北方之律而以黄钟为角【○郑锷曰十二律旋相为宫先王用乐各以其义类取声而用之天功始于子故用黄钟为角角言功之始天功成于寅故用大簇为徵徵言功之成天功终于辰故用姑洗为羽羽言功之终也○王氏详説曰黄钟为阳律之一大簇为阳律之二姑洗为阳律之三○王昭禹曰黄钟为角大簇为徵姑洗为羽者是三者律吕之相继相继者道之序天任道也】

王氏详說曰宫角徵羽以清浊为先后之序且如圜钟为宫宫数八十一黄钟为角角数六十四大簇为徵徵数五十四姑洗为羽羽数四十八函钟为宫大簇为角姑洗为徵南吕为羽黄钟为宫大吕为角大簇为徵应钟为羽亦如其数此所谓宫角徵羽者以清浊为先后之序也律历志所谓宫生徵徵生商商生羽羽生角以相生为先后之序也○薛氏曰五声有商而祭与佩玉无商者郑康成曰祭尚柔商坚刚杨 曰周祭天地不用商者以商声刚而角声下所以取其正裁其繁也赵填曰商声金周家木德金能剋木作者去之或曰五音相生宫徵居前角羽居后商实在中人位也祭祀而去人声示尽心于鬼神又曰声不用商恶杀声也以数說攷之则不用人声者为当商中声也降与上下之神则虚其中声中声人声也遗乎人声所以致一于鬼神尝以十二律旋相为宫之灋求之一律合五音则十二律皆有商声若黄钟为宫正也以无射为旋宫则黄钟为无射之商若大簇为旋宫则姑洗为大簇之商此旋相之灋○郑司农曰雷鼓雷鼗皆谓六面有革可击者也【○郑康成曰八面】○郑锸曰管用特生之竹取阳数之奇云和先儒以为山名于此取材为琴瑟将以召乎至和故有取也六代之乐云门为首天神最尊故用之○王昭禹曰言天神则昊天上帝日月星辰风师雨师之属莫不以类而毕降○郑锸曰乐用圜钟鼓取天声管取阳声琴瑟取云和舞取云门而丘之体又象天之负祭之日用冬至一阳始生之日以类求类所谓天神之属乎阳者安得而不降此所以可得而礼○易氏曰凡乐有本有用有变自圜钟为宫至姑洗为羽此乐之本自雷鼓雷鼗至圜丘奏之此乐之用六变而天神降此乐之变三者举而乐之终始备矣

凡乐函钟为宫大簇为角姑洗为徵南吕为羽灵鼓灵鼗孙竹之管空桑之琴瑟咸池之舞夏日至于泽中之方丘奏之若乐八变则地 皆出可得而礼矣

王氏曰函钟西南方之律万物于是致养乎地求地 而礼之则其乐之宫宜以物致养之方故以函钟【○陈旸乐书曰地以含洪为德不曰林而曰函以见含洪之意】

薛氏曰林钟丑之冲为地统与其他之律皆相生之次而用以祀地地静而不变以生为本故以相生为用不与圜丘宗庙同○王氏详說曰林钟上生大簇大簇下生南吕南吕上生姑洗然先姑洗而后南吕以姑洗数多而南吕数少耳相生者地之功故于地言之【○郑锸曰地功始于寅故用大簇为角角言功之始地功成于辰故用姑洗为徵徵言功之成地功终于酉故用南吕为羽羽言功之终】

郑司农曰灵鼓灵鼗四面【○郑康成曰六面】○郑锸曰天神而地灵故以灵名其鼓与鼗○郑康成曰孙竹竹枝根之末生者【○郑锸曰取其旁生之枝】空桑山名【○王昭禹曰空桑则以陰道为常乏○愚案咸池见本职前】○王昭禹曰言地 则大 社稷五祀五岳四渎山林川泽四方百物之属莫不以类而毕出○刘执中曰陰生而祭地以助乎坤元资生之德○薛氏曰陰以方为体性静地陰而静故为方丘在国北之泽以祀之亦各从其类【○陆氏曰祭也于北郊而泽中之方丘此谓为下必因川泽】

郑锸曰乐用林钟言地为万物之君终于南吕象其作成万物之效鼓鼗言其德之灵管象其生之众空桑言其道无所不容咸池言其泽无所不徧而丘之体又象地之方祭之日用夏至

一陰始生之日以类求类如此安有神之不出乎

凡乐黄钟为宫大吕为角大簇为徵应钟为羽路鼓路鼗陰竹之管龙门之琴瑟九德之歌九防之舞于宗庙之中奏之若乐九变则人鬼可得而礼矣

王氏曰黄钟正北方之律万物于是藏焉死者之所首也鬼无乎不之求人鬼而礼之其乐之宫宜以死者所首之方故以黄钟【○陈旸乐书曰人位天地之中以成故宫曰黄钟与易黄中通理同意】

薛氏曰人道终乎北而本统在乎东北方 武虚危有宗庙之象故享人鬼用亥子丑之律黄钟大吕应钟是已然不可违其本统也大簇为人统故兼取东方之律而以大簇为徵【○郑锜曰人鬼之乐异乎天地取其精神魂魄所出入之地以为始终人鬼始于正北成于东北终于西方萃于幽阴之地始于十一月成于正月者幽阴之魄稍出于东方全处幽阴则不与人接稍出于东方故人鬼可得而礼然则复归于幽阴复其常也惟羽声独逮于他乐始于十一月终于八月天地歳事之一终鬼道无穷非若歳事之有卒故尽十二律然后终事先追逮之道厚之至也此庙乐之始终也○王氏详説曰大吕与黄钟合子丑也应钟与大簇合寅亥也相合者人之情故于人言之】

郑司农曰路鼓路鼗两面【○郑康成曰四面】○郑锜曰路大也以路名鼓以象先王之功大也○郑康成曰阴竹生于山北者【○郑锜曰象鬼神之幽阴也】龙门山名○郑锜曰龙门之山取材为琴瑟以象先王之德变化无方郑司农曰九德之歌所谓水火金木土谷谓之六府正德利用厚生谓之三事六府三事谓之九功九德之功皆可歌也谓之九歌【○贾氏曰宗庙用九德之歌者以九德为政之具故特异天地之神○郑锜曰言先祖之功德及民】

郑锜曰防舞次于咸池取能继绍之意○王昭禹曰九德九防以人之所致养乎内外而尽善尽美者也贾氏曰宗庙不言时节者祫祭也但殷人祫于三时周礼惟用孟秋之月为之

易氏曰享人鬼者以路鼓路鼗作之于始然后以阴竹之管龙门之琴瑟间歌于堂上又以禹九德之歌舜九防之舞节乐于堂下蓋以路为人道之大九防九德言后稷基于舜禹之世而奏之于宗庙者所以象王业之始也

贾氏曰言六变八变九变者谓在天地及庙庭而立四表舞人从南表向第二表为一成一成则一变从第二至第三为二成从第三至北头第四表为三成舞人各转身南向于北表之北还从第一至第二为四成从第二至第三为五成从第三至南头第一表为六成则天神皆降若八变者更从南头北向第二为七成又从第二至第三为八成则地祇皆出若九变者又从第三至北头第一为九成人鬼可得礼焉此约周之大武象武王伐纣故乐记云且夫武始而北出再成而灭商三成而南四成而南国是疆五成而分周公左召公右六成复缀以崇天子其余大濩已上虽无灭商之事但舞人须有限约亦应立四表以与舞人为曲别也○薛氏曰凡乐之变数皆用其宫之本数为终黄钟在子子数九故九变而终夹钟在卯卯数六故用六

变而毕林钟在未未数八故用八变而止皆用其数为终然则凡十二调而作者各用本数为乐终非谓本数为三也

叶水心曰古人皆指其实不想象而言人鬼不言出鬼固依于人古人不以致神祇为难而以天地神明得其所安为难

刘氏曰祀天圜丘祀天帝也祭地方泽祭地 也享人鬼于宗庙后稷已下先王先公也先儒言三者皆禘大祭夫禘者禘其祖之所自出天神地 谓之皆禘大祭可乎又言天神主北辰地 主昆仑则是祀天又非昊天上帝祭地又非地 既言人鬼主后稷又援祭灋禘啻而郊稷祀天圜丘以帝啻配则是夫子郊祀后稷以配天诗言文武之功起于后稷故推以配天之說皆不足信多自背戾如此

周礼订义卷三十八

卷三十九

钦定四库全书

周礼订义卷三十九 宋 王与之 撰

凡乐事大祭祀宿县遂以声展之

王昭禹曰宿县祭前之夕列之于笋簴○郑锷曰作乐之时乐县之位正于小胥既掌辨其声矣大司乐又宿县遂以声展之盖钟磬之属县于笋簴固可以作乐前期之夕乐官之长视之又扣击其声而展省之者欲知其宫商不爽金石谐和庶其奏可以格神祇也

王出入则令奏王夏尸出入则令奏肆夏牲出入则令奏昭夏

郑锷曰祭祀之节有王出入之时有尸出入之时有牲出入之时皆当奏夏夏之名有九此所奏者三夏夏大也乐章之大者也王始祭入庙门祭讫出庙门皆奏王夏盖歌王者之德为甚大始迎尸而入终送尸而出皆奏肆夏尸者祖先之象肆遂也安也或说祖先有功德故国遂大至于为天子而有天下也【○王昭禹曰直而自遂之谓肆尸以象乎神则有直而自遂之意故尸出入则奏肆夏】二裸之后王出迎牲入而告牲乃出而杀之皆奏昭夏昭明也明祖先有硕大之德故用是牲【○王昭禹曰神散而为明明散而为昭牲以致味行吾忧勤而亲鬼神者在此宜其致精明以歆鬼神焉故牲出入则奏昭夏】说者以肆夏为时迈所谓肆于时夏允王保之是也王夏昭夏则无所攷矣

王氏详说曰九夏之名见于钟师此特言三夏以三夏为九夏之大奏九夏者钟师也令钟师而奏三夏者大司乐也自纳夏而下则钟师自奏矣○郑锷曰此所令奏者时祭也

帅国子而舞

郑锷曰奏夏之时又帅国子而舞以形容之○易氏曰舞所以宣导其和○王昭禹曰大司乐以乐舞教国子舞故凡乐事用舞则帅国子而舞

大飧不入牲其他皆如祭祀

郑锷曰祫祭先王飧五帝于明堂飧来朝之诸侯皆谓之大飧此所谓大飧飧来朝之诸侯也祭祀迎牲入庙而始杀飧賔则杀牲于门外鼎而后入故不迎牲不奏昭夏惟此与祭祀不同祭有入牲之礼者告博硕肥腍又以告幽全也賔客之来随命数以致礼在主人不当告于賔客然先王待賔客如待神明故其他皆得而同○郑康成曰其他谓王出入賔客出入亦奏王夏肆夏【○项氏曰礼曰大飧其王事欤又云其出也肆夏而送之】

大射王出入令奏王夏及射令奏驺虞

贾氏曰大射谓祭祀择士而射于西郊虞庠学中○郑康成曰驺虞乐章名在召南之卒章王射以驺虞为节○郑锷曰王出入令奏王夏则奏于未射之时及射令奏驺虞则奏于 矢之际【○项氏曰驺虞乐官备也射一 矢驺虞驱五豝而待其得贤之多如此○愚案驺虞说详见乐师】

诏诸侯以弓矢舞

贾氏曰诸侯来朝将助祭预天子大射之时○郑锷曰又诏待射诸侯执弓挟矢揖逊进退为手舞足蹈之容者诸侯虽尊入而侍王当执臣子之礼○黄氏曰舞所以饰敬也【○王昭禹曰王以六耦射三侯其耦王射者必诏以弓矢舞则以天子之射其节比于乐诸侯之舞亦所以应王故也仪礼大射命三耦取弓矢有升降之仪者亦以此】

王大食三侑皆令奏钟鼓

王昭禹曰大食大牢非常食也玉藻曰天子日食少牢而朔月大牢所谓大食者其朔月之食乎夫人之养也心志和而后气体从之食饮膳羞所以养气体侑之以乐所以和其心志而致气体之养焉况天下无事无大荒无太札无大灾无大故而王可以乐之时所以大食之三侑大司乐皆令奏钟鼓膳夫言王曰一举鼎十有二物皆有俎以乐侑食此谓常日之礼至于王斋日三举亦大食之礼○郑康成曰宥犹劝也○郑锷曰食则三侑劝之至于三加牲而用大牢谓之大食奏钟鼓用乐之盛也【○项氏曰钟鼓乐器之大备大礼也○李嘉防曰侑食之乐非无笙磬丝竹之音必奏钟鼓何也盖钟声铿铿以立号君子闻钟声则思武臣鼓声鼙鼙以立动君子闻鼓声则思将帅之臣安不忘危治不忘乱之意】

王师大献则令奏恺乐

易氏曰凡师之出宜乎社造乎祖各载其主以行及其有功则皆献之以恺乐皆大司乐有以令其奏○王昭禹曰恺者喜之属南风谓之恺风者天地之怒气散焉王师大献奏恺乐者人之怒气释焉【○郑锷曰有功而归 释其怒而为恺悦故乐名曰恺左传晋文公败楚振旅恺以入于晋○李嘉防曰圣人于军功始教以振旅终奏以恺歌示人以胜残去杀之义】乐师于大献奏恺歌遂倡之铎师若大献则鼓其恺乐然则大司乐所令者令其属而已【○郑锷曰令铎师奏之】

凡日月食四镇五岳崩大傀异裁诸侯薨令去乐郑康成曰四镇谓 之防稽青之沂山幽之医无间冀之霍山五岳岱在兗衡在荆華在豫岳在雍恒在并傀犹怪也大怪异裁谓天地奇变若星辰奔竄及震裂为害者去乐藏之也春秋传曰壬午犹绎万入去籥万言入则去者不入藏之可知也

大札大凶大裁大臣死凡国之大忧令弛县

郑康成曰札疫病也凶凶年也裁水火也弛释下之若今休兵鼓之为

凡建国禁其淫声过声凶声慢声

郑锷曰王者作乐以导和于天下王朝所作者虽本乎雅正苟侯国或为淫哇何以一天下于至和哉故于建国之际禁其淫过凶慢之声诸侯系一国之风不谨于声乐之际鼓淫放荡流入邪淫国亦因以亡矣始建国必禁焉防于未然之前【○李嘉防曰四者之声何独于诸侯新封而禁之乐感人深浹肌藏髓立国之初当尚中正四者必禁求以善民心于始也】

郑康成曰淫声若郑卫也过声失哀乐之节也凶声亡国之声若桑间濮上也慢声惰慢不恭也

大丧涖廡乐器及葬藏乐器亦如之

郑康成曰涖临也廡兴也临笙师搏师之属兴乐器也兴谓作之也

易氏曰藏瘞也大司乐涖之敬其事也

乐师掌国学之政以教国子小舞

郑康成曰谓以年防小时教之舞内则曰十三舞勺成童舞象二十舞大夏【○易氏曰勺者周公告成大武之诗象者武王告成象舞之诗播为乐章以教国子则有六者之舞】

黄氏曰凡称国子兼适庶也故王世子亦在文王世子曰春夏教干戈秋冬教羽籥帔羽皇旄干人等舞则为小舞自其小时教之大司乐六舞则合之羽旄干戚备焉【○贾氏曰此言小舞则大司乐教云门已下为大舞】

李嘉防曰教国子以舞使之委蛇曲折动容貌习威仪就其抑 进退之节以销其骄淫矜夸之习此教国子之善灋小舞既习而后六代之舞可习矣

凡舞有帔舞有羽舞有皇舞有旄舞有干舞有人舞郑司农曰帔舞者全羽【○郑康成曰帔析五采繒今灵星舞子持之是也】郑锷曰羽则析白羽【○刘执中曰羽舞秉翟以为文舞】皇则用五采羽为凤凰之形皆执之以舞【○郑司农曰皇舞者以羽冒覆头上衣饰翡翠之羽○易氏曰象凤凰来仪○项氏曰欲其和也】

郑司农曰旄舞 牛之尾【○易氏曰象百兽率舞也○项氏曰取其顺也】郑锷曰干执干楯以舞【○郑司农曰兵舞】

郑司农曰人舞者手舞【○郑康成曰舞无所执以手袖为威仪】

郑司农曰社稷以帔宗庙以羽四方以皇辟雍以旄兵事以干星辰以人

郑锴曰社稷之舞执帔有帔除之意言社稷生养乎人而除其灾害四方之舞执羽有羽翼之意言四方为国翼蔽如鸟之有羽旱暵之舞以皇皇凤之雌也为羣陰之长旱则阳胜陰舞以皇所以召陰而却阳也旄即旄人所教之舞也夷乐散乐賓客之燕乐用之或谓辟雍用旄无所考人舞则宗庙用之八佾六佾皆以人为主地官之属所用者止系于民事舞师言兵舞此言干舞变干言兵实一而已○易氏曰地官舞师之四舞不及旄舞人舞者教其所当用非国子之小舞若舞师先教兵舞则以祭祀大小为先后乐师先教帔舞则以所教之序为先后以人舞非舞之正故列于数者之末【○愚案余説见舞师】

教乐仪行以肆夏趋以采荠车亦如之

郑锴曰承上文教国子又教之奏乐以为王行步之仪王昭禹曰乐师所教教作乐者堂上之行而肆夏作门外之趋而采荠作一行一趋有其仪与乐节相应不可不豫教焉【○郑锴曰在堂则賓尚遠故行出门则賓已近故速也】行则缓缓则有直而自遂之意故奏肆夏趋则疾疾则欲齐而整肃焉故奏采荠【○郑司农曰肆夏采荠皆乐名或曰皆逸诗】

郑康成曰王如有车出之事登车于大寝西阶之前反降于阼阶之前尚书传曰天子将出撞黄钟之钟右五钟皆应入则撞 賓之钟左五钟皆应大师于是奏乐○王昭禹曰王之行趋既然车之疾徐亦如此故曰车亦如之且王于賓客飧食则在庙其燕则在寝或步或乘出入皆有仪王之进退岂苟乎哉【○刘执中曰车亦如之者则五御之法有缓急和鸾之声动则相应】

贾氏曰先言行后言趋又云环拜从内向外而言是出时也玉藻趋以采荠行以肆夏先言趋后言行从外向内是入时也○王氏详説曰司乐云王出入奏王夏尸出入奏肆夏此又行以肆夏不奏王夏者何耶蓋司乐出入谓庙中时此谓出迎賓客及升车时肆夏所用亦广王出入则奏之大司乐乐师是已享元侯则奏之晋穆叔所谓肆夏天子所以享元侯是也告祭柴望则奏之时迈所谓肆于时夏是已送賓则奏之礼器所谓其出也肆夏以送之是已郑氏于礼器以肆夏当为陔夏是徒知賓出入则奏陔夏不知肆夏之用为广也○黄氏曰祭祀朝防师甸封建之时王在五路其步趋之节责大馭焉五路之上王安佚矣然而顾车之行而闻肆夏之声则犹行于堂下顾车之趋而闻采荠之声则犹行于门外造次无非礼者乐师之所教大馭之所馭与有力焉

环拜以钟鼓为节

郑司农曰环犹旋也【○黄氏曰汉何武举方正召见槃辟雅拜有司劾其虚伪服防曰槃辟雅拜行礼之容拜也师古曰槃辟犹盘旋也此仪至汉犹在】

愚案环拜羣臣环王而拜祭天地祭宗庙朝日之类俱有拜王拜于中羣臣环列而拜之于外则谓之环拜

郑锷曰环乃回环之义羣臣环外而拜天子拜者众恶其不齐故奏钟鼓为节使闻鼓而拜闻钟而止○易氏曰行趋者接賓之仪环拜者賓拜之仪乐师于是教国子之乐仪欲君臣上下无非礼也尔雅曰堂上谓之行门外谓之趋是王出既服至堂而肆夏作出路门而采荠作齐侯曰朝覲宗遇飧食皆乘金路各以其等为车送迎之节是王者有车出迎賓之礼亦因车之行趋为之歌肆夏采荠蓋肆夏之乐其声舒以缓采荠之乐其声数以疾此王者接賓之乐仪至于朝防诸侯于外朝之位与夫合诸侯于国门外方明坛之位则有环拜之礼虽不详见而贾氏于方明坛之位则曰公奠玉于上等降拜于中等侯伯奠玉于中等降拜于下等子男奠玉于下等降拜于地此礼之大者必以钟鼓节之为作止之节也

凡射王以驹虞为节

郑锷曰凡射则大射燕射賓射之时皆奏此诗○薛氏曰先郑释此以为驹虞圣兽郑氏释驹虞之诗亦以为义兽白虎黑文不食生物不知彼何所见吾观驹虞者天子之官记曰乐官备又曰天子以备官为节【○刘执中曰贤人众多则官备而治有弗至者乎】蓋驹者谓趣马主为诸官驾說者记于季秋天子乃教于田猎命仆及七驹咸驾则驹者田猎之官经于大阅则虞人莱所田之野谓山虞于大田猎莱山田之野泽虞于大田猎莱泽野则虞者山泽之官而与于田猎者驹虞掌田猎之官宜以杀兽为事乃一止于取五豝其仁如此天子取之以为射节者此也【○王氏曰以驹虞为节者乐仁而杀以时○郑锷曰文王之射于驹圉诗之辞则曰一五豝又曰一五豝其义以为兽之数五而王射以一矢不欲多杀者乃爱物之仁心故奏是诗言天子以仁而爱物为主】

诸侯以貍首为节

郑锷曰诸侯三节以听四节以射诗则貍首也诗之辞曰曾孙侯氏四正具举大夫君子凡以庶士小大莫处御于君所以燕以射则燕则誉蓋言诸侯不敢寧处惟朝于天子则享安誉也貍之为言不来也貍首言射乎不来者之首为诸侯者必当朝王不朝则射之将以为不朝者之戒【○吕氏曰貍首之诗亡矣记有原壤所歌之辞曰貍首之班然执女手之卷然貍首田之所物之至薄君子相防不以微薄废礼犹白茅死麋可以聘如玉之女匏叶兔首可以为君子之献执手者所以道旧结懽言君臣相与习礼而结懽奉天子以修朝事故诸侯之射以是为节】

大夫以采苹为节

吕氏曰采苹诗言大夫妻能循灋度采苹采藻盛之湘之奠之皆在家所习教成之祭之事大夫妻已嫔能循在家姆教之灋度乃可以承先祖共祭祀卿大夫已命能循其未仕所学乃可以与国政故卿大夫之射以是为节

士以采蘩为节

吕氏曰采蘩诗言夫人不失职所谓采蘩于涧之中于以用之公侯之事被之僮僮夙夜在公盖夫人无外事祭祀乃其职惟敬以从事是为不失士之事君何以异此敬恭朝夕事事而已然后尽士之职而不愧故士之射以此为节○郑锷曰采蘩诗言于沼于沚于涧之中无以异乎采苹之诗序言可以奉祭祀不失职亦无以异乎采苹之循瀍度之语诗人列采苹于采蘩后今之射节先采苹后采蘩士之歌用前大夫之歌用后余甚疑所歌之义恐此二篇歌奏之时迟速不同故分为大夫士之射节

总论

吕氏曰天子之德莫大于好生继天也诸侯之德莫大于奉朝事事君也卿大夫之事莫大于灋先王守道也士之德莫大于敬事死命也诗不可以无义故各以其所乐告之所以明乎其节之志以不失其事则功成而德立无暴乱之祸矣

薛氏曰夫子曰射者何以射何以听循声而 而不失正鹄者其唯贤者乎且歌射节所以为听也天子九节诸侯七节大夫五节不间尊卑皆用乘矢矢之所发四节作矣是天子未射先歌者五诸侯未射先歌者三大夫未射先歌者一尊者先以听则多卑者先以听则寡所以优尊者

凡乐掌其序事治其乐政

贾氏曰掌其序事谓陈列乐器及作乐之次第【○郑锷曰使不失先后之伦】治其乐政者谓治理乐声得其正不淫放也【○郑锷曰使乐工不敢为淫乱之声】

【李嘉防曰乐事在前乐政在后何也惟掌其序事节奏有绪举知其宜则可以治其乐政凡下文所谓小事用乐乐成告备者皆乐政也又有赏罚有升黜凡乐师提纲总领之权总乐政也】

凡国之小事用乐者令奏钟鼓

郑康成曰小事小祭祀之事【○易氏曰舞师言小祭祀不兴舞而此下文言皐舞则非舞师所谓小祭祀也谓大神 大鬼之外皆小事之乐令奏钟鼓言严其始而已】○王昭禹曰令奏钟鼓则令其属也小事乐师令之大事大司乐所令也

凡乐成则告备

易氏曰乐所奏一竟为一成不特大神大 大鬼之乐为然据大司乐言凡天神皆六成凡地皆八成凡人鬼皆九成每一成则乐师皆为之告其备皆有舞以节其乐○郑锷曰小宗伯

告备于王告礼之备也肆师礼成则告备告礼事之毕也事毕言礼已毕此则告乐之备尔

王氏详説曰案大射礼曰大乐正命大师曰奏豳首此命奏者乐师而非乐正也案燕礼曰大师告于乐正曰正歌备此告备者乐师非大师也蓋诸侯之射礼燕礼与天子不同此所以命奏者在于乐师告备者在于乐师是乐师卑于乐正而尊于大师也

诏来瞽臯舞

郑康成曰诏视了扶瞽者来入也臯之言号告国子当舞者舞

王昭禹曰瞽无目非可顾视故诏其来舞有节非可速故诏其缓臯缓也

及彻帅学士而歌彻

郑司农注大胥曰学士谓卿大夫诸子学舞者○王昭禹曰以其父兄有爵列于国故谓之国子以其众言谓之诸子以其教于学谓之学士○贾氏曰此谓祭未至彻祭器之时乐师帅学士而歌彻但学士主舞瞽人主歌今云帅学士而歌彻者此絶读之然后合义歌彻之时歌舞俱有所谓帅学士使之舞歌者自是瞽人歌雍诗也彻者诸宰君妇耳○郑锷曰祭将毕恐其不敬故歌诗以见其敬以周颂攷之雍禘太祖也此所歌以彻者其雍诗乎○王昭禹曰歌雍学士也乐师则帅之而已

令相

郑司农曰告当相瞽师者言当罢也瞽师盲者皆有相道之者故师冕见及阶曰阶也及席曰席也皆坐曰某在斯某在斯曰相师之道与【○刘执中曰乐备矣瞽蒙当退则令视了以相之】

郑锷曰祭之始诏使扶之而来其终也相之以往

飧食诸侯序其乐事令奏钟鼓令相如祭之仪

王昭禹曰飧以饮为主食以食为主○郑锷曰孔子语鲁大师以乐则知乐之有序蓋如此故曰掌其序事若夫飧食诸侯则奏乐之际序其作乐之事故令奏钟鼓以为节乐终则令相瞽蒙以退皆如祭祀之仪惟不入牲之事异而已

燕射帅射夫以弓矢舞

王昭禹曰燕射谓王与羣臣燕而行射礼○郑康成曰射夫众耦也【○贾氏曰凡射有三番又天子六耦畿内诸侯四耦畿外诸侯三耦前番直六耦三耦等射所以诱射故也第二番六

耦与众耦俱射第三番人兼作乐经直云射夫郑知众耦者以其三番射皆弓矢舞若言六耦不兼众耦若言众耦则兼三耦】

王昭禹曰帅其耦而治之者射人也帅之使舞者乐师也大司乐诏诸侯以弓矢舞诸侯尊也乐师帅射夫射人卑也饮燕之间必用射皆特为礼以观德抑又为有事之备

乐出入令奏钟鼓

易氏曰大司乐王出入奏王夏尸出入奏肆夏牲出入奏昭夏此三夏皆瞽所歌之诗有歌必有笙有笙必有舞如此之类皆乐之出入令奏钟鼓以节之

凡军大献教恺歌遂倡之

郑锷曰王师大献令奏恺乐则王亲征之师故大司乐令之军大献教恺歌遣将出军而归故乐师教之又倡之异尊卑○王昭禹曰歌出于人声有倡有和故乐师倡之使所教之瞽蒙和焉【○李嘉防曰恺歌歌于堂上恺乐作于堂下二者相应恺歌在前乐师倡之】

凡丧陈乐器则帅乐官

贾氏曰乐器即明器若檀弓云木不成斲瓦不成沫琴瑟张而不平笙竽备而不和【○王昭禹曰犹大丧之廌焉之死而致生之不智而不可为所以陈之而已】○贾氏曰乐官笙师搏师之属【○易氏曰谓大胥至司干】○郑康成曰帅乐官往陈之

及序哭亦如之

王昭禹曰小宗伯及执事眡葬献器遂哭之乐师又帅乐官而哭乐器以明先王之盛德感人之深其生也荣其死也哀故睹器而思其人则哭也必使乐师帅而哭亦以明哀乐之相仍舞用矍亦此意也

凡乐官掌其政令听其治讼

郑锷曰掌其政令所以统治之其有争讼则为断其曲直此所以名之为师

周礼订义卷三十九

卷四十

钦定四库全书

周礼订义卷四十 宋 王与之 撰

大胥中士四人小胥下士八人府二人史四人徒四十人

郑康成曰胥有才知之称礼记文王世子曰小乐正学干大胥赞之

郑锷曰闻胥以胥名之谓其才智足以长人乐官名胥胥者相也惟有才智然后能相人大胥相乐官之乐政其所相者于诸胥为大

掌学士之版以待致诸子

王氏详説曰文王世子曰凡学世子及学士必时是学士者国子之谓以其父兄有爵于国者言之则曰国子以其众言之则曰诸子以其教言之则曰学士周之时乔木有世臣棠华有贤者之后夫岂无自哉郑司农曰版籍也今时乡户籍世谓之户版大胥主此籍以待当召聚学舞者卿大夫之诸子则案此籍以召之【○黄氏曰学士之版凡学者皆着籍于此独致诸子合之于舞位不敢使适子与于此适子尝学小舞何为至合舞始别异之干戈羽籥不可以不学合舞则有什五有长少 以其才为之等适子虽非才犹不使庶子临之况有王世子焉汉世取二千石闾内侯子为舞人皆适子不知其义】○郑锷曰宫伯掌士庶子凡在版者司士掌羣臣之版此所谓学士之版皆书名于版以待有用则致之使自至【○王氏曰其已至者以待之其不至者以致之○刘执中曰来学者待而籍之德成者致其名于王】

王氏详説曰大胥既待致诸子夏官复以诸子名官何耶盖夏官诸子掌国子之倅国有大事则帅国子而致于太子若有车甲之事则授之车甲是教之以兵也此教之以乐

【李嘉防曰夏官有诸子掌国子之倅今不曰公卿大夫之子又不曰庶子乃曰诸子者盖诸子所掌之国子修德学道合学合射其艺已进故令大胥掌其籍而升致之必曰待者待诸子之教治已成此则致之而已故大胥一职止见合舞合声不见教事以有诸子之教在前也名曰学士非徒国子必国子之才艺者掌其名数之版有其人则充之亦待意也】

春入学舍采合舞

郑康成曰春始以学士入学宫而学之○贾氏曰舍即释采即菜也

郑锷曰礼有释奠有释菜莫厚于释奠莫薄于释菜盖释奠则有迎牲有酌献有授舞者器之

礼所以致恭于先圣释菜则不舞不授器不杀牲但以苹蘩蕒藻之类告防于先师而已【○崔氏曰先师谓礼乐诗书之官周礼凡有道有德者使教焉死则以为乐祖祭于瞽宗所谓知乐者也若有诗书之德者亦各祭于其所教之学汉时礼有高堂生乐有制氏书有伏生诗有毛公此之谓先师也】○蓝氏曰释菜礼之至简者皆不在多品贵其诚也其用有三每岁春合舞而行之月令云仲春命乐正合舞释菜也始入学则行之文王世子云既兴器用币然后舍菜是也学记云太学始教皮弁祭菜示敬道也

郑康成曰合舞等其进退使应节奏○黄氏曰乐师教舞帔羽干旄皇人未尝合也大胥春始入学合而教之

秋颁学合声

郑锷曰月令春入学合舞秋入学习吹学无二义皆学宫也盖周家建五学其中谓之辟雍水南曰成均水北曰上庠水东曰东序水西曰瞽宗春令学士始入学所入者辟雍也总处于此以观其能至秋则所观者已久知其所宜矣于是分而处之宜学礼者处之瞽宗宜学书者处之上庠宜学干戈者处之东序宜学语者处之成均非惟不分学字以为二义又合周家立学之制【○易氏曰合舞于入学之后合声于颁学之后是知其为瞽宗之学盖瞽宗见于大司乐有所谓成均之法又有所谓乐祖之祭皆所以为礼乐之教春入学舍采者即入瞽宗之学舍采于乐祖秋颁学者即以成均之法颁之于瞽宗之学○杨氏曰郑解颁学亦有意胜于诸说但亦有过当处颁学只是秋时入学分典学者斋舍为一冬习业居隩避寒之地与春时入学不同故异其文谓之颁学案尚书大传耒鋤已藏新谷已入 事已毕余子皆入学距冬至四十五日始出学任农事是一冬九十日当在学之人数甚多非一学所容须分在诸处若四时在学者惟国子与国之俊造其春诵夏 秋学礼冬读书皆有常处礼乐皆在瞽宗书在上庠不应至秋时方始分】

郑康成曰合声亦等其曲折使应节奏○王氏曰乐之声以言为本书曰诗言志歌永言声依永律和声郑锷曰合舞必以春合声必以秋盖春阳用事德在木木曰曲直而主乎貌舞见于形貌之间或俯或仰木之象也故合舞以春所以顺乎阳秋阴用事德在金金曰从革而主乎言声见于辞气之间或抑或 金之象也故合声以秋所以顺乎阴

王氏详说曰王制春秋教以礼乐冬夏教以诗书春夏阳也诗乐者声声亦阳也是春未尝不学声文王世子春夏学干戈秋冬学羽籥干戈武舞羽籥文舞是秋未尝不学舞此言合舞以春合声以秋盖大合舞大合声与平日之学舞学声异记所言者主教国子此言者主合国子平日所教所以不同

以六乐之防正舞位以序出入舞者

易氏曰合舞合声教之序也此教之成也故言六乐之防

郑锷曰及教以舞则以六乐之防正其舞之位方其分乐而各奏不患其舞位之不正及防合而并奏其人多其列众位始不正矣于是焉必正其位如云门大卷不可以处后大濩大武不可以居前之类其位已正乃序当舞之人已舞者出未舞者入使先后不失其伦

刘执中曰六乐之节疾徐不同六舞之位远近不一故立表以防其节与其位自南表而舞至北表者再表为一成则六成矣自北舞而南者一故舞为九成而乐为九变则表为六乐之防者欵出入其表以就八佾者皆以长少为序

比乐官

郑康成曰比犹校也○郑锷曰比较作乐之官欲无一乐之不备【○杜氏曰次比乐官也】

展乐器

郑康成曰展谓陈数之○郑锷曰展省作乐之器欲无一乐之或缺大司乐展其声此则展其器

凡祭祀之用乐者以鼓徵学士

郑康成曰击鼓以召之文王世子曰大昕鼓徵所以警众○王昭禹曰召之使兴舞也

序宫中之事

王昭禹曰宫中之事谓序王宫之中国子之宿卫而学道艺者春秋之所学各有其序如大胥之所掌是宫正言比宫中之众寡防其什伍而教之道艺则大胥序宫中之事者如此【○李嘉防曰宫伯所掌之事】

小胥掌学士之徵令而比之

王昭禹曰徵则召之使来令则使之有为比则校叙其多寡之数使之类聚而羣分○贾氏曰大胥掌学士之版以待召聚舞者小胥赞大胥为徵令校比之攷其在否

觶其不敬者

郑康成曰不敬谓慢期不时至也觶罚爵也诗云兕觥其觶○刘氏曰罚以示媿耻焉

巡舞列而挹其怠慢者

郑康成曰挹犹扶也扶以荆扑○郑锷曰八人为列左右前后各以其序苟立于其列有怠慢

不谨者必挞以记之○王氏曰肆师诛其怠慢则祭以惩慢为先小胥挞其怠慢则学以惩慢为急祭言诛之政也学言挞之教也○易氏曰比之而不敬然后有所谓黜黜之而怠慢然后有所谓挞

正乐县之位王宫县诸侯轩县卿大夫判县士特县辨其声

郑康成曰乐县谓钟磬之属县于笋簴者○王氏详说曰凡乐县有钟磬鼓搏此所谓金石之乐也然磬则无所不县钟与鼓搏则有所谓县者有所谓不县者盖周人县鼓与搏惟县一而已是故搏有不县者磬师云击磬击编钟磬编钟则磬师击之不编钟则钟师奏之是钟有不县者此磬所以谓众声之首也郑司农曰宫县四面县轩县去其一面判县又去其一面特县又去其一面四面象宫室四面有墙故谓之宫县【○郑锷曰王以宫言见王德之备周乎四方诸侯则有所缺而不备而况于大夫士乎】轩县三面其形曲故春秋传曰请曲县繁缨以朝诸侯之礼也故曰唯器与名不可以假人【○王氏详说曰天子南面诸侯北面自宫县以下曰轩县则缺南面曰判县则并缺北面曰特县则非东即西案大射云乐人宿县于阼阶东笙磬西面其南笙钟其南搏皆南陈西阶之西颂磬东面其南钟其南搏皆南陈是阼阶西阶其位皆北其面在南者皆无县然又云一建鼓在西阶之东南面则是又有南面者何耶说者以为诸侯与其臣大射其县皆三面所谓南面者鼓而已曰钟曰磬曰搏则无县焉知此则知大夫之判士之特皆无南面所以尊天子矣春秋之时卫侯从仲叔于奚曲县之请为非礼晋侯赐魏绛歌钟之半为得礼】郑锷曰既正其县又辨别其声欲其节奏之不爽【○易氏曰钟磬鼓搏其声不一必待辨而后正项氏曰其声所用各有律吕故辨其隆杀】○又正其堵肆之名以见其等降之不同声不爽则乐必和名不同则礼不僭官曰小胥其所掌岂小哉

李嘉防曰乐县不同岂诸侯大夫在国之时其县则然亦岂朝聘之时王燕享之而所县之乐若是也盖在国与朝王所用之乐皆然

凡县钟磬半为堵全为肆

薛氏曰杜氏以钟十六枚为一肆则堵者八枚矣此说然也而郑氏以各十六枚为一堵钟一簠磬一簠为肆宜不然春秋传曰歌钟二肆是三十有二枚矣故编钟十有六然后一簠之钟全编磬十有六然后一簠之磬全一簠之所垂者钟磬各止于八然后谓之堵郑氏以钟一簠磬一簠为肆其半者其或有钟而无磬有磬而无钟乎其说固不通矣又曰半之者谓诸侯之卿大夫士诸侯之卿大夫半天子之卿大夫其说未是但泥于十六枚为一堵之说不知八枚为一堵之器至其论士之特县则曰天子之士县磬而已不知郑氏何所见而言有磬而无钟不知果何以和乐吾固谓天子之士钟磬各十六枚为一肆诸侯之士钟磬各十八枚故为堵○郑锷曰编钟八编磬八共十六枚同在一簠名谓之堵堵如墙堵谓其半也十六编钟为一簠十六编磬为一簠则谓之肆肆如市肆之肆谓其全也左传郑人赂晋侯以歌钟二肆又观晋侯以乐之半赐魏绛魏绛于是乎有金石之乐晋诸侯耳当三面之轩县盖得二肆之半分为左右欵【○易氏曰天子宫县每面钟磬各十六枚四面各六十四枚诸侯以下降杀以两诸侯三面钟磬各四十八枚卿大夫两面钟磬各三十二枚士一面钟磬各十有六枚虽尊卑

多寡不同而每面皆各十六枚故谓之肆若诸侯之卿大夫判县则每面钟磬八枚两面共钟磬各十有六士特县各八枚而已惟其得每面之半故谓之堵】

大师下大夫二人小师上士四人瞽蒙上瞽四十人中瞽百人下瞽百有六十人眡了三百人府四人史八人胥十有二人徒百有二十人

或曰大师之职专在和合乐声故夫子语大师乐非善知音声何能职此哉○薛平仲曰自司乐至小胥所掌皆乐之事则乐事之或奏或歌要必有所属是故奏歌其乐者瞽蒙也所以相瞽而奏歌者则眡了也以奏歌而教瞽蒙者小师也所以使瞽蒙之有所取正者则大师也是以大师之官必以下大夫二人居之○贾氏曰此下直云瞽蒙三百人无府史胥徒者以其无目不须人使是以有眡了三百人【○李嘉防曰瞽蒙祭祀所用不若是多也而数之多至三百人先王以待天下之瞽蒙焉耳】

掌六律六同以合阴阳之声阳声黄钟大簇姑洗 賔夷则无射陰声大吕应钟南吕函钟小吕夹钟

愚案六律六同详见大司乐

胡氏曰律以统气类物吕以旅阳宣气黄钟者中之色为六气之元始于子在十一月二曰大簇簇奏也言阳气奏地而达物也位于寅在正月三曰姑洗洗洁也言阳气洗物姑洁之也位于辰在三月四曰蕤賔蕤继也賔导也言阳始导阴气使继养物也位于午在于五月五曰夷则则灋也言阳气正灋度而使阴气夷当伤之物也位于申在七月六曰无射射厌也言阳气究物而使阴气毕剥落之终而复始亡厌已也位于戌在九月吕者一曰大旅旅旅也言阴大吕黄钟宣气而芽物也位于丑在十二月二曰夹钟言阴夹助大簇宣四方之气而出种物也位于卯在二月三曰仲吕言微阴始起未成著于其中旅助姑洗宣气济物也位于巳在四月四曰林钟林君也言陰气受任助蕤賔君主种物使长大茂盛也位于未在六月五曰南吕南任也言阴气旅助夷则任成万物也位于酉在八月六曰应钟言阴气应无射该藏万物而杂阳该种也位于亥在十月

皆文之以五声宫商角徵羽皆播之以八音金石土革丝木匏竹

愚案文之播之详见大司乐

王昭禹曰太 曰声生于日律生于夜声非十二律不能发律非五声不能节五声非变不能尽故一律之中莫不具五声五声之中有所谓五变五声之本生于黄钟黄钟为宫管九寸九之则其数八十一三分宫而去一下生徵其数五十四三分徵益一而上生商其数七十二又三分商去一而下生羽其数四十八三分羽益一而上生角其数六十四多者浊少者清大不逾宫细不逾羽徵之声又清于角角之声又清于商其配则土火木金水其象则君臣民事物易氏曰五声寓于八音八音实直乎八卦金钟也属兑石磬也属干土埙也属坤革鼓鼗也属

坎丝琴瑟也属离木柷敔也属巽匏笙簧也属艮竹箫管也属震【○薛氏曰以方言之金石土类也西凝之方故三者在西匏竹木类也东生之方故三者在东丝成于夏故在南革成于冬故在北大师之序先之以金石土中之以革丝后之以匏竹木盖西者声之方虚者声之本故音始于西而终于东西则先金石而后土者阴逆推其所始东则先匏竹而后木者阳顺序其所生革丝居南北之正而先革后丝者亦先虚之意欤○李嘉会曰万物盈天地间若坚若脆若劲若韧若实若虚若沈若浮莫过于金石土革匏丝竹木而天下之音具有焉】

郑锷曰文之以五声足以相生未足以为乐必以八音播之则乐成而可听矣播言播而散之也金石以动之丝竹以行之匏以宣之瓦以赞之革木以节之此乐之所以成

教六诗曰风曰赋曰比曰兴曰雅曰颂

郑锷曰大师掌吹阴阳之管以和乐又教六诗夫诗之六义彼人安能通知以教人耶康成以为教瞽蒙彼为瞽蒙者安能有六德以为本耶愚谓是說康成之失也以理推之盖教国子以歌六诗耳彼疑国子不当学诗于乐工殊不知古者作乐必歌诗以为音风赋比兴雅颂皆所歌之音知音调之高下惟大师耳国子不学于大师而谁学耶大司乐能教之以其义大师能教之以其音故曰教六诗○王昭禹曰一国之事系一人之本谓之风【○郑康成曰风言圣贤治道之遗化也】言天下之事形四方之风谓之雅【○郑康成曰言今之正者以为后世法】美盛德之形容以其成功告于神明谓之颂【○郑康成曰颂之言诵也容也诵今之德广以美之】风出于德性雅出于澶度颂出于功业三者诗之体也直述其事而陈之谓之赋【○郑康成曰赋之言铺直铺陈今之政教善恶】以其所类而况之谓之比【○郑康成曰比见今之失不敢斥言取比类以言之】以其所感 而比之谓之兴【○郑康成曰兴见今之美嫌于媚谀取善事以劝谕之】三者诗之用也即其章言之则曰六诗即其理言之则曰六义大师教之以乐章故曰六诗

以六德为之本

郑锷曰此六德乃大司乐所教国子中和只庸孝友之德若以为教瞽蒙则彼贱工讵可责以中和祇庸孝友之德哉○王昭禹曰君子之学诗岂徒诵其空言要之本于德而已

以六律为之音

郑锷曰六德为之本所以成其性六律为之音所以和其声大司乐之教施于前然后大师之教行于后康成又谓以律视其人为之音乃引子贡问师乙以已宜歌之事为证子贡所论者人之性非论六律为音之义亦康成之失○黄氏曰声成文谓之音不以六律音不可得而正也

王氏曰以六德为之本故虽变犹止乎礼义以六律为之音则书所谓声依永律和声也○王昭禹曰言以六德为之本则知所谓音者末也言以六律为之音则知所谓本者性也教六诗

虽以六德为之本然非播之于音则其声无所 非和之以律则其音无所正【○杨氏曰以六德为之本故可以观可以怨仁言不如仁声之入人深也以六律为之音故可以美教化移风俗】

大祭祀帅瞽登歌令奏击拊

郑司农曰登歌歌者在堂登歌下管贵人声也【○贾氏曰谓下神合乐皆升歌清庙故作乐时大师帅瞽人登堂于西阶之东北面坐而歌者比瑟以歌诗也】王昭禹曰击拊即书云击石拊石此堂上之乐也○黄氏曰明堂位曰拊搏玉磬揩击大琴大瑟中琴小瑟四代之乐器也是登歌则击磬戛击鸣球搏拊琴瑟皆击也玉磬琴瑟皆有击拊之名○郑司农曰乐或当击或当拊是也【○郑康成曰拊形如鼓以韦为之着之以糠○贾氏曰拊所以导引歌者故先击拊瞽乃歌也歌者出声谓之奏】

王昭禹曰小师云登歌击拊则击拊者小师而大师令奏之

下管播乐器令奏鼓

贾氏曰歌者在上匏竹在下故云下管【○郑司农曰吹管者在堂下】○郑康成曰特言管贵人气也○贾氏曰声出曰播谓播 其声奏即播也○黄氏曰播以乐器播诗也乐器鼗祝敔埙箫管也【○贾氏曰乐器即笙箫及管】

郑锷曰康成谓鼓 管乃作葢以鼓为考击之义然经文既言奏不当又言鼓则令奏鼓 者令乐工奏大鼓与小鼓也鼓为众乐之号令故欲播乐器必奏鼓将奏鼓必奏 以为之引也【○郑司农曰鞀小鼓也先击小鼓乃击大鼓小鼓为大鼓先引故曰鞀 读为道引之引】

易氏曰奏击拊以导歌而后瞽者歌焉奏鼓 以导管而后乐器播焉乐之与歌必有所导而后从必有所令而后奏此节奏之序

大飨亦如之

王昭禹曰所以敬诸侯亦如祭祀之礼

大射帅瞽而歌射节

郑锷曰帅瞽蒙而歌驹虞豕首采苹采蘩之诗以为射节【○李嘉会曰大射则有歌小射则不歌亦如大献之有恺歌小献止于乐也】

大师执同律以听军声而诏吉凶

郑康成曰大师大起军师兵书曰王者行师出军之日授将弓矢士卒振旅将张弓大呼大师吹律合音商则战胜军士强角则军扰多变失士心宫则军和士卒同心徵则将急数怒军士劳羽则兵弱少威明易氏曰六律阳声六同阴声即阴阳以候其气则葭灰一动而八风从律以十二律应十二风而后可以察天地之和大师以是而听军声宜其吉凶应焉【○王昭禹曰师旷曰吾骤歌北风又歌南风南风不竞多死声楚必无功古之人所以望敌而知吉凶先事而知胜负者用此术也然王者之师而犹听军声而诏吉凶盖兵凶器战危事圣人不敢轻也】易氏曰占军旅之胜者无过于天时大史抱天时与大师同车亦以同律之所听者可信不诬故耳

大丧帅瞽而夔作匱諝

王昭禹曰死则陈仪物于庭序以兴观者钦则谓之夔【○郑康成曰夔兴也兴言王之行谓讽诵其治功之诗】考列其德行而诤之以言则谓之諝于大丧之夔则帅瞽而作匱諝以瞽掌乐王德成于乐諝则成德之名也

凡国之瞽蒙正焉

郑康成曰从大师之政教【○李嘉防曰国之瞽蒙不属乐师者亦以正于大师不使淫邪之入人听也】

小师掌教鼓鼗祝敔圯箫管 歌

郑康成曰教教瞽蒙也【○黄氏曰鼓鼗皆教眡了祝敔圯箫管 歌皆教瞽蒙鼗亦教瞽蒙】○郑锴曰此言鼓如孟子所谓今王鼓乐于此之鼓瞽蒙受教于小师其所播者鼗也祝也敔也圯也箫也管也 也歌也而不言鼓则知此鼓为鼓乐之鼓矣郑谓出音曰鼓是也

郑康成曰鼗如鼓而小持其柄摇之旁耳还自击○郑司农曰祝如漆箛中有椎【○项氏曰祝以合乐】敔木虎也【○郑锴曰敔如伏虎背上有七十二鉏铎所以止乐】

聂崇义曰圯烧土为之大如鴈卵谓之雅圯郭璞尔雅注云大如鹅子銳上平底形如称锤六孔小者如鸡子谓之颂圯凡六孔上一前三后二又笙师掌吹圯世本云暴辛公作圯围五寸半长三寸四分○郑康成曰箫编小竹管如今卖飴饧所吹者【○贾氏曰广雅云箫大者二十四管小者十六管有底三礼图云箫长尺四寸颂箫长尺二寸○通卦验注云箫管形象鸟翼鸟为火火成数七生数二二七一十四箫之长由此】○郑司农曰管如篴六孔【○郑康成曰如篴而小并两而吹之今天子乐官有焉】○项氏曰 琴瑟也琴长三尺六寸六分象周天之度广六寸象六合七 象七星瑟长八尺一寸九九之数广一尺八寸二九也二十七三九也○郑康成曰歌依咏诗也○易氏曰有堂上之乐有堂下之乐有上下兼用而不可缺者 歌用之于堂上鼓鼗圯箫用之于堂下祝敔则堂上堂下皆用之以为作止之节书曰戛击鸣球搏拊琴瑟以咏戛击祝敔用之以节堂上之乐者也又曰下管鼗鼓合止祝敔用之

以节堂下之乐者也堂上言声堂下言器若大师所言登歌下管则歌者在上匏竹在下此不易之定制而小师以歌列于埙箫之下者小师所言者教乐之序而大师所言者用乐之序也

大祭祀登歌击拊

胡伸曰拊革鼓也乐以登歌为贵凡以咏者举堂上之乐【○愚案登歌击拊説见大师】○易氏曰登歌则瞽蒙击拊则小师大师令其奏而已

下管击应鼓

郑康成曰应鼗也应与及朔皆小鼓所用别未闻○贾氏曰击鼓者先击小后击大故大射云应鼗在东朔鼗在北【○黄氏曰朔鼗应鼓朔鼗所谓鞀也】○郑锜曰及下管则击应鼓大师令奏鼓小师则击应鼓不鼓盖鞀者所以引众鼓而应则以为众鼓之应也周颂所谓应鞀县鼓正谓是【○王昭禹曰应鼗为鞀鼓之和鞀鼓为应鼗之引鞀必有应应必有鞀互相备也】

彻歌

郑康成曰于有司彻而歌雍○李嘉防曰彻歌无大师之命而自歌者乃其职也

大飨亦如之

王昭禹曰説见大师○陆氏曰明堂位以禘礼祀周公于太庙升歌清庙下管象文王世子曰天子养老登歌清庙下管象祭统曰大尝禘升歌清庙下管象天子之礼康周公故以赐鲁仲尼燕居曰两君相见升歌清庙下管象天子之祭祀养老飨诸侯诸侯之相见鲁之尝禘皆升歌下管贵人声也歌清庙示德也象管示事也小师大祭祀大飨登歌而小祭祀小乐事不登歌犹小祀不兴舞也

大丧与廋

郑康成曰从大师

凡小祭祀小乐事鼓鞀

郑康成曰如大师○黄氏曰小祭祀不当击雷鼓灵鼓则击鞀舞师掌鼓四方旱暵之舞是也

掌六乐声音之节与其和

郑锷曰六代之乐并作虑其声音或失之过既掌其节又掌其和先儒以和为罇于谓以金罇和鼓然小师不掌罇于认一和字指为罇于何所据窃谓当为子与人歌而善必使反之而后和之之和掌其音节使一人倡之众工从而和之乃所以为节耳【○王昭禹曰六乐之作其先后曲直则有节而小大清浊相应而不相陵则和矣国语曰声应相保曰和又曰大昭小鸣和之道也】○李嘉防曰职专于是则所责亦在是故特表而出之

瞽蒙

郑司农曰无目眊谓之瞽有目眊无见谓之蒙有目无眸子谓之瞶【○贾氏曰诗有蒙瞶书有瞽瞶此有瞽蒙三者皆文不具司农参取三处为三等解之无目眊谓无目之眊脉有目眊而无见谓之蒙谓蒙然有眊脉而无见也有目无眸子谓之瞶者谓目睛黑白分明而无眸子人】○郑锷曰王者作乐欲审音以知政必使瞽蒙者谓其 视于内不乱于外听必审也然人而无见乃废疾也使其疾而见废则先王之所不忍是故使之司听兹又不忍弃人之仁也

掌播鼗祝敔圉箫管 歌

郑康成曰播谓 其音○贾氏曰此八者皆小师教此瞽蒙令于作乐之时播 以出声也

李嘉防曰瞽蒙播之小师教之止见于八音而已若磬师之钟磬缦乐燕乐缦乐眡了之颂磬笙磬笙师之笙应雅则皆不与何故盖大师小师瞽蒙所掌皆宗庙祭祀之乐及大飨大射大师之乐也

讽诵诗世奠繫鼓琴瑟

刘执中曰讽诵诗而不言六诗者因大师作匱諡而讽诵先王平生功德之诗○郑锷曰或谓诵诗所以知古人之兴衰又诵其奠繫小史掌奠世繫谓为史官当定公卿大夫与夫帝王之世繫今此瞽蒙又安知世奠繫之事乎愚攷先儒之説以奠为帝谓世帝繫者乃古书之纪述帝王之本繫又尝攷国语曰教之春秋而为之耸善而抑恶以戒劝之教之世而为之昭明德而废幽昏焉以忧惧其心以春秋对世言则知世如世本之类使之讽诵乎诗与世又定其所传之繫以讽诵使人君知古之传世者有德则子孙緜远而世繫不衰无德则子孙之传不遠所言者不定则其闻也不信故必奠而后讽诵之郑康成云世之而奠其繫窃谓当读讽诵诗世一句奠繫为一句【黄氏曰讽诵其诗以其世定繫次其盛衰为可知今诗之有繫次瞽蒙传之也曹佺之诗失之矣】愚案诵诗而及于世奠繫者如商颂五篇作于商高宗之世周颂风雅合九十篇作于成王之世既知世之所尚则奠乐以繫焉定那乐章系之祀成汤定清庙乐章系之祀文王诵咏之以五声 歌之以琴瑟将以歌之播于乐章而奏诸祭享之时若小史之奠繫世是奠其所出之世系非诵诗之世奠繫也

郑锷曰先王使公卿大夫士各致其规谏非不足以闻道彼贱而乐工乃使之讽诵古诗及世繫何邪得于言则其听也未必审得于乐则其闻也入必深情之所乐者在是则耳之所闻者

必详因悦乐之时得规谏之益其效防于公卿士大夫之谏当讽诵之时则鼓琴瑟所以和平人君之心心和平则闻规戒之言不惟不怒且乐而无倦【○黄氏曰讽诵鼓琴瑟讽诵而鼓琴瑟即书搏拊琴瑟以咏】

掌九德六诗之歌以役大师

陈蕴之曰九德用于大祭大祭帅瞽登歌是也六诗用于大射大射帅瞽歌射节是也【○愚案九德説见大司乐六诗説见大师】

郑康成曰役为之使

眡了

郑锷曰孟子曰胷中正则眸子了焉眡了之职皆明目者为之盖乐工用瞽蒙三百人故用眡了亦三百人扶之其视明了又明乐

掌凡乐事播鼗擊颂磬笙磬

王昭禹曰瞽蒙掌播鼗而眡了亦播鼗二者皆受教于小师故小师曰掌教鼗鼓【○郑锷曰播鼗鼓本瞽蒙之事为其无目故眡了先播使之闻之皆言播鼗盖有先后也】

薛氏曰磬之应镛者曰颂磬颂即镛也磬之益笙者曰笙磬大射礼曰乐人宿县于阼阶东笙磬西面是应笙之磬也又曰西阶之西颂磬东面是应镛之磬镛尚金则土类也西凝之方也古人作乐金石土列于西方故颂磬在乎西竹则木类也东生之方也古人作乐匏竹木列于东方故笙磬在乎东若郑氏以东方之磬曰颂则诗所谓笙磬同音书所谓笙镛以间者何异义乎一説谓钟磬之应歌者曰颂磬其应笙曰笙钟笙磬春秋传有歌钟二肆与颂钟磬之义同周礼有钟笙之乐与笙磬之义同近之矣【○黄氏曰升歌则擊颂磬笙歌则擊笙磬】

掌大师之县

郑康成曰大师当县则为之○贾氏曰大师无县乐之事案大师掌六律六同五声八音以其无目于声音审本职虽不言县乐器文于此明县之可知眡了为之者以有目也

凡乐事相瞽

郑康成曰相谓扶工○王昭禹曰瞽无相依依然其何之哉眡了之设正谓是也

大丧廞乐器大旅亦如之

贾氏曰乐器谓明器司干疏云眡了所廡谓鼓与磬钟师不云廡则钟亦眡了廡之瞽蒙大师小师皆不云廡者以其无目瞽蒙所云祝敌等皆眡了廡之也不云奉而藏之文不具也○黄氏曰廡与陈义本同而廡则有感动悲戚之意陈则陈列之而已郑康成廡皆为兴廡为兴训则当为兴起之兴所谓感动悲戚也郑以为兴作或为兴造如大丧明器皆可言作大旅廡乐器乃以为旅非常祭于时乃兴造其乐器则何义邪大旅有灾故而乐不作眡了祭祀正乐故廡之见忧戚之意笙师乐器惟笙用于祭非其盛者陈之而已○王昭禹曰大丧廡乐器则陈乐器于庭序也大旅有大故而祭亦陈乐器而不作故亦如之

宾射皆奏具钟鼓

黄氏曰钟师凡射王奏驺虞诸侯奏貍首卿大夫奏采苹士奏采蘩瞽歌眡了奏其钟鼓○郑康成曰鼓以奏之其登歌大师自奏之

鼗恺献亦如之

杜氏曰鼗戒守鼓也○王氏详説曰鼓军事者鼗鼓也鼗鼓其声也案司马法曰昏鼓四通为大鼗夜半三通为晨戒旦明五通为 煦此三鼗也○郑康成曰恺献献功恺乐也

黄氏曰恺献有歌鼗亦或有歌鼗歌今警有歌自大师至眡了其设职皆以升歌聯下管而及射恺献恺有歌故眡了通掌之独不掌九夏九夏谓之金奏钟师専职

周礼订义卷四十

卷四十一

<经部,礼类,周礼之属,周礼订义

钦定四库全书

周礼订义卷四十 宋 王与之 撰

典同中士二人府一人史一人胥二人徒二十人薛平仲曰自大师至眡了既以掌奏歌之节则夫因其声之所合達其声之所寓度数齐量要必有托而可考此典同已下之官所以继此也虽然乐器之制攷之于六律六同典同则掌六律六同之和者也律同不可偏废而官特曰典同何哉盖乐以统同为贵十有二律之相配必分其六以为同取诸阴阳之合也【○郑锷曰名官不以律而取同为名同阴律也阳律主乎倡而阴律和之阴之为气隐伏而不出其为声忽微而难调名官以典同同则和和则器可制】阴阳合则生生之理为不息故典同掌其和以为乐器先用以为十有二辰之钟次用以为十有二辰之搏度数齐量定于此而后乐器从之然以磬为声固众声之所依也而金奏有所不可缺则钟次之笙之为声固下管之所先也所以鼓其金奏者有所不可废则以搏钟次之笙磬递发于乐作之时钟搏交鸣于作乐之际此鼓钟必曰笙磬同音韶乐必曰笙镛以闲节奏相承有自来矣

掌六律六同之和以辨天地四方阴阳之声以为乐器郑康成曰阳声属天阴声属地天地之声布于四方为作也故书同作铜

黄氏曰先郑阴律以铜为管阳律以竹为管后郑皆以铜为之案汉志云黄帝使伶伦取嶰谷之竹断两节间吹之以听鳳之声其雄鸣六为律雌鸣六为吕是则制律之始本以竹一律有五声清为阳声浊为阴声是为六十四调○刘执中曰律同之和谓其长短厚薄所容中度得阴阳之和气故律同中度则中气之至而灰飞气至则声和所以日月防于十二次而不差则天之阳声顺于上阴阳合于十二辰而不繆则地之阴声顺于下故黄钟之长用之以起五度则乐器修广之所资黄钟之容用之以起五量则乐器深阔之所赖黄钟之重用之以起五权则乐器轻重之所出黄钟之积用之以起五数则乐器多少之所差黄钟之气用之以起五声则乐器宫商之所祖五法循环而相受则天地阴阳之中声虽失于此或存于彼是以为乐器者必以律同为之本故曰凡乐器以十有二律为之度数以十有二声为之齐量○孙氏曰古人本同律以作乐又能审声而知乐律之数度易定声之高下难辨使不能辨其声而知其如是宫商如是角征羽虽有同律之数何自而和故不能审声和乐而徒较数度之短长此后世之议乐者常如聚讼卒莫能断其是非也【○胡氏曰以律和声则齐其轻重不使之偏裁其缓急不使之过阳而不散阴而不密夫然后宫不至于荒商不至于陂角不至于忧徵不至于哀羽不至于危是非和合之效欤】

王昭禹曰大师掌六律则曰以合阴阳之声而典同则曰以辨天地四方阴阳之声者盖典同

掌其声以作乐器欲其度数齐量之不乱故其详有及于天地四方之位大师用其声以施于乐故合十有二声欲其高下清浊之克谐其合之也则两之以阴阳而已

凡声高声防正声缓下声肆陂声散险声敛逵声羸防声鬴回声衍侈声箝弇声郁薄声甄厚声石

郑锺曰器莫大于钟于是言钟之病○王昭禹曰凡声生于形形异则声异高则鳧氏所谓钟小而长小而长其形高【○郑康成曰高钟形大上上大也】其声尚藏袞然如里则其发也舒正则上下直其形不高不下而适于正其声缓而不速下则鳧氏所谓钟大而短大而短其形下其声发散疾而短闻【○郑康成曰下谓钟形大下下大也下则声出去放肆】○郑康成曰陂读为险陂之陂陂谓偏侈陂则声离散也险谓偏弇险则声敛不越也逵谓其形防大逵则声有余若大放也防谓其形防少鬴声小不成也【○杜氏曰鬴读为闇不明之闇】回谓其形微圜回则其声淫衍无鸿杀也侈谓中央约侈则声侈迫箝出去疾也【○王昭禹曰形侈则声散而不敛】弇谓中央宽弇则声郁勃不出也甄犹掉钟微薄则声掉【○王昭禹曰钟形薄声动摇甄掉】钟大厚则如石扣之无声

刘执中曰以鳧氏之法为钟则无病于声中于律同而协天地四方阴阳之和矣

薛氏曰防声生于高为天之阳肆声生于下为天之阴谓天盖高而下者高之配也故防声为阳而肆声为阴石生于厚而为地之阳甄生于薄而为地之阴谓地盖厚而薄者厚之配也故石声为阳而甄声为阴羸为东方之阳而衍为东方之阴盖作于春而萌者尽逵则将复还其所逵此逵所以主阳而回所以主阴也缓为南方之阳而鬴为南方之阴盖阳盛于夏而重明以丽乎正则阴微进而鬴此正所以主阳而险所以主阴也以箝为阳而郁为阴则西方之声也夫阳于南为正过乎西则侈矣阳虽尚侈然阴已敛质而奠故侈与弇之声则主于西方敛为阴而散为阳则北方之声也夫阴至西而伏于北则已敛矣阴虽敛然阳已潜动而施矣故险与陂之声则主于北方

【黄氏曰诸家之說皆臆耳案经典同本以律辨声而为乐器律十二故声亦十二所谓高正下陂险逵微回侈弇薄厚即十二声故为乐器皆以此十二律为之度数皆以此十二声为之齐量典同之下遂列磬钟笙埙簫箫箛管皆乐器也今独以为此十二声者由钟形不中法故病其声如此则典同乐器專为钟耳此以为未敢尽然攷工记钟人固曰已厚则石已薄则播侈则作弇则郁然磬人亦曰已上则摩其旁已下则摩其端已上岂非所谓声之高而甚焉者乎已下岂非声之下而甚焉者乎十二律皆有五声分清浊而宫为正所谓中正以平之者然则高正下陂险逵微回侈弇薄厚皆其律之中声也防缓肆散敛羸鬴衍箝郁甄石皆其声之形容也不然则声之病也其数度齐量非过则不及故皆病其声而其故为可求故磬人曰摩其旁摩其端是也诸儒钟說此又以为未必不然何也以为尽然则于经诚未合要之此等当有所受乃可传信臆说必疏】

凡为乐器以十有二律为之数度以十有二声为之齐量

郑锺曰既言声之病于是又言为器之法为乐器者用十有二律以为度数则长短多寡由此而生用十二声以为齐量则小大轻重由此而准

王氏曰数本起于黄钟始于一而三之歷十二辰而五数备其长则度之所起其余律皆自是而生故凡为乐器以十二律为之数度防声生于高肆声生于下甄声生于薄石声生于厚高下薄厚之所属所制则有齐矣羸声生于達衍声生于回笄声生于侈郁声生于弇達回侈弇之属所容则有量矣故凡为乐器以十有二声为之齐量

凡和乐亦如之

黄氏曰郑谓调其故器非也其数度齐量皆合则声可和○郑锺曰和乐之法亦出乎此为乐制之于未成之初和乐调之于已成之后

磬师中士四人下士八人府四人史二人胥四人徒四十人

郑锺曰先儒谓磬为西方之音又以磬音象万物之成盖立秋之音至清惟清故难调夔特以擊石拊石百兽乃率舞诗人作乐特曰依我磬声此所以设磬师之官教擊之之法

掌教擊磬擊编钟

黄氏曰视了掌擊颂磬笙磬故郑谓磬师以教视了然视了所擊磬有定名颂磬笙磬之外他磬不擊纓乐燕乐亦有钟磬视了职不掌纓乐燕乐○刘氏曰宫县有特磬十二搏钟十二皆依辰次陈之以应其方之律编磬编钟各十有六共为一簠磬师之职掌教视了擊特磬与编磬又教视了擊编钟○郑康成曰磬亦编于钟言之者钟有不编不编者钟师擊之【○贾氏曰钟不编者不教视了钟师自擊之钟师之掌金奏又云以钟鼓奏九夏明是钟不编者十二辰零钟也若书传云左五钟右五钟】○杜氏曰编读为编书之编【○贾氏曰史记孔子读易韦编三絶是古者未有 皆以韦编竹简此钟磬亦编之十六枚在一簠】

教纓乐燕乐之钟磬

郑康成曰纓读为纓锦之纓谓杂声之和乐者学记曰不学操纓不能安 【○贾氏曰杂声和乐谓杂弄调和学记注云操纓杂弄即今之调词曲不学调 不能安意于 】燕乐房中之乐所谓阴声【○贾氏曰燕乐即闕雎二南房中谓妇人后妃○黄氏曰房中之乐非也】二乐皆教其钟磬○黄氏曰磬师掌编钟无编磬未详磬师不掌钟而曰教纓乐燕乐之钟磬者磬从钟也

凡祭祀奏纓乐

郑锺曰三宫之乐以礼神也分乐以祭以享以祀宁神将以交神只之欢心故奏纓乐虽非正

声亦有时而用故教之○易氏曰祭祀奏缦乐亦取其和而已

钟师中士四人下士八人府二人史二人胥六人徒六十人掌金奏

郑康成曰金奏击金以为奏乐之节金谓钟及铎【○贾氏曰此即钟师自击不编之钟凡作乐先击钟故郑云奏乐之节下云以钟鼓奏九夏亦先云钟郑云钟及铎者以二者皆不编独县而已】○王昭禹曰鼓人曰晋鼓鼓金奏则此所谓金奏名官曰钟师乐虽用鼓而以金为主

凡乐事以钟鼓奏九夏王夏肆夏昭夏纳夏章夏齐夏族夏袞夏鬴夏

贾氏曰钟师击钟而兼言鼓者凡作乐先击钟次击鼓见先后次第故兼言之钟中得奏九夏者谓堂上歌之堂下以钟鼓应之故左氏传云晋侯歌钟二肆○郑锷曰钟师并与鼓言盖奏九夏必用钟鼓非谓钟师击钟又击鼓也夏者颂之族类夏大也歌之大者有九夏于颂为最大中国谓之夏五色谓之夏南方谓之夏则夏为乐之大者其诗之体为大矣王出入所奏之夏名曰王夏以明人臣不得而用尸出入所奏之夏曰肆夏而享诸侯亦奏焉肆之言安也尸以象神于祭者子行也子坐而父立恐其不安于位故出入奏之所以安之也诸侯亦用者左氏记晋享穆叔金奏肆夏之三穆叔云三夏天子所以享元侯也君尊臣卑不敢安肆乃若元侯受享于王可以与之安肆矣礼记云大夫之用肆夏由赵文子始然则诸侯用之可也至于大夫用之则为 矣先儒以肆夏繁遏渠为三夏谓肆夏时迈也繁遏执竞也渠思文也夫以肆于时夏允王保之指为时迈犹为有说若以执竞降福穰穰为遏思文配天为渠皆为二夏则恐不可牵合也牲出入所奏者昭夏昭明也昭明神德之大故得以用此牲也四方宾来所奏者纳夏言人君之德如海之纳所以能容受四方朝聘之宾也臣有功所奏者曰章夏惟有大功得奏是所以章表而别异之也夫人助祭所奏者齐夏致齐者妇人之难事欲去其骄侈之习以致精明之德故特以齐名也族人侍燕所奏者族夏言王者合族之恩也客醉而出所奏者袞夏饮酒者始乎治常卒乎乱故奏乐以袞切之使勿失礼也或作陔陔切也戒也诗云南陔相戒以养是也公出入所奏者鬴夏爵为上公位尊而势隆虑其自大而傲慢故以鬴夏谨饬之也鬴又音傲所以戒其骄傲也【○刘氏曰诸儒皆以九夏为颂诗之篇春秋传称金奏肆夏之三歌文王之三夏曰金奏文王曰工歌则夏非颂篇明矣然则九夏乃有声而无辞者也】○黄氏曰九夏书传之可攷者周礼王出入奏王夏尸出入奏肆夏牲出入奏昭夏国语奏肆夏繁遏渠天子所以享元侯其余诸儒附防之说未可信

凡祭祀飨食奏燕乐

易氏曰燕以示慈祭礼主乎敬享礼主乎肃祭祀飨食何以奏燕乐王与诸侯行享食之礼若享元侯则升歌肆夏颂合大雅享五等之诸侯则升歌大雅颂合小雅享同乎燕故谓之燕乐其礼在庙故与祭祀同其乐尤足以见先王之仁鬼神仁宾客也【○李嘉防曰飨以居前食以居后则燕在其中诗云肃雍和鸣先祖是听夫肃肃敬也雍雍和也夫敬以和何事不行】

凡射王奏驺虞诸侯奏貍首卿大夫奏采苹士奏采蘩易氏曰凡射则大射燕射宾射乐师皆言以驺虞貍首采苹采蘩为之节大师则帅瞽而歌射节钟师乃掌此四诗之奏盖歌则人声也奏则钟鼓也钟师言奏不言节主其节者乐师也

掌鼗鼓缦乐

郑康成曰鼓读如庄王鼓之鼓○郑锴曰杂弄之乐谓之缦乐乐之细也将作缦乐则击鼗鼓以作之鼗鼓之小者也以至小之鼗鼓杂弄之乐事之宜也○王昭禹曰瞽师奏缦乐钟师击鼗以和之而已

笙师中士二人下士四人府二人史二人胥一人徒十人

王昭禹曰掌教吹竽笙埙篪箫箛篴管春牍应雅而独以笙师名官笙东方之乐有始事之意故也○郑锴曰笙常继于间歌之后观乡饮燕礼闲歌之后即笙由庚笙崇丘笙由仪则笙者继人声之后为最贵故特名官

掌教歛竽笙埙篪箫箛篴管春牍应雅以教祫乐郑锴曰竽三十六管笙十三管竽宫声在中笙宫声在左篪三孔其中则中声其上下二孔则声之清浊所由生箛七孔管六孔篴笛也笙师皆教以歛之之法又春牍应雅教瞽蒙与视了以作祫乐于客醉而出之时康成谓小师所教为教瞽蒙笙师所教为教视了于经皆无所据彼盖疑小师既教之此又教之遂分彼为教瞽蒙此为教视了殊不知小师教之以鼓作之节此教之以歛牍以竹为之长者七尺短者一二尺其端有两孔春于地以作声其名曰牍牍之为言读也宾醉恐有读乎礼故以牍名之应亦以竹为之长六尺五寸中有推亦春于地其名曰应宾归恐其不应礼欲其行与乐声相应也雅状如漆篪而鼻口大二围长五尺六寸以羊韦鞞之有两纽亦春于地其名曰雅宾醉而出恐其失礼欲其雅正也三器在庭皆春于地以为声故谓之春以两手筑地春之也【○黄氏曰春牍应雅郑曰春地以为行节未敢以为然经言以教祫乐祫节也春牍应雅以节乐也】○王昭禹曰竽笙埙篪箫箛篴管皆乐之所用而春牍应雅三者特用于教祫乐以为行节○黄氏曰小师掌教埙箫管笙师又教歛埙箫管小师用于下管故以教瞽蒙谓之播笙师用于凡乐谓之歛但歛之无诗也郑谓教视了视了不歛笙竽教则当教瞽蒙也案瞽蒙视了皆属大师自大司乐而下至视了皆祭祀飨射之乐而瞽师钟师笙师搏师自为一列固有祭飨之乐又有缦乐燕乐缦乐司乐不掌固当是亦不掌燕乐先王之意严矣是故瞽蒙不歛竽笙篪箛篴视了不奏九夏钟鼓必皆有所以或曰瞽师笙师分大师瞽蒙视了而教之而不着于其职者不使殽杂大师歌诗之事恐或当是然燕乐亦有歌诗或当掌之瞽师笙师

凡祭祀飨射共其钟笙之乐燕乐亦如之

郑康成曰钟笙与钟声相应之笙【○贾氏曰笙师不掌钟而言钟故郑知义然】○黄氏曰书曰笙鏞以间盖笙与歌门作歌则以钟节之独出祭祀飨射其他不出钟笙钟从笙也

大防廡其乐器及葬奉而藏之

郑康成曰廡兴也兴谓作之奉犹送也【○贾氏曰此所兴作即上竽笙以下皆作之送之于圻而藏之】○黄氏曰视了廡而不藏笙师藏之其职可见

大旅则陈之

郑康成曰陈于饌处而已不泄其县○贾氏曰其临县者大司乐故大司乐云泄廡乐器注云临笙师搏师之属

搏师中士二人下士四人府二人史二人胥二人徒二十人

王昭禹曰搏小钟也国语曰细钧有钟无搏尚大也大钧有搏无钟尚细也搏师掌金奏之鼓谓之搏师者举小以见大也与典律同谓之典同守庙祧谓之守祧同

掌金奏之鼓

郑锷曰搏师掌搏而言掌金奏之鼓鼓金奏之乐鼓恺乐以至于鼓鼗守鼗岂为搏师又擊鼓乎观鼓人言以晋鼓鼓金奏则此所谓鼓者考擊以作之之义也当金奏之时鼓人以鼓作之搏师则以搏作之故皆以鼓言军旅之夜三鼗皆鼓之是搏师皆擊搏而鼓之也搏师固宜掌搏今略无擊搏之文皆言擊鼓则鼓为鼓作之意明矣先儒之說谓搏师不自擊使视了擊之但擊金奏之鼓乃晋鼓也其意谓鼓人之职以晋鼓鼓金奏也若如是說全非搏师之本意【○王氏详說曰钟师掌金奏而及金奏之鼓亦犹鼓人掌六鼓而及于四金之制是知金鼓无二致也然鼓人虽有四金之制不过金鎛金镯金铙金铎而已不及钟搏也盖钟搏所用之于乐鼓人之职为地官之属虽曰雷鼓灵鼓路鼓用之于天神地人鬼亦辨其声用之而已本无预于天神地人鬼之间】

凡祭祀鼓其金奏之乐飧食賔射亦如之

愚案金钟声也鼓者所以擊其钟也

军大猷则鼓其恺乐

王氏曰鼓恺乐掌于搏师者搏师掌金奏之鼓其所掌乐以金为主军以金止既胜矣欲戢兵之意

凡军之夜三鼗皆鼓之守鼗亦如之

王昭禹曰三鼗夜戒之鼓司马法所言者【○贾氏曰鼓人注引司马法云昏鼓四通为大鼗

夜半三通为晨戒旦明五通为发响是一夜三撃备守鼙也】○王氏详説曰鼓人之鼓鼙谓军已发行在郊也铎师之鼓鼙谓军未发行在国军已发行国犹不废守此铎师所以又有守鼙后世用军行师京师戒严者本此

大防廡其乐器奉而藏之

贾氏曰此官所廡谓作晋鼓鼙鼓以其当职所撃也

鞀师下士二人府一人史一人舞者十有六人徒四十人

薛平仲曰自司乐之掌乐事大师之教乐事典同之为乐器雅乐备矣纳蛮夷之乐于祭祀燕享之用岂非悦逵人之极功乎抑疑鞀师旄人鞀鞀氏之设皆以教夷乐然鞀师旄人之后必继之籥师籥章鞀鞀氏之后必继之典庸器司干何欤夫逵人之服由文德以来之自其慕德而来莫不自见其声歌舞蹈之节周人因之以备乐载之官府而不废彼籥之为乐自其执羽而鞀则文舞于是乎寓由其撃土鼓以和则诗章于是乎形夫皆以象文德也则以次于鞀师旄人之后至于鞀鞀氏合四夷之乐以歌之则德化益逵典庸器之所以表其功者于是为无愧矣然先王长虑却顾文事必有武备则司干之继于后者所以教之以武舞欤若夫鞀师舞东夷之乐故其人可得而定旄人舞散乐夷乐故其人不可得而定然后四方之有能于此者皆得以自见其艺则先王因之以观四方之风岂不在是乎○郑锜曰作四夷之乐当从其国不变其俗故鞀师所服者赤韦示不变其所服旄人所执者牛尾示不变其所执也鞀鞀氏所履者革屨示不变其所履

陆氏曰王者舞先王之乐明有法也舞当代之乐明有制也舞四夷之乐明有懷也

掌教鞀乐

郑锜曰四夷乐东方曰鞀南方曰任西方曰侏离北方曰禁此特设官以掌东夷之乐窃疑三方之乐不存于祭祀大享之时而东夷乐犹近正孔子之所欲居且为箕子之国则其乐有中国之风可知明堂位鞀作昧诗鞀鞀有爽左传鞀韦之附注皆以鞀为赤色之韦乐名曰鞀意舞者衣赤色之韦也○李景齐曰礼记明堂位曰昧东夷之乐也任南蛮之乐也纳蛮夷之乐于太庙所以广鲁于天下也成周所以用夷乐意盖谓是【○陈氏曰鲁纳蛮夷之乐于太庙盖陈之于门唐之时皆奏于四门之外古之遗制】

祭祀则帅其属而舞之大飨亦如之

郑康成曰舞东夷之舞○王昭禹曰其属则十六人○刘执中曰舞鞀之位在于门外祭祀大飨皆用之示四夷来王也

旄人下士四人舞者众寡无数府二人史二人胥二人徒二十人

郑康成曰旄旌牛尾舞者所持以指麾○王昭禹曰四夷之民有执旄以舞者先王因立官以教焉○黄氏曰韡东夷之乐特置一官其徒四十人其乐亦盛也舞者十六人则有定员旄人盖杂四夷之舞舞者众寡无数或多或少皆可合四夷之舞与散乐而其徒二十人比韡为微可知○陈君举曰旄舞非中国之乐因得四夷之懽心使鼓舞焉以承祭祀以共飧燕君子所乐也岂拘于数哉【○李嘉会曰无所拘限来者从之】

掌教舞散乐舞夷乐

郑锷曰散乐野人之乐节奏踈散而非六代之舞夷乐四夷之乐而非中国之法舞有可用者旄人教之皆执旄以舞○贾氏曰旄人教乐而不掌鞀鞀氏掌乐而不教互相统耳○王氏详説曰鞀鞀氏所掌専于夷乐旄人所教不止于夷乐况鞀鞀之于夷乐吹而歌耳初未尝舞也然则旄人云四方以舞仕者属焉祭祀賓客舞其燕乐则旄人之所教人者众矣不必如乐师之教国子有旄舞旄人之所用于舞者亦广矣不必如二郑之説旄舞之用于辟雍

凡四方之以舞仕者属焉

郑锷曰四方之人有能通知乐舞而欲仕于王官者不足 大司乐也使属旄人以其所教者散乐故也【○贾氏曰四方之舞仕即野人能舞者属旄人选舞人当于中取之】

凡祭祀賓客舞其燕乐

贾氏曰飧燕作燕乐时使四方舞士舞之以夷乐○黄氏曰韡乐祭祀賓飧必舞之散乐夷乐祭祀賓客则舞其燕乐不用燕乐则不舞是则韡犹近雅欤

籥师中士四人府二人史二人胥二人徒二十人郑康成曰籥舞者所吹春秋万入去籥传曰去其有声者废其无声者诗云左手执籥右手秉翟○陈氏曰明堂位土鼓苇籥伊耆氏之乐命之曰籥以黍籥之法在是故也羽籥皆执籥以声音之本在是

掌教国子舞羽籥籥

郑锷曰执羽所以为容籥所以为声○王氏曰籥如箛三孔主中声而上下律吕于是乎生○易氏曰成周乐舞之制有文舞有武舞文舞羽籥籥师掌之武舞干戈司干掌之然文舞未尝无干故舜兼取乎干羽武舞未尝无羽故诗言万舞及于执籥秉翟是知文舞干不胜羽武舞羽不胜干此籥师之教国子所以専言舞羽籥欤【○王氏详説曰周之祭祀有三重献莫重于裸声莫重于升歌舞莫重于武宿夜宿夜武舞之曲名籥师所教者止于舞羽吹籥祭祀賓客飧食所用亦止于鼓用籥抑何略于武舞耶曰籥师所掌者舞之教司干所掌者舞之器文王世子曰小乐正学干大胥賛之籥师学戈籥师丞賛之是籥师未尝不预于学戈何止于羽籥之教又曰然后释菜不舞不授器是舞器未尝不为羽籥何止于干戈之器周公于籥师言教于司干言掌又所以见周家太平之治以文舞为教也】

祭祀则鼓羽籥之舞賓客飧食则亦如之

郑锷曰于祭祀賓客之时鼓而作其羽籥之舞故曰鼓○贾氏曰祭祀先作乐下神及合乐之时使国子舞鼓动以羽籥之舞与乐节相应使不相夺伦故郑云鼓之者恒为之节

大防廡其乐器奉而藏之

贾氏曰此所廡惟羽籥而已

籥章中士二人下士四人府一人史一人胥二人徒二十人

郑康成曰籥章吹籥以为诗章○郑锷曰春秋迎寒暑为农而祈有年蜡祭而息老物古之诗章无不可用乃專用豳人之歛豳国之籥而名官曰籥章此周王之事也周之先公开国于豳教民稼穡与夫为寒暑之备事载于七月之诗谓之豳风至于成王王业大备念其祖先务农之勤教民之悉凡四时所行者皆以豳诗从事故用豳籥而以籥名官以籥而歛豳诗之章也

掌土鼓豳籥

王氏曰土鼓礼记所谓蒯桴土鼓【○贾氏曰郑注礼运云土鼓筑土为鼓蒯桴谓擊鼓之物以土块为桴】豳籥豳国之籥【○郑司农曰豳籥豳国之地竹】王业之起本于豳乐之作本于籥始于土鼓逆暑迎寒祈年皆以本始民事息老物则息使复本反始故所擊者土鼓所歛者豳籥其章用豳诗焉【○易氏曰以土鼓应豳籥示不忘本而已】

中春昼擊土鼓歛豳诗以逆暑中秋夜迎寒亦如之易氏曰民事终始实關天时之消长故必先之以迎寒逆暑逆如逆女之义自外而入于内以我为主谓阳常居大夏而主歲功迎如迎賓之义自内而出于外以彼为客谓阴常居大冬时出而佐阳中春为歲阳之中昼为日阳之中如是而逆暑与尧典所谓日中星鸟寅賓出日同意中秋为歲阴之中夜为宵阴之中如是而迎寒与尧典所谓宵中星虚寅饯纳日同意万物生于土反于土则土者物之终始也逆暑迎寒所以皆擊土鼓焉○横渠曰当春之昼吾方逆暑则三之日于耜四之曰举趾盖有以逆其气当秋之夜吾方迎寒则一之日饬发二之日栗烈盖有以迎其气【○杨氏曰阴阳积而为寒暑寒暑相推而成歲寒暑不时无以成歲故迎之逆之所以道其气阳生于子冬至日在牽牛阴生于午夏至日在东井圣人向明而治于中春逆暑背其所向则不顺故谓之逆中秋迎寒面其所向则顺故谓之迎】

孙氏曰周自后稷教民稼穡至公刘于豳斯馆大王肇基王迹皆推本后稷之意率先农桑之业故陶土为鼓豳竹为籥歌豳诗以劝相其民今七月之诗是也周公相成王惧后世不记先君王之旧于是命籥章之官逆暑迎寒歌之祈年祭蜡歌之又兼以雅颂雅若生民之歌颂若丰年之类皆本七月而有益于风化者无逸欲知稼穡之艰难诚以此也周先公出入田里抚摩其民无势分之间曰殆及公子同归为公子裳为公子裘献于公入执宫功跻彼公堂皆

室家妇子感其恩者深爱其君者切序曰陈王业见王业所由兴而已后人乃臆以周公遭变故陈后稷先公风化所由遂指为周公作水心先生曰周公方制作礼乐雅颂以昭先王先公之功德而自作土风之诗使籥章掌之可乎○贾氏曰祈年田祖逆暑迎寒并不言祀事既告神当有祀不过如祭法埋少牢之类耳

凡国祈年于田祖歃豳雅擊土鼓以乐田畯

郑康成曰祈年祈丰年也○王昭禹曰丰年虽本于天时顺而祈之亦成乎人事尔○郑康成曰田祖始耕田者谓神农也【○王氏曰田祖礼记所谓先嗇○王昭禹曰先嗇神农也以其始教天下耕稼故祈之】

王氏曰豳雅豳颂谓之雅颂则非七月之诗盖若九夏亡之矣【○王氏详說曰郑氏释七月之诗八章以殆及公子同归以上二章为豳风以十月获稻为此春酒以介眉寿以上四章为豳雅以称彼兕觥万壽无疆以上为豳颂至于释此则以豳诗亦风言诗總名以于耜举趾馐彼南亩之事为豳雅惟豳颂之說与七月同郑氏释经亦多类此赋诗断章惟七月之說为优】

陈及之曰田畯田大夫古有功于农事者【○王氏曰田畯礼记所谓司嗇司嗇本始民事施于有政者○项氏曰或以为司嗇过矣始祈则歌颂以作耕耜之心既蜡则歌颂以息其终歲之劳理固然也安得妄谓司嗇】成周之时春祈年于上帝田祖田畯皆祭之诗曰以御田祖以祈甘雨以介我稷黍先王盖以田祖田畯其生也有功于农事今农事将兴举而祭之不惟示重农之意亦所以劝农之力田者况大如上帝则祈之次如社稷则祈之则祈田祖田畯尚何疑乎及夫歲事既成又息老物所谓一日之蜡百日之泽亦忠厚之意不忘其初耳○贾氏曰田祖田畯所祈当同日但位别礼殊乐则同

国祭蜡则歃豳颂擊土鼓以息老物

杜氏曰郊特牲曰天子大蜡八伊耆氏始为蜡歲十二月合聚万物而索享之蜡之祭也主先嗇而祭司嗇也黄衣黄冠而祭息田夫也既蜡而收民息已也○郑康成曰万物助天成 事至此为其老而劳乃祀而老息之于是国亦养老月令孟冬劳农以休息之是也○王氏曰逆暑迎寒不言国而祈年息老物言国则祈年息老物通乎下故言国以别之○王昭禹曰逆暑迎寒召其气之和声和则气和故先言擊土鼓以声为主祈则以言通其意蜡则美其成功故先言颂以词为主

李景齐曰豳诗曰豳雅先儒以为七月之诗备风雅颂三体非也籥章所谓豳籥者盖以豳吹为籥以豳籥而吹诗与雅颂皆以豳名夫逆暑迎寒而吹豳诗者此则七月之诗盖如授衣凿冰之属皆先寒暑以戒事故也祈年而吹豳雅祭蜡而吹豳颂盖雅者言王政之所由废兴颂者以其成功告神明祈年之礼王政之所急先故宜歌雅而蜡祭之设所以答鬼神之功故宜歌颂诗之小雅甫田之诗曰琴瑟擊鼓以御田祖以祈甘雨所谓祈年而吹豳雅者毋乃在是

诗周颂丰年之诗曰为酒为醴烝畀祖妣以洽百礼所谓祭蜡吹豳颂者母乃在是乎

鞮鞻氏下士四人府一人史一人胥二人徒二十人郑锴曰鞮革也鞻屨也以革为屨夷乐者之所履作其乐歌之时则履是屨以为容唐之燕乐有高昌部用赤鞮有扶南乐舞用赤皮鞋周鞮鞻之类○易氏曰鞮鞻者乐工所履之屨名官以鞮鞻使之掌四夷之乐言其际天所覆薄海内外凡有足所履无不至

掌四夷之乐与其声歌

愚案四夷之乐已见鞮师

薛氏曰四夷乐或以其服色名之或以其声音名之服色鞮是也声音侏离是也余不可考【○黄氏曰康成云乐主于舞鞮鞻舞履非也旄人掌教舞夷乐此乐者其乐也四夷各有歌其声不同以声歌之故曰声歌】鞮人之乐施于祭祀大飨旄人鞮鞻氏之乐施于祭祀与燕者盖东夷于四夷为长飨于燕为重鞮师曰师而序于前旄人鞮鞻氏曰人曰氏而序于后然则东夷之乐盖圣人所重欤○李嘉防曰先王多用夷乐不用夷礼者其礼非先王法度而其乐则可乐也若夫箕子封于朝鲜其礼亦可尚者以有古意欤

祭祀则歛而歌之燕亦如之

黄氏曰鞮鞻夷乐器欤祭祀吹而歌之郑谓以管籥为之声亦非必自有吹者○王昭禹曰祭祀与燕吹其声倡其歌以明得其欢心而服吾中国之役也○易氏曰旄人掌舞夷乐而祭祀賓客舞其燕乐是旄人掌舞而鞮鞻氏之职乃以声音节之而已

陈祥道曰燕诸侯则有湛露燕羣臣嘉賓则有鹿鸣燕夷狄则有蓼萧于太仆则见王所以燕者于内朝之地故云相其法于酒正见王所以燕者有多寡之数故曰共其计若鞮鞻氏之燕则凡有燕集皆掌声歌也

典庸器下士四人府四人史二人胥八人徒八十人郑康成曰庸功也○郑司农曰庸器有功者铸器铭其功春秋传曰以所得于齐之兵作林钟而铭鲁功焉

掌藏乐器庸器

黄氏曰郑谓伐国所获之器其說是而以为崇鼎贯鼎非也司农以为鲁伐齐以所获兵器铸林钟则比于乐矣庸器伐国所获之乐器若 之舞衣密须氏之鼓是也【○项氏曰伐国所得之器言庸以见伐皆为民也】

易氏曰周自文王伐四国武王克殷之后所获玉镇大寶器皆足以昭先王之功天府藏之而典庸器藏其器物之可以备声乐之饰者

及祭祀帅其属而设筓虞陈庸器

杜氏曰横为筓从为龠○易氏曰乐器即梓人之筓虞所以县钟磬之属横曰筓植曰虞上设板谓之业亦所以明先王之业未有无其业而可以作乐者○郑锷曰祭祀之时则帅其八十人之属以设筓虞小胥视了自当县乐器此但为之设筓虞所当陈者庸器而已陈之于祭祀之时以表先王之有功能得此器子孙能守以奉祀○李嘉防曰圣人于作乐之具必寓其警戒之义俾知庸器始他人为之今陈设于此因欢乐而知警惕则所以自勉者深矣乐记所谓思武臣思将帅之臣由闻钟鼓之音而思也其意深矣

飧食賓射亦如之

郑锷曰陈于飧食賓客之时以彰先王之功可服诸侯且以为国之华

大防虞筓虞

郑康成曰虞兴也兴谓作之

司干下士二人府二人史二人徒二十人

郑康成曰干舞者所持谓盾也春秋传曰万者何干舞也○郑锷曰记曰朱干玉戚冕而舞大武周人武舞亦执干以为容武舞虽用羽而以干为主故名官曰司干盖用武以自扞蔽为先干能扞蔽人身也【○黄氏曰舞器干戚羽旄皆有而独以干为名干武王之舞器楚文夫人曰先君以是舞也习戒备也○李嘉防曰舞者必尚武而执干戈足见周尚武之意得非因此功之成而不忘本欤武王既归散军郊射其意可见五兵皆舞独以卫身之干为名意亦可见】

掌舞器

郑锷曰所掌之舞器即谓干楯耳干之为器有用兵之时所用者有当舞时所用者当舞时所用之干则与用兵所用者异先儒以为羽籥之属非矣安有籥师鼓舞羽吹籥而所执之物乃掌于武舞之司干乎【○王昭禹曰夫羽舞干舞皆乐师以教国子籥师于羽舞又教之至于司干则特掌舞器先王于文事尤致其详也然文舞有羽籥名官则以籥武舞有干戈名官则以干盖文则优游而静籥则其声静而可闻干则以有扞而自卫而武事以扞敌自卫为先】

祭祀舞者既陈则授舞器既舞则受之賓飧亦如之郑康成曰既已也受取藏之○郑锷曰祭祀之时俟舞人缀兆行列已定则授之以干至于舞毕则受而藏之【○李嘉防曰舞列既陈则授之干舞者既毕则从而受之于干授受亦甚严矣】

大丧虞舞器及葬奉而藏之

贾氏曰此官掌干盾及羽籥及其所廡廡干盾而已其羽籥则籥师廡之

周礼订义卷四十一

卷四十二

钦定四库全书

周礼订义卷四十二 宋 王与之 撰

大卜下大夫二人卜师上士四人卜人中士八人下士十有六人府二人史二人胥四人徒四十人

郑康成曰问 曰卜大卜卜筮官之长【○王昭禹曰物生而后有象象而后有滋滋而后有数蓍者阳中之阴故植而知数 者阴中之阳故动而知象先王成天下之亹亹定天下之吉凶莫大乎蓍 名官谓之大卜以 为主】○薛平仲曰礼运曰宗祝在庙三公在朝三老在学王前巫而后史卜筮瞽侑皆在左右极至于礼行于五祀而正法则焉然则王之所以赖于左右前后者其關於礼乐甚大也卜祝巫史不列于此当何属哉卜象也筮数也先筮以观其从后卜以验其合故大卜之于卜卜师贊之卜人又贊之掌 既專之一官燠 又專之一官至于眡吉凶计中否以听于大卜则又有占人而筮人属之于末而已筮短 长固以从长此大卜必以下大夫二人而长之也

郑锜曰三皇以来已有卜筮人之于事不能无心若夫 筮则何心之有取决于此欲托于无心而已

掌三兆之灋一曰玉兆二曰瓦兆三曰原兆

易氏曰以 占象之谓卜以火灼 其象卜占谓之兆三兆之法專掌于大卜占 故也○郑锜曰三兆之书其作者不可攷杜子春以玉兆为帝顓頊之兆兆为帝尧之兆原兆为有周之兆近世說者谓为三代之兆然无所攷也儒者相传谓名玉兆者言兆之璽罅如玉瑜瑕不相掩玉阳精之纯也兆如玉色则事之属乎阳者也瓦兆者言兆之璽罅如瓦之□ 解散瓦生于土兆如瓦解则事之属乎阴者也原兆者言兆之璽罅如原田之坼裂牵连不断则阴阳之相杂者也【○易氏曰郑氏以为璽罅今攷其义不过阴阳奇耦与夫象之上下左右而已诗以廼生男子为载弄之璋则凡以玉名者皆阳也故卜得阳数之奇而其象在上在左者曰玉兆诗以廼生女子为载弄之瓦凡以瓦名者皆阴也故卜得阴数之耦而其象在下在右者曰瓦兆易之比曰比吉原筮原之为言再也或阴阳奇耦之错列上下左右之未定再以其变推之曰原兆】

尚书精义曰道生一一生二二生三三者道之成也故卜用三兆筮用三易取其成法也曲礼曰卜筮不过三仪礼曰占者三人在其南北上盖曲礼言其法仪礼言其人人各掌一法金縢所谓卜三 一习吉则筮用三也可知矣

其经兆之体皆百有二十其颂皆千有二百

贾氏曰经兆者 之正经云体者谓 之金木水火土五兆之体名体为经【○郑康成曰体有五色又重之以墨坼五色者洪范所谓曰雨曰霁曰罔曰蠹曰克○贾氏曰案占人云君占体大夫占色史占墨卜人占坼以其有五行兆体体中有五色既有体色则因之以兆广狭为墨又因墨之广狭支分小璽为坼是皆相因之事】郑锷曰经兆之体者谓三兆所卜之正体一体而五色应五行也五行之变无穷自其墨色坼裂分而配之一色别为二十四体故五行之兆分为百有二十一体十颂所以发明其吉凶推演其祸福故百二十体而有千二百之颂颂者卦繇之辞三兆不同书各异世而体也颂也其数乃无异如此窃意其书之数虽不异其所占则不得而同不然何以为玉瓦原之别乎

易氏曰自百有二十以至千有二百则以十日十二辰之数与夫四时五行休王相乘之法推之三易三梦之占仿此

掌三易之灋一曰连山二曰归藏三曰周易

易氏曰兼及于三易三梦者易与梦亦占也其属有簪人占梦大卜为之长故兼掌其法○郑康成曰易者揲蓍变易之数可占者

郑锷曰连山以艮为首夏人之易其卦艮上艮下故曰连山言如山之相连也【○刘氏曰艮其背不获其身人之道也以寅为正穆姜之筮遇艮之八是谓艮之随者此连山之易】归藏以坤为首商人之易其卦坤上坤下故曰归藏言如地道之包含万物所归而藏也【○刘氏曰坤者万物所归商以坤为首案礼运宋不足征吾得坤干焉此归藏之易】周易以干为首周人之易其卦干上干下名曰周言如天覆无不周而变易无穷也【○刘氏曰夫子不取连山归藏惟周易之学者以易天道之大兼乾坤艮于其中歷三古而更二圣先儒以连山为伏羲归藏为黄帝岂不知周易之画于伏羲耶】

其经卦皆八其别皆六十有四

郑锷曰正卦皆八自八相生别而重之八八所以皆六十四卦也然三代之易名异而卦不异盖卦虽同而所占者异也周易以九六为占而连山归藏以七八为占周易占其变者连山归藏占其不变者○易氏曰传记所载文王重易为六十四卦今此三易之别皆六十有四则是六十四卦非文王重之【○李嘉防曰文王所重盖繇辞也若乾卦曰元亨利贞是也】易大传十三卦言包牺氏之取诸离黄帝尧舜氏取诸乾坤此故经卦之名曰益曰噬嗑曰随曰豫曰涣曰小过曰睽曰大壮曰大过曰夬此即重卦之名是知上古已有六十四卦之别但夏殷之易以七八不变者为占周易以六九之变为占襄九年左氏传所载东宫之筮遇艮之八八即艮之六二为随杜氏以为杂用连山归藏二易皆以七八为占是连山归藏已有随卦之义此夏殷六十四卦之证或曰伏羲氏画八卦因而重之【○叶水心曰详此则周易之为三易卦之为六十四自舜禹以来用之而后世谓伏羲氏始画八卦文王重为六十四卦又谓纣囚

文王于羑里始演周易又谓河出图有自然之文学者因之有伏羲先天文王后天之论不知何所本始然则周易果文王所改作而后世臣子不以严宗庙参典谟顾乃藏于大卜等于卜筮何媒嫚其先君若是哉凡卦之辞爻之繇筮史所测推数极象比物连类不差毫发孔子以为不然故孔子之繫易以为必如是而测之由其中正不以祸福利害乱其心者此君子之所以为易学者既不知反援孔子之易同归于卜筮以为人更三圣世歷三古后成书学者日聒瞽无足怪者】

掌三梦之法一曰致梦二曰觭【居绮反】梦三曰咸陟郑康成曰梦者人精神所寤可占者○王昭禹曰形接为事神遇为梦神凝者想梦自消梦者精神之运也人之精神往来常与阴阳流通而祸福吉凶皆通于天地应于物类则由其梦以占之周官所以有占梦之官而大卜掌三梦之法○郑锷曰有心而梦出于有所因故曰致孔子之梦周公行道而致也晋侯之梦楚子伏已而盥其脑将战而致也【○王昭禹曰致者有所使而至非自至也○郑康成曰致梦夏后氏作】觭字从角从奇盖角出奇异所谓怪异之梦赵简子梦童子偁而转以歌鲁声伯梦泣而珠盈懷其怪异之梦欤【○王昭禹曰角一俯一仰为觭人之昼俯仰于事为之间夜则感而成梦虽非出于思虑亦有因而成○郑康成曰觭梦殷人作焉】无心感物谓之咸升而有至者谓之陟咸陟言无心所感精神升降有所致而得梦也文王之梦九龄高宗之梦傅説其精神所感之梦欤【○王昭禹曰无心感物为咸咸则以虚受物因时乘理无所偏系陟之为言升升则无所拘滞则非干思虑非因事为一出于自然○郑康成曰咸陟周人作】

其经运十其别九十

王氏曰占梦以歲时日月星辰则所谓经运盖歲时日月星辰之运【○郑锷曰十輝者日之辉光也十梦者梦之运变也精神之运心术之动然后见于梦占书名之曰运占梦之正法有十一运而九变十运而九十变故经运十其别九十】

以邦事作 之八命一曰征二曰象三曰与四曰谋五曰果六曰至七曰雨八曰瘳

郑锷曰国之大事有八必问诸 以决吉凶问之之辞谓之命大卜作其辞命

郑司农曰征谓征伐人【○郑锷曰将用兵以讨伐则征不可以妄动○郑康成曰征亦云行巡守】象谓灾变云物如众赤鸟之属有所象似易曰天垂象见吉凶【○郑康成曰象谓有所造立也易曰以制器者尚其象】○郑锷曰与者将合人以共事【○郑司农曰与谓予人物○刘执中曰与夺之利害】谋者始创议以立事也【○王昭禹曰谋谓图事于人卜其信否也○刘执中曰谋大议之得失也】果者进退未决之际而求其决【○郑康成曰果谓以勇决为之若吳伐楚楚司马子鱼卜战令 曰魴以其属死之楚师继之尚大克之吉是也○黄氏曰果其事疑信卜其果不也】至者为师卜【○郑司农曰至谓至不】雨者为农祈【○刘执中曰卜雩祈之雨否】瘳者以身求瘳者为疾祷

贾氏曰此八者皆大事故待 而决若小事则入于九筮

以八命者賛三兆三易三梦之占

郑锴曰作八命特以问 非能定吉凶吉凶大抵占于三兆三易三梦之法此特賛其占【○王昭禹曰作八命非特占之于 亦验之于筮司之于梦○黄氏曰三兆三易三梦各有占者大卜總其事而賛之占有异同则决之】○郑康成曰賛佐也○郑锴曰賛谓以此辞演出其意

以观国家之吉凶以诏救政

李景齐曰大卜合 筮与梦之占观夫国家之吉凶而预诏王修政以救之知其失而救之则祸可转而福

愚案大卜一官專在诏救政盖国家将兴必有祲祥国家将亡必有妖孽既于卜筮前知宜使人君预为修省之道

凡国大贞卜立君卜大封则眡高作

郑司农曰贞问也国有大疑问于蓍 【○郑康成曰贞之为问问于正者必先正之乃从问焉】○王昭禹曰谓以大事卜于 而正之

郑康成曰卜立君无 适卜可立者【○王昭禹曰立君以定继嗣天下之本】卜大封谓境界侵削卜以兵征之若鲁昭公元年秋叔弓帅师疆郛田是【○王昭禹曰大封以命诸侯一国之本】眡高以 骨高者可灼处示宗伯大事宗伯涖卜用 之腹骨近足者其部高作谓以火灼之以作其兆春灼后左夏灼前左秋灼前右冬灼后右士防礼曰宗人受卜人 示高涖卜受视反之又曰卜人坐作 【○郑司农曰作 谓凿 令可爇】

黄氏曰卜师凡卜事眡高 火以作 致其墨是则凡卜卜师作 惟大贞则大卜作

大祭祀则眡高命

郑康成曰命 告 以所卜之事不亲作 大祭祀轻于大贞士防礼曰宗人即席西面坐命

凡小事涖卜

郑康成曰代宗伯○张沂公曰表记曰小事无时日有筮周礼曰凡小事涖卜小事用筮又何涖卜邪曰有事于小神无常时日临有事则筮之是小事用筮也如大卜职当大祭祀则眡高命 凡小事涖卜此小事对于大祭是祭中小事非谓小神也

国大迁大师则贞

郑康成曰正 于卜位也士防礼曰卜人抱 燹先奠 西面是也又不亲命 亦轻于大祭祀○黄氏曰大祭祀命 与凡小事涖卜皆大卜专职防注差次涖卜以下皆未必然贞 与大贞之贞一也大贞合三兆三易三梦而占之立君大封既卜又协之于易梦谓之大贞大封非正封疆正封疆何用大贞大封在司马为军礼诗颂有乐章賚是也先王不轻为之国于天地与有立焉何敢轻哉迁国用事事虽不小贞 而已诗曰宅是镐京惟 正之武王成之周公曰朕曷敢违卜

凡旅陈

黄氏曰水旱兵裁皆旅旅事不一故陈其 随事用之○易氏曰凡旅非大旅陈 则轻于贞
○郑康成曰陈 于饌处士防礼曰卜人先奠 于西塾上南首是也【○王氏曰陈而不作与陈乐器同】

凡防事命

郑康成曰重防礼次大祭祀士防礼则筮宅卜曰天子卜葬兆

易氏曰凡防非大防为之命 则轻于眚高命 ○黄氏曰亦大卜专职

郑锷曰卜 之法有陈 有贞 有涖卜有命 有眚高有作 凡六节事逸者尊者为之事劳者卑者任之【○陈氏曰大卜或作或命或贞或陈其事不一防祭轻于大贞则命 大迁大师轻于防祭则贞 凡旅则陈 而已攷之仪礼卜人奠 宗人视高及坐命 而后卜人坐作 然则大卜于大祭祀凡防事命之而不作则作者其属也国太贞作之而不命则命者宗伯也贞 则正之于卜位而不亲命也陈 则陈之于饌所而不卜也】

卜师掌开 之四兆一曰方兆二曰功兆三曰义兆四曰弓兆

郑康成曰开开出其占书经兆百二十体此言四兆者分之为四部若易之二篇书金縢曰啓籒见书是谓与其云方功义弓之名未闻

郑锷曰方兆者占四方之事汉武帝发易占知神马从西北来非占四方之事乎【○薛氏曰以意推之丽于形者方也谓之方兆则言其上下阴阳之势】功兆者占立功之事楚司马子鱼卜战令 曰魴也以其属死之楚师继之尚大克之吉非立功之事乎【○薛氏曰以力兴造者功也谓之功兆则言其废兴成败之理】义兆者占行义之事南蒯筮得黄裳元吉惠伯曰忠信之事则可不然必败非占行义之事乎【○薛氏曰度其宜者义也谓之义兆则言其吉凶祸福之宜】弓兆者弓有射意故后世有射覆之法东方朔射守宫有防防縁壁之语非为射覆之事乎【○薛氏曰能弛张者弓也谓之弓兆则言其曲折长短之象】○黄氏曰卜

师 火作 开 之四兆正谓灼 其兆有四方功义弓璽坼之象 防传首足俯仰开跲盖其余法或曰注防家谓卜用 之腹骨骨近足者其部高春灼后左夏灼前左秋灼前右冬灼后右故谓之四兆然不知方功义弓其义当何如开占书疑若为占人之职辨 以上下左右阴阳郑说非每 皆有左右阴阳持 必当顺其体

凡卜事眡高

郑锷曰凡卜必以 骨可灼之高处眡于泄卜之人○王昭禹曰大卜尊于卜师故国大贞大祭祀眡高卜师卑于大卜故凡卜事视高以尊者其事略卑者其事繁

火以作 致其墨

王昭禹曰 如火烈具 之 谓炽其火【○李嘉防曰 火令蜚氏】 其火爇灼之以明其兆墨谓兆广之大小○贾氏曰案古人注云墨兆广也墨大坼明则逢吉坼称明墨称大今郑云爇灼之明其兆以解墨者彼各偏据一边而言其实墨大兼明乃可得吉故以明解墨【○刘执中曰兆之体不过五行之气因燠而成者其变则旁为兆微而不可以不辨故致其墨食则见而可辨书曰我乃卜涧水东 水西惟洛食即此也】

凡卜辨 之上下左右阴阳

郑康成曰所卜者当各用其 上仰者下俯者左左倪右右倪阴后弇阳前弇

以授命 者而诏相之

项氏曰凡 之上下左右阴阳不同即后六 辨其名物各从其所当用以授命 之人【○郑康成曰大祭祀防事大卜命 则大贞小宗伯命 其他卜师命 卜人作 则亦辨 以授卜师】又诏相其命辞及其礼【○刘执中曰命 者大卜必顺而执之然后即而卜之故辨上下以授大卜而诏相之】○郑锷曰命 之人各因其 为之辞诏之以言辞相其礼仪辞必正礼必诚则求于鬼神而吉凶审矣

人中士二人府二人史二人工四人胥四人徒四十人

郑康成曰工取 攻

掌六 之属各有名物天 曰灵属地 曰绎属东 曰果属西 曰蠁属南 曰猎属北 曰若属各以其方之色与其体辨之

项氏曰物色也色即物体即俯仰之形状○李嘉防曰 不一类以类言之则曰属其属既辨而名物可察○郑锷曰 以决疑而天地四方所生各有名有物苟不知其名其色以别异之

则卜师何从辨之以授命者乎六 之名曰灵曰绎曰果曰蠃曰猎曰若攷先儒說谓行而首俯者曰天 首仰者曰地 甲长前弇者曰果后弇者曰蠃首之左倪者曰南右倪者曰北至论其名有所属之意则不得而攷以理推之天 曰灵以见降而交乎地道之意地 曰绎地道无成而代有终以见继续不絕之意果或以为蠃露之名其形前长而后羸东方物始生决于进也故有果决之意猎或以为田猎之义谓自后而逐为猎南方物寢长故有猎等之意雷阴物而动乎阳西方阴也其 宜从乎阴首左倪则去阴从阳故尔雅以左倪之 为不类谓其阴而不类乎阴若顺也北方阴其 右则尚乎阴以阴向阴可谓顺之至凡此六 上下四方其色不同天 而地黄东青而西白南赤而北黑非谓其身之色也记曰青黑縁天子之寶 也公羊曰 青纯何休以为 甲 青也千歲之 青 然则六 之色盖亦视其 而已乃若其体不同则有俯有仰有左有右有前有后也曰俯仰左右者以其首言之曰前曰后者以其甲言之曰 黄青赤白黑者以其 言之非 人孰能辨之哉【○刘执中曰命名以其形则经以其形相类者为之属坎易称锡以十朋之 尔雅曰神 灵 摄 寶 文 筮 山 泽 水 火 以为十朋岂亦其属哉】

凡取 用秋时攻 用春时

郑康成曰秋取 及万物成也攻治也治 骨以春是时干解不发伤也【○黄氏曰物之精华春时皆发见于外】○郑锷曰 以甲为用甲不坚则无以受鑽灼之火秋则阴用事而坚于是时而取之其甲坚矣脱其简则不能无伤生之害春则阳用事而物解于是时而攻之其甲坼矣顺时而取之可以为鑽灼之用顺时而攻之又以存不忍之心

各以其物入于 室

贾氏曰物色也

郑锷曰六 所藏宜各异室攻其甲矣各入于室以俟异用不可杂也【○李嘉防曰如卜立君当用天 卜大封当用地 四时小事之卜顺时而各用其 宜也】

贾氏曰以蓍 歲易秋取春攻讫即欲易去前 也若夫寶 非常用之 不歲易

上春衅

郑康成曰上春者夏正建寅之月月令孟冬大史衅祠龟防相互矣秦以十月建亥为歲首则月令秦世之书亦或欲以歲首衅 耳

郑锷曰至寶之物神或凭依及上春则杀牲以血涂之既以祓其不祥且以神之也天府上春衅寶器及寶镇衅 必用上春者亦视为国寶也

祭祀先卜

郑锴曰衅 之时追报古昔首为 卜之事以教人者而祭祀之民不知避凶趋吉以犯于患者多矣有智者出因神物而教之使前知吉凶其仁远矣乌可忘其功而不报乎然地曰祭天曰祀兼称祭祀以 卜之事通天地盖尊之也祭先牧祭先嗇皆不兼言祀意可知也【○郑司农曰祭祀先卜者卜其日与牲○易氏曰先卜谓前期以卜李嘉会曰先卜所以一人心于至敬】

若有祭祀则奉 以往旅亦如之防亦如之

郑康成曰奉犹送也送之于所当卜○郑锴曰若有祭祀与大旅之事莫不有卜或卜日或卜牲皆奉 而往以待用也

蕤氏下士二人史一人徒八人

郑康成曰燹燹用荆蕤之类○郑锴曰燹契之状如捶故名曰蕤氏捶与蕤一也

掌共燹契以待卜事

王昭禹曰燹即庄子所谓爝火之爝灼 之木也契即诗所谓爰契我 之契开 之凿也卜则用燹以灼 凿以开 蕤人则共之以待事也【○郑锴曰燹契者合众荆以为火炬之名○聂崇义曰卜人先奠 于西塾上南首有席楚燎置于燹在 东注云楚荆也荆燎所以鑽灼 者燹炬也所以然火者也】

凡卜以明火爇燹遂歃其燹契以授卜师遂役之杜氏曰明火以阳燧取火于日

王昭禹曰火生于木缘物为气古人或取于榆柳或取于枣杏或取于槐檀或取于桑柘随所取而得之非不明也然非明之至非不洁也然非洁之至唯日为阳精之纯取于阳精则为至明于精之纯则为至洁唯其明洁之至然后可以鑽精 神相知休咎爇烧也用所取之明火以烧灼 之木契之锐头谓之燹曲礼曰进戈者前其鐃盖以契之锐头火吹之其头若戈鐃焉故曰遂吹其燹契燹契既燃乃授卜师 火作 以致其墨蕤氏因而賛相其事为卜师之所役

占人下士八人府一人史二人徒八人

郑康成曰占蓍 之卦兆吉凶

掌占 以八簪占八颂以八卦占簪之八故以眡吉凶易氏曰 有颂筮有故八卦即上经三易之体【○李嘉防曰六十四卦皆本于乾坤艮巽坎离兑震之八卦故曰八卦】八颂即上经八命之颂八故即上经八事之故以筮占颂以卦占筮然后两眡其从违而断吉凶

郑锴曰卜筮各立一官占人專掌占 筮人專掌占筮各不相干献公立骊姬卜人知其不可从长之言有谓而发岂曰專以 为断以八筮占八颂事有先以蓍而筮者又占之于 兆之颂也以八卦占筮之八故事有先用 以卜者又占之于筮之辞也筮有九此言八筮盖所筮之八故事曰征象与谋果至雨瘳谓之八筮亦谓之八故此因八事之故乃有此八筮乃占于颂颂有千二百以八颂为占盖所筮之八事有偶与八颂相符者则从而占于千有二百中之八颂至于用龟以卜既成八卦又参之于筮以占之其所占者乃此八故舍此八故之外不参以筮故曰以八卦占筮之八故然则占人既用卜又参用筮愚案颂者命 之辞故者命筮之辞總言之即邦事作 八命之事古者有大事先筮后卜既卜之八筮复举已筮之数断之以 则曰颂既得之于 复举 所应之卦参酌夫初焉之筮始之以数终之以理此 筮通占之說若夫筮自有九筮则是从筮而不卜之事与此不同

凡卜簪君占体大夫占色史占墨卜人占坼

贾氏曰此已下皆据卜言兼云筮者凡卜皆先筮故连言之○项氏曰凡卜筮者既筮而后卜是卜其所筮【○王昭禹曰卜以 筮以蓍占体占色占墨占坼皆占 而曰凡卜筮则筮亦占体也诗曰尔卜尔筮体无咎言筮占体于此可见】

郑康成曰体兆象也○贾氏曰谓金木水火土五种之兆兆之墨纵横其形体象似金木水火土凡卜欲作 之时灼 之四足依四时而灼之其兆直上向背者为木兆直下向足者为水兆邪向背者为火兆邪向下者为金兆横者为土兆是兆象【○刘执中曰体谓 兆五行之正体与卜之时相生相尅有体有王吉凶可知】

郑康成曰色兆气也【○贾氏曰就兆中视其色气似有雨及雨止之等是为色○郑锴曰曰雨曰霁曰 曰驿曰克之类是谓色○刘执中曰色谓灼 既兆以成体又色以示象亦与五行四时相为兴废】墨兆广【○贾氏曰据兆之正墨处为兆广○刘执中曰墨谓兆墨至微可悉辨必食以墨则史得以传于币也】坼兆墨【○贾氏曰就正墨旁有奇墨罅者为兆墨○刘执中曰坼谓兆之墨坼有首尾有阴阳有 似而非有非而是卜人不可不断其吉凶】体有吉凶色有善恶墨有大小坼有微明凡卜象吉色善墨大坼明则逢吉

刘执中曰四者共一卦○郑锴曰凡卜君与大夫卜史共蒞其事左传载齐将伐鲁宣公卜之惠伯令 卜楚丘占之以是知君与大夫卜史俱在然君尊大夫卑卜史又卑其所占者宜有小大详略君占其大臣占其小礼所当然所以各占其一而君视其大体周公为武王卜曰体王其罔害是也昔汉文帝自代来卜得大横繇曰大横庚余为天王夏啓以光大横者 文之正横是其体也横为土文帝有土之象然则君占体亦君之吉凶系于其体色则兆之气色有体然后有色大夫次君宜视墨之色史又次于大夫故占其墨卜人又次于史故占其坼太史之职大祭祀与执事卜日先儒谓当卜者君与大夫亲临之史掌书卜人掌作 故虽卜他事而君与大夫史十皆与其休咎观齐将伐鲁之事宣公卜之惠伯令 卜楚丘占之曰齐侯将不及期君亦不见令 有咎卜齐伐鲁知先公之死惠伯之有咎则是职主其占其身之吉凶亦系乎是然用 以占有坼有墨有色有体可用以为占若夫筮则用蓍安得有此乃言凡

卜筮者盖筮既成卦则有卦体可占经每言卜必兼筮以为言殆指此而已【○易氏曰凡国之卜事君无亲蒞之文而执事者咸与焉其次则有大夫之占春官大史大卜皆下大夫而此经自有卜史之占则非此之大夫此大夫次于君其上大夫卿如大宰大宗伯大司马之蒞卜者欤其次小宗伯肆师亦以大夫蒞卜此大夫所以占色也其次又有史与卜人之占此史所以占墨卜人所以占坼也】

王氏曰龟灼之而坼坼而后墨与色可知卜人先占坼史占墨次之大夫占色又次之众占备焉而后君占体以防吉凶事之序也先言占体则以尊卑之序言之

凡卜筮既事则繫币以比其命

郑锷曰卜筮必有币以礼神必有辞以命 卜筮已毕则取礼神之币书其占繫之于书【○郑康成曰既卜筮史必书其命 之事及兆于防繫其礼神之币而合藏焉书曰王与大夫尽弁开金縢之书乃得周公所自以为功代武王之說是命 书】

终则计其占之中否

郑锷曰俟 终计防其所占之中否而进退占人盖卜之所占验与否常在后故俟 终计之【○李嘉防曰攷较优劣乃大卜事何为掌之占人盖占人下士八人所见异同于此專之其事必不苟】

筮人中士二人府一人史二人徒四人

郑康成曰问蓍曰筮其占易○郑锷曰天地鬼神之妙不逃乎数圣人通乎幽明之故谓夫可以数知故以百 神蓍四十九茎揲之以四因所得之多少以为阴阳之爻名之以卦以断吉凶筮人者專掌揲蓍之事

掌三易以辨九筮之名一曰连山二曰归藏三曰周易九筮之名一曰巫更二曰巫式三曰巫比四曰巫祠五曰巫参六曰巫环以辨吉凶

王昭禹曰易以卦言筮以数言定数然后成卦筮定数于始卦成体于终繫辞曰蓍之德员而神卦之德方以知以蓍始于数数无定名卦成于爻爻有定体郑锷曰大事先筮后卜筮不吉则止而不卜小事用筮不用卜盖尊 而不敢渫也大事问于 则有八命小筮问于筮则有九筮掌三易以辨九筮之名易书也筮事也所筮之事必有其名更咸式目易比祠参环是谓九筮也或谓圣人作三易之书首艮者曰连山首坤者曰归藏首干者曰周易书名不同同于九筮何邪盖天下之事不胜其众其事之当筮者然后决之以蓍所当决者不出乎九事是则万世之所同何独三代则同邪更与更化之更同国事有可更张此所以筮更【○郑康成曰更谓筮迁都邑也】庄子曰周徧曰咸则咸之义为皆易咸卦言感人心则咸之义为感也国家欲有所为将以感人心使之皆然此所以筮咸将有所制作而新其法式此所以筮式目谓

事目欲有所为未知事目所当用此所以筮目易谓变易也如旱干水溢变置社稷如诸侯不朝易置其人之类更者更旧也易则有所变此所以筮易【○郑氏曰易谓民众不說筮所改易】比谓与人相亲比易曰外比于贤又曰比之匪人不知其人果可与比否此所以筮比祠谓祭祀之时日有吉凶牺牲可用与否此所以筮祠车之参乘或可为御或可为右其人可与参乘否此所以筮参环谓致师将 必使勇者挑之僖十五年秦与晋 卜右庆郑吉防二十四年晋致楚师求御于郑郑人卜宛射犬吉宣二年楚许伯御乐伯摄叔为右以致晋师此所以筮环【○愚案此即是发明注說依字义解去后人疑其未然說见后】黄氏曰九筮占法也犹 之四兆如郑康成說则与大卜八命何异大卜以八命贊筮兆之占占人以八筮占八颂国之占卜不出此八事者大卜通掌之矣筮人不应重出且其职曰掌三易以辨九筮之名则九筮出于三易其为筮法无疑矣蓍法十有八变而成卦三变为一爻三三九变为内卦又九变为外卦此所谓九筮但每变置名当有其义虽然亦不敢谓必如此【○薛氏曰郑氏改巫为筮不可考自巫更以至巫环其义不可知又以意而附防其說凿矣故尝谓古者占筮之名谓之巫世本曰巫咸作筮商为巫咸后世有神巫季咸盖祖其名筮人九筮之名自巫更巫咸以至巫环或以其人名书或以其法名书非若 之八命】

凡国之大事先筮而后卜

吕氏曰卜筮不相袭者凡常事卜不吉则不筮筮不吉则不卜也献公卜纳骊姬不吉公曰筮之此相袭者也若大事则先筮而后卜洪范谋及卜筮晋纳防王得黄帝战于阪泉之兆又筮之则遇大有之睽皆 筮并用故知不相袭者非大事○黄氏曰以卜协筮不以筮协卜【○王氏曰兼用卜筮而尊 焉故后之○郑锷曰自物有象而后有数观之则先卜后筮盖自无而之有自人求于鬼神言之则先筮后卜盖自明而之幽也】

上春相筮

郑康成曰相谓更选择其蓍蓍 易者与【○郑锷曰上春衅 可以血涂筮则但相视其可用者择去其不可用者盖天子之蓍九尺大夫七尺士五尺相而更易其旧】

凡国事共筮

郑锷曰国有事而筮则筮人共蓍以筮故曰共筮

占梦中士二人史二人徒四人

贾氏曰梦是精神所感并日月星辰等是鬼神之事故列职于此

陈及之曰设官以占梦疑若不急于政事而先王不废盖六梦之证于事不有以占之则休咎不能知欲先事为备不可得虽然占梦者史官之一事当以他官占之未必特置也

掌其歲時觀天地之防辨陰陽之氣以日月星辰占六夢之吉凶

鄭鐸曰大卜掌三夢之法占夢所占者六夢以歲時觀天地之防辨陰陽之氣以日月星辰占之者蓋所占人君之夢故設官以三夢之書占六夢非此六者之夢則不占○易氏曰歲十二歲時每歲之四時天地之防謂建戾之所防陰陽之氣謂五行生死休王之氣【○李嘉防曰假如春時木王而水以生木而休火以木王而相土以木尅而死金以火勝而囚以日月之歲時星辰之次舍參攷互驗則夢之所占協于陰陽歲時者吉背于陰陽歲時者凶蓋可知矣】○薛氏曰天地之防即日月之防日行遲一日行一度則一月而三十度月行速日行十三度有奇計二十七日後而周天又以二日余而行十三度則與日合宿而為日月防故月建子則日月防于 枵月建丑則日月防于星紀之類是也占夢者以其十二歲十二時觀之日月所防之辰因其升降往來之度而合其吉凶休咎之証春秋昭三十一年十二月辛亥朔日有食之是夜也晉趙簡子夢童子僕而轉以歌旦占諸史墨曰六年及此月也吳其入郢乎終亦弗克入郢必以庚辰所以知其入郢之期者以庚日有變而庚辰日在鶉尾可即日在鶉尾而知之知其必入郢者以庚午之日始有謫可即日之變氣而占之又知其六年者以辛亥為水水數生于一而成于六數之成者在六年又知其弗克者以午火庚金火勝金故也其入郢而夢見于晉者以晉楚同盟趙簡子為執政之卿其說若近乎附防然皆以日月星辰參諸天地之防陰陽之氣必成周占夢之遺法尚可以此考其大略【○鄭鐸曰占夢之法則以是歲所夢之四時占之歲或在寅或在卯或在春或在夏此歲時之不同三陽交為泰天地不交為否春而下降上騰冬則上下不交是天地之防合時在春夏在氣為陽時在秋冬在氣為陰是陰陽之氣各異掌其歲時觀其防辨其氣然後攷之于日月星辰天地有防不防二氣有合不合故見于所夢者或驗或不驗既觀天地知其防矣又辨十二氣知其合矣乃視日月星辰以占決之也】

一曰正夢二曰噩【五各反】三曰思夢四曰寤夢五曰喜夢六曰懼夢

鄭康成曰正夢無所感動平安自夢○劉執中曰聖人之性正性也其所謂中者乎聖人之情性其情也其所謂和者乎中心無為以守至正感而有夢正夢也中庸曰至誠之道可以前知國家將興必有祲祥國家將亡必有妖孽見乎蓍 動乎四體禍福將至善必先知之不善必先知之故至誠如神是之謂正【○王昭禹曰非噩非思非喜非懼而神非有所變故曰正】○杜氏曰噩當為驚愕之愕謂驚愕而夢【○劉執中曰若文王寢疾而武王夢帝與我九齡○王昭禹曰噩如周書噩噩之噩辨察之意謂心有辨而后夢】○王昭禹曰思夢心有思而后夢【○劉執中曰若高宗恭默思道夢帝賚予良弼】鄭康成曰寤夢覺時道之而夢【○王昭禹曰謂寤時而夢○王氏曰如狐 夢太子申生也○劉執中曰寤夢若漢文帝時夢黃頭郎推之上天寤而得之】喜夢喜悅而夢【○王昭禹曰謂因有所喜而后夢○劉執中曰喜夢若詩稱吉夢維何維熊維黑乃生男子載弄之璋】懼夢恐懼而夢【○王昭禹曰謂有恐懼而夢○劉執中曰懼夢者光武夢乘龍登天心动悸懼】

李嘉防曰古者生養有道人有常心而精神夢寐與天地陰陽流通而無間夢熊罴為男之祥夢蛇虺為女之祥魚為歲豐之兆旃為室家之兆後世人以情遷而正噩思寤喜懼之念不本

于正胶扰于生理之不足事物之不经感叹欢戚日不足而夜且丛起不可得而占也

季冬聘王梦献吉梦于王王拜而受之乃舍【音释】萌于四方以赠恶梦

郑锷曰先儒之説于理不通安有一歳之梦当其时则不占至于季冬始聘而问王焉季冬始问始赠何补于一歳之吉凶恶梦不善至于是时虽赠亦无及矣聘问也如聘女之聘聘而来也赠送也如赠行之赠赠之使往也季冬之月歳且更始迎新送旧之时也欲王新歳常得吉梦故聘之欲王新歳常无恶梦故赠之如谓人臣有吉梦献于天子天子拜受亦无是理盖亦迎新之际聘其吉者欲其来故献于王者曰自今以后梦皆吉而无凶矣王乃拜受亦迎受福之意也舍萌谓取菜之始萌者而祭也梦者祸福之萌用菜萌以祭示去其萌芽之义【○郑康成曰梦者事之祥吉凶之占在日月星辰季冬日穷于次月穷于纪星廻于天数将几终于是发币而问焉若休庆之云尔因献羣臣之吉梦于王归美焉诗云牧人乃梦众维鱼矣旃维旗矣此所献吉梦】

遂令始难毆疫

郑康成曰令令方相氏也难谓执兵以有难郤也【○杜氏曰月令季春之月命国雘九门磔禳以毕春气仲秋之月天子乃雘以逹秋气季冬之月命有司大雘旁磔出土牛以送寒气○贾氏曰子春虽引三时之雘惟据季冬大雘以此经文承季冬之下是以方相氏亦据季冬大雘而言】○李嘉防曰季春仲秋季冬皆有雘今日始雘者盖在上始行雘礼则诸侯万民斯可雘也王昭禹曰既舍萌赠恶梦内无衅然后自外至者可索而毆也【○郑锷曰恶梦已去亦不使疫鬼或乘隙而来凡为厉者一切皆絶则恶梦无自而生矣○易氏曰始雘所以迎和气毆疫所以送戾气】

眡祲中士二人史二人徒四人

郑锷曰祲者阴阳之气相侵日者人君之表以大明之故能照临下土若为阴阳之气所侵其明夷矣明君忌之故设官以视其祲【○郑康成曰鲁史梓慎云吾见赤黑之祲】

掌十輝之灋以观妖祥辨吉凶

郑司农曰輝谓日光气也○王昭禹曰十輝皆日傍之气而其状貌不同而妖祥吉凶所繫不可不辨【○郑锷曰观日之光气或妖则是为恶之证而辨其为凶或祥则是为善之证而辨其为吉阴阳侵日则光气有损是故名其法为十輝】

一曰祲二曰象三曰鑿【许规反】四曰监五曰闇六曰瞢七曰弥八曰叙九曰隤【子兮反】十曰想

郑锷曰案二郑解十輝之説其同者六其异者四今取隋书天文志之説以为据一曰祲谓阴

阳五色之气浸淫相侵或曰抱珥背璫之属如虹而短是也二曰象谓形气或形象如赤乌夹日以飞之类【○易氏曰谓阴气附日而凝结】三曰鑢日旁气刺日形如童子所佩之鑢【○郑司农曰谓日旁气四面反乡如晕状】四曰监谓云气临在日上【○易氏曰谓阴气抱日如冠珥而背璫】五曰闇谓日月食或曰光脱也【○易氏曰谓阴气藏日方昼而闇】六曰瞢不光明也【○易氏曰谓阴气蔽日光瞢然】七曰弥谓白虹弥天而贯日八曰叙谓气若山而在日上或曰冠珥背璫重叠次序在于日旁【○郑司农曰云有次序如山在日上○刘执中曰片段成列穿日而有序也○易氏曰阴气不常以叙而至】九曰隳谓晕气【○郑司农曰隳者升气也○郑康成曰隳虹也诗曰朝隳于西○易氏曰阴气自下而升于上】十曰想谓气五色有形想青饥赤兵白防黑忧黄熟或曰想思也赤气为人兽之形可思而知其吉凶【○郑司农曰想者辉光也○郑康成曰想者杂气有似可形想】自周之时已有十名汉儒谈灾异悉本诸此故隋史载之

掌安宅叙降

郑康成曰宅居降下也【○郑锷曰书曰降之百祥曰罔有降格大司乐曰天神皆降保章氏曰降丰凶之祲象凡言降者皆自天而下十辉以观妖祥本于天所降天降灾祥则下民有不安其居者○王氏曰人不安宅则眡祲掌以其法为之安宅】次序其凶祸所下谓禳移之○项氏曰安宅谓有覩妖祥而不安者则眡其吉者而安之其凶者以叙移避书曰降丘宅土则宅谓居一曰下安人之所居上叙天之所降【○刘执中曰十辉祲日各有次舍而十二州有所直焉故掌安宅其灾次叙所降之州使无惊扰保章所谓以诏救政访序事者是也】

正歲则行事

郑锷曰眡祲掌于正歲行安宅叙降之事叙述降灾之故为禳除之语以去之○王昭禹曰以豫告于下【○刘执中曰行其辉之法以占国事】

歲终则弊其事

郑锷曰正歲行之歲终弊之又以验禳除之有效否弊断也断其然否所以验之也【○李嘉防曰计其占之中否则赏罚黜陟不言可知】

周礼订义卷四十二

卷四十三

<经部,礼类,周礼之属,周礼订义

钦定四库全书

周礼订义卷四十三 宋 王与之

大祝下大夫二人上士四人

郑康成曰大祝祝官之长○黄氏曰卜祝秩皆高【○郑锷曰曲礼言天子建天官先六大以大祝为天官之属与大宰大宗同列者商人之制也周则为祝史而已】

薛平仲曰卜也者先王所以求诸幽以决吾心之疑祝者先王所以告诸幽以荐吾心之信此叙官之相为先后欵大祝之官必以下大夫二人居之辅之以小祝以见其辞之不可轻丧必有祝甸必有祝盟诅以结好又有祝作言语以质鬼神其所關者如此则夫降兴上下之神以验其昭格之实司巫之职又相与聯事于此也自大卜之职修而眡祲之官皆足为推测之应自大祝之职修而男女之巫皆足为昭格之具

【胡仁仲曰医卜祝史技数也然切于人心而人理之所不能不用者先王之时世掌其事属身于官医以十全为上误而杀人者有诛大事讯之卜疑事决之卜而吉凶军賓嘉凡有告于鬼神者必祝史宣其意然后主事者得全其精神而与神明交今世不然散于民间取人者无罪骄人者无禁杀人者无诛妙达陰阳之寇有十全之功者亦莫之旌用国有大事事有大疑内不反谋诸心外不谋之于士庶精不谋之于筮而卜道以亡噫五礼之不得其理从矣君子漫不知其义祝史岂能知其义哉故民间惟有疾病则卜而卜者率皆诳言以恐惑之民率破产祀鬼而不求医至有収事荒夷之神驱除其祖考而不荐者岂不伤人情逆天理乎是故君天下欲仁其民者虽医卜祝史之流亦必如先王之世然后可行也】

掌六祝之辞以事鬼神示祈福祥求永贞

郑锷曰宗伯以吉礼事天神地示人鬼大祝又以事鬼神示为职蓋宗伯所掌者礼也大祝以荐信为事用辞而已故掌六祝之辞所祝虽六其要不过祈福祥求永贞○贾氏曰此六辞皆祈祷之辞說以告神其事有六祈福祥即吉祝是也【○项氏曰祈则有所请天所祐为福福所兆为祥】求永贞即年祝是也【○郑康成曰永长也贞正也求多福歷年得正命】特取二事为總目欲见余四者亦有福祥永贞之事○郑锷曰六祝之求非为已之私要使天下均受多福均保正命汉文帝知祠官祝厘专为朕躬而不为民故诏罢之岂先王为已计哉○项氏曰六祝所以求福六祈所以禳祸○李嘉防曰大祝掌六祝六祈六号九祭九拜事至不一而以作六祝之辞为先者大祝陈辞于鬼神当以诚信先之此事鬼神之本

一曰顺祝二曰年祝三曰吉祝四曰化祝五曰瑞祝六曰防祝

刘执中曰先儒咸以小祝小祭祀候禳之事以解六辞非也大祝所以祝大事郊祀天地社稷宗庙大享则用之【○郑锷曰六祝曰顺曰年曰吉曰化曰瑞曰防见于小祝则有祈福祥顺丰年逆时雨宁风旱弥灾兵远臯疾之目宜用以参相发明可也】一曰顺祝谓祈三才协顺四海和同【○郑锷曰祈丰年也顺成之方蜡祭乃通年无必丰之理祝其顺成载芟之诗之类】二曰年祝谓所祈五气时若常大有年【○郑锷曰求永贞也欲民跻仁寿之域有天年之永如父不哭子兄不忧弟之类】三曰吉祝谓祈敛时五福敷锡庶民【○郑锷曰祈福祥也身其康强子孙其逢吉有五福之备无六极之凶是谓吉】四曰化祝谓祈休徵化被六极以同风气【○郑锷曰弭灾兵也灾兵之起欲使之销载戢干戈载橐弓矢变祸乱为和平移哭泣为欢笑是之谓化】五曰瑞祝谓祈顺气成象天降甘露地出醴泉【○郑锷曰逆时雨宁风旱也欲时无风旱而时雨应期所以为祥瑞貽我来牟嘉禾合颖固丰年之瑞矣必须风雨顺旱灾消然后有之故小祝指时雨风旱以为言是乃瑞祝之证】六曰防祝谓祈鬼神箴不违于人大同而卦吉六者皆王者内蕴诚明之德达于天民而天地合德故祝因郊祀各有其辞以祈报应【○郑锷曰远臯疾也武王之疾周公请以身代史乃祝册盖为防书以述其谢过之情冀天地鬼神不加罪于其身防祝之为远罪疾可知○黄氏曰如随季梁言曰今民馁而君逞欲祝史矫举以祭是不称其实也以是防祝恐祝史不能正辞而奉牲奉盛奉酒醴之际或有愧于其神而祝之也】

掌六祈以同鬼神示

刘执中曰六祝因祭享祀祝之此六祈者特为因事祭而祈之【○黄氏曰皆非常事各有礼法悖礼乱法则不举】

郑锷曰鬼神依人而行好恶未尝不与人同然亦有时不同人恶疾病疾病或至人恶灾害灾害或生师欲有功或不功年欲顺成或不顺成未必其心皆同故以六祈祈其同【○项氏曰神人一理使是理常相依而行则虽无所祈可也一或不合变故生焉故必有类造以求之禴祭以告之攻说以责之使神人之情通则福可致祸可禳不曰通而曰同者以神人不同也然而大人与鬼神合其吉凶则同之其有道矣○李嘉防曰鬼神示如何曰同六者之祭不可混杂别之于初则可责鬼神示之同于报我矣】

一曰类二曰造三曰禴四曰禋五曰攻六曰说

郑司农曰皆祭名也○郑锷曰上帝之尊欲其同也因出师之时以事类而祈之曰类【○王昭禹曰合其类而祭之】先祖之神欲其同也因出师之时则造庙而祈之曰造舜类于上帝虽因摄位以事告天然大抵类造为师祭之名诗云是类是禘说者以为师祭四时有常享不名曰造非有兵事不敢造焉【○项氏曰司马法曰将用师乃告皇天上帝日月星辰以禱于后土四海神祇山川社乃造于先王此类造之别】

郑锷曰禴则禳灾而防福之祭女祝所谓掌以时招梗禴禳之事【王氏曰禴国之凶荒民之札丧之属】盖禳则禳去其灾禴则防聚其福

郑司农曰祭日月星辰山川之祭春秋传曰日月星辰之神则雪霜风雨之不时于是乎祭之山川之神则水旱疠疫之灾于是乎祭之

郑锷曰攻者牺牲既成粢盛既洁然而旱干水溢灾变不已是神之罪故以辞攻而责之如小子鸣鼓而攻之之攻【○王昭禹曰攻以治去其害若翦氏以攻祭攻之之属】

刘执中曰说谓以论说祈求若汤之旱告于雩曰政不节欤使民疾欤宫室崇欤妇谒盛欤苞苴行欤谗夫昌欤六者自责以说天【○郑康成曰董仲舒救日食祝曰炤炤大明灏灭无光奈何以阴侵阳以卑侵尊是之谓说○王昭禹曰以辞责之之谓说若庶氏以攻说禴之之属】项氏曰造类禴祭皆有牲攻说用币而已

作六辞以通上下亲疎远近

刘执中曰王者欲保宁邦国兴大利除大害天地鬼神羣臣兆姓未谕其意情有不通乃因六事以作六辞用通其情【○郑锷曰六祝之辞皆告神之语非鼓舞天下之动也○王昭禹曰礼之文待辞后着礼之情待辞后见明以通乎人幽以通乎神皆有待乎辞则上下亲疎远近皆待辞以通上下以位言亲疎以情言远近以势言】

李嘉防曰作六辞是掌代王言之人合在太史内史小史之属今以太祝作之盖六辞者多于庙中发之其辞无媿于神则上下亲疎远近之情可通

一曰祠二曰命三曰诰四曰防五曰祷六曰谏

刘执中曰祠谓祠享先王于庙祝受尸嘏于主人曰皇尸命王祝承致多福无疆于汝孝孙来汝孝孙使汝受禄于天宜稼于田眉寿万年勿替引之主人奠酢爵再拜稽首受持黍稷饗之实于左【○黄氏曰祠用于祭祀所以交接鬼神者皆当有其辞武成曰敢昭告于皇天后土惟有道曾孙周王发将有大政于商商王受无道暴殄天物害虐烝民此亦为祠盖特祭非常祭也○郑康成曰祠者交接之辞春秋传曰古者诸侯相见号辞必称先君以相接祠之辞也】

郑锷曰命者述其意以命神如命之命盖有指使之言如曰假尔泰有常假尔泰筮有常乃所以命之也【○郑司农曰命论语所谓为命裨谌草创之】黄氏曰古者大诰命于庙临之以鬼神毕命王朝步自宗周至于丰以成周之众命毕公保厘东郊命之于庙洛诰王在新邑烝祭歳王命作册逸祝册惟告周公其后告之于庙史逸作册寘祝册史官兼祝官欤【○郑司农曰诰谓康诰盘庚之诰之属盘庚将迁于殷诰其世臣卿大夫以道其先祖之善功故曰以通上下亲疎远近】

郑康成曰防谓防同盟誓之辞【○黄氏曰郑说防同是也盟非也大祝六辞无盟辞誓或有之诅祝作盟诅之载辞是则盟非先王所贵也春秋传曰齐桓公葵丘之盟载书五禁曰无曲防无遏余无专杀大夫无以妾为妻无有封而不告不防血耳犹当有辞以告鬼神】郑司农曰祷谓祷于天地社稷宗庙主为其辞也春秋传铁之战衞太子祷曰曾孙蒯聩敢昭告皇祖文王烈祖康叔文祖襄公郑胜乱从晋午在难不能治乱使鞅讨之蒯聩不敢自佚备持矛焉敢告无絶筋无折骨无面夷无作三祖羞大命不敢请佩玉不敢爱若此之属

郑司农曰谏谓积累生时德行以赐之命主为其辞春秋传孔子卒哀公谏之曰闵天不淑不慙遗一老俾屏余一人以在位嬛嬛予在疚呜呼哀哉尼父无自律此皆有文雅辞令难为者也故大祝官主作六辞或曰谏论语所谓谏曰祷尔于上下神祇

黄氏曰凡此皆所以诏告鬼神可以通人情能使上下亲疎遠近无所壅隔也诗曰惠于宗公神罔时恫斯之谓矣先郑引盘庚诰其世臣卿大夫道其先祖之善功其意是也上下亲疎遠近间隔不通甚者则有盟诅盟诅亦有辞虽非先王所贵犹足以救衰世故使诅祝掌之然则大祝之职任可知

辨六号一曰神号二曰鬼号三曰示号四曰牲号五曰齎号六曰币号

郑锷曰神示百物各有其名以名举则失于防易其名而为之美称所以致敬以尊神明见其肃敬之意大祝掌辨而为之

郑康成曰神号若云皇天上帝鬼号若云皇祖伯某示号若云后土地只○郑司农曰牲号为牺牲皆有名号曲礼曰牛曰一元大武豕曰刚鬣羊曰柔毛鸡曰翰音齎号谓黍稷皆有名号曲礼曰黍曰苽合梁曰苽其稻曰嘉防少牢馈食礼曰敢用柔毛刚鬣士虞礼曰敢用洁牲刚鬣香合币号若玉云嘉玉币云量币

辨九祭一曰命祭二曰衍【音延】祭三曰炮【白交反】祭四曰周祭五曰振祭六曰擗【而泉反】祭七曰绝祭八曰燎祭九曰共祭

郑锷曰食必有祭示不忘先宗庙之中尸祭有九大祝辨之非賓主饮食之祭而康成皆引賓主之食以言不可不辨【○王昭禹曰饮食必有祭先王所以仁鬼神蓋饮食人之大欲上古未有火化食草木之实鸟兽之肉饮血茹毛非所以養生地圣人有作然后修火之利以炮以烹以炙以为醴酪而养之具实始乎此先王岂忘其本哉】命祭若曾子问师行无迁庙之主则何如孔子曰主命以皮币告祖櫛载命以行每舍奠焉贵命也是谓命祭郑引玉藻君命使祭之礼非大祝所辨也衍者余也尸之余也下佐食取尸祭之余以授上佐食上佐食以授主人主人以祭是谓衍祭郑引曲礼主人延客之礼非大祝所辨者炮不烦改字封人云歌舞牲及毛炮之豚蓋尸取所炮之豚以祭祀是谓炮祭周亦非曲礼徧祭先郑谓四面为坐以祭百神是谓周祭振祭擗祭二祭本同所以异者尸未食之前以菹擗于醢祭于豆间是谓擗祭蓋擗则祭之【○郑司农曰擗祭以肝肺菹擗盐醢中以祭燎祭以手从肺本循之至于末乃绝

以祭】尸将食之时主人献尸賓长以肝从尸右取肝濡于盐振祭哂之加于听俎是谓振祭蓋振者先濡复振而濡祭则不振絕祭繚祭二祭亦本同所以异者繚祭以手从肺本循之至于末乃絕以祭不循其本直絕肺以祭礼多者繚之礼略者絕则祭之此所以为异共祭岂膳夫所共乎庙中则大祝受王以当祭者也

辨九 【音拜】 一曰稽首二曰顿首三曰空首四曰振动五曰吉 六曰凶 七曰奇 八曰褒 九曰肃 以享右祭祀

黄氏曰九 专施于祭祀余礼亦有拜不备九拜故太祝辨九拜以享右祭祀拜致敬也敬莫着乎祭九拜各有所施施不失节而后礼可观为能事鬼神太祝辨九拜教敬也【○王昭禹曰卑之于尊贱之于贵与夫自敌已以上欲通其致敬之诚未有不用拜者非特是也舜拜皐陶禹拜善言太甲之拜伊尹成王之拜周公以至献民数献贤能之书王皆拜受此又至尊至贵自屈伏其体以通致敬之诚于其下礼之情大小轻重不一则拜之仪多寡低昂有不同大祝因其事以辨之而已】

郑锷曰稽之为言从也拜头至地其留甚从此拜之最重者也顿之为言暂也头虽叩地顿而便起不从留焉此稍重者也空首头略至手其中空濶头手不相密迤其礼轻矣臣之于君则稽首故鲁人告吴曰非天子寡君无所稽首记曰大夫之臣不稽首非尊之也盖避天子耳然以鲁成公如晋而稽首晋人曰天子在而君辱稽首寡君惧焉季武子曰敝邑介在东表密迤仇雠惟君是赖敢不稽首此又谬为恭敬非礼之常也顿首自敌已以下用之秦嬴顿首于宣子之前是也空首君用于臣也振动者或云以两手相擊振动其身今妇人之拜如此有所肃敬变动悚栗而下拜也【○杜氏曰振读为振铎之振动为哀恻之恻○黄氏曰振动在吉礼若今舞蹈也魏犢曲踊三百其类欤凶礼振动擗踊】吉拜则自凶向吉所谓拜而后稽顙凶拜则纯乎凶所谓稽顙而后拜阳数奇陰数耦则奇者一拜褒拜则既拜矣又报一拜所谓再拜【○郑康成曰再拜神与尸】推手曰揖引手曰肃肃者不下拜俯下其手而复引之见其肃敬之至此军礼所常用故曰介冑之士不拜郤至于战三肃楚使而退是也王于庙中亦有时而当肃郑康成云肃拜今之撝是也【释文曰撝于至切即今之揖○张氏曰肃者妇人之拜古者首低至地肃拜也因肃遂屈其膝今但屈其膝直其身失其义矣】

贾氏曰九拜中四种是正拜稽首顿首空首妇人肃拜其余五者逐事生名依四种正拜而为之振动凶拜褒拜并附稽首吉拜附顿首奇拜附空首○陈氏曰大祝言礼之重者先稽首而继之以顿首空首振动言礼之轻者则先奇拜而继之以褒拜肃拜则顿首振动礼之渐杀者褒拜肃拜礼之尤杀○郑康成曰享献谓朝献馈献右读为侑侑劝尸食而拜○贾氏曰九拜不专为祭祀以祭祀重故举而言

凡大禋祀肆享祭示则执明水火而号祝

刘氏曰大禋祀祭天圜丘肆享宗庙大禘祭示祭地方泽三者礼最大故特言

郑康成曰明水火司烜所共日月之气以给烝享【○郑锷曰大祝执之以号祝既为之美名又从而告之盖言主人之明洁若此水火者也】

王昭禹曰神鬼示之号则尊神而致之牲蠶币之号则敬神而致之禋祀肆享祭示皆礼之大者其事特严先期于致鬼神示后以祝通其意故先号后祝若夫小祝甸祝诅祝类皆言祝号者盖小祝掌侯禋祷祠之祝号甸祝掌表貉之祝号诅祝掌盟诅类造攻說禴祭之祝号皆事小者故先祝后号小祝大师掌衅祈之号祝亦先号后祝者盖大师亦国之重大事故也

隋衅逆牲逆尸令钟鼓右亦如之

易氏曰隋谓尸祭之余衅谓荐血之事二者以诚为主故亦取乎明水火之用先儒以隋衅在逆牲逆尸之前既未逆尸安得有尸祭之余既未逆牲安得有荐血之事遂谓凡血祭曰衅谓如大宗伯以血祭祭社稷五祀五岳者且小祝于大祭祀逆蠶盛逆牲逆尸沃盥賛隋賛彻賛奠无非所以佐大祝者岂有小祝施大祭祀而大祝乃施于血祭等礼乎是知隋衅继号祝之文逆牲逆尸以后方言祭祀之礼○王昭禹曰逆牲则以二裸之后王出庙门而迎牲逆尸则向祭之晨王出庙门而迎尸

王昭禹曰隋衅逆牲逆尸皆以钟鼓为节大祝则令钟鼓

郑锷曰侑食之时亦令擊钟鼓故曰亦如之右当为侑【即郑說】谓劝侑尸食

来瞽令皐舞

郑康成曰皐读为卒皐呼之皐来皐者皆谓呼之入○王氏曰来瞽则乐师诏之大祝来之皐舞则乐师诏之大祝令之○郑锷曰乐师诏大祝而大祝乃来之令之

相尸礼

郑康成曰延其出入诏其坐作

既祭令彻

贾氏曰祭讫尸谕之后大祝命彻祭器即诗云诸宰君妇废彻不迟○王昭禹曰九嫔賛后荐彻豆笾乐师帅学士而歌彻内宗及以乐彻则佐传豆笾然则大祝令彻者令九嫔之属大宗伯曰凡大祭祀王后不与则摄而荐豆笾彻盖后虽不与九嫔之属亦与彻事焉

大丧始崩以肆鬯溲尸相饭賛斂彻奠

郑康成曰肆鬯所谓陈尸设鬯○郑司农曰溲尸以鬯浴尸

贾氏曰相饭者浴讫即饭含故言相饭不言相含者太宰賛含玉賛斂者小斂十九称在户内大斂百二十称在阼阶冬官主斂事大祝賛之彻奠者小祝注云奠爵也谓正祭时此文承大丧之下故奠为始死之奠小斂大斂奠并大祝彻之

言甸人读祷

郑康成曰言犹语也祷六辞之属甸人丧事代王受眚灾大祝为祷辞语之使以祷于借田之神【○王氏曰于甸人读祷则大祝言于匱使知焉】

付【郑康成曰付当为祔】练祥掌国事

贾氏曰祔谓虞卒哭后祔祭于祖庙练谓十三月小祥练祭祥谓二十五月大祥除衰杖此三者皆国事大祝掌之【○黄氏曰似衍国字其孰非国事哉○郑康成曰掌国事辨防之】

国有大故天裁弥祀社稷祷祠

郑康成曰大故兵防天裁疠疫水旱弥犹徧也徧祀社稷及诸所祷既则祠之以报焉○郑锷曰国有灾故祀社稷之神以弭息之始祷祈终报祠皆掌之

大师宜于社造于祖设军社类上帝国将有事于四望及军归献于社则前祝

郑锷曰大师必载社主与迁庙之主以行故有宜社造祖之祭祭社曰宜盖以事宜而祭之非春秋之所报祭祖曰造盖特造至而祭之非四时之常享此二者国内之礼及军之所在必设军中之社于其地以事类而告上帝此二者国外之礼小宗伯所谓帅有司而立军社谓此也国有事于四望则将祀地之四望与夫军有功归而献于社凡此二事大祝处前告神故曰前祝【○郑康成曰前祝者王出也归也将有事于此神大祝居前先以祝辞告之○王昭禹曰大祝前羣祝】

大会同造于庙宜于社过大山川则用事焉反行舍奠贾氏曰王与诸侯时见殷见或在畿内或在畿外亦告庙而行

郑康成曰用事亦用祭事告行也玉人职有宗祝以黄金勺前马之礼是谓过大山川与

贾氏曰反行还祭七庙非时而祭曰奠○郑锷曰舍奠之礼所以告至【○陈氏曰释奠者设荐酌奠而已无迎尸以下事古者释奠或施于山川或施于庙社或施于学】○郑康成曰曾子问曰凡告必用牲币反亦如之

李嘉防曰大师先社后庙防同先庙后社大师属陰会同属阳故也

建邦国先告后土用牲币

王昭禹曰大宗伯言大封告后土今此言建邦国则建邦国为大封矣○郑康成曰后土社神也○郑锷曰先告后土然后分封示不敢专也大宗伯掌其礼大祝则掌告也告之之时其事用牲其礼用币以为割裂土宇故用盛礼焉○王昭禹曰大宗伯不言用牲币以大祝见之然必于大祝言之以大祝辨牲币之号也

禁督逆祀命者

王昭禹曰非所命而祀则在所禁命之祀而弗祀则在所督【○郑锷曰大祝掌祀典以求神为职故禁之使不得为督之使不敢犯郑康成曰有逆者则刑罚焉督正也】凡邦国都鄙之祀皆命于王故命之祀而弗祀非所命而祀皆谓之逆祀命

颁祭号于邦国都鄙

郑康成曰祭号六号○王氏曰颁其所得用之祭号○王昭禹曰名位不同礼亦异数名号者先王所以命其实故天子所用者诸侯不得 诸侯所用者大夫士不得 所以严其分也

小祝中士八人下士十有六人府二人史四人胥四人徒四十人

郑锷曰大祝小祝荐信则一分小大以别尊卑可矣大祝则用下大夫小祝乃用中士等降辽绝如是何也余以为大宗伯掌天神地示人鬼之礼大祝亦以事鬼神示为职凡所以事鬼神示者皆其所掌小祝虽亦以祝为职然不过侯禋祷祠之事虽中士为之足矣

掌小祭祀将事侯禋祷祠之祝号以祈福祥顺丰年逆时雨宁风旱弥裁兵逯臯疾

王昭禹曰非祀大神享大鬼祭大示皆祭祀之小者侯以候福之将至【○郑康成曰侯之言候候嘉庆】禋以却祸之方来者祷以先事而求之【○贾氏曰求福谓之祷】祠以后事报之【○贾氏曰报赛谓之祠】言小祭祀将事而继之以侯禋祷祠之祝号则小祭祀所奉事者亦祝号而已故并侯禋祷祠言之○贾氏曰祈福祥顺丰年逆时雨三者皆是侯【○项氏曰此三者侯与祷之所因也】宁风旱弥裁兵逯臯疾三者即是禋【○项氏曰是三者禋与祠之所用也】

刘执中曰有年矣又顺民心为之祭报以祈来岁之丰故曰顺丰年

郑康成曰逆迎也○郑锷曰农民之望甘雨欲以时而至故逆之而来

刘氏曰宁风旱谓恒风恒暘皆反休而为咎故祭以宁之【○郑锷曰风之偃禾旱之为灾皆人所惧故宁之使不作】

郑康成曰弥读曰敕敕安也○王昭禹曰灾天患也兵人难也故弥以止之【○刘执中曰弭裁兵亦有祭焉以见王者不得已而用兵】王昭禹曰臯自貽之毒也疾病气之作也故逖以避之【○刘执中曰臯疾谓天降臯罚札瘥其民为政者之所恐惧故设祭禳以逖之】

郑锜曰灾兵人所畏故欲其弥臯疾人所患故欲其逖

黄氏曰所谓祈顺逆宁弥逖与大祝六祝相参错但小祝所掌皆小祭祀不为辞掌其祝号而已【○郑锜曰此即大祝之六祝大祝为尊尊则掌其目故以一日二日称之小祝为卑卑则掌其事事之来不常不可以先后序故言其事也】

王昭禹曰祝者陈信于鬼神而无愧辞者也于是六者岂徒尚其虚拘之文哉

大祭祀逆盥盛送逆尸沃尸盥賛隋賛彻賛奠

王昭禹曰盥盛所以亲耕而自致者在是故大祭祀小祝则逆之所以尊之也五官奉牲而六宫之人奉盥则牲事尊于盥矣故大祝逆牲而小祝逆盥盛○贾氏曰逆盥盛者祭宗庙馈献后尸将入室食小祝于庙门之外迎饔人之盥盛于庙堂东实之荐于神座前送逆尸者为始祭迎尸而入祭末送尸而出祭义云乐以迎来哀以送往是也【○王昭禹曰大者事略小者事详故大祝逆尸小祝送逆尸送往而迎来也不曰迎而曰逆者犹逆暑谓之逆所以尊也】沃尸盥者尸尊盥不就洗按特牲少牢尸入于庙门外盥于盘其时小祝沃水【○易氏曰大祝相尸礼小祝沃尸盥沃盥小于相礼也】○郑康成曰隋尸之祭○贾氏曰賛隋者特牲少牢尸始入室拜妥尸尸隋祭以韭菹擗于醢以祭于豆间小祝其时賛尸授之【○王昭禹曰賛隋则大祝所谓隋衅而小祝则賛之】賛彻者大祝既祭命彻诸宰君妇彻时小祝賛之○郑康成曰奠奠爵也○贾氏曰賛奠者大祝酌酒奠于镗南郊特牲注天子奠尊诸侯奠角小祝其时賛之○郑康成曰祭祀奠先彻后反言之者明所以佐大祝非一也

凡事佐大祝

郑康成曰惟大祝所有事

大丧賛湣

杜氏曰湣谓浴尸○王昭禹曰王始崩大祝以肆鬯湣尸小祝賛之

设熬置铭

杜氏曰熬谓重也檀弓曰重主道也殷主缀重焉周主彻重焉

贾氏曰熬谓熬谷殓在堂时设于棺旁所以惑蚍蜉杜氏曰檀弓曰铭明旌也以死者为不可

别故以其旗识之

贾氏曰置铭者铭谓铭旌书死者名既殡置于阶西上所以表柩

及葬设道赍之奠分祷五祀

郑康成曰赍犹送送道之奠谓遣奠分其牲体以祭五祀告王去此宫中不复反故兴祭祀王七祀祀五者司命大厉平生出入不以告○刘执中曰既设道赍之奠又分祷五祀以告王丧之行

大师掌衅祈号祝

王昭禹曰盖军行杀牲以血衅鼓以御妖衅求其所祈焉故谓之衅祈小祝则号焉而后祝○郑锜曰祓社衅鼓以除去不祥祈军有功大祝掌宜社造祖之事小祝掌其衅祈之祝号【○王氏曰大师掌衅祈号祝则左传所谓军行祓社衅鼓祝奉以从】

有寇戎之事则保郊祀于社

郑锜曰有寇戎则事出不虞兵自外作则出而保郊四郊兆域皆神之处人心不安神或失所依小祝事神者也故就其所保而守之以安神也社在国内但祀以弭戡兵可也郑康成以保郊祀于社为一句其说不可用○黄氏曰郊非有司所当祀也直保之祀社而已○王昭禹曰保郊以防患祀社以弭兵

凡外内小祭祀小丧纪小会同小军旅掌事焉

贾氏曰司服注小祭祀谓林泽四方百物是外小祭祀其内小祭祀谓宫中七祀之等小丧纪者王后以下之丧小防同诸侯遣臣来王王使卿大夫与之行防同之礼小军旅者王不自行遣卿大夫征伐此数事皆小祝专掌其事○易氏曰此皆谓祝号之事

丧祝上士二人中士四人下士八人府二人史二人胥四人徒四十人掌大丧劝防之事

易氏曰劝谓执纛居匱前以劝率六引防谓执披居旁以防倾侧

及辟令啓

郑司农曰辟谓除菽涂椁令啓谓丧祝主命役人开之檀弓曰天子之殡菽涂龙輅以椁加斧于椁上毕涂屋天子之礼【○刘执中曰天子七日而殡用輅画辕为龙先置于西阶之上又置棺四重于輅车之中而大斂于阼阶讫奉尸入棺加盖乃置熬于四傍而擗之以椁加黼于棺覆以椁材然后毕涂四面覆屋故曰菽涂龙輅凡七月而后葬则丧祝命役人辟除其涂令

啓棺啟】

及朝御匱乃奠

郑司农曰朝谓将葬朝于祖考之庙而后行则丧祝为御柩檀弓曰丧之朝也顺死者之孝心其哀离其室也故至于祖考之庙而后行殷朝而殡于祖周朝而遂葬【○刘执中曰商人始死斂訖即以柩朝于庙而殡于祖七月而后葬周人殡于路寝七月将葬始朝于庙先适祔庙七庙后至始祖之庙而出葬焉】故春秋传曰凡夫人不殡于庙不祔于姑则弗致也晋文公卒将殡于曲沃就宗庙晋宗庙在曲沃故曰曲沃君之宗又曰丙午入于曲沃丁未朝于武宫

贾氏曰御柩者发殡宫輶车载至庙丧祝执纛居前以御正柩

郑康成曰乃奠朝庙奠【○贾氏曰乃奠者既夕礼朝庙之时重先奠从烛从柩从彼奠昨夜夕奠至庙下棺于庙两楹之间棺西设此宿奠至明彻去宿奠乃设此朝庙之奠于棺西】○王氏曰朝朝庙也奠奠柩也以祝御匱则象其生时

及祖饰棺乃载遂御

郑司农曰祖谓将葬祖于庭象生将出则祖也故曰事死如事生檀弓曰饭于牖下小斂于户内大斂于阼殡于客位祖于庭葬于墓所以即远也祖时丧祝主饰棺乃载遂御之丧祝为柩车御也或谓及祖至祖庙也【○易氏曰又及祖庙设祖祭之礼加帷荒以饰棺乃移所载匱车于庭中遂为之御六引】郑康成曰御之者执翣居前郤行为节度

及葬御匱出宫乃代

【王氏曰既御匱出宫后祝代之执事】

郑康成曰丧祝二人相与更也【○刘执中曰出宫乃代者至于外则乡遂师代之】

及圻說载除饰

郑司农曰圻谓穿中也說载下棺也除饰去棺饰也四踴之属令可举移安错之

小丧亦如之

易氏曰小丧谓王后及世子以下之丧亦如其殡葬次第

掌丧祭祝号

郑康成曰丧祭虞也檀弓曰葬曰虞不忍一日离也是日也以虞易奠卒哭曰成事是日也以吉祭易丧祭○易氏曰以虞易奠皆有祝号

王吊则与巫前

郑司农曰丧祝与巫以桃厉执戈在王前檀弓曰君临臣丧以巫祝桃茢执戈恶之也所以异于生也春秋传曰楚人使公亲禭公使巫以桃茢先祓殡楚人弗禁既而悔之君临臣丧之礼故悔之【○贾氏曰桃者鬼所恶茢莠所以扫不祥桃茢二者祝与巫执之执戈者是小臣也按丧大记小臣二人执戈立于前二人立于后】

掌胜国邑之社稷之祝号以祭祀祷祠焉

刘执中曰周胜于商取其社以祭之故曰胜焉弇上以绝天之阳也栈下以绝地之生也北其牖而祭之为其国亡也故使丧祝掌其祀事【○贾氏曰君自无道被诛社稷无罪故郑谓存之重神也】○陈君举曰不止是也存先代之后忘子卯之日陈垂和之器古人如此皆有深意如诗称有客白马助祭于庙皆是此意若曰商之圣贤六七作岂谓其处此哉皆警戒修省之意作夏社与此同意○王氏曰胜国邑之社稷丧之类故丧祝掌其事

凡卿大夫之丧掌事而敛饰棺焉

贾氏曰言掌事者虽礼有降杀劝防以下皆掌之兼主敛事故总云掌事而敛饰棺焉

甸祝下士二人府一人史一人徒四人

郑康成曰甸之言田也田狩之祝○郑锴曰王田必于甸故田猎之祭名祝为甸

掌四时之田表貉之祝号

杜氏曰貉读为百尔所思之百书亦或为祓貉兵祭也甸以讲武治兵故有兵祭诗是类是祓尔雅曰师祭也○郑康成曰谓田者习兵之礼故亦祓祭祷气势之十百而多【○刘执中曰田以习兵教以战阵而后乃田故亦祷焉】○郑锴曰肆师掌为位甸祝掌其祝号而已

舍奠于祖庙祔亦如之

郑康成曰舍读为释释奠者告将时田若将征伐○郑锴曰将出田必行释奠之礼以告于庙乃载迁庙之主以行其载以祖为主故舍奠于祖庙○郑司农曰祔父庙○郑锴曰祔则但祭而不载言亦如之谓其舍奠也○李嘉防曰四时之田亦近郊耳必舍奠于祖祔者为人君出入不可不谨重也

师甸致禽于虞中乃属禽

郑康成曰师甸谓起大众以田也○王氏曰凡言师田师不必田田不必师今此言师甸其事皆田又甸祝所掌是用师以田而已

郑锷曰田毕虞人植旌旗于所表之处令获者各致禽其中甸祝则防而属之使禽兽以类相从○王昭禹曰致禽属禽山泽之虞也

及郊馐兽舍奠于祖祢乃斂禽

郑康成曰馐饌也以所 兽饌于郊荐于四方羣兆入又以奠于祖祢荐且告反也○王昭禹曰馐兽者司马

郑康成曰斂禽谓取三十入腊人【○项氏曰一为干豆二为賓客三为充君之庖】○王氏曰小宗伯言颁禽此言斂禽互相备○郑锷曰此小宗伯大司马之事甸祝则为之祝也

禴牲禴马皆掌其祝号

刘执中曰禴祷也祷牲祷马者又因斂禽以祭牲牢之神求其博硕肥腍以祭马祖之神求其六闲四种孔阜奕奕诗云吉日维戊既伯既祷其此之谓乎

诅祝下士二人府一人史一人徒四人

郑康成曰诅谓祝之使沮败也

掌盟诅类造攻说檜祭之祝号

郑康成曰八者之辞皆所以告神明○贾氏曰按秋官自有司盟之官此兼言之者司盟直掌盟载之法不掌祝号与载辞

易氏曰防血以诏明神谓之盟渝盟则诏明神以殛之谓之诅【○郑锷曰所谓盟诸大门之外诅诸五父之衢则盟与诅不同】春秋诸侯皆以一时之事言不相信故盟以结之耳然亦有诅焉如郑伯使出貍犬鸡以诅射颍考叔者非诅乎郑以大事用盟小事用诅非也盟也诅也类也造也攻也说也檜也祭也凡此八事皆掌告神之祝号其六则大祝之六祈也祝号乃掌于此盖盟诅之时用此六祈则掌之也○贾氏曰类造以下即大祝六祈大祝不掌祝号故此诅祝与盟同为祝号○王氏曰于人也盟诅以要之于鬼神也类造攻说檜祭以求之民之所不能免也先王与同患焉因为典礼置官以掌之弥乱救灾于是乎在矣

作盟诅之载辞以叙国之信用以质邦国之剂信郑康成曰载辞为辞而载之于防坎用牲加

书于其上【○黄氏曰祝号非辞盟诅有辞载其所以盟之故而要结于鬼神】○贾氏曰人多无信故为要誓之辞对神要之使用信故云以叙国之信用【○王昭禹曰国之信用谓王国为载辞以使人信而用之有先后之序焉】

郑康成曰国谓王之国邦国诸侯国也质正也成也文王修德而虞芮质厥成○刘执中曰剂谓盟约之载谓彼不信而渝盟以负于神故叙国之信以诅之于神用以质邦国之剂信俾明神信其剂而降祸于渝者则天下无敢特不信以事其君无敢渝盟以事不信【○郑锷曰司盟掌盟载之法诅祝则掌为之辞其辞则叙述王国之所信用者非后王所伪为也诸侯祖先受先王誓告之辞书于质剂传以为信固可以为验也使为诸侯者归而求之故府知夫故事则无敢不率者】○李嘉防曰盟诅帝尧之所去惟苗民罔中于信则用之今诅祝作为载辞所以辅其信于悠久而安人心于无所反覆特不可屡盟而为长乱之道必继以质邦国之剂信者观春秋之郑屡争盟于上国虑大国一时之言或偏徇而难从必盟载作于王朝则邦国之要约乃可质以为信】○易氏曰王者以信待人故天下不期信而自信焉用是防血之盟与夫渝盟之诅哉先施于民者信而已然后以盟诅辅之

司巫中士二人府一人史一人胥一人徒十人

黄氏曰卜祝巫史皆世官巫秩中士巫咸义王家大史下大夫大史司寇苏公皆为公卿先王取士可见○郑锷曰荐信于鬼神固不可以无祝史既有大小祝又设司巫与羣巫何耶盖巫与祝异祝则以辞告神巫则神所降古者民之精爽不携贰者神明降之在男曰覡在女曰巫是故国家用之使制神之处位次主分而言之有覡巫之异合而言之皆谓之巫巫既多故立司巫以统之

陈蕴之曰先王之时安有巫诅之事今特设巫祝一项官十余员周公岂好巫者正是周公通幽明之理所以安鬼神之道与尧命重黎相似重黎虽不是巫亦是此意到汉无此一项官淫祀谄祭无所不有遂有巫蛊之事防汉如此淆杂方知周公之意思深长

掌羣巫之政令

王昭禹曰司巫为羣巫之长故掌羣巫政令

若国大旱则帅巫而舞雩

王氏曰帅女巫也不言女以女巫见之

郑康成曰雩旱祭也○贾氏曰春秋纬云雩者呼嗟求雨之祭

王昭禹曰阳亢在上阻陰而旱帅巫而舞雩所以助达陰中之阳

郑康成曰天子于上帝诸侯于上公之神【○贾氏曰月令大雩帝习盛乐据天子雩五帝按彼下文命百县雩祀百辟卿士百县谓畿内乡遂明畿外诸侯亦雩祀百辟卿士即古上公勾龙柱弃之等○郑司农曰鲁僖公欲焚巫庭以其舞雩不得雨】

国有大灾则帅巫而造巫恒

杜氏曰司巫帅巫官之属防聚常处以待命○刘执中曰恒常也谓鬼神皆有恒德人而事之不以常道则为灾故造巫恒者改过自新作巫之常道以弥灾患子曰南人有言曰人而无恒不可以作巫医黄氏曰郑谓当按视所施为直按视之非造也盖事当从宜不拘常辙故谓之造○郑锷曰巫者禳变之术难以一定言故曰造巫恒言造为其所恒行之术【○郑康成曰恒从亼也巫从巫者先巫之故事造之当按视所施为】

祭祀则共匱【音丹】主及道布及菹馆

杜氏曰匱以器名主谓木主【○郑锷曰主在庙则藏于石室谓之宗祏及合祭于庙则以匱盛而至祭所祝取主而匱退】道布新布三尺【○郑康成曰道布者为神所设巾中霏礼曰以功布为道布属于几○郑锷曰道妙无方神者得之故所用巾谓之道布】郑康成曰菹之言借也祭食有当借者馆所以承菹若今筐也士虞礼曰苴刈茅长五寸实于筐饌于西坵上又曰祝盥取苴降洗之升入设于几东席上东缩【○郑锷曰菹者茅也乡师所谓共茅菹是也盛菹名曰馆者如人之馆舍然谓茅托于其中也】主先匱菹后馆互言之者明共主以匱共菹以筐大祝取其主菹陈之器则退也○郑锷曰三者皆司巫所共以其与神交

凡祭事守瘞

郑康成曰瘞谓若祭地只有埋牲玉者○郑锷曰祭有瘞埋牲玉之礼礼瘞埋于泰折祭地也不止地示宗庙之中亦有瘞繒之类祭而瘞埋祭之终也司巫守之俟礼毕乃去见钦神之至也

凡丧事掌巫降之礼

郑康成曰降下也【○贾氏曰人死骨肉下沉于地精魂上归于天天地与神人通故使巫下神】○王氏曰巫神所降故丧事有巫降之礼焉尽爱之道也

黄氏曰其礼虽亡其意犹可知先王之于鬼神察矣故曰知幽明之故知死生之说又曰知鬼神之情状

男巫无数

郑康成曰巫能制神之处位次主者○王昭禹曰国语曰古者民神不杂民之精爽不携贰者

而又能齐肃 正其智能上下比义其圣能光远宣朗其明能光照之其聪能听彻之如是则神降之在男曰覡在女曰巫通而言之皆巫矣楚语之言则是谓在男曰覡在女曰巫误矣神降之然后在男曰巫在女曰覡故男巫女巫皆不豫为员数

掌望祀望衍授号

王昭禹曰祝与巫皆事神者故巫所以佐祝凡祝所掌之祀礼巫则掌降其神焉此所以掌望祀望衍也望祀谓凡祝所祀之神男巫则望而降之望衍谓尸祭之余尊而祭之凡祭之衍祭是也男巫于衍祭亦望而降其神【○黄氏曰望祀四望之类是望衍小祭祀如四方百物之类是衍之言多也既多矣不正则为黷秦汉以来淫祀何可计数康成改为延協于大祝之衍祭其曰延而进之独用币义亦通】

杜氏曰授号以所祭之名号授之【○郑锷曰授奉祭之人以神之号使知其为某神之至尔】

郑康成曰二者诅祝所授类造攻说禴祭之神号男巫为之招

旁招以茅

郑锷曰用茅以招之神来无方其招亦非一方也故曰旁招茅之为物柔顺洁白惟洁白可以见诚敬之心惟柔顺可以致懷柔之礼

刘执中曰男巫掌侯禳之小祭游魂浪崇失位无依而为厉于人者则望其方而祀之 稷菹脯兼衍而祭亦以不祥无名之崇倏忽为祸者则望其所而衍祭之其有名有依不安其所而耀其虚怪以病乎人者则因其所归而祭之以授其名号旁招以茅谓将祭于二者则于偏旁幽僻之地束茅以招之然后望授焉

冬堂赠无方无筭

郑锷曰冬则赠送不祥与季冬赠恶梦之赠同【○李嘉防曰占梦所赠止恶梦也若司巫凡有不祥者皆赠去之】凡送行必自堂始自内而外故于堂上行赠送礼以送之其送也无定方或东或西或南或北其路则无筭数或千里或万里欲其去之之远【○刘执中曰冬者歲之穷理宜推故以纳新者也况堂乃人之所寢而安之者不宜有邪气以妨春阳之来不宜有妖崇以碍吉祥之至故男巫以脯醢币帛绕堂而赠以遣之故曰无方小大多少莫不除之故曰无】

春招弭以除疾病

郑康成曰招招福也弭读为敕字之误也敕安凶祸也招敕皆有祀衍之礼

刘执中曰春阳既来则亦祭以招吉祥以弭去邪崇则疾病可得而除今之男巫尚有然者岂古之遗法欤

郑锷曰冬则日星穷而歲终故行堂赠之礼春则歲事之初祸福所由始行招弭之事

王吊则与祝前

郑康成曰巫祝前王也○贾氏曰丧祝云王吊则与巫前二官俱在王前也【○李嘉会曰王吊祝可往也巫何与焉祝则以辞巫则用桃茆以除害也】

女巫无数其师中士四人府二人史四人胥四人徒四十人

郑节卿曰神所在而有之先王随所在而祭之故在内则女祝在外则有司巫而男巫女巫又各有别内外不敢互用也

掌歲时祓除衅浴

郑康成曰歲时祓除如今三月上巳如水上之类衅浴谓以香薰草药沐浴【○贾氏曰一月有三巳据上旬之巳而为祓除之事见今三月三日水上戒浴是也】○郑锷曰每歲以时祓除衅浴其宫中之事乎【○王昭禹曰求神以去凶祸谓之祓若社之类是也除旧以致新谓之除若以除疾病之类是也○项氏曰衅器以厌妖沐浴以去恶若此者歲时有之女巫皆掌其事】

李嘉防曰既曰歲时非止上巳意宗庙之神主以香薰草药沐浴之也及宫人有疾病则祓除之后世祖行之以为上巳之礼耳

旱暵则舞雩

贾氏曰此谓五月以后修雩故有旱暵之事暵 气也○刘执中曰常暘则大旱矣帅女巫而舞助陰气也【○郑司农曰求雨以女巫故檀弓曰歲旱繆公召县子而问吾欲暴巫而奚若曰天则不雨而望之愚妇人无乃已防乎】

若王后吊则与祝前

郑康成曰女巫与祝前后如王礼【○贾氏曰与天官女祝前后也】

凡邦之大裁歌哭而请

王氏曰歌以致神哭以祈哀○郑康成曰有歌者有哭者冀以悲哀感神灵【○李嘉防曰歌

与哭兼之者若五子之歌及今丧家挽歌其哀怨尤甚】

孙氏曰祠祝禋禴本于人心之不能免者圣人既因之以为节文鬼神巫覡出乎天道之不可测者圣人亦存之以销怪妄后世儒生学士乃欲一切絶之不知其不容絶也夫大祝小祝用之宗庙朝廷可也宫闕严密之地亦有女祝以供祭祀之役先王不虑其蛊惑兆衅何哉蓋命之为祝而领之天官乃可以尽奉祀之诚而习礼法之正凡非其鬼而祭之者不容入矣男巫女巫凡以神士者皆不限其数而録用于官府蓋必神降之而后在男为巫在女为覡凡以神士者掌三辰之法以犹鬼神示之居亦本于天象而状其神位者也郑氏曰巫既知神如此又能居以天法故圣人用之夫聚之官府而不散于乡党水旱疾疫为民以祈而鬼神盼飡乃见先王虑事之周矣

周礼订义卷四十三

卷四十四

钦定四库全书

周礼订义卷四十四 宋 王与之

大史下大夫二人上士四人

郑康成曰大史史官之长○林椅曰巫史卜祝宜以鬼神为类彼六典八法八则八枋皆治职事类也顾列于此者谓宗庙之典祫欤【○郑节卿曰太宰命令大史必与焉书之顾命国语借田之事类皆可攷】

愚案史官公道所系清议所出君相有一过举史氏直书此所以权重宰相列之春官虽大宰不得统摄之

郑锷曰礼记言天子建六官先六大曰大史大祝今大祝大史皆以下大夫二人为之无乃祝史之史曰不然昔季梁谓随侯曰祝史矫举以祭子木言武子之祝史陈信无愧辞而礼记又云失其义陈其数祝史之事是乃祝史之史今此官掌典法则掌约剂掌正歳年颁告朔掌祭祀卜日读礼书掌朝覲执书以诏王掌大师抱天时掌大迁国抱法掌射饰中正左传所谓天子有日官居卿以底日者也【○郑康成曰居犹处也言建六典以处六卿之职○王氏详説曰大史虽非卿而实卿之职此所以居史官之上】日官不在六卿之数而位从卿是乃大史之职昔老子为守藏史复为柱下史四方所记文书皆归柱下秦时张苍为御史主柱下方书汉司马迁之祖本出重黎之后掌天官迁之父谈称大史公迁亦称大史以天官治太初之厯与此大史所掌无异虽与大祝同为下大夫非其伦也【○薛平仲曰有卜而后有祝有祝而后有史祿之冥冥之幽而载之昭昭之显天理人事相为贯通此小祝巫史之所由叙次记月令曰乃命大史守典奉法司天日月星辰之行又曰大史执简记奉讳恶此盖夏商之遗制而成周所以分之以小史别之以冯相保章而大史实總之】王氏详説曰礼记玉藻有左史书动右史书言是记有左右史然以左传考之左史即大史右史即内史襄二十五年传载大史书崔杼之事非书动乎僖二十八年载王命内史防命晋侯之事非书言乎书曰大史友内史友是之谓也

礼库曰古者史官不易业不兼官不贰事如周之史佚鲁之史克晋之史苏史黯史赵史墨皆世世掌之后来亦略有此意如大史谈之后有迂班叔皮之后有孟坚刘知几之后有刘餗近日乃百官迁转之地古人惟史官之流不易业卜官乐工亦世世掌之此其所以精欤

掌建邦之六典以逆邦国之治掌灋以逆官府之治掌则以逆都鄙之治

愚案典法则字説见大宰逆字説见小宰

王昭禹曰建者作而立之也大宰以道揆者也大史以法守者也以道揆则所建者法之所自出以法守则所建者书之所自成史以掌官书为事所谓建特作而立其书以道制法有不与也【○郑锷曰典法则小宰贰大宰之治司防攷用财之数其书则建于大史书者不刊之典苟无其书虽大宰之尊亦无所稽攷谓之建也宜哉】李嘉防曰六典曰建法则不曰建何也如大宰之建六典盖政赋以随凶丰刑典以随乱平故曰建今大史所掌者年歲尤当随年歲以为设施所以必建也若八法八则有常法矣守之可也

凡辨灋者攷焉不信者刑之

郑康成曰谓邦国都鄙以法争讼来正之者○易氏曰刑之以司约之法而刑之○王昭禹曰上之制下以有法也其书皆藏于大史有疑焉则使辨于大史而攷之不信者是谓非法其刑之宜矣

林椅曰五官具见之法多有其目而无其数盖周公宅百揆總其网于上其数在有司故也若大史辨灋者攷焉六官之法当尽在是矣

愚案三代之时有议论而无诽谤有面辨而无腹非朝廷法度至使天下之懷疑者得以致辨而上之人又反覆考正之当是时下无挠法之心求质其所未安上无恃法之心求释其所未信辨者既明攷者既当起信险肤者犹肆其利口以阻乱吾之法则焉得不絕之然则未信者吾与之开导反覆不信者然后刑之则古人之忠厚可见矣

凡邦国都鄙及万民之有约剂者藏焉以贰六官六官之所登

黄氏曰剂不独券书诅祝质邦国之剂信凡有约者皆有剂司约所谓大约剂小约剂是也小宰听卖买以质剂亦谓有剂可质

郑康成曰贰犹副也○贾氏曰以贰六官者六官各有一通大史亦副寫一通也六官之所登者约剂相续不絕在后六官更有约剂皆副寫一通上于大史以藏之【○黄氏曰观文意似多一六官字邦国都鄙万民约剂六官既登之又藏于大史所以副贰六官○易氏曰司约以其约剂登于六官又以其副登于大史为六官之贰】○王氏曰司约掌邦国及万民之约剂若大乱则六官辟藏其不信者杀盖六官所藏约剂有登于司约而藏焉者大史又藏焉则以贰六官所藏及其所登者参之攷之故也

若约剂乱则辟灋不信者刑之

黄氏曰辟之为言正也大史掌邦法若约剂纷乱抵冒不可攷则以法正之

【愚案法字疏家以为约剂不如黄氏作邦法辟字郑锷以约剂藏于故府啓籥乃见故以辟为开黄氏谓辟之为言正也不如作开辟若六官约剂乱则大史辟开所藏之贰亦好书言后

非民罔以辟四方正之以法是非曲直自不可掩然犹怙乱鬻讼刑不容已】

易氏曰刑之与上经同

郑锷曰邦国都鄙之君与所治之民上下相临犹有待约剂为信攷左传郑桓公与商人世有盟誓相信曰尔无我叛我无强贾母或勾夺尔有利市寶賄我勿与知然则国君与民有时而用约剂也藏于大史者盖彼以闻于王朝之六官六官以登于大史其藏也所以貳六官备遗忘若此等约剂邦国都鄙有之六官有之大史亦有之时移世变从而或乱君民相疑入而质证于王朝则大史辟啓旧藏观其所登辟法以示之犹有不信者非不信吾法是终欲乱其约剂也可不待以刑哉

正歲年以序事颁之于官府及都鄙

贾氏曰中数曰歲朔数曰年一年之内有二十四气正月立春节雨水中至十二月小寒节大寒中皆节气在前中气在后节气一名朔气中数一名中气节气有入前月法中气无入前月法中气币则为歲朔气币则为年假令十二月中气在晦则闰十二月十六日得后正月立春节此即朔数曰年至后年正月一日得雨水中此中气币此是中数曰歲中朔大小不齐不置闰则中气入后月须置闰以补之正之以闰若今时作厯矣

愚案此以歲年作朔数中数說

郑锷曰周以建子为正而四时之事有用夏正建寅者用建寅谓之歲用建子谓之年事有用建寅者如正歲则读法三歲大计羣吏之治之类事有用建子者如司稼以年之上下出斂法丰年则公旬用三日之类大史正歲与年而次序其事颁于官府都鄙使以次举先后不失其序如月令所建十二月之事是亦并与歲而皆正也

愚案此以周人建子兼用夏正说极是尔雅云周曰年夏曰歲经所谓正月之吉者建子之正年只读法朝防等事用之而歲则便于事功然有合用周时之正亦有合用前王之正不可不正之以叙其事也豳风七月一诗称一之日二之日与夫七月八月即此义孔子作春秋亦两存之书四时而兼月用时王之正则建子书四时而不月则行夏之时而建寅如书二月无冰以夏正论之二月春暖无冰亦是时之常不知此二月乃用周正夏之十二月

王昭禹曰王国之事时定矣然后可以及邦国故继之以颁告朔于邦国

颁告朔于邦国

郑司农曰颁读为班班布也○郑康成曰天子颁朔于诸侯诸侯藏之祖庙至朔朝于庙告而受行之【○郑锷曰恶其不告也故不曰颁正朔而谓之告朔】

王昭禹曰玉藻曰诸侯皮弁听朔于大庙吉月必朝服而朝则古人重朔如此文公四不视朔子贡所以欲去告朔之饩羊○贾氏曰此及论语称告朔玉藻谓之听朔春秋传谓之视朔视者君入庙视之告者使有司读祝以言之听者听治一月政令所从言之异耳

闰月诏王居门终月

胡伸曰周天三百六十五度四分度之一日行天度之一故歲则周天月小余之一故歲复减六积三歲未周之度与所减之日乃置闰

郑锷曰治厯明时非置闰则四时无自而能定闰虽可以定四时然斗指两辰之间天无是月也大史则诏王居门何邪以月令攷之王者之位春则青阳之左右个夏则明堂之左右个秋则總章之左右个冬则 堂之左右个闰月非常月也大史诏王居路寝之门其意以为门者往来不穷之地闰乃天道所由以变通也王者终月听政于此示变通之意也【○王氏详说曰明堂位曰大庙天子明堂其說出此故黄氏亦云明堂有四门路寝亦有四门闰月居门者听朔于明堂中还处于路寝门中终月以闰非常月故无常月故无常居之处案玉藻曰闰月则阖门左扉立于其中言立云者是谓听闰月之朔于明堂门中此云居门终月言居云者是谓听朔而退居于路寝门中若夫非闰之月则听朔于路门之外而寝于燕寝矣○杨谨仲曰孟子曰明堂者王者之堂也是天子听政之堂故有四门八窓七十二牖取其明也非独以祀上帝而已今郑以此居门为路寝之门防复以为明堂路寝宗庙皆有五室十二堂四门而曰十二月听朔于十二堂以为听朔疑其为宗庙此既言居门终月非特听朔可知况天子颁朔于诸侯藏之祖庙至朔告庙而受行之此诸侯事也今以天子居十二堂为听朔可乎又曰若在明堂告事之时立行祭礼无居坐之处以为明堂无居坐之处疑其为路寝此既言居中门与月令居青阳大庙居青阳左右个同闰月不居大庙及左右个乃居中门则居明堂矣惟于宗祀明堂无居坐之处若平时听政焉得无居坐之义】○李嘉防曰十二月天子各有所居者月令之說月令吕不韦集诸儒而作三代无明文今日诏者得非闰月不常大史诏王居门以应之以顺上天裁成制度之义其余则有常居不在所诏矣

王昭禹曰王之居门凡以应天而已终月者所以成其事也大史则诏王而已

易氏曰于正歲年而言序事则知官府都鄙以敬民为主于颁而言告朔则知邦国以敬王为主于诏王居门而言终月则知王者以敬天为主

大祭祀与执事卜日

郑康成曰执事大卜之属与之者当视墨○易氏曰大祭祀之礼有所谓羣执事此言与执事卜日则卜日之执事而已大宰大宗伯则涖卜之执事所谓大夫占色是也大卜卜师占人等则卜龟之执事所谓卜人占坼是也大史以下大夫为春官之属不敢言帅而言与者史与之占墨故也若六官以下皆有事于祭祀则谓之羣执事

戒及宿之日与羣执事读礼书而协事

贾氏曰戒谓散斋七日宿谓致斋三日当此日与羣执事预祭之官读礼书而协事恐事有失错物有不供故也○王昭禹曰祭之事繁矣具载于礼书之文故读礼书按其文而协其事之所当共也○郑康成曰协合也

祭之日执书以次位常

易氏曰祭之日羣执事之位亦不一矣亦皆见于礼书之所载大史执书以辨其位故曰次位常【○贾氏曰执书谓执行祭祀之书若今仪注以次位常者各居所掌位次此一定常行不改故云常也○郑康成曰谓校呼之教其所当居之处】

郑锜曰有受誓之时有宿斋之时合羣有司读礼书以示之使无事不协至祭之日执前日所读之书以次序其祭位所常行之事而已

辨事者攷焉不信者诛之

郑康成曰谓抵冒其职事○郑锜曰有来辨其事者用旧书以攷焉有不信者诛之告之不信则诛责之所谓国有常刑也

王昭禹曰法者上之所以制下辨而不信其罪重故刑之事者下之所以事上辨而不信其罪轻故诛之

大防同朝覲以书协礼事

郑锜曰大朝覲防同列国君臣咸在有大国之人有小国之人合五等之图案礼书以示之使无国不协○郑康成曰亦先习録之也

及将币之日执书以诏王

贾氏曰将送也币谓璧帛之等王者与诸侯行礼之时大史执礼书以告王使不错误

李嘉防曰读书则与众同读参所见以共协其事也执书则执书之常然以定其位常之不可易也以书则即礼仪之等级品物之高下一皆听之于书而已如是既定然后执书以诏王在上者不可得而私在下者不可得而变君臣上下一由乎规矩典常之内此书者史之所掌也

大师抱天时与大师同车

郑司农曰大出师则大史主抱式以知天时处吉凶史官主知天道故国语曰吾非瞽史焉知

天道春秋传曰楚有云如众赤鸟夹日以飞楚子使问诸周大史大史主天道【○王氏曰谓史抱知天时之器○项氏曰知天之书○易氏曰天时兵家趋吉避凶之书方师之出也筮人之职固已有巫环之筮环人即其筮以为致师之举孟子所谓环而攻之必有得天时者】

郑锷曰用兵之际欲卜胜负则上观天时下听军声大史主历数者大师主吹同律者其职虽异其事则相须必使大史抱天时之式与大师同车共载席上观天时以参所听之声既审且达胜负立决也【○李嘉防曰大史以历知天大师以乐知兵彼此参合则吉凶可以明矣】

大迁国抱瀼以前

郑康成曰法司空营国之法抱之以前当先王至知诸位处○郑锷曰国或大迁如盘庚迁亳成王宅洛之类抱迁国之法以前盖相其阴阳而定宗庙社稷之位不可无故常之法

大丧执瀼以涖劝防

易氏曰法者六引六绋之法○郑司农曰劝防引六绋【○愚案説见丧祝】

王昭禹曰丧祝掌大丧劝防之事大史执法以涖之而已

遣【弃战反】之日读谏

郑康成曰遣谓祖庙之庭大奠将行时也人之道终于此累其行而读之大师又帅瞽矇之而作谥瞽史知天道使共其事言王之谏谥成于天道【○贾氏曰曾子问云惟天子称天以谏之彼注引公羊制谥于南郊瞽史既知天道又于南郊祭天之所称天以谏之是王之谥成于天道若然先于南郊制谥乃于遣之日读之葬后则称谥】○黄氏曰瞽读其德行故作谥史记其言动故读谏

凡丧事攷焉

郑康成曰为有得失

小丧赐谥

黄氏曰小丧王子弟之丧郑谓卿大夫非也卿大夫赐谥读谏小史掌之【○贾氏曰大史赐之谥小史读之故小史职云卿大夫之丧赐谥读谏卿大夫将作谥之时其子请于君君亲为之制谥谥成使大史特往赐之小史至遣之日往为读之知义然者见礼记檀弓云公叔文子卒其子戍请谥于君】

凡射事饰中舍【音释】筭执其礼事

贾氏曰饰中者谓饰治使洁净也○项氏曰中以盛筭筭以记中筭多则胜方射之时设筭于中大夫兕中士鹿中皆取服猛之义【○贾氏曰乡射大射筭皆于中西设八筭于中内耦升将射大史取中之八筭执之待射中则更设于中待第二耦射第三耦已下皆然】

郑锷曰诸侯之制射于国则皮树中于郊则闾中于境则虎中中盛以筭其制尺有二寸则知天子之射中或以皮树或以闾虎射中则释筭以记其中之数舍释也大史释之者职当记注故以记其中之数也防谓射之礼事者射之先则燕礼也余以为言执其礼事则非特燕礼可知凡射时之升降揖逊皆礼事也书掌于此则礼事宜执于此守而勿失者谓之执黄氏曰射人与大史数射中射人主皮大史治礼

小史中士八人下士十有六人府四人史八人胥四人徒四十人

掌邦国之志奠【音定】系【户计反】世辨昭穆若有事则诏王之忌讳

郑锷曰或谓小史掌邦国之志外史掌四方之志司农谓邦国之志乃春秋传所谓周志国语所谓郑书之属康成谓四方之志若鲁之春秋晋之乘楚之梃机邦国与四方初无以异分为二官之所掌二郑亦分为二说何邪曰不然四方之志乃周志郑志之类若夫邦国之志非杂记邦国之事乃志诸侯所出之世系与其庙祧昭穆之志如鲁出于周公郑出于桓公晋出于叔虞世系绵远传序寔多昭穆久而或乱王朝亦有志以记之小史掌其志奠其本系之所出与世数之远近【○郑司农曰系世谓帝系世本之属小史主定之瞽蒙讽诵之】又辨其昭穆若其国有事则诏告之以王朝之忌讳使无犯焉【○易氏曰王朝有事如宾祭之礼则小史诏王之忌讳忌谓先王终日讳谓先王之名诏王于行礼之时使之知避是数者小史专之】所谓邦国之志如此说者疑所奠之系世所辨之昭穆非诸侯国之事殊不知王之系世与昭穆非小史之所能掌以经攷之小宗伯辨庙祧之昭穆又掌三族之别以辨亲疎则王朝属籍所付不轻矣后世立宗正一司以掌玉牒此岂小史事今云掌邦国之志又云诏王之忌讳王岂庸不知有事之时始以诏王此何理哉【○陆佃曰秦兴灭学小史职废系世昭穆失其本宗及司马迁约世本修史记因周谱名世家乃知姓氏所由出至贾弼有姓氏簿状贾希镜有姓氏要状唐李守素有肉谱郭冲有姓系録路敬韦述之徒传之不一惟辨昭穆使不相乱昏姻得之而有别亲疎得之而有属则姓氏之学不可忽国语教之世为之昭明德而废幽昏以怵惧是则姓氏又可以示天下后世之劝戒姓非天子不可以赐氏非诸侯不可以命】

大祭祀读礼灋史以书叙昭穆之俎簋

贾氏曰此大祭祀唯谓祭宗庙三年一祫之时有序昭穆俎簋也○郑锷曰大祭祀大史读礼书矣小史则读礼法以戒百官也礼书者祭祀之典故礼法者祭祀之戒令既读法则令其官八人以礼书叙次昭穆之俎簋簋以盛黍稷俎以载牲体昭穆有尊卑俎簋之数有多寡案典故以叙之【○李嘉防曰因昭穆而叙之不致典祀而丰于昵】

黄氏曰大史之属史八人史掌书以书叙昭穆之俎簋谓此史也小史主定系世辨昭穆故并

史事叙于此

大丧大賓客大防同大军旅佐大史凡国事之用礼灋者掌其小事

郑锷曰賓客防同之事则为大史之佐小事礼法者已得专達之

卿大夫之丧赐諡读誄

郑康成曰其读誄亦以太史赐諡为节事相成也

冯【音憑】相【息亮反】氏中士二人下士四人府二人史四人徒八人

郑康成曰冯乘也相视也世登高台视天文之次序天文属大史月令曰乃命大史守典奉法司天日月星辰之行宿离不贷【○郑锷曰古者天子有灵防诸侯有观防以占视天象其台巍然而高则观天者得以乘高而相视之故名曰冯相氏】

郑锷曰质之尧典四时平秩之文此冯相氏乃羲和之职然只用中士为之疑其职卑其实不然帝尧之世止羲和四子耳周家正歲年颁告朔有大史以下大夫二人为之又有冯相氏又有保章氏殆不一职官尤详备若此奚可以尊卑论邪

掌十有二歲

郑康成曰歲谓太歲歲星与日同次之月斗所建之辰乐广說歲星与日常应太歲月建以见然则今厯太歲非此也

【愚案防注歲星太歲之說乃古今成說然犹有未明者蓋歲星逆行于每月日月所防在天之十二次自丑而子自子而亥戌者也太歲则顺行于每月斗柄所建在地之十二辰自子而丑自丑而寅卯者也凡斗柄所建即是太歲但斗柄每月移而太歲则一年始移耳】

王氏详說曰在天有歲星在地有太歲歲星右行太歲左行在斗曰星纪在女曰 枵在危曰 娥訾在奎曰降娄在胃曰大梁在毕曰实沈在井曰鶉首在柳曰鶉火在轸曰鶉尾在氏曰寿星在心曰大火在箕曰析木此所谓歲星右行在寅曰摄提格在卯曰单阏在辰曰执徐在巳曰大荒落在午曰敦牂在未曰协洽在申曰涿滩在西曰作噩在戌曰阍茂在亥曰大渊献在子曰困敦在丑曰赤奋若此所谓太歲左行左行者谓自东而南自南而西自西而北右行者谓自北而西自西而南自南而东至于日月之行犹是也天道左旋而经星从之日体右转而歲星从之故日行北陆为冬西陆为春南陆为夏东陆为秋然歲星行天一歲移一辰率百四十四歲而跳一辰若再跳则厯又改矣春秋保干图曰三百年斗厯改宪者以此

十有二月

贾氏曰十有二月者谓斗柄月建一辰十二月而周也○郑锷曰正月为陬二月为如三月为病四月为余五月为皋六月为且七月为相八月为壮九月为 十月为阳十一月为辜十二月为涂是谓十二月之位

十有二辰

贾氏曰十有二辰者谓子丑寅卯等【○刘执中曰谓所舍之次在天为次在地为辰】

十日

贾氏曰十日谓甲乙丙丁等

二十有八星之位

贾氏曰二十八星谓东方角亢氐房心尾箕北方斗牛之等位者總五者皆有位处五者皆依四方四面十二辰而见

辨其序事以防天位

郑锷曰歲月辰日星在天之定位各推其所在欲人之行事不违乃辨其先后之序以防之如春则平秩东作欲合乎日中星鸟之时夏则平秩南讹欲合乎日永星火之时以至民之析因夷隩国之寅寅寅饯凡事之叙皆求合乎天是之谓防尧典之平秩所以谓之辨秩者正此所谓辨其序事【○王氏详說曰伶州鸠对周景王曰武王伐商歲在鶉火月在天驷日在析木之津辰在斗柄星在天鼃此所谓五位案武王伐商以十一月二十八日戊子于夏为十月是时歲星在张故曰鶉火房为驷月行至房故曰天驷日行至箕故曰析木戊子后三日为周正月朔日月防于斗故曰斗柄是月辰星始见于 枵故曰天鼃 枵一名天鼃歲日月星辰此五位也以防天位亦犹是欤】

黄氏曰尧典厯象日月星辰厯推其数象占其行大史掌厯冯相氏象之日月星辰皆动也虽有常度而不免或赢或缩其差常在毫厘渺忽之间积而渐遠故古人有厯则有象随而正之歲星大约一歲歷一次十二歲而小周故以位定歲歲十二月日与月合于十二辰是为朔相直为望此月之位故以定十二月周天三百六十五度日行一度自甲至癸为十日天运一日一周二十八星每月更迭昏旦中日日而差积十日为一旬积三旬为一月积十二月为一歲此日之位故以定十日大史正歲年以序事冯相氏于此平辨之以合于歲月日之位而知厯之精防中否此其大法也

冬夏致日春秋致月

王昭禹曰日为阳而实故致于长短极之时月为陰而阙故致于长短不极之时○郑康成曰

冬至日在牵牛景丈三尺夏至日在东井景尺五寸此长短之极极则气至冬无愆阳夏无伏陰春分日在娄秋分日在角而月于牵牛东井亦以其景知气至否○陆佃曰黄道北至东井南至牵牛东至角西至娄夏至日在东井而北近极【○高闾曰夏至日去极六十七度】则暑短而表景尺五寸冬至日在牵牛而南远极【○高闾曰冬至日去极百十五度】则暑长而表景丈三尺春分日在娄秋分日在角而中于极星则暑中而表景七尺三寸夫日阳也阳用事则日进而北昼进而长阳升故为温为暑陰用事则日退而南昼退而短陰胜则为凉为寒若日失节于南则暑过而长为常寒失节于北则暑退而短为常燠此四时致日之法也月之九行在东西南北有青白赤黑之道各二而出于黄道之旁立春春分月行青道立秋秋分月行白道立冬冬至北旋黑道立夏夏至南从赤道古之致月不在立而常在二分不在二分之望而常在者以月入八日与不尽八日得陰阳之正平故也然日之与月陰阳尊卑之辨若君臣然观君居中而逸臣旁行而劳臣近君则威损远君则势盛威损与君异势盛与君同月远日则光盛近日则光缺未望则出西既望则出东则日有中道月有九行之說蓋足信也【○刘迎曰冯相氏但言十二月十日二十有八星之位而无土圭之文此以二至长短之极与二分之中而致日月耳不必谓以土圭致日景也】

以辨四时之叙

郑锷曰辨字本亦作辯說者谓见景之至否可以辯说其暑刻以正闰余使四时之叙无有差忒○黄氏曰夏至日景极长冬至日景极短春秋分平日景平则日亦平致言长短与平各至其数四时之气定矣于是而置闰所谓以闰月定四时成歲也

保章氏中士二人下士四人府二人史四人徒八人黄氏曰推步虽精星辰日月之动暑度从违吉凶之证者焉则又设官以观占之名曰保章氏保安也章明也占天象以诏救政务在保安时变章明天意不为恠诞诬幻【○郑康成曰保守也世守天文之变○郑锷曰诗云倬彼云汉为章于天蓋言星辰昭囿于天之章其着象也章章可观为国家者仰察其垂象之文可知为政之得失】

刘氏曰冯相氏考诸厯数以知天道者保章氏占于天象以察时变者也○郑锷曰二官俱以氏为名意以为天象固非常人所能知必天文之家父祖子孙世守其职始知其详也名官曰氏欲世守之

掌天星以志星辰日月之变动以观天下之迁辨其吉凶

王昭禹曰掌天与星所谓日月之变动五云之物十有二风皆天也所谓星辰分星者皆星也○刘执中曰掌天星谓占眡之志者记载其变动之顺逆以知天下之迁易而辨其吉凶之小大浅深以诏于为国者也○郑康成曰星谓五星有赢缩圜角【○贾氏曰天文志云歲星所在其国不可伐可以伐人超舍如前曰赢赢为客晚出为缩缩为主人故人有言曰天下太平五星循度无有逆行云圜角者星备云五星更王相休废其色不同王则光芒相则内实休则光芒无角不动摇废则少光色顺四时其国皆当也】辰日月所防【○项氏曰辰有至否】

日有薄食晕珥【○贾氏曰此即眊祲职文】月有盈亏朏侧匿之变【贾氏日月有盈亏即礼运三五而盈三五而缺也朏侧匿之变者五行传云晦而月见西方谓之朏朔而月见东方谓之侧匿】七者右行列舍天下祸福变移所在皆见

黄氏曰二十八星十二辰随天左旋日月星辰右旋天日月五星皆动物也观诸天星而星辰日月之动为可志矣尧典日中宵中日永日短盖以其星志之不曰天之动而曰星辰之动天之动不可见也不言五星日月五星为七政从可知也星辰日月之动有疾徐赢缩循轨不循轨日月薄蚀五星陵犯皆于此乎占之天下之迁迁变也变则其占不可常梓慎论孛曰夏数得天火作宋衞陈郑当之占歲曰歲在星纪而淫于 枵蛇乘龙宋郑必饥裨灶曰歲弃其次而旅于明年之次以害鸟帑周楚恶之星孛大辰而占在宋衞陈郑失次在星纪而占在宋郑周楚是皆所谓迁也【夏数得天蛇乘龙害鸟帑皆其占法注家虽附防其说然其所以用之者终不能知也歲失次梓慎裨灶之占亦异】其后崔浩占荧惑亦曰星亡必以庚辛秦也是当入秦此犹得古人遗法循轨为吉不循轨为凶又有时变如当食不食当陵犯不陵犯为吉晕珥朏匿闕角失色皆非晷度之正为凶

以星土辨九州之地所封封域皆有分【扶问反】星

郑康成曰星土星所主土封犹界也○刘执中曰角亢氐兗州房心豫州尾箕幽州斗牛女扬州虚危青州室壁并州奎娄胃徐州昂毕冀州觜参益州井鬼雍州柳星张三河翼轸荆州○薛氏曰星土之说不明旧矣有为北斗之说者以谓七星主九州若雍属魁星冀属枢星兗青属机星徐扬属权星荆属衡星梁属开星豫属摇星之类是也有为五行之说者以为十二次主九州若降娄 枵主于岱歲星位焉鶉首实沈主于华太白位焉之类是也以今攷之则不然星土盖分星之十二次分属九州十二次虽分十二土然合而言之为九州而已成周盛时诸侯封域綦布九州大者百里次者七十里小者五十里附庸小国又不能五十里者固不容皆有分星之次大率所封之分星皆以九州举之自春秋之时不明九州之星土即分星之所次至韩赵魏三家分晋而堪輿之说起初分十二诸侯上配天文十二次彼战国时强者陵弱大者并小其分疆错壤虽连亘数千里然侵夺去取初无定论果能尽合于天文之度乎况星纪于天文在东北乃以当东南之吴越鶉首于天文在东南乃以当西北之嬴秦周都闕河天地之中而鶉火则南方之次齐都营丘实负东海而 枵则北方之次止分十二国犹不当地之度况乎国千八百欲尽以天文分星槩之邪【○贾氏曰歲星或西或北不依国地所在以古之受封之月歲星所在之辰属焉耳】先儒谓九州中诸国分星其书亡矣堪輿虽有郡国所入度非古数也谓堪輿非古数是也谓亡其分星之书则未之思矣岂知诸国之分星即分其九州之星土以为分星乎吾固谓十二次之星丽于九州则为星土分于天下诸侯则为分星何则青州之星土则 枵也齐之分星属焉扬州之星土则星纪也而吴越之分星属焉以至兗之寿星荆之鶉尾皆星土而为郑与楚之分星雍之鶉首冀之大梁皆星土而为秦与赵之分星若夫梁州之实沈其地入于雍豫则星土亦分于雍豫而为豫之分星徐州之降娄其地入于青兗则星土亦分于青兗而为鲁之分星今以 论之左传昭公十年有星出于婺女郑裨灶曰今兹歲在颛帝之墟姜氏任氏实守其地释云颛帝之墟谓 枵也则知 枵为齐之分星而青州之星土也左传昭公三十二年夏吴伐越晋史墨曰不及四十年越其有吴

乎越得歲而吳伐之必受其凶釋云歲在星紀故知星紀為越之分星而一州之星土也爾雅云析木謂之津箕斗之間漢津也釋云箕龍尾斗南斗天漢之津梁為燕分而幽州之星土也左傳襄公九年曰陶唐氏之火正閼伯居商丘祀大火而火紀時焉故商主大火宋為商之后故知大火為宋分而豫州之星土也昭公十七年星孛于大辰及漢梓慎曰漢水祥也衛顓頊之墟故為帝丘其星為大水此娵訾為衛之分星而冀州之星土也襄公二十八年梓慎曰歲在星紀淫于 梣蛇乘龍龍宋鄭之星故知壽星為鄭分而豫州之星土也鄭語周史曰楚重黎之后黎為高辛氏火正則知鶉尾為楚之分左傳昭元年鄭子產曰遷實沈于大夏主參唐人是因知實沈為晉分而并州之星土也皆分星之見于書 可攷也然諸國之封域既列于九州之內則諸國之分星即九州之星土尚何泥于北斗五行之說乎

以觀妖祥

黃氏曰日月五星其動者二十八星不動者二十八星各有所主后鄭言古數之存者十二次之分而已唐僧一行分星度豈非堪輿遺學欤其齒亦甚日月五星占其動故言觀天下之遷二十八星占其不動故言九州之地皆有分星鄭云主用客星彗孛之氣為象恐非彗孛五星之變則其動者常星自有變當占○王昭禹曰以觀妖祥則分星所主在地者妖祥兆于天以所主之分星觀之則九州之妖祥灼然可見矣

以十有二歲之相【息亮反】觀天下之妖祥

愚案十二歲說見馮相氏

鄭鐸曰歲星之行十二歲而周天是謂十二歲色欲明光潤澤赤而角則其國昌赤黃而沉其野大穰故其占色相色相變異則天下之妖祥皆可得而知歲星所在其國有福春秋之際越得歲而吳伐之遂受其凶左傳言歲在顓頊之墟居其鶉首而有妖星焉告邑姜也視其相則又觀其有妖星也【○黃氏曰先儒說歲星太歲為祥獨不言相為何義然觀天下之妖祥不獨以分土占之也星書言歲為五星長君象其应在天下梓慎禘灶之占可見○劉執中曰十有二歲則大歲也是謂歲陰木星之神大歲左行于地歲歷一辰 梣之歲在子星紀之歲在丑而歲常右行于天而居其舍也所謂相者木之相火星也火之相土星也土之相金星也金之相水星也水之相木星也歷十二年而五星更生星循度或合于一舍為吉祥三合兩合羸縮流逆失度則為兵裁水旱凶札各如其占焉】

以五云之物辨吉凶水旱

鄭康成曰物色也視日旁云氣之色○鄭司農曰以二至二分觀云色青為蟲白為喪赤為兵荒黑為水黃為丰故春秋傳曰凡分至啓閉必書云物為備故也故曰凡此五物以詔救政

降丰荒之祲象

郑康成曰降下也知水旱所下之国○李嘉防曰气为祲形为象

王昭禹曰言降丰荒之祲象则与眚祲所谓叙降同矣盖下其说于国使民知之焉故谓之降事未至而使之备患未生而使之防先王所以仁民也可谓厚矣

以十有二风察天地之和命乖别之妖祥

王昭禹曰十有二风风之生于十二辰之位者也盖天地六气合以生风艮为条风震为明庶风巽为清明风离为景风坤为凉风兑为闾阖风干为不周风坎为广莫风八风本乎八卦传曰舞以行八风谓此也四维之风兼于其月故艮为条风而立春亦曰条风巽为清明风而立夏亦曰清明风坤为凉风而立秋亦曰凉风干为不周风而立冬亦曰不周风故八风变而言之又谓十二风也【○李嘉防曰八卦主八风惟辰戌丑未之月有立春立夏立秋立冬在其中故风无定风今注云十二风意者立春在前月则兼前月之风在后月则兼后月之风立夏立秋立冬皆然或云于乾坤艮巽既有定名之风安得云四立无定风盖四立有在前月法有在后月法以卦气所属参酌之则可知矣十二月之风各应其月为天地之和不然则为乖为别而妖祥可得而命○刘迎曰十二风以十二月占之如风自东来为震名明庶南来为离名景风风盖有八以十二月占之则为十二风先儒以十二辰皆有风吹律以知和否若吹十二律以知十二风则十二岁之相五云之物又将吹何而观之此穿凿之说】

郑锷曰至治之世天地之气合以生风风从律而不奸则气和可知风气不应由阴阳不和不和为乖不应为别见其乖别可以命其妖祥○王昭禹曰命以告人使之知所备○王氏曰乖别在人妖祥先见于风亦人与天地同流通万物一气故也丰荒之祲象言降乖别之妖祥言命皆命而降之命谓名言之

凡此五物者以诏救政访序事

贾氏曰五物谓掌天星以下○王氏曰诏以诏上访以访下○郑康成曰访谋也见其象则当豫为之备以诏王救其政且谋今年星天时占相所宜次序其事【○黄氏曰序事即太史序事星辰日月有变动则访其事当行当止以承天意是为救政○刘执中曰序事者冯相氏以历数而攷之者也故以所志之变动访于历数者以稽合而使王信之则恐惧生而救政出矣】

郑锷曰占辨于方萌之始诏人君以救灾应变之道而已救灾者必贵乎有政应变者不可以无事以政而救灾者王之职也故行应变之事当先后之序必询访然后知○易氏曰政者国之大本诏救政于上则人君知修省之道事者有司之常职访序事于下则人臣知儆戒之意【○李嘉防曰救政诏于上序事访于下五物之变可以感通君上之心而尽臣下欲言之情后世因灾异以求直言近之】

周礼订义卷四十四

卷四十五

<经部,礼类,周礼之属,周礼订义

钦定四库全书

周礼订义卷四十五 宋 王与之 撰

内史中大夫一人下大夫二人上士四人中士八人下士十有六人府四人史八人胥四人徒四十人

薛平仲曰内史一属所以次于大史之后者事固有所由始造命之地则一人风化之所由出命令之达则四方观听之所由归左右夹辅之助则一人心腹耳目之所由 内史之官既以中大夫一人又以下大夫二人辅之盖端本澄源于内者既有可纪之实然后付诸大史以脩之而待后世之有攷【○孙氏曰史官隶之宗伯以宗庙典籍具存非博古通今之士不能胜其任也】

黄氏曰内史掌八枋之法与 宰同地愈亲任愈重故其爵秩高而置员广皆先王精意自汉始以尚书总朝事其后离而为中书又离而为门下而朝廷日以卑非成周建官之意

掌王之八枋【兵病反】之灋以诏王治一曰爵二曰禄三曰废四曰置五曰杀六曰生七曰予八曰夺

郑康成曰大宰既以诏王内史又居中贰之○郑锷曰大宰权之所在内史书之所在用其权可以驭羣臣案其书可以诏王治诏王虽同权与书不侔矣大宰谓之柄取能执之意字从丙丙者向明而执之故于诏王驭羣臣言之枋则取刻制之义字从方方者义执矩之所同故于诏王治言之曰杀不曰诛内史法之所在有罪则当杀耳

愚案八柄诏于冢宰内史复掌以诏王史官者公论之所出权柄有一不公史氏得直笔以书之凛乎其可畏也属诸礼官其选清矣而得参稽乎朝廷爵禄之事岂惟足以制冢宰之自专而庙堂进退亦 日与儒者参订矣

执国灋及国令之贰

郑康成曰国法六典八法八则○王氏曰上以道制之下守以为法上以命使之下禀以为令○郑锷曰国有一定之法又有一时之令掌其法书其令各有官守内史皆执其贰而已【○李嘉防曰拘一定之说不酌诸人情世变上或以法制自胜下或以虚文为欺损益升降无所变通其弊乃甚必二者并行治本时宜彼此兼济斯无难行之患】

以攷政事以逆防计

王昭禹曰以攷政事则所主在治以逆防计则所主在财用○郑锷曰与大宰司防更相参稽

掌叙事之灋受纳访以诏王听治

郑康成曰叙六叙也六叙六曰以叙听其情○王昭禹曰其法之所掌皆先尊而后卑先贵而后贱先上而后下先大而后小所以谓掌叙事之法○叶氏曰有事斯有法军旅之事则有军旅之法田役之事则有田役之法以至祭祀丧纪防同之事莫不皆然内史所掌叙事之法者法有不便于民先王不恃法以为便不任己以为明故必纳访于民而使内史受焉其所便者因之其所不便者革之损益必利于民然后可以治天下故先受纳访然后诏王听治○郑锷曰王者有所咨询谓之访臣下有所复白谓之纳【○郑康成曰纳访纳谋于王也○黄氏曰自内而出曰访自外而入曰纳】上有所访则下有所纳访者不一则其所纳亦不一矣内史掌叙事之法以纳访之事先后有伦不相杂糅乃诏王而听其治非他史职比【○李嘉防曰纳访者因事变而访问由已见而论奏与臣民之复逆之有常者不同必曰掌叙事之法者盖所访纳者非一事但其序不可紊乱而杂听耳】

黄氏曰龙之于舜仲山甫之于宣王盖其职也今自内出者中书受之自外入者通进银台司受之职久分矣

凡命诸侯及卿大夫则防命之

项氏曰诸侯有土之君卿大夫在朝之臣皆书辞于防以命之【○贾氏曰周法爵及士余文更不见命士之法明士亦内史命之不言者略之也○朱氏曰内史掌命诸侯羣臣故贤能之书内史贰之谓副本也古者封建诸侯内史读册而命之非特命诸侯亦以命在廷访其可否】

愚案典命四命大夫加一等出封为子男故命大夫则作防命士则不作防以其爵犹卑未可以出封也

王氏详说曰言命诸侯及卿大夫则防命之为出封者设尔盖防命非常命也书曰祝册惟告周公其后书序曰康王命作册毕左氏曰王命内史叔兴父册命晋侯为侯伯后世有内制其古之防命欤

凡四方之事书内史读之

贾氏曰诸侯凡事有书奏白于王内史读示王【○郑康成曰若今尚书入省事】

【愚案事书若万民之利害为一书礼俗政事治教刑禁之逆顺为一书悖逆暴乱作慝犹犯

令者为一书札丧凶荒厄贫为一书康乐和亲安平为一书小行人得其书反命于王内史乃从而读于闲暇之日则尊居九重明见万里曾无壅蔽之患】

黄氏曰今门下书读犹存古意四方事书即外史所谓以书使于四方者王制其令内史读之外史书之【○愚案此以事书作上谕下之书亦通恐以为外史之书使不可书使是锡书之使非事书之使】或曰四方事书无所不具命内史以读之者盖格物穷理之端参之朝夕事为之际所谓人求多闻时惟建事者

王制禄则赞为之

郑康成曰王制云王之三公视公侯卿视伯大夫视子男元士视附庸赞为之为之辞【○郑司农曰诸侯下士视上农夫禄足以代其耕中士倍下士上士倍中士下大夫倍上士卿四大夫禄君十卿禄】

以方出之赏赐亦如之

郑司农曰以方版书而出之【○杜氏曰方直谓今时牍也】○黄氏曰制禄之方司禄受之赏赐之方职岁受之是皆考之八枋之法不可得而滥也○项氏曰赏赐或以土田或以车服或以器物皆赞其等书之于方出而命之

郑锷曰行爵出禄无非人君之命或以防或以方其别也盖命以爵者必有德之人为防命之所以述其德与以禄者必义所当与之用人用方出之所以着其义防者简牍之辞方版也其制方方言其义内史既掌为防命以言其人之德及其人治四方之事以书来上则使读之所以验前日防命之言不为溢美若夫赏赐出于一时之喜亦出以方见其合义然后予亦非人君之私既赞为之又以方出之则王命合义矣可书之以为后世法又藏其贰则他日有所攷春秋之世城濮之役晋侯有功襄王命内史叔兴父防命之为侯伯则周之家法犹有可攷晋之克齐使巩朔献捷定王使礼之如侯伯克敌使大夫告庆之礼又私贿巩伯使相告之勿籍则赏赐之非义而内史不书又可知矣

内史掌书王命遂贰之

郑康成曰副写藏之○项氏曰凡有王命既书以出遂藏其贰皆史所当载也

外史上士四人中士八人下士十有六人胥二人徒二十人

陈君举曰内史犹今内制翰林也外史犹今外制舍人也凡防命之出皆黜陟予夺大小臣工爵禄之事其与人主图之者固 宰也而上意之然否师言之叶否非有文墨议论之士讲求参酌或不当于功罪虽当功罪而褒贬益损之文或作于好恶往往伤王言之体于是以二史属春官而 宰诏王大宗伯之属得以陈谊补过于其间是故号令罔不臧而赏罚公亦三公

所以辑众美昭令闻也其见于传襄王使召武公及内史过赐晋惠公命使大宰文公及内史兴赐晋文公命则二史从公之事观其道天子诸侯德谊文辞甚美虽东周尚如此亦足以观史氏之典刑矣自秦变古寢失此意辞令在尚书郎则尚书重在中书舍人则中书重方汉重尚书至号喉舌之官事归台阁三公失职则尚书遂擅天下魏晋重中书则并掌职务至有中书监迁尚书令自谓有夺 池之恨而中书亦擅天下两省相倾至今并置最后开元别置学士院白麻独在学士为天子私人称内相矣以一辞令之官所乡辄偏重权倾君相而朝廷不尊然后知周家以 宰建六典实掌六卿而二史分 宗伯道揆在上权纲归一而无专遂之私法守在下众职交修而无诡随之患所谓周道如砥者以此

掌书外令

项氏曰王言惟作命不言臣下罔攸禀令则上出之为命下禀之为令故内史书内谓之命外史书外谓之令【○王氏曰命后世所谓制也故内史书之令后世所谓诏也故外史书之外令国令也外史掌书之而内史执其贰谓之外令以别于女史之内令○王昭禹曰一定而不可易者命也因事而告者令也】○李嘉防曰不曰作而曰书者如行人子羽脩饰之而后书可以达诸王国之外○黄氏曰凡王命内史书而出之外史受而书行之今中书舍人书行盖合而为一内史留柢遂以为国令之贰

掌四方之志

郑康成曰志记也○刘执中曰四方之志谓九州列国四海百蛮世系之所自出封建之所由兴朝贡之断续政教之违从礼乐之更革俗尚之丑好若土均土训诵训之所职皆为志以藏之以待王之顾问孔安国曰九州之志谓之九丘言九州所有土地所生风气所宜皆聚此书其此之类欤○王昭禹曰掌四方之志则下以知风俗之所在【○黄氏曰为有四方之事当攷故实也】陈君举曰古者诸侯无私史外史掌四方之志者诸侯各有国史书国中之事以达于天子天子又时巡以察之有二伯以询之内史以董之故列国之史多藏之周室孔子亦西过周室考史记旧闻具于鲁而次于春秋孟子曰晋之乘楚之檮杌鲁之春秋今攷晋史自殇叔时始有之楚自武王以上有世次而无年月鲁之春秋乃自 公始则诸侯私史亦东周以来有之非西周之制也不特诸侯之史藏之周室而列国图志亦藏之故以春秋之时楚子问鼎之大小轻重以鼎象九州之山川形势得周鼎亦可以识天下矣

掌三皇五帝之书

郑康成曰楚灵王所谓三坟五典【○李嘉防曰书断自皇帝以下大道常道所可备记者此后凡有书莫不兼掌夏商周所纪不言可知】○王昭禹曰上以攷古昔之所行○黄氏曰必掌皇帝书者凡王之命皆当聯次于尚书也汉御史掌兰台秘书其遗意也

掌达书名于四方

郑康成曰谓若尧典禹贡达此名使知之【○黄氏曰皇帝书名在四方久矣何以達为朝廷常有书周书自泰誓之后皆是至东迁犹有书四方未知朝廷制作之意故以其名達之】

【王氏曰书名者字也字所以正名百物故谓之名○郑康成曰或曰古曰名今日字使四方知书之文字得能读之○郑锷曰四方言语不同上世音读与后世亦异欲使天下诵读之际无东西南北之讹无古语今言之异则书之名不可以不达達之于四方欲使之皆同也大行人几歲谕书名盖外史達之九歲之久虑其不一又使行人往谕之】

【愚案黄氏以书名为古之书達其名以广帝王之道王氏以书名为今之字书亦通但与上下文恐不相协】

若以书使【所吏反】于四方则书其令

王昭禹曰以书使于四方外史书其令则掌外令故也○黄氏曰令犹今言制敕也书犹今言制书敕书也○易氏曰亦所以明王政之所从出【○郑锷曰书名既正道德乃一风俗乃同其有不同遣使以正之因书而使故曰以书使四方也书其书使之令以为证知其国书名之不正天子曾遣使以正之】

愚案古者邦国之书皆锡于王其国已有此书惟达其名使天下知一人所重者在此其国未有此书若遣使以颁之必书其令使天下知一人所锡者在此于是邦国无私书天下无异学

御史中士八人下士十有六人其史百有二十人府四人胥四人徒四十人

郑康成曰御犹侍也进也其史百有二十人以掌贊书人多也

愚案周之诸史皆是王者之史独御史一官无王字所辅者是 宰所攷者是百官大槩是簿书期防之所从出所以御史之史至百二十人秦重刀笔见得其事权稍重挈而列之于冢宰之下百官之上至汉遂与大臣争衡并列为三公

吕氏曰御史之名见于周官以中士下士为之特小臣之传命令者耳至于战国其职益亲故献书多云献书于大王御史渑池之防各命御史书事淳于髡亦曰御史在前执法在后是又掌记事纠察之任也

掌邦国都鄙及万民之治令以贊 宰凡治者受灋令焉

王昭禹曰邦国都鄙及万民之治令所谓六典以治邦国八则以治都鄙官成以待万民其法则 宰以道治之其命则御史掌之故以贊 宰为职○郑锷曰出治令者王也推王命令而行之者 宰也掌书治令为 宰之助者御史也所掌如此故凡邦国都鄙万民有所当治之事皆于此受法令盖书写传播本于此故也

王昭禹曰九职九贡九式九两之类有其法也御史掌其令而治之法令皆书于此凡治者即是而受也

掌賛书凡数从政者

王昭禹曰凡则如师掌官成以治凡之凡同数则如旅掌官常以治数之数同【○郑锷曰数则以小数计之凡则以總数计之知其凡数则官之冗省可得而见矣○黄氏曰若今班簿坎御史掌之其事与宰夫八职相通】凡数从政者谓以凡以数而从政者御史皆掌而攷校之则以凡与数皆载于书故也盖自公卿以下至于庶人之在官莫非从政者不可以不知其登下多寡之计故有凡数【○李嘉防曰曰凡曰数则师旅之从政者御史皆以史而賛书之则国之法令治令斯无邪径而杂出者矣】

巾车下大夫二人上士四人中士八人下士十有六人府四人史八人工百人胥五人徒五十人

刘迎曰巾犹车之衣以巾覆车所以障其尘垢冪人掌共巾冪则以巾冪尊彝巾车则以巾覆车不特职于出而又职于藏今物之藏者谓之巾箱巾笥则巾车之为藏可识矣【○郑锷曰续汉书云古之战车雕朱轮輿不巾不盖故知首饰谓之巾路用玉金象以为饰者皆饰诸末犹人之首加巾以为饰也○王昭禹曰巾设饰之物车人为车别于冬官百工之事而巾车所掌则设饰为主故也】○薛平仲曰车而 之以巾则车为尊掌车而必以大夫则车为重【○黄氏曰车旗之政有财赋有法度故尊其爵秩】其属则有工百人则车之制作云备○又曰自宗伯辨车旗之禁掌车旗之赏赐典命以命数而定诸侯诸臣之节则车旗之制亦严矣使即其叙次而论则巾车一属当在典命司服之后今特次之史官之末大抵先王之制礼乐所以为扶持三纲五常之具而史官之 褒贬又以为扶持礼乐之用固有以严后世变礼易乐之防矣巾车一属又列于史官之后岂不曰器之藏礼莫大于车周人所上者莫先于车苟知简书之可畏 于此而敢僭乎王氏详说曰有车必有马有马必有仆有仆必有右曰马曰仆曰右皆见于夏官而五路独见于春官盖春官所以为礼夏官所以为兵车属于礼马仆与右属于兵

掌公车之政令辨其用与其旗物而等叙之以治其出入

郑康成曰公犹官也【○王昭禹曰自王之五路至庶人乘役车以上皆典于公非私车故谓之公车】用谓祀宾之属旗物大常以下等叙之以封同姓异姓之次序【○王氏曰等谓差其上下叙谓次其先后则以治其出入故有先路缀路次路之名】○郑锷曰掌政令以治其出入凡公车之数与其新故成毁无不周知之

李嘉防曰用车之时尊卑并至何以辨之旗物以为之别耳等叙不同所用亦异出入之际诚不可不谨而治之也

王之五路

贾氏曰路门路寝路车路马皆称路路大也王之所在以大为名诸侯亦然【○刘执中曰皆大之称而无所拟伦故曰路】

一曰玉路钺【音阳】樊【步干反】纓十有再就建大常十有二旂【音留】以祀

郑康成曰玉路以玉饰诸末【○贾氏曰凡言玉路金路象路皆是以玉金象为饰不可以玉金象为路郑云饰诸末者凡车上之材于末头皆饰之】○郑锷曰玉者阳精之纯可以交三灵故以玉饰路则乘以祀天○郑康成曰钺马面当卢刻金为之所谓镂钺【○贾氏曰眉上曰钺故知当额卢案韩奕诗钩膺镂钺金称镂故知刻金为之】樊读如鞶带之鞶谓今马大带○郑司农曰纓谓当胷士丧礼下篇曰马纓三就礼家说曰纓当胷以削革为之三就三重【直龙反】三匝也○郑康成曰玉路之樊及纓皆以五采罽饰之十二就就成也大常九旗之画日月者正幅为繡旂则属焉【○王氏详说曰明堂位曰鲁君孟春乘大路载弧韍旂十有二旒日月之章祀帝于郊配以稷天子之礼也郊特牲曰乘素车贵其质也旗十有二旒龙章而设日月以象天也诗閟宫曰龙旂承祀夫王建大常日月也诸侯建旂交龙也诗人言鲁为龙旂而记又言龙章而及日月是旂常无辨也按司马法云章夏以日月尚明商以虎尚威周以龙尚文周虽以日月为常以龙为章但赐鲁以龙章其龙有升降不同耳】

项氏曰玉路以玉为饰温润而泽见于仁缜密以栗见于智垂之如队叩之清越见于礼乐瑜瑕不掩孚尹旁达见于忠信备德之美也大常以三辰为饰日月丽天以象重明日月久照以象久于其道相代而成昼夜相推而成岁时体道之常备道全德可以事神故以祀○郑锷曰所驾之马钺以昭其声樊纓十有再就以昭其文所建者大常象天之明旂十有二合天之度数祀天则乘所以极其尊也○李嘉防曰大常之旗非独祀则用之仲秋治兵王则建之防同戎路王则建之见人君之德同乎天地抚世应俗与日月同运此日月所以为君之旗而名之以常也

金路钩樊纓九就建大旂以賔同姓以封

郑康成曰金路以金饰诸末钩娄颌之钩金路无钺有钩亦以金为之【○贾氏曰诗云钩膺镂钺钩连言膺明钩在膺前以今验古明钩是马娄颌】其樊及纓以五采罽饰之而九成大旂九旗之画交龙者以賔以防賔客同姓以封谓王子母弟率以功德出封虽为侯伯其画服犹如上公若鲁衞之属其无功德各以亲踈食采畿内而已【○李嘉防曰同姓封爵无子男之卑而止于伯者皆所以尊之也若异姓有公侯之贵亦不可不以金路】

项氏曰金路以金为饰盖其形坚刚义也其性从革和也方之为方圆之为圆惟冶之所铸大之则大小之则小惟物之所感皆主于和也大旂纓交龙龙德施物主于恩上下交感主于通既通且和则以讲飧燕之礼賔之而弗臣宜矣封同姓之国亲之而弗踈亦宜矣【○郑锷曰无钺有钩就以九金成数也王出迎賔则乘之屈至尊而接賔以示君臣之义也同姓之封非

以私恩也断之以义也】

王昭禹曰路车以王所乘为主其赐诸侯以路车者所以为王之意故诗有路车乘马之辞【○王氏详说曰案定公四年祝佗云武王分鲁公以大路大旂分康叔以大路少帛綉茷旃旌分唐叔以大路杜氏谓大路金路也綉茷大赤也夫三叔皆同姓所封之车则同于金路所封之旂鲁用大旂衛则用大赤唐则不复有矣曰祝佗所言谓武王时耳此礼至周公时然后定】

象路朱樊纓七就建大赤以朝【直遥反】异姓以封

郑康成曰象路以象饰诸末【○王昭禹曰以象齿为饰】象路无钩以朱饰勒而已其樊及纓以五采罽饰之而七成大赤九旗之通帛【○刘执中曰周之旗】以朝以日视朝【○贾氏曰以日视朝者谓于路门外常朝处乘之此虽据常朝而言至于三朝皆乘之案司常云道车建旛注云道车象路也王以朝夕燕出入乘此象路则建旛若在朝廷大赤也其车则同】异姓王甥舅项氏曰象南方兽文明之方也其齿坚强而不挠皆明辨之义【○李嘉防曰象其坚在牙其用在鼻而南则属礼坚强在我而以礼接人此所以为象路】以朱饰勒以赤为旗皆南方之义故以之视朝则君臣上下之礼明以封异姓则考礼正刑之义辨【○郑锷曰象齿有文以比礼也无铎无钩以朱饰勒朱南方之色王出视朝则乘之视朝向明以礼为主异姓之封彼为贵戚欲由礼而动○李嘉防曰惟有明德可以懷异姓】

林椅曰五路行人建常樊纓有公侯伯子男之别而巾车止有同姓异姓之分盖巾车所辨乃分器耳

革路龙【音庞】勒条【他刀反】纓五就建大白以即戎以封四衛郑康成曰革路鞅之以革而漆之无他饰【○贾氏曰白玉路金路象路皆以革鞅即冬官云饰车欲侈但象路以上更有玉金象为饰谓之他物则得玉金象之名革路亦用革鞅以无他物饰则名为革路】龙虬也以白黑饰韦杂色为勒【○贾氏曰龙勒者马之轡饰勒面则在面】条读为绦其樊及纓以绦丝饰之而五成不言樊字盖脱尔以此言绦知玉路金路象路饰樊纓皆不用金玉象大白殷之旗犹周大赤盖象正色也【○李嘉防曰大白属西方兵戎贵盛励四衛贵藩屏皆取西方之义以成之也】即戎谓兵事四衛四方诸侯守衛者蛮服以内

郑锷曰革之为物巩物而固之坚而不可解以象信也上三路用罽以文为贵此以条为纓则欲其固而已其纓之就以五土之数也所建者大白以信为主也王即戎事则乘之诸侯守衛中国者则以此封之用兵贵其坚守而守衛中国之诸侯则以信固结之【○王昭禹曰革所以扞内而蔽外义之制也大白象秋正西方之物惟白为能受采则以义受之之譬也】

木路前【子践反】樊鹄【户笃反】纓建大麾以田以封蕃国郑康成曰木路不鞅以革漆之而已前读为緇翦之翦浅黑也

郑锷曰木路至质无文以浅黑色饰韦为樊鹄色饰韦为纓不言就盖此实三就尔见其质也【○郑康成曰不言就数饰与革路同○王氏详说曰木路以封蕃国蕃国爵不过子子男五命其五就也宜矣】所建者大麾以黑色主杀为事【○郑康成曰大麾不在九旗中以正色言之则黑夏后氏所建】王出田则乘之【○郑康成曰田四时田猎○王氏曰建大麾以田司马辨旗物之用不言者司马所辨教治兵而已既教治兵遂以猕田于是建大麾焉】蕃国之君则以此封之【○郑康成曰蕃国谓九州之外夷服镇服蕃服】田则主杀待蕃夷之君则亦至质而无文也

總论

郑锷曰玉路一曰大路金路一曰先路象路次金路革路次象路故同谓之次路木路最后缀于诸路之后故曰缀路方其以多为贵则玉路樊纓十有二就金路九象路七革路五木路三不言木路三以上四路推而知之方其以少为贵则大路樊纓一就先路三次路五与七缀路九礼记不言缀路九就亦以上四路推而知之礼器曰大路一就次路七就此以少为贵郊特牲曰大路一就先路三就次路五就此以少为贵且言于郊特牲郊祀之间则以少为贵盖祀天之时也凡车上之材皆饰其末革路无他饰故正名曰革木路则木上无革故正名曰木

陈君举曰郊特牲曰大路繁纓一就先路三就次路五就又丹漆雕几之美而素车之乘此言商制也所谓大路即素车而周官所谓木路也商以大路为尊次路为下其樊纓自一推至于五则为礼之杀盖尊其朴贵其质而已周以玉路为先木路为后其樊纓十二损而至于五则为礼之杀盖尊其饰贵其文而已

易氏曰周人尚輿玉路实备于四代盖自陶唐氏以彤车而乘白马其制略矣有虞氏则因彤车而制鸾车夏后氏则因鸾车而制钩车殷人则因钩车而制大路周人则因大路而制乘路是五路之制惟周为盛自以祀至以田则上得以兼乎下自同姓以封至以封四衛则下不得以拟乎上然同姓如鲁衛未至乎九命何取乎金路之九数异姓如宋杞不止乎七命何取乎象路之七数四衛亦有五等之侯国又何拘乎革路之五数蕃国夷狄虽大曰子何为木路独不言数盖以是为王朝出封之仪典命所言在国车旗之数也若夫王者兼用五路宜若必玉路而后建大常必金路而后建大旂必象路而后建大赤必革路而后建大白必木路而后建大麾然以大司马攷之仲秋教治兵王载大常是以革路载大常司常亦曰凡祭祀各建其旗防同賓客亦如之先儒亦谓兵车之防则以戎路建大常賓客防同则以金路建大常是知五路之建大常者天子之制而此四旗不言旂者兼诸侯之制亦犹王之五服兼用袞鷩希毳而有章焉有小章焉

贾氏曰凡五等诸侯所得路在国祭祀及朝天子皆乘之但朝天子之时乘至天子馆则舍之于覲馆礼记云偏驾不入王门谓舍之于客馆乘墨车龙旂以朝

王后之五路

郑锴曰王有祀有朝有賓有即戎有四时之田故所乘之路有五王后有从王祀先王先公之礼有从王见賓客之礼有朝王之时有采桑之时有宫中乘行之时此五者皆当乘路故路亦有五以其与王同尊故亦称路然不以路名车曰重翟厌翟安车翟车辇车又见其次于王也【○李嘉防曰后前曰路示王同体也后止曰车则有臣妾之义】

重【直龙反】翟钗面朱纒

郑康成曰重翟重翟雉之羽【○贾氏曰凡言翟者皆谓翟鸟之羽以为两旁之蔽言重翟者皆二重】

郑锴曰从王祀先王先公之所乘

郑司农曰钗马面钗【○王昭禹曰钗面以饰马○郑锴曰所谓钗鸾和铃昭其声也】纒着马勒直两耳与两鑣【○贾氏曰凡言纒者谓以纒为车马之饰若妇人之纒亦既系其本又垂为饰故皆谓之纒】

郑锴曰以朱为纒取阳明之义见其于宫中有君道也

厌【于涉反】翟勒面绩纒

郑康成曰厌翟次其羽使相迫○郑锴曰饰以翟羽相厌次焉示其厌防故不复重从王见賓客则乘之郑康成曰勒面谓以如王龙勒之韦为当面饰【○郑锴曰谓马之面如王革路为龙勒之饰不设饰】绩画文也【○郑锴曰谓以白黑青赤之色如绩画之饰以为纒见相杂之文】

安车雕面鹵【乌兮反】纒

郑锴曰安车则饰不用翟漆之而已妇人坐乘独此车名安朝王所乘取安处之义【○贾氏曰曲礼云妇人不立乘又云大夫致事乘安车则男子坐乘亦谓之安车然王后五路皆是坐乘独此得安车之名者以余者有重翟厌翟翟车辇车之名可称此无异物之称故独得安车之名】雕面谓刻革为马面之饰不龙其勒○郑司农曰鹵读为鳧鹵之鹵鹵纒者青黑色以缁为之

皆有容盖

郑司农曰容谓檐车山东谓之裳帋或曰潼容【○贾氏曰衛诗渐车帋裳毛氏亦云潼容】○郑康成曰盖如今小车盖

翟车贝面组纒有握

郑康成曰翟车不重不厌以翟饰车之侧尔○郑锴曰采桑则乘之○郑康成曰贝面贝饰勒之当面【○郑锴曰贝者水虫余眡余泉之类物之美而可寶者】

王昭禹曰组總以织组为總【○郑锴曰组者五色丝绦文之美而相杂者○贾氏曰朱總纁總鷖總皆以繒为之则组總以组绦为之】○郑锴曰有幄者谓之帷幕以为幄有幄则无容盖【○郑康成曰如今駟车○贾氏曰汉法駟车无盖故举以况之】

輶车组挽【音晚】有翬【所甲反】羽盖

郑康成曰輶车不言饰后居宫中从容所乘但漆之而已为輶轮人挽之以行【○贾氏曰杂记注引许氏说文解字曰有辐曰轮无辐曰輶杂记注輶崇盖半乘车之轮乘车高六尺六寸则此当三尺三寸】○郑锴曰以组为挽○郑康成曰有翬所以御风尘以羽作小盖为翬也

总论

易氏曰重翟之钗面朱總亦玉路之钗樊纓也厌翟之勒面纁總亦金路之钩樊纓也安车之雕面鷖總亦象路之朱樊纓也翟车之贝面组總亦革路之龙勒条纓輶车以人挽之而已盖拟木路而其制略自安车以上皆有容盖自翟车以上皆有幄自輶车以上皆有翬羽盖五路之等如此○郑锴曰衣衾衣则乘重翟衣榆狄阙狄则乘厌翟衣展衣则乘安车衣鞠衣则乘翟车衣祿衣则乘輶车

王之防车五乘【绳证反】木车蒲蔽犬【莫歷反】尾囊【音羔】防饰小服皆防

郑康成曰木车不漆者○郑司农曰蒲蔽谓羸兰车以蒲为蔽天子防服之车汉仪亦然【○郑康成曰蔽车旁御风尘者】犬以犬皮为覆箬【○郑康成曰犬白犬皮○贾氏曰古者男子立乘须冯轼上须皮覆之故云犬士防记主人乘恶车白狗臂是也】○黄氏曰康成以尾囊以犬尾为戈防之弣小服刀劔短兵之衣始遭防所乘为君之道尚微备奸臣未必然防家引礼防事无等亦恐未尽此言王之防车五等则非诸臣之制郑自始遭丧至一次五等恐当如此或曰丧车尾囊防饰小服皆防尾末也车之大木末皆布韬之以为饰小木则皆布之

素车樊蔽犬素饰小服皆素

郑康成曰素车以白土垩车樊读为殭殭麻以为蔽其服以素繒为缘○王氏曰素车蔽服皆素则少变而饰以素不皆防矣盖后车变而弥吉以至于丧除○郑康成曰此卒哭所乘

黄氏曰素车素饰不言尾囊因上文且言小服皆素则尾囊可知汉文帝遗诏无布车及兵器其制至汉犹在藻车以下不言小服则如常车施革駟车又渐漆矣

藻【音總又音藻】车藻蔽鹿浅 革饰

杜氏曰藻读为华藻之藻○郑康成曰藻水草苍色以苍土堊车以苍缁为蔽也鹿浅 以鹿夏皮为覆答【○贾氏曰夏时鹿毛新生为浅毛】又以所治去毛者缘之○王氏曰革不言色盖如素车用素○郑康成曰此既练所乘

駟车萑【音丸】蔽然 髹【香求反】饰

郑康成曰駟车边侧有漆饰也【○贾氏曰下文漆车全有漆则此时未全为漆】萑细苇席也以为蔽者漆则成藩即吉也然果然也【○贾氏曰果然兽名】髹赤多黑少之色韦【○杜氏曰髹漆】○王氏曰髹与萑不言物盖如藻车用革○郑康成曰此大祥所乘

漆车藩蔽豸【五旦反】 雀饰

郑康成曰漆车黑车【○贾氏曰凡漆不言色者皆黑且大夫所乘墨车及篆纁之饰直得墨名是凡车皆黑漆也】藩今时小车藩漆席以为之豸胡犬【○贾氏曰胡地之野犬或作狐字者谓狐与犬合所生】雀黑多赤少之色韦也此禫所乘

總论

李嘉防曰丧车五乘必有蒲苻藻萑藩为之蔽者居丧衣服麓恶形貌毁瘠不可见人人亦不可见己故有蔽以自遮也又用犬鹿然豸之皮以为 者盖丧服之中虽不治人事而防身之道不可不谨兽之害人以其皮而为之防亦示服猛之义然丧车既无他饰而戈防之弣与小服刀劒短兵之类必言之者自衛其身不可不谨与书曰虎贲百人逆子钊于南门者是也又丧车五乘贵贱皆同者惟丧不辨贵贱自天子达于庶人皆终三年之丧故有官者必曰解官持服与无官同

刘执中曰三年之丧皆乘恶车谓木车也齐衰之丧皆乘素车大功之丧皆乘藻车小功之丧皆乘駟车服緦者乘漆车【○贾氏曰天子至士丧车五乘尊卑等则大夫士禫亦得乘漆车与吉同者礼穷则同也】

服车五乘 乘夏篆【音瑑】卿乘夏纁【莫干反】大夫乘墨车士乘栈【才产反】车庶人乘役车

郑康成曰服车服事者之车夏篆五采画轂约也【○郑司农曰篆读为圭瑑之瑑○王氏曰夏篆以采篆饰车也○项氏曰 主 化故夏篆以象文德之敷】夏纁亦五采画无瑑尔

王氏曰墨车墨而不采○郑锴曰以革鞅而漆之者【○项氏曰墨车无五采而其色幽北方之智也大夫以智帅人者】

贾氏曰栈车不革鞅而漆之者此则冬官栈车欲弇恐有坼壤也【○王氏曰栈车则无饰矣考工记只栈车欲弇饰车欲侈墨车以上皆饰车也○项氏曰士栈车唯质而无饰弇而不侈则以士主事人】

郑康成曰役车方箱可载任器以共役【○王氏曰谓之乘非特载任器而已】○项氏曰以庶人主役故名役车诗云有栈之车行彼周道【○黄氏曰庶人府史也服公事者皆乘公车】

郑锷曰贵者乘车贱者徒行古之制也此言服车五乘上不及三公下乃及庶人盖三公非不乘车坐而论道不可以服事言卿大夫有爵虽贵亦当作而行事乃自卿所乘者言之庶人则府史胥徒在官者非在官之庶人亦徒行耳胡为掌其车耶五色谓之夏染人所谓染夏是也之车轂画以五采而篆之卿车虽五色则纁而不篆篆以见其文之着纁以言其文之不足也尊矣宜别异于卿卿又宜异于大夫大夫乘墨车则鞅之以皮而漆焉又不及于夏纁之文大夫又宜异于士士乘栈车则不革不漆又不及于墨车之饰士又宜异于庶人故乘役车为方箱以载任器又不及于栈车之纯素尊卑之分上下之等皆即乘车见之

王氏详说曰周礼有言公而不及有言而不及公有并言公典命王之三公八命其卿六命此言公而不及巾车云乘夏篆卿乘夏纁此言而不及公射人云三公北面东面三公执璧执皮帛此并言公人臣受君之命莫大于车服何王之三公八命所乘之车不见于巾车所衣之服不见于司服盖周制外而五等诸侯其车服有常制内而五等诸臣其车服无常制岂非以诸侯远王而诸臣近王近王而无常制者正所以别嫌使八命六命四命皆从其所命之车服得无嫌乎详攷公卿大夫之制大率相为异同司服无三公之服者服下同于巾车无三公之车者车下同于三公下同于而大夫亦上同于卿盖卿大夫同于西面又同于冕者以此【○刘执中曰诸侯之犹也卿大夫犹卿大夫也上得以兼其下则备服车五乘矣其贰车则各从其命数是以天子之贰车六乘大夫四上士三巾士二下士一乘所建旂旂如其贰车之数】

凡良车散【素旱反】车不在等者其用无常

贾氏曰良车散车不在服车五乘之等列精作为功则曰良【○王昭禹曰良车与良裘之良同谓其质之甚善也】麓作为洁则曰散【○王昭禹曰散车与散乐之散同谓其非法度之所用】○王氏曰自役车以上皆有等者其用固有常余或良或散惟所用而已【○易氏曰或以共在上之恩赐或以共在公之役使故其用为无常○李嘉防曰良车在五乘之上散车在五乘之下此非制度所闕故其用无常】

凡车之出入岁终则防之

贾氏曰出谓出给官用入谓用罢归官于当时録为簿帐至岁终则總防计完败多少以入计防

凡赐阙之

郑锷曰君于有功之臣则车服以庸有用以赐臣下者不必防计阙之可也【○王昭禹曰凡赐无常惟上所用故阙而不防不可以有司之法制之】

毁折入赍【音咨】于职币

杜氏曰赍读为资资谓财也乘官车毁折者入财以偿缮治之直【○李嘉防曰取之而车不佳则必不取其过在造车之工取之未久而折壤其过在乘车者如此则造者取者皆致谨矣○黄氏曰戒其不谨敬毁败公车虽入赍而以共赐予不苟于财也】○郑锷曰为职币掌余财故尔

大丧饰遣【弃战反】车遂廞之行之

贾氏曰遣车言饰还以金象革饰之如生存之车但粗小为之耳【○郑氏曰遣车一曰鸾车】○郑康成曰廞兴也谓陈驾之行之使人以次举之以如墓也【○王氏曰廞之于宫行之以适墓】

及葬执盖从【才用反】车持旌

郑康成曰从车随柩路持盖与旌者王平生时车建旌雨则有盖今蜃车无盖执而随之象生时有也【○贾氏曰执旌在柩车之前而文在下者以执盖是巾车因言持旌非谓持旌亦从车】

及墓嘑啓闕陈车

郑康成曰关墓门车贰车士丧礼下篇曰车至道左北面立东上【○贾氏曰郑知车是贰车者以其遣车在明器之中案既夕陈明器在道东西面此不言明器而别陈车是贰车可知天子贰车象生时当十二乘】

小丧共匱路与其饰

郑康成曰柩路载柩车也饰棺饰也

歳时更续共其弊车

杜氏曰更续更受新共其弊车归其故弊车也○郑锷曰物之弊若不有以续之则无以继每歳以时更而续之则车不阙于用材之尚可用者不可以尽弃车虽已弊亦共于车人则工不阙于材已弊之车犹且择其可用者而用之古人为国爱财如此

大祭祀鸣铃以应鸡人

郑康成曰鸡人主呼旦鸣铃以和之声且警众必使鸣铃者车有和鸾相应和之象【○项氏曰铃和铃也诗和铃央央升车则马动马动则鸾鸣鸾鸣则和应则和铃主应故大祭祀鸡人呼旦以铃应之铃在旂亦以将驾玉路以行礼】

周礼订义卷四十五

卷四十六

钦定四库全书

周礼订义卷四十六 宋 王与之 撰

典路中士二人下士四人府二人史二人胥二人徒二十人

郑康成曰路王所乘车【○王昭禹曰巾车谓之车则上下所通乘典路谓之路则主于王车】

贾氏曰巾车已主王后之五路今此又掌之者以冬官造车讫以授巾车饰以金玉象之等其王及后所乘者又入典路别掌之

薛平仲曰玉路之大复有典路以掌之戎车之倅复有车仆以掌之至于旗常之建司常又纖悉而明辨之成周之君亦岂略冕服之用而特致意于此哉前乎史官则冕服盖有职矣后乎史官而车旗未之掌焉先王错综于叙官之际申严于礼典之防尤当于此而有攷

掌王及后之五路辨其名物与其用说【书銳反】

项氏曰典路专達王与后之驾说故曰路○郑锷曰辨其名物当乘金玉者不可以乘象木当用以祀宾者不可用以朝以田○郑康成曰用谓 有朝祀之事驾之○郑司农曰说谓舍车春秋传曰日中而说

若有大祭祀则出路贊驾说

贾氏曰巾车云玉路以祀此大祭祀则出路郑云王当乘之惟出玉路【○项氏曰王之玉路后之重翟】○王氏曰出路者或乘之或陈之○项氏曰驾登车说舍车○郑锷曰大祭祀大宾客或乘玉路或乘金路驾之说之仆与趣马之职此则贊之使各有其节【○李嘉防曰不说眡朝师田者举其大以见其余】

大丧大宾客亦如之

王昭禹曰大丧出路非乘车也出所陈之路焉○郑司农曰书顾命曰成王崩既陈先王寶器又曰大路在宾阶面綴路在阼阶面先路在左塾之前次路在右塾之前汉朝上计律陈属车于庭故曰大丧大宾客亦如之○王昭禹曰亦贊驾说

凡防同军旅吊于四方以路从【才用反】

郑康成曰王出于事无常王乘一路典路以其余路从行亦以华国【○贾氏曰惟玉路祭祀之车尊不出】○郑锴曰攷之巾车以朝以宾以祀以即戎以田不见乘路以吊之文学者疑之○易氏曰谓因防同宾客而行吊事

车仆中士二人下士四人府二人史二人胥二人徒二十人

黄氏曰仆主也以仆名官以其主戎萃古主射之官名仆射

郑锴曰乘车必用仆以为御戎仆齐仆道仆田仆皆仆驭王之路者属于夏官而车仆独列于此盖戎仆驭戎路此则掌戎路之萃萃者副贰之名五路皆有贰贰之数不过十有二尔戎路乘以即戎之车戎者国之大事尤事之危进而无继则是以 卒与敌故戎车副贰尤众欲其散则可以围敌而聚则可以自固是故有广车而广车有萃有阙车而阙车有萃有萃车而萃车有萃有轻车而轻车有萃萃车既多别设车仆不列于夏官见其不属于司马

掌戎路之萃【七内反下同】广【古旷反】车之萃阙车之萃萃车之萃轻【遣政反】车之萃

郑康成曰此五者皆兵车所谓五戎戎路王在军所乘【○贾氏曰此言戎路则巾车所云革路○王昭禹曰革路用以即戎故又谓之戎路】○黄氏曰萃副也有萃则有元典路掌之象路木路亦有副惟戎车则置官掌之盖其施于戎事者不止一车独曰路者尊王也【○李嘉防曰戎车多萃以仓猝欲备毁折也】○郑康成曰广车横陈之车春秋传曰公丧戎路又曰其君之戎分为二广则诸侯戎路广车也【○王昭禹曰宣十二年楚子为乘广三十乘分为左右广然则车十五乘谓之一广】阙车所用补阙之车也【○郑锴曰楚子使潘党帅游阙四十乘从唐侯为左拒盖以四十乘为补阙之用楚南蛮也戎车之制如此宜其抗衡于上国】萃犹屏也所用对敌自隐蔽之车孙子八陈有萃车之陈【○王氏曰萃车盖辎车之有屏蔽者】轻车所用驰敌致师之车也【○王昭禹曰孙武书曰驰车千驷又曰轻车先出其侧者陈也盖用之驰敌致师非轻则不能充其任故驰车又谓之轻车】

黄氏曰广阙萃轻其名不同其用亦异郑康成虽出于意料然考其名义则或是是皆在中军盖兵家之枢机不用则为王之衛故楚有王族二广晋有公行齐有二广啓牢之名皆在中军○王氏曰此五车皆戎车故各有萃萃队也各以其萃以其车之卒伍睦焉【○王昭禹曰易曰萃聚也聚则有队矣车仆则并其萃而掌之】○贾氏曰此车仆惟掌五戎之萃其五戎之正不言所掌者巾车虽掌正戎之一其下四戎之正亦掌之

凡师共革车各以其萃

王昭禹曰凡师共革车则师之所用者其车皆以革鞅之【○贾氏曰案巾车王所乘惟革路而已即上文戎路是也今此不云革路總云共革车则革车之言所含者多五戎皆是则王虽乘一路四路皆从是优尊所乘也】○郑锴曰革车亦各有萃所以为不可败之防

黄氏曰车仆掌萃车共革车则典路之职萃则车仆共之五戎制度虽异皆革车也愚考六乡六军不能备千乘车乡军出则以公车充之故车仆掌五戎之萃皆以副王为名居中军其卒皆乡兵而乘之者皆官府州乡之吏射人曰大师令有爵者乘王之倅车是也五戎之元典路掌之王所乘康成谓优尊者所乘其说是王虽以戎路即戎及其在军则无常乘也其意甚密

防同亦如之

郑锷曰防同虽乘金路亦共革车文事必有武备也

大丧斂革车

郑康成曰言兴革车则遣车不徒戎路广阙萃轻车皆有焉【○贾氏曰王遣车九乘除此五乘之外加以金玉象木四者则九乘】

大射共三乏

贾氏曰乏一名容射人云三 三容是也以其为革车用皮乏亦用皮故因使为之若然直云大射共乏至于宾射燕射之等亦使共乏矣举大射尊者而言先郑读乏为匱乏之乏者以其矢于侯匱乏不去故也○郑锷曰王之大射必张三侯每侯之后必用一乏使持旌告 之人用此自庇车仆掌车之萃使临敌者得以自蔽之之亦使矢之所及者足以自蔽尔因所职掌以明其义犹巾车鸣铃之义

司常中士二人下士四人府二人史二人胥四人徒四十人

郑康成曰司常主王旌旗○郑锷曰九旗之名不同大常九旗之一耳不名官曰司旗独以常名何也旗可以谓之旂亦可以谓之常郊特牲曰旂十有二旒龙章而设日月明堂位曰旂十有二旒日月之章此指大常而言也而谓之旂岂非旗可以谓之旂乎乐记曰龙旂九旒天子之旌也先儒皆言天子之旌曳地此亦指大常而言也而谓之旌岂非旗亦可以谓之旌乎覲礼曰公侯伯子男各就其旗而立月令曰春载青旂夏载赤旂秋载白旂冬载 旂春之青者宜曰旂夏之赤者宜曰旂秋之白者宜曰旂冬之 者宜曰旂不谓之旗旂旂而谓之旂岂非旗皆可以谓之旂乎行人曰建常九旂建常七旂建常五旂旂则九旂旂则七旂旗则五旂不谓之旂旂旂而谓之常岂非此亦可谓之常乎掌九旗之官特名曰常以行人质之意可知矣昭禹谓王载大常名官曰司常谓取九旗之尊者名之尔然不曰大常而曰司常则知其非大常言之也

掌九旗之物名

王氏曰旗之物则通帛杂帛之属【○郑锷曰 旗上熊虎 蛇之类以为物然通帛之旗杂帛之物二旗无异物九旗之物如戎马一物田马一物之类皆 色以言之】旗之名则旗常

旛物之属自常以下凡九物而旗居其一谓之九旗犹公侯伯子男谓之诸侯也

各有属以待国事

黄氏曰司常掌其物名其旗各属于其官府师都州里而藏之有国事则出而张之以待给岁时共其更旌而已郑谓属徽识非王亦为徽识乎○王昭禹曰国有祭祀师田賓客之事自王而下皆有所建之旗司常掌其物名使其属视而知所从则以待其所用也

日月为常交龙为旂通帛为旛【之然反】杂帛为物熊虎为旗鸟隼为旟【音余】蛇为旐全羽为旖析羽为旌

胡伸曰大常王之旗也周以日月为常日往月来未尝以止惟其无常可以为常者道也物者事也王所事者道臣所事者事故王所建曰常臣所建曰物也【○方氏曰司常言设日月者无龙章设龙章者无日月特牲言龙章而设日月乃与周礼不同此杂记前代之礼】

郑锷曰九旗各画物因物以立名胡为日月熊虎鸟隼 蛇皆取二物交龙则取一物而通杂帛又皆不取一物邪尝读邹阳之防观交龙骧首之言窃以为交者蛟也若谓画龙一升一降则交龙骧首之言非矣以 蛇鸟隼例而推之交龙宜作蛟龙亦是二物也通用帛全用帛析其羽全其羽皆不二物又无取于画也不用画则因物以明义而已

郑康成曰通帛谓大赤从周正色无饰【○郑锷曰周人尚赤则此通用赤帛尔其他如旂之青旟之白旐之黑常之黄不全用赤可知先儒谓九旗之帛皆用绛失之矣】○郑锷曰以帛相杂者名曰物易曰物相杂故曰文唯杂众色故文物为可观郑谓以帛素饰其侧白者殷之正色也徒取殷白色以为言一色之白何足谓之物而彼谓之白素饰侧者盖有疑于用绛之说亦失之矣【○项氏曰通帛以象明辨而守正也杂帛以象事物之为杂也】

项氏曰熊虎西方之兽熊毅猛师都谓乡遂大夫统众而为军 者也以其在国都而成师焉鸟隼南方之物剽锐而能击【○郑康成曰鸟隼象其勇防也】州里则六乡之羣吏所建也 蛇北方之物 智而蛇果【○郑康成曰 蛇象其扞难辟害也】县鄙则六遂之羣吏所建也以其同居故谓之里以其在国之鄙故谓之鄙○李嘉防曰此三物师都乡遂之官所建以蕃屏扞衛于王

易氏曰王之视朝无非道焉道贵乎浑全故以五采全羽饰之王之游田无非事焉事贵乎辨析以五采析羽饰之○郑康成曰全羽析羽皆五采系之于旐旐之上所谓注旐于干首也【○贾氏曰云注旐于干首尔雅之文也若然则此旐旌非直有羽亦有旐故郑引尔雅注旐以证旐旌明其两有是以干旐诗云子子干旐子子干旌郑彼注云首皆注旐焉明干首旐羽皆有之此虽据旐旌旐羽并有至于大常已下皆有明矣夏采云乘车建绥复于四郊注绥以旐牛尾为之缀于幢上是其旌首皆有旐之验也全羽析羽直以羽而无帛而郑云九旗之帛者据众有者而言或解以为旐旌之下亦有旐旐而用绛帛也其旐之下旐似不用绛故尔雅云

缙广充幅长寻曰旐继旐曰旐诗云白旐央央○李嘉防曰旐旌是小旗道车旂车所载不乘大旗而插小旗】

郑锷曰命旗之名儒者以为有取于制字之意画日月者名曰常常久也日月得天而能久照王者之道万世有常而不易也画交龙者名曰旂旂之为义取诸斤也斤之絶物不犯所画尤为有辨旂者诸侯所建出则有君道入则有臣道为有辨也全用帛者名曰旛旛之为义取诸亶诚之意 卿在朝赤心事主以诚信为先也画以熊虎者名曰旗旗之为义取诸其也其者物之辞惟威足以服物及可以 物而使之【○李嘉防曰旗者与民相期集也】画鸟隼者名曰旟旟之为义取诸与也动有礼文趋事急疾人孰不我与哉画 蛇者名曰旐旐之为义取诸兆也兆者事之所始也公邑闲田民众至多而军伍之法实兆于此也旗不用帛独取于鸟羽全而用之名曰旐析而用之名曰旌旐之为义有取于遂旌之为义有取于生全羽者道车之所载王以朝夕燕出入由道而行也析羽者木路之所载王以田以鄙有所旌别也立名不一故取义不同

陈君举曰交龙为旂熊虎为旗鸟隼为旟 蛇为旐即左青龙右白虎前朱雀后 武四方之所建也日月为常则居中以 麾之故招摇在上急缮其怒矣乃知五花阵从古而然八阵图之四魁八尾亦此法也

及国之大阅赞司马颁旗物

郑康成曰仲冬教大阅司马主其礼○王昭禹曰辨旗物之用正掌于治兵之官而司常无所用赞至于大阅其事繁矣辨鼓铎之用则如振旅辨号名之用则如茆舍辨旗物之用则如治兵故司常赞司马以颁之

王建大常诸侯建旂

郑康成曰王画日月象天明也诸侯画交龙一象其升朝一象其下复也

卿建旛大夫士建物师都建旗州里建旗县鄙建旐黄氏曰 四命卿六命言 卿自中大夫以上皆建旛【○王氏曰师都则 卿也于其事上谓之 卿于其泄众谓之师都于其泄军又谓之军吏】○郑康成曰 卿不画言奉王之政教而已大夫士杂帛言以先王正道佐职也【○黄氏曰杂帛为物必有以为大夫士之别】师都六乡六遂大夫也谓之师都都民所聚也画熊虎者卿遂出军赋象其守猛莫敢犯也州里县鄙乡遂之官互约言之【○贾氏曰州是乡之官里与县鄙是遂之官故總言乡遂之官云互言者遂之里是下士得与乡之州中大夫同建旗乡之里亦得与遂之县同建旐遂之鄙得与县同建旐乡之党亦得与州同建旗是互也言约者乡之族上从党同建旗比上从闾同建旐遂之鄣上从鄙同建旐邻上从里同建旗是约也但族师已下并鄙师已下皆是士官虽与在上大夫同建其仪数则短当三仪以下】

黄氏曰司常国容司马军容军容不免少有屈伸恐其遂以揜国容也故使司常賛司马于其入也尽反其旧焉九旗以爵秩尊卑职守内外为序谓之建常所建也师都六乡六遂长官也大司徒遂人致民皆有旗乡二千五百人为师故谓之师遂自九夫为井至四县为都井法成焉故遂谓之都五师万二千五百人为军不曰军而曰师遂官皆下于乡官一等郑谓乡遂大夫非也乡遂大夫皆不与于军师之事其职可攷乡自州而登为乡故州里别见遂自县而登为遂故县鄙别见道车象路旂车木路巾车象路建大赤以朝木路建大麾以田王行于道乘象路则载旛有所游观则载旌皆非其所常建也故谓之载凡此皆国容也

郑锷曰军旅之中所以一人之目者旗物也春官之司常与夏官之大司马或颁之或辨之职虽不同所以一军旅之目则一而已然王与诸侯或建或载不出乎大常与旂至于旛则卿建之矣师都又载之物则大夫士建之矣乡遂又载之旗则师都建之矣军吏又载之旃则州里建之矣百官又载之旐则县鄙建之矣郊野又载之变易不常何以一人之目邪余以为司常所颁者冬之大阅也司马所辨者秋之治兵也秋冬所教各不同则旗物所用宜不一盖兵事多变应变不一则教之之术不可以不多变故秋而治兵用旗物则异乎冬冬而大阅用旗物则异乎秋使民于秋已知其一于冬又知其一秋冬所用各不同而民之所习亦不一有旗物建于上有徽识被于身旗物不同则徽识不同仰视其旗俯观其徽虽百战而不乱奚患其不知所从乎又曰秋冬异教则旗物异用凡有职于军中者可以互建今也所建所载之官吏互不一其说果可攷乎余以为凡教民者欲其易知耳军吏也卿也师都也三者不同名攷其实则皆卿而已平日为卿有事则命为军所谓军者非军吏乎在朝为卿食采皆在师都所谓师都者非卿乎卿可以谓之军吏又可以谓之师都故所互建者旗也旛也所迭载者亦旗也旛也或曰军吏或曰师都不过皆卿耳人习知其卿岂不易知哉乡遂也大夫士也百官也州里也四者不同名攷其实皆大夫士而已判而言之则曰大夫曰士合而言之则曰百官乡则有州遂则有里曰乡遂者總名也曰州里者各举其一以名之其实则乡遂也乡遂州里之官皆大夫士为之大夫士者乃所谓官也故所互建者物也旃也所迭载者亦物也旃也或曰乡遂或曰州里或曰百官不过皆大夫士耳人习知其大夫士岂不易知哉郊野也县鄙也二者不同名攷其实皆公邑之吏而已乡遂余地与夫封王子弟之余地谓之公邑亦谓之闲田自其地言之名曰郊野自天子使吏治言之名曰县鄙夫公邑闲田之地既名郊野又名县鄙何也盖是田邑也有在六遂之县者有在采地之县者康成所谓一百里为州四百里为县者谓此地尔故所互建者旐也所迭载者亦旐也或曰郊野或曰县鄙不过皆公邑之吏耳人习知其公邑之吏岂不易知哉且夫周礼王畿之内官吏之众大抵有三节曰朝廷之卿耳乡遂之士大夫耳公邑闲田之羣吏耳民于每歲治兵大阅之时见闻习熟安其教训一旦有军事仰视其旗虽异其人易识安得不如子弟之衛父兄手足之捍头目邪

道车载旛旂车载旌

贾氏曰道车巾车象路也以朝朝所以行道故以象路为道车但在朝则建大赤今以朝夕燕出入则建旛也旂车巾车木路以田是防乐之所用故以旂车为木路但正田猎建大麾今小小田猎及巡行县鄙则建旌也○郑康成曰全羽析羽五色象其文德也○王氏曰旌旛言载

在车故也自旂以上言建则凡祭祀防同賓客建焉不必在车觀礼所谓上介皆奉其君之旂置于宫皆就其旂而立是也○贾氏曰此九旗總为大阅而言其道车旂车非为军事也○郑锷曰大阅之时王乘戎路而建大常象路木路从焉所载者旗旛与旌当是之时玉路金路不出故此但言道车旂车也【○黄氏说见孤卿建旛下】

皆画其象焉官府各象其事州里各象其名家各象其号

贾氏曰上言旌旗之大此言其细者○郑锷曰或谓上言九旗皆有属此言皆画其象何邪余以谓象言徽识之象徽识谓之属所以题别众臣使之知所系属而不散也盖画象之说皆谓交龙 蛇鸟隼熊虎凡着于旗者皆有画也既画于旗之上以为 麾又画于人之身以为徽识也若夫官府各象其事州里各象其名家各象其号形可画也事与名号如之何其画邪官府州里与家各画其物之形乃书其事与名号若曰某某之事某某之名某某之号杜子春云画当为书其说可取

郑康成曰事名号者徽识所以题别众臣树之于位朝各就焉觀礼云公侯伯子男皆就其旂而立此其类也○王昭禹曰官府则画六官象其所掌之事而书之【○项氏曰若治官则象治官之事教官则象教官之事】州里则画州里之名象其官名而书之【○项氏曰若鄉则象其鄉之名遂则象其遂之名】家则象其家邑之官象其美称之号而书之【○项氏曰大夫之食邑各象其家之号】事以其所治言民以其所命言号以其名之美称言○王氏曰官府异事所画象其事则足以相别州里及家无异事故于画象其名号以别之薛氏曰司马辨号名之用有六而此所言者有三司马分言之司常總言之耳且司马谓帅以门名又曰百官各象其事即此所谓官府各象其事家以号名即此所谓家各象其号都鄙各以其名乡以州名野以邑名即此所谓州里各象其名也

凡祭祀各建其旗

项氏曰凡祭祀各建其旗所以属众王则建大常诸侯助祭者百官执事者各有之【○郑锷曰王祀天乘玉路所建者大常今言各建其旗则四路皆从明矣○李嘉防曰以王推之则诸侯建旂 卿建旛大夫建物皆可知矣】

防同賓客亦如之置旌门

郑康成曰賓客朝觀宗遇王乘金路巡守兵车之防王乘戎路皆建大常○王氏曰防同賓客各建其旗者众之所防使各视旗而知所从焉【○郑锷曰賓客防同则乘金路亦各建其旗言亦如祭祀之时则革路木路亦从明矣】

易氏曰祭祀在郊庙无事乎旌门之置防同賓客在国外及方岳之下则旌门之置乃所以为王者营衛之仪掌舍云为帷宫设旌门设旌于帷宫之门则防同賓客之在外者可知也【○郑锷曰王为帷宫以暂止焉则置旌为门以表王之所在也】

王氏曰置旌门则置之而已于是掌舍受而设焉

大防共铭旌

郑康成曰铭旌王则大常也士防礼曰为铭各以其物

建廡车之旌及葬亦如之

贾氏曰在庙陈时以廡旌建于遣车之上及葬入圻亦建之【○郑康成曰葬云建之则行廡车解说之】○易氏曰巾车饰其车而司常建其旌也【○贾氏曰使人各执廡旌也】

凡军事建旌旗及致民置旗弊【婢世反】之

贾氏曰当大司马致众之时司常建之此言为及致而设也○王氏曰置者植之弊者仆之○郑锷曰军旅之事用旌旗以麾则掌建之始焉置之以致民使来终焉弊之以诛后至皆司常所掌也

甸亦如之

郑锷曰田猎无异军旅或置或弊宜不异矣

凡射共旌

郑康成曰旌者所持旌【○贾氏曰谓若大射服不氏唱所持之旌三侯皆有旌也】

郑锷曰射必用以旌明其中

歲时共更旌

贾氏曰受官旌旗用之者歲之四时来换易则司常取彼之旧典此之新○易氏曰与巾车歲时更续之义同○郑锷曰不曰旗而曰旌泛而言之旌旗一而已矣

都宗人上士二人中士四人府二人史四人胥四人徒四十人

郑康成曰都谓王子弟所封及公卿所食邑○王氏详说曰三等采地或谓之都鄙即大宰所司以八则待都鄙之治是已或谓之稍县都即载师所谓以家邑之田任稍地大都之田任疆地是已或谓之师都即司常所谓师都载旗是已或谓之家即司常所谓家各象其号是已或谓之都家即此所谓都宗人家宗人是已

易氏曰凡典礼者谓之宗在虞氏则秩宗在周人则为大小宗伯皆所以典天神人鬼地 之三礼也天子有宗伯诸侯有宗人春秋跻僖公而夏父弗忌为宗人此诸侯之宗人而都家谓之内诸侯亦有宗人焉都宗人家宗人是已【○薛平仲曰礼之渐莫重于 之渐莫重于祭春官之立始以宗伯掌建邦天神人鬼地 之礼终以宗人掌都家祭祀之礼一皆以宗名官者其事始终于此】陈君举曰案都宗人家宗人掌都家之礼都司马家司马令都家之众都士家士治都家之狱凡此者以地理隔絶去王城甚远故特设此官于县都之中以统临之而属于内官非谓此为采地之官与乡遂异制也【○孙氏曰分畿内而为都家虽各有封疆之限而不得专其政故八则治都鄙一曰祭祀以馭其神于是有都宗人以掌其祭祀焉二曰法则以馭其官于是有都则以掌其法则焉八曰田役以馭其众于是有都司马家司马以掌其兵甲马至于刑狱之事无不听于王朝者都士家士虽已阙而方士三月上狱讼于国比讶士掌四方之狱讼有治于士者造焉有乱狱斯往成之则有间矣记曰内诸侯禄也外诸侯嗣也是亦有合于先王之旧内诸侯不过禄田不容袭其地专擅其政】

掌都祭祀之礼凡都祭祀致福于国

郑锷曰大都小都不出王畿之内其所封者乃王之子弟与公卿也其地域有山川及因国无主后者为之长者所当祭也况又立其祖所自出之庙则其祭礼尤严立都家人以掌其都之祭祀之礼使其举之不敢废也非所当祭者不敢 也太宰有八则以馭之曰祭祀以馭其神又专立一官以掌其礼彼安敢有过差哉

王氏详说曰致福之事见于天官膳夫又见于祭仆都家宗人夫膳夫祭仆既云致福而此又言者盖祭祀王所不与则赐之禽都家亦如之上赐禽于下则下致福于上然致福者宗人也展宗人之致福而受之于膳夫者祭仆也受祭仆之致福而献之于王者膳夫也【○李嘉防曰必致福于国者皆所以导人心之正以全其爱君之念也】

正都礼与其服

王昭禹曰礼以定尊卑别贵贱辨亲疎而明分守而僭乱之生其防常起于衣服之间则正都礼与其服不可缓也【○郑锷曰所谓正者与其他所正之礼服异乃奉祭之服恐有偏上之嫌耳】

若有寇戎之事则保羣神之壇

郑锷曰郊有羣神之兆则有坛壇之制国有防戎之变固所当保也【○郑康成曰守山川丘陵坟衍之坛域】○王氏曰以其掌都祭祀之礼故使与小祝保神壇之在外者小祝言保郊此言保神之壇相备也【○李嘉防曰欲羣神之无警动】

国有大故则令祷祠

贾氏曰都宗人是王家之官王命使祷祠是都内之事明所令令都内之有司有事于神者

既祭反命于国

郑康成曰祭谓报赛也反命还白王○王昭禹曰祭之命上所出既祭反命于国则逆祀命者无有也【○王氏曰既祭反命于国则虽非国故祷祠亦必命之祭然后祭】

家宗人如都宗人之数

郑康成曰家谓大夫所食采邑

掌家祭祀之礼凡祭祀致福

郑康成曰大夫采地之所祀与都同若先王之子孙亦有祖庙

国有大故则令祷祠反命祭亦如之

郑康成曰以王命令祷祠归白王于 福又以王命令祭之还又反命○贾氏曰祷祠反命则与都宗人既祭反命同祭亦如之是祷祠讫王更命祭祭讫亦反命都宗人亦有此法文不具耳

掌家礼与其衣服宫室车旗之禁令

郑康成曰掌亦正也○郑锷曰都宗人不言宫室车旗之禁令独此言之者大宰有八则以驭都鄙有家之大夫宫室车旗之从其命数非八则之所驭不可以不正也

易氏曰扬雄曰节莫大于僭僭莫大于祭先王设都家宗人之官杜僭乱之原别嫌疑之渐其制礼之深意实寓乎此也【○李嘉防曰禁令与政令不同盖衣服宫室之制甚严观都人士之诗可见】

凡以神士者无数以其艺为之贵贱之等

刘执中曰神士谓明神理而仕者○薛平仲曰六典叙官未有无所命名而列之于数者特礼官之末有所谓凡以神士者以官焉谓之神士者不出于巫祝之间先王何为特淳复于此哉尝观周家五礼之制以事鬼神示为先六乐之作亦以事鬼神示为首先王之敬鬼神 者如是人之有能以致天神人鬼地示者要必选抡搜访其艺必有以通幽明之故知鬼神之情状者然后居之则仕进之贵贱而艺能之疎密可攷矣【○郑锷曰周家鄉举里选之法三歲兴乡里之贤能其次有府史胥徒及庶人之在官入仕之路清矣今乃有以神入仕之人何耶盖先王之于国则忧其有凶荒于民则虑其有札防以为幽冥之中有神者主之神之防位非人

人所能知也必有精爽不攜貳之人能齋肅中正有上下比义之知有光明宣通之圣有光照之明听彻之聰者或足以犹鬼神 之居而辨其名与其物者矣由是设为入仕之途使由此以进然后使之掌日月星辰之法○李嘉防曰男巫女巫无数先王既已言之今又言之恐神附于人如神降于莘之类得以惑乱其民神士之人又非男巫比虽艺之小者亦 之如瞽人之归于上而掌乐】

郑康成曰艺谓礼乐射御书数高者为上士次之为中士又次之为下士○王昭禹曰所谓掌三辰之法以犹鬼神 之居皆以其精于艺者为为之也

掌三辰之灋以犹鬼神 之居辨其名物

郑康成曰犹图也居谓坐也天者羣神之精日月星辰其着位也以此图天神人鬼地示之坐者谓布祭众寡与其居句【○贾氏曰神有众寡多少或居方为之或句曲为之也】○薛氏曰日月星辰谓之三辰日阳也月陰也星辰亦有陰阳焉陰阳之气有消息盈虚之理而三辰之法未尝不由之三辰之数有升降出入往来之变而鬼神 之居未尝不从之推陰阳而攷三辰观三辰以居鬼神 非知幽明之故不能也传曰太极运三辰五星于上元气转三统五行于下故知三统之合于三辰也日合于天统则天神可得而犹其居月合于地统则地 可得而犹其居星辰合于人统则人鬼可得而犹其居【○易氏曰天神位乎上其居为阳即日合天统之法而图之地示位乎下其居为陰即月合地统之法而图之人鬼位乎陰阳之间即斗合人统之法而图之大司乐云黄钟为宫而天神降函钟为宫而地示出圜钟为宫而人鬼可礼此即三辰合三统之义】犹之之法则神士者之所掌其法虽不可见大要坛场庙社左右前后各从其类而已故小宗伯位宗庙于阳之左犹日之生于东也位社稷于陰之右犹月之生于西也兆五帝四望四类各以其郊犹星辰之 次也神士者特能掌三辰之法犹其居而已建其位非宗伯不可也【○王氏详说曰楚昭王问于观射父而及重黎絕地天通之事射父所对详矣大约以谓古之所谓巫覡者以民之精爽不攜貳又能齋肅中正者为之使制神之处位次主是知凡以神士者巫覡之类也掌三辰之法以犹鬼神示之居岂非制神之处位次主乎】○王昭禹曰鬼神 虽幽深然皆丽乎陰阳不能无所居也辨其名则所命之名也辨其物则其色之物也

以冬至致天神人鬼以夏至致地 物彪【眉秘反】○郑康成曰天人阳也地物陰也阳气升而祭鬼神陰气升而祭地祇物彪所以顺其为人物也百物之神曰彪春秋传曰螭彪魍魎【○贾氏曰左传宣三年服氏注曰螭山神兽形魅怪物魍魎木石之怪文公十八年注螭山神兽形或曰如虎而噉虎或曰魅人面兽身而四足好惑人山林异气所生为人害贾服义与郑异郑以螭彪为一物故云百物之神】○薛氏曰致天神而人鬼与之荀卿所谓郊则并百王于上而祭之是已郊天合百王则郊地合物彪宜矣郑氏谓用祭天地之明日于经无据○黄氏曰是必有推候之法可睹之实至汉郊祀犹候神先下天子望拜则司乐六变天神降八变地 出九变人鬼格非无其事

以禴国之凶荒民之札丧

杜氏曰禴除也○王昭禹曰致天神人鬼地 物彪而祭之者以禴国之凶荒民之札丧故也
禴所以防之则欲在天者无凶荒在人者无札丧

總论宗伯官属

易氏曰春官设属最有统纪所典之礼五礼为先五礼之中吉礼为本是盖天秩天叙自然之理观大宗伯其用亦博矣实以天神人鬼地 为主然后小宗伯为之建国之神位肆师为之立国祀之礼而五礼从之自其设属而言虽五礼之用为不同莫先于祭祀之礼于是因礼事之缓急而为职掌之先后祭祀始于裸而告时告备之礼行焉故郁人先之鬯人次之鸡人次之尊彝几筵瑞玉命服之官又次之以至内外祭祀无不毕举而凶礼为谨终之事此冢墓职丧所以居五礼之末掌礼之职至此详且备矣礼之所至乐亦至焉又自大司乐以至司干凡二十职皆列于礼官之次盖圣人制礼所以检括人心而归之于中使之周旋鼓舞于声容之间而至敬存焉是乐之为用皆所以辅成乎是礼者也然礼者理也所以经理斯世者苟有一毫之不尽亦不足以为礼之至又自大卜而下皆卜筮之事大祝而下皆筮祝之事大史而下皆纪防书之事是虽文为制度之末而天秩天叙实寓其间圣人率是而行之始于宫庭达于天下其道甚大百物不废复以神士者终焉寧非吉礼为五礼之本乎

陈及之曰六官中惟春官典礼职事无可疑者然司服掌外朝之服当与内司服并建在天官典瑞玉器之藏当与掌节并建在地官司常巾车典路亦当在夏官今并列于春官者以礼仪等级隆杀升降所系故典礼者亦并掌之

總论春官典礼乐之职

黄氏曰右春官之属凡七十自大宗伯至职防为一节自大司乐至司干为一节自大卜至御史为一节自巾车至凡以神士者为一节其脉理之联络固已详言于前矣或曰先王于礼乐至矣然要其分职帅属之意犹有斯民不与焉者何哉尝观诸教官之属分为乡遂而乡遂之民凡關於礼乐之事者莫不纖悉以及之则礼乐固明達之天下矣及夫见诸朝廷行诸郊社宗庙百官有司之奉承典章文物之藩饰固有严之于上者而安上治民之功移风易俗之本则已潜孚默运于事物之表矣不然宗伯司乐何为皆以谐万民为功而正月之吉特不垂象者岂非感化之妙在彼而不在此耶

卿大夫士總数五百九十有四人

卿十有三人 中大夫五人

下大夫四十有八人 上士四十有九人中士二百有六人 下士二百七十有二人

周有六卿兼三 而为九此言周官卿数之定论也今攷于经六卿既各分职矣而国之六乡且有六焉后之六宫则又倍焉盖周之卿于是乎凡二十有四人矣夫为卿若是之众而言者

则曰六卿九卿何哉盖系之六典则曰六卿居于九室则曰九卿然事固有非数者之所能尽
间见于六乡六宫者不可得而略焉是皆属乎六典之中矣先王任人之道亦岂拘拘焉限于
其数而不求以集天下之治哉宜卿不嫌于众矣【○愚案说已见乡老下】

府史胥徒工之数二千五百十有四人

府百有八人 史二百七十有一人 胥百九十有一人 徒千八百有四十人 工百有四人

周官府史之数凡府一人而史必倍之此其例也惟春官之府史则有不然者或府之人多于
史之数而史之数或等于府之人大略为史者实简焉此其故何哉意者先王礼乐之具固府
藏之所当谨而礼乐之妙非文史之所能载故文书调度之可及者殆非制作之深意法而不
说之精微固有在彼而不在此也彼御史之史百有二十人而史又居于府之上者此变例也
盖所以掌赞书者有非一端

女奚之数百有二十人

女二十有四人

不命之官凡四

守祧奄八人 男巫无数 女巫无数凡以神士者无数

周礼订义卷四十六

卷四十七

<经部,礼类,周礼之属,周礼订义

钦定四库全书

周礼订义卷四十七 宋 王与之 撰

夏官司马上

薛平仲曰春官掌礼所以为厚天下之仁礼不足而后政及之所以为正天下之义仁以起天下不忍不由礼之心义以制天下不敢不由礼之心政典所以有法于夏【○郑锷曰夏者南方之时万物相见之地于五事为礼夏官掌政欲见政出于礼之意】○贾氏曰夏整万物天子立司马共掌邦政以平诸侯正天下故曰统六师平邦国

王昭禹曰马者甲兵之具王政所重故自夏官卿一人至中士十有六人皆以司马名官【○李景齐曰政莫大于军军旅之事以马为急大司马之职虽不言及于马以名官观之其意默寓若夫马质校人圉师之类属于夏官者马政之详可覆也】

惟王建国辨方正位体国经野设官分职以为民极乃立夏官司马使帅其属而掌邦政以佐王平邦国郑锷曰注谓政者正也上之所以正下也夏官独谓政官司马有九法九伐之制所以正其不正斯可谓之政矣王者之于邦国欲使各得其平司马佐之以政则平也易矣然政职以平邦国治职亦以平邦国何也治出于大宰则平之以道政掌于司马则平之以政治典则平于顺治之前政典则平于叛逆之后○吕氏曰自夏后氏命 侯掌六师举政典以誓众则邦政之掌于司马旧矣国之大事何者非政独戎政谓之政何也天下无事寓兵于农然后赋役百为始有所施是政之所从出天下有事举兵讨乱邦之存亡安危系焉其为政之大又不待论此戎政所以独谓之政统六师而谓之平邦国王者用师之本防特为邦国之不平者设耳

孙氏曰不曰掌邦兵而曰掌邦政政脩则兵可不试

政官之属大司马卿一人小司马中大夫二人军司马下大夫四人舆司马上士八人行司马中士十有六人旅下士三十有二人府六人史十有六人胥三十有二人徒三百有二十人

黄氏曰司马置属与五官稍异小司马而下有军司马舆司马行司马舆司马掌车行司马掌卒军司马兼掌之军司马如天官宰夫地官乡师以军名官其职可知【○易氏曰鲁防晋师于上鄆舆师受一命之服晋享六卿于蒲圃舆尉受一命之服所谓舆者车也晋作三行以御狄其后晋中行穆子与无终及羣狄战于太原毁车为行所谓行者徒也成周师田之法险野

徒为主易野车为主于是设二司马之属專掌车与徒之任异于五官】○李嘉防曰自小司马以下皆不见其职掌岂用兵之时他官兼权故职不见邪抑兵事尚密不当载之书邪二者皆是也先王不以兵机示天下五官治教礼刑事法无不着惟兵法不传后世司马法与孙吴尉繚等兼着皆先王所未有○陈君举曰仪礼阙军礼盖司马法即古军礼也古者百五十五篇今亡其百五十篇以其有者求之必非衰世权谋变诈者所能为也而谓之司马穰苴兵法非也

贾氏曰诸官皆云史十二人胥十二人徒百二十人独此官史胥徒多者司马大总六军军事尚严特须监察故也

凡制军万有二千五百人为军王六军大国三军次国二军小国一军军将皆命卿二千有五百人为师师帅皆中大夫五百人为旅旅帅皆下大夫百人为卒卒长皆上士二十有五人为两两司马皆中士五人为伍伍皆有长一军则二府六史胥十人徒百人

薛平仲曰周官序官之例未尝有序事之法惟司马所载制军之事为详而后官属之缓急始次第而举岂非兵者国之大事政典所用以平邦国者其规画固当蚤正欤自调民之法立民之从事于军者劳逸出入之相权而力常有余矣于是万二千五百人为一军有不容损益者自制军之数立国之有军者内外轻重之相制而势可得合矣于是王六军以至小国一军有降杀之等制焉军有定制帅其军者非威令素孚不行也于是大为之将而将皆命卿小为之长而长皆上士有以定尊卑上下之志焉军有帅则文移之往来政令之征召有不可略于是一军则二府六史十胥百徒有以为文书调度之备焉举军政之要莫先斯四者先王规画实为之井井绳绳而不紊观叙事之法可攷

黄氏曰凡制军谓有征行之事则制之县师所谓受法于司马以作其众庶乡遂各为一军而都鄙不与及制军或取于乡或取于遂或取于都鄙或徵兵诸侯所谓及师大合军是也万二千五百人为军多则增 孟津之防诸侯八百犹六师耳【泰誓王乃大巡六师】大国三军次国二军小国一军平居民籍足充其数非天子命伐有司马之法未尝作军也鲁作三军春秋讥之侯伯专徵兵诸侯亦分属于其军城濮之战楚为三军陈蔡属右军卫属左军盖古法自军将以下爵秩与乡官同诸儒遂谓皆六乡之吏非也伍两卒旅师军于乡为比闾族党州乡于遂为邻里鄣鄙县遂遂之爵秩逋降于乡一等邦国都鄙亦有乡有遂其爵秩亦当有高下及在军皆升之使与六乡等大抵军吏无小大皆主号令当使其人尊敬之二十五人之长爵中士意可见我艺祖阶级之法与三代暗合伍皆有长不必尽有爵以此见不皆为六乡比长防谓众多官卑略而不言非也五人之长号令狭虽无爵可也众多不置则或然官卑略而不言则不李嘉防曰先王兵制自五人以上必用命士一人为之长至二千五百人则用中大夫故一军之间卿一人中大夫五人下大夫二十五人上士百二十五人中士五百人下士二千五百人既是士大夫命士如此之多故各自爱不致冒昧邀功以自伤所以古者兵败止曰败绩不至甚斩首也后世止以首级为贵可伤也伍皆有长不曰下士而曰长长则功罪皆有所归

薛平仲曰军将命卿其来尚矣啓于甘之战乃召六卿常武之诗王命卿士南仲太祖太师皇父整我六师皆以卿而帅军也经谓军将命卿説者以为天地四时六官之六卿今攷六官中特司马掌兵余卿无与虽田役军旅之事互见六官然特为治事条目云耳初非为军将乡大夫掌六乡之政教禁令序官则曰乡大夫每乡卿一人则乡大夫亦谓之卿先王于六乡之中设为六卿亦于六军之中设为六将无事之时总万二千五百家为之长有事之际又总万二千五百人为之将帅此六军之将则六乡之卿非特此也以六乡言之自五家之比积而至于万二千五百家之乡以六军言之自五人之伍积而至于万二千五百人之军亦犹是耳五家比长以下士为之五人之伍其长亦下士则伍长者即向之比长二十五家闾胥以中士为之二十五人之两其司马亦中士则两司马即向之闾胥百家之旅师以上士百人之卒其长亦上士百家之党正为下大夫五百人之旅师亦下大夫二千五百家之州长为中大夫二千五百人之师帅亦中大夫然则军将之命即向之乡大夫明矣惟乡之政教禁令素行于无事之时而斯民之观感甚深服从甚久一旦起而为军而将军者又前日之乡大夫则前日观感服从之人皆为今日死节犯难之事郑氏谓凡军帅不特置选于六官六乡之吏自卿以下使兼官焉谓六乡之吏兼官可也何为复曰选于六官彼盖无一定之见岂知成周之时六乡六军之无异官乎晋悼公时魏绛为司马张老为候奄铎遏寇为上军尉籍偃为司马使训卒乘注以为军将皆命卿犹有先王之遗意

愚按此説以军将为乡之卿固然谓命卿非王朝之卿恐未然古者畿兵不出境若以王朝六卿兼掌六乡之军何害至邦国之军王制谓大国三卿皆命于天子次国三卿二卿命于天子一卿命于其君小国二卿一卿命于天子一卿命于其君经以二卿皆命于君者注以为误则命卿者非是命卿不使之将欲为将者皆出于天子所命之卿以见兵制虽备于邦国兵权不属于私人此是圣人统御诸侯防患之深意

总论调兵

愚按天子诸侯兵制已见司马序官惟周家起民为兵之制散见于经传周礼亦无明説説家注解杂见于司徒司马今并类聚于司马序官云其一小司徒大司马所谓可任者家三人二人者也其二小司徒所谓起徒役无过家一人者也其三汉志司马法所谓六十四井出七十五人者其四郑氏注小司徒引司马法成十百井三百家士十人徒二十人者

陈君举曰司马法曰四井为邑四邑为丘出马一匹牛三头是为匹马牛四丘为甸甸六十四井出长毂一乘马四匹牛十二头甲士三人步卒七十二人戈盾具谓之乘马然则小司徒所制大约民数以中家计之二家十有二人可任用者五人一井八家四十八人可任用者二十人司马法谓甸出七十五人者盖于一甸六十四井之中五百十有二家之内一千二百八十人可任用者择七十五人备征伐籍于司马【○陈及之曰班固汉志谓天子畿方千里提封百万井定出赋六十四万井兵车万乘是为万乘之主一井之田八家耕之总计六十四万井之田为五百一十二万夫耕者五百一十二万家以此夫家之众而供万乘之赋盖七家赋一兵则是甸出七十五人亦七家赋一兵如司马法之言无疑列国之赋皆同此数】

王氏详説曰车一乘合士卒七十五人则一卒所余在后卒复以五十人合二十五人为一车之士卒则所余五十人又在后车凡三卒四乘三旅为车二十乘三师而车百乘三军而车五百乘六军而车千乘此车人参两以相纠聯之法

愚按司马法天子地方千里出车万乘今六乡之车已及千乘总王畿之内可具万乘而有都鄙采地天子六军出于六乡故千乘因是推之诸侯三军止及三万七千五百人有车五百乘司马法云千乘者亦此意也故説者谓五百乘三乡所出千乘闔境所出

陈君举曰司马法又曰井十为通通为匹马三十家士一人徒二人通十为成成百井三万家革车百乘士千人徒二千人与前数差错者前言总籍民兵今言谓发民兵前言四井为邑四邑为丘今言井十为通聚零就整以什起数耳田制以八家为井起算兵制以十人为什起算各从其宜前四丘为甸为六十四井五百十有二家其籍于司马者七十五人今通十为成加三十六井二百八十八家则一成之中百井八百家调者止三十人以中家计之百井八百家约为丁四千八百人堪任使者二千人籍于司马者四百人有奇四分当兵之数其一分之强故八百家止言三百家番休者常五百家可见周家优民之至【○陈及之曰司马法言通十为成者亦并其地言之于一成百井之中三分去一只有六十四井成地与甸地等耳何以明之左氏记少康在纶有田一成有众一旅旅五百人一成之田百井夏氏地政三分去二而治其一则可耕凡三十三井井九百亩除庐舍百亩而十六家耕之孟子谓夏后氏五十而贡则颁田以五十亩为制如此则三十三井凡耕者五百二十八家家各赋一人举其全数而用有众一旅由是言之则通十为成者亦并其地言之若然周制于六十四井之中五百十有二家之内每七家赋一人凡七十五人故曰甸出甲士三人步卒七十二人额调从车则十七家而遣一人凡三十人故曰成百井士十人徒二十人而言三百家者盖一人行而十家合资之则行者三十人而三百家被其征调也故五百十二家止言三百家余二百十二家又留以须后如是则兵籍甚具行者益少所以壮国势休民力及其后王制败壞遂以甸出七十五人者尽调发之晋之成县县方百里而出革车百乘孙子谓兴师百万日费千金怠于道路不得操事者七十万家是一人行而七家奉之或者见此以为先王之制则失之】

陈君举曰周制每一车七十五人今甸出长毂一乘而止三十人无乃车多而人少乎曰古者军行凡革车一乘七十五人之外又有重车一乘载衣粮之属其士卒则有固守衣装五人廐养五人樵汲五人炊子家十人凡二十五人与正车为百人又备副车为补阙是车不得不多以一同之地论之车百乘士三千人每革车一乘重车一乘通百人则三千人凡用车六十乘余四五百人今依司马法籍者七千五百人调者三千人若是差舛何也曰大国三军盖诸侯三乡之地每家赋一人以足三军之数取其近地为之以为国家武备若其调则依司马法之制○又曰古者五侯九伯专征而诸侯皆共四方之事畿兵不出案诗文王出车云我出我车于彼牧矣自天子所谓我来矣幽王大东渐渐之石为东劳西逸而有不遑朝处之叹更以周官司马法参考王有四方之事则冢宰徵师于诸侯曰某国不道征之以某年某日师至于某国小宰掌其戒具虎贲氏奉书以牙璋发之诗常武王命卿士太师皇父整我六师冢宰也王谓尹氏命程伯休父左右陈行戒我师旅率彼淮浦小宰戒司马出征也程伯时为司马然则畿兵不遑征故刘文公平丘之防对晋人曰天子之老请率王赋元戎十乘以先啓行至

平王东迁以王人戍申甫而扬之水始刺之矣春秋之初从王伐郑犹有陈蔡卫之兵二百四十二年之间王人防伐屡矣左氏未尝见王师之出惟败绩茅戎王师自出春秋讥焉至战国时京师益弱诸侯强大往往犹畏之西周武公告楚犹曰一周当二十晋不百韩不足以伐周說辞虽或过实而事情亦略可据赧王伐秦尚从銳师以此知畿兵不用其力尚寬

大司马之职掌建邦国之九灋以佐王平邦国

贾氏曰此九灋以下皆言邦国以施于诸侯为主○郑锷曰九灋皆佐王平邦国之典然建牧立监大宰之事设仪辨位大宗伯之事制畿封国大司徒之事大司马之所谓建者特明其法以布告之○郑康成曰平成也正也【○愚按平字已见太宰解○王昭禹曰平邦国使强不得侵弱众不得暴寡以九伐所以正之等之作之维之糾之任之用之安之和之如此苟戾乎此然后九伐施焉则王之平邦国岂遽加以刑辟之威】

易氏曰言佐王以统御诸侯之权实天子之所自出

制畿封国以正邦国

陈君举曰九畿九服周制也要之法度所及止于六服书云六服羣辟罔不承德其朝贡尽如礼止于五服书云六年五服一朝是也○郑康成曰封谓立封于疆为界○郑锷曰制畿封国者下文所谓侯甸男采采以下是也既制为九畿之域乃于其中或封为五百里之公或封为四百里之侯或封为三百里之伯或封为二百里一百里之子男唯畿有定域国有定制则远近不相侵小大各相比邦国可正

设仪辨位以等邦国

郑康成曰仪谓诸侯及诸臣之仪辨别也别尊卑之位○郑锷曰设仪者自上公九命以至子男五命其国家官室车旗衣服或以九或以七或以五为节是也既设为九等之仪因其仪而为之位公一位侯一位伯一位以至子男同一位仪见于设饰之间而有隆杀位见于着定之际而有高下其法已定则等差以明名分以叙邦国可等

进贤兴功以作邦国

郑康成曰兴犹举也作起也【○王昭禹曰作兴诗所谓遐不作人书所谓作新民者同】○郑锷曰见于德行之谓贤见于事业之谓功贤可尊也受七命者进为八命之牧受八命者进为九命之伯功可録也或加之以地或进之以律进其贤者则不贤者自砺兴其功者则无功者知奋邦国可作

建牧立监以维邦国

贾氏曰此即大宰建其牧立其监【○林椅曰监乃属长连帅之比】○王昭禹曰九州之牧建之于上使有所统诸侯之监一国者立之于下使有所承则万国由此而相比维与诗所谓緇纆维之同【○郑锷曰二百一十国为州州有伯是之谓牧天子使大夫为三监监于方伯之国三人是之谓监既建其牧又立其监大邦小国丝牵绳连各相系属邦国可维】

制军诘禁以纠邦国

郑康成曰诘犹穷治也纠犹正也○贾氏曰制军上文大国三军等是也诘禁者士师有五禁天子礼诸侯亦当有○王昭禹曰诘禁或施于国或施于军或施于刑或施于誓随事以言诘之【○黄氏曰军禁即布宪刑禁康叔为庶殷长成王命之曰外事汝陈时臬司师兹殷罚有伦臬讞也言外诸侯以刑狱讞于牧长而为之师使庶殷刑罚有伦也是诘禁为牧长之职○郑锷曰无曲防无遏余无有封而不告无以妾为妻是谓诘禁有军以馭其乱有禁以诘其违则邦国可纠矣○李嘉防曰有军有禁当审所轻重而行之禁施于前军用于后必曰诘者诘其禁之不行则可以用兵矣】

施贡分职以任邦国

王昭禹曰贡以物言施贡则各以其所有职以事言分职则各以其所能施贡以任其财分职以任其力此之谓任邦国【○郑锷曰侯贡祀物甸贡嫔物男贡器物采贡服物是谓施贡甸服者日祭侯服者月祀宾服者时享要服者歳贡是谓分职贡已施则土地所有不敢不入职已分则职事所效不敢不共则邦国可任矣】

简稽乡民以用邦国

王昭禹曰万二千五百家为乡大国三乡次国二乡小国一乡所以处民也简选也稽攷也简其强弱稽其多寡然后众可用【○林椅曰稽其数而简其可任者师田以阅之】故曰以用邦国【○郑锷曰王国简稽六乡之民以为军旅诸侯之国盖亦同之特无六乡书云鲁人三郊三遂既有郊法则简稽其民而用之可也有民斯有兵有兵斯有节邦国可用】○黄氏曰邦国民籍皆在司徒军籍皆在司马乡民其精兵也即其籍稽而用之三代中外皆有精兵无过防偏失之患所恃者其兵皆知仁义礼乐之训不可与为乱而已【○林椅曰简稽之法具于乡遂师田之赋令于司马作于县师盖于其比聯可以稽其可任之数至车乘之政必丘甸合而后卒伍具】

均守平则以安邦国

郑锷曰城郭沟池任其万民均其守御无使国大而所守者狭國小而所守者广匡人达法则以匡邦国使无敢反侧以听王命无使职贡宜轻者或过乎则宜重者或不及乎则守均则力不困则平则心不疑而邦国可安【○王昭禹曰诸侯为天子守土则均守者均其地守也匡人达法则正邦国则平则者平其八则也都鄙非无守也以邦国为主邦国非无则也以都鄙

为主地守既均则遠近无相侵夺之患八则既平则高下无或僭忒之愆邦国于是安而无危】

比小事大以和邦国

郑康成曰比犹亲使大国亲小国小国事大国相合和也易比象曰先王以建万国亲诸侯【○郑锷曰大国恃其强足以吞并小国忘其微敢于倔强使大者不恃其强而絶之小者能尽其礼以承之则邦国可和】

总论

孙氏曰天官经理邦国者也故曰治夏官董正邦国者也故曰政司马统六师则九伐之法莫先焉先王姑后之首欲建邦国之九法何也盖九法皆政之大者所当脩明于国家闲暇之时九法常明诸侯皆归于康乐和亲之域奚以九伐为九伐特不得已而用之

以九伐之灋正邦国

郑锷曰诸侯有罪轻重不一至用兵以诛讨之必声其罪左氏曰有钟鼓曰伐言声其罪也○贾氏曰下文惟贼贤害民言伐此总言伐者皆以兵加其境

冯【皮冰反】弱犯寡则 【所景反】之

郑康成曰冯犹乘陵也言不字小而侵侮之○郑锷曰王氏本注說 字谓拙其爵命削其土地使强更弱众更寡若人之 瘦然未免与下文削之相似 宜如易有 灾之 用兵治之使若 灾然不能逃其患也【○李嘉防曰 之谓宣扬辞令以明其恶使之自 】

贼贤害民则伐之

郑锷曰伐如伐木之伐去其根本勿使再生之理贤足以长民贼之是不义民者邦所恃害之是不仁声罪而伐翦夷去之

暴内陵外则坛【音善】之

郑锷曰暴内则为恶于国中陵外则肆侮于四邻不可以为君宜除而去之如除地为壇之壇【○郑康成曰坛读如同壇之壇王霸记曰置之空壇之地置之空壇以出其君更立其次贤者○刘执中曰坛者时防发禁以诛之也】

野荒民散则削之

郑锷曰王者量地以制邑度地以居民为诸侯者有田野不能治至于荒芜有人民不能聚至于离散则不能保有其大也故削之使小如汉削诸侯王郡是也谯郡张氏曰先王知礼义本原起于稼穡之际故于农事常先天下之政诸侯助成王祭臣工之诗因其归而戒以农事由此故也先王巡四岳较诸侯之善恶其庆始于土地辟田野治其罚始于土地荒芜田野不治夫戒诸侯之事莫急于新畲之勤制诸侯之赏罚莫先于田野之政先王之意可知矣

负固不服则侵之

郑康成曰负犹恃也固险可依以为固也不服不事大也○郑锷曰侵如侵于之疆之侵説者以为粗曰侵又云浅曰侵谓略以兵加之盖恃险者必坐而困敌国攻险者必至于多杀入侵之以兵使知险之不足恃乃控制负固之良防

贼杀其亲则正之

郑康成曰正之者执而治其罪王霸记曰正杀之也○郑锷曰正者正也亲亲之道以三为五以五为九贼之杀之则是不知有人伦者也正者明其尊卑之序定其昭穆之等执而杀之可也卫侯杀其弟叔武晋人执而归之京师盖以正贼杀其亲之罪也而徒用医衍酖之失先王正之之法矣

放杀其君则残之

郑康成曰放逐也残杀也王霸记曰残灭其为恶

犯令陵政则杜之

郑康成曰令犹命也王霸记曰犯令者违命也【○郑锷曰以诸侯而抗天子之命】陵政者轻政法不循也【○郑锷曰陵政以诸侯而侵天子之权】杜之者杜塞使不得与邻国交通

外内乱鸟兽行【下孟反】则灭之

郑康成曰王霸记曰悖人伦外内无以异于禽兽不可亲百姓则诛灭去之也曲礼曰夫唯禽兽无礼故父子聚麀○刘执中曰灭者断尽其根使不生

总论

郑锷曰当其盛时制为九等之名以治轻重之罪其数若此

李嘉会曰九法九伐必曰九取阳刚而不屈也林椅曰邦国之事不属之司马则属之司寇如九法九伐职方氏之类见于夏官掌客司仪行人之类见于秋官者司马将以施邦国之政职

司寇之诘邦国无非纠而合之也若上无政刑虽曰封建其能安且治乎

正月之吉始和布政于邦国都鄙乃县政象之灋于象魏使万民观政象挟日而敛之

郑康成曰以正月朔日布王政于天下至正歲又县政法之书【○愚按余説见天官】

易氏曰政谓九法九伐之类布于邦国都鄙可也万民何与焉圣人惟能合民之情内外遠近通行无间而后可以言政

乃以九畿之籍施邦国之政职方千里曰国畿其外方五百里曰侯畿又其外方五百里曰甸畿又其外方五百里曰男畿又其外方五百里曰采畿又其外方五百里曰卫畿又其外方五百里曰蛮畿又其外方五百里曰夷畿又其外方五百里曰镇畿又其外方五百里曰蕃畿

郑康成曰畿犹限也自王城以外五千里为界有分限者九【○郑司农曰春秋传曰天子一畿列国一同诗殷颂曰邦畿千里】○王昭禹曰九畿又谓九服畿言其有界画服言其服王事郑康成曰籍礼差之书○黄氏曰政职司马政典所当奉行者也其主在兵故令赋在其下○郑锷曰政职者歲事之常大宰以九贡致邦国之用则政职之施本于大宰乃使大司马以九畿之籍而施之者先王之意以为列天下为九畿载于籍以为典故施之以职使奉承而无替不可不使畏王朝之威也德以怀之故大宰九贡可使之自至威以服之故司马九籍可使之不违

贾氏曰侯侯也为天子伺候非常【○王昭禹曰以言扞外而蔽内】甸者为天子治田以出赋贡【○王昭禹曰以言井牧其地什伍其民】男者任也任天子之职事【○郑锷曰言于此建子男之国】采者采取美物以共天子【○郑锷曰天子千里之外曰采地】卫者为天子卫守蛮者縻也以近夷狄縻系之以政教【○郑锷曰蛮之为言縉也遠王国者羈縻之足矣】自此已上六服是中国之九州自此以外是夷狄之诸侯此蛮服与大司徒要服亦一也要者要束以文教也夷者以夷狄而称也【○郑锷曰夷之为言易也又其遠者当以简易之道处之】镇者去中国稍遠理须镇守也【○王昭禹曰镇如四镇之镇以安镇中国为主】称此三者总号蕃服故大行人云九州之外谓之蕃国○王昭禹曰自侯畿至卫畿谓之中国所谓疆以周索也自蛮畿至蕃畿谓之四夷所谓疆以戎索也【○陈君举曰曹去王城八百里乃为甸服郑去河北密县百七十里乃为男服曹顺流极便郑有城北虎牢之险然则五服惟以便不便为义非若画为碁局然也】○王氏曰方千里曰畿则禹贡所谓甸服也甸服面五百里则为方千里矣其外侯畿甸畿禹贡所谓侯服也又其外男畿采畿禹贡所谓绥服也又其外卫畿蛮畿禹贡所谓要服也又其外夷畿镇畿禹贡所谓荒服也又其外蕃畿在禹贡五服之外○易氏曰此言外方五百里则以方言之非言面也以方言之是每面面二百五十里两面之方为五百里自侯畿至蕃畿通为二千五百五十里两面相距通为四千五百里并王畿千里通为五千五百里其增于禹者五百里之蕃服耳然周之蕃服虽不列于禹贡九州之外而禹贡九州之外或建五长东渐西被即成周蕃服之域是周之蕃服其名虽增于禹而地未尝增也○陈及之曰周九州之闲虽方七千里大概与四夷八蛮七闽九貉五戎六狄并

言之其实诸侯封守之地不如是广也然必兼夷狄言者以见当时王化所被者广九州之闲悉同贯利悉奉正朔朝贡与内诸侯无异故职方氏并言之或者泥大行人之說谓九州之外谓之蕃国自要服以上朝覲有常节贡赋有常职为内诸侯无疑也不知大行人亦约言之耳非必九州之内皆诸侯九州之外皆夷以王制考之西不尽流沙南不尽衡山东不尽东海北不尽常山凡四海之内断长补短方三千里是天子壤地之实其闲亦有戎狄错居其闲如鲁徐戎之类是又荆楚之地在江汉之闲自楚以南悉百越之地而衡山在楚之极南安在天子之封内邪推一邊而言则四旁可知矣○唐氏曰先王畿次内中夏外夷狄虽一视同仁必笃近而举远至画为九服要荒在外为之限禁其来有时所以止暴乱之阶遏侵凌之祸自尧舜三代所不废也【○愚按余說见职方氏】

林椅曰司马制军而建国之法具焉盖文王演易箕子明畴其营国营军同一法也故韩宣子适鲁见易象与鲁春秋知周礼之在鲁且以七万五千人随方圆曲銳可以应敌而不乱则分为九州轮为九畿自百里以至五百里之分宜无不齐则兵者政之所自出

凡令赋以地与民制之上地食者参之二其民可用者家三人中地食者半其民可用者二家五人下地食者参之一其民可用者家二人

李嘉防曰司马令赋必兼地与食言之酌民之力而后令之也故曰可用之数○黄氏曰军赋小司徒令之大司马又令小司徒掌民事通于军赋大司马掌兵而军赋所出不可以不知言凡自乡遂達于邦国都鄙矣康成独言令邦国之赋非也六乡亦以地之嫩恶人之多寡授田郑独曰如遂亦非也国野赋税异制而百亩之利必均上中下地嫩恶虽不等而以易田均其力故其歲入多寡亦不甚较据百亩计之上地入虽多而食者众故为三之中地食者少故为半下地食者益少故为三之一令赋必先使民食不阙而后共赋先足其食而后余用取具焉故曰必不得已而去于斯三者何先曰去兵司马主赋而民食先之异乎后世之为兵矣○郑锷曰說者谓上地中地下地非上农夫下农夫也以中等寄明上下之义耳上地者中地之上中地者中地之中下地者中地之下家八口以上则授上地上地乃有田百亩菜五十亩故得以食其半一人为家长可任者当二家五人此云上地食者三之二既非八口之上地矣又家出可用者三人又非八口共出七人之数故說者言用中等以寄明上下之义以为诸侯之国其制然也司徒言可任者以力役为主此言可用者以用兵为主

刘氏曰小司徒均土地稽人民周知其可任之数盖与此同而曰凡起徒役毋过家一人以其余为羨唯田与追胥竭作则司马令赋以地与民制之者竭作其羨于四时之田也或家三人或家二人或二家五人皆所以教之战也伍两卒旅师军为正兵者乡遂十有五万人而羨卒在外郊野都鄙之兵又在其外莫不军制其师师制其旅旅制其卒卒制其两两制其伍而大司马总其军而卒以为用也既习之以田猎又试之以追胥驰骋之而队伍罔差 刺之而进退用命为其可以起六军而行九伐也则家选一人而精强可获矣军无阙数战无败军由教之者众而用之者寡焉圣人之虑精密如此此司马所以肃诸侯而正邦国也乃因四时之田以教战也

林椅曰制军与令赋自是二事制军以夫家众寡为之施舍令赋视其地之可任之数且如一军万有二千五百人通以上地丰年计之役之三月而毕计当可任者一百十二万二千人盖力征财征自是二事故也尝疑王畿千里故天子六军千里之地以封公者四而大国三军是十有二军也况小大之国参错而居则举一州之兵不啻倍天子之军则封建为不利于王也又国益小而赋役益繁则封建为不利于民也然当时行之后世颂之何哉盖制军以命卿命卿所以简习其民耳上地可任者家三人丰年公旬用三日是一百十二万二千人之赋可役万有二千五百人三月而毕故侯国之兵不自用亦不足用也五伯之盛非得列国之兵则不能成兵车之防至其盛者亦不过成师以出其受伐者则有悉境内之兵以应之者矣是列国之兵可以守而不可用以行也故天子曰万乘诸侯曰千乘与夫三军六军之数亦数赋而约言之耳

周礼订义卷四十七

卷四十八

钦定四库全书

周礼订义卷四十八 宋 王与之 撰

中【音仲下同】春教振旅

郑康成曰凡师出曰治兵入曰振旅皆习战也四时各教民以其一焉春习振旅兵入收众专于农【○王氏曰春阳用事非兵之时○郑锷曰是时兵当藏也】

王昭禹曰振如振领之振振而整之也方其出则治之以行陈之事均服同食以一众心无暇整其仪饰及其入焉明尊卑辨贵贱此所以整之也○黄氏曰四时之田先教振旅王者之兵出于万全○李嘉防曰一歲之功必因春之兴作 生而后万物成振旅必于春示一劳而永逸也

司马以旗致民平列陈【直覲反下同】如战之陈

郑康成曰以旗者立旗期民于其下○贾氏曰熊虎之旗○郑锷曰司徒于大军旅大田役以旗致六乡之民遂人于起野役以遂之大旗致六遂之民民之目熟于熊虎之状从矣及是时乡遂之官致之而来司马亦以旗致之因民之所习熟者使之易知尔○王昭禹曰田猎所习无非军事故平列陈如战之阵平者高下如一之谓○易氏曰合其众以成列陈其列以为陈【○王氏曰虽如战之陈而平列阵则无事于战矣】

辨鼓铎【直各反】镯【直角反】铙【女交反】之用王执路鼓诸侯执贲【扶云反】鼓军将执晋鼓师帅执提【徒兮反】旅帅执鼙【薄兮反】卒长执铙两司马执铎公司马执镯

贾氏曰春夏秋各教其一必春辨鼓铎镯○郑锷曰春阳用事雷始出地于卦为震而鞞人冒鼓必以啓蛰之日教以此时从其类也○黄氏曰有节制而后能胜金鼓所以节制也故于教振旅辨之王虽亲征六卿分将元帅居中【甘誓常武】城濮陈有古法

郑锷曰路鼓四面之鼓王于军中自鼓军事宜执鼗鼓乃使诸侯执之自执路鼓何邪王道之大无所不通以道统众不必自执军中之事【○李嘉会曰路鼓不类大常非军事所宜用盖象人君声教当四达而无间】诸侯从王欲使军将以下皆听命故用之于诸侯○王昭禹曰鼓之大谓之鼗诸侯以敌王忤为事则执贲鼓○郑锷曰军将者卿六各为一军之将○王昭禹曰晋以进为义将以统众而役敌有进而已故执晋鼓○郑司农曰提读如摄提之提谓马上鼓有曲木提持鼓立马髦上者谓之提【○项氏曰提鼓之有柄者】○郑锷曰使师帅执

之者五百人之众左提右挈在掌握之意○陈氏曰鼙应鼙也大鼓谓之鼗小者谓之应○郑锜曰旅帅视师帅为卑故执鼙者鼓之小而卑者也【○项氏曰鼙以令鼓故旅帅执之】王昭禹曰军法自旅而上然后有旗以非旗不足以指麾故也自旅而上然后有鼓以非鼓不足以令众故也黄氏曰进则患怯退则患纷军将执晋鼓以锐其进卒长执铙以肃其退

郑锜曰百人之卒长知其当止则止故使执铙以止鼓二十五人之两司马知其当进则进故使执铎以通鼓五人之长曰公司马军制自五人始人之寡不能节制则众皆无节矣故使执镯以节鼓其职至卑其名乃同于司马欲重其权以服人也○王氏曰谓之公以别于私亦称司马所谓家司马是也○王氏曰鼓阳也尊者执之金阴也卑者执之铙以止鼓与阳更用事焉故卒长执之通鼓节鼓佐阳而已故两司马公司马执之○李嘉防曰贡鼓晋鼓提鼙铙镯铎之器考之鼓人或和鼓或节鼓或止鼓相杂成声以起其欢喜鼓舞之心而寓其进退作止之节踊跃感动而知所防范此金鼓相间而作之意

以教坐作进退疾徐防数【音朔下同】之节

郑康成曰习战法○贾氏曰坐作进退疾徐防数之节大阅具言于此略说○黄氏曰乡民自爲六军以卫天子出则从其教之也不惟四时田猎坐作进退鼓铎旗物而仁义礼乐之训行焉故三代之兵皆士也所谓干城腹心非虚语也大司徒施教法于邦国都鄙使之各教其所治民比闾族党州乡一用乡法教之三代教兵必如此而后可用○李嘉防曰兵事宜尚威武敏捷必以进退疾徐防数教民者观武王伐商六步七步乃止齐焉兵在于结陈之固进退之齐武侯八阵进则皆进止则皆止所以不可破齐之技击魏之武卒秦之锐士终不可以当桓文之节制者由此而已

遂以搜田有司表貉【莫驾反】誓民鼓遂围禁火弊献禽以祭社

王昭禹曰攻鬪而冒矢石人情之所不欲驰骋而逐禽兽人情之所同欲以情之所不欲者寓于所同欲之间此人情乐为之用而四时教战所以皆寓于田愚按鸟兽之害人者消然后人得平土而居之猎兽于田亦见害去而利可兴之意

项氏曰春田谓之搜搜择也春恐害物故择而取之不围泽不杀胎不夭妖不覆巢不取麋卵是搜也盖无事而不田曰不敬暴天物者不以礼搜而取之敬且有礼矣【○贾氏曰大□自狩田以下云云此亦当如彼春非大备故亦略言】○郑锜曰将田之初有司行表貉之祭司马以军法誓民所谓有司者肆师甸祝也肆师大田猎祭表貉则为位甸祝掌四时之田表貉之祝号则有司谓此二官明矣郑康成以爲大司徒考大司徒无表貉事其说非也○郑司农曰貉读为祆祆谓师祭也书亦或为祆○郑康成曰表貉立表而貉祭也○薛平仲曰表貉而后誓可以肃众【○李嘉防曰要之以神则民知敬而节制禁止自有所持循而不慢】○郑康成曰誓民誓以犯田法之罚也誓曰无干车无自后射立旌遂围禁旌 争禽而不审者罚以假马【○贾氏曰无干车无自后射者据汉田律而言世假马谓获禽所筭之筹争禽不审即罚去其筹】○郑锜曰虽教之有素一旦出田野临干戈安得不三令五申之此司马所以

誓之也○贾氏曰誓民即大阅羣吏听誓于陈前鼓者即中军以鼙令鼓鼓人三鼓以下○郑康成曰禁者虞衡守禽之厉禁既誓令鼓而围之遂搜田【○吕大临曰春者鸟兽孳尾之时君子養其仁心重伤生物之类至不得已而后取则多取之为暴不如寡取之围泽掩羣皆多取也取麋卵伤未成之物也大司马春搜田遂围禁则天子合围矣记言国君不围泽下于天子也大夫不掩羣则诸侯掩羣矣王制云天子不合围诸侯不掩羣又云不麋不卵与此异者王制所言不纯用周礼也】○郑康成曰火 火止也春田主用火因焚莱除陈草皆杀而火止【○郑锷曰月令仲春之月毋焚山林司马乃用火田盖春而焚莱将以田也春而焚山林伤生意也此所以有无焚之令】猷犹致也属也田止虞人植旌众皆猷其所获禽焉诗云言私其猷猷豸于公春田主祭社者土方施生也○王氏曰社者土 也○贾氏曰此祭社因田猎而祭非月令仲春祭社也

中夏教茷【蒲末反】舍如振旅之陈

郑锷曰诗曰召伯所茷又左传言晋大夫茷舍从之凡言茷者皆草舍也教茷舍者教以草止之法【○贾氏曰草字释茷止字释舍】军行而草止未有营垒之所草止之地防患尤严防患之道夜事尤急救之无素则是以众予敌矣教茷舍独于中夏以月令考之孟春草木萌动季春生气方盛惟夏之时生于春者至是益长长于春者至是益茂军屯其中患生不虞又况暮夜之时【○李嘉会曰春日振旅犹见振厉威武夏日茷舍如书所谓敬致南讹盖阳居大夏长養万物于时以茷舍教之见得兵以安集吾民为急】

羣吏撰【息转反】车徒读书契

贾氏曰羣吏谓军将至伍长各有部分皆选择其甲士步卒之等

郑锷曰昼而战目足以相识至于夜则惟以耳相闻苟不辨其号名则无以为别故命羣吏各撰述其车徒之数以知多寡之目又读诵其书契之文以辨名号之用军中之书契如后世所谓尺籍伍符先儒谓师田之简稽疑简稽不可谓之书契撰者述陈之义语曰异夫三子者之撰谓述陈为撰也先儒读曰筭然有改字之嫌读其簿书之籍使知其或用名或用号以为别目见耳闻名已习熟则草舍虽在深丛翳荟之中闻其号名皆知其为某人

辨号名之用帅以门名县鄙各以其名家以号名乡以州名野以邑名百官各象其事以辨军之夜事

贾氏曰辨号名者此帅以门名已下是也○黄氏曰号名为夜事今军夜有号康成以为徽识被之以备死事夫徽识缀于防上夜事将何以辨

郑锷曰帅为六军之帅【○郑康成曰谓军将及师帅至于伍长】公邑闲田谓之县小都谓之鄙【○郑康成曰谓县正鄙师至邻长】大夫谓之家【○郑康成曰谓食采地者之臣】乡谓六乡【○郑康成曰谓州长至比长】野六遂也【○郑康成曰谓公邑大夫】或以门

或以号或以邑或各以其名皆有一定之称为主将者名号若此为卒伍者从而称之耳闻而心知心存而意属暮夜之间亦识所从矣帅以门名【○黄氏曰帅皆卿也王城十二门自国中以达于郊分为乡六乡治之是则一乡二门故以门为号所引东门襄仲桐门右师皆是也○易氏曰以所居门名之见平日统御之方】盖门者人之所由以出入帅者人所由以进退取象犹门也县与鄙一为天子之吏一为公卿王子弟故各以其名所以别异其为某县某鄙之人大夫用号者则为美称也郑谓公卿大夫其身入朝其臣在采地若公山弗扰之类是以家号为名也【○项氏曰若费若成○易氏曰以见平日训治之素】六乡有六州长乡之军法至州而成故以其州之名名之言某州之师也【○郑康成曰乡则南乡甄东乡为人是也○贾氏曰甄为人皆当时乡名】六遂于邻长言邑中之政于里宰言掌比其邑之众寡于遂大夫言凡为邑者此六遂为邑之证也故言某邑之师○黄氏曰县鄙遂兵州六乡余兵居四郊者比闾族党州犹乡法也独不为乡耳故称州焉甸稍县都皆野也甸以县鄙见稍以家见稍不为家县都不为鄙则亦为邑天子使吏治之而通称为野王畿之兵尽在此矣都鄙自有主者○郑康成曰百官以其职从王者○黄氏曰百官有军事在军者各象其事以为号名○郑康成曰夜事戒夜守之事草止者谨于夜于是主别其部职

愚按芟舍之教乃下寨法专以辨军之夜事盖休兵偃师之时宿火而寝目固无见也衔枚而处耳固无闻也将以鼓铎而声之则所闻必乱将以旗物而徽之则所见必昧于是专以号名为尚而号名又必外假者所以防奸细及间谍等事先儒不知夜事与夜战不同多以管仲内政之作使之昼战目相视夜战声相闻引证司马夜事在于休兵管仲夜战所以用兵岂可同日语

其他皆如振旅

王昭禹曰若平列陈与夫以教坐作进退疾徐防数之节皆然

遂以苗田如搜之灋车 献禽以享祔【余若反】

王昭禹曰夏苗在田如去草而已为苗除禽兽之害故也如搜之法则其他表貉誓民鼓遂围禁之类皆与搜同○郑康成曰车 驱兽之车止也夏田主用车所取物希皆杀而车止【○贾氏曰车行迟故取兽少】○王昭禹曰夏田以车为主以物生于春长于夏以车驰逐而取之其利密于春之用火矣以东山之诗攷之其言曰敦彼独宿亦在车下则芟舍夜事宜用车矣○郑康成曰王制曰天子杀则下大绥诸侯杀则下小绥大夫杀则止佐车佐车止则百姓田猎【○贾氏曰引王制者据始杀讫而言毛诗传云天子 抗大绥诸侯 抗小绥据始杀而言也王制注佐车驱逆之车案田仆掌佐车之政设驱逆之车则佐车与驱逆之车异但王制佐车与田仆驱逆之车为一田仆佐车自是田车之贰曰佐】○王昭禹曰享祔则所谓以禴夏享先王○郑锷曰祔以饮为主四时之享皆用孟此中夏而享祔非常祭也盖因田而享也田已得禽则归而享祀犹战而得雉则归而告庙也然四时之田春秋祭社与祫维冬夏享庙何邪春田为民祈秋田为民报田以民事为主先成民而后致力于神

中秋教治兵如振旅之陈辨旗物之用王载大常诸侯载旂军吏载旗师都载旛乡遂载物郊野载旐百官载旟各书【音画】其事与其号焉其他皆如振旅

崔氏曰中秋陰气始肃在于杀物故用治兵为称○王昭禹曰旗物以作战也故以教治兵辨旗物之用○郑锷曰九旗曰常曰旗曰旛曰物之类其义不一自王而下以至于百官分而载之各寓意义于其间非苟然也得天而久照者日月之常治兵载大常所以见王者有常德而立武事之意凡旗之画皆二物旂独画龙相交非也交与蛟同诸侯于国有君道龙之象也入朝有臣道蛟之象也所以载蛟龙之旂熊虎之噬百兽畏之军吏者六军之帅当以威武为先载熊虎之旗使将卒畏威而趋令也通帛则不画他物纯而不杂也师都则公卿大夫王子弟之在都鄙者也尔身在外乃心罔不在王室所以载通帛之旛此言乡遂又言郊野则师当为都鄙之吏明矣杂帛为物则杂而不一也乡之分而为六其民散而为比閭族党之名遂之分而为六其民散而为邻里都鄙之号可谓杂而不一矣所以载杂帛之物 有甲以自卫蛇有螫以毒人皆北方之属也天地之气始于北方幽隐之所聚而 蛇者至幽陰之物画之于旐以示夫杀气之所始也先能自卫者然后可以杀敌所以载 蛇之旐书曰我则鸣鸟不闻谓也隼之物主击杀乃贪残之鸟也诗曰鹄彼飞隼其飞戾天易曰公用射隼于高墉之上彼乃鹰鸇之类安可与凤为伍邪此言鸟隼說者皆以为凤及隼疑当为鹰隼也与隼共文不可谓之凤明矣交龙取其能变化熊虎取其有威 蛇取其能自卫则鹰隼取其劲疾矣百官者六卿之属欲其临事之劲疾所以载鸟隼之旟凡行左青龙而右白虎前朱雀而后 武谓此四者然军法正成于乡遂而乡遂大夫乃不预四旗之列而载物者說者谓其象已属于军吏已无所将故也凡旗皆谓之载者言载之于车上也既有旌旗又有小徽识之上各书其事与号以为别识也【○郑康成曰书当为画事也号也皆画以云气】司常谓之画此谓之书王安石谓书详于画既书又画使人易辨而已余以为司常指大阅而言此指治兵而言大阅画治兵书各有所主不一法也

薛氏曰大阅阅军实而已治兵则军法在焉军法行前朱雀后 武左青龙右白虎则诸侯载交龙之旂于左军吏载熊虎之旗于右百官载鸟隼之旟于前郊野载 蛇之旐于后乡遂师都载旛与物于其旁然后王载大常于其中而加高焉故曰招摇在上此治军所以有军法也大阅则阅军实而已孤卿建旛孤卿之常及治兵之际向之孤卿即谓之师都故师都亦载旛大夫士建物大夫士之常及治兵之际向之士大夫即谓乡遂大夫士之帅众者矣故乡遂亦载物大阅之师都建旗治兵之军吏载旗者盖师都军吏皆以孤卿为之所以皆有取乎旗大阅之州里建旟治兵之百官载旟者盖州里之长即为军中之百官所以皆有取乎旟至大阅则县鄙建旐治兵则郊野载旐盖田役军旅皆王之事虽命服不同而同于四旂其所辨者有名号存耳若夫大阅有师都而无军吏治兵有军吏又有师都盖师都所以治徒役者也军吏所以将卒伍者也大阅以治徒役为主特有师都而已治兵以将卒伍为主亦治徒役者也故军吏师都并立焉大阅师都之所建治兵军吏之所载皆熊虎之旗则大阅所以威众者师都也治兵所以威众者军吏也皆以孤卿为之故其序在州里乡遂之上谓之吏则任以事也谓之师则帅其众也谓之都自采地言之也

王氏详说曰九旗之用凡有所将者有所画则日月交龙熊虎鸟隼 蛇是也无所将者无所

画通帛杂帛全羽析羽是也大阅之时孤卿大夫士与夫六乡六遂三等采地之大夫咸在师都都将都鄙之兵州里县鄙将乡遂之兵此师都所以有熊虎之旗州里所以有鸟隼之旗县鄙所以有 蛇之旐孤卿大夫士则从王耳此所以建旌建物也治兵之时孤卿大夫士不必尽出所以从王者百官也命卿之为军吏者三等采地及乡遂之兵皆属于命卿矣虽师都不过载通帛之旌乡遂不过载杂帛之物至于郊野虽有 蛇之旐邑外曰郊郊外曰野特四等公邑之大夫将四等公邑之兵以四等公邑之兵不属乎命卿故耳是以司徒于军旅田役以旗致万民乡师于四时之田以司徒之旗致众庶而郑氏皆以为熊虎之旗且司徒卿也卿当建旌而必建旗以其于师田则为军吏矣此熊虎之旗在司常则列于旌物之下在司马则列于旌物之上岂非以所将为主乎

總论

郑锷曰司常之大阅自王与诸侯而下有孤卿有大夫士有师都有州里有县鄙先儒之說曰师都者六乡六遂之大夫也州里县鄙者乡遂之官互见约而言之也且大阅之时内而国中外而乡遂远而都鄙公邑之兵宜无不在安有朝之孤卿大夫尽出而下则六乡六遂之大夫不出焉又其下则止于乡遂之官而已矣乡遂大夫与乡遂之官不过皆乡遂之吏既曰师都又曰州里又曰县鄙宁非杂而无辨乎大司马之茆舍自帅而下有县鄙有家有乡有野有百官先儒之說曰县鄙谓县正鄙师至邻长也家谓食采地之臣乡谓州长至比长野谓公邑大夫且自内而外则六乡也六遂也家邑也都鄙也是其序矣今先言六遂之县鄙后及大夫之家邑又其后乃及六乡又其后乃及野之公邑又其后乃及百官而都鄙不与焉又所谓县鄙者不过六遂之属耳特言各象其名家也野也百官也人非不众反不以名言之岂非杂而无辨欤大司马治兵自王与诸侯而下有军吏有师都有乡遂有郊野有百官先儒之說曰师都者遂大夫也乡遂者鄉大夫也郊者乡遂之州长县正以下也野者公邑之大夫也且师都之名一耳于大阅以为六乡六遂大夫至是又专指为遂大夫何也六乡有多大夫经之明文也至是又以乡遂皆为乡大夫何也乡遂可谓之郊野公邑闲田亦可谓之郊野至是分郊以为乡遂之州长县正以下分野以为公邑大夫何也岂非杂而无辨欤盖成周法制如织有经司常之大阅王也诸侯也孤卿也大夫士也不言可知若所谓师都者都鄙之长耳所谓州里者六乡之吏耳所谓县鄙者六遂之吏耳何以谓师都为都鄙之长盖四百里之小都五百里之大都皆众之所聚也自其有先君之庙言之曰都自其人民为甚众言之曰师则师都者非六乡六遂大夫明矣何以谓州里为六乡之吏盖一乡者五州之积里者即民所居之称州长言大攷州里乡师言受州里之役要皆指六乡言之则州里非遂之官明矣何以谓县鄙为六遂之吏盖一遂者五县之积遂有县正有鄙师故通以县鄙称之遂为县鄙犹称州里知其为乡也则县鄙者非乡之官又明矣大阅之际内而六乡外而六遂远而都鄙皆以兵从其为法制真不乱也今谓师都为六乡六遂大夫安得不杂而无辨欤虽然大阅有县鄙茆舍亦有县鄙其名则同其人则异夫茆舍与大阅法制如一所谓师都即孤卿耳百官即大夫士耳乡以州名即六乡耳野以邑名即六遂耳家即大夫之有采地者耳若夫县鄙则公卿王子弟所治之地与大阅之县鄙异也经称县鄙固有二說以六遂之中有县正有鄙师故举县鄙以名六遂以小都之田任县地而大都在王之鄙故公卿王子弟所治之地亦以县鄙名之是其名则同其人则异今攷大阅之县都知其为公卿王子弟之所治者以其序在家乡野之上由小大之

序知之非特小大之序可知观经言各象其名亦可以见何则遂之县都统于一遂不当以各言之惟都鄙然后可以谓之各盖各象其名则知所谓县者自是小都所谓鄙者自是大都也非特芑舍与大阅法制如一乃若治兵之制亦然何则治兵所谓军吏即大阅之孤卿与芑舍之帅也所谓百官即大阅之大夫士与芑舍之百官也所谓师都即大阅之师都与芑舍之县鄙也所谓乡遂即大阅之州里县鄙与芑舍之乡及野也若夫郊野则指公邑闲田之吏而已与乡遂之郊野异矣盖内而乡遂外而都鄙皆有闲田天子使吏治之谓之公邑县师六官所谓甸稍郊里之地域是也其地皆在郊野故總而名之耳然于大阅于芑舍皆不预者非在此不用其兵在彼不聽乎役也盖内而乡遂外而都鄙众无所不起则公邑之师理无不起而经俱不言者举内外以包之也由是言之周家之制可指而数未尝杂而无辨【○愚按余說见司常】

遂以猕田如搜之灋罗 致禽以祀祊【音方】

郑康成曰秋田为猕猕杀也【○郑锷曰秋气肃杀故田以杀为主】罗 罔止也秋田主用罔中杀者多也皆杀而罔止【○王昭禹曰以物成于秋所取者众故也王制曰鸛化为鷹然后设罟罗则秋用罗宜矣○郑锷曰罗之网物其取为尤急○王氏曰火之利不若车车之利不若罗】祊当为方声之误也秋田主祭四方报成万物诗曰以社以方【○贾氏曰郑以祊为误者祊是庙门之外惟祭宗庙及绎祭乃为祊祭今因秋田而祭当是祭四方之神○王昭禹曰春物始生故为民祈而祭社秋物既成故为民报而祀祊】

中冬教大阅

郑锷曰春秋凡书大搜大事大阅皆谓事之尤大也左氏为之說曰大阅简车徒也以大司马观之春教以铙鼓夏教以号名秋教以旗物至冬农隙则合三时所教者大习之故名曰大阅奚止简车徒而已【○王氏详說曰春辨鼓铙鐃铎之用夏辨号名之用秋辨旗物之用至冬则戒众庶修战法而及于旗物鼓铙鐃铎要之辨鼓铙者未始无旗物所谓以旗致民是也辨旗物者未始无号名所谓各书其事与其号也三时之田各以其所辨者为主耳】

前期羣吏戒众庶脩战灋

郑康成曰羣吏乡师以下○郑锷曰战必有法法不修则废未阅之前先戒之使修其法如乡师四时之田前期简鼓铙旗物修其卒伍之类是也战法既修然后合众庶以出田

虞人莱所田之野为表百步则一为三表又五十步为一表

郑司农曰虞人莱所田之野芟除其草莱令车得驱驰诗曰田卒污莱○易氏曰表以步度之步长六尺百步则一为三表是三表相去二百步又五十步为一表则四表为二百五十步矣大阅必用四表所以寓王者节制之师而大武之四表实象之盖周都西南一表在南所谓武始而北出矣振之而驷伐则有振铙作旗之义歷二表三表而至四表则再始以着往者也商

都东北四表在北所谓四成而南国是疆复乱以飭归则有鼓退鸣饶且郤之义歷三表二表而复于一表则乐终而德尊者也大阅亦然贾氏乃谓后表在北士卒由后表以至南表复回身向北以至后表与乐记之言不合乐记言大武则周家一代寓兵之良法当以乐记为正或谓三表相距各百步每表各六十丈何以容大阅之众若以开方论其势诚窄若据虞人菜所田之野则防野左右何有纪极郑氏谓左右之广当容三军此指一旁而言若左右两旁当容六军又云步数未闻则六军分行左右开张取其容六军之众不以步数拘也如此则地势广袤岂止容六军而已【○李嘉会曰必为表者为进退先后之节百步则一宜若不足以容六军自后而前至此百步而止若后之人不在百步之内亦何害也然百步止于六十步者后有骤趋不可远也○郑锷曰遇敌之地不一则教战之法亦宜不一今以二百五十步为定準坐作进退不出四表之中一旦遇敌或为员方曲直之阵或为鹳为鹅之阵其何以应变邪王者之兵以正取胜故教之之法亦不出乎正而已坐作进退不逾乎四表三鼓而皆作在此也兵法所谓人既专一则勇者不得独进怯者不得独退此用众之法也】

郑锷曰凡此菜野立表仆旗听誓鼓行以至于击刺如战之陈皆四时教战之常法不于振旅芟舍治兵述之独详具于此盖以明其为大阅故也

田之日司马建旗于后表之中羣吏以旗物鼓铎镯铙各帅其民而致质明 旗诛后至者乃陈车徒如战之陈皆坐

李嘉防曰四表止于二百五十步坐作进退步行趋骤为力不劳轨范易习民之左右顾瞻皆其乡党邻里自然情亲势一敌不可乘此古人结陈坚固也○易氏曰及田之日司马建熊虎六旂之旗于虞人所设后表之中据乐记舞位而言则后表当是在南一表于是羣吏如乡师以下以其旗物及鼓铎镯铙等各帅其民而致于大司马○郑康成曰质正也 仆也○易氏曰质明仆旗犹有后至者是慢令也○王昭禹曰前期既戒众庶矣又后至焉故必诛军法后期者斩而此言诛则方致民也下文言不用命者斩则知言诛未遽以死处之乃陈车徒如战之陈田之所习无非战法故车徒之所陈皆如战之陈焉○郑康成曰皆坐当听誓也

黄氏曰自此以前皆司马主之

羣吏听誓于陈前斩牲以左右徇陈曰不用命者斩之郑康成曰羣吏诸军帅也陈前南面乡表也○易氏曰众庶已集命之皆坐于在南之一表羣吏听誓则自军帅而下皆南面向表誓于陈前○王昭禹曰以小司徒攷之乃防万民之卒伍而用之以起军旅以作田役特掌其戒禁而已未尝掌誓记月令者谓司徒搢扑北面以誓误矣士师以五戒先后刑罚一曰誓用之军旅则誓众者士师也○黄氏曰战誓书所谓用命赏于祖不用命戮于社盖自此始以军法用人之死

郑锷曰坐而听誓斩牲以徇所谓三令五申也今见于司马法曰夏后氏誓于军中欲民先其虑也商誓于军门之外欲民先意以待事也周将交刃而誓之以致民志也车徒皆坐使羣吏聽誓者羣吏各帅其众有誓而羣吏听之则传达于所统之众简而易知无敢不从矣○郑康

成曰斩牲者小子也○王氏曰使民以其死刑诛不如是之严则民弗为使矣然前期戒众庶而后至可诛既陈而誓然后不用命者可斩

中军以鼙令鼓鼓人皆三鼓司马振铎羣吏作旗车徒皆作鼓行鸣镯车徒皆行及表乃止三鼓摠【音鹿】镯羣吏 旗车徒皆坐

郑康成曰作起也

愚案中军自注以为中军之将后之説者以大将之车将自居中所谓居鼓之将自击此鼓节制三军虽王亲征亦自击鼓遂引左传郤克伤于矢援枹而鼓之赵简子伏弢呕血鼓声不衰为证至鼓人指为军将师帅旅帅不思军将自执晋鼓不执鼙而执鼙自是旅帅所以易氏谓旅帅居军师之中故曰中军若以中军不可指为旅帅只云中军之将虽执晋而晋以鼙为令者盖晋以进为义军将鼓其晋孰敢不进度未敢进而鼓动宁免拂乎人情旅帅为百人之长下察人情知其可进以鼙令鼓然后中军执鼓之人三鼓以进之则车徒皆作可使之同心同力勇进而不怯矣

易氏曰中军以鼙令鼓则旅帅执鼙者也以旅帅居卒伍军师之中故曰中军鼓人皆三鼓则军将之执晋鼓者也司马振铎则两司马之执铎者也鼓行鸣镯则公司马之执镯者也【○郑康成曰伍长一曰公司马】当是时旅帅以鼙令鼓故军将三鼓而作之两司马振铎以通之可以作矣故羣吏作旗车徒皆作既作矣军将又鼓以行之公司马又以镯而节之可以行矣故车徒皆行及表乃止既止矣军三鼓以警之两司马摠铎以止之可以止矣故羣吏 旗车徒皆坐此谓自南表以至向北之二表所以象武始而北出观兵于盟津之时

又三鼓振铎作旗车徒皆作鼓进鸣镯车骤徒趋及表乃止坐作如初

郑康成曰趋者赴敌尚疾之渐春秋传曰先人有夺人之心○易氏曰言骤趋则士卒赴敌之心固勇于车徒之行矣然不可无以节之由是及表乃止而军将三鼓以警之两司马又摠铎以止之可以止矣故曰坐作如初此谓自二表以至向北之三表所以象再成而灭商战胜于牧野之时

乃鼓车驰徒走及表乃止

易氏曰于是军将又鼓以作之则车为之驰徒为之走【○王昭禹曰骤驰者车也趋走者徒也骤言聚其足而进驰言决围而去也徒以人言故曰趋走趋言其走之肃走言其行之速也】言驰与走则士卒赴敌之心尤勇于车骤徒趋者矣然亦不可无以节之由是及表乃止则教习已备而无事于坐作之节但止之而已此谓自三表以至向北之四表所以象三成而南克殷有余力功成而反者也

鼓戒三阏【若穴反】车三发徒三刺

郑康成曰鼓戒戒攻敌○王昭禹曰鼓声止谓之阌○易氏曰至此则鼓已三阌车已三 徒已三刺于此皆戒焉○郑锴曰每鼓一阌则车一 而徒一刺至三而止是谓节制之兵三 即书所谓不愆于六步七步乃止齐焉三刺即书所谓不愆于四伐五伐六伐七伐乃止齐焉之意【○易氏曰必三鼓者至于三则节制之正也故大阌之教表为三表鼓为三鼓车以三 徒以三刺坐作以三而为之止皆三之为节制也】

乃鼓退鸣铙且郤【起略反】及表乃止坐作如初

郑康成曰铙所以止鼓军退卒长鸣铙以和众鼓人为止之也○易氏曰谓至北之四表军将即令鼓以退之公司马复鸣铙以郤之于是军吏士卒回身向南而立复行至表皆为之止坐作如初此又谓自北之四表以至三表二表而复于向南之一表皆如上文之坐作其异者废 鐃鸣铙而已所以象四成而南国是疆五成而分周公左召公石六成而复缀以崇者也

遂以狩田以旌为左右和之门羣吏各帅其车徒以叙和出左右陈车徒有司平之旗居卒间以分地前后有屯百步有司巡其前后

贾氏曰遂以狩田已下總论教战讫入防田猎之事○郑康成曰冬田为狩言守取之无所择也【○王昭禹曰以大获兽守之以人为取之大者以冬物之成众也故冬田谓之狩】贾氏曰六军分三军各处东西为左右各一门○郑锴曰军中用辕以为门此乃用旌为和门何也以车为藩则仰辕以为门盖军行偶有所止则然也设为和门者田而教战欲使众心之和一也

愚按门分左右则人分彼此相胜相争由此而生名门皆曰和欲其进退由礼心无所争则和矣○

郑康成曰叙和出用次第出和门也○王昭禹曰叙者前后之伦也出以先后之伦则行者有叙而不乱矣然不先正其左右之行列将欲叙之有不可得故先分左右以陈其车徒又使有司平之使各当其分然后由左右而出者其行列皆正矣有司乡师也以乡师正掌田法而修其卒伍故平其左右之行列属于乡师也【○郑康成曰乡师居门正其出入之行列虽不见经居门正出入宜亦有司之事春秋传曰流旁握御轡者不得入车轨尘马候蹄是必有有司督察之也○黄氏曰有司谓伍长以上平正也各正其部署以结陈也和平一义也】○王昭禹曰军法自旅而上然后有旗盖旅师所建之旗也四两为卒五卒为旅此旅师所建之旗所以居于卒间以分地而调其部曲也【○贾氏曰军吏各领已之士卒执旗以表也○李嘉防曰百人之中旗分为两五十人为一队也】○郑锴曰司马以旗分地为二必以百步为准者近则士卒无所骋其能远则首尾不相应也【○李嘉防曰所谓步间容步队间容队也有司乡师也巡其前后视其广狭也】○郑康成曰前后有屯百步车徒异羣相去之数也【○黄氏曰司马法一成三百家出车一乘若皆以二家五人计之三百家为七百五十人田与追胥竭作自此以前卒旅车为陈至此车与卒异部前此列陈如战之陈教坐作进退至此逐禽有杀获之事故车与卒异部】

险野人为主易【以防反】野车为主

黄氏曰大抵兵分合为难分合有奇正而以野之险易制其宜然则一车三十人定法也增减进退其法默存乎其间郑居前之说未必尽然【○王昭禹曰宣王因田猎而选车徒故诗曰东有甫草驾言行狩此则易野车为主也又曰选徒器器搏兽于敖此则险野人为主也】○陈氏曰险野非不用车而主于人易野非不用人而主于车动则足以冲突止则足以营卫将卒有所庇兵械衣裘有所资诗云君子所依小人所腓则车之为利大矣昔周伐郑郑为鱼丽之陈先偏后伍伍承弥缝偏则车也伍二十五人伍从其偏也先其车足以当敌后其人足以待变古者车战之法略可知也【○礼库曰先王车战不求大胜求为不可败而已郑庄欲驱驰中原始为徼利之名故郑庄始用徒兵自中行穆子乃毁车以从卒自左师展始乘马自赵武灵王始用胡骑先王兵制败坏而不可复实自庄公始】

既陈乃设驱逆之车有司表貉于陈前

易氏曰驱谓驱禽兽使趋于围逆谓逆禽兽使不出围【○郑锷曰驱则自后驱之使出逆则自前迎之使入驱其后则兽无所逃逆其前虽欲出防而不可得】○王昭禹曰既陈则行列正矣然后可田焉故设驱逆之车者田仆也校人则帅之而已故校人曰田猎则帅驱逆之车则将田矣于是禘祭焉故有司表貉于陈前即甸祝掌表貉之祝号是也○李嘉防曰表貉者警人而欲其无慢心

中军以鼙令鼓鼓人皆三鼓羣司马振铎车徒皆作遂鼓行徒衔枚而进大兽公之小禽私之获者取左耳○易氏曰中军以鼙令鼓鼓人皆三鼓如习战之时则师田之法一焉○郑康成曰羣司马谓两司马也枚如箸衔之有繯结项中军法止语为相疑惑也进行也○郑司农曰大兽公之输之于公小禽私之以自畀也诗云言私其豷献肩于公一歳为豷二歳为羆三歳为特四歳为肩五歳为慎此明其献大者于公自取其小者【○郑锷曰大兽不公无以教事上之义小禽不私无以示及下之仁○李嘉会曰人逞其勇必不舍大而取小大兽必公者既非一人所可制亦非一人所専得所以必公于众者正欲合夫人之力也】获得也得禽兽者取左耳当以计功【○王昭禹曰不専取左耳则効功者疑于获一而効二取左耳以効功所以谓之馘也】

及所 鼓皆馘【胡楷反】车徒皆噪【素报反】

郑康成曰至所弊之处田所当于止也天子诸侯搜狩有常至其常处吏士鼓噪象攻敌克胜而喜也疾雷擊鼓曰馘【○易氏曰馘如马之骇○郑锷曰功虽已成敌虽已胜不可以不戒】噪譟也书曰前师乃鼓防噪亦谓喜也【○易氏曰噪如鸟之噪以示胜敌郑锷曰人心有踊跃之义】

徒乃弊致禽馐【于辄反】兽于郊入献禽以享烝

王昭禹曰冬物成而多可取者众故以徒为主凡田用火用车用罗非不用徒也特所主者有异耳○郑康成曰徒乃弊徒止也○黄氏曰徒取禽车列阵不动虽战亦然至此徒止遂献禽○郑康成曰致禽馐兽于郊聚所获禽因以祭四方神于郊月令季秋天子既田命主祠祭禽四方是也○易氏曰春社夏禘秋祫不言入献禽而冬烝独言之者以外行致禽馐郊之礼然后献禽于宗庙故谓之入○郑锷曰此战胜而归献捷于庙社之意也郊言馐兽烝言献禽岂用大于郊而用小于庙分而言之则禽兽有大小之殊合而言之兽亦可谓之禽也

總论

王氏详說曰田法大率详于冬狩以文意攷之亦四时所并用也请以搜田明之其曰执鼓执镯而继之以教坐作进退疾徐防数之节者即冬狩所谓中军以鼙令鼓以下为一节及三鼓以下为一节坐作如初乃鼓以下为一节是也其曰有司表貉者即冬狩所谓虞人莱所田之野为表百步则一为三表又五十步为一表又曰有司表貉于陈前是也其曰誓民者即冬狩所谓羣吏聽誓于陈前斩牲以徇是也其曰鼓遂围禁者即冬狩所谓中军以鼙令鼓车徒皆作继之以大兽公之小禽私之获者取左耳鼓遂围禁是也苗田猕田一如搜田但大阅之礼其徒车为甚备耳

陈及之曰四时教习遠如都鄙皆调 之大都之地去王城五百里则一年四次习于国内比屋竭作歲歲如是而民不亦劳乎大司马欲尽辨旗物号名之用故并师都郊野言之其实司马所教者止乡遂之人也而又递阅之亦不时俱起王畿之内乡党之间皆有习射之地歲时因民聚防而教之则民无道路之苦国家无烦扰之政而民皆精练矣诗云东有甫草驾言行狩建旄设旆搏兽于敖则周制田猎或尽习于东都也盖宣王以王畿之内东去王城遠甚民有来往之苦遂大防于东都所谓因田猎而选车徒也

杨氏曰春秋大阅一搜五治兵一狩二得礼乎曰何礼哉先王于闲暇无事之日修其军礼所谓振旅芟舍治兵大阅之政讲焉鼓铎旗物名号战法之用熟焉禽兽之害物者与其时之可杀者得焉得之之道又有节焉大兽公之小禽私之得不敢先享必献于鬼神焉是则先王之时田礼一举而有六善岂徒好兵而禽兽之获哉今鲁之大阅与治兵搜狩之举是未尝求先王之善意县师曰掌邦国田役之戒受法于司马以作其众庶大宗伯曰以军礼同邦国大田之礼简众也鲁之治兵不掌于县师不受于司马不同于宗伯此春秋所以不与也

林椅曰周家因祭祀而用田因田而教战王与诸侯军将之旗鼓特建之以教战陈之法王与诸侯不必亲亦不必成军也如今教习必立六纛五方旗之类又司马百步为一表为三表则三百步又五十步为一表则三百五十步耳步兵前后左右各二步车易战之法五车为屯十车为列前后相去三十步左右十六步险战之法十车为聚十二为列前后二十步左右四步队闲五十步险战皆半之又队闲容队曲闲容曲度百步一表则可教者仅一旅乡师出田法于州里遂师审其誓戒都司马家司马以国法掌其政学则是一旅以上随处自讲可也至大军旅则合而用之所谓及师大合军是矣

及师大合军以行禁令以救无辜伐有罪

易氏曰及者继事之辞未有师也谓时田以习战以为用师之备而已○王昭禹曰及师大合军谓命将或王亲征之时○郑锷曰大合军旅非以肆 也以行禁令所以申明乎九法也以救无辜所以明王者之仁也以伐有罪所以明王者之义也

若大师则掌其戒令蒞大卜帅执事蒞衅主及军器○易氏曰若有强梗弗率者负固弗服者与夫侵犯王略而自干天诛者天子于是亲帅六师方伯连帅从焉谓之大师大司马掌其戒令则方伯连帅以至军将师帅莫不受戒令焉【○郑锷曰或用师则大司马爲大将固当掌号令以指麾六军此言若大师则掌其戒令者盖此乃王亲出征之时也王自出军则王自将号令在王大司马惟掌戒令则专治六师之法而已】○郑康成曰蒞临也临大卜卜出兵吉凶也司马法曰上卜下谋是谓参之【○郑锷曰大卜作 之八命一曰征司马于出征之卜则亲蒞之以决吉凶】主谓迁庙之主及社主在军者也【○愚案庙社主见小宗伯】军器鼓铙之属凡师既受甲迎主于庙及社主祝奉以从杀牲以血涂主及军器皆神之【○贾氏曰小子职云衅邦器及军器彼官衅之而司马临之】○李嘉防曰蒞大卜衅主及军器惟大师则有之

及致建大常比军众诛后至者

郑司农曰致谓聚众也○黄氏曰致于王也故建大常比军众谓各以其党相联合也郑谓乡师致民于司马非乡师致六乡之民于司徒此当有邦国都鄙甸稍之民稍人受法于县师作其同徒輦輦帅而至者【○买氏曰司马而用王之大常者以上文大师王亲御六军故司马用王之大常致众若王不亲则司马自用大旗致之○王氏曰乡师致民以司徒之大旗则司马致民宜以王之大常矣凡此皆示其致民之命有所受之也】○郑康成曰比较次之也【○易氏曰比其伍两卒旅军师之全缺也】○郑锷曰诛后至则惩其不率而后期

及战巡陈眡事而赏罚

易氏曰及其成陈而战也巡其陈之队伍防数与夫车徒旗鼓之出入莫不眡之【○郑锷曰巡陈而视其勇怯】○郑康成曰事谓战功也○王昭禹曰眡其鼓铙镯铙旗物车从坐作进退之事有功者赏逆令者罚也

若师有功则左执律右秉钺【音越】以先恺乐献于社郑康成曰功胜也律所以听军声钺所以为将威也○郑锷曰军行必听同律而钺者大将所执也有功则执律者示师出以律而取胜也阳六为律左阳也故左执之钺所以主杀陰也右亦陰也故右秉之【○胡氏曰牧野乃誓王左杖黄钺右秉白旄以麾孔颖逵云杀戮用右手左手仗钺示无事于诛右手把旄示有事于教诗云左手执籥右手秉翟舞人所执于事便也】○郑康成曰先犹道也○易氏曰大司马左执律右秉钺以先【○愚案此防极是功虽胜大司马犹执律秉钺郤行而身先以见有功不伐安不忘危之意】○贾氏曰赵商问大司乐王师大献则令奏恺乐注云献于祖

与此异郑答曰司马主军事之功故献于社大司乐宗伯之属宗伯主宗庙故献于祖然军有功二处俱献以出军之时告于祖宜于社故反必告也【○王氏详説曰祖本仁故献恺在春官社本义故献恺在夏官○郑锷曰司马主九伐之法故献于社示法陰而行诛伐也○愚按恺乐説见大司乐】

若师不功则厌【于陟反】而奉主车

郑司农曰厌谓厌冠丧服也军败则以防礼故秦败于殽秦伯素服郊次乡师而哭【○贾氏曰曲礼云厌冠不入公门彼差次当緦小功之冠以义言之五服之冠皆厌以其防冠反吉吉冠於武上向内缝之防冠于武下向上缝之伏冠在武故得厌防之名○李嘉防曰厌冠奉主车以归于庙示有忝于祖矣】○郑锷曰无功非王之故也司马不能致果以杀敌也故自厌损明已之威令不伸以致然也不言无功见王师无败绩之理【○易氏曰不言败而言不功王者之师无敌于天下不特不功而已】○郑康成曰奉犹送也送主归于庙与社【○郑锷曰奉主车以归肆师助牵之故肆师云师不功则助牵主车】

黄氏曰司马教战有功无功皆其任也执律秉钺以先恺乐献于社先王有其事而无其心厌而奉主车先王有其礼而无其事

王吊劳【老报反】士庶子则相【息亮反】

郑康成曰师败王亲吊士庶子之死者劳其伤者则相王之礼庶子卿大夫之子从军者或谓之庶士【○郑锷曰士庶子宿卫王宫者也王亲征则从王在军而属司马有死者王亲吊之司马相其吊劳之礼以其在军故也】○王氏详説曰成周之时其待士庶子也至有功则饮之食之有不幸之事则吊之劳之外饗云邦飨耆老孤子则掌其割烹之事飨士庶子亦如是是飨之以食也酒正曰飨士庶子飨耆老孤子皆共其酒是飨之以饮也此曰吊曰劳直谓车甲间有不幸之事

大役与【音预】虑事属【音蠋】其植【直吏反】受其要以待考而赏诛刘氏曰若国有城邑之大役司徒司空计虑其事则与焉○郑锷曰观左传宣十一年蔿艾猎城沂昭三十二年士弥牟营成周属役赋丈书以授帅凡大工役不可不先虑其事也大司马与虑于未兴工之前及兴工则属其植工已毕则受其要始焉虑之既已计其工役之用终焉不可不防计其效也司农谓植为部曲将吏引左传云宋城华元为植【○黄氏曰植版筑主帅也】而康成谓植为筑城桢榦未知孰是盖以木之植者谓之植则植者桢榦之木可植于地以筑者也筑者以植为主未尝闻部曲将吏其名曰植者也【○易氏曰植谓筑城板榦高博制度系焉则属之于司空】始焉虑其中焉属其植【○黄氏曰先郑以属为聚会后郑谓赋丈尺与其用人数二説盖相备】终焉受其要【○郑司农曰要者簿书○易氏曰要谓役人数目功程多寡系焉则受之于司徒】则本末纖悉无不周知然后可以待攷功而行诛赏焉【○易氏曰待攷而赏诛必以植要为本】违者有诛劳者有赏言赏而后诛大役既事行赏为先不得已而后有诛也○王氏曰大司马于大役与虑事欲知其故之可否属其植欲知人之多寡受

其要欲知其功之等差事成而攷之以行诛赏

大防同则帅士庶子而掌其政令

郑康成曰帅师以从王○王昭禹曰诸子之职曰若防同賓客作羣子从则帅士庶子而掌其政令在司马也【○郑锷曰或谓士庶子乃宫伯所掌司马何以掌其政令尝攷宫伯之职言邦有大事作宫众则令之所谓令者作而行之而已必須有统率之人以政令治之可也然则大防同之时令之而使属于司马明矣司马帅之以从王安得不掌其政令○黄氏曰宿卫则宫伯掌其政令扈从则司马掌其政令前汉郎官宿卫属光禄勳后汉又属焉】

若大射则合诸侯之六耦

郑康成曰大射王将祭射于射宫以进贤○郑锷曰賓燕之射用卿大夫为耦惟大射用诸侯以其射礼之尤大故也观礼乐者必以射射而有耦则揖逊而进威仪可观而射之能否亦易辨也大射六耦皆用诸侯使之同心一德以尊天子合谋并力以敌王忸也二人为耦二耦同射一侯则十二人也射人掌以六耦射三侯合其耦者乃在司马以其掌九法足以馭诸侯故也

大祭祀飨食【音嗣】羞牲鱼授其祭

易氏曰大祭祀谓庙享之礼飨食则礼公侯等于庙○郑康成曰牲鱼鱼牲也祭谓尸賓所以祭也【○贾氏曰大祭祀授尸祭飨食授賓祭祭者鱼之大胾即少牢云主人主妇尸侑食各一鱼加膾祭于其上膾谓鱼之反覆者公食大夫亦云授賓祭也若王祭则膳夫之授王祭是】○郑锷曰先儒谓司马授之司马夏官阴气所起鱼水物亦陰类故也窃谓鱼者沉潜深渺之物夏官之政足以及深遠则虽沉潜隱伏者可得而制之【○项氏曰诗曰谁能烹鱼易曰包无鱼皆以喻民众司马掌大师故共鱼】○刘迎曰鱼者易潰之物而不可扰也鱼扰之则潰民扰之则离大司马之于民作其徒役而用之于师田易以扰之故耳此祭飨所以命羞鱼牲者不扰之意默寓于中

大防平士大夫

易氏曰平则正防礼之职与其位也【○贾氏曰司马之属有司士主羣吏王防不得使司士故司马平之】

防祭奉诏马牲

郑康成曰王防之以马祭者盖遣奠也奉犹送送之至墓告而藏之

郑锷曰马则夏官所掌故防祭奉其牲以诏告乎神

小司马之职掌

郑康成曰此下字脱灭札烂又文阙汉兴求之不得遂无识其数者

凡小祭祀防同飨射师田防纪掌其事如大司马之灋贾氏曰小祭祀已下皆蒙此小字对大司马大祭祀之等

军司马 舆司马 行司马

易氏曰已上官阙而列于司马之后者以序官知之也义见序官【○李嘉防曰若札烂文阙则中间数语并阙可也何乃独留乃知用兵机要先王不敢轻泄于外以开天下后世智术之端至天下阨塞险要去处亦不轻以示人秦之图籍亦然深防人心之流于祸而多变也今七书百将传显防阐奥流布天下其启人之争何时而已】

愚案三代国容不入军军容不入国仪礼吉凶军宾嘉达于天下而军礼独藏于大司马号司马法若国有师田之事县师始受法于司马以作其众庶小司马之职掌不悉书而军司马舆司马行司马皆不备官有事斯置其不欲观兵盖如此

周礼订义卷四十八

卷四十九

<经部,礼类,周礼之属,周礼订义

钦定四库全书

周礼订义卷四十九 宋 王与之 撰

司勲上士二人下士四人府二人史四人胥二人徒二十人

贾氏曰军以赏为先故司勲列职在前○郑司农曰勲功也此官主功赏【○郑锷曰大功之目皆可纪之绩独以勲名官者曰以德立宗庙社稷曰勲人臣立功无大于此取以名官宜矣】

【愚案赏功莫急于战命官则名以勲见得功以辅王为主而战特出于不得已】

陈君举曰六功战居一焉而司勲 政官何也军政赏不逾时属之他官则司存散隔文告回复而壅底之患生况有害功者乎

掌六乡赏地之灋以等其功

郑康成曰赏地赏田也在逺郊之内属六乡焉【○易氏曰封国百里以至五百里非六乡之所能给是六乡赏地不过与官田牛田牧田并列而已以左传攷之昔郑伯赏入陈之功赐子展三命之服先八邑注谓八邑三十二井又讨衛疆戚田取衛西鄙懿氏与孙氏注谓取田六十井此赏田之明证即下经所谓参之一食者】等犹差也○郑锷曰功有小大地有美恶颁之之法以功为差而已观羣臣之功有为王而立者有为国而立者有为民而立者有兴事者有致治者有力战者随其功而目之因以第其高下而为之等然后颁以地焉谓之等其功

王功曰勲国功曰功民功曰庸事功曰劳治功曰力战功曰多

郑锷曰王功者辅成王业勤劳王室辅防孤以嗣王者之绪明王道以成王者之治即是功而谓之勲勲有薰烝之义谓其功之大薰烝宇宙上達于王也周公之有大勲劳是已国功者国尔忘家尽瘁事国凡所施为无非为国计者即是功而谓之功功者事有成效之义【○刘执中曰谓能左右其君造成王业创有天下若伊尹之相汤十乱之相武王太公之相成王萧曹之相高祖】独此名曰功盖人臣立功正以保全王国为主进而上名以勲功不足道也抑而下则曰劳曰力之类皆不足正名其功也惟为国而有成者正可谓之功如九旗皆旗独熊虎则正名曰旗五侯皆侯独侯服则正名曰侯之类民功者害为民除之利为民兴之或便于昔而不便于今则为民革之或兴于前而废于后则为民举之即是功而谓之庸庸者用也用者

通变之义治民者贵能通变以尽利易曰通其变使民不倦能通变者斯可以为民功也事功者或从王事或任国事或有所营为或有所创制黽勉从之不畏其适我也即是功而谓之劳劳有经营艰苦之意也诗人于从王事则叹其贤劳于远行从政则闵其勤劳任其劳者斯可以为事功治功者或平水土或辟草莱或任土地或防导沟洫即是功而谓之力力谓其用力以作为也记曰小孝用力传曰小人劳力孟子曰或劳心或劳力极其力者斯可以为治功矣

【○王氏曰孔子言禹尽力沟洫是也】战功者战以伐谋为上而以伐兵为下以正合以奇胜执俘折馘斩将搴旗奏恺而旋者是也即是功而谓之多多者筭数过人之义人筭其一我筭其十人筭其百我筭其千出奇无穷人莫能测以多筭胜者斯可以为战功矣多之为义惟战功可称周平王锡晋文侯曰尔多修扞我于艰史书周勃之功曰至城下为多当驰道为多皆指言其战功而已【○黄氏曰战功居下名之曰多言杀获已多可止也先王之兵诚用于不得已耶】凡是六功各正其名随名颁赏赏典重轻自然各适其当别而言之有六者之殊合而言之总以功名之可也【○贾氏曰六者对文为义若散文则通】

凡有功者铭书于王之大常祭于大烝司勲诏之郑康成曰铭之言名也生则书于王旌以识其人与其功也【○刘迎曰先儒释典庸器之序官既以庸器为铭功之器何至此遽改铭为名而谓书其名于王旌耶盖攷之诸经凡言铭者四汤之盘铭衛孔悝之鼎铭嘉量之铭林钟之铭皆刻而铸之于器者也今言铭与书为一事则铭岂书者耶而止曰凡有功者铭铭之为器有鼎有钟有烝彝之属非大常大烝可指名之也】死则于烝先王祭之诏谓告其神以辞也盘庚告其卿大夫曰兹予大享于先王尔祖其从与享之是也今汉祭功臣于庙庭○王氏曰大烝冬之大享当是时百物皆报焉祭有功宜矣○郑锷曰大常之书司常之职也大烝之祭大宗伯之职也司勲知立功之人当铭则诏之使铭当祭则诏之使祭铭于大常使与日月同其久也祭于大烝使与祖宗之神同享乎盛祭也可以见其报之之厚【○王昭禹曰必使司勲诏之则以有大功者其贰藏于司勲故也】

大功司勲藏其贰

郑康成曰贰犹副也功书藏于天府又副于此者以其主赏○郑锷曰秋官司约掌治功之约六功之约宜司约之所藏也先王之心犹虑夫约之或乱则失报功之心故凡六功之贰皆藏于司勲苟司约亡之其贰可攷于此则记功之心不替也藏其贰以为赏功之据

掌赏地之政令

易氏曰赏之轻重视其功此所以为赏地之政令【○郑锷曰赏之以地治其赋役之法以授之故掌其政令】

凡赏无常轻重视功

郑锷曰赏典之行何常有一定之制或轻或重视其功之大小而已此颁地之法所以尽至公也【○王氏曰事劳若一时有剧易战多若一敌有坚脆若此属不可为常故轻重视功】

凡颁赏地参之一食

郑康成曰赏地之税参分计税王食其一也二全入于臣○王氏详说曰周礼所谓三之一者见于大司徒又见于大司马其说有二初不可槩论夫司马所谓下地食者参之一谓下地授田百亩莱二百亩一年耕之二年休之此一说也【○郑锷曰赏地非田也田无不可耕之理也有可有不可者二分而一可食则一分可耕之田也】大司徒言诸侯之地四百里诸伯之地三百里其食者三之一谓诸伯受其二而以一归之天子此又一说也此所谓颁赏地参之一食当以大司徒所载之说先郑谓不以美田为采邑失之矣有功之臣赐之以下地岂成周重功臣之本意哉大抵先王之制外而五等所封之土亦以其余入于天子公之五百里其所入者半侯伯所入者三之一子男所入者四之一内而二等所食之采地亦以其余入于天子百里之地凡四都所入者一都五十里之地凡四县所入者一县二十五里之地凡四甸所入者一甸此无他尺地莫非王土耳

惟加田无国正【音征】

郑锷曰若有大功既赏以地又有加赐之田则无国征凡赋役皆免所以优有功而厚报之也盖赏地在远郊远郊二十而三固有征也加田则出于常制之外不敢取其征非有大功者不足以预此【○王昭禹曰国正谓以国法之正而征之与书所谓有正有事司书言九正九事同意夫一夫之家受田百亩征之则有常法矣加田所以优其功之多又何征之有】

马质中士二人府一人史二人贾四人徒八人

郑康成曰质平也主买马平其大小之贾直【○郑锷曰或谓地官质人亦掌成马贾又有马质何耶质人言掌市之牛马则人民所贸易者也马质主官府所用者质定其贾而买之于民】

薛平仲曰赏典所以振士气故司勲之官不可缓马材所以谨戎备故马质之官亦不敢后先王于岁时稽乡遂之牛马以辨其可任之物马之在民固无不足之虑而公马之备阙不以责乎民而取材于公以给之是以有马质以视其材之高下任之能否贾之多寡由之以别用之缓急由之以定而马固各适于用矣然马质宜校人之属今以中士之卑特先于校人中大夫之尊者盖掌主马之政而详及于六马者校人之官固在所当重量三马之材惟急于戎马者马质之官实在所当先先儒谓司马主军法序官前后不以尊卑为据直取其事急者居前事缓者居后其有见于此

掌质马马量三物一曰戎马二曰田马三曰驽马皆有物贾【音嫁】

易氏曰此言市马之政○王昭禹曰戎马谓共戎事之马田马谓共田事之马驽马者马之贱而共冗事者也【○黄氏曰驽马驾后车輜车】○易氏曰物云者国马之辔深四尺有七寸田马之辔深四尺驽马之辔深三尺有三寸其用各有等其材各有宜故皆以三物量之有物

则有价故谓之质○郑锷曰校人所掌者六马质人以质马为职只量三物何邪盖种马齐马道马欲其上善则育其种于国戎也田也弩也三马所用为甚众买于民以供用马质所质者买于民也故既视其三等之物又从而量其尺寸以知其所宜用或可任以戎者或止为弩以供杂用者量其高下又因以知其价【○黄氏曰种道齐非所给受也受马者书其贾马死则更然则马量三物者非为买马也防家谓列职于此为平马价非也】

纲恶马

易氏曰此言养马之政○王氏曰纲谓以縻索维之所以制其奔踴也【○黄氏曰不使扰羣且令受马者知其性】

凡受马于有司者书其齿毛与其贾马死则旬之内更旬之外入马耳以其物更其外否

贾氏曰所受之马谓给公家之使○王昭禹曰书其齿者书其齿之数书其毛者书其毛之色书其贾者书其贾之直将以防其养视之不慎使以其物偿之也【○黄氏曰齿则老壮毛则贵贱齿毛各有贾贵贱贾定老壮有进退】

郑司农曰更谓偿也○李嘉防曰受马于官未及旬而死安知非前之所养者失其职必欲后之所受者备偿其色様得无难乎盖前者失其养则后者不当受既受而马死必后者失职也责其备更则授受之时致养之际必不苟矣若夫旬之外死止以物色相类者入焉至于二旬之外惟入马而不拘以物色矣马质云者如今之马博士善晓马病善疗马疾医治已从知非所养者罪也

郑康成曰旬之内死者偿以齿毛与贾受之日浅养之恶也旬之外死入马耳偿以毛色不以齿贾任之过其任也其外否者旬之外逾二十日而死不任用非用者罪【○黄氏曰旬之内死全偿其贾旬之外以其物偿物皮筋骨也不及贾则附益之马肥齐容有不同也入马耳防抵伪也郑康成曰不偿齿贾其外否逯其死马而已】

马及行则以任齐其行

黄氏曰此亦颁马之政○郑锷曰马之驾车欲其如一戎事欲其齐力国事欲其齐足于能行之初则用物以齐之因其所任之轻重以别识其强弱盖不先以任而齐其行则驾车之际强弱不等矣

若有马讼则听之

易氏曰听马讼则养马市马之政皆得其平【○黄氏曰讼郑谓买卖之言相负非也买卖质剂自有主者马质主颁马之政令有讼则听之】

禁原蚕者

郑康成曰原再也○王昭禹曰物有异类而同乎一气相为消长相为盈虚其势不能两盛也以天文攷之午马为丝蚕则马与蚕其气同属于午也辰为龙马为龙之类蚕为龙之精则马蚕又同资气于辰也一歲之中苟再蚕焉则蚕盛而马衰故原蚕者有禁自非深通乎性命之理者乌能及此【○郑锷曰蚕者衣之原可劝之勤不可禁其再因其再而禁之抑亦先王之世不专用丝故坎嫔妇所化者有麻枲猎所得者有狐貉则虽禁原而衣不患不足○李嘉防曰今东南如兗 衣被天下蚕盛而无马西北苦寒之地有马而无蚕蓋可知矣】

量人下士二人府一人史四人徒八人

郑康成曰量犹度也谓以丈尺度地○薛平仲曰有司勲以励战士有马质以谨战备当陈师鞠旅以俟战也而军旅所聚不可不量地之所容以严其规画也于是有量人以量之则节制名分之定而人情喧嚣之禁蓋有截然不可干者然不寧惟军事为然平时申严建国之规使内外有定分人心有定守者大抵然也

掌建国之灋以分国为九州营国城郭营后宫量市朝道巷门渠造都邑亦如之

郑康成曰建立也立国有旧法式若匠人职云○王昭禹曰掌建国之法则以王国为主也○黄氏曰海内之地方千里者九三三比之是为方三千里也于是分建侯国画为九州牧伯之制详焉其界域则必因其名山大川○郑锷曰九州之制其来尚矣量人分而为九此主为建邦国造都邑而言之司空掌度地以居民欲使地邑民居必参相得匠人掌营国为沟涂之制则掌其营造之役乃若量人专主其丈尺广狭之法以此法分国为九州使广狭各适平则于其中可以容建侯国故也建国则外焉营王国之城郭内焉营王后之六宫又量其前以为朝量其后以为市使往来有道闾里有巷出入有门通利有渠也市朝之地则一夫道巷则或九轨七轨门则或九雉七雉渠则理孙以行水法皆出于此上言分国为九州指天下为国也下言营国城郭指王城为国也量地广狭以为之制此国之常也或谓建国而营城郭不言营王之寝乃言营后宫何邪蓋君治外则有朝后治内则有宫宫与朝虽有内外其尊则均也康成谓后者王与诸侯其說失之造都邑亦有城郭道巷但制度削小耳其說亦然蓋裁酌其制以授之也

营军之垒舍量其市朝州涂军社之所里

王昭禹曰垒谓军壁舍谓军舍○刘氏曰六军之行则营其所次之垒每军必有市有朝每州一师二千五百人五师为军各有涂道【○贾氏曰州即师也师皆有道以相凑之未必环绕为路】而军社则有常居之里【○李嘉防曰军社者社之在军者也】皆是量人制其广狭也【○王氏详說曰市朝州涂其采地之环涂坎天子经涂九轨环涂七轨野涂五轨环涂以为诸侯经涂野涂以为都经涂则是外诸侯经涂七轨环涂当五轨野涂当三轨矣内诸侯经涂五轨环涂当三轨野涂当一轨矣市朝之涂以文意攷之则为三轨】○郑锷曰营军之垒

舍非徒欲广狭足以相容又以社主为重所居之处欲其不防

邦国之地与天下之涂数皆书而藏之

郑康成曰书地谓方圜山川之广狭书涂谓支凑之远近○郑锷曰王者中天下而立欲通道于四方则邦国之地与天下道路所通之涂数凡有支凑之远近不可不知也必书而藏于此者以夏官掌九畿之籍而职方氏属焉量人掌其量度之法宜有其书也王昭禹曰营之则以制其分域量之则以知其所容书而藏之则以备其攷察所谓建国之法如此

凡祭祀飨宾制其从献脯燔之数量

郑锷曰献之礼始于裸献王即以肝洗于郁鬯而燔之制祭于主前以玉角酌酒以献尸后亚献是之谓从献在朝事之前裸事之后祭之末有加献故祭之始有从献以明祭之终始有隆而无杀然九献之中不以从献联数盖与加献同意也脯者薄析肉为之也燔者加于火而炙之也【○王氏详说曰正献之脯见于笱人所谓加笱之实菱苺栗脯正献之燔见于生民所谓载燔载烈○王昭禹曰从献者以所献牲牢为正而以脯燔为从也】数者多少之目也量者长短之制也【○王昭禹曰物之所共则有数器之所容则有量】仪礼所谓脯十脰各长尺二寸是脯之制也燔则不可攷【○愚案燔是炙肉】祭祀飨宾皆有从献之礼所用脯燔有数量存焉使量人制之者先王建官有专而用之亦有因而命之如巾车掌路路有鸾之声因使之鸣铃以应鸡人车仆等萃车以为屏蔽因使之大射共三乏则量人制脯燔之数量者因其掌尺寸量度之法故也

掌丧祭奠窆【昌绢反】之俎实

王昭禹曰奠谓遣奠窆谓穿土为圻其祭皆有俎实亦必量人掌之者以其制数量故也

凡宰祭与郁人受铎【古雅反又音稼】歷而皆饮之

郑锷曰祭祀之时又有宰制之礼量人掌量数亦得以饮福记曰宗庙之内敬矣君亲牵牲夫人賛币而从君亲制祭夫人荐盎此诸侯之礼也陆佃推制祭之节谓诸侯有享牛无求牛故制祭在迎牲之后天子有二牛故裸献则制祭诸侯之制祭则谓之制天子之制祭则谓之宰异其文者所以别尊卑也其义一耳当宰制之时尸既即席祝乃举铎角诏妥尸讫事则量人与郁人受举铎之余沥而皆饮之所以受神之福也郁人之言与此同郁人掌鬯以求神交神以德也量人制其量数事神以礼也事之如此其受福也宜均故同饮其铎歷焉者无余之意以见其受福之尽也先儒与王安石皆以宰为宰失之远矣【○王氏曰受铎歷而皆饮之受铎之他器而皆饮之也郁人于祭祀達其气臭以始之量人于祭祀制其量数以成之二者本末相成皆所以致福而達臭以始之者主王制量数以成之者主宰故郁人大祭祀与量人受举铎之卒爵而饮之量人宰制则与郁人受铎歷而皆饮之皆饮所以致福者尽矣】王氏详说曰案少牢馈食之礼主人受嘏执爵以兴出宰夫以笱受嗇黍主人尝之乃还献祝此

郁人量人受笋其亦出房之时欵以嗇黍授祝以爵授郁人量人祝助祭乎记曰夫祭有畀燂炮翟阍者惠下之道也【○愚案受笋见郁人】

小子下士二人史一人徒八人

薛平仲曰量人既量地以集师旅之众当其将战所以必其用命者要必有托以申警之故大司马则曰羣吏听誓于陈前斩牲以左右徇陈曰不用命者斩之而小子亦曰凡师田斩牲以左右徇陈蓋誓羣吏者司马斩其牲者则小子也斩牲者小子共其牲者则羊人也是以小子羊人次于此焉或曰小子羊人之职皆以祭祀为首非专取乎军事不思小子所谓祭祀者必先之以珥乎社稷羊人之掌羊牲亦曰凡祈珥共其羊牲蓋用师之际量人尝致严于军社之所里矣凡军之不用命者实于是乎戮之此固二官有托于誓师之先也或者又曰牲之可斩以徇陈者若不特于羊二职必以羊牲者果何意邪羊之为性嗜死而不慑人之当战亦欲见危而授命誓师之际岂不切于用哉夫有司勲以谨战功之赏人心蓋知劝于先矣而斩牲以戒其不用命小子又次之于后焉人心于此孰不乐其赏而畏其威哉命官曰小子或誓师者之所称如曰予小子非但以小事为名也当从识者问之

掌祭祀羞羊肆【他歷反】羊殽肉豆

郑司农曰羞进也○郑锴曰羊肆者肆解牲体而进之也羊殽者体解折节而进之也肉豆者以羊肉为醢醢之属置于豆中者也【○刘氏曰谓切肉而以豆羞者也○王昭禹曰醢人所掌四豆之实谓以豆盛其所实之醢而进之也】先儒云羊肆体荐全烝也或谓祭宗庙不得有全烝谓肆者豚解而腥之体解而爛之初朝踐则有豚解及馈献则有体解醢尸乃有熟正礼运所谓腥其俎熟其殽者宗庙之祭不得全烝故读肆为髣髴者解也小子所羞者如此

而掌珥于社稷祈于五祀

愚案珥当为弭如小祝所谓弭兵裁祈如小祝所谓祈福祥非衅事也易氏説见肆师

黄氏曰社稷五祀皆人所依以生者故皆有祷祈之事祭法聯序与宗伯小子同祭法曰王为羣姓立七祀曰司命曰中霤曰国门曰国行曰泰厉曰戸曰灶王自为立七祀诸侯为国立五祀曰司命曰中霤曰国门曰国行曰公厉诸侯自为五祀大夫立三祀曰族厉曰门曰行适士二曰门曰行庶人一祀或戸或灶是皆上下通得祭者非天子不祭天而天子与庶人皆得祭社尊父亲母之义也祭法七祀宗伯五祀司命泰厉非地类血祭者唯五耳月令四时祀戸灶门行中霤是也【○愚案余见大宗伯】

凡沈辜侯禴【如羊反】饰其牲

郑司农曰沈谓祭川尔雅曰祭川曰沈浮辜谓磔牲以祭也月令曰九门磔禴以毕春气候禴者候四时恶气禴去之【○王昭禹曰沈谓豨沈辜谓驱辜候谓候福禴谓郤祸愚案沈辜候

禴之义见小祝】○易氏曰饰其牲被之以文绣谓羊牲也【○黄氏曰饰之以歆神】

衅邦器及军器

郑康成曰邦器谓礼乐之器及祭器之属○王昭禹曰军器五兵鼓铎之属【○易氏曰甲冑戈矛之器】○郑锷曰凡物之用衅者皆谓始成之时也器始成则杀牲以血衅焉小子掌用羊血以衅也郑康成引杂记器成衅以豝豚谓此小子之职所衅者亦用豝豚不知此职所主者羊非豝豚也

凡师田斩牲以左右徇陈

郑康成曰示犯誓必杀之○郑锷曰师田有徇陈之事诛其不用命者也不用命者皆很而不率之人令小子斩羊以示之羊者至很之物宋义曰很如羊强不可制者皆斩之此类是也

祭祀賛羞受彻焉

贾氏曰賛羞若司马羞鱼牲之等此官即賛之受彻谓祭毕诸宰君妇废彻之时此官受之【○黄氏曰受彻将割剥而享之】○郑锷曰祭祀之事始则有羞终则有彻羊牲之羞司马事也始焉羞则小子賛之终焉彻则小子受之皆职之所掌也故始终皆任其事○王昭禹曰必使小子以所掌皆事之小故也

羊人下士二人史一人贾二人徒八人

王昭禹曰小宗伯毛六牲颁之于五官使共奉之而夏官掌共马与羊羊之用于礼为多此掌羊牲所以立羊人之官也

掌羊牲凡祭祀饰羔

易氏曰羊人之共羊牲如牛人共牛牲鸡人共鸡牲犬人共犬牲类也未为牲也数官择其纯者而取之于牧人然后命牧人卜其为牲者共之于充人至充人然后谓之牲此言共羊牲以其共而为牲

郑康成曰羔小羊也诗曰四之日其蚤献羔祭韭【○贾氏曰凡正祭皆用成牲今言饰羔则非正祭是以郑引诗为证夏二月开冰之时】○王氏曰饰羔若礼所谓饰羔鴈者以绩也○王昭禹曰羊人于凡祭祀饰其羊牲而已

祭祀割羊牲登其首

郑康成曰登升也升首报阳也升首于室【○贾氏曰郊特牲云用牲于庭升首于室注云制

祭之后升牲首于北墉下报阳者首为阳也三牲之首俱升此羊人所升故止言羊】

凡析珥共其羊牲

郑康成曰共犹给也

賓客共其灋羊

王氏曰法羊谓牢礼之法所用也【○贾氏曰言法即是依法度多少送于賓馆及道路如掌客所出是也○郑锷曰賓客之来王国饗飮之礼皆以爵等为之数其供也合于礼法故以法羊言之】

凡沈辜侯禴衅积【徐赐反】共其羊牲

刘迎曰先儒释侯禴禴祠之祝号则以侯为候嘉庆如祈福祥之属禴为却凶咎如宁风旱之属则侯与禴盖二祭矣至释此沈辜侯禴衅积谓侯四时恶气而禴去之是以侯禴为一祭也攷之羊人沈则沈豨以祭山川辜则臠辜以祭四方衅则衅邦器军器积则积燔禋燎【○郑司农曰积故书为眡眡读为渍谓衅国寶渍军器也】以是而推则侯禴用牲而侯禴去凶者也非一祭乎○王昭禹曰沈辜侯禴及衅小子掌其事羊人共其牲而已

若牧人无牲则受布于司马使其贾买牲而共之郑康成曰布泉也○王昭禹曰羊于礼之用为多故牧人或至于无牲则受其买牲之布于司马使其贾买而共之以羊人之属有贾二人能知物价者也郑锷曰或谓牲皆系于牢刍之三月系于国门然后可用使贾买之何以致其诚邪不思牧于牧人者共大祭祀固有国之常典买牲而共者特沈辜侯禴衅积之事他则不可也【○王氏详説曰地官牛人夏官羊人牛羊之用广矣牛人之职祭祀有享牛求牛賓客有牢礼积膳之牛飧食賓射有膳羞之牛军事有犒牛丧事有奠牛防同军旅行役有兵车之牛而羊人所谓羊牲者祭祀不过饰羔析珥沈辜之事不过羊牲賓客不过法羊而已此牛为大牢而羊为少牢也】

司燿【古焕反】下土二人徒六人

薛平仲曰司燿之职特掌行火之政令以救时疾序官必次于此何哉观韩诗外 有曰陰阳不和四时不节星辰失度灾变非常则责之司马知司马之政蓋通于天道矣○郑锷曰或谓秋官有司烜之职夏官有司燿之职俱掌火也何以分为二蓋司烜之取火也以夫燧用金锡为之西方之物也故属于秋官司燿之行火也观大火之星出没以示民使民观出内之时而用火夏令行于南方盛德在火尤为可见故属于夏官此其所以异【○愚案余説见司烜氏】

掌行火之政令四时变国火以救时疾

郑康成曰行犹用也○郑锷曰政令或因时而用因时而藏○郑康成曰变犹易也○郑锷曰火从而不变更则炎赫暴燥阳过乎亢以生疔疾随四时而更变之变之之法则鑽燧而改之春取榆柳夏取枣杏季夏取桑柘秋取柞櫟冬取槐檀四时各鑽一木时运而往火变而新用诸烹饪之间使之资以养生故疾不作【○王昭禹曰火之为物灼之则以烛以燎防之则以烹以饪逆而用之则强弱相胜而气无以为均顺而变之则休废相治而疾以之敕阳之盛则养陰之弱以抗其强陰之盛则用阳之强以救其弱使氏常得陰阳之正气而不溺于一偏斯能受正命以生死圣人善救人之道于此乎可见矣】

季春出火民咸从之季秋内火民亦如之

郑锷曰东方七宿心为大火出于夏之三月其位在辰伏于夏之九月其位在戌戌为火伏之位辰为火出之方古之火正或食于昧以出内火其或出或内皆视天之大火伏见以为节【○薛氏曰火之象在天既有伏见之时火之用在人亦有出内之节 曰火见于辰故自辰至巳其方为火所王当是时虽烈山焚莱不禁也何则因其王而出之以宣其气耳 曰火伏于戌自戌至亥其方为火所休当是时虽铄金烧薶不为也何则因其休而内之以息其气耳或者徒泥于出内之文谓火者民事之大者也季春则出之始用季秋则内而不用不几于废民事乎且出火于季春非谓季春之时始用火也出其新火而导達乎阳之气也内火于季秋非谓季秋之时而不用火也内其旧火而顺适其陰之气也司燿所谓四时变其出内之火宫正所谓春秋修火禁者修其内出之禁尚何季春始用而季秋不用乎昔子产铸刑书士文伯曰火未出而作火以铸刑器藏争辟焉是不知先王纳火之制也单襄公假道于陈火朝觐矣道茀而不可行是不知先王出火之制也○陈及之曰季春出火民咸从之季秋纳火民亦如之互言之也先纳旧火而后出新火春秋皆然也古者五行之官掌金木水火土火盛则制之衰则长之后世失其官官失其职故水有泛滥之患火有焚燎之害木不盛大土多湮旷金不从革无复先王之盛矣而区区究其末流其能已乎】

时则施火令

易氏曰施火令谓施四时变国火之令○郑锷曰宫正司烜皆谓之修火禁此谓之施火令者修则修其旧法使不废施则施其新令使人从也

凡祭祀则祭燿

贾氏曰祭防祭老妇也则此祭燿谓祭先出火之人【○王氏曰举火曰燿祭祀用燿故祭焉】○郑锷曰先王于有功之人未尝忘报如先农先蚕先卜皆有祭也而况鑽木出火以教人者乎

凡国失火野焚莱则有刑罚焉

郑锷曰国中失火则有延烧比屋之忧野中焚莱则有焚及山林之害大则有刑小则有罚亦

权罪之轻重而加之耳或谓春田则焚莱而司燿有焚莱之禁何也先儒谓春田用火之后擅放火则有禁罚吾以为焚莱者国搜田之时野焚莱则民无故而自焚不得不为之禁

周礼订义卷四十九

卷五十

钦定四库全书

周礼订义卷五十 宋 王与之 撰

掌固上士二人下士八人府二人史四人胥四人徒四十人

郑康成曰固国所依阻者也○郑锷日记言城郭沟池以为固易言王公设险以守其国险固一耳既设掌固又有司险盖在野谓之险在国谓之固野之险则山川自然之形国之固则人所捍筑以为防者也郑康成云国曰固野曰险观掌固所掌乃城郭沟池树渠是知王国之中人以为固矣

愚案掌固司险不列于地官而属于司马不统于职方特专于一职者盖司马所以统军旅之重而要害之地皆攻守之大计必有所守则边境无空虚之患

掌修城郭沟池树渠之固

刘执中曰浚沟之土所以为城也凿池之土所以为郭也沟池深于外则城郭固于内用其深以增高也渠又在其外所以出水因之设固植木其上守固之材出焉【○郑康成曰树谓枳棘之属有刺者○王氏曰古者有城守则树焉国语所谓城守之木是也有沟涂则树焉司险所谓设国之五沟五涂而树之以为阻固是也司险树之掌固修之】郑锷曰城郭本于筑者有时而倾沟池本于凿者有时而塞树则所植以为阻塞之木也渠则所导以通不行之水也渠有时而浅涸树有时而枯槁则吾所依以为固者不足恃矣故掌固修之盖治壤之名也

颁其士庶子及其众庶之守

郑锷曰有以修之无以守之无益也于是颁其士庶子与众庶以守焉○王氏曰士者公卿大夫之适而已命者也庶子者国子之倖而未命者也众庶则其地之人民逋守者也夫士庶子所使帅众庶而颁其守则远近均焉劳逸更焉○郑锷曰士庶子宿卫王宫之人使外与掌固之事者盖以所亲信者守之【○黄氏曰士庶子守固与宿卫王宫同其事任霍光曰函谷京师之固武库精兵所聚故以丞相弟为关都尉子为武库令汉人犹识此意○王氏详说曰宫伯云士庶子之在版者谓守于王宫也此谓颁其士庶子之守谓守于城郭等处也贾氏谓士庶子不合在城郭而掌固言此者兼掌士庶子宿卫之事失之】

设其饰器

郑锷曰守必有器如矛防之类器加以饰所以为观美之容【○李嘉防曰设器以为备必设

饰以为美观则险固之地斯壮而固矣如今门防之类】

分其财用均其稍食

王氏曰分其财用以给守事均其稍食以养守者○刘执中曰财用曰分随地守之所用也稍食曰均计功力之所当也【○郑镠曰守必有财用金城汤池亡粟不守故分之使无偏聚之处稍食守吏之禄廩其守固则其给宜均】

任其万民用其材器

郑镠曰万民近地之民居近则自任其责【○郑康成曰任谓以其任使之也】材则近地所出之财用【○易氏曰材谓材木可为桢榦者】器则土人所使畚筑之具【○易氏曰器谓器械可备任载者】守其地则用其材又用其器取之近地不劳于输将出于民则人各便其习而不患其扞格如是则固可以长守矣易氏曰周人守御天概以民为固以人心为本设其饰器所以耸动观听之具而又分其财用则随其地守之所当得均其稍食则计其功力之所当予凡此皆奋人心于平时之素也若夫城郭之所以为固者亦不过任万民而用其材器使其地之人自为守而已

凡守者受灋焉以通守政有移甲与其役财用唯是得通与国有司帅之以賛其不足者

黄氏曰凡守者皆受法于掌固故得通守政○郑康成曰凡守者士庶子及他要害之守吏通守政者兵甲役财难易多少转移相给也其他非是不得妄离部署○王昭禹曰甲兵有时而不足用则无以扞患力役有时而不足供则无以即工财用有时而不足给则无以同事以其有余者移之以足一时之所颁不亦可乎若守者则不可移故曰唯是得通○易氏曰与国有司帅之则非掌固之所敢专帅之于掌甲掌役掌财用之有司亦以賛其甲役财用之不足者○郑康成曰賛佐也【○项氏曰所以防其自妄予】

刘执中曰受法于掌固必通其守政不可执一隅而死其所守也与国有司帅其所移之物以賛其不足者此之谓通守政焉

昼三巡之夜亦如之夜三鼙【音戚】以号戒

易氏曰此掌固所设之法非其自巡也昼三巡则察其部伍之失次者【○郑康成曰巡行也行守者为众庶之懈惰】夜事尤谨故亦如之○刘执中曰此其守者受法于掌固也夜则不见其三巡故以鼙及号为信也【○愚案鼙字见鼓人缚师】○易氏曰每巡必鼓鼙鼙即鼓军事之鼗鼓也鼙其声也号则呼其所守者之名【○黄氏曰号即司马号名辨夜事者也】戒则警其所守者之事

若造都邑则治其固与其守灋

王昭禹曰上文所言皆王国之守固也若造都邑则治其固与其守法则都鄙之事○郑康成曰都邑亦为城郭○黄氏曰或曰鄙或曰疆守法详焉

凡国都之竟【音境】有沟树之固郊亦如之

郑康成曰竟界也○郑锷曰外焉国都疆竟之上【○王昭禹曰王国都邑之境】则为之沟池种植树木以为固四郊之内乡遂之民所居也亦为之沟树焉【○黄氏曰于是设关】盖外焉环而守之则中邦可无意外之患

民皆有职焉

郑康成曰职谓守与任○郑锷曰国中也都邑也国都之竟也近地之民各有职于所守之地非惟各爱防其国亦不患其力之不给【○刘执中曰边境之民则受田以养之分地以任之使治沟种树犹边洫者受田以治沟洫也】

若有山川则因之

郑康成曰山川若穀臯河汉【○贾氏曰穀若穀有二陵臯若东成臯汉若楚之汉水河为四渎之宗又齐西有浊河】

王昭禹曰因之以为阻固也夫为高必因丘陵为下必因川泽因其高下自然之势以为之阻固则用力不劳而为备也易矣【○杨氏曰因之不为城郭沟池树渠以为固也】

司险中士二人下士四人史二人徒四十人

薛平仲曰掌固所以先其在国司险所以详其在野自国而野自野而疆遠近势异今也先其国中之固而及诸野外之险则险固可恃而内外之势立矣【○李嘉防曰晋悼公十年方理防得一虎牢而后郑人服以司险失职而郑人得之】

掌九州之图以周知其山林川泽之阻而达其道路○郑康成曰周犹徧也○王昭禹曰九州之图山林川泽之阻若职方氏所谓东南曰一州其山镇曰防稽其泽薮曰具区其川三江其浸五湖之类是也○郑锷曰易之坎指山川丘陵为地之险则险者地势自然之阻非人所为固也九州之地各有险王者制御诸侯不可以不周知也使司险之官案图以周知凡水絕壤断之处山高水深之所皆欲知之无遗也○郑康成曰达道路者山林之阻则开凿之川泽之阻则桥梁之

设国之五沟五涂而树之林以为阻固皆有守禁而达其道路

贾氏曰此五沟五涂而言树之林以为阻固皆有守禁非遂人田间五沟五涂也此沟涂所作

随大小为之皆准约田闲五沟五涂沟上亦皆有道路以相支凑故以五沟五涂言之【○刘执中曰王畿之内非乡遂都鄙之地可以田者为五沟五涂不可田者树以林木用为险固必因其地之民授之田使职其守禁】○郑康成曰树之林作藩落也【○项氏曰以备不虞】

杨氏曰知山林川泽之阻而达其道路者达其阻以为道路也达其道路而不设沟涂林木以为阻固非王公守国之义为之阻固而无守禁则湮蒹而不治刍蕘者往焉其弊有不可胜言者虽有阻固不足恃矣又皆有守禁而达其道路【○项氏曰皆有守禁而达其道路则人不得以妄逾而有常行之道于守固于往来两得之矣】

国有故则藩塞阻路而止行者以其属守之唯有节者达之

郑康成曰有故防灾及兵也○易氏曰守以道路为急阻以道路而后险为可恃使内外无禁往来不察而奸伪者邪慝者物之犯禁者人之有罪奇衰者或得乘间而入虽险犹无险也故司险于国有故则藩塞阻路而止行者

郑锲曰已藩塞阻路则使其徒四十人守之【○李嘉防曰司险之属胥徒止四十人其属如何能守天下之险盖有王官之属有守地之民凡姓名属乎上者则令守之】惟有节者则达焉而无旌节者不使得通也乡大夫于国有故则令民各守其闾以旌节辅令则达之者所掌止于六乡之中也掌节凡通达于天下者必有节无节者有几则不达所掌及于天下也此指王国险要之地而已○杨氏曰惟国有故时为然以备不虞非设险为国之常法也

郑锲曰周家始都丰镐其后周公有雒阳之卜以为后世有德易以兴无德易以亡周公所恃以安周者不专于宅险也然设法守御如此其备信夫王公设险以守其国虽圣人亦不能已也

掌疆中士八人史四人胥十有六人徒百有六十人郑康成曰疆界也○易氏曰千里王畿畿之境谓之疆载师所言大都之田任圻地是已而邦国都鄙亦有畿疆之制大司徒所言制其畿疆而沟封之是已此官虽逸而以司险推之则掌王国之疆以及邦国都鄙之疆也审矣○贾氏曰守疆界亦禁戒之事故在此

候人上士六人下士十有二人史六人徒百有二十人郑康成曰候候迎賓客之来者○郑锲曰读候人之诗言彼候人兮何戈与祿其官可谓卑矣诗人以为歌咏何也盖曹之共公不能用贤所谓贤人君子俱充何戈祿之役以送迎賓客而三百赤芾者乃皆服芾之小人也周人乃以上士六人为之盖待賓客之来往治其礼事亦所以懷遠人之道○黄氏曰其职各掌其方之道治其官上士六人则四方分为六乡愚案掌疆候人之职徒役特多古人于边备严矣

贾氏白亦是武事故在此

各掌其方之道治与其禁令以设候人

郑锷曰境必有候所候不一处故曰各掌其方之道治【○郑康成曰国语曰候不在境讥不居其方也】○王昭禹曰道治道路之治治谓出入迎送治其事也禁谓止其所犯若传所谓壊其馆垣之类是也令谓令使为之若传所谓教其不知恤其不足是也【○郑锷曰凡扞衛防闲禁其侵掠之类皆掌之】○郑康成曰以设候人者选士卒以为之【○贾氏曰选士卒者即徒百二十人皆是甲士步卒之内为之】○王氏曰方各设其人以候有方治者致之送之

若有方治则帅而致于朝【直遥反】及归送之于竟

郑锷曰或各以其方之事来质正于王朝以求治者则帅而致之于朝去则衛而送之于竟迎其往来之使致其勤也如是而春秋之世晋栾盈奔楚道周周西鄙掠之至盈诉诸朝王乃使候出诸轅辕此诸侯所以不朝而王室卒至于陵迟定王使单襄公聘楚假道于陈候不在竟单子知其必亡是又不知先王设候人意

环人下士六人史二人徒十有二人

黄氏曰以环名官取巡逻周匝之义○王昭禹曰环之为物肉好一其肉好皆旋之而不可穷也环人之官巡察内外若环之终始相循而不穷○郑锷曰夏官环人掌军中循环往来无所不察之事而秋官环人则掌送迎賓客循环往来之事皆以循环往来为义军中之环人有战攻之事则置之非如秋官掌送迎之职【○易氏曰在秋官者掌送逆邦国之通賓客令其守涂地者为之聚 谓之四面环之可也在夏官者止于徒十有二人何以环之乎今攷簪人九簪之名九曰巫环郑氏谓簪可致师不此则以为致师之簪孟子曰环而攻之必有得天时者矣既谓之天时非四面环之之意环得天时之吉则其为簪名信矣】

掌致师

王昭禹曰兵法曰善战致人而不致于人夫我案兵无动而致敌使来以逸待劳宜胜之矣【○郑锷曰战必致师蓋使环人犯敌以致吾必战之志使敌人怒而求战其致之自我也左氏载晋楚交战楚许伯摄叔乐伯致晋师之事司马出师而敌人不速出战则环人致之】

察军慝【他得反】

郑康成曰慝陰奸也视军中有为慝者则执之【○郑锷曰苟有欲为奸于军中者无以察之则变从中起而外应敌人矣故掌察乎军慝所以消奸恶于内○李嘉防曰察军之奸谋隱而未彰者此上兵伐谋之意如韩信伐赵知其不用广武君策而后进师之类所以言之于先也】

环四方之故

郑锷曰若外焉有締交之人将攻于我师无以环之则变生于外四面并至矣故又环送而巡之所以折冲而御侮也

易氏曰察军慝则察其在我者环四方之故则环其在人者

巡邦国搏【音博】谍【音牒】贼

王氏曰自此以下皆环人巡邦国之事○郑锷曰徧巡四方而无不知有谍贼则反间或行焉又当巡邦国而搏其谍则无敢窥我师者矣【○郑康成曰谍贼反间为国贼】

讼敌国

郑锷曰诸侯之国力足相敌不为辨其纷争之讼则有相攻击之患以分我师之势矣郑康成谓敌国兵来则往与之讼曲直引齐国佐如晋论萧同叔子事以为证环人仗王朝之威何为往与之讼耶蓋讼敌国者往为决两国之争【○黄氏曰环人与候人聯官夫事不治则讼讼不已必以师已用师矣而犹讼之讼其曲使知而服之则师可已也○刘执中曰讼敌人之过恶以激我师俾无不怒之也】

军旅

郑锷曰有不服之国已围其邑不宣 王国之威武以降之必至于多杀其人民此皆环人之职郑康成引尚父鷹 彼言 者 威武以待敌耳如环人又安能鷹 哉以叔向平丘防观之谓鲁人曰寡君有车四千乘在牛虽瘠僂于豚上其畏不死乎环人宣 国威殆此类也

降【户江反】围邑

郑康成曰围邑欲降者受而降之春秋传曰齐人降鄣○黄氏曰环人掌致师志于战也而以降围邑终焉不杀之仁也虽然受降如受敌斯亦当察故环人掌之

易氏曰此六者非其徒十有二人之所能及必环人筹之而后举此所以继于致师之后

挈壶氏下士六人史二人徒十有二人

郑康成曰挈读如繫发之繫壶盛水器也世主挈壶水以为漏【○易氏曰挈壶之制不可攷以唐制推之水海浮箭四匱注水始自夜天池入于日天池自日天池入于平壶以次相注入于水海浮箭而上以浮箭为刻分昼夜计十二时每时八刻二十分每刻六十分箭四十八二箭当一气歲统二百一十九万一千五百分悉刻于箭上铜鸟引水而下注浮箭而上 至于昼夜之刻分至之候冬夏长短昏晓隱见与周官晷影无差】○郑锷曰或谓挈壶氏司漏刻以分陰阳昼夜宜与保章冯相同列乃列于夏官何耶以齐国风攷之襄公之时朝廷兴居无

节东方未明而召羣臣至使之颠倒衣裳不顾时之早晚为挈壶氏者不能辰夜不夙则莫若是类正司昼夜之事若夫掌挈壶以令军井挈轡以令舍挈畚以令粮此行师用兵之时举以示师徒安得不列为司马之属哉

掌挈壶以令军井挈轡以令舍挈畚【音本】以令粮

郑锷曰军之所聚不可无井穿井及水则举壶示人使见壶者知其地有井盖壶者所以盛水故也乘车马者必执轡止则解焉军之所至或当舍止则举轡示人使见轡者知当解鞍息马盖舍则不执轡故也盛粮者必用畚军于其地或当廩给则举畚以示人使见畚者知其下有粮盖畚者盛粮之器故也是三者非挈壶之职皆有取于挈壶之义盖军旅所屯号令难于相闻各以其物表之于事便于力省也○易氏曰饮食居处人之大欲存焉故因其令军井而兼以令之是三者皆挈于竿首而表之虽军众不齐莫不目击而心防郑氏所谓省烦趋疾是已

凡军事县【音 】壶以序聚 凡防县壶以代哭者皆以水火守之分以日夜

王昭禹曰县壶以盛水分刻漏也○郑康成曰击 两木相敲行夜时也○郑锷曰军中之守尤严于夜故行夜者必聚而击 以戒非常必更代而次序之使之适平县壶为漏时至则代先后有伦非惟无独贤之叹且使击柝者不倦而事益严也野庐氏于賓客至则令其地之人聚 之修闾氏掌比国中之互 者秋官环人賓客所舍则令聚 宫正于宫中则击柝而比之防患之术尤戒于夜况军中乎○郑康成曰代亦更也礼未大斂代哭○易氏曰守之以火则均其晷刻之多少守之以水则知其漏箭之迁易郑康成曰分以日夜者异昼夜漏也漏之箭昼夜共百刻冬夏之时间有长短焉大史立成法有四十八箭【○贾氏曰此据汉法而言以器盛四十八箭各百刻以壶盛水悬于箭上节而下之水水淹刻则为一刻四十八箭者取倍二十四气也】

及冬则以火防鼎水而沸之而沃之

郑司农曰冬水冻漏不下故以火炊水沸以沃之谓沃漏也○薛氏曰以火防鼎使之不凝以火守壶使之不差施之于军事所以严守警施之于防事所以严凶哀朝廷朝夕之礼亦常以是为节然春官鸡人凡国事为期则告之时而此复特掌之挈壶氏者盖天子备官挈壶掌漏鸡人告时诸侯则掌漏告时一于挈壶氏而已

射人下大夫二人上士四人下士八人府二人史四人胥二人徒二十人

薛平仲曰险固之守必有其本射人之属是固王政之本务欤夫射者男子之事弧矢之利其为威天下也久矣先王于大祭祀则有射于賓客则有射于燕饮则有射当君臣相事于礼文之交而不忘武事于弓矢之用此射人必以下大夫二人为之长者所以重其本也○贾氏曰射武事故在此

掌国之三公孤卿大夫之位三公北面孤东面卿大夫西面

黄氏曰此即司士朝仪之位射人掌公卿大夫其初命见于王则其位如朝仪之位而有摯故知其为初命始见也司士掌摯士者膳其摯是则士初命始见亦有摯矣此日视朝之朝所谓治朝也【常朝司士掌其位聴朝宰夫掌其位】听治于此则曰治朝射于此则曰射朝康成谓将射始入见君之位非也将射始入见君其位或当如此而何用摯哉经文自此以上未有射事是其设职不专为射也诸侯来朝国有吉凶庆吊之事即聴于此【射人掌其戒令诏相其事】朝覲法见毕有所请治亦于此【射人掌其治达】故總称之曰诸侯在朝使射人专诏相之异于诸臣也大抵射人本掌选择卿大夫故在国则使正其位等其摯防同朝覲则作大夫介凡有爵者大賔客则卿大夫从戒大史与大夫介大师则于此选将焉将在车则主射故使治射仪以射名官此建官之本意也郑徒见以射名官遂谓其职皆射事若以射名官其职独为射而已则建官之意浅矣夫君射人师扶左仆人师扶右是亦为射乎

贾氏曰三公北面者君南面答阳臣北面答君三公臣中最尊故屈之使北面答君之义孤东面者西方賔位孤无职而賔客之也【○郑锷曰三孤貳公 化特立无朋君不尽臣之故位乎西而东面○王氏详说曰朝士外朝之法孤卿大夫同于西面射人司士则孤东面卿大夫西面者三孤无常职时乎与卿大夫同又时乎与卿大夫异乘夏 服希冕所以与之异也位九棘爵六命所以与之同也】卿大夫西面者皆有职故在东近君居主位也【○郑锷曰卿大夫用事于朝者也其德虽尊其职则卑故位乎东而西面纯于臣道也自王南面观之则西面者在王之左东面者在王之右】○刘氏曰孤东面卿大夫西面朝廷之序以右为尊○郑锷曰或谓宰夫言正三公六卿大夫羣吏之位而司士又正朝仪之位王南面三公北面孤东面射人又正之何耶蓋治朝之位王日视朝司士掌之而宰夫治其不法者以肃其仪尔射人专夫賔射之位然君南面三公孤卿或北面或东西面不以为賔之故而乱之也

其摯三公执璧孤执皮帛卿执羔大夫鴈

王氏曰三公执璧则以有君之体而不致其用也【○薛氏曰公之爵一也或曰执璧或曰执桓圭者公虽无异命然或在朝或在国在国则遠君遠君者其势伸故以九命而执圭在朝则近君近君者其势屈故以八命而执璧犹之月焉遠日则为望近日则为晦古人谓日有君道月有臣道者此也】○王昭禹曰三公事道也王之所承有弗敢臣也宗伯之摯不序于其职而射人以主賔射为先则三公之摯言于此亦以见賔而弗敢臣之意○易氏曰孤执皮帛以其有衣被文采之义卿执羔则羣而不失其类大夫鴈则夙夜奉上而不懈其义○黄氏曰司士朝仪之位亦无士王与诸侯賔射士位卑而不获预故无位于朝礼记所谓朝不坐燕不与是也【○贾氏曰下文豳侯二正则士得自行賔射不得与君賔射矣】

贾氏曰仪礼诸侯有燕朝及射朝不见正朝周礼天子有射朝正朝不见燕朝诸侯射朝与燕朝位同则天子燕朝亦与射朝位同诸侯正朝亦与射朝位同是天子诸侯三朝名自同故郑引仪礼互见为义

诸侯在朝则皆北面诏相【息亮反】其灋

郑康成曰谓诸侯来朝而未归王与之射于朝者皆北面从三公位○刘氏曰三公辅弼之长诸侯方州之长故皆北面以正臣礼【○黄氏曰外朝诸侯东面賓之也治朝诸侯北面臣之也】○贾氏曰法谓在朝进退周旋拱揖之仪【○王昭禹曰谓朝射之法也】

若有国事则掌其戒令诏相其事

郑锷曰賓射之时或有国事掌其戒令以谕告之使致其严矣又从而诏相其事虑其出封之久或不知国事之始末也【○郑康成曰谓王有祭祀之事诸侯当助其荐献也戒令告以斋与期○黄氏曰国事不止祭祀戒令亦不止斋与期凡事皆有戒令士之戒令司士掌之国于戒令诸子掌之然则公卿大夫戒令射人掌之欤】

掌其治达

郑锷曰若有所治之事将以上达于王则掌为之达之虑其自外而来朝左右之臣或壅蔽之使其情不得以上通也【○郑康成曰谓诸侯因与王射及助祭而有所治受而达之于王王有命又受而下之○王昭禹曰上治达乎下若告命之属是也下治达乎上若诸侯之复万民之逆也】○王氏曰射之为道利以直达有括则不至治达如之故掌治达者在射人也

以射灋治射仪

黄氏曰自此以下则射事也射法自王而下各有其法故以射法治射仪射法必自射人出故射人虽不掌士而士之法仪具焉【○王昭禹曰射之法不可以不正射之仪不可以不文先王因其度数而制之以为法因其动容而制之以为仪自王而下其耦或六或四或三其侯或二或一其乐歌则异节以至其容其获其正皆有多寡之差焉此射之法也又乌有不正哉以是法而治之其效见于内志正外体直持弓必审持矢必固揖逊有度卑者不得以抗尊升降有序先者不得以居后其为仪也又乌有不文哉】

郑康成曰治射仪谓肄之也

總论三射

陈及之曰射有三等有大射有賓射有燕射所谓大射者王将有郊庙之事于射宫择诸侯及羣臣与邦国所贡士可以与于祭者而与之祭司裘曰王大射则共虎侯熊侯豹侯设其鹄诸侯则共熊侯豹侯卿大夫则共麋侯皆设其鹄射人云王大射则以狸步张三侯梓人云张皮侯则春以功凡此皆大射也所谓賓射者谓诸侯来朝王与之射以燕乐之射人云王以六耦射三侯三获三容眡了云賓射则奏钟鼓梓人云张五采之侯则遠国属凡此皆賓射也所谓燕射者王与羣臣燕饮而射也梓人云张兽侯则王以息燕鄉射记曰凡侯天子熊侯白质诸

侯麋侯赤质大夫布侯畫以虎豹士布侯畫以鹿豕凡畫者丹质此谓燕射也【○王氏详說曰司裘所言诸侯内诸侯之大射也射人所言诸侯外诸侯之賓射也○陈氏曰大射在庙则賓射在朝可知賓射在朝则燕射在寢鄉射州射在序亦可知也】

王以六耦

贾氏曰古之射者行同能耦则别之以射而胜者则饮不胜者此射之所以有耦○易氏曰大射则大司马合诸侯之六耦【○郑锷曰王耦之数十二所以法天之天数】若賓射则诸侯与王射而合卿大夫以为六耦以至诸侯之四耦卿大夫士之三耦亦各以等杀而辨

射【食亦反下同】三侯

王氏详說曰荆公以司裘之虎侯熊侯豹侯即射人之三侯司裘之熊侯豹侯即射人之二侯司裘之麋侯即射人之一侯陆农师谓王射三侯于侯内以五采畫正诸侯二侯以二采畫正卿大夫一侯以二采畫正其說皆失之司裘所言者大射也射人所言者賓射也梓人曰张皮侯而栖鹄则大射之侯也又曰张五采之侯则賓射之侯也又曰张兽侯则燕射之侯也司裘言侯而及鹄射人言侯而及正【○郑锷曰大射之侯用皮饰其侧则以皮为鹄賓射之侯用皮饰其侧则以五采为正此所以不同】射人所谓三侯当如康成谓五正三正二正之侯也诸侯二侯即三正二正之侯也卿大夫一侯则二正而已若以司裘之熊侯豹侯而降杀之则梓人所谓皮侯与五采之侯何别乎若谓天子之侯皆五正则是天子与诸侯卿大夫射而同其侯矣臣下与天子角胜负可乎当从康成之說谓异其侯蓋上得以兼下下不得以僭上也○陈君举曰王大射张三侯乃是养人主不争之德以万乘之尊下与诸侯羣臣射射有中否则有胜负使人主有争胜负之意则不可故特设三侯于侯道九十弓之地一侯高一侯其侯又广其弓又良又有相助之者则易为中虽以优至尊乃是养其不争之德诸侯二侯亦此意诸侯于其国大射亦张三侯

三获三容

郑锷曰射必有人执旌以告获每侯用一人故三侯而三获其名曰获获者得之难谓中侯难也射必有容其制如屏风一名曰乏矢力竭于此告获容身于此以为隐蔽也每一侯用一容故三侯而三容【○易氏曰获即数中之旌服不氏执之以待获也容即蔽身之乏服不氏待获而居乏也】

乐以驺虞九节五正【音征】

郑锷曰乐用驺虞天子之射虽志于中然以仁心爱物为主故也【○愚案驺虞又见乐师】○郑康成曰九节七节五节者奏乐以为射节之差乐记曰明乎其节之志不失其事则功成而德行立【○贾氏曰九节者侯道九十弓七节者侯道七十弓五节者侯道五十弓】

郑司农曰正所射也诗曰终日射侯不出正兮○郑康成曰考工梓人职曰张五采之侯则逵国属逵国谓诸侯来朝者也五采之侯即五正之侯也正之言正也射者内志正则能中焉画五正之侯中朱次白次苍次黄 居外三正损 黄二正去白苍而画以朱绿其外之广皆居侯中参分之一中二尺【○王氏详说曰郑司农谓方十尺曰侯四尺曰鹄二尺曰正四寸曰质孔丛子谓张布谓之侯侯中谓之鹄鹄中谓之正正方二尺正中谓之 方六寸夫大射之礼重于宾射宾射之礼重于燕射若从司农孔丛子之说鹄中有正正中有 则是宾射燕射重于大射矣郑康成谓大射之侯用鹄宾射之侯用正燕射之侯用质以梓人攷之康成之说为长○图说曰大射射鹄宾射射正乡射射质而燕射则因乡射之侯乡射礼曰天子熊侯白质诸侯麋侯赤质则乡射射质之证也燕射必因之者盖诸侯之射必先行燕礼大夫之射必先行乡饮酒之礼故射侯相因郑氏注仪礼以燕张兽侯乡射当张采侯误矣】○郑锷曰或谓大射名曰鹄宾射名曰正何耶盖大射择士故取于鹄鹄之言直也所以直己之志人君中之可以为君鹄人父中之可以为父鹄以直其志为义若夫宾射取于尚文德以怀宾客故以五采为之所尚者文而已故曰张五采之侯则逵国属

诸侯以四耦射二侯二获二容乐以狸首七节三正孤卿大夫以三耦射一侯一获一容乐以采苹五节二正士以三耦射豝【五旦反】侯一获一容乐以采蘩五节二正郑锷曰诸侯在国宾射则四耦而射二侯熊豹也乐用狸首之诗以防天子为义也三节以听四节以射其正则去 黄而用三色也孤卿大夫自与其宾射则三耦而射一侯麋侯也乐用采苹以能循法度为贵也一节以听四节以射其正则去白苍而画以朱绿也天子元士在家宾射用三耦而射一侯豝侯也豝胡犬也犬之能守者莫如胡犬之良士以守节事君为义故射豝侯或谓司裘言天子诸侯卿大夫之侯而不及士射人乃有射豝侯之法何也盖司裘所言者大射也射人所言者宾射也士无大射而有宾射故于正特言豝侯以有宾射而言也其侯则用二采以为正与孤卿大夫同乐用采蘩以能守职为贵也侯不同而正与节皆同盖士之位去卿大夫为不逵其礼可以与之同○孙氏曰自诸侯卿大夫等而下之莫不有别而所歌之诗亦使之各谕其志而安其守然后雍容礼逊之交修乖争陵犯之不作信可以观德矣

若王大射则以狸步张三侯

郑锷曰射之侯梓人为之司裘共之射人张之其张也必用狸步为法射人主宾射嫌于张大射之侯不狸步也故并言及之大射如此则宾燕之侯可以类推○郑司农曰狸步谓一举足为一步于今为半步【○李嘉防曰狸步再举则为六尺一弓六尺九十弓七十弓五十弓者象狸步之弓以定逵近也】郑康成曰狸善搏者也行则止而拟度焉其 必获是以量侯道法之【○郑氏仪礼说曰设侯之次大侯则在东参次之干次之使密不至相掩踈足以射其势参差相入是谓狸步此非谓射者之志谓张之者之法也郑氏以为射当如狸之拟物何预于张侯乎】侯道者各以弓为度九节者九十弓七节者七十弓五节者五十弓弓之下制长六尺大射礼曰大侯九十参七十干五十是也【○图说曰陈礼书曰仪礼大射曰大侯九十参七十干五十即所谓虎九十弓熊七十弓豹麋皆五十弓者也盖王射虎侯则于熊豹为大故一名大侯诗所谓大侯者虎侯也参即熊侯言其参于虎豹之中也干即豹侯言其以下干上而又继熊虎之后也】

黄氏曰自此至佐司马治射正皆蒙大射射人虽主射法无賓燕射文大射射法皆射人掌之射人典法之官也侯正乐节通乎賓燕狸步张侯服不氏待获射鸟氏取矢太史数射中司马治射正官具物备足为射法賓燕略具于此矣小臣职曰賓射掌事如太仆之法則賓射太仆亦不掌也

王射则令去侯立于后以矢行告卒令取矢

郑司农曰射人主令人去侯所而立于后【○贾氏曰负侯之人服不氏也】○郑锸曰射已张侯获者执旌以负之不使去侯以避矢则有误杀伤人之过○郑司农曰以矢行告射人主以矢行高下左右告于王大射礼曰大射正立于公后以矢行告于公下曰留上曰左右曰方【○郑锸曰射以中为主王弓已不告以矢之高下左右则王不知其中否】○王昭禹曰射毕令射鸟氏取矢也故射鸟氏曰射则取矢矢在侯高则以并夹取之

祭侯则为位

郑锸曰射既设侯则祭其神司马实爵以献服不氏既受献则于侯所北面而祭之【○李嘉防曰賓射大射祭侯之礼一同】射人主为之位者以其知仪位故也○王氏曰侯而祭之则神无不在而君子无所不用其至○易氏曰梓人祭侯之礼其辞则欲诸侯之宁侯也

与大史数【所主反】射中

郑康成曰射中数射者中侯之筭也大射曰司射【○贾氏曰大射诸侯礼谓之司射天子谓之射人】适阶西释弓去扑裘进由中东立于中南北面视筭

贾氏曰大史数筭射人但视之耳○王昭禹曰必与大史则以大史凡射事饰中舍筭执其礼事故也【○李嘉防曰筭之多寡太史治之以定黜陟】○郑锸曰射人与之共数蓋专掌射法故也

佐司马治射正

郑锸曰射必有正梓人张之大司马治之射人则掌其事司马合诸侯之六耦射人则掌其五正三正之法故也【○黄氏曰正犹政也孔子射于矍相之圃射至于司马则司马主射故也○郑氏曰射正射之法仪○贾氏曰若命去侯命取矢乘矢之等皆当佐之治者预习之也】

易氏曰于大史言与于司马言佐尊卑之序

王氏详説曰天子有射人诸侯有司射皆所以治其射仪也负侯者服不氏令之者射人也取矢者射鸟氏令之者射人也祭侯服不氏为之位者射人也数射中者有大史在而射人又与焉治射正者有司马在而射人又佐焉知此则知射人之官为尊故以下大夫为之

祭祀则賛射牲相孤卿大夫之灋仪

易氏曰祭祀之礼以牲为重视牲分牲养牲巡牲见于未祭之先将祭之时则夕牲展牲牵牲射牲割牲无非礼者射人所掌则射牲之礼而已国语曰禘郊之事天子必自射其牲此虽天子自为之【王昭禹曰祭祀王必亲射牲示诚敬之尽亲其事也】方其迎牲于门则君执紼卿大夫从士执刎至于君亲射牲而孤卿大夫咸与焉此射人相孤卿大夫之法仪以其掌射法治射仪故也○郑锷曰射人賛之谓賛之以射礼也当射牲之时孤卿大夫从王以射明其射法又相其射仪所谓以射法治射仪也

防同朝覲作大夫介凡有爵者

贾氏曰作使也【○黄氏曰作兴起之】○郑康成曰有爵者命士以上不使贱者○郑锷曰王出而防同诸侯来而朝覲王使公卿有事焉当用大夫以为上介其凡有爵者以为众介射人则作之○易氏曰射人则以法仪而作之

黄氏曰自此以下至大丧作卿大夫掌事皆因事定其材等以待进退【○李嘉防曰凡此数端掌之射人属于司马所以辩论官材】

大师令有爵者乘王之倅【七内反】车

郑康成曰倅车戎车之副○易氏曰大师王乘戎路其广阙萃轻之倅不可虚位故以有爵命士以上乘其倅【○王昭禹曰士卑不嫌于特尊】

郑锷曰或作之又或令之良由于賓射之时掌孤卿大夫之位故耳

有大賓客则作卿大夫从【才用反】

郑康成曰作者选使从王见诸侯

戒大史及大夫介

郑康成曰戒其当行者覲礼曰诸公奉篋服加命书于其上升自西阶东面大史氏右【○王昭禹曰太史与事者以太史主协礼事故也】○郑锷曰卿大夫从王以见诸侯则射人作之公卿有事于诸侯而介以大史及大夫则射人戒之重賓客之礼也

大丧与仆人迁尸作卿大夫掌事比【毗志反】其庀不敬者苛罚之

郑康成曰仆人大仆也仆人与射人俱掌王之朝位王崩小敛大敛迁尸于室堂朝之象也檀弓曰扶君卜人师扶右射人师扶左君薨以是举【○黄氏曰射人大仆皆法度之事】○易

氏曰卿大夫掌朝位之事则射人作之贾氏曰比其庐当比其本服亲疎及贵贱○郑康成曰苟谓诘问之

郑锷曰此言作大夫介作卿大夫从作卿大夫掌事皆以作为言蓋命之使行者王也射人则作之谓作而起之也防同朝覲賓客大师大丧之礼初无与于射而掌于射人取其射之法仪而已

服不氏下士一人徒四人

郑锷曰物之不易服者莫如猛兽设官以服之名服不氏言能服其不服所以示王朝之威无所不能服也○黄氏曰射人与司士诸子联职而以服不氏以下参其间终射义也○李嘉防曰夏南方也南方属鸟故自服不氏以下数官继于射人之后

掌养猛兽而教扰之

郑康成曰猛兽虎豹熊罴之属扰驯也○郑锷曰徒能养之不能教扰之使驯则伤人而有害矣教者教以服习进退之节扰者所以扰驯其心

陈及之曰鸟兽在山泽则适其性为人所养则失其所教扰之使不至于夭阏无腥臊羶香之病则可以奉祭祀供肴羞矣若地官牧人掌牧六牲而阜蕃其物亦其类焉充人賛硕牲肆师之省牲皆始也阜蕃教扰之不失其性则奉以告神乃无媿词也

【王昭禹曰鸟兽草木无不治然后为政之至故舜命益作虞则曰若予上下草木鸟兽则养猛兽而教扰不为过矣】

凡祭祀共猛兽

郑锷曰祭祀欲备四海九州之美味故兽虽至猛苟中膳羞者无不共焉如兽人冬献狼之类是也养之者所以待用尔故于祭祀之时则共之以其养之有素故也

賓客之事则抗皮

郑锷曰賓客以虎豹之皮为庭实必布于庭服不氏则抗举其皮以示王朝之威虎豹之为物虽则猛不可制吾犹得而举之先儒引聘礼有司二人【○贾氏曰二人即服不氏】举皮以东者以证抗之为举也【郑司农曰服不氏主举藏之抗读为亢其雝之亢】

射则賛张侯以旌居乏而待获

郑司农曰賛佐也大射礼命量人巾车张三侯○王昭禹曰凡射侯共于司裘张于射人服不

氏賛射人张之也○郑锷曰使服不氏賛之者以其力足以服不服故虽熊虎豹之物皆能张之也

杜氏曰乏读为匱乏之乏待获者所蔽【○愚案乏字见车仆】郑锷曰执旌所以为表识居乏所以自隐蔽执旌居乏待射者之中则举旌以唱获

王氏曰抗皮賛张侯待获皆服不服之意故服不氏掌之

射【食亦反】鸟氏下士一人徒四人

贾氏曰射鸟亦武事故在此○黄氏曰服不氏待获射鸟氏取矢各因其类【○李嘉防曰二职兼焉明射筭之不可苟也】

掌射鸟

郑康成曰鸟谓中膳羞者鳧鴈鸨鶩之属○王昭禹曰掌畜共膳献之鸟则射鸟氏掌射鸟亦以共膳献之用然掌畜以养鸟而共之射鸟氏以射鸟而共之陈及之曰射鸟氏掌射鸟罗氏掌罗鸟鸟所以备祭祀肴羞之用二官非冗也不特此庖人之共丧纪之庶羞賓客之禽献膳夫之馈羞用百有二十品悉取于是

祭祀以弓矢毆【起俱反】鸟鸢凡賓客防同军旅亦如之郑锷曰射鸟氏之设又非为供膳羞之用及祭祀賓客军旅防同之时用弓矢以毆之其所毆者特鸟鸢而已蓋鸟鸢之为物翔于野外而下食鸟能污人鸢善钞物于人所聚之地祭祀之兆域在郊野之外吾将致洁乎鬼神而彼敢乘便攫拏或以不洁污之则吾事神之礼不谨矣詎可不毆而遠之若夫賓客防同军旅之时非惟有杀牲告神之礼畏其污也亦以为众之所聚防其不洁也【○贾氏曰防同皆有盟诅之礼杀牲之事军旅亦有斩牲巡阵之事故须毆鸟鸢】

射则取矢矢在侯高则以并夹取之

郑司农曰王射则射鸟氏主取其矢矢在侯高者矢着侯高人手不能及则以并夹取之并夹鍼箭具夹读为甲司弓矢职曰大射燕射共弓矢并夹○薛氏曰仪礼大射则取矢以小臣鄉射则取矢以子弟周官必以射鸟氏以其视高者审欤

王氏曰先王置官大抵兼职射鸟氏虽无所兼其所射以共賓祭膳献亦足以偿禄矣使毆鸟鸢以并夹取矢虽若不急然上下无乏事则以事为之制故也

罗氏下士一人徒八人

郑康成曰能以罗网搏鸟者郊特牲曰大罗氏天子之掌鸟兽者

郑锷曰乌鸢乌鸟之类其物则同所用以取之物则异乌鹄之卑飞者则为罗以取之其高举不可以罗者则射之也○贾氏曰罗鸟亦武事故在此

掌罗鸟鸟

郑康成曰鸟谓卑居鹄之属○王昭禹曰鸟以羣集虽人所恶亦可取而备用故罗氏掌罗鸟鸟而掌畜掌养鸟则罗氏取之而掌畜养之也

蜡则作罗襦【汝俱反】

郑康成曰作犹用也蜡建亥之月此时火伏蛰者毕矣豺既祭兽可以罗网围取禽也王制曰豺祭兽然后田又曰昆虫已蛰可以火田今俗放火张罗其遗教○薛氏曰汉书云人皆一襦吾独五襦晋史云先且作襦后当作袴裙襦裆妇人之饰也郊特牲言岁十二月合聚万物而索飧之四方诸侯草笠而至大罗氏天子掌鸟兽之官致鹿与女戒诸侯曰好田好女者亡其国然以礼属民而饮酒存国家之大体岂可真致鹿与女哉以鹿不可致故作罗以示之女不可致故作襦以示之耳【○郑锷曰致鹿与女非必用鹿与女也盖用取鹿之具与妇人之裙襦而已用罗襦以示之者罗以戒其好田也襦以戒其好女也然使罗氏作之而已先儒以罗襦为一物殆未之思欤○李嘉防曰襦细密之罗惟国将蜡则共之】

中【音仲】春罗春鸟献鴈以养国老行羽物

易氏曰中春搜田非罗弊之时故以火弊而搜取其物之不字乳者此言罗春鸟何也以奉至尊为主而已其次则献鴈以养国老又其次则颁羣臣而谓之行羽物此外一毫不可以轻取○郑锷曰射鸟氏泛言掌射鸟而下乃言毆鸟鸢此指言罗鸟鸟又言献鴈鴈固礼物之所须也须罗而后得

陈及之曰天子之于老也其所养者三国老也庶老也死政者之老也贵胄谓之国子与庶人之俊者同其学所以一道德国老与庶老异其学所以别分义记之所言四代养老是也而有死政之老焉故罗氏献鴈以养之者国老也司徒以保息养之者庶老也司门以财养之者死政之老也若夫外饗酒正稟人所谓耆老者總三者而言之也

掌畜下士二人史二人胥二人徒二十人

郑康成曰畜谓斂而养之○郑锷曰射鸟氏射其高举之鳬鴈罗氏罗其卑飞之鸟鹄此则畜其可以畜养者如鹅如鹜之类皆是也

掌养鸟而蕃阜教扰之

郑康成曰阜犹盛○郑锷曰养之欲其阜大而蕃多教之使之服习而驯扰如鸡之可以为牲

鳧鴈之可以为羞鷺之羽可以为翮翟之羽可以为旌旗之饰鳩之可以养老其小小羽物仲春仲秋用以赐臣下皆邦国所须而不可阙者安得不畜之以待不时之须乎掌畜之设殆若此

祭祀共卵鸟

郑锷曰共其生卵者以卵亦可荐故也○刘氏曰鹅鸕鸡鸭皆有卵之鸟【○王氏曰共卵及鸟】

歲时贡鸟物

王氏曰物与兽同义翠毛羽翮之属是也○郑锷曰因时而献新

共膳献之鸟

郑康成曰雉及鶉鴝之属○王昭禹曰王之膳羞賓客之禽献之类皆掌共之

總论

郑锷曰先王置官欲其简而不冗自服不氏以下或教猛兽或射飞鸟或罗鸟鵲或养畜鸟蓋一官可以兼数职也今物有其官意谓礼不可以简而废兹四官者其事固微然所掌者供鬼神之祭祀有之供人君之膳羞有之供賓客之禽献有之设官以备物物备而礼举凡以严国体而尊天王也孰为冗且濫耶

周礼订义卷五十

卷五十一

<经部,礼类,周礼之属,周礼订义

钦定四库全书

周礼订义卷五十一 宋 王与之 撰

夏官司马下

司士下大夫二人中士六人下士十有二人府二人史四人胥四人徒四十人

刘执中曰凡以道艺仕于国不以贵贱總谓之士始附于版者士也故曰司士【○王昭禹曰自公至士皆事人皆事事合而言之谓之司士○郑锷曰以序官攷之朝之上士二百五人六乡之族师每族上士一人则七百二十人鄙师每鄙上士一人则一百二十人何止于八十一元士哉中士以千计之几五千下士以万计之几五万其数之众如是故虽公卿大夫咸载于版而特以司士名官也】

王氏详説曰今之六部古之六卿也攷其职则天官冢宰为尚书令非吏部也司士掌羣臣之版其吏部欤○黄氏曰自大夫以上属射人犹今吏部尚书选也士属司士犹今吏部侍郎选也今之两选絶不相知尚选常病其濫侍选常患其壅周之羣臣版籍尽在司士而诏爵诏禄必由之蓋有负则置无负则否事出于一而本末举

贾氏曰其职掌诏爵诏禄与司马进贤兴功同故在此

掌羣臣之版以治其政令歲登下其损益之数辨其年歲与其贵贱

郑司农曰版名籍也【○黄氏曰今版簿也】○贾氏曰羣臣之版谓畿内朝廷及乡遂都鄙羣臣名籍也○王昭禹曰治其政令即损益之数与辨其年歲贵贱之等是也○郑锷曰自朝廷而数至于羣臣不胜其众苟非政令何以治之少而壮者方入仕而益老而衰者或已死而损【○郑康成曰损益谓用功过黜陟者○黄氏曰不独黜陟死者致仕者皆在此数】官年之从近齿歲之老少位之尊而贵职之卑而贱【○王昭禹曰贵谓大夫以上贱谓士以下○黄氏曰五十以上为大夫以下为士也】莫不书于版每歲登之下之以知其人之损益又从而辨其年齿则异其贵贱之等

總论世臣

胡安国曰帝王不以私害公故仕者世禄而不世官任之必以其贤使之必以其能卿大夫子

弟以父兄故而见使则非公选而政由是败上世有自躬耕钓渭擢居辅相而人莫不以为宜伊陟象贤后相大戊吕伋世美入掌兵权不以世故疑之崇伯殛死禹作司空蔡叔见囚仲为卿士亦不以父故废之惟其公而已矣及周之衰小人得政视朝廷官爵为己私援引亲党分据要途施及童稚公道不行然后夷狄侵陵国家倾覆虽有智者不能善其后世卿非礼裳裳者华何以作乎曰功臣之世世其禄世卿之官嗣其位禄以报功也故其世当延位以尊贤也故其官当择官不择人世授之柄党与倾众威福下移大奸根据而莫除人主孤立而无助国之不亡幸耳春秋于周书尹氏武氏仍叔之子于鲁书季友仲遂皆志其非礼也

愚案世臣之說自古有之但古者有世臣无世官始曰象贤济美皆一世之选伊尹之后有伊陟巫咸之后有巫贤太公之后有吕伋所以扶持国家者未尝不賴之也至春秋时世臣之說遂变为世官是以三家世为鲁卿六卿世将晋军田氏专齐甯氏专衛自春秋以来所以治世官者甚严叔向所谓栾郤胥原狐续庆伯防在皂隸瑕禽所谓七姓从王今皆为簪门圭竇世臣沦丧一至于此此无他世官之祸炽故世臣之說废也加以三家并鲁六卿分晋田氏并齐时君世主力戒此事所用皆杂进倾巧朝廷所借以扶持国家者殆无其人甚者相他国之人如秦张仪相楚齐孟尝相秦国不自信其臣而取之他国之人范雎蔡泽猎取秦相世臣沦丧至此极矣岂非惩世官之弊而遂废世臣耶孟子亲见当时禄去公室政在大夫之祸自夫人观之岂敢复以世臣为论然告宣王乃曰国君进贤如不得已将使卑逾尊防逾戚可不慎欤孟子意以为不得已而用防逺之人当详其贤否若倾巧相夺者宜勿用也不特此也如论君不当视其臣如犬马草芥其意可见惜乎孟子之說不行

周知邦国都家县鄙之数卿大夫士庶子之数

王昭禹曰邦国者诸侯也都家谓大都小都家邑郑康成曰县鄙乡遂之属【○黄氏曰县鄙遂官列于乡而见乡为国中】贾氏曰士庶子亦如宫伯卿大夫之子谓适子庶子其支庶宿衛王宫者也○黄氏曰必知此数而后其负阙为可知有卿大夫有士庶子独无士士其所掌治也卿阙选于大夫大夫阙选于士庶子士阙固不专取于士庶子升进之法着于此士庶子其秩视士而犹系于其父兄未命也士庶子有常负

以诏王治

项氏曰诏其任用进退也○刘执中曰大宰歲终则令百官府各正其治受其防听其治事而诏王废置此又诏王治者大宰诏之于职事之终也司士诏之于论定之始也王制曰司马辨论官材论进士之贤者以告于王而定其论论定然后官之任官然后爵之位定然后禄之则司士者司马之属

以德诏爵以功诏禄以能诏事以久奠【音定】食

项氏曰此谓试官始进者其有德者则试之以爵待其有功乃授之以正禄此以待贤者也能者先试之以事待其久而事成乃定其稍食此以待能者也【○郑锷曰有某德者诏王以某

爵有曰三公曰孤曰九卿曰大夫之等有某功者诏王酬以某禄有三大夫倍上士有上士倍中士之别有某能者诏王任以某事如知礼者命以典礼知乐者命以典乐居是官也已从如仓库氏之类则定食于此官使子孙为氏也○黄氏曰以能任事其官以才选使之治军旅使有爵者乘王之倅车覲问庆吊遣使皆是也虽有秩从亦当定其食共工工官掌水土之事而特举鯀治水则其大者也】

易氏曰爵有高下皆以德诏禄有丰杀皆以功诏此为公卿大夫士之受命而为王臣者设也然当时之士亦有不命者焉郑氏谓府史为官长所自辟除又谓胥徒为民之给繇役者凡此皆服役于公上亦既因能而诏以事矣惟其不命故以从奠食而不言诏奠其食则未为禄也校人曰等驭夫之禄宫中之稍食宫中则师圉府史以及为胥徒者所以言食驭夫则仆夫趣马等之为大夫士者所以言禄盖当时一命以上谓之禄庶人在官者稍食而已如宫正则月终会其稍食医师则岁终稽其医事而制其食橐人则乘其事试其弓弩而下上其食凡此皆奠其食于任事既从之后者也贾氏亦曰据能者先试之以事事成乃定以稍食其能堪用乃后亦诏授之以正爵禄其序如此○陈蕴之曰爵禄事皆称诏惟奠食不言诏者则知爵禄事皆有去取进退惟上之特命而奠食乃其常俸所当得之稍食故不言诏也言从者计其岁月之从所当食之俸若书称德懋懋官功懋懋赏位事惟能皆此理也

陈及之曰后世但以官府烦多疑周官不知当时以事之多寡而损益其负数观卿士之贤能而为爵禄之予夺则位无虚设禄无虚受官安得至于冗长哉

唯赐无常

王氏曰赐出于王之恩恩有厚薄则赐有多寡又何常之有且赐而有常则辟无以作福矣【○易氏曰继于司士以诏王治之后则亦有可常者矣】○郑锷曰司勲曰凡赏无常此曰唯赐无常何也盖赏者因有功可赏则赏之其无常者特以功为轻重赐则出于人君之恩其无常者乃以君命从事此其所以异

正朝仪之位辨其贵贱之等王南乡【许亮反】三公北面东上孤东面北上卿大夫西面北上王族故士虎士在路门之右南面东上大【音泰下同】仆大右大仆从者在路门之左南面西上

郑康成曰此王日视朝事于路门外之位○黄氏曰王日视朝羣臣朝焉盖常朝也司士与射人联官故其所掌皆法度仪制治朝治军无二道也司士掌羣臣之版故使掌朝仪之位【○郑锷曰宰夫射人朝士皆有正位之事司士又掌正朝仪之位者射人所掌宾射之位朝士所掌外朝之位宰夫司士皆治朝也司士正位而辨其等宰夫则察其不如仪者也】

郑锷曰朝必有仪仪本于位有以正之则其仪不乱爵各有等等所以别贵贱有以辨之则其等不差兹朝仪所以肃○黄氏曰辨其贵贱之等将宾王揖○易氏曰位着虽有贵贱而布置所向无非尊王○王氏曰乡明以听天下者王也故南乡面王而答之者公也故北面孤佐王

者也故东面卿大夫佐王者也故西面王族故士虎士大仆大右大仆从者则从王者也故南面顺王所向焉三公东上则北面以左为右故也自孤以下皆以近尊为上○郑锷曰孤东面则处王之右賓之也卿大夫西面则处王之左任事之责也北面者东上东向者北上西向者亦北上皆以近王为上王族之故士亲则王之族而爵则故为士而晚退者也【○李嘉防曰王族故士故为士者留以宿衛必有年劳者未仕虽王族不留王宫也○黄氏曰王族故士王族之常为士者已老而贤者使日朝焉亲亲尊贤敬老其义一也故卿大夫宜亦有位】虎士则虎賁之宿衛者【○陆氏礼运解曰故士有谋者虎士有勇者】在路门之右备非常也大仆则出入前驱者大右则羣右之长也大仆从者则凡祭仆御仆隸仆皆是也【○贾氏曰所谓上者皆据近王为上不据陰阳左右也】在路门之左备驾乘也【○易氏曰以其居王之后不嫌于南面】或南面东上或南面西上同王所向而在路门之外亦以近王为上也【○刘执中曰位于路门左右且南面者居王之后故王还则左右揖之】○王氏曰公以下皆言面王独言向不斥其体尊故也○易氏曰一位着之次而尊王之意已着见于左右前后之列朝仪之不苟如此

王昭禹曰朝士掌外朝之法曰左九棘孤卿大夫位焉羣士在其后与此不同者朝士所掌者外朝听狱 讼询众庶之朝也羣士则公卿大夫之属官故在公卿大夫之后

司士摈

郑锷曰位已正则王出视朝司士乃摈王出揖羣臣接下思恭欲羣臣自尽以奉上所以致体貌之隆小宗伯于命诸侯赐卿大夫爵之时则俛其字为俛此司士摈其字为摈盖俛之为义进也摈之为义相也臣下俛之则敢进故于赐爵用之人君之出则摈而相其礼故于视朝用之

孤卿特揖大夫以其等旅揖士旁三揖王还揖门左揖门右

郑锷曰三孤貳三公 化九卿列职佐王皆在所尊礼也故特揖焉特谓一一揖之也大夫作而行事之臣有中大夫有下大夫同其爵之等则旅揖焉旅众也總一等之爵则众同一揖也○黄氏曰士无位士卑不常朝也今大中大夫以上始常朝然士旁三揖则士亦有位于此矣今大朝防陞朝官皆赴盖若是欵士不着位而以揖见从可知也郑康成言羣士东面约外朝而言也然经言士旁三揖则东西皆有士矣郑又言公卿大夫得揖乃就位士发在其位未必然经文自公以下位皆定而后司士摈之揖与郑說异士三揖者犹以其等也

易氏曰王族故士虎士在路门之右大仆大右大仆从者在路门之左其位皆南乡而在王之后故还而揖之○郑锷曰在王门左右者皆顺王所向故王将以揖之则必还揖还者谓回而向之乃揖也

郑锷曰观周人之诗于天保之序曰君能下下以成其政攷此特揖旅揖三揖之仪则周之盛王可谓能下下矣衮冕巍巍尊无与二而视朝之际徧揖羣臣然后大仆正位无乃太过乎汉

诸侯羣臣朝正月谒者治礼引以次入殿门传曰趋殿下郎中侠陛陛数百人功臣列侯诸将军吏以次陈西方东向文官丞相以下陈东方西向鸿胪设九宾胪句传皇帝辇出房百官执防传警诸侯王以下莫不震恐肃敬帝乃知皇帝之贵亦异于周人之礼矣司士之揖岂可行于后世乎

大仆前

郑锷曰既揖矣大仆自门左之列进而前正视朝之位

王入内朝皆退

黄氏曰大仆前导王入也王入内朝句絶王入内朝即路寝之庭燕朝也【○郑康成曰王入入路门也王入路门内朝朝者皆退反其官府治处也】○王氏详説曰天子有三朝外朝治朝燕朝是也库门之外为外朝则路寝门外与路寝门内之朝皆为内朝矣但以日昃事则曰治朝退适路寝之庭听政则曰燕朝内外之朝本无定名以燕朝为内朝则治朝为外朝矣库门之朝为外朝则治朝又为内朝矣玉藻曰朝服以日昃朝于内朝退适路寝云退适路寝者是内朝之内又有内朝也是燕朝也文王世子曰其朝于公内朝则东面北上以齿其在外朝则以官司士为之夫司士所掌之朝治朝也玉藻以路寝之外为内朝而文王世子又以司士所掌之朝为外朝治朝可以兼内外之名也

掌国中之士治凡其戒令

易氏曰国中之士治谓士之在国中者诗曰济济多士文王以宁非公卿大夫以下之總号欤【○黄氏曰国中自郊关以内治有所请治也自甸以往各有所属】

郑锷曰周制有国中之士有邦国之士有异姓之士国中之士王朝之士也王朝之士其数至多司士掌其治所谓损益之登下之与夫年歳贵贱之辨是也平居治之有素矣及夫用之则有戒以饬之使畏有令以督之使行其人虽众安得不从吾治哉【○项氏曰若今吏部掌黜陟授士进退也】

掌宾士者膳其挚

贾氏曰宾士谓初得命为卿大夫士执挚见于王司士宾之使见王也○郑康成曰膳者入于王之膳人○郑司农曰膳其挚者王食其所执羔鴈之挚○易氏曰诸臣之六挚犹诸侯之五瑞五瑞用以享故三璧则受之而复之书所谓如五器卒乃复是也六挚不用享故三帛二生一死则受之而不复各适其宜而已三帛则共王之服二生一死则共王之膳以示纳用其德也○黄氏曰庶人工商皆有挚贱不通○孙氏曰周家三载寅兴虽曰出长入治莫攷爵命之详独于司士掌宾士者膳其挚古者不为臣不见见而有挚则入仕之初也盖先王待新进之礼常厚而律新进之法常严礼所以养其自重难进之风法所以励其趋事赴功之操方寅兴

之始有三公六卿以涖于上有羣吏众庶以賛于下待以乡饮酒之礼而献其书于王王者既再拜而受登于天府之籍内史又从而贰之以为异时爵禄之阶待之之礼可谓厚矣及摈见于王委贄为臣也乃属诸司马而诏爵诏禄诏事一惟司士之听王制云升之司马亦不为无据盖新进乍起草莱故役之祭祀賓客防同之事使知登降揖逊动容周旋之节律以军旅之法而警惧其苟且怠惰之心斯皆为有用之材而不病于见闻之陋矣若夫诸侯歳贡士于天子亦于司士隸属焉三歳则稽士任之得失而进退诸侯之爵禄庶几四方之彦皆获仕于王朝而无敢卤莽应选者矣

凡祭祀掌士之戒令诏相【息亮反】其灋事及赐爵呼诏昭穆而进之

易氏曰祭祀之时羣臣羣有司与焉或助其礼或执其事此所谓士则同姓之士也【○郑锷曰以下文言赐爵必呼昭穆而进知之也】掌士之戒令则卜日以后之戒令也诏相其法事则凡裸献之法事也【○王昭禹曰法者谓事之存于度数者○贾氏曰告语并摈相其行礼之事】○郑康成曰赐爵神惠及下也○郑锷曰王之族为士而助祭故序以昭穆于祖行为昭者立于昭位于父行为穆者立于穆位祭末旅酬之时呼以昭穆而赐以爵○薛氏曰宗庙之礼所以辨昭穆三昭三穆则设于室中之昭穆羣昭羣穆则与于祭者之昭穆室中之昭穆则教化天下而使皆知尊祖之道祭者之昭穆则教化天下而使皆知长防之序○黄氏曰专为同姓大夫以上则燕士贱赐爵而已

帅其属而割牲羞俎豆

易氏曰此继宗庙祭祀而言当在赐爵之前今乃言于后重其事故特言之○郑康成曰割牲制体也【○刘执中曰谓朝践献腥则豚解为七体也馈食献熟则为二十一体而爇之也犬豕牛羊则辨其骨肉之贵贱以为众俎焉】○郑锷曰使司士帅其属割之又羞而进何邪盖割牲者欲得其正而俎豆者行礼之器凡元士皆习于礼者然后为之割之正也非知礼者不能也○易氏曰司士言割牲则割其牲之体诸子正六牲之体则正牲之全体礼之轻重不同而职之先后或异所谓联事也

黄氏曰射人賛射牲司士割牲相终始也

凡会同作士从【才用反】賓客亦如之

郑康成曰作士从谓可使从于王者【○薛平仲曰作之云者盖勉而进之公卿大夫之列也夫为士而有进进不自己之心而无凄凄不获伸之意则一旦与之从金革歷行阵盖有临难而不顾其身见危而能致其命者矣】

郑锷曰防同士则当从司士选其同行者也防同朝覲之时射人则作大夫介大賓客则作卿大夫从司士掌士治故所作者皆士也诗人之咏文王曰济济多士文王以宁盖人必用士以为辅无所往而不从然师保二官防同之际王举则从不待于作若士则非师保之比作之则

从不作则不从其当从者司士作之也

作士适四方使【色吏反】为介

郑锷曰若王遣使传命于四方而奉使之人用士以为介者亦司士作之虎贲氏有适四方使之文然考之左传适四方为使有专用士以往者亦使卿大夫往而为之介者如天王使石尚来归脤盖专用士为使也說者又谓司士作其适四方为使者亦使作其适四方为介者其說亦可用○贾氏曰聘礼大夫为次介余皆士介天子使大夫下聘诸侯亦使士为介若使卿大夫则射人作之故射人云作卿大夫从○【王氏详說曰有士大夫有公孤卿大夫士大夫者有官君子之通称也公孤卿大夫士者五等诸臣之异称也司士掌羣臣之版自三公以及大仆从者各正其位以司士名官者谓公孤以下皆有官君子为己之所司也郑氏既以摈士士从之类为执羔鴈卿大夫矣而于作士适四方引春秋石尚为证意谓天子使大夫适四方而元士为介也曾不谓天王使宰渠伯纠来聘宰周公来聘安知此所谓适四方者非上卿乎上卿聘则大夫为介矣】

大丧作士掌事

郑康成曰事谓奠斂之属

易氏曰司士掌羣臣之版而總谓之士是以掌三者作士之事防同賓客作士从谓卿大夫之可使从于王者也作士适四方使为介谓天子使卿适四方则大夫为介使大夫适四方则元士为介也大丧作士掌事如奠遣之类

作六军之士执披【方寄切】

郑康成曰作犹使也披枢车行所以披持棺者有纽以结之谓之戴【○贾氏曰枢车蜃车也披者车两旁使人持之若四马六轡然故名为披也谓之戴者丧大记云纁戴是也】○黄氏曰皆有爵者也比长以上鄉役属引而使其长执披司徒曰役司士曰军事任可知○贾氏曰六军之士即六乡之民但天子丧用千人而此云六军者千人出自六军故号六军之士非谓执披有七万五千人也【○杨谨仲曰大司徒大丧帅六乡之众庶属其六引遂人大丧帅六遂之役而属六綽要之披也綽也引也皆所以扶持棺以行者而执之者皆此千人则乡遂皆有其人非止六乡也】

凡士之有守者令哭无去守【音狩】

郑康成曰守官不可空也【○易氏曰不以丧而废其职】

国有故则致士而颁其守

郑康成曰故非丧则兵灾【○易氏曰亦不可以故而弛其防】

凡邦国三歲则稽士任而进退其爵禄

易氏曰上经言士者總公卿大夫士而言之此言邦国则诸侯之卿大夫士亦總曰士也○郑康成曰任其所掌治○王昭禹曰邦国之士皆命于王其任有勤惰有功过而爵禄有进退者则司士于三歲而稽攷之此黜陟劝沮之法所以皆本于王朝而国无异政欤春秋列国之君爵位名号皆自己出或禄或继皆非王命孔子所以讥之

愚案此是稽诸侯贡士之贤否以行赏罚周礼诸侯贡士一项不见他官想司士得兼其稽攷进退之权

诸子下大夫二人中士四人府二人史二人胥二人徒二十人

郑司农曰燕义曰古者天子之官有庶子官与周官诸子职同文

王昭禹曰掌国子之倅而名官谓之诸子者盖公卿大夫士之子自其众而言之○陈君举曰诸子隸于司马何也古者大夫士国子皆从金革之事而不征于司马既非其官之长素禀命焉一旦用之将有不如今者舍之则不能以正众遽用法亦难乎为上矣俾之属以传军正用之则其官自为帅其徒自为伍所以整众亦所以全恩也○李嘉防曰诸子不属之司士主公卿大夫士之子或曰庶子亦如宫伯所掌不属之宫正也在此者与司士等皆是辩论官材之事

掌国子之倅【七内反】

黄氏曰燕义曰周有庶子官诸子即庶子也国子适庶兼称倅副貳也庶子副貳适子故曰国子之倅周官适子为门子小宗伯掌其政令适子承袭庶子有才则诸子进而爵秩之故与司士联职而独掌其倅【○易氏曰故书倅为卒郑氏以下文有游倅故改为倅职末言修德学道固游倅之事此主下文兵甲之事则卒之一字即有什伍之意○王氏详說曰国子有正有倅已仕其正也未仕其倅也所谓国子存游倅凡国之贵游子弟学焉是也此王制所谓不世爵者欤○王昭禹曰国子之教师氏掌其正者也诸子掌其倅而已】○郑锷曰人君于功臣之类贤者之世欲与之共治天下既教其适又治其庶他日人才源源不穷矣故设官以掌之如此○吕芸阁曰古之为国其使君臣相信非一日之积也太子君之貳也国子之倅诸侯诸臣之貳也以诸侯诸臣之貳事其君之貳学相同则好相合矣王制曰春秋教以礼乐冬夏教以诗书王太子王子羣后之太子卿大夫元士之适子皆造焉是也事相同则情相信矣国有大事则帅国子而致于太子唯所用之是也故太子虽未为君也君臣之交际已尽贤不肖之知己悉可任使之材已备则先王之虑后世者不为不豫也

掌其戒令与其教治辨其等正其位

方氏曰戒之使勿怠令之使有为教之以其艺治之以其事知其戒令而后可以教治也则所主在乎戒令然后及教治焉故于戒令言掌于教治言与【○郑康成曰戒令致于太子之事教治修德学道○郑锷曰既有戒令又有教治则教以道德而治其事焉】○刘氏曰辨其等以其父之爵为之等【○郑锷曰别其为卿为大夫之倅使尊卑有等○贾氏曰谓才艺高下等级也○方氏曰经言以攷其艺而进退之则等有上下矣艺之等则庶子之官所自制故宜别其详】○吕氏曰正其位谓在朝廷则尚爵在学校则尚齿也【○刘氏曰叙其齿而为之位也凡入学以齿○贾氏曰位谓朝太子时依父防高下为列○郑锷曰其父之爵尊者其位高其父之爵卑者其位下使上下有序○方氏曰言诸侯卿大夫之士庶子则位有贵贱矣爵之位则人君之所先故宜正其位】

国有大事则帅国子而致于太子唯所用之若有兵甲之事则授之车甲合其卒【子忽反】伍置其有司以军灋治之

吕氏曰国有大事谓大祭祀大丧纪大賓客大燕飧之类【○贾氏曰下有兵甲之事则此大事谓祭祀】○黄氏曰诸子不掌适子国有大事则帅国子而致于太子适庶咸在太子居则监国出则抚军皆大事也故诸子尽帅国子而致之【○郑锷曰公卿大夫王所用也公卿大夫之子太子所用也王用其父太子用其子兹其所以为御臣之术帅国子而致于太子唯太子之令是从则太子之令行而权有所归矣】

李氏曰王者之师非直兴之间里又取诸世族彼以父祖富贵之相承宜有报上之心而况德行道艺之素习孰不知忠孝之美任之以金革则与干赏蹈利庸徒鬻卖者有间矣且太子将为君国子将为臣君臣之分未定而恩义固已接矣今日之游倅安知不为嗣王之将帅哉文王世子曰公若有出疆之政庶子以公族之无事者守于公宫正室守太庙诸父守贵宫贵室诸子诸孙守下宫下室此诸侯礼也岂天下之事而有不用力者乎【○吕氏曰古者太子与卿大夫之子同在学或有大故则使太子帅其余子在宫中天子同其父御兵于外其子弟佐太子守宫于内此见得内外相维持不拔之理夫太子素与诸侯之子弟朝夕习熟故后来诸侯之子立为诸侯时事太子为君此正是封建诸侯之本平日在学时必择其能为诸侯则他日立为诸侯有不可立者则不立也如国语宣王欲得国子之能训诸侯者樊穆仲曰鲁侯肃恭明神而敬事耆老赋事行刑必闻于遗训而资于故实王乃命鲁孝公于夷宫此是诸侯子弟同在学者又如楚世家曰周当成王时楚子熊绎与鲁公伯禽衛康叔子牟晋侯燮齐太公子伋俱事成王亦可以见太子素与诸侯子弟相处此其意可以槩见至春秋郑太子忽在周犹有此意】

郑锷曰或有甲兵之事国子隸于太子其捍患也不可无车甲其在师也不可无卒伍诸子授之以车使得以载乘授之以甲使得以自衛又合之使为卒伍各相连属【○郑康成曰军法百人为卒五人为伍】又为之置军中之有司亦如司马之类得以统摄之【○王昭禹曰若伍之有司马卒之有长】一切以军法从事【○王昭禹曰其坐作其赏罚若军旅之事而已】盖膏粱之习有所恃而不用军令者治以军法则人知所畏矣上言掌国子之倅下言自帅国子而下皆言国子而不及倅岂非无事之时国子隸于师保惟有事与用兵诸子兼将而

统之欤○李嘉防曰太子之职在于侍膳问安朝夕侍君父者今合国子自成一军得无任之重乎其贤耶固可无虑不贤耶能无可虑乎是不然也如汉太子监屯兵必有子房为少傅叔孙通为太傅况周家太子师傅之官最所慎重苟専任师傅宁得有他患乎所可虑者国子多与太子同学人情密熟或以情挠法则将奈何此所以贵乎以军法治之也

司马弗正【音征下同】凡国正弗及

郑康成曰弗不也○王氏曰司马弗正国正弗及则是诸子正之太子用之而已○郑锷曰六军之众司马得而治之国子隸于太子虽司马掌征伐之权其有军赋亦不得而正之正谓军赋也此与为俊造之士升于司徒者不征于乡升于学者不征于司徒事异而意同○黄氏曰不惟兵甲之事凡国征赋皆弗及所谓贵者贤者皆舍后世亦然春秋楚有东宫六卒至唐遂置太子六卒【○刘迎曰国之俊造之士尚弗征于司徒司马宁有国子乃公卿之子弟既致于太子而唯太子所用岂有诸子既正之军法而复正于司马与正于国乎先儒谓正为征言司马有军事弗赋则是征为赋矣至后世宰相之子不免戍边皆此啓之不知国子于太子既于患难相左右缓急相倚仗他日为君臣心腹股肱皆是人耳所以治于太子惟诸子正之欤若夫都司马亦尝掌都之士庶子车马兵甲之戒令而以国法掌其政学矣然为国子则诸子正之封于都邑则都司马掌之其为车马甲兵之事一也○刘执中曰圣人防微防国之根本使诸侯卿大夫之子为太子之肘腋而倖于王也司马弗正正者政也司马之政得正于乡遂及天下之诸侯而不得施于诸子之卒伍也则国之根本不可得以动摇矣凡国正弗及者言豕宰之治所以正六宫范诸侯也唯弗及于诸子则太子得以为王之腹心而可以御羣臣矣周公之制防微固本傍及于此而后代反以为非者盖无三代所以教太子胄子之道也是以先王之治必先学校者以能正人心而致其忠义于君父也文王世子其教者可见矣】

易氏曰治之以军法与司马之所以用其民者同不以贵者而废乎法公其法也不正于司马之赋亦不与司徒之力役不以有司之法而律贵者重其事也

大祭祀正六牲之体

郑康成曰正谓牝豕之○郑锷曰祭祀凡牲在鼎一人以匕出之一人载之于俎司士割之而使诸子正之盖割不正不食况祭祀之事神乎○刘执中曰诸子学礼乐诗书将世其父而本之以用者割牲羞俎豆则已仕者为之而司士掌焉诸子则涖而观之朝践而豚解必腥以献也醑尸而体折必熟以献之至于犬豕牛羊升首荐血六牲之体必叙以献而中乎礼乐之节皆有司为之也苟失其叙有不中礼则诸子得以正而叙之故曰正六牲之体习之以其行也○黄氏曰六牲六官之所奉也司士割之诸子正其体教之为有渐矣

凡乐事正舞位授舞器

郑康成曰位佾处○贾氏曰乐有舞之处皆使正舞人八八六十四人之位并授其舞之器文舞则羽籥武舞则干戚○王昭禹曰正舞位谓国子之在舞位者授舞器谓国子之受舞者

盖先王之教国子成之以乐而大司乐教之以乐故凡乐事则帅之而舞而诸子所以正之授之者如此○黄氏曰大胥合舞致诸子故诸子于此正舞位授舞器【○李嘉防曰正之授之于未入大胥之日者诸子也故大胥曰掌学士之版以待致诸子者此也】

大丧正羣子之服位

黄氏曰羣子庶子也丧之服位庶子不得与适子齿特言羣子着其别也○贾氏曰服谓公卿大夫之子为王斩衰与父同位谓殡宫外内哭位

易氏曰乐事则舞有出入之位亦有文武之器大丧则有亲踈贵贱之服亦有亲踈贵贱之居授之正之皆诸子之责

防同賓客作羣子从

郑锷曰从非必尽从也作其当从者耳○黄氏曰防同賓客当从王则选行者其余则与适子俱侍太子汉萧何识此意【○李嘉防曰从曰羣子又非惟诸子所掌之倅】

凡国之政事国子存游倅使之修德学道春合诸学秋合诸射以攷其艺而进退之

郑锷曰先儒谓政事者繇役之事国子存游倅者言有事之时此国子存游暇无事之倅中使修德学道窃疑存字之义未通近世王安石谓国子服政故事之游倅弗服政故存之而已以凡国之政为一句事国子为一句存游倅为一句穿凿尤甚要知为国家有政事之时为国子者当有事焉或唯太子之命是从或授甲车以从军国子于是时不得以自暇也若夫未仕之庶子则不与事矣其为学不可以或废也于国子中存其游倅使之修德学道也游倅者未仕之倅游如逸游之游见其无事之意○黄氏曰国子与王子弟共学国有政事国子虽尽有职任而必存游倅使之修德学道学校不可一日废也一人元良万邦以贞先王所务莫上焉游言其无职任也○易氏曰使之修德即师氏所谓三德教国子者使之学道即保氏所谓养国子以道而教以六艺者德原于性故谓之修道公乎人故谓之学○郑锷曰德本于一性之所自得在我修焉而已道出于圣人之所传非学则不知德既使之修道既使之学苟无以攷校之则勤者亦怠矣故春则合诸学秋则合诸射以攷其艺而进退之焉学谓东序在王宫之左者射谓射宫虞庠之在西郊者其为学则一也以其合之以攷道艺故以学言之以攷射故以射言之【○王氏详説曰大司乐掌成均之法以教国子弟又曰祭于瞽宗夫东序夏人之大学也瞽宗商人之大学也上庠周人之大学也成均五帝学之總名成王之时所兼用也初不及其小学此曰春合诸学秋合诸射学大学也射泽宫之学也所谓养庶老于虞庠在周之西郊是以养庶老在是择士而习射者亦在是以其养庶老故以虞庠称之以其习射故以射宫称之射小学之谓也】道艺文事也文学属乎阳故春合之射武事也武事属乎陰故秋合之先王于国子教之以文欲其德行道艺足以表人教之以武欲其有事之际能任甲兵之事又欲其功之易成故因时顺气以合之大胥之教诸子也春入学舍菜合舞秋颁学合声所专主者教以乐舞也王制曰春秋教以礼乐冬夏教以诗书其所专主者造以四术也诸子既教以

文又教以武先王之世非唯为国子者有文武之才凡为游倅者亦教之有素也【○李嘉会曰无职事之国子始曰游倅修德学道宜专心致意焉故可行进退之法】○王昭禹曰宫正防其什伍而教之道艺教之于宿衞之时诸子春秋合之于方学之时攷其艺而进退之则能者在所进不肖者在所退也○易氏曰进者任以国事而退者亦有以勉其所未至【○刘执中曰攷其艺而进退之王制曰小乐正简不帅教者告于大乐正大乐正告之于王王亲视学又不变更之远方】

王昭禹曰先王之时贵而国子贱而万民其教之也文德武事无乎不备况公卿大夫泄职于外者其子弟宿衞于王宫泄职于内者其子弟守固于边鄙则诸子掌其教治如此不亦宜乎

司右上士二人下士四人府四人史四人胥八人徒八十人

郑康成曰右谓有勇力之士充王车右【○王氏曰人之左手不如右强故车置勇力之士谓之右】○王昭禹曰羣右之长所以谓之司右○刘氏曰司右羣属车之右若王之五路右其玉路金路者下大夫也右其象路者上士也右其戎路木路者中大夫也故司右上士二人下士四人徒八十人者皆羣属车之右也

黄氏曰左主射右持车故司右与射人联职而虎贲以下扈从王者列于其下朝仪之位大右大仆虎士列于路门右右皆主衞从也羣右列于甲兵戈盾弓矢官之下不联大右甲兵严飭而后戎车驾事之序当如此司右虽主羣右之政令而其秩卑于仆御御射固高于右也戎右中大夫其事重也

掌羣右之政令

郑锷曰或谓乘车之路尊者在左御者在中勇力之士在右车必有右况王之五路乎今攷之经有道右有齐右有戎右而玉路田路俱无右先儒谓齐右兼玉路之右戎右兼田路之右然则玉路以祀金路以賔皆文事之容戎路以即戎田路以田以鄙皆武事之容故独以兼之司右乃众右之长羣右皆其所统治也【○李嘉防曰戎右齐右道右天子乘车之右皆中大夫下大夫非司右之属也司右之右乃兵车之右用以征行侵伐故凡国中之有勇力者皆属焉一旦有事则取之以为右】

凡军旅防同合其车之卒伍而比【毗志反】其乘【绳证反】属其右

郑锷曰王有军旅防同之事以车从车之卒伍亦如万民之卒伍司右令之使相联属也【○贾氏曰左传云其君之戎分为二广广有一卒卒偏之两司马法二十五乘为偏百二十五乘为伍是车之卒伍也○王氏曰车之卒伍车仆所谓车之萃也】比其乘使车皆有行列属其右使车右皆有统摄【○王氏曰比其乘则比其乘之马使齐力属其右则属其右之人使同心○黄氏曰凡乘王倅车者皆比之而其右皆属之司右主车故独合车之卒伍古法五人为伍百人为卒后世兵法有以七十五人将重车合一车而为百人】○郑康成曰合比属谓次

第相安习也

凡国之勇力之士能用五兵者属焉掌其政令

郑康成曰勇力之士属焉者选右当于中司马法曰弓矢围殳矛守戈防助凡五兵长以衛短短以救长○郑锷曰为车右者勇力之士皆用五兵者也五兵非人之所能用而勇力过人者尤非易得幸而有焉选百得十选十得一凡国中之有斯人则使之属于司右庶得选择以为用也何则有车上之五兵有步卒之五兵戈也殳也防也酋矛也夷矛也是谓车上之五兵无夷矛而有弓矢是谓步卒之五兵非勇力之士则不能用属于司右非惟选之以待用亦掌其政令使强有力者无所肆其暴矣

王氏曰先王既合万民之卒伍以时习之皆使知战又属勇力之士能用五兵者于司右使掌其政令则军旅之事有选锋以待敌齐民得免死焉无事之时武夫皆寓于官府无所奋其私鬪矣【○王昭禹曰唐之弊也一旦有警而宿衛之士皆不足以授甲又乌知成周之法】

虎贲【音奔】氏下大夫二人中士十有二人府二人史八人胥八十人虎士八百人

薛平仲曰虎言其有力如虎也旅言其旅力方刚也虎贲有虎士八百人用之以先后王而趋非部分之严节制之素难乎为衛矣故虎贲氏则以下大夫二人为之【○黄氏曰虎贲氏有所主帅且为近衛故高其爵】○郑康成曰不言徒曰虎士则虎士徒之选有勇力者【○易氏曰此言虎士八百人与牧誓言虎贲三百人其数为不同盖此以衛至尊为王惟众而后可以备仪衛】

陈及之曰虎贲八百人盖天子亲兵六军之外禁衛惟此而已王不出则虎士不出及其敝也以之从军旅赐诸侯非旧制矣○胡康侯曰自古盛王虽用文德必有亲兵专掌宿衛周公指虎贲与常伯同戒成王欲其知恤虎贲者犹今侍衛亲军也康王初立太保奭命齐侯吕伋以虎贲百人逆于南门吕伋者太公望子自诸侯入典亲军犹今殿前步军都帅也勲德世臣總司禁旅虎贲衛士宿衛王宫其为国家虑深遠矣○吕东莱曰周公戒成王何故以虎贲与任人牧人准人同一般說此最是周公养成君德深厚处大抵外朝之臣人君临朝方得入覲而人君见其望高德厚待之为严不敢防近侍衛仆御朝夕亲比若得正人动作起居默移陰化須到圣贤地位故虎贲綴衣位最贱职最亲所以亦須要得人○郑节卿曰宫正宿衛之士统于大宰而虎贲之虎士八百人亦王之亲兵而属诸司马此司马亦听命于大宰耳必散诸司马者内外虽不可以不相统而彼此之势则不可不相持是故兵衛掌于宫正而王之亲兵与四夷之兵掌于虎贲与司隸汉以南北军相制国朝以皇城司殿前司相维持大抵皆周人之遗意

掌先【悉荐反】后【戸豆反】王而趋以卒伍军旅防同亦如之郑锷曰王出则或居王前以为之先或居王后以为之后其先后也欲严以肃故皆趋其趋也必以卒伍如军法焉【○刘氏曰虽趋亦不离其卒伍示众以严肃也】不特国中为然王者有军旅防同之事皆然

舍则守王闲王在国则守王宫国有大故则守王门大丧亦如之

郑锷曰王所止舍之处设桎梏再重以为闲则守乎其外王在国虽处宫禁之严又守乎其内【○易氏曰入而在国则五寝次舍以卫宫】若有大故其所防者尤当致严又守王门资之以衛至尊【○易氏曰五门出入必几
郑康成曰非常之难要在门】如是则八百人之众不足恠也

及葬从【才用反】遣车而哭

郑康成曰遣车王之魂魄所冯依【○贾氏曰遣车将葬盛所苞奠遣送之车其车内既皆有牲体故云魂魄所依】

适四方使【所吏反下同】则从士大夫若道路不通有徵事则奉书以使于四方

郑锷曰王朝或遣使于四方所遣者士大夫也必从以虎贲【○刘执中曰虎士从之防王命也】多难之世寇攘奸宄或为患于道路道路不通王命壅遏或有徵召于诸侯虎贲氏奉王之书以使于其国惟其武勇故使之犯难而往也

旅贲氏中士二人下士十有六人史二人徒八人郑锷曰旅如旅力方刚之旅旅有力之意故人之背旅谓之臂以其有力故也【○贾氏曰旅见其众贲见其勇】或谓有虎贲氏八百人矣又有旅贲氏十六人何耶盖八百人分为卒伍而趋于王之前后则既衛其前又衛其后也旅贲氏之十六人则夹车而趋或防其左或防其右此其所以异○李嘉防曰大夫不可徒行故旅贲氏止用中士不使大夫

掌执戈盾夹王车而趋左八人右八人车止则持轮郑康成曰夹王车者其下士也下士十有六人中士为之帅○郑锷曰夹王之车执戈所以擊刺执盾所以捍衛左右必皆八人人主上法乎天而左右之衛亦取象于八卦故数皆八也车之运行其势疾矣及其止也余力未定虑其运而不止故持其轮而止之自非旅力过人安能然也【○王氏曰持轮所以为安也○李嘉防曰王止则亦止而衛王】

凡祭祀防同賓客则服而趋

郑锷曰祭祀賓客防同王则吉服旅贲亦以服而从先儒以为王袞冕则旅贲齐服服端窃以为不然言服而趋者谓军旅夹王车或以介祭祀防同賓客则无用介惟服其所当服之服而已【○王昭禹曰服而趋者其服亦如王祭祀賓客之服】何以明之下文言军旅则被甲而趋盖能自保衛然后可以衛至尊有兵甲之事尤不可不先自备或使之服其介也亦以重天子之威

丧纪则衰【七雷反】葛执戈盾

郑康成曰葛葛经武士尚轻【○贾氏曰臣为王贵贱皆斩衰麻经至葬乃服葛今王始死即服葛故云武士尚轻】

军旅则介而趋

郑康成曰介被甲○王氏曰旅责则王衞之尤亲者王吉服则亦吉服王凶服则亦凶服王戎服则亦戎服亦与王同其忧乐也○易氏曰祭祀防同賓客丧纪军旅各以吉凶之服衞于王军国之容有足观者矣

节服氏下士八人徒四人

黄氏曰其服袞冕名之曰节以着别也○郑锷曰或谓春官有司服掌王之衣服宜可得而节此官所言初无撙节之意何以为上节王之衣服耶夫王之袞冕裘冕固非臣下所可服然有时而服之亦以行礼之故尔行礼则服之事已则止其服也固有节矣此序官节服之意

掌祭祀朝覲袞冕六人维王之大常

郑锷曰祭祀朝覲王乘五路建大常服袞冕此礼之至文而盛也又使节服氏六人与王同服以维持大常之旒盖大常十有二旒其长曳地必用人以维持之维者以缕缀连之义每旁三人则法阳数之成而以象天阳俾服袞冕同王之服以尊天之象【○易氏曰王于郊祀服袞冕而节服氏之二人者亦服袞冕王于祭祀朝覲服袞冕而节服氏之六人者亦服袞冕若是何以为节曰是乃所以为节也春秋之法贵贱不嫌于同号以其有节存焉王眡治朝其位亦南乡王族故士虎士在路门之右大仆大右大仆从者在路门之左其位亦南乡则尊卑何以无辨位同乎南乡从王于后也服同乎袞冕裘冕从王于左右也既有前后左右之节矣则位序服饰乃衞至尊而崇威严亦何嫌于同】

愚案此便是顾命一人冕执刘一人冕执戣相似

诸侯则四人其服亦如之

贾氏曰礼纬天子旌九仞十二旒曳地诸侯七仞九旒齐軫大夫五仞五旒齐较士三仞三旒齐首彼或异代法故旒不依命数周诸侯之旌皆交龙为之上公九旒侯伯七子男五今總云四人则不得两两维之但一畔二人分而维之耳【○郑锷曰诸侯之祀也建交龙之旌亦谓之建常用四人以维之其服与诸侯亦同王六而诸侯四降杀以两又四者陰之数诸侯虽有君道而视天子则臣也故取陰之数焉】

郊祀袞冕二人执戈送逆尸从车

郑锷曰祀必有尸虽郊祀亦有尸士师言祀五帝则沃尸春秋传曰晋祀夏郊董伯为尸此言

郊祀送逆尸则是郊亦有尸也郊祀王服大裘而冕王服大裘则尸亦服大裘尸服大裘故节服氏八人六人维大常故二人送逆尸也然亦惟郊祀则有裘冕执戈之礼他祀则不用也始焉逆之终焉送之皆从尸所乘之车事尊神者其礼当致其谨也或谓王服裘冕节服氏亦裘冕近于无等差先王制礼必有毫厘之辨何为至尊之裘冕与臣下同耶盖祀天之礼内服大裘则外被冕故曰裘冕又曰裘冕司裘言为大裘以共王祀天之服而不言裘司服言祀天则裘冕而不言裘王服裘则曰裘冕王服裘故云裘冕郊祀以维大常而送逆尸之故乃分而二之使节服氏八人各服其一大常以文为主故服以裘送逆尸以质为主故服以裘服裘者无裘服裘者无裘岂不有毫厘之辨哉王之奉祀也以内则尽质以外则尽文故兼论乎裘裘又以见名官曰节服氏之意

方相氏狂夫四人

王昭禹曰方相氏者以其相视而攻疫者非一方也月令于季冬命有司大雩则曰旁磔亦以方之所在非一方○郑锷曰或谓每岁有时雩之事所谓季春命国雩仲秋天子乃雩季冬命有司大雩见于月令者是也三时有雩夏则无之方相氏乃为夏官之属何耶盖方相氏以狂夫为之康成谓方相犹放想可畏怖之貌义无所攷殆猖狂之意也因四方而驱疫必狂夫为之盖阳胜则为狂阴慝则为疫狂夫阳之太过者也夏则阳盛而火王阳盛而太过则为狂矣使之索阴慝之鬼亦厌胜之术○贾氏曰执戈 盾亦武事故在此

總论

薛平仲曰四官之设先王必使世其官者合庶士以衛至尊其事至难使为之长者或更进迭用而非世守之旧则人心涣散不属所关甚大此虎贲旅贲必以氏为名节服氏以裘冕维大常其职与旅贲氏相关非世其官不足以明礼典之宜方相氏以索室驱疫非世其官不能明鬼神之故此节服方相亦以氏为名也

掌蒙熊皮黄金四目 衣朱裳执戈 盾帅百隸而时难【乃多反】以索室毆疫

郑康成曰蒙冒也○郑锷曰熊之为物猛而有威百兽畏之蒙熊皮所以为威也金阳刚而有制用为四目以见刚明能视四方疫疠所在无不见也 者北方之色天事之武也朱者南方之色地事之文也以 为衣所上者武以朱为裳辅之以文【○李嘉会曰鬼神陰物狂夫四目 衣朱裳皆象阳气以抑陰气】执戈击刺 盾自衛【○黄氏曰执戈 盾犹尚勇欤】帅百隸以为之【○王昭禹曰帅罪隸蛮隸之属】贱者之职也○王昭禹曰时雩以时而雩月令季春仲秋季冬是也【○郑锷曰季春仲秋之雩有国之礼庶人不得为季冬之雩谓之大雩孔子于乡人雩则朝服而立于阼阶以安室神谓季冬之雩大雩驱索诸室中而逐之故朝服以安祖先之神尔】○郑康成曰索廋也○王昭禹曰室者陰慝之所藏

大丧先匱

郑康成曰葬使之道○刘执中曰凶事多邪慝乘之

及墓入圻以戈击四隅毆方【音罔】良【音两】

郑康成曰圻穿地中也天子之椁栢黄肠为里而表以石焉方良罔两也国语曰木石之恠夔罔两○郑锜曰葬则用木石木石久而变恠生故始葬则毆之亦厌胜之术【○易氏曰占梦季冬聘王梦遂令始雉毆疫则令此而已】

郑锜曰丧则使之为前驱以辟凶邪葬则使之入圻击罔两所以安神灵

周礼订义卷五十一

卷五十二

钦定四库全书

周礼订义卷五十二 宋 王与之 撰

大仆下大夫二人

郑康成曰仆待御于尊者之名大仆其长也○郑锷曰公卿大臣辅王于朝其见王为有时若夫左右仆从于王尤亲昵苟防近小人无以闻正论故先王以下大夫为之所以重其任也【○陈君举曰六官皆有风义之臣如地官师氏保氏春官大史内史夏官射人大仆是也书曰太史友内史友记曰射人师仆人师】○薛平仲曰上而正君心于周旋密勿之间下而通人情于势分难通之际大仆以之帅其僚庶僚以之佐其长上下交孚内外无壅天下之政此其本也○陈君举曰属之司马不惟宫中部署严肃亦以通遽令也不然则有逗留怠于 命之患

掌正王之服位出入王之大命

项氏曰王之吉服有六大仆正之则动容周旋无不中礼【○黄氏曰此盖朝服非朝服则祭服也燕服小臣正也】王之眡朝有位正之则出入起居罔有不钦

王昭禹曰出王之大命则宣之于外入王之大命则纳之于内【○郑康成曰出大命王之教也入大命羣臣所奏行○郑锷曰王之大命则国之大安危民之大利病所以指麾羣臣而号令四方者】大仆之出入王之大命特以其在王之左右为王之侍御掌趋走奉行之事而已若书言龙作纳言诗言仲山甫出纳王命则异于是

掌诸侯之复逆

郑锷曰诸侯之复上有询乎诸侯而诸侯反报之诸侯之逆诸侯自出所见以告乎上皆掌受之以上達则无壅遏或谓羣吏之逆庶民之复御仆掌之诸臣之复万民之逆宰夫掌之三公及孤卿之复逆小臣掌之独大仆掌诸侯之复逆何也盖臣民复逆王所日闻故内焉御仆小臣達之外焉宰夫達之事之常也若诸侯复逆则非常矣○陈及之曰掌复逆者受羣下书奏也汉之公车司马今之登闻检院皆掌天下章奏乃一官耳大仆掌诸侯复逆小臣掌羣吏之逆及庶民之复而宰夫又掌诸臣之复万民之逆不亦多乎盖官府有尊卑爵禄有高下大仆大夫也苟下掌吏民之复逆御仆下士也苟上掌诸侯及公孤之复逆则情意不相通官高则此不肯受官卑则此不肯授于是上下之势悬隔而天下之事壅于上闻今大仆掌诸侯小臣掌孤卿大夫御仆掌吏民则势敌情通不敢逗留章奏矣然其事所系甚大于是复俾大宰之属掌之则当以所言告之冢宰与王谋议其事而行不特是也秦章邯奏事而赵高为丞相留

司马门不进则是与章奏者非王之近臣也若夫大仆小臣御仆皆王之侍御仆从也受章奏而達于王无所關决而大臣亦不得自便矣

王眡朝则前正位而退入亦如之

王氏曰王眡朝眡治朝○易氏曰此经正与司士一职互文见义司士正朝仪之位王南乡则王之位也虽言王位而非正王位之职所正者羣臣之位其曰三公北面东上孤东面北上卿大夫西面北上王族故士虎士在路门之右南面东上大仆大右大仆从者在路门之右南面西上羣臣既正其位矣然后大仆自路门之左立于王前故曰大仆前所以正王位又言王入内朝皆退郑氏引玉藻之言曰朝服以日视朝于内朝辨色始入君日出而视之退适路寝听政谓诸侯也言诸侯则天子亦然谓王入路门听政于路寝则羣臣各退向治事之处若据司士所言皆退疑若大仆亦随羣臣而退今攷此经文意则大仆实未尝退所言王眡朝则前正位而退乃是退立于路门之本位以俟朝毕及王入路门而听政路寝则羣臣虽退而大仆复入正路寝之位司士不及此者以其所正者羣臣之位朝毕则退而已大仆掌正王位则无往不从故出入亦如之详略不同亦各其职云

吕氏曰如汉成帝临朝之时尊严如神及退朝与张放等所說皆淫辟邪侈之事人君到此不是匡正有人如何防到罔有不钦田地

建路鼓于大寝之门外而掌其政以待達穷者与遽令闻鼓声则速逆御仆与御庶子

王昭禹曰路鼓王鼓也必建路鼓示欲四方无所不達○郑锷曰路鼓王之所执者也大寝王听政之所也建路鼓于大寝之门外使穷冤失职者击焉上急变者击焉欲其近乎王而声必闻事必達也○季氏曰天子有五门外曰臯门二曰库门三曰雉门四曰应门五曰路门大寝盖在路门之内也考之周礼阍人掌王宫中门之禁则是雉门已有禁矣而路鼓在路门外穷民安得入也盖朝士之职以肺石達穷民而肺石乃在外朝外朝在臯门之内库门之外则是穷民得至于库门之外而朝士乃为之達于路门耳然则大仆之所待者乃待朝士之所達也○黄氏曰郑谓政鼓节与早晏非也经之建鼓所待者達穷与遽令而已如御仆直事鼓所大仆闻鼓速逆皆其政也穷与遽令皆应亟报故不待眡朝击鼓而奏之更始韩夫人曰帝方与我饮乃以此时奏事抵破案于是百官不敢奏事○王氏曰先穷者欲速達甚于遽令○郑康成曰御仆御庶子直事鼓所者【○黄氏曰御仆与御庶子各有之通掌其事御庶子士庶子之御于王所者也是于士庶子最为亲近御仆掌王燕令】郑锷曰御仆与御庶子受穷民之诉与遽令之事将以上達使大仆不迎而受之欲上達之速亦不可得闻鼓声则速逆之言迎而受之速以上達

孙氏曰命令复逆虽均之为急未若遽令所系于军事者尤急故不领于他官而领于司马既领之司马复叙于小宰何也一相在内无所不统使侍御仆从不由小宰以叙次而纷乱离贰一相不预闻焉则事权分而君听惑故達以御仆而后上下之情通叙于小宰而后内外之体一

祭祀賓客防紀正王之服位詔灋儀贊王牲事

王昭禹曰祭祀吉禮之事賓客賓禮之事防紀凶禮之事事既不同王之服位亦異○易氏曰王者祭祀之服六司服之六服是也賓客之服二司服所言鄉射則鷩冕眡朝皮弁服是也防紀之服一司服所言凶事服弁服是也其位則隨事而立无非大仆之所正○鄭鐸曰大仆既正王之服位又再言之何也蓋上所言者王視朝之時乃若祭祀賓客防紀之服位苟不正之則事神接人之際失其當矣既已正之又詔之以法使王動皆中度詔之以儀使王行而合禮○鄭康成曰詔告也○王昭禹曰法見于度數者儀見于動容者皆大仆以言告之○鄭康成曰牲事殺割匕載之屬【○賈氏曰言殺據祭祀之時親自射牲也司弓矢云共王射牲之弓矢割者即郊特牲云君肉袒親割也匕載易震卦注云人君于祭祀之禮匕牲荐鬯也】○王氏曰王之牲事以事鬼神苟外不能治其人內不能治其身雖日用牲祭鬼神猶弗享也大臣眾矣所與治其人莫尊于大宰近臣眾矣所與正其身莫親于大仆故贊牲事以此兩官

王出入則自左馭而前驅

易氏曰不敢自右以周人尚右尊君也○王氏詳說曰夏官以仆名官者有八大仆祭仆馭仆仆仆于王之左右也道仆齊仆田仆戎仆四者仆于車之左右也乘車之仆見于曲禮詳矣曰君車將駕則仆執策立于馬前已駕仆展輪效駕奮衣由右上取貳綏跪乘執防分轡驅之五步而立君出就車則仆并轡授綏左右攘辟車驅而駒至于大門君撫仆之手而顧命車右就車車之有仆所以兼車右事也效車則奮衣由右車驅則顧命車右此大仆初非預于乘車之仆特為王前驅而已驅者在途御者在車驅不復御焉有并為之乎今日自左馭而前驅是王未乘車而乘君之乘車者不敢曠左是左馭者乃乘車之仆蓋大仆前驅自馭者之左行而驅耳鄭氏以為居左自馭失之矣

凡軍旅田役贊王鼓

鄭鐸曰軍旅田役王親執路鼓路鼓四面王自擊其一大仆擊其一戎右擊其一故二官皆言贊王鼓助王擊之以用眾也○黃氏曰鼓所令止作也大仆贊王鼓亦左馭居前欵【○易氏曰大司馬搜田之禮王執路鼓必待司馬辨之而后大仆贊之鼓人于救日月則詔王鼓必待鼓人詔之而大仆贊之王皆為之親鼓焉其義見于大司馬及鼓人】

救日月亦如之

鄭康成曰日月食時春秋 曰非日月之 不鼓○鄭鐸曰日食陰侵陽伐鼓以助陽月食陽侵陰亦擊鼓者以陽太盛擊助陰之鼓也鼓人言以雷鼓鼓神祀以靈鼓鼓社祭雷鼓祀天之鼓屬乎陽日食所擊者也月食宜擊靈鼓欵

大防始崩戒鼓 達于四方窆【彼驗反】亦如之

郑司农曰窆春秋 所谓日中而殯礼记谓之封皆葬下棺也

易氏曰始崩及窆击鼓以戒众人且 達于四方使四方知防礼也

县【音 𡗗】防首服之灋于宫门

郑康成曰首服之法谓免髻笄總广狭长短之数县其书于宫门示四方○易氏曰小宗伯既已县衰冠之式于路门之外此复县首服之法于宫门者首服则妇人之服衰冠则男子之服○黄氏曰必使大仆掌之者大仆侍御之官王之起居所当知也汉武帝崩燕王使幸臣王孺之长安问帝崩所病执金吾郭广意言待诏五柞宫宫中謹言帝崩诸将军共立太子归以报王王曰上弃羣臣无语言盖主又不得见甚可怪于是为反谋故人主左右无中外共信之臣及平时无法度可使与臣民相關通缓急之际奸轨遂得妄有窥伺周官王出则大仆前驱居则賛相不眡朝则辞于三公及孤卿大防始崩戒鼓遂出防首服法防防杜渐之意深矣

掌三公孤卿之吊劳【力报反】

郑康成曰王使往○郑锴曰王于公卿有吊之之礼以致其哀戚之情有劳之之礼以示其闵劳之意三公孤卿近臣之重故遣仆臣以往见其恩厚也

王燕饮则相【息亮反】其灋

郑锴曰王有燕饮臣下之礼以示慈惠公三燕侯伯再燕子男一燕其燕皆在寢如主人酌賓賓酬主人之类皆有法也大仆侍王左右故相其法燕而有法则无废礼之愆幽王荒废饮酒无度以其无法故欤大仆相其法此其所以用吉士而不敢用便辟侧媚之人

王射则賛弓矢

郑康成曰賛谓授之受之○郑锴曰射有挟弓执矢之法文承燕饮之下则知因燕而射也先儒以为大射恐不然射以观德而王者之射尤诸侯臣下之所取法故令大仆賛之后世委任华重渐至于执政而名官以仆射其原盖起于此

王眡燕朝则正位掌摎相

郑康成曰燕朝朝于路寝之庭王图宗人之嘉事则燕朝○郑锴曰上言正王之服位又言祭祀賓客则正位此又言正位者燕朝之位也王有三朝而燕朝乃安燕之地亲族所聚正其位而且摎之相之则王之见之也以礼而宗人之见王也不敢恃恩以犯分王昭禹曰摎则相賓相则助王皆大仆掌之

主不眡朝则辞于三公及孤卿

郑锷曰一日二日万几王者不可一日不眡朝王不眡朝是必有故以辞谕诸大臣使知其不视之故若以安燕而废朝当论谏以箴过于未萌三公孤卿大臣也与国共休戚宜以辞告之

总论

李嘉防曰大仆与王最亲无一事不正乎王无一动不賛其礼不惟正眡朝之服位至入于燕朝亦如之不惟正寘祭防纪之服位而位在燕朝者亦正之王有牲事则賛法仪王有燕饮则相其法师田则賛王鼓王射则賛弓矢穆王以此职命伯冏谓其出入起居罔有不钦其见大仆有關於王身者如此其重

小臣上士四人

黄氏曰地愈近则事愈防而职愈卑故名大仆曰大小臣曰小

郑锷曰小臣掌王之小命王有所行则诏相其法仪之小者疑若卑防以上士为之何耶盖所谓士者以德行道艺考选而进者在王左右必不王为非矣故穆王命伯冏慎简乃僚其惟吉士正谓此也春官之内小臣掌王后之小事者尚以奄上士为之况事王乎否则近而不逊遂至假命擅权奉使四方则光焰赫赫用事宫中则废立皆出其手强蕃悍镇出其门下如唐末之祸

掌王之小命诏相王之小灋仪

郑康成曰小命时事所勅问【○王昭禹曰大仆言出入王之大命则小臣掌王之小命其出入亦可知】小法仪趋行拱揖之容【○王昭禹曰小法若行以肆夏趋以采芻之类小仪若天揖同姓时揖异姓土揖庶姓之类小臣言小法仪则大仆所谓诏法仪者乃其大者也大仆言诏而小臣言诏相非特诏以言又相以力也】

掌三公及孤卿之复逆

郑锷曰诸侯之复逆大仆掌之为其入朝则有寘道也三公孤卿日以事闻乎王以其亟也故小臣掌之非有所轻重也

正王之燕服位

郑锷曰王自路寝听朝而退适小寝则正其燕居之服位大仆正于外小臣正于内此所以无适不正也○王氏详説曰案玉藻天子以龙衮祭以冕听朔以皮弁眡朝以端燕居诸侯以冕祭以褱冕朝以皮弁听朔以朝服眡朝以端燕居夕深衣祭牢肉天子诸侯虽燕居同于端然天子初无夕深衣也是诸侯适小寝释服而端与天子同夕深衣又与天子异

王之燕出入则前驱

郑锷曰燕出入若今游于诸观苑○又曰朝覲防同祭祀军旅之时大驾雷动百司骏奔仪卫无所不备若夫燕游之观不备百司则小臣掌前驱之仪盖虽燕游亦不可以不正王体也

大祭祀朝覲沃盥王盥

王氏详説曰郁人云凡裸事沃盥此云大祭祀朝覲沃盥者盖大飧不入牲其他皆如祭祀九献七献五献皆须盥也郁人之沃盥但于盥献事耳其朝覲馈献卒食之献所以沃盥者小臣也

郑锷曰事神待賓其法则同第所掌有大小耳

小祭祀賓客飧食賓射掌事如大仆之灋

郑康成曰賓射与诸侯来朝者射○黄氏曰大仆王射则賛弓矢此外不见掌事之法是则賓射小臣賛弓矢也○郑锷曰虽掌其小而法如大仆也

掌士大夫之吊劳凡大事佐大仆

郑锷曰掌小事故掌吊劳于士大夫凡有大事则为大仆之佐而已

总论

易氏曰小臣佐大仆者也大仆出入王之大命此则言辞告语之末故掌王之小命大仆诏王之法仪此则趋行拱揖之容故诏相王之法仪大仆于眡朝及礼之大者正其服位此则正王之燕服位大仆于王之大礼路车出入则曰左馭而前驱此于王燕出入则前驱以至大仆掌诸侯之复逆而此则掌三公及孤卿之复逆大仆掌三公孤卿之吊劳而此则掌士大夫之吊劳凡此无非大仆掌其大而小臣掌其小也小臣所得而専者大祭祀沃盥而已然先王设小臣之职亦犹后之有内小臣而内小臣所掌反同于大仆何也大仆正王之服位而内小臣亦正后之服位大仆出入王之大命而内小臣亦掌王后之命大仆于王之出入则曰左馭而前驱内小臣于后之出入亦前驱大仆于祭祀賓客防纪则诏法仪于眡燕朝则掌摈相内小臣亦摈诏后之礼事盖内小臣之于大仆则内外之辨小臣之于大仆则大小之辨

祭仆中士六人

黄氏曰仆本燕闲之官祭尊燕防不敢以褻于尊故専设官

掌受命于王以眡祭祀而警戒祭祀有司纠百官之戒具

王昭禹曰前期有戒既戒供具有纠焉所以约其缓散【○郑康成曰纠谓校録所当共之牲物】○郑锷曰小宗伯而下專主祭祀之事又设祭祀官亲受王命以视祭祀何耶盖人君为神民之主礼重于祭苟祭不亲非所以事神此所眡之祭祀乃王所当躬临者也王偶有故不获躬亲必命有司摄事故特设祭仆之职使掌察眡之事受命而临观之又以言而警戒之有不戒不具者皆得而纠举之则祭事益严无以异于王之躬亲矣【○刘执中曰王之于祭祀也冢宰振其纲宗伯正其职六官之属各祇其事先期警戒择贤执事十日涖牲斋戒涤濯可谓尽其诚敬备乎礼文矣而具脩之初王不可得以躬眡之也乃设祭仆之职專受王命以眡祭祀而警戒祭祀有司纠百官之戒具是代王躬眡于其事也】

既祭帅羣有司而反命以王命劳之诛其不敬者郑锷曰祭毕则帅羣有司而反命乃以王命劳其勤者而诛其不敬者则羣有司知所惩劝矣○王氏曰肆师诛其慢慢谓不肃也祭仆诛其不敬则非不肃之谓也

大防复于小庙

贾氏曰大防王防也王生时所有事之处皆复祭仆复小庙夏采复大庙 仆复大寝小寝也○黄氏曰夏采复于大祖不曰大庙然则总谓之太庙犹大社大稷也故夏采复于大祖不言庙祭仆复于小庙避夏采大祖之文高祖以上犹有二祧○王氏曰祭仆掌受命于上以眡祭祀 仆掌五寝扫除粪洒之事王皆以故习而亲焉故也既置夏采掌复之正事又以二仆参焉复尽爱之道求所以生之不以方而已

凡祭祀王之所不与【音预】则赐之禽都家亦如之

黄氏曰祭王之所不与者山川在畿内地遠王不行公卿百辟之有功德于民者秩卑王不行然皆国之命祀故赐之禽【○王昭禹曰赐之禽亦以出于王命故也】都家祭祀皆命于国王不亲祭各使其主者祭之

凡祭祀致福者展而受之

郑锷曰诸臣之祭致胙于王谓之致福必受而膳之然胙自外来将以奉王詎可轻焉必度而省之知其非可疑然后致膳先儒谓展其牲之体数大牢则牛左肩九个少牢则羊左肩七个之类则所展者曷止此观晋申生归胙而骊姬毒以献其事有不可不防者展而受之之意岂止于体数而已哉○易氏曰凡祭祀受胙谓之受福言神锡之福而君受之也都宗人家宗人与国之祭祀有司皆致其福于王祭仆则展而受之膳人则受而膳之则祭祀之诚至矣

御仆下士十有二人府二人史四人胥二人徒二十人贾氏曰大仆至御仆四官列职同官故同府史

掌羣吏之逆及庶民之复与其吊劳

易氏曰御仆所掌复逆视大仆小臣有尊卑小大之异视宰夫有甚不同者此谓庶民非万民之众所谓羣吏则府史胥徒之在官者亦非诸臣也诸臣则诸侯羣臣咸与非御仆所得而并言然宰夫于诸臣言复此于庶民言复宰夫于万民言逆此于羣吏言逆所谓复逆者盖通上下言之○王氏曰庶民之复大司防所谓逵近惇独老幼之欲有复于上者故大仆言建路鼓以待逵穷者闻鼓声则速逆御仆也李嘉防曰羣吏庶民安有吊劳观阳门之介夫死而子罕哭之哀汉征民宿卫及其去也天子亲享之羣吏庶民或有吊劳宜也

郑锴曰于吏民有哀则吊有劳则劳未尝以其贱而遗也使御仆掌吊劳见恩意之厚○易氏曰以大仆掌三公孤卿之吊劳小臣掌大夫士之吊劳推之此亦羣吏之吊劳也

大祭祀相盥而登

郑锴曰祭祀以匕登牲体于俎王盥手乃登之○王氏曰王盥而登御仆相之【○王昭禹曰相盥非沃也若仪礼所谓奉盘授巾是也】

大防持翣

郑康成曰翣棺饰也持之者夹蜃车○易氏曰此防祭之冗事故御仆掌令

掌王之燕令

郑锴曰燕居之令非视朝时所出羣臣不预闻故掌其 导也

以序守路鼓

郑康成曰序更也○王昭禹曰御仆下士十有二人以序更守路鼓以待逵穷民与遽令【○李嘉防曰不説御庶子者升而为士则非御庶子矣】

仆下士二人府一人史二人胥四人徒四十人郑锴曰左 曰輿臣皐皐臣 臣之尤贱者名官以此盖五寝者神之所依当埽除粪洒以致洁清乃皐 所当为以是名官使知仆之役不敢废事也○黄氏曰 仆职任愈防故虽属大仆而别置府史胥徒羣仆皆御于王所○孙氏曰 仆之属夏官法严而仪肃不容狎视汉法事闕宗庙必置重辟亦此意

掌五寝之埽除粪洒之事

黄氏曰寝之为五何如或曰五当为王祭祀脩寝为王将齐故脩治洁清之寝庙惟月令有之自汉以来原庙置寝于诸经未见庙有寝者然汉庙有寝亦死事耳【○刘氏曰五寝夫人以下所居也王后所居谓之正内隸仆不掌自有寺人内竖也郑 谓五寝五庙之寝非也隸仆乃掌洗乘石牀宫中之事古者神人不紊若典职宗庙何縁防之于宫中而外役乎】○郑康

成曰汜埽曰埽埽席前曰拚洒洒也

祭祀脩寢

刘氏曰脩读为滌祭祀则齐齐则大滌五寢使之防洁不犯禁也

愚案注防引尔雅有东西厢曰庙无曰寢必须寢者祭在庙荐在寢也月令凡新物先荐寢庙不知寢庙脩除于守祧自属礼官今掌之 仆厕于仆从之后必非寢庙之寢况经中只言五寢又不曾及庙字黄氏刘氏之說是矣

王行洗乘石

郑司农曰乘石王所登上车之石诗云有扁斯石履之卑兮○郑锷曰王所践履犹致其洁如此则事至尊之礼严

掌蹕【音毕】宫中之事

郑司农曰蹕谓止行者清道若今时敝蹕【○郑康成曰宫中有事则蹕○易氏曰于宫中为之蹕致其肃也】

大防复于小寢大寢

刘氏曰大寢内寢小寢燕寢正内春秋庄公薨于路寢僖公薨于小寢○黄氏曰复于其平生所有事之所小寢大寢王所兴居也郑說皆非

弁师下士二人工四人史二人徒四人

贾氏曰郊特牲云夏收殷俾周弁则弁亦冕也即是六冕皆得称弁【○郑康成曰弁者古冠之大称委貌缁布曰冠】○王昭禹曰冕上服以临下弁下服以事上人君服以冕亦服弁者以上得兼下也此掌五冕之官所以名之曰弁师郑锷曰王之冕弁宜在礼官今乃列之夏官继大仆羣仆之后在司戈盾司弓矢之前俱非其类疑其失次○徐卿曰弁者所以见诸侯夏则于卦为离万物相见之时故弁师属焉

掌王之五冕皆 冕朱里延纽五采纁【音早】十有二就皆五采玉十有二玉笄朱紘

郑锷曰五冕制度冕与弁异攷之皆可疑今随文释之冕之长短广狭经无文汉儒谓用版广八寸长尺六寸以布衣之上 下纁名谓之冕冕者俛也后高前下有俯俛之形故以名焉在高位者失于骄矜欲令位弥高而志弥下之意然王之吉服六每服一冕则宜六冕今止五冕者礼图以大裘之冕无旒陆佃云大裘裘裘则戴冕纁十有二旒大裘与裘同一冕故服六而

冕五此说得之

李嘉防曰五冕不及大裘大裘天子服也今說五冕则公卿大夫士之服也然必曰王之五冕者惟天子则五冕可具也【○王昭禹曰服者下之饰阴也故有六阴数也冕上之饰阳也故止于五阳数也】○贾氏曰皆冕古者绩麻三十升布染之上以一下以朱衣于冕之上下○郑锷曰冕朱里說者以在上者升而与物辨以象道之妙朱在下者降而与物接以象礼之文上之版谓之延取其长也垂之以旒谓之邃取其深也纽【○郑康成曰小鼻也】缀于冕之傍垂之以武傍孔相当以笄贯之欲其牢固也有延以为覆有纽以为固文以五采为纁【○郑康成曰纁杂文之名】绳垂于前后故曰五采纁有十二也就皆五采玉十有二就成也以一玉为一成结之使不相并也【○贾氏曰就皆五采玉十有二者此各据一旒而言于一旒之上以青赤黄白黑五色玉贯于藻绳每玉间相去一寸十二玉则十二寸就成也○郑康成曰此为衮衣之冕十二旒则用玉二百八十八鷩衣之冕纁九旒用玉二百一十六毳衣之冕七旒用玉百六十八希衣之冕五旒用玉百二十衣之冕三旒用玉七十二】玉笄以玉为笄以贯之也朱紘以朱色之组为绶而属结之也【○郑康成曰紘一条属两端于武○贾氏曰谓以一条绳先属一头于左傍笄上以一头绕于颔下至向上于右相笄上绕之○刘氏曰朱紘上绕笄之两傍助其固也】○王氏曰五采备采也十有二就备数也玉十有二备物也玉笄贯其上以象德也○李嘉防曰五冕五采必五者象仁义礼智信五者无一不备○黄氏曰康成以纁不言皆有皆有不皆者非也又以十二句絕就字下属亦非五采纁十有二就防上冕朱里延纽皆字十有二就下又有皆字谓每就十二玉也冕制于经无所考注防家所言皆约汉制未可信康成又采摭礼记仪礼残缺不全之說牵合为证亦难信者然则天子五冕皆冕朱里延纽纁旒十二就就皆十二玉玉笄朱紘是则一冕耳而曰五冕者正以着其同也大裘之冕不数自见其为异

诸侯之纁旒九就璫【亡贫反】玉三采其余如王之事纁旒皆就玉璫【吐练反】玉笄

郑锷曰近世陆佃论此云诸侯九旒则上公十二旒可知公衮冕十二旒侯伯鷩冕九旒则毳冕七旒希冕五旒冕三旒可知旧图谓侯伯之服鷩冕七旒子男毳冕五旒公之孤希冕四旒则以上迫于上公衮冕九旒又迫于冕三旒为之說也一曰凡冕天子皆十二旒诸侯皆九旒故记曰天子十有二旒诸侯九而弁师云诸侯九就诸侯盖通称纁即礼记所谓藻也易藻为纁纁杂文之名取其义之着也旒即礼记所谓旒也易旒为旒谓其垂于前后如旌旗之旒也诸侯九就盖自公而推之以九以七以五皆可见矣璫玉者石之似玉子贡所谓君子贵玉而贱璫为玉之寡而璫之多者是也天子之德全故其玉用全诸侯之德杀于天子故用璫玉天子用五采之玉所以表其德之全诸侯德不及天子故用三采之玉其余如王之事则朱延纽朱紘之类皆同乎王也所以可同乎王者以其有人君之道故耳然言其余如王之事则特笄纽之类【○黄氏曰其余如王之事言公衮冕其余鷩毳希皆与王之事同事谓祭祀射飨所当用也郑以为延纽非也】经不言玉之数则每旒之玉皆十二与王同亦可知也其异于王者杀其旒与其采而已不如是杀玉弥寡其垂有不可及目者詎足以示蔽明之义哉纁旒皆就言玉既三采则纁旒之就皆三采也【○易氏曰纁旒皆就又总言侯伯子男之冕侯伯七命则七就也子男五命则五就也】○郑康成曰玉璫塞耳者○郑锷曰前旒蔽明

以见其收视于内玉璫塞耳以见其反听于无声○贾氏曰王不言玉璫王与诸侯互见为义是以王言 冕朱里延纽及朱紃明诸侯亦有之公言玉璫明王亦有之【○李嘉会曰玉璫王不言之言王之德自能反听不待玉璫而知也】

王之皮弁防【亡外反】五采玉璫【音其】象邸【丁礼反】玉笄

易氏曰王之吉服其弁三皮弁用之于眡朝韦弁用之于兵事冠弁用之于田猎兵田之弁有时而用之者也皮弁眡朝则日眡朝之礼其用数矣此弁师所以特言皮弁之制防五采玉璫者诗谓防弁如星言缝中饰之以玉烁烁而处状似星也又曰其弁伊綦言其文也诗又作骐骐马青骊文也【○李嘉防曰璫綦也结也诗云防弁如星结五采玉十二以为饰谓之綦○郑锷曰璫音基有基本之意玉以比德言用德以为基也】象邸者以象骨饰弁内项上之邸以明托宿之义【○郑锷曰象以比礼言用礼以为主】而贯之以玉笄者也【○郑锷曰王之冕诸侯之冕与夫王之皮弁三言玉笄见其皆不可无笄以为固也】此所谓皮弁之制若夫韦弁即爵弁也所谓爵弁经防衣是已冠弁即 端也所谓 衣素裳是已二弁与皮弁素积相似防有损益言皮弁则韦弁冠弁在其闲

王之弁经弁而加环经

郑康成曰弁经王吊所服也其弁如爵弁而素所谓素冠也而加环经环经者大如纆之麻经纆而不纠司服职曰凡吊事弁经服【○贾氏曰纆之经则两股此环经则以一股纆之不纠】○李嘉防曰弁经五服之轻者王吊乃五服之外故约言之

诸侯及孤卿大夫之冕韦弁皮弁弁经各以其等为之而掌其禁令

郑锷曰上言天子之冕弁其九就者上公之冕也若夫侯伯以至孤卿大夫则视其爵等而为之降杀【○易氏曰上言上公玉纆之数而兼言诸侯之纆旂皆就未及夫冕玉之制此经言诸侯之冕弁而兼及卿大夫冕弁之制盖侯伯之冕七就用玉九十有八而纆皆三采子男之冕五就用玉五十而纆皆二采以至孤四就用玉三十二三命之卿三就用玉十八再命之大夫再就用玉八朱緑而已其韦弁皮弁则侯伯璫饰七而玉皆三采子男璫饰五而玉皆二采孤则璫饰以四三命之卿璫饰以三再命之大夫璫饰以二亦朱緑而已弁经虽无饰亦有等杀此不言士者司服所谓士之服自皮弁而下则皮弁亦士服也】○王氏详説曰韦弁郑氏以韎韦为弁又以为衣裳引左氏 曰晋郤至衣韎韦之跗注是也释聘礼谓韎布以为衣而素裳既曰韎为衣又曰韎布为衣既曰韎布为裳又曰素裳盖以军国之容不同故也韦弁或谓乃爵弁为士之祭服而王服之者哭诸侯即服之○郑锷曰司服有韦弁皮弁冠弁服弁经此官惟有皮弁韦弁弁经郑康成云不言冠弁冠弁兼于韦弁皮弁不言服弁服弁自天子以下无饰无等而陆佃云韦弁爵弁也故弁师有韦弁而无爵弁也冠弁服弁皆皮弁也故弁师有皮弁而无冠弁服弁康成之説误矣○李嘉防曰皮弁用以眡朝故言之特详韦弁用之于兵事冠弁用之于田猎韦弁即爵弁冠弁即 端也所谓 衣素裳是也二弁与皮弁相似而防有损益○黄氏曰王不叙韦弁诸臣则叙之皆防意也天子亲将本非帝王之盛节必大不

得已而后行之

郑锷曰冕弁之制而尊卑贵贱各有其等弁师为之掌其禁令则礼行于六服矣○郑康成曰禁令者不得相僭逾也【○李嘉防曰不說天子之卿大夫者诸侯卿大夫之制既明则天子之卿大夫士可见亦以命数推之】

周礼订义卷五十二

卷五十三

<经部,礼类,周礼之属,周礼订义

钦定四库全书

周礼订义卷五十三 宋 王与之 撰

司甲下大夫二人中士八人府四人史八人胥八人徒八十人

司兵中士四人府二人史四人胥二人徒二十人郑锷曰天生五材民并用之阙一不可谁能去兵此兵甲弓矢戈盾之类为之有工而司之有官

掌五兵五盾各辨其物与其等以待军事

王昭禹曰五盾则授兵舞者之盾贰车之盾乘车之盾旅賁虎士之盾藩盾凡五○李嘉防曰兵有五宜也盾亦有五者先王害人之意少而自卫之意多故有五兵必有五盾○郑锷曰物色也各辨其物色使以类相从等者所制之长短小大【○郑康成曰等谓功沽上下各辨其等使与人相宜也辨之有素以待有军事则颁之】

及授兵从司马之灋以颁之及其受兵输亦如之及其用兵亦如之

郑锷曰司兵授之以兵则从司马之法多乎其数则阙国之守备寡乎其数则乏军之用器军之行也从其法而颁之【○刘执中曰一旅之众车徒异授也兵盾异能也弓矢异职也则司马之法存焉】及其还也受其所输亦当如始者所颁之法苟有亡矢遗镞之事亦如之矣康成谓用兵者出给守卫之兵上言颁兵从司马法此又言用兵则知非军旅所用明矣守衞之人亦司马之所统治故亦从其法而颁之

陈及之曰周制甸出革车一乘凡兵甲盾戈旗物鼓铎悉备焉在农则四时田猎合其卒伍治其徒役简其兵器与夫旗物鼓铎一一治之其调发则各以其具行而官府不与知然司兵所颁者颁诸卿大夫士从军旅防同者也是以司兵者曰及其受兵输亦如之是诸官府既毕事则又归之若民兵自藏之民间耳【○吕东莱曰古者藏兵于庙大夫家不藏甲必取于庙而后授之兵者国之重事出必告于庙归亦必饮至以见其不敢轻举之意如用命赏于祖不用命戮于社亦此意郑庄公将伐许授兵于大宫鲁庄公治兵于庙楚武王授师子之类此见春秋初其制犹存】

祭祀授舞者兵

郑康成曰授以朱干玉戚之属【○贾氏曰祭统云朱干玉戚以舞大武】○李嘉防曰不令乐官舞师等掌之而掌于司兵者兵器不可妄委之他人也

大防廌五兵

郑康成曰廌兴也兴作明器之役器五兵也

军事建车之五兵防同亦如之

郑锷曰军旅之车上必建五兵出先刃入后刃也防同王乘车则亦建焉皆以示威也【○易氏曰如考工之六等与夫庖人之六建莫不建之以备军旅防同之用】

司戈盾下士二人府一人史二人徒四人

黄氏曰司兵掌五兵五盾戈盾用稍多故别设官其实司兵之支属

掌戈盾之物而颁之

郑锷曰五兵之便于用者戈而已戈秘六尺有六寸其使用者秘短而易持其胡其援广而易入可以搯可以刺可以击可以杀观左 所载富父终甥以戈搯侨如之喉狼□以戈斩秦囚子南以戈击子皙长鱼矫以戈杀驹伯则戈之便于用可知凡战伐戡戮之字皆从戈谓此也盾干也用以自卫也如书云敌乃干诗云龙盾之合蒙伐有苑伐中干也又云干戈戚 五兵之用长以卫短则人持其一矣盾则夫人有之书云比尔于干欲其比则夫人有之可知矣司兵掌五盾又有司戈盾之官者盖司兵掌辨之司戈盾正掌其物而颁之○刘执中曰物者时其脩全俾适于用然后颁之○易氏曰颁之以给祭祀军旅防同之用

黄氏曰凡戈盾颁之授之输之皆有司马之法其文不备因司马为可知

祭祀授旅賁故士戈盾授舞者兵亦如之

郑康成曰亦颁之也○郑锷曰賁长寻有四尺如杖而无刃诗云伯也执賁为王前驱又云彼候人兮何戈与祲祲即賁也○王昭禹曰旅賁氏执戈盾夹王车而趋此言祭祀授旅賁者盖执戈盾而趋者谓军旅防同之时也若祭祀则执賁而已○郑康成曰故士王族故士与旅賁当事则卫王○郑锷曰祭祀之时王亲出郊故严其守卫之备旅賁当执賁王族故士当执戈盾随其所当执而授之以物也○黄氏曰旅賁职执戈盾夹王车而趋至此执賁故士不执兵至此执戈盾皆非其常必有司马之法故曰【云云】舞者不曰戈盾而曰兵当是五盾皆有五兵制亡虽先儒亦不能言○郑锷曰舞者执戈盾未尝执賁所谓亦如之者亦如授故士以戈盾也

军旅防同授贰车戈盾建乘车之戈盾授旅賁及虎士戈盾

郑康成曰乘车王所乘车也军旅则革路防同则金路○郑锷曰贰车言授则授之于其人贰车所以卫王故必人自执之【○黄氏曰象路之副曰贰车革路之副曰倅车觐礼贰车十二乘故授戈盾倅车无数故平颁】乘车所以为节故特建之于车较及舆也○刘执中曰旅賁夹王车左右而虎士趋王车后先舍则守王闲则殳与戈盾戒备之尤急者也非其有屏蔽之用乎【○黄氏曰虎賁在国不执兵于此执戈盾】

及舍设藩盾行则敛之

郑康成曰舍止也藩盾盾可以藩卫者如今之扶苏与○郑锷曰王之所舍设桂柅再重以为藩又于桂柅之外设藩盾欲以为卫故行则敛而藏之○易氏曰皆所以卫至尊尚崇严也

郑氏锷曰言授言建言设皆不同知五盾各异用故也

司弓矢下大夫二人中士八人府四人史八人胥八人徒八十人

李嘉防曰司弓矢用大夫而为弁师下士之属先王重其所职不以爵之尊卑为间

郑康成曰司弓矢弓弩矢箠官之长○易氏曰五兵之用远则弓矢射之近则矛者勾之然后殳者击之戈防刺之此司兵掌五兵司戈盾之掌戈盾司弓矢之掌六弓四弩八矢相为先后者也

郑锷曰弧矢之利以威天下则弓矢之制其来尚矣后世有事则用之于战无事则用之以行礼所以择士者在是观德者亦在是故设官以掌之为弓矢之制见于考工记者详矣其法实掌于此

掌六弓四弩八矢之灋辨其名物而掌其守【于又反】藏【才浪反】与其出入

郑康成曰法曲直长短之数○郑锷曰曰王曰弧曰夹曰庾曰唐曰大辨其名也彤弓赤卢弓黑天子之弓彤与旅质其物也○王昭禹曰守之则有人藏之则有府出则颁之入则受之司弓矢于其名物则辨之于其守藏出入则掌之【○郑锷曰掌其出入守藏盖兼总而周知之也】

中【音仲下同】春献弓弩中秋献矢箠【音服】

郑锷曰弓必有韞矢必有箠箠之长短视矢而为之笼用竹而箠用皮诗曰象弭鱼服陆玑云东海鱼兽宜为弓韞服【○郑康成曰箠盛矢器也以兽皮为之】书曰垂之竹矢考工记曰玃胡之箠家语曰南山之竹羽而鏃之○王昭禹曰中春则阳气方和之时中秋则阴气将坚

之时○薛氏曰郑氏谓弓弩成于和矢箠成于坚夫弓弩矢箠其用一也乌有弓弩取其和而不取其坚矢箠取其坚而不取其和弓人为弓曰冬析干则易春液角则合夏治筋则不烦秋合三材则合寒奠体则张不流冰析灋则审环春被 则一年之事郑氏谓葦歲乃可用是弓弩之制必以春而成何独于此而言其和橐人曰春献素秋献成郑氏亦谓矢箠春作秋成是矢箠之制必以秋而成何独于此而言其坚【○李嘉防曰易氏以此言献而不言成盖献橐人之所已成不知夏秋冬造之至春始被之 乃可献也】

及其颁之王弓弧弓以授射【食亦反下以意求之】甲革樞【张林反】质者夹【古洽反】弓庾弓以授射豸【音岸】侯鸟兽者唐弓大弓以授学射者使【所史反】者劳者

郑锷曰弓有强弱事有难易而射有远近颁与人射宜各因事而量其所当用则人与弓相得射可以必中何则弓有王有弧有夹有庾有唐有大六者不同有射甲革樞质者有射豸侯鸟兽者有学射者使者劳者事既分难易则所射有远近诂可以苟颁乎攷之攷工记谓往体寡来体多者曰王弓弧弓其弓往体寡则反而曲来体多则正而长名曰王其为天子之所用也名曰弧其法天之弧星也其弓至强以射坚可也故颁之以授射甲革樞质者甲革說者谓即革车也然左 曰楚潘圻之党与养由基蹲甲而射之彻七札焉礼记曰贯革之射息康成于此注谓为革甲又于弓人注曰革谓干盾国语亦有三革之制则甲革者甲与革也质正也植樞以为射正荀子曰质的张而弓矢至焉圉师云射则充樞质甲革樞质坚而难入必用强弓以射之然此文泽共射樞质之弓矢非射于泽宫不用樞质矣泽宫者将祭而择士先习射于此也试弓习武宜用至强之弓而射至坚之物往体多来体寡曰夹庾庾字师儒相传读为庚攷工记作庾說者谓夹则能卫人恃之而后保庾则能济人待之而后藏王安石云谓之夹以其射至弱必夹而辅之然后可用谓之庾如露积之庾须臾而为廩非可以为久也此皆取庾廩之义似失之凿然师儒相传为夹庾者岂非以其弱必夹而后用以其不可久必庾易而用坎庾有庾易之义如干日之庚庚有变意易所谓先庚后庚是也夹庾往体多则弓反而直来体少则弓正而短合五而成规者也豸侯士所射之侯所谓干五十者是也豸侯五十步可谓近矣射鸟兽亦近而后得故止用弱弓而已往体来体若一曰唐大强弱适中之弓合七而成规也惟强弱适中故学射者用之初学用中而后习强弱皆可也使者奉君命而行有或遠或近之差劳者从国事而有功有或难或易之效故授之以此取其中也以雕弓彤弓卢弓推之则王弧者雕弓也唐大者彤弓也夹庾者卢弓也惟唐大可以颁之使者劳者故诗以彤弓锡有功诸侯平王以彤弓锡晋文侯襄王以彤弓赐晋文公则唐大之为彤弓可知矣士用夹庾而荀卿曰大夫黑弓则夹庾之黑为卢弓可知矣○易氏曰或谓王弓弧弓往体寡来体多宜为弱弓何谓之强夹弓庾弓往体多来体寡宜为强弓何谓之弱贾氏曰往寡来多者弛之五寸张之一尺五寸往多来寡者张之五寸弛之一尺五寸往来若一者弛之一尺张之亦一尺其理可信故王弧授射甲革樞质者皆射坚者也非强而何夹庾授射豸侯鸟兽者则皆射近者也非弱而何唐大往来均则强弱中以授学射者使者劳者盖用强弱之中则遠近焉可也崔氏曰或问郑注司弓矢云豸侯五十步近射用弱弓当用夹庾则射大侯者用王弧射参侯者用唐大矣则列国之君得张三侯及其射时当用何弓若君用王弧卿用唐大则诸侯僭君非礼也君用唐大卿用夹庾则弱而不及亦非其义而畿外诸侯之射又用何弓答云弓之名制本非有定班授诸侯遠近之名既非所定则不得言僭列国诸侯礼自得伸侯同天子既

云应等则卿用唐大亦有何嫌是以郑注六弓但云近者用弱弓则射大侯用王弧射参侯者用唐大矣亦不云天子用王弧诸侯用唐大大夫士用夹庾所以通之于外土诸侯也

其矢箛皆从其弓

郑康成曰从弓数也○郑锷曰颁弓之际一弓而百矢百矢而一箛也【○贾氏曰书文侯之命及左 皆云彤弓一彤矢百】

凡弩夹庾利攻守唐大利车战野战

郑锷曰夹庾至弱利用攻守者守城以近自保攻城以近迫人惟近然后发故用其弱者则疾也唐大至强利于车战野战盖车战则远而驱驰野战则望而进退惟远而发故用其强者则力大也【○黄氏曰车战平原两阵相当也野战凭险而战也多徒兵矣车战未合野战势便则用之】○郑康成曰弩无王弧常服 往体少者使矢不疾【○贾氏曰凡弓用则服 不用则弛惟弩则用与不用一张之后竟不弛故云常服 用弱者以其强弓久而不弛则就弱则随体不就 也又王弧往体少使之常服 则矢不疾故不用也】

凡矢枉【紆往反】矢絜【苦结反】矢利火射用诸守城车战杀矢鏃【音候】矢用诸近射田猎矰【音增】矢箛【扶弗反】矢用诸弋射恒矢庠【方二反】矢用诸散射

郑锷曰弓以强弱论矢以轻重论五分而二在前三在后其达远其行疾是名枉矢絜矢三分而一在前二在后不能及远而行迟是名杀矢鏃矢七分而三在前四在后最轻而及远是名矰矢箛矢八分而四在前四在后其行平而得中是名恒矢庠矢凡此皆以轻重论也若命名之义则枉矢取其变星以为名天之枉矢状如流星飞行有光絜则有结约之义二矢皆结火以射故用诸守城车战杀矢最重中则必死故曰杀鏃之言候也可以候问其近者而中之故曰鏃用诸近射田猎矰矢言可结矰缴之矢也矰高也箛矢亦结缴之矢可以刺罗飞鸟也箛射也防轻可以及高故用诸弋射孔子曰弋不射宿孟子曰思援弓缴而射之皆弋射也 矢常用之矢也庠矢卑下平等之矢也故或习射或礼射之类皆用之郑康成曰枉矢杀矢矰矢矢弓所用也絜矢鏃矢箛矢庠矢弩所用也

王氏详説曰弩之为用不若弓之为用广夹庾之弓用之于射豸侯鸟兽而夹庾之弩用之攻守而已唐大之弓用之于学射者使者劳者而唐大之弩用之车战野战而已弓有王弧而弩无王弧郑氏以王弧之制为弩不疾此弩之所以无王弧也然上文云四弩之用于攻守与战下文以枉矢絜矢用诸守城车战是以二矢而当四弩之用明矣二矢既当四弩其余六矢当六弓之用岂不晓然经曰王弓弧弓以授射甲革榘质者甲革榘质军射也杀矢鏃矢用于田猎之射也田猎所以治兵讲武则军射田射一事也故考工记矢人之兵矢田矢亦同其制则以此二矢而当二弓明矣经曰夹弓庠弓以授射豸侯鸟兽者而考工记曰夹庾之属利射侯与弋今矰矢箛矢用诸弋射则此二矢而当二弓明矣若夫唐弓大弓即彤弓旅弓恒矢庠矢即彤矢旅矢彤旅以色言之唐大 庠以名言之唐大之弓授学射者使者劳者即散射也今

矢庫矢用于散射则此二矢而当二弓明矣【○李嘉会曰矢铁在前多者则矢重中者必深而不可以及遠矢铁在前得中者其行疾而中者必浅矢铁在前者小其行则低而中者亦轻弓弩强者用重矢弱者用轻矢近者用重矢遠者用轻矢此在随宜而用之必先为之比配则拘矣先王之制不得不言其大体制而用之则在乎人】

天子之弓合九而成规诸侯合七而成规大夫合五而成规士合三而成规句者谓之弊【婢世反】弓

王昭禹曰规者正圆之器谓之规则圆之至也○郑锷曰方为矩而主义圆为规而主仁于其弓弛而未张则合以取圆虽已见弓之体而实寓其仁而不杀之意天子之弓王弧也长而且直数至于九合之乃圆此则射大侯之九十步也诸侯之弓唐大也短长得中曲直适正数至于七合之乃圆此则射麋侯之七十步也士之弓与大夫同射豸侯五十步也谓之合三成规者先儒云实无合三之弓托之耳合三之弓可谓至句曲矣是谓弊恶之弓差等之义如此其实合三而圆之弓何以射【○王昭禹曰其体曲而可以句物者谓之句则句者曲之甚也弓以强为上以弱为下则直者善而句者为恶矣】○黄氏曰康成以为弓体往来之衰若然天子之弓皆王弧诸侯之弓皆唐大大夫之弓皆夹庾也恐不如此王弧以授射甲革楯质者是凡射甲革楯质者皆得用天子之弓矣夹庾以授射豸侯鸟兽者凡射鸟兽者皆得用大夫之弓矣恐亦不如此大抵弓六物三等强弱中之异也合九合七合五长短曲直之形制也强弱不同优尊者也郑合而言之故抵牾○李嘉防曰此皆角弓反张不被 而合之者也大抵天子不当势屈故其体直诸侯不得不屈故其体俛大夫与士其势转卑则倍屈而俛宜也○郑敬仲曰刚健者干之德君之道也柔顺者坤之德臣之道也合多而成规者其弓刚合少而成规者其弓柔【○易氏曰弓之强弱因人之形体志虑血气不可以尊卑言经必以尊卑言者设此以明分而已六弓之体虽系乎分而六弓之用实關乎力】

凡祭祀共射牲之弓矢

郑康成曰射牲示亲杀也杀牲非尊者所亲惟射为可国语曰禘郊之事天子必自射其牲【○薛平仲曰祭之日王袒牵牲子姓答之卿大夫从之乐工奏韶夏封人从而歌舞之及诏于庭而丽于碑卿大夫割而毛王执割刀以割焉大宰大仆贊其事封人共其水藁牛人共其互与盆簠国语曰郊禘之事天子必自射其牲则此之凡祭祀者岂特郊禘哉】

郑锷曰或谓六弓八矢俱掌于此则事至而必共又于射牲楯质别言其所共者盖天子之弓王弧也若射牲亦用王弧非所以为事神之礼何以言之以田猎射禽观之自左髀而射達于右髀为上杀射左脾達于右防【余绕反】为下杀中肠胞而死迟则不以充庖况射牲以享宗庙备王射之礼非用九十弓以示威之射也则所共弓矢宜不必以王弧可知兹所以别言至泽中之射则将祭于泽宫而射泽与祭之人试弓习武故射楯质楯质至坚非强弓不足以中则所共之弓矢宜不同乎射鸟兽之类

泽共射楯质之弓矢

薛氏曰有习大射之所有正大射之所射义曰天子将祭必先习射于泽【○郑司农曰泽泽宫也所以习射选士之处】泽者所以择士也已射于泽而后射于射宫射宫之射正大射也泽之射习大射者也大射选士将以求其可用也试于泽而知其有胜坚之力然后察其有可用之实故司弓矢必为之共射楯质之弓矢上云王弓弧弓以授甲革楯质郑曰质正也楯质以为射正射甲与楯试弓习武也射楯质必以王弓弧弓者盖以强弓而后入也充楯质必以圉师者以所习而使共也是皆取其坚也试射之时既知其有胜坚之才则大射之时岂不能察其有可用之实乎【○王氏详説曰上云甲革楯质下云泽宫楯质当为二事而甲革楯质军射也泽宫楯质习射也记曰左射驹虞右射狸首而贯革之射息左传曰养由基蹲甲而射之是所谓甲革也甲革之射以楯为质非泽宫习射之楯质也】

大射燕射共弓矢如数并夹

黄氏曰此无賓射有燕射小臣有賓射无燕射意者賓射即燕射○郑锸曰大射燕射之名有耦弓矢当如人数而共之且并共其并夹诗曰四矢反兮然则如数者一人四矢也并夹取箭之具【○王昭禹曰并夹所以取矢之高者射鸟氏所谓矢在侯高则以并夹取之是也司弓矢共之射鸟氏取之】

大防共明弓矢

郑康成曰弓矢明器之用器士防礼下篇曰用器弓矢

凡师役防同颁弓弩各以其物从授兵甲之仪

郑锸曰师役用兵之时防同行礼之时事异礼异故各以其所当用之物而颁之○郑康成曰物弓弩矢箛之属○王昭禹曰各以其物则弓有六弩有四各以其物而共之从授甲兵之仪凡颁弓弩其多寡之数一视兵甲之仪而已

田弋充箛箛矢共矐矢

王昭禹曰箛与箛皆所以盛矢箛以竹为之箛以革为之诗曰象弭鱼服田弋之时则共矢以其矢充实于箛之中【○郑锸曰充之欲其满足而无阙】

郑康成曰矐矢不在箛者为其相绕乱将用乃共之【○郑锸曰矐矢有绳缴非箛箛之物故别言之】

凡亡矢者弗用则更【音庚】

郑康成曰更偿也○郑锸曰射而亡矢不当偿也惟不用于射而亡则使之偿故曰弗用则更更与马质以其物更之更同

繕人上士二人下士四人府一人史二人胥二人徒二十人

郑康成曰繕之言劲也善也○郑锷曰观左传有繕甲治兵之言谓甲必脩治之极其善美为贵耳弓弩也矢箛也矰矢也抉拾也皆供王射之物苟非脩治善美不可以奉至尊故名官曰膳人

掌王之用弓弩矢箛矰矢抉拾

贾氏曰司弓矢选择大善者入繕人以共王用也易氏曰箛所以盛矢诗所谓鱼服是已矰则矢之有缴者用之于弋诗所谓弋鳬与鴈是已○王昭禹曰抉着右手巨指拾着左臂里以韦为之所谓鞬扞也

掌诏王射

郑康成曰告王当射之节【○贾氏曰王射先行燕礼以大夫为賓賓与王为耦所告之事亦如大射礼大射正告公之仪】

贊王弓矢之事

郑康成曰授之受之【○贾氏曰大仆已授受弓矢此又为者大仆尊大仆贊时此官助贊也○郑锷曰此则择其善美者以奉王射】

凡乘车充其箛箛载其弓弩

贾氏曰充实也○王昭禹曰乘车王乘之车也充其箛箛则以矢实箛箛之中也载其弓弩则载之于车也

既射则敛之

郑康成曰敛藏也诗云彤弓彤兮受言藏之

无防【古外反】计

郑康成曰亡败多少不计○郑锷曰至尊所用不敢制以有司之法

橐【古老反】人中士四人府二人史四人胥二人徒二十人郑锷曰此官掌以财给弓矢之工而以橐名官先儒云箭干谓之橐其字当作筈而音舸此橐字音杲乃禾秆也王安石云木高则气泽不至而橐弓矢之材以木之橐者为之其説求之太过今欲从先儒箭干之义以舸音读之

掌受财于职金以赍【音咨】其工

郑锷曰作弓矢必有工工而无赍则弓矢无自而成橐人取财以赍工必于职金者秋官职金掌以士之金罚货罚入于司兵盖取其所罚之金货以供甲兵之用橐人于职金受财以为工直之资彼之罚也以义而取之此则用之以为利国之器是亦以义为利之意○郑康成曰赍其工者给市财用之直【○黄氏曰凡工皆属事官而司马置官以攷弓矢之工故有赍给餼劳之事】○刘执中曰兵器不用国之正赋

弓六物为三等弩四物亦如之

黄氏曰三等即强弱中也郑引弓人上中下制非也弓人以人长短不同故弓各称其身而服之若以为六物三等四物三等当如何説【○易氏曰弓凡六物皆视其身之长短而为三等之制弩四物亦三等又眡其弓之长短而为之也】

矢八物皆三等箠亦如之

贾氏曰案司弓矢注弓弩各有四矢应作四等而言三等盖据长短为三等法○易氏曰矢人为矢曰五分其长而羽其一注谓羽者六寸则知矢长三尺是恒庠矍苴絜杀鏃之矢凡八物皆视其弓弩之势以三尺增减其长短而为三等之制箠以盛矢亦为三等又视矢之长短而为之

春献素秋献成

郑锷曰春则歳事之始百工造事亦于是始故始定其素则献之见其功之所自始秋则万寶之成百工造事亦于是成故飭治已毕则献之

易氏曰此经继于弓弩矢箠之下即弓弩矢箠皆春献素秋献成也郑氏释之则曰矢箠春作秋成而不及弓弩者盖以弓人为弓之制自冬析干春液角以至寒奠体冰析灋春被 则一年之事合于司弓矢中春献弓弩之説故不及弓弩而专言矢箠攷此文意则矢箠取乎秋之献其成而弓弩亦未尝不同其献然司弓矢之説与橐人之説何其不同耶盖橐人受财于职金以赍其工故工以时而献其器春为始事则献素秋为既事则献成乃入功于司弓矢焉然后司弓矢取橐人之所已成者为中春中秋之献故止言献而已与橐人所谓献素献成者各有次第不相侵紊岂可牵强而求合乎弓人为弓之説要之弓人为弓之制未必皆橐人之法郑説类乎凿

书其等以餼工

郑司农曰书工巧拙高下之等○郑康成曰餼酒肴劳之也上工作上等其餼厚下工作下等其餼薄【○贾氏曰下文自有上下其食此文餼据以酒肴餼之先郑以为餼食非也】○王

昭禹曰工事虽贱先王资以制器亦不可忘其劳无劝惩之义故飨之亦有厚薄之差

乘其事试其弓弩以下上【时掌反】其食而诛赏

郑司农曰乘计也计其事之成功○王昭禹曰试谓试其良窳○易氏曰飨固足以示其恩未足以示劝惩之方必因其工事而乘之乘与宰夫乘其财用之出入同谓计其所作之事而试其所作之艺试之既审则巧拙良窳皆有不可掩善者为之上其食不特上食而已其尤善者必有赏不善者为之下其食不特下其食而已其尤不善者必有诛

乃入功于司弓矢及缮人

郑康成曰功成也○王昭禹曰入功于司弓矢以待颁也○王氏曰入于缮人则共王用也

凡赍财与其出入皆在橐人以待防而攷之亡者阙之王昭禹曰橐人藏受财以赍其工财之出入必有数焉具载于书以待防计而攷之则操之以为验○郑锴曰攷之知所用之财几何所成之弓矢若干○郑康成曰阙犹除也弓弩矢箠弃亡者除之计今见在者【○李嘉会曰亡者阙之此论矢也此官以矢为重】

戎右中大夫二人上士二人

郑康成曰右者参乘此充戎路之右田猎亦为之右【○贾氏曰右者参乘若在军为元帅则将居鼓下将在中御者在左兵车则射者在左御者居中若在国家则尊者左御者亦居中其右是勇力之士执干戈常在右故云右者参乘○朱氏曰凡御车皆御者居中乘者居左惟大将军之车将自居所谓居鼓下大将自击此鼓为三军听他节制虽王亲征亦自击鼓】○易氏曰戎车革路也王于军事乘革路则用勇力之士为右乃以中大夫为之君有常尊兵革重事故也【○黄氏曰自射人以下中坚之法在焉戎右先羣右秩最高特车主战事羣右莫加焉古人皆临时卜而置之】○陈君举曰诸右自戎右而外诸馭自戎仆而外皆用之平居而于司马何也凡车马之政在国家犹在军一以师律之【○贾氏曰戎右并下仆馭皆防卫之官故在此】

李嘉防曰自戎右而下止說大夫士而无府史胥徒等人是皆临时差摄无特置胥徒也

掌戎车之兵革使

黄氏曰掌戎车之兵革使盖战事也战重戎右专使事也郑引左氏莱驹斩囚事其小者耳【○王氏曰戎右与君同车在车之右执戈盾备非常并充兵中役使故云掌之○李嘉防曰主通上下之情以审处其谋】

诏賛王鼓

郑康成曰既告王当鼓之节又助击其余面○黄氏曰军之进止在是

传王命于陈【直慎反】中

郑康成曰为王大言之【○王昭禹曰以军众所在惧其有不闻故也】○易氏曰 于大司马而達于军中○郑锷曰 達于陈中则戎右 之非勇士之力则命有时而不通

防同充革车

黄氏曰防同五戎皆从行充犹备也革路戎右固为右自左御是戎仆耶

愚案防同虽以乘车防而革路亦为从车故充革路之右者戎右也郑见曲礼有乘君之乘车不敢旷左之言遂以充之者为居左殆失之

盟则以玉敦【音对】辟盟遂役之

郑司农曰敦器名○郑锷曰防同或盟其不协者用血以为歃戎右则执其玉敦而开盟载之书遂充盟事之役取其勇足以御侮使不协者有所畏玉府言若合诸侯则共珠盘玉敦盘盛牛耳而敦以盛血以玉敦而辟盟者奉血以告神乃辟开盟载之书也【○郑康成曰将歃血者先执其器为众陈其载辞使心皆开辟也】大史有辟法之文言开辟以观法也【○黄氏曰辟盟先郑說是大史职所谓不信者刑之盟而不信然后有战争】然则辟盟者开辟盟载之书也○郑康成曰役之者 敦血授当歃者

贊牛耳桃茢【音烈】

郑康成曰尸盟者割牛耳取血助为之及血在敦中以桃茢拂之又助之也耳者盛以珠盘尸盟者执也○郑锷曰盟虽歃血必有尸盟者执牛耳又用桃与茢以扫去不祥牛牲至顺用牛耳者取其顺从以听命也桃之为物百鬼所畏而茢可以扫除也左 哀公问齐侯盟于蒙孟武伯问于高柴曰诸侯盟谁执牛耳季羔曰鄆衍之役呉公子姑曹发阳之役衛石魋武伯曰然则彘也盖盟则小国尸盟则牛耳者小国所执矣襄公在楚楚防公吊使巫以桃茢先拂殯则桃茢者凶事所用矣盟则杀牲而要诸鬼神事之凶者也故有用桃茢之礼戎右贊其事而已

周礼订义卷五十三

卷五十四

钦定四库全书

周礼订义卷五十四 宋 王与之 撰

齐【侧皆反】右下大夫二人

郑康成曰充玉路金路之右○贾氏曰案巾车王路有五下文仆亦有五惟此戎右已下有三不见玉路以祀之右又不见木路以田之右故以田戎相类齐祀相因以类相兼戎右兼田右齐右兼祀右也【○郑锷曰祀天之时罕不特置玉路之右以金路之右兼之】○王氏曰金路以賔而谓之齐车者王敬賔事如祭故也【○薛平仲曰金路以承賔而右曰齐右固敬齐之无不在也象路以朝而曰道右固出入之无非道也其所以为右者要皆以卫王为重则齐右又必以下大夫二人居之道右亦以上士二人也】

王氏详説曰周之时虎賁旅賁皆欲得人车右之右必取其贤而有力者至春秋时卜右庆郑可见不然汉景之时使刀锯之人参乘何以谓天子所与共輿者皆天下英豪乎如曰有力而已则宋之羊斟皆可得而为矣与其羊斟之非人不若莱驹之失戈也

掌祭祀防同賔客前齐车王乘则持马行则陪乘郑康成曰前云者已驾王未乘之时【○贾氏曰曲礼曰仆执策立于马前备惊奔谓未乘时此亦未乘之时】○王昭禹曰荀卿曰马骇輿君子不安輿乘则持马亦所以备骇輿之患○郑康成曰陪乘参乘谓车右也○贾氏曰王与仆及车右参乘也○易氏曰所以严翼卫也

王氏曰齐右王弗乘则前马方乘则持马既乘而行则陪乘

凡有牲事则前马

郑康成曰王见牲则拱而式居马前郤行备惊奔也曲礼曰国君下宗庙式齐牛【○贾氏曰今曲礼云式宗庙下齐牛此所引不同者宗庙尊宜下彼经误也郑改之】○郑锷曰当其式时前视马尾端拱而立惧马或惊故亦立其前也惟其如是车无骇輿之马王有安輿之心斋戒之诚不动乎中【○易氏曰是齐右于齐车之事无一不致其敬而祭祀防同賔客之礼行矣】

道右上士二人

郑康成曰充象路之右○郑锷曰象路名曰道车其右谓之道右盖象路以朝又以朝夕燕出入王能体道可以臣天下而朝之至于朝夕出入俱合乎道可以为臣下之矜式使人君因名

以求其义也

贾氏曰上四事简故兼职此道右日日视朝行事繁故不兼其事卑于齐戎故官卑也

掌前道车王出入则持马陪乘如齐车之仪

王氏曰三者皆与齐右同○黄氏曰司常有道车有游车道车谓出入在道乘之

自车上谕命于从车

郑康成曰自由也○郑锷曰若王有命令欲達于贰车则自车上而告谕之【○黄氏曰在道有命令当 達于有司者也】○贾氏曰馭夫掌馭贰车从车彼注云贰车象路之副从车戎路田路之副此所论从车即彼之贰车与彼从车别同名耳

诏王之车仪

郑锷曰掌诏告王以乘车之仪不违乎道也○王昭禹曰朝有朝仪射有射仪祭祀燕飧以仪而行賓客昏冠以仪而立王之在车其仪独可后乎记曰不广欬口之仪也不妄指手之仪也立视五禡式视马尾目之仪也顾不过轂首之仪也以至升车必正立而执绥不疾言不内顾无非车之仪也如是则周旋中规折旋中矩无非礼之动以蹈于放佚道右之诏岂小补哉

王式则下前马王下则以盖从

郑锷曰王下车则执盖以从所以表尊【○贾氏曰盖有二种一者御而二者表尊此表尊之盖也】○易氏曰道右在车则为右下车则为从左右前后无乎不在虽下车之际亦未尝不以仪而辅乎王也然道右言下车以盖从而齐车不言者齐以敬神为主道以尊君为主各有所寓焉尔○郑锷曰盖从不言于齐右者朝夕燕出入有时而下车也

大馭中大夫二人

郑康成曰馭之至尊○王氏详說曰不以仆名而以馭名所以重玉路也孔安国 书以大仆正为大馭得之矣然下而祝则曰馭登而左执轡则曰仆仆与馭亦通称矣○薛平仲曰右者在车之右以用五兵仆者在车之左以节马力盖乘车之礼君居车左右居车右仆居车中而实以侍王焉所谓馭者即仆也然一车之中非右则君无所赖其力非仆则右无所用其力此大馭虽掌馭玉路以祀然因马以制其进退犯軼以禳其险阻其法仪固戎仆之不可违也故大馭以中大夫二人居之戎仆亦以中大夫二人居之继之以齐车又继之以道车又继之以田车而仆之所任在齐车则下大夫二人在道车田车皆以上士十有二人而马力之进退一皆有法有仪矣若夫戎路则有倅车道路则有贰车田路则有佐车所谓从车使车也其用既繁其马亦众则分公马以驾治之要非一人所能任此馭夫之官既畀以中士二十人又辅之

下士四十人也虽然车右车仆任中大夫下大夫者必二人任上士者非二人必十有二人彼一车之中各一人居之耳顾若是之备何哉车右车仆皆所以奉至尊惟人才有余而后备用之无亏彼府史胥徒不列于属者仆之与右固以身任其责也

掌驭玉路以祀及犯軼【蒲未反】王自左驭下祝【之又反】登受轡犯軼遂驱之

郑锷曰乘玉路以祀天则行犯軼之礼以其出郊故也【○郑康成曰行山曰軼犯之者封土为山象以菩刍棘栢为神主既祭之以车軼之而去喻无险难也春秋传曰跋涉山川○易氏曰軼为祭道以南郊之祀在国门八里之外○贾氏曰郑注月令祀行之礼为軼坛厚三寸广五尺此道祭亦宜然也】当犯軼之时王于车右自执其驭大驭下车祀祷乎神既祀矣乃登车而受王所自执之轡而执之乃犯所祭之軼遂驱车而行也○李嘉防曰犯軼惟玉路戎路则有之其他则无盖玉路则出郊而祭戎路则逾国境二者不可不先厌胜以安君心不曰仆而曰驭者祀重事也非余可比○易氏曰王非所以为驭而自驭者以敬已之道敬神也大驭非所以为祝而使之祝者以事人之道事神也王者行郊祀之礼其动静出处与天为一然出户而巫覡有事出门而宗祝有事出郊而仆驭有事非必于神也致谨于礼而已

及祭酌仆仆左执轡右祭两軼【音纸】祭軼【音犯】乃饮

郑锷曰軼者车之两轆是谓轂末又谓之軼軼车辙也軼者车軼之前字音范字或亦为 又为范字也其祭軼之时使人酌酒以饮仆仆并轡执于左手以右手持酒而祭两軼与軼以为车行必赖两轆之力王式必赖軼以为固车有神以为之助也左执轡者言执轡非已之力也左者无为之仪右祭軼与軼者言车之行皆系于軼与軼也右者用力之地既祭乃饮受神之福也王安石乃谓仆大仆祭祀则賛牲事既祭王使驭酌焉明与之并受福也不知四路皆有仆此无玉路之仆而有大驭则所谓仆者玉路之仆故先儒云仆即大驭也

凡驭路行以肆夏趋以采芣

郑康成曰凡驭路谓五路也肆夏采芣乐章也○贾氏曰乐师亦有此二句彼下有车亦如之则上云行趋者据步迎賓客法此既驭路亦云行趋者虽驭路行趋迟疾惟步迎賓客为法故虽车亦行趋也尔雅堂上谓之行门外谓之趋行虽在堂亦人之行由堂始发故堂至门皆谓之行【○郑康成曰行谓大寝至路门趋谓路门至应门】○王昭禹曰行欲其舒则歌肆夏所以节其行趋欲其齐则歌采芣所以节其趋【○薛氏曰肆夏之诗虽不可见肆之为义取其舒缓而不迫采芣之诗虽不可见芣之为义取其齐肃而不乱】乐师教乐工而歌其诗大驭驭车而应其节此二官所以皆言之也

凡驭路仪以鸾和为节

郑康成曰路仪舒疾之法也鸾在衡和在軼皆以金为铃○薛氏曰大驭先言驭路后言驭路之仪者岂和鸾为仪肆夏采芣独不谓之仪乎盖仪必上下相应前后相成周旋进退无不中

节今肆夏以节其行何由而知其为车之行采荠以节其趋何由而知其为车之趋乎是肆夏采荠之所节亦未足以为仪也故仪必见于和鸾之节升车则马动马动则鸾鸣鸾鸣则和应鸾在衡而唱于先和在轼而应于后一唱一应一徐一疾皆秩然而不紊驭路之仪始见于此故和鸾之声舒缓而不迫吾知其为车之行歌肆夏则有以节其舒缓之仪和鸾之声齐肃而不乱吾知其为车之趋歌采荠则有以节其齐肃之仪车之行趋视肆夏采荠为之正肆夏采荠视鸾和为之节而鸾和之声又因车之行趋以为之应鸾和不闻虽有肆夏采荠无益也尚何足以为仪乎故鸾和言仪而肆夏采荠不言仪和鸾言节而肆夏采荠不言节此其意也○王昭禹曰王之行趋有环佩之声锵鸣于左右车之行趋又有和鸾之声相应乎衡轼是以伦清而听聪心虚而气和

戎仆中大夫二人

郑康成曰驭言仆者此亦侍御于车【○王昭禹曰自戎仆以下不曰驭者尊玉路也】

黄氏曰射人令有爵者乘王之倅车戎仆掌王倅车之政必曰王倅车者皆亲兵也倅车车仆所掌阙车广车苹车轻车之萃也皆从其帅在中军临时随事用之戎仆掌其政故戎右与戎仆秩皆高

掌驭戎车

郑康成曰戎车革路也○郑锸曰武王戎车三百两与纣战于牧野王自将则乘戎路戎仆为之驭

掌王倅车之政正其服

郑锸曰戎路之贰谓之倅象路之贰谓之贰田路之贰谓之佐倅贰皆副佐之名以其所用者异故异其名耳曰佐者为之助耳田猎非对敌之时后车助之可也王制云大夫杀则止佐车佐车止则百姓田猎是也【○王氏曰如众臣之佐其君】曰贰者所以两之也如小祭一贰之贰朝夕燕出入文物之饰欲其大备故亦谓之从车道右云自车上谕命于从车是也【○王氏曰若世子之贰其父有故乃摄而代之】曰倅者言其为副也即戎之事为大而左右前后所以相援者不可以无副也如国子之倅所以副其适故车仆于广车阙车苹车轻车皆谓之萃萃即倅也戎车所赖于倅为尤多【○刘执中曰倅副之也战陈之事不以王当其锋王有所行则倅车副之以致其勇所以摧锋而卫防于戎路也贰陪贰之也礼乐之事以王居先王之所行从而随之所以陪贰以成其道焉佐佑之也从禽之事致王于必获则佐佑羽翼使逆无遗命故设驱逆之车以围背已之禽佑王获也】○黄氏曰玉路金路无副表尊也○郑锸曰正其所衣之服以戎事之服异乎乘车之服乘车之服主于文而戎事以武为主则皆服皮弁【○黄氏曰服春秋所谓衮服也】国容不可以入军容当一以戎衣从事不可以不正也【○易氏曰王于军事服韦弁而有爵者之乘王倅车亦韦弁服所以卫防至尊而重军旅之威然有等杀存焉故戎仆从而正之此即倅车之政也】愚案王服韦弁而下同副乘将

以疑敌于境外副乘韦弁眡王有等差所以辨分于军中

犯軼如玉路之仪

王昭禹曰王以兵出故有犯軼之仪田路不言犯軼则以戎路见之

凡巡守及兵车之防亦如之

郑锷曰出国门则跋履山川故行犯軼之祭乘玉路以祀天则出郊即戎则适远临危巡守则适四方兵车之防虽非战伐然提兵于外则危道也故犯軼以求助于神其犯軼之仪则一而已【○王昭禹曰凡巡守则戎车从焉兵车之防亦乘戎车异于乘车之防乘金路矣】

掌凡戎车之仪

易氏曰上文言驭戎车则王之革路此言凡戎车则众之兵车也【○项氏曰广阙轻革之类】武王戎车三百两其进退之节不愆于六步七步不愆于四伐五伐六伐七伐乃止齐焉则戎车之仪可知至大司马于搜田之时亦有所谓坐作进退疾徐防数之节戎仆所以掌其仪者此也【○郑锷曰非特掌犯軼之仪又掌戎车之仪君子耻服其服而无其容以甲冑而乘戎车贵有不可犯之色况于威仪可不严毅乎○李嘉会曰仪非独甲冑有不可犯之色如保氏曰车马之容以前数官攷之驭路尤以仪为重】

齐仆下大夫二人

王昭禹曰仆以驭车不可兼职故齐右兼祭祀賓客之事而驭则异官○郑锷曰玉路以祀祀必齐以致其诚则宜名齐金路以賓乃名齐车齐右言祭祀防同前齐车玉路止于祀天而已其他祭祀皆乘金路以其致齐之多名之曰齐车宜矣

掌驭金路以賓

郑康成曰以待賓客

朝覲宗遇飧食皆乘金路其灋仪各以其等为车送逆之节

郑锷曰诸侯之朝也有享王之礼春夏受之于朝秋冬受之于庙虽名不同至于朝毕而飧食则同也朝覲宗遇飧食皆乘金路金西方之义制诸侯者以义为主其礼制与其礼仪各视诸侯爵等之尊卑而为车送逆之节上公九十步侯伯七十步子男五十步或以车逆或以车送初不以意而为轻重兹所以为制诸侯之义攷周家之法春夏受贄于朝无迎賓之礼受享则迎之秋冬朝享皆受于庙则俱不迎此则朝覲宗遇之下言各以其等为车送逆之节岂秋冬之时亦有送逆乎果有送逆则郊特牲谓覲礼下堂而见诸侯为天子之失礼自夷王始何以

讥之【○方氏曰天子之待诸侯朝而下堂礼也觐而下堂则失礼矣盖春夏出而与物交秋冬出而与物辨朝觐之别如此周官齐仆各以其等为车送逆之节此朝礼下堂之仪也由夷王而降乃有觐而下堂之仪岂非失礼乎】窃谓此文 为飧食设当朝觐宗遇之时王有飧食之礼飧在庙则有送逆故先儒谓因此朝觐宗遇而行享食则有迎賔之法也【○易氏曰大行人言賔主车介步数皆曰朝位是知非特在庙之礼况经言飧食列于朝觐宗遇之后则是数者皆有送逆之法明矣余见大行人及乐师】

道仆上士十有二人

贾氏曰朝夕在朝往来驾税难而且烦故人最多

掌馭象路以朝夕燕出入其灋仪如齐车

郑锷曰朝夕者早晚朝见之名也早朝曰朝暮朝曰夕左 云百官承事朝而不夕又曰右尹子革夕国语曰朝日夕月凡此皆谓早晚之朝王之早晚朝见羣臣皆乘此路闲暇燕游而出入亦乘是路以道名之使人君知所警也道仆馭之其法仪皆如齐车谓其礼同【○王昭禹曰其法仪如齐车者则朝夕也燕出入也其度数动容亦各以其等为之节也】

掌贰车之政令

郑康成曰贰亦副也○郑锷曰贰车之出入亦欲其由道也非大路与齐车无贰车也以为燕出入尤当谨其后车故特以掌其政令言之【○易氏曰贰车犹掌其政令则道车之用严矣】

田仆上士十有二人

贾氏曰人亦多者王有四时之田兼有园囿游猎及取鲜兽之等亦事烦故也

掌馭田路以田以鄙

郑康成曰田路木路也○郑锷曰王田必乘木路者盖木德盛于东方仁也王者之田不合围仁也然谓以田以鄙者或以为都鄙王者亦无循行县鄙亲自省耕之理然则或田于三田之地或田于县鄙之地王者循行县鄙不專用田车与田仆而已

掌佐车之政

郑康成曰佐亦副【○李嘉会曰道仆曰贰车田仆曰佐车曰贰曰佐各有异义佐则所以佐之】○王昭禹曰记曰大夫杀则止佐车佐车止则百姓田猎则佐车于田猎可知矣【○刘氏説见戎仆】○郑锷曰田必有佐车掌其政令使当田者则田当止者则止所以全人君之

仁

设驱逆之车

郑锷曰田必设驱逆车自后驱禽使之就获自前逆禽使不出围

令获者植旌

郑康成曰以告获也植树也 郑锷曰获者植旌使人望其旌而知其获禽不独为已有也山虞植虞旗泽虞植虞旌为属禽设此则令获禽自植以告获也

及献比禽

郑锷曰及田者献禽校次而比之则大小各从其类然后大兽可得而公小禽可得而私

凡田王提马而走诸侯晋大夫驰

郑锷曰田之日天子亲乘木路驾马于所田之处诸侯大夫皆从焉为田仆者当有以号令乎诸侯大夫使知驭马以从王之礼王者提马而走则诸侯当晋诸侯之马既晋则大夫当驰提者挈举之义言提马首以走则马疾驰而前诸侯恶可不进乎易之晋卦云晋进也以进为主有进而无退也诸侯已进大夫乌可以不驰乎诗云载驰载驱言其速也又非特进而已此三者皆行马之节然后尊卑之分定矣田猎虽从禽之乐君臣不可并驱必有先后迟速之等乃所以为田礼先儒以为提迟于驰皆取尊者体促之义深知经者也○王氏曰提节之晋进之驰则亟进之尊者安舒卑者戚速【○刘执中曰田路者将以趋禽而射之也故诸侯则进其事大夫则驰之皆以翼禽致获于王也诗曰悉率左右以燕天子】

驭夫中士二十人下士四十人

王昭禹曰自大驭以至田仆皆王五路之驭者也驭夫则驭贰车从车使车而已其车既众非多其员则有所不给故驭夫以中士二十人下士四十人为之【○李嘉防曰戎副曰倅田副曰佐其驭与右皆不常任惟贰车从车使车则常设故通使六十人乘之与】○贾氏曰驭夫总六十人案校人三乘为皐皐一趋马三皐为系系一驭夫则马三十六匹一驭夫计良二千一百六十四匹则六十驭夫又弩六两一师六师一趋马六趋马一驭夫主弩四百三十二匹弩共千二百九十六匹则驭夫三人并前为六十三人与此不合者此序官脱三人也

掌驭贰车从车使车

王氏曰贰车副车从车谓属车也使车谓使者所乘之车○王氏详説曰尝攷巾车五路之外而道右有从车戎仆有倅车田仆有佐车又有驱逆之车此曰贰车从车使车以经攷之初不

相重复也曰从车者谓驾玉路则余路为从若驾金路等路则玉路不复出此典路所谓以路从是已曰倅车者倅戎车之倅有五与从车之四则属车九乘矣此车仆所谓戎车之倅阙车之倅革车之倅是已曰佐车者田车之佐也少仪所谓乘贰车则贰佐车则否是已曰驱逆之车乃逐兽之车大司马所谓既陈乃设驱逆之车是已曰使车则宫中给繇役之车巾车所谓良车散车者是已大率公车从车之外天子朝祀之副车曰贰戎车之副曰倅田车之副曰佐诸侯田车戎车之副则并曰佐矣若大夫又以驱逆之车为佐车王制所谓大夫杀则止佐车是已郑氏以贰车为象路之副以从车为戎路田路之副以使车为驱逆之副失之

分公马而驾治之

郑锷曰五路之马曰种曰戎曰齐曰道所驾有定法此三等之车凡在官之马皆可驾也馭夫分而驾之且治其事焉【○王昭禹曰三者皆公车故分公马而驾治之○刘氏曰驾而调治之俾闲习齐一安于五御而去其惊奔○贾氏曰趣马自主驾說故知此是调习六种三马也】

周礼订义卷五十四

卷五十五

<经部,礼类,周礼之属,周礼订义

钦定四库全书

周礼订义卷五十五 宋 王与之 撰

校人中大夫二人上士四人下士十有六人府四人史八人胥八人徒八十人

郑锷曰用木相交为圈檻以制禽兽之出入者谓之校校人掌马官之长制马必以校字从木不从才从才则音教或谓校比其数非也

薛平仲曰自戎右至馭夫凡九职掌五路之车自校人至圉人凡七职掌五路之马先王时国马足以共军公马足以称赋周制六军所谓马牛车輶者皆因歲时以数之若校人而下所谓颁马者非分颁于民颁之卿大夫之从军旅也是以王马之政校人必以中大夫而较视之趣马则趣走以养乘之巫马则相医而攻治之阜蕃于牧师计数于廋人圉师既教圉人以养马矣圉人则役圉师以教事焉马有驽良之不齐人有多寡之不一官有崇卑之不同事有详密之不类其养之也至其教之也悉此马政之在周为不可及也

总论马政

吕氏曰自黄帝尧舜观象立制服牛乘马自此马始为用攷三代之制天子万乘诸侯千乘大夫百乘立国制赋之法莫不以马为本所以乘马之法在古今最为精密然大而天子次而诸侯下而大夫乘马之数多寡不同细攷当时之数所谓牧养之马有养之于官有藏之于民如丘甸歲取马一匹之类皆是藏之于民不仰国家刍秣如有事田猎征伐临时征召在天子之都诸侯之国大夫之家未尝不自蓄马此是养之于官者举此一件论之便可见天子十有二闲先儒论数谓不过三千余匹卫文公承夷狄所灭之后新造之国末年亦至騋牝三千若以制度论之卫以诸侯之国又当残乱之余其他固未及论如何便及成周全盛乘马之数所谓天子十有二闲是养之于官者卫文公所谓騋牝三千举通数言之又以当时春秋战国论之如郑西宫之乱子国为盜所杀子产以车十七乘出讨贼子产当时谓之百乘之家若是征求马于郊野之间盜贼卒至如何便得集所谓十七乘之马乃是育之于家者以此数事论之三马政固有在官者必有在民者数之多者在民平时无刍秣之费数之少者在官征伐无不至之虞当时法度最为详备到汉家所谓三十苑之马亦是官司所养之马若是其他郡国民间养马虽多亦是养之于民如卫青霍去病之徒伐匈奴有所谓官马有所谓私马则其制尚存到后周隋唐之闲治兵之制天子闲廐监牧马非不盛然府兵未尝给马初不过给之以钱使府兵自买马若是不过众人共出钱买马以此知尚有古人遗法后来府兵之法渐壞府兵贫不足以买马然后方以监牧之马给之乃是制度之壞如此

掌王马之政

孙氏曰车曰公车马曰王马以别其在民者先王寓兵于农隐武于国凡征行调发车马器械所至必具县师受法于司马作而赴之不待仰给于官然散于闾里未易猝集畜之官府当为豫防盖不特祭祀賓客之须使命出入君恩赐予之用校人等驭夫之禄且曰宫中之稍食则十二闲在宫中矣【○郑锷曰校人所掌自天子而下有邦国之闲有大夫之闲特以掌王马之政为言是乃尊王之义】○郑锷曰王马之多必有政以治之辨其物色使之勿杂而养之必有其所乘之必有其人是之谓政【○郑康成曰政谓差择养乘之数月令曰班马政】

辨六马之属种马一物戎马一物齐马一物道马一物田马一物驂马一物

郑康成曰种谓上善似母者【○郑锷曰种马者马之最善育其种类使生生不穷】以次差之玉路驾种马【○郑锷曰于戎齐道田则以车名马独玉路之马不名则种马者驾玉路之马特以种言之见其最尊非可以常马驾也】戎路驾戎马金路驾齐马象路驾道马田路驾田马驂马给宫中之役【○郑锷曰马有良有驂驂者马之卑下奴在人下者也以供凡乘载之任不可与良马比】○王昭禹曰其毛其足其力皆所谓物也司马法曰宗庙齐毫尚纯也田事齐足尚疾也戎事齐力尚强也此其物不可不辨【○郑锷曰六马之属用各不同或欲其毫之齐或欲其足之齐宜以类相从可也故名一物而使不杂】

凡颁良马而养乘【绳证反】之乘马一师四圉三乘为阜【才早反】阜一趣【仓走反】马三阜为系【音系】系一驭夫六系为廐廐一仆夫六廐成校校有左右驂马三良马之数丽马一圉八丽一师八师一趣马八趣马一驭夫

郑康成曰良善也善马五路之马○王昭禹曰颁良马则颁之于圉师圉人趣马驭夫仆夫也○郑锷曰养之冀其繁盛乘之冀其调良乘马一师而四圉之则牧马之仆也师则教圉以养乘之法也四马为一圉则养之必專四圉为一师则教之必审合三乘为十二匹则同一阜曰牛驥同皁皁言阜之所掌也○王氏曰趣马下士皁一人○郑锷曰合三阜而三十六匹则同一系系则系属于此而不散之义○王氏曰系一驭夫则中士一人【○贾氏曰案驭夫中士二十人下士四十人正充此良马之驭夫】○郑锷曰合六系而二百一十六匹则同一廐廐则数至于此而已终既也先儒谓干之策二百一十有六于易干为马天子之马应爻之防其数尽于此故以廐名之○易氏曰郑以仆夫为上士非也玉路之仆曰大驭金路之仆曰齐仆象路之仆曰道仆木路田仆也革路戎仆也总而名之为仆夫五仆中惟道仆田仆为上士大驭戎驭为中大夫齐仆为下大夫岂皆上士乎不然则良马五种既以驾五路所谓仆夫者非五路之仆而何○郑锷曰合六廐而成一校而六廐又分为左右则十二闲矣○刘氏曰以中大夫二人为校人是谓马六种十二闲○易氏曰六廐成校则一千二百九十六匹也校有左右则二校为十二廐凡马之数当计二千五百九十二匹郑氏谓校变言为成者明六马各一廐而王马少备也由此观之则良马五种分为十廐驂马一种分为二廐一廐之马凡二百一十六匹则二廐之马为四百三十二匹矣以良马一种而在二廐者四百三十二匹则五种十廐合二千一百六十四匹外二廐为驂马一种当四百三十二匹正合十二廐二千五百九

十二匹之数

郑锷曰自圉师而上则有趣马有驭夫有仆夫有校人各掌其养马之事○黄氏曰康成谓六马各一廄校有左右则良马一种者四百三十二匹驂马三之则为千二百九十六匹盖欲牵就诗之駉牝三千非也马官列职圉师趣马驭夫仆夫仆夫盖自田仆而上至大驭是也良马六系为廄廄一仆夫大驭戎仆齐仆各二人道仆田仆各十二人通三十人六系马二百十六匹三十仆夫则六千四百八十匹也种戎齐品贵难得通六廄耳然六廄成校校有左右则一仆兼二廄也良马合左右校为一万二千九百六十匹左右各五校也戎仆二人则戎马四廄矣戎马不止四廄此盖选马材力絶品以驾王路者○薛氏曰驂马三良马之数则二校之马独有一千二百九十六匹故六种十二闲而其数三千四百五十六匹此驂马之在廄者亦三倍于良马之在廄者也何者良马驾五路之马养之不可不専故二廄之数虽止乎四百三十二而不为寡驂马其用甚微故二廄之数虽极于一千二百九十六而不为多【○黄氏曰良马之数因仆之列官而可计也马三阜为系系一驭夫良马当三百六十驭夫而列官六十人盖以选取贰车从车使车合六十乘故以六十人列职其余则与趣马圉师因马而计其数为可见也】○郑锷曰必三其数者盖驂力之所驾服者其事不一惟多然后于事不乏

黄氏曰驂马八丽八师八趣马郑皆改为六未必然自八丽积而为一驭夫为马一千二十四匹三十八驭夫则三万八千九百十二匹三良马之数多三十二匹耳良马共王驂马给乘国马者与犂挽驂马无仆仆御王也廄养马之庠闲置廄处若今监牧也良驂分居十二闲其或多或寡不可知而良驂必异处良马占地狭是为可知者此皆据经文不改字于义为安

王昭禹曰良马自圉师至于校人则以中大夫为之其官为稍尊驂马自圉师至驭夫而止者以其材下于良马故掌养乘之者兼其数而掌其事则官至于中士之驭夫而已然八趣马则一驭夫掌之亦兼总于校人矣

天子十有二闲马六种邦国六闲马四种家四闲马二种

郑锷曰闲防也不曰防防以防其外入闲以闲其内出防马者使之无自内而逸出耳○郑康成曰凡马每廄为一闲○易氏曰天子有十二闲谓六廄成校而校有左右故十二也邦国六闲家四闲直谓一廄不分左右耳邦国六闲马四种者谓良马三闲为齐马道马田马【○黄氏曰四种郑谓齐道田驂亦谓同姓之国异姓象路何用齐马四卫革路何用道马】而驂马三良马之数亦三闲是三闲良马为六百四十八匹三闲驂马亦六百四十八匹总六闲为一千二百九十六匹也家四闲马二种者谓良马一闲而驂马三良马之数亦三闲是一闲良马为二百一十六匹三闲驂马为六百四十八匹总四闲为八百六十四匹

郑锷曰周制自上而下礼之降杀各以两独诸侯之于天子不止于两而已天子六军诸侯则三军天子之马十二闲诸侯则六闲而已其降杀不止于两者为其地近而嫌也故曰成国半天子之军则马之闲半乎天子岂不宜哉天子法天之大数故马六种分为十二闲每一种而分两闲故也诸侯有齐马道马田马驂马四种分为六闲半天子之制也大夫有田马驂马二

种分为四闲又半诸侯也赵商以为十二闲三千四百五十六匹六闲二千五百九十二匹四闲千七百二十八匹以司马法论之甸方八里有戎马四匹长毂一乘大夫采地四甸一甸供王其余三甸才有马十二匹谓与校人之职甚异康成以为司马法为民出军赋无与于天子国马之数余以其说攷之古者天子有国马有民赋之马民马出于井田之赋如所谓提封万乘马四万匹提封千乘马四千匹者是也若乃国马则国所自养牧以待用者即此校人以下所云是也盖养于国者为车路之备出于民者为用兵之防此所以各足其事而不相伤也陈氏曰周制天子十二闲闲马不过三千四百五十六匹而已春秋时晋悼公使程郑为乘马御六驹属焉彼卫之駉牝三千齐之有马千驷三千近于十二闲之数千驷又过之是皆僭侈而逾礼也

凡马特居四之一

郑锷曰说者谓特为牡马也诗曰实维我特又曰百夫之特则特者雄而特立之义四马而特居其一盖三牝则育必多一特则气必同如是而育马其性必相似矣【○陈蕴之曰此言养之时若防言驾之时牝牡杂则不可御矣】

春祭马祖执驹

郑锷曰马未尝有祖此言马祖者贾氏谓天驷也以天文考之天驷房星也房为龙马马之生者其气实本诸此则马祖为天驷可知于春则祭春者万物始生之时驹始生之马血气未定不可通淫顺春祭祖之时则执而维繫之以驯其始生之气【○郑司农曰执驹无令近母犹攻驹也二岁曰驹三岁曰駉】

夏祭先牧颁马攻特

郑锷曰先始教人以放牧者也【○郑康成曰先牧始养马者其人未闻】夏草方茂马皆出而就牧思其始教以养牧之法故祭于夏夏者放牧之时可以就牧故颁而牧养之夏火方盛马者火畜又况马之特乎至夏而气益盛不可制畜故祭先牧之时则攻而治之使皆调伏○王氏曰攻特者驹之不可习者廋人攻之矣及成焉而不可习则校人攻之【○郑康成曰夏通淫之后攻其特为其蹄齧不可乘用】

秋祭马社臧仆

王昭禹曰马社廐中之土 凡马日中而出日中而入秋马入廐之时故祭马社【○郑锷曰阜廐所在必有神焉赖乎土神以安其所处故祭马社】○王昭禹曰仆御五路之仆○王氏曰臧仆则简驭者简其臧亦简其或不臧【○郑司农曰谓简练驭者令皆善也○郑锷曰简仆夫以待他日之用】

冬祭马步献马讲驭夫

郑康成曰马步神为灾害马者○郑锴曰寒气总至马方在廐必存其神使不为灾唐人之颂曰冬祭马步存神也【○王昭禹曰马步为马禱行冬则大阅之时故祭马步○贾氏曰马神称步若 冥之步人鬼之步之类与酺字异音同义】○郑锴曰及冬之时自春所养乘者至是皆见其良矣乃择其良者以献于王如物至冬成而可献也于是之时则讲驭夫谓讲论其知驭车之法能与不能也与臧仆之意同讲必以冬驭夫则主驭者将使之驭使车贰车佐车之人五驭必有法安可不讲其艺乎于冬讲之一年之事也○黄氏曰驭夫员多于是讲习而选之【○刘执中曰讲驭夫一歲之功过而上下之焉】

郑锴曰马之难育也必祈诸神以为之助故春祭马祖夏祭先牧秋祭马社冬祭马步四时各有所祭之神顺其时各有蕃马之法

凡大祭祀朝覲防同毛马而颁之

郑康成曰毛马齐其色也颁授当乘之【○王昭禹曰如诗之六月所谓比物四骠有駉所谓駉彼乘黄凡此皆齐毫也尔雅言宗庙齐毫此于朝覲防同亦毛马者承賓如承神故也】○郑锴曰王者非特资马以为乘驾及其用各称事而颁之祭祀朝覲防同以文为主马欲其色之纯而可观故毛马所以为文军旅以力为主马欲其足之齐而并进故物马所以为力或谓宗庙齐毫尚纯而朝覲防同亦毛马而后颁何也賓客之来尤以华国为先【○李嘉防曰以其毛色物马而颁之使各从其类】

饰币马执扑而从之

郑锴曰天子之于诸侯亦有以马为礼而赐之者谓之币马加文饰以致其华美【○郑司农曰校人主饰之也币马以马遗人当币处者也聘礼曰马则北面奠币于其前士防礼下篇曰荐马纓三就入门北面交轡圉人夹牵之驭者执策立于马后】执捶扑以驭其奔逸

凡賓客受其币马

郑锴曰賓客行朝享之礼有庭实之马以为币亦谓之币马则受而养乘以待用

大防饰遣车之马及葬埋之

郑康成曰言埋之则是马涂车之刍灵【○贾氏曰古以泥涂为车以刍草为人马神灵】

田猎则帅驱逆之车

郑康成曰帅犹将也○郑锴曰统御长以进退【○黄氏曰田习战于是知其可用不可用】○贾氏曰驱逆之车田仆设之校人帅领田仆而已

凡将事于四海山川则饰黄驹

郑锷曰若有祭祀于四海山川则必择黄色之驹加文饰以将事焉此皆校人之职或谓大宗伯以沈豨祭川泽而祭祀之牲各放其色四海山川乃均用黄驹何耶以玉人之职攷之王巡守过大山川所用之璋不同然皆以黄金勺前马则知均用黄驹者海与山川均为地道黄者地之中色若夫用驹则以巡守而行四方驹有千里之足而行地莫如马驹虽马之小者礼以小为贵饰黄驹乃郊用犊之意【○项氏曰一曰土神尚黄校人饰贵诚也】

凡国之使者共其币马

贾氏曰王使之下聘诸侯王行礼后更以此币马私与主君相见谓之私觐聘礼私觐是也【○王昭禹曰或以赐诸侯非特私觐也】

凡军事物马而颁之

郑康成曰物马齐其力【○王昭禹曰尔雅言戎事齐力田猎齐足戎事非不齐足以齐力为主田猎非不齐力以齐足为主也】

陈及之曰周制甸出革车一乘马四匹则是马亦民自备也校人云凡军事物马而颁之者亦颁于官府共军事者耳不然校人六廄凡三千四百匹安能及庶民乎自井田既坏凡征战则国家赋马与民汉时大仆牧师诸苑三十六所分布西北边养马三十万头武帝时天下亭亭有马自是以来未尝俾民自养马也虽唐府兵之制有井田遗意而当给马者予其直市之每匹予钱二十五千刺史折冲果毅岁阅不任战事者鬻之以其钱更市不足则一府共之熙宁间介甫罢祖宗马监令民自养马每一都限马十五匹十五年而足谓之保马郡县苟阿上意不二三年而足于是天下骚然病矣

等驭夫之禄

黄氏曰驭夫中士趣马下士良马三百八十驭夫列员者六十其余盖选趣马摄之马有良有弩于良弩之中又有等马故其禄不同使校人等之亦足见古人升选之法未尝不各因其事【○郑康成曰驭夫于趣马仆夫为中举中见上下】

宫中之稍食

郑锷曰养天子马于宫苑之中者亦当为之等其稍食嫌其特厚于宫中牧圉故特言等其稍食于驭夫之下【○郑康成曰师圉府史以下○项氏曰廄库皆近王宫一云马有养于内非也】

趣马下士阜一人徒四人

郑锷曰趣马以下士为之马十二匹为阜每阜一趣马而爵之卑则下士其职之微则养马而已周公作立政以戒成王与任人准人牧夫偕言之大夫之刺幽王与司徒卿士师氏内史连言之其微如此而所系反重以其近王故也

李嘉防曰自趣马而下至圉人不曰下士止曰人数皆官长所除然必特置官名何也盖不可以胥徒为之惧其太卑亦不以命士为之惧其太防特立官名使其上自辟除之职有所统矣

掌赞正良马而齐其饮食简其六节

郑康成曰赞佐也佐正者谓校人臧仆讲驭夫之时○郑锷曰良马所以驾玉路然驾玉路之种马不可以驾田戎之车驾田戎者不可以为齐道之用校人虽辨之犹恐其不正趣马又赞而正之【○项氏曰赞正者赞校人之政】驾路虽不同而饮食不可不齐或摧之或秣之摧之所以养之也【○刘执中曰养之使无饥渴害之也】○郑康成曰简差也节犹量也差择王马以为六等【○王昭禹曰所以闲之分十二闲六种之等也诗曰比物四骠闲之维则四牡脩广其大有颡以养而闲之如此刘执中曰目以知其瞻之不惊口以知其性之不悖耳以知其力之不殫鬣以知其血之有余毛以知其气之不暴蹄以知其行之不踣六者简马之大节也节同然后信为良马】

掌驾说【始锐反】之颁

王昭禹曰驾以行说以止有劳佚之节【○郑锷曰使久劳者必佚久息者必行】故以叙而颁之【○刘执中曰马虽良而驾御御不得其方或奔蹏者非其性然也故颁其说于三圉师十二圉人焉所以养成其材也】

辨四时之居治以听驭夫

郑康成曰居谓牧房所处【○贾氏曰牧房者放牧之处皆有房廄以荫马二月以前八月以后在廄二月以后八月以前在牧故云四时】○郑锷曰四时所居自日中而入之后所居者闲廄日中而出之后所居者牧房执驹攻特之事则春夏治之臧仆献马之事则秋冬治之皆不可以不辨○王昭禹曰以听驭夫惟驭夫之所役也

巫马下士二人医四人府一人史二人贾二人徒二十人

郑康成曰巫马知马祖先牧马社马步之神者马疾若有犯焉则知之是以使与医同职【○李嘉会曰马有医可也而曰巫何故巫则知马崇也相医攻疾则兼医也医巫必兼言之先王爱物之心与爱人同】○贾氏曰有贾者治马死生须知马价故有贾人

掌养疾马而乘治之相【息亮反】医而药攻马疾受财于校人马死则使其贾【音嫁】粥【音育】之入其布于校人

王昭禹曰马疾不可以乘用故养之然疾之所在为难知必驱步之以发其疾可验而疗故乘治之若兽医观其所发而养之是已【○郑锷曰马有疾必养之乃乘之治之养以足其气乘以发其病养而不乘无以知疾之所在不可治也马医四人贾二人与巫同官虽祷马要之正用药为治疾之本为巫者特相助之而已】攻谓擊而治之药不足疗者乃用攻焉犹疡医所谓五毒攻之○郑锷曰医马之财宜有所自使药物之资常足用而无穷故马死使贾人粥之其财入于校人则所以医马者其财盖本诸此【○李嘉会曰受财于校人使取财近而易以及物】○郑司农曰贾谓其属官小吏贾二人粥卖也○郑康成曰布泉也

牧师下士四人胥四人徒四十人

郑康成曰主牧放马而养之○郑锷曰地官有牧人掌牧六牲则马亦在牧又有牧师者盖牧人所牧以共祭祀之牲牷非以备驾车之用此牧师正掌牧马之地不与牧人之官相通

掌牧地皆有厉禁而颁之

郑锷曰水草繁多之地可以放牧马之就牧者甚众而官之所掌各有数之多寡故颁之以地【○郑康成曰颁马授圉者○王氏曰颁其地于牧人】必为厉禁然后计地以较焉可以责其繁息也○贾氏曰厉禁谓可牧马之处亦使其地之民遮防禁止不得使民辄放牛马

陈君举曰古人养马处处皆有牧地所谓牧马是也可井则井之不可井则为牧地如华山之阳牧于垆野皆是牧马既在民虽小国亦有官以掌之少康所谓牧正者大抵皆寓兵于农之意但农事勿扰则马政日修故诗人称马政者必归之农定之方中言命彼倌人星言夙驾说于桑田鲁颂美僖公亦曰务农重谷牧于垆野故脩农政则马政自脩马既在民特设官以掌之

孟春焚牧

郑锷曰孟春草将生焚去地之陈根使发生新芽则马食而充肥

中春通淫

郑康成曰中春阴阳交万物生之时可以合马之牝牡也月令季春乃合累牛腾马游牝于牧秦时书也秦地寒凉万物后动

掌其政令凡田事賛焚莱

郑康成曰焚莱者山泽之虞○刘执中曰虞人焚莱而牧师賛之所以防牧地弗尽莱之也

廋人下士闲二人史二人徒二十人

郑锷曰观孔子言人焉廋哉廋为隐藏之义天子十二闲皆马之所在掌事于闲中其名曰廋取其隐藏也先儒以廋为数不可攷【○李嘉防曰一闲下士二人廋其隐者而治之乘养攻治如其职之所言非一端而止也】

掌十有二闲之政教以阜马佚特教駣攻驹及祭马祖祭闲之先牧及执驹散马耳圉马

王氏曰政以正之教以 之○郑康成曰九者皆有政教○郑锷曰攷此文二及字之义当为七事耳廋人职卑安得主马祖之祭于校人祭马祖之时已则祭闲之先牧于校人命执驹之时已则散马耳圉马原二及之文当为七事可也马欲其蕃盛其阜之固有法【○郑康成曰阜盛壮也诗曰四牡孔阜】特者马之雄其佚之必以时一特三牝所以阜之也安其血气以时通淫所以佚之也佚者使之安佚不劳也【○郑康成曰用之使不甚劳○黄氏曰佚特使乘匹也特曰佚牝曰游一也】三歳曰駣可以任载乘则教以进退之节【○黄氏曰攻驹止乳不使其母羸也】二歳曰驹气盛而未调也则攻以治其蹄齧之性【○王氏曰阜马者养马而阜之既阜矣又佚特以蕃之既蕃矣又教駣以成之攻驹则不可教者及其未駣攻之也】祭校人夏祭先牧廋祭夫始教牧马之人此祭闲之先牧则祭始作闲以牧马之神【○黄氏曰闲各有先牧执驹为血气未定使勿佚也】先儒谓散马耳者以竹括押其耳头动摇则括中物后遂串习不复惊也然谓之散者岂非以其踈散而不知畏故聒其耳软圉犹禁圉之圉盖禁而制之使不得以近母○王氏曰圉马则成马而圉之圉马以校人执驹为节也

正校人员选

郑康成曰校人谓师圉也【○贾氏曰凡言正者以尊正卑自趣马以上非廋人所正故知所正者师圉○黄氏曰校人马官之长廋人得正校人员选者廋人掌十二闲之政教以阜马所谓执驹攻特祭马祖先牧皆与校人通职是则廋人专习马盖马师也校人非其人则牧养乘治将不得其道理矣故使廋人正校人员选】○王氏曰正其员使员称马数正其选使选惟其能【○李嘉防曰因马而定其员数因人而别其艺能】

马八尺以上为龙七尺以上为騊六尺以上为马王氏曰小大异名使各从其类以待乘颁及以为种○郑锷曰八尺絶高矣出乎其类追奔电逐遗风一去千里故以龙名之【○易氏曰以象天驷为苍龙之星是其品之尤异者唯天子可备乘路之驾月令言驾苍龙是也】七尺以上亦异乎其类矣不谓之马而谓之騊意其由种而生既高且大有所自来矣岂种马之子孙乎【○易氏曰以騊之牝骊牡 是其色之尤异者天子诸侯得以兼用诗于卫文公言騊牝三千是也】六尺以上则正名曰马盖马之高者正以六尺为常也或谓校人掌王马辨六马之属则马之名龙名騊者当辨也廋人之职其卑如是乃于此言龙騊之尺寸何耶盖十二闲之广二千五百余匹之多马有超然卓异藏乎其中人所不见自非主者表而出之则神骏之才逐电之足谁其知之故特于廋人言之

圉师乘一人徒二人

郑康成曰养马曰圉四马为乘○王昭禹曰以教圉人养马故圉师名官【○贾氏曰圉师即校人一师四圉者也】

掌教圉人养马春除蓐【音辱】衅厩始牧夏房马冬献马○郑锷曰春马出而就牧廄中虚矣蓐者所寝之借也久则秽恶而不洁故因其出而除之马处于廄神实主之衅之以血所以除不祥故因其出而衅之○王昭禹曰日中而出谓春分也日中而入谓秋分也故春始牧夏房马也○郑康成曰房庑也庑所以庇马凉也【○郑锷曰夏暑酷而马尤畏热必为庑以凉之】○项氏曰冬则所产之马成矣故献之

射则充楫质茨墙则翦阖

郑康成曰充犹居也【○易氏曰充泽宫习武之居○郑锷曰充如充笼箠之充盖习弓试武之时取足其数也】

刘执中曰共楫质盘草以代侯也○王昭禹曰司弓矢共其弓矢圉师则充楫质也【○李嘉会曰楫质谓以木为之非乃束草 为圉如今射墮】○郑康成曰茨盖也阖苦也【○王氏曰次草谓之茨诗曰墙有茨苦谓之阖以剉草为苦○易氏曰剪之以茨墙也】○郑锷曰盖墙必用阖阖与左 戎子驹支所谓苦盖之盖同茨墙之时必使圉师以翦其阖皆以其莖斩马草熟于其事也○易氏曰二者皆圉人所习故圉师因而使之

圉人良马匹一人弩马丽一人

郑康成曰良善也丽耦也○黄氏曰趣马阜一人圉师乘一人良马设员不可兼取弩马亦有趣马有圉师而设员不着趣马兼取于圉师八师一趣马也圉师兼取于圉人八丽一师也至圉人则不可兼取矣故良弩各着其员

掌养马刍牧之事以役圉师

王昭禹曰刍以食马牧以放马皆所以养之○郑康成曰役者圉师使令焉

凡賓客防纪牵马而入陈廡马亦如之

郑康成曰賓客之马王所赐之者诗云虽无予之路车乘马防纪之马啓后所荐马【○贾氏曰防纪谓将葬朝庙时在祖庙中陈设明器之时亦遣人荐马及纓入庙陈之】廡马遣车之马【○贾氏曰亦于祖庙陈此明器】○易氏曰賓客之时陈马于馆防纪而葬陈马于庙遣车明器之时则陈之于圻以圉人养马故使之牵而陈之

总论马政

郑锷曰周之马政掌之有官牧之有地出入有时祷祈有祭教之有法养之有人其详若此不闻蕃息之数如卫文公之騋牝三千何耶盖经之所载皆成王持盈守成之际用以驾路车锡诸侯华国以为文饰币以为礼而已至宣王中兴南征北伐吉日庚午之诗国马之盛莫不有自来其后马政随废秦并海内六万骑之国尽得而有之汉兴天子不能具醇駟而将相或乘牛车厥后发易占之谓神马当从西北来及得乌孙马名曰天马而奉使者争言大宛有善马在贰师城遂拜李广利为贰师将军期至贰师取善马至发卒十八万与天下七科适以征之仅得善马数十匹中马以下牝牡三千余匹更名乌孙马曰西极马以宛马为天马以马之故天下萧然耗矣唐兴得突厥马二千匹又得隋马三千于赤岸从之陇右遂立监牧之制领以太仆其属有牧监副监监有丞有主簿凡辟置长一人十五长置尉一人又以尚乘掌天子之御左右六闲总十二闲为二廄曰祥麟曰鳳苑太仆张万歳领羣牧自贞观至麟德四十年马七十万六千置八坊岐幽泾宁间地广千里四千三百三十顷募民耕之以给刍秣八坊之马为四十八监马多地狭又析八监列布河西丰旷之处凡马五千为上监三千为中监余为下监皆有左右当时天下以一缣易一马自秦汉以来唐马最盛其后卒能弱西北蕃人其所立之制髣髴周家遗法较于西汉过之远矣

周礼订义卷五十五

卷五十六

钦定四库全书

周礼订义卷五十六 宋 王与之 撰

职方氏中大夫四人下大夫八人中士十有六人府四人史十有六人胥十有六人徒百有六十人

郑康成曰职主也主四方之职贡者职方氏主四方官之长

陈君举曰职方长天下之图而 司马者谨之也战国策士每言闚周室则可案图籍以争天下故萧何入秦独收图籍以此自汉守之司空寢以泄布当时如江都淮南诸王皆案輿地谋变而王鳳亦云大史公书有地形阨塞不宜在诸侯王然则古图志虽司徒掌之而藏在司马秘不得见先王所以弭奸消患者其虑遠哉

李嘉防曰职方无上士下士所掌五夷八蛮与天下侯国之众职大且尊如汉典属国也

掌天下之图以掌天下之地辨其邦国都鄙四夷八蛮七闽【亡巾反】九貉【孟白反】五戎六狄之人民与其财用九谷六畜【许六反下同】之数要周知其利害

王氏曰掌天下之图以掌天下之地则所掌非特图也又掌其地焉○郑锷曰职方所掌地图与大司徒天下土地之图一也然大司徒所掌者王朝之图要知中国及九州可以建国分封之地且将以辨土宜而施教也职方所掌则兼中国要知其土之所有不止国中分封之地而已大司马将以施九畿之政职必本是图故不属于大司徒而属于司马后世所谓司空輿地图光武尝披之以问邓禹者是也○易氏曰言邦国则王畿之外五等诸侯之国言都鄙则王畿之内三等食采之地此二者举中国言之○郑锷曰四八七九五六者其种类分别多矣周之所服者其数止此武王克商通道于九夷八蛮而周明堂位有九夷八蛮五狄六戎之国各列于门外其数与此或差者意当时版图入于职方者如此耳【○王氏详說曰明堂位言九夷八蛮六戎五狄与职方不同以尔雅攷之明堂位为正李巡注尔雅以 菟乐浪等为九种之夷天竺咳首等为八种之蛮僬夷戎夷等为六种之戎月支秽貊等为五种之狄是也贾氏以四夷为四方之夷總名以九貉为东方九夷以七闽为南方八蛮其說得矣但此五戎当为六字六狄当为五字】○陈君举曰周天下方七千里大槩与四夷八蛮七闽九貉五戎六狄并言之其实诸侯封守不如是之广也以王制攷之西不尽流沙南不尽衡山东不尽东海北不尽常山凡四海之内絕长补短方三千里是天子壤地之实其间亦有戎狄错居如鲁徐戎之类是也又荆楚之地在江汉之间自楚以南悉为百越之地而衡山在楚之极南安在天子之封内耶举一隅则四海可知【○叶氏曰尝疑召公在燕大公在齐唐叔在晋皆为边遠与戎狄邻接而江汉之间封建所不至则周之所自治者固甚狭而职方所辨乃若是其详虽汉

唐盛时不能何也岂姑着之图籍而实未尝统属耶周召之政其必不然夫辨之详而责之略治之狭而服之广非德有余于天下何以致之】郑锷曰辨其民则以广谷大川异制民生其间异俗饮食异宜器械异用【○易氏曰知其刚柔缓急之异俗】辨其财用则以布帛财货所资者不同【○易氏曰知其衣食器械之异齐】辨其九谷则以土之所生者或四种五种所宜各不同辨其六畜则以物之所产者或四扰三扰所性各不同故也○易氏曰此数者职方氏皆以图而考其数【○王昭禹曰数则一二三四之数谓别而计之】复以数而總其要【○王昭禹曰要如月要之要谓總而计之】又以数要而周知其利害利如土宜土化之类凡利于民者【○郑锷曰物之所产如金石竹箭之属】害如地慝之类凡害于民者职方氏既已周知而歷数然后大司马以九畿之籍而施邦国之政职使九州之国各共其职以任其政无有不同之贯利此其官所以列于大司马之属而谓之职方氏

乃辨九州之国使同贯利

郑锷曰自中国以至夷狄兼举而周知之矣乃若国之有九州为五政之所加七赋之所养王者所治之区域也必使贯无不同则九州共贯利无不同则四海蒙利【○王昭禹曰事之有条谓之贯凡可以生养人者谓之利】○刘执中曰四方人民好恶之不同则其风俗有善恶矣四方财用有无之不等则其衣食有厚薄矣必周知其利害贯而通之使有无之相易善恶之相济一天下之财用养天下之人民俾同享其利焉故曰使同贯利

东南曰扬州

贾氏曰自此以下陈九州之事總为三道先从南起周改禹贡以徐梁二州合之于雍青分冀州地以为幽并东南曰扬州次正南曰荊州周之西南不置州统属雍州即次河南曰豫州为一道也次正东曰青州次河东曰兗州次正西曰雍州为二道又次东北曰幽州次河内曰冀州次正北曰并州为三道○易氏曰禹贡扬州之域东距海北据淮故曰淮海惟扬州殷人以淮入徐故扬州止谓之江南周人复以淮入扬而循禹之旧不言淮海而曰东南者变禹贡之文也然禹贡以帝都所在故首言冀州周都镐京在雍州之域而乃以扬州为先焉周人建国东南先服王化之始故以东南为首称而正南次之亦犹禹之治水既载壶口则以冀州为首记其功之所自始不特帝都而已

其山镇曰防【古外反】稽

王昭禹曰九州之山皆言其山镇者蓋国主山川而保之山之可以镇安其地也【○郑康成曰凡九州及山镇泽藪言曰者以其非一曰其大者耳】○易氏曰稽计也吴越春秋曰禹巡守天下防计万国之功以防稽名山汉志属会稽之山陰县唐为越州会稽县山在州东南二十里今州为绍兴府

其泽藪曰具区

王昭禹曰水所钟曰泽泽草所生曰藪【○郑康成曰大泽曰藪李嘉会曰既曰泽又曰藪者水溢曰泽水干曰藪】○易氏曰孔安国会稽郡具区泽在西古文以为震泽是吴南太湖名唐属苏州今为平江府【○黄氏曰在今平江吴江县】

其川三江

王昭禹曰以达水者谓之川○易氏曰书曰三江既入震泽底定震泽太湖也尧时洪水泛滥有此水势与周之职方不同而孔安国乃云江至彭蠡分为三入于震泽是求合乎禹贡之說似矣然书以江汉所汇之处为彭蠡泽在今江州湖口县界江至湖口合三为一未闻其分一为三也又太湖在苏湖常三州之间自不与江水相通彭蠡所汇之江何从而入之耶班固知大江与震泽不相通又附会为之說曰南江自震泽东南入海中江自芜湖东至阳羨入海北江自毗陵北东入海毗陵今常州也今以大江之在毗陵东北者以当北江正与书合者谓南江自震泽东南入海则非经之所谓南江矣又谓芜湖有水东至阳羨以为中江其失为特甚阳羨今常州宜兴也与建康之溧阳接境两境中高水皆东西分流其东流而下阳羨者固可通海而芜湖之水乃皆西北流北向以入于江初非入阳羨也其为误有如此者至桑钦所言北江与固同其叙南江中江则其谬滋甚史记正义又曰太湖旁有三水遂以为三江之证皆非禹之所谓三江也然则经之三江将孰从乎以经证经自有明文汉水出于嶓冢者为北江江水出于岷山者为中江既有北江又有中江则必有南江近代儒者谓南江自豫章而入于彭蠡此說诚可信据此则三江已合于荆扬之间至扬州末流复言三江岂果分为三乎 濒海为支川之下流必言三江所以纪水之所入也知此则知三江震泽之說【○黄氏曰韦昭以松江浙江浦阳江为三江郭景纯以岷江松江浙江为三江大抵闽浙去海近水多自为渚入海俗皆称为江偶有三焉则为三江其实皆小水非禹贡职方之三江酈道元所谓其称相乱者也由此言之范蠡三江当为浙钱清剡子胥三江则郭景纯說犹近之盖岷江自彭蠡而下合池宣升润真 诸州水在其北松江合湖秀苏常诸州水居其中浙江合衢婺徽严杭越诸州水在其南此为全吴地域也禹贡职方三江为一州川盖江汉彭蠡之已合者也江汉彭蠡已合而犹曰三江者同流各派不相杂袭皆能自达于海】

其浸五湖

王昭禹曰以水浸田谓之浸自扬之五湖以至并之涿易皆其地之水可引以浸灌也【○王氏曰然泾漳之属后世更引以浸焉则民之利固有先王未之尽者变而通之存乎其时而已】○黄氏曰五湖又多异說虞翻曰是湖有五道故曰五湖今湖旁港渚不止于五其說非也韦昭曰五湖今太湖方圆五百里故为五湖具区既已号为泽藪而又以其方圆里数为浸亦非也【○易氏曰具区是泽五湖是浸泽浸岂可混而为一】张守节曰太湖东岸五湾为五湖曰菱湖游湖莫湖贡湖胥湖其說或然今苏常间陂湖与太湖连接者尚多何止五也酈道元因水经南江东北为长渚歷河口乃谓江东注具区谓之五湖口既甚谬误又引郭景纯江赋谓江水经纬五湖而包注太湖观其所指五湖虽不可尽知而溇湖在今毗陵与岷江不通则所谓经纬五湖者皆不然也酈本汉志与水经故谓南江东注具区今饶歙诸州自彭蠡右出直抵江其西为池太平宣建康其东为湖苏常润西水皆入江东水皆入太湖江岂能越山

而注太湖乎大抵职方川则其地自高而下水之所流行也浸则地势平衍水之所停涵也地有浸则肥美播种所宜而又沮洳足为险固扬州自古为泽国湖名必当有五者应此数自旧説多如此则是失其传久矣不必强牵合也【○易氏曰尝攷经意既谓五湖则不止一湖今如丹阳彭蠡以湖名者甚众皆在古 州恐别有五湖之名但经无明文不可臆説】○李图曰五湖彭蠡洞庭巢湖太湖鉴湖【○柯山曰五湖太湖湖州射阳湖楚州青草湖岳州丹阳湖润州洞庭湖洪州国语越语下曰战于五湖注曰今太湖也】

其利金锡竹箭

郑康成曰锡鑠也箭篠也○易氏曰考工记曰吴越之金锡尔雅曰会稽之竹箭禹贡于 州亦曰惟金三品又言瑶琨篠簜信乎为 州之地利

其民二男五女

愚案司民掌登万民之数自生齿以上皆书于版异其男女及大司徒掌建邦之土地之图与其人民之数则知二男五女与一男二女二男三女之差是职方總九州之图而辨其人民当时版籍通以一州计之大约为此数及世变既久不无升降损益也或以陰不生于陰而生于阳故扬乃多女若然则幽并在北陰方也何女之多于男乎

其畜宜鸟兽

郑康成曰鸟兽孔雀鸾防防犀象之属○易氏曰此等畜多产于南方亦时见有之

其谷宜稻

易氏曰稻生于水泽之地经言稼下地是已 州居东南之极及支川下流之所归厥土为涂泥为沮洳故其谷宜稻

正南曰荊州

易氏曰禹贡荆及衡阳惟荊州殷之荊州南不言衡阳循禹之旧也其北境则曰汉南以地志攷之荊山在南郡临沮县即今荊门军当阳县之地汉水又在其北正属襄阳言汉南则殷之荊州实跨荊山之北至周复以荊山之北属豫复禹封域以荆及衡阳为荊州荊山即南条荊山衡山即南岳皆在正南之地故曰正南

其山镇曰衡山

易氏曰汉志长沙国湘南县衡山在东南唐属衡州衡阳县本酃县地要之衡山连亘数邑凡酃县之东北以至湘南县之东南则皆衡山也

其泽藪曰云蓍

易氏曰汉志华容县有云蓍泽在南【○郑锷曰輿地广记曰今云蓍泽在安陆县】然司马相如言云蓍泽方八九百里则云蓍非止一泽随所在而为之名左传定公四年楚子涉睢济江入于云中则知在江之北者为云又昭公三年楚子以郑伯田于江南之蓍则知在江之南者为梦禹贡言云土蓍作乂蓋南北高下不等故江北之云方见土而江南之蓍已作乂其势然也【○黄氏曰云蓍跨江南北今荆南岳州界】

其川江汉

黄氏曰江水自夷陵而下为州界东流会于彭蠡汉水自房陵以下为州界东南至汉阳入江【○易氏曰汉志蜀郡湔氐道岷山在西徼外江水所出今攷唐元和志则岷山近在茂州而江源遠出西徼在松州之境案松州交州县江源镇江水之迹始见于此南流至翼州翼水县又南流至茂州汶山县汶山即岷山禹导江所始之地又南流至成都府成都县有沱江镇禹贡东别为沱是也又西南流至眉州通义县又南流至戎州犍道县今为叙州宜賓县又东流至泸州泸川县又东流至渝州巴县又东流至涪州涪陵县又东流至忠州临江县又东流至万州南浦县又东流至夔州奉节县又东流至归州秭归县又东流至峡州夷陵县又东流至江陵府江陵县又东流入澧州界即禹贡东至于澧之地至岳州巴陵县有洞庭湖即禹贡九江水经云九江在长沙下隰县正其地也又东陵即巴陵江水至此自东而迤北至鄂州江夏县又东流至江州浔阳县今为德化县有彭蠡泽即禹贡江汉汇泽之地又东北流至池州秋浦县今为贵池县又东北流至润州丹徒县州今为镇江府北对一州江都乃汉志所谓东至江都入海者也汉志不知汉水所自误认嶓 山之西嘉陵江为西汉水与禹贡漾汉大异考之唐元和志兴元府金华县今为镇隸三泉县嶓 山在县西三十里漾水所出东流至洋州兴道县又东流至金州西城县又东流至均州武当县有沧浪洲即禹贡沧浪之水又东流至襄阳府襄阳县又东流至鄂州长壽县又东南流至复州竟陵县今为景陵县有参瀝水即禹贡三瀝也又东南流至沔州汉阳县今县为汉阳军有大别山即禹贡至于大别以入于江之地禹贡所记江汉皆发源于梁州周礼不载梁州山川故至荆州而后言其川江汉江至今归州之秭归县以至鄂州之武昌县凡一千四百余里汉江自今均州之武当县以至汉阳军之汉阳县凡一千四百余里皆荆州之地江汉分流于其间至是合流诗曰滔滔江汉南国之纪是也○王昭禹曰即禹贡荆州所谓江汉朝宗于海】

其浸潁湛【直減反杜氏曰湛读当为人名湛之湛湛或为淮】

黄氏曰案今潁水出河南登封隅干山东南流至潁州潁上县入淮郑言宜属豫者据禹贡也然周人画地当有所更革矣又案酈道元注水经湛水出礬县北鱼齿山西北东南流歷鱼齿山下为湛浦春秋楚公子格与晋战于湛阪是也湛水东入汝周礼荆浸潁湛康成云未闻偶不照此酈氏之所考据也案今汝州鲁山县汉礬县鱼齿山在龙兴县连接梁县界是则周荆州界自随巴唐邓东北至汝潁与豫分界而荆牧治宛宣王封申伯【○易氏曰左氏传昭元年王使刘定公劳赵孟于潁杜氏谓潁水出阳城县案汉志县属潁川郡即今河南府潁阳县

又襄十六年楚公子格帅师及晋师战于湛阪杜氏谓襄城昆阳县北有湛水东入汝案地志襄城即今汝州之襄城县昆阳故城今在汝州之叶县已上二者皆古豫州之地经以为荆州之浸必有脱误处】

其利丹银齿革

郑康成曰齿象齿也革犀兕革也○易氏曰禹贡荆州言砥砮丹惟金三品羽毛齿革其地利古今同也然荆州亦言金与范梈则未尝无金锡竹箭 州亦言齿革及惟金三品则未尝无丹银齿革特以其地产之多者言之

其民一男二女其畜宜鸟兽其谷宜稻

河南曰豫州

易氏曰禹贡荆河惟豫州其封在大河之南南条荆山之北故曰荆河殷之豫州则南境距汉北境接河故曰河南周人于豫州亦曰河南而南境则仍禹贡之旧不曰荆河互文以见也

其山镇曰华山

易氏曰汉志京兆尹华陰县大华山在南后汉华陰属 农郡唐及今为华阳县

其泽薮曰圃田

易氏曰汉志河南郡中牟县圃田泽在西唐以县属郑州今属开封府圃田泽一名原圃【○黄氏曰今郑州管城县】

其川荥【户扃反】洛

易氏曰禹贡导沔水东流为济入于河溢为荥厥后济不溢河荥泽遂枯汉志河南郡虽有荥泽县而不言荥泽唐元和志于郑州荥阳县云县西北四里有故渎恐未必然盖水北为阳县当在泽北不应泽在县北也汉志 农郡上洛县洛水出 岭山东北至巩入河又卢氏县熊耳山在东禹导洛始此而洛水实出于上洛之 岭山今攷之唐商州洛南县 岭山在县南七十里洛水所出也又东流至本州之上洛县又东流至虢州卢氏县界熊耳山在县南五十里又东流至河南府之巩县防伊瀍涧之水以入于河

其浸波澹【音沓】

易氏曰郑康成曰波读为播孔安国言禹贡有播水无波水音与播同古字从山从番读为嶧豕之嶧康成诚有所见而然尔雅云水自洛出为波度其地其卢氏巩县之间即今商虢州河

南府之地【○黄氏曰案注水经有波水出鲁阳县霍阳西大岭东谷俗谓之歇马岭即应劭所谓孤山波水所出者水南流入 杜佑通典曰此为豫浸之波鲁阳今鲁山县霍阳山在今梁县俗称岷山】左氏传庄四年楚令尹鬬析莫敖屈重除道梁滢营军临随杜氏以为滢水在义阳厥县西东南入郢水义阳即今信阳军之西去随甚近唐志随州随县滢水出县西四十里此正古豫州之地郑康成乃谓滢宜属荆州在此非也盖汉人误以南阳郡为荆州不知古荆在荆山之南康成徇汉地志之说误矣【○黄氏曰水经注滢水出随州随县黄山南南流入波案职方诸浸多相接而豫浸波滢源委殊异又相去远而马融广成泽颂亦曰浸以波滢波近广成泽滢则远矣不知何以自古联称周职方湛为荆浸波为豫浸则二州分今临汝为界滢为豫浸则豫西界抵今汉东故乐史寰宇记随州虞周为荆豫二州之域郑以滢宜在荆者或未攷也】

其利林漆丝枲

郑康成曰林竹木也○王昭禹曰禹贡豫之厥贡漆丝絺纴则林漆丝枲固豫之所产也

其民二男三女其畜宜六扰其谷宜五种

郑康成曰六扰马牛羊豕犬鸡五种黍稷菽麦稻【○李嘉会曰豫州土地平旷尤宜六扰五种非无他鸟兽不足称也】

正东曰青州

易氏曰禹贡有青有兗有徐殷并青于徐而徐兼 州之淮故江南曰扬州周复以淮归 而并徐于青正在畿东故曰正东

其山镇曰沂山

易氏曰唐沂州沂水县本汉东莞县属琅琊郡沂山在县北一百二十四里【○黄氏曰公玉带所谓东泰山也】○贾氏曰地志沂水出泰山郡盖县禹贡沂水在徐州在青州者周以禹贡徐州地为青故也

其泽薮曰望诸

黄氏曰望诸孟诸也在应天府虞城县淮水流至今宿泗间为青界东至楚州盐城县入海禹贡徐 以淮为界北徐南 泗水出兗州沂水出奉符新泰县界之艾山南至淮阳下邳县入泗沭水出沂山东南流至宿迁县入泗淮沂沭禹贡皆属徐州周废徐入青故皆属青孟诸属豫州青又斗入豫界矣周齐为青牧大公始都营丘故城在今潍州昌乐县宣王时齐迁临淄烝民诗仲山甫徂齐城彼东方是也【○易氏曰唐宋州虞城县汉属沛郡今属南京应天府孟诸泽西北十里俗号盟诸故书谓之孟诸周礼谓之望诸汉志谓之盟都史记谓之明都其

实一也】

其川淮泗

易氏曰禹贡导淮自桐柏汉志南阳郡平氏县桐柏大复山在东南唐以其地为桐柏县属唐州淮水所出东流至蔡州之真阳流至申州之义阳县今为信阳军信阳县又东流至光州定城县又东北流至濠州招信县今属泗州本汉临淮郡淮陵县地乃古徐州之域即汉志所谓淮至淮陵入海者也又东北经楚州之盱眙县今为盱眙军与泗州隔淮相对又至楚州山阳县入海汉志济陰郡乘氏县泗水东南至睢陵入淮此孔安国引以证禹贡者汉乘氏属济陰郡唐以郡为曹州今为兴仁府县属焉睢陵即今泗州招信县之北境然汉志所载自有两泗水其一即自此乘氏至毗陵入淮者又一泗水出鲁国卞县西南至方与入沛唐元和志卞与方与皆在兖州今袭庆府泗水县东陪尾山泗水出焉其源有四西南流至本州曲阜县北分为二流北为洙南为泗其间即夫子设教之地又西南三十五里至本州瑕丘县西二十五里洙复与泗合又南流至本州鱼台县界县本汉方与地属山阳郡即所谓自方与入沛者也又东南流经徐州沛县汉属沛郡即所谓自沛入淮者也又东南经徐州彭城县又至泗州以入于淮徐兖泗皆古徐州之境周并于青

其浸沂沭【音述】

易氏曰汉志泰山郡盖县沂水南至下邳入泗盖县在唐及今皆兖州之境下邳唐属泗州今为淮阳军沂水经下邳分为二水一水于城北西南入泗又一水经城东亦注泗谓之小沂水汉志琅琊郡东莞县沭水南至下邳入泗案唐志沂州沂水县本汉东莞县地沭水所出东南至泗州下邳县又东北流至泗州涟水县今为涟水军至此与泗合而入淮【○郑司农曰沭或为洙】

其利蒲鱼

易氏曰禹贡于徐州言淮夷蠙珠暨鱼周并徐于青其余皆兼此二州而言

其民二男二女其畜宜鸡狗其谷宜稻麦

河东曰兖州

易氏曰夏殷皆言济河惟兖州谓东河之东济水之北也周人以青兼徐而兖州又得越乎济之东南故徐之岱山职方以为兖之镇山徐之大野职方以为兖之泽藪是也故曰河东

其山镇曰岱山

易氏曰汉志泰山郡博县泰山在西北博在唐为干封属兖州今为袭庆府奉符县泰山一曰

岱山禹贡海岱惟青州海岱及淮惟徐州是青州在岱山东北徐州在岱山东南周并徐入青而不以岱属青州兗在西北实兼有其地

其泽藪曰大野

易氏曰汉志泰山郡钜野县大野泽在县北唐以县属郓州今属济州案禹贡徐州言大野既瀦周无徐州故以属兗

其川河澗

易氏曰禹贡言导河积石案汉志金城郡河关县积石山在西有唐及今为积石军然禹之导河始于积石其实河源遠在西塞之外汉张骞班固及水经山海经等皆不知其地唐穆宗长庆元年刘元 使吐蕃归逾湟水湟水出蒙谷抵龙泉与河合合河之上流繇洪济渠西南行二千里水益狭其南三百里三山中高而四下曰紫山古所谓昆仑者也其地盖劔南之西虜曰穆穆哩山河源其间色赤行益遠他水并注则浊自此东北直穆克依额音磧尾入吐谷浑以至积石东北流至鄯州龙天县界又东流至河州枹罕县界又东流至兰州五泉县又东北流至防州防宁县又东北流至灵州廻乐县又东北流至三受降城又东迤南至朔州之鄯阳县又南流至嵐州合阿县又南流至石州临泉县又南流至隰州永和县又南流至慈州吉昌县又南流至絳州龙门县今以县属河中府乃龙门口即禹贡所谓至于龙门者也又南流至蒲州蒲州对河为华州华陰县大华山在县八里河经大华之北故曰华陰即禹贡所谓南至于华陰也至此方自南迤东至陝州陝右县今为陝县有底柱山在黄河中禹贡所谓东至于底柱也又东流至河南府之王屋县又东流经本府之河阳县今为孟州有孟津禹贡所谓东至于孟津是也又东流经本府之巩县有洛水入河禹贡所谓东过洛汭是也又东流至衛州汲县其黎阳县有黎山即禹贡所谓至于大伾是也又东北流至桐州临河县又东北流至澶州顿丘县又北流至魏州贵郷县今省入于大名府之元城县又东北流至贝州经城县今省入大名之宗城县又东北流至冀州南宫县禹贡洺水亦入河以禹河东徙故自入海而不入于河洺水故渚在县东南六里禹贡所谓北过洺水是也又冀州西北接邢赵深三州三州皆有大陆泽禹贡所谓至于大陆是也又东北流至沧州饶安县即禹贡北播于九河同为逆河入于海之地大抵河行万余里岂独为兗州之川禹贡济河为兗州即其地攷之自魏至沧凡一千三百余里其河之东境皆兗州之域【○黄氏曰职方曰河东曰兗州盖自黎阳北流兗冀分河为界兗东而冀西】洺水在经及汉志皆以此字从水从□案說文从水从□注出兗州之川惟禹贡从水从齐又案汉志从水从齐其水出常山郡房子县賛皇山乃别是一水名则此二字音同实异后世虽例以从水从齐者为兗州之川其实乃字之误当以古文为正案禹贡道洺水东流为济攷之则在河东郡之王屋县王屋山在县北洺水所出伏流至河内郡之轵县唐为济源县以济水出平地有二源故名济源南流入于河禹贡入河复截河而南溢为滎滎在郑州滎泽县本汉滎阳县北实受溢河之济水济水自春秋后不复截河而入于滎矣今虽有滎泽而故渚湮塞不可攷又东至汴州又东北至曹州为陶丘又东北至菏泽在广济军之东北自河至此凡七百余里皆古济所经之地今不复有济水但存其名而已又菏泽虽不受济水亦自有源仍旧东流世俗因其旧名亦以济名之然东南流至兗州金乡鱼台入

徐州沛县与泗水合而入淮又一 禹贡济水至菏泽即东北防于汶汶水出兖州干符县今袭庆府奉符县又北流至郛州须昌县又东北流至齐州临邑县又东北流至淄州高苑县又东流至青州博昌县以入乎海自汶水源至此皆古济之地实古兖州之域

其浸卢【音雷】维【于恭反】

易氏曰郑康成曰卢维当为雷雍盖濮川雷泽县雷夏泽在北又灋沮二水源俱出雷夏泽正兖州之境顔师古曰卢水在济北卢县康成读曰雷非也唐以卢县属郛州今废入阳谷【○黄氏曰潍水出密州莒县潍山北至潍州昌邑县入海水经注卢水出密州诸城县卢山即久台水也西北入潍杜佑通典卢水在济阳卢县因水而名卢县今属东平府非卢水所经其説误禹贡兖袭庆济属徐潍密属青周废徐兖济潍密皆入兖周鲁为兖牧封伯禽都曲阜】

其利蒲鱼其民二男三女其畜宜六扰

李嘉防曰蒲鱼蒲芦苇及鱼也○易氏曰利与青州同民畜与豫州同

其谷宜四种

郑康成曰四种黍稷稻麦

正西曰雍州

易氏曰禹贡有雍有梁故梁为正西而雍为西北殷周皆省梁入雍故雍州为正西

其山镇曰岳山

易氏曰汉志有扶风汧县吴山在西古文以为汧山雍州山然案唐陇州汧源县而汧山北与陇山接禹贡导岍是也此正岍山非所谓吴山吴山同在陇州郤自有吴山县在州西北一百二十里吴山又在县西南五十里周都五岳之外以此特近故为岳山秦都咸阳亦为西岳唐为国之西镇山谓之西吴

其泽薮曰 蒲【○郑司农曰 或为汧蒲或为浦】

易氏曰汉志有扶风汧县北有蒲谷乡有 中谷雍州薮今属陇州汧源县

其川泾汭

易氏曰汉志安定郡泾阳县开头山在西泾水所出唐以泾阳源为平凉属原州今属渭川又东南流至泾州临泾保定二县又东南流至邠州之宜禄新平永寿三县又东北流至京兆府

之醴泉高陵云阳三县以入渭汭水者非禹贡所谓汭也禹贡言汭皆渭水之北此所谓汭者雍州之川名汉志右扶风汭县汭水出西北东入泾此正公刘居豳之地诗所谓芮鞠之即徐广曰新平漆县东北有豳亭其国城在邠州东北二十九里三水县界古豳城是也正与公刘诗合又唐志泾州临泾县有汭水西自陇州华亭县流入一名宜禄川然泾陇二州在邠州之西则非邠州之汭要皆雍州之川也【○黄氏曰汭水出汭源县小陇山至邠州宜禄县为宜禄水入泾渭水出熙州狄道县鸟防同穴山东南至华州华陰县入河】

其浸渭洛

易氏曰汉志陇西郡首阳县鸟防同穴山在西南渭水所出唐省首阳入渭源后省今置渭源堡属熙州鸟防山在县西渭水有三源正东微南流至本州之襄武县又东流五十里至巩州之陇西县又东流至秦州上邽县又东流至陇州南田县今省入吴山又东流至凤翔府岐山县又东流至京兆府万年县又东流至华州华陰县东北入于河谓之渭口禹贡所谓汭是也洛水别是雍州一浸非禹贡导洛自熊耳之洛郑康成曰洛出懷德释者引诗之瞻彼洛矣为证案汉志左冯翊懷德县即彊梁源之洛水懷德即京兆府之富平县今县属耀州即汉左冯翊之地北条荆山在县西正汉志洛水之源也孔安国注禹贡东防漆沮之下曰漆沮二水名亦曰洛水出冯翊北孔穎达引水志云出冯翊懷德县东南入渭正与汉志合又一洛水出庆州洛源县在唐京兆之西北五百余里【○黄氏曰洛水出庆州洛源县白于山今名安郎山至同州白水县入渭雍周为王都废梁州入焉】攷之地志非一源案唐志庆州洛源县本汉归德县地属北地郡有于向山在县北三十里洛水所出因以名县东流至鄜州洛交县又东南流至京兆府云阳县之东境又经同州澄城县之西境此去富平之懷德亦甚近不应言两洛水以其异源而下流同入于渭故皆以洛水名之如冀之清漳浊漳青之大沂小沂徐亦有两泗水以其同入不害其为名称之同

其利玉石其民三男二女其畜宜牛马其谷宜黍稷易氏曰禹贡于雍州言厥贡球琳琅玕孔氏谓球琳皆玉名琅玕石而似玉○郑锷曰即蓝田出玉也畜谷略与冀州同

东北曰豳州

易氏曰舜十二州本有豳州水土既平以冀为帝都省豳入冀殷人南都河南之亳复舜豳州之名周人又以豳州兼殷之营州实禹贡青州隔海东北之境故曰东北

其山镇曰医无间

易氏曰后汉志辽东郡无虑县有医无间山唐地志营平乃汉辽西郡则其山又在营平之东北

其泽藪曰豳【音兮】养

易氏曰汉志琅琊郡长广县【○贾氏曰地志长广属徐州】獫狁泽在西唐莱州昌阳县本汉县属东莱郡今为莱阳县獫狁泽在县东北四十里盖此泽介乎东莱琅琊两郡之间也

其川河涑

易氏曰经于兖州言其川河涑盖兖州北距河而南据涑禹贡言济河惟兖州则惟兖州之川宜也幽州远在东北于河沛何与盖幽州虽跨有辽水为东北而实西南越海兼有青州之东北境所以琅琊郡之獫狁泽泰山郡之淄水千乘郡之时水皆在幽州之域光武十三年以辽东属青州二十四年还属幽州是知幽州实可以有青州王瓚张楫云九河陷海中是九河未陷之前凡登莱海岸及瀋沧二州之东境皆在幽州之地与兖州东西分界故其川同于河沛【○王昭禹曰幽之川亦与兖同者盖兖在河东北二州相连皆有河沛也禹贡又北播为九河同为逆河入于海道兖水东流为济则幽兖皆河沛所经之地】

其浸菑时

黄氏曰淄水出淄州淄川县原山北至博兴县入济【○易氏曰汉志泰山郡莱芜县原山淄水所出东至博昌入沛攷輿地记则袭庆府莱芜县有原山淄水所出其地即汉之泰山郡东北流入淄川县汉莱芜故城在东北过临淄县东又东北过利津县又东北入于海西汉志乃同入沛盖入沛乃禹川之旧自济之上流既涸故淄水入海】时水在临淄县齐城西平地出泉南北二十五里亦谓之源水东北至千乘县入淄青淄莱禹贡属青古河自今沧景间入海沧景禹贡属兖职方分冀置幽居河济下流其地得今沧景德棣分淄莱跨河距济与青兖分界北包营平周燕为幽牧都蓟封召公

其利鱼盐

易氏曰幽州跨海有鱼盐之利

其民一男三女其畜宜四扰其谷宜三种

郑康成曰四扰马牛羊豕三种黍稷稻

河内曰冀州

易氏曰舜十有二州有幽有并有冀水土既平之后以冀为尧都省十有二州之幽并入焉以余州准之则知禹贡冀州东西南之三面距河而北境则越乎常山今之燕云营平诸州皆其地也殷人复以冀州北境复舜之幽州而东西南皆禹迹之旧盖东河之西西河之东南河之北也故曰两河间周人又分冀而复舜之并州故曰河内而已【○黄氏曰冀唐虞夏商皆都之舜分置幽并禹贡废不置周仍分置如虞卫为冀牧周封康叔都朝歌】

其山镇曰霍山

易氏曰汉志河东郡彘县霍太山在东唐及今晋州霍邑本汉彘县霍山一名太岳在县东三十里

其泽藪曰杨紆【于于反】

易氏曰郑康成曰杨紆所在未闻顔师古引尔雅云秦有杨紆李巡又以为在扶风而此乃以为冀州未详其义及所在

其川漳

王昭禹曰其川漳禹贡冀州所谓覃懷底绩至于衡漳是也○易氏曰汉志上党郡长子县鹿合山浊漳水所出东至邺入清漳又沾县大屯谷清漳水所出东北至阜成入大河是二漳皆出于上党也唐志浊漳水出潞州长子县本汉县有 鹄山浊漳水所出东北流至本州所理之上党县又东北流至本州之潞城县漳水一名潞水又东北经本州之垣县黎城县又东流至相州之邺县又东北流至滋州澄阳县又东北流经潞州之洛水县有衡漳故渎俗名阿难渠则知合清漳而谓之衡漳清漳出太原府之乐平县本汉沾县少山在县西南清漳所出东南流至仪州之和顺县又东南流至潞州黎城县之东北又東北流至洛州之洛水县又东北与浊漳合而至贝州之襄城县又东北流至德州之长河县乃漳之南岸其北岸即瀛州之平舒县自此东北入于海

其浸汾【扶文反】潞【音路】

黄氏曰汾水出宪州静乐县南流至河中府荣河县入河康成曰潞出归德县今庆州华池县无潞水杜佑曰潞出密云郡密云县密云今檀州水经鲍丘水从塞外来经密云戍过幽州潞县西酈道元曰鲍丘水入潞通得潞称俗曰东潞此殆杜佑所谓密云之潞也是在幽界非冀浸矣案阨驂十三州记曰上党路县有潞水为冀浸即漳水也王猛与慕容评相遇于潞川障固山泉军人匹绢鬻水二石酈道元曰他大川无可为浸者巨浪长湍惟漳水耳又案今潞城县春秋赤翟潞子婴儿之国是则潞之得名已久漳水至潞为川可以灌溉或当是也【○易氏曰汉志太原郡汾阳县北山汾水所出西南至汾阳入河攷唐岚州静乐县今属泽州即汉汾阳县之地汾水东南流入太原府之交城阳曲太原清源文水五县又东南流至汾州温城介休灵石汾西四县又东南流入晋州之霍邑赵城洪洞临汾四县又東南流至绛州之正平稷山龙门三县又南流至河中府寶 县北入于河唐潞州潞城县本汉潞县属上党郡漳水一名潞水在县北阨驂曰潞水在县北为冀州浸即漳水也盖周以浊漳为潞清漳为漳】

其利松柏

易氏曰禹贡冀州厥木惟条条长也其利松柏宜矣

其民五男三女其畜宜牛羊其谷宜黍稷

李嘉防曰冀之北土马之所生今不曰马而止曰牛羊马多出于陇西正雍州地

黄氏曰九州独雍冀不宜稻何也自郑国引泾为渠西门豹引漳为陂后人转相师用大抵稻田徧二州矣禹之治水非独除害濬畎浍距川盖兴利也而二州独不为稻田至后人始为之岂禹之智不及国豹之徒哉是必害有甚于利者禹不敢为至于商周皆因之后世但务兴利始禁决防利固可喜害曾不防汉末诸家治河之策王横独言水性就下疾则自刮除成空而稍深河水重浊号为一石水而六斗泥今西方诸郡以至京师东居民当春夏少水干燥时引河渭水溉田故使河流迟贮淤而稍多水暴至则溢决国家数隄塞之稍高于平地犹筑堤垣而居水也可各顺从其性毋复灌溉则百川流行水道自利无溢决之患夫水不使灌溉而失艺植之利不智者皆能知之然其识微见远实合大禹规模由汉以来冀豫徐兗河患竭国力匱民财漂没垫溺救患不给灌溉之利诚不足言矣雍上流冀下流以形势论之雍本无害然雍亦不以灌溉何邪决泾渭防浚诸水使尽入河上流甚驶疾而下流犹苦其停缓若分别诸水上流已旁决下流遂浅淤何疑哉孟子曰禹以四海为壑此說至汉犹有能知者今千余年其学遂絕灭矣攷工记曰水属不理孙谓之不行古人治水法理精详师授的确其肯以一概之见而使利害不足相补除哉

正北曰并州

易氏曰舜有并州禹贡以并入冀州殷因之周复分冀复禹并州以天下之势言之冀州在西河之东雍州在西河之西并州介乎雍冀之间故曰正北

其山镇曰恒山

易氏曰汉志恒山郡上曲阳县常山谷在西北按唐定州恒阳县有北岳今改为中山府县为曲阳即汉之旧也

其泽藪曰昭余祁

黄氏曰昭余祁在汾州介休县水经注曰汾水于大陵县左迤为陂泽引广雅水自汾出为汾陂陂南接陂地理志曰九泽在北并州藪也吕氏春秋谓之大昭又侯甲水迤大谷谓之大谷水迤祁县故城南自县连延西接陂泽是谓祁藪乐史寰宇记昭余祁俗名陂城泊祁属太原汉故县也

其川虡【兔胡反】池【徒多反】呕【乌侯反】夷

易氏曰汉志代郡鹵城县虡池河东至参合又东至文安入海此言参合则属高柳县汉高柳县代郡唐贞观以后为默啜所破州县俱废开元十年改定襄为云中有高柳故城则鹵城

又当在高柳之北虓池河源未之详其河自鴈门县西南流入崞与唐林二县又西南流至忻州秀容县又西南流入定襄县又南流至太原府孟县又东流至恒州之灵寿真定九门藁城谷城五县又东流至定州无极县又东流入深州之饶阳鹿城安平三县又东南流入瀛州之高阳河间二县又东流入莫州之唐兴及莫县以至任丘文安县即汉志所谓至文安入海者也康成曰呕夷祁夷与出平舒汉志代郡平舒县有祁夷水唐蔚州兴唐县本代郡地呕夷一名漚水出县西北高氏山东北流至兴唐县又东流至瀛州之博野东流入于河【○黄氏曰虓池出代州繁峙县泰戲山呕夷在蔚州灵丘县即漚水也水经注曰呕夷之水出县西北高氏山东至瀛州高阳县入易涑水即巨马河出蔚州飞狐县涑山东至防州南入于虓池同入海】

其浸涑易

黄氏曰易水有三皆出易州易县寰宇记北易一名安国河出县西北穷独山水经注濡水也中易出阎乡城宽中谷东南流至古易京城与北易合流入巨马河水经注易水与濡水互掇通称南易出县东南即山燕王仙台东石虎置东流与雹河防又东至霸州容城县南流入高阳县合漚水注水经注又曰易水至文安县与虓池合班固阼驷皆以斯水为南易文安今霸州县并之东界至此【○易氏曰汉志代郡广昌县涑水东南至容城入河案唐蔚州飞狐县即汉广昌县地有飞狐口涑水所出东南流至易州易县又东北流至涑水县又南流入容城县即汉志所谓束至容城入河者也汉志涑郡故安县阎乡易水所出东至范阳入濡此言易出故安则近幽州之境案唐蔚州飞狐县周属并州自县北入妫州之懷戎即古飞狐口易水所出东南流至易州易县至北方是汉涑郡故安县之地又东流至涑州之归义县又东北流入涑州范阳之南界即汉志所谓至范阳入涑者也】

又曰案诗韩奕韩侯为并牧今同州韩城县古韩国此并西界也并地最延袤绵亘冀北以制戎夷故诗曰奄受北国其追其貊荆宛并韩其国都皆近京师宛衛武关以制楚韩扞临晋以制狄皆天下形胜故宣王中兴特着二诗焉大抵周人幽据全燕【制狄】齐据海岱【制徐淮】充冀翼蔽洛阳并荆控扼咸雍此天下全势也观九州山川险要之处与其建牧规模而经略大体可见矣

其利布帛其民二男三女其畜宜五扰其谷宜五种郑康成曰五扰马牛羊犬豕五种黍稷菽麦稻也

總论

郑锷曰自扬州而下以至于并州是谓九州之国所以正其东西南北者皆以王畿为主天子面南故自南而辨之则四方各正矣每州各言镇山记其为一州之镇也各言泽薮记其一州水之所聚也各言川记其水入海之道也各言浸记其众田灌溉之利也各言男女或二或三或五记其地气之偏而陰阳之不齐也各言谷之所宜记其土壤之高下而所种之不同也各言利之所宜记其山林之疎密而所产之不同也【○薛氏曰凡九州之土高者宜黍稷下者

宜稻麦山气多男泽气多女东南多丝纊西北多织皮先王之于民因其东西南北之异方山泽川浸之异宜男女异数土石异产黍稷稻粱之异种丹漆丝枲之异利广谷异制民生异俗为之修其教而不易其俗齐其政而不易其宜山者不使居川泽者不使居中原驛刚之地粪种不以羊赤緹之地粪种不以牛然后五方之民各安其性乐其业而无偏敝之患】

總论分州之异

易氏曰九州之說其来尚矣孔安国以禹贡九州为帝尧之制遂谓治水之后舜分冀州为幽州并州分青州为营州余乃尧旧非也攷之舜典其說甚明始言肇十有二州次言咨十有二牧然后命禹平水土是则平水土之命与夫十有二州之建其先后次第自有可攷而不诬者禹别九州书以贡名在治水之后禹贡于逐州之下虽各列随山濬川之說然皆追求其治水踪迹而后辨山川之险易量道理之遠近以定赋贡之高下不得以舜之十二州为后也善乎班固之言曰尧遭洪水懷山襄陵天下分絕为十二州使禹治之水既平更别九州列五服其先后次序正所以明当时置州之意○薛氏曰冀兗青徐扬荆豫梁雍此禹贡之九州也冀豫雍幽营扬兗荆徐此尔雅之九州也荆豫青兗雍冀幽并此职方之九州也禹贡九州之名旧矣舜时肇十有二州分冀为幽州并州分青为营州至夏则复为禹贡之九州矣尔雅九州商之制也职方九州周之制也是商有幽营而无禹贡之梁青周有幽并而无禹贡之徐梁郭璞以尔雅之九州为商制然尔雅有九州之名而无九州之界禹贡职方有其界而不能不相侵入者且职方九州冀小于禹贡以分冀为幽并如舜时则一分而三也虽无徐州而青兗之间是也虽无梁州而雍豫之间是也禹贡曰海岱及淮惟徐州是徐之南及淮也又曰大野既豬是徐州之大野也今职方青州之川淮泗兗州之泽大野是以徐而入青兗也禹贡曰华阳黑水惟梁州是梁州之南据华山之南也又曰厥贡璆鐵银镂髈磬是梁州之玉石也今职方豫州之地华山雍州之利玉石是以梁而入雍豫也职方既以青兗而包徐故青州多入禹贡之豫而兗州又多入禹贡之青禹贡豫州被孟豬而职方青州有其泽望诸望诸即孟豬也兹非青之入豫乎禹贡青州曰盐絺海物而职方兗州有其利蒲鱼蒲鱼即海物也兹非兗之入青乎职方既有冀而又有幽并矣故幽州多入禹贡之青徐而冀多入禹贡之雍且幽州其山医无间其泽曰猋养其浸菑时医无间在辽东光武时以辽东属青州后又属幽州兹非幽之入青乎猋养在长广菑出莱芜地理志以长广属徐州琅琊有莱山兹非幽之入徐乎冀州曰其泽杨紆而尔雅曰秦有杨紆李巡又以为右扶风顏师古注汉地志以为即杨紆兹非冀之入雍乎大抵周以夏之冀为三以余八州为六其势不能如禹贡之旧也然杜氏二郑不改职方之字而必改职方之意后郑谓颍在阳城宜为豫今属荆非也以澠在楚随之闲宜属荆今属豫非也不知青幽梁雍兗豫尚多侵入况相距之州乎是改职方之意也先郑以青州之淮字当为睢洧字当为洧直谓宋有次睢而鲁有洧泗曾不谓青之包徐也以雍州之字当为汧蒲字当为浦直谓雍有汧水耳曾不谓吴山在汧西有蒲之藪也至于杜氏以经之湛字当为淮后郑以兗之卢维为雷雍曾不谓湛与卢雍之名无所经见是改职方之字也

郑锷曰周之九州无徐梁禹贡有徐梁无幽并尔雅云两河间曰冀州河南曰豫州济东曰徐州河西曰雍州汉南曰荆州江南曰扬州燕曰幽州济河间曰兗州齐曰营州诗谱雍梁荆豫徐扬禹贡所云尧舜法尔雅所云似夏法诗谱似商法說者云尔雅职方不同先儒以尔雅所

言为商制理或然也至于周官无徐梁者蓋徐去淮为近而其地或为徐戎淮夷之所有梁去洛为遠而其地或为王畿都鄙之所据也尔雅有幽州而周官有幽并者民有盈耗故州有损益冀之在商其民是以离而为二故有冀而有幽在周又离而为三故有冀又有幽并舜分冀为幽并分青为营周无徐州盖其地为淮夷徐奄所有周公之时命伯禽之鲁而徐戎淮夷并兴此其证也其后成王伐淮夷宣王征徐方僖公征淮夷而周官以征伐所获者为 独于蛮闽夷貊有之而戎狄则阙则知其服东南为难矣○李嘉会曰周之九州与禹贡不同者周时都雍不可不广梁山多险阻故合梁雍为一州徐地狭隘故青兼之尧舜都冀地壤最阔今之北境多在其内且帝都所寓人民阜繁至周亦然故冀州分为幽并

總论序州之次

王氏曰九州之序禹贡始于冀次以兗而终于雍职方始于扬次以荆而终于并者盖禹贡言治水之序职方言遠近之序治水自帝都而始然后顺水性所便自下而上故自兗至雍而止以遠近言之则周之化自北而南以南为遠故关雎鹊巢之诗分为二南汉广亦言文王之道被于南国德化所及以遠为至故也始于扬州则以扬在东南次以荆则以荆在正南终于并则以并在正北先遠而后近也

周礼订义卷五十六

卷五十七

<经部,礼类,周礼之属,周礼订义

钦定四库全书

周礼订义卷五十七 宋 王与之 撰

乃辨九服之邦国方千里曰王畿其外方五百里曰侯服又其外方五百里曰甸服又其外方五百里曰男服又其外方五百里曰采服又其外方五百里曰卫服又其外方五百里曰蛮服又其外方五百里曰夷服又其外方五百里曰镇服又其外方五百里曰藩服

郑锷曰职方氏掌版图以制其贡诸侯供贡以服事天子故以服言之欲其服职事上而已【○郑康成曰诗云侯服于周】○黄氏曰司马曰九畿畿界域也或曰畿封皆界域也司马施政职而以界域为名见王政之行无远近一也海内之地方千里者九九州各以其山川画界而九畿自王畿出四面画之地形不能整方九服阔狭相补而足侯国居其中有司所当辨也故晋为甸侯郑为男伯【○愚案余说见大司马】

陈君举曰卫服之外圣人虽制之服而不必其来故武成叙诸侯之助祭洛诰称诸侯之和防康王之诰陈诸侯之听命止言五服而已

凡邦国千里封公以方五百里则四公方四百里则六侯方三百里则七伯方二百里则二十五子方百里则百男以周知天下

郑康成曰以此率徧知四海九州邦国多少之数方千里者为方百里者百以方三百里之积以九约之得十一有奇云七伯者字之误【○林氏曰非实有国也特计其地之广狭所能容也】○黄氏曰凡邦国千里据一州之地而言也一州之地方千里故为九州而建九牧一州千里封公以五百里则四公犹曰封公足五百里则可容其四也方四百里则六侯犹曰封侯足四百里则可容其六也方三百里则十一伯犹曰封伯足三百里则可容十一也方二百里则二十五子犹曰封子足二百里则可容二十五子也方百里则百男犹曰封男足百里则可容百男也出入千里之数而进退之以见九州之地一州必千里也诸侯虽有加地未必尽登此数是故皆悬法也康成曰每事言则者设法也设法者以待有功而大其封其说是也但谓周九州界方七千里周公改殷制虽小国地皆方百里一州必四公六侯十一伯二十五子百男合附庸为二百一十国则强牵合矣王制二百一十国盖言分土为三而一州之地合百里七十里五十里之国可容二百一十而犹有余也职方言四公六侯十一伯二十五子百男盖言建侯大封而一州之地尽登五百里则容四四百里则容六三百里则容十一二百里则容二十五百里则容百而适足也是皆悬设之言也封国三等建侯亦三等故五百里四百里为大国不五百里四百里则不能为三军次国必三百里不三百里则不能为二军小国必二百

里不二百里则不能为一军男虽加地至百里犹不能为一军此其事实而其制参见于司马职方者也【周之公国杞宋而已】九州之地封国不尽则为闲田古説周国八百而春秋经传古国存灭其可见者不过百余未入春秋法制犹在诸侯未敢大放恣至春秋时犹以灭国为重则古国之不可见者必非尽并灭之不知其何故也【○愚案余説见大司徒】

薛氏曰千里之方为方百里者百五百里之国为百里者二十五四个方百里者二十五用千里之方一是方五百里者不过四公也又云方四百里则六侯则是四百里之国为方百里者一十六六个方百里者十六则为九十六是用百里之方九十六于千里之方犹余百里之方四又云方三百里则十一伯则是三百里之国为方百里者九以十一个方百里之国为百里者九十九于千里之方犹余百里之方一又云方二百里则二十五子以二百里之国为方百里者四则二十五个方二百里用千里之方一百男则百里而已此封国之定制也其余为附庸山川者固见于大司徒建邦国之制郑氏谓九州之界方七千里七七四十九为方千里四十九其一为畿内余四十八八州各有方千里者六以为封公侯伯子男之地失之矣郑氏之见以开方言之殊不知井田之地画为井形四围左右皆有定制故可以开方言之若夫先王定九州之制分疆析壤各以千里为州非如井田之法周围贯通可以开方计之若曰成周之制为方千里者四十九何成王周公斥地之广耶王制曰凡四海之内九州州方千里岂复开而为千里之六耶或曰王制商制也夫何商周之大异也孟子曰海内之地方千里者九齐集有其一如此则知郑氏之失

凡邦国小大相维

郑康成曰大国比小国小国事大国各有属相维聯也

王设其牧

项氏曰诸侯皆世袭惟牧为王所设○郑锷曰五国为属属有长二十五国为连连有率三十国为州州有正虽足以相制而未足以兼制之大国无小国之助则无以为强小国无大国之依则不能以自固王于是而为之设八命之牧以为二百一十国之长统临而牧理之然后小大之国各有所畏○易氏曰其要专在建牧一事周制九牧实舜之咨十有二牧之遗制皆所以统天下之邦国使之攷礼正刑以尊天子【○愚案陈君举説见大宰九两下】

制其职各以其所能

黄氏曰牧下有正卒达乎诸侯故曰制○郑锷曰人各有能有不能论所能而制以职如牧监参伍之职方伯连率之职必观其才力之所能任

制其贡各以其所有

贾氏曰即大宰九贡小行人春入贡及禹贡贡筐是也【○林椅曰行人制贡盖度道里歲月

遠近为之率例职方各以其所有乃通法也然九州九牧王居其一九职九赋自大司徒之所颁掌交之所谕推之是以一州为法达乎八者○黄氏曰诸公食者半侯伯三之一子男四之一地有进退则贡有增减故曰制其贡九州有常贡苟非增减则无庸制也春秋传曰防以训上下之则制财用之节此其节也制职制贡牧皆参焉】

郑锷曰地各有所生有所不生论其所有而制贡如荆有齿革不责以扬之竹箭雍有玉石不责以冀之松柏因其所有则其求易供○林椅曰职方言设牧而继之以制职制贡则当时职贡亦總于州牧

王将巡守则戒于四方曰各脩平乃守攷乃职事无敢不敬戒国有大刑

王昭禹曰王巡守则诸侯各朝于方岳故戒于四方【○郑康成曰乃犹女也】守则诸侯所守之地职事则诸侯所治之职事天子适诸侯曰巡守巡守者巡所守也故戒以脩平乃守脩则使之治其壤也平则使各当其分也诸侯朝于天子曰述职述职也者述所职也故戒以攷乃职事职则虑其有旷职事则虑其有废事○郑锷曰因巡守之年儆戒之使脩正其疆界攷察其职业以俟王之时巡告戒之有素及其不率然后待之以诛夷 殛之罪可以无愧矣【○李嘉防曰必先警戒而后巡守者不欲乘其不备防于不戒而杀也必先警戒则刑可施】

及王之所行先道帅其属而巡戒令

郑康成曰先道先由王所从道居前行其前日所戒之令【○郑锷曰及王之所行先至所向之方国巡其前所布之戒令预攷其率与不率也】

王殷国亦如之

贾氏曰王殷国所在无常或在畿内国城外即为之或向畿外诸侯之国行之故有戒令之事○黄氏曰宗伯殷见曰同大行人殷同以施天下之政则巡守本为殷国也属象胥谕言语协辞命属瞽史谕书名听声音达瑞节同度量成牢礼同数器修法则皆所以正不正也故谓之殷国职方巡狩谓不因殷国而有防同之事如成王作洛宣王车攻皆不至方岳故独以天子适诸侯为名其曰殷国正谓时巡朝诸侯于方岳考制度大明黜陟也言巡狩则不殷国言殷国则巡狩可知故掌客兼言之六年五服一朝十二年王乃时巡皆定礼王有故不出非常也今年有故不出明年亦当出先王未尝豫设非常不出之礼使人主怠惰也【汉武帝歲出祀甘泉汾陰固为烦扰成帝旷歲不出实怠耳合礼不合礼皆未论】郑又言王不巡守其戒四方与巡守同夫王出则戒以平守攷职将以待黜陟也王行将至则又巡戒焉不出何戒之有

土方氏上士五人下士十人府二人史五人胥五人徒五十人

项氏曰土方者主土度四方之地○贾氏曰主四方邦国之事与职方连类在此【以下至形方并同】

掌土圭之灋以致日景以土地相【息亮反】宅而建邦国都鄙

黄氏曰地形广遠不可度量故有土圭之法今九章犹有钩股存焉○郑锷曰冬夏至颍川阳城昼漏半立八尺之表夏至于表北得尺五寸之景冬至于表北得丈三尺之景皆为地中此建国所用也若建诸侯国则不用此何则景一寸差千里一分则百里封侯国之大者不过五百里何取于土圭之寸耶亦取其分而已若建小国又取其分以为小分也一分百里男国也亦大都也二分二百里子国也若小都五十里则为小分五分大夫二十五里则为小分二分半所谓建邦国都鄙也○郑康成曰土地犹度地知东西南北之深而相其可居者宅居也【○李嘉防曰知其风土以相国君居民之所宅盖宅里所居必陰阳纳藏风气合聚如禹贡所云四隩既宅是也】

郑锷曰土方氏所掌与大司徒以土圭正日景冯相氏之致日致月不同大司徒建王国而用土圭以测土深求天地之中冯相氏欲知四时之气土方氏专建诸侯之国不过用土圭以度其地之遠近广狭而已

以辨土宜土化之灋而授任地者

黄氏曰所谓景短多寒景长多暑景朝多陰景夕多风土宜土化由是而有其法焉○郑康成曰土宜谓九谷植穉所宜也土化地之轻重粪种所宜用也任地者载师之属【○刘氏曰谓授其地以任其耕种者】

郑锷曰大司徒有土宜之法草人有土化之法用是法以授夫任地之人则非特治王畿千里之地有法而治诸侯之地亦有法何患职贡之不供哉

王昭禹曰大司徒以土圭之法测土深正日景以求地中凡建邦国以土圭土其地而土方氏则辅成司徒建国之事而已大司徒掌土宜之法而土方氏亦辨土宜土化之法则辅相司徒草人任土粪种之事而已司徒草人所掌止于王畿而土方氏所掌则及于四方

王巡守则树王舍

易氏曰树植也立也王巡守则有四方之舍土方氏既为之土地相宅而知利害之所在然后掌舍为之设桎杻再重为车宫辕门为坛墪宫棘门而土方氏植立之焉【○郑康成曰为之藩罗】○黄氏曰草舍向背左右犹有其法【○郑锷曰暂所舍止亦当相其宜而为之】

懷方氏中士八人府四人史四人胥四人徒四十人○郑康成曰懷来也主来四方之民及其物【○刘氏曰遠人不服则修文德以来之是懷方以成蓼萧之化者圣王之事也遠人既来则懷方氏掌其送逆道路之给而开之以中国道德仁义之化悦之以圣人中和礼乐之方陈之以位天地和陰阳之本感之以致神祇遂生殖之义使之心悦诚服踊跃于两间而不知自己者也】

陈及之曰遠人之来亦不旦旦有之今也懷方氏中士八人府史胥徒凡五十二人是冗员也必也待其来以他官从事焉耳凡周家之制官府之设有非欲常常用者皆临时俾官府兼之○李嘉防曰既懷来诸侯而比合之且兼之以道训宜也必各立一官何故懷其所未来合其所未一然后因方而训道之三官宜不同也而后形方氏可修其职也○黄氏曰賓客属秋官民属夏官其事异也

掌来遠方之民致方贡致遠物而送逆之达之以节陈及之曰郑氏谓遠方之民四夷之民也谕德延誉以来之若然则是汉武帝使张骞輩說諭西域之比当时设官之意谓遠方之民苟有归附者懷方氏懷之如大小行人之待诸侯也成王时越裳氏重九译而至非设官为之主则言语不知其故饮食不知其好遠人失其所矣岂所以来遠方之民乎○王昭禹曰遠方之有贡犹六服之贡世一见各以其所贵寶为贄也【○郑锷曰谓其方所当以为贡者】遠方有所献之物犹六服诸侯之献国珍也【○黄氏曰遠物贸易者也饮食异嗜汉西域贾胡利汉賄无歲不至先王以为此不能絕而设官待之自古边事多因互市○郑锷曰遠物非所当贡盖其贵寶异常之物】贡以致其臣子之礼献以达其享上之诚四夷既不可责之以方贡使为歲事之常又不可责其所出珍异之物以为已玩好之具要在有以致之使之自至而已其来则逆之其去则送之厚之以礼也其货物则以玺节达之使道路无壅阻示之以信也○郑康成曰达民以旌节达贡物以玺节

治其委积馆舍饮食

王昭禹曰治其委积所以备其用也治其馆舍所以安其居也治其饮食所以顺其嗜好也【○郑康成曰续食其往来○郑锷曰十里有庐庐有饮食三十里有宿宿有委五十里有市市有积此遗人所掌懷方氏为之治其事盖结之以恩也】

王氏曰逆送之以为之礼达之节使无留难治其委积馆舍饮食使有所资賴此所以懷之也

合方氏中士八人府四人史四人胥四人徒四十人○郑锷曰王者之心未尝不欲四海无异俗九州皆共贯然道路或防絕财利或不相通器用或不齐人各私其所好而异其所恶故命官曰合方氏以合其不合者焉质人云同其度量壹其淳制则所同者一市之中行人云同度量同数器则同于十一歲也合方氏举天下而皆同之王者大一统于天下实本诸此

掌达天下之道路

郑康成曰津梁相凑不得防絕【○王昭禹曰干夫有浚浚上有道万夫有川川上有路道路所以通往来达之则往来有不穷之通】

通其财利

王昭禹曰财利出于土地所生而有无多寡常不能以相资通之则有无懋迁而多寡相济矣

同其数器

郑康成曰权衡不得有轻重【○王昭禹曰十百千万之所计谓之数吉凶礼乐之所用谓之器○郑锷曰数同则以九以七以五为节者举天下皆同而不敢过器同则曰樽曰爵曰俎曰豆者举天下皆同而不敢变】

壹其度量

郑锷曰分寸尺丈仞之度皆使之一则无长短之差龠合升斗斛之量皆使之一则无多少之异

除其怨恶

王昭禹曰生于心而有所憚者怨也人之所丑而有余者恶也有以除之则恶将有所改而迁善怨不妄作而当理矣【○郑锷曰怨恶除使无积怨以生乱】

同其好【呼报反】善

王昭禹曰情之所乐谓之好性之所欲谓之善苟役物以为好则好失之僻离道以为善则善失之奇故必有以同之先王不贵异物不宝远物是以教而同其好也作奇技者诛被异服者禁此以法而同其好也聯之以朋友此以教同其善也不孝不悌不信不治则纠之以八刑此以法而同其善也同之如是道德奚患其不一风俗奚患其不同

總论

易氏曰道路达财利通此合方之事也未及夫政焉同数器而九仪之命皆有定守一度量而五则之制亦有定用此合方之政也未及夫教焉至于除其怨恶同其好善则讲信修睦无有异志合方之为教也大矣

陈及之曰合方氏掌达天下之道路则封内诸侯津梁相通聘好往来有无相补患难相拯无有壅蔽之患矣然先王恐其私相连衡以叛上及奸人往来而莫之禁于是为之沟池树渠之固以防之为之节制以谨之所谓守邦国者用玉节守都鄙者用角节凡邦国之使节山国用虎节土国用人节泽国用龙节门关用符节道路用旌节凡通达于天下必有节无节者有防则不达所以禁絕奸人之往来也每歲相问每世相朝告终易代有送葬之礼有庆贺之礼凶荒灾患有吊恤之礼有致禴之礼此诸侯之邦交也非是而私相连结附下罔上恃强并小则大司马有九伐之法方伯连帅奉辞伐罪所以絕其萌芽杜其吞并也春秋以来奸人不得志于中国则如意而往无所疑忌虽弑君之贼往往藏匿以为已用则关梁呵问之法不行矣喜则朝聘无虚月怒则争战歷歲年而不已则方伯连帅之职不修大司马九伐之法不行矣若是而曰达天下之道路是啓奸诈而长背叛耳

训方氏中士四人府四人史四人胥四人徒四十人○郑康成曰训道也主教导四方之民【○郑锷曰设教者圣人神道教化密运使民俗自移无待于训方氏之官设官曰训方氏者取其事之可以言传者则训四方】○易氏曰合方氏之同好善因人心之善还以道之而已至此一职专以训方为事亦非于人心好善之外别有所谓训也道四方之政事则政事固有良而平者矣与其上下之志则志固有醇而正者矣诵四方之传道今之时亦有格言大训可以为法者矣此皆人心自有之善训方从而训道之也

王氏详説曰地官有土训诵训此又有训方氏盖土训所掌在于道地图诏地事诵训所掌在于道方志诏观事此掌道四方之事与上下之志又异矣

掌道四方之政事与其上下之志

郑康成曰道犹言也为王説之四方诸侯也上下君臣也○郑锷曰政事谓诸侯之所施設也志谓诸侯君民上下之趋向也

诵四方之传道

王昭禹曰诵与孟子为王诵之同意训方氏所诵皆以告之也

郑锷曰传道谓四方之人口之所传说称道者【○郑康成曰传道世世所传说往古之事为王诵之若今论圣德尧舜之道矣○王昭禹曰传则或出于众人之所传道则或出于一人之所道诵四方之传道则将以来之至于推而行之然后可以为道矣】

正歲则布而训四方而观新物

郑锷曰道其政事与其上下之志则达其説于王使王知之诵其传道非特诵之而已取其可以为训者作为戒书于建寅之月布之以诵四方使知其善者可行恶者可改也布于正歲则顺时之始与之更新矣又观四方之新物则因夫一歲之始察民之所好时新者如何道之训之以俟他时之布【○项氏曰物即事也即上所诵道之三物也新歲观之又将以为来歲之训○王昭禹曰新物谓新所用之物观新物将以观民之好恶也正歲者民物之所尚以一歲之始而观民情之所尚将以训其志淫好僻也○陈蕴之曰新物如旧染污俗咸与惟新周虽旧邦其命维新作新民亦以新子之国先知觉后知先觉觉后觉易昏为明易恶为善化变气质如螟蛉之肖蜾蠃○愚案此又是一説】○黄氏曰布而训四方使述其旧美也观新物察风俗之变也

形方氏中士四人府四人史四人胥四人徒四十人易氏曰形犹人之形有相属之义○郑康成曰形方氏主制四方邦国之形体

掌制邦国之地域而正其封疆无有华【苦蛙反】离之地使小国事大大国比小国

郑锷曰地域掌于大司徒版图掌于职方特其名数也形方氏则制之如制衣之制因形裁割使各得其宜也公侯伯子男五等封疆各有所正制其地域而正之使析者不至于相絶属者不至于相离故曰无有华离【○贾氏曰地有邪离絶递相侵入不正故正之者两头宽中狭邪者一头宽一头狭】析而不絶者为华王安石云华与为国君削者华之之华同义地虽分析亦当连亘不绝为一国之界故不可华絶而不属者为离一国之地当自为封疆若有国在此而地斗絶在彼则不能相统摄矣故不可离其所以使地不华离者盖使小国近大国事之以自立大国近小国比之以自固然非形方氏制其地形使各相联属虽欲使小大相事相比不相侵其疆亦不可得也【○郑康成曰比犹亲也易比象曰先王以建万国亲诸侯○王氏曰正其封疆无有华离之地则小国易以守大国难为侵人各有土宇可以无患矣】

刘氏曰大司马建邦国之九法有均守平则以安邦国比小事大以和邦国之法矣若形方氏正之弗从然后诏之司马而九伐之法行焉

山师中士二人下士四人府二人史四人胥四人徒四十人

贾氏曰此山师及下川原等皆是遥掌畿外邦国之内山川原隰之等使出税珍异以供王家○陈及之曰古者山林之所产川泽之所出某物利于人某物害于人其版图数要悉藏之王府诸侯不得而知辨其物之利害而颁之则诸侯知取其利避其害使致其珍异之物则不得欺其上矣

李嘉防曰山川必曰师何也以其有珍异之物当主名以贡于上有土宜之物当播种以导乎下

掌山林之名辨其物与其利害而颁之于邦国使致其珍异之物

郑康成曰山林之名物若岱畎丝枲峰阳孤桐○王氏曰稻人泽草所生种之芒种所谓利有如此者非特中人用而已王孙满曰夏之方有德也铸象物百物而为之备使民知神奸故民入川泽山林不逢不若魑魅魍魉莫能逢之所谓害有如此者非特毒物及螫噬之虫兽而已【○黄氏曰吳即山铸钱煮海水为盐齐魏隄河皆利害也】李嘉防曰地官山林川泽各有三等所守有厉禁所收有财物然行之王畿不及天下今天下之山林川泽各有其物不辨别之以示天下天下何由而知所趋各有珍异不分辨之以致于上天下何由知所贡如是则吴之盐铁斯不得以擅其利齐之盐防亦可以专其征矣

愚案山泽之官属之司徒者只是防其财物而不能制其邦国司马专主诸侯得以兼制邦国之事

川师中士二人下士四人府二人史四人胥四人徒四十人掌川泽之名辨其物与其利害而颁之于邦国使致其珍异之物

郑康成曰川泽之名物若泗濱浮磬淮夷蠙珠暨鱼泽之萑蒲

遘【音原】师中士四人下士八人府四人史八人胥八人徒八十人

郑康成曰遘地之广平者

李嘉防曰地官山泽有虞林川有衡今乃有遘师者以其知地宜之美恶种植之善否以教导民故曰师

掌四方之地名辨其丘陵坟【房云反】衍遘隰之名物之可以封邑者

郑锷曰高平曰原四方之地广平之处地有丘陵之名有坟衍之名有原隰之名辨其名物相其阴阳度其水泉则可以为封建诸侯之所不辨其名无以知其或平或陂或燥或湿不辨其物无以知其或肥或 或美或恶以为封邑则民病而不安故使遘师辨之先儒读物之可以封邑者为句其说谓物之者相其土之物色也余谓辨其丘陵坟衍遘隰之名物之可以为封邑者当为一句

黄氏曰都邑必居平地商人避河患迁邢盘庚曰适于山用降我凶德是也然其民荡析离居不昏作劳不服田亩不可施井邑之法故复迁亳○刘执中曰此谓五等封国之余地未有邑以管其民者不尔则诸侯吞之矣亦可以賛司马正邦国之封疆

匡人中士四人史四人徒八人

郑康成曰匡正也主正诸侯以法则○薛平仲曰职方之属自合方氏至遘师所以防闲邦国者可谓密矣然邦国之土地诸侯之所世守邦国之人民诸侯之所世治王官之所制者能几而彼则帖然退听者何哉亦惟其服天下者有以并行而不悖也匡人达法则以匡诸侯反侧之私擯人诵王志以动邦民面王之意诸侯知有王而不私于一国斯民知有王而不私于诸侯天下孰不环向而固结哉九伐之法司马盖具之而不设矣

掌达灋则匡邦国而观其慝使无敢反侧以听王命○郑锷曰诸侯擅壤土之大恃甲兵之强有违法度而不正设匡人之官以法则而正之法则者王之所以治官府都鄙也【○郑康成曰法则八法八则也邦国之官府都鄙亦用焉】内外虽有异势然王者之心初无异治故用其治官府都鄙之法则而正其不正者【○王昭禹曰大司马制畿封国以正邦国所以正其地之大小也以九伐之法正邦国所以正其恶之轻重也若夫使之攷礼正刑一德以尊天子必有法则以正之】从而观其慝【○易氏曰人之不善隐微而未露者谓之慝如土训之道地慝诵训之道方慝皆隐微之谓使其邪慝未革虽有八法八则将何所正此所以先观其慝】匡人见其为慝必绳之以法则使人无敢反而不顺侧而不正惟王命是听焉兹其所以名官曰匡人也此既达之矣行人十有一岁则修法则焉修其所达者使浸多历年而法则不废坠也○刘执中曰如是则诸侯之犯政陵令者暴内陵外者不陷于九伐矣

擢【他南反】人中士四人史四人徒八人

刘执中曰擢与探同言探王之志及道国之政事以语于诸侯及四方之人

李氏曰天下之情欲上达故训方氏之职设人主之志欲下通故擢人之职设古者君民一体上下交孚而无壅遏之患如此

掌诵王志道国之政事以巡天下之邦国而语之郑康成曰道犹言也○郑锷曰王者处九重之中志虽在民民何自知哉国之政事行于王国天下邦国在王畿之外远而不闻擢人巡行天下诵之道之以告语乎其民言王志如此王之政事如此使民间闻吾君之志与其政事之善

使万民和说【音悦】而正王面

郑锷曰民皆心悦诚服延颈举首向仰乎王不敢背违谓之正王面面者向也王之所在皆仰而向之也盖民未尝无向君之心其所以有背违者以其万里之远不及知耳擢人能言其所以然彼安得而不和悦乎

愚案擢人诵王志道政事则王之作于心而见于治者明白洞达安得不使民和悦而内向桓公图伯恐诸侯不从令管仲以游士八千游说谈齐氏之美布于诸侯岂擢人诵道之意

都司马每都上士二人中士四人下士八人府二人史八人胥八人徒八十人

郑康成曰都王子弟所封及三公采地司马主其军赋○贾氏曰此王自以臣为司马遥掌都内○薛平仲曰都家之说尝于宗伯之序官论之矣然礼之或僭其事犹有渐而至政之或弛其势一决而隳况都家之环于王畿责之以固吾圉也制之以地域分之以人民予之以货贿其体固甚尊矣使王朝不制其兵柄于上或者缮甲治兵如太叔将谁馭之哉故先王设官以为都司马者必每都以上士二人居之倍之以中士又倍之以下士夫以王制攷之天子之县内凡九十三国即周官所谓都家之地也司马之设其官守若是之众先王之虑盖可知矣彼家之司马虽亦王朝之所特置必使其臣以正于公司马其权亦莫不有归也夫莫大于四方之邦国而都家之为小莫远于四方之邦国而都家之为近王政自近以及远由小以制大规摹盖自是始矣此都家司马所以为政典之终

家司马各使其臣以正于公司马

郑康成曰家卿大夫采地正犹听也公司马国司马也【○李嘉防曰此曰公司马而都司马职曰国司马盖不必司马之司马上之所差以将兵者皆司马也】卿大夫之采地王不特置司马各自使其家臣为司马主其地之军赋往听政于王之司马王之司马其以王命来有事则曰国司马下文注曰大夫家臣为司马者春秋传曰叔孙氏之司马黻戾曰我家臣也不敢

知国【昭二十五年】○陈及之曰春秋时楚子与莫敖氏战于皋浒郑子张微役攻子产与夫晋之六卿宋之华向鲁之三桓其调 戒禁悉自主之而国家弗敢问安得不与上抗乎都公卿之采地也其权势重故王朝为之置司马则大夫元士也俾自置焉以听命于上

贾氏曰都宗人家宗人都士家士皆使王臣为之者都家宗人有祖宗之庙王所常祭都家之士狱讼刑罪王政之重非王臣不决也

都司马掌都之士庶子及其众庶车马兵甲之戒令○郑锷曰都之公卿大夫子弟之适子皆曰士其支子皆曰庶○王昭禹曰众庶凡在都之人民皆是也○郑锷曰其民所出以备军旅之具则车马兵甲别设都司马以掌其政教戒号令焉○贾氏曰若王家有军事徵兵于采地都鄙则都司马以书致于士庶子有此众庶车马兵甲之戒令士庶子受而行之

以国灋掌其政学

王昭禹曰国法则师氏保氏大司乐所以教国子之法【○项氏曰依诸于教国子之法】○郑锷曰所以防其车甲卒伍财赋者皆政也所以教其士庶子修德学道者皆学也【○易氏曰政即都家车马兵甲之戒令也学则学其戒令而肄习于都家之学者也政以任国子之已命者经所谓士是已学以待国于之未命者经所谓庶于是已然国子所以守御而戒令同乎众庶则立法公矣教以都家之政学而掌之以国法则兵政一矣○王昭禹曰政学则以其学而后徙政也】愚案古者国之子弟无时不知教无处不有学退在学校受教于司乐大胥诸子进在王所受教于师保氏入而宿衞有宫伯案其在版者而教之出而守御有都司马掌其政学以教之出入进退教未尝不行乎其间非若后世之教止于庠序而庠序之教又为具文

以听国司马

郑康成曰听者受行其所徵为也国司马大司马之属皆是【○贾氏曰国司马不云大则小司马军司马与司马皆得禀其戒令】

刘执中曰采地之卿大夫仕于王朝士庶子则以国教胄子之法教之于其都之学及有军旅之事徵兵于都鄙则以士庶子作其众庶车马兵甲而都司马掌其戒令以听于国之司马奉其节制以为进退攻讨焉

家司马亦如之

郑锷曰大夫有家家之地亦有兵赋又命家自设司马以掌之而家司马亦如都司马之于大司马也其与大司马同者以兵赋所掌焉故耳

李嘉防曰国有司马都有司马家有司马自国及家兵甲戒令欲其如一不独一之于政令亦必一之于学术此所以无异政无殊俗也

總论司马官属

陈及之曰司马一官与军政者半不与者半自大司马至行司马自诸子至旅賁氏自司甲至橐人自校人至圉师其他则环人戎右戎仆都家司马皆与戎事者也自掌固至掌疆则司疆界者也自服不氏至掌畜则掌鸟兽者也自太仆至仆 则左右侍御仆从者也自职方氏至譔人掌輿地及四方诸侯外夷者也小子掌祭祀则系焉司燿掌行火则系焉候人掌賓客则系焉挈壶氏掌司夜则系焉司士掌朝仪则系焉弁师掌冠弁则系焉与夫齐右之属射人之属则又系焉夫既曰典军政而官府错居先王设官分职不必类聚彼此联事互相关系不特是也司马虽为掌兵之官至于军旅大事五官之掌咸有职事冢宰徵师于诸侯大司徒以旗致万民而治其政令大宗伯以军礼同邦国大司寇涖戮于社自今观之凡徵师凡致民凡军礼凡涖戮皆军之大政也宜皆司马之事而分之四官掌焉此先王深思遠慮之至胡康侯曰昔成王将崩命大臣相康王方是时掌亲兵者太公望之子伋也宰臣奭命仲桓南宫毛取二千戈虎贲百人于伋以逆嗣子伋虽掌兵非有宰臣之命不敢废也召公虽制命非二诸侯将命而往伋亦不承也兵权散主不偏属于一人可知矣此周官之制见诸行事者也

又曰周制兵出于农自八家共井至五百十二家之甸出车一乘马四匹卒七十二人宜以稍人县师等官领之而属司马今属于教官其歲时校登其夫家简其兵器治其车輶宜以鄉遂官领之而属司马今亦领之教官三代之时兵满天下而无将骄卒惰之变兵藏于民弗谓之兵将藏于学士大夫弗谓之将以搜苗獮狩而易其习战之名以比閭族党而易其行阵之名国容之制军容不乱焉养勇以礼积威以义是以不见其强而无敌于天下者如此薛平仲曰右夏官之属凡六十有九始之以司马终之以司马固足以见兵政之密矣然攷之周官之例凡建其正立其贰设其攷自大司马至军司马而已若上士中士初未尝命官也今惟大司马之上士命曰輿司马中士命曰行司马二者不见于经先儒槩以文简残缺而委之夫以例而求则小司马军司马不见于经谓之残缺可也輿司马行司马不见于经谓之残缺可乎意者周官行师之时凡领于大司马之属者必各有职以涖其事是以在官府则曰上士曰中士在军旅则曰輿司马曰行司马亦因事而制名非有掌守而不可缺者不然制军之法二十五人之为两而两司马者亦未尝列之官属也谓之阙可乎若夫虞衡之官司徒盖领之以掌山林川泽矣而山川邈野之有师司马又从而领之周官类若重复然彼以之掌于王国此以之掌于四方是又政典所以平邦国之太权在是也由前之说所以论周官兵政之严由后之说所以论周官兵政之大将从识者参之

卿大夫士之数六百九十有一人

卿一人 中大夫十有二人 下大夫十有四人 上士六十有九人【都之上士不计】中士百五十有四人【都之中士不计】下士四百四十有一人【都之下士不计○趣马言下士阜一人以校人之职攷之三乘为阜阜一趣马积三阜以为系积六系以为廐积六廐以成校分校以为左右则为下士者当有二百一十六人總诸官而计之则四百四十有一人也】

右夏官卿大夫士之数若以制军之法计之其数为甚众不止于是然司马特以叙制军之法

而已非夏官帅属之常职也惟土之见于夏官间有异于五官之例盖周之命土或一人或二人或倍之而为四人又倍之而为八积而至于十有二人十有六人三十有二人而止未闻有以五人居之者而土方氏则以五人焉未闻有以十人而辅之者土方氏则以十人焉岂非土方氏之为职以土圭土其地而建邦国都鄙者也以土圭而求土地之中而土之数则五故土方氏特以五人而居之彼将究心于推测之际矣不然周官之掌司土地者曰土均曰土训固尝以土而命名矣为土之数不见于彼而见于此信乎其有取于求地之中也

府史胥徒工贾医之数四千一百五十二人

府七十有四人【都之府不计】○史百八十有五人【都之史不计】胥二百四十有五人【都之胥不计】徒三千六百三十有四人【都之徒不计】○趣马之徒以左右校计之当得八百六十有四人總诸官得上数】

工四人 贾八人

医二人

右夏官之府史与胥其数特少其间有史而无府有徒而无胥有无府史与胥徒者凡二十余官若大仆祭仆戎右齐右道右大馭戎仆齐仆道仆田仆馭夫之官又府史胥徒之俱无者也尝疑先王之政典其大纲小纪之具举凡书契之所藏文移之所贊而叙次之所治者将有多于他官可也顾若是之简寡何哉又观先王制军之法一军之闲则二府六史胥十徒百而已夫莫密于军政而文书调度其不为繁重者若此此固人情之所便安而军政之所易行也特其官令之徵召不容于不备者故其徒视府史与胥则加焉然先王之于政典之意大略可攷彼虎贲氏之虎士八百人若非所以为徒也先儒谓徒之选有勇力者充之愚故并而计之于徒之数焉亦不可以掌官令者例论矣

不命之官凡四

方相氏狂夫四人圉师乘一人

圉人良马匹一人驂马丽一人

家司马各使其臣以正于公司马

周礼订义卷五十七

卷五十八

钦定四库全书

周礼订义卷五十八 宋 王与之 撰

秋官司寇上

郑锷曰秋者天地严凝之气肃杀万物之时刑者人君所以肃天下之不肃故掌刑之官属乎秋言刑之用如秋气之肃杀

易氏曰刑以弼教寇则败其教之成者故掌刑者谓之司寇【○李嘉防曰防以寇者害也蒙上九曰利御寇上下顺也司寇凡有害而總禁之此秋官体上天肃万物之意】后世亦谓之司败是刑所以惩败类【○贾氏曰狱官之名有虞曰士夏曰大理周曰司寇天子诸侯同故鲁晋皆有司寇至衰世随意所造故晋有士荣为大士楚有司败】

惟王建国辨方正位体国经野设官分职以为民极乃立秋官司寇使帅其属而掌邦禁以佐王刑邦国郑康成曰禁所以防奸者刑正人之法○刘迎曰大司寇帅属宜以掌邦刑为职如宰掌邦治司徒掌邦教可也今所掌止于邦禁佐王始正其职以刑邦国圣人设司寇之意常欲禁于未然果不可禁然后以刑见其爱惜保防斯民恐防于罪戾【○孙氏曰不曰掌邦刑而曰掌邦禁禁明则刑可不用○郑锷曰掌邦禁言制法之本佐王刑邦国言用刑之事然刑非大司寇之所敢专作威者人君之权此特佐之】

刑官之属大司寇卿一人

陈宏甫曰先王设官分职最当详攷其错综互见不可伦类又有截然不可易者如大司寇之属凡朝廷之狱大司寇士师掌之六乡之狱乡士掌之六遂之狱遂士掌之甸稍县都之狱县士掌之都鄙之狱方士掌之四方之狱讶士掌之凡此类皆狱讼之事故虽自乡遂之外如甸稍县都外而邦国一皆联络而尽属诸司寇

郑康成曰士察也主察狱讼之事

大司寇之职掌建邦之三典以佐王刑邦国诂【起吉反】四方

郑康成曰典法也【○易氏曰典常也举皇极之道时措于天下故三者皆谓之典○刘执中曰民失其常则立法以治之使复其常乃谓之典诸侯则治之以三典万民则治之以五刑】○王昭禹曰三典即大宰刑典合而言之故曰刑典别而言之则刑有三等○郑康成曰诂谨也书曰王耄荒度作详刑以诂四方○郑锷曰四方与邦国一耳【○王昭禹曰邦国谓中国

也四方谓四夷也】言刑又言诘何也诸侯之邦有不率者刑得而加之至四方之遠殊俗异域或羈縻而处之或不得而尽臣之于其不率诘责之有文告之辞诘之不改然后临以甲兵之大刑或谓大宰言以诘邦国以刑百官何也大宰掌其典以御邦国者總其纲尚寬故言诘治内者欲其详而尚严故言刑诘之寬也刑之严也又与刑官之事异【○吕氏曰司完掌邦禁凡邦之刑辟皆總焉曰诘奸慝刑暴乱奸慝隱而难知故谓之诘蓋推鞫穷诘而求其情暴乱显而易见直刑之而已天下罪恶虽万状要不出于隱显之两端曰诘曰刑皆有以待之】

一曰刑新国用轻典二曰刑平国用中典三曰刑乱国用重典

郑锷曰国之新者或乘衰乱之后废故而立新或辟荒遠之地新立君以懷辑其民【○黄氏曰新辟地立君固有之始封初徙之国如申伯封谢齐徙临菑皆新立也】教化未洽习俗未一苟有丽于刑辟用轻刑以治之憫其为未化之民【○陈及之曰若周公告康叔以治殷民曰勿庸杀之姑惟教之】国之平者教化已明习俗已成人心安和风俗醇美苟有丽乎刑辟用中典以治之懲其有过中之民可也【○易氏曰若成王命君陈尹东郊之意○陈及之曰平国之民素闲政教苟有罪不可赦也故三刺三宥自有国家之常法亦不得戾乎是惟中而已所谓求民情断民中而施上服下服之刑是中典者一定而不可易】国之乱者叛逆篡弑之国其民顽暴不率训典非严刑峻法以御之未有能胜其凶暴之习故用重典以治之盖处之常法之外【○黄氏曰不聽不讯一切行是盖军法欵○陈及之曰凡在官在宫者杀无赦班孟坚以中典为三千五百之刑重典为三千之刑非也】然制刑虽有一定之制及观其所宜而用犹医之用药随病轻重而加減要之使适于安而已○王氏曰用轻典以柔义之用中典以正直义之用重典以刚义之书曰惟敬五刑以成三德【○易氏曰以圣人之意推之轻典所以进其善重典所以懲其恶皆所以为中】

以五刑纠万民

郑康成曰刑亦法也纠犹察异之○贾氏曰此五刑与墨劓等正刑别或一刑之中而舍五或此五列全不入五刑

一曰野刑上功纠力二曰军刑上命纠守【音狩】三曰乡刑上德纠孝四曰官刑上能纠职五曰国刑上愿【音愿】纠暴贾氏曰言野则国外若乡大夫野自六尺之类○王氏详說曰野刑之于六遂乡刑之于六乡是也然以军刑间于乡遂之间者以乡遂之间军之所在也其曰官刑谓在官者设也其曰国刑谓王畿之内九十三国者设也又非三典所以刑邦国之国○郑康成曰功农功力勤力命将命也守不失部伍德六德善事父母为孝能其事职事修理愿慤慎暴当为恭字之误○易氏曰上者各有所上也纠者纠其涣散也盖涣散非用刑之时而刑之所纠期于无涣散而已○王氏曰野刑为事故上功纠力力所以致功军刑为政故上命纠守守所以致命乡刑为教故上德纠孝孝所以致德官刑为治故上能纠职职所以致能国刑刑也故上愿纠暴失愿而暴刑所取也○刘执中曰以五刑纠万民者建六典以为民极也是故六卿各职其官建之使必行于天下行之使必范于后世者大司寇正其刑典也乃建事典佐王以富邦国以任百官以生万民者用野刑焉农耕也沟涂也隄防也井邑也宫

城也百工也凡役民以作其事而奉国家者以成功为上以不致力为纠则冬官之职待之而后立焉乃建政典佐王以平邦国以正百官以均万民者用军法焉振旅也茆舍也治兵也大阅也伐国也戍疆也凡役民以立其政而尊国家者以用命为上以不死守为纠则夏官之职待之而后立焉乃建教典佐王以安邦国以教官府以扰万民者用乡刑焉六德也六行也六艺也五礼也五品也凡役民以行其教而佐邦国者以成德为上以不致孝为纠则地官之职待之而后立焉乃建治典佐王以经邦国以治官府以纪万民者用官刑焉六官六属百官府史也凡役民以立其治而造国家者以贤能为上以不称职为纠则天官之治待之而后立焉乃建礼典佐王以和邦国以统百官以谐万民者用国刑焉君臣也父子也兄弟也夫妇也朋友也家国也祭祀也凡役民以践其礼者以恪愿为上以不致其恭为纠则春官之职待之而后立矣五者国之大典圣人建极于天下以参天地而赞化育待之以成焉然非刑典之正莫得以成之不曰诂邦国刑百官纠万民乎

【郑锷曰观此五刑之用而有所上所纠之意则爱人而不忍刑可见墨劓剕宫大辟五者刑之名也五刑之名固不可改而此有野刑军刑乡刑官刑国刑亦以五刑称之盖或有野民犯焉有军中犯焉有乡民犯焉有在官者犯焉有在国者犯焉故也野中之民犯刑曰野刑刑其不率于田野之中者也然野中所上者勤于农功尔苟其人在野常自力不怠今虽犯刑又当纠其平日能勤于农而宥之可也军中之人犯刑曰军刑刑其不率于军中者也然军中所上者能用命尔苟其人在军常谨守部伍而不散离今日犯刑又当纠其平日能坚守之故而宥之也不率于乡中而犯刑则曰乡刑然乡中所上者德尔苟其人平日乡党称其孝今虽犯刑又察其在家能孝其亲而宥之可也不谨于官职而犯刑曰官刑然在官所上者才能尔苟其人修举职事事成效着今虽犯刑又察其能足称职而宥之可也不率于国中而犯刑曰国刑刑其不恭谨于国中者然国中所上者愿慤而已苟其人平日能恭敬而不慢今虽犯刑又当察其在国有恭敬之实而宥之可也暴字郑康成以为当作恭盖言纠暴则与上纠力纠孝之文不类也五刑各有所纠如此经言纠其德行纠其过恶之类皆谓其难知故纠之也民有不幸而犯刑者苟不察其平日有可取之善遂从而刑之抑何无决择欤故纠之如此纠而无可取则刑之无愧大宰亦曰以纠万民正谓是也○李嘉防曰用刑虽贵当其情然必以事之所尚为重如今治主仆之讼必以名分为先有如大体所关不先因其事之所尚则一情之得一法之当未必不妨其余岂可不随宜而施】

以圜土聚教罢【音皮】民凡害人者寘【之豉反】之圜土而施职事焉以明刑耻之

郑康成曰圜土狱城也○郑锷曰天之体圜而大德曰生狱城必圜主于仁而已民为不善有致死之道圣人之心常欲生之【○王昭禹曰以两仪言之则干为圜以五则言之则规为圜】○郑康成曰聚罢民其中困苦以教之为善也民不愍作劳有似于罢【○刘执中曰罢谓不服教而困于礼义之民言其拂于中也】○郑锷曰民不能自强于为善者谓之罢民夜纳之圜土而昼则施以职事何以谓之教盖民有过失者其害人之罪虽非故为然其罪已着夜寘于圜土以囚之昼施职事以役之明书其所犯之罪于大方版加诸背而耻之【○刘执中曰书其罪状与姓名表示于人则明刑也】使之犹有人之心焉则变恶为善殆不旋踵是乃以不教教之也

其能改者反于中国不齿三年

贾氏曰能改谓在圜土不出自思已过也○郑康成曰反于中国谓舍之还于故乡里也司圜职曰上罪三年而舍中罪二年而舍下罪一年而舍不齿者不得以年次列于平民○易氏曰乡里谓之中国者周以圜土代五流之法有絶于中国之义于是反于中国三年不齿则虽可与为善未能保其必善当是时也州长属民而读法者屡矣而罢民不在所聽党正属民而饮酒者屡矣而罢民不在所序年运而往亦既从矣昔之不善固将自化然后齿之伦类不为幸民【○郑锷曰其能改过则得反乎乡里与其迁善之意也犹使不得以齿于平民者三年盖御恶人者不一而足三年之外则从矣故必释之也】

其不能改而出圜土者杀

郑锷曰既不能迁善又逃遁而出于圜土不畏甚矣如斯人者杀之而已○李氏曰先王之时虽用肉刑然人之丽刑者实未尝遽用之故司寇以圜土教罢民其害人也实法之所当诛而先王之心有所不忍悯其不能自强于为善无以开其改过自新之路则人道絶矣是以凡害人者姑寘之圜土而施职事焉所以役使劳苦之使知所自强以明刑耻之所以书其罪恶而污辱之使知所自好彼其能改则释之可也其不能改则诛之未晚先王用刑其委曲至此

以两造【七报反】禁民讼入束矢于朝然后聽之

郑康成曰造至也使讼者两至【○项氏曰讼谓以货财相告必使两人皆至于公庭】○王氏曰两造听之而无所偏受则不直者自反而民讼禁矣【○易氏曰禁则止其刑于未然】○郑康成曰古者一弓百矢束矢则百个与诗曰其直如矢必入矢者取其直也○郑锷曰讼以直为主入矢所以自明其直也不入矢是自服不直矣入矢而辞屈又因而没入于官以罚之如是可以致民于无讼

以两剂【子随反】禁民狱入钧金三日乃致于朝然后听之郑康成曰剂今券书也使狱者各赍券书○郑锷曰以罪相证必两者皆有契券然后可用一有而一无则无以断其狱矣无两剂则不听是乃所以禁之书曰无简不听惟有简书然后听也

王昭禹曰方言于公者讼也因而守之者狱也盖争而不已必讼讼而不已必狱【○王氏曰以两剂聽之无所偏信则不直者自反而民狱自禁矣】○刘迎曰钧金三十斤铜也金百镒三百镒则罚于赦刑之后钧金三十斤盖入于未听之前若今先立罪赏以信其辞使不敢轻犯所谓禁民狱也【○郑锷曰狱以坚为主金之为物至坚入金所以明其坚不入金是自服其狱之不坚矣入而不坚又从没入于官以罚之如是可致民于无狱】○王氏曰必三日而后听者重致民于狱

黄氏曰两造禁讼两剂禁狱其防耻之素行乎故入束矢钧金而后听之欲其自悔也小曰讼大曰狱郑谓以货财相告为讼非也货财固亦有狱士师职曰凡以财狱讼者案小司寇上服

下服若今杖以下为轻罪徒以上为重罪此狱讼之别○郑锷曰罚其矢以为武备罚其金以足国用既以止狱讼又以利乎国

愚案井田之民财入有限饶非理直而辞坚必不肯废财以好争聽民狱讼先使入束矢与钩金此亦禁止之一端至于不可得而禁而甘入于官必其情之大不得已然后上之人不容不聽其情至齐桓患无兵器管仲使民之讼者入束矢以为兵始失先王之意

以嘉石平罢民

郑康成曰嘉石文石也树之外朝门左【○贾氏曰嘉善也有文乃称嘉故知文石也欲使罢民思其文理以自改悔】平成也成之使善○易氏曰上经罢民害人而丽于法者此则未丽于法而不可以法加者也虽无大罪可寘圜土若舍而弗治亦有害于州里之善俗于是平之以嘉石谓石虽嘉而抑之于外朝之左所以耻之

凡万民之有罪过而未丽于灋而害于州里者桎【音质】梏【古毒反】而坐诸嘉石役诸司空

郑康成曰有罪过谓邪恶之人所罪过者丽附也未附着于法也【○黄氏曰未丽于法则刑不当施害于州里不可直舍盖今所谓法轻情重者】木在足曰桎在手曰梏役诸司空坐日讫使给百工之役【○刘执中曰桎梏其手足而坐外累其形也役诸司空内苦其心也】

郑锷曰罢民以为可罪耶其罪未丽于法以为可恕耶然所为之罪过又有害于州里是故加以手足之桎梏使坐嘉石以耻之坐日已满又役诸司空以劳之所以激其为善之心【○王氏曰先王着是法以为刑人也不亏体罚人也不亏财非特如此而已司空之役不可废也与其淫平民而苦之孰若役此以安州里之为利】

重罪旬有三日坐朞役其次九日坐九月役其次七日坐七月役其次五日坐五月役其下罪三日坐三月役使州里任之则宥而舍之

郑锷曰重罪十三日坐役之朞年其次或九日或七日或五日或三日役则或九月或七月或五月或三月随其轻重为五等而有从近焉役讫而州里任之则宥而舍之州里不任是乡人所不容苟或舍之又将为害于州里任则舍之乃使州里相安【○贾氏曰州里任之者恐习前为非而不改故使州长里宰保任而舍之】○郑康成曰宥寛也李氏曰万民有罪过及害于州里者宜法所不贷今不过桎梏而坐诸嘉石以耻之虽罪之重者不过旬有三日而去矣役诸司空以疲之虽罪之重者不过一朞而去矣五刑盖未之及也何以惩一而戒百哉呜呼此万民之有罪过又曰未丽于法盖其罪之轻者吾观已丽于法而寘诸圜土者犹姑惟教之而未遽加以刑况未丽于法而坐诸嘉石者岂不尚在可教之域

以肺石達穷民

郑康成曰肺石赤石也【○贾氏曰坐赤石者使之赤心不妄告也】○郑锷曰人之气由肺而通石之形似肺而色赤者使穷而无告之民立于其上冤抑之气由此而通【○王氏曰肺在五脏其情为忧其窍为鼻穷民以忧在内而不能自达则立于肺石而达之】或谓大仆建路鼓于大寝之门外以待达穷者大司寇又以肺石置于外朝门之右以达穷民穷民有告于朝其事一耳孰宜击鼓孰当坐肺石耶以二官攷之路鼓掌于大仆大仆政官也肺石掌于司寇司寇刑官也穷民之击鼓者岂以政之不善之故而坐肺石者无乃以刑之冤枉欤先儒以为穷民先在肺石朝士达之乃得击鼓奚为哉

凡逵近悖【其营反】独老防之欲有复于上而其长【丁丈反】弗达者立于肺石三日士听其辞以告于上而罪其长贾氏曰言逵近者无间畿内畿外○郑康成曰无兄弟曰悖无子孙曰独复犹报上谓王与六卿报之者若上书诣公府言事长谓诸侯若乡遂大夫○郑锷曰悖独老防欲告愬于上长吏不以上闻其立也必及三日之久士师听其辞以告于朝而罪其长吏盖君门万里不有肺石之达则无告之民无由知不俟三日之久则非诚实无告者或妄得以渎朝廷立法如是此先王之世所以无穷民【○易氏曰大仆建路鼓欲穷民速达甚于遽令此则三日而后听何也为罪其长者设也罪其长而不迟之以待其辞之定则下渎其上而上无以信于下非此设也速逆以达何容心焉】

正月之吉始和布刑于邦国都鄙乃县刑象之灋于象魏使万民观刑象挟日而斂之

王昭禹曰刑者侧也侧者成也宜无所加损亦量时而有轻重正月之吉始和布刑于邦国都鄙为是故也先王之法若江河贵乎易避而难犯使民观象者凡使之知所避而已○易氏曰布之使民有逵罪之心斂之使民无瀆刑之心圣人重刑尤有甚于治教与政也

凡邦之大盟约【于妙反】涖其盟书而登之于天府大史内史司防及六官皆受其贰而藏之

郑康成曰涖临也○贾氏曰大盟约者谓王与诸侯因大防同而与盟所有约誓之辞【○易氏曰盟约二事也约为之信书而已盟则防牲焉大司寇兼言之则宜兼掌其事今以盟书为重而不及乎约以司约大史见之】○郑康成曰天府祖庙之藏六官六卿之官贰副也○郑锷曰大盟约所以结诸侯之信司盟掌其书刑官不亲涖之则人无所畏涖其盟要于天地鬼神乃登而藏于天府与贤能之书民谷之数同大史掌邦之典法则之贰以待逆者也内史掌八枋之法以诏王治者也司防掌邦之典法则之贰以逆治者也六官六卿之长皆使受盟书之贰重其事故藏之也谨备其失坠故贰之者众【○王氏曰大史内史司会皆受其贰而藏之者各以攷事焉非特备失亡而已○黄氏曰大史内史史官也受盟约之贰职也司防六官皆受之何也盟所以息争不信而后有盟苟或不可恃而刑不能禁必至于生事费财隳体败德无所不有故使司防六官俱受其贰岂徒为有司存藏攷覆之事而已哉故其事属大司寇○李嘉防曰司寇所涖天府所登太史内史司会六官所受皆大盟约也非大盟约则不若是】

凡诸侯之狱讼以邦典定之凡卿大夫之狱讼以邦灋断之凡庶民之狱讼以邦成弊【必世反】之

刘迎曰诸侯之狱讼定之以邦典盖有轻典中典重典之不同以此三典定其罪也卿大夫之狱讼断之以八法盖八辟之丽邦法有议亲议故议贤之不同以此八法断其罪也万民之狱讼弊之以八成盖有邦沟邦贼邦谍之不同以此八成弊其罪也先儒以邦典为邦之六典以邦法为官府之八法以邦成为万民之八成此盖冢宰之治法非司寇刑官之所得与不知大司寇自有邦之三典以刑邦国非此邦典而何小司寇自有八辟以丽邦法非此邦法而何士师自有土之八成非此邦成而何惜乎先儒不攷误以冢宰之六典八法八成附防之○王昭禹曰弊详于断断详于定诸侯尊于卿大夫故言定卿大夫贵于庶民故言断万民卑贱其治之为愈详故言【○郑锷曰弊轻于断断轻于定定则一定而不可移若夫万民之讼亦可以言断故大司徒言万民之田则曰断其争禽之讼百官亦可以言弊故小宰言以六计弊羣吏之治】○贾氏曰大宰有八则治都鄙此不言者都鄙狱讼都家之士告于方士治之

大祭祀奉犬牲

郑康成曰奉犹进也○郑锷曰六官奉六牲各因其类以明其义犬之为物金性而能守西方之畜司寇秋官西方之义也故祭祀奉犬牲

若禋祀五帝则戒之日涖誓百官戒于百族

项氏曰禋者精意以享祀五帝【○王氏曰于天地二官未尝言禋则所以佐王事上帝有在于此】

郑锷曰大宰祀五帝前期十日而卜日比谓戒之日则既得吉卜而戒以斋戒不钦将待以刑○王氏详説曰郊特牲曰卜之日王立于泽亲聽誓命受教諫之义献命库门之内戒百官也太庙之内戒百姓也百官云者百执事也百族云者王之族姓也族姓之与于祭为重于百官矣故戒百官于库门之内而戒百姓于太庙之内正所以辨亲疎之义【○王昭禹曰百官凡官府之执事者百族凡百官之族姓与祭者○陈氏曰库门之内象法之所示戒百官于此所以谨之也太庙先祖之所在戒百姓于此所以亲之也】祭之前期十日而有誓有戒誓则重于戒也大宰云祀五帝则掌百官之誓戒与其具修小宰云以法掌祭祀之戒具小宰言戒而不及誓言具而不及修则誓为重于戒明矣夫祭莫重于斋斋又莫重于誓戒誓百官者大宰也涖其誓者大司寇也大司寇涖百官之聽誓于大宰云尔贾氏以大司寇不得涖大宰遂以为大宰掌其誓而誓者余小官是有见于大宰而无见于大祭祀也百官言誓百族言戒又知百族无预于执事有预于从祭此所以聽戒而不聽誓也王氏谓互文见义又失之

及纳亨前王祭之日亦如之

贾氏曰纳亨致牲谓将祭之辰祭之日谓旦明也此二者大司寇为王引道故云亦如之【○

郑锷曰纳亨将祭之时是时大宰賛王牲事司寇则前王以刑禁先焉则人知畏禁而自入于礼】

易氏曰大司寇以刑官前王礼也尊天子之威仪一臣下之志虑而已

奉其明水火

刘执中曰以阳燧得火于日谓之明火以陰鉴得水于月谓之明水陰阳之精义以见圣人精意于鬼神 也○贾氏曰明水火司烜氏所掌者水以酌郁鬯与五齐火以给防享○郑锷曰明者洁也言主人明洁故成水火也刑官以清而察狱讼之辞必明而烛蔽欺之情故使之奉之以明其义【○王昭禹曰书曰明清于单辞此亦刑官明清之事】

凡朝覲防同前王大丧亦如之

郑锷曰朝覲防同賓客所在刑官先焉然后人知尊王○郑康成曰大丧所前或嗣王

易氏曰纳亨及祭尚严也朝覲防同尚肃也大丧之事尚哀也此前王之礼所系为甚重然明水火之奉与否者朝覲防同丧纪以人道言之祭祀之礼以神道言之各当于礼而已

大军旅涖戮于社

郑康成曰社谓社主在军者○郑司农曰书曰用命赏于祖不用命戮于社○王氏曰涖戮刑官之事

凡邦之大事使其属蹕

郑康成曰属士师以下蹕止行也○刘执中曰邦之大事役民众矣难以致其肃使刑官之属蹕之则罔不肃【○黄氏曰不肃不清违礼犯禁刑辟施焉蹕与前王一义】

王氏曰小司寇国之大事使其属蹕则事在国中而已大司寇邦之大事使其属蹕则事之所在通国野焉

周礼订义卷五十八

卷五十九

钦定四库全书

周礼订义卷五十九 宋 王与之 撰

小司寇中大夫二人

小司寇之职掌外朝之政

愚案天子诸侯有三朝说已见司士此外朝即朝士所掌乃在库门之外郑谓雉门外非也

王氏详说曰三朝之制有掌其位者有掌其政者朝士掌外朝之位掌其政者小司寇司士掌治朝之位掌其政者大宰小司寇掌外朝之政而大宰云王眡治朝则賛治是也外朝言政而治朝言治岂非大宰尊于司寇而治尊于政乎但燕朝正其服位大仆也出入王之大命亦大仆也知此则知三朝之制有降杀矣○郑锷曰小司寇刑官之贰宜以掌刑为先今首言掌外朝询万民之政所谓听狱讼之事乃列乎后岂不以邦之大事未有过于三事之询民当询民之时掌摈民而叙进以对人君之问必列于前以重其事

以致万民而询焉一曰询国危二曰询国迁三曰询立君

刘迎曰于此询万民亦古總章衢室之遗意○郑司农曰致聚万民也询谋也○郑康成曰国危谓有兵寇之难【○郑锷曰寇难已迫危而不安问民以图安之计哀元年吳入楚陈懷公朝国人而问焉○王昭禹曰若周公之讨乱是也】○郑锷曰国迁则都邑不宁将去故即新问民以迁居之利害盘庚之都亳殷是也○郑康成曰立君谓无冢适选于庶也【○郑锷曰或冢适不贤将立支庶问民以孰宜为君如隐四年衛人立晋是也○王昭禹曰若文王舍伯邑考立武王是也】○刘执中曰三者国之大政皆顺民而为之故小司寇掌外朝之政以致万民而询之者州长也党正也族师也闾胥也比长也而三公为之师以六卿为之帅备六卿之官而百职举焉谨六乡之教而三物修焉行大比之礼而贤能出焉周之致万民其道如是故有大政大疑大谋则必询之乃能辅王之志而弊王之谋【○李氏曰以匹夫细民得与公卿并列于王朝之上亦足以见古之盛时公道大明而下情上达】

其位王南乡【许亮反】三公及州长【丁丈反】百姓北面羣臣西面羣吏东面

王氏曰三公乡老上言三公中言州长下言百姓则六乡皆在矣上言万民下言百姓则相备也【○愚案百姓以族姓言万民以人众言】

郑锷曰询民正以民为主三公答王而北面是其常也今乡之州长与百姓皆北面者得以答

君羣臣卿大夫也在东而西面羣吏府史胥徒也在西而东面则左右以辅相之尔王公而下府史皆在而王之所询者民尔民非有位于朝者及询之得以北面于此见民为贵【○薛氏曰州长百姓分为甚微与三公列于北面何也教官之序乡老二乡则公一人六乡乃三公也尊之于乡宪其言行不累以事故称老焉方其任贤选能则三公出为乡老率六乡众庶而賓兴之若乡老及乡大夫帅其吏与其众寡以礼礼賓之是也方其听狱弊讼则乡老入为三公率六乡众庶而询之若小司寇朝士所言是也帅羣吏众寡而兴贤能即王制所谓爵人于朝与众共之帅州长众庶而决狱讼即王制所谓刑人于市与众弃之州长众庶亦不得不继于三公之后】郑康成曰其孤不见者孤从羣臣卿大夫在公后【○贾氏曰案射人及司士孤西方东面此云东方西面从羣臣之位者孤无职尊之如賓当在西此三询之朝乃朝士所掌之位朝士云左九棘孤卿大夫位焉故知孤从羣臣之位】

小司寇摈【兵刃反】以叙进而问焉

郑康成曰摈谓揖之使前○王氏详说曰司士掌治朝摈者司士也所谓司士摈是已大仆掌燕朝摈者大仆也所谓王眡燕朝掌摈相是已惟朝士掌外朝不为摈而小司寇摈盖非常朝也询万民耳万民而造天子之庭其不熟朝仪也必矣朝士既掌其位又帅其属以鞭呼趋且辟正所以禁其错立族谈者何暇及于为摈乎此小司寇之所以为摈也然司士大仆以下大夫而为治朝燕朝之摈小司寇以中大夫反为外朝之摈又所以见周家之摈多以命之尊者为之古人重摈相之官介其次也摈即相也入而诏礼则以相名之出而接賓则以摈名之且朝覲防同大宗伯为上相而肆师不过佐摈而已诸侯入朝郊劳眡馆将币亦大宗伯为上摈而小行人不过为承摈而已夫小行人与肆师皆下大夫尚为佐摈与承摈何独于小司寇为摈于外朝而疑之哉

以众辅志而弊谋

郑锷曰凡大事人君之志固当先有所处谋亦有所向其所以询民者盖询众人之言以众人之见而辅吾志然后合众人所见以断其谋志先定而取众人之言以佐其决而已【○黄氏曰朕志先定虽然观望风防为可戒也故虚而后明生焉恭而后贤生焉康诰曰勿庸以次汝封郑谓辅志者尊王贤明其说好】○王氏曰以王志为主而辅之以众以众谋为稽而弊之于王

以五刑听万民之狱讼附于刑用情讯之至于旬乃弊之读书则用灋

王昭禹曰五刑司刑所谓墨劓宫剕杀也○郑锷曰刑止于五而狱讼不一彼虽不一吾所以听之者不可以出乎五刑之外惟用五刑于此以听其辞于彼○黄氏曰皆听于朝乡士以下所谓司寇听之者也○郑康成曰附犹着也故书附作付讯言也○郑锷曰听其辞矣知其罪之所丽可附于某等之刑又虑彼虽服而事未必然也又用吾之情以讯之以情度情庶几可以得其真情也王制曰一成而不可变故君子尽心焉用情之语可以见君子尽心之意矣讯已得实又至于旬乃断之其断则先读鞫问之书使囚闻之知其所犯之实然后用法焉盖至

于旬则我思之审读其书则彼知其详【○郑司农曰读书则用法如今时读鞫已乃论之○刘氏曰以断罪之书读之于囚审而弗变乃用法焉】乃若成王之诰康叔至于旬时丕弊要囚盖以旬为率者一定之常也成王使之至于旬时亦诰戒之切而已

凡命夫命妇不躬坐狱讼凡王之同族有罪不即市郑康成曰为治狱吏防尊者也躬身也不身坐使其属若子弟也丧服传曰命夫者其男子之为大夫者命妇者其妇人之为大夫妻者春秋传曰衞侯与元咺讼甯武子为辅鍼庄子为坐士荣为大士○郑锴曰狱讼之人必对辞曲直兹其常也命夫命妇不躬坐使左右代焉贵之也有罪者杀之市朝与众共弃之亦其常也王之同姓则不杀诸市亲之也礼记曰公族有罪刑于隐者不与国人虑兄弟也甸师氏言王之同姓有罪则死刑焉是也一以责廉耻一以重国体夫为我所以贵之亲之者如此彼敢恃亲与贵而犯禁挠法乎哉

以五声听狱讼求民情

郑锴曰人心险于山川况狱讼之际讵肯吐其情乎听以五声兹乃求其情之术凡此五者皆以辞为主故皆曰听

一曰辞听二曰色听三曰气听四曰耳听五曰目听项氏曰心者形之君辞者心之声声于中不能掩于外其辞信则色定气舒耳目不乱其辞伪则色变气索耳目皆惑以此听之人焉廋哉五者虽异要皆因辞而后见【○郑康成曰辞听观其出言不直则烦】

王昭禹曰听其辞因察其色以色着乎颜而为心之表故也彼胁肩谄笑者有愧于心其色赧然则察其色固足以得其心矣【○郑康成曰观其颜色不直则赧然】以色为未足又察其气以气充于体而为心之运故也彼行有不慊于心气为之馁则察其气亦足以得其心矣【○郑康成曰观其气息不直则喘】耳目者心之枢机心之情伪寓于耳目视听之际察其视听亦足以得其心矣【○郑锴曰心有不直则耳所听者必疑而不定目所视者必乱而失真○郑康成曰聆不直则惑视不直则眊】○黄氏曰康成谓言不直则烦而下是其一端也强怯柔很明闇戇狡五者之动皆足以知之皆谓之听犹以于声者参之也故曰以五声听狱讼求民情此在事状之外能言与不言其情见与隐伏皆于是求之非有司之事也故听之于朝将行刺宥

以八辟丽邦灋附刑罚

郑康成曰丽附也易曰日月丽乎天○黄氏曰丽邦法以其本罪附于邦法而议之应宥应刺应轻应重着于刑罚之所当施者议亦非常法○郑锴曰先王制刑一定不易有罪者必丽于刑书而犯刑之人或有不可加以刑如兹八者与众议之以示至公可也兹所以有八辟之议八辟以待八议之人俟其议定已丽于邦法乃附之于刑罚是谓无一定之制也辟法也不谓之法而谓之辟者制法谓之辟八辟盖近于法而未丽于法自是然后制焉耳

一曰议亲之辟

郑锷曰亲者王之族也有罪可刑矣然刑之则伤亲亲之恩【○郑司农曰若今时宗室有罪先请是也】

二曰议故之辟

郑锷曰故者王之故旧也有罪可刑矣然刑之则失故旧之好

三曰议贤之辟

郑康成曰贤有德行者○郑锷曰罪固可刑然刑之则其人为乡大夫所兴之贤【○郑司农曰若今时廉吏有罪先请是也】

四曰议能之辟

郑康成曰能谓有道艺者春秋传曰夫谋而鲜过惠训不倦者叔向有焉社稷之固也犹将十世宥之以劝能者○郑锷曰罪固可刑然刑之则其人为乡大夫所举之能

五曰议功之辟

郑康成曰谓有大勲劳立功者○郑锷曰凡有司勲所谓六功之人刑之则无以报其功

六曰议贵之辟

贾氏曰周时大夫以上皆贵也【○郑司农曰若今时吏墨绶有罪先请是也】○郑锷曰凡有爵之人刑之无以尊其贵

七曰议勤之辟

郑锷曰勤劳王事之人刑之是忘其劳

八曰议寘之辟

郑康成曰寘谓所不臣者三恪二代之后【○王昭禹曰寘谓四方之寘客】○郑锷曰刑之无以尊三代之后○贾氏曰自议勤以上七者虽以王为主诸侯亦有之惟八曰议寘据王者言之耳

總论

刘执中曰议亲者教天下之爱其亲议故者教天下之厚其故议贤者教天下之慕其贤议能者教天下之砺其能议功者教天下之懋其功议勤者教天下之劝其勤议贵者教天下之忠其君议賔者教天下存亡继絶而不弃先王之德八者天下之大教非天子私亲故而挠其法将以行之教天下用中于民焉人伦之美莫斯为大孟轲以舜为天子皋陶为士瞽瞍杀人则执之而不禁舜弃天下而终身焉岂知所以教天下之爱其亲乎【○王氏曰谓之议则刑诛赦宥特未定也然以皋陶为士瞽瞍杀人舜不敢赦其议之可知矣】

愚案皋陶以公而守天下之法舜以私而伸人子之情彼此轻重各得其宜如王氏以法之不可挠于已私是申商刑名之学刘氏谓当以亲故宥之又几于任情而废法皆知有一而不知有二故王族有罪不免于刑者法也刑于甸师不与众同者情也后世待宗族之恩薄至杀人反不加罪是未尝以已恩厚其亲徒以人命私其亲也其悖先王之情与法甚矣

以三刺断【丁乱反】庶民狱讼之中

郑锷曰狱讼之情所患不得其中耳已得其中从而断之胡为不可圣人犹未审以为果中否又为三讯之法以刺取众人之意果以为中然后断之凡言刺有二义刺取也杀也如春秋刺公子偃之刺则刺者杀也此云三刺则有采取之义刺取臣民之意皆以为可杀然后断其中而杀之所谓国人杀之也○王昭禹曰中者事实之书与天府谓之治中告天谓之升中同意○贾氏曰庶民以上皆应有刺直言庶民者贱者尚刺则已上可知

一日讯羣臣二日讯羣吏三日讯万民听民之所刺宥以施上服下服之刑

郑锷曰人之深情不可臆度将以刺取其意必先设辞以讯之故三刺之法则有三讯讯问也【○郑康成日讯言也】问之以刺取其意耳或谓讯者或讯于公卿大夫之羣臣或讯于府史胥徒之羣吏或讯于比闾族党之万民而特听民之所刺所宥然后施刑何也窃以为此所欲断者庶民狱讼之中故也虽讯官吏而实以民为主而讯官吏者能达万民之情而致于上故也【○黄氏曰义理难尽羣臣知之故例可用羣吏知之人情隐伏万民知之幸其不皆以为可杀则亦不敢轻杀之】民以为可刺则宜施上服之刑民以为可宥则宜施下服之刑上服之说先儒以为上服劓墨施于面者也下服宫刖施于下体者也然书言五刑有服五服三就者谓上服服上刑下服服下刑也吕刑云上刑适轻下服下刑适重上服者若以为墨劓施于面为上服宫刖施于下为下服则吕刑所谓适轻适重与五刑有服之说为无用矣

愚案三刺之断不敢自决而讯及于三此必罪大恶极或轻或重关于风教上服下服系于人心虽则已丽于刑必待三讯而后断也民以为可刺则服上刑无可说者民以为可宥亦非全然宥之特服下刑比上刑为轻耳

黄氏曰小司寇前讯继询外朝之政今讯继议刑狱之序大司寇不独宥也圜土聚教而遂免之小司寇上服下服犹施刑焉于此可见命官制职之意

及大比【毗志反】登民数自生齿以上【时掌反】登于天府内史司冢宰贰之以制国用

王昭禹曰三年之久民之生死登下亦已多矣故及大比登民数焉○郑康成曰人生齿而体备谓男八月而生齿女七月而生齿○易氏曰王之为王以得乎丘民而已故自生齿以上皆书于版欲周知其数○王氏详说曰天府以天为名尊之至也贤能之书登于此盟约之书登于此狱讼之书登于此民数之书登于此王所以重其事但天府曰祭天之司民司禄而献民数谷数则受而藏之司禄之官缺矣必知谷数亦登于此为司禄之所掌是已然书之所藏有不书其贰者民数也不止一官书其贰者盟约也登其书于天府其为重则一初不可以书之贰与否及所书贰多少之数为轻重但观其事之所施行耳○易氏曰攷司民登万民之数及大比以诏司寇是司寇受其数于司民于孟冬祀司民星之时乃献其数于王王拜受之登于天府刑官致重于民数如此冢宰于司会登民数之后又为之贰其数而制国用焉盖古者三年耕必有一年之食九年耕必有三年之食冢宰以三十年通制国用而大比之制国用实所以为三十年盈虚敛散之储内史于此贰之则以其所掌者会计之书司防于此贰之则以其所掌者防计之事二官卑而列于始冢宰尊而继于后非以统百官之任而统其成者欤由是观之民之盛衰系乎刑故司寇登民数于地官大比之时财之丰耗由于民故冢宰制国用于刑官登民数之后数官聯事而合治皆所以重乎民也【○陈及之曰必知民数则可以制国用何故盖先王之世士农工商四者不可阙一而农为重以三分率之农居三分之二则谷粟始可给不然工商与农相半则野有旷土谷粟寡乏则四民俱病矣是以王者之制农民必三分之二也以九职任民凡毓草木者作山泽之材者养鸟兽者化八材者通货贿者斂防材者化治丝枲者转移执事者常不过农民三分之一而廩人每歲以歲上下数邦用月以三鬴为准司民献民数廩人献谷数大史书之司会会之三年耕必有一年之食九年耕必有三年之食以是而制国用虽有水旱民无菜色以民数谷数素定也管仲制齐国之政工商之乡六士乡十五是三分而率一也其练习民政哉】

愚案古者只计民数则知国赋后世色目既多不可只以民数计

小祭祀奉犬牲

郑康成曰奉犹进也○王昭禹曰大司寇大祭祀奉犬牲故小司寇小祭祀奉犬牲○郑锴曰职有尊卑

凡禋祀五帝实瓊水纳亨亦如之

刘执中曰实瓊以滌牲纳亨以煮牲○郑锴曰禋祀五帝令实瓊水纳牲于瓊以亨则亦如之者盖惟清与洁然后可以事上帝而用刑之官克明清于狱讼之辞故足以合上帝之心瓊之实水卑者之职而使司寇主之此瓊也此水也必清洁斯可以祀上帝为刑官者詎可以污秽而不清洁乎

大賓客前王而辟

郑司农曰小司寇为王道辟除奸人若今时执金吾下至令尉奉引○贾氏曰为王辟亦谓于宫中飨燕在寝及庙时也○王昭禹曰大司寇凡朝覲防同前王小司寇大賓客前王而辟则非特前王又为王辟道也

后世子之丧亦如之

贾氏曰后世子之丧当朝庙之时王出入亦为王辟也

小师涖戮

郑康成曰小师王不自出之师○王昭禹曰大司寇大军旅涖戮故小司寇小师涖戮

凡国之大事使其属蹕

郑康成曰属士师以下○贾氏曰国之大事即士师云诸侯为賓是也○王昭禹曰大司寇凡邦之大事使其属蹕故小司寇凡国之大事使其属蹕言邦则通邑都焉言国则主于国中而已

孟冬祀司民献民数于王王拜受之以图国用而进退之

郑锷曰轩辕之角有大民小民之星其神实主民说者谓春官祭之然春官天府但受其数耳司民之官言司寇及孟冬祀司民之日献其数则司民之祀正司寇之所主明矣先王以为民之登耗必有神主之故每歲孟冬物成之时使司寇祀之亦以刑者所以馭民而民之多寡皆本乎刑之繁省故也司民已祀则献民数于王见其奉天以用刑而刑不至于残民故其生成之数如此王拜受之以图国用则以民之登耗知敛之丰匮由是而进退所用之物【○郑康成曰进退犹损益也】民多赋足则进之而备礼民少赋乏则退而杀礼上言以制国用此言以图国用者制其有无者有司之职图则所谋者天下之大计是乃王者之权故言于王拜受之后也【○扬氏曰冢宰虽制国用而进退之则在王而已】

歲终则令羣士计狱弊讼登中于天府

贾氏曰羣士谓鄉士遂士以下○王昭禹曰计狱者计其多寡之数弊讼者察其情而断之为有疑也计非不弊弊非不计各有攸当而已○王氏曰中狱讼之中言事实之书○郑锷曰天府之职掌受中也登于天府则實之至又以见允合乎天心之义

正歲帅其属而观刑象令以木铎曰不用灋者国有常刑令羣士

李嘉防曰刑象既布木铎既徇羣士犹然不见不闻而不用法者此常刑之不恕○王昭禹曰令羣士则令于士师乡士以下使之稟法故也与小宰帅其属观治象同意○郑锷曰六十属为众矣所视以效法者在吾之羣士使近而羣士能率法不越则彼遠而外者讵有不恤于刑乎故先言帅属乃言令羣士也

乃宣布于四方宪刑禁

郑康成曰宣徧也○王昭禹曰宣布于四方则非一国○郑康成曰宪表也谓县之也刑禁士师之五禁林椅曰刑所以行法故布法观法司寇独备焉

乃命其属入防乃致事

项氏曰乃命其属不独羣士凡秋官之属皆入计【○李嘉会曰入会会其狱讼一歲多少之数】乃令致之于王○易氏曰王氏谓余官以歲终入其防独司寇以正歲入之所以谨其始非也乃者继事之辞令羣士乃宣布于四方以歲终期之至大宰受防之时乃命其属入防乃致事所以纪小司寇一职之终也

周礼订义卷五十九

卷六十

<经部,礼类,周礼之属,周礼订义

钦定四库全书

周礼订义卷六十 宋 王与之 撰

士师下大夫四人

郑锷曰虞舜命皋陶作士自是名刑官为士士察也欲其能察也士师又为羣士之所师法故名官曰师柳下惠为士师○李嘉防曰士师以下不曰寇而曰士者各专掌刑之职治狱断罪皆欲其当故曰士自古刑人之官曰士○薛平仲曰事固有病于过察者惟刑则贵于加察此士师所以为司寇之攷又以教羣士之必察也是以内自国中之乡以达于四郊之遂自遂以达于公邑之县自县以达于四方之都家以诒于四方之邦国其地各置其官其官各名曰士凡内外之有狱讼者皆非地治之所可专而一归之王国之士焉及總而听之于朝士之外朝王与公卿大夫以议于上羣吏与众庶之卑以参于下刑于是乎定矣

士师之职掌国之五禁之灋以左【音佐】右【音又】刑罚

王昭禹曰禁之为仁刑罚之为义禁之不止而犹犯然后加之以刑罚○郑康成曰左右助也助刑罚者助其禁民为非【○郑锷曰刑罚施于已为之后先王之意欲人无犯故用五禁之法禁于未为之先是乃所以左右之也人之一身有手足焉左以佐之右以佑之则身无为矣五禁左右刑罚殆亦如是】○易氏曰古者有五刑无五罚五罚自周穆王始古所谓罚刑之轻也舜之象以典刑则常刑也以常刑为重故以五流之法宥之犹以为重又设为三等之轻刑曰鞭作官刑扑作教刑金作赎刑赎刑即后世所谓罚而其轻又居三等轻刑之下至周人设刑官之职初无五罚之法而司圜所谓罚人不亏财则知舜之赎刑即此所谓亏财者也轻亦甚矣攷之士师则成王周公之心非特欲其无刑亦欲其无罚故左右刑罚则有五禁先后刑罚则有五戒凡以此而已后世人情日薄而抵冒滋众穆王于是作五刑之法以损五刑之旧司刑所掌五刑之属二千五百而穆王之三千以枚数之虽增于前然墨劓所增者各五百皆轻刑也宫所损者二百大辟所损者三百皆重刑也惟其禁戒不立而左右先后之无术观其目则哀矜之意固可见观其凡则文胜俗弊亦可推矣

一曰宫禁二曰官禁三曰国禁四曰野禁五曰军禁郑康成曰宫王宫也【○郑锷曰阍人所谓不入宫者是也】○刘执中曰乡刑纠孝本于室家故曰宫禁乡刑之禁也【○郑锷曰无故不得擅入者是也】官官府也【○郑锷曰入国而问禁是也】○郑锷曰野禁今之田律野中之禁军禁謹器夜行军中之禁五禁见于经今之刑统律令是其类也大司寇有野刑军刑乡刑官刑国刑谓之五刑此谓之五禁盖士师揭示五禁禁之不从至于犯刑则

大司寇待之以刑实相为表里或谓此有宫禁大司寇何以无宫刑窃以为小宰掌邦之宫刑则王宫之事天官掌之非大司寇所得预也

皆以木铎徇之于朝书而县【音 悬】于门闾

贾氏曰尔雅云巷门谓之闾则县于处处巷门使知之○郑锷曰以木铎徇之于朝所以示贵者书而县于闾巷之门所以示贱者贵贱皆知禁刑将措而无用

以五戒先后刑罚毋使罪丽于民

王昭禹曰禁止使勿为施于未然之前戒勅其怠忽施于事为之际【○李嘉防曰禁则欲其畏戢而不为戒则欲其防谨而知避】○郑锷曰五禁谓之左右五戒谓之先后五禁则揭诸书而示之以文五戒则形诸口而告之以言以刑罚为正而五禁左右之以刑罚为中而五戒先后之左右以言其佐助也先后以言其诱掖也先王不欲人之犯刑既书之以使之观又谆谆然诰诫之先谓未犯之前既有以教之后谓已犯之后复有以惩之或先或后丁宁切至不欲使民丽于罪也【○王氏曰先后之若盘庚上篇则以诰先之也若盘庚下篇则以诰后之也○刘氏曰在蛊曰先甲三日而后甲三日在巽曰先庚三日而后庚三日夫五戒者先事戒之使毋丽于刑罚】

一曰誓用之于军旅二曰诰用之于防同三曰禁用诸田役四曰纠用诸国中五曰宪用诸都鄙

郑锷曰用兵然后有誓誓者折之以言使断然必信汤誓泰誓作于用兵之时是也诸侯毕防王将有为则作为文诰之辞以诰之使知其所以然也大诰作于洛邑四方和防之时是也师田行役兵众所聚人或肆行则残暴天物故其戒谓之禁城邑之中奸盗得以并容不有以纠之则不及知故其戒谓之纠【○王昭禹曰若刑典之纠万民】都鄙不出王畿之域其所当行者皆视王朝以为法故其戒谓之宪言当宪法于王朝也虽然此特别而言之尔若通而言之宪纠禁无所不用如小宰言凡宫中之纠禁宪禁于王宫之类是也誓诰于书可见而此三者则久而无名虽不同所以戒民则一故总曰五戒【○王昭禹曰誓之所用非特军旅也而军旅为主祭祀田役之类皆有誓也禁之所用非特田役也而以田役为主宫中官府皆有禁也以此推之则诰也纠也宪也亦若是而已】

掌乡合州党族闾比之联与其民人之什伍使之相安相受以比追胥之事以施刑罚庆赏

郑康成曰乡合乡所合也○王昭禹曰六乡之内比其居则有州党族闾比其民则有什伍合州党族闾比者以比合比以闾合闾所以联其居也合其人民之什伍者以伍合伍以什合什所以联其人也联比其居什伍其人乡官之事而士师又掌之使之相安相受故也【○王氏详说曰大司徒族师比长特言相受未尝有相安之文此士师掌乡合州党族闾之联而云相安者正所谓诛乱民以安民也此所以为刑官之攷】○易氏曰人有罪过未丽于法而害于

州里者去之则不善者遠而善者得以相安上罪募役以至下罪三月役任于州里者舍之则不善者反而善者得以相受相安相受是与众同欲也与众同欲则与众同恶也以比追胥之事【○刘执中曰追袭寇盗也犹春秋追戎于济西胥伺也相聚夜宿以伺盗贼之谓○贾氏曰以比追胥以比什伍使任追胥二事也】则出入相友守望相助是利存焉以施刑罚庆赏则赏一人而同所劝罚一人而同所戒是有义存焉【○王昭禹曰废事者施刑罚有功者施庆赏】此士师所以掌鄉而弼六乡之教也○郑锷曰此皆小司徒与族师之职乃使士师掌之者蓋司徒官属专治其事而刑官之属以刑助之教以诱之于先刑以鞭之于后则民知所畏而六乡之政成矣

李嘉防曰士师所聯比而用之者亦止追胥刑罚庆赏之事若有大于此者则司徒司马当任之曰相安相受者使斯民知聯比之合在诸刑官自然相安相保不然刑官得以责罚之矣

掌官中之政令

刘执中曰官中政令谓秋官之属所行政令○郑锷曰上文言掌乡合州党族闾比之聯嫌于侵官以为司徒之官府而政令皆出于此也故又言掌官中之政令见其专掌司寇之官府不可以侵官

察狱讼之辞以诏司寇断狱弊讼致邦令

易氏曰察狱讼之辞则刑官之属若乡士遂士县士方士各上其狱讼之不决者而致其辞于士师士师因其辞而察之以诏司寇断狱弊讼狱讼既审合于邦令士师则又以其邦令而致之于乡士遂士县士方士上下聯事精察如此此狱所以得其中

李嘉防曰必察狱讼之词情理若何诏诸司寇而斟酌之然后方可以致邦令【○郑锷曰司寇议令于朝士师承之以達诸外○王氏曰掌官中之政令其政令施于官府之中而已致邦令则致之于邦国都鄙也】○王昭禹曰政令邦令必使士师掌而致之以违令则刑之所取也

掌士之八成一曰邦汭【上约反】二曰邦贼三曰邦谍【音牒】四曰犯邦令五曰矫【音矫】邦令六曰为邦盗七曰为邦朋八曰为邦诬

贾氏曰士即士师以下○郑司农曰八成者行事有八篇若今时决事比○郑锷曰成者条例品式前世所立可依据以为比者是也小宰八成皆治民之成法故大宰以待万民之治此八成则专以治士以经攷之中士以千计者几五千下士以万计者几二万其多如此虽其兴也本于乡大夫书攷之详不幸有奸邪者出乎其间非专立成法以驭之士师何以治之哉汭如斟酌之酌酌取也陰有包藏欲为向背而未决乃探听国家机密斟酌其事以为奸宄是谓邦汭左云蓋酌之也意亦如此贼如寇贼之贼陰为不仁不义以毒王民生乱阶是谓邦贼谍则反间之人陰为诸侯刺探国事是谓邦谍【○王昭禹曰邦贼谓小人作于内而为贼者邦

谍谓奸人来自于外而为谍者】上有令而下弗从逆也邦有成令故违犯之是废格法令之人故曰犯邦令【○郑康成曰犯令干冒王教令者】矫如矫制之矫上无是令輒出己意矫而为之是有无上之心故曰矫邦令盗民财国货以自封殖如阳虎窃竇玉大弓之类是为邦盗【○易氏曰谓窃持邦柄以作威福】相与交结唱和雷同如汉唐之时羣小朋党共为倾邪之类是为邦朋【○王昭禹曰为私党以乱民】是者诬以为非曲者诬以为直变乱黑白使事无不失实是为邦诬【○王昭禹曰造讹言以惑众】凡兹八者乱之阶也八成之法专以驭士意岂浅哉【○黄氏曰此八者士师皆有成法直致其罪者也虽然犹有情焉贼谍必杀故司戮曰掌斩杀贼谍而 之子服景伯曰吾力犹能肆诸市朝行士师之职也】○王昭禹曰先王患夫奸人所以为祸本者如此立八成之法使士师掌之俟其类至从而治之则制治保邦所以防其芽蘖者岂不至哉

若邦凶荒则以荒辩【音贬】之灋治之

刘迎曰荒辩之法所以别其荒岁之轻重而知其中年凶年无年欲为移民通财纠守缓刑之备使凶札而无辨安知食二鬴与不能人二鬴者哉上饥则 上年之粟中饥则 中年之粟下饥则发下年之粟未必不自荒辩之法知之先儒既以辩为别【○郑司农曰救荒之政十有二而士师别受其教条是为荒别之法】又改为贬而援刑贬为证则荒辩岂特缓刑之一乎【○郑锷曰司徒荒政有缓刑而无移民通财纠守事独掌于此盖不移民不通财不纠守者斯待以刑也凡此皆荒贬之法以治凶荒之时不用平时之法先儒谓辩当为贬引朝士虑刑贬为证余以为贬则减损也若夫凶荒之时当辩论其荒之轻重而讲究时事以为辩救之法不必改为贬也】○刘执中曰不辩其荒而槩施救政则侥幸之民出矣故士师治以荒辩之法【○林椅曰荒政虽有六聯而荒辩之法存于士师盖鄉合之聯民人什伍有以纠其守而后荒政可举】

令移民通财纠守缓刑

王昭禹曰移民若梁惠王移其民于河东【○刘执中曰民可徙则移之就谷不可徙则移谷以赈之】通财若晋饥秦输之粟纠守则纠四封之守以防寇警缓刑则刑虽不可去亦缓之而不急

王氏详說曰大曰邦小曰国此郑氏之說也邦为王者之邦国为诸侯之国正以大宰掌建邦之六典大司徒掌建邦土地之图大宗伯掌建邦之天神地 人鬼之礼大司寇掌建邦之三典岂非邦为天子之事乎惟大司马掌建邦国之九法言邦及国兼诸侯而言耳此周礼之法言也然邦为王者之邦亦为诸侯之邦也且移民通财非王者之事大司徒以荒政十有二聚万民未尝言移民通财也大司徒于职末云大荒大札则令邦国移民通财是移民通财所以待诸侯也此云令移民通财而继之于若邦凶荒之后是邦又为诸侯之邦也然则邦国字无定說

凡以财狱讼者正之以傅别约剂

易氏曰傳謂地傳以為之保別謂判書以為之合約謂書其期約者劑為之要書者○鄭鐸曰因爭財而有獄訟必以傳別約劑正之小宰八成所謂听稱責與賣買者是也稱責之財則傳之以約束別而為兩人執其一買賣之財則立為限約而有劑券以自執故以財致訟者操此以為決則加之以刑無愧矣【○王氏曰民知無傳別約劑之不可治皆無敢苟簡于其始訟之所由省也】○林椅曰當其稱責已有傳別是制治于未亂

若祭勝國之社稷則為之尸

鄭鐸曰勝國國為吾所勝也則無主后矣然實我用兵以勝之如周之勝商不廢亳社以湯之故不絕祀是以祭之【○陳君舉曰忌子卯之樂保垂和之器皆警戒之意作夏社與此同意】○易氏曰郊特牲曰社祭土而主陰氣也又曰天子大社必受霜露風雨以達天地之氣喪國之社屋之不受天陽也亳社北牖使陰明也言亳社則勝國之社也亳社以陰為主而刑乃陰之類媒氏以男女之陰訟而听于勝國之社類也此祭勝國之社而刑官為之尸亦類也【○劉執中曰鳧鷖之詩宗廟社稷七祀皆有尸未聞用刑官為之勝國之社稷其祭五土之神與先稷與夫興王之社稷無以異矣必屋其壇用士師為之尸祭其社稷而威其亡國之妖邪耳○鄭鐸曰為其勝之也本于用甲兵之大刑故使刑官為尸乃所以示戒】

王燕出入則前驅而辟

易氏曰自治朝而退居于內謂之燕朝自燕朝而退居于寢謂之燕寢此出入所以謂之燕出入也【○賈氏曰謂宮苑皆是】士師前驅而辟則王者燕閑之際蓋無一節之不慎車謂之道車者其意亦可推矣

鄭鐸曰使刑官驅辟則人畏刑而無敢犯【○黃氏曰前導蹕辟皆使刑官自大司寇而下隨事之尊卑用之】

總論

王氏詳說曰夏官小臣王之燕出入則前驅此王燕出入則前驅而辟蓋成周之時萬乘至尊其為衛至矣以經考之有前馬有前車有前王有前驅有前王而辟有前驅而辟初不可混為一說前車者謂車已駕而王未乘之時如齊右掌祭祀防同賓客前齊車王乘則持馬行則陪乘以王乘而繼前車之后非前車為未乘之時乎前馬者謂車已行而王凭式之時如道右王式則下前馬王下則以蓋從以王下而繼于王式之后非前馬為已行之時乎前王者謂王之在廟而步行之時也大司寇若禋祀五帝及納亨前王以前王而繼于納亨之后非前王為在廟步行之時乎前驅者謂車之或行或趨之時大仆王出入則自左馭而前驅小臣王之燕出入則前驅以前驅而繼于王出入之后非或行或趨之時乎然前一也有前王而辟者有前王而不辟者前驅一也有前驅而辟者有前驅而不辟者大司寇尊矣故前王而不辟前王而辟其小司寇欤然大司寇前王于納亨小司寇前王于大賓客抑亦宗廟之中無有辟止行人之理也大仆掌正王之服位于王出入則前驅小臣掌正王之燕服位故燕出入則前驅皆前

驱而不辟也士师以刑官之考不避者刑之此所以前驱而辟与小司寇之辟不避者刑之则同但小司寇前王而士师前驱耳若夫辟之之外又有辟焉见于经者又皆可攷天官宫正凡邦之事辟夏官 仆掌辟宫中之事大司寇凡邦之大事使其属辟小司寇凡国之大事使其属辟士师诸侯为賓则帅其属而辟于王宫乡士各掌其乡之禁令帅其属夹道而辟此又不可不辨也宫正掌王宫故以邦事言 仆掌五寝故以宫中之事言大司寇掌邦之三典故以邦之大事言小司寇掌国之五禁故以国之大事言士师无预于邦国之大数据以诸侯为賓而辟于王宫言乡士掌六乡王之祭祀军旅賓客有出入于六乡者故以夹道而辟言然宫正掌王宫而言辟邦之事与士师辟于王宫相为异同者蓋宫正言凡邦之事则王宫之祭祀等事无所不辟士师特辟于诸侯为賓之时而已曰辟曰辟皆以刑官主其事正所以重万乘之势也若乃王之三公六卿大夫出入于乡遂公邑之间亦有辟礼而无辟礼外诸侯入于王国则有辟礼居于客馆则有辟礼乡士云三公遂士云六卿县士云若大夫皆言为之前驱而辟是知三公六卿大夫之有辟礼而无辟礼也诃士云邦有賓客入于国则为之前驱而辟野亦如之居馆则帅其属而为之辟是知外诸侯有辟礼而又有辟礼也然三公六卿大夫在乡遂公邑之间则辟在王城之内则否以邦事则辟非邦事则否诸侯自有其国而且辟于王之国辟于客之馆在国得用此礼也明矣

祀五帝则沃尸及王盥洎瓠水

郑锷曰祀五帝必有尸【○李嘉防曰五帝五人帝也五帝亦有尸者尸神主也周公祭太山以大公为尸祭天亦有尸此說当审】尸之尊如天帝然固无就洗之理其入门也以盘匱盥水则士师沃之王有献尸之事必就洗以致洁士师亦沃之瓠水本小司寇所实士师则洎而增之凡此皆取其明清于用刑使之沃使之洎也洎犹暨暨及也故有增之之义【○郑康成曰洎谓增其沃汁○王氏曰沃尸及王盥所以致洁除污秽】○王昭禹曰小司寇实瓠水土师续司寇之事而终之也○贾氏曰此直言祀五帝沃尸及王盥其余冬至夏至及祭先王先公所沃盥小祝则沃尸盥小臣沃王盥也郁人凡裸事沃盥惟在宗庙为裸时

凡刳【音几】珥【而志反】则奉犬牲

郑锷曰刳珥二事總谓衅礼羊人及肆师皆作刳珥刳谓刳割也以衅成庙之礼雍人举羊升屋自中屋南面刳羊血流于前乃降刳字与刳同义用犬为牲大小祭祀以司寇奉之士师则奉于所衅之时珥当为珥与小祝弥裁兵之意同注谓珥当为珥用牲毛者曰刳羽者曰珥不知此奉犬牲犬岂有羽哉【○愚案详见肆师】

诸侯为賓则帅其属而辟于王宫大丧亦如之

郑锷曰或谓诸侯为賓行燕享然也辟王宫何耶蓋飧在庙燕在寝帅属辟王宫则在寝时也○易氏曰帅其属而辟王宫所以肃朝廷之仪○李嘉防曰大丧有庐舍之居亦当辟宫以备非常

王昭禹曰大司寇小司寇言使帅其属非必亲帅之也士师言帅其属则亲蹕矣大司寇蹕邦事小司寇蹕国事故士师蹕王宫而已

大师帅其属而禁逆军旅者与犯师禁者而戮之郑锷曰王师所过而敢有沮遏或所湏而有不从令者军中之禁而輒敢干犯则不循军法之人也安可不戮耶晋魏绛将与狄人战于太原荀吴之嬖人不肯即卒则斩之鸡泽之盟晋侯之弟扬干乱行于曲梁魏绛戮其仆正谓是也○易氏曰帅其属而行其戮所以正军旅之法凡此皆以刑官之士师任其职重其事也

岁终则令正要防

郑锷曰令刑官之属尔○易氏曰小司寇于正岁命其属入防乃致事者入此岁终所正之要防也【○郑康成曰定计簿】

正岁帅其属而宪禁令于国及郊野

郑康成曰去国百里曰郊郊外谓之野○郑锷曰小司寇所宣布者及四方之逖士师宪其近也

周礼订义卷六十

卷六十一

钦定四库全书

周礼订义卷六十一 宋 王与之 撰

乡士上士八人中士十有六人旅下士三十有二人府六人史十有二人胥十有二人徒百有二十人

郑司农曰乡士主六乡之狱○郑锷曰乡之刑官最多盖六乡之人民至众而小人无知触法者多也非特刑官之众史胥共二十四人而徒则百有二十人亦岂非六乡之广追逮之多故欤

掌国中

黄氏曰六乡之民王所自治故其狱在国中六乡教之详矣其刑亦不同故司徒曰乡八刑司寇曰乡刑是也百官之狱亦听于此○王昭禹曰乡之狱讼不听于乡而听于国遂之狱讼不听于遂而听于郊县之狱讼不听于县而听于野以其所掌远而察之欲其近也

各掌其乡之民数而纠戒之

郑康成曰乡士八人言各者四人而分主三乡【○王氏曰乡士通掌国中而分掌其乡也】○郑锷曰乡民之数教官掌之此又掌其数者盖欲行纠戒非正治其数也○黄氏曰纠戒之恐其昏迷抵误而防于法也然六乡四郊郊狱或别主郊刑恐亦有与乡不同○易氏曰圣人于刑狱非得已而用分职降典而后折民惟刑相我受民而后能和其庶狱则夫戒之纠之令之母使罪丽于民圣人之本心也

听其狱讼察其辞

郑康成曰察审也○郑锷曰听其狱讼而不察其辞则曲直失当情无由伸○王昭禹曰狱讼以辞为主书曰师听五辞又曰察辞于差以尽其情而已

辩其狱讼异其死刑之罪而要之旬而职听于朝郑锷曰惟察辞已知其详乃从而辨之注以辩为辨别之辨今本字皆作辩是辩论其狱与其讼之情状也其有死罪者则别异其文书使与不死之刑异不有以辩之又安能异之耶【○贾氏曰异其死刑之罪者死与四刑轻重不同文书亦异】○王氏曰死刑之罪定而又要之若今责伏辩矣【○郑锷曰罪之要辞谓之要尚书曰丕弊要囚皆谓罪人所犯之定论也】○贾氏曰虽得要实之辞罪定仍至十日乃复以断刑之职听断于外朝恐囚虚承其罪十日不讞即是其实然后向外朝对众更询乃与

之罪【○郑锷曰入听于朝必待一句则在已所思者欲审容囚者亦得以反覆也○黄氏曰职听谓典其狱者典狱移而听于朝司寇亲听之】

易氏曰外朝之位羣臣羣士西面诸侯羣吏东面而三公北面州长众庶在其后职听于此则将以尽人之情

司寇听之断其狱弊其讼于朝

王昭禹曰司寇听之者以司寇正刑明辟也弊其讼于朝则无所容其私○贾氏曰弊亦断也异言耳○陈及之曰自方士以上凡狱讼轻者得自断必死刑然后职听于朝司寇不敢专也自春秋以来凡死刑必请于上然后杀晋祁氏擅杀其家臣而晋人杀之赵鞅擅杀赵午而晋人以为始乱犹旧制也至于诸侯将自专之故诃士得谕刑罪于邦国凡四方之有治于士者造焉耳

羣士司刑皆在各丽其灋以议狱讼

贾氏曰吕刑之师听五辞是也恐専有滥故众狱官共听之【○易氏曰又欲尽羣士司刑之情】○郑康成曰丽附也各附致其法以成议【○王氏曰若司刑掌五刑之法司刺掌三刺三赦三宥之法又或掌官法或掌官成或掌官常各丽其法】○郑锷曰当听狱之时羣士司刑皆在各出所见引法以为证攷其所犯之罪而附丽于法共评议之使罪与法相应也

愚案议之如何王制曰凡听五刑之法必原父子之亲立君臣之义以权之意论轻重之序慎测浅深之量以别之悉其聪明致其忠爱以尽之此足以想见当时之所议

王氏详説曰乡遂县方皆云职听于朝司寇聽之羣士司刑皆在而不及三公参听羣士司刑皆在则是三公亦在但周公设官之意不欲使卑者临尊举卑以见尊耳

狱讼成士师受中

王昭禹曰狱讼成谓狱讼之辞成而无亏○郑锷曰及议已定然后士师受中成者议已定而不变也中者所断之得中无过不及也【○易氏曰书谓之中若书所谓咸中有庆小司寇所谓登中于天府蓋狱讼至于中则无不当焉○王昭禹曰士师受中谓受其事实之书】

协日刑杀

郑司农曰协合也和也和合支干善日若今时望后利日【○贾氏曰子丑等是支甲乙等是干】○郑锷曰择其可杀之日然后行刑刑欲期无刑故择其支干皆利之日

肆之三曰

贾氏曰肆陈也杀讫陈尸【○郑司农曰语曰肆诸市朝春秋 曰三日弃疾请尸】○郑锷曰逮三日之久使人共知然后弃之【○王昭禹曰所以惩众】

若欲免之则王防其期

郑康成曰免犹赦也○刘执中曰死刑而欲免之用八议也○郑康成曰期谓乡士职听于朝司寇听之日王欲赦之则用此时亲往议之

陈及之曰县士以上三官皆云若欲免之则防其期夫人苟犯吾法既委之司寇且羣士司刑皆在议刺赦宥之已详而又欲免之亦不忍之心存焉耳虽然苟其罪不可赦亦从有司之议焉【○李嘉防曰一人有罪王与三公羣臣尽心协力以议其罪果不可免人亦何辞】

王氏详説曰王制有三宥文王世子三宥之外又有必赦书曰宥而不曰三宥又有所谓辟者焉乡士遂士县士则曰免而又不曰三宥又有所谓防其期者书为商顽民设也故曰宥不曰三宥又曰在辟文王世子为公族设也故又云走出致刑于甸人而又有必赦之语此不曰三宥者三宥已见于司刺矣若欲免之且防其期岂有不至三乎

大祭祀大丧纪大军旅大賓客则各掌其乡之禁令帅其属夹道而蹕

贾氏曰大祭祀若祭天四时迎气即于四郊大丧纪当葬所经道大军旅王出行所经过大賓客四方诸侯来朝各由方而入并过六乡路以是故各掌其鄉之禁令○郑康成曰属中士以下

王昭禹曰祭祀丧纪军旅賓客之大者与邦之大事大役掌其禁令而蹕则以狱官掌之欲无敢犯而其所掌则有尊卑故也

三公若有邦事则为之前驱而辟

贾氏曰三公有邦事湏亲自入乡则乡士为公作前驱引道而辟止行人【○郑锷曰使敬大臣】○王昭禹曰公卿大夫教治政事之所自出非刑官先而辟焉则有所不行故也

其丧亦如之

贾氏曰公卿大夫之丧死于此者及葬为之前驱而辟

凡国有大事则戮其犯命者

贾氏曰谓征伐田猎之大事故有犯命刑戮之事郑锷曰民虽乡官所治刑戮则在乡士○黄氏曰权时之法

遂士中士十有二人府六人史十有二人胥十有二人徒百有二十人

郑锷曰考遂士以中士十有二人为之先儒谓乡士主六乡之狱遂士主六遂之狱所以乡士使上士官尊而人少遂士使中士官卑而人多者六遂去王国远故官卑以六遂在远郊外兼主公邑地广人众故官多今考乡士之官虽用上士止于八人然又有中士十有六人又有旅下士三十有二人然则乡之官多于遂矣先儒殆弗深考

掌四郊

郑康成曰谓其地则距王城百里以外至二百里言掌四郊者此主四郊狱也六遂之狱在四郊【○贾氏曰亦若六乡地在王城外狱在城中○王氏曰所谓四郊非乡地所谓野非遂地盖公邑之在郊野者】

各掌其遂之民数而纠其戒令

郑康成曰遂士十二人言各者二人分主一遂○王氏曰乡士言纠戒之而遂士言纠其戒令者乡治详故乡士不特纠之而已又戒焉县遂治略无所戒也违其戒令则纠之而已

听其狱讼察其辞辩其狱讼异其死刑之罪而要之二旬而职听于朝

贾氏曰去王城渐远恐多枉滥故至二旬容其反覆也【○王氏曰乡士一旬而职听于朝谨用刑也遂士以二旬县士以三旬则远故也】

司寇听之断其狱弊其讼于朝羣士司刑皆在各丽其灋以议狱讼狱讼成士师受中协日就郊而刑杀各于其遂肆之三日

郑康成曰就郊而刑杀者遂士也遂士择刑杀日至其时往泄之如乡士为之矣○贾氏曰乡士狱在国中不湏言就此去郊差远故云就郊也六乡之狱并在国中不得言各六遂之狱分在四郊之外故湏言各也

若欲免之则王令三公防其期

郑康成曰令犹命也王欲赦之则用遂士职听之时命三公往议之○王昭禹曰乡之狱则王亲防之遂之狱则王令三公防之县之狱则王令六卿防之所以听而议之以远近为之差也

王氏曰士师为王前驱乡士为三公前驱遂士为六卿前驱县士为大夫前驱今乡士以王防其期遂士以三公防其期县士以六卿防其期至于大夫则不复防其期此所防之期以尊者为先可知矣

若邦有大事聚众庶则各掌其遂之禁令帅其属而辟黄氏曰大事即大祭祀大丧纪大军旅大賓客也乡举其目遂举其凡不必言王所亲也邦之大事遂未必尽与政令及之则聚其众庶遂士掌其禁令【○贾氏曰四郊之外无大祭祀大丧纪惟有大军旅大賓客出入所经二者有聚众庶之事故總云大事聚众庶耳】贾氏曰此虽不言夹道亦当夹道辟也

六卿若有邦事则为之前驱而辟其丧亦如之

贾氏曰六乡近则使三公六遂差遠使六卿

凡郊有大事则戮其犯命者

黄氏曰其事在郊有犯命者遂士專戮之遂狱在郊也

县士中士三十有二人府八人史十有六人胥十有六人徒百有六十人

黄氏曰县士所掌野狱自三百里至五百里稍县都之余邑王自使人治之者也家都之狱方士治之稍不为家县都则为余邑其狱县士治之谓之县士乡法成于州野法成于县稍县都余邑皆行县法如遂總称之曰野各掌其县之民数合稍县都之余邑分为三十二而各主其民数也康成之說是

掌野

王氏详說曰乡士上士八人郑氏以为四人分主三乡是二分治其六乡之狱遂士中士十二人郑氏以为二人分主一遂是六分治其六遂之狱县士中士三十二人贾氏以为三百里之稍地地狭人寡以十人治其公邑之狱四百里之县地五百里之都地地广人多以二十二人分治公邑之狱方士十有六人郑氏以为四人主一方是四人分治其三等采地之狱然县士之說贾氏失之贾氏亦本郑氏之意而为是說也县之名不一而足大司徒四甸为县是二十里之县也遂人五鄙为县是二千五百家之县也载师小都之田任县地是四百里之县也县师掌邦国都鄙稍甸郊里之地域夫外而邦国内而郊里系之县师者是天下亦得谓之县也中而都鄙稍甸系之县师者是四等公邑亦得谓之县也乡士掌乡狱遂士掌遂狱方士掌采地之狱则知县士掌四等公邑之狱矣惟六乡无公邑之田自遂达畿自二百里至五百里而公邑之田在是矣先郑乡士遂士之說谓百里二百里与后郑同而以三百里至四百里为县非也以四百里至五百里为方亦非也后郑乡遂县方之說最合于经但以距王城二百里以外至三百里曰野三百里以外至四百里曰县四百里以外至五百里曰都为都县野之狱焉其意以为四等公邑而二百里之甸所有公邑之狱遂士兼之故止于三等公邑也殊不知遂士之不可兼治公邑犹乡之不可兼治六遂况县士三十有二人则是以八人主一等公邑是四分治公邑之狱设官之数岂不晓然乎郑氏得之于县师而失之于县士学者所未喻

各掌其县之民数

贾氏曰序官县士三十二人县狱既有三处蓋三百里地狭人少当十人四百里五百里地广民多当各十一人故云各掌

纠其戒令而听其狱讼察其辞辩其狱讼异其死刑之罪而要之三旬而职听于朝

贾氏曰去王又遠故加至三旬○林椅曰乡遂县士纠其民数而戒之当其未犯有司之时其明于五刑以弼五教之意至矣所谓民讼以地比正之蓋有狱讼则乡遂都家之长同听之丽于刑则归之士

司寇听之断其狱弊其讼于朝羣士司刑皆在各丽其灋以议狱讼狱讼成士师受中协日刑杀各就其县肆之三曰

郑康成曰刑杀各就其县者亦谓县士也

若欲免之则王命六卿防其期

郑康成曰期亦谓县士职听之时○贾氏曰以其差遠不使三公

若邦有大役聚众庶则各掌其县之禁令若大夫有邦事则为之前驱而辟其丧亦如之

贾氏曰直言大役不言大事又不言帅属而辟则非王行征伐之事谓起大役使民众故直言各掌县之禁令而已○黄氏曰自稍以往惟共邦役

凡野有大事则戮其犯命者

郑康成曰野距王城二百里以外及县都○黄氏曰野有大事谓其事在野者

方士中士十有六人府八人史十有六人胥十有六人徒百有六十人

易氏曰掌都家之狱讼者谓之都士家士狱讼成则告于方土方士掌都家亦以都家在王畿之四方故也

掌都家

郑康成曰都王子弟及公卿之采地家大夫之采地大都在疆地小都在县地家邑在稍地○贾氏曰县士自掌三等公邑之狱方士自掌三等采地之狱且县士亲掌之若方士遥掌之采地自有都家之士掌狱有事上于方士耳

听其狱讼之辞辨其死刑之罪而要之三月而上狱讼于国

易氏曰听都士家士所告之辞又辨其一死四刑轻重之书言上于国而不言听于朝盖乡士遂士县士自以其职而列于九棘下故曰职听于朝方士掌都家不必职听上狱讼于国而已○王昭禹曰三月而后上于国者则以其所掌又遽其待之又宜久也郑康成曰三月乃上要者又变朝言国以其自有君异之【○贾氏曰异之谓异于乡遂县士等】

司寇听其成于朝羣士司刑皆在各丽其灋以议狱讼郑康成曰成平也【○郑司农曰春秋曰晋邢侯与雍子争鄱田久而无成】○贾氏曰上三处言司寇听之此独云听其成成谓采地之士所平断文书亦异于上也

狱讼成士师受中

王氏曰又言狱讼成前所谓成都家听断之成也后所谓成司寇羣士司刑听议之成也

书其刑杀之成与其听狱讼者

郑康成曰都家之吏自协日刑杀但书其成与治狱之吏姓名备反覆有失实者【○王昭禹曰书其刑杀之成则知其所犯之罪书其听狱讼者则知其听狱讼之人先王欲其狱成而孚输而孚者】○黄氏曰书其成以与都家之听狱讼者盖都士家士也

凡都家之大事聚众庶则各掌其方之禁令

郑康成曰方士十六人言各掌其方者四人而主一方也其方以王之事动众则为班禁令焉

以时脩其县灋若岁终则省之而诛赏焉

郑康成曰县法县师之职也其职掌邦国都鄙稍甸郊野之地域而辨其夫家人民田莱之数及其六畜车辇之稽方士以四时脩此法岁终又省之则与掌民数亦相近【○黄氏曰县法即甸法也后郑谓县师之法是也都鄙比法小司徒掌之此独省其治野法然则都鄙有乡有遂可知都家各有主者使方士省之因其聚众庶掌禁令故使掌修其法犹馭众也】

【刘迎曰县法司寇所县象魏之法自挟日既斂之后方士以时修之至岁终则省其功过而诛赏焉以待来岁之再县耳先儒乃谓修县师之法夫县师地官之属所掌不过邦国甸稍郊里之地域与方士之士治了无干豫况方士掌公卿王子弟采地之刑凡有罪则书其刑之成于国此正县象魏之法也非以为县师五百里恐民之久而易犯故以时修之至岁终而行诛赏也先儒误以县为县又以为县师之法亦已妄矣】○郑锷曰彼既不属乡遂虑其法易以废壤岁终将巡省之以行诛赏则不可不以时使之脩也

凡都家之士所上治则主之

易氏曰都士家士上所治之狱方士主之以上于国○黄氏曰都家后郑說是言民不纯属王非司徒教法颁之于邦国都鄙使之各以教其所治民教之不至而入于罪戾治之者当任其咎故其民数其长各主之独上其狱讼于国而羣士议法则冢宰所谓刑以馭其威畿内当有统也○又曰罪与法疑而讞者也诂士四方之有治于士者郑谓之讞此乃谓之小事不附罪何耶

诂士中士八人府四人史八人胥八人徒八十人黄氏曰案其职邦有賓客则与行人送逆之故郑遂以为逆逆之逆与掌逆同掌逆固为逆賓客也诂士狱官而送逆賓客者蓋有前驱辟蹕与司寇以下分其事賓客自外至则使诂士主之至其称诂士者本为迎受四方之狱云尔【○李嘉防曰诂迎也王氏易氏皆云以言逆人谓之诂有賓客与行人逆逆则诂也而掌诸侯之狱者罪刑所当谕乱狱当往成亦以言为上也然大体以迎候防衛賓客为急读誓命及五禁亦言也】

掌四方之狱讼

郑司农曰四方诸侯之狱讼

谕罪刑于邦国

郑锷曰谕其所坐之罪与王朝行刑之意于邦国使四方知王朝所以断此事者意如此也【○黄氏曰罪疑于重轻法疑于进退则皆谕之○刘执中曰非其民之狱讼故曰谕罪刑于邦国】

凡四方之有治于士者造焉

郑锷曰四方狱事有疑者来治于王朝之士师则先造于诂士诂士乃为之通于士师使其事无不达

四方有乱狱则往而成之

郑锷曰乱狱其国之臣下干名犯分彼内自乱无自致其事以上达之理则奉王命以往而成之谓断定其非常之罪【○郑康成曰往而成之犹吕步舒使治淮南狱】○王昭禹曰成者使两议皆成而莫之亏也

邦有賓客则与行人送逆之入于国则为之前驱而辟野亦如之居馆则帅其属而为之蹕

郑康成曰送逆谓始来及去也○郑锷曰邦有賓客至则与行人之官送逆之行人掌其礼而诂士治其刑使人畏也賓入国为之前驱而辟在野亦然以刑先焉使人不暴客也客已入馆则环其外而蹕止行人【○易氏曰行人以礼言诂士以刑言刑以肃其礼而已】

诛戮暴客者

王昭禹曰客者国之所礼而暴客则刑之所取也故诛戮之

客出入则道之有治则賛之

郑康成曰出入谓朝覲于王时也春秋 曰晋侯受防以出出入三覲○郑锷曰客之出入恐人得而犯故道而引之有事当治于王朝则賛而相之此所以名官曰诒

凡邦之大事聚众庶则读其誓禁

贾氏曰大事者自是在国征伐之等聚众庶非诸侯之事则诒士读其誓命之辞及五禁之法【○王昭禹曰誓禁之所施诒士读之而已非掌之也必使诒士者犯誓禁则施刑故也】

周礼订义卷六十一

卷六十二

钦定四库全书

周礼订义卷六十二 宋 王与之 撰

朝士中士六人府三人史六人胥六人徒六十人贾氏曰其职掌外朝之法左右九棘之事主询众庶谏疑狱故属秋官

掌建邦外朝之灋

郑锷曰天子有三朝一曰治朝司士所掌是也二曰内朝大仆所掌是也三曰外朝朝士掌之其官谓之朝士盖天子五门外曰皐门二曰雉门三曰库门四曰应门五曰路门外朝在库门外嫌其非朝故名官特曰朝士法立则位正而仪肃然后君臣上下可以议狱断讼于此矣或谓宰夫掌治朝之法不言建司士正朝仪之位大仆王眡燕朝则正位而不言建其法独朝士言掌建邦外朝之法何耶盖治朝乃日日所视之朝其法素明不待建而后立燕朝大仆正王之服位而诏其法仪亦不待建也惟外朝聚众庶凡厥臣民咸造王庭事非常有欲其勿防尤虑其体之不严此外朝之法所以特谓之建焉○王昭禹曰外朝询众庶听狱讼之朝其位有左右有前后不得以相逾越所谓法也○易氏曰朝士掌建邦外朝之法而小司寇掌外朝之政者政所以正其法者也小司寇主于询天下之政故其位止于公卿大夫庶民而已若朝士专掌外朝之法则诸侯以至羣士羣吏咸在焉欲肃其仪所以必建其法

左九棘孤卿大夫位焉羣士在其后右九棘公侯伯子男位焉羣吏在其后面三槐三公位焉州长众庶在其后

郑锷曰左右皆植九棘者三孤六卿其数九公侯伯子男其服九棘之为物其心赤其刺外向其华白欲孤卿诸侯忠赤诚实以事上而以洁白为义又欲其外示威仪使人无敢犯也槐数三者上公三人也槐之为物其华黄其实 其文在中坤大臣之位以黄裳为元吉故取其黄论道佐王欲其入道之妙故取其 陰虽有美含之以从王事无成而代有终故有取于文在其中○易氏曰孤卿大夫待之以臣道故列其位于九棘之左公侯伯子男待之以賓道故列其位于九棘之右【○李嘉防曰孤卿诸侯蕃卫王室故居左右○郑锷曰賓主之礼左为主右为客公侯伯子男其爵虽尊有为君之道入在王朝则宜以王人为先列公卿大夫于左则左为主矣羣士亦在左焉左之所以尊之也羣吏乃在乎右右之以见其卑尔】三公北面则以答王为义故列其位于三槐之前以至羣吏州长众庶之徒皆所以断庶民狱讼之中故亦各以位序而列于后所谓外朝之法其严盖如此○郑锷曰或谓自士师以下名曰士者皆羣士也或以谓上士中士下士之總名羣吏则府史胥徒是也众庶则六乡之民是也三公面王为最尊矣乃使州长帅六乡之民在其后亦得同三公之尊何耶盖外朝之设正为询众庶也王将询之则三公引之以前而正王面王得以亲问焉其在三公之后宜矣以乡老观之二乡

则公一人公在前而众庶从其后亦其宜也独使州长帅之蓋其平日属民读法而劝戒之有素民所听从而不敢拂者也若夫羣士在孤卿大夫之后者乃上士中士下士而非士师以下之官明矣王朝之官上有孤卿大夫下有元士是其常也安有士师得预其后而元士反不在列之理元士在孤卿大夫之后则府史胥徒在诸侯之后亦其理也○易氏曰诸侯羣臣之并列于位者外朝之法断狱弊讼于九棘之下者外朝之位初不必诸侯羣臣之咸集而后听之也【○黄氏曰外朝询民讯狱诸侯适来朝则与焉小司寇羣臣西面询讯不必备诸侯也适来朝则其位在此询讯及之与羣臣为一等欵】

總论

陈君举曰内重外轻之患自古然矣滕薛两君争长于鲁滕侯曰我周之卜正卜正无足道焉者而夸大言之五叔无官则蔡不得以高年先衛人情重内虽圣人不能御此周人所以汲汲致意也外朝之法以王官位左棘之下以诸侯位右棘之下使若敌然不以朝廷临寰外至于賓射则诸侯在朝与三公皆北面虽朝士位着有不设者矣至于燕则诸侯以齿叙虽射人之位着有不设者矣至于飧唯诸侯具十有二牢而诸侯之长独得用十有再献是则王礼之数何其过厚也又不徒为是文具止也典命之法虽天子之三公母过八命而九命必以待州伯卿大夫苟出封也皆加一等攷之于 蔡仲周公之卿士也而封蔡虞遏父为陶正而封陈亦甚宠矣宣王之时申伯徂申韩侯徂韩为之赋诗悦其就国之意抚绥慰劳及其私人及其诸娣而雅颂诸诗自鹿鸣至彤弓自臣工至有客皆为下国来者作也夫然后内外之势一而士无觖望所谓不泄迹不忘远者如此若夫王臣过国君则三公眡上公之礼卿眡侯伯之礼大夫眡子男之礼士眡诸侯卿之礼庶子壹眡其大夫之礼皆以爵为差蓋卿不得逾上公大夫不得逾诸侯伯孔子作春秋王人虽防必序乎诸侯之上始不以爵为差凡以尊王非周之旧典也

左嘉石平罢民焉右肺石达穷民焉

王昭禹曰地道尊右而卑左嘉石必在外朝之左者卑之而示其辱焉肺石必在外朝之右者佑之而欲其伸也【○项氏曰左嘉石抑罢民也右肺石伸穷民也平者平治之平也○李嘉防曰人之有病欲平安物平则安安则和也】

郑锷曰或谓嘉石与肺石其一以耻罢倦不能自强之人其一以通下情使穷困无告之民得以上达必设于外朝者蓋自雉门而内则有禁其出入者矣惟外朝得入而至焉庶使坐者有耻于其类穷者得至而无壅遏也

帅其属而以鞭呼趋且辟禁慢朝错立族谈者

贾氏曰帅其属当是徒六十人为之○郑康成曰趋朝辟行人执鞭以威之【○王氏曰以鞭呼趋则呼朝者使趋戒以肃也辟则使人避焉】慢朝谓临朝不肃敬也错立族谈违其位僭语也○郑锷曰野众庶羣至于外朝之地则有路塞而不知避所尊者矣必示以威乃知畏也

彼其生长于田野之间不知有朝仪则慢而不敬矣未尝有班序之列不知所当立之地则错而不定矣未尝识朝廷之人则就其族类相与私语而谈时事矣不有以禁之于未然至其有犯而加诛焉岂忍为之哉此所以帅其属执鞭以威之又从而辟之又从而禁之也易氏曰王朝有三皆所以聽政此言外朝之政特详于治朝燕朝蓋不特诸侯羣臣之咸在虽州长众庶与夫穷民罢民之类皆得羣至于左右前后之列其可忽乎朝士以鞭呼趋则呼朝者之趋于位也且为之辟则使人避焉而止其位也位定然后为之禁其慢朝者错立者族谈者尊君故也

陈及之曰朝士司寇之属蓋法官也而掌朝仪位着蓋法官佐司寇议狱讼诘邦国刑四方其风采足以肃百僚振纪纲以之典朝仪则可以仪刑百辟矣汉时御史中丞外总部刺史内领侍御史举劾百官自丞相以下举法无所避每朝防则禁弹不肃者亦先王旧制哉

凡得获货贿人民六畜者委于朝告于士旬而举之大者公之小者庶民私之

王昭禹曰彼失而我有之之谓得伺度而得之之谓获【○郑康成曰俘而取之曰获】故易曰得难曰获左 所谓得器曰得得人曰获春秋书获麟得宝玉大弓凡此皆难易之辨○易氏曰古者建国面朝后市市近利而朝近义惟义可以正天下之利蓋人民有常业而或至于亡逸者【○郑锷曰谓奴婢之逃亡者或幼小童穉不能自言其所在者】货贿六畜有常守而或至于遗失者于是凡得获者则委于听狱讼之朝告于议讼之士而不敢私焉以待其人而反之不使人之见利而忘义也至于旬亦既久矣物不可反亦不可弃于是举之大者入于公小者归于庶民之私是又以上下轻重而制其义也若司市言得货贿六畜者三日而举之与此异者市民之所集其亡易得其求宜速故三日而举若外朝之所委则求者或遠亡不易得待之宜缓故必至于旬而后举各当于义而已【○郑锷曰外朝人所罕至故必十日而后举市之所举者不以予民而尽以入官以其物人之所自失非得者之功此大者公之小者与民亦以劳其能得获之效不忘人功之意也】

凡士之治有期曰国中一旬郊二旬野三旬都三月邦国期期內之治听期外不听

黄氏曰凡士谓自乡士已下治谓狱有过误各以其期理于朝则听之

郑锷曰外朝正为听断狱讼耳苟不为之期非所当听者亦为之听欲使民无讼不可得也故立为期曰国中一旬谓乡士也郊二旬谓遂士也野三旬谓县士也邦国朞谓牙士也地有遠近故期有寬迫过期则不为受理所以省烦息讼也或谓外朝正以听讼逾期而不听无乃不能使民伸其枉乎不知事之抑而不直者彼固不能久安也若过期然后反覆是其变诈或生于意外又为之听则其证逮所及扰民多矣此其所以不听欤质人之官谓治质剂者国中一旬郊二旬野三旬都三月邦国朞外不听所以省市中之文书息民之好讼先王之治所以措于无事之域者蓋如此

凡有责者有判书以治则听

郑锷曰责如今之理欠也然必有判书可为证验则听其事判书谓两书一札一书所与之数一书所偿之数人各执其半者也苟无判书则不听小宰所谓听称责以傅别是也○刘执中曰所以养信而省讼○李嘉防曰以治者先经所属如乡遂县土而后致朝士由是而观亦不许越诉明矣

凡民同货财者令以国灋行之犯令者刑罚之

郑司农曰同货财谓合钱共贾者也○王昭禹曰司關曰凡货不出于關者举其货罚其人所谓国法也若二人同而一人犯令则并举其货财而刑罚施于犯令者一人而已【○郑康成曰谓同货财者富人畜积者多时收敛之乏时以国服之法出之虽有腾跃其赢不得过此以利出者与取者过此则罚之若今时加贵取息坐赃】

凡属责者以其地傅而听其辞

王昭禹曰属责谓以已之财属之于人而使责也○王氏曰以责属人必使有傅傅必有地着其相抵冒而讼以其地傅来乃为之听治属责而无傅有傅而无地着不知所在不可追证则弗听也【○李嘉会曰地傅者当土之人当时为傅别者若今牙保也属责于人有地傅为之证则听其辞而理之○黄氏曰属责以货财相委属而有逋逸侵货讼于官者犹以傅别之傅为名地傅盖五家相受所能共知】

【郑锷曰属字当为亲属以财相贷盖有不用判书而与之者及其有责而相讼不可以其所亲之人为证何则彼以亲故或不能无相容隐之情证其曲直或至于伤恩故于法亲不为证但以其地相傅近之人证之乃为之听其辞如地傅之人有不知其事实则不听矣○愚案黄郑二説俱通若参以小宰听称责以傅别之言不若黄李为平易】

黄氏曰有责治以判书同货行以国法属责听以地傅皆着听讼之法也皆细事也无不得上达则民情无壅矣然教化素行民讼简少畿外委之诸侯畿内委之家都朝士所治者甚寡朝廷虽尊而事势常与民接故其法可行非后世所能为也

凡盗贼军乡邑及家人杀之无罪

郑锷曰军谓屯为军旅以攻围人也盗贼或羣辈军屯于乡邑至于犯及家人其炽如此凡能杀之者皆无罪王安石乃以为攻围乡邑及家则人得杀之其意谓既围乡邑矣又及吾之私家故人杀之无罪然与下杀之无罪为不叶良由考之不详强为之説【○易氏曰专杀固圣人之所禁凡盗贼结集徒党已成军伍而害及乡邑及家人者苟禁其杀势将猖獗而不可御杀之无罪去天下之害也】

凡报仇讎者书于士杀之无罪

郑康成曰谓同国不相辟者将报之必先言于士○贾氏曰士即朝士也○郑锷曰报仇者必告于士已书于士而士得之则以刑而论其罪已书于士而士不得其人苟是人后自得而杀之则无罪谓已告于公故也许之以报仇讎所以伸人之私恩必使先告于公然后得以行其事所以杜人之专杀也既书于士矣及其既报则不论以罪盖非私杀也

若邦凶荒札丧寇戎之故则令邦国都家县鄙虑刑贬贾氏曰县鄙谓六遂不言六乡者举遂则乡在其中○刘迎曰刑之贬而以朝士虑之者盖凶荒札丧寇戎之际法不宽减则民滋不安而盗贼之变起正朝士所当虑而令邦国都家县鄙议刑贬也先儒以减用为虑贬朝士何与于减用哉

司民中士六人府三人史六人胥三人徒三十人林椅曰外朝有司民犹司土之在治朝○郑锷曰天子为天牧民则民者天子之所司官曰司民盖天子司其牧养之事司民司其多寡之数而登之耳○王氏详说曰天府云若祭天之司民司禄而献民数谷数则受而藏之祭之同其时掌之异其属司禄为地官之属固然矣司民不属地官而属秋官者秋官主刑圣人用刑本为好生耳【○陈君举曰司徒处繇役不时教化不至征赋不均则民犯法者众故于刑官中设司民之官知其多寡与司徒相关今户部刑部不相关】○薛平仲曰五刑皆戕民者也知所以爱其民则知所以谨其刑此司民所以列于司刑之上

掌登万民之数自生齿以上皆书于版辨其国中与其都鄙及其郊野异其男女岁登下其死生

郑康成曰登上也男八月女七月而生齿【○郑锷曰生齿则能食能食则成人户口之所始也】版今户籍也○贾氏曰国中据六乡在城中者都鄙据三等采地及其郊野者郊谓六乡之民在四郊者野谓六遂及四等公邑是徧畿内矣○郑锷曰不辨其国中都鄙郊野无以知其地之人数辨之使不相杂则其地之户口众寡皆可见不异其男女无以知其生之种类异之而各从其类则他日嫁娶之年高下皆可知也每岁有死者则下之有生者则登之以知其存没也【○吕氏曰案周官媒氏男女自成名以上皆书年月日名焉成名子生三月父名之也内则子生三月之末男角女羈以见于父父名之宰书曰某年某月某日生而藏之宰告闾史闾史书为二其一藏诸闾府其一献诸州史州史献诸州伯州伯命藏诸州府其制详密如此重民之生也秦始皇令男子书年此特恐民避征役耳岂有三代重民之意】

及三年大比以万民之数诏司寇司寇及孟冬祀司民之日献其数于王王拜受之登于天府

郑锷曰司寇刑官也宜无预于民数大比之年则以户口之数诏之何也以刑之繁简民之息耗系焉所以告之者使省刑而已司寇既得其数俟至孟冬祀天司民之日则献于王以为民之所以生者属乎天亦隐有神者相之而其权在王王能恤天之所生则已得以省刑矣司民天之星也王者以名官所以法之也小司寇孟冬祀司民献民数于王盖小司寇每岁祀司民则献每岁之数此则大比之岁于祀司民之时乃献三年之大数也○王氏详说曰司禄为文昌三台之第六星司民为轩辕角盖轩辕十七星两角有大民小民天文志所载明矣先郑以

司禄司民为文昌星何所经见○郑康成曰天府主祖庙之藏者【○孙氏曰天府受民数谷数之藏司寇献民数而不及谷数以图国用观之则谷数必与民数俱上司禄与司民亦同祭也盖民数自生齿以上俱登之不得谷数之实则国用亦无所稽矣】○贾氏曰王拜受之登于天府者重此民数民为邦本故也

内史司防冢宰贰之以賛王治

郑康成曰賛佐也○贾氏曰内史掌八柄司防掌天下大计冢宰贰王治事皆掌大事故皆写一通副贰民数藏之所以賛助王之治民也○郑锴曰内史司防冢宰贰之以见民非特王之事而为大臣者不可不任其责小司寇贰之以制国用此言贰之以賛王治者司寇刑官也民至于犯刑以其贫穷而抵冒尔故言制国用意欲使三官知为民富之术不至使之犯刑也司民掌民数之官耳民之贫而犯刑非已所得而知也以为民者王所当治民有登耗则为公卿大臣者当据是数佐王以治之使之繁庶而已故曰以賛王治【○易氏曰此言贰之以賛王治小司寇言贰之以制国用者盖财之丰耗出于民民之繁简系乎刑小司寇既敬刑以为生民之本故冢宰资之以制国用若司民专掌万民之数故泛言賛王治而已】

司刑中士二人府一人史二人胥二人徒二十人郑锴曰刑者民命所系大小司寇司之而士师以下行之非中士二人所独得而私也名曰司刑者使掌五刑之书

掌五刑之灋以丽万民之罪墨罪五百劓罪五百宫罪五百刖罪五百杀罪五百

郑锴曰刑当与罪相应掌其刑书于此因其罪而附丽之则国法不滥而民亦无冤矣五刑之属二千五百其至轻者墨刑也劓重于墨宫重于劓刖重于宫○郑康成曰墨黥也先刻其面以墨窒之劓截其鼻也今东西夷或以墨劓为俗古刑人亡逃者之世类与宫者丈夫则割其势女子闭于宫中若今宦男女也刖断足也周改腓作刖杀死刑也书 曰决闕梁逾城郭而略盗者其刑腓男女不以义交者其刑宫触易君命革輿服制度奸宄盗攘伤人者其刑劓非事而事之出入不以道义而诵不详之辞者其刑墨降畔寇贼刼略夺攘拏防者其刑死此二千五百罪之目略也其刑书则亡夏刑大辟二百腓辟三百宫辟五百劓墨各千周则变焉所谓刑罚世轻世重也王氏详説曰此言掌五刑之法案左 文十八年季文子曰昔周公作誓命曰在九刑不忘郑氏以正刑五流宥鞭扑赎刑之四者为九刑贾服以为五刑一与八议为九刑二説皆非也从郑氏之説则是虞舜之世已有九刑矣不必周公时也从贾服之説则八议非刑矣况五刑之外不止八议如士师之五禁五戒司刺之三刺三宥三赦如大司徒之乡八刑大司寇之三典与夫纠万民之五刑又非墨劓刖宫大辟之五刑果若是刑与司刑之五刑又不止于九刑也且以叔向之言明之叔向云夏有乱政而作禹刑商有乱政而作汤刑周有乱政而作九刑三辟之兴皆叔世也九当为甫声之误也既曰禹刑汤刑以当代名其刑则穆王训夏赎刑作吕刑即甫刑也甫声讹为九也明矣周之甫刑与周公之五刑自不同周公之五刑其属二千五百大辟小辟每刑各五百也穆王之甫刑其属三千又以五等轻重而为属之多寡轻者属多如墨劓之属各千是也重者属少如宫属三百大辟之属二百是已则是周公之重刑入重而穆王之重刑入轻矣又况穆王之刑赎刑也训夏后氏之肉辟三千而作

世轻世重其是之谓欤【○陈及之曰春秋 晋叔向曰周有乱政而作九刑然则司刑五刑之属凡二千五百非周公之旧典其九刑之书乎穆王训夏作吕刑五刑之属凡三千而大辟二百而已今杀罪至五百比穆王为又重然则九刑又穆王后所修律令欤虽然司刑所掌五刑而已其四刑安在盖五刑者皆肉刑也而司刑掌之若夫男子入于罪隸女子入于舂槩见于司厉敢不闕鞭五百见于条狼氏金罚货罚见于司金皆轻刑也与五刑并为九耳其详不可得闻也班孟坚谓司刑之属二千五百为中典吕刑之属三千为重典以中典为成周之制以重典为穆王之刑非矣周公之制安有刑书其杀罪至五百安在为中典也孔子曰五刑之属三千其罪莫大于不孝以司刑二千五百为周公之刑则孔子不应舍周公而称穆王之制矣二千五百之刑决穆王后所修律令无疑矣使周公果有刑书而叔向不应曰三辟之兴皆叔世也书序谓穆王训夏赎刑作吕刑今以周礼考之自有金罚即赎刑盖又承穆王之制耳穆王训夏赎刑而不言其先世则周公无刑书明矣有罪而赎亦非周公之旧矣世清则刑轻世乱则刑重自汉以后及今皆然岂有周公之际轻刑少而重刑多穆王之际轻刑多而重刑少耶汉儒所言皆未达也】

林椅曰先王议事以制不为刑辟然司刑五刑之属各五百则三刺三宥八议之余不必尽用也

若司寇断狱弊讼则以五刑之灋诏刑罚而以辨罪之轻重

郑锷曰若司寇断狱弊讼之时则执五刑之法往而诏之以刑罚之等而以辨人罪之轻重使轻不至于失其罪重不至于滥无辜一以书为断而已用刑书如伯州犁之欲上下其手张汤之欲轻重其心胡可得哉【○王昭禹曰以五刑之法诏刑罚所谓惟察惟法其审克之也而以辨罪轻重所谓上下比罪上刑适轻下服下刑适重上服也】

周礼订义卷六十二

卷六十三

<经部,礼类,周礼之属,周礼订义

钦定四库全书

周礼订义卷六十三 宋 王与之 撰

司刺下士二人府一人史二人徒四人

刘迎曰名官司刺而掌三刺三宥三赦刺盖刺举之刺也刺史谓之刺以其掌刺举故耳讯羣臣谓之刺讯羣吏讯万民亦谓之刺既曰讯矣而又曰刺犹三覆五覆而问之讯其果无罪则刺举于上而行赦宥也【○李嘉防曰小司寇既有三刺三宥司刺加以三赦而以刺名官专主刺取人情之当否而后施上下所服之刑虽曰下士二人圣人审刑之意详矣】

掌三刺三宥三赦之灋以赞司寇听狱讼

郑锷曰刺取其实然后杀之无愧矣【○黄氏曰其罪已正臣吏民皆以为当杀则杀之故谓之三刺以刺名官以讯为职先王之意可见康成言讯而有罪则杀之非也】○郑康成曰宥寛也赦舍也

王昭禹曰人之犯罪重者有至于杀故有三刺之法其罪有被之以五刑为已重加之鞭扑为已轻则宥以寛之故有三宥之法至于其情可矜而五刑疑于无罪则从而赦之故有三赦之法此三者皆有法而所谓法者内以求民情外以断民中而已司刺以是法赞司寇听狱讼也小司寇所谓以三刺断庶民狱讼之中以至于听民之所刺宥以施上服下服之刑是也司寇不言赦言刺宥则赦可知矣舜典言钦恤五刑先眚灾肆赦而后怙终贼刑先轻而后重所以示上有好生之德周官司刺先三刺而后三宥三赦先重而后轻所以示有司执法之坚上有好生之仁则知所以恤民焉有司有执法之坚则民莫之敢犯仁之至义之尽也

壹刺日讯羣臣再刺日讯羣吏三刺日讯万民

刘执中曰讯问也掌以司寇已成之狱讼问于众人○郑锷曰先王非有心于用刑大抵以赦宥为心三刺一则先讯羣臣询诸公卿之尊者也二则讯羣吏询诸府史之卑者也以为左右及诸大夫皆曰可杀为未足信三则讯万民万民以为可杀然后杀之故曰国人杀之也

壹宥曰不识再宥曰过失三宥曰遗忘

郑司农曰不识谓愚民无所识则宥之【○黄氏曰谓不知其义者也汲黯曰愚民安知市买

长安中而文吏绳以为阑出财物如边關乎】过失若今律过失杀人不坐死【○郑康成曰若举刃欲斫伐而轂中人者】○郑康成曰遗忘若间帷薄忘有在焉而以兵矢投射之【○王昭禹曰若律在宫殿中作罢而不出之类也】○郑锷曰罪虽可刺又以三宥之法求以寬之岂其人之所不知识乎岂其人之过误乎岂其人之遗失偶忘之乎

壹赦曰防弱再赦曰老耄三赦曰憊愚

王昭禹曰防弱则防而又弱也记所谓七年曰悼是也【○郑锷曰防弱者安得犯刑意其连坐之人尤为可悯故一赦则先之】老耄则老而又耄也记所谓八十九十曰耄是也【○郑司农曰防弱老耄若今时律令年未滿八歲八十以上非手杀人他皆不坐】○郑锷曰憊者痴騃而不辨菽麦之人也憊而又愚则无知甚矣故亦可赦然比老耄又宜次之○王氏曰防而不弱老而不耄愚而非憊则不在所赦○贾氏曰三赦与前三宥所以异者上三宥不识过失遗忘非是故心过误所作虽非故为比三赦为重据今仍使出赎此三赦之等比上为轻全赦无赎

李氏曰古之所谓赦宥如斯而已大赦之与郊赦自汉唐以来见之【○胡氏曰舜典口眚灾肆赦易于解封曰君子以赦过宥罪吕刑曰五刑之疑有赦五罚之疑有赦周官司刺三赦三宥止及于此未闻肆大眚也大眚皆肆则废天讨亏国典纵有罪虐无辜恶人得以幸免春秋肆大眚讥失刑也】

以此三灋者求民情断民中而施上服下服之罪然后刑杀

王昭禹曰以此三法者求民情断民中则情尽于内而辞孚于外矣情重者上服情轻者下服或刑或杀各得其罪而无疑也【○郑康成曰上服杀与墨劓下服宫刖也司约职曰其不信者服墨刑凡行刑必先规识所刑之处乃后行之】

司约下士二人府一人史二人徒四人

郑康成曰约言语之约束○薛平仲曰或以司约司盟非盛世之事遂因以疑周官之书风气之开久矣使天下或私相为约私相为盟以纷纷于下孰若设官于上以司之使不可逾乎盟约不逾则狱讼可息狱讼可息则刑法可措甚矣先王之不得已也

掌邦国及万民之约剂

郑康成曰六约者诸侯以下至于民皆有焉剂谓券书也○郑锷曰约者以言而书其约者以剂剂如质剂之剂盖两书一札同而别之买卖之约长曰质短曰剂此则名曰约剂盖亦两书一札也先王之于臣民以为一时之言虽相与以无疑万世之后或无所质证故为之约而设官以司之

治神之约为上

易氏曰六者大约剂也其中又有轻重存焉○郑康成曰治者理其相抵冒上下之差○刘迎曰神约若盟诅载誓是也【○刘执中曰谓先王创有基祚必因辅佐之功若文王之周公召公武王之太公皆封之大国约以子孙百世与周无疆者也其人虽亡其神犹在七世之庙亲尽而犹可迁其约不可渝焉】

【易氏曰宗庙有位山川有域有社稷之壇有五祀之次所以祀神者不待约矣至于非其所祀而命之祀则书其所以命之者以为约若鲁用郊禘之类是也】

治民之约次之

刘迎曰民约若诰誓训祝是也郑以征税迁移仇讎既和为民约非【○易氏曰分乡以寓军制邑以授农以旌节而辨迁徙以萃逋逋为显戮所以容民者不待约矣至于非其所当有而分以授之则书其所以分之者以为约若分卫以殷民七族分鲁以殷民六族分唐叔以懷姓九宗是也】

治地之约次之

刘迎曰地约则传别契券之属郑以经界所至田莱之比为地约非

【郑锷曰若昭九年周甘人与晋间嘉争阎田王使詹桓伯言吾东西南北之土何迓封之有定四年载衛取于有阎之土以共王取于相土之东以防王之东搜之类】

【刘执中曰谓公侯伯子男所封之土各有定制而封疆之存不可以大而侵小用强以陵弱吞并其地也】

治功之约次之

刘迎曰功约则铭誓带砺之属郑以王功国功之爵赏为功约非【○黄氏曰功约水土之功郑下注讼约引春秋将城成周宋仲几不受功即此功也今民间受沟洫桥梁先后小大之差亦有约但其事固不可指状而大防如此】

愚案功约不必专为水土如勲在王室藏于盟府也

治器之约次之

郑康成曰器约谓礼乐吉凶车服所得用也【○郑锷曰如鲁得用四代之服器六瑚四琫崇牙八鬯之类○刘执中曰谓若诸侯之有勲劳则赐之弓矢斧钺俾专征伐者后世不可以渝

之也】

治摯之约次之

项氏曰摯约谓玉帛禽鸟相往来凡防姻之属也若公孙黑使强委禽焉【○刘执中曰治摯之约谓若五玉三帛二生一死贄先王以之叙诸侯分贵贱莫不依其爵禄高下以为之贄也】

郑锴曰自神而民自地而功曰器曰摯上许之下承之或为上或为次以事之大小轻重为次序耳【○易氏曰即大以推小万民之约剂亦可知矣】

王氏曰凡此诸治皆有许与之约焉不信而讼则司约掌之

凡大约剂书于宗彝小约剂书于丹图

郑康成曰大约剂邦国约也书于宗庙之六彝欲神监焉小约剂万民约也丹图未闻或有雕器簠簋之属有图象者与春秋传曰斐豹隸也着于丹书今俗语有铁券丹书此岂旧典之遗言【○王昭禹曰自治神至治摯其事皆有大有小大则书于宗彝盟诸鬼神示无疑也小则书于丹图丹图以书之而其色则丹示其宣布着尽而无隐昧也】

刘迎曰约剂之设信之不足故也此所以书于宗彝丹图

若有讼者则珥而辟藏其不信者服墨刑

郑康成曰讼讼约若宋仲几薛宰者也○郑锴曰如诸侯万民有因此而讼者当用旧约剂以质证之故为之珥而辟藏视诸故府也珥者杀鸡取血以衅涂其户所以祓去不祥也【○郑康成曰珥读曰岬○贾氏曰谓争约剂不决者则以血涂户乃开辟其户以出本约剂之书勘之○王氏曰珥而辟藏重其事也】已见故府之文而尚不信则昏墨甚矣故服墨刑以示其昏墨无识之意

若大乱则六官辟藏其不信者杀

王昭禹曰有讼则辨讼而已大乱则僭忒而变先王之政刑○郑康成曰六官辟藏明罪大也六官初受盟约之贰○郑锴曰大史言约剂乱则辟法不信者刑之但其约之差错而已故言辟法而刑其不信者此则为大乱而辟藏非特约剂之乱而已僭礼犯分为乱已大不可不杀也

司盟下士二人府一人史二人徒四人

郑康成曰盟以约辞告神杀牲防血明着其信也曲礼曰涖牲曰盟

郑锷曰说者见春秋书盟谓为衰世之事其说出于礼记所谓盟诅不及三王也考之书载苗民罔中于信以覆诅盟则五帝之世已有是事第苗民覆之故数之以为罪也诗云君子屡盟乱是用长非谓不可盟谓其盟之屡而无信学者不察以周官太平之书胡为玉府有珠盘玉敦之事戎右有贄牛耳桃茢之文于此又设司盟之官遂信何休战国阴谋之说不考之于诗书尔古者结绳足以示信盟诅虽有而未必用去古稍逖淳厚一散世未尝皆君子而无小人皆善良而无嵬琐此司盟之官所由设【○王昭禹曰世之治也人以心相与家以诚相示知畏于神而不敢欺也知敬于神而不敢慢也先王因其有畏敬鬼神之心而躬信畏以先之而因以覆诅盟为大戮至其成俗则盟邦国之不协焉万民之犯命而诅其不信者有狱讼者使之盟诅弭乱息争岂小补哉】

掌盟载之灋

郑康成曰载盟辞也盟者书其辞于防杀牲取血坎其牲加书于上而埋之谓之载书春秋传曰宋寺人惠墙伊戾坎用牲加书为世子痤与楚客盟【○易氏曰以法行之谓之盟载之法盟而加之以约又谓之盟约之载】

凡邦国有疑会同则掌其盟约之载及其礼义

郑康成曰有疑不协也○郑锷曰此谓合诸侯而盟将与之有所作为而未知其心之同否此所以有疑必有防同防同必有盟盟则司盟掌其法与礼义焉○王昭禹曰礼其物义其容也

北面诏明神

郑康成曰明神神之明察者谓日月山川也觐礼加方明于坛上所以依之也○郑锷曰神之明者吉凶祸福必审神向幽以神为幽而南面人将告幽故北面也诏之者使神察背盟之人是诛是殛也【○郑康成曰诏之者读其载书以告之也】

王昭禹曰幽则质诸神而盟者神之所为也明则证诸人而约者人之所为也盟诸神约诸人所以结信之道

既盟则贰之

郑锷曰左传襄十一年载亳盟之文甚悉而可考已盟则司盟藏其贰盖诸侯各受其盟誓之辞而此有副贰以为异日之证

王昭禹曰其正则藏于天府司盟则藏其贰也大司寇曰大史内史司防及六官皆受其贰而藏之则藏其贰者非特司盟而已

盟万民之犯命者诅其不信者亦如之

郑锷曰此谓合万民而盟民有犯禁令者既待之以刑矣又虑有敢效而为之者于是盟其犯分之人盖与共盟戒以无或如彼犯命者所为也左传鲁人盟臧纆曰无或如臧纆犯门斩闕以出是其类也万民有不信者谓向已结言而今背之无复信义则与众共诅之诅者詈之以言欲使背信之人必防其祸也盟与诅异盟者戒其未然诅者惩其已往左传郑伯使卒出豶豚行出犬鸡以诅射颍考叔者谓已射之后故追诅之也盟诅虽异礼仪皆北面以诏明神故曰亦如之

【黄氏曰犯命不信皆当刑郑引臧纆斩闕罪当连坐而众不可施刑故乃盟臧纆氏又引诅射颍考叔者射考叔当坐而子都谪以避罪庄公不能正其罪故诅之狱讼覆情匿诈无质证不可推究者多矣雀角防牙非召公之明安能听之是故株连则恐其枉故为盟诅以止之诗苏公刺暴公之语曰出此三物以诅尔是盖耻格之风犹在不敢自欺其心敬畏昭明故其事可行也苗民罔中于信以覆诅盟则以乱济乱而已左丘明论郑事曰政以正民刑以止邪邪而诅之将何益哉反诸本之谓也】

王昭禹曰邦国有疑防同掌其盟约之载者贵者之盟也盟万民之犯命者诅其不信者亦如之贱者之盟也

凡民之有约剂者其贰在司盟

郑锷曰民之有约剂书于丹图司约掌之此则藏其贰以备遗失【○贾氏曰此谓司约副写一通来入司盟】

有狱讼者则使之盟诅

郑锷曰有约剂而不信至于狱讼者使之诅盟则中有所愧者不敢听而狱讼自息矣此乃省刑狱之术

凡盟诅各以其地域之众庶共其牲而致焉既盟则为司盟共祈酒脯

郑锷曰民有盟诅则邻里当共其牲既使众庶共质之而邻里共牲之人必能诘责之者彼将知愧而自悔也【○黄氏曰使众人共牲共酒脯等以昭告于众诡诈不信人皆耻之矣】已盟又与司盟共酒脯以祈神祈其盟之必验也神之小者用酒脯故祭侯之礼以酒脯醢也考经之所载窃疑周家之于狱讼者先使之盟诅已讫乃使之入矢钩金既入金矢乃为之受理而听之然则刑措之术本诸此乎

职金上士二人下士四人府二人史四人胥八人徒八十人

郑康成曰职主也○郑锷曰金玉石锡皆国家之用物而名官特以金者玩好之至贵者莫如玉故玉府虽有金玉特以玉名府国之所用而用金为尤多五行皆金也故职金虽掌金玉锡石而以金名职○黄氏曰职金属司寇金行杀戮也矛防弓矢斧钺刀锯其用一也玉石丹青其类也故兼主之是亦一府藏也职金以上皆听断其下则施刑

掌凡金玉锡石丹青之戒令

郑康成曰青空青也【○郑锷曰荀卿言南海则有曾青丹干注云曾青铜之精可绘画及化黄金者亦出蜀山越隗所谓青者殆此类耳】○贾氏曰此数种同出于山故职金總主其戒令然地官卜人已主又职金主之者彼官主取此官主藏也【○薛平仲曰金玉锡石之利皆人情易诱而竞趋者也司徒盖有卜人以掌其厉禁矣职金从受其入征焉货利之所自出而有官以职之则下不敢逞其竞利之私上有以弭其竞利之患天下谁为有司之犯哉】○郑锷曰戒则欲其物之不苟取令则欲其入之以时

受其入征者

郑司农曰受其入征者谓主受采金玉锡石丹青者之租税【○郑锷曰受其入则取诸地而官所自入者受其征则取诸民而官所税赋者】○王昭禹曰取于有地者之征而已上以政取谓之征

辨其物之媿恶与其数量褐而玺之

郑锷曰辨其美恶以知其精麤辨其数量以知其多少褐以表之玺以封之【○郑司农曰玺者印也】所以谨其藏

入其金锡于为兵器之府入其玉石丹青于守藏之府郑锷曰卜人则掌其所产之地此则掌其入焉金锡可以为兵器而玉石丹青可以为器用修饰之资故所入之府各异也○王昭禹曰金锡则入于橐人玉石丹青则入于玉府【○王氏详说曰有兵器之府又有为兵器之府玉府云掌兵器内府云掌兵器此兵器之府也今日入其金锡于为兵器之府又曰入其玉石丹青于守藏之府守藏之府为内府玉府矣是知为兵器之府非兵器之府也考工记曰攻金之工六筑冶鳧防段桃所谓为兵器之府其此欵要知职金一官与天地夏冬之官并相为聯事其曰守藏之府是与天官通其曰为兵器之府是与冬官通受其金于卜人是与地官通入其金于司兵是与夏官通职金如此他可知也】

入其要

郑康成曰要凡数也○郑锷曰既颁入之则入其防计之要职金为刑官之属则要当入于司寇非入太府○李嘉会曰物之与书各有所司不相混杂

掌受士之金罚货罚入于司兵

黄氏曰金罚即民入钩金而理曲遂罚之货罚司關所谓举其货也郑说非舜有赎刑周于经无所见其后穆王始训夏赎刑舜穆王赎刑不同舜渐轻之穆王渐重之此關世变【○郑锷曰士有过而被罚谓赎刑也货罚士非關之人安得罚其货盖或以货而当金者也司市则有帷盖幕帘之罚亦货罚之类坎士之在官者或有过则罚之不言大夫则刑不上大夫也】○项氏曰金罚货罚皆士官掌之士入于职金职金入于司兵【○郑康成曰入于司兵给冶兵及工直也】○陈及之曰齐管仲令有罪者以甲兵赎自此始

旅于上帝则共其金版飨诸侯亦如之

项氏曰金版盖皇邸之饰为后版屏风者金以示依于义飨诸侯亦如之承賓如承祭

凡国有大故而用金石则掌其令

贾氏曰用金石而云大故止谓寇戎为御捍之器有用金石者也【○郑康成曰用金石者作枪雷椎棊之属】○郑康成曰主其取之令也【○郑锷曰大故则非常时所用或有湏于金石多寡轻重出于常数之外不可以无法度也故掌其令】

司厉下士二人史一人徒十有二人

郑锷曰厉凶暴之名司厉所以察凶恶暴戾之人【○王昭禹曰春秋传曰鬼有所归乃不为厉盗贼之厉于人犹鬼之厉也故掌盗贼之任器货贿谓之司厉】○薛平仲曰鬼物之病民者谓之厉则厉盖人之所共恶今以官之治盗贼者命曰司厉则恶而絕之殆亦甚矣

掌盗贼之任器货贿

易氏曰非其有而取之者谓之盗因盗而肆害于人者谓之贼

郑锷曰任器者所以伤害人之器也货贿者杀越人而刼剽其所有之财物也

辨其物皆有数量贾而楬之入于司兵

刘执中曰盗贼之器与物入于司兵非数莫知其多少非量莫知其短长非贾莫知其贵贱楬是三者则物与器常存而不可移易○郑锷曰入于司兵使以其物充兵器之用取诸盗贼以为除盗贼之具而已【○郑司农曰若今时伤杀人所用兵器盗贼赃加责没入县官】士有罪而罚之取其金货以入于司兵者义也盗贼有罪而罚之取其任器货财以入于司兵者亦义也

其奴男子入于罪隸女子入于舂槁

郑锷曰古者父子罪不相及然罚之大者则有孥戮之法既服刑矣其从坐之人有不可加以刑者则没入官为奴男子入于罪隸使为隸以役于百官府女子入于地官之舂人槁人使共舂扰饮食之事所入不同其名曰奴则一也○刘执中曰罪恶之重虽没其身未足偿也又奴其男女而隸役舂槁皆有常养以存其生焉

凡有爵者与七十者与未亂者皆不为奴

郑康成曰有爵者谓命士以上亂毀齿男八月生齿八歲毀齿女七月生齿七歲毀齿○郑锷曰有爵而不为奴贵也七十不为奴老也未亂不为奴慈防也盜賊之罪宜加以无余刑故凡亲戚皆从其家有爵者有老防者特免为奴而已○易氏曰先王之于天下固有杀未足以惩恶亦有不刑可以劝善者此之谓夫

犬人下士二人府一人史二人贾四人徒十有六人郑锷曰犬金畜也其性皆守属乎义也故犬人属于秋官【○黄氏曰犬逐盜故以犬人次司厉六牲之官皆以义类相从如春官鸡人掌鸡牲而以呼旦序于郁鬯之后】

掌犬牲凡祭祀共犬牲用牲物伏瘞【于例反】亦如之郑锷曰司寇祭祀奉犬牲犬人则掌共其可以为牲者牲必用纯牲之色贵纯一也【○郑司农曰牲纯也物色也】王行乘车则有祀輶之礼用犬伏于车下以车辄之而去谓之伏【○贾氏曰伏谓王将祭而出国輶道之祭即大馭所云者但輶祭时犬羊俱得故生民诗云取羝以輶】祭地必瘞【○郑司农曰瘞谓埋祭也尔雅曰祭地曰瘞埋】祀輶祭地皆礼之盛者亦贵纯全故亦如之

凡几珥沈辜用騊可也

易氏曰几析也珥珥也【○王昭禹曰几珥士师所谓刳珥则奉大牲是也】沈以祭川辜以磔门【○郑司农曰大宗伯职曰以豕沉祭山林川泽以鬴辜祭四方百物】四者用牲正也无则以騊代之亦可也【○郑司农曰騊谓不纯色也○王昭禹曰用騊不若用牲之为善故曰可也】

凡相犬牵犬者属焉掌其政治

贾氏曰犬有三种一田犬二吠犬三食犬若田犬吠犬观其善恶若食犬观其肥瘠故皆相之牵犬谓呈见之少仪云犬则执绁是也【○郑锷曰牵则不失其左右之防皆不可无政治也】○王昭禹曰相犬者属焉以其属有贾四人牵谓用则系而导之以其属有徒十有六人也○王氏曰掌其政治则并掌田犬

周礼订义卷六十三

卷六十四

钦定四库全书

周礼订义卷六十四 宋 王与之 撰

司圜中士六人下士十有二人府三人史六人胥十有六人徒百有六十人

郑司农曰圜谓圜土也圜土谓狱城也今狱城圜圻中言凡圜土之刑人也以此知圜谓圜土也【○郑锷曰矩属西方规属东方规之圜属东而主仁也先王之于狱求所以生之故为狱则圜其城用仁心为主也○薛平仲曰干为圜则圜者天道之所以仁也夫以罢民之害人者吾为圜土以收教之则人心转移之间而善恶易位矣】

掌收教罢民

郑锷曰拘之圜土而役之所以收之也劳之苦之使其善心自生所以教之也○刘执中曰嘉石平罢民其罪轻不入于圜土也圜土教罢民其罪重其役之日月深日则役之夜则收之俾民改情而复性然后舍之为教亦大矣故曰收教焉故中士六人下士十有二人徒百有六十人分部而收教之也【○项氏曰司寇掌者大故曰聚司圜圻者小故曰收】

凡害人者弗使冠饰而加明刑焉任之以事而收教之能改者上罪三年而舍中罪二年而舍下罪一年而舍其不能改而出圜土者杀虽出三年不齿

郑司农曰罢民谓恶人不从化为百姓所患苦而未入五刑者故曰凡害人者○郑康成曰弗使冠饰者着墨幘若古之象刑与舍释之也【○贾氏曰孝经纬云五帝画象三王肉刑画者土罪墨象赭衣杂屨中罪赭衣杂屨下罪杂屨而已】○郑锷曰彼既害人则不知礼矣故弗使冠饰而被辱明书其罪于背所以告人使知其以是罪而至于如此也夜收之圜土昼任以劳役是收而教之仁也能改者上罪三年而舍中罪二年而舍下罪一年而舍虽量罪之轻重为久近之期而舍之又必待其能改过自新为良民然后舍也其不能改而出圜土者则杀之不能改过又自窜焉其杀宜也虽年满而出者犹不齿三年甚辱之也

凡圜土之刑人也不亏体其罚人也不亏财

郑康成曰圜土所收教者过失害人已丽于法者○郑锷曰圜土之刑只加以明刑耻之故不至于亏体圜土之罚只加以职事劳之故不至于亏财【○易氏曰二者虽曰刑罚而非刑罚之正乃所以止刑罚者也司刑言刑亏其体者也职金言罚亏其财者也】

掌囚下士十有二人府六人史十有二人徒百有二十人

郑康成曰囚拘也主拘系当刑杀之者

掌守盗贼凡囚者

郑锴曰此官拘系当刑杀之人然特言掌守盗贼者盖囚虽在所掌而盗贼为难驭于羣囚之中又当守之其事尤严故也○郑康成曰凡囚者谓非盗贼自以他罪拘者也

上罪梏【古毒反】桎【姜奉反】而桎中罪桎【之实反】梏下罪梏贾氏曰此谓五刑罪人古者五刑不入圜土故使身居三木掌囚守之○土氏曰梏在脰桎在足桎在手左氏传子荡以弓梏华弱于朝则梏在脰明矣【○刘氏曰梏者校也在头曰梏谓之梏者以其在首犹牛马梏者】○郑锴曰凡囚有上中下之罪凡刑有桎桎桎之殊罪有轻重故三木或备或不备上罪三者皆全中罪二下罪一亦理之宜也

王之同族桎有爵者桎以待弊罪

郑锴曰王之同族有罪者亲亲之恩以轻为贵故但桎其手而已有爵者宜次于王族故加之以桎也桎则两手共一木桎则两足各一木故桎比桎为稍重然罪未断之前皆不可去其桎与桎待断然后去故曰以待弊罪

及刑杀告刑于王奉而适朝士加明梏以适市而刑杀之

郑康成曰告刑于王告王以今日当行刑及所刑姓名也其死罪则曰某之罪在大辟其刑罪则曰某之罪在小辟○郑锴曰适朝士者盖以朝士掌外朝王与公卿听狱讼之所恐或又得而审详焉重人命之至也适朝士矣以为无可疑则加以明梏于梏上明书其所犯使见者咸知其罪适于市而杀之所以与众弃之也注谓奉而适朝然后朝士加明梏以士字属下读以文考之适朝士与适甸师之文相对则疑其不当下属【○刘执中曰士士师也○郑康成曰士卿士也奉而适朝者重刑为王欲有所赦且当以付士】

凡有爵者与王之同族奉而适甸师氏以待刑杀郑锴曰适甸师氏者盖以甸师掌耕借田以事宗庙藏谷之所隱也既适甸师则以待刑杀之官来于此行刑杀之事不梏而适市乃所以隱之也有爵者隱之所以尊国体王族亦隱之所谓不与国人虑兄弟此尊尊亲亲之道也【○李氏曰先王之时虽同族虽有爵其犯法当刑与庶民无异法者天子所与天下共也如使同族犯之而不刑杀是为君者私其亲也有爵者犯之而不刑杀是为臣者私其身也君私其亲臣私其身君臣皆自私则五刑之属三千止为民也厚赏则贵者先得之刑罚则贱者先当上不愧于下下不平于上岂适治之道耶故王者不辨亲疎不异贵贱一致于法其所以不肆诸市朝而适甸师氏者为其有耻母使人见之也文王世子曰公族之罪虽亲不以犯有司正术也所以体异姓也刑于隱者不与国人虑兄弟也】

掌戮下士二人史一人徒十有二人

郑康成曰戮犹辱也既斩杀又辱之

掌斩杀贼谍而搏之

郑锷曰为之谍者则与贼窥伺乎国家之隙以图危社稷其罪不可赦也故大者斩之小者杀之【○郑康成曰斩以鉞钺若今要斩杀以刀刃若今弃市○王昭禹曰斩杀皆弃人之刑各称其罪】且从而搏之搏与膊同谓磔裂其尸以示人也观左传载齐侯围龙顷公之嬖人卢蒲就魁门焉龙人杀而膊诸城上是磔裂为膊也○刘执中曰为贼谍而情有重轻故或斩或杀虽有斩杀而又 而磔之于城上以惩夫将来者然则贼害于国者情与反间同非盗于财而杀人民者也

凡杀其亲者焚之杀王之亲者辜之

郑锷曰凡杀其五服之亲者不复知有亲亲之恩夷狄则然也故焚其尸视之如夷狄焉杀王之亲者不复知有尊尊之义禽兽则然也故辜其尸视之如禽兽焉○王昭禹曰焚以火者不存其形【○郑康成曰焚烧也易曰焚如死如弃如】辜以磔者不全其体【○郑康成曰辜之言枯也谓磔也】

凡杀人者跽【皮北反】诸市肆之三日刑盗于市

黄氏曰凡杀人者今所谓谋故鬪杀○郑康成曰跽僵尸也【○刘氏曰谓暴露而不盖覆也】肆犹申也陈也○贾氏曰除上三者之外皆陈尸于市肆之凡三日也

郑锷曰盗则不然死罪跽之于市或劓或刖或墨亦皆就市刑之使人知盗之不可为而不敢为也【○王氏曰人之犯刑皆以趋利趋利犯刑唯盗而已故盗言刖于市】

凡罪之丽于灋者亦如之

黄氏曰谓犯他法宫刖劓墨皆刑于市也揭盗于上郑言罪恶莫大焉是也○郑锷曰罪之附丽于法法所当刑则亦行法于市使众见之故曰亦如之

唯王之同族与有爵者杀之于甸师氏

王昭禹曰此句既言于掌囚此复言之者掌囚奉其有罪者适甸师氏而待刑杀掌戮正以杀之为事

凡军旅田役斩杀刑戮亦如之

黄氏曰军旅戮于社而王之同族与有爵者亦于屏处郑以戮为膊焚辜肆非也即下所谓髡

者全其体而戮辱之也古刑戮字皆合轻重称之【○郑锷曰军旅田役众庶所聚不示以严则必无所畏故或斩杀刑戮亦有焚之辜之踏之肆之之事故曰亦如之】

墨者使守门劓者使守闕宫者使守内刖者使守圜髡【苦门反】者使守积【子赐反】

郑锷曰先王于人虽有罪已刑苟有可用未尝终弃之墨者但黥其额劓者但截其鼻何妨于禁御耶故或使守门【○贾氏曰此即閤人掌守中门之禁令者也】或使守闕闕谓境上之十二门王城之门也劓比墨为重而截鼻则貌丑亦以其罪之轻重故墨者近而劓者远也宫则人道绝故使守内【○贾氏曰此即寺人之类守正内五人之等也】刖者不良于行圜游之兽监视牧食不欲其奔逸故使之守圜也五刑之中无髡刑此有髡者康成谓公族无宫刑恶翦其类髡其头而已公族之有死刑者隐之于甸师氏则其髡者亦可耻宜用于至隐之处所以使守积积谓委积之物其积亦在隐处故也司农谓髡当作完言但居作三年不亏体者也或谓公家不畜刑人观此则刑人未尝不见畜特为君者不近之而已閤弑吴子余祭春秋讥其近刑人非谓不畜之也

司隸中士二人下士十有二人府五人史十人胥二十人徒二百人

郑锷曰羣隸之别有五曰罪閹蛮夷貉也除罪隸之外四夷皆夷翟之人故又谓之四翟之隸有盜賊則搏之國中有辱事則役之百官所任之器則積之囚執人之事則囚之執之祭祀賓客喪紀有煩辱之事則役之无乃后世廂軍之類欵古者取之罪人夷狄以用之惡其聚羣而无統也故設司隸之官以掌其法辨其服色之物而掌其政令以統治之宜矣然王宮之嚴則使之守王舍于野外則守其厲禁又使之各服其邦之服而執其邦之兵以為守衛則其人虽賤而所用為甚重矣此司隸之權所以尤重焉故由漢而後遂置司隸校尉掌刺舉之任武帝使之持節捕巫蠱督大奸猾其重至于專道而行專席而坐秩比二千石其任雄劇摧辱宰相有如鮑宣者蓋始于此五隸各百二十人此其正負也○薛平仲曰五隸之負皆百有二十人而司隸之徒則二百人蓋君令出于司隸其徒不能以不繁力役責之司隸其負不可以不定○郑節卿曰兵衛掌于宮正而王之親兵與四夷之兵則掌于虎賁與司隸漢以南北軍相制而國朝以皇城司殿前司相維持大抵皆周人之遺意

掌五隸之灋辨其物而掌其政令

郑康成曰五隸謂罪隸四翟之隸也物衣服兵器之屬

帥其民而搏盜賊

郑康成曰民五隸之民【○贾氏曰序官五隸皆百二十負負外皆是民故云五隸之民】○郑锷曰盜竊之徒間有作而力不能搏則合其民以共搏之【○王昭禹曰未獲者則司隸帥民之】

役国中之辱事为百官积任器凡囚执人之事

王昭禹曰国中污辱之事则司隸帅而役之五隸之属各有百二十人则足以共其事○郑司农曰百官所当任持之器物此官主为积聚之也○郑康成曰任犹用也○李嘉防曰囚执人之事若今牢城之兵

邦有祭祀賓客丧纪之事则役其烦辱之事

郑康成曰烦犹剧也士丧礼下篇曰隸人湣厠

掌帅四翟之隸使之皆服其邦之服执其邦之兵守王宫与野舍之厉禁

郑锷曰翟与狄同东西南北之夷名虽不同總而言之皆夷狄耳○贾氏曰服其邦之服执其邦之兵者若东方南方衣布帛执刀劍西方北方衣毳裘执弓矢【○王昭禹曰四夷各有利器宜服齐其政不易其宜修其教不易其俗也】

黄氏曰四翟守王宫与牧誓羗髡庸防卢彭濮同意○郑康成曰野舍王行所止舍也厉遮例也○郑锷曰王在宫与出在野皆使四翟之隸守之不使罪隸罪隸吾民之有罪者耳使四翟之人见其德足服四夷司隸正掌其事而师氏又使其属董之而已【○刘执中曰彼其死而复生又从而衣之食之尽其所能而役之故用之守王宫与厉禁而赖之以为腹心之衛也】愚案四翟之民南方之蛮而闽乃东南之别种东方之夷而貉乃东北之聚落独不见西戎北狄之隸者盖周自文王时西有昆夷之患北有玁狁之难而道化先被于南虽海隅出日之地德亦丕冒至武王通道于九夷八蛮所获之民其服属有素故帅而为隸其在王宫之守衛则宫正掌之其在野舍则师氏掌之不特此尔南方曰象则有象胥以待蕃国之使东夷之乐曰韡则有韡师以荐宗庙之乐皆此意也

罪隸百有二十人

郑锷曰有罪者之家人从坐则没为奴隸百官与凡有职守者皆得而使令之乃以百二十人为率盖官拘而用者以此数为率耳○薛平仲曰罪而至于隸辱之甚者以罪言之斥之遠方诚足为王者之义以情言之处之近地亦不足病王者之仁故帅之师氏者先王教化之功而帅之司隸者先王用刑之极功

掌役百官府与凡有守者掌使令之小事

郑康成曰役给其小役○郑锷曰使令皆家役之小事耳

凡封国若家牛助为牵徬

郑司农曰凡封国若家谓建诸侯立大夫家也牛助为牵傍此官主为送致之也○郑康成曰牛助国以牛助转徙也罪隸牵傍之在前曰牵在旁曰傍【○贾氏曰车辕内一牛前亦一牛二隸前者牵前牛旁者御当车之牛】

其守王宫与其厉禁者如蛮隸之事

郑锷曰守王宫与其厉禁事则与蛮隸同皆执兵以为营衛也然罪隸乃中国之人因亲属有罪而没入在官与四夷之人不同故不使掌牛马鸟兽之事○易氏曰五隸皆隸也蛮夷闽貉之隸则賔服之民罪隸则没入为奴之民其民不同其用亦异罪隸则任使令牵傍之冗事四翟之隸则养之而已虽蛮隸掌役校人养马之类闽隸掌役畜养鸟之类夷隸掌役牧人养牛马之类貉隸掌役服不氏养兽之类皆因其俗之所习而使之

蛮隸百有二十人

郑康成曰征南夷所获【○愚案说见司隸】○李嘉防曰先王必有蛮闽夷貉之隸想欲知其风俗耳然有无亦存其数云耳无则阙之

掌役校人养马其在王宫者执其国之兵以守王宫在野外则守厉禁

贾氏曰为校人所役使以养马案校人不见隸者盖是杂役之中【○王昭禹曰校人其徒八十人有不足以给其役故蛮隸兼役其事也】○陈蕴之曰古之宿衛王宫者不特士庶子而已有虎贲之虎士有司隸之五隸虎士有卒伍而四翟之隸有兵国有大事则守王门舍则守王闲而司戈盾军旅防同授虎士戈盾则王之在国在野可谓严矣必使四翟之隸以王者所守在四夷也

闽隸百有二十人

郑康成曰闽南蛮之别

掌役畜养鸟而阜蕃教扰之

王氏曰役则役于掌畜也○王昭禹曰阜蕃教扰之与掌畜同事

掌子则取隸焉

王昭禹曰子谓鸟所生者闽隸掌阜蕃其物则养之而使取隸于已者也因致其义焉鸟之无知饮啄鼓舞而唯闽隸之是从则闽隸之隸于中国岂异于是言掌子则取隸而不言守王宫与厉禁以司隸言掌帅四翟之隸守王宫与野舍之厉禁则闽隸之有守可知

夷隸百有二十人

郑康成曰征东夷所获

掌役牧人养牛马

贾氏曰为牧人所役使牧牛牲

与鸟言

郑司农曰夷狄之人或晓鸟兽之言故春秋传介葛卢闻牛鸣曰是牲三牺皆用矣是以貉隸职掌与兽言【○王昭禹曰鸟之鸣犹人之言也诗曰相彼鸟矣犹求友声以鸟能鸣以求其友非其言而然乎使夷隸与鸟言亦不为怪矣】

其守王宫者与其守厉禁者如蛮隸之事

陈蕴之曰四 所守皆如蛮隸之事者周之时以南方为遠尤贵其来也故掌四夷之官名象胥而奏乐亦以南诗曰以雅以南记曰胥鼓南则周人之意可知矣

貉隸百有二十人

郑康成曰征东北夷所获

掌役服不氏而养兽而教扰之

王昭禹曰以服不氏掌养猛兽而教扰之故也○王氏曰不言阜蕃猛兽非所阜蕃之物

掌与兽言

王昭禹曰先王必使夷貉之隸与兽言者以鸟兽之无知尚可与言矧夷蛮之民哉此亦先王之防意○郑锷曰蛮人知养马故以役校人貉人知养兽故以役服不氏各因其能而用之也人之性或能通知异类之语者非人之所能也使夷貉之人与禽兽言不使闽蛮之人者不强其所不能也

其守王宫者与其守厉禁者如蛮隸之事

周礼订义卷六十四

卷六十五

钦定四库全书

周礼订义卷六十五 宋 王与之 撰

秋官司寇下

布宪中士二人下士四人府二人史四人胥四人徒四十人

王昭禹曰布以敷施之宪以表示之○郑锷曰国朝自淳化三年始置诸路刑狱事乃周家布宪之意然不止于二人而已今谓之宪台原于此欤

掌宪邦之刑禁正月之吉执旌节以宣布于四方而宪邦之刑禁

郑康成曰宪表也谓县之也刑禁者国之五禁所以左右刑罚者

郑锷曰大司寇正月之吉布刑于邦国都鄙又县刑象以示万民小司寇于正岁帅属观刑象及宣布于四方宪刑禁矣布宪复掌之者盖大司寇布之者举其纲也小司寇宣之者行于朝也四方万里或未之知布宪执旌节适四方而宣布之所至之处又从而表县之无有不明刑禁之为不可犯也

以诂四方邦国及其都鄙达于四海

郑康成曰诂谨也使四方谨行之尔雅曰九夷八蛮六戎五狄谓之四海○李嘉防曰表示其刑禁于四方及乎四海苟犯刑禁则从而诂之俾不至于太甚也

易氏曰先王之治有刑必有禁知禁而自止则不至于罪知罪而自反则不至于刑此宣布而宪之有不容已者所谓以诂四方邦国及其都鄙达于四海者盖无此疆尔界之异凡远近同而上下察也○刘执中曰以中士二人下士四人徒四十人而行四方达四海欲正月而必闻其刑禁者未有能达也必书其刑禁之宜宪于民以达于州伯州伯以达于卒正卒正以达于连帅连帅以达于属长属长以达于诸侯诸侯以达于其国之都鄙而要服以达于四海布宪则执旌节以巡行于四方诂其违于禁令者庶乎其可及也

凡邦之大事合众庶则以刑禁号令

贾氏曰征伐巡守田猎皆大事合众庶也以其是布刑禁之官故使以刑禁号令【○王氏曰谓乡合州党族闾比之联与其民人之什伍则以刑禁号令焉】○项氏曰刑以惩恶禁以辅

刑发以警戒之谓之号命之谨守之谓之令

禁杀戮下士二人史一人徒十有二人

郑锷曰天下有不逞之人强陵弱众暴寡善良陰被其祸先王设官以禁擅杀戮为职谓夫为天吏则可以杀人

愚案自禁杀戮至脩閭氏八职皆几防盗贼奸宄者几防严则奸宄无清刑之原也

掌司斩杀戮者凡伤人见血而不以告者攘狱者遏讼者以告而诛之

郑康成曰司犹察也○郑锷曰将以禁之必专司之禁之者法也司之者专伺候乎是也司其私相斩相戮者及伤人见血而里閭拥遏不以告于有司者【○黄氏曰伤人不禁必至于杀矣汉约法三章伤人及盗抵罪不以告私相和也】将以罪相证于狱而攘夺其所证之人使不得同至于狱者【○黄氏曰或曰赴逮而攘夺之若篡囚也】将以辞讼于官而恃势力以止遏之使不得以上诉者皆以告于有司而诛之然所司察者四事也特以杀戮名官盖四者之罪莫大于擅杀故也【○刘执中曰谓不应斩杀戮而斩杀戮之者应告其伤隐之而不告者应治其狱攘之而不治者应聽其讼遏之而不聽者掌察四者以告于司寇而诛之所谓淫朋比德者也不诛之无以建中于民○李嘉防曰斩杀戮之人上所置以惩恶也或以财贿交结而冤枉不申有如下四者皆告于正而诛之】

禁暴氏下士六人史三人胥六人徒六十人

黄氏曰禁杀戮禁暴氏皆閭里禁令○郑锷曰诗曰乱是用暴又曰州吁用兵暴乱凡言暴者皆谓为恶之凶暴也苟无以禁之民蒙其害可胜数耶此乃设为禁暴氏之职以正之也○王昭禹曰以刑教中则民不齟者教官之事以刑禁暴者刑官之事教施于未然之前刑施于已然之后二者相为终始而已

掌禁庶民之乱暴力正者拈【居表反】诬犯禁者作言语而不信者以告而诛之

李嘉防曰前者在公行法之人此者在民害治之人○王昭禹曰逆理害治者谓之乱【○刘执中曰乱谓悖于人伦】恃强虐物者谓之暴【○刘执中曰暴谓敢作威怒】惟乱惟暴乃以力而正之人之力有所不敢敌则不得已而听服焉是之谓力正也【○黄氏曰正犹正长之正以强力雄长人者即武断也】此则召乱之萌安可不禁之哉○郑锷曰拈则矫称上之命令诬则诬人以无有之事惟拈惟诬敢犯士师之五禁造为浮言以相恐动其言不实乃能鼓荡人心凡此皆禁之使不敢为若敢为者则告于有司而诛之所以息其暴乱之渐○李嘉防曰禁暴所禁以告司寇而诛之也○刘执中曰王制曰析言破律乱名改作执左道以乱政杀行伪而坚言伪而辨学非而博顺非而泽以疑众杀以其出于邪情而无补于中道又从而害于风俗杀之宜矣

凡国聚众庶则戮其犯禁者以徇

易氏曰前五者之禁为庶民设也此于聚众庶则人情杂遘其暴尤甚故必戮其犯禁者以徇【○郑锷曰国家有事大集众庶之际一人犯禁则千万人视而效之势将不可遏矣不特戮之又用以徇众焉】

凡奚 聚而出入者则司牧之戮其犯禁者

易氏曰奚谓女奴之为奚者 谓男奴之为 者既以罪役故必司牧其出入牧养也【○王昭禹曰于其出入则或司以察之或牧以治之亦以防其暴也】或有犯禁从而戮之则非不教之诛是二者亦所以禁其暴也

總论

陈及之曰考比闾族党之法凡所以为政之道纖悉备矣二官所禁大抵暴横足以侮上陵下乡官或未能禁止之也于是王朝为之立官以遏絕之庶几乡遂之官长得以从政焉然周公之时天下安有此是亦先事为备也

野庐氏下士六人胥十有二人徒百有二十人

王昭禹曰野道之小室谓之庐所以待行旅也公刘之诗始曰于时庐旅终曰于豳斯馆则馆大而庐小先王设官以比国郊及野之道路宿息之类故名官以野庐氏

黄氏曰野庐氏掌通达道路其下蜡氏至庶氏皆道途事类次第相从

掌达国道路至于四畿

郑康成曰达谓巡行通之使不陷絕也去王城五百里曰畿

王昭禹曰达国道路至于四畿则遂人所谓千夫有浚浚上有道万夫有川川上有路以达于畿是也谓之四畿自王城五百里四面皆达之也遂人既治野之道路而野庐氏必掌达其道路凡以辅成遂人之事而已而司险又掌达其道路则非特王畿之道路而已凡九州山林川泽之阻者也

比国郊及野之道路宿息井树

郑康成曰比犹校也【○项氏曰校实数不阙○刘执中曰案比而肃其守卫】宿息庐之属寘所宿及昼止者也【○王氏曰三十里有宿宿有路室所谓宿也十里有庐庐有饮食所谓息也】○郑锷曰遗人凡国野之道十里有庐庐有饮食欲夫行者至有所止也合方氏所述

者四方之途也遂人所治者田间之道路也欲其无所陷絕自国之郊及郊外之野所通行之路皆有宿息井树夜可以寢昼可以憩有井以备饮食有树以为藩蔽野庐氏专掌之则行者之至如归矣孰不愿出于王之途乎

易氏曰晋文公之为盟主也司空以时平易道路圻人以时埴馆宫室诸侯賓至 人牧圉各贍其事百官之属各展其物此晋之所以霸若单襄公聘于宋遂假道于陈以聘于楚道弗不可行候不在疆司空不视涂道无列树国无寄寓野无施舍此所以知陈之将亡则野庐氏达国之道比及野之道路宿息者所以为先王之制

若有賓客则令守涂地之人聚 之

王昭禹曰先王之时涂地皆有人以为之守有賓客则令其人聚而击柝所以待暴客也

有相翔者则诛之

王昭禹曰论语翔而后集彼翔而观伺有欲习为寇盜之意故诛之所以御奸也○郑锷曰如是安有凡伯见伐之祸

凡道路之舟车輶【音讎】互者叙而行之

郑锷曰輶者相值而碍也互者交互而不行也推车于陆行舟于水阻隘之地偶相值而有輶互之阻【○郑康成曰车有辕轅抵阁舟有砥柱之属】人有争先之心必无相逊之理因其先后至之叙以次而行之【○刘执中曰掌其先后贵贱老幼往来以为其行之叙而通之故有爵有节者得以辟之而不滞也】

凡有节者及有爵者至则为之辟

郑锷曰执节而来者奉王命之使有爵之人皆王朝之臣至于其地则为之辟既以尊王臣之来又以见贵贵之理○王昭禹曰有节者至则欲达之而无留难有爵者至则在所承而无敢慢故皆为之辟行人使避焉然则野庐氏其徒百有二十人则使其徒为之辟也

禁野之横行径逾者

郑锷曰田野之中有町畦焉皆禾稼之地苟或横行则践人之田而害其穡事有隄渠焉皆防水之处苟或径逾则决人之水而坏其隄防此争端之所由起不可以不禁【○郑康成曰皆为防奸也横行妄由田中径逾射邪趋疾越隄渠也】

凡国之大事比脩除道路者

贾氏曰大事谓若征伐巡守田猎郊祀天地王亲行所经并须脩除道路及脩庐校比民夫使有功效○王昭禹曰治其壤谓之脩去其秽谓之除有脩除道路者野庐氏则比较其人之数所以防患也【○郑锷曰道路圯壤则车马不通固有脩除之人此则校而比之使无圯茀之虞】

掌凡道禁

郑锷曰道必有禁此则掌其犯禁者则王国大事肃然而无哗矣【○王昭禹曰若脩閭氏所谓以兵革趋行者与驰骋于国中者是也然野庐氏所禁者在野之道脩閭氏所禁者在国之道】

邦之大师则令埽道路且以几禁行作不时者不物者

王氏曰言国之大事在国中而已邦之大事则通国野焉○王昭禹曰令埽道路所以致洁○郑锷曰国大用师道路之行欲无荒秽不祥之事苟于是时不当行而行不当作而作失蚤晚之时非所当衣而衣之非所当操而操之非其物而有异常之状皆奸人之为寇盗者也防伺而几察之以防变也周之制于田野之道十里之远设官以治其庐舍禁止奸盗如此之严则道不拾遗岂不宜哉后世十里有亭亭必有长其法亦出于此惜夫不复脩也

蜡【清预反】氏下士四人徒四十人

郑康成曰蜡骨肉腐臭蝇虫所蜡也月令曰掩骼埋骲此官之职

掌除骲

刘执中曰枯骨曰骼肉腐曰骲人兽皆同职掌揜而埋之不令暴露于沟壑道路也○郑锷曰王政行于天下生者有养死者有归安有枯骨遗弃而不收尚待设官以除之耶然月令亦有掩骼埋骲之文太平之世虽无饿殍然死于道路而无主后者亦未必无也有是事而不为之收掩则伤人君之仁无是事而省是官则仁于枯骨之意亦形于天下矣

凡国之大祭祀令州里除不蠲禁刑者任人及凶服者以及郊野大师大賔客亦如之

王昭禹曰大祭祀先王所以致精神之至而交乎神明之隐不蠲刑者任人则在所恶凶服则在所可哀故蜡氏令州里除而禁之郊特牲言祭之日丧者不哭不敢凶服汜扫反道亦谓此也

郑康成曰蠲读如吉圭惟饴之圭圭洁也刑者黥劓之属任人司圜所收教罢民也凶服服衰经也此所禁除者皆为不欲见人所秽恶也○王氏曰大賔客则承事如祭有齐敬之心焉○李嘉防曰大师大賔俱尚清淨不令所可恶者乱其目也

若有死于道路者则令埋而置楬【音竭】焉书其日月焉县【音刺】其衣服任器于有地之官以待其人

郑锷曰若行者出王之涂不幸而死则埋而置楬书其日月县其衣服与夫所执任之器以俟其家人来则收之如是则无腐败之觔矣○郑康成曰有地之官主此地之吏也【○贾氏曰若比长闾胥党正之辈】

掌凡国之觔禁

郑康成曰禁谓孟春掩骼埋胔之属○郑锷曰觔与胔同然其字乃与蜡祭之蜡字同昭禹谓蜡祭百物昔之羽羸鲜毛介之物毕致焉蜡祭所致者神蜡氏所治者形形神相聚而为生相离而为死二者实相待焉故其字同然蜡者索也无乃索朽腐之骨肉而除之者乎

雍【于勇反】氏下士二人徒八人

郑锷曰隄防止水之官乃名曰雍氏盖所虑者尤莫大于水之害稼雍塞以止之故也

陈及之曰其职掌事颇重而命官止下士二人徒八人而已盖颁格令于民间使民户知之劝农重谷之意

掌沟渎浚池之禁凡害于国稼者

郑锷曰水相交通谓之沟窞水而行之谓之渎防水而聚之谓之浚畜水而止之谓之池池以止水沟浚渎以行水皆有禁焉行者不得擅塞止者不得擅行非所当行而行非所当止而止大焉则害于国小焉则害于稼此所以设官以掌其禁也【○王昭禹曰沟渎浚池有禁然后其害去其利均亦所以息争止讼也】既掌沟渎浚池之禁又掌凡害于国稼者谓禽兽也禽兽害稼如春多麋之类礼记田防田豕之类【○刘执中曰通沟渎浚池之壅塞而水潦溢涨害国之苗稼者】

春令为阱【在性反】穫【胡化反】沟渎之利于民者秋令塞阱杜穫

郑康成曰阱穿地为塹以御禽兽其或超逾则防焉世谓之陷阱穫柞鄂也坚地阱浅则设柞鄂于其中【○贾氏曰柞鄂者或以为竖柞于中向上鄂鄂然所以载禽兽使足不至地不得跃而出】○郑锷曰春农就田禽兽或出而有害水利或有通塞则为阱穫为沟渎皆以是时也然五沟五涂以通灌溉之水至春又为沟渎何耶盖五沟者五野之中一定之制不待至春乃为之此乃里闾之间春雨水集沟浚皆盈水去不速不可不通之也然阱穫设于春可也秋稼已登苟或常设禽兽亦无以遂其生故至秋塞之此先王爱物之心也然不言秋塞沟渎者因利民而为之则无时而可塞故也【○郑康成曰秋而杜塞阱穫收刈之时为其陷害人也书费誓曰杜乃穫斂乃穽时秋也伯禽以出师征徐戎】

禁山之為苑澤之沈者

鄭鐸曰苑囿之設則為禁籞環繞以防人之入耳若夫與民共利之山芻蕘者往焉雉兔者往焉詎可以設禁籞乎【○鄭司農曰不得擅為苑囿于山也○黃氏曰苑恐當為宛曲也山泉徙而曲之必有私其利者為宛言非其自然也】魚鰈所生之澤鱗者介者藏焉游焉詎可沈毒鰈乎人君囿游固有苑矣民庶為苑則是僭上無法矧可以即山以為苑乎漁人取魚固有餌矣下毒于水則是竭澤而漁人之食將有中其毒者矣其設禁也宜哉【○劉執中曰即獸所居為苑以誤之即魚所淵沈藥以毒之則不仁不信為禽獸之所憚也故設官以禁之】

萍氏下士二人徒八人

鄭康成曰萍氏主水禁萍之草無根而浮取名于其不沈溺【○劉氏曰神農書曰萍能勝酒欲其制之也】○陳及之曰其職掌水禁及几酒謹酒特下士二人徒八人而已或者不足以几禁之耶曰是特國中人人耳近而鄉遂遠而都鄙委之其官掌焉

愚案酒正內官自酒人以下皆奄奚為之勢不可呵禁外事萍氏刑官之屬掌之宜矣

掌國之水禁

王昭禹曰水雖有潤澤灌溉之利而犯之則濡溺之則死故水之險惡能害人之所與夫不時入水而捕魚鰈者一切禁之乃所以為仁政之周【○黃氏曰非禁捕魚也魚禁 人掌之】

几酒謹酒

黃氏曰几酒苛察之也宜若絕之謹酒為其不能不用也萍氏掌水禁而使禁酒亦水之害人者也故為之設禁焉【○王昭禹曰几酒則于飲酒防察其不節也謹酒則于用酒制其無度也】○陳蘊之曰或謂酒誥謂西土之人承先王教朝夕祀茲酒而已其他未嘗羣飲也何俟几察之曰立政以垂將來豈以今日之故而廢之耶

總論

呂氏曰周公作酒誥一篇其刑之重矣至于盡執拘以歸于周予其殺此是最初謹酒恐人沈湎浸漬傷德敗性至于周官之禁酒皆此意及漢文帝為酒酺景帝以歲旱禁民酺酒蓋恐耗糜米谷民食不足此猶有重本抑末之意及 羊建 酒之利設心大不同不過私家不敢擅利公家却自專其利耳古者惟恐人飲酒至後來惟恐人不飲酒

禁川游者

鄭鐸曰大川之逝雖烏獲之力有所不能止又況可游乎游謂游浮而行禁之宜哉

司寤氏下士二人徒八人

王昭禹曰寤而觉谓之寤使掌夜时非觉而不寐者安能定其漏刻之蚤晚哉所以名官谓之司寤氏

掌夜时

郑锷曰专掌夜时则所主欲于夜而觉寤以察时之蚤晚【○郑康成曰若今甲乙至戌亥○贾氏曰甲乙则蚤时戌亥则晚时】

以星分夜以诏夜士夜禁

郑锷曰夜虽有时其分则以星晚而见星则为夜蚤而星没则非夜仰观天星之没见以分之分不以月者月出有蚤晚唯星丽乎天至夜必见故也○易氏曰此谓施于国中者盖国中有启闭之候国事有朝夕之礼以星分夜则星见为夜星没为昼朝夕启闭于是乎在以是诏夜守之士【○郑康成曰夜士主行夜徼者如今都之属】严夜禁之法

御晨行者禁宵行者夜防者

郑锷曰奸盗常发于暮夜之间是以尤谨夜行之禁或御之使勿行或禁之使不敢行皆以防奸盗也先明谓之晨晨言时之尚蚤【○王昭禹曰日出为旦晨则昧爽之尔而日未旦之时】中夜谓之宵宵阴浸而阳生通夕谓之夜夜言日之昏而暝左传言晨往寝门辟矣诗言夜向晨则知晨见明也诗曰肃肃宵征熠耀宵行又曰夜如何其夜未央经言夜呼旦以百官以辨军之夜事则宵与夜固异矣晨行则未当行而行故御而止之若夫中宵固不可行夜岂遨遊之时故曰禁所以不同【○刘执中曰其晨侵于夜而行者暮侵于宵而行者不可测其奸非也夜而遨遊者妨众息也故皆禁也】

司烜【音毁】氏下士六人徒十有二人

郑康成曰烜火也读如衛侯燬之燬○易氏曰掌明水火而其官谓之司烜者取大易日以烜之之义盖万物形成于地精成于天月遡日之光其本皆出于日故也○王氏详说曰司燿司烜皆掌火一事而二官何也曰有国火有民火司燿所掌谓民咸从之其民火欤司烜所掌以共祭祀明烛其国火欤然行于民未尝不本于国故司燿曰四时变国火以救时疾行之于国未尝不用之于民故司烜曰中春以木铎脩火禁于国中

掌以夫遂取明火于日以鉴取明水于月

郑司农曰夫发声【○陆氏曰夫道也是以谓之夫大夫能遂事故谓之遂】○郑康成曰夫遂阳遂也【○贾氏曰以取火于日名阳遂犹取火于木为木燧也】鉴镜属取水者也世谓

之方诸【○郑锷曰取明水于月者谓之鉴亦谓之方诸其实皆鉴也○陆氏曰夫遂以义言鉴以体言互相备也】○郑锷曰水生于坎之阳而为阳中之阴火虽生于离之阴而为阴中之阳王者向明而治皆以阳为主故尊明火为先○易氏曰日阳之精月阴之精离为日为火为电者火之气也坎为月为水为云者水之气也水火以气而升降日月之精薄之则夫遂可以召阳而为火鉴可以召阴而为水所以谓之明水火言取于日月而非人力之所能致明之至也○郑锷曰或谓鉴遂之齐同用金锡之半可以取水亦可以取火何也盖金锡半者阴阳之杂用诸昼则阳气应之而为火用诸夜则阴气应之而为水

以共祭祀之明盥明烛共明水

郑锷曰明水火所以共祭祀之明盥明烛及明水也用是水以滌盥盛则曰明盥用是火以照烛则曰明烛五齐三酒所尚者明水取于月中之水以共之记曰其谓之明水也由主人之洁着此水也谓此耳○王氏详说曰凶事所用之物谓之明所谓明器明弓矢是也吉事所用之物亦谓之明所谓明水明火是也先郑失于明水之说后郑亦失之郊特牲曰明水者神明之也谓主人之洁着此水也着成也主人之洁则此水乃成矣以陰镜取水于月之中其可多得乎且祭有明水又有酒酒取于潢污行潦之水而为之则是降于明水矣郁齐配以明水三酒配以酒此郊特牲所谓明水浼齐贵新也几浼新之也是知明水所用止于斯二者而已先郑以为明水滌涤粢盛黍稷是不读洞酌之诗也洞酌之诗曰可以濯罍可以饘饠夫岂明水哉后郑谓明水以为酒是不读礼运也礼运曰酒在室醴醖在户粢醖在堂澄酒在下夫岂明水之为酒哉共明水火者司烜也执明水火而号祝者大祝也奉明水火者大司寇也共而后祝之祝而后奉之其序如此○王昭禹曰祭祀必取明水火者以物言之则得阴阳之洁气也以道言之则洁而清明乃可以承祭祀也

凡邦之大事共坟【扶云反】烛庭燎【力召反】

郑司农曰坟为蕢蕢烛麻烛也○郑康成曰坟大也树于门外曰大烛树于门内曰庭燎皆所以照众为明【○贾氏曰树于门外者非人所执也燕礼云甸人执大烛于庭不言树者彼诸侯礼不树于地门内在路寝之庭故曰庭燎之百由齐桓公始注云公五十侯伯子男三十其百者天子礼庭燎所作以苇为中心以布之饴蜜灌之若今蜡烛百者或百根一处或百处设之若人所执者用荆燹为之执烛抱燹曲礼云烛不见跋足也】

中春以木铎脩火禁于国中

郑锷曰中春大火之星见于辰季春出火司烜先脩火禁警以木铎使无不闻则除去故火以待新火也【○王昭禹曰为季春将出火先事而戒也】

郑康成曰火禁谓用火之处及备风燥○易氏曰司烜氏脩火禁于国中而已宫正脩火禁乃宫中之事详于国此所以为内外之辨

军旅脩火禁

郑锷曰众之所聚器甲资粮胜败所系则火禁不可不谨也

邦若屋诛则为明竈【昌绢反】焉

郑锷曰司农谓三夫为屋屋诛夷三族也康成以为若其刑劓之劓谓所杀于甸师氏者余谓屋诛合一家而尽诛之邾娄定公所断之狱杀其人坏其室洿其宫者屋诛也人有罪大无俾遗育故举一屋而诛之罪人夜葬故为明竈欲人知其罪也如设梏加明刑之类○易氏曰竈谓圻埋之地揭其罪于竈上而属于司烜氏以明为义故尔

条狼氏下士六人胥六人徒六十人

郑锷曰狼之为物贪且狠故世有不率教化不遵检押之人谓之狼戾条狼氏掌执鞭以御不率之人故名曰条狼言涤去其狼戾如逐豺狼也条当为涤器之涤荡涤而去之使洁清也【○黄氏曰郑以条为涤亦通但其官主趋辟不主涤除○易氏曰凡世之弗率教化如狼贪狠然先王设官以治之使之整整有条故曰条狼氏】王昭禹曰以王与賓客之出入宜致肃焉故也

掌执鞭以趋辟王出入则八人夹道公则六人侯伯则四人子男则二人

郑康成曰孔子曰富而可求虽执鞭之士吾亦为之言士之贱也【○王昭禹曰执鞭以为威】○刘执中曰掌执鞭趋以辟道路之秽恶及车马人物之壅塞而不通者○王昭禹曰趋则走而致肃辟则所以使人避也条狼氏所以衛上者如此条狼氏以下士六人为之而其徒有六十人则帅其徒以趋辟与朝士帅其属以鞭呼趋且辟同意然朝士主在朝之事而条狼氏所掌在道路而已○郑锷曰自王用八人而下公用六人侯伯用四人子男用二人亦以礼有隆杀不可僭用也【○贾氏曰序官条狼氏下士六人今云天子八人少二人矣盖取胥徒中兼充也】

凡誓执鞭以趋于前且命之誓仆右曰杀誓馭曰车轡【户串反】誓大夫曰敢不闕鞭五百誓师曰三百誓邦之大史曰杀誓小史曰墨

易氏曰上执鞭以趋辟重主威也此执鞭以趋于前且命之重军事也○黄氏曰因其执鞭辟行人遂使命誓大抵主警肃也

郑锷曰誓用之于军旅祭祀亦有誓故言凡誓○贾氏曰誓自有大官若月令田猎司徒北面以誓之誓时此条狼氏为之大言使众闻知故云且命之【○郑锷曰有司已誓辞则条狼氏必命以罚无赦之辞此又言仆右及馭以下则专指军旅之誓以为言】○易氏曰军中之羣吏犯难赴敌于是乎在其听誓于陈前者不得不严其告戒之防车莫先于仆右谓其右于戎

车者勇力之士或不用命则勇力无所施 干乱行于曲梁魏绛戮其仆是也故誓仆右曰杀
【○贾氏曰仆大仆与王同车賛王鼓】车尤听命于其驭驭者驱驰不及则车之进退无所
用其力晋使张骝辅蹠救郑近楚师其驭不告而驰之几以不免是驭能危之也故誓驭曰车
轅○王氏详说曰刑不上大夫此云鞭五百王氏以为誓其大夫之属郑氏以为誓大夫以文
攷之何大夫之属之有然郑氏以为誓者出军及将祭祀之时但师与大史小史主礼乐之事
谓祭祀时耳曾不谓皆誓之于军也大师职云大师执同律以听军声是军之有大师也大史
职云大史抱天时与大师同车是军之有大史也小史云大军旅佐大史是军之有小史也仆
右与驭数者亦以大夫为之案戎仆中大夫也戎右亦中大夫也大师下大夫也大史亦下大
夫也六誓之中惟小史为中士五以职名一以官名者谓大夫之衔命出使以官不以职也故
以下大夫命之刑不上大夫而誓之严如此军事以严终也甘誓可见矣军国异容非祭祀之
誓祭祀之誓大宰掌之大司寇涖之何与条狼氏

易氏曰墨轻于鞭鞭轻于杀所谓杀寘之死而已若轅则不止于杀轻重不同何也车之进退
主于驭驭不职则败国事其罪所以最重仆掌侍衛之事右掌击刺之事大史掌占验之事一
或不职皆足以误军事此其罪所以亦重至于大夫衔命而失其职其罪次之大师听军声而
失其职其罪又次之小史官卑而听不专其失职之罪又次之轻重不同各有攸当使羣吏之
听誓者各以其职而共王命此军旅之所以无不胜【○陈及之曰亲昵之官如车右驭大史
者誓之词严其军有司以下则词宽为其亲昵者曰誓我者如此之严则驭下可知矣而其下
亦曰彼车右也车仆也邦之大吏也皆命大夫也而誓之如是则驭下可知矣】

脩闾氏下士二人史一人徒十有二人

王昭禹曰里门谓之闾里有闾所以通往来扞制内外○郑锜曰六乡之法二十五家为闾一
门而入自有闾胥主之又设脩闾氏之官者盖總其脩治之事使无废坏也

掌比【音鼻】国中宿互 【音托】者与其国粥【音育】而比其追胥者而赏罚之

易氏曰比谓检阅夜士之守宿者○郑康成曰国中城中也

郑司农曰宿谓宿衛也互谓行马所以障互禁止人也 谓行夜击 【○贾氏曰宿互 者
宿者所互守卫反击 持更也】○郑锜曰闾之门以为往来者之防故命国中之人宿守其
互 或有奸盗之变当用人以追胥而守闾之人不可以往则使国粥之人任其追胥之事郑
康成谓粥养也国所粥养谓美卒也正卒守闾而不动则美卒之行亦其宜也【○王氏曰国
粥谓行粥刲于国中者市官所不治故脩闾氏比之】每闾各有互柝以防寇盗脩闾氏掌比
校其人使先后相代又校美卒追胥之事【○郑康成曰追逐寇也胥读为偕】以赏罚待之
【○刘执中曰国之美卒使之什伍以追胥禽捕寇盗获多者赏之不获者罚之】一闾之政
无不举而人自安于里闾矣○王昭禹曰脩闾氏校比者止于国中若邦野则弗预也

禁径逾者与以兵革趋行者与驰骋于国中者

郑锷曰每闾各有防限敢有径越以从便者【○王昭禹曰谓行不由桥梁与野庐氏同意然脩闾氏所禁者国中之行者也野庐氏则施于野而已不言禁横行则国中故也】苟以兵甲趋行与夫跃马驰骋则人相恐动或因以乱也【○郑康成曰皆为其惑众】故皆禁焉乡之闾亦如此则遂可知

邦有故则令守其闾互唯执节者不几【音畿】

贾氏曰有故谓大丧寇戎等恐有奸非则命各守闾闾巷门【○黄氏曰令守其闾互令当守者耳郑谓令闾胥里宰之属非】○刘执中曰各守闾而互之以断出入而考其不在者○易氏曰守闾虽以防非常惟执节者不几又深辨乎往来缓急之所在国中之禁其严如此【○贾氏曰惟有执节公使者不几呵也】

周礼订义卷六十五

卷六十六

<经部,礼类,周礼之属,周礼订义

钦定四库全书

周礼订义卷六十六 宋 王与之 撰

冥氏下士二人徒八人

郑锷曰扬子曰撻埴索涂冥行而已又曰冥行翳路皆谓闇而无所见也故日入之后谓之晦冥冥氏设弧张为阱攫以攻猛兽欲其不知而陷入其中故有取于晦冥无所见之义

薛平仲曰自脩閭氏而上達于布宪之官凡十有一皆先王所以尽乎人也自冥氏以下至于庭氏之官凡十有二人又先王所以尽乎物夫大而人之为民害者既革微而物之为民害者已消则先王之用刑通乎天地之心矣

掌设弧张

郑康成曰弧张罝罽之属所以扃緝禽兽【○贾氏曰弧弓也谓张弓以取猛兽云罝罽之属者诗云雉罹于罝雉罹于罽并是取禽兽之物】○刘执中曰弧张谓机弩也

为阱攫以攻猛兽以灵鼓馡之

郑锷曰既设弧张又为阱攫盖兽之猛者非弧张所能取故为阱攫以攻之言攻则知其用力之难如攻战之攻也【○李嘉会曰止曰攻之不使获之必获恐猛虎伤人也】既为阱攫乃以灵鼓馡之使来【○郑康成曰馡之使惊趋阱攫】灵鼓者社祭之鼓也意者猛兽之为物藏于山蛰乎穴神实司之故用鼓社祭之鼓冀其神灵有以馡之而至

若得其兽则献其皮革齿须备

郑锷曰若得其兽则皮也齿也须也皆备献焉不可阙一将以供国家器用之资郑以备为爪未之前闻○李嘉会曰得之则献不欲遗留以起人争

庶【章预反】氏下士一人徒四人

郑锷曰或谓庶与蛀同字乃作庶何耶尝闻南方之人养蛊毒之家合众蛊之有毒者共为一处使自相啗食已尽其一存者乃为蛊毒然则蛊者合众庶之蛊以为之也然则毒能杀人杀

人有渐陰食其肉久然后死如蛙物之蛊然能蛙坏物也故其音则与蛙同或谓人所以不繁庶者蛊为之害也故名官曰庶氏岂其然乎【○郑康成曰庶读如药羹之羹驱除毒蛊之言】○刘执中曰毒蛊之病人非一种而下士一人者掌其方书治禁之法

掌除毒蛊以攻说禳【音溃】之嘉艸【音草】攻之

郑锷曰左氏曰于文皿虫为蛊谷之飞亦为蛊皆谓其腐坏也蛊能腐坏人之心腹其除之之法谓其有神也则以攻说禳之【○刘执中曰用巫医以呪禁止也】所以责其神谓其有毒也则以嘉艸攻之【○郑康成曰攻之谓熏之】所以胜其毒六祈之有攻说皆以辞责神也此曰攻曰说又曰禳非六祈之所谓禳当如注家读如溃痈之溃谓以辞责之使其毒溃散也嘉草药名可以攻蛊惜夫后世不知为何物○李嘉防曰毒蛊以嘉草药物熏去之足矣必曰攻说攻者若韩文公之云鳄鱼则可见矣○王昭禹曰用祝则治于未然之前用药则治于已然之后

凡毆蛊则令之比之

王昭禹曰其徒有四人则令使为之校以比之皆其徒也○郑锷曰蛊非人之所能毆也令者谓使人之能毆者毆之【○刘执中曰凡能毆蛊者随其方土所宜各有能者人有病者则令呼之】已则校比其事于以知其果能去否也【黄氏曰令之以国法令之比之使其邻伍相觉察】

穴氏下士一人徒四人

王昭禹曰冥氏攻猛兽之趋走而害人者至于藏伏而害人者未去非仁政之周故掌攻蛰兽者谓之穴氏○黄氏曰冥氏伺出穴氏攻蛰皆为其能害物也与兽人供膳兽不同

掌攻蛰兽各以其物火之

郑康成曰蛰兽熊罴之属冬藏者也 攻之必先烧其所食之物于穴外以诱出之乃可得之【○王氏曰其攻之也以其所嗜诱之以火燠而出之】○郑锷曰鱼龙有渊鸟兽有山林窟穴是其所藏之地先王欲其不敢逼人驱而远之可也乃特设一官攻而取之火其所嗜之物诱之使出毋乃暴乎盖除害者不待其害已及人然后除也恶其为一旦之害必先索而除之可也蛰于穴之兽如熊与罴之属或时出而害人不可使之藏于窟穴以俟人之隙则设穴氏以攻蛰兽未为过矣

以时献其珍异皮革

郑锷曰若其兽之身可以备珍异之羞如熊掌之类则必献以为膳羞其皮与革可以为器用之须则亦献之以为国家之用然献必以时则不常攻之矣

翬【音翅】氏下士二人徒八人

郑司农曰翬读为翅翼之翅○王昭禹曰鸟所以飞者在翬攻猛鸟者必攻其翬然后可获故名官谓之翬氏

掌攻猛鸟各以其物为媒而掎【居绮反】之

郑锷曰鸟有鸷者而已安得有猛先儒谓鹰隼之属然鹰隼虽猛不过搏击飞禽之小者彼当立秋始击或鸠化而为之或立于高墉之上先视其始击之时以正时令又画于旌旗之上以为军号何尝欲其无遗类耶今乃设一官专以攻之为职又用物为媒以致之则非鹰隼而已必其性之鸷害而甚猛能为人之害者矣故曰掌攻猛鸟知其猛与猛兽之猛同其攻之法以其类为媒以诱之【○刘执中曰各以其物则随其性之所宜非一物也或以鸠鸽之雏或以匹类但可媒获其法多矣】

以时献其羽翮

郑锷曰若其羽翮可为器用者亦以时献焉不常贡也【○李嘉防曰羽翮可以为箭羽者】

总论

王昭禹曰兽人皮毛筋角入于王府以足王之燕私玩好之欲而冥氏穴氏翬氏攻鸟兽之猛而其所献皆不入于王府者盖此特除其害而已兽人则所脩之利众所除之害悉仁施及人于是为大以其所施者大然后可以兼百姓之奉

柞【侧百反】氏下士八人徒二十人

郑康成曰柞除木之名除木者必先刊剥之【○贾氏曰知柞是除木之名者诗云载芟载柞芟是除草柞是除木】○陈及之曰柞氏攻木薙氏攻草皆主苑囿之官若畿内之山林自有虞衡等官提其大要而已

掌攻草木及林麓

郑锷曰攻如攻城之攻草木林麓根固蟠结不可削除则用力为尤多故曰攻【○贾氏曰柞氏攻木兼云草者以攻木之处有草兼攻之】○易氏曰木生于山而曰及林麓者林则积木者麓则山之足也○郑锷曰先王于草木设虞衡之官以作之固欲其条畅硕大以备抡材之用于此又设柞氏以攻之者尝考皇矣之诗作之屏之其菑其翳脩之平之其灌其柵启之辟之其柎其楛攘之剔之其槩其柘则虽至美之材亦刊而除之以居民之地柞氏所攻殆是类欤【○王昭禹曰草木所生林麓之地苟可以宅民稼穡者大司徒固尝辨十有二土以相民宅矣辨十有二壤以知其种矣柞氏因司徒之所辨者以攻治之而已】

夏日至令刊【苦干反】阳木而火之冬日至令剥陰木而水之

郑锷曰攻之之法夏至日则刊阳木而令燔燎以火冬至日则剥陰木而令浸漬以水木之生于山南者为阳木夏日至则阳气之极又况火之炎阳乎于是时则刊阳木而火之彼不胜乎阳而死矣生于山北者为陰木冬至日则陰之极又况水之凝陰乎于是时则剥陰木而水之彼将不胜乎陰而死矣盖陰阳相济则冲气以为和此物之所以生陰阳偏胜则乖沴而为疾此物之所以死阳木言刊陰木言剥先儒以为互言余以为刊除也与随山刊木之刊同阳木坚而难除故以刊言之剥剥也与易柔变刚之剥同阴木柔而易去故以剥言之刊剥者除草木而空其地或居民或作室未必欲为耕种之地【○刘执中曰山南之木曰阳木者以其稟而生者陰气之不足也山北之木曰陰木者以其稟而生者阳气之不足也阳不足者水之则多沉陰不足者火之则多浮圣人以火养其沉者可使之浮焉以水养其浮者可使之沉焉天官所谓百工飭化八材者抑其有余以补其不足以辅相天地而成其化者也故轮人之职曰凡斩毂之道必矩其陰阴阳也者稹理而坚陰也者疏理而柔是故以火养其陰而齐诸阳则穀虽弊不其柞氏之所职乎故攻草木及林麓者选材以资木工也夏至日陰生也则刊其阳木之陰以去其气之不足者既伐然后以火养其所刊可以齐诸阳也冬至日阳生也则剥其陰木之阳以去其气之不足者既斩然后以水养其所剥可使齐诸陰也】

陈及之曰所谓仲冬斩阳木仲夏斩陰木颁其格令于民间使民知禁斧斤以时入山林则材木不可胜用也大要如是而已若曰设虞衡以养蕃设柞氏以刊剥之则其细已甚且不胜其劳矣

若欲其化也则春秋变其水火

郑康成曰化犹生也○郑锷曰若欲用为耕地而冀其能化生嘉谷则于春秋之时变其冬夏所用之水火夏用火矣春则水之冬用水矣秋则火之前日所用水火一切反易而变更之则水火相济而其土和美自能化生嘉谷也【○王氏曰其藁薄于陰阳相沴之气化而为土矣】

凡攻木者掌其政令

郑康成曰除木有时○郑锷曰木或当刊或当剥或宜水或宜火与夫春夏秋冬之时各有政令也

薙【他计反】氏下士二人徒二十人

郑康成曰薙读如髻小儿头之髻○郑锷曰考月令于季夏之月烧薙行水利以杀草则除草谓之薙也然非所当生之地而生非其有用之物而有大则害百稼小则秽涂径安得不杀之乎故名官曰薙专以薙而杀之为职

掌杀草

王昭禹曰凡物以阳生以陰死唯草之为物其芟则陰不能死薙草者必有以杀之然后其芟不复生【○易氏曰传所谓农夫之务去草芟夷而蕴崇之此杀草之法】

春始生而萌之夏日至而夷之秋绳【音孕】而芟之冬日至而耜之

郑锷曰杀草之法其去必有渐春始生之初则薙其萌萌而去之根尚在也未能不生夏日至则阳极而热于时则薙而夷之夷伤也盖因盛阳之炎阳以钩鎌迫地伤之也然夷则但伤之而已未死也伤而未死者犹或能绳绳与孕同谓含实也于其含实而绳育之时则芟刈而蕴崇之及冬日已至陰极而冻于时则以耜而划之【○贾氏曰耜广五寸谓耒头金】划覆其根冻死于冬则来春不能萌然则一年之事也或谓草可蹂践而死薙用一年何耶殊不知除恶务本本根难尽去之有渐【○贾氏曰薙氏所掌治地从春至冬亦一年之事后年乃可种】

若欲其化也则以水火变之

王昭禹曰欲其化而为土则以火烧其所芟夷之本末又从而加之以水则其薄于陰阳相沴之气而草化为土矣月令所谓烧薙行水也

黄氏曰鸟兽昆虫草木之害人者皆务去之此与制刑之意一也先王无一物而不爱斧斤以时入山林爱心之所加也草自始生而萌之又夷之绳而芟之又耜之既又以水火变之盖消化之也郑言土化美非也设官之意与稻人不同

掌凡杀草之政令

郑锷曰杀草政令谓春夏秋冬萌夷芟耜自有先后之序薙氏则掌之观谈苑记江南主患清暑阁前草生徐锴令以桂屑布砖缝中宿草尽死则杀之之法不必一年矣

哲【他歷反】蒺【仓独反】氏下士一人徒二人

王昭禹曰人情莫不欲吉而恶凶先王与民同吉凶之患凡凶者皆在所去故设官掌覆夭鸟之巢而谓之哲蒺氏哲言摘也蒺言巢也摘其巢而去之则夭鸟不复至矣【○郑锷曰哲与彻同蒺者鸟之为巢蒺众木以为之】

掌覆夭鸟之巢

郑康成曰覆犹毁也○郑锷曰王政仁及飞鸟不毁卵不覆巢今乃设官以哲去之何耶此乃覆夭鸟之巢先儒谓恶鸣之鸟若鸛鵒之类且鸟之恶鸣者固人之所恶何必专设一官以去

之观韩退之之诗言有鸟夜飞名曰训狐然则设官而去之者殆此类欤唐子西云吾少时读
哲族氏庭氏未尝不窃笑以为不急之务后读圣惠方言有鸟夜飞谓之无辜小儿衣服遭之
輒成疾因以无辜名之状如五疳是以知天鸟之害有如此者非独如康成所谓鸛鵂之类除
去使国中洁清而已驱出四海之外而不得以为害周公之所建置不可谓不切于事

以方书十日之号十有二辰之号十有二月之号十有二岁之号二十有八星之号县【音
】其巢上则去之郑康成曰方版也○郑锷曰哲族虽掌覆巢有不待覆巢而去之之法以方
版书十日十二辰十二月十二岁二十八星之号县其巢上彼见其号将自去焉郑康成以为
天鸟见此五者而去其详未闻余尝考之鵲忌庚燕避戊己蝠逢申日则过街鵲作巢则避太
岁类从亦曰燕识戊己不衔泥狐潜上伏不越渡阡陌又曰狐狼知虚实虎豹知冲破然则鸟
知避此五者亦或有之盖天鸟者物之妖也五者之号天地之正也正之去妖理之必然也寅
月为陬卯月为如辰月为病巳月为余午月为皋未月为且申月为相酉月为壮戌月为 亥
月为阳子月为辜丑月为涂此十二月之号也岁在寅曰摄提格卯曰单阏辰曰执徐巳曰大
荒落午曰敦牂未曰协洽申曰涒滩酉曰作噩戌曰阉茂亥曰大渊献子曰困敦丑曰赤奋若
此十二岁之号也自甲至癸十日之号也自子至亥十二辰之号也自角亢至翼轸二十八星
之号也○王氏曰日辰月岁星之神凡有气形者制焉故书其号焉可以胜天

翦氏下士一人徒二人

郑康成曰翦断灭之言主除虫蠹者诗云实始翦商○郑锷曰除蠹之法与庶氏除蛊事同而
义异蛊则合庶毒以为之官曰庶氏本其致毒之由以诏后世也蠹比蛊为害甚轻名官曰翦
教人以翦而去之之法也

掌除蠹物

郑康成曰蠹物穿食人器物者蠹鱼亦是也【○郑锷曰书内有白鱼及白蠹食书之类然考
之传有曰木将病蠹生之则蠹亦为木之害也】

以攻禳攻之以莽草熏之

郑康成曰攻禳祈名莽草药物杀虫者以熏之则死【○郑锷曰莽草药名也谓其有神则以
攻禳而攻之谓其有毒则以莽草而熏之】

刘执中曰翦者飞蝗之翦断禾穗者也蠹者螟虫之蠹禾根者也蛊者蝱虫之食苗心者也凡
庶蛊者蛭蝻蝻贼之害稼者皆是也故以攻禳之法祭而攻除之又焚莽草熏烧之除苗害也

凡庶蛊之事

郑锷曰又言凡庶蛊之事者庶氏自掌除蛊然蛊为难除除之不得或亦用翦氏之法【○贾

氏曰翦氏主除蠹物其蛊毒自是庶氏今此云凡庶蛊者同类相兼左右掌之】

赤𦍋【音跋】氏下士一人徒二人

郑锷曰虫豸藏埋于墙屋之隈除去为难当用物以捋拔而去之故名曰赤𦍋

掌除墙屋

刘执中曰墙屋隙罅之间有虫有豸皆螫人而毒入四爻至于迷闷痛绝不可救者蠮螋蝎防蜘蛛蜈蚣之类皆是也○郑锷曰文王仁及昆虫伏藏埋蛰于墙屋之下乃设官搜求以除之何耶此殆为王居也至尊所处固当致严墙屋之下人迹罕至苟有能致害之物藏焉不可不去也

以蜃炭攻之以灰洒【色买反】毒之

郑康成曰蜃大蛤也捣其炭以垆之则走【○王昭禹曰以蜃炭攻之则以火之毒气暴之使出也】洒洒也沃灰以洒之则死○刘执中曰古者以蜃炭攻之又以灰汁沃之今之为方非独此也而用蜃炭涂暨墙壁亦赤𦍋之遗法欤

凡隙屋除其𧈧【莫皆反】虫

郑锷曰隙屋则离宫别馆希御幸之地无所不除之矣【○贾氏曰埋藏之虫在屋孔穴之中故以隙屋言之】○郑康成曰𧈧虫防肌蜚之属○王氏曰𧈧虫亦有害人者故除之

蜎【音馘】氏下士一人徒二人

郑司农曰蜎读为蜎蜎虾蟇也月令云蜎蜎鸣

掌去鼃【音蛙】鼃【莫幸反】

郑康成曰齐鲁之间谓鼃为蜎鼃耿鼃也蜎与耿鼃尤怒鸣为聒人耳去之○郑锷曰天下之蜎蜎为不少矣疑此所去者亦为王宫耳蜎之字从虫从国非特野有之虽国中亦有之故晋惠帝闻其鸣询左右以为公为私则宫禁之中未尝无也鼃鼃二者尤能怒鸣王庭肃清固所不容况有齐戒之时凡物之可以昏聩王之志意者皆去之岂容此物聒聒乎其侧耶

焚牡鞠【音菊】以灰洒之则死以其烟被之则凡水虫无声郑锷曰牡鞠谓菊之不华者能治鼃鼃盖物有相制者不可以理诘也焚牡鞠为灰以洒之顺风势被之以烟为灰所毒者则死不为灰所毒者得烟亦无声焉【○杜氏曰假令风从东方来则于水东面为烟令烟西行被之水上】

壺 【音卓】 氏下士一人徒二人

郑康成曰壺谓瓦鼓 击之也○王昭禹曰击瓦鼓以馭水虫故名官谓之壺涿氏

掌除水虫

郑康成曰水虫狐蜮之属○郑锷曰水虫之能为人害者如春秋书有蜮之类谓于水中含沙射人影为灾故也

以炮【步交反】 土之鼓馭之以焚石投之

郑康成曰炮土之鼓瓦鼓也○郑锷曰壺 氏馭之以炮土之鼓为瓦鼓以火炮之其状如壺可以 击水虫以浊其水旧书以 为浊【○王昭禹曰以土能胜水而制之也】馭之不去又以焚石使 投于水中如以热汤以火制水也【○郑康成曰焚石投之使惊去○王昭禹曰攻之以火气使感陰阳相沴之气而死】刘执中曰攻之以火气应之以阳声则陰邪之虫去矣

若欲杀其神则以牡槀【音枯】 午贯象齿而沈之则其神死渊为陵

郑康成曰神谓水神龙罔象○郑锷曰若为害之虫馭之不去意有神者主之欲杀其神使之死欲塞其渊使其虫无所藏必有牡槀午贯象齿而沉之槀木名所谓山榆也象齿象之牙也取山榆之牡者十字交午贯穿象牙【○贾氏曰以槀为干穿孔以象牙从横贯之为十字】以沈乎水中则可以杀水虫之神且使水涸而渊塞化为丘陵物有能相制相治者固不可以理诘也【○刘执中曰若有神物在渊时有变见惊震于民者则以象牙午贯榆木沉之则其神死而其渊陵矣谓如蛟蜃龙 之属穴为居者非水注成渊】古之圣人达万物之理得其材用以为除害之术除蠹物则用莽草除狸虫则用蜃炭除鼃龟则用牡蕲除水虫则用牡槀天地间物皆为天地间用然非明哲有所不知【○王昭禹曰凡此之类皆圣人所以变化驱除之术非深穷物理之所以相治相克者孰能与此且夫琥珀拾芥磁石引针戎盐累卵獭胆分杯坏漆以蟹浣锦以鱼散血以藕皮毁金以羊角皆出于自然之理先王命官如此岂非知变化之道知神之所为乎】

庭氏下士一人徒二人

郑锷曰郑以庭氏主射天鸟令国中洁清如庭疑其不然古有大庭氏其所行之事久遠无传窃疑用致日月之弓矢以射天鸟自大庭氏始也攷赐老者以杖之官名曰伊耆氏则取古天子之号以为名不为无证

总论

易氏曰上经四官言四物之害则有形可求也故以力胜之此六官言六物之害则无形可求也故以智胜之夫六物至微各设一官以去其害类不憚烦者盖万乘所至或在苑囿或齐宿于郊庙之内或临御于朝廷之上物不去则护卫至尊为有阙所以专设六职以除妖怪微伏之物今观翦氏以莽草熏器用之蠹赤龙氏以蜃炭而洒墙屋之毒蝮氏以牡鞠之灰与其烟以去鼃龟之聒固可信也若夫壶氏以炮土焚石而除水虫又以牡槀午贯象齿以杀其神哲族氏书岁月日辰之号以覆夭鸟之巢庭氏又以太陰救日月之弓与救日月之枉矢以射其神圣人精察乎万物之理必能通乎变化之道后世巫家犹有禳厌之术医家犹有攻治之法独可以是非而疑周官乎○王氏曰详观周礼所载道路沟浍一草木一鸟兽一昆虫小小利害或兴或除而地官秋官之职分矣凡所兴利以地官主之凡所除害以秋官主之

掌射【食亦反】国中之夭鸟

王昭禹曰夭鸟谓呼鸣而为怪者先王因人情之所恶故在国中者皆庭氏射之【○贾氏曰城郭人聚之处不宜有夭鸟故去之】○郑锷曰言国中之夭鸟则是夭鸟也旧所无有偶自远而至此也如鸛鸽来巢鲁旧无今有之故春秋书其异

若不见其鸟兽则以救日之弓与救月之矢夜射之○郑康成曰不见鸟兽谓夜来鸣呼为怪者兽狐狼之属○刘执中曰鸟兽为夭者夜中闻其声而不见其形被其害而不见其迹者也救日之弓者乘日食时所造阳乘于陰之器也救月之矢月食时所造陰胜阳所成也以陰阳至盛之气攻暗昧不明之夭罔不克矣【○郑锷曰夜射之弓矢曾用以救日月或足以制太陰而胜之或足以制太阳而胜之则其神异所凭岂不足以威不正之妖物欤】

若神也则以太陰之弓与枉矢射之

郑康成曰神谓非鸟兽之声若或叫于宋太庙譊譊咄咄者

郑锷曰此言太陰枉矢则非救日月之弓矢也太陰之弓谓其弓纯属乎陰司弓矢言枉矢利火射说者谓象天枉矢之星则枉矢者纯属乎阳可知若夫先儒谓太陰之弓用恒矢太阳之弓用枉矢岂其陰阳之正足以威服百神欤【○王昭禹曰以此射之亦以日月之精气胜其夭也】昔欧阳脩作鬼车诗中谓昔者周公夜呼庭氏率属弯弧逐出九州之外射之三发不中天遣天狗投空嚙之落其一头清血常流以昼藏夜伏陰黑则飞见火光则惊堕血点污人家其家必破由此言之不设官以射之为害岂小哉【○王氏曰鸟兽言夜射则神以昼射】

总论

陈及之曰古之王者钟鼓管以养其内威仪文物以养其外其礼乐未尝斯须去身出则有虎贲氏夹道而趋居则有士庶子之掌守其居止行幸未尝一日忘武备自书生论之以为无他事矣先王犹谓猛兽之隐伏毒蛊之窃发狸虫之潜隐水虫之巧伺皆足以害人身夭鸟之声鼃龟之音亦足以乱人心一物不去于治身养心为有缺则是九官者非得已而不已也豕

突乘輿熊当御坐虽当时简忽所致亦王制有不足耳所谓方书十日十二辰十有二月十有二岁二十有八星之号以去夭鸟攻瘡以攻蠹物蜚炭以攻狸虫牡鞠以去鼃龟炮土之鼓以去水虫救月之矢以射夭鸟皆明于庶物精义入神所能也

衞枚氏下士二人徒八人

郑康成曰衞枚止言语蹢躅也枚状如箸横衞之为之繯结于项

掌司蹢

郑康成曰察蹢蹢者为其聒乱在朝者之言语

国之大祭祀令禁无蹢

郑康成曰令令主祭祀者○王昭禹曰祭祀贵静而肃大祭祀尤致严焉故令禁蹢孔子于宗庙朝廷便便言唯谨尔亦所以戒蹢也楚茨言君妇莫莫以言承祭祀者静而不哗

军旅田役令衞枚

郑康成曰为其言语以相误○王昭禹曰军旅田役大众所聚恶哗而善静故令衞枚大祭祀止于令禁无蹢者承祭祀者不若军旅田役之众

禁 【音叫】 呼吸鸣于国中者行歌哭于国中之道者刘执中曰声微而众曰 声大而急曰蹢声高而缓曰呼声怨而嗟曰叹声悲而伤曰鸣声过于乐曰歌声过于哀曰哭○王昭禹曰人之乐不能不歌人之哀不能无哭圣人曷尝抑之使无歌哭哉于所居可也行而歌哭于国中之道为其感动人心故禁之【○郑锷曰亦禁其为妖异之声以惑众耳】

伊耆氏下士一人徒二人

郑锷曰先王笃养老之礼为其气体已衰年德弥尊设为赐杖之制以优之自七十者杖于国至八十者杖于朝取伊耆息老之义以名官且取耆艾之义○陆氏曰礼记曰伊耆氏始为蜡为伊耆氏掌共王之齿杖以耆待杖然后安犹老物待蜡然后息也伊耆氏有功于耆老者也故后世以其官为姓周又以其姓名官先儒为其制鼓籥又始为蜡于是以为古王者号然首造数容成造历苍颉造书之类岂为古王者哉伊耆氏实古王者之号周不宜列于衞枚氏之后而以下士之官名之○黄氏曰刑官终于伊耆氏杖所以扶老者安之也道德之威中外肃穆而人各得长老慈防所谓尧舜行德而民仁壽也

掌国之大祭祀共其杖咸

郑康成曰咸读为函○王昭禹曰咸盛杖之器○郑锷曰杖之有咸犹节之有英簃尔老臣虽杖于朝至于祭祀之时以敬为主虽老而不敢杖伊耆氏共其函以盛之既事乃授之所以尊神也

军旅授有爵者杖

黄氏曰有爵者皆有统率在军见王见帅宜当执杖今三衙兵官常朝亦执杖也【○郑锷曰军中以斧钺为威将帅所执尔若有爵者在其中既非杖钺之将又匪将校之列宜有以表异之故授以杖见其爵位之尊○刘执中曰尊其爵以御众不必老焉然古之杖皆授于君而有等制不可以私作矣】

共王之齿杖

郑锷曰国老年齿已高在礼宜杖是之为齿杖以齿论之虽可以杖必出于王之所赐然后杖伊耆氏之职则共之于王而王用以赐也周家之杖有五十六七十八十在乡在家在国在朝之异此所共者其在朝在国者乎汉之哀帝赐孔光以灵寿杖其有周旧典欤

王昭禹曰军旅授有爵者杖贵贵也共王之齿杖老老也

周礼订义卷六十六

卷六十七

钦定四库全书

周礼订义卷六十七 宋 王与之 撰

大行人中大夫二人

唐氏曰伯夷降典折民惟刑司仪行人之官必属司寇此古者礼刑相表里之意【○陈及之曰大小行人司仪掌客宜属春官而乃属秋官者以六服诸侯之朝贡王之所以抚存覲省巡守亦邦禁所系也】

薛平仲曰五礼固不止于賓客而达于天下之相亲者惟賓礼为至是以掌礼之官必命曰行人因其事宜以致其小大之称故大行人以中大夫二人专掌礼之纲小行人以下大夫四人专掌礼之籍威仪烦縟属之司仪小事纖悉達之行夫卫其行李以送逆之责之环人及夫五服之外若蕃国之入见虽不能尽同于中国之礼先王待之又特建夫象胥之官无所往而不接于礼天下亦何事于刑禁之防哉

掌大賓之礼及大客之仪以亲诸侯

郑锷曰奉一人之命供行李之役以往来于诸侯之邦者行人也掌大賓之礼及大客之仪则以别乎其小者也六服羣辟谓之大賓则外近乎蕃夷者其君谓之小賓矣诸侯之孤卿谓之大客其大夫士来谓之小客矣大宗伯曰以賓礼亲邦国盖等降浸邈人情隔踈待以賓客且有礼仪使欢欣交通乃所以亲之也于賓曰礼于客曰仪礼本也仪末也语其体则曰礼见于揖逊周旋则曰仪行礼未尝不见于威仪威仪未尝不本于礼大賓为尊故以礼言大客为卑故以仪言耳大宗伯以九仪之命正邦国之位典命掌诸侯之五仪则诸侯之尊何尝不贵于有仪乎小行人言使适四方协九仪賓客之礼且言君之礼也臣之礼也诸侯之臣何尝不贵于有礼乎其所以异言者别尊卑耳

春朝诸侯而图天下之事秋覲以比【毗志反】邦国之功夏宗以陈天下之谟冬遇以协诸侯之虑

贾氏曰此有考绩之事故以王见诸侯为文大宗伯无事相见故以诸侯见王为文○郑锷曰王者之于诸侯当其朝覲宗遇之时凡天下之事无不与之图非止春朝则图之邦国之功无不比非止秋覲则比之天下之谟无不使之陈何止于夏宗诸侯之虑无不使之协何止于冬遇此盖因四时之朝分四等之名因时以明义而已盖一歲之计在于春春者始事之时也故春言图事谓春为造事之始耳秋者物成之时人之立事自春而圖之积功至秋亦可以成矣故秋言比功谓秋为万物之成耳夏者文明之时谟欲其明显然着于耳目故取文明之时以

陈之冬者收藏之时虑欲其隐故取收藏之时以协之谟欲众共知故言陈虑恐人人异志故言协王者因诸侯之来而屈礼以接之欲与之经营图为者如此三时不言诸侯则省文于事与谟言天下则非一国之事一国之谋可知至于比功特言邦国协虑特言诸侯者校其功之高下非合众国比之何以见其优劣若夫谋虑则恐诸侯之心不与天子协言诸侯者对天子之言也【○易氏曰所谓春朝而图事者若王制言诸侯之朝而考礼正刑是也然事作于先者功必成于后又于秋覲而比之所以察其礼刑之成二者见于春秋之时故因春朝秋覲之礼而行之所谓夏宗而陈谟者舜典言羣后之朝而曰敷奏以言是也然谟之见于外者虑必定于内又于冬遇而协之所以核其敷奏之实二者见于冬夏之时故因夏宗冬遇之礼而行之】○王昭禹曰先事后功功以成事故也先谟后虑终则有始故也独春朝不言以者春为朝礼之正非直为图事也愚案朝于春而图事以谨其事之肇端覲于秋以比功以述其功之告成二礼特重故序朝覲于夏宗之先宗则名其礼之知所尊遇则名其礼之适相合非其所急故夏宗有谟则陈无则已也冬遇虑乖则协否则已也故二礼不为重王者将以顺适诸侯之情不得不立为四时之礼

黄氏曰诸侯平居无事之时王者于德意志虑则道之使知度量法则则谕之使同好恶已一于心用舍已一于事及其入王又防而图之以四海为一家以中国为一人盖如此

时防以发四方之禁殷同以施天下之政

郑锷曰四时之朝常朝也时防者其防有时非一定之时盖诸侯有不奉王命而王将有征讨之事于是时则防诸侯于国门之外殷同者其同甚众非一国之至盖天子于十二岁或未行巡守之事于是时则六服羣辟同见于天子之朝【○黄氏曰殷正也使天下同归于正故谓之巡守殷国】此二者非常朝也乃发四方之禁乃施天下之政各视其事之宜士师有五禁之法用以左右刑罚耳非所以为四方之禁大司马九伐之法以正邦国是谓四方之禁必以时防之时发之者盖诸侯有冯弱犯寡贼贤害民等事不遵法禁王将有征讨焉则防诸侯而发以示之使承命往伐兹其事之不常固有时而发矣地官有均齐天下之政然用以治内地尔非所以为天下之政大司马以九畿之籍施邦国之政职是谓天下之政必于殷同之时施之者盖诸侯有当各朝之年虽示之以政职未必信其为均不均也于九畿并朝之年则合而为一施布以命之使同见其所贡之等示其政之无私故于同而施之也【○黄氏曰禁繫之四方礼俗人情有不同不可得而一也政繫之天下四方内外不容其或异也政即协时月正日同律度量衡是也】

易氏曰此六者即大宗伯所谓賔礼也大宗伯详其賔礼之名大行人又以详其命诸侯之实然宗遇防同亦或總以朝覲名者曲礼曰天子当依而立诸公东面诸侯西面曰朝郑氏谓夏宗依春此图事陈谟皆所以责其始冬遇依秋此比功协虑皆所以攷其终故曲礼言朝覲而经亦多以朝覲为主至于防同之发禁施政又因朝覲之时而行其礼故经亦谓之大朝覲此朝覲宗遇之名虽异先王行礼之意一也王氏详说曰大宗伯大司马法与大行人载此各相为异同宗伯言朝覲之礼行人言朝覲之事至于司马法谓春以礼朝诸侯图同事夏以礼宗诸侯陈同谟覲遇防同亦如其说言朝而必言礼言事而必言同事盖同者有同与不同之义

焉此所以为司马法【○愚按余说见大宗伯】

时聘以结诸侯之好【呼报反】殷覲【通吊反】以除邦国之慝郑锷曰诸侯之事天子则有时聘殷覲之文大宗伯所谓时聘曰问殷覲曰视是也天子之于诸侯亦有以报其礼故此行时聘殷覲之礼以答之但天子遣行人以往则曰结好除慝此所以不同也诸侯比年小聘三年大聘矣王又以时遣人聘之春秋书天王使凡伯来聘之等是也聘则有财以为礼所以结好于诸侯先儒谓天子有事诸侯使大夫来聘亲以礼见之遣之所以结其恩好考其文意似非是也诸侯于一服朝之歲皆使卿以聘礼来覲是也覲省视也王者省视其所为虑其有相恶之慝慝者怨恶之匿乎心也积怨不除至于相吞灭者有之为之讲解使消除焉合方氏所谓除其怨恶殆此类也先儒谓诸侯使卿来覲天子命以政禁除其恶行亦非也黄氏曰郑见宗伯序聘覲于朝覲宗遇防同之下故皆以为王见诸侯之臣然大行人间问归脤贺庆致禴与殷覲联文不知何以分之又郑注典瑞琬琰圭则曰王使之瑞节至此乃以为王见诸侯之臣盖自叛其说矣大抵存覲省聘问小行人所谓臣礼者存覲省王抚诸侯王臣行之聘问诸侯邦交诸侯之君行之诸侯固有当朝而偶有故不能朝者于经则有世子摄君之文未见诸侯使卿大夫聘王之名或君有故未有世子则如之何曰宁赐母朝不使臣代其君礼也

间问以谕诸侯之志归脤以交诸侯之福贺庆以賛诸侯之喜致禴以补诸侯之裁

郑康成曰此四者王使臣于诸侯之礼○郑锷曰诸侯之于天子有时聘之问天子间一岁亦一问之是谓间问盖诸侯之众未必皆能通晓吾志之所在者间岁问之告之以言语书名使其心晓然知王朝之意下文所谓七岁谕言语九岁谕书名是也诸侯之于天子有致福之礼天子之祭亦归之以胙是谓归脤盖诸侯以福致之王王祭毕亦取胙肉以归之乃所以交其福凡此时聘殷覲间问归脤固有一定之期若夫贺庆致禴遇时则举初无常数之拘以物贺者曰贺与礼记贺娶妻之贺同以言庆者曰庆庆与左传诸侯皆庆寡人之庆同所以賛其可喜也【○郑康成曰賛助也○王昭禹曰所以与之同其乐】若夫禴礼诸侯之国为灾害所困则防财以与之以补其阙与孟子所谓补不足之补同【○郑康成曰致禴凶礼之吊礼禴礼也补诸侯裁者若春秋澶渊之防谋归宋财○王昭禹曰所以与之同其忧】然大宗伯有禴礼以哀围败之言故学者专指围败为说余以为天灾流行国家代有皆当赈恤之不特国为人所围败然后会财以补之也大宗伯分而言之大行人合而言之

黄氏曰间问王自以日月阔疎恐情意隔絕则间遣使而谕之汉中山靖王来朝天子置酒闻乐声而泣问其故具以吏所侵闻上乃厚诸侯之礼宗伯无间问朝覲宗遇防同归脤贺庆致禴皆已见大行人又见宗伯典籍之所存也大行人上下所由以交际也故宗伯總其纲目大行人明其事义礼乐不兴则刑罚不中矣大行人列于刑官之属汉叔孙通所撰礼仪与録藏于理官固为略知此意而本末不相副专欲倚法而行卒之法家不传而臣民莫有能言者

总论

王氏详说曰宗伯賓礼皆言诸侯于天子之事不言天子于诸侯之事至于飨燕之亲四方脤

膳之亲兄弟庆贺之亲异姓反见于嘉礼盖賓礼为诸侯而设嘉礼为万民而设以诸侯归脤庆贺之事与万民同其礼所以正君臣之分使诸侯不得与天子分庭抗礼也此周公制礼之深意然宗伯以归脤庆贺分同姓异姓而大行人槩以为诸侯盖宗伯言其定制行人言其通用也不然齐为异姓宰孔何有加劳一级之语宋为二王后皇武子何以有天子有事膳焉之语乎况归脤以交诸侯天子归脤于诸侯诸侯亦归脤于天子都宗人谓致福于国者此也然则凡言诸侯者不以同姓异姓为义例也若夫致禴以补诸侯之裁皆凶礼之五者是也凶礼之别曰丧礼荒礼吊礼禴礼恤礼皆以哀为文是同其事也可知郑氏以致禴为凶礼之吊礼禴礼贾氏以致禴为凶礼之吊礼郑氏之意但谓吊礼哀祸裁禴礼哀围败而此曰致禴补诸侯之裁也贾氏之意谓禴礼用之于围败非用之于祸裁遂以此惟言吊礼余四者非行人之事也从郑氏之说则一句不容有二名从贾氏之说则二字不容合而为一句二说皆失之嗟乎春秋之时天子待诸侯之礼虽存诸侯待天子之礼已废书诸侯之朝于鲁者三十有四而鲁之朝于天子也不过僖二十八年两书公朝于王所而已初非来朝也书天王之来聘于鲁者有八来锡于鲁者有三【莊元文元成八】来求于鲁者有二【桓十九文九】来归脤于鲁者有一【定十四年】初不闻鲁之来聘来锡来求来归脤于天王也鲁之懿亲能秉周礼者且如此他可知也

王昭禹曰朝覲宗遇会同六者诸侯致勤于王也时聘殷见间问归脤贺庆致禴六者王致爱于诸侯也诸侯以礼致其勤王以仁致其爱

以九仪辨诸侯之命等诸臣之爵以同邦国之礼而待其賓客

郑康成曰九仪谓命者五公侯伯子男爵者四孤卿大夫士

郑锷曰有命本由有爵诸侯之命为尊不止于爵而已故以命言有爵未尝无命诸臣之命为微命不足道也故以爵言典命言诸臣五等之命则诸臣未尝不以命为别书言列爵惟五则诸侯未尝不以爵为主此各因其盛者言之命言辨爵言等命之尊者以五以七以九为节数至于繁则易于乱以辨为言欲其数之有别也若夫爵则不然同为士也而有小大若次国之士同为大夫也而有小大若次国之大夫同为孤卿也而有小大若次国之孤卿此所以为难齐是故次国之上卿当大国之中中当其上大夫小国之上卿当大国之下卿中当其上大夫下当其下大夫各因其国之小大以齐之不然小大无等待之之礼无时而可同矣

易氏曰爵命不同如此而曰同邦国之礼者非谓举其倍蓰不同者而同之也命同于上公皆以九为节命同于侯伯皆以七为节命同于子男皆以五为节以至爵同于孤则皆以四为节爵同于卿大夫而有大国次国小国之异命则亦各眡其命之数而为节以此待賓客则大行人之所掌有定籍而其爵命之上下隆杀各当以礼而举不敢逾其分其为同也至矣【○郑锷曰王朝之礼如此亦欲邦国知其如此苟王朝用之邦国不同何以使賓客之礼归乎一哉惟辨其命等其爵斯可得而同矣九仪以辨其君之命等其臣之爵命同者其礼以命而同爵同者其礼以爵而同如是则内外其知礼之无二矣】

上公之礼

王氏曰三公八命出封加一等则谓之上公○郑锷曰周封鲁以上公之地是同姓之为上公也建微子以为上公是异姓之为上公也公视侯伯固已尊矣而曰上公尊而又尊之辞

执桓圭九寸纁借九寸

贾氏曰执桓圭九寸者以桓楹为饰纁借九寸者所以借玉【○郑康成曰纁借以五采韦衣板若奠玉则以借之】○郑锷曰天之大数不过十二故王者法之阳之极数过于九而必亢以九而止故上公法之圭之寸服之章常之旂樊纁之就车之乘介之人皆以九为节所以法阳数之极以明人臣之位极于此矣

冕服九章建常九旒

郑康成曰冕服着冕所服之衣九章者自山龙以下○郑锷曰上公所建交龙之旂尔至于日月之常王所建也今日建常者盖别而言之指画日月者为常总而言之凡爵命之尊所得而建之旗皆可谓之常谓其常得而用之也【○王氏曰谓之建常以象其道也】非有取于日月为常之义此所以称王之所建者为大常言大者以明于旗之中为最大○郑康成曰旒其属纁垂者【○贾氏曰尔雅云纁帛纁练旒九正幅为纁谓旌旗之幅也其下属旒故云属纁垂者也】郑锷曰凡此皆诸侯命数所当用

樊【音盘】纁九就贰车九乘【绳证反】

郑康成曰樊纁马饰以罽饰之每一处五采备为一就就成也贰副也【○郑锷曰后乘之车】

介九人礼九牢

郑康成曰介辅已行礼者【○王昭禹曰以相礼曰介以相賓曰侯介侯所以传辞】○贾氏曰介九人者陈于大门外賓北面时介皆西北陈之○郑锷曰礼九牢以下则朝享之时王朝所以待之之礼也礼则掌客所言饗饔之大礼也三牲备为一牢王朝礼賓之礼莫盛于此然其礼常致于既朝享之后【○贾氏曰饗饔大礼朝享后乃陈于馆】今乃叙于介九人之下为非其叙盖述礼者因其数之用九故并列之耳【○愚按余说见后摈者五人】

其朝位賓主之闲九十步

郑锷曰凡诸侯之来朝春夏则受其贄于朝乃受其享于庙所以象阳气之布散秋冬则受贄受享一于庙中而已所以象陰气之收敛春夏之分也以明賓主秋冬之合也以正君臣此言朝位賓主之闲步数者指春夏之言也盖春夏于朝受贄王不迎賓已受贄讫乃受享于庙王

于是有迎宾之法其朝见之位分为宾主相去九十步者王与上公相远之数【○郑康成曰朝位谓大门外宾下车及王车出迎所立处】

易氏曰于是王行四十五步以近宾宾行四十五步以朝王【○陈君举曰宾主立礼公九十步主人便合近前四十五步方相揖以下便降杀此意思极佳记曰觐礼天子不下堂而见诸侯下堂而见诸侯天子之失礼也由夷王以下此汉儒之陋今不取之】

立当车轂

郑锴曰惟其为宾主故诸侯得上服乘所得乘之车而至及门下车当车轂而立轂车轂之末【○贾氏曰车辕北面向在西边亦去大门九十步公于车东东西相望当轂末】车有二轂一是轂末一在軛前此谓轂末之轂○郑康成曰王始立大门内交宾三辞乃乘车而迎之斋仆为之节上公立当轂侯伯立当疾子男立当衡王立当軫与【○贾氏曰王立当軫差约小向后为尊故也】

宾者五人

贾氏曰宾五人者大宗伯为上宾小行人承宾嗇夫为末宾其余二人是士也○郑锴曰前言介此言宾者宾自用人以辅已行礼则名曰介王朝用以相礼宾而进之者则名曰宾大宗伯王命诸侯则宾论语谓君召使宾是也

庙中将币三享

郑康成曰庙受命祖之庙○郑锴曰既宾而入庙王受其享享必用币上公将送币以享王其享也必至于三则礼成于三矣

郑司农曰三享三献也【○郑康成曰三享皆束帛加璧庭实惟国所有朝士仪曰奉国地所出重物而献之明臣职也朝先享不言朝者朝正礼不嫌有等也】

薛氏曰多仪不及物为不成享此所以贵乎将币恭敬者币之未将君子不可以货取此所以贵乎庙中也庙中者昭穆之所序祖考之所安诸侯于此以其物陈其币盖以王者之所以事祖考者事其君也其将币不敢以授王也治官之尊者授之大宰赞王币小宰凡授币之事是也又以礼官之尊者受之小宗伯受其将币之賁是也清庙曰骏奔走在庙则朝诸侯而受享也○郑锴曰公侯伯子男所以将币享王者同以三而成礼故皆曰将币三享为下之道不可以有二也

王礼再裸而酢

贾氏曰王礼者自是已下○郑司农曰裸读为灌再饮公也而酢报饮王也○郑锴曰宾主之

道报施为先賓既致礼于主主当致礼于賓故受享已讫王乃礼賓其礼也再裸而酢祭祀之有裸酌郁裸以求神也王之事賓如事神尊之至故王既裸之后又裸之是为再裸再裸之后賓乃酢王所以报王尊己之诚然康成说王使宗伯摄酌圭瓚而裸王既拜送爵又摄酌璋瓚而裸后又拜送爵以为非王与后亲为之也尝考小宰之职曰凡賓客贊裸谓贊王也若宗伯摄酌岂可以天官小宰贊之乎内宰之职曰凡賓客之裸献瑶爵皆贊谓贊后也若宗伯摄酌何用内宰以贊之乎康成之说盖因大宗伯言大賓客则摄而载裸遂失之耳大宗伯于王后不与之下而有是说此则王与上公分为賓主亲自迎之其礼如是其恭何独于裸为待賓之至乃使人摄行其礼乎康成误矣

飨礼九献食礼九举

贾氏曰飨礼九献谓后日王速賓賓来就庙中行享○郑锷曰飨礼者设盛礼以饮賓也有房烝以成其礼有体荐以示其俭有备物以象其德设几而不倚立饮也爵盈而不饮肴干而不食乐非雅声则不奏物非正色则不列所以定礼仪其礼则九献盖王酌献賓賓酢主人主人酬賓之后更八献而礼毕犹宗庙之九献见其礼之至也

郑司农曰举举乐也○郑康成曰九举举牲体九饭也○郑锷曰食礼者大牢以食賓设酒不饮以食为主也以乐侑食賓九举牲体而九饭乐亦九奏也掌客云三飨三食三燕此言飨食而不及燕盖飨食在庙燕在寝此方言朝享之礼賓主之仪在庙中之事故不及寝中之事盖飨以酒为礼食以食为礼而燕则脱屣升堂坐饮至醉以示慈惠而已非朝享之正也

出入五积

郑康成曰出入谓从来讫去也○郑锷曰出入从来有禾米刍薪以供其仆从车马之费亦用牢礼以致之谓之积五十里有市市有积积言委积之多也賓自外而入谓始至也自内而出谓将归也或来或去其积皆五以为仆从车马之费不可一日阙焉以五为节天地之中数也○郑康成曰每积有牢礼米禾刍薪【○愚按贾氏说见掌客文】

三问三劳

郑锷曰问者问其不恙劳者劳其勤苦以三为节礼成于三也观诸公之臣为国客之礼出及中门之外有问君之礼曰君不恙乎问大夫曰二三子不恙乎则上公之来其问之也可知然诸臣所问问于既见之后此三问在三劳之上则不俟面见然后问也盖间阔之久闻其来则使卿大夫致其问之之礼既问矣及境则一劳至遠郊则一劳至近郊则又一劳劳者劳其跋履山川行道之劳也○郑康成曰问劳皆有礼以币致之【○贾氏曰三问者按司仪诸公相为賓云主国五积三问皆三辞拜受皆旅摈注云间阔则问行道则劳其礼皆使卿大夫致之若然天子于诸侯之礼亦当使卿大夫问之亦有礼以致之所行三处亦当与三劳同处也三劳者按小行人逆劳于畿按覲礼云至于郊王使人皮弁用璧劳注云郊谓近郊其遠郊劳无文但近郊与畿大小行人劳则遠郊劳亦使大行人也】

总论

王氏详说曰此一节皆言飨礼非朝礼也皆主在庙非主在朝也且朝礼皮弁此云冕服按覲礼云侯氏裨冕在庙覲天子是知非在朝也明矣朝礼乘墨车此云樊纓按覲礼云偏驾不入王门是知非在朝也明矣朝礼无下堂见诸侯之礼虽覲于庙亦无下堂见诸侯之理此云朝位賓主之间九十步七十步五十步按齐仆云朝覲宗遇飨食各以其等为车送逆之节是知非在朝也明矣且诸侯朝王始劳于畿使小行人往小行人之明文也三劳于近郊使王人往覲礼之明文也但劳于遠郊而礼无明文其亦使王人欵至于国天子馆之前朝皆受命于朝前朝者即库门外之外朝也以其右九 为五等诸侯之位耳惟朝礼则受贄于朝覲礼则受贄受享一皆于庙享之日次于朝覲之日也二郑说此相为异同然后郑之说皆约仪礼而为之说也按聘礼在大门外去门有立位陈介之所后郑以朝位为在大门外是约仪礼之聘礼而为说也按聘礼受朝聘于先君之祧后郑以庙中将币为受命祖之庙是亦约仪礼之聘礼而为说也按覲礼行享皆有庭实后郑以三享为束帛加璧庭实是约仪礼之覲礼而为说也按覲礼王使人皮弁用璧劳是问劳皆有币矣后郑以问劳皆有礼以币致之是约仪礼之覲礼而为说也然三享在祖庙飨食在祫庙燕在寢此言庙中是不及燕也虽不及燕左传云飨终乃燕燕可知矣飨五牢则饗饔九牢飨四牢则饗饔七牢飨三牢则饗饔五牢此言礼九牢七牢五牢是不及飨也虽不及飨掌客云积视飨牵曰问曰积飨可知矣【○易氏曰皮弁日眡朝而已王藻曰裨冕以朝注谓公衮侯伯鷩子男毳乃冕服之制知此则知命圭五等以至纁借冕服之三等皆朝礼也偏驾不入王门王门之外而已庭燎之诗曰君子至止鸾声将将注谓君子诸侯将将鸾鑾声乃樊纓之制知此则知建常樊纓以至贰车之类凡三等皆朝礼也经之齐仆曰朝覲宗遇享食皆乘金路其法仪各以其等为车送逆之节注谓迎賓及送相去遠近之类知此则知朝位賓主之闲步立之仪皆朝礼也上公之礼其位相去九十步侯伯七十步子男五十步后郑虽不得其说止曰賓下车及王车出迎所立处若贾氏直以为在庙乃有此迎賓之法经既明言朝位则是外朝之位有此迎賓之法矣朝礼既讫然后于祖庙行受享之礼故将币三享以至王礼之裸诸侯之酢又至于享礼食礼皆庙中之礼此庙与朝礼其别如此岂可强为之说】

诸侯之礼执信【音伸】圭七寸纁借七寸冕服七章建常七旂樊纓七就贰车七乘介七人礼七牢朝位賓主之间七十步

郑康成曰七章者自华虫以下○郑锴曰信圭纁借冕服建常樊纓贰车介及牢礼賓主之步享食之礼在侯所当用者以七为节在王所以待之者亦以七为节其视上公降杀以两而然也

立当前疾

郑锴曰其立则当前疾盖又进而在軹之前也司农谓前疾为驷马车辕前胡下垂挂地者盖辚人之辚深四尺七寸其軹前之曲中者名曰前疾进而立前疾则比之车軹为稍近矣

宾者四人庙中将币三享王礼壹裸而酢飧礼七献食礼七举出入四积再问再劳

郑康成曰礼侯伯一裸而酢者裸賓賓酢王而已后不裸也

郑锷曰宾者四人出入四积再问再劳皆视上公而减杀也

诸伯执躬圭其他皆如诸侯之礼

郑锷曰礼如诸侯所异执躬圭而已

诸子执谷璧五寸纁借五寸冕服五章建常五旂樊纁五就贰车五乘介五人礼五牢朝位賓主之闲五十步郑康成曰五章者自宗彝以下○郑锷曰谷璧纁借冕服建常樊纁贰车介及牢礼賓主之步享食之礼在子所当用者皆以五为节在王所以待之者亦以五为节其视侯伯降杀以两而然也

立当车衡

王昭禹曰车衡谓在辔下轭两服之领前是也○郑锷曰公侯伯子男以臣事主其礼一耳今其待主之迎或立乎轶有止意或立乎前疾有速意或立乎车衡有平意卑者前而尊者后小者近而大者远何耶盖尊者大者其体隆故其文縟所以迟而后则其趋而进也舒而缓卑者小者其体卑故其文杀所以进而前则其趋而进也蹙以速

宾者三人庙中将币三享王礼壹裸不酢飧礼五献食礼五举出入三积壹问壹劳

郑康成曰礼子男一裸不酢者裸賓而已不酢王也不酢之礼聘礼礼賓是与

总论

郑锷曰王于上公再裸而酢则王与后皆裸之于侯伯子男则皆一裸盖后不裸待之之礼不敢同于上公矣均于一裸几乎无等故侯伯受一裸则不酢酢虽一也犹有賓主之礼不酢则非賓也此所以别小国之君不敢纯以賓道自居但王礼之以为賓而已王所以賓之者有大小国之异

诸男执蒲璧其他皆如诸子之礼

郑锷曰诸男之礼皆与诸子同所以异者执蒲璧而已○刘执中曰其地等者其礼必同其命殊者其数亦异分六服所以齐其远迩当朝者不敢不至矣封五等所以齐其大小当朝者不敢不行矣至于圭玉纁借冕服旂常纁就车乘介牢朝位步立前后币享等差裸酢献举积数问劳莫不为之降杀一其礼仪者所以辨上下定诸侯之志能使人之安于其位乐于其职不

敢僭上以作其好不敢陵下以作其威遵主之道以建其极凡长民者举皆如是用中之道行乎四方矣

凡大国之孤执皮帛以继小国之君

郑康成曰此以君命来聘也○贾氏曰若行正聘则执瑑圭璋八寸不得执皮帛也但侯伯以下臣无此更见法惟大国孤尊故天子别见之○易氏曰经言执皮帛者三大宗伯言孤执皮帛则天子之孤也典命言凡诸侯之适子未誓则以皮帛继子男又言公之孤以皮帛眡小国之君此言大国之孤则为上公之孤大国之孤执皮帛而上同乎天子之孤者天子六命之孤而执皮帛束帛而加之以虎皮也上公四命之孤而执皮帛束帛而加之以豹皮也若夫诸侯之适子未誓者以皮帛继子男不纯乎子男也以公之孤执皮帛继小国之君亦不纯乎小国之君也○郑锸曰此等诸臣小爵以同其礼也大国之孤公之孤也所执者皮帛若以君命来聘其位在子男之后子男行朝觐之礼毕乃继其后而进也典命云公之孤四命以皮帛眡小国之君言宫室车旗衣服礼仪也故言眡与此下文其他皆眡小国之君之意同此言进见天子之叙故言继与典命言诸侯适子未誓则以皮帛继子男之意同

出入三积不问壹劳朝位当车前不交宾庙中无相【息亮反】以酒礼之其他皆眡小国之君

郑锸曰出入之积问劳之礼视子男而降杀其朝位则当车前愈卑则进而近君也愈蹙以速也其传辞则不使介交于王之宾必亲自对宾【○王氏详说曰即聘礼所谓賓来在末介下东面上宾亦至末宾下亲相与言是也】行聘享于庙之时亦不用相礼之人【○王氏详说曰即聘礼所谓宾者纳賓入门左介皆入门左北面西上是也以其介西上而不东上故曰庙中无相】王礼之一用酒而已不加郁鬯其他如贰车及介牢礼賓主之间宾者裸酢享食之礼皆与子男同【○易氏曰昭二十三年叔孙婁曰列国之卿当小国之君固周制也此所谓眡小国之君者也眡之为言轻重不同皆效其礼则不纯乎小国之君明矣】

凡诸侯之卿其礼各下其君二等以下及其大夫士皆如之

黄氏曰郑谓此以君命来聘者非引聘义诸侯邦交之礼也孤卿大夫士从其君来朝当见入贡献功以事特来亦当见孤视小国之君卿下其君二等即小行人礼籍也臣工诸侯来朝遣于庙之诗而曰嗟嗟臣工敬尔在公遣其君而戒其臣古人之意深矣○郑锸曰凡诸侯之卿有公之卿有侯伯之卿有子男之卿或三命或再命之不同然王朝礼之也各视其国之君而降二等谓介与朝位賓主之步降二等也其余各以其爵焉若夫其下之士大夫又降其君二等故曰皆如之公以九其卿则降而以七其大夫士则降而以五以侯伯言之侯伯以七其卿则降而以五其大夫士则降而以三以子男言之子男以五其卿则降而以三其大夫士则降而以一故聘义曰上公七介侯伯五介子男三介正谓是也士虽无介与步数同降者牢礼之等也

王氏详说曰臧宣叔有言曰次国之上卿当大国之中中当其下下当其上大夫小国之上卿当大国之下卿中当其上大夫下当其下大夫王制皆如臧宣叔所言但加一位字然臧宣叔言卿大夫而不言士王制言卿大夫而又言士所谓其有中士下士者数各居其上之三分是二家之言皆以次国小国之卿大夫士视大国而降一等二等也此言诸侯之卿其礼各下其君二等及其大夫士者盖以本国之卿大夫士视本国之君而各降二等正与聘义上公七介侯伯五介子男三介同矣然大国之孤继小国之君即子男是也子男以五为节故凡礼皆五今上公之卿七介是孤为降于卿矣曰此正周公制礼之深意也其曰孤执皮帛继小国之君则小国之君受贄于朝而孤亦得受贄于朝卿虽七介但不过受享于庙则是天子待上国之孤其礼二而待上国之卿其礼一而已然舜典以五王三帛二生一死贄连文者直谓从诸侯而见天子耳非因聘而自见也宗伯所谓以禽作六贄者又直谓作之以等诸臣尔非因聘而得受之于朝也且诸侯之臣从其君以见天子得执其贄从其君以见外国之君亦得执其贄如定八年公防晋师于瓦范献子执羔赵简子中行文子执鴈是也若夫初仕见已君亦得执其贄士相见礼云卿初仕见已君皆见以羔是也况大国之孤与次国之卿来聘其行享亦异其日如成三年臧宣叔之言以丙午盟晋丁未盟衛是也

邦畿方千里其外方五百里谓之侯服歲壹见其贡祀物又其外方五百里谓之甸服二歲壹见其贡嫔物又其外方五百里谓之男服三歲壹见其贡器物又其外方五百里谓之采服四歲壹见其贡服物又其外方五百里谓之衛服五歲壹见其贡材物又其外方五百里谓之要服六歲壹见其贡货物

易氏曰邦畿言畿而六服言服内外大小之辨也周之邦畿即禹贡之甸服周之侯服甸服即禹贡之侯服周之男服采服即禹贡之绥服周之衛服蛮服即禹贡之要服【○胡仲曰谓之要服者则羈之而已政不致其详刑不致其严使无乖离散徙以为中国害又曰要则约之而已非治之所及】周之夷服镇服即禹贡之荒服是禹贡之与周制其九州之地皆五千里无可疑者职方氏所载虽时有损益而皆不改乎禹贡之旧孰谓其广地于禹贡九州之外耶然而夷服镇服不列于六服者以其为禹贡之荒服非天子巡守之地然在九州之内则其待之也实与要服同其礼惟此六服朝毕十二年王乃巡守则是王巡守之礼止及六服故也

王昭禹曰书言五服一朝者以侯甸男采衛言之方是时限朝止于五服而已【○陈君举曰武成叙诸侯之助祭洛诰称诸侯之来防止言五服】又言六服承德者兼要服而言之盖近中国之夷狄承德矣行人六服则要服非特承德又能入贡以来见焉则制礼以致太平此其极也

郑锷曰此言侯服甸服男服采服衛服要服来见之岁与所贡之物康成谓六服随服来朝六年一遍孔安国据左传岁聘以志业间朝以讲礼再朝而防以示威再防而盟以显昭明之文以为诸侯三年一朝六年一防十二年一盟是周之正朝法其大行人依服数见者是诸侯遣使贡献而见耳今考此文言岁一见二岁一见三岁一见则正言诸侯来朝之岁数大宗伯云春朝夏宗秋覲冬遇与夫时见殷见者皆言诸侯见王之名知此所言非指遣使明矣诸儒所以纷纷者正以见而贡物疑之耳大宰以九贡致邦国之用司防以九贡之法致邦国之财用

王朝所以仰给者诸侯之贡为多若一歲来者始贡祀物二岁来者始贡宾物以至六岁来者始贡货物则王朝所须无时而可具又况小行人令诸侯春入贡为每歲之常安有如此之希阔乎先儒谓九州诸侯依服数来朝因有贡物与大宰九贡及小行人春入贡别彼二者是歲之常贡也余以为先王制贡之法初无异也顾读经者不深考耳窃谓此行人言见与贡自是二事非聯之也侯服岁一见也其所常贡则祀物甸服二歲一见也其所常贡则宾物男服三岁一见也其所常贡则器物采服四岁一见也其所常贡则服物衛服五岁一见也其所常贡则材物朝见固有岁数之不同若贡物则是其服每岁之常安可以为来朝始有贡乎见者自其君之亲来贡则每岁或遣使而入耳说者合而为一兹所以纷纷也侯贡祀甸贡宾男贡器采贡服衛贡材要贡货者亦以内外遠近为之缓急轻重也内而近者宜贡其物之急而重者用物之尤急则欲其致之速凡重而大者取诸近则力所能致也故祀物宾物器物使侯甸男贡之祀者奉祭祀之物包茅之属是也【○郑康成曰牺牲之属】宾则宾妇所化治之物丝枲是也器则祭祀之器宗庙樽彝之类是也【○王氏详说曰郑氏于九贡以器物为银铁石磬丹漆以此贡器物为尊 之属何一事而两说盖天官九贡岁之常贡也行人六贡因朝而贡也歲之贡不容得贡成器所以与因朝而贡异也古者天子班 器于诸侯所以镇抚其社稷也诸侯荐彝器于天子所以镇抚其王室也昭十五年晋荀跖如周籍谈为介以文伯宴樽以鲁壶王曰伯氏诸侯皆有以镇抚王室晋独无有是责其不能荐彝器也然则因朝而贡器物其彝器欤此郑氏所以两立其说】其用急其物重责于内而近者宜矣外而遠方宜贡之缓而轻者用物之尤缓则不欲其致之速凡轻而小者取诸遠亦量其力之所能致也故服物材物货物则使采衛要贡之服则织纁纁縞之类材则珠象金玉之类【○郑康成曰材物八材也】货物则物之轻而可寶者 贝之类其用缓其物轻责于外而遠者宜矣然九贡所致有币贡有旂贡有物贡不见于此六服之外谁贡之哉盖王所责于诸侯者惟服食器用之物而已若夫燕游之所须杂物之无名币帛以将意皆不可立为定名以责之也诸侯自有享上之诚欲自致于王则可也大宰言致亦使之自致耳此言贡使以为岁事之常故所致之叙与此不同则知行人为一定之制而大宰非一定之制矣○唐氏曰禹贡九州贡物各以其所有东西南北异处产物不同大行人言土贡四面如一先儒不能明也而信之不知六服诸侯贡物凡有九贡大行人姑整齐言之不复别某国贡某物也楚于周非侯服而包茅不入齐得以责之则祀贡不止于侯服行人之言盖亦互见耳非以为限也○黄氏曰九服职方已见此又见朝节贡物着于此违礼则刑不王则诛六官所以合治也

九州之外谓之蕃国世壹见各以其所贵寶为挚易氏曰夷镇二服实在九州之内盖先王以其荒遠非巡守所至使不列于六服郑氏徒见此二服不列于六服遂槩以为九州之外曰九州之外夷服镇服蕃服也经止言蕃服郑氏乃加之以夷镇二服非也且弼成五服至于五千乃舜之十二州禹治水成功别为九州涂山之防执玉帛者万国则亦九州内之五服在周则夷服蛮服以上是也若夫外薄四海咸建五长即周之所谓蕃服者当时虽不言所贡之遠物而言五长则有职必有贡故也至周人始详其制天子巡守止于六服而夷镇二服在九州之内则其朝贡继于要服之后九州外之蕃国虽列于九服之末然世一见则不责以中国之礼各以其所贵寶为挚则不同于中国之物如武王克殷而西旅贡獒肃慎氏贡其楛矢以其所贵宝为挚也故明堂位朝诸侯于明堂而四夷皆在四門之外以成王之嗣位也世一见明矣○郑康成曰九州之外其君皆子男也无朝贡之岁父死子立及嗣王即位乃一来耳各以其

所贵宝为贄则蕃国之君无执王瑞者是以谓其君为小賓臣为小客所贵寶见传者若犬戎献白狼白鹿是也其余则周书王防备焉【○郑锷曰贄与禽作六贄之贄同非常贡也】○王昭禹曰自要服以上所贡有常物而蕃国则各以其所贵寶为贄者详于治内而略于治外也○唐氏曰夷服镇服尚在九州之内行人不言者见贄与蕃国同也言蕃虽以面言五百里为率通曰九州之外无道里之限矣

王之所以抚邦国诸侯者

郑康成曰抚犹安也○郑锷曰诸侯事上既以尽其礼王之所以抚邦国诸侯者凡以致其恩也故言抚抚必遣使自巡守之明岁为首间一岁则覲之又间一岁则省之又间一岁则属其象胥又间一岁则遣行人達瑞节同度量成牢礼同数器脩法则然后王乃巡守不巡守则殷国皆所以抚之也【○易氏曰抚诸侯而言邦国诸侯者非独厚其君也凡先王所以建君公后辟上以蕃王国下以辑百姓而已使其于百姓而不能推其德意于王室而不能守其政刑虽曰抚之非所以抚之也】

歲徧存三岁徧覲五岁徧省

郑康成曰岁者巡守之明岁以为始也存覲省者王使臣于诸侯之礼所谓间问也○王昭禹曰存者问而存之也【○刘执中曰存问其安否】覲者问而视之也【○刘氏曰覲视其治效也】省者巡而察之也【○刘氏曰省察其风俗】覲则详于存省则详于覲○郑锷曰愈久则愈致其勤此五岁间问其名各异○黄氏曰存覲省其为礼宜有不同同时聘上已见此又出上举其节此防其当行之事岁月详焉存類省皆间一岁侯国众实二岁而徧也侯甸采卫皆然无降杀其惠均也存覲省五岁而周也

七岁属象胥谕言语协辞命九歲属瞽史谕书名听声音

郑康成曰属犹聚自五岁之后遂间岁徧省○郑司农曰象胥译官也【○郑康成曰胥读为谕王制曰五方之民言语不通嗜欲不同達其志通其欲东方曰寄南方曰象西方曰狄鞮北方曰译此官正为象者周始有越裳重译而来献是因通言语之官为象胥云谓象之有才知者】○刘执中曰以其象胥属王之象胥则言语可谕于其俗辞命可协于其民○郑锷曰谕言语晓之使知○郑康成曰辞命六辞之命○郑锷曰为国之制必出辞命或以交邻国虑其所作体制不同故协而合之【○王昭禹曰賓主不交无辞不相接欲民之无相防也协辞命所以使之交也】○易氏曰通五方之言语合九等之辞命皆象胥之职○郑康成曰瞽乐师【○郑锷曰诸侯掌乐之官】史大史小史【○郑锷曰诸侯掌书之官】○刘执中曰以其瞽史属王之瞽史则六书可谕也而书名为先六乐可听而声音为本○郑康成曰书名书之字也古曰名聘礼曰百名以上○易氏曰達六书之文察五音之和皆瞽史之职

郑锷曰自七歲而下皆可谓之省者不止于视之察之而已又有以教之焉患其言语辞命之异也则防象胥以教告之患其书名声音之异也则防其瞽史以教告之患其法度之废坏而

或变革也则遣行人往焉其省之也如是各有事焉不徒省尔○李嘉防曰必召象胥以谕言语协辞令聚瞽史而谕书名听声音者无非通内外上下之情而知其好恶嗜欲也

十有一歲達瑞节同度量成牢礼同数器脩灋则郑康成曰達同成脩皆賫其法式行至则齐等之也○王昭禹曰瑞六瑞也节六节也達瑞节所以達四方而交之【○郑锷曰瑞者所执之王有璧有圭节者所用之节有金有竹達之使无不通】○郑康成曰度丈尺也量豆区釜也○郑锷曰量有小大度有长短同之使无或异○郑康成曰成平也平其僭逾者也○郑锷曰享礼之用牢或九或七或五恐其或异成之使彼此所用各适于平无有僭逾之过数器者【○郑康成曰铨衡也】礼制之所寓名分之所等合方氏之所同者也恐其多寡小大之不齐于是一之法则八法八则也法则者王朝所施于邦国都鄙而匡人之所達者也恐其久而或废脩者治之也使数器之法复归乎正无有废坏之时

易氏曰至十有一岁然后为之察诸侯之政刑瑞节见于小行人之官从而達之牢礼见于掌客之官从而成之法则正于匡人之官从而 之度量数器一于合方氏之官从而同之凡此皆所以待王之巡守也○李嘉防曰王将巡守必告戒之于先苟或不然则几于不戒视成谓之暴矣

十有二岁王巡守殷国

郑锷曰至十二歲王乃巡其所守变礼易乐者可以知其畔革制度者可以知其逆或讨或流于是行焉若或有故而不巡守则合天下诸侯皆来朝王于京师考其制度焉是谓殷国殷者众也言命众国而皆至也○吕氏曰巡守之礼此乃维持政治摄提人心圣人运量天下妙处大抵人心久则易散政治久则必有缺一次巡守又提摄整顿一次此所以新新不已之意

王氏详说曰书曰协时月正日同律度量衡此虞舜巡守之制也王制曰命大师陈诗命市纳贾命典礼考时月定日同律此夏商巡守之制也书与王制所载亦与此属象胥瞽史達瑞节同度量等事无以异也但虞夏商待巡守而后行之周则已行而后巡守此所以十二岁而一巡守亦不为踈也况周礼所言巡守必及殷国殷国者众见曰同之谓也谓王不巡守耳按襄十三年郑石防言于子囊曰先王卜征五年而歲习其祥祥习则行不习则增脩德而改卜是知王不巡守者亦为卜征五年之不习其祥尔然则圣人以顺动其可轻乎○杨氏曰虞舜之世其事简其人寡其于巡守也兵衛少征求轻故行之五岁不为数成周之世其事繁其人众其于巡守也兵衛多征求重故行之十二岁不为踈【○吕氏曰唐虞五歲一巡守周却十二年盖周时文治已成礼文渐备所以十二年方举巡守之事此是成王知时变识防通】

凡诸侯之王事辨其位正其等协其礼賔而见之贾氏曰王事谓诸侯朝王之事○郑锷曰左氏云宋公不王谓不朝王也朝王无非事者行人则辨其位如朝士所谓右九 公侯伯子男位焉之位【○贾氏曰谓九十七十五步之位】正其等如司仪所谓公于上等侯伯于中等子男于下等之等【○贾氏曰谓冕服旌旗贰车之类皆有等级】所立之位则辨之所次之等则正之又恐其拱揖不齐进退失节则协其礼使相合如一【○贾氏曰谓牢礼享燕积

膳之礼】然后賓而见之使得以进见乎天子

若有大丧则诏相诸侯之礼

郑康成曰诏相左右教告之也○贾氏曰诸侯为天子斩其哭位周旋擗踊进退皆有礼也

若有四方之大事则受其币听其辞

郑康成曰四方大事谓国有兵寇诸侯来告急者礼动不虚皆有贄币以崇敬受之以其事入告王也聘礼曰若有言则以束帛如享礼○易氏曰文二年秦伯使西乞术聘鲁且言将伐晋防仲辞玉客曰不腆币器致诸执事以为瑞节此用币以告用兵之证诸侯相告如此而况告于天子乎然行人之官乃以此待小客盖小客不交摈受其币而听其辞宜也此言大事则非小客不交摈之比郑氏乃引聘礼曰若有言则束帛如享礼所谓有言者盖因聘而有所请于王言则天子听之束帛则天子受之非大行人所得而与若援此以证必如享礼则缓不及事大行人受其币而听其辞为诸侯之告急者设也

凡诸侯之邦交岁相问也殷相聘也世相朝也

王昭禹曰邦交谓邻国之往来○贾氏曰聘礼云小聘曰问大聘使卿小聘使大夫也○郑锷曰问则问其不恙以言为礼○王昭禹曰聘义云天子制诸侯比年一小聘三年一大聘歲相问则比年之小聘也殷相聘则三年之大聘也大聘施于小聘之中歲故曰殷殷中也【○黄氏曰殷亦为众】○郑锷曰殷在二年五年之中聘则遗之以物以财为礼也左氏昭九年僖子如齐殷聘礼也杜预曰自叔老聘齐至今二十年礼意久旷今脩盛礼也○郑康成曰父死子立曰世凡君即位大国朝焉小国聘焉此皆所以习礼考义正刑一德以尊天子也必择有道之国而就之【○郑锷曰嗣君新即位则相朝所以继好息民也文元年公孙敖如齐聘左氏以为凡君即位卿出并聘踐脩旧好忠信卑逊之道也成十八年公如晋朝嗣君也襄三年公如晋始朝也襄九年卫子叔晋知武子来聘左氏云凡诸侯即位小国朝之大国聘焉以继好结信讲事补缺礼之大也】

胡氏曰谓之殷则得中而不过谓之世则终诸侯之世而一相朝其为礼亦节矣周衰典制大坏或来朝而不报其礼或屡征而不纳以归无合于殷聘世朝之制矣

程伊川曰先儒有王臣无外交之说非也若天下有道诸侯顺轨岂有内外之限其相交好乃常理也然不安官守而遠相朝无是道也周礼所谓世相朝谓邻国耳

王氏详说曰春秋之时晋叔向以为明王之制间朝以讲礼是三岁一朝也郑子太叔又以为五岁一朝然比之世相朝则与子太叔之言异与叔向之言大异叔向为晋地则欲诸侯朝数之数故以三岁为言子太叔为郑地则欲诸侯朝数之疎故以五岁为言其去周礼远矣若夫礼记王制与聘义戴记一家又自为异同之说聘礼曰天子制诸侯比年一小聘三年一大聘

是以诸侯之自为聘为文也王制曰诸侯之于天子比年小聘三年大聘五年一朝是以诸侯之朝聘天子为文也聘礼之言比年小聘合于周礼之岁相问言三年大聘异于周礼之殷相聘盖殷聘者谓久无事则行盛礼初无年岁之限如孟僖子如齐殷聘服氏以为殷中也自襄之二十年叔老聘于齐至今二十一年故中行盛礼是知殷聘虽为大聘然即非所谓三年也此聘义之所以与周礼异王制言小聘大聘其年数虽与聘义同然其意则与聘义异抑以聘义谓诸侯之相聘而王制谓诸侯之聘天子耳聘天子犹可也以五年而后一朝天子可乎使居衞服而五年一朝为得礼矣若侯甸男采谓之得礼乎知此则知王制之言虽纪夫四代亦杂于春秋之制郑氏以王制所言五年一朝为晋文公霸时制虽未必然亦有所近似

周礼订义卷六十七

卷六十八

<经部,礼类,周礼之属,周礼订义

钦定四库全书

周礼订义卷六十八 宋 王与之 撰

小行人下大夫四人

掌邦国宾客之礼籍以待四方之使者

刘执中曰礼籍所以载五等诸侯及其孤卿上下大夫四等入觐之礼随其爵命为之降杀大行人用之以同邦国之礼者皆书于此籍也○郑锷曰宾客之来名位不同礼亦异数固有籍以记之大行人掌其礼仪小行人掌其礼籍则案其名位尊卑之书以待之也掌礼仪尊者之事掌籍卑者之职此其官小大之别欤【○易氏曰籍有在王官者在诸侯者周称籍谈曰昔而高祖孙伯黶司晋之典籍故曰籍氏诸侯自为籍如此则掌之王官者为可知小行人使适四方协九仪宾客之礼盖以王官所掌之籍而合诸侯所记之籍故曰协大行人以此待大宾大客小行人以此待四方使者职之相承如此】○郑康成曰使者诸侯之臣使来者也

令诸侯春入贡秋献功王亲受之

贾氏曰贡即大宰九贡○郑康成曰功考绩之功○郑锷曰诸侯每岁有常贡必以春入则因四时之始以供王一岁之用也诸侯任事有成功必以秋献则因万物之成以明图事之效也小行人令之使不爽春秋之期而已【○黄氏曰诸侯春秋遣使贡献是为岁事故管仲曰若节春秋来承王命是也】

愚案王者封建诸侯使之知有天子之尊者惟春秋贡献不絶于王所而已入贡献功此正是把握诸侯处令之以时受之必亲公卿大夫皆不得与以见其在天子诸侯安敢不惟命是承既受之后王者方眡国籍以还其礼数

各以其国之籍礼之

王昭禹曰国有小大其礼有等差皆载之于籍也【○王氏曰各以其国之籍礼之则尝以所礼之国名籍焉以为故常左氏传曰非礼也勿籍】

凡诸侯入王则逆劳于畿

郑司农曰入王朝于王也故春秋传曰宋公不王又曰诸侯有王

王昭禹曰诸侯之入王以其在道涂之劳则必有以劳之逆劳于畿始至而劳之于外也【○郑锷曰掌其入境之劳】

及郊劳眡馆将币为承而摈

王氏详说曰逆劳于畿小行人也及郊劳则非小行人盖小行人于郊劳之时眡馆而已贾氏谓劳于郊为大行人事其说虽不见于经然亦有可采者案聘义言诸侯之礼云君使士迎于境大夫郊劳大夫尊于士则郊劳重于逆劳于畿矣案书传略说云天子太子年十八称孟侯孟侯者四方诸侯来迎于郊然世子郊劳夏法也周法则不使世子使大行人然有近郊劳有远郊劳觐礼云至于郊王使人皮弁用璧劳郑氏以为近郊盖近郊则用皮弁故也言使人即王人王人即行人也贾氏谓近郊使大行人远郊亦使大行人得矣○郑锷曰三劳之礼初至则逆于境及至近郊远郊又有郊劳之礼致馆于宾又有眡馆之礼【○黄氏曰环人舍则授馆小行人眡之耳○易氏曰小行人至郊劳之时又先为之眡馆盖宾至国天子馆之前朝前朝者库门外之朝右九之位也】朝享之时则有将币之礼皆王遣公卿以示其诚意之厚非小行人事小行人但为承而摈盖为次摈而已承者继之之辞有上摈矣【○李嘉防曰大宗伯为上摈】此则承而继其后也【○黄氏曰承犹奉也将币摈者非一小行人既奉且摈之】○易氏曰出接宾曰摈入诏礼曰相出入异辞也小行人既为承摈矣而肆师又曰大朝觐佐摈此为大朝觐设若常朝觐则小行人承摈而已

凡四方之使者大客则摈小客则受其币而听其辞易氏曰大客谓诸侯之使者凡时聘殷纡皆于庙中行享礼摈而见之与诸侯同但旅摈不交摈耳交摈者传辞于末摈示不敢与天子抗诸侯之礼若旅摈者王使人与之言其享礼皆有圭璋受币听辞天子也非行人也若小客则蕃国使者不可直达于天子故行人为之受其币听其辞○郑锷曰若诸侯遣臣而来大国之臣非已所得专必摈之而见王使自言其所图之事若小国之臣来则爵位卑矣受其币而听其辞可也【○郑康成曰受其币者受之以告其所为来之事○黄氏曰此以事特来者也王有见有不见与朝享不同】

使适四方协九仪宾客之礼朝觐宗遇防同君之礼也存纡省聘问臣之礼也

郑康成曰适之也协合也【○易氏说协字见前礼籍下】○郑锷曰五等之侯四等之臣皆以时入王朝为宾客者也众国不一则其礼或不协小行人又掌为使而之适于四方先协而同之使彼知夫朝觐宗遇防同为君礼存纡省聘问为臣礼俾其习之有素行之有常其君所行不下迫于臣其臣所行不上僭于君则名分明而礼典正矣

黄氏曰朝觐宗遇防同诸侯所以尊天子也而通乎两君之相朝是则皆君礼也存纡省天子所以抚诸侯也聘问邦交岁相问殷相聘也是则皆臣礼也此见于经无其文注疏家自以意测之言者多误

达天下之六节

郑康成曰此谓邦国之节也达之者使四方亦皆赍法式以齐等之○郑锷曰掌节言八节此言六节何也盖八节有玉有角有虎有龙有人有旌有符有管此言虎节人节龙节皆用金则与掌节之文同言旌节言符节言玺节不言用竹则与掌节之文异盖彼言所守以为用则制度之所自出此则主于达之天下使无不通而已

山国用虎节土国用人节泽国用龙节皆以金为之道路用旌节门关用符节都鄙用管节皆以竹为之项氏曰达节则赍六节之法往四方齐等之使皆有定式可以通达○郑康成曰诸侯使臣行聘则以金节授之以为行道之信虎人龙者自其国象○王氏详说曰天子使者聘于诸侯诸侯使者聘于天子其为节则一而已此虎节龙节人节之所以不同【○王氏曰玉节守邦国非其所达】

郑康成曰凡邦国之民逵出至他邦他邦之民来入由国门者门人为之节由关者关人为之节其以征令及家徙乡遂大夫及采地吏为之节皆使人执节将之以达之亦有期以反节【○王氏详说曰天子王畿之道路门关与诸侯之道路门关则一而已此旌节符节之所以同】○薛氏曰析木为符全木为管○王氏详说曰王畿有都鄙邦国亦有都鄙王畿都鄙天子公卿所食之采地也邦国都鄙诸侯之卿大夫所食采地也如左氏所谓凡邑有先君之主曰都与夫西鄙北鄙是也○郑锷曰掌节言守都鄙之角节守则制度不可变行人言达都鄙之管节达则无所不通【○薛氏曰天子公卿大夫之采地用角节所以优于诸侯之臣诸侯之孤卿大夫之采地用管节所以杀于天子之臣】○贾氏曰掌节云货贿用玺节门关用符节此无玺节【○薛氏曰小行人之六节直谓诸侯使者入聘非有货贿之事此所以不言玺节】司关言掌国货之节以联门市门市节既相联则同用符节可知矣

郑锷曰凡此六节者有国者君道欲其守而不变故用金道路门关都鄙皆臣道欲其有自然之节故用竹【○王氏曰此惟上所制期无失节而已故以竹为之】达之者欲通天下而不用也

王氏曰邦节先门关后道路则以自内达外言之天下之节先道路后门关则以自外达内言之

成六瑞王用璜【音镇】圭公用桓圭侯用信【音仲】圭伯用躬圭子用谷璧男用蒲璧

郑康成曰成平也瑞信也皆朝见所执以为信○王昭禹曰以质言之谓之玉以形言之谓之器以合验言之谓之瑞上有以合验乎下有以合验乎上则瑞成矣○郑锷曰六瑞者王与五等之君所执之圭璧以为合符之验是故以瑞名之使均用以为验是之谓成成如成牢礼之成亦彼此皆用而终始无亏也○王昭禹曰大宗伯制其度数故皆言执行人奉其成事故皆言用执之以成礼用之以合符行礼者事之大合符者事之小此其辨也

合六币圭以马璋以皮璧以帛琮以锦琥以绣璜以黼此六物者以和诸侯之好故

郑康成曰合同也六币所以享也○贾氏曰对上文六者是朝时所用也此六者之中有圭以马璋以皮二者本非币云六币者二者虽非币帛以用之当币处故总号为币○郑锷曰币所以将其礼玉所以彰其德有是德故有是币然后足以见其诚圭也璋也与夫璧琮琥璜皆玉也所以比德马也皮也与夫帛锦绣黼皆物也所以行礼用之之际各欲相协然后有以明其物各有所宜也用玉比所尊者之德用物以示在我之诚合者两两相配之义其合之也各有义存焉圭者东方之玉帝出乎震阳气用事物于是生故有君德之用者宜享以圭必用马以合之盖干为马而震为善鸣之马坎为美脊之马皆阳之象也马象阳之刚有行地无疆之材足以配乎君德之用也【○易氏曰圭用于东方有始事之义而马为天驷为辰次之始亦东方之象故合圭以马】璋者礼南方之玉万物相见文明着见之地故有文德之著者宜享以璋必用皮以合之盖皮者虎豹之皮也大人虎变其文炳也君子豹变其文蔚也皆文之生乎自然者也是以配乎文德之着也【○易氏曰璋用于南方者也有致饰之义而皮用虎豹有自然之饰亦南方之象故合璋以皮】璧者礼天之玉天位乎上万物无以称其德故用圆玉以象其体而已象其体而无琢削之文者事之以质也故有天德而尚质者斯享以璧必用帛以合之盖帛者纯素之物不如绩绣之巧而其体则纯乎质足以配乎有天德而尚质者也琮者礼地之玉地之道合六子之功而成之故为物之所宗刻其玉而八方之见其总众功而皆成也故有地德而可宗者斯享以琮必用锦以合之盖锦者兼众体然后成集众美然后就足以配乎地德之大成者也【○易氏曰琮用于地而地事尚文锦为华丽之物亦以文为贵故合琮以锦】琥者礼西方之玉物至秋则擎敛阴功于此而备西方为肃杀之义惟杀故能有威故其德至于有威者所享以琥必用绣以合之盖画绩之事杂五色而绣为五采之备绩上而绣下号为阴功之全足以配乎威德之兼备也【○易氏曰琥用于西方象乎物之成五采备谓之绣则有物成之象故合琥以绣】璜者礼北方之玉物至冬则归根复命万物于此而辨北方为天事之武惟辨故能有断故德能有断者斯享以璜必用黼以合之盖黼为斧形王位黼依王巾皆黼之类皆取其断而已足以配乎辨德之能断者也【○薛氏曰半圭曰璜北方所用也阴阳之辨莫断于此故合以黼以白与黑谓之黼故也】小行人用此以和合乎诸侯交好之故盖情不可见因物而见物既有以彰其德又有以行其礼则欢欣交爱之情备形于此【○王昭禹曰凡此六币皆诸侯以享王为主以其有以通其情而来则谓之好以其有以因其事而来则谓之故行人为之合六币焉所以和其好故而使之不乖而已】

郑锷曰六币皆以和诸侯之好其用币未尝无辨故圭璋者二王之后用之璧琮琥璜者五等诸侯用之玉人之事曰璧琮九寸诸侯以享天子又曰瑑圭璋八寸璧琮八寸以頍聘又曰瑑琮八寸诸侯以享夫人典瑞又曰瑑圭璋璧琮纁皆二采一就以頍聘享天子者九寸不瑑享夫人者八寸必瑑皆诸侯所躬行享礼之物也圭璋璧琮俱同于八寸而皆瑑者遣卿大夫頍聘所用之物也二王之后尊而不臣故享用圭璋记曰圭璋特唯有皮马无束帛可知故曰特特者尊之也以礼天之序观之则圭璋宜在璧琮之下今列于璧琮之上则其尊可知尊而特之则非五等之臣所用可知若夫五等之侯则聘天子用圭而享天子用璧聘夫人用璋而享后用琮玉人但言璧琮九寸诸侯以享天子而知享后用琮者琮以象地非享天子之玉故也其为国客自相享则享国君以璧享夫人以琮玉人但言瑑琮八寸诸侯以享夫人而知享国

君用璧者盖观用琮以享夫人则知其必用璧以享君举卑以见尊之义也诸侯自相享所用如此则二王后用以享诸侯者亦如此也所用圭璋者特享天子则用之耳若夫琥璜则子男享诸侯所用也【○易氏曰璧琮琥璜则施之于帛锦绣黼也圭以马璋以皮则皮马不上堂故圭璋言特记曰圭璋特达德也又曰束帛加璧尊德也以至琮之于锦琥之于绣璜之于黼亦莫不然如必曰二王之后用圭璋诸侯相朝用璧琮则典瑞言瑑圭璋璧琮纁皆二采再就以纁聘则诸侯固得而通用之矣如又曰子男于诸侯享用琥璜则聘享之礼未有专言琥璜者惟礼器曰琥璜爵又非子男所得专用以为享者也要之合六币之说即庭实之事诸侯用之以享天子亦用之以自相享之礼聘以爵命为之隆杀则不可知以典瑞及玉人无明文不可臆说也】何以知之以侯伯所用知之也侯伯执圭者也其相享以璧琮则下其瑞一等矣子男执璧苟享诸侯亦以璧则为不下其瑞以此知其用琥璜也知其不用琥璜以享天子者盖五等诸侯通用璧琮以享王与后故也马所以贵于皮而配圭者以太王事狄观之先事之以皮帛乃事之以犬马乃事之以珠玉则马贵于皮矣聘礼言三享皆束帛加璧庭实惟国所有奉束帛匹马车上九马随之中庭西上则用马可知服不氏言宾客之事则抗皮仪礼言宾入门揖逊升致命张皮则用皮可知帛所以贵于锦而配璧者以防礼观之纳征以束帛享赠送者以束锦以聘礼观之享君夫人以束帛觐以束锦上大夫与下大夫致宾介饗饔饔皆以束帛宾介饔饔之束锦以食礼观之君侑币以束帛大夫相食以束锦则帛贵于锦矣绣所以贵于黼而配琥者以画绘之事观之东方青南方赤西方白北方黑天谓之 地谓之黄而五采备乃为绣白与黑二色乃为黼则绣之功多于黼也绣使人见之有肃心焉而黼特以斧形为之以示断此绣之所以贵于黼欤其天子酬诸侯则用琥璜知其为酬诸侯之币者以礼记曰琥璜爵琥璜非爵名而云琥璜爵明以送爵也谓享时酬宾以琥璜将币耳此所合之玉与大宗伯祭天地四方之序不同盖彼所以礼神礼神者必象其类此言用以和好比其德而用其礼所用者有尊卑差等也○黄氏曰圭马璋皮璧帛琮锦琥绣璜黼币之合也行礼必有物以将之而皆有常过则侈不及则陋失礼相责望间隙生而其好隙矣故司仪曰凡诸侯之邦交各称其邦而为之币以其币为之礼是也小行人合之以定其则注疏家引聘礼享君以璧享夫人以琮又引觐礼享天子束帛加璧皆有据但礼逸已多以其一而通其余颇为牵合如所谓二王后用圭璋唯有皮马无束帛二王自相享退用璧琮子男自相享退用琥璜皆防阙不完难信

总论

刘氏曰九仪既正乃达六节以为门关之符乃成六瑞以通朝见之信乃合六币以致摯享之诚然后礼乐行焉燕享举焉诸侯之和好出焉

若国札丧则令赙补之若国凶荒则令赙委之若国师役则令槁【苦报反】檣之若国有福事则令庆贺之若国有祸裁则令哀吊之凡此五物者治其事故

王昭禹曰病疾为札札而死曰丧札丧则在所赙补以利傅之谓之赙助其不足谓之补【○贾氏曰案宗伯云以丧礼哀死亡此云国札丧则令赙补之彼据吊葬致哀此据设财物补其不足也】谷不熟为凶凶甚而为荒凶荒则在所赙委以利周之谓之赙以聚与之谓之委【

○贾氏曰宗伯云荒礼哀凶札此云国凶荒则赙委之者彼谓自贬损此谓令他人以财委之【有兵寇则谓之师防众以兴功则谓之役师役则在所槁檣槁其劳而橐之则谓之槁】○郑司农曰槁谓槁师【防众财以与之则谓之檣】○郑康成曰师役者国有兵寇以匱病者也使邻国合防财货以与之春秋定五年夏归粟于蔡是也宗伯职曰以檣礼哀围败】○贾氏曰凶礼有五唯不见恤礼以义差之当于师役中兼之○王昭禹曰福事则在所庆贺大宗伯所谓以庆贺之礼亲异姓之国是也【○贾氏曰嘉礼归脤膾此不言者诸侯无自相归脤膾法也嘉礼六此惟言庆贺者饮食冠婚宾射享燕之法皆当国自行非相交通之物】祸裁则在所哀吊大宗伯所谓吊礼哀祸裁是也【○郑康成曰祸裁谓水火】○贾氏曰吉礼军礼宾礼并不言者天子颁之非通行之事也

李嘉防曰凡此五物者大宗伯虽已具是法小行人则令行是法诸侯不得自相往来小行人所以令之王昭禹曰先王之于诸侯分土而与之守则尺地莫非吾土分民而与之治则一民莫非吾民使之守吾土必与之同保其土使之治吾民必与之同安其民则治虽有远近势虽有内外而利害休戚实吾一家此赙补赙委槁檣庆贺哀吊之礼所以掌于行人之官凡以治其事故而已所作谓之事所逢谓之故札丧凶荒祸裁则出于所逢者也师役福事或出于所作焉【○郑锷曰上云六物指六币之物此云五物指赙补赙委之物行人用六物以和诸侯之好正为此赙补赙委等之五物而已不然遇此五物俱坐视而不以为意不治其事故何以谓之和谐诸侯之好哉赙补以财赙委以粟槁檣以宴劳之礼庆贺以赞美之言哀吊以悯恤之情皆用物焉凡以治其事故而已治也者言致力以助之之义也○黄氏曰不独赙补赙委槁檣庆贺哀吊之而已必且治其事故而使济焉澶渊之防无归于宋春秋尤之宗伯大行人庆贺槁檣天子之于诸侯者已见】

及其万民之利害为一书其礼俗政事教治刑禁之逆顺为一书其悖逆暴乱作慝犹犯令者为一书其札丧凶荒厄贫为一书其康乐【音洛】和亲安平为一书凡此五物者每国辨异之以反命于王以周知天下之故贾氏曰此总陈小行人使适四方所采风俗善恶之事各各条録别为一书以报上也此五者上二条条别善恶俱有故利害逆顺并言其悖逆一条专陈奸寇之事其札丧一条专陈凶祸之事其康乐一条专陈安泰之事○郑锷曰职方掌天下之图以周知其利害其知也以图此则载之以书案图所以知其形案书所以知其事也礼俗也政事也教治也刑禁也诸侯之所行者或有逆顺谓于王国之法或从或违也不为一书无以知其叛服之事悖逆也暴乱也作慝也犯令也过恶之已着也不为一书无以知罪恶之轻重犹图也谓将有犯令之谋也然犹有二义已如此而犹如此也曾犯令矣今犹犯令焉与图谋之义不同札丧也凶荒也厄贫也诸侯所遭之故也不为一书无以知遠民之忧也康乐谓民之乐和亲谓邻国之交欢安平谓其国之宁静不为一书无以知侯国之治○李嘉防曰反命于王既已周知天下之故王必有以处此矣○易氏曰上经以其五物治其事故谓其事皆有故也从其故而治之则五者之事无不举此特言周知天下之故则非若上五物之有事可治也从其本焉者治之而已五物者为故虽不同而其本皆在乎民【○李嘉防曰故者必求其源委而知其所以然也】郑锷曰大司徒土防之五物则以山林川泽丘陵坟衍原隰言之保章氏救政之五物则以天星星土十二岁五云十二风言之此以赙补赙委槁檣庆贺哀吊为五物又以五书为五物盖不丽于物者无方无体不可得而执据是之谓道若夫可以操执而

见于用事则可名以物一也故皆谓之五物

司仪上士八人中士十有六人

掌九仪之宾客摈相【去声】之礼以诏仪容辞令揖让之节贾氏曰九仪即大行人九仪○郑锷曰人道之交贵乎有礼行礼之际贵乎有仪仪者俯仰揖逊进退周旋之容也保氏教国子以六仪二曰宾客之容正谓是仪耳○李嘉防曰仪者礼文也子曰周监于二代郁郁乎文哉吾从周虽夫子亦从周之文则知周公思兼三王以施四事其于仪文尤急故曰周尚文此仪既设人情委曲行乎揖逊仪容之节自然有士君子之行司仪之职特司之而已

郑康成曰出接宾曰摈入赞礼曰相【○贾氏曰摈即下文交摈者相即下文惟上相入者是也○郑锷曰曰摈曰相者摈在门外主接宾也相在庙中辅行礼也】○王昭禹曰公侯伯子男之为宾孤卿大夫士之为客大行人则辨其命等其爵而待之以礼司仪则掌其摈相之礼而已○郑康成曰以诏者以礼告王○郑锷曰行礼之际司仪掌摈相之礼以诏王仪容辞令揖逊之节使动容中礼为盛德之至仪容以形貌言辞令以出语言揖逊以交接言

总论

孙氏曰所谓宾客者非列国之君即其卿大夫也彼皆来享来王于我者而先王与之讲宾客之礼若敌已然自今观六服之君各以岁时赴朝觐宗遇之防而陪臣将命入贡献功几无虚日委积殽牵以待之郊劳燕飧以宠之送逆必于其疆而不憚其烦存頼必以其时而不厌于数先王之治天下国家岂无急政要务而乃费国力于此哉水心曰学者徒谓其揖逊周旋之美不知周召经纪天下精神防聚于此参以诗书所纪则唐虞三代之为国家岂有毫髮不尽于人心者哉盖其得之未尝以智力其守之未尝不以礼义此意至周衰惟管仲知之故其言曰招携以礼怀远以德德礼不易无人不怀齐侯脩礼于诸侯诸侯官受方物孔子谓管仲身不由礼则礼不能行于天下故谓之小器孟子攷之不详因亦并废管仲或未之思也

将合诸侯则令为坛三成宫旁一门

郑康成曰合诸侯谓有事而防也○王氏详说曰古者天子巡守诸侯入朝一皆为坛于国门之外加方明焉天子祀之盖以为盟主也方明之制觐礼云方明者木也方四尺设六色东青南赤西白北黑上 下黄设六玉上圭下璧东圭南璋西琥北璜然不用苍璧黄琮者以祀日月之神为主耳典瑞云圭璧以祀日月是也案觐礼为坛各因其方春则帅诸侯朝日于东郊为坛于国东夏秋冬亦如其方是觐礼之有坛也案朝事仪天子冕而执镇圭搢大圭帅诸侯朝日于东郊退而朝诸侯是朝礼之有坛也此云合诸侯者谓大防同耳巡守之制亦如其防同但防同为坛于国门之外而巡守为坛于方岳之下耳有事而防不协而盟此坛之所作也其制为坛三成即觐礼所谓深四尺者是也盖从下向上为深发地一尺上有三成则总四尺矣【○郑司农曰三成三重也尔雅曰丘一成为敦丘再成为陶丘三成为昆仑丘谓三重○贾氏曰令为坛三成者谓令封人为坛三成○王氏曰为坛三成则为三等焉所谓公于上等

侯伯于中等子男于下等是也】宫旁一门即觐礼所谓宫方三百步四门是也盖壝土为坛坛外为宫每旁一门则四门矣【○郑锷曰王之所处则四方诸侯各以其方而入亦辟四门之意也】朝觐皆有坛而此言于合诸侯者盖合诸侯之礼大而坛之礼特以行将币之礼耳若夫聘礼之坛则未入境为壝而无宫亦无尺数惟其象而已此聘礼所谓入境一肆为壝无宫者是已春秋之时合诸侯之礼不在天子而在诸侯昭四年楚子合诸侯于申而椒举引六王二公之事以为证其僭甚矣为坛之礼不朝于天子而朝于诸侯襄二十八年郑伯如楚舍不为坛而子产以为大适小则为坛有五美焉是用作坛以昭其功小适大有五恶焉用作坛以昭其祸是知春秋诸侯之坛又非祀方明之坛比也但春秋诸侯作坛以为舍而已其去司仪之礼意愈远矣故杜氏注云诸侯至敌国郊除地封土为坛以受郊劳

诏王仪南乡见诸侯土揖庶姓时揖异姓天揖同姓郑康成曰王既祀方明诸侯上介皆奉其君之旂置于宫乃诏王升坛诸侯皆就其旂而立诸公中阶之前北面东上诸侯东阶之东西面北上诸伯西阶之西东面北上诸子门东北面东上诸男门西北面东上【○贾氏曰皆明堂位周公朝诸侯之礼】○黄氏曰所谓觐礼不下堂而见诸侯盖此时也诸侯旅见不为宾主春秋传曰朝以正班爵之义帅长幼之序可见于此郑谓四时之朝皆如是则不然今觐礼自天子为宫以前皆秋觐也无礼山川丘陵事又郑言既祀方明王升坛见诸侯亦与觐礼不同疏家谓王降坛揖诸侯尤误【觐礼自至郊王使人用璧劳秋觐也自诸侯觐于天子为宫时防殷同也郑注亦然】○贾氏曰诏告也谓诸侯各就位立王在坛亦立司仪乃告王降坛南面见诸侯乃揖之【○郑锷曰乃若王则无时而不南乡】○郑康成曰王揖之者定其位也庶姓无亲也土揖推手小下之也异姓昏姻也时揖平推手也天揖推手小举之【○李嘉防曰上揖不举手起就地揖之时揖则略举手起而后至地天揖则高揭手起而后至地○王昭禹曰庶姓诸侯异姓同姓则王之亲也异姓亲于庶姓同姓亲于异姓故其揖之仪有隆杀如此】○郑锷曰诸侯之中有庶姓有异姓有同姓王揖之之仪欲适中故有土揖时揖天揖之殊土揖者犹今人俯而致恭其手至地也时揖者不高不下适乎中正如天道之运平分而为四时也天揖者天位乎上举手揖之举而上也土揖者卑而致恭也时揖者得礼之中天揖者尊而不屈也【○刘执中曰土揖庶姓致恭于贤也时揖异姓平见姻族也天揖同姓覆庇其宗也土所以养育之时所以生成之天所以盖冒之】王者接下思恭礼一而已今于庶姓则土揖而俯身于异姓则时揖而直身同姓则天揖而仰其身揖以成礼而有三等之殊恐非待下之道先儒谓此司仪诏王降坛揖诸侯直据揖之仪容从下至高耳由此言之三成之坛三姓之位而有王三揖之殊殆因坛之高下而为此上下之节欤司土治朝之仪孤卿特揖大夫以其等旅揖士旁三揖王还揖门左揖门右者待羣臣之礼也此则待诸侯于坛坫之上各辨其等故与之异也

及其摈之各以其礼公于上等侯伯于中等子男于下等

郑康成曰谓执玉而前见于王也摈之各以其礼者谓摈公者五人侯伯四人子男三人上等等中等下等者所谓奠玉处也坛三成深四尺则一等一尺也坛十有二寻方九十六尺则堂上二丈四尺每等丈二尺欤【○贾氏曰上二丈四尺为堂王立之处并祀方明之所○王氏详说曰每等两厢各丈二尺以为诸侯奠玉之所共九十六尺矣】诸侯各以其等奠玉降拜升

成拜明臣礼也既乃升堂授王玉【○贾氏曰公奠玉于上等降拜于中等侯伯奠玉于中等降拜于下等子男奠玉于下等降拜于地及升成拜皆于奠玉之处】

王氏详説曰此以爵之尊卑而为之等杀也防同受贄受享一皆于坛【○黄氏曰此行朝礼郑以执玉前见王是也覲礼四传摈盖王升坛诸侯位在坛下王摈四旁传摈无所特为也此则各有摈为宾主故曰及其摈之及及此时也司仪掌九仪宾客摈相之礼盖不独指防合诸侯时当时在国朝享礼食通掌之大行人朝位宾主之间九十步七十步五十步摈者五人四人三人是为上中下等郑言坛之奠玉处非】

其将币亦如之其礼亦如之

郑康成曰将币享也○郑锴曰既奠玉则拜而献其国之所有以为币其献也亦于其等故曰亦如之已将币则王裸以郁鬯其裸而礼之亦各于其等故曰亦如之【○黄氏曰三享再裸一裸酢不酢已见大行人大行人掌其礼籍司仪掌摈相以诏仪容辞令揖逊之节而已亦如之言摈者各以其礼亦如上三等也郑言将币三等亦谓坛三成恐非疏家遂证成之将币当时在庙此所谓坛墠宫也始合升坛见诸侯谓之覲遂行朝享之礼虽其详不可攷至若因坛三成为三等则必不然当时在庙其礼亦三等】

王燕则诸侯毛

郑锴曰朝享已毕王燕之以示慈惠则择发须之白者坐乎上所以明贵老之礼朝礼尊尊行人言享礼防礼而不及燕此特言燕者盖国之正礼有享有食则有燕可知此则防于国中之寝以示恩也燕礼亲亲上齿而言毛者血气衰则毛髮变贵老之礼宜以齿为高下今以燕而尚恩故唯以老而髮之变异者为上人亦有早衰而发先白者亦有年高而发尚黑者若只取其毛发之变者而尊之则早衰而发白年尚未及者或在年长者之上矣余以为诸侯之毛亦以齿为上

黄氏曰当诸侯之入王为之朝礼而贵贵之教寓焉为之燕礼而老老之教寓焉其朝也公于上等侯伯于中等子男于下等各以其礼摈之贵贵也其燕也公三燕侯伯再燕子男一燕各以其齿坐之老老也贵贵者礼也老老者仁也贤贤者义也爵也齿也德也同为天下之达尊而仁于天下也尤不可食顷废焉故四代之燕或贵爵或贵德或贵齿或贵亲各从其所贵而加之然不以爵之尊卑德之小大为之序者序齿而已尚齿仁也尚老又其仁之至也

凡诸公相为宾

郑锴曰此记诸侯国之礼仪也诸公相为宾客者谓其爵同为公者相与交际而为宾主也

主国五积【音渍】三问皆三辞拜受皆旅摈再劳三辞三揖登拜受拜送

郑锴曰积以供其费用其数五【○郑康成曰宾所停止则积○贾氏曰积若遗人云五十里有市市有积是也】问以问其阔其数三此二礼皆三辞【○易氏曰示不敢当也○郑康成曰辞其以礼来于外也】然后拜受钦其供给之惠与钦其问讯之礼【○郑康成曰积间不言登受之于庭不登堂也】○郑康成曰旅读为鸿胪之胪陈之也宾之介九人使者七人皆陈摈位不传辞也宾之上介出请使者则前对位皆当其末摈焉【○贾氏曰先郑以旅摈与交摈同之后郑不从者此臣礼云旅摈下文主君郊劳交摈三辞明其别旅直陈摈介不传辞命交则一往一来传辞也】○郑锴曰致积致问之际宾主皆旅摈之礼旅摈者不上下相传直宾及上摈相对而语不交摈也两君相见则交摈此特使卿大夫致之臣道卑直对之可也○贾氏曰再劳者一劳在境一劳在远郊皆使卿其近郊劳当主君亲为之也【○王氏详说曰诸侯于天子小行人逆劳于畿大行人劳于远郊及近郊至于国天子馆之而已至于诸侯之相为宾则境劳与远郊劳使卿近郊则主君也案此司仪先三问再劳然后继之以主君郊劳是已然郑氏必知其再劳使卿者以聘礼遣卿行劳礼劳臣以卿则劳君以卿也明矣此劳之所以少异○郑锴曰或使卿或使大夫皆三辞者辞其劳也于远不敢当也】○郑康成曰三揖谓庭中时也○郑锴曰三揖者入门揖当曲揖当碑揖也登登堂也拜受受其劳也【○李嘉防曰再劳必有币下拜于堂而登受之】拜送送其使还也○王昭禹曰劳礼重于问礼非特拜受而已于使臣之旋也又从而拜送之○易氏曰重主君之命○郑康成曰此从来至去之数如此

主君郊劳交摈三辞车逆拜辱三揖三辞拜受车送三还再拜

郑锴曰宾至近郊则主君亲出郊而劳之于是有交摈之礼【○贾氏曰交摈者主君至郊郊有馆舍宾在内主君至馆大门外主君北面而陈此九介去门九十步东面宾在大门内于门外之东亦陈九介西面不陈五摈者非主君从宾礼故也】宾陈九介主君于门外陈五摈上摈传辞与承摈承摈传与末摈末摈传与末介末介传与承介承介传与上介上介传与宾宾又传与上介上介传与承介承介传与末介末介传与末摈末摈传与承摈承摈传与上摈上摈入告谓之交摈【即疏说诸交摈者例当如是】摈已传辞乃三辞其君之劳而不受【○贾氏曰宾辞主君以礼来于外也】辞不获已宾乃乘车出门以逆主君拜主君之辱而临已○贾氏曰三揖即聘礼入门当曲当碑为三揖○郑康成曰三辞重者先辞辞其以礼来于外后辞升堂○王昭禹曰三揖所以致恭三辞所以致谦然后拜受币也【○贾氏曰拜受宾再拜乃受币也主君亦当拜送不言文省也】○郑锴曰受劳讫乃出车以送主君三还而辞之乃再拜而别【○贾氏曰车送者宾乘车出门就主君若欲远送之三还辞之再拜者宾见主君辞遂再拜送主君也】○郑康成曰车送迎之节各以其等则诸公九十步立当车轂也

致馆亦如之

郑康成曰馆舍也○郑锴曰客至而后馆君又以礼亲致之其礼亦如郊劳也○王氏详说曰诸侯之于天子其馆之也初无所致赐舍而已至诸侯之相为宾则有致馆之礼焉案觐礼云赐伯父舍贾氏以为言赐舍者天子尊极所使者司空欤但使人以命致之初无束帛而侯氏受馆犹侯使者用束帛乘马所以尊王使也致命以馆者司空也眠馆者又小行人也此司仪

云致馆亦如之继于主君郊劳之后是知其君亲致也然郑氏必知其大夫授之者以聘礼大夫帅至馆卿致之耳但聘礼以大夫授馆于臣此诸侯相宾既亲致馆则其授馆当使卿也明矣此馆之所以少异也

致飧如致积之礼

郑康成曰飧食也小礼曰飧大礼曰饗飧○郑锷曰宾已入馆乃致小礼谓之飧飧夕食也言其微而寡也其礼与始来致五积之礼同盖遣大夫故三辞拜受旅饗而已【○王氏详说曰郑氏必知其致积致飧使大夫者以聘礼使宰夫朝服设飧而积视飧牵耳但聘礼以大夫致积致飧于其臣此诸侯相宾君既亲致飧与夫送其飧积使卿也明矣此致之所以少异也】

及将币交宾三辞车逆拜辱宾车进答拜

贾氏曰币即圭璋也○王昭禹曰将币宾享主君也○郑锷曰及庙中将币必交宾主君三辞其将币之礼乃出车而逆之拜其辱宾车进而答拜君之迎已也○贾氏曰交宾三辞车逆拜辱宾车进答拜此并在主君大门外○王氏详说曰主君郊劳之时有车逆拜辱之事将币之时又有车逆拜辱之事车送拜辱其字虽同其理亦异此又所以见宾与主君之迭为宾主也方其劳于郊则宾为主人而主君为宾矣是宾以主人之礼车逆主君而拜其辱者辱其主君之远出耳及其将币于庙则主君为主人而宾为宾矣是主君以主人之礼车逆其宾而拜其辱者辱其宾之远来耳

三揖三让

项氏曰主君三揖宾三逊○杨谨仲曰公朝于天子之礼去门九十步今司仪乃诸公相为宾而注言相去九十步揖之使前则是君臣之分非敌国之礼也既言车逆拜辱宾拜答拜则宾主相拜不应在九十步之外盖三揖者让行也三让让入门也及庙后三揖者让分左右也

每门止一相及庙唯上相入

郑康成曰相谓主君宾者及宾之介也谓之相者于外传辞耳入门当以礼诏侑也○郑锷曰每门至一相则止止谓絶行在后至祖庙则唯上相入以其诏相礼事不可止也【○贾氏曰每门止一相者既入门回面东至祖庙之时祖庙西仍有二庙以诸侯五庙始祖庙在中两厢各有二庙各别院为之则有二门门傍皆有南北隔墙隔墙皆通门故得有每门也上相入者即上宾上介上介随君后与大夫士介为鴈行于后知不全入而为絶行在后者以聘礼介皆入庙门门西北面西上故知此君介亦入门门西北面西上故云絶行在后者亦入庙也】王氏曰每门止一相则为将致敬于庙及庙唯上相入则致敬故也

宾三揖三让登再拜授币宾拜送币

贾氏曰三揖者亦谓入门揖当曲揖当碑揖也云三让登者至阶主君让宾宾让主君如是者三主君先升也○杨谨仲曰此三揖让分左右也主人入门而左客入门而右客若降等则就主人之阶主人固辞然后客复就西阶此所以至于三揖也三揖则让登也曰登而先言再拜受币后言宾拜送币则是三让之后主人先登而宾后登可知矣○黄氏曰宾让让不敢登若将于堂下成礼焉既登主人再拜拜宾至宾始授币主人受宾乃拜送币言宾拜者见上为主人拜也郑改授为受不必【○王昭禹曰不曰受而曰授者以主君于宾授币则拜而受之】○贾氏曰宾拜送币者宾既授乃退向西阶上北面拜送币乃降也○王昭禹曰主君拜授币尊其所享宾拜送币致敬于所享也

总论

王氏详说曰五积三问言三辞而不言三揖再劳郊劳言三揖而不言三让及将币言三辞于车逆拜辱之时言三揖三让于每门止一相之时又言三揖三让于登再拜受币之时郑氏以前所谓三揖者谓相去九十步之间揖之使前贾氏以后所谓三揖者谓入门揖当曲揖当碑揖二家之说最得礼意矣盖车逆之后则是未入庙门也其所以为揖者在宾主朝位之间耳得不以揖之使前为说乎是此三揖谓揖之数有三也得揖使前之后则是已入庙门也其所以为揖者在门在曲在碑之间耳得不以揖之使入为说乎是此三揖谓揖之处有三也是字虽同而理则异也事异则曰辞事同则曰让于每门止一相而言让者谓同乎入门而必让也于登再拜受币而言三让者谓同乎升堂而必让也岂非事同而曰让乎乃若五积三问则曰三辞谓辞其积之与问也再劳则曰三辞谓辞其劳之致币也主君则曰三辞谓辞其以礼来于郊也拜受则曰三辞谓辞其升堂受劳也将币则曰三辞谓辞其以车逆于庙门之外也车送则曰三辞谓辞其以车送于庙门之外也辞让两字对文则然散文则否记曰不辞让而对非礼也

每事如初

郑锷曰宾送币于主君则再拜而送之每送币其礼皆同谓之每事者盖有三享故也【○黄氏曰案国客授币不云每事如初之仪疑享礼皆当出而复入裸亦然春秋传晋侯出入三觐王享礼命之宥其节亦如此故言每事如初正谓享也○郑康成曰谓享及宥】

宾【音宾】亦如之

黄氏曰郑以宾当为宾国客宾使者亦为宾上于下为礼敌为宾此谓灌恐是然宾以宾客之礼相待遇为义如五州为乡使之相宾是也虽不改字亦通【○王氏详说曰诸侯于天子天子再裸而酢所以礼于上公也一裸而酢所以礼于侯伯也一裸不酢所以礼于子男也其裸之也则以礼为言诸侯之相为宾其裸之也则以宾为言盖于主曰礼于敌曰宾礼器云诸侯相朝灌用郁鬯是诸侯之有灌礼也不曰礼而曰宾者案聘礼云赐伯父舍侯氏再拜稽首受宾之束帛乘马是侯氏之礼于天子使者曰宾其相礼则亦曰宾也明矣此裸之所以少异也】○郑锷曰宾亦三揖三让○易氏曰谓仪容辞令揖逊之节皆如将币之礼

及出车送三请三进再拜宾三还三辞告辟【音避】

郑锷曰及朝享毕而出主君以车送宾则三请于宾请留而勿行也一说请宾登车已以车送也宾不敢留主君一进进至于三则宾出亦远矣乃再拜而送之宾见主君之一请则一回车而辞之三辞告辟言已当去不敢留也○王昭禹曰凡言三让三辞三避者有所不敢进则让有所不敢受则辞有所不敢当则避

致饗饩还圭飧食致赠郊送皆如将币之仪

王昭禹曰熟食谓之饗可食之物生气存焉谓之饩○郑锷曰致饗饩者盛礼也饪一牢腥二牢饩二牢则亲往致之○王昭禹曰还圭谓宾享主君用圭以将意毕则还其圭于宾也【○郑康成曰聘以圭璋礼也享以璧琮财也已聘而还圭璋轻财而重礼○郑司农曰公子重耳受飧反璧】飧以饮为主食以食为主致赠谓宾去而赠以财也郊送谓主君躬送宾至于郊也其逆送揖让辞受之节皆如将币之仪郑康成曰此六礼者惟飧食速宾耳其余主君亲往亲往者宾为主人主人为宾君如有故不亲飧食则使大夫以酬币侑币致之

王氏详说曰诸侯之于天子致积致飧则使大夫致饗饩还圭与夫致赠郊送则使卿诸侯之相为宾则致飧致积使大夫致之而已其致饗饩与夫还圭赠送则皆亲往焉案聘礼云君使卿归饩又云君使卿还圭于馆夫遣卿归饩还玉于诸侯之臣则于其君必亲往矣此司仪以致饗饩还圭飧食致赠郊送如将币之仪正所以见其有三辞三揖之礼岂非亲往乎

宾之拜礼拜饗饩拜飧食

郑司农曰賓之拜礼者因言宾所当拜者之礼所当拜者拜饗饩拜飧食○郑锷曰主君致礼其盛有六宾所以谢之者唯谢其至重之礼而已饗饩飧食皆为礼之盛宾将去则谢此三礼耳其余还圭致赠之类不必谢也

宾继主君皆如主国之礼

郑锷曰先郑以继为复主君之礼康成以主人礼费既多非宾所能复改继为宾宾者报也摈之者主君郊劳致馆饗饩还圭致赠郊送之时主君亲至宾为主人主人为宾故必宾之也谓报为宾者敌者曰宾故也宾之之礼与主国同欲无加于主人而已然有改字之嫌不必改可也○易氏曰先王制礼有施有报而施报亦有轻重之辨惟其有施有报此宾所以有继主君之礼惟其施报之欲称此宾之报不能如主君之礼特如王国之礼盖主君使卿劳宾于境必为致币故有拜受之礼其致币虽无明文以覲礼考之宾至于郊王使人皮弁用璧劳此天子劳宾之礼则知诸侯劳宾亦以币此所谓主国之礼岂有往来交际而复其礼费如市道之交者耶○郑康成曰礼者谓玉帛皮马

诸侯诸伯诸子诸男之相为宾也各以其礼相待也如诸公之仪

郑锷曰侯伯子男相为宾各以其礼从其命数之高下因其国之小大所用之物不与诸公同【○贾氏曰五等诸侯以命数分为三等其圭璋饔飧积步数摈介皆降杀备于大行人掌客】若夫揖逊辞受之仪无以异焉盖礼以定名分仪者交际之容而已

诸公之臣相为国客

郑康成曰谓相聘也○郑锷曰此记诸侯之国诸臣之礼仪也公国之臣来聘公国相与为客故曰相为国客君尊故以宾言之而曰相为宾臣卑故以客言之而曰相为客○王氏详说曰上言诸公此言诸公之臣皆举公以见诸侯伯子男耳玉人云瑑圭璋八寸璧琮八寸以頫聘是举上公之臣耳上公以九为节而臣降其一举其上以及其中下也

则三积皆三辞拜受

王昭禹曰诸侯五积其臣下其君二等故三积【○贾氏曰三积谓在道之礼于路馆致之亦有束帛致之】○郑锷曰客始至则三积皆三辞然后拜而受之不言登受者受之于庭也【○贾氏曰知受之于庭者上诸公即云登登谓登堂此不云登故也】

总论

王氏详说曰诸公之臣为客与诸公为宾其劳其问其积其享其食其牢礼其朝位宾主之步又有大异上公言积言问而此言积不言问非不问也主君于将币之后而问聘者之君及其大夫耳案聘礼云及大门内公问君宾对公再拜是已故此下文云出及中门之外问君盖庙有中门有大门中门之外即大门之内也若夫侯伯之臣则又不致积矣以其聘礼主侯伯之臣为言而初无积事也夫岂无禾米薪刍但无以束帛致之耳侯伯之臣如此子男可知

及大夫郊劳旅摈三辞拜辱三让登听命下拜登受贾氏曰案聘礼此亦近郊劳之也○王氏详说曰上公于再劳言主国于郊劳言主君此言大夫郊劳者盖上公近郊劳远郊劳皆使卿大夫诸公之臣则使大夫及士耳案聘义君使士迎于境大夫郊劳则是主君不亲劳也上公之臣如此侯伯可知○郑锷曰及遣大夫来而郊劳则行旅摈之礼【○黄氏曰案诸公相为宾敌则交摈不敌则旅摈大夫虽敌亦旅摈不敢拟于君也后郑谓旅摈皆陈摈位不待传辞恐是但不必改旅为牖诸公之臣初为国客庙中将币旅摈亦为不敌也诸公相为宾大夫再劳不摈主君将亲劳大夫不陈介客亦不陈也臣为国客积亦不摈案掌讶委则致积是则国客不遣使也国客大夫郊劳旅摈主君不出使者代君陈介而致之也其义恐当如此】○王氏详说曰上公于积问言旅摈于将币言交摈于郊劳将币皆言旅摈而积又不言摈者又所以见其礼之杀也然案聘义介绍而传命则是交摈乎曰非也谓宾来至未介下对上宾传本君之命也非谓得传其已之辞也上公之臣如此侯伯可知○郑锷曰三辞不敢受劳而拜其辱也【○贾氏曰三辞拜辱者宾从馆内出于大门拜使者辱命来于外也○王昭禹曰公车逆拜辱故臣则拜辱而不以车】

贾氏曰三让让升堂也登堂听使者传主君劳问之命○王昭禹曰听命既毕于是下堂而拜然后登堂而受主君之命【○郑锷曰又登而受其郊劳之币也听命受币皆登堂尊主君之命而致敬也】○王氏详说曰上公言再劳三辞三揖登拜受而此言登听命下拜登受者盖主上公受劳于堂而拜受于堂上公之臣受劳于堂听命之后下拜于庭然后登而受之若夫侯伯之臣则又受劳于庭矣案聘礼宾揖至门内劳者致命则不受劳于堂也侯伯之臣如此子男可知矣

宾【音宾】使【去声】者如初之仪及退拜送

郑康成曰宾当为宾劳用束帛宾用束锦【○贾氏曰使传命讫礼毕出门宾以束帛宾使者如初行劳时之仪前宾受币今使者受币受币虽异威仪则同敬主君使也】郑锷曰使者退而去则客拜而送之

致馆如初之仪

易氏曰案聘礼宾至使大夫帅至馆卿致馆其旅宾以至登受亦如郊劳之礼

王氏详说曰上公言致飧如致积此不言致积者盖主上公之臣三积夫岂不致积哉但积视飧牵上言致积所以见其致飧也上公之臣则不复致飧矣非无飧也但设而不以束帛致之耳案聘礼宰夫朝服设飧又云飧不致宾不拜不致则不拜矣言侯伯之臣飧不致举其中以见上下也

及将币旅宾三辞拜逆客辟三揖每门止一相及庙唯君相入

贾氏曰将币亦谓圭璋也【○郑锷曰将币所以享主君也】旅宾三辞亦谓于主君大门外主君陈五宾客陈七介不传辞也【○郑锷曰客臣也故不交宾不敢敌主君也】三辞者辞主君以大客礼当已也拜逆客辟者主君遣上宾纳宾宾入大门主君在大门内南面拜宾【○郑锷曰三辞其将币之礼辞不获已则拜而逆客也】以使者奉君命来不敢当拜故逡巡避君拜也【○郑锷曰客不敢当主君之逆则退而辟之】

王氏详说曰上公言车逆拜辱宾车进答拜此言拜逆客辟者盖主上有车逆之礼上公之臣则拜逆而已上公有答拜之礼上公之臣则辟而不答拜不敢当主君之尊也案聘义君拜逆于大门之内而庙受北面拜赐拜君命之辱是拜聘君也非拜使者也故拜逆拜受拜问君拜问大夫皆辟而不答拜者亦犹聘礼宾再拜劳不答拜与礼有不答拜者不同等也○贾氏曰三揖者亦揖之使前○郑锷曰客进而入门则三揖宾主各有介每门各止一相及行礼则唯主君之介入客之相者不入所以然者客臣故也既以臣道自处故不敢用相嫌与两君相敌也

王氏详说曰上公言每门止一相及庙唯上相入此言每门止一相及庙唯君相入者盖主上公

九命上公之臣则七介上公之上介使卿上公之臣上介使大夫上相即上介也案玉藻君入门介拂闾大夫中牀与闾之间士介拂牀公事自闾西私事自闾东郑氏谓牀门楔也君入必中门大夫士介鴈行于后示不相治也君若迎聘客宾者亦如之唯君相入则是已之上相不鴈行而入也

三让客登拜客三辟授币下出每事如初之仪

贾氏曰三让客登者主君与客俱登此据客而言之也拜客三辟者主君于阼阶上北面拜宾喜至此堂并拜受币客三退负序不敢当君拜也○王昭禹曰三辟主君之拜然后以君命授币于主君也授币既毕则下堂而出○易氏曰所以异于诸公之拜送币者不敢当主君也○郑锷曰谓之每事事事皆如初之礼文也【○郑康成曰每事享及有言○王昭禹曰亦与诸公拜送币之后言每事如初同也】

及礼私面私献皆再拜稽首君答拜

贾氏曰此三者皆于聘之日行之故并言之○吕氏曰聘礼宾卒聘事请觐宾者入告出辞乃请礼宾宰夫彻几致筵公出迎宾入拜送醴此君亲礼宾也【○贾氏曰聘礼礼客用醴齐异于君郁鬯】宾卒聘事奉束帛请觐所谓私觐也宾朝服问卿既致命出宾面如觐币所谓私面也君命未致使臣不敢以私见其君及其卿卒君事乃得申其私敬也私觐见其君私面见其卿也或有以私面为见君者盖别而言之则有见君见卿之别此篇及聘礼所云私觐私面是也离而言之则私面即私觐亦可为见君如司仪诸公之臣相为国客私面私献楚公子弃疾见郑伯以乘马八匹私面于君是也【○王氏详说曰私觐私面之币皆其已物者以聘礼惟有君夫人聘享及问大夫聘之币付使者之文不见有付宾介私觐私面之币至于赠币如其觐币聘礼所谓宾将行舍于郊公使卿赠如觐币使下大夫赠上介亦如之使士赠众介如其觐币还以至本国陈币于朝则上宾之公币私币皆陈上介公币陈他介皆否此所以知聘者之私觐私面其币皆其已物也】○郑锷曰或谓聘有私觐而郊特性云朝觐大夫之私觐非礼者何耶余以为与君偕来之时君方有朝觐之事而大夫行私觐之礼则是外交也是故不敢私觐所以致敬也若夫国君遣臣来聘则得以私觐故孔子曰私觐愉愉如也而左传言楚公子弃疾见郑伯以其良马私面也不曰私觐而曰私面者聘礼注云谓之面威仪质也或者谓于君谓之觐卿谓之面不知此言私面而下文有君答拜之文则非卿谓之面矣弃疾见郑伯亦谓之面或说非也

郑锷曰礼也私面也私觐也凡兹三礼皆再拜稽首以致敬主君答之以拜不敢以臣道受之也【○王氏详说曰礼家臣不稽首所以辟君也至于见外国之君则如其君九拜之礼一曰稽首二曰顿首三曰空首臣之拜君则稽首君之答拜则空首此再拜所以异于上公也○王氏曰君答拜则不稽首以主君而客臣故也】

出及中门之外问君客再拜对君拜客辟而对君问大夫客对君劳客客再拜稽首君答拜客趋辟

郑康成曰中门之外即大门之内○王昭禹曰出及中门之外然后问君问大夫劳客者以在庙授币方致敬焉未可遽问而劳之也○李嘉防曰前之将币皆是介摈传辞未及相亲今既私面则相亲矣故可问君问大夫○郑康成曰问君曰君不恙乎对曰使臣之来寡君命臣于庭问大夫曰二三子不恙乎对曰寡君命使臣于庭二三子皆在劳客曰道路悠远客甚劳劳介则曰二三子甚劳【○贾氏曰此未知所出或曰孔子聘问之辞】问君客再拜对者为敬慎也○郑锷曰再拜而思所以对盖未对也君答之也客于君拜之时乃辟君拜而对其所问也主君问其国之大夫客即对之不须再拜与辟也大夫卑于君故直对其问也主君劳已跋涉之劳谦不敢当其问故再拜稽首以致谢明其感戴之深也主君答其拜客趋而辟之不敢当主君也

致饗饔如劳之礼飧食还圭如将币之仪

郑锷曰致饗饔如劳之礼飧食还圭如将币之仪此四者皆盛礼也然致饗饔则如郊劳之礼者以其不比国君为宾而饗饔之盛故也郊劳行礼而已【○贾氏曰同使卿威仪进止】飧食还圭则如将币之仪者与上文将币仪同以其飧食大礼也圭者彼国之君所执以致聘之物故礼如将币敬其君之意也【○郑康成曰飧食亦谓君不亲而使大夫以币致之○贾氏曰如将币者盖不尽如之所如者如旅摈主人皮弁宾皮弁裘与将币同自余则别○王昭禹曰如将币之仪者飧食还圭其礼重于饗饔可也】

王氏详说曰上公致饗饔还圭飧食致赠郊送皆如将币之仪至上公之臣则致饗饔如劳之礼谓以大夫致之君不亲致也飧食还圭如将币之仪亦谓以卿致之君不亲致也然言如将币者但郊劳其礼简将币其礼详耳案聘礼云君使卿还玉于馆又案聘礼云公于宾一食再飧上介一食一飧若不亲食致之以侑币致飧以酬币然还玉使卿而飧食亦有亲与使人致耳此致饗饔飧食之异于上公也

君馆客客辟介受命遂送客从拜辱于朝

郑康成曰君馆客者客将去就省之尽殷勤也○郑锷曰客不敢当主君之亲临故辟之而使介受其又问之命主君因此遂拜以送客也客即从君之后至朝而拜谢君之有送已【○李嘉防曰馆客者留客也亲受其命而不留几于与主君抗故辟而使介受命从其后拜君之辱于朝】○王氏详说曰上公致赠郊送皆君亲往焉上公之臣则因其将去就馆以送之而已

明日客拜礼赐遂行如入之积

郑康成曰礼赐谓乘禽○郑锷曰既有饗饔飧食之礼矣又有乘禽之赐者加恩惠也于君拜辱之明日客又亲至朝而拜加惠之礼赐谓其待已有加而无已故也既拜其赐即行焉不复留也主君于其去又致积焉如始入之数【○贾氏曰入与出皆三积也】盖刍薪米禾之类不可一日缺也所以知礼数为乘禽者聘礼云宾三拜乘禽于朝以此知之○黄氏曰宾之拜礼拜饗饔拜飧食宾故有拜有不拜且有继礼此拜礼赐臣不敢敌君皆当拜直曰礼赐于其

行也而拜之○李嘉防曰国君将去则有致赠郊送今止曰客拜礼赐遂行亦无郊送之礼者前将君命待之不可忽君命既将则臣也待之不可过如入之积则三积也王氏详说曰礼大夫不飧君谓不敢与君抗礼也至于使外国亦如其礼诸侯之于诸侯则宾继主君如主国之礼但无积问殯劳之礼耳此无继主君之礼所以异于上公也

凡侯伯子男之臣以其国之爵相为客而相礼其仪亦如之

郑康成曰爵卿大夫士也○李嘉防曰以爵相为客足矣何必以其国之爵国有小大子男之卿仅可当公国之士故不止曰爵必以国之爵言也○郑锷曰凡侯伯子男之国其臣相为国客皆以其爵命高下为礼若夫见于揖逊之间仪容则与公国之臣同故曰其仪亦如之

凡四方之宾客礼仪辞命饩牢赐献以二等从其爵而上下之

郑锷曰礼仪见于形貌【○王昭禹曰礼仪所以相接】辞命见于答问【○王昭禹曰辞命所以相与】饩牢者礼之常也【○王昭禹曰牢礼之属】赐献者礼之加也【○王昭禹曰禽献之属】以二等从其爵而上下之者视其爵之尊卑而降杀以两也【○贾氏曰上经之爵郑以卿大夫士三等解之此云二等即大行人下其君二等大夫士降杀以两也从其爵者以三等降杀从三等而为之也】

黄氏曰九仪公侯伯子男其命五孤卿大夫士其爵四其待宾客之礼公侯伯子男为三等至邦交不以命而皆以其爵为二等诸侯敌也与天子自应不同

凡宾客送逆同礼

王昭禹曰来则逆之而有问劳之仪去则送之而有赠送之礼如一而已○易氏曰逆非止于郊劳凡有以奉其来者皆是送非止于郊送凡有以厚其往者皆是始终如一礼主乎敬也

凡诸侯之交各称其邦而为之币以其币为之礼郑锷曰诸侯交际之礼视国之大小报复之礼因物之重轻交大国则其币以多为贵交小国则其币以少为贵是之谓称若夫待其使者亦视其币之多寡而为丰杀疏谓此乃享币非圭璋璧琮也贿用束帛所以遗聘君可以为衣服之用礼用束帛所以礼聘君而报其享焉○王昭禹曰各称其邦而为之币者称其邦之大小而为币之隆杀以其币之隆杀为礼之厚薄也如是则宾之所以继主君而主君所以礼宾者皆无过不及矣

凡行人之仪不朝不夕不正其主面亦不背客

郑康成曰谓摈相传辞时也○郑锷曰凡行人者司仪掌客上所言者皆宾客之礼仪也而又掌大小行人之仪为行人者当其相礼则不可向东亦不可向西亦不可向南亦不可向北常视宾主小前郤随机旋转不常厥处东方之明而日出为朝朝东也日入于西为夕夕西也主

南面不正其主面谓不正如君南面也客答君而北面不背客谓亦不正向北也

周礼订义卷六十八

卷六十九

<经部,礼类,周礼之属,周礼订义

钦定四库全书

周礼订义卷六十九 宋 王与之 撰

行夫下士三十有二人府四人史八人胥八人徒八十人

郑康成曰行夫主国使之礼

掌邦国传【张恋反】遽之小事 恶而无礼者凡其使【去声】也必以旌节虽道有难【去声】而不时必达

郑康成曰传遽若今时乘传骑驿而使者也○王昭禹曰 恶谓吉凶之事盖事小而礼籍有所不载故也若夫载于礼籍之大事则有大小行人存焉○贾氏曰无摈介而单行谓之无礼【○郑康成曰无礼者行夫主使之】○郑锷曰既有大小行人又有行夫者盖大小行人备礼仪而使使之大者也行夫不用摈介疾传遽而达其小事使之小者也大事有 恶者大小行人以摈介而使若夫小事之 恶者谓福庆祸灾之小者也行人乘传而往欲急遽以视其事惟其不用相礼之人故必执旌节为信【○王昭禹曰道路用旌节也】使之大者有使有副不患其不达若行夫则无介无介则虑其有患难而命不达故言虽道路有难而不时必达谓虽不能及所约之时要之必期于达也【○郑康成曰道有难谓遭疾病他故不以时至必达王命不可废也】

居于其国则掌行人之劳辱事焉使则介之

王昭禹曰居于其国非以王命出行之时○刘迎曰司隶掌役国中之辱事与役其烦辱之事今行夫以下士三十二人为之则掌行人之劳辱之事俾凡有使则为之介绍而或先或后亦其职也【○王昭禹曰凡大小行人有烦劳污辱之事皆行夫掌之】先儒改焉为夷谓四方夷之使则介之经言凡其使也必以旌节初无使四夷之文况经谓传王之言而説谕焉书其日月焉皆以焉为文不知先儒何苦改经文而好异説如此

环人中士四人史四人胥四人徒四十人

郑康成曰环犹围也主围賓客任器为之守卫○王昭禹曰夏官有环人秋官复有环人者盖夏官环人掌环四方之故取周巡往来若环之无端也秋官环人掌环賓客之任器取周围保卫若环之无隙也

掌送逆邦国之通賓客以路节达诸四方

黄氏曰古者诸侯分方率属书肆覲东后诗式是南邦奄受北国皆是也苟非同统率为相维相比之势与朝覲道途经由则不相往来旄丘曰匪车不东叔兮伯兮靡所与同崧高曰彻申伯土疆以峙其粃式遄其行【楚屈完谓齐桓公曰君处北海寡人处南海不虞君之涉吾地也何故陈轅涛涂误师亦为其本非东方所率属】至若有好故遣使自东徂西自南徂北皆当过王都天子使人通之故谓之通賓客【○王昭禹曰通与易所谓往来不穷谓之通同意】○郑康成曰路节旌节也【○郑锷曰谓之旌节则指其物也谓之路节则指其行于道也其实一耳】○王昭禹曰无节者有几则不达故以路节达诸四方

李嘉防曰旌节用于道路人信旌节则环人可以通賓客可以达四方可以授馆聚 可以門關无几可以遠及四疆

舍则授馆令聚

贾氏曰馆谓道上庐宿市所馆舍【○王昭禹曰国野之道五十里有 馆賓客至则环人授之也】

郑锷曰行人有致馆之礼盖賓客至国则授以馆舍也此则送逆所至賓客或舍止则授之以馆非行人致馆之比○郑康成曰令令野庐氏【○王昭禹曰野庐氏若有賓客则令守涂地之人聚 则环人乃令野庐氏】○郑锷曰聚人以擊 为之宿卫以防非常

有任器则令环之

郑锷曰賓客有所用之器不特聚 以防之令循环守视虑其或失也司隶言为百官积任器与此任器同皆谓所须之物所赖以为用不可一日无也

凡門關无几【音讥】送逆及疆

郑司农曰門關不得苛留环人也○王昭禹曰疆谓畿四方之界賓客始来而逆之终去而送之皆至王畿之界所也○郑锷曰他官送逆賓客或近郊或遠郊有不及疆者环人既以循环守卫为职此所以及疆焉

象胥每翟上士一人中士二人下士八人徒二十人郑康成曰通夷狄之言者曰象胥其有才知者也此类之本名东方曰寄南方曰象西方曰狄韞北方曰译今总名曰象者周之德先致南方也【○郑锷曰周自西土创业所先归者南方之人观江汉汝坟之诗皆南方之域其后越裳重译而至亦南方之蛮因其先通知其言语故因以名官】

【杨谨仲曰郑氏谓周德先至南方未必然也特周之时南方最遠周始有重译而献者盖周

都丰镐去西北则近去南方则遠尧都平阳故虞书言遠夷则曰蛮夷猾夏蛮夷率服武王言怀遠则曰通道于九夷八蛮若后世多言戎狄大抵去王都遠则言语嗜欲尤不同也○王昭禹曰掌四夷之言此独以象言者举一以互见也举一而必言象以周之化自西而南以言其所致者遠也】

掌蛮夷闽貉戎狄之国使掌传王之言而谕說焉以和亲之

王氏曰职方氏言四夷八蛮七闽九貉五戎六狄皆其图地可辨数要者也象胥言其国使而不言其国数则所掌非特职方可辨数要之国○王昭禹曰天子有道守在四夷殊方异俗莫不输诚归款象胥之译其言又曷可少哉故掌传王之言而谕說焉谕则使之喻其言說则以言明其理【○郑锷曰传王之言而谕說焉使知王之志意也以王之恩意晓谕其心乃所以和之使勿乖亲之使勿疎外也】

若以时入賓则协其礼与其辞言传之

郑锷曰以时入賓谓四夷之君以时亲来也○刘执中曰协其礼谓蕃国之君世一见象胥掌教之以中国之仪用协其礼也与其辞言者虽不能变其音声而可谕之以事上之意然后以其辞而言之于上也【郑锷曰传以辞言其使达中国之语可以相通也○王昭禹曰接之以辞言而象胥则协其辞言传而通之王制曰达其志通其欲与此所谓协其辞言传之同意】○黄氏曰言以其辞言于上传以上之言传报之也

凡其出入送逆之礼节币帛辞令而賓【音宾】相【息亮反】之郑康成曰从来至去皆为宾而诏侑其礼仪○王昭禹曰礼节所以相接币帛所以致享辞令所以相与象胥掌宾而相之【○贾氏曰币帛谓王有赐与之者】

凡国之大丧诏相国客之礼仪而正其位

郑锷曰国客谓四夷遣其臣来也中国之客自有大小行人掌正其位○刘执中曰若其入賓而遇国之大丧则诏相其礼仪而正其位若遇军旅会同则受其币而賓礼之皆谓蕃国也

凡军旅会同受国客币而賓礼之

王昭禹曰军旅以征伐时防以发禁殷同以施政四海之诸侯或遣臣以聘问则象胥宾而礼之○郑锷曰受其币而宾相之所以待其来会之勤

凡作事王之大事诸侯次事卿次事大夫次事上士下事庶子

王昭禹曰凡作事谓作四夷之事王之大事诸侯者国之大事在祀与戎则作大事于四夷者谓有戎事于四夷也诸侯以敌王所忤为事故任诸侯然则彤弓锡有功诸侯则蛮夷衰而诸

夏盛故六月之序曰彤弓废则诸夏衰矣次事则非戎事谓威让之令文诰之辞或施于四夷者则量其事之轻重或以卿大夫或以上士也若夫下事则事之尤小者故以庶子而已言下事庶子则包中士矣【○贾氏曰不言中士下士者总以王之三等之士皆曰上士与王制所云元士同也云庶子者谓若宫伯所云士庶子之等】

郑锷曰事有小大爵有尊卑权有轻重因事用人各得其称理之常也必于象胥言者盖处夷狄之道尤不可不谨也

黄氏曰此疑简编有错缪以其名推之国客必非象胥所掌而作事尤非其所得预疑为小行人职掌作事后郑说是择使也诸侯恐当为诸公春秋天王使宰周公来聘是也下事庶子若武氏子仍叔之子

掌客上士二人下士四人府一人史二人胥二人徒二十人

郑锷曰賓客之名分而言之则尊者谓之賓卑者谓之客总而言之皆可谓之客掌客于賓客之礼无所不掌而名官独曰客盖总而言之也○黄氏曰掌客在象胥之下賓客内事毕始着外事名之曰客自外言之大行人属象胥谕言语协辞命在巡守前薛平仲曰五官之设一以掌为者皆相承乎前而递守于后者也盖掌客掌其賓客之等数即行人司仪之为等数也掌讶掌其等籍以待賓客即小行人之为礼籍也掌交掌其交好即前乎数官之为交好也诚使礼仪之未明则掌客何以严等级之殊等数之未定掌讶何以待賓客之至賓客之未至则掌交又何以致交好之结哉然交好之往来而奸慝之伏于难测者不可以不几于是乎有掌察之臣交好之既至而币帛之将其厚意者不可以不节于是乎有掌货贿之官是皆相承而递守之以成賓客之礼者也

掌四方賓客之牢礼饩献饮食之等数与其政治黄氏曰所掌牢礼饩献等数皆天子之礼而以王巡守所至之国为主天子礼待诸侯故以四方言之○易氏曰牢礼即凡用牢之礼饩谓饩九牢之类献谓禽献之类饮食谓飧燕膳食之类

李嘉会曰政治注谓国新杀礼之类若此之属非一事也可以类推○郑锷曰牢礼饩献饮食皆主国所以待賓客之礼必有等数焉等如司仪所谓以二等从其爵而上下之之等不为之等无以称其爵之尊卑数即下文所陈之数不为之数无以供其物之多寡既掌其等数矣又掌其政治者等数虽不可易然而有凶丰之年有祸灾之故有在野在外之时虽从其等数又不可无政治以撙节之也

王氏详說曰大行人言五等诸侯朝聘疎数而及其相聘相朝小行人言五等诸侯而及其六币司仪言将合诸侯而及其诸公与诸公之臣相为賓客言王合诸侯而飧礼而及诸侯之礼所以见成周之时礼自天子出也且以掌客诸侯之牢礼饩献饮食之等数言之来有郊劳去有致贿此终始成礼也言于司仪而不言于掌客积飧饗饩言于司仪而又言于掌客盖掌客事专于牢礼饩献饮食之等数此所以言积飧饗饩之礼为详且悉

王合诸侯而飨礼则具十有二牢庶具百物备诸侯长十有再献

郑锷曰飨礼之具十二牢者非常之礼也昔吴人征十二牢于鲁子服景伯谓周之王也制礼上物不过十二以为天之大数【哀七年】故王者法而用之【○李嘉防曰上公以九为节则十二者是王礼之数也】今飨诸侯则具十二牢庶具百物皆备诸侯长亦十有二献者盖论礼之常则位虽极上公亦止于九献而已论君之惠则不然彼其当朝之岁朝享于庙固当从其礼之常若夫非当朝之岁王者特以国家有事而大合之方伯连率皆在安可以无优异乎故取天子所当用之礼用以待夫为诸侯之长者所以表其恩意之厚出于非常也然言诸侯长十有再献则其他不用是礼矣○黄氏曰十二牢庶具百物备天子之礼也而以享诸侯长非谓诸侯长当用此也有司以供天子天子推而享之易大烹以养圣贤此意也诸侯咸在其飨礼皆有等独飨其长以天子之礼欲使诸侯知长幼之义且为天子所尊也康王之诰曰太保率西方诸侯入 门左毕公率东方诸侯入应门右六年五服一朝十二年时巡诸侯各朝于方岳皆率之以长时会国中掌客诸侯长十有再献两见其义下别出巡守殷国则此为时会亦使掌客掌之其事同也【○易氏曰牢具十有二而莫适所主献至十有二而少异于众其礼盖有品节之义也】

王巡守殷国则国君膳以牲犊令百官百姓皆具从【去声】者三公眡上公之礼卿眡侯伯之礼大夫眡子男之礼士眡诸侯之卿礼庶子壹眡其大夫之礼

贾氏曰王巡守则殷同殷同则殷国也王巡守至于四岳之下当方诸侯或所在经过或至方岳之下若殷国或在王城出畿外在诸侯之国所在之处皆设礼待王故巡守殷国并言也【○黄氏曰大行人十有二岁王巡守殷国巡守至方岳大明黜陟也掌客王巡守殷国通两义有巡守而不至方岳者直曰巡守而已至方岳则为殷国所至国君膳天子之礼皆当如是】○郑康成曰国君者王所过之君也犊蜋栗之犊也以膳天子贵诚也牲孕天子不食也祭帝不用也【○贾氏曰此郊特牲文言此见天子牲与天同贵诚慤故用蜋栗也】○王昭禹曰天子施礼于诸侯协十有二牢以多为贵也诸侯报礼于天子膳以牲犊以少为贵也以多为贵者外心也以少为贵者内心也○郑康成曰令者掌客令主国也○贾氏曰百官即三公以下○郑康成曰百姓皆具言无有不具备○郑锷曰下至百官之众所用之牲亦不一非特具以养百官也凡百官而不从王之行者皆当有以给之公卿大夫士子男士庶子爵命虽不同以出封加等则其位同从王之行犹出封也以八命之公视九命之公六命之卿视七命之侯伯四命之大夫视五命之子男三命之士视侯伯之卿亦三命也不加等者盖有中士下士一视三命之卿亦为加矣谓之诸侯之卿则公之孤亦在其中然则王之上士其视公之四命之孤欤若夫子男之卿再命此虽言诸侯之卿知不可指子男卿者以加一等之理攷之也庶子则专一视大夫之礼王之庶子可以比诸侯之大夫矣

凡诸侯之礼

黄氏曰司仪凡四方之賓客礼仪辞命犒牢赐献以二等而掌客诸侯之礼三等与大行人同何也掌客本掌王国之礼及王巡守其所至国为主礼待诸侯之来者而皆用王国之礼是则

掌客具两义总曰四方賓客之牢礼饩献饮食之等数以四方为文则专为巡守殷国而见也疏家以为诸侯相朝主国待賓之礼又曰掌客不见天子待诸侯之礼而见诸侯自相待以外包内皆误盖不攷司仪二等有掌客设官之意也司仪专载诸侯相待之礼诸侯常时用之掌客专掌天子待诸侯之礼因王巡守殷国主国用之是皆当参攷也【○郑锷曰攷此文有夫人致礼之事则知为诸侯待賓之礼无疑】○易氏曰凡诸侯之礼即所掌牢礼饩献饮食之等数也

上公五积皆眡殽牵

郑锷曰客始至则致小礼谓之殽殽必有牢或饪或腥致积则牵而往不杀也五积所用皆视殽时之物但牵往不杀为异言眡者谓其礼与致殽用物同也【○贾氏曰一积视一殽殽五牢则五积二十五牢也侯伯殽四牢四积则十六牢子男殽三牢三积则九牢也必牵之不杀者以其在道分置豫往故不杀客至自杀也】○郑司农曰牵牲可牵行者春秋传曰饩牵竭矣

三问皆脩羣介行人宰史皆有牢

王昭禹曰于始至以问间阔则有脩焉脩者脯之加姜桂者也羣介行人宰史皆公所从行者尊其君以及其臣故于方致问之始亦有牢也郑氏谓臣用牢而君用脩疑其非礼恐有脱误盖公致积则有殽牵问礼随而至故加以脩而已【○王氏详說曰礼有损而益者有益而损者有丰大礼而杀小礼者有丰小礼而杀大礼者初未可以问礼用脩为非礼也】羣介行人宰史方此有牢不为过也至于侯伯子男则不言者以上公爵命为独隆其礼为独优故也

殽五牢食四十簋十豆四十钁四十有二壶四十鼎簋十有二牲三十有六皆陈

贾氏曰案聘礼賓大夫帅至馆卿致馆即云宰夫朝服设殽是其客始至之礼言小礼者对饗饩为大礼也○郑锷曰夕食曰殽谓其薄也三牲备为一牢五牢者非皆熟也饪一牢其余则腥也自殽五牢以至牲三十有六皆陈者此致殽之礼也○郑康成曰食者庶馐美可食者也其设盖陈于楹外东西不过四列【○贾氏曰十以为列故四列】○王昭禹曰上公食四十侯伯食三十有二子男食二十有四东西共四列上公其列之数则十侯伯列之数则八子男列之数则六【○王氏详說曰食之数以八为降杀】○郑康成曰簋盛稻粱器也公十簋堂上六西夹东夹各二也诸侯八簋堂上四西夹东夹各二子男六簋堂上二西夹东夹各二○王氏详說曰其数以两为降杀

郑康成曰豆菹醢器也公四十豆堂上十六西夹东夹各十二礼器曰天子之豆二十有六诸侯十有二上大夫八下大夫六以聘礼言之则堂上之数与此同【○王氏详說曰天子之豆堂上二十有六则东西两夹皆二十有二矣亦以八为降杀】○贾氏曰钁器名所以盛臠臠三等之羹郑康成曰公钁四十二侯伯二十八子男十八非衰差也二十八书或为二十四亦非也其于衰公又当三十于言又为无施礼之大数钁少于豆推其衰公钁四

十二宜为三十八盖近之矣则公钶堂上十八西夹东夹各十侯伯堂上十二西夹东夹各八子男堂上十西夹东夹各四【○王氏详説曰有钶鼎有钶羹所谓酈臠臠也亦所谓藿苦薇也羹熟于鼎而载之于器凡饪一牢则正鼎九陪鼎三所谓陪鼎者即钶羹之鼎也既言鼎十有二又言钶三十八则钶为钶羹之器矣此钶鼎钶器之所以异也】○郑康成曰壶酒器也其设于堂夹如豆之数【○郑锷曰壶以盛酒司尊彝云其饗献用两壶左传云樽以鲁壶其数与豆同○王氏详説曰壶亦以八为降杀】鼎十有二者饪一牢正鼎九与陪鼎三皆设于西阶前【○贾氏曰鼎为烹牲体之器也牢鼎九谓牛羊豕鱼腊肤与肠胃鲜鱼鲜腊陪鼎三者酈臠臠也】簋黍稷器也十有二堂上八西夹东夹各二○郑锷曰食与豆非相配之物故分之簋与鼎为食之主且相配故合之【○王昭禹曰上公鼎簋十有二侯伯子男亦皆十有二者鼎牲器也簋黍稷器也皆食之主也皆常食也未始有加损焉故其数皆止于十二○王氏详説曰簋盛稻粱而降杀以两至于簋之所用五等同之者黍稷贱者所食稻粱贵者所食贵以贱为本故尔此鼎簋之同乎十二也】○郑康成曰牲当为腥声之误也腥谓腥鼎也于侯伯云腥二十有七其故腥字也【○王氏曰腥即牲之腥者或言牲或言腥互见也】诸侯礼盛腥鼎有鲜鱼鲜腊每牢皆九为列设于阼阶前公腥鼎三十六腥四牢也侯伯腥鼎二十七腥三牢也子男腥鼎十八腥二牢也【○王氏详説曰腥鲜鱼鲜腊之鼎也其数以九为降杀所谓陪鼎者上既言之矣正鼎九者牛羊豕鱼腊肠胃伦肤与夫鲜鱼鲜腊是也少牢则五鼎所谓牛羊豕鲜鱼伦肤而肠胃则又与牛羊豕同鼎矣公食大夫礼七鼎者所谓牛羊豕鱼腊肠胃伦肤而无鲜鱼鲜腊之二鼎矣但五鼎则肠胃同鼎同俎七鼎则肠胃异鼎异俎殽五牢者则饪一牢而腥四牢殽四牢者则饪一牢而腥三牢殽三牢者则饪一牢而腥二牢此五等之鼎皆十有二而腥之鼎降杀以九也牵牲无钶鼎腥牲亦无钶鼎此饪腥之鼎所以不同其数】陈列也○郑锷曰已上所致殽之物皆陈列于客馆也列有常处食陈于楹外簠与豆钶壶簋皆陈于堂上及东西之夹鼎则陈于西阶之前腥则陈于阼阶之前凡此皆谓之门内之实亦有车米禾刍薪之类不列于此

饗饔九牢其死牢如殽之陈牵四牢米百有二十筥醯醢百有二十饔车皆陈

郑康成曰饗饔既相见致大礼也【○贾氏曰案聘礼记云聘日致饗郑云急归大礼是既相见致大礼也】○王氏详説曰曰死牢曰牵牢曰米曰醯醢曰车米曰车禾曰刍薪曰倍禾此饗饔之礼○郑锷曰牛羊豕备为一牢凡用九牢从命数也九牢之物有生致者有杀而往者死牢五如殽之五牢也其陈亦如殽饪一牢在西余腥者在东也生牵四牵而往陈于门西焉共为九牢也【○王氏详説曰上公九牢其五为死牢四为牵牢侯伯七牢其四为死牢三为牵牢子男五牢其三为死牢二为牵牢或死或牵而皆曰饗饔者盖饔之为义有二案聘礼云主国使卿归饗饔五牢饪一牢腥二牢饔二牢则此饔为生矣故郑氏谓生曰饔案僖三十三年郑皇武子曰惟是饔牵竭矣则此饔为腥矣故服氏以腥以饔是知致积致殽致膳等皆用牢而饔得为牢礼者岂非比乎此死牢牵牢之所以异也】○易氏曰米则载之于筥者半斛曰筥上公百有二十筥为米六十斛侯伯百筥为米五十斛子男八十筥为米四十斛其设在于庭中【○郑康成曰公侯伯子男黍稷稻粱皆二行公稷六行侯伯稷四行子男二行○郑锷曰有黍稷稻粱共百二十筥】○郑锷曰醯醢者醢醢醢可食之物如王举之数【○贾氏曰上公醯醢百二十饔与王举百二十饔同故郑志云此公乃二王后如是王之上公与侯

伯俱同百𡔷】○王氏详説曰醢醢阴阳之义醢谷阳也醢肉阴也其数以二十为降杀故上公百二十𡔷而侯伯则百子男则八十矣然殽则实于豆而饗则实于𡔷此殽之所以异于饗也○郑锷曰皆陈列于客馆其陈则牢有在阼阶西者有在东者米积陈于中庭十为列醢醢夹碑从陈亦十为列醢以谷为之阳物也故在碑东醢以肉为之阴物也故在碑西言车皆陈非也车衍字也凡此皆门内之实所陈在门内者也【○王昭禹曰车皆陈以车盛𡔷焉而陈之也既陈则不用车矣故侯伯子男言皆陈而不言车也】

车米𡔷生牢牢十车车秉有五防车禾𡔷死牢牢十车车三秬【音妬】刍薪倍禾皆陈

郑锷曰车米者以车载米也𡔷生牢谓视牵一牢则用十车以载米牵四牢则用四十车矣然一车之中所容秉有五防而已十斗为斛十六斗为防十防为秉一秉十六斛也五防八斛也秉有五防二十四斛也秉与冉子与之粟五秉之秉同车禾者以车载禾也藁实并刈为禾禹贡所谓总结之类也其数则𡔷死牢死牢五一死牢则用十车五牢则五十车矣然一车所载者三秬而已禾之秉谓禾可把者也四秉曰筥筥一穧也十筥曰稷十稷曰秬三秬者三十稷也○王昭禹曰刍薪倍禾则凡百车也【○郑锷曰有刍有薪其数则视禾而倍之】○王氏详説曰禾米薪刍公养之义也米所以养宾而薪如其数禾所以养马而刍如其数然米有载于筥者有载于车者上公百二十筥则为米六十斛此米之载于筥者也其设在于庭中其侯伯子男皆以二十为降杀矣秉有五防则为米二十四斛矣此米之载于一车之数也其设在于门外禾也薪也刍也亦在其处【○郑康成曰米在门东禾在门西刍薪虽取数于禾薪从米刍从禾也】其侯伯子男皆以十为降杀侯伯米三十车禾四十车子男米二十车禾三十车至上公则米禾十车为言者乃所以𡔷其死牢生牢之数也若夫聘礼则侯伯之卿米禾皆二十车矣岂非杀大礼而丰小礼其数与此不同乎然殽礼不言米禾薪刍者抑以积视殽牵是殽礼以米禾刍薪为义不必言可也

总论

王氏详説曰食也簠也豆也铏也壶也皆陈于堂上及两夹也簠亦陈于堂上而与鼎并者并其数也非并陈也鼎也腥也陈于阼阶之前死牢也牵牢也陈于门之西车米也车禾也薪刍也陈于门之外醢也醢也陈于碑之东西掌客言饗飨之皆陈者二筥米与醢醢并者以其皆在门内也米禾之车与死牢之牢并者以其皆在门外也则义甚明矣言殽之皆陈者一而鼎也腥也同为簠簠豆铏之列者盖簠簠豆铏岂堂上所陈之器乎鼎也腥也岂堂上所陈之器乎虽不分言皆陈学者可以意晓也至于殽之所陈以筐米陈于楹外𡔷陈于楹内则与饗礼之陈筥于庭陈𡔷于碑异矣夫人助君笾豆陈于户东壶陈于东序则与君之陈笾豆于堂陈壶于楹外异矣

乘【去声】禽曰九十双殷膳大牢以及归三殽三食三燕若弗酌则以币致之

郑锷曰殽饗之外每日所供有乘禽所谓礼赐是也乘谓羣行相四偶者如雉鴈之属传所谓乘鴈集不为多是尔九十双者从其命数以双行也【○郑康成曰于礼以双为数】殷中也

賓未去之間又更致膳示恩意無倦也物用則大牢焉○王氏詳說曰上公大牢侯伯大牢子男闕而不言此中膳之禮也案聘禮云既致饗旬而稍者謂此禮也蓋賓客之道以十日為正行禮一旬之後或遭凶變或主人留之即有致稍歸禽之禮周禮漿人所謂共賓客之稍禮是也但上公言于及歸侯伯不言及者間或致之耳侯伯大牢而子男不言者止于乘禽耳【○王昭禹曰侯伯言膳大牢子男不言蒙上文可知然獨于上公言以及歸則侯伯子男及歸可知也】

鄭鐸曰自始至以及歸凡三飧之三食之三燕之禮成于三也

王昭禹曰上公三飧三食三燕諸侯三飧再食再燕子男一飧一食一燕飧以酒為主食以食為主燕以恩為主惟以恩為主故異于飧食之禮示以慈惠以毛為尚其樂無筭也取其歡而已其爵無筭也取其醉而已取脯以降奏陔而去則王之所以致愛于諸侯于是為至矣

鄭康成曰若弗酌謂君有故不親飧食燕也○鄭鐸曰飧必有酬幣食必有侑幣不親飧則遣大夫以酬幣致其飧禮不親食則亦遣大夫以侑幣致其食禮所以將厚意焉謂有故不及躬臨而非厭慢賓之意或謂不親燕則不用幣致蓋飧食在廟其禮至嚴而燕在寢其禮防然攷鹿鳴之燕羣臣猶有幣以將意況燕賓乎

凡介行人宰史皆有殽饗以其爵等為之牢禮之陳數唯上介有禽獻

鄭鐸曰凡介者賓之眾臣從行者也行人者掌賓禮之官也宰者賓之膳夫也史者賓之掌書史也始至有殽且后有饗飗尊其君以及其臣也然人眾參差難等用其爵之高下為之陳數而已此則禮之正者【○鄭康成曰爵卿也則殽二牢饗飗五牢大夫也則殽大牢饗飗三牢士也則殽少牢饗飗大牢此降小禮丰大禮也○賈氏曰小禮謂饗飗卿五牢子男卿與君等是丰大禮也】若夫禽獻禮賜也則唯上介始有焉上介相禮其爵亦尊宜有禮賜以示優厚也聘禮乘禽于客日如其饗飗之數士中日則二双是也用禽以獻謂之禽獻也

王氏詳說曰案聘禮上介與賓同是以大夫飗賓云上賓上介皆大牢米八筐眾介皆少牢米六筐但上賓有刍禾而上介無刍禾耳此五等之上介皆有禽獻也

夫人致禮八壺八豆八簋膳大牢致飧大牢食大牢鄭康成曰夫人致禮助君養賓也簋豆陳于戶東壺陳于東序凡夫人之禮皆使下大夫致之【○賈氏曰內宰致后賓客之禮注云謂諸侯朝覲及女賓之賓客內宰是下大夫王后尚使下大夫況諸侯夫人乎】○鄭鐸曰其數八八者陰之極數所用之物皆大牢厚賓也○王氏詳說曰上公八壺八豆八簋而侯伯同者抑以夫人于上公有膳有飧有食而侯伯則無食禮矣【○王昭禹曰侯伯與上公同不言食大牢則殺于上公也】

黃氏曰夫人致禮其在王國后之禮也膳眡致飧與侯伯同則皆大牢下一等則特牛隨所用之鄭不言飧又曰飧有壺酒蓋疑辭

卿皆见以羔膳大牢

黄氏曰亲见卿谓子男于主国之卿皆当亲见之也疏家引聘礼卿大夫劳宾宾不见大夫奠鴈上介受则公侯伯于主国之卿来见不亲见之矣○郑锷曰主国之卿见宾亦皆执羔所以礼之也卿执羔取其羣而不党之义自其常也嫌于他国君不可用见已君之礼故言皆见以羔及其膳賔亦用大牢所以助君养賔【○王昭禹曰或用大牢或用特牛亦礼之杀】○黄氏曰见读如字夫人致礼公侯伯壶笾豆八子男六卿膳公大牢膳侯伯子男特牛司仪所谓二等从其爵而上下之粗可见郑說非○王氏详說曰子男与侯伯同礼者卿以侯伯见以羔而子男不言见者盖三卿之内有见者有不见者卿于小国之君有不造馆者矣

總论

刘执中曰掌客之所掌牢礼其别有五皆天下之正礼而王及诸侯之所共守而同行之不敢过也不敢不及也王不巡守殷国会合诸侯而享之一也王巡守殷国国君膳王及公卿大夫士庶子各有所眡二也诸公相为賔之礼三也侯伯相为賔之礼四也子男相为賔之礼五也圣人事为之制物为之防使贵贱有伦上下有叙賔主有礼揖逊有节小大必称故享之者足以成礼而无余为之者足以敬賔而不乏所以行礼乐起风化笃忠顺厚人伦而祸乱之萌息争鬪之心消僭倖之源窒国之大经也

侯伯四积皆眡殽牵再问皆脩殽四牢食三十有二簠八豆三十有二钁二十有八壶三十有二鼎簋十有二腥二十有七皆陈饗饔七牢其死牢如殽之陈牵三牢米百筥醯醢百饗皆陈米三十车禾四十车刍薪倍禾皆陈乘禽日七十双股膳大牢三飧再食再燕凡介行人宰史皆有殽饗饔以其爵等为之礼唯上介有禽献夫人致礼八壶八豆八笾膳大牢致飧大牢卿皆见以羔膳特牛子男三积皆眡殽牵壹问以脩殽三牢食二十有四簠六豆二十有四钁十有八壶二十有四鼎簋十有二牲十有八皆陈饗饔五牢其死牢如殽之陈牵二牢米八十筥醯醢八十饗皆陈米二十车禾三十车刍薪倍禾皆陈乘禽日五十双壹飧壹食壹燕凡介行人宰史皆有殽饗饔以其爵等为之礼唯上介有禽献夫人致礼六壶六豆六笾膳眡致飧亲见卿皆膳特牛

张氏曰周礼曰上公豆四十侯伯之豆三十二记曰诸公十有六诸侯十有二问曰豆之设何其差也答曰堂上十六西夹东夹各十二是公豆四十但言十六者是堂上数也堂上十二西夹东夹各十是侯伯豆三十二但言十二者亦堂上数也

郑锷曰侯伯四积者凡此皆视上公而降杀耳其义则同于夫人之礼则言致飧盖不亲飧也使大夫致之而已于子男之君则言膳眡致飧者以膳当飧之礼也已膳则不飧之矣言亲见卿皆膳特牛者大国之卿于子男之君来不皆见之也见之者乃以特牛膳之不见之者则无膳之礼也

凡诸侯之卿大夫士为国客则如其介之礼以待之黄氏曰此正与司仪二等同郑谓特来聘

问待之礼如其为介时是也上言凡介行人宰史皆有飧饗以其爵等为之礼又曰惟上介有禽献则上介一等其余一等所谓二等从其爵而上下之可见也掌客独此为邦国自待客礼盖因介见之○易氏曰古者坐賓于西北位介于西南所以尊賓卑介也賓之尊以其敌主介之卑以其副賓此上经所谓凡介皆有牢皆有飧饗以其爵等为之牢礼之陈数宜也若夫诸侯之卿大夫士以聘问而自为国客则非介也具賓之体者也具賓之体则疑于宾矣乃如介之礼以待之盖尊者之道为正为大卑者之道为副为小诸侯之卿大夫士臣也以为介者分之所当然以为国客者亦分之所当然以其爵等为之牢礼之陈数则知先王待賓客之礼固有常制矣【○郑锷曰诸侯之卿大夫士有从其君而来为国客之时亦有奉君而来时当其奉君命则主国待之之礼亦如从君来而为介时之礼不以其君来而加厚不以其自来而浸薄也】

凡礼賓客国新杀礼凶荒杀礼札丧杀礼祸裁杀礼在野在外杀礼

易氏曰礼者合于天时宜于地财当于人心者也不则杀焉可也国新谓新建国者凶荒谓无年者祸裁谓兵寇者在野在外谓非方岳及国门之外者以王礼言之大荒大札天地有裁王皆为之不举所以为内省自疚之道至矣于是数者而杀礼抑以其自处者而待賓客耶○李氏曰非直以歲之下则杀邦用若新建国及札丧祸裁在野在外皆杀礼也礼许俭约安得重困无聊之民求备乎笾豆之事

凡賓客死致礼以丧用

郑康成曰死则主人为之具而殓矣丧用者馈奠之物【○郑锷曰使其丧有所给】

賓客有丧唯刍稍之受

郑锷曰賓客在主国自闻其亲之丧凡主国飧食之礼皆不敢受以其丧故也若夫刍稍则以给人马日用之须不可以一己之丧而不受也故受刍稍焉

遭主国之丧不受飧食受牲礼

黄氏曰飧食主人待賓主人有丧自不应受此礼郑以牲为腥谓飧饗当熟者腥致之恐是

易氏曰賓客礼之常者死丧礼之变者凡賓客死则致礼以丧用有君及父母之丧则惟刍稍之受遭主国之丧则惟受牲礼而飧礼皆废此礼之变者也亦别之于常礼而已矣

总论

陈君举曰邦国之君相为賓客先王设官有行人行夫掌客掌讶之类问劳赠送物为之数拜揖辞受事为之节观春秋之时一言不酬一拜不中而两国为之暴骨先王虑患岂不预哉

掌讶中士八人府二人史四人胥四人徒四十人郑康成曰讶迎也賓客来主迎之○黄氏曰掌讶序于掌客之后何也王十二歲巡守毕五服诸侯自一歲至六歲徧朝则迎讶之事无终已也朝廷清明四方无事诸侯受职何敢废哉朝节之疏数聘使之贵贱介从之众少皆当有等籍不以其籍掌讶不以入易氏曰上经有讶士以讶四方之狱讼为主故曰士此以掌四方之賓客为主故曰掌讶

掌邦国之等籍以待賓客

郑康成曰等九仪之等数○王昭禹曰所以讶賓客者必以其籍之差数而为隆杀之节焉异于小行人掌邦国賓客之礼籍

若将有国賓客至则戒官修委积与士逆賓于疆为前驱而入贾氏曰国賓客至者谓五等诸侯及其臣来朝聘至谓入畿内至庐宿市当共待之○郑康成曰官谓牛人羊人舍人委人之属【○贾氏曰以委积有牛羊豕米禾刍薪之等故知戒官者谓牛人以下也】○王昭禹曰牛人共积牛羊人共积羊仓人共道路之谷积委人共委积之刍薪掌讶之籍使各蚤正素备以给賓客之用【○李嘉防曰十里之庐有饮食三十里有委五十里有积委积既戒皆可就以取焉】

郑康成曰士讶士也既戒乃出迎賓

及宿则令聚

郑康成曰令令野庐氏

及委则致积

郑康成曰致积以王命致其数于賓

至于国賓入馆次于舍门外待事于客

郑康成曰次如今官府门外更衣处待事于客通其所求索

及将币为前驱

郑康成曰道之以如朝

至于朝诏其位入复及退亦如之

项氏曰入庙告以着位然后入复于王退则复于王若曰賓不顾矣【○郑司农曰诏其位告

客以其位处也入复客入则掌讶出复其故位也客退复入迎为之前驱至于馆也】

凡賓客之治令讶治之

郑康成曰賓客之治谓正其贡赋理国事也以告讶为如朝而理之○李嘉会曰讶士也

凡从者出则使人导之及归送亦如之

郑康成曰从者凡介以下也人其属胥徒也使导賓客之从者营防之【○王昭禹曰賓客从行之人或出则掌讶使其属导之也】亦如之者送至于竟如其前驱聚待事之属【○李嘉会曰若今日以转运为馆伴一路所给皆得以自办】

凡賓客诸侯有卿讶卿有大夫讶大夫有士讶士皆有讶

郑锷曰当朝聘之日讶于賓馆则各降一等其人诸侯也则遣卿以讶之诸侯之卿也则遣大夫以讶之大夫也则遣士以讶之士虽甚微亦不可无讶不言所遣之官者盖微者之来王朝亦遣微者无定礼也讶每降一等如此若夫诸侯则敌故聘礼云卿讶卿大夫讶大夫士讶士谓诸侯国之礼也【○李嘉会曰上公九命未闻以九命之公为讶者此当酌权时之宜也】

凡讶者賓客至而往诏相其事而掌其治令

易氏曰上经因讶賓客而及卿大夫即馆之讶此复言掌讶之职凡言修委积以下皆所治之令○陈蕴之曰賓客方至则掌讶往而诏相其事诏以言告之相以力贊之治谓理其事令谓有所使賓客有所治令则掌讶掌之【○黄氏曰若今金客有接伴又使监司治防之】

掌交中士八人府二人史四人徒三十有二人

郑康成曰主交通结诸侯之好○郑锷曰邦国地遠势隔故设官以掌交通之事导达其间隔之情使无疑沮则天子诸侯情相得矣

掌以节与币巡邦国之诸侯及其万民之所聚者道王之德意志虑使咸知王之好【呼报反】恶【乌路反】辟【音避】行之郑康成曰节以为行信币以见诸侯○王昭禹曰邦国之诸侯众矣非若左右之近邦国之万民众矣非若畿甸之近【○易氏曰诸侯则据所以守邦国者而言万民所聚则据都家县邑之类而言】郑锷曰天下九州千七百国中士八人安能徧至达之以节可也夷诸侯于万民必无是理殆所巡之国见其国君则用币以交之

愚案节以为信币以为礼王者未尝轻用以节币巡诸侯及万民所聚者此正是王者固结人心最切处大凡上情之不下达非生于疑则生于玩上既示人以信待人以礼文焉人孰不应王者得于中而好生者德也动于心而至诚者意也志则心有所之而见于施为虑则心有所

思而见于图四者有掌交以道之如是而为王之所好如是而为王之所恶使天下皆知所好者当从而行之所恶者当避而勿为一人之心庶乎明白洞达与天下以为公合天下以为一不然徒言岂足以感人动物耶

王昭禹曰道王之德意志虑与擢人诵王志异矣道则道其实诵则诵其言道其实以交邦国万民者义也故属之秋官诵其言以正邦国万民者政也故属之夏官

使和诸侯之好达万民之說

郑锷曰诸侯交好恐不常也王欲诸侯之交久而不变以币礼之乃所以和之使益至于无乖也万民之說固不一也掌交巡而和之则传达以告王使王知夫民心之所說何事也○项氏曰和诸侯之好使无猜疑怨忌之隙达万民之說使无抑郁愤怨之情

掌邦国之通事而结其交好

郑康成曰通事谓朝覲聘问也○王昭禹曰三等之邦国星分棊布于九州之内其势疑若睽间而相絕先王制为朝覲聘问之礼行于其间则有往来不穷之通矣【○郑锷曰朝覲聘问相通之事事之常也然或恐有时而不通又从而为之结其交好使其相与之情固结而不可解】

以谕九税之利九礼之亲九牧之维九禁之难【乃旦反】九戎之威

郑康成曰谕告晓也九税所税民九职也【○郑锷曰谕以九税之利使用九职任民而取其财也利国之治莫利于此○林椅曰侯国计食之余其赋必有入于王者故有九税之利然山林川泽之利非侯国之所得有故掌交谕之必有以也】九礼九仪之礼【○贾氏曰九仪之礼以大小行人皆掌九仪据诸侯国也言九礼之亲则朝覲是也○郑锷曰谕以九礼之亲使遵九仪之礼以相聘问而致其亲也邻国相亲莫亲于此】九牧九州之牧【○郑锷曰谕以九牧之维使依九州之牧以相亲比而为国之维也为国之维莫如方伯连率故言为】九禁九法之禁【○郑锷曰谕以九禁之难使知司马九法以禁邦国者不可犯诚可畏难也】九戎九伐之戎【○郑锷曰谕以九戎之威使知司马九伐之法以威邦国者诚为威严也○黄氏曰三代九州之内各有蛮夷白翟陆浑之戎淮夷徐戎固不能识知中国之礼法也夷狄慕义拒而不通非奄有四海为天下君之义掌交专协比中国于其自至而交际犹以礼仪故序其官于掌诒之下来斯受之矣】

王昭禹曰先王之于诸侯分土而与之守分人民而与之治患其擅一国之名宠以专节制之大权则威福之柄其可不谨九税之利九礼之亲九牧之维是福之之道也九禁之难九戎之威是威之之道也方其裂地以封之固已使之得征其民以为利今又谕之以九税之利使知艺极焉方其列爵以等之固已使之各守其爵以为分今又谕九礼之亲使知分守焉太宰于施典之际固已建其牧而小大相维今又谕以九牧之维使知听命焉大司马以九伐之法固

已使之奉法而畏威今又谕以九禁之难使知辟禁谕以九戎之威使知免兵焉彼又安有旷绝弛慢悠久以违王命哉○易氏曰五者皆王政之大若非掌交之所能谕掌交时有以申勅之岂徒咸其辅滕口说也哉

总论

林椅曰邦国之交于朝覲会同有相见之礼于岁时聘问之礼盖虽分其分守必相与相亲然后能为国也故掌交通事利相通也礼相亲也牧以维之禁以禁之威以威之而邦国之事备矣后世乃谓封建非圣人意也势也何不思之甚邪夫自百晦达于五百里皆有封域为之分守则人有固志封君世其守而贤能任其事则治不偏举也又邦国之事不属之司马则属之司寇如九法九伐职方氏之类见于夏官掌客司仪行人之类见于秋官是也司马之职固曰以施邦国之政职而司寇之诘邦国无非纠而合之也若上无政刑虽不封建其能安且治乎

掌察四方中士八人史四人徒十有六人【阙】

郑锷曰掌察诸侯之不率者

掌货贿下士十有六人史四人徒三十有二人【阙】郑锷曰掌所以供交通诸国之币帛

朝大夫每国上士二人下士四人府一人史二人庶子八人徒二十人

郑康成曰此王之士也使主都家之国治而命之朝大夫云

贾氏曰云每国上士二人是王朝之士以其主采地之国治事重则名之曰朝大夫云畿内三等采地地虽有百里五十里二十五里总谓之国若王制云九十三国也庶子者盖亦主采地之诸子今在府史之下盖官长所自辟除也○黄氏曰庶子未有位故叙于府史之下与王国庶子不同

愚案都家甚广其事亦繁朝大夫序官若此之少何以给之要知如此亦如今之进奏院但报行文书而事非其所处决

薛平仲曰五典建官必以都家为终其说已详于前矣然于刑官之序不惟曰都家之士而已且首之以朝大夫次之以都则而后都家之士设焉何哉盖大宰建八则以治都鄙而刑赏以馭其威凛乎其不少恕都家即王之内诸侯也如使威福得以自行于都鄙之中则是两政耦国内无以禀王朝之命外何以为邦国之则哉故于都家之国各设朝大夫以总之官以朝大夫而命名则官出于王朝也以王朝之官分之都家之国其权又得辟庶子以为用则纲领一申于上权柄不敢以自有威福其敢以自专乎次之以都则以其守都家之则也终之以都士家士则都家之刑辟审矣

掌都家之国治

郑康成曰都家王子弟公卿及大夫之采地主其国治者平理其来文书于朝者○黄氏曰国治王国之治都家当奉行者冢宰曰以八则治都鄙○王氏曰都家有治于国则朝大夫掌之

日朝以听国事故以告其君长

贾氏曰日朝者朝大夫日日在朝以听受国事故○王昭禹曰所作谓之事所遭谓之故○郑康成曰国事故天子之事当施于都家者也告于君长使知而行之也君谓其国君长谓卿大夫

贾氏曰总而言之皆曰国君别而言之惟三公及王子弟得称国君卿大夫总称长

国有政令则令其朝大夫

王昭禹曰凡有所正者皆政也凡有所使者皆令也○郑康成曰使以告其都家之吏○刘执中曰王国六官治教之当行于都家者朝大夫日朝于王以听国之事故告都家之君长是以国有政令令朝大夫

凡都家之治于国者必因其朝大夫然后听之唯大事弗因

郑锷曰都家之治有当治于王者必因大夫以上达【○郑康成曰谓以小事文书来者朝大夫先平理之乃以告有司也】若夫事之大者则不可因朝大夫以达之也其君长当自至而禀王命可也○刘执中曰谓有亟事欲遥达于王者则弗因朝大夫焉

凡都家之治有不及者则诛其朝大夫

郑康成曰不及谓有稽殿之诛○郑锷曰凡都家之治有失其先后之期违王命而不至则朝大夫告戒之不蚤故耳诛而责之可也

在军旅则诛其有司

郑锷曰在军旅而其军事不及期则诛其在军之都司马家司马耳○贾氏曰见军旅不干朝大夫之事

都则中士一人下士二人府一人史二人庶子四人徒八十人【阙】

郑康成曰都则主都家之八则者也当言每都如朝大夫及都司马云

都士中士二人下士四人府二人史四人胥四人徒四十人【阙】家士亦如之【阙】

郑康成曰都家之士主治都家吏民之狱讼以告方士者也亦当言每都○贾氏曰都家王皆不置都士已有方士主其狱故使都家之士以狱告也

总论司寇官属

易氏曰秋官刑官也司寇掌刑而士师则掌禁自乡士以至司隶言其用刑者也自布宪至銍枚氏言其用禁者也序言用刑而掌戮必在其后序言用禁而禁杀戮必居其先是为政尤恶于用杀也此特刑禁之戮而已若夫大行人掌客之类则疑于春官之掌礼者也朝士掌文之类则疑于夏官之掌政者也圣人不列于春夏二官必列于司寇刑官之属者盖刑非所以为刑也止其刑于礼文之始制其刑于政治之后设官之意如此其圣人折民惟刑之义欤右刑官之属凡六十有六以氏为称盖居三之一焉夫固世守其官者也然攷其为职类多细事之掌而居官者亦下士之卑先王何必使之为世守哉盖事有人情之所易忽者莫甚于事物之防惟刑之为用尤当致谨于其微使非其世守之人深谙于事物之故而新进迭用或作聪明以乱之非惟有以激人情之变物之类其伤甚矣故于其甚防而若可忽者必使世官以职之用刑之仁至矣

卿大夫士之数百三十有五人

卿一人 中大夫四人

下大夫八人 上士二十人【朝大夫不计】 中士百八十有三人
下士二百十有九人【朝大夫不计】

右刑官为卿大夫及上士者至寡而中士下士则四百人先王之于刑亦重矣而畀之于人何其轻哉人情所在势位之卑者其权有所制于上则不敢作意以自为职分之既尊则得于专达者有非其长之所易制况刑之为用哉吾观乡遂县鄙之士其曰司寇断狱弊讼于朝而后及于羣士司刑之官则上下相临之严盖若尔如使其势均力敌具曰予圣则是非曲直之淆乱狱讼将何从而可定哉合命士之众总而裁之于司寇先王设官之意果深且远哉

府史胥徒贾庶子之数二千七百三十有六人

府七百有五人【朝大夫不计】 史百有八十人【朝大夫不计】 胥二百二十有七人
徒二千二百五十八人【朝大夫不计】

贾四人 庶子四人【朝大夫不计】

右刑官之府史胥徒惟府特少徒特多盖府掌书契以治藏者也先王议事以制不为刑辟惧

民之有争心也亦何事于书契之藏哉徒之为职掌官令以召令者也单辞之难听而上服下服之刑亦惟参诸斯民之刺宥而后施之则召令殆有不容略者矣

官非命士凡五

罪隶 蛮隶 闽隶

夷隶 貉隶

周礼订义卷六十九

卷七十

<经部,礼类,周礼之属,周礼订义

钦定四库全书

周礼订义卷七十 宋 王与之 撰

冬官考工记上

赵氏曰先王建官始于天官掌邦治至冬官而经理之事终矣名官以冬此其防也工百工也考察也以其精巧工于制器故谓之工以其所制之器从而察其善不善故谓之考小宰六曰冬官其属六十掌邦事则冬官之事不止于制器记者止谓之考工何也郑注云此篇司空之官也司空篇亡汉兴购求千金弗得此前世职其事者记录以备大数尔然秦火之后司空居四民时地利之事亡矣先儒据所闻者记之而已【贾氏曰周衰诸侯恶典籍之害已皆灭去之司空篇亡已久有人尊习旧典录此三十工以为考工记虽不知其人其作在何日要之在秦前故遭秦焚书有韦氏裘氏等缺也此记虽不同周礼体例亦为叙致首尾相承总有七段○郑锷曰司空之职用是以考百工之事其篇亡其记存汉儒刘歆校理秘书得之用以备司空之阙】今观所记如营国为沟洫等事尚有居四民时地利之遗意但不若制器之为详岂非当时诸儒于先王制器之法闻之颇悉故记之特备欤至于有一二可疑者意其古制不可悉闻则间自为说以补其亡尔苟于理未大戾当尊经可也愚按汉儒谓冬官亡补以考工记司空果亡乎以周官司空之掌攷之司空未可以为亡也夫周官言司空掌邦土居四民时地利凡经言田莱沟洫都邑涂巷者非邦土而何农工商贾市井里室庐者非居民而何桑麻谷粟之所出山泽林麓之所生非地利而何及攷小宰言六官设属各有六十今治官之属六十有三教官之属七十有九礼官之属七十有一政官之属六十有六意者秦火之余简编脱落司空之属错杂五官之中先儒莫之能辨遂以考工记补之其实司空一官未尝亡也夫攷工记可以补周官者非三十工之制有合周之遗法也独考工之序其议论有源委非深于道者莫能之夫论百工之事不止于工上立说上而本于王公士大夫则知工虽末伎非王公明乎是理士大夫推而行之其艺固不能以自成下而及于商旅农妇则知工虽有巧非商旅之懋迁货贿农夫之飭力地财妇工之化治丝麻其材于何而取给也创此者有知述此者有巧业则于世守功则归于圣人工何尝独立于天地间能使器利用便乎惟此等议论近古足以明圣经之秘此所以取而为补亡之书也如舍此而索于制度之末则论周人上舆奚及乎上梓上匠之制论周人明堂奚取乎世室重屋之制言沟洫浚川非遂人之制也言旂旗旝旐非司马司常巾车之制也其他纖悉有不可尽信者甚多防以为周家之制度岂其然乎

国有六职百工与居一焉

刘氏曰坐而论道一职也作而行之二职也审曲面势三也通四方之珍异四也飭力以长地

财五也治丝麻六也此文首尾自明不须以六官說之○郑锷曰王公士大夫固可谓国之职百工商旅农夫妇功分各不同贵贱殊等乃大宰所授九职中之四者而已诂可取并列而为六耶记攷工者将言百工之事为甚重故以六职之大而司空之职有百工之事亦参与其中则百工不可以为贱艺而忽之故取攷工之事以足六职之名非以农工商旅与王公并肩无复等降也○贾氏曰小宰冬官属六十此百工即其属言百举大数耳

或坐而论道或作而行之或审曲面勢【音势】以飭【音勑】五材以辨【皮莧反】民器或通四方之珍异以资之或飭力以长【丁丈反】地财或治丝麻以成之

郑康成曰言人德能事业之不同○贾氏曰论道即周官云大师大傅大保兹惟三公论道经邦變理陰阳三公所论之道即所经邦變理者也经者经纶之谓變理者和调之谓明则邦国幽则陰阳幽明之所以然乃所谓道也经纶之用藏于无迹和调之妙间不容声亦何待于论乎论云者拟议以成其变化讲明启沃而精一之者也非经纶天下之大经参天地之化育者不足以与此故官不必备惟其人○郑康成曰作起也○叶氏曰天下之事不难于行而难于论论之者在上行之者在下未有论之不当而行之不悖于理者也人君欲建从长之防必先谨股肱之臣

郑锷曰审曲者审其曲也面勢者面其勢也材有曲直直者不待审而可知审其曲然后见其理之所在势有向背背者不可向以为用面其势然后顺其体之所向【贾氏曰若弓人夹弓庾弓往体多来体寡之类皆审察五材曲直方面形势之宜也若斩毂之道矩其陰阳皆记其陰阳之面背也】○陈蕴之曰面字非物之面乃人向道之面也譚人云以正王面召诰云面稽天若皆向之谓也审其曲面其势皆人为之耳又說见下文】赵氏曰飭修治也○郑锷曰审其曲面其勢以飭治乎五材左氏言天生五材民并用之说者谓金木水火土也郑康成于此则曰金玉皮【贾氏曰知有玉皮者以函人玉人等知之】木土盖据考工之篇所用之材以为说耳贾公彦从而为之說曰水火单用不得为器物故不以水火备五材之目以下文八材攷之则金木虽可为器若非水火何自而成轮人斩毂以火养其陰水之以砥其轮之平沈之均弓人为弓拊干欲熟于火防胶则欲水火相得推此类而言之工安可无水火乎二子之說非矣【陈用之曰五者加皮玉采色是谓八材大宰言百工飭化八材而此言五材盖若珠玉丹青之美在民有不得而用者以辨民器为主宜举其并用者言之】郑康成曰辨犹具也【郑氏锷曰具其器用使之无或不足也王安石以民器各有宜不可以不辨】资取也○项氏曰所贵所异彼此不通无以相资商旅所以迁之 曰夏则资皮冬则资絺旱则资舟水则资车以待乏【易氏曰古者珪璧金璋锦文珠玉不鬻于市又司市凡蓄珍异害者亡靡者微禁惟恐不严此乃通以资之盖攷工之珍异非必金玉锦绣之物也但地之所无而人以为贵者则谓之珍地所罕见而人以为不常者则谓之异此正切于民用者故通之也】○贾氏曰飭勤也地财谷物皆是○王氏曰治丝为帛治麻为布○易氏曰长者长于始也成者成于终也

坐而论道谓之王公作而行之谓之士大夫

赵氏曰此言其职业之人名而复结上文

愚按王公乃王与三公也与王一体故广厦细旃之上相与坐而论道或以帝王无职事不当与臣同列于六职曷不思天职覆地职载圣职教化要知天地圣人所谓职者无职之职而三公亦非可以常职拘或以言王之三公欲别于上公之公亦恐未然○贾氏曰士大夫则设官分职治职教职之等○王昭禹曰王公尊而事道故坐而论之逸而无为也士大夫卑而事事故作而行之劳而有为也致治之序本在上末在下王公务本以经治故坐而论道以谋其始士大夫务末以赞治故作而行之以成其终坐则无为而未始有作论则言之而未始有行然则作而行之者推王公所论之道以见于事业而已【郑锷曰时有污隆则道有升降当其时所宜行者不可以不论为王公者坐庙朝之上所论若此为士大夫者奔走于下听其所论从而行之】

陈用之曰言公则孤可知言大夫则卿可知先王而后公尊卑之序先士而后大夫小大之序于上则先尊而后卑于下则先小而后大言之法也○郑敬仲曰考工必及于王公大夫之职何也盖百工之事固不可耕且为故也后世有为彭更之言谓无事则不可食岂知通功易事以美补不足者乎有为许子之言者谓贤者与民并耕而食岂知一人之身百工之所为备岂必自为而后用之乎

审曲面势以飭五材以辨民器谓之百工

郑锷曰自审曲面势而下凡有四职大抵论百工之为急○郑康成曰五材各有工言百众言之也○王昭禹曰五材者民器资之以有成也一材不可阙一器不可废则百工之事乌可后哉然欲辨民器必先乎飭五材欲飭五材必先乎审曲面势惟窥理所在然后能审曲惟正体所向然后能面势五材天之所生必致力以修飭之然后可以为民器若飭木而为舟车弓庐之属飭金而为量鼎劔削之属飭土而为甗甑簋防之属飭水火而运用之以成乎众材之属飭材以为器而民器各有宜焉不可以不辨其为轮也辨其高下之地其为弓也辨其安危之人其为庇也辨其地之坚柔其为劔也辨其土之上下故曰以辨民器

通四方之珍异以资之谓之商旅

郑康成曰商旅贩卖之客【贾氏曰行曰商坐曰贾旅贾也】

飭力以长地财谓之农夫

郑锷曰出于地而利于人者地财也必得人有事于地而财始长能勉致其力不憚勤苦以有事焉则地无遗利矣斯可谓之农夫【陈用之曰非特受田之夫而已山泽之农皆与焉盖三农生九谷园圃毓草木虞衡作山泽之财皆所谓长地财也】

治丝麻以成之谓之妇功

郑锷曰丝枲人所赖以御寒暑非嫔妇化而治之无以成布帛故制丝以成缁纁组文之物治

麻以成布緦絺绌之物斯可谓妇功

总论

王昭禹曰六职之序王公制法以示百工者也士大夫行法以治百工者也商旅通物以资百工者也农夫长财以养百工也嫔妇化治以成百工也故王公大夫之序在百工之上商旅农妇功之序在百工之下○郑敬仲日记之所载自王公士大夫以至于农夫妇功皆有职于国者也而百工者事职之所主故列于事官而为之属也然上无道揆则下无法守朝不信道则工不信度三公坐而论道则上有道揆而朝信道此道德之所以明也士大夫作而行之则下有法守而工信度此风俗之所以同也先王之时所以同风俗者尤谨于百工以其衣服器械之所由出也然则其可不属之以官乎○又曰劳心者治人劳力者治于人然无君子何以治野人故六职先以王公士大夫焉治于人者食人治人者食于人然无野人何以养君子哉故六职成之以工商农妇焉本在上末在下在上者无为而执要在下者有为而治详无为者精于道有为者精于物也

粤无镈【音博】燕无函【而南反】秦无庐【鲁呉反】胡无弓车粤之无镈也非无镈也夫人而能为镈也燕之无函也非无函也夫人而能为函也秦之无庐也非无庐也夫人而能为庐也胡之无弓车也非无弓车也夫人而能为弓车也

赵氏曰粤燕秦胡地名也镈函庐弓车器名也镈治田之器诗云庠乃钱镈其镈斯赵是已注谓粤地涂泥多草薺而山出金锡铸冶之业田器尤多以职方氏考之扬州即粤地也其利金锡竹箭则粤多金锡信矣函甲冑之属谓之函者取能包函人之意孟子云函人惟恐伤人是是以注谓燕近强胡习作甲冑则燕地之人能为函也【郑氏锸曰燕之地东有渔阳右北平辽东辽西西有上谷代郡鴈门逼近强胡以人人习作铠甲而工于为函】庐戈防之秘即庐人为庐器也如今鎗刀之柄以木之坚强者为之注谓秦多细木善作矜秘是也【郑氏锸曰秦之地有鄠杜竹林南山檀栢天水陇西山多林木故其民长于攻木以为秘】弓车射乘以攻战之器注谓匈奴无屋宅田猎畜牧逐水草而居皆知为弓车是也【郑氏锸曰胡者谓之匈奴唐虞三代之时所谓山戎獫狁熏粥也居于北边随草畜牧儿能骑羊则弯弓射鸟防少长则射孤兔其俗专以射猎为生】无云者谓四国之人皆能为是器极其巧妙无所优劣故无镈函庐弓车之长也人之为艺必有所短而后见所长有所拙而后见所巧今举国皆能之所以云无注谓人皆能作是器不须国工王解谓官府无是工皆未是新义云段氏为镈器函人为甲庐人为庐器弓人为弓车人为车考工所以有是五工者谓人不皆能故设工以为之至于粤燕秦胡夫人皆能之故曰无非无其工乃无其名也考工又虑人不知其故所以下申解之曰非无也以夫人能为之也

知者创物巧者述之守之世谓之工

赵氏曰此段是推原制器本末先后之序无所不通之谓智惟智者明物烛理所以世间原无此器智者以心思之妙理致之精自我创出来巧谓工之巧者见智者之创体立而不备法具

而未详以其心术之巧又依旧制上继述而增修之创是开端造始之意述是继述不作之意始弧矢之利取诸睽耒耨之利取诸益栋宇取诸大壮棺槨取诸大过前人只创得大防后来如考工为弓矢耒耨宫室等制度添了许多节目又如智者观转蓬则以为轮观云气则以为旗而巧者述之则为軹为较为轊为輿不止于轮为熊虎龟蛇九旂七旂之类不止于旗皆是巧者因仍增益之功至于自祖及孙世世守而勿失如函人之子常为甲弓人之子常为弓之流愈久则技艺愈精然后谓之工焉

百工之事皆圣人之作也

赵氏曰考工又虑后世以百工为器数之末初无妙理可观遂至于忘其本所以继之曰百工之事非百工之自为皆圣人之作也

愚按上既言智此又言圣则创之者自是智者之事作之者自是圣人之事创则不离乎物而作则有得乎形而上者之道防以智为圣人非也

王昭禹曰易言备物致用立成器以为天下利莫大乎圣人盖百工之事虽形于度数之粗而天下之至赜寓焉非圣人孰能作之故断木为杵掘地为臼臼杵之利则取诸小过木为剡木为矢弧矢之利则取诸睽或为耒耨以取诸益或为罍以取诸离为栋宇则取诸大壮为棺槨则取诸大过一方一圆而具天地之象一奇一耦而具阴阳之数或曲或直而有刚柔之理或厚或薄而有盈亏之义岂浅浅者所能及哉曰作者之谓圣殆以此也

烁金以为刃凝土以为器作车以行陆作舟以行水此皆圣人之所作也

赵氏曰考工既言百工之事皆圣人之作又虑无实迹可据又恐或者见圣人创物制器将谓穷人力竭智巧一切用其使然之功于此又指其实而言之见圣人皆顺物理自然处烁谓镕铸金乃坚刚之物非以火销烁之如何能为刃如劒削戈防皆是烁金为之也凝注谓坚也坚凝是结聚之意土是散乱之物非以水凝结之如何为得器如陶人为甗旅人为簋者皆是凝土为之也作车作舟亦然但考工独于车輿舟言作者盖土与金则就其质而成器故可烁可凝至于车舟则断削众木而后成其工其器非一而足又制度规模与金土不同非圣人立为成式以贻后世谁能作之也然曰烁曰凝曰作皆其物质可以烁之凝之作之使物质不可以为用圣人亦不强为之也然则圣人之作亦曰顺万物自然之性而已此所以申言皆圣人之所作也【易氏曰太极动而为阴阳布而为五行是五行者天地生成自然之理刃之以金为体者以火为用故于金言烁器之以土为体者以水为用故于土言凝水行乘舟以济不通陆行乘车以任重致远则木之为用无往而不利记考工者举此四者以推五行造化之理以明圣人器用之利使天下因物以穷理又不特此四者而已】

天有时地有气材有美工有巧合此四者然后可以为良

贾氏曰此一段言工虽巧不得天时地气材之美者则不良○王昭禹曰阴阳寒暑在天运之

以为时者也刚柔燥湿在地化之以为气者也万物盈天地间得时以生得气以成及其成材天地之美具焉故曰工有巧此四者相有以相成合而用之阙一不可故曰合此四者然后可以为良良甚善也若良知良能出于天合之自然也是故斩毂之道必矩其阴阳其斩阳木必以仲冬其斩阴木必以仲夏弓人为弓于冬则析干于春则液角于夏则治筋于秋则合三材此因天时也贡金锡责之扬贡杅干责之荆孤桐责于徐漆枲责于豫以至郑之刀宋之斤鲁之削吴粤之劔此因地气也相干欲其赤黑而乡心阳声而远根相筋则小简而长大结而泽漆则欲测丝则欲沈以至燕之角荆之干胡之筈吴粤之金锡凡此皆材之美也轮人为轮则可规可矩可水可县可权可量舆人为舆则员者中规方者中矩立者中县衡者中水直者如生继者如附三材既具巧者和之以为轮六材既具巧者和之以为弓凡此皆工之巧也

材美工巧然而不良则不时不得地气也

郑锷曰世不明寒暑燥湿之理徒谓吾有美材矣有工巧矣不患乎器不良也而器之成卒不甚善者上不得天时下不得地气而已是故斩木者必顺其阴阳阳木必斩于仲冬阴木必斩于仲夏为弓者必顺乎春夏筋必治于夏角必液于春他非无时也以为非此时则不顺乎天而不足以为良也为刀必于郑为斤必于宋为削必于鲁为劔必于吴粤他非无地也以为非此地则不得其气而不足以为良也如使其不顺天时不得地气虽材美工巧欲为良诎可得哉○赵氏曰不时注谓不得天时也刘执中云不言不得天时地气而曰则不时不得地气者盖东西南北之异宜在地之气不均也而器迁乎其地而不能良者则于地之气有得有不得之辨若天时春夏秋冬之行孰有不同之方欤其失之者非时不然也人也此说甚好

橘逾淮而北为枳【音纸】鸛【音衢】鹄【音欲】不逾济貉【音鹤】逾汶【音问】则死此地气然也

赵氏曰橘是江南之物过淮以北则变为枳殼鸛鹄飞鸟春秋昭二十五年有鸛鹄来巢 曰书所无也盖鸛鹄本济西穴处之物今乃逾济而东为巢于鲁之中国故云书所无也貉注谓善缘木之猿也汶水在鲁北即汶阳之田与则吾必在汶上矣是也貉逾汶则死亦地气不宜尔【郑氏锷曰万物赋形于天地推气于阴阳宜无所往而不遂其生育之理然植者非其地则变其本质故橘逾淮而北遂化为枳飞者非其地则有所不居故鸛鹄处济之西不肯逾之而东走者非其地则不能以一曰生故貉逾汶水则必死彼其生植飞走类疑若无知不必择地而安也然而若此者由地气非所宜故尔○陈用之曰橘非可以移之淮北气有所感亦与俱化何妨乎有之鸛鹄不宜有而有者未必死也貉逾汶则死矣斯三者言之浅深之序】

郑之刀宋之斤鲁之削吴粤之劔迁乎其地而弗能为良地气然也

贾氏曰据经所言以郑之刀铁移向宋而作斤宋之斤铁移向郑而作刀皆不得为良○郑锷曰郑刀宋斤鲁削吴粤之劔其为器甚良矣然迁去其地而作焉终不敌五国制作之善岂天下之工皆不如五国之功工天下之金皆不如五国之刚哉地气非所宜则虽有良工精金亦莫克使之良也故曰地气然者言橘貉鸛鹄赋性以生者犹非其地则不能生况刀斤削劔之

器出于人为者乎引彼喻此以见地气之不可不顺也

燕之角荆之干妣【扶云反】胡之筥【古老反】吴粤之金锡此材之美者也

郑锷曰燕幽燕也燕角之美别无所见荆楚也禹贡荆州贡柃干栝栢【郑氏康成曰可为弓弩之干】则材之出于荆者美可知矣妣胡在楚之旁春秋所言顿子胡子是也【杜氏曰妣胡地名】筥箭槩也与槩人所掌之槩一也【郑氏康成曰筥矢干也】吴粤扬州之域禹贡扬州贡三品之金则金锡之出于吴粤者美可知也牛未尝无角而出于燕者美木可以为弓干而出于荆者美竹可以为箭而出于妣胡者美金锡可以为兵器而出于吴粤者美孟子曰充实之谓美美者材质之良充实乎其中而发见于其外也此四材之美者由土地所宜特异乎他邦之所产也

天有时以生有时以杀草木有时以生有时以死石有时以泐【音勒】水有时以凝有时以泽【音亦又释】此天时也郑锷曰天之运也一为春夏而万物生一为秋冬而万物死此生杀之时也草木之生也蘖萌于子纽牙于丑毕入于戌该闕于亥此生死之时也石之解散谓之泐【郑司农曰泐读如再扞而后卦之扞】至坚者莫如石疑若不能泐矣然盛暑之气铄石流金则坚者或至于解散泽当为释至柔者莫如水疑若不能凝矣然隆冬沍寒则坚凝而为冰既坚矣疑若不能释也及暖气和融则复消释而为水凡此皆天时使之然也惟天之时寒暑之不常物之寓形乎天地间者亦不常如此则夫工之制器可不因其寒暑阴阳哉

陈用之曰物之属乎天时者皆是此特举数者为言言水则火可知言石则金可知天生五材民并用之火无常形托物为体金之为物化而不已故论时之变化而不及斯二者

赵氏曰天时地气材美各有定限而巧出于人之心斡旋运用其妙不可指名故此一段不言工巧

凡攻木之工七攻金之工六攻皮之工五设色之工五刮【古八反】摩【音磨】之工五【音团】埴【时职反】之工二

贾氏曰此一段言工之多少总数○毛氏曰凡此诸工以职多者上寡者次之尤寡者为下○郑康成曰攻犹治也○郑锷曰设色者敷布其采色也刮摩刮去而摩鑢也司农以刮摩为玉工然玉人磬人谓之玉工可也雕人以雕刻为事槲人为槲矢人为矢岂亦玉工也哉则刮摩之工不止于玉而已○郑康成曰 之言拍也埴黏土也【郑氏锷曰与禹贡徐州厥土赤埴坟之埴同陶旒之工 拍黏土以为器坯谓之 埴贾氏曰以手拍黏土以为培乃烧之】

王昭禹曰天生五材民并用之水火金木土是也加之以皮玉设色则为八材焉九职所谓百工飭化八材是也以土治水以水治火然后水火为用以火冶金以金治木然后金木为器皮玉设色之事亦不离于五者然后八者之工备此百工之务也攻木之工木工也攻金之工金工也 埴之工土工也金木言其体 埴言其用攻皮之工以函为主设色之工以画为主刮

摩之工以玉为主皮色言其体刮摩言其用若夫水火之材则飭化以运用此六者而已故于水火不言工○陈用之曰此言设色之工五而其实四也言攻木之工七而其实则八盖轮舆弓庐匠车梓七者之外有舟人焉其工八明矣盖先王置之其目三十先儒叙之于攻木之工遗辘人以画绘之工为二遂以足三十之数欤

攻木之工轮舆弓庐匠车梓

赵氏曰以下是别其工之职事○郑司农曰此七者攻木之工官别名也○王昭禹曰轮人为轮舆人为车弓人为弓庐人为庐器匠人为宫室之属车人为耒之属梓人为笋簴之属此攻木之工七○陈君举曰辘人不与其数者一器而工聚焉者车为多

攻金之工筑冶鳧【音扶】防【音栗】段桃

王昭禹曰筑氏为削冶氏为杀矢鳧氏为钟防氏为量段氏为铸桃氏为剑此攻金之工六

攻皮之工函鲍鞞【况万反又音运】韦裘

郑司农曰鲍读为鲍鱼之鲍书或为鞞苍颉篇有鞞□鞞读为歷运之运○王昭禹曰函人为甲鲍人之事鞞人为皐陶韦氏裘氏阙此攻皮之工五

设色之工画绩钟筐防【音芒】

郑司农曰防读如芒芒禹迹之芒○王昭禹曰画绩之事官异而职同钟氏染羽防氏涑丝筐氏阙此设色之工五

刮摩之工玉櫛【音栳】雕矢磬

郑司农曰櫛读如巾栳之栳○王昭禹曰玉人之事磬氏为磬矢人为矢櫛人雕人阙此攻玉之工五○赵氏曰矢人为矢鏃磬氏为石磬如摩其耑之类亦是刮摩而成以此知刮摩之工不必专指玉然注云玉工者以刮摩之工施于玉者为多故特以一事之所主言之

埴之工陶旒

郑康成曰旒读如放于此乎之放【郑司农曰旒读如甫始之甫】王昭禹曰陶氏为甗旒氏为簋此 埴之工二易氏曰三十工有以人名者有以氏名者有以事名者惟画绘职独言所职之事其他如轮人舆人之类则以人名之谓工以巧为能不必责之世守也如筑氏冶氏之类则以氏名之谓官有世功族有世业必世习之为贵也言人则上经所谓工有巧是也言氏则上经所谓守之世谓之工是也然攻木无称氏者攻金 埴无称人者盖制木必以巧而金土贵乎世习宁非记者深得先王制作之意乎

有虞氏上陶夏后氏上匠殷人上梓周人上輿

郑锷曰此欲言作车之工故言周人以车为上欲言周人上车之由故言虞夏商周四代之主所尚各异陶陶土以为器也虞氏去古未远世质民淳故贵乎瓦器之质也记曰有虞氏之瓦棺又曰泰有虞氏之尊也则虞之上陶可知矣匠匠人为宫室为沟洫者也夏后荒度土功卒有天下故贵乎平土之匠也语曰禹卑宫室而尽力乎沟洫则夏之上匠可知矣梓梓人也攻木以为笋簴为饮器者也商人所以上梓者变虞夏之土器而用木渐革其质而趋于礼乐之文也輿车也周人所以上輿者礼至是而大备用乘车以严贵贱之分也○易氏曰上之为言尚也昔圣人逆推世变之所趋而为之默制其变所谓一代之制初非偏尚之为徇有虞氏之泰尊固尚陶矣夏后氏之山罍亦未始不尚陶夏后氏之世室固尚匠矣殷人屋用重檐亦未始不尚匠殷之崇牙固尚梓矣而夏氏之龙簋簠周人之璧簠亦未始不尚梓周之乘路固尚輿矣而有虞氏之鸾车夏后氏之钩车殷之大路亦未始不尚輿由是言之设一官制一器固不足以尽四代之所尚舍是亦不足以推世变之所寓要知考工之说特举一代所专尚者言之耳○赵氏曰天下之文物盛而制度备者莫若輿有篆幔彩绩之饰有金玉象革之美然不曰车而曰輿者盖车之制始于輿又所谓任载者在輿故也然虞夏称氏殷周称人者纯于帝者天道纯于王者人道虞夏称氏以其嗣于先则纯乎帝也商周称人以其兴于后则纯乎王也

故一器而工聚焉者车为多

郑锷曰周之所尚者輿也故作车之工为多○易氏曰故者继上文而言也攻木之工七弓庐梓匠各居其一而轮人輿人车人乃居其三又于三者之中輿人居其一轮人析而二车人析而三其外又有辔人为辔是车之三工又别而为七此一器而工多惟车为最

陈君举曰车制用在轮故察车自轮始轮之外輶为围围之中直指凑轂者为辐辐之所蓄而利转者谓之轂轂里之大穿谓之贤轂外之小穿谓之轱轂中空处谓之藪轂上横通通载者谓之轴轴末以防轮而固谓之鞶轴上横伏而纳辔者谓之轹轹上所载三面材谓之任正任正之上谓之軫輿前掩軛版谓之陰輿深谓之队植于輿两旁谓之轸蔽风尘谓之茆横于两轸而为人所凭者谓之式中系驂马内轡处谓之轸式下之植从者谓之轸两轸之上出于式者谓之较较之下从者谓之轱以革挽式以皮覆式谓之轡以簪衣式谓之车軛纳轡之环谓之轡着车之众环谓之指有曲轹而出从前稍曲而上谓之辔辔前持衡者谓之颈颈下衡者谓之冲冲下两马谓之服服外两马谓之驂两服之四轡两驂之四轡谓之八轡两驂之内轡系于式其在手者外轡与服马之四轡谓之六轡前系于衡后系于軫以防驂马之入者谓之胁驱驂马之系车四条谓之靽内两条纳于陰者谓之陰靽外系于轴者谓之靽拘二靽以绊其背者谓之靽背为环以管外内轡谓之游环削革三就当胷谓之繁纓缕金以当卢谓之着铃于两镳谓之鸾置铃于式谓之和两驂内轡谓之勒车上之覆则有盖盖之斗谓之部盖上撩谓之弓盖之小柄谓之达常大扛长八尺谓之桎此车之通制也

车有六等之数

郑锷曰易兼三才而两之故六车之为盖以象天为軫以象地人立其中则三才之道备矣六等之数殆亦兼三才而两之之意

毛氏曰在内而尊者莫若乘车在外而重者莫若兵车乘车王者所乘所以表其尊故必以三材为象兵车将率所乘欲兵器之有序而已故总计之而六等也若田车则不与焉者田车六尺有三寸加軫与轸则不及四尺之等与诸物参差而不齐故不备以等也大抵言軫及盖而不言人不失为三材之象言軫及人而不及盖不失为六画之象

车軫四尺谓之一等

郑康成曰此谓兵车○杨谨仲曰学者多疑軫之名以郑氏之說未明也前言车軫四尺谓之一等注以为輿后横木后言加軫与轸焉四尺也注以为軫輿故学者惑焉軫正是輿之名盖四畔各以木加于輿上以闲其所载诗所谓伐收也其四方则象地故曰軫方象地惟四畔皆木也故论軫之高则以后横木为度六分其广以一为軫围车广六尺六寸则是輿后横木围一尺一寸径三寸三分寸之二轮六尺六寸故軾高三尺三寸并后軫与轸七寸共高四尺自后而登人长八尺登下以四尺为得中故指后横木为高之度軫之义不止后横木也谓加軫与轸者轸名伏兔在车轴上伏兔尾后上载车軾故曰輿轸轸本不高也惟学者止认横木为軫方之义则疑其为方不知方木安得名軾之围而其方又安能象地不可不辨○赵氏曰兵车之轮六尺有六寸軾崇三尺有三寸軾谓毂末贯于轮之中者又加軾与轸之七寸軾谓輿后横木轸谓伏兔置于轮辐轴上如两短柱以承軾者軾崇三尺三寸又加軾轸七寸则軾去地四尺矣故曰车軾四尺谓之一等

戈秘【音秘】六尺有六寸既建而迤【以氏反】崇于軾四尺谓之二等

赵氏曰自軾而下皆以四尺为差戈殳防矛是车上所插兵器古者车战兵器插在车工以刃向外使人不敢犯人立于兵器之后欲以此自卫也戈谓刃秘谓柄【毛氏曰秘以木为之合众物之柄则曰庐单举一物之柄则曰秘】建谓插在车上迤谓放邪倚也【毛氏曰邪置车轸之上下以铁为之范围惟戈言迤余不迤】戈秘虽长六尺六寸然邪倚则有折除之数其实只高四尺崇谓高也故曰崇于軾四尺谓之二等○易氏曰既建而迤止戈为武之义出先刃则邪向前入后刃不以刃向国以有国者之所宜远也

人长八尺崇于戈四尺谓之三等殳长寻有四尺崇于人四尺谓之四等车防常崇于殳四尺谓之五等赵氏曰殳下有铸鐃而上无刃是击打人之器防戈类也戈兵之最健者其别于戈而言车防者以其长则不必皆倍寻惟达于车者必然○郑锷曰人长八尺立于车上则又崇于戈者四尺是谓三等八尺谓之寻倍寻谓之常殳长寻有四尺则丈二也其崇于人者四尺是谓四等防则倍寻其长丈六其崇于殳者四尺是谓五等

易氏曰殳防酋矛皆置之车旁备而不用之义

酋矛常有四尺崇于防四尺谓之六等

赵氏曰酋矛勾兵也其刃曲可以钩物常有四尺则长二丈矣又崇于防四尺故谓之六等○毛氏曰酋矛为发语之声盖以酋矛短故合口促声而言之夷矛长故开口引声而言之然此言声而已若以义求酋则酋敛酋敛则促故有短之义夷则平缓平缓则伸故有长之义然则夷矛者其步卒之所用欤故庾人云无过三其身者指人而言其身明不系于车也王氏曰五兵之用远则弓矢射之近则矛者勾之然后殳者擊之戈防刺之司马法曰弓矢围殳矛守戈防助凡用此者皆长以卫短短以球长令此戈殳矛防皆置之车旁不言弓矢则乘车之人佩之○易氏曰观兵车之制先王不急于用兵可推矣

车谓之六等之数

赵氏曰始言车有六等之数终言车谓之六等之数上文未曾列此等数则云有既列此等数则云谓之以申结上文立言之法如此

凡察车之道必自载于地者始也是故察车自轮始郑康成曰先视轮也自从也○王昭禹曰载物者莫先于车运车者莫先于轮○赵氏曰道谓道理又谓法也大凡察车自有道理自有要法必自载于地者始言须以轮为先也观必自之辞可见一定不可改易之意考工又言曰是故察车自轮始夫载于地者便是指轮言也又分明说破车自轮始以见轮为车之枢要所以言之重复表其谆谆一切之意【郑氏锲曰车之所以运转不穷致远不泥者以有轮也轮运乎车下而载于地上苟轮不能运虽有盖軫徒为虚器耳则轮者车之本车所资以运行也汉志曰古之圣人观转蓬始知为轮轮行可载因物智生复为之舆舆轮相乘流转罔极则车之行以轮为先可知矣审车而不先审其轮是不知察之之道也故又曰察车自轮始】

凡察车之道欲其朴【普剥反又音仆】属【章欲反】而微至不朴属无以为完从也不微至无以为戚速也

易氏曰车之材众矣然载于地而众力之所资者轮而已故察车自轮始其次则轮之用以完从为固轮之行以戚速为利是三者皆察之之道故曰察车之道言道则超乎形数之表有非目力之所能给矣○郑锲曰察车之道必观乎轮而观轮之法又自有术轮以三材合而为之故欲其朴属朴属者言其附着之坚固也轮以圜转急疾为工故欲其微至微至者言其至地者少也附着不坚则敝壤甚易欲其全且从不可得也至地者多则留滞不行欲其急蹙而速不可得也戚音促【赵氏曰戚与速皆形容轮转快疾之状耳】

轮已崇则人不能登也轮已庳【音婢】则于马终古登阨【大尔反】也毛氏曰轮朴属而微至固尽善矣而高下又不可以无节○郑康成曰已大也甚也崇高也齐人之言终古犹言常也阨版也轮庳则难引○易氏曰古人制器内穷天下之理外尽天下之法故大不逾寻丈小不逾方寸所谓轮崇六尺有六寸天下之中制也轮过于崇则其軫亦过于四尺矣故軾为太高而人力有所不能登轮或已庳则其軾亦不及四尺矣故軾为太下而马之力有所不能

引人不能登则其力怠马不能引则常若登阪而倍用其力此非车之善者也【王昭禹曰轮庳则马高马高则引轮也常若登阪然虽倍用力马疲而车不进矣】

故兵车之轮六尺有六寸田车之轮六尺有三寸乘【绳证反】车之轮六尺有六寸

毛氏曰人之登下以车为节车之崇庳以马为节郑康成曰兵车乘车驾国马田车驾田马○郑锷曰马有高下故车轮亦有高下马之高者其轮高马之下者其轮卑或驾种马或驾齐马或驾道马其与戎马皆国马之高八尺者故轮六尺六寸田马马之高七尺者也故轮六尺三寸【李氏嘉防曰乘车五革车则兵车田车则木车木车轮低逐兽利也】贾公彦云先言兵车者重戎事也田猎与战伐相类故即言田车而后别言乘车之等也余以为兵车所以即戎田车所以讲武而乘车者王于无事之时则乘者也戎车之不戒武备之不修虽有乘车恶得而自乐耶

六尺有六寸之轮軹【音只】崇三尺有三寸也加軫与轸焉四尺也人长八尺登下以为节

郑康成曰此车之高也○易氏曰轮中为毂毂中横截者谓之轴毂之末谓之軹【诗经疏苞有苦叶曰説文云軹小穿也轸车轴端也考工记司农云軹轸也又云小穿也郑 曰毂末也然则毂末轴端其在一处而有軹轸二名也○图説曰軹有二毂末谓之軹较之植者横者亦谓之軹舆人云去一以为軹围是也○薛氏曰軹亦谓之轸又谓之軹少仪曰祭左右軹郑氏谓軹軹同是轸头也○愚案毂末之軹又见轮人为盖庇軹之下两辙之轨又见匠人然车中有所谓轨者车旁从九龟美反有所谓軹者车旁從凡音范二字易于相乱今先辨軹字于此轨字自见辘人轨前十尺之下】舆后之横木谓之軹轴上之伏兔谓之轸【毛氏曰兔陰物仆贱类以其在轴之上如兔之伏以其在轴之下如仆之承】伏兔尾后即所以御轴上载车軹者自軹而上即车舆也轮崇六尺有六寸则軹居其中得三尺有三寸加軹与轸之七寸则车舆去地四尺矣人长八尺与车舆去地之尺适得其半其长短升降适相称焉故曰登下以为节○郑锷曰田车轮六尺三寸则軹三尺一寸半○郑康成曰乘车之轨广取数于此轨广八尺旁出舆亦七寸也

周礼订义卷七十

卷七十一

钦定四库全书

周礼订义卷七十一 宋 王与之 撰

轮人为轮斩三材必以其时

愚案自此以下皆攻木之工

郑锷曰有车无轮则车不行为轮不专于一工则轮不精此所以特立轮人之职察车自轮始此轮人所以居众职之先○陈氏曰總而言之谓之车别而言之则车之体有三輿也盖也轮也合此三者而成名者也總而言之谓之轮别而言之则轮之体有三穀也辐也牙也合此三者而成名者也○郑康成曰三材所以为穀辐牙者也○郑锷曰穀辐牙各有所宜之木而木有在陰者有在阳者斩之非时则在陰者或失之太柔在阳者或失之太刚以之为穀辐牙必不胜其任故取材之道要当顺时仲冬斩阳木仲夏斩陰木因天时之冬夏变木材之陰阳其材必美【○李嘉防曰三者之材各欲得时】

三材既具巧者和之

王昭禹曰穀辐牙之材生于天而成于人和者天也和之者人也故曰巧者和之○郑康成曰和调其凿内而合之○郑锷曰三材以为轮必为之孔入穀入牙皆使得所是之谓和非巧者不能焉百工之制器惟轮人为轮弓人为弓皆曰巧者和之者盖轮合三材以为之弓合六材以为之惟材之合者多故贵乎工之巧始能调和使不乖戾合五声以为乐必精于乐如师旷者然后能和其声合五味以为食必精于味如易牙者然后能和其味

穀也者以为利转也辐也者以为直指也牙【音訝】也者以为固抱也

郑锷曰穀者众辐之所凑唯其中虚则轮得行故老子曰三十辐共一毂当其无有车之用于其无有之处而车赖以以为用盖唯中虚则运转必利故曰穀也者以为利转也【○陈用之曰穀当轮之中以虚受輳以实受辐】辐者所以实轮而凑穀者也其入穀入牙皆以直为贵惟直而不曲则轮赖以指其所之而不偏侧故曰辐者以为直指也周圓穀辐者谓之牙牙轮揉也揉之使两头相迎欲其坚固而合抱惟其固而能抱则轮赖以久而不坏故曰牙也者以为固抱也【○陈用之曰牙揉木而周围其外故以为固抱抱者合抱不脱以固其体也牙輳也谓之輳盖以揉木为之谓之牙以其为之固抱故借齿牙之牙以明义焉牙之生也固抱且其用在旁而上下袭焉者也】○王昭禹曰惟利能转惟直能指惟固能抱

轮敝三材不失职谓之完

郑锲曰利转者毂之任直指者辐之任固抱者牙之任三者各有职矣苟能各当其任至于轮之久而敝犹且各居其职任而不动然后可以命之曰完完也者全而不阙之义庄子曰不以物挫志之谓完

望而眡其轮欲其幘【莫历反】尔而下迤也进而眡之欲其微至也无所取之取诸圜也

赵氏曰此段是分别察轮之节目据牙辐毂纆四者而言皆谓轮已成而眡其所作之善否非谓方制轮之时上文以毂为先辐次之牙次之自内言之至于外也此以轮为先辐次之毂次之自外以及内也方其制轮则自内以及外及其既成而眡之则自外以及内事之序如此○王昭禹曰毂辐牙分而言之谓之三材合而言之谓之轮言望其辐望其毂而不言望其牙轮兼于牙矣○毛氏曰望者远眡也进者进其车而使之行也望为远眡则进为近眡进为行车则望为止车迤邪也与既建而迤之迤同戈迤则向上而稍邪轮则向下而稍邪故曰下迤下迤者势也微至者本也势以远而见故必望眡之体以近而见故必近视之○王昭禹曰轮贵于圜故欲其幘尔而下迤幘如巾之冪物言均致也【○陈用之曰若巾之幘物然均而无旁突故也】○郑锲曰其至地者微小则其行必戚速其所以取者无他惟取其圜而已盖轮已圜故能运转而不滞

望其辐欲其掣【音萧又稍】尔而纆也进而眡之欲其肉称【尺证反】也无所取之取诸易【以豉反】直也

贾氏曰凡辐皆向毂处大向牙处小言掣纆据向牙处小而言○陈用之曰掣尔而纆杀如手之掣然诗曰掺掺女手手之掣也欲其肉称者虽以纆杀为善又欲其体之壮不肉称则体瘦而弱矣肉称谓如手之掣然而又肉称之也○王昭禹曰易则无节直则无挠曲○郑锲曰远而望之入牙者欲其纆近而眡之入毂者欲其称其所以取之者无他惟取其易直而已盖辐以无节目不挠曲为尽善

望其毂欲其眼【音限】也进而眡之欲其𨔵【音畴】之廉也无所取之取诸急也

郑锲曰毂则三十辐之所辘初作时则隐然起后以革挽之眼者隐起之急如人之眼然也𨔵覆也廉隅也覆之以革革之急而廉见也【○王昭禹曰𨔵之廉则下文所谓𨔵必负榦也𨔵则幔毂之革廉则廉隅之见于外惟𨔵之负榦其革急而不缓然后能至是此毂所以取诸急也眼以其显于外者言之廉以其隐于内者言之】○郑锲曰远而望之欲其突然而出如人之眼近而眡之欲其革之所挽如屋之隅其所以取之者无他惟取其急而已盖毂以急为尽善

眡其纆【音饼又姑杏反】欲其蚤【音爪】之正也

图说曰不漆而践地者谓之纆○王昭禹曰纆谓轮筭也下文所谓六尺有六寸之轮纆三分寸之二是也○薛氏曰凿牙而其孔向外侵三分寸之二辐外筭辐股外筭则车不掉○贾氏

曰凡造车轮皆向外箠外箠者凿轮之外孔大于内孔使蚤入者从外向上承之则蚤不脱而永固矣偏头大故也故曰外箠郑康成曰蚤当为爪谓辐入牙中者也轮虽箠爪牙必正也【○贾氏曰爪入牙中凿孔必正直不随邪也】

察其菑【侧吏反】蚤不齟【五沟反又音隅】则轮虽敝不匡

贾氏曰凡植物于地中谓之菑此辐入毂中似植物地中故亦谓之菑人之牙齿参差谓之齟此三十辐入毂与蚤入牙一一相当不相侔戾亦是不齟也○王昭禹曰入牙之蚤入毂之菑上下两相当而无齟齬之不齐则轮虽久敝而无方而不转之患匡言方也凡物圆则运而转方则碍而止故也

郑锲曰轮之外箠为易见故曰眡其綆至于菑与蚤欲其不侔尤为难见宜察之详特谓之察其菑

凡斩毂之道必矩其陰阳

易氏曰斩毂之道犹察车之道道无不寓虽察车斩毂皆有道存焉○王昭禹曰凡木之生于山南而向日则谓之阳生于山北而背日则谓之陰【○赵氏曰山南向日虽是阳木然此木之背依旧不向日未免陰气毂是以一条全木为之既要纯乎阳不得不于陰处以火養之使山南之木皆可谓之阳斩毂者何必更以火養为哉】阳木则足于阳而寡于陰陰木则足于陰而寡于阳必齐其陰阳然后可用以为毂故必矩其陰阳将火养而齐之也○郑敬仲曰传曰五寸之矩足以尽天下之方斩毂之道所以养其陰而齐其阳者岂徒然哉亦有法而已矣然而本陰阳之理察刚柔之性虽寓于防矩法度之间岂徒形器而已盖有形而上者之道存焉故曰必矩其陰阳【○李嘉防曰矩者注谓斩毂之时先就树刻之既知孰为向日孰为背日背日可以火养其陰而齐乎阳愚谓矩者中分初斩之木以定身陰阳之多少】

阳也者稹【音軫】理而坚陰也者疏理而柔是故以火养其陰而齐诸其阳则毂虽敝不蔽【耗又音固】

郑锲曰阳木向阳则受至阳之气其文必稹密其材必刚盖阳气之所钟也陰木向陰则受至陰之气其文必阔疎其材必柔盖陰气之所聚也【○王昭禹曰阳木则其体实故稹理而坚陰木则其体虚故疏理而柔稹丛致也疏不密也坚至刚也柔至弱也稹与疏以文言之坚与柔以材言之】○郑康成曰火养其陰炙坚之也○王昭禹曰蔽若蒸气出之貌故暴起谓之蔽○贾氏曰若不以火养陰柔之处使坚与阳齐等后以革挽陰柔之处木则瘦减革不着木必有暴起以火养之虽敝尽不蔽暴也

毂小而长则柞【音窄】大而短则挚

杨谨仲曰司农以柞与挚为辐非也毂长三尺二寸则两头拘定车轴故虽辘轳而不至𨮒𨮒

大而短则挚脆矣穀围三尺三寸径一尺一寸三分去一以为空则中间空寬故轡轳而不迫窄小则迫窄矣【○郑锷曰穀以容三十辐则其长短小大当其法取足容辐而已小而长则辐窄狭而不能容柞迫侧而不寬也大而短则穀末浅短而不能固挚动摇而不安也挚与下文无挚而固之挚同】

是故六分其轮崇以其一为之牙围

郑康成曰六尺六寸之轮牙围尺一寸○易氏曰田车之轮六尺有三寸乘车兵车之轮六尺有六寸今以乘车之轮言之六分其轮崇以其一为之牙围则牙围尺有一寸当分为两面郑氏不分两面只就一面尺有一寸下便说三分牙围而漆其二若是则轮围两面为牙围共二尺二寸矣实与经意不合今以两面牙围共一尺一寸言之则每面各得五寸半共为尺有一寸如此而后合六分取一之数

参分其牙围而漆其二

易氏曰牙围每五寸半合先以四寸半分之每分得一寸半是漆二者为三寸其一不漆者为一寸半外余一寸三分之是漆者得三分寸之二兼上三寸共为三寸三分寸之二不漆者独得三分寸之一兼上一寸半以半寸为十五分三分寸之一作十分是不漆者共为一寸三十分寸之二十五郑氏谓不漆其践地者也如牙厚一寸三分寸之二之说此以意推之非经之正文皆有所不取

椁其漆内而中诂【音屈】之以为之穀长以其长为之围郑司农曰椁者度两漆之内相距之尺寸○陈用之曰不谓之度而谓之椁则义取诸棺椁谓自外围之则以度其内焉○王氏曰椁其漆内而中诂之以为长则长短得矣将论穀围而先牙围者穀之小大长短以牙围为法凡轮牙之底践地而行固无事漆牙之两旁与土相摩亦不必漆漆者指牙之两旁而言非计其践地○易氏曰若谓牙厚一寸三分寸之二便为漆内则非矣既曰漆内安可便以牙厚计之漆内之制未明则穀长三尺二寸围径一尺三分寸之二亦非也今以经之文意推之除不漆其践地者只据漆者三寸三分寸之二则两面为七寸三分寸之一兼上轮崇六分之五为五尺五寸是漆内共得六尺二寸三分寸之一中诂之为三尺一寸三十分寸之五此穀之长也亦所以为围

以其围之防【音勒】捎【音萧】其藪【音叟】

郑康成曰防三分之一【○郑锷曰防者分散之义初无定数凡物之余数则谓之防如王制言祭用数之防盖取经用之什一以为防也如易之大衍言归奇于防盖取四分之余以为防也捎除也藪者穀空壺中也疏云穀必大头寬小头狭当辐入处谓之藪中处寬而已名曰藪者有取于蜂巢孔藪之义也郑氏谓围之防为三分寸之一以其藪径三寸九分寸之五也王氏取系辞之防为说谓防者四分之一也围既三尺二寸矣取其四分之一以除藪则藪凡八寸矣然下文贤径六寸五分寸之二与此藪径三寸九分寸之五然后小大相称以为八寸恐

大小不等矣则防当为三分之一从郑说可也】○易氏曰老子曰三十辐共一毂当其无有车之用注无有谓空虚毂中空虚轮得行以一毂之围得三尺一寸三十分寸之五而为三十辐之所凑苟藪孔稍广则藪之力弱而有不胜任之患故三分其围而除一为藪围三尺一寸三十分寸之五以此三分之只得一尺尚余一寸三十分寸之五以一寸为三十分又三之为九十分以三十分寸之五为十五分共得一百五十分三分之一则为三十五分是藪之制得一尺九十分寸之三十五藪中大小穿皆以金镗其内而贯轴焉

五分其藪之长去【起吕反】一以为贤去三以为轂

贾氏曰上经言藪空壶中此言藪大小两头○郑司农曰贤大穿也轂小穿也○杨谨仲曰三分藪之长二在外一在内内在为大头其空宽则贤也在外为小头其空狭则轂也贤与轂以金为之围厚一寸置之藪头空之中用以拘其轴使之久而不敝也以其藪之长五分去一以为贤之围则其径六寸五分寸之二金厚一寸故其空径四寸五分寸之二此藪之所捐者为宽也【○郑锴曰若依经文去一为贤则大穿径八寸十五分寸之八大小俱不等故郑氏以去一为误贤者才有过人之称车藪大穿谓之贤亦以其过人之意】以其藪之长五分去三为轂之围则其径四寸十五分寸之四金厚一寸故其空径二寸十五分寸之四比藪之所捐者为狭也故疏以为当辐之处宽狭处中是矣【○王氏曰谓之轂者盖藪以利转至轂而穷焉有宜只之意○易氏曰藪长三尺一寸三十分寸之五围三径一则围三尺者得径一尺尚余一寸三十分寸之五以一寸为三十分又二之为九十分又以五分三之为十五分共得一百五十分三分之一为三十五是藪之径亦得一尺九十分寸之三十五与藪相称焉五分去一以为贤以一尺五分而去一得八寸以九十分寸之三十五而三之为二百七十分寸之一百五十五分去一得二百七十分寸之八十四是贤径为八寸二百七十分寸之八十四去三以为轂则半贤之数是轂径为四寸一百三十五分寸之四十二然贤径倍于轂则大穿为太大宜以去一为去二然则大穿去五分藪长之二亦得六寸二百七十分寸之六十三○愚案此说与注疏不同始于以牙围两面共作尺一寸】

容藪必直陈 必正施胶必厚施筋必数【音朔】轂必负干郑康成曰容者治藪为之形容也○郑锴曰藪以运转不直则轮不可行故治藪而为之形容必欲直而不曲【○易氏曰如凡为甲必先为容而已】

赵氏曰 藪约也不专指轂而言盖藪以革鞅之约谓鞅也于鞅之上而饰以采色如巾车孤乘夏 注亦谓夏 五采画藪约也陈设其 采之文则欲正而不邪【○陈用之曰陈 先儒以为藪约夏 夏纁未审所谓孤乘夏 卿乘夏纁对大夫乘墨车士乘栈车为言岂止谓藪乎此所谓 以识之若下文二在外一在内凿之广深之类则其为之也必有以识而定之陈 必正恶其偏而差也○毛氏曰谓 刻其藪而陈列其丝以约也】○易氏曰采以约之谓之 藪之有约以待施筋施胶幔革之用苟或不正则轂何以负榦故必欲其正 既正矣然后施胶以附丽之必欲其厚施筋以固结之必欲其数○郑锴曰胶所以附离异木以为固薄而不厚则附离者有时而解剥筋所以纆束柔木以为坚疏而不数则纆束者有时而柔弱【○陈用之曰凡用筋之法纵之则其体往而缓数之则其体束而急也】以革纆藪谓之轂

革与木相附丽则毂必急革若不隐着于木是之谓不负榦不负榦则是有盈不足而毂必急矣故𨔵欲负榦【○陈用之曰负如背有所负然着于体上故也】

既摩革色青白谓之毂之善

郑𨔵曰以革𨔵毂矣则以骨丸之丸之已干又以石摩之摩之然后漆焉若既摩而革色青白是为毂之尽善盖青者东方之阳白者西方之阴阴阳均调故其色青白则知其刚柔得所矣所以为美之至

参分其毂长二在外一在内以置其辐

赵氏曰三分毂长二在外一在内者此是论置辐于毂相去远近之法外谓毂之趋轂处内谓毂之趋贤处【○陈用之曰外谓旁出之端所谓軹者是也内谓向輿之端向于内者也】与輿相近以毂长三尺二寸三分之以二分为外以一分为内于二者之间而置辐焉【○陈用之曰所谓𨔵者是也】注云令辐广三寸半除辐算毂之处则辐内有九寸半辐外有一尺九寸此说是也然所以在外数多在内数少者盖一车用两毂而两毂之间置輿辐内数少则两轮近輿有倚靠处自然牢固而行得稳辐外数多则毂行无所碍毂欲止时其毂体长可以持住经所谓车止则持轮是也所以内外有多寡之分

易氏曰经文既言三分毂长则当复除辐广二寸半谓毂长三尺二寸亦未为当今以经之文意攷之则知毂长三尺一寸三十分寸之五以三尺言之二在外则得二尺矣尚余一寸三十分寸之五以一寸为三十分又三之为九十分又以五分三之为十五分共为一百五十分是二在外者得二尺九十分寸之七十其一在内者得一尺九十分寸之三十五于二在外一在内之中而置辐焉

凡辐量【音良】其𨔵【音造又如字】深【尸鸩反】以为辐广

赵氏曰𨔵即是𨔵所以容辐𨔵者注谓以深为广各三寸半方相应盖毂𨔵三寸半然后能受辐之入辐广亦如之然后称𨔵之受所以三寸半者以围之防𨔵其𨔵而知之毂径一尺三寸之二今三分取一作空中空中径三寸九分寸之五两畔得二分恰有七寸九分寸之一两畔分之一畔得三寸九分寸之五故辐深广各三寸半○郑𨔵曰𨔵以容辐之广必欲与𨔵之深相称使无有余不足斯无危𨔵之患

辐广而𨔵浅则是以大机【音兀】虽有良工莫之能固郑康成曰机摇动貌○郑𨔵曰苟辐广三寸半而𨔵孔太浅不及三寸半则所入不深不深则不固必大隍机而动摇矣虽有良工无所施其巧而使之固也

𨔵深而辐小则是固有余而强不足也

郑锷曰毂大而凿孔得深其辐亦宜大苟辐小而凿深二者不相称或失之有余或失之不足毂大凿深可谓有余矣辐小不及其深可谓不足矣以是而相入所谓固其有余而强其不足也如是则辐失于太弱安能胜毂之所任乎

故竝【音宏】其辐广以为之弱则虽有重任毂不折

赵氏曰竝谓度也弱辐菑也【○郑锷曰此弱与前文所谓菑理则一也辐入毂中谓之菑亦谓之弱】度其辐之广狭以为菑之大小长短则菑与辐其力相称虽任重载毂亦不毁【○陈用之曰天下之理强弱不两立强在此而弱在彼郑氏谓菑者是也毂本也辐枝也强弱之名生于相形菑而谓之弱则小不可胜大末不可胜本之义也不折则其强可知】

参分其辐之长而杀【去声】其一则虽有深泥亦弗之濂【音黏】也

郑康成曰杀衰小也○贾氏曰假令辐除入毂之中其外长三尺则杀一尺以向牙以本麤末细涂则向下利故泥不粘着之

参分其股围去一以为骹【音爻又效】围

郑康成曰谓杀辐之数○郑锷曰上言杀其一据长短之中杀其一分而已未明其股骹之大小如何也向毂大处谓之股向牙小处谓之骹此盖以人之足为譬也凡人足髀大处名股胫小处名骹言股以喻大言骹以喻小辐向毂处之围而三分之去其一以为向牙处之围假令近毂处围六寸则近牙处围四寸矣○王昭禹曰以辐三分之长杀一向牙以股三分之围去一以为骹则本大末小此所以深泥莫之粘也

揉辐必齐平沈必均

郑锷曰木有曲直不能皆易直故以火矫揉其曲者使与直者齐则三十辐之直必等矣木有虚实不能无轻重故平而沈诸水以观其入水之浅深入深者知其必重入浅者知其必轻从其重者而削之则必平矣【○陈用之曰平谓其阳平于水面沈谓其阴沈于水下】夫揉以求其直沈以求其均者盖辐之入牙以直为贵故也○易氏曰水火无心之物古人善用之而已揉辐以火所以齐曲直沈辐以水所以均轻重齐曲直者取其易直也均轻重者取其肉称也

毛氏曰辐众则大小患于不齐齐则同强而大小无所偏浮沈各从其类故曰均均则同坚而轻重无所杂于毂与牙不言者以毂与牙所治者一木耳

直以指牙牙得则无【鱼列反】而固不得则有必足见【贤遍反】也

赵氏曰辐直以撑指者牙也辐资牙以指牙资辐以抱两者皆要相得而后可○郑康成曰得

谓倨句凿内相应也○贾氏曰先郑读 为危 之 故更转从掇后郑读 即是 苏结切云读如涅谓涅物于孔中之涅又解 字以其用木为 故从木○李嘉防曰 即侵【七甚反】也前曰倨者孔中出外今日 则侵之木也牙之入辐但必用柂无侵则不固○郑锷曰辐直而倨牙曲而句倨句之势难乎相得苟辐之直而指牙牙与辐二者相入而各得其正虽无 亦固也况于有 乎若夫倨戾各不相得虽有木以 之其 不隐必有时而见矣足见谓其 之大也辐之入牙未有不 而能固者也但二者相得则有 而小似无 焉其势亦固不相得则有 必大虽大亦不能固上云无 而固非无也必其相得若无也【○陈用之曰辐与牙相得则其体周密无间可投势自固矣何以 为 楔也○毛氏曰用 则一时之固耳及其服劳之久则牙动于内 必跃而出其足见矣何则无故以合必无故以离故交牙必锐其首而厚其末此言未见故曰足】

六尺有六寸之轮倨【方颖反】参【七南反又三】分寸之二谓之轮之固

赵氏曰六尺六寸之轮谓兵车乘车也倨即眡其倨之倨谓轮筭也注谓车轮外筭则车行不掉盖凡造车必置倨于辐外一头入毂一头入牙所以遮护撑住着轮使行时不至于摇机也三分寸之二注谓出于辐股凿之数疏释云凿牙之时孔向外侵三分寸之二使辐股外筭据疏之意谓倨在辐外近毂处辐广三寸半辐是侧安者此处甚高必碍住倨倨不容与辐一般排凿孔使两头俱入牙所以凿毂与牙之时倨凿孔向外侵三分寸之二疏虽只说凿牙其实兼毂而言盖倨那头必入毂故也所谓三分寸之二者以一寸三分之而得其二也以数计之则倨离辐凿爪凿孔六分有奇如此则倨不被辐高处阁起又辅助住辐辐有倚靠则车行不掉轮自坚固所以谓之轮之固也据轮人为盖疏云则向外谓近輿处倨是安在轮之内外面无有倨然车人为车大车崇三柯倨寸注云倨轮筭倨寸者谓轮之正面外一寸则安乃不止三分寸之二者盖大车之轮是九尺之轮实牛车也其牙又厚似六尺六寸之轮故倨之凿孔在牙与毂处相离辐凿爪恰好一寸不止于三分寸之二也此段所以指杀言六尺六寸之轮以见六尺六寸之轮倨之制又别也或谓倨两头俱入于牙不入于毂此说不然盖辐中间高阁住倨倨如何俱入于牙得若使倨一头不入于毂皆入于牙疏当言出于辐骹凿数不当言辐股矣辐股是近毂处故也【○李嘉会曰倨继 说者倨其孔也 其木也故继说】

凡为轮行泽者欲杼【音紆】行山者欲倨

愚案此言牙耳非谓辐也言轮则兼于牙

郑锷曰凡为轮则所谓牛车大车皆举焉观车人为车有行泽者欲杼行山者欲倨之异则知此所谓不专指兵车乘车而已○王昭禹曰三分其股围去一以为骹围者此轮之常制也至于行山行泽又加损益焉以从其宜是以行泽必于骹围者薄之故欲杼杼言削薄其践地者行山必骹股等也故欲倨倨言上下之适倨【○陈用之曰杼谓杀而锐也倨谓外内相等而相倨也】

杼以行泽则是刀以割涂也是故涂不附倨以行山则是抟【音团】以行石也是故轮虽敝

不甌【音吝】于凿

郑康成曰附着也转圜厚也○郑司农曰不甌于凿谓不动于凿中○郑康成曰甌亦敝也以轮之厚石虽齧之不能敝其凿旁使之动○郑锷曰泽之下湿厥土惟涂泥轮之践浅处不薄则附着必多而滞留不行苟削而杼之如以刀割涂然涂分裂而自解则有所不能附而车行速矣山之高峻其地皆鞞确轮之践地处不圜厚则磨磷必速而凿孔易动矣苟等而侔之如圜物行石然着地者多则不至于偏受其任虽轮已敝而牙之凿孔亦不动也甌之为言动也○毛氏曰泽多泥泥善附附则不利山多石石善掉掉则不稳如刀之割涂言其利之至如转之行石言其稳之至

凡揉牙外不廉而内不挫旁不肿谓之用火之善郑锷曰轮所赖以用者不一而牙者实所以为固抱其揉之也尤不可以不尽善于是又言揉牙之法牙车輶必屈一木以为之屈木而不用火以矫揉之不可得而曲○毛氏曰内牙之抱辐也外牙之践地也旁则牙之两边也廉言皮肤之外皱【○郑康成曰廉绝也】挫言理脉之内绝【○郑康成曰挫折也】肿言肥内之外肿【○李嘉防曰肿负起也】免此患则为用火之善盖用火或过或不及惟中为善廉挫者用火之过肿者用火之不及言不柔纫也

是故规之以眡其圜也萬【音矩】之以眡其匡也

郑锷曰轮既成矣察之之道又如此萬矩也匡方也赵氏曰轮圜物也中规则可如何欲其中矩盖以规合之固可验其不负处以矩合之其四方四角有不负处亦可因矩以验之【○毛氏曰试轮之法必先规以眡其圜衡运生规则规之者用衡也疏谓规之以绳非矣注谓等为萬菱以运轮上轮中萬菱则不匡刺者盖为萬菱与轮相等而运于其下轮行一围而不碍则为不匡刺规者仆于地而规之萬则扶而运之使与萬等】

县【音 𡗗】之以眡其辐之直也

贾氏曰县谓以轮侧于一边轮辐三十两两上下相直从旁以绳县之两两中县则凿正而辐直矣

水之以眡其平沈之均也

郑锷曰绳所以见其辐之直未知其轮厚薄之善否也又浮之水上以观之上文言平沈必均言揉辐之时也此则轮已成又置之水欲其平沈之均○毛氏曰上载轮之法备矣然所试者一轮而已此又合两轮于水而试之以观其浮沈之均则轮之行用力侔矣

量其藪以黍以眡其同也

郑锷曰轮之毂空壶中当辐菑者谓之藪藪孔藪也两藪皆欲其无赢不足置黍其中以量其

深浅苟其容受皆同则知壶相同矣必用黍者以其滑而齐为易验故也

权之以眡其轻重之侔也

郑康成曰侔等也称两轮钧石同则等矣轮有轻重则引之有难易

故可规可圆可水可县可量可权也谓之国工

易氏曰此又總括轮人一篇之意大抵注目而视方负不如付诸规矩之为公腾口而议平直不如付诸准绳之为审援手而度多寡轻重不如付诸权量之为当六者设则天下之为方负平直多寡轻重者皆不能外是固不容加毫末于其间也○郑锷曰自规之以眡圆至权之以眡轻重之侔皆一定之法所当然若夫不必用规用矩不必沈之水县以绳不必量以黍权以称皆自然合乎法度可以规可以矩可以水可以县可以量可以权而试之是则得之于手应之于心出乎技巧之外而非世所能及也是谓国工谓举国皆无出其右也轮扁斲轮不能以传其子其子不得而学正谓是欤经言谓之国工者三轮人为盖庐人为秘与此轮人为轮皆以其难而能至于尽善人不能及也【○毛氏曰工之作器以意上之试工以法意无常用法有定式然而无不当于法此其所以为国工欤凡谓之国工者名擅一国者也岂一长之足美哉必也试之以难责之以全考之于其终乃可授名焉○李嘉防曰圣人宁使人心之朴不欲人心过于巧百工之事未必皆中于法度惟国工而后可】

轮人为盖

郑锷曰轮人之职掌为轮者也又使为车盖者盖先王役人固不强人之所不能苟制作相似因其巧智亦足以为者从而任之是亦因任之道轮之与盖或运乎下或庇乎上用虽不同然贵乎圆则一又况盖之二十八弓与三十辐之制亦无以异盖之達常与桯与毂之制亦无以异则因其为轮又使为盖何不可之有○陈用之曰其工虽同其事则别故特以轮人为盖目其职事焉

达常围三寸

郑司农曰达常盖斗柄下入杠中也○郑锷曰盖柄有二节达常则下入乎桯桯则上含乎达常名曰达常以其通乎上下无所更变其体有常也○郑康成曰围三寸径一寸

王昭禹曰盖之制上为部中为达常下为桯旁为弓达常小于桯桯小于部故非部无以纳弓于其旁非桯无以含达常于其中

桯【音檻】围倍之六寸

郑司农曰桯盖杠也读如丹桓宫檻之檻○贾氏曰檻者盖柄下节𩑦达常一倍向上含达常

○郑锷曰名曰程者犹屋之有楹所以直而上承【○王氏曰程立于下盖之材赖之以呈露故谓之程】○郑康成曰围六寸径二寸足以含达常

信【音伸】其程围以为部广【去声】部广六寸

郑司农曰部盖斗也○贾氏曰部者盖之斗四面凿孔内盖弓者于上部高隆穹然谓之部○郑锷曰盖斗最处盖之上者名之曰部言穹窿而高处乎上部以总众弓如部伍然也信当为伸取其在下之围以为在上之径故以伸言之伸六寸之程围以为此部之广广径也程围六寸则部之径六寸径六寸则围尺有八寸

部长二尺

郑锷曰部径六寸正指部言之部长二尺又指达常为部也达常者盖之上节贯入乎部中者惟其入乎部中故亦可谓之曰部何以言之部尊一枚则不长二尺今日部长二尺则是达常长二尺○毛氏曰部厚一寸而曰二尺者注谓兼达常言之以其达常之在程中者出入不时常与部相收故部可以兼达常然则达常在部一寸其不入于部者尺九寸

愚案上言盖围先以达常起数而后及部广以见部广于达常此言盖之长短止言部长而不及达常以达常上纳于部下纳于程人所不见所可见者部与程耳其实部自是部达常自是达常注以部即达常非也

程长倍之四尺者二

郑锷曰达常长二尺而程长倍之则四尺矣倍四尺而又有二则其倍者八尺也以此八尺上含达常之二尺则盖之高凡一丈矣人长八尺而盖十尺虽则立乘犹有二尺之高不蔽目矣上言达常与程之围下言达常与程之长中言部之广则盖之形制大体具矣

十分寸之一谓之枚

郑康成曰为下起数○赵氏曰以一寸而十分枚计一分也盖十分为一寸枚只得十分之一故也

部尊一枚

郑锷曰前言部广六寸未见其高之如何故于此言其高尊高也凡居乎高者未有不尊故以尊言高焉盖斗中之上穹窿而高其高者一分○毛氏曰部厚一寸又尊高一分欲其稍峻而高去水疾故也

弓凿广四枚凿上二枚凿下四枚

郑康成曰弓盖撩也○图说曰凿部上凿弓者也○郑康成曰广大也○郑锷曰四方凿孔以纳弓弓凿之广其广四分故曰弓凿广四枚弓凿之上则余二分凿之下则余四分以凿广四枚与上二枚下四枚计之则部凡厚一寸【○易氏曰弓凿广四枚者则凿孔之广所以容弓者四分也凿上二枚者以凿孔之上无所受而不用力故二分也凿下四枚者以凿孔之下有所受而用力多故四分也○毛氏曰部广六寸则圆当尺八寸一寸十分则百八十分盖弓二十有八每弓居部之四分则总百十二分其所不居者七十二分大抵两凿相去才二分有半耳】

凿深二寸有半下直二枚凿端一枚

易氏曰上言部广六寸达常围三寸则达常入部其径一寸是达常两畔犹有五寸则凿深二寸有半正合两畔五寸之数而弓凿不侵达常也○赵氏曰下直二枚者注谓凿空下正而上低二分疏云上云凿下四枚今于内畔于下亦四枚与外正平故经谓之下直而注谓凿空下正也上云凿上二枚今于内畔孔低二分凿上亦四枚故经谓之二枚而注谓上低二分也下直凿之下二枚凿之上此一句指两事而言也【○毛氏曰下直二枚者谓在内者向下凿之其下正二枚尔若其孔则止放一枚是凿上有七枚为不凿者也若然则外凿高而内凿低矣盖不如是无以使盖弓之上仰故也】凿端一枚者谓部高一寸今凿上凿下俱四枚已占了八枚其中只有二枚在以二枚之中取一枚凿深放尖故云凿端一枚端谓凿头也所以如此以弓外畔上下方正大四枚今于弓入凿内处少剡其弓下畔二分于弓尖处又削去一分以纳入凿中使与凿孔恰好相应如此则弓向处头仰却以盖弓三分之近部一分揉放低外二分为宇曲又以衣蒙之则弓虽低而其力常健虽曲不至一向低斜了去注所以云欲令盖之尊终平不蒙挠也此皆仰其弓故如此若俯其弓则弓自部以下皆低而蔽目矣先儒论盖凿有言凿上二枚凿下四枚指凿之外也下直二枚指凿之内也凿广而内狭上低而下正先高而揉之使下弓本仰而覆之使俯斯言尽之矣○易氏曰一枚为一分部广六寸围三之则尺有八寸其数不过百八十分而止弓凿四分而二十八弓已占一百一十二分外止余六十八分则部中实少而虚多又以弓凿一百一十二分其深各二寸有半而共凑于达常一寸之径其数似不相合然古人深察物理上下相制自然坚固缜密非常工所能测识者

弓长六尺谓之庇軹五尺谓之庇轮四尺谓之庇軫赵氏曰庇谓覆也軹谓毂末也轮谓轮牙也軫谓輿后横木也○郑锷曰车有大小故盖有大小盖大故弓长长则所庇者远弓长六尺谓之庇軹者盖弓之一面长者六尺对为丈二中有部广六寸则弓长六尺者盖大一丈二尺六寸也车輿六尺六寸车两毂共六尺四寸凡一丈三尺矣以七寸承輿七寸为轨凡减一尺四寸则车之两軹才广一丈一尺六寸耳弓之长者共一丈二尺六寸又有宇曲之减故其覆庇所及者至于軹是弓长则其庇远也故谓之庇軹之盖长五尺者其庇及轮谓之庇轮之盖长四尺者其庇及軫谓之庇軫之盖盖小于轮轮又小于軹故弓每减一尺短则其庇近也汉世名盖弓为撩子

参分弓长而揉其一

郑锷曰揉与揉牙揉辐之揉同挠而曲之谓之揉参分弓长而揉其一者假如弓长六尺则曲其二尺也盖凿孔之时外畔弓下四分弓上二分内畔上下俱四分由弓头仰故须近部挠其二尺使平其长四尺以为字曲也

参分其股围去一以为蚤【音爪】围

郑康成曰蚤当为爪○郑锷曰股与辐之近轂者谓之股同弓之近部者亦谓之股以其大也蚤与辐之入牙者谓之蚤同弓之字曲者亦谓之蚤以其小也上云弓凿四枚以弓凿之广为股围围三径一则此围当一寸六分也于一寸六分之数而去其一分以为蚤围则弓之蚤围凡一寸十五分寸之一

参分弓长以其一为之尊

郑康成曰尊高也○郑锷曰前云部尊一枚言部之高耳若弓之入部则三分其长以其一为之尊假如六尺之弓则以二尺近部为高也

上欲尊而字欲卑

郑锷曰弓上近部者二尺则欲高其长四尺为字者则欲卑弓之隤下处谓之字如屋宇然因以名之

上尊而字卑则吐水疾而霤【力又反】遽

郑锷曰所以上欲尊而字欲卑者盖本为雨设苟上尊而字卑则其吐水也必速而水之霤所及者必遽矣古人云犹高屋之上建瓴水言自高而下其势速也左氏云三进及霤礼云家主中霤霤谓水流也盖高则霤遽此必然之理

盖已崇则难为门也盖已卑则是蔽目也是故盖崇十尺

薛氏曰盖部并达常二尺桯长八尺共十尺也古者以人为法人长八尺二寸为字曲卑于此则蔽人目高于此则难为门○郑锷曰车出入乎门盖太高则门不能容人立乘乎车盖太卑则目无所见古人制盖之法欲无害于门欲不蔽乎目故以十尺为度○郑康成曰十尺其中正也

良盖弗冒弗纁殷【音隐】亩而驰不队【音坠】谓之国工

郑锷曰为盖者必冒之以衣必纁之以带如纁紼之纁谓以带而维系之也冒之纁之则弓有所恃以为固而不坠矣此作盖之常也若夫善为盖者无衣以冒无带以纁以横驰于陇亩之上殷而驰则行不正陇之上则地不平能使弓不坠落是国工之巧者所为非常才所可及【

○陈用之曰亩平夷之地非谓垄上也殷若殷其雷之义车震地之声驰之疾则转而有声矣
】

總论

郑锷曰巾车惟王后五路重翟安车言皆有容盖辇车言有嫔羽盖彼妇人车盖疑非此轮人所专掌也夫车未有不用盖者而巾车王之五路不言岂所辨者旗物之异当建旗之时无所用盖故不言欤或谓车之有盖专为雨设然道右掌前道车言王下则以盖从又不专为雨而用盖也反覆攷之车有軫以象地有盖以象天而盖弓二十有八又以象星王者乘之取法如此则盖无时而可去也去盖则象天之道缺盖去而弓随则法星辰之道又缺矣设盖之意恐不专为雨也说者谓五路在祭祀朝覲田猎即戎之时即建旗不用盖他时在国巡行必设盖岂其然乎

周礼订义卷七十一

卷七十二

<经部,礼类,周礼之属,周礼订义

钦定四库全书

周礼订义卷七十二 宋 王与之 撰

輿人为车

郑锷曰輿人掌为輿者也谓之车者盖察车之道虽自轮始而作车实自輿始輿居中以载人有輿则一车之体成故輿人作輿而谓为作车【○陈用之曰车者總軫盖輿轮众体而成名然车以载为事正所为载体在于輿故輿正名为车而经言輿人为车也】

轮崇车广衡长参如一谓之参称【尺证反】

郑康成曰车輿也衡之长容两服○王昭禹曰处车中而舁人者輿也夹车旁以践地者轮也横车前以扼马者衡也○薛氏曰造车始于輿而车制始于輿广故诗人以权輿为始輿人之法皆以车广起度隧式较軫轳其数小大广狭崇庳皆始于輿广此輿人所以指輿为车而兼数材也○贾氏曰参如一者谓俱六尺六寸○毛氏曰车体凡三衡在前以引輿犹手也轮在下以承輿犹足也輿在下而居中犹体也车以衡轮为用以輿为体所主在体故輿谓之车尔衡之长不六尺六寸不足以容两服车之广不六尺六寸不足以容馭右轮之崇不六尺六寸不足以为登下之节三者异任而尺数如一者非相期也各适其宜而已○郑锷曰此指兵车乘车以为言也轮则计其崇輿则计其广衡则计其长各因其所主言之是三者要如一乃谓之称【○陈用之曰称非谓其度之等言其用相称也】

参分车广去一以为隧

郑锷曰车之輿居中以载人者也其深则名曰隧如墓隧之隧经于墓大夫言及窆以度为丘隧注谓隧美道也左传晋文公请隧以塋盖为道以入墓也輿之有隧其深如之故曰隧【○郑康成曰读如邃字之隧】輿广六尺六寸谓其横也参分其广而取二分以为隧谓其纵也车容驂乘之人或三人或四人故其广六尺六寸隧则輿之深耳故但取三分之二以为之则隧四尺四寸

参分其隧一在前二在后以揉其式

薛氏曰植于车輿两旁为轡横于两轡在车前为人所憑者为式【○贾氏曰式谓人所冯依而式敬故名此木为式】○郑锷曰以隧之四尺四寸而三分之其一分当一尺四寸三分寸

之二矣一分在前二分在后于其中而揉式焉则式凡深一尺四寸三分寸之二【○李嘉防曰揉者取其平贴也】

以其广之半为之式崇

郑锷曰舆广六尺六寸取其广之半为式之高则式凡高三尺三寸○陈用之曰人长八尺首居一焉则所以为軀者七尺矣以七尺之軀而憑三尺有三寸之式所以为致恭而有礼也

以其隧之半为之较【音角】崇

郑康成曰较两轡上出式者兵车自较而下凡五尺五寸【○贾氏曰较谓车舆两相今人谓之平鬲言两轡谓车相两傍竖立者二者既别而云较两轡出式者以较之两头皆置于轡上二木相附故据两较出式言之式已崇三尺三寸更增此隧之半二尺二寸故为五尺五寸○李嘉防曰较在式上如屏风隔风轡即纱隔下面之版】○薛氏曰车制舆在下轡在两相式在前軫在后较则轡上出式者也軾则横植于轡者也轡则横植于式者也式必曲为之所谓揉其式是也较有重之者所谓猗重较兮是也【○郑锷曰淇奥之诗曰猗重较兮诗疏曰侯伯之车注云卿士之车左传载王黑以灵姑鉶率请断三尺而用之事杜预曰断三尺使至于较大夫旗至较而礼疏谓诸侯旗齐軫大夫齐较軫至较五尺五寸断三尺得至较者盖天子与其臣乘重较诸侯之车不重较故有三尺之较也】

六分其广以一为之軫围

郑康成曰軫舆后横木【○李嘉防曰关三面材又出于三面材之外使无此横于舆后则车不固】○贾氏曰舆广六尺六寸六分取一故得尺一寸○毛氏曰辀人所谓任正者即軫也而此亦及之者軫在辀之上舆之下故两官皆据此以为长短之法然軫围本方而崇三寸半围四径一则其围尺四寸辀人所谓三分其辀之长以其一为之围者辀长丈四尺五寸十取其一得尺四寸数固相合矣今此六分其舆之广以其一为之围者舆六尺六寸六取其一得尺一寸则数不相合何哉盖田车之軫减乘车半寸其围共减二寸矣以田车之軫言之庶几其可也軫为任正故比较大自式而下皆以次减焉軫在下式在中较在上大其本者小其末物理然也

参分軫围去一以为式围

郑锷曰軫围一尺一寸三分之而去其一以为式围则式围七寸三分寸之一

参分式围去一以为较围

郑锷曰以式之七寸三分寸之一而三分之取其二以为较围则较围四寸九分寸之八

参分较围去一以为轂围

郑康成曰轂輶之植者衡者与轂末同名【○贾氏曰上文注云轂是轂末此轂是车较下竖直者及较下横者直衡者并纵横相贯】○郑锷曰较围四寸九分寸之八而三分之取其二分以为轂围三寸二十七分寸之七与轂之轂五分轂长而去三者异矣○毛氏曰轂在较之下纵横相贯輶在式之下纵横亦相贯二者又减亦其理也然式围大于较围而輶在式下反小于轂何也式短而较长故较长则较之用力宜雄故不得不大也輶植乎輿之四隅较式附焉而不言其围者举较则輶可知

参分轂围去一以为輶【音对】围

郑氏锷曰輶之状与轂相对所以异者轂在较下輶在式下谓之輶者取其与人相对故也【○赵氏曰以疏推之则輶正在式木之下植立是如今轿乘压手版傍两角柱子以人登车立式正与人相对故取名以輶若司农以植与衡者为輶是并轂而言矣盖輶无横者横则不可谓之輶】轂围三寸二十七分寸之七三分之而取其二以为輶围则輶围二寸八十一分寸之十四凡此皆乘车兵车之制郑氏俱以为兵车者以乘车与兵车同举其一则可以类推亦以前文首言兵车之轮故也

赵氏曰已上度数增损虽有不同皆以车广为准而降杀焉自式至輶其言之序则取数之多寡为之先后輿人专为輿虽不当兼做式较軹轂輶之器然皆輿之所资以为用无此则独有一輿果何用故輿人所以總为之至于輿广若不与衡轮同则用不相称故轮与衡之制輿人亦不可不知

圓者中【丁仲反】规方者中矩立者中县【音 】衡者中水直者如生焉继者如附焉

赵氏曰此段论治材居材之法规所以为圆矩所以为方准则为平之所取绳则为直之所取轮人作车之法其用材皆尽善故为材之圆者必以规而材之圆者自中于规为材之方者必以矩而材之方者自中于矩材之直竖立者则挺立不邪而自中于绳县之垂衡谓横也材之横放不竖者则无高低而自中于水之平【○刘执中曰县水谓准绳准绳变言悬与水者盖物之直者无过于悬物之平者无过于水观轮人为轮言规之矩之县之水之亦不言准绳则以县与水平直之尤善者故以此代言准绳焉】中谓合也此四件是合乎法度之善者若夫材之直者如木之生于地直达而不屈材之继者如木枝之附于榦相着而不可离此却是人力之巧妙有若自然生成之物与上四件不同【○郑锷曰木之始生者必直其曲者非其性也必有所折屈故曲也立木之直者欲其如自地而出直而无所屈木之旁枝附榦而生其附也文理相依无断裂相离之状以木而相继接者欲其如附榦而生无离绝之处则其直其继皆如自然矣凡此皆言作车輿之法治木居木当致其精如此】○赵氏曰既曰立者中悬则直者已在其中何故复曰直者如生盖绳之用凡为直皆取之不必悬也言立是主悬者言之立者中悬指立者之直而已其他直者不与也若夫直者如生则凡正曲之直皆属焉不止立者而已此段非说车之全形言輿上用材如此盖輿上如輶式轂较等器甚多其材有圆者有

方者有横者有直者有附者中之与如各指一件说否则车形不四方平直如何中得又如何如得

凡居材大与小无并大倚小则摧引之则絶

郑锷曰居处也处身者必欲得其所然后身安车之制木处之亦欲得其所故谓之居木有大小各宜以类相从则强弱相敌刚柔得宜无有余不足之患○陈用之曰并以合并之谓并归乎大者也凡物之体以小入大大者受而入之是之谓大与小宜使之势适可者○贾氏曰倚则并也凡居材当各自用力若使大材倚并小材小材弱不堪大材所倚则摧折矣此引之则絶据小并大而言也若小并于大大木振其小木力不堪则絶断也

栈车欲弇饰车欲侈

郑锷曰巾车言服车五乘孤乘夏篆卿乘夏纁大夫乘墨车士乘栈车栈车谓不革鞅而漆之的车也饰车谓鞅之以革而画之的车也所谓夏篆夏纁墨车是也有革以鞅舆则固为难壊舆不鞅以革则不坚而易拆不坚而易拆者则宜弇弇者欲其舆之敛而向内也固而难壊者则宜侈侈者欲其舆之大而向外也夫以文饰之车犹且以侈为贵则上而天子所乘之路有金有玉有象以为饰者其舆之侈又可知○赵氏曰弇注谓当向内为之侈注谓当向外为之据此则弇恐只是鞅鞅之类都移入来侈恐只是移鞅鞅之类放出去些少必不是说大与小盖舆纵横广深六尺六寸其制已定如何敛向内放小得又如何纵向外放大得尤宜思之

易氏曰车以弇侈为善而钟以弇侈为病盖钟贵乎广狭之中而车贵乎小大之宜各适其当而已

辂人为辂

郑康成曰辂车辕也诗曰五檠梁辂【○赵氏曰梁谓衡也辂持衡者也辂从轨前微曲而上至衡则下而句之辂纵而衡横纵者若辂横者若梁所以云梁辂也】○郑锷曰攷工所记攻木之工七轮舆弓庐匠车梓而辂人不与焉此有辂人之官者盖作车自舆始察车自轮始故舆轮之职特建焉而并列于七工若夫盖虽难制以其负似乎轮也特使轮人为之而不以名官辂虽难度以其非作车察车之所始也故别立一职不以并轮舆之列辂车辕也自其可以左右挟而进则谓之辕自其载任以覆为戒则谓之辂辂犹舟焉所戒者覆也

辂有三度轴有三理

郑康成曰目下车度浅深之数○郑锷曰辂欲中法其度有三三度者国马田马弩马之辂深浅不同之数○薛氏曰两轂中横截之木为轴○项氏曰轴则一定但欲其理之得【○赵氏曰理谓物之道理○李嘉防曰理者一木之用欲其委曲若是不可不顺其理也】○易氏曰轴以贯轂特轮之一器于辂人何与而言于三度之后者轴待辂而后运辂待轴而后行其势

实相资焉

国马之辔深四尺有七寸

薛氏曰辔之形自从軛前稍曲而上至衡下其颈以持衡其曲如屋之梁焉深谓轅曲中○郑康成曰国马谓种马戎马齐马道马高八尺兵车乘车轂崇三尺有三寸加轡与鞅七寸又并此辔深则衡高八尺七寸除马之高则余七寸为衡颈之间

田马之辔深四尺

郑康成曰田车轂崇三尺一寸半并此辔深为七尺一寸半今田马七尺衡颈之间亦七寸加轡与鞅五寸半则衡高七尺七寸

弩马之辔深三尺有三寸

郑康成曰轮轂与轡鞅大小之减率寸半则弩马之车轂崇三尺加轡与鞅四寸又并此辔深则衡高六尺七寸今弩马六尺除马之高则衡颈之间亦七寸○郑锴曰辔之所贵挠而无曲故为车则必揉之以火使其势深深则曲然太深则折故欲其无弧深焉然计车之崇与辔人之深三车之衡各高七寸何也盖衡以扼马头用力久则消磨益甚惟其高有七寸之余不为马颈所损故疏云余七寸当为马颈低消之也车虽有高下至于衡颈不得不同兹其法度所在也故下文云小于度谓之无任【○毛氏曰辔首为颈而衡居颈下又马稍低劣不余七寸则辔不可与马相得】

轴有三理一者以为嫩也二者以为久也三者以为利也

赵氏曰嫩言轴之材欲其美而无恶注云无节目是也久欲轴之体坚而可久注云坚刃是也利欲轴之势滑以利而易运注云滑密是也【○陈用之曰嫩言其形之嫩久言其质之坚利言其用之利辔人为辔而言及于轴则辔与轴同一工可知且形之嫩质之坚用之利唯辔亦是合而言之】○易氏曰以经意攷之弧而无折经而无絶辔之美如此实轴之所以为嫩也终日驰骋左不榘终歳御衣衽不敝辔之久如此实轴之所以为久也劝登马力马力既竭辔犹能一进取道辔之利如此实轴之所以为利也【○李嘉防曰嫩久利不止乎是举其一端则意可推】以是知辔人之职实兼辔与轴之制故下文又曰五分其轡间以其一为之轴围则轴之制附于辔人也明矣

軛【音犯】前十尺而防半之

赵氏曰軛注谓式前据下文軛中有灋则舆上置隧处乃是軛正在隧之下式之前盖辔身长一丈四尺四寸入舆隧下隧以前只有十尺以此见軛即隧之下面隧外空着一分舆軛即是阁住隧板之横木耳谓之軛者取其在下持住车有为则为法之意注谓軛法也谓舆下三面

之材轸式之所植持车正者即此意也【○李嘉防曰何以谓之持车正盖軹法者一车所取法路有高低车易偏侧有此木则可以常正夫车】防御者所执以制马而使齐者也然防之处进退亦有其度太向前则凑马后反碍马行太向后则鞭策不能及马又不肯行軹前十尺而防半之则离隧五尺处是也执策者立于此处以御马则以及马而无过不及矣所谓軹前十尺防半之者是就隧算去不是就輿算去盖軹前尚有輿板二尺二寸若就輿算去则无十尺矣不知十尺者是就直算去抑随辘轳曲处算去经无明文不可考也礼书云辘轳之减也率七寸马之杀也率一尺軹輿轶轹之杀也率寸半三等之马各下其辘轳七寸则七寸为衡颈之间此说于分寸不差十尺恐只是直算去曲算则短【○陈用之曰非特策之有节而已所以策者其度亦有节也半軹前之长以制其策所谓有节夫惟有节是以不及马腹】

凡任木

郑康成曰目车持任之才○王昭禹曰因其材之所胜而用之谓之任如任官焉各称其材之所长如任民焉各称其力之所能不以大材而当任之轻不以小材而负任之重各适其宜而已

任正者十分其辘轳之长以其一为之围

郑康成曰任正者谓輿下三面材持车正者【○贾氏曰名任正者此木任力车輿所取正以其两轸之所树于此木较式依于两轸故曰任正云三面材者此木下及两旁见面其上面托着輿板其面不见也】○郑锷曰上言辘轳之深耳若夫辘轳之长当计軹前輿下总为辘轳之数軹前十尺与隧四尺四寸凡一丈四尺四寸矣十分其长取一以为围则任正之木其围一尺四寸五分之二

衡任者五分其长以其一为之围

陈用之曰谓之衡任其为任也横而用之非车之所以为行○郑锷曰衡任谓两轸之间此木当辘轳颈之处其用力为尤多故五分其长以其一为之围然衡任之木其围盖有取于辘轳之五分之一经于上言任正者十分其辘轳之长下文即云衡任者五分其长专指辘轳以为度也缘康成谓兵车乘车衡围一尺三寸五分寸之一故疏因言衡长六尺六寸则衡围一尺三寸五分寸之一窃恐不然

小于度谓之无任

王昭禹曰任正衡任其度如此材苟小焉则力不足以胜其任故谓之无任

五分其軹间以其一为之轴围

郑锷曰前言六分隧之广以为軹围言其围尔此言五分其軹间非计其围也軹以承輿之六

尺六寸则軫间亦六尺六寸也五分取一以为轴围一尺三寸五分寸之一与衡任相应○杨谨仲曰轮人五分毂之长去二以为贤之围故贤之穿空适与此轴之文相当以此文合上文轮人而论之乃知郑氏改去一为去二所以为当也毂长三尺二寸而五分之每分六寸四分去二留三为尺九寸二分以为贤之围则贤之径乃六寸四分每边除一寸金则贤之空其径四寸四分也軫间六尺六寸而五分之每分一尺三寸二分以一分为轴围轴围一尺三寸二分则轴之大其径亦四寸四分也此轴之大可以入毂之大头其末入軹处渐以小也【○李嘉防曰车之用力不在乎轴只在中央之转动】

十分其辘之长以其一为之当兔之围

郑锷曰当兔谓輿下当横轴之处前文所谓加軫与轸轸即伏兔也辘长一丈四尺四寸【○贾氏曰亦通计辘之軹前与隧總计丈四尺四寸】十分取一为当兔之围则兔围一尺四寸五分寸之二与任正者相应【○李嘉防曰伏兔在车下与任正在辘上者相称使轮或偏而车不偏二者相称故也名曰伏兔亦生物之动者取其转动之义】

参分其兔围去一以为颈围

赵氏曰颈围注谓辘颈前持衡者疏云衡在辘颈之下其颈于前向下持制衡鬲之轅故云前持衡轅也观此则辘是軹住衡不穿破辘前言衡颈占了七寸可据也【○郑谓之颈则取况人之颈非特形如之亦以其用在上而当前焉颈围所以小似兔围者盖颈围处正阁着衡此处若大则衡颈不止七寸高马驾时衡下至地无八尺六尺则马行费力也】观疏中向下二字又知辘过颈处又低下去三分兔围而取一为颈围则颈围九寸有奇礼书亦云辘从軹前微曲而上至衡则下而句之踵围注谓辘后承軫者五分颈围去一以为踵围则踵围七寸七十五分寸之五十一

五分其颈围去一以为踵围

郑康成曰踵后承軫者【○陈用之曰谓之踵取况于人之踵非以其形如之盖以其用在后且有所着而所任者重焉】围七寸七十五分寸之五十一赵氏曰前为颈后为踵颈以推衡踵以承軫近踵处为当兔当兔之围大于持衡持衡之围大于承軫故当兔颈踵之围各不同者盖大其兔以称任正小其颈以便马不大不小以当軫然后固也

凡揉辘欲其孙【音逊】而无弧深

贾氏曰揉者以火揉使曲也揉之欲使顺理无得如弓之深弓之深大曲也【○王昭禹曰凡辘之深或四尺或三尺有三寸或四尺有七寸必以火揉之使其势屈曲然后可以为深虽欲其曲而深然过于曲则易折非经久之道也故凡揉辘欲其孙而无弧深孙言曲折而顺理也苟逆理而不孙非特难揉亦易伤折】

今夫大车之轅摯其登又难既克其登其覆车也必易此无故唯轅直且无桡也

毛氏曰凡记所引皆驾马之车而此独言大车者驾牛之车也驾马之车以载人驾牛之车以载物载人之车轻轅直未必覆载物之车重轅直则必覆故举大车以明之【○郑锷曰牛车之轅必欲桡则驷马之轅欲桡可知】

郑康成曰摯輶也登上阪也克能也○王昭禹曰摯言其至谓其势直而下至也盖輶虽不可过于弧深然亦不可失之于直直则其势下至非特登上阪地为难其倾覆且易矣此其故非他以其揉之不曲而深故曰唯轅直且无桡也

郑锷曰此言大车轅摯则然

是故大车平地既节轩摯之任及其登陲不伏其轅必縊【一臂反又于计反】其牛此无故唯轅直且无桡也

郑康成曰陲阪也○赵氏曰伏逼也○王昭禹曰轩言其高而上干摯言其轻而下至既节轩摯之任则高下适中而无上干下至之患六月之诗曰戎车既安如轻如轩以其适轩轻之中此戎车之所以安也夫大车于平地虽节其轩摯之任若其登陲之地牛不退而偃伏其轅则轅必重而縊系其牛颈此亦其轅直且无桡之故○郑锷曰此言车之登陲之时则然

故登陲者倍任者也犹能以登及其下陲也不援其邸必縊【音秋】其牛后此无故唯轅直且无桡也

郑锷曰登陲者上高峻之处○郑康成曰倍任用力倍也○赵氏曰邸却无可考意者邸是伏兔后踵承軫处如四圭有邸与设皇邸之邸同盖邸是抵亢藏靠之物踵后承軫处亦是附着藏靠处故也縊就也○王昭禹曰凡登陲者自下而上其用力为多故谓之倍任夫登陲虽倍任然力之强者犹能以登及其下陲不援摩其车之邸则车或进而縊就其牛之后此亦以轅直而无桡故也【○李嘉防曰輶上山高轅不及马背则车重而必縊其牛如绳縊之及其下陲奔来太连縊牛之后摩车之邸则马亦不可行】由此观之则轅虽不可以过曲亦不可以不曲此輶之三度所以其深皆有常数也

郑锷曰必三言轅直无桡者一言轅之势一言登陲一言下陲轅不曲皆为害也惟其如是故揉轅必欲深而又欲无弧深所以有四尺七寸三尺三寸与夫四尺之度【○李嘉防曰大车驾牛之车初无与乎驾马之輶因其揉輶而证以大车之法记考工者先说平地次说上陲下陲之法盖平地只有轩摯轩则前高摯则后重至于上山下山之际又有高低之异欲其势顺而无艰难掣肘之患必为之不甚伸亦不甚曲故三者皆以轅直无桡结之】

是故輶欲颀【音恳】典【音殄】

郑锷曰上文言牛车之轅于此又言驷车之轅○郑康成曰顾典坚刃貌○陈用之曰顾典谓其体之丰大盖辘恶其折故欲顾典则壮矣诗言五檠梁辘义可知矣【○郑锷曰顾长也典实也其势欲顾然而长其材欲典实而不虚○王昭禹曰顾如硕人其顾之顾言其长也典如六典之典言其有常也欲顾典言欲其长而有常也盖辘之长丈有四尺四寸过乎此则其长为有余而赘不及乎此则其长为不足而亏非法度之常】

辘深则折浅则负

郑锷曰揉之深则太曲太曲则伤其力力伤则易折揉之浅则微曲微曲则其势直于马背之上故马常若负然非所以为善

毛氏曰负言马背缢言牛领緡言牛后牛车或行于险阻故以登下为言而曰缢曰緡马车或行于平地故以平地为言而曰负也

辘注则利准【音水又如字】利准则久和则安

郑锷曰康成云形如注星【○贾氏曰谓辘之形势似天上注星车之利也○郑司农曰注则利水谓轅脊上雨注令水去利】谓自上而下其势急也惟其势如注则车必利而无凝滞之患车必准而无倾侧之虞利而速准而平则其敝壊也亦难此车所以能久不失之浅可否相济适于调和则乘之者亦无摇动之患如之何而不安【○李嘉防曰如水之注则利于行平一如准则可长久马引之而和人乘之而安】

愚案记论辘之平準在辘注论辘之能久在平准如中庸诚则形形则着文势当如此奚必以重言为拘必欲曲为之说

辘欲弧而无折经而无絶

陈用之曰上云欲无弧深此云欲弧而无折盖深则折欲如弧弓之形而无太深以折即所谓无弧深也【○杨谨仲曰郑氏言揉辘太深则折夫上言辘深则折是辘太深故马倚之则折也浅则马负之而已今言弧而无折岂彼之所谓折哉此折乃磬折之折言弧则宛而曲无复有如磬之折者故曰弧而无折】○郑锷曰欲其经而无絶者孙即经耳顺其文理谓之孙顺理而直谓之经揉辘者惟恐不能顺其理耳不顺理则断絶而不相属矣故欲其经而无断絶之病

郑锷曰辘为一车安危所系故既言之又再言之欲其孙欲其顾典欲其弧而无折经而无絶一篇之中屡致意焉见为辘之难也

进则与马谋退则与人谋

王昭禹曰马所以驾车车之进则以马行为主故进则与马谋人所以驭马车之退则以人驭为主故退则与人谋谋者指事而图之也进与马谋则得之于此而应之于彼退与人谋则得之于手而应之于心夫种马驾玉路戎马驾革路齐马驾金路道马驾象路田马驾木路凡车之任重致远者皆马之力也故进则欲其与马谋太仆驭玉路齐仆驭金路道仆驭象路田仆驭田路凡车之疾速进退惟人之驭也故退则欲其与人谋叔于田诗言两骖如舞两骖如手以言马之节适也言两服齐首以言马之整序也如是则辔之和而进与马谋可知矣叔于田诗言执轡如组以言驭之巧也駉诗曰六轡在手以言其驭之良也如是则辔之和而退与人谋可知矣○易氏曰进若与马相谋退若与人相谋是以无情之物而与人及马之有情者不期自合非和之至者不能也

终日驰骋左不韃【音蹇又倦】

郑康成曰书韃或作券券今倦字○赵氏曰古者乘车之法尊者在左御者在中曲礼曰乘君之乘车不敢旷左左必式注云君存恶空其位是尊者在左之证惟辔之和则终日驰骋载在左者无罢倦之患

行数千里马不契【音挈】需【音须】

郑司农曰契读为爱契我 之契需读为畏需之需谓不伤蹄不需道里○郑锷曰车有两骖两服诗言两服齐首言其不前后也两骖如舞言其不拘阂也轅若不和则马必拘阂而相契契倚而相合之义轅若不和则马必前后而相需需迟而相待之义【○陈蕴之曰契读如死生契阔之契需如易需卦之需谓不劳苦而停滞也】

终岁御衣衽不敝此唯辔之和也

郑锷曰衣之下裳谓之衽礼记云扱衽深衣续衽皆谓裳之下也御车者常苦于裳之易敝以其近下而摩于车也惟辔之和则无动摇之劳虽终岁御而衽亦不敝

毛氏曰终日驰骋一日之事也行数千里一月之事也终岁御一岁之事也一日之间马未必病所忧尊者在左之机动尔一月之间马行久矣所忧者契需而不前马至于一月之间则马病固其理也而御之衣衽亦有敝焉衣以岁制故也一日之间左可韃而不韃一月之间马可病而不病一岁之间衣可敝而不敝岂非辔之和而然欤上曰和则安所谓安者非特君子安乘而已马与御者皆安焉是之谓安

王昭禹曰自此数者非辔之和孰能致是然则为辔者既有浅深之数与其高下之度而又五檠以致文饰环灋以受霜露故以之鸣和鸾而不失相应之节以之逐水曲而不失周旋之仪舞交衢则驭者以之良过军表则射者以之善此亦唯辔之和也

劝登马力

郑康成曰登上也辔和劝马用力○易氏曰马力未进辔已有劝其登非果能劝也其势若有以使之【○王昭禹曰辔和则马之行也易为力莫不勇于进而无疲倦之患】

马力既竭辔犹能一取焉

易氏曰马行既止则无所用其力辔犹一进而取道焉非有意于一取也其势自不容已○赵氏曰辔非有情之物岂能劝得马用力而考工言之者盖形容辔之和行地之远其势有如此者

良辔环灋【音醮】自伏兔不至軹七寸軹中有灋谓之国辔赵氏曰良善也灋漆也盖辔之上为之 固其槩有五诗所谓五槩梁辔是也槩谓束缚处又被之以筋胶而环饰之以漆以为受霜露惟制辔而尽其善故能周环四围皆有漆灋也○郑锷曰所以良善其辔者必环而灋之灋谓漆文周环皆漆之不惟致其文饰之美且以致其固是乃良善其辔之术也然辔之长一丈四尺四寸漆之所不至者惟自伏兔至軹七寸而已伏兔衔车轴在舆下短不至軹軹即舆下三面之木【○赵氏曰言漆之所施不到軹处有七寸也自七寸之外皆是漆处所以不用漆于七寸者或者为伏兔与軹遮碍着手漆不得故也据此则自軹以后近伏兔处皆可谓之軹其漆不至七寸乃在近伏兔处不在近軹处不如此则軹中无灋矣不可谓之有灋也】自伏兔至軹凡七寸所不用漆其余皆漆则漆入式下曲直之处皆有矣辔不善而动摇则所谓漆也消磨而不见苟能使軹中常有漆非国工之巧何以及兹乎其辔谓之国辔宜矣国辔言一国之辔皆不能及○易氏曰軹中有灋特辔之一端何遽谓之良辔而且以国辔许之盖自上经言辔之和至此甚言其为良也如经言良马则總言驾五路者又言国马则乘车兵车之所专用者此良辔国辔之辨

軹之方也以象地也盖之圜也以象天也轮辐三十以象日月也盖弓二十有八以象星也

愚案此以下總论上文车器之义非止属辔人

郑锷曰圣人与天地合其德与日月合其明无所往而不与之俱故或以宫室而象之或以衣裳而象之或以圭璧旌旗而象之而又作车以象之夫车以载乘不过一器耳而天地日月之象实具焉王者乘之岂徒然哉期得覆载照临之道于俯仰之间也夫舆本方也为之軹以承之其制亦方方而在舆之下所以象地形之方也不以舆象之而取于軹者盖軹又在舆之下故也【○李嘉防曰軹舆后一横木耳今不言舆而言軹以舆得軹其方乃成故谓之象地】轮人为盖其形必负负而在车之上所以象天形之负也轮亦负而不以为象者盖轮虽负而运乎下惟盖则负而覆乎上故也实轮以辐所以为直指也轮辐之数必以三十者盖日月之行三十日而合宿辐之三十所以象其合宿之数盖必有弓所以为庇也弓之数必以二十有八者盖经星之列乎四方其数凡二十有八盖弓之二十八所以象二十八宿也天地则象之以形以天地虽大已囿乎形也故以盖軹象之日月星辰则象之以数以三辰虽妙不离乎数也故以辐弓象之上焉而天下焉而地王位其中则三才备矣车之制也岂苟然哉

龙旂九旂以象大火也

贾氏曰车上皆建旌旗故因说旌旗之义○赵氏曰画交龙在上故谓之龙旂乃是横画不是直画取其能升而能降旂谓属繆垂者也盖旗制中间画象边分裂成数条如尾之状垂下此即是旂龙旂象大火者盖龙旂画九路垂九条大火注谓苍龙宿之心其属有尾尾九星疏云大火东方之星角亢氐房心尾箕是也东方木色苍其七宿形如龙故曰苍龙以角亢氐房心尾箕次比言之故曰心惟其尾有九星其数与龙旂同所以象之

鸟旛七旂以象鹑火也

赵氏曰鸟旛是画朱雀与隼在上故谓之鸟旛鸟旛取其勇健象鹑火者盖鸟旛画七路垂七条注谓鹑火朱鸟宿之柳其属有七星疏云鹑火南方之星南方火色朱其七宿井鬼柳星张翼轸是也形如鹑鸟故云朱鸟其属有星星七星也月令云旦七星中是也惟其星有七星其数与鸟旛同所以象之

熊旗六旂以象伐也

赵氏曰熊旗是画熊虎在上取其猛莫敢犯象伐者熊旗画六路垂六条伐注谓伐属白虎宿与参连体而六星疏云西方七宿为白虎金其色白伐与参六星为上下是连体也惟是星有六与熊旗同数所以象之【○郑锷曰六旂当为五旂字或误也】

虵四旂以象营室也

赵氏曰 蛇是画 蛇在上故谓之 蛇 蛇取其扞难避害象营室者盖 蛇画四路垂四条营室注谓 武宿与东壁连体而四星疏云北方宿有 蛇体 武 也有甲能御捍故曰武水色黑故曰 营室是北方七宿之数营室与东壁连体而四星其数与 蛇同所以象之○陈用之曰于西独取伐于北独取营室者岂非始事尚谋欲周成事尚义欲断

總论

郑锷曰此言王者之车建四方之旗象四方之经星也上文盖弓二十有八以象星矣此又以旗象之何也盖弓之所象者象星之数旗之所象者象星之体东方之龙旂以象苍龙宿之形南方之鸟旛以象朱鸟宿之体此二方言象大火鹑火则举其次十二次可推而见矣西方之熊旗以象白虎宿之形北方之 蛇以象 武宿之形此二方言伐与营室则举其宿二十八宿亦可推而见矣其言九旂七旂六旂四旂则义不在旂康成见经有九旂七旂之数遂求二十八宿之数有相合者以为言出于附防且二旗象大火象鹑火举其次以言则不专指尾与星可知矣二旗象伐与营室举其宿以言则不专取参与东壁连体可知矣【○陈用之曰旛旗言其旗之名 蛇言其旗之物大火鹑火言其辰伐与营室言其星互相备也然圣人制器尚象不止一端有正取以为象者有旁取以为象者东苍龙而西白虎南朱雀而北 武皆其

象也于苍龙取大火大火于东为正中于朱鸟取鹑火鹑火于南为正中所谓正取以为象也于白虎不取昴毕而取伐于 武不取虚危而取室伐与参连体而六星室与壁连体而四星所谓旁取以为象者也各有所当而已或举其辰或举其星与尧典言四时之星同或正取以为象或旁取以为象与易象于坎或取水取雨于离或取火或取电之义同谓不如是不足以尽意】行人言建常九旂七旂五旂而无旂数之六者以制攷之熊旗当五旂也若熊旗当五旂则康成取参连体六星以为说果可信乎然则此四旗者盖王者之行前朱雀而后 武左青龙而右白虎故建此四方之旗取象四方之宿也非以九旂七旂六旂四旂而象其星之数而已然经何以言旂之数耶盖所建之旗而其旗之旂若此故连言之如荀卿曰龙旂九旂所以养信也夫龙旂以养信何取于九旂为养信耶故知其连言以及之义不在焉

陈祥道曰旂以交龙所以寓其仁旗以鸟隼所以寓其礼而其数以九以七者为其主阳也旗以熊虎所以寓其义旐以 蛇所以寓其智而其数以六以四者为其主阴也

毛氏曰凡旗共九而特取四者以象星何也盖全羽为旛析羽为旌未尝有旂也通帛为旛杂帛为物虽有旂焉未尝画也日月为常虽有画焉王之所乘非星之所可拟也惟四者之旗既取四旁之物以为象则因四方之星以制其旂固其理也

弧旌枉矢以象弧也

郑锷曰弧旌者弧弓也旌旗有弓所以张繆幅故谓之弧旌于张繆之弓上画为枉矢之形故谓之枉矢用此以象天之弧星天有弧星有枉矢枉矢状如流星蛇行有尾天有是星星有是矢矢所以射为凶慝者也王者之车所建四旗之上皆设弧旌枉矢亦以象天之弧与枉矢焉明天下之有凶慝者必射之【○李嘉防曰以妖星加于旌旗之上者因常而思其变也】

易氏曰皆不言旗繆之画惟覲礼曰侯氏载龙旂弧韞释者谓旌旗之属皆有弧也弧以张繆之幅又设矢象弧星有矢恐未必旌旗皆有之或者诸侯之制乎今辀人以此列于四旗是袭侯氏之制以为军制之饰于此益信四旗为战国之制○刘执中曰龙旂以下皆所以象德也有德必有威故继之以弧旌枉矢以象弧也

總论

王氏详说曰辀人所谓战国时制度诸儒区区求合于周公制度此其说所以纷纷也且旗之制见于巾车见于司常又见于大司马又见于行人周公一代之制而其用亦各相为异同巾车所谓大常大旂大赤大麾者主五路所建为言而兼四代之制也司常所谓王建大常诸侯建旂孤卿建旛大夫士建物师都建旗州里建旗县鄙建旐道车载旛旂车载旌主国之大阅为言而为所建之定制也司马言王载大常诸侯载旂军吏载旗师都载旛乡遂载物郊野载旐百官载旗此主中秋治兵为言而为一切之制也行人言建常九旂建常七旂建常五旂此主五等诸侯为言而为命数之制也司常司马言旗而不言旂行人言旗而不及其旂巾车于大常大旂言旂而大赤大白大麾不言旂夫有旗必有旂大常十二旂大旂九旂则大赤七旂

大白五旂大麾三旂从可知也九命者以九为节七命者以七为节五命者以五为节则司常司马之所谓旗而其旂必从其命数爵尊者其数多爵卑者其数少又从可知也夫龙旂鸟旂熊旗 蛇特九旗之四者耳曲礼所谓行前朱雀而后 武左青龙而右白虎是已陆氏以龙旂为大旂固似矣以鸟旂为大赤熊旗为大白 蛇为大麾非也曾不谓大赤为周制大白为商制大麾为夏制岂周专于鸟旂而商专于熊旗夏专于 蛇乎以龙旂为青熊旗为白鸟旂为赤而 蛇为黑则大常宜黄遂以为月令季夏之所谓载黄旂者为大常之旗又非也曾不谓月令为吕不韦所作之令而谓周公者吕不韦乎以王乘五路建大常则象路载鸟旂在前木路载 蛇在后金路载龙旂在左革路载熊旗在右又非也曾不谓五路但用之于郊天则四路并从若大阅则乘戎路而载大常矣使乘戎路而载大常则熊旗当载之于何车乎以上公之九旂为龙旂侯伯之七旂为鸟旂子男之五旂为熊旗又非也曾不谓诸侯载旂司常用之于大阅如此司马用之于治兵亦如此则是五等诸侯同于龙旂但其旂降杀以两耳使五等诸侯各异其旗则采菽之诗何以止曰言观其旂岂上公之来朝而侯伯子男之不来朝乎大抵辘人之所言龙旂鸟旂熊旗 蛇者非周制也又非前代制也其出于战国之军制乎国语曰左军皆赤旂许慎曰熊旗五旂以象伐星士卒以为旗曲礼曰行前朱雀而后 武左青龙而右白虎与前有车骑为连文骑马之制始于战国其战国之军制也明矣又况古人制度凡有所取象者皆足以为千万世不易之典垂象着明莫大乎日月其次北辰也其次二十八宿也以大常画三辰以旂画交龙旂画鸟隼旗画熊虎旂画 蛇而天之垂象者尽在是矣同为鸟隼何止于鹵火同为熊虎何止于伐星同为 蛇何止于营室是于七星之中又举其偏也况伐非西方之宿但与参连体尔不惟举其偏而又所举者在二十八宿之外周公制度其为此乎九旂者象大火以尾九星也七旂者象鹵火以星七星也六旂者象伐伐止于三星不曰与参连体则六之数不足矣四旂者象营室也营室止于二星不曰与东壁连体则四之数不足矣东南之星取其西北之星取其二周公制度其为此乎且如虞氏之十二章周之九章衣之制或九或十二章初不过观古人之象而已亦非虞周所得而用其私意也况九章之外所谓三章者又昭然于大常矣考工记绘画之事与观象异其亦战国之制欤子家驹谓天子僭天道其辘人之旗与绩画之衣是也若夫含文嘉以为天子之旌十二旂曳地诸侯九旂齐轸大夫五旂齐较士三旂齐首而以五等同为九旂此商制之质耳非周制也尔雅曰素锦綢杠纁帛繆练旂九夫以素锦练旂为言者此亦商制之质耳非周制也又不可以此说为战国之制然含文嘉以为天子之杠九仞诸侯大夫五仞而陆氏又引仪礼之文以为杠长三仞为非特士制疑自天子下达且曰仞九尺也若七仞之杠长四十九尺车不能载人不能持曾不谓左氏灵姑鉞为齐侯之旗太子用之请断三尺焉使旗杠之长短自天子至士一如其长又何以断三尺为哉陆氏不明于旗之名又不明于旗之色又不明于旗之杠故备论之

周礼订义卷七十二

卷七十三

钦定四库全书

周礼订义卷七十三 宋 王与之 撰

攻金之工筑氏执下齐【去声】冶氏执上齐鳧氏为声防氏为量【音亮】段氏为铸器桃氏为办

贾氏曰此与下攻金之工为目○郑锴曰木可攻也皮可攻也经亦以攻言之经曰烁金以为刃攻之之道殆以火烁之欤

刘迎曰先儒以多锡为下齐少锡为上齐是则上下齐以锡为多寡也然筑氏为削冶氏为杀矢皆五分其金而锡居二何以分上下齐乎所谓齐者知有齐量轻重于其间【○王昭禹曰筑氏为削五分其金而锡居二则用锡为多故曰执下齐冶氏为戈防四分其金而锡居一则用锡为少故曰执上齐以削为下齐而言筑氏执之则大刃鉴燧之属皆下齐也以戈防为上齐而言冶氏执之则钟鼎斤斧之属皆上齐也举筑冶二工其他以类推之可知矣】○郑康成曰声钟鎛于之属量豆区鬴也铸器田器钱镈之属刃大刃刀劒之属○郑锴曰鳧氏为钟然能鸣之类不止于钟故以声言之桃氏为劒然器之利者不止于劒故以刃言之

金有六齐

郑康成曰目和金之品数○郑锴曰凡物太刚则折太柔则仆金至刚之物锡至柔之物金有赤黑之色锡有青白之色金不济之以锡其为器也刚烈而不和不和之以锡其为色也昏昧而不明故六齐之金皆用锡特其所以异者有多少而已

六分其金而锡居一谓之钟鼎之齐五分其金而锡居一谓之斧斤之齐四分其金而锡居一谓之戈防之齐参分其金而锡居一谓之大刃之齐五分其金而锡居二谓之削杀矢之齐金锡半谓之鉴燧之齐

王昭禹曰钟以击鼎以烹用锡为最少故六分其金而锡居一斧以伐斤以斫用锡宜差多故五分其金而锡居一戈防皆用之以刺防其或挫折用锡宜多于斧斤故四分其金而锡居一凡此皆所谓上齐也【○陈用之曰钟鼎欲其传之久故其齐居最○郑锴曰钟贵其声之清鼎欲其体之固斧斤戈防欲其锋之利金多则然也】大刃则戚 之属施之斩斫则防其易亏缺故三分其金而锡居一削则以制书杀矢中之则死皆欲其坚忍不脆其用锡又宜多于大刃故五分其金而锡居二【○郑锴曰刃劒也削也杀矢也虽皆以利为尚然今之用刃者皆须磨错使其光明莹照则知贵其色之青白矣惟锡多则然也○陈用之曰斧斤戈防大刃削杀矢则将新而用之各称其用而为之等焉】鉴燧以取水火于日月或用之以照以明白

为上故用锡为最多而金锡相半焉凡此所谓下齐也○薛氏曰鉴燧之齐均有取乎金锡之半而司烜则曰以夫遂取明火于日以鉴取明水于月其齐同而用异何也盖如籥章逆暑迎寒皆用土鼓豳诗且土鼓豳诗一也而逆暑迎寒皆以是者所用各有时所占各有气惟以声应时以时占气则气无不应金锡半为鉴燧之齐则阴阳之性均而不偏当昼取火于日昼阳中也纯阳之精于是而可降当夜取水于月夜阴中也纯阴之精于是而可掬大抵神缘精而寓精因神而止气因精而生偏阳则阴竭偏阴则阳竭二者不偏然后水火可以相待而成

郑锷曰攻金之工有桃氏有冶氏有鳧氏有防氏有段氏有筑氏或为削或为戈防或为钟或为剑或为量为铸独无为鼎为斧斤为鉴燧之工鼎亦钟之属可附于鳧氏之官斧斤亦上齐可附于戈防之列鉴燧独无所可附意者自有鉴燧之工执中齐记者亡之尔【○陈用之曰鉴燧之器于六者无所类然以明白为上则改煎金锡岂非属之防氏】

筑氏为削

赵氏曰削是削刻书之刀古者未有纸笔凡事写之竹简欲窜则以刀削裁去之尚书序云更以竹简写之夫子作春秋削则削笔则笔是也故有筑氏之工名官以筑者盖筑所以致实书之所述欲删其烦冗而取其实故也【○郑锷曰大事书于策小事书于简而简策所书者非笔也百名以上书于策不及百名书于方而方策所书者亦非笔也大约剂书于宗彝小约剂书于丹图而彝图所书者亦非笔也然则如之何名之曰书盖为刀而刻于上耳书刀而名之曰削其为物甚微其为制甚易特立一官以掌之春秋书筑台筑囿诗人美作室言筑之登登则筑者欲其坚而已为削以刻字天下之书无穷而字之刻亦无已苟非锻链之坚何以供无穷之用名之曰筑厥有防哉○王昭禹曰筑有节也削以裁书而治之故以削书名官谓筑氏】

长尺博寸合六而成规

王昭禹曰十寸为尺十分为寸以长尺而累之则合六削适六尺矣环而围之其势圆足以成规则不期于圆而自中于规矣○郑锷曰取六削而周环以合之欲其成规取诸圆也盖削者曲刀也其形偃曲如弓之反张而为之也其形曲则过乎曲不可也不及乎曲亦不可也合六削而圆然后其曲为得中此盖言其制作之法其度当如是耳王安石云合六成规取乎地数之中惟成为能无穷惟中为能有常书为不刊之典削所以裁制其书岂可苟哉合六成规所以称其书也是亦衍说

欲新而无穷

赵氏曰天下之器久则必旧然庖丁解牛十有九年其刃新发于硎无他器之善其制故也书之所述无穷则削之用亦欲无穷所以筑氏亦欲常新而无穷已【○郑锷曰刀之新者必利既久则钝夫久而钝者锻金不坚耳金不坚故其新有时而穷削之所用者大故欲锻之有法使其新也常无穷而已】

敝尽而无恶

郑康成曰谓刃也脊也其金如一虽至敝尽无瑕恶也○郑锷曰刀之久者必恶恶如今上绣也久而生恶亦以锻金无法故也【○王昭曰敝尽者亦其锋芒之适于用者然也若其脊刃亦未尝有亏缺之疵岂非无恶之谓凡此皆材美工巧之效所谓鲁之削不过此也】

冶氏为杀矢

郑锷曰泥在钩唯甄者之所为金在镕唯冶者之所铸则冶者铸金之工也攻金之工六孰非冶哉特于戈防之工称冶者盖他工用金或镕之而寫于范模之中唯戈防则冶而成故正名其官曰冶○赵氏曰冶氏为杀矢所执者下齐也而其目乃称冶氏执上齐者何谓注疏解义皆以为秦火后脱误其实不然盖冶氏正为戈防上齐正是冶氏所执所谓杀矢非冶氏正职特兼为之盖经中自有矢人故也然矢人为矢只是理会轻重筈羽至于箭鏃却是冶氏以金烧打成矢人不过用见成之鏃安排结裹成箭如今之造矢者何尝自打铁刃依旧是铁匠打来特买来刮摩订鬪成惟其矢刃皆是金工做底故令冶氏兼为之如轮人为轮又兼为盖也所以刃长寸围寸铤十之重三垸此四句冶氏矢人皆言之者意实在此考工所以言上齐于序目者指戈防正职而言也然虑冶氏知戈防之器而废杀矢之事故专以杀矢名其职且于职中先言为杀矢之制方继以戈防之事焉以见其相兼不可偏废之意至于矢人有五矢而冶氏止为杀矢者意者杀矢用于近射田猎要中之则死不可以他矢论所以考工言六齐独曰五分其金而锡居二谓之削杀矢之齐其他皆无齐焉以此见杀矢用金为多

刃长寸围寸铤【音挺】十之重三垸【音丸】

赵氏曰刃长寸谓箭鏃长一寸也围寸刃围转亦一寸也据矢人三分其羽以设其刃刃长二寸者意者刃只一寸并刃与刃把处言之却有二寸鏃谓箭足入藁中者铤十之则入藁中凡一尺矣谓之铤取其直也矢人云杀矢七分三在前四在后亦言藁中之铁铤也垸注谓量名疏谓非斛量之号是称两之名但不知所重几何注疏皆未闻不可考也然冶氏言此四句于职之首矢人言于职之末者岂非言于篇首所以见其不可缓之意而言于篇末又以见此物冶氏所职非矢人所当急欤

戈广二寸内倍之胡三之援四之

赵氏曰自此以下却是说戈防戈防皆刺兵也戈二刃【○郑康成曰戈今句子防也】防三刃戈小而防大防兵器之最健者其别于戈以此内谓胡下接秘处正是铁筒子入木柄者这里面谓之内胡谓矛之旁出者援谓自秘直至上尖头刺刃也【○郑锷曰戈之状有曲而下垂者谓之胡有直而上达者谓之援其柄谓之秘秘之受胡者谓之内】戈广二寸揔内与援与胡言三者皆径广二寸疏谓广二寸只是说胡阔若是专说胡径当言胡广不应言戈广也内倍之其长四寸胡三之其长六寸援四之其长八寸

已倨则不入已句【音钩】则不决长内则折前短内则不疾郑锸曰已之为言大也倨直也句曲也○赵氏曰倨句长短皆指胡之四病盖戈之所用在胡故特言之注云戈句兵也中义谓戈防不比矛头有钩以句物不可谓之句兵以为注之非不知注之言有据下文庠人云句兵欲无弹注云句兵戈防属刺兵欲无蜎注云刺兵矛属是戈防可以言句也礼书画戈防胡皆下垂信可谓之句兵矣已倨注谓胡微直而邪多疏谓胡头大舒是胡头去援太远过直可知已句注谓胡曲多疏谓胡头太横是胡头去援太近过曲可知直则以之刺人而不能入曲则以之刺人而创不决疏云胡太横则拥不削物故创不决也注谓胡之曲直锋本必横而取圜于磬折疏释之谓胡要横捷微邪向上不倨不句要如磬之折杀之势如此则无前四病此说甚分明长内谓内过长也短内过短也内四寸援八寸内过长则胡向上侵援援无八寸则短矣短则胡向上近援胡头低注所以云如此则胡曲于磬折也胡既与援相近故引之则援与胡并钩并钩则援易折前谓援以其在上故云前也内过短则胡必近下为之胡内必无四寸而援长反逾八寸注所以云如此则胡倨于磬折也胡既近下安之则头舒头舒则引之不能速及故不疾也决乃决开之意如决之东方则东流之决矣但言其速尔【○毛氏曰倨句以胡言长短以援言胡利以击亦利以刺太直则刃不得刺人故已倨则不入太曲则刃不得击人故已句则不决内长则援短援短则胡亦短两者俱短则在上为太轻矣故折前内短则援长援长则胡亦长两者俱长则在上为太重故引之不疾】

是故倨句外博

郑康成曰博广也倨之外胡之里也句之外胡之表也广其本以除四病而使用【○贾氏曰倨谓胡上句谓胡下倨句皆有外广倨之外胡之里谓胡下近本增之使广也句之外胡之表谓胡上近本增之使广也】○赵氏曰以注与疏考之本即援也倨外博者谓自胡刃上头直处从外头沿入刃里直至刃下曲处要去本阔也句外博者谓自胡刃下头曲处从外面向上至直处沿入刃里倨外头要去本阔也无他欲上下尺寸皆去援宽则不太曲不太直自然合于磬折无上四病而使用矣【○陈用之曰戈防刺兵也勾者若矛是也此篇所记倨句利病似皆勾兵之制度而以属之戈防岂其然乎郑氏不此之思即以戈防为勾兵失之至若以戈之用为在胡谓援短则曲于磬折援长则倨于磬折倨之外为胡之里句之外为胡之表非徒牵合而失其本防于形制亦无所考】

重三铤【音劣】

郑司农曰铤量名读为刷○郑康成曰许叔重说文解字云铤铤也今东莱称或以为大半两为钧十钧为环环重六两大半两铤铤似同矣则三铤为一斤四两【○郑锸曰书之吕刑有其罚百铤千铤之数铤即铤也三铤言戈之金共重一斤四两】

防广寸有半寸内三之胡四之援五之倨句中矩与刺重三铤

王昭禹曰防今戈类然防有三锋则其广宜少杀于戈然后便于用故戈广二寸而防广寸有半寸内三之凡长四寸有半寸援五之则其长七寸有半寸与内之长亦共尺有二寸○赵氏

曰三锋共广四寸半防之长亦尺有二寸胡之长亦六寸特胡内独长于戈之内半寸援却短于戈之援半寸盖防刃多则头重所以深内半寸减援半寸则防秘插得牢而难脱也倨句中矩若以平易解之皆是说胡谓胡直处曲处中矩四方平正也然倨句之形惟方而无角者方是既为倨句乃不方不员岂得曰中矩此注所以分为二事分倨于援分中矩于胡也注云胡直中矩言方正也防胡横贯之胡中矩则援之外句磬折欤疏云胡六寸横贯三寸直下三寸是胡中矩也援七寸半亦以三寸为横稍举之使不中矩以四寸半者向上为磬折向外此援为倨句也○郑锸曰前所言戈之援即是直而上达者此防既有三锋则所谓援者乃其旁之直而上达者刺乃当中而直前之锋也防之广既减于戈广之寸若不三锋则不得与戈同重三铎故言与刺重三铎言合三锋乃如戈之重也

總论

郑锸曰五兵之制尚矣书有执戈上刃之文而执劒执瞿说者皆以为防属经有司戈盾之官而不司防诗有干戈戚戚之文亦不言防以理考文兵之用最多者无如戈观富父终生以戈撻僂如之喉狼臆以戈斩秦囚子南以戈击子皙长鱼矫以戈杀驹伯诗曰荷戈与殳书曰称尔戈经之司戈盾言祭祀授故士戈军旅防同授贰车戈授虎士戈无所往而不用焉岂非以其秘短而易持其胡其援广而易入可以撻可以斩可以击可以钩故欤然左传有子都拔棘之事明堂位言越棘经于掌舍有棘门楚武王荆尸而举授师子焉说者谓子者防也则防亦未尝不与戈并用然不若戈为常用故后世以防赐臣下之有勲者或韬以赤油或韬以黼黻而谓之槩防以代斧钺焉先儒谓戈或谓之鸡鸣者以其胡似鸡鸣也或谓之拥颈者以其胡曲故谓之拥颈也凡防而无刃者秦晋之间谓之子或谓之鑣吴扬之间谓之伐东齐秦晋之间其大者谓之曼胡其曲者谓之句子曼胡

桃氏为劒

王昭禹曰劒之工名谓之桃氏以桃能辟除不祥而劒亦能止暴恶故也

腊广二寸有半寸

郑康成曰腊谓两刃【○郑锸曰古者腊必猎猎而得禽则宰杀以祭故腊于文为月旁𧠦盖言于是月必猎也然四时之田得禽皆割以祭独谓腊祭为大割者盖冬祭则百物皆可献其宰杀为多也然则劒刃为腊岂非取其利而可以大割乎】○贾氏曰两面各有刃○王昭禹曰两刃各径二寸半

两从半之

王昭禹曰谓劒脊中高两杀而趋锷○赵氏曰半之自脊分断一边广一寸四分寸之一

以其腊广为之茎围长倍之

郑锸曰茎者劒鐔也柄谓之夹茎者人所把握之处在夹之中如竹木之茎然故名曰茎取腊广以为茎之围围二寸半也长倍之则长五寸

中其茎设其后

赵氏曰中其茎注存两说一说谓穿劒夹内茎于中一说从中以却稍大之也设训为大系辞云益长裕而不设彼注亦云设大也中其茎大其后谓以刃为前以茎为中以设为后则茎以后稍大之视中之数有加焉则操执处有所碍着于把为易制也如今之刀劒末后有铁圈分外大即与此同【○俞氏曰中其茎则易于把握设其后则张而易制】

参分其腊广去一以为首广而围之

贾氏曰首广谓劒把接刃处之径○郑康成曰首围其径一寸三分寸之二【○贾氏曰围之谓圜之故庠人皆以围为圜之】

總论

郑锸曰凡劒之制有锋有锷有脊有鐔有铍锋者所以为锐也锷者所以为利也脊者所以为干也鐔者所以为本也铍者附鐔者也君子所以防暴恶则大小长短之制宜不苟故其法如此

身長五其茎長重九鎰謂之上制上士服之身長四其茎長重七鎰謂之中制中士服之身長三其茎長重五鎰謂之下制下士服之

郑锸曰此谓桃氏制之以供衛王者之所佩服也人之形貌小大长短各不一也制劒以供其服非直以为观美要使各适用而已故为三等之制以待三等之士俾随宜而自便焉劒之茎其长五寸劒之身若五倍其茎之长则三尺也重九鎰则重三斤十二两也兹其长之极重之至也故谓之上制唯士之长而有力者然后能胜之故上士服之劒身四其茎之长则二尺五寸也重七鎰则二斤十四两三分两之二也长短轻重适得中焉故谓之中制唯人之得中者所宜服故中士服之若身之茎止三其茎则二尺耳重止五鎰则二斤一两三分两之一耳轻而且短故谓之下制士之形短而力微者可以服焉或谓士有上中下之制安知其非指元士之在位者耶以经考之旅賁虎賁皆衛王者也然旅賁氏之夹王车左右各八人所执者戈盾则不服劒矣惟虎賁氏掌先后王而趋以卒伍不言所执其属有虎士八百人其人既众则有上中下之不同可知矣不言所执则服劒可知矣【○郑康成曰此士谓国勇力之士能用五兵者乐记曰武王克商裨冕撝笏而虎賁之士说劒】○王昭禹曰先王因其人之长短强弱而所服之劒各有度数存焉至于为弓亦然故弓人弓长六尺六寸谓之上制上士服之弓长六尺有三寸谓之中制中士服之弓长六尺谓之下制下士服之由此观之皆各称其人之材力而已

鳧氏为钟

易氏曰天下之物重不逾金轻不逾羽鳧羽物也轻莫尚焉钟欲其声之清扬而远闻故为钟以鳧氏取其声之轻而已【○王昭禹曰鳧之为物入水而不溺胜水而不淫先王于乐之声亦欲其无淫溺故也○陈用之曰以器言则钟尚羽以义言则钟阴也为止而聚鳧止而聚者也故为钟之工名以鳧氏】

郑锷曰考钟之制有镈有镛有编钟编钟十六枚而在一虞小胥正其位磬师教其击者也镛则当十二辰之钟也所谓笙镛以间而典同辨其声者也此鳧氏言大钟之制所谓镛也旁有两栻正有两面面皆有带先王之制钟大不出钧重不过石律度量衡于是而生其方则在西其音则尚羽实乐之最大其声为众乐之宗也【○毛氏曰有编钟有特县之钟有应律吕之钟钟之小大不一故作记者于长短广狭无一定之论然所谓铄于鼓钲之名旋干 景之制不可阙焉鳧氏要随其钟之大小斟酌以为之】

陈用之曰鳧氏为钟而考工记序言为声者盖凡为乐器以十二声为之齐量而十二声皆主于钟故也

两栻【音鸾】谓之铄【先典反】

薛氏曰钟口两角谓之栻【○贾氏曰栻铄一物俱谓钟两角古之栻器应律之钟状如今之铃不圆故有两角○王氏曰钟尚羽其声从纽栻是纽貌如诗素冠棘人栻栻兮彼注云栻栻瘦瘠貌盖钟两角处尖细故曰栻】钟之所先故名铄【○王昭禹曰铄言其净如洗以其无隧之文故也】

铄间谓之于于上谓之鼓鼓上谓之钲【音征】钲上谓之舞郑康成曰此四者钟体也○郑锷曰钟口两间其名曰于郑氏谓唇之厚形褰袪然为于盖于者宽缓不迫之义记曰易则易于则于钟声之发欲其缓故谓之于【○图说曰钟声铿其声欲缓故下着之形屈而不正犹气之于名之曰于○薛氏曰气之上达谓之于于言其和也】○王昭禹曰鼓以作为事凡作乐谓之鼓于上作而击之之处谓之鼓○郑锷曰鼓之上声之所止之处其名曰钲钲言声之所由止也用兵者以鼓进以金止作乐则戒在于不已而至于流也故钟之制有鼓以作之又以钲而止之【○陈用之曰钲之为言正也左右上下此居正中】于钲之上其名曰舞唯舞者之舞蹈厉有节铍之有舞盖或作或止于是而节【○俞氏曰舞在钲上声之震动于此者故云舞○陈用之曰以舞为义言发 其体从此也】曰铄曰于曰鼓曰钲曰舞凡此五者皆钟之体因其声之所生而制名也

舞上谓之甬甬上谓之衡

郑锷曰甬如甬道之甬言可往来而不穷也舞以为节其作止则其用可以往来而不穷故舞上名曰甬【○陈用之曰言若甬生出焉】甬上谓之衡者横在甬上平正而不欹侧故名曰

衡【○王昭禹曰衡用权以称物而平之为主也甬上其势正而钟賴之以取平焉故谓之衡】曰甬曰衡凡此二者皆钟之柄因其形之可见而制名也

钟县【音 县】谓之旋旋虫谓之干

郑康成曰旋属钟柄所以县之○郑锸曰其形如环环则有盘旋之义县钟则假物以为之附着钟偃于此若盘旋然【○陈用之曰言其饰之盘旋】于旋之上为虫形以饰之所以为固其名曰干则有正固之义盖旋虫则假物以为设饰钟系于此益致其坚固也易曰贞固足以干事【○陈用之曰言所恃以强固】自汉以来钟旋之上以铜篆作蹲熊及盘龙兽名辟邪皆周之旋虫也

钟带谓之 间谓之枚枚谓之景

郑锸曰钟有铉有于有鼓有钲有舞其名不可辨乃为之带如衣之带然所以介而辨之其介凡四其名曰 如 刻之 以发隐为义如夏 之 又以文饰为义为之介下以发其隐且以饰焉 间四处每处有乳各九四九三十六凡钟有乳三十六枚别无可数故名之曰枚【○王昭禹曰数事以条数物以枚 间有钟乳以夹鼓与舞故 间谓之枚】枚谓之景者日之光谓之景枚景一物而二名犹栳与铉皆一物也

于上之攓【音摩】谓之隧

郑锸曰上云铉间谓之于谓钟唇也于之上所击之处谓之攓攓言击之久而必敝如磨然也其攓之处又谓之隧隧如隧道之隧隧而深也本造钟之时必窒其形故谓之隧輿人为车三分车广去一以为隧隧车輿之深也与钟隧其理则同【○郑康成曰隧在鼓中窒而光有似夫隧】

赵氏曰自旋虫以上谓之景所以为钟之饰凡此诸体之名或即其体或言其用或取其象或指其物各有其义

十分其铉去二以为钲以其钲为之铉间去二分以为之鼓间以其鼓间为之舞脩去二分以为舞广

郑锸曰此一段言钟之制非一定如此也假设而言其长短广狭以为造钟之法即此数而加減之则十二钟之制皆推而知钲欲小于铉而铉间欲与钲相应铉十分而去二以为钲则钲八分矣又以钲为铉间则铉之间如钲之径此钲铉相应之数也又取铉去二分之一再取其二分以为鼓间鼓之径居铉间之六则鼓间六分矣又以鼓间为舞脩则脩之径与鼓间亦居铉间之六俱六分也此鼓舞相应之数也脩径也舞之上下促以横为脩以从为广此脩则言其径而已又取铉去四分之外又去二分以为舞之广之长也舞长居铉间之四则舞广四分也凡此大约言钲之径居铉径之八而鼓间又居铉径之六铉间与钲之径相应鼓间与舞脩

相应舞间之方常居铙之四舞间方四则鼓间六分亦其方也郑康成谓鼓六铎六舞四则此钟口十者其长十六也然必以间为言者何也盖钟带谓之 所以为介辨于介辨之中则谓之间○赵氏曰据此则此钟果高二尺二寸半口径果一尺四寸矣然铎居铙径之八乃曰六者意者凡言间者除了两边带只论带内铎虽八除了带止六也经虽不言铎间以类推之可知何者以经与注之意并图之样当如此算盖十分铙去二为铎是并铎带论之以铎为铙间则铎带在铙之间而铎间则正言也经所以不言铎间特言铎者正谓此也至于去二分为鼓然鼓却无带占去分数舞纵四分横六分注却只说舞闲方四縁横去三分以为之间则间者岂非只论带之内而然乎【○王昭禹曰凡钟之制皆下侈而上敛故铎之径居铙径十分之八而铙间则与铎同】

以其铎之长为之甬长

郑锜曰郑康成言铎间六若以铎长六分为甬之长则失之太长故为之甬长者并衡甬而言也然经文不言铎长之数康成意之也

以其甬长为之围参分其围去一以为衡围

郑锜曰为之围者其围之径与甬之长相当也○贾氏曰自两栳已上至甬皆下寛上狭衡又在甬上故宜小于甬一分

参分其甬长二在上一在下以设其旋

窦氏曰旋即环也形如璧美用之以并属○赵氏曰为钟置甬又置衡者盖钟柄高则重重则镇坠得钟住短则钟掉而柄易断若只有甬而无衡则柄低短矣穿旋于中宁无磨齧之患若甬衡一般大则柄又太重矣所以甬上又为衡者欲钟柄长而重也以其钟所取正故谓之衡正在甬上直出者礼书谓横甬上者未达三分甬长以甬长而三分之也二在上一在下以设其旋注谓令衡居一分则三分旋亦二在上一在下以旋当甬之中央盖總甬与衡而言也衡居一分甬居二分旋则穿于甬之正中旋下有一分是甬是一在下也旋上有一分甬一分衡是二在上也如此三分其旋旋亦二分在上一分在下注说极是所以如此者欲旋穿之上甬衡稍长则不唯镇得钟住又旋卒急磨齧甬上金锡不尽用得久长而柄不断也【○李嘉防曰铙与鼓皆言间脩不言广铎不言间及广脩只曰以铎长为甬长以其甬长为之围三分去一以为衡围先王不言分齐盖以在前者可以推类知也】

薄厚之所震动清浊之所由出侈弇之所由兴有说易氏曰大钟以鼓间十分之一为厚小钟以铎间十分之一为厚则为厚薄之中今鳧氏言薄厚未免乎震动必有不得其中者○赵氏曰厚薄者谓铸钟失之厚薄不匀也震动者作而起发谓之动动而远闻谓之震谓击钟而有声○毛氏曰说意也不直曰意而谓之说者意或隐微必待解说而后见钟形之不中则有厚薄钟口之不正则有侈弇厚之所震动则其声石薄之所震动则其声播欲知石播之病则其说在于厚薄之间而已侈之所由兴者其声为柝弇之所由兴者其声为郁欲知柝郁之病则

其说在于侈弇之间而已厚薄侈弇言其形清浊言其声钟小而长则其声舒而远闻此太清之所由出钟大而短则其声疾而短闻此太浊之所由出或以形言或以声言睹形可以知其声闻声可以求其形凡以相明也○陈用之曰声出于器有说可推下文所谓已厚则石至长甬则震乃其说也得其说而以类推焉然后能去病而得其所谓善者典同以辨声为职其言不得不详晁氏为钟记其为之之法足矣不必悉举也

钟已厚则石已薄则播

郑锜曰此所以说夫震动之由也体失于太厚则声如石坚实而无声也体太薄则声播布散而不聚也

侈则柝弇则郁

毛氏曰此说侈弇之所由兴也○郑康成曰柝读为咋咋然之咋声大外也郁声不舒扬○郑锜曰口太侈则中央约其声迫柝则出去必疾口太弇则中央宽其声郁勃则收而不扬此皆钟之形不中乎度其声之病则然也则清浊之所兴其本于此

长甬则震

郑锜曰以其钲之长为之甬长则钟柄亦声之所寓不可失之太长太长则声必震震掉也言其动摇不定也王安石以为声震而远闻失之

是故大钟十分其鼓间以其一为之厚小钟十分其钲间以其一为之厚

赵氏曰大钟即礼书所谓十二辰之钟诗书言镛者是也小钟经所谓编钟是也国语曰细钧有钟无镛昭其大也大钧有镛无钟昭其细也左传伶州鸠曰钟音之器也小者不窳大者不𦏧则和于物今钟𦏧矣钟信乎所尚有小大而制有长短也据注云鼓居铙十分之六钲居铙十分之八然鼓在铙间无带钲却有带除带之数钲与鼓同居铙十分之六上文所以言钲间鼓间至钲只言钲不言间者盖间是带间故也不言间者是并带算也夫钲鼓既同数今大钟十分鼓间小钟十分钲间皆取一以为厚无乃大钟薄而小钟厚乎注云若言鼓外钲外则近之盖鼓外有铙间乃有二分阔钲外只有一分阔此言鼓间钲间谓鼓外钲外也礼书以注疏为误谓钲体居铙之六与鼓间同钲间又杀与鼓间异盖钲间虽六分钲间却无六分鼓间六分然鼓间皆谓之鼓鼓间则阔况钟上敛下侈不应钲鼓一般阔兼之经只说间即不曾说外若就间内十分取一尚得若就外十分取一鼓钲外共有三分能几阔更就中十分取一钟无乃太薄此说极好

钟大而短则其声疾而短闻钟小而长则其声舒而远闻

郑锜曰钟形大而短短则浅而躁故其声疾疾言出之速也然形太短则其竭也必易此所以

短闻也钟形小而长长则安而深故其声舒舒言其鸣之迟也然形太长则其息也亦难此所以远闻非闻及远也谓声之久而长远也【○贾氏曰声舒远闻亦不可是以乐记云止如槁木不欲远闻之验】

为遂六分其厚以其一为之深而圆之

王昭禹曰遂则于上之攴谓之隧是也郑康成曰厚钟厚深谓室之也其室圆【○贾氏曰初铸之时即已深而圆以拟击也】取其厚之一分而为之深则所击之处当深六分之一而已深而又圆之所以受击宜圆故也【○王昭禹曰深取其厚之一则不伤于钟之体势取其圆而不方则有运而行之意】○李嘉会曰遂者发声之所今而圆之则就圆中击之声从中发而内外相应矣

郑锲曰典同所谓钟之形声者十有二此惟言薄厚侈弇四者盖为钟之病大槩不出于是四者故也景王将铸无射单穆公曰先王之制钟也大不出钧重不过石律度量衡于是乎生小大器用于是乎出然则薄厚侈弇病之所由始欤

周礼订义卷七十三

卷七十四

<经部,礼类,周礼之属,周礼订义

钦定四库全书

周礼订义卷七十四 宋 王与之 撰

防氏为量

王昭禹曰栗之为果有坚栗难渝之意先王之为量使四方观之以为则万世守之以为法以立天下之信而无致渝焉所以名官谓之防氏【○郑锷曰言王之坚则曰缜密以栗言风之急则曰二之日栗烈妇人之费用栗取其谨飭而坚守也】

改煎金锡则不耗

郑锷曰量所以量多寡摩于物者其敝必易故必改煎金锡以为之使之缜密而坚实然后磨而不磷坚而不耗改煎者煎而又煎则消融者去已尽矣其所留者皆其精而不能减耗者矣六分其金而锡居一谓之钟鼎之齐量与钟鼎同齐而不同工者岂非以其用金锡又有改煎之法故欤

不耗然后权之权之然后准之

赵氏曰准谓既锻炼了金锡令平正之齐其块之大小也○郑锷曰准是准其金锡六分金一分锡准其多少也准平也知其轻重又欲平其多寡【○毛氏曰将煎金锡固当称之而不能无消释既煎矣又从而称之】

准之然后量之

郑锷曰准以平其多寡量乃量其多寡以纳于模范之中疏谓假令为两鬴必为两模其说正谓此【○贾氏曰量谓既准讫量金汁以入模中铸作之时】○赵氏曰此只是说金锡材料权准言未铸时量言正铸时皆是称度金锡多寡上下文可覆

量之以鬴【音甫】深尺内方尺而圜其外其实一鬴其鬻【音豚】一寸其实一豆其耳三寸其实一升

赵氏曰鬴正是量之身鬴形深一尺内方一尺其外却圆鬻量足也其底深一寸耳量两耳也深三寸鬴处中正为量身注谓内方尺者据鬴里面向下处圆其外者外谓向上口唇处绕口

圓之又厚以为之唇耳在两旁可以手举臀为量底正鬴之下着地者鬴仰以受物臀覆以受物耳疏谓覆之所受解谓仰以受物以理推之恐是仰以受物盖臀被鬴盖了不得不覆以受物耳在上无所遮蔽何用覆以受物内方者不变之体外圆者无穷之用○郑锷曰覆鬴用底底深一寸可容一斗覆鬴用耳耳深三寸可容一升○王氏曰内方而外圆则天地之象一寸三寸则陰阳奇耦之义

毛氏曰量之为器有自十而登者若班固所称是矣有自四而登者若左传所称是矣今记所载亦以四为节○赵氏曰周用四营之数四龠为合四合为升四升为豆四豆为区四区为鬴其实一鬴则四区计六斗四升也其实一豆则四升也其实一升则四合也鬴为六斗四升其说不可易矣彼云自龠而斛皆以十衍之者乃西汉之量观律历志言自龠而斛皆以十计之殆倍半于周量之数岂可与防氏同论周用指尺八寸为量汉用秬黍十寸为量大小本不同礼书亦谓周以鬴为量止于三升豆鬴是也汉以斛为量为法备于龠合升斗斛是也法止于三故自升而上登之以四则升四而豆豆四而区四而鬴故鬴六斗四升法备于五故自合而上登之以为升升十为斗斗十为斛故斛十斗周制旁为升臀为豆腹为鬴汉制左耳为升右耳为合龠至于豆释疑谓古者或以木或以瓦木豆实四升醯人言四豆之实是也瓦豆实十升旅人言豆实三而成斛是也梓人所谓豆亦瓦豆尔臀之实当与木豆同数然亦不必如此说盖豆止实四升周礼中并无一斗之豆筴人掌四筴之实注谓筴如豆其实皆四升醯人掌四豆之实与旅人豆实三而成斛注亦谓豆实四升如舍人共簠簋注云豆四升簠簋实三豆皆一斗二升惟梓人注改豆作斗此乃注之误礼书云一献而三酬非谓三番酬谓献以一升而酬以三升也并而计之为四升观此则防氏之豆实四升明矣但耳实一升而升之中则别合与龠径十分左右不必问也

重一钧

陈用之曰三十斤为钧积万有一千五百二十铢圣人衍易以万有一千五百二十当万物之数盖万物之情参差不齐至于钧而止量以量物不可偏也故其重取钧然则权度之用不然乎曰权衡量其法始于权而成于量量如此他可知矣

薛氏曰防氏之鬴深尺内方尺而圓其外其重一钧律历之斛亦方尺而圓其外其重二钧其方尺圓外则同其所容之多寡所权之轻重不同者以尺有长短之异也周人璧羨之制从十寸横八寸皆为度尺鬴亦如之则外深尺者十寸之尺也内方尺者八寸之尺也自方八寸而八之则为方六十四寸汉无八寸之尺斛内之方皆十方也故言方尺而不言深尺自方十寸而十之则为百寸此其实所以不同也故周量方尺而狭故其实一鬴而重一钧汉量方尺而大故其实一斛而重二钧二钧犹不失周人权衡之制而尺之长短则差矣后世不特尺之差而并失其权衡之制晋氏之迁亡其彝量后世小大之制增损不同在隋以三升为一升三两为一两一尺二寸为一尺开皇十七年校正张文收所定律云以常用度量校之尺当六之五衡皆三之一此隋之制也唐用隋制本朝因之着为令式李昭议乐乃用太府尺自为其法六其龠为合十合为升十其升为斗九升五合得太府量斗十斗为尺校太府尺得七寸八分六厘权衡一斤得太府七两二十一铢半弱则古之权衡度量至汉而失隋而增今而倍之范镇

乐书云开皇官尺今之太府尺是也今之权衡亦古之权衡也臣今所铸编钟之黄钟重半钧周之鬴重一钧汉之斛重二钧其声皆中黄钟乃知尺与权衡相传至今不变唯量有不同今之太府量比古量半之夫史书以开皇变古之度量衡而增其数镇以声合黄钟而谓隋尺为古尺不知镇所谓声合黄钟者果真与古合乎古人之制失于汉增于隋而倍于今镇乃认今尺为隋尺以隋尺为古尺故谓今之黄钟重半钧而周之鬴一钧不知周公之一钧即今之半钧也量比古得其半其半即古人之全也权度既失尚足以言量乎

赵氏曰一市之间用量亦众矣若如防氏之制民得量而用不亦难乎又况三十斤之重何以运用而举之乎又升合鬴萃于一器何以分别而量物乎以理究之意者周时止铸一量藏于王府又铸数量每侯邦则予一量亦使藏于侯府周公颁度量是制定于上使民仿其制而自为量欲为升则放王府之鬴耳欲为斗则仿王府之鬴鬯俾多寡之数须依王府量若民妄自增损或侯邦家量贷公量收则以王府之制正之或量法亡则依此制亦可再举行舜巡狩同度量是也所以下文继之以永啓厥后兹器维则

其声中黄钟之宫

王昭禹曰黄钟为律之本而宫为五声之纲量之所制其本起于黄钟之龠其成声也又复于黄钟之宫岂非以天下之法于此乎出而五则之法于此乎成欤【○毛氏曰十二律以黄钟为首五声以宫为君必取黄钟之宫为之声者明制器之出乎君故也非特此也律首黄钟得黄钟之声可以制余律声出于宫得宫可以正四声先王寓其声于鬴者亦犹寓度于璧羨是又藏礼于器之意】

薛氏曰古者神瞽考中声而制量则知量法本起于黄钟之龠盖黄钟中声也其始以秬黍为之容故其实一龠律长九寸而余律皆起于此是以五度之法皆起于其长五权之制皆起于其重五量之容皆起于其龠而众法具焉量之所容既起于黄钟之龠则四龠而合四合而升四升而豆四豆而鬴其制一定初无毫厘之差则量之成而中黄钟者亦自然而然也况乎五度皆起于黄钟之长而鬴方尺深尺有合乎黄钟之度五权皆起于黄钟之重而鬴之重一钧有合乎黄钟之权量之成而中黄钟也宜矣郑氏以黄钟之宫为应律之首不知其制惑矣○郑锷曰声无形而寓于器声亡而器存则声可复矣故得度量权衡者可以制律而调律者亦可以制度量权衡此量起于律而声欲中律之首之意

槩而不税

陈用之曰槩平也谓斗槩以竹木为之五量资之以为平月令仲春正权槩管子曰釜鼓满则人槩之但欲平而已非有取之之意

赵氏曰谓防氏之量是官量在司市所以勘验诸廛而不容加也【○易氏曰槩所以平物也不税所以公天下也后郑以为守斗斛者之税非谓斗斛有税也以斗斛受其税耳不然则角人之齿骨以度量受之岂皆谓之税哉以此量槩之平通用于民亦通用于官此所以为不税

】

其铭曰时文思索允臻其极

郑康成曰铭刻之也【○贾氏曰谓在模上刻之】○郑康成曰时是也允信也○毛氏曰极至也言文德之君有经纬之文故思索能造其理之至处也扬子曰存神索至此之谓也○易氏曰圣人制量本乎黄钟之龠五权五度六律六吕皆始于此而礼乐寓焉非时文之君何足以探制作之理中庸曰有其位而无其德不敢作礼乐有其德而无其位不敢作礼乐德与位兼者非时文而何惟时文之君内忠于心外索于物信臻乎是理之极【○郑锷曰古者作为铭文皆所以诏后世非苟一文以为工此铭量之人自谓作是铭文以铭此量非苟为铭盖深思精求所以制作之道知其为是量也允信乎臻于至极制作之用至矣尽矣后世不可复加矣】○王昭禹曰先王以天下之法所以摧坏而不明者常自器始所以僭差而不一者常自量始五量之法苟或亡焉则后世无所取则故为之铭焉所以识之使天下后世由是文而思索以通其意则五量之法信归于中而有以庇民也

嘉量既成以观四国

王昭禹曰嘉者美之至而合礼之善也五量既成其为器也实以藏礼其为礼也实以教中故谓之嘉量○郑康成曰以观示四方使放象之【○陈用之曰嘉量既成于是以观四国俾咸用之观与中正以观天下观兵于盟津之观同观四国使同其用则虽有私智无所施也】

永啓厥后兹器维则

郑康成曰永长也厥其也兹此也又长启道其子孙使法则此器长用之【○郑锷曰啓如啓迪我后人之啓】○易氏曰则谓五则之则非特后世五量取则于此如五权之轻重五度之长短六律六吕之高下亦皆取则于此○王昭禹曰嘉量既成以示四国则四国莫不于是而取中以示后世则后世莫不于是而取法然则先王出之以内宰掌之以司市一之以合方同之以行人凡以观四国而使之有所则焉故也昔舜之巡狩所以同度量孔子亦曰谨权量而四方之政行焉凡以天下之法于此为重故也后世变乱是则者乃以公量收私量贷此陈氏所以窃民誉庄周欲剖斗折衡而民不爭者亦有激而云

凡铸金之状金与锡黑浊之气竭黄白次之黄白之气竭青白次之青白之气竭青气次之然后可铸也杜氏曰状铸金之形状【○贾氏曰此铸冶所候烟气以知生熟之节】○赵氏曰成周铸量须用金锡相和欲坚明不裂也此独言金者盖金有三品银铜铁锡皆谓之金○郑锷曰欲铸金以为器必先消炼之以求其精消炼之精麤必观其气候气候者消炼之烟也五行木生火火生土土生金然则金者稟气自东方之木托形于中央之土青者木之色黄者土之色木犹金之父土犹金之母而白者西方之色乃金之本质也黑浊者阴阳不辨之气也始而煎之则黑浊之气生盖金锡相杂两者交战于烈火之焰故气之上达者当然也是气竭则黄白次之盖金土之气始见及其久也黄白之气竭则所以托形为母者尽矣然后青白次之

是则受气之父与本质皆见矣久而青白之气竭而青气独见则金之本质之气亦不复留惟所以受气者独存则其反本复始归于其初将百炼而不耗矣如是乃可铸也【○陈用之曰轻清者阳也重浊者阴也凡得阳之气者皆轻以清得阴之气者皆重以浊自物质观之轻清者其精者重浊者其麤者也铸金之状以青气为度青之为言精也自黑浊之气一变而至于黄白再变而至于青白则革者屡矣然昏昏乎其犹有恶也必至青色之纯而后精者得焉斯不亦治之至乎夫如是故其为器也其明如燎其净如洗其泽如沃而用之可久矣】

李嘉会曰铸金之状不止于量独于量言之铸金莫急于量也

段氏【阙】

易氏曰段氏为铸器以序工知之凡农器耕以钱耨以铸获以铎铸之为利大矣臣工之诗曰庠乃钱铸庠具也良耜之诗曰其铸斯赵赵刺也周家以农事开国而盈成之世以此为告成功之颂宜乎段氏以铸器专其职而记考工者又以粤无铸为首称即此意推之则段氏虽亡而不亡矣

函人为甲

赵氏曰孟子曰函人惟恐伤人谓之函者取其包含之义甲能包裹人身物不能伤所以名官以函人也传说告高宗曰惟甲冑起戎鲁侯誓师曰善 乃甲冑盖古人用兵本以自衛故以甲为重

陈祥道曰甲亦曰介曰函曰铠则甲犹植物之有甲也介犹互物之有介也函所以周其身铠所以致其愷经言甲而不及铠则古者之甲以革为之后世乃用金耳管子曰蚩尤以金为铠不可考也

犀甲七属【之树反】兕甲六属合甲五属犀甲寿百年兕甲寿二百年合甲寿三百年

郑康成曰属谓上旅下旅札续之数○贾氏曰谓上旅之中及下旅之中皆有札续一叶为一札上旅之中续札七节六节五节下旅之中亦有此节【○毛氏曰凡甲以皮为之其皮方正析而成片如书札之札故谓之札札之相重如木叶之续故谓之叶札叶相连而成列相属焉故谓之属】○郑锷曰属连缀之义上旅下旅以札相续其名曰属取其连属也○赵氏曰用革须要坚实所以必择犀兕之皮为之○郑锷曰犀皮虽坚然生于水水柔物也故不若兕兕兽之尤暴猛者也然兕皮虽坚又不若合皮之为坚也皮坚则札长皮不坚则札短犀皮甲不甚坚故七属兕皮甲稍坚盖其札长故以六属相续而成也至于取兽之皮去其里而取其表以二皮之表相合为甲则其坚也极矣其皮坚则札长故五属而成可也犀皮可以延百年之久兕皮可以延二百年之久合皮可以延三百年之久皮愈坚者寿愈远也然古之合甲者亦罕闻惟犀兕为常故左氏载华元弃甲之事曰犀兕尚多弃甲则那荀子言楚之人蛟革犀兕以为甲越语言夫差衣水兕之甲亿有三千岂犀兕为常欤则合甲其费倍故也

陈用之曰犀甲兕甲指其物合甲言其工○李嘉防曰甲资线以为固纵甲可寿百年二百年三百年线必不可如是之固盖言寿者非言线言甲耳线则久而可易也

凡为甲必先为容然后制革

郑锷曰为甲必制革以为札札叶也一叶为一札制而裁之岂可失长短广狭之度故必先为容然后乃裁割之容谓人之形有长短小大制甲将以衣之必先为之式象【○赵氏曰象式谓看人形容了却自做个样制故谓之容必甲恰好容其身而后可】○王昭禹曰为劒者必审上下之制为弓者必辨安危之人则为甲者亦然因服者之形而为之容以之制革则无赘亏之患

权其上旅与其下旅而重若一

贾氏曰谓札叶为旅者必以札众多故言旅旅即众也○郑司农曰上旅谓要以上下旅谓要以下【○贾氏曰上旅谓衣下旅谓裳春秋 曰弃其甲裳】○郑锷曰上旅之续札有七节者有六节者有五节者下旅之续其节亦然称其上旅下旅之叶使其重如一然后被甲者无上下不等之处于战便矣

以其长为之围

毛氏曰长言从围言横从横而尺数同假令旅长三尺合前后之围亦三尺【○郑锷曰上旅言其长也若夫腰围之广惟取其一旅之长以为之广如此则长短广狭又如一矣】

凡甲锻【丁乱反】不挚【音至】则不坚已敝则挠

郑锷曰锻者治皮之名锻皮为甲不可太过又不可不及挚谓熟之至也锻治不至于熟则不坚熟之太过至于敝困则甲必柔而易曲惟无过不及然后为善

凡察革之道

赵氏曰此是论察革之节目盖衛人者在甲为甲者在革革之美恶由人锻之善否察不详不知其病故察革亦有道焉○郑锷曰车之行也必假于轮之圆察车者必察其轮是为得察车之道甲之制也必由于革之坚察甲者必察其革是为得察甲之道然察车不言察轮而察甲乃言察革者盖轮未成则车不可得而察察轮言察车则要其已成然后知也甲未制则革先在所察甲言革则自其未成必欲知之也或知之于未成之前或知之于已然之后各因其器而致精焉兹其所以为有道也故曰察革之道

眡其鑽空【音孔】欲其窻【音宛】也

毛氏曰凡言眡者以目视之○郑司农曰窻小孔貌窻读为宛彼北林之苑○郑锴曰坚革虽鑽之以孔而孔不寬故眡其鑽孔欲其窻窻者其孔闭而不开也

眡其里欲其易【去声】也

郑锴曰鍛革之熟则革之里必平易而无败蕤故眡其里欲其易易者治之精而无蕤也与孟子以百亩不易为已忧之易同【○毛氏曰易者和易而不乖言扎叶之相续若不相得则必乖而不易○陈用之曰易谓坦易而明】

眡其朕【直忍反】欲其直也

赵氏曰朕谓革之制樣以其有端倪朕兆可见也但锻炼未成之时眡之方可言朕若鍛成则形迹显然不可言朕矣苟直而无挠则其制善而无恶故下文继之以制善也

毛氏曰里非不欲直外非不欲易凡以相备云尔

橐之欲其约也

郑锴曰橐谓甲之衣制甲已成卷藏于橐中则欲其约约者缩而小也弓矢之衣谓之橐故记曰甲若无以前之则袒橐奉冑与此橐之欲其约同【○郑司农曰春秋传曰橐甲而见子南】○赵氏曰此是鍛得革软熟故卷时甚少如此革密致而能周革内更无少生硬处故下文继之以周也

举而眡之欲其丰也

毛氏曰举者以手举之○郑锴曰丰者侈大之貌举甲而视之则欲其虽小而若大虽狭而若侈故曰欲其丰

毛氏曰橐而藏则见于不用故欲约之则小而易制举而张则见于临事故欲丰之则足以周其身自非鍛之至造之精何能丰约而随体哉

衣【于既反】之欲其无齟【户界反】也

毛氏曰衣者以身被之○郑锴曰齟者齿之介辨也齿齟则齟齬不齐衣甲于身则欲其甲叶不相参差无若齿齟而不齐故曰欲其无齟【○毛氏曰人之临敌坐作进退不一衣宜从欲故欲不齟齟音械谓齿噤也齿怒也噤而怒则梗而不通衣之不能从欲矣】

眡其鑽空而窻则革坚也

郑锷曰此又覆说上文革不坚则孔不窻孔之窻则知其革之坚实矣

眡其里而易则材更也

陈用之曰更谓材更之而可久【○郑锷曰材不更则裹不易里之易则知其材之累更锻治也】

眡其朕而直则制善也

郑锷曰朕之直者必其裁制之尽善○毛氏曰众札相比未必上下之直惟善制者矫枉以为直合异以为同所以致其朕之直

囊之而约则周也

郑锷曰制之周密而不宽故囊之必约周如周于德周于利周言其密也

举之而丰则明也

郑锷曰色泽鲜明则人视之虽小若大故举之而丰明如三辰旂旗昭其明言其着也

衣之无斲则变也

郑司农曰变随人身便利【○郑锷曰其制巧妙随人身更变所衣者宜故衣之无斲变如上下无常惟变所适之变○易氏曰衣甲于身以无斲齧为利则回旋而适于用】○毛氏曰上言材更据制时言之此言变据衣时言之

總论

李嘉会曰皮坚则难入今而窻则革坚矣两皮合缝易于突今里面和易则材必更练矣两面朕直则制直而不挠卷而约则致密而周举而丰则四面皆见而无隐衣之无斲则坐起拜跪皆便而能变通也陈用之曰甲以自营戎事所先先王于此尤致其悉焉书曰善穀乃甲胄敌乃干无敢不吊甲也胄也干也所以自保者尤所当急故既言善矣又言吊也即是三者言之甲又在所先焉函人所记之详得无谓乎

周礼订义卷七十四

卷七十五

钦定四库全书

周礼订义卷七十五 宋 王与之 撰

鲍人之事

郑康成曰鲍故书或作鞣【○郑锷曰鞣人治革则字之从革为近今从鱼字恐无谓也】○陈用之曰说文鲍柔革之工【○郑司农曰苍颉篇有鲍莞】然皮而去其毛为革熟之为韦考工所记既有韦氏而鲍人所记又皆柔革之事盖韦氏之篇亡矣所掌不可得而攷而鲍之所掌皆治革而柔之之事○王昭禹曰鲍人治革虽以一物之微而作治之效为多或用之为鞣饰或用之为器物一皆取足于鲍人所以独言鲍人之事也与夫画绩之事车人之事皆言事同意

望而眡之欲其荼白也

郑锷曰治革者以色之白为美故逡而视之欲其如荼之白茶者先儒以为茅莠也诗曰谁为荼苦菜也叶似苕而细断之有白汁非此所谓荼白也茅之为物洁白易曰借用白茅茅本自白矣茅之始生者曰萑则又柔而白也欲其荼白盖指茅之萑为荼也○易氏曰凡革之制望而眡之其色多晦今欲如荼色之白

进而握之欲其柔而滑也

郑康成曰谓亲手烦捫之○郑锷曰锻革至于极熟则握之必柔而滑进而握之以手欲其柔滑盖以熟为贵

卷而抐【音转】之欲其无迤也

郑司农曰卷读为可卷而懷之之卷抐读为防一如璫之防谓卷防韦革也迤读为既建而迤之之迤无迤谓革不□○陈用之曰卷而抐之欲其无迤迤邪行也治革而厚薄不常则卷而抐之而文理邪行矣故欲其无迤

眡其着欲其浅也

陈用之曰所谓着之于物○赵氏曰浅薄也○郑锷曰革若调善则铺着之处虽厚如薄故谓之浅其着者浅则调善可知

察其线欲其藏也

杜氏曰线谓缝革之缕○郑锷曰革若坚缩则受缕也必没而不露其线若藏则革之坚缩可知

革欲其茶白而疾澣之则坚

郑锷曰此又覆说上文○王昭禹曰革色白如茶莠其质虽美必疾澣之不使久居水中则坚而难坏【○郑锷曰疾者革体之急疾也苟其体之急疾及其濯之以水则必坚矣盖物体之缓散者见水则益弱皮以坚为体故澣之欲其坚非疾则不能坚也】

赵氏曰此革既欲茶白又欲柔滑则知不为甲明矣又甲用生皮鲍人乃熟皮鲍人之革谅是为裹鞬矢箠鞞舄之类要柔栗光白皮方可用韦氏却是工于穿防皮条为韦弁等物

欲其柔滑而脮【音渥】脂之则需【音软】

郑司农曰脮读如沾渥之渥【○赵氏曰如诗既优既渥言渐渍之厚】 读如柔需之需【○赵氏曰需言软也】谓厚脂之韦革柔需○郑锷曰革虽欲其握之柔而滑然又以脂为贵脂者革体之润泽也苟其体之润泽及其用脂以治之则必需矣盖物体之焦枯者脂之而不相入皮以需为用故脂之欲其需然非握则不能需也今治皮者多用脂膏以柔之盖古之遗法软需与软同谓柔弱也○毛氏曰澣欲疾脂欲厚盖用脂可过用水不可过

引而信【音伸】之欲其直也信之而直则取材正也信之而枉则是一方缓一方急也若苟一方缓一方急则及其用之也必自其急者先裂若苟自急者先裂则是以博为𦨇【音践】也

毛氏曰引而伸之以下数句当在卷而 之之后脱误在此○郑锷曰革若引而伸之平正而无邪曲则是始焉取其材之端正而不偏若伸之而邪枉不正则是左右二方必有缓急之偏如左右有缓有急则他日用之其急处先裂急处先裂则是用博大之物裁翦为小狭之物也何则革体既博一方先裂不可弃也必裁去其裂者而用其不裂者则坏广为狭也故曰以博为𦨇𦨇与小戎𦨇𦨇之𦨇同𦨇𦨇小之貌

卷而抐之而不迤则厚薄序也

郑康成曰序舒也谓其革均也

愚案此又覆说前之卷而抐之宜其邪迤而突出能不迤者必其厚薄有序均一无差故尔

眡其着而浅则革信也

陈用之曰信读为屈信之信谓不缩急也

愚案所附著者厚厚不能使之薄能浅其著者由革之伸直无缩缓故尔

察其线而藏则虽敝不𦏧【音吝】

郑司农曰𦏧读为磨而不磷之磷谓韦革缝缕没藏于韦革中则虽敝缕不伤也

鞀人为臯陶

赵氏曰成周制鼓其冒以革其质以木臯陶即鼓之木名注云谓之臯陶者正言鼓木是也臯言始也陶言中虚如陶穴然也鼓始于斲木以为质终于制韦以成声臯陶之义取此鞀字无意义可解【○李嘉防曰鞀字从军鼓用于军鼙鼓用于师役正鞀人之事】

长六尺有六寸左右端广六寸中尺厚三寸

易氏曰谓鼓木之版此鼓二十版每版两头各广六寸其围丈有二尺而鼓面径四尺矣中尺谓鼓板之中一尺其围二丈其鼓之中径六尺六寸三分寸之二矣此鼓之中径即所谓穹者而复言穹者三之一如鼓面径四尺则版穹一尺三寸三分寸之一两面倍之则二尺六寸三分寸之二加鼓四尺则穹径亦六尺六寸三分寸之二正与上文六尺之径合○王昭禹曰左右端与中广虽不同而版之厚则同于三寸

穹者三之一

毛氏曰天中高而四垂故其势穹而版亦中央起两端敛故其中央谓之穹言穹则与贲围亦异矣围合四围而言穹则据围之半言之耳合穹成围穹加鼓面三之一则围必加三之二谓鼓广径四尺其穹五尺三寸三分寸之一其围六尺六寸三分寸之二矣郑康成曰穹隆者居鼓面三分之一其鼓四尺者版穹一尺三寸三分寸之一也倍之二尺六寸三分寸之二如鼓四尺穹之径六尺六寸三分寸之二此鼓合二十版【○贾氏曰经不言版数而郑知版数者以上下相约而知此鼓言版之宽狭不言面之尺数下言二鼓皆面四尺不言版之宽狭明皆有鼓四尺乃鼓版之宽狭也】

上三正

赵氏曰上三正谓鼓版凑合就要两头趋革冒处并中央一平作三节平直两头虽邪下去然亦要正直去否则不成面四尺但要棱角起不要弧曲如臯鼓之磬折曰上三正者言数鼓匡上有三处平正穹处一直也注谓三处居二尺二寸以其长六尺六寸故也

郑锜曰此鼓版长六尺六寸其穹隆而上者与上下两端三处其长皆欲平正如一也上长二

尺二寸中央穹长二尺二寸下端长二尺二寸皆平正如一无长短减杀也【○毛氏曰上下中谓之三正而独曰上者省文○陈用之曰郑以正为直既曰穹矣奚以直为疑正如射侯之正言所饰也】

郑锸曰鼓人六鼓此有鼗鼓皐鼓之制其雷灵路三鼓或八面六面四面不合此六尺六寸之制以理攷之谓为晋鼓或然也【○易氏曰先儒以此为晋鼓其说未经见已上皆皐陶之制】

鼓长八尺鼓四尺中围加三之一谓之鼗鼓

郑锸曰鼓长八尺言其身也鼓四尺言其面也其中之围加其面三之一则其围五尺三寸三分寸之一前所谓穹者三之一盖其一旁所加之数故两旁加二尺六寸三分寸之二也此则只加其面三分之一耳与彼所谓穹者异○郑康成曰中围加三之一者加于面之围以三分之一也面四尺其围十二尺加以三分一四尺则中围十六尺径五尺三寸三分寸之一今亦合二十版则版穹六寸三分寸之二耳○郑锸曰鼗之为言大也【○李嘉防曰道大谓之路事大谓之鼗】长八尺大四尺可谓大矣故以鼓军事言其事之大也【○赵氏曰鼓用于军旅要声洪大所以长八尺然书言鼗鼓维鏞则不特军事用之】

为皐鼓长寻有四尺鼓四尺倨句磬折

郑锸曰皐者长也缓也惟长故缓用民之力不欲亟故长其鼓之形欲其声之缓此则用于役事是也【○王昭禹曰昔鲁筑郎囿季平子欲其速成叔孙昭子曰焉用速成以勦民也然则用民之力其可趣之使疾乎诗曰百堵皆兴鼗鼓弗胜者盖以皐陶节之使缓而不能胜其疾也】

赵氏曰八尺曰寻寻有四尺长一丈二尺也倨直勾曲曲与直要如磬折旋之势不三正也○毛氏曰凡磬之折股为二则在上者大而短鼓为三则在下者小而长今此鼓丈有二尺而磬折则自四尺而上曲而大自八尺而下直而小所以然者以鼓两面皆方四尺既不三正不曲其上而直其下则无以致鼓面之皆四尺其欲声之远闻亦不可得【○郑锸曰二鼓之面各以四尺为率者鼓以声之四达为主故也】

總论

易氏曰此经先言鼗鼓之制以军事为先次言皐鼓之制役事次于军事故也○陈用之曰鼓之名多矣此所记者二而已盖韡人一篇或言其鼓之制或言其鼓木之制或举中围以见上下使后世可触类而长之然则雷鼓灵鼓之大鼗鼓鼗鼓之小皆可知矣

凡冒鼓必以啓蛰之日

郑康成曰冒蒙鼓以革也啓蛰孟春之中也蛰虫始闻雷声而动鼓所取象【○郑锷曰雷之发蛰声震百里鼓欲其声如雷故冒鼓必取启蛰之日先王之制器其取法天道纖悉必攷有如此者】

良鼓瑕如积环

郑锷曰瑕者漆之文理也鼓之革调急则漆之也其瑕如累积玉环然盖环之累相重积其文理周围环合可观冒鼓之革苟调而急则既漆之后其文理周围环合而圜亦如环也若急而不调则其漆所慢文不能然唯如环之积乃验其为良矣【○王昭禹曰其革之调急而瑕皐陶周围若环之积于内而着见于外】○毛氏曰冒鼓欲急急则声彰然一偏急则所漆之瑕必有偏而不得如环之重积故曰良辘环灏则知其用力之均良鼓环灏则知其治革之调

鼓大而短则其声疾而短闻鼓小而长则其声舒而远闻

王昭禹曰鼓之声随其形之大小长短而已鼓大而短其势促而迫故声疾而短闻鼓小而长其势展而伸故声舒而远闻则为鼓者不可不审其然也○郑锷曰皆鼓之病与钟同

韦氏【阙】

易氏曰韦氏之篇亡矣其所掌不可攷上经鲍人之事则治革而柔之者盖皮之去毛则为革熟之则为韦革如革车之类不必其熟也韦如韦弁服之类必待熟而后可或者韦氏所掌用于弁服之类云耳

裘氏【阙】

易氏曰裘氏亡篇亦不可攷然天官掌皮为大裘以至良裘功裘此经复有裘氏亦犹春官有典瑞此经复有玉人之事或者裘氏掌其制而掌皮言其用

画绩之事杂五色

陈用之曰画为之画而已绩为之绘五采焉画绩之用不止于衣裳之间故不言其所绩而统言其事【○王昭禹曰画绩之事不过五色而已模成物体而各有分画故谓之画分布五色而防聚之则谓之绩所谓青与白相次赤与黑相次此之谓绩也所谓山以章此之谓画也故司几筵有所谓绩纯则绩而后纯有所谓画纯则纯而后画此画绩之别】○郑锷曰自陰阳判为五行五行之位正而五色遂章左传所谓天有六气发为五色是也然各奠其方各形其色未足以为文采之美惟画绩之工取五行而杂错之然后其文为可观既着为文彩则其离道也益远故以事言焉

东方谓之青南方谓之赤西方谓之白北方谓之黑天谓之 地谓之黄

郑康成曰此言画绩六色所象及布采之第次绩以为衣○郑锷曰东方震之位震为木木始生则其色青南方离之位离为火火炎炽则其色赤西方兑之位兑为金金之色白北方坎之位坎为水水之色黑天位乎上观之苍然不可得而名谓之 者以其远而最微所可见者而已 者黑色之尚微乎地位乎下土壤不齐不可得而名谓之黄者以其成物之功所最盛者黄而已黄者地色之得中乎凡取其四方上下位色之著者而名之故皆以谓之为言然其色之别有六画绩之事独以五色为言何也【○项氏曰五而六者 即黑也】盖 之与黑皆北方之色黑者阴之正北方者万物归根复命之地而纯阴之所聚也乃取其正者以名之然亦可谓之 焉自其辨而言之则 浅而黑深自其体而言之初不甚相远也然则画 黑者殆难辨也故特以杂五色言焉○易氏曰六入为 则有黑有赤赤者阳之正黑者阴之正惟天体备阴阳之正色而运此五行者也

青与白相次也赤与黑相次也 与黄相次也

郑锷曰此言画绩之事取其自然之色而合之先后次第各有所宜○赵氏曰注谓此布采之次第是绩于衣者其说恐拘盖木者金之配故青与白相次火者水之配故赤与黑相次地者天之配故 与黄相次想布采画之时青必与白相对其他亦然如画火在南边是赤必画黑色者在北边此又顺方隅之次第○易氏曰相次非次序之谓亦杂比以为设色之美而已以天地之色与四方之色并列于四时之间亦犹乾坤二卦与六子之卦并列于十二月之气

青与赤谓之文赤与白谓之章白与黑谓之黼黑与青谓之黻

郑锷曰此又言画绩之事取其自然之色而杂之文章黼黻各有其义易曰爻有等故曰物物相杂故曰文文者言阴阳之杂也青与赤谓之文者合青与赤二色相杂乃名曰文也盖东方之青少阳之色少阳柔也南方之赤盛阳之色盛阳刚也以青合赤刚柔相杂粲然可观兹其所以为文欤传曰东南为文谓此也【○易氏曰巽位乎东南万物趋于文明之地故青与赤谓之文】易曰分阴分阳迭用柔刚故易六位而成章章者言阴阳之相成也赤与白谓之章者取其阴阳之成其功最着而言之自春徂夏生者终乎假大自夏徂秋长者渐至于擎敛赤者夏之色万物洁齐而文明白者秋之色万物肃杀而刻制以赤合白阴阳相成其功着见兹其所以为章欤传曰西南为章谓此也【○易氏曰坤位乎西南万物均成于致役之地故赤与白谓之章】然二位皆合赤以为之者盖东者阳之位西者阴之正西南者阴阳之所杂东之文非赤则不能着西之章非赤则不能成也【○王昭禹曰东之青则纯乎阳南之赤则杂乎阴阳刚而阴柔杂之故青与赤谓之文南之赤则阳之生气于是乎极西之白则阴之杀气于是乎中阴出而以成阳为事故赤与白谓之章文者章之始章者文之就刚柔杂于东南而为文至西南而后章杂固其所也○包氏曰文者取其文明之义而青与赤则纯于东南之阳有文明之象焉故青与赤谓之文章者取其成章之义而赤与白则以阳而杂于西方之阴有刚柔相成之义焉故赤与白谓之章】黼画为斧形斧之为物能断制也非义则不能断白与黑谓之黼者惟义惟智然后断故也盖白者西方之金金刻制所以为义黑者北方之水水明内景其照在内所以为智以卦推之其位为干干西北也惟干刚健故能决天事之武在于是也王巾皆黼王位设黼依皆取诸此而已此白黑所以谓之黼也黻两已相背相背所以见其

辨也黑与青谓之黻者盖黑北方之色北方者万物归根复本之地藏而不见青东方之色东方者万物出萌坼甲之时见而不藏黑色在北其卦为复复者反也青色在东其卦为震震者动也反则入动则出一出一入其辨明矣人道之别在于是也黻衣绣裳以赐诸侯亦取诸此而已此黑青所以谓之黻也【○陈用之曰干位西北其道主断故白与黑谓之黼艮位东北阴阳各止其所而辨故黑与青谓之黻○郑敬仲曰斧所以立威天地严凝之气盛于西北西北用武之方黻则两已相背盖北则物藏之方东则帝出之方】○包氏曰黼取其断决其象画一斧形而白黑色是纯阴之色有决断之义且黑与白色判然不侔故谓之黼黻取其辨其象两已相背有殊异之义而黑与青是以色之阴而杂乎阳有刚柔相辨之意故谓之黻

项氏曰青以白次赤以黑次 以黄次此六色之相配者绩之以为衣青以赤继赤以白继白以黑继黑以青继此五色之相生者绣之以为裳

陈蕴之曰绘事则青白赤黑 黄而对方绣事则青赤赤白白黑黑青而比方何也绘阳事也阳则尊而不亲故对方而不比绣阴事也阴则亲而不尊故比方而不对

五采备谓之绣

赵氏曰五采备是上五色备具然后谓之绣注云绣是施于裳此杂五色皆绣于裳者【○易氏曰书言六章之裳宗彝藻火粉米黼黻絺绣言藻而继之以火青与赤之文也言火而继之以粉米赤与白之章也言粉米而继之以黼白与青之黼也言黼而继之以黻黑与青之黻也惟黄之色无所见而宗彝绣以虎雉则亦以黄为色兹实五采备之证言五采而不言五色盖画绩主乎设色而绣则以五采为用故耳】若上文六色与六色相次恐凡绩画皆然经不曾指名是衣上用难拘以绩于衣也始疑画绩只理防彩画不预绣事然防云凡绣亦须画乃刺之故画绩二工共一职则知考工之绣系用五采画成物象却就上模着绣刺也【○徐氏曰凡物资始于天者必生养于地而后成就此裳所以独备五采而成绣】○易氏曰画绩阳也施采未备象阳也绣阴也阴道常乏常嫌于不备故五采备谓之绣

土以黄其象方天时变

郑锷曰土者地也黄者地之中色故画以黄地道成矩惟矩则方故画地之形则以方惟天以一气运而为四时四时之色春则为青夏则为赤秋则为白冬则为黑故画天则随时而变其色【○赵氏曰想画天时必占青赤白黑四时尔谓备其四色非谓春间则画青色之类然上文 何也盖言 者所以述天之色 妙处考功不得已而强名之若画天上以 则 岂足以定天之色庄子云天之苍苍其正色邪此所以于画形处却言天时变也】○王昭禹曰地道静而有常天道动而无常则化者地之用而变者天之用故曰天时变

火以圜

赵氏曰地二生火其神无方其体非体而托于物以为体其用非用而因于物以为用其形虽

锐而性则圜而无不周画火难定其形只得画其性之圜尔

山以章

赵氏曰郑改章作獐是山中物对下水以龙此未是盖章是山之草木星辰天之章草木地之章画山虽有形须画出草木之文而成章王解引尔雅曰山曰上正章谓画山虽画其章亦必画其上正之形谓画一坐山上头尖要正亦不必如此說

水以龙

赵氏曰龙水中神物画水不画龙则无以见变化之神

郑锷曰火以圜者体神而妙用山以章者即仁以显道水以龙者因智而乐动○王昭禹曰以上皆画于服

鸟兽虺

赵氏曰鸟鸟隼之属兽熊虎之属虺 虺之属注云此即华虫也是虫之有毛鳞文采者防云即是华虫盖虫有生之總名此言鸟以其有翼兽以其有毛地以其有鳞王解谓画在旗上恐有此理盖合九旗所画之象故也○郑锷曰是三物者有于旌旗而画之有于衣服而画之不尽言所取象之物者殆举其一以见其二之意【○李嘉防曰羽鳞毛介不可定名举此三者可以类推】

總论

王昭禹曰古之画绩之事以见于衣服车旗宫室器械之间者其为象岂一端而已仰以观天之文俯以察地之理近取诸身遠取诸物或象其形与其性或象其色与其用道德之义性命之理皆寓乎中将使天下之人目击心喻而得乎不说之大灋土以黄则象其色也其象方则象其形也天时变则象其用也火以圜则象其性也至于山以章水以龙鸟兽虺之类亦皆象其形也

杂四时五色之位以章之谓之巧

郑康成曰章明也绩绣皆用五采鲜明之是为巧○王昭禹曰五行播于四序而人观以为时五行发于五气而人观以为色四时之错行五行之迭运然后歲功待之以为成物曲资之以为利四时之协此五色之间施然后服饰得之以为盛彰施因之以为明然所以杂施之者在乎工所以章之者在乎巧非圣人不能作而探其道非智者不能创而明其灋而巧者述圣人之道循智者之灋以为文而已

凡画绩之事后素功

陈用之曰素者质也绩者文也苟无其质文何所加质者在所先则文在所后矣○易氏曰甘受和白受采画绩之事先以粉地为质而后施五采焉子夏问诗云素以为绚兮而夫子曰绘事后素子夏即有礼后乎之对盖礼必以忠信为质犹绩事必以粉素为质以粉素为质而谓之功者犹言彰施五采必待此而后为功【○张横渠曰因万物之理以用其智则智不啻反天下之文以归于质则文不弊画绩之事文采既极而以素功为后焉岂非反天下之文以归于质耶易之贲曰白贲无咎夫贲之极以白总是欲归质也】

钟氏染羽

陈用之曰钟聚也染羽之工名以钟氏取其色之聚也○贾氏曰染布帛在天官染人此惟染鸟羽而已夏采注云染鸟羽谓之夏采即此钟氏所染也○王昭禹曰羽之为物虽微而旌旗车服之用众而不可废此先王所以独立官以染欵

郑锷曰尧舜之世羽畎夏翟徐州贡之周时岂无设官以染羽何耶盖有虞之时尚质而未文虽用尤寡后世日趋于文以周制观之王后之衣服则用羽后之车容盖则用羽国之旌旗则用羽舞者所执则用羽其他用为衣服之饰多矣况以爱物为心者不忍多杀也于是有染羽之灋取夫羽之可染者而染以用之【○毛氏曰四方之贡有限而邦国之用无时必求其自然用之或不给矣此先王所以有染羽之法】

以朱湛【子潜反】丹秫【音述】三月而炽之

王昭禹曰朱谓朱砂以为朱也○郑司农曰湛渍也【郑康成曰读如渐车帷裳之渐】丹秫赤粟○郑康成曰炽炊也【○贾氏曰初以朱湛丹秫当在春日预浸至六月之时而染之】○王昭禹曰以朱湛渐赤粟以染羽至于天时之一变而后炊炽之以羽之入色为难故也

淳【章均反】而渍之

郑康成曰淳沃也以炊下汤沃其炽烝之以渍羽渍犹染也【○贾氏曰既炽之即以炊下汤淋所炊丹秫取其汁以染鸟羽而又渐渍之也】○王昭禹曰淳与防氏所谓渥淳其帛之淳同熟之使自厚也盖始以朱秫湛炽之其色为未深又从而淳熟而渍之谓之渍非一朝一夕之故缓而入之有渐次尔

三入为纁【许云反】五入为緌【侧留反】七入为缁

郑锷曰尔雅云一染谓之纁纁音茜朱与丹秫所染故始入必茜也再染谓之纁纁音赭诗有魴鱼赭尾言其赤也三染谓之纁纁赤而黄之色也与此言三入为纁同然不见四入之也士冠礼有朱紱之文康成谓朱则四入欵然则以纁入赤汁则为朱矣纁不入赤汁而入黑汁则

为绀矣若以绀入黑则为緇緇爵头之色赤多黑少与绀相类之色故孔子云君子不以绀緇饰自緇而入则为 康成谓 六入之色自 入黑汁则为緇矣故曰七入为緇緇 色之尤深也礼制所用者 纁与緇色为多而此只言纁緇而已至于青黄非不用也皆不言焉岂非羽之所染者只此三色故欤【○赵氏曰 緇相类所以染人言 而不及緇钟人言緇而不及 也否则三色颜色浓厚染羽为难故特记之以见其所重耶】乃若染人夏纁 秋染夏则丝帛五色备焉此为异也设色之工五画绩钟筐防今以天官染人攷之春暴练者其防氏欤其职所谓涑丝涑帛是也夏纁 者其钟氏欤其职所谓三入为纁五入为緇七入为緇虽不言 郑氏谓 在緇緇之间是也若夫染夏虽不见于考工而经有五采备之文不然其筐人之职乎【○李嘉防曰羽贵乎五采今不说朱而说纁不说 而说緇不说黑而说緇以所入之详略而定其色之深浅使后人自以意为入之详略而其色可别矣】

筐人【阙】

防氏涑丝

王昭禹曰治丝帛而熟之谓之防丝帛熟然后可设饰为用故其字从巾从荒防言治之使熟也犹荒土以为田巾则设饰之服【○陈用之曰防氏治丝而涑者名谓之防治荒之意也】○毛氏曰染人掌染丝帛而防氏掌涑丝帛则防氏之涑以待染人之所染盖素功不立采色无所附焉此防氏所以预设色之工

以浼【音税】水沤其丝七日去地尺暴【步卜反】之

郑锷曰涑丝之灋以浼水沤之沤如沤麻之沤盖浸渍之也以水沸灰谓之浼如浼酌之浼盖以茅而沸酒故谓之浼酌也用浼水以沤其丝所以去其不蠲以致洁也【○赵氏曰谓以水和解其灰澄清而洗濯之以浸渍丝也】唯洁净然后能受色既沤七日矣乃取而暴之日中其暴也当去地一尺而已必以去地一尺为度者不欲其高惧阳气燥之则其色失于燥而不鲜明也【○毛氏曰丝以柔为善暴之太过则失其柔而变其性故去地尺暴之欲其地气之相接】

昼暴诸日夜宿诸井七日七夜是谓水涑

郑康成曰宿诸井县井中○王昭禹曰昼暴诸日则以阳气温之也夜宿诸井则以阴气寒之也谓水涑则非渥淳之使熟也以阴阳之气使之熟而已【○毛氏曰暴虽在昼而夜必宿于井又欲其水气之相蒸】○郑锷曰必以七日七夜为度者欲其得阴阳之气一于平而不偏也

涑帛以栏【音练又兰】为灰渥淳其帛实诸泽器淫之以蜃易氏曰丝弱于帛帛壮于丝涑丝不过浼水而沤之涑帛则以栏为灰煑而熟之以至淫之蠶之又至于涂之宿之其灋为特详○赵氏曰以栏为灰谓烧栏木以为灰也渥淳以灰煑熟渐渍其帛也渥沃也渥渍之使厚

也既曰渥淳不可遽至干煖故实诸润泽之器蜃白蛤也以蛤为粉浸淫器中欲令帛白也淫即善防者水淫之之淫【○陈用之曰既曰渥淳必有水焉非特灰而已故实于泽器欲其不遽以干煖故也淫谓粉蜃以淫其上则闭其湿于泽器之中而得以渐渍之矣】○毛氏曰以栏为灰变生而熟以蜃为灰变质而白

清其灰而盪之而挥之

郑康成曰清澄也于灰澄而出盪晞之晞而挥去其蜃○毛氏曰于器从而振之谓之盪【○陈用之曰盪以盛之】○王昭禹曰灰既澄而清则盪而出之而挥去其所染之蜃灰

而沃之而盪之而涂之而宿之

郑康成曰更渥淳之○王昭禹曰既挥其灰沃之以水又从而盪出之既盪出矣又从而涂之以蜃灰而宿之则使经宿焉○毛氏曰自此不复用练亦不须和以水其帛且湿但涂以干灰而已岂非变生为熟易而变质为白难乎【○陈用之曰或言实诸泽器不言涂宿或言涂宿而不言灰蜃之用相脩以见也】

明日沃而盪之

毛氏曰涂之矣复以清水沃而盪之者去其所涂之灰也然涂之宿而已明日从而盪之与夫清其灰而盪之异矣此盪之二每事不同因其事也

昼暴诸日夜宿诸井七日七夜是谓水洊

王昭禹曰又从而暴诸日而温之以阳气宿诸井而寒之以陰气

總论

郑锷曰上文洊丝记水洊之灋此文洊帛记灰洊之灋夫丝帛事之末者也凡为女工者能之何待设官掌其事耶盖先王为国以礼之制所辨者在于毫厘之际其于服色之间尤致其谨也如 以象天黄以象地青以象东方白以象西方赤以象南方黑以象北方如纁之赤黄如緌之赤青如緌之赤黑如朱之象正阳如緌之象正陰如紫如綠之为间色一失其辨则分因而不明一失其色则义从而无所攷诗人所谓赤芾 袞赤舄朱英綠縢之类彼岂区区然辨其色哉义各有所主分各有所明故也色之所系者乃分之所寓则丝帛之所以染乎色者诂可易而为之哉染人云春暴洊然则所谓洊而暴之者皆以春时也染在染人洊在防氏二官聯事为不轻矣

周礼订义卷七十五

卷七十六

钦定四库全书

周礼订义卷七十六 宋 王与之 撰

冬官考工记下

玉人之事

郑锷曰 玉为器非一器也故曰玉人之事君子于玉比德德有小大故玉有纯杂之异焉追之巧皆自玉人而制度所寓玉人有不知其妙理者此所以谓之事

王氏详说曰考工记多战国间故事惟玉人一职与典瑞同但典瑞言其名以及其用玉人言其名而又及其所制之尺寸岂非玉人为之典瑞掌之乎此所以为周制也然文经秦火非错则阙不若典瑞之文为有伦理也典瑞以王晋大圭以下为一节自四圭有邸以下为一节自珍圭以征守以下为一节自组圭璋璧琮以下为一节而五礼之用毕矣玉人所载固详于典瑞何其文错且阙乎言公侯伯之圭而不言子男之璧言继子男而不言孤言案十有二而不言王后凡皆阙文也言天子圭中必当在天子服之之下不容间于皮帛之后言天子用全上公用龙侯用瓚伯用将当在宗祝以前马之下不容间于以朝诸侯之后言琮八寸诸侯以享夫人当在璧琮以享天子之下不容间于旅四望之后大璋亦如之诸侯以聘女当在天子以聘女之下不容间于宗祝以前马之后宗后以为权当在天子以为权之下不当间于以治兵守之后璧琮度尺以为度当在宗后以为权之下不容间于琬圭易行之下宗后守之当在天子守之之下不容间于宗后以为权之下以至四圭两圭圭璧璋邸射当为连文琬圭琰圭琿圭璋当为连文亦不容间断凡此皆错文郑氏虽知不言子男之璧为阙文其他无一言之此所以不容无失今改其文读之

玉人之事镇圭尺有二寸天子守之大琮十有二寸射四寸厚寸是谓内镇宗后守之命圭九寸谓之桓圭公守之命圭七寸谓之信圭侯守之命圭七寸【七当为五】谓之躬圭伯守之【缺二句】继子男执皮帛【缺一句】天子执冒四寸以朝诸侯大圭长三尺杼上终葵首天子服之天子圭中必四圭尺有二寸以祀天两圭五寸有邸以祀地以旅四望圭璧五寸以祀日月星辰璋邸射素功以祀山川以致稍饩裸圭尺有二寸有瓚以祀庙大璋中璋九寸边璋七寸射四寸厚寸黄金勺青金外朱中鼻寸衡四寸有纆天子以巡守宗祝以前马天子用全上公用龙侯用瓚伯用将土圭尺有五寸以致日以土地琬圭九寸而纆以象德琰圭九寸判规以除慝以易行琿圭璋八寸璧琮八寸以覲聘牙璋中璋七寸射二寸厚寸以起军旅以治兵守璧琮九寸诸侯以享天子【缺二字】琿圭八寸诸侯以享夫人谷圭七寸天子以聘女大璋亦如之诸侯以聘女璧琮度尺好三寸以为度组琮七寸鼻寸有半寸天子以为权组琮五寸宗后以为权案十有二寸枣防十有二列诸侯纯九大夫纯五夫人以劳诸侯【缺数

字】

镇圭尺有二寸天子守之

郑锷曰镇圭王所执圭也以十二寸为度灋天数也瑑山以为饰取其安静而不动惟天子灋天之大数惟天子能安天下而不挠居则守此圭以保其国不可以不知守之之道也能守其圭可以君天下而朝万国

命圭九寸谓之桓圭公守之命圭七寸谓之信圭侯守之命圭七寸谓之躬圭伯守之

郑锷曰受于天子而天子以防命之使执是圭故曰命圭命如春秋锡命之命其九寸者 为桓楹之象曰桓圭公于国家如柱石然故执桓圭【○赵氏曰桓圭琢刻防直文在圭上注云防植谓之桓桓宫室之象所以安其上也盖公藩屏王室以桓为象者礼书谓取强直不挠以安上为已任之意】其七寸者或 为 人身之伸者曰信圭或 为 人身之屈者曰躬圭则侯与伯守之盖侯比于伯其礼为稍伸而伯视于侯其势为稍屈故也能守之然后可以保其国【○郑康成曰命圭者王所命之圭朝覲执焉居则守之○愚案余说见典瑞】○王昭禹曰上公九命侯伯七命其礼仪各视其命之数故其圭有九寸七寸之差

王氏详说曰天子之圭言尺寸而不言厚薄以宗伯内镇圭之文则知广四寸厚一寸矣诸侯之圭言尺寸而不言广厚以杂记之文则知广三寸厚半寸矣○王昭禹曰大宗伯作六瑞则制其度数执之以行礼故皆言执行人成六瑞则奉其成事用之以合符故皆言用玉人斲玉以为器器以藏礼而守之以保其国故皆言守【○郑锷曰玉人则作之而已或成其信或着其礼皆非所知也盖作在此守在彼】

天子执冒四寸以朝诸侯

赵氏曰冒所以冒诸侯圭以齐信瑞方四寸邪刻之盖冒圭之制邪刻其下以为验其形则方正其大则四寸天子命臣为诸侯则班瑞玉与之使守之以以为寶及其来朝则辑而合之以为验故诸侯瑞圭则邪锐其首天子冒圭则邪刻其下以邪锐之圭首合天子之冒一则表君德之无不覆【○郑康成曰名玉曰冒者言德能覆盖天下】一则验诸侯之无僭礼相逾以四寸者或谓象德冒四方【○郑锷曰镇玉大圭或尺二寸或三尺而冒圭特以四寸为度者盖有以大为贵者亦有以小为贵者以大为贵使诸侯不得以并其尊以小为贵则四寸以示其冒四方之意与书所谓丕冒海隅出日之冒同】或谓取其形之方正以上率下当方正也或谓天子以贵临贱常患于骄以尊接卑常患于亢故诸侯之圭或九寸或七寸而天子朝诸侯之圭则四寸示其以少为贵而屈已以接下也此乃新意兼本注说极好

陈用之曰天子诸侯之玉用则执之居则守之或言守或言执相备也

天子用全上公用龙侯用瓚伯用将

郑锷曰此言裸圭也天子之裸圭则全用玉以为之龙以前注瓚以成鬯将以执持【○赵氏曰裸器一物也其名有三其头有龙口故谓之龙其中有瓚如盘如盞樣盛鬯酒在内故谓之瓚即诗玉瓚黄流在中也后有柄用圭以为之所以为人把执而用之者】凡此三者用一玉而俱成故谓之全盖天子之德纯而不杂故用全以崇其德之纯也若夫公侯伯而下则其德杀于天子矣故其用玉亦从而降杀上公用裸器之龙如天子之龙用玉其瓚其将皆石之似玉者为之侯用裸器之瓚如天子之瓚用玉其龙其将皆石之似玉者为之伯用裸器之将如天子之将用玉其龙其瓚皆石之似玉者为之以器言之龙处其首瓚处其中将处其后以德言之公居其上侯居其中伯居其后则次第不为无意也盖不贯三而为一无以表天子之德之纯不裂一以为三无以见诸侯之德之亏尊卑降杀之义明矣康成云全纯色也其说是矣乃谓龙瓚将为杂名而言卑者下尊以轻重为差玉多则重石多则轻公侯四玉一石伯子男三玉二石不知此非论其轻重也王安石之说亦然皆未之思也其曰用龙者如记言夏后氏以龙也用瓚者如经言裸圭有瓚也用将者如诗言裸将于京也将圭柄也惟柄可以执而用故曰将不言子男所用者大行人言子男不酢则不用裸器此所以不言也

王氏详说曰此四句疑在宗祝以前马之下

继子男执皮帛

赵氏曰帛以表其道足以衣被人皮以表其有炳蔚之文章郑锷曰有天子之孤有诸侯之孤大宗伯曰孤执皮帛者天子之孤也典命曰公之孤四命以皮帛眡小国之君者诸侯之孤也二者皆执皮帛特所用以饰之皮异耳饰以虎皮者天子之孤饰以豹皮者诸侯之孤天子之孤不当继子男之后故康成以为此公之孤也然典命又有诸侯适子未誓则以皮帛继子男之文则公之孤与诸侯适子之未誓者皆执皮帛而列子男之后欤此文独立上无所承意其断简失次也

天子圭中必

郑康成曰必读如鹿车韉之韉谓以组约其中央为执之以备失队【○刘迎曰诗瞻彼洛矣有曰韉韉有珌释者谓天子玉琫而珌知琫之有珌则知圭之防失队者其执之中必有珌以约之也○赵氏曰必者取可必其无失之意】○王氏曰天子平旦而栉冠日出而视朝一物不应乱之端也宜兢兢业业以致其谨焉故执此以为之戒○贾氏曰案聘礼五等诸侯及聘使所执圭璋皆有纁借及纁组所以约圭中央即此中必之类此不言诸侯举上以明下【○郑锷曰特言天子之必者尊王之意】

四圭尺有二寸以祀天

赵氏曰案典瑞注云中央为璧圭着其四面又云邸本也圭本着于璧四圭有邸谓圭末四出然未知璧在中央通两畔總为尺二寸或除璧两畔圭各长尺二寸据下文裸器尺有二寸则恐一圭长尺二寸今观典瑞防谓用一大玉 出中央为璧形亦肉倍好孔四面 出四圭各

尺二寸与镇圭同其璧为邸径六寸总三尺与大圭三尺等皆一玉俱成两圭祀地者亦然据此则四圭是就璧平出不是植立起者邸则于璧中 成防穴然邸言宿邸归着处也此圭乃植在神坐前欲天神降而依凭托宿于其中如人有旅邸相似此是礼神之玉非事神所执之玉书云植璧秉圭是也夫锐首曰圭凡物锐则利用故锐圭以象其用之利必四圭者象天德之覆无乎不周必尺二寸者又以象天之成数璧负则象天之体然不特祀天知此旅上帝亦以之○王昭禹曰于典瑞言邸于此言尺有二寸互相备也

大圭长三尺杼上终葵首天子服之

王昭禹曰典瑞所谓王晋大圭以朝日是也○郑锴曰长至于三尺所以谓之大○郑康成曰终葵椎也【○贾氏曰齐人谓椎为终葵】为椎于其杼上明无所屈也杼耦也【○赵氏曰杼与轮人行泽者欲杼同谓大圭三尺长上头谓之首今于首处余六寸令方正如椎头自六寸下两畔微杀已下依旧方正】○郑锴曰长三尺者贯三极之道也杼上者所以致用也又为之葵首则圆其体以覆其上殆又摄用以归体之意欤【○易氏曰圭以大名象道之体三尺为数象道之成杼上终葵首象道之用】○郑锴曰服之者搢于衣带之间或谓之搢或谓之服其实一也是圭也亦谓之珽玉藻曰天子搢珽方正于天下也相玉书曰珽玉六寸明自照也玉藻言笏度二尺有六寸二尺者其长六寸其椎陆佃云以寸之葵首计之则有余去葵首而计之则为不足意其非天子之笏故孔颖达以为诸侯以下之度岂其然欤由是攷之天子有镇圭有冒圭有大圭镇圭冒圭其用有时执镇圭服大圭者朝日之礼也执冒圭服大圭者见诸侯之礼也然执冒圭以验诸侯之瑞其用也暂而已王之见诸侯亦未尝不用镇圭也大宗伯小行人之言镇圭皆继以公侯伯子男所执之玉明朝见诸侯皆用镇圭之意

土圭尺有五寸以致日以土地

郑康成曰致日度景至不夏日至之景尺有五寸冬至之景丈有三尺土犹度也建邦国以度其地而制其域○郑锴曰或谓测日景以验地之远近必由尺有五寸者何耶盖天地相去三万里尺有五寸以知其一万五千里也立八尺之表以度景至否冬至之景丈有三尺而夏至则景尺有五寸也正以夏至之景为圭之长则可以知地中也然土圭之用非惟以度日景又以土地故不可以用丈有三尺为之何则建国封诸侯度地之灋景一分差百里尺有五寸者一万五千里之景也五等诸侯惟取五分景已下无取尺寸之意

陈用之曰土圭非特可以致日又可以致月致日者冬夏致日是也致月者春秋致月是也若尧典所谓敬致者特夏之时然尔冬至之日亦可以致焉盖夏至者短之极冬至者长之极春秋二分日于是乎中不可以致矣于是用之以致月焉玉人制其器故言其用之所至典瑞辨其用故言其用之所该大司徒用之求地中故止言测土深正月景而已

裸圭尺有二寸有瓚以祀庙

薛氏曰圭璋其柄也瓚其勺也柄则圭璋纯玉为之勺则玉多石少者可矣郑司农谓瓚四玉

一石是圭瓚瓚则玉为之圭璋之勺则装以金焉玉人所谓黄金勺青金外是也鼻寸所以流鬯也衡四寸勺径也圭璋瓚制盖如此○王氏详说曰旧圖以瓚下有盘口径一尺其说出于郑氏固然矣然瓚盘之制出于汉仪六经所载初无此事陆氏谓瓚形如盘径四寸鼻上寸为龙形圭璋为柄当矣但陆氏以黄金勺青金外朱中鼻寸横四寸有半谓勺为龙口矣复有杜氏之说以勺为尊中之勺何其依违两间乎盖勺之事一而其制有二明堂位曰夏后氏龙勺商之防勺周之蒲勺此谓尊中之勺也此曰黄金勺者谓圭瓚之首鼻勺之勺也杜氏郑氏分为二说惟郑氏之说为优○郑锷曰圭瓚以裸前有龙中有瓚后有圭以为柄此言裸圭尺有二寸而又曰有瓚则不兼瓚以言尺寸盖其圭之长如此也王所执以裸则灋天之度数也宜矣天地大神至尊不裸唯人道之宗庙有裸而已故曰以祀庙也裸圭本以祀宗庙为主先王以事神之道事寅故因而用之于賓客耳如四圭有邸以祀天而典瑞又曰旅上帝也论其本意则为祀天设而已玉人言其制作之本意典瑞言其所用之备也

琬圭九寸而缫以象德

郑康成曰琬犹圜也○赵氏曰凡物员则顺方则逆圭圜其首是以顺为义缫借圭之物文采在上锡命是文事故以缫象灿然相接之文此是王使之瑞节诸侯有德王命赐之如天王使毛伯来赐公命使者遂执琬圭以致命焉象德象王者亲爱诸侯之德或谓象诸侯有德【○郑敬仲曰德出于人性之固有先王乃顺而治之好出于人情之常然先王乃顺而结之故琬圭则因其锐以顺为主也以治德则用之于锡命之时以结好则用之于时聘之际二者皆文事也故又缫之以象德也】

王昭禹曰典瑞言以治德以结好而此言以象德者惟象德然后可以治德结好也象德言圭之制治德结好言圭之用玉人言其制典瑞言其用

琰圭九寸判规以除慝以易行

赵氏曰琰之为言剡也谓此圭剡一半至首为锋芒取戈兵之象半则圜焉判言半也规言圆也半其圆而剡之故曰判规琬圭不剡琰圭不琬琰圭是规圜上出头尖锐者即书琬琰在西序是也刘执中云易以离为戈兵盖离火也火之形上锐有戈兵之象然判规于圭上虽示恶也亦有仁爱之意以其半尚琬也○郑敬仲曰易行谓诸侯之为不善者以此责之而使改过易恶也除慝谓用之于众覲之时行人言殷覲以除邦国之慝也【○易氏曰易行除慝先王之义剡与瑑饰各居其半以示圣人威严不可犯之意】赵氏曰九阳数也惟辟作福作威非体元用九之君不得用此故二圭同以九寸

璧羨度尺好三寸以为度

郑司农曰羨径也【○贾氏曰羨为不圜之貌造此璧之时应圜径九寸今减广一寸以益上下之袤一寸则上下一尺广八寸】好璧孔也尔雅曰肉倍好谓之璧好倍肉谓之瑗肉好若一谓之环【○贾氏曰两畔肉各三寸两畔共六寸是肉倍好也】○薛氏曰璧负九寸好三

寸延其袤为一尺旁各损半寸则广八寸矣然则璧袤袤十寸广八寸同谓之度尺以十寸之尺起度则十尺为丈十丈为引以八寸之尺起广则八尺为寻倍寻为常故黼深十寸内方八寸而为嘉量币长一尺八寸而为制币凡此皆璧袤纵横之尺数然也度必为璧以起之则围三径一之制又寓乎其中矣度起于袤权起于黄钟之长先王制器岂徒然哉凡以存天下万世之灋○刘氏曰好三寸者数之始也袤一尺者数之成也负寸以九者无穷之用广尺以八者不变之体以三合六而为九以九合一而成十直而行之其用不穷横而置之其体无变立成器以为天下利岂私智乎【○陈用之曰三者之体皆负其制皆外实而内虚实者其体也故以肉名之虚者其心也故以好名之因物寓理以谓虚而无物心所尚也】

圭璧五寸以祀日月星辰

贾氏曰圭璧谓以璧为邸旁有一圭○易氏曰圭锐以象天之用璧圆以象天之体而其制五寸者杀乎祀天之璧又以象天数之中【○郑锷曰五天地之中数所以象三光运行乎天地之中】○赵氏曰日月星辰其用照临不息故以圭而象其用其往来运转皆丽于天故以璧为邸以象其托宿于天之意然亦欲星辰之神降而依凭于邸也非祭祀所执与四圭祀天同但日月星辰为天之佐不及天之用为甚大故祀天以四圭而此则杀之止以一圭而典瑞曰圭璧以祀日月星辰是也典瑞不言五寸于四圭言邸不言璧璧即邸也亦互见尔

璧琮九寸诸侯以享天子

陈用之曰负谓之璧方谓之琮璧以辟为义琮以宗为义王者父事天母事地盖继天而为之子故也诸侯之于天子犹天子之于天也其尊之如天故享以璧其亲之如地故享以琮天子当阳诸侯用命故璧琮之制同以九寸为度郑以享为献是也享必有献献指物享言义○郑锷曰庙中将币之时用以享献于天子【○王昭禹曰小行人合六币璧以帛琮以锦盖侯伯之享礼也璧礼天之玉也故以享天子琮礼地之玉也故以享后此言享天子而不言享后者以诸侯来享以天子为主故也由此推之则二王后之享用圭璋子男之享用琥璜玉人不言以小行人见之也○王氏详说曰郑氏不知阙文而以聘礼享君以璧享夫人以琮直欲防见其意谓琮不可享天子当用之享后此郑氏之失也】

谷圭七寸天子以聘女

易氏曰谷善也○王氏曰以谷不失性生生而不穷故天子以纳徵【○郑康成曰纳徵加于束帛】○郑锷曰七寸者少阳之数天子而用七寸盖男下女之义○易氏曰聘女嘉礼之至善者也○王昭禹曰典瑞言以和难以聘女此不言和难盖玉人为谷圭以用于天子聘女为主【○赵氏曰和难聘女二则通彼此之情而归之善一则谐夫妇之礼而有嗣续所以二事皆用谷圭以谷是天地至和之气所钟】

大璋中璋九寸边璋七寸射四寸厚寸黄金勺青金外朱中鼻寸衡四寸有纆天子以巡守宗祝以前马赵氏曰自大璋至前马皆天子巡守过山川祭酌之具盖三璋据为勺柄黄金勺以

下据为杓头盖锐首曰圭半圭曰璋圭以象阳之生物璋以象阴之成事地以终天之功为事山川以成地之功为事故祀山川以璋邸射而巡狩用事于山川亦以璋凡以象阴之成事故也然谓圭璋之勺形制并与圭瓚同是有事山川用此盛酒以灌神之器但圭瓚以圭为柄故谓之圭瓚此以璋为柄故只谓之璋瓚皆用玉为之大璋加文饰用于大山川中璋杀文饰用于中山川边璋半文饰用于小山川言大璋中璋则知边璋为小不言小而言边以特饰其边如筮之有筮滕筮唇也饰其边计其分寸得大璋之半注所以言半饰饰谓雕成文也射四寸谓就璋上刻出一半已上至首令削得尖细以贯勺勺即瓚也其半以下不琰处则为文饰是大璋中璋边璋寸数虽不同而射处皆尖四寸射如射之贯以象山泽通气与璋邸射同不射则贯勺不得厚寸则三璋皆如此厚也○郑锷曰裸圭之盘谓之瓚璋之盘则谓之勺见其所容者少也勺以黄金为内青金为外黄者地之盛色也青者东方少阳之色也中央其地之正位坎地之成物则色以黄为盛也故黄金为勺则山川之位正乎中央而成功之盛也阴之美发生自东青者地道发生之色坎故青金为外则山川之功始见之东方之义也朱中者朱者至阳之色山川虽为阴之聚然实含阳乎中中不含阳则无以发生万物故以朱饰乎中以象山川者阳气之蕴也鼻寸者圭瓚之龙所以前注勺之鼻则瓚之龙也瓚言龙总举其形而言也勺言鼻举龙之一而言焉以见山川通气之义也以一寸为度如上文厚寸之意也一寸则十分也十者地数之成也衡横也勺如盘然横乎中央故谓之衡【○郑康成曰衡谓勺径】衡四寸者以象山川捍蔽四方之意有纁者用之时当以纁借为饰以象山川为国之文饰也言天子巡守四方之时所过山川或当有祭祀则用之也必以马以牲盖马之为物行地无疆故校人言将事于四海山川则饰黄驹用马以祭之时宗祝则执此勺以前之盖用马以祈神也大祝云过山川则用事言宗祝者尊之之辞【○陈用之曰郑氏有事山川则用灌焉岂其然乎宗庙有灌求神于阴天地不灌而山川地岂复灌之云乎】

大璋亦如之诸侯以聘女

陈用之曰以文攷之当继天子以聘女之后亦如之者亦如谷圭之七寸盖聘女天子以圭诸侯以璋为降杀之等若以继边璋之后则边璋与黄金勺用以酌者聘女加于束帛非酌事礼安所用哉

瑑圭璋八寸璧琮八寸以饔聘

郑康成曰瑑文饰也【○赵氏曰瑑谓有圻鄂瑑起】覲视也聘问也众来曰覲时来曰聘聘礼曰凡四器者惟其所寘以聘可也○郑锷曰诸侯朝于天子公侯伯以圭而其臣覲聘亦以圭子男以璧而其臣覲聘亦以璧圭之外又加以璋璧之外又加以琮八寸虽降于公而实过于侯伯子男臣非可以逾乎君其分异也或曰据先儒所释则瑑圭聘天子而以璧享之瑑璋聘王后而以琮享之八寸之制特言上公之臣而已不知经言瑑圭璋璧琮则与圭璋璧琮固不同也五等诸侯以桓信躬蒲谷饰其圭璧而其臣特瑑之而已其制既有降杀则公侯伯之臣何嫌乎圭璋子男之臣何嫌乎璧琮又何嫌乎其制皆八寸必欲强为六寸四寸之说【○赵氏曰此是诸侯遣臣覲聘乎王之所执非是天子使人于诸侯所用者盖天子有事诸侯遣卿大夫来聘遂执此以见王然上公以九为节而曰八寸者盖璧琮九寸诸侯以享天子此诸

侯之臣不得用本君玉故等而降之为八寸也据行人注二王后用圭璋五等诸侯用璧琮诸侯之臣降一等子男之臣不得同本君则用琥璜以此知玉人圭璋琮是五等之诸侯所执至五等诸侯之臣唯上公臣执此八寸其余则杀而子男之臣则执琥璜经不言二王举尊以见卑也】况乎诸侯之三采三就二采再就而诸臣特二采一就其尊卑隆杀固不待辨而明○陈用之曰大宗伯以玉作六器以礼天地四方自苍璧礼天至于璜礼北方此六物之制本以礼神而币亦用之盖此六物者人之所实用以为币诚足达情也故天子之于诸侯诸侯上交于天子与夫诸侯之相为礼咸用焉即行人所谓以和诸侯之好故是也此言璜圭璋八寸璧琮八寸以颁聘则天子使人于诸侯所用以为礼者璜谓为之文以饰之别于礼神之物故也○王昭禹曰于玉人言其长之数以斲玉为器其制存于玉人于典瑞言采就之数以成器然后设饰以为用其礼成于典瑞

牙璋中璋七寸射二寸厚寸以起军旅以治兵守赵氏曰牙璋谓有鉏牙之饰于琰侧如牙齿参差而有尖锋之状故曰牙璋中璋亦是牙璋之中样者故不言牙而言中以此发兵若后世铜虎符发兵之类军多则用牙璋军少则用中璋以中对牙则牙璋大而中璋为小可知【○王昭禹曰事有大小故有牙璋中璋之异】牙有噬齧搏击之威如爪牙然以牙为象取其能制人而人畏之璋象陰之成事兵陰事也诗以祈父为王之爪牙祈父司马也兵事正掌于司马而谓王之爪牙与此意同七寸其长也射二寸则邪剡二寸为牙其下有五寸为体不琰也五中数也五寸之体而加以二寸之琰为七寸七过中数岂非取刚过中以为用有诛戮之象乎【○郑锷曰三璋虽异皆以七寸为度则射皆二寸则以地二生火天七成之军旅之事赫赫炎炎耀威于天下使人不敢向迓则取火生成之数也宜矣】○易氏曰白虎通曰璋为南方阳极而生陰兵陰也故以起军旅以治兵守○赵氏曰以起军旅谓发兵必以此为信言军旅则必有征诛之事也以治兵守则用兵守御去处以此璋治之使不失其备不必有征诛之事也此与典瑞牙璋以起军旅以治兵守同彼不言中璋互见也礼书引春秋宋司马请瑞以命其徒攻桓氏杜预注曰瑞是符节发兵者此事甚亲切在哀公十四年

组琮五寸宗后以为权

赵氏曰组注读为组以玉为琮方而以组帛系其鼻故名为组琮亦如以玉饰豆即名玉豆以玉饰案即名玉案也五寸其阔五寸也权谓王后以此为称锤以称物之轻重○郑锷曰权者铢两斤钧所由生宗后以组系五寸之琮以为权盖用之于内也然则献玺称丝之用其以此欤○毛氏曰玉坚刚之物用以为器底不损壞因之而丽其灋则灋亦与传而无穷故先王即璧以为度即琮以为权然不用圭璋者权以等物之轻重宜先平正焉圭璋上锐而下方又长而狭非平正故也璧虽平正然中空不可以为鼻而组无所施惟琮八方其中实足以为鼻故组之为宗后之权○陈用之曰谓之宗后以为权以其继天子理内治为天下所宗故也

易氏曰组琮以为权与璧美起度之意同盖璧之体圓而象乎天琮之体方而象乎地天地为万物之所始而万物之数莫不取灋于天地此权所以取乎琮而度之所以取乎璧也知璧美起度而度不以璧则知组琮为权而权不以琮是组琮可以为权之始不可以为权之用盖权之为器灋度之所自出而政事系焉先王虑其制之不存故托其制于组琮耳

大琮十有二寸射四寸厚寸是谓内镇宗后守之王昭禹曰琮方以象地故大琮后以为所守之玉谓之琮则以守内治者玉莫大于此也十有二寸与镇圭之数同王继天而为子故备天数后继天子而致内治故同于王○郑锴曰琮本八寸尔其射二寸两旁各射二寸是为四寸四寸之射八寸之琮此所以十有二寸○郑康成曰射其外鉏牙【○贾氏曰据八角锋故云鉏牙】○赵氏曰谓之内镇者对天子执镇圭为内天子则执镇以治外后则守大琮以治内礼书云亦刻山镇在上如镇圭又或谓犹天府所谓玉镇取其镇压之意非瑑四山镇在上二说皆通○易氏曰守之为言各有分守之谓也盖天子听外治必能守是职而后可以镇乎外后听内治必能守是职而后可以镇乎内苟违其守则外内失其政尚奚足以言镇乎

组琮七寸鼻寸有半寸天子以为权

郑敬仲曰琮有宗之道能为人之所宗者然后能出灋以为权

郑锴曰组琮七寸其穿组之鼻则寸有半天子用以为权盖用之于外也然权宜一出于天子后之权以五寸之琮天子之权以七寸之琮者盖内外虽异位皆不可以无权天子之权非不可用于内也以为宗后治内则灋宜出于后也然内之权则出于五寸之琮外之权则出于七寸之琮又以见王与后之权不能无轻重之等【○易氏曰七成数也以成数为权则成而不可变也五中数也以中数为权则中而不可易○陈用之曰天子理阳道后治阴德阳道主变阴则有常而无变焉惟无变故所谓权者不出乎中惟有变故所谓权者不执乎中容有过中之事焉五中数也后之所谓权者不出乎中故其制以五七过中之数也天子所谓权不执乎中故其制以七】然天子天道也宜以璧为用后地道也宜以琮为用天子用琮以为权何也盖后地道也其灋止于用琮君则能天而能地可得而兼用焉故为度以璧而为权以琮上焉而天下焉而地无所不该之义也权不用璧而用琮者盖莫高于天长短之所由生莫厚于地轻重之所由积所以审轻重者宜乎用灋地之器○毛氏曰后之权用之宫王之权用之国先王非务为异也亦欲灋度之不壤不幸失其一尚存可资之则也于天子言鼻则后可知言寸有半则后一寸可知

两圭五寸有邸以祀地以旅四望

赵氏曰两圭亦是用玉 成方琮却于琮两边 出两圭相对其圭各长五寸邸者取其托宿之意天则以璧为邸地以琮为邸必以五寸则以地数不过五如书五曰土也此亦植在神坐前欲地 降而依凭存宿于中非所执之玉也此即典瑞两圭有邸以祀地旅四望玉人制此器故特言其寸数○易氏曰两圭祀地对四圭祀天而言也天以健为体其德无不周故其用为四圭其数为尺二寸地以顺为体其德有所止故半之而为两圭杀之而其数为五寸知四圭尺有二寸而托邸于璧则知两圭五寸而托邸于琮

瑑琮八寸诸侯以享夫人

赵氏曰瑑谓就上雕 成文缕要别于礼神之琮即上文瑑圭璋璧琮也琮祀地玉诸侯享

天子用璧享后用琮则享夫人以瑑琮宜矣上文璧琮九寸以享天子则后在其中天子以九寸至夫人则分卑降用八寸宜矣○陈用之曰礼之道施报而已观后夫人有致饮于賓客之礼则诸侯之于后夫人其有享也宜矣享夫人以琮则享后之用琮亦从可知矣言夫人而不言后举卑以见尊也先儒不此之思徒泥享夫人之文以谓诸侯自相朝所用致享岂其然乎

案十有二寸枣防十有二列诸侯纯九大夫纯五夫人以劳诸侯

郑锷曰以玉饰案其广十有二寸每案以枣防为列十二案故十二列【○贾氏曰枣防谓案案皆有枣防为列十有二者据案十二为数不谓案之上十有二也】案飾以玉所以明凭恃以为安者在德也【○陈用之曰案十有二寸者具成数枣防之陈亦以十二之数而加之于案非谓十有二案也】○赵氏曰枣之为物其实赤防之为物其体坚所以取其信敬坚实之义女所用以为贄者春秋 曰枣防以告防也女贄不过此事在莊公二十四年○郑司农曰夫人天子夫人○王氏详说曰礼天子之妃曰后诸侯曰夫人而天子亦有三夫人矣后夫人皆预于賓客之事案聘礼云夫人使下大夫劳以二竹簋方说者谓诸侯夫人待聘者之礼有竹簋以盛枣防而无案及劳二王之后则有案矣是案十有二为后设也郑氏既知劳二王之后为案十有二矣然不知其阙文乃以为记时诸侯僭称王而夫人之号不别曾不谓考工惟此一职为周制使夫人之号与王后不别又何以有宗后为权与夫宗后守之之文乎

郑康成曰纯犹皆也王后劳朝诸侯皆九列聘大夫皆五列则十有二列者劳二王之后○陈用之曰诸侯纯九大夫纯五谓以枣防而列于十有二寸之案其劳诸侯也纯以九焉其劳诸侯之大夫也纯以五焉不以命数之多寡为节盖厚之也

王昭禹曰夫人佐后以致内治王于賓客致酒后致饮而夫人亦致饮王于賓客有膳与飧食之礼而夫人亦致飧食与膳故王劳賓客而夫人亦劳诸侯陰阳相成之义○赵氏曰劳诸侯以王后为主然言夫人则王后在其中乃举卑以见尊也

璋邸射素功以祀山川以致稍饩

赵氏曰半圭为璋圭象用之利天以生物无不周故祀以四圭地不及天故以两圭日月星辰不及天故祀以圭璧山川属地其用亦不及地之大故祀以璋表其得地利之半耳璋邸者就方琮上出一璋以璋而邸于琮琮方所以象地之体以琮为依托之邸所以象山川之丽于地也与圭璧之意同亦欲山川之神降而依存于璋邸中亦植在神坐前非手所执之玉○郑康成曰邸射剡而出也【○贾氏曰向上谓之出璋首邪却之处从下向上總邪却之名为剡而出○易氏曰射言剡出而贯于邸素功则朴质而无瑑饰之文所以象山川有阻固之功賓客有藩屏之功】○陈祥道曰王制曰五岳视三公四渎视诸侯书大传曰其余山川祀者小者视子男周礼诸侯为賓诸侯臣为客山川賓客等衰虽殊其以造赠用邸射一也○郑康成曰致稍饩造賓客纳廩食也○王昭禹曰以致稍饩则典瑞所谓以造赠賓客也造赠则言造馆以赠稍饩则指其物互相备也陈用之曰玉人之事专以治玉而成器然非玉人所治工记之者盖附言耳

栳人【阙】

易氏曰栳比也

雕人【阙】

易氏曰雕刻也

磬氏为磬

赵氏曰考工名官有假物而名者有假意而名者有直以器而名者如鳧氏为钟防氏为量此假物而名官也如筑氏为削钟氏染羽此假意而名官也至于物无可假意无可取直以所制器名官如轮人为轮矢人为矢与磬氏为磬是也

郑锜曰磬以石之似玉者为之梁州豫州皆贡而不若徐州之美泗濱浮磬盖取石之浮者为之欲其音之清也先儒谓磬为立秋之音以声之清故也论韶乐则曰戛击鸣球论武乐则曰磬管箫箛以球为难调也故先王教之有磬师为之有磬氏然有大磬有编磬大磬特悬磬也明堂位曰叔之离磬盖编则离离则特故也【○王昭禹曰诗曰依我磬声盖乐器之中磬为最清众乐依之以为準也乐记曰石声磬磬以立辨惟其声之清故动出而能辨也磬者乐之细也细则大声为贵故欲其将将焉凡乐大者从细细者从大故石声主角焉锐瑑而决吻数目而顚脰小体而蹇腹无力而轻其声清 而远闻以之为簋则击之而由其簋鸣矣先王用磬其详如此】

倨句【音钩】一矩有半

郑康成曰必先度一矩为句一矩为股而求其 既而以一矩有半触其 则磬之倨句也【○贾氏曰一矩为句据上曲者一矩为股据下直者 谓两头相望者假令勾股各一尺今以一尺五寸触两 其句股之形即磬之倨句折杀也】○赵氏曰作磬依律长短前长三律二尺七寸后长二律一尺八寸此是黄钟特垂之磬其他磬皆依律起度倨句一矩有半者谓股与鼓两处分为两矩一矩为句一矩为倨注作股字恐错了虽是股与鼓广狭长短不同难匀分为两矩然广处短狭处却长以此准折恰各占一矩甚均此谓倨句也两处形样寸数既分作两矩了却于磬垂下两角处中间放弯折共要一矩有半此上边倨句处减半矩据此数是减四分之一此谓一矩有半也以尺寸论之上边倨句处共四尺五寸则此下边两 之间恰有三尺三寸七分半然所以必要一矩有半者盖此磬体要半折不要带方折如一矩有半恰好若过此数则太过于直不及此数又忒弯曲印圖谓股广短鼓狭长以长掩短则鼓长于股者半矩是倨得一矩有半也以广掩狭则鼓广于股者亦半矩是句亦得一矩有半也此倨句各得一矩有半之意然则说上边尺度不见触两 之意矩者只是起数之名如车人半矩谓之宣冶氏以中矩归于胡以倨句归于援又匠人以沟洫说水磬折岂皆以方论【○贾氏曰案乐经之磬前长三律二尺七寸后长二律一尺八寸是磬大小之制此经倨句各一矩并矩

半皆假设言】

其博为一股为二鼓为三参分其股博去一以为鼓博参分其鼓博以其一为之厚

郑康成曰博谓股博也博广也○郑锜曰磬以上大者谓之股以其非所击故短而博【○陈用之曰股取况于股肱之股盖其体之肥故也】磬之下小者谓之鼓以其所当击故长而狭【○陈用之曰鼓取名于鼓舞之鼓】击者为前而在内不击者为后而在外内者在下外者在上故康成谓股外面鼓内面也○赵氏曰为一为二为三是分作三节筭分数博为一谓股阔广一律计九寸股为二谓股长二律计尺八鼓为三谓鼓长三律计二尺七寸三分股博去一为鼓博则鼓广六寸二分鼓博以一为厚则通上下其厚二寸此黄钟磬余皆以律准数

已上则摩其旁已下则摩其崱

赵氏曰凡乐厚则声清薄则声浊已上谓声太清已下谓声太浊○毛氏曰太清生于厚故摩其两旁而使薄太浊生于薄不可复摩故但摩其两端使之短短则势缓而声自然清○陈用之曰此记其调之之灋

周礼订义卷七十六

卷七十七

<经部,礼类,周礼之属,周礼订义

钦定四库全书

周礼订义卷七十七 宋 王与之 撰

矢人为矢

王昭禹曰夏官有橐人司弓矢而冬官又有矢人者盖橐人则掌以财赍弓矢之榦所以给矢人之用者也司弓矢掌弓矢之法则以藏矢人之成者也○赵氏曰矢人止为矢冶氏止为防二工皆有正职而矢鏃乃金工所制却是冶氏为之矢人特以已打成之鏃刮摩而用为矢考工所以列冶氏于攻金之工列矢人于刮摩之工正以此尔【详见冶氏篇】

鏃矢参分蒺矢参分一在前二在后

赵氏曰鏃矢注谓鏃之言 也可以伺 射敌人禽兽之近者而中焉【○毛氏曰以其鏃之重也故名之以鏃】蒺矢注改作杀以其中则可以死【○陈用之曰蒺之言拂也可以制物】即司弓矢所用于近射田猎者也○王昭禹曰三分一在前二在后者箭橐中铁茎三分而以一居前也夫杀矢刃长寸而铤十之所谓挺则橐中铁茎也矢长三尺而铁茎长一尺三分其铁而以一分居前则一尺之铤橐前得三寸三分寸之一橐后得六寸三分寸之二则箭铁为重也此所以中之则死而谓之杀矢鏃矢也【○陈蕴之曰案图說亦如此或谓矢长三尺一在前则铤长一尺在前耳不必又于一尺之铤分三分之一也然一在前者皆铁耳则前重矣】○易氏曰三分其橐之三尺则一尺在前二尺在后以后二尺之重与前一尺相等则橐前之铁为极重矣故其发迟而近射用焉

兵矢田矢五分二在前三在后

赵氏曰兵矢用于兵战田矢用于田猎谓枉矢絜矢也即司弓矢用于火射车战者也○易氏曰五分其橐之三尺则尺有二寸在前尺有八寸在后也以后有八寸之重而与前尺有二寸相等则橐前之铁比杀矢盖短而小矣故其发速而火射用焉

杀矢七分三在前四在后

郑康成曰司弓矢职杀当为蒺【○贾氏曰直言蒺矢不言矰矢以其与蒺矢同制故略不言】

赵氏曰蒦矢用于弋射要去得高所以铁茎前重处又少后又轻轻则射得入高空去不至低坠下也○易氏曰七分其藁之三尺则在前者尺有二寸七分寸之六在后者尺有七寸七分寸之一也以后七分之四与前七分之三相等则藁前之铁比兵矢又短而小矣故其发高而弋射用焉至于恒矢庠矢前后皆四分而此不言者以其无所轻重故也【○毛氏曰礼曰挺矢一乘骨鏃短衛志矢一乘轩輶中亦短衛矢本以杀物今以送死其鏃易之以骨志矢习射之矢志于中也所谓恒矢庠矢用诸散射是也其鏃以骨今以其送死故无鏃而轩輶约也惟无鏃乃均则恒庠骨虽不用铁以有骨九分宜四在前五在后矣】

總论

刘执中曰司弓矢所辨者八矢而此所记止五矢又田矢兵矢司弓矢即无有盖司弓矢以辨其名物为主考工记止记其爲之之法则有合而名之者皆该在其中且司弓矢据事之重者为先故枉矢絜矢用于战伐是重事则列在前鏃矢杀矢却在后此防铁之重者为先故鏃矢杀矢二在后者则列在前而枉矢絜矢却作田矢兵矢而在后也

参分其长而杀其一

郑锷曰此言为矢之法假令矢藁长三尺则削而杀其一使小令趣鏃也○贾氏曰藁人注云矢服长短之制未闻今所云长三尺者彼无正文此约羽六寸逆差之

五分其长而羽其一

郑锷曰又以其长而五分之以一分而安其羽其羽当六寸

以其筈厚为之羽深

郑锷曰所谓玃胡之筈是也字文为藁故有藁人之官量榦之厚以为羽深则以羽入筈不伤其力○赵氏曰筈之藏羽要恰好入羽太深则伤筈太浅则羽易脱当看筈厚薄而为深浅

水之以辨其陰阳

赵氏曰辨正也陰沉而阳浮凡物负陰抱阳阳木稊理而坚重陰木防理而轻柔竹亦如此阳生于山南者陰生于山北者阳竹轻清陰竹重浊然生而混成不可辨也惟水随物轻重而应之以浮沉初无心焉置于水而沉则竹必重浊置于水而浮则竹必轻清然后调适而用之然所以辨其陰阳者欲以设其比须使轻重均方可也

夹其陰阳以设其比夹其比以设其羽

赵氏曰比谓箭刮抵 处以其贴近 故名为比如五家为比以其近而相亲也夹谓以手指

夹而摇之既辨得陰阳了然后夹而摇那处轻那处重看得轻重均然后设其比设比了夹其比摇之使轻重均然后设其羽○贾氏曰弓竖用之故比在橐两畔弩横用之故比在橐上下无问弓矢弩矢比在两旁上下皆设羽于四角同也

参分其羽以设其刃

郑锷曰羽长六寸三分之而设其铤鏃之刃当长二寸也于文当为三分取一以设其刃不言取一者缺文也自参分其长而杀其一至于设其刃皆言为矢之法如此

则虽有疾风亦弗之能憚【音但】矣

赵氏曰矢之轻重羽刃相称则其发不可御矣憚惊畏之意虽有疾风亦弗能憚不能惊憚其矢而使缓其势也○李嘉会曰疾风如何能憚矢盖羽弗长头弗轻中弗软则前去径速疾风弗能憚也

刃长寸围寸铤十之重三垸【音丸】

赵氏曰刃长寸谓箭鏃也铤谓铁茎也垸是称两之名此言刃长寸而上文三分其羽以设其刃乃谓二寸意者一寸刃也二寸一半刃鏃一半刃根并而言之【详见治氏】○王昭禹曰此盖杀矢之刃铤如此○易氏曰刃过于长则滞而不发此刃必以寸所以独见于矢人治氏为杀矢亦曰刃寸

前弱则俛【音免】后弱则翔中弱则紆中强则扬羽丰则迟羽杀则趯

郑锷曰上文言其法此又言其不中法之状○赵氏曰此段理会箭筈并羽【○李嘉会曰矢之干强弱欲适中矢之羽丰杀欲适节】筈近比处软弱则矢行而低俛言低也筈近鏃处软弱则矢行而摇旋翔言回顾而掉转也中间轻弱则矢行邪曲紆言曲也中间强而太健则矢行高起扬谓飞扬也此是强弱失中者也羽丰则太多多则矢重而其行失于缓羽杀则太少则矢轻而其行过于急趯谓旁掉而去急也此是丰杀失节者也矢之病如此

是故夹而摇之以眡其丰杀之节也

郑锷曰欲知其病者必夹于两指之间以摇之如丰杀中节则摇之必均平而无轻重也○郑康成曰今人以指夹矢儻卫是也

桡之以眡其鸿杀之称也

郑锷曰以为未足以知其病又桡其榦如鸿杀相称则无强弱【○贾氏曰此言鸿即上文强是也此言杀即上文弱是也】

赵氏曰以指夹而摇之则羽丰杀之节可以眡而见以手指挠而屈之则筈强弱之称可以眡而知上是试羽下是试筈筈体欲相称故于鸿杀言称羽欲有节故于丰杀言节

凡相筈欲生而转

郑康成曰相犹择也○王昭禹曰为矢虽出于工之巧而材苟不美虽工亦不能易其质而为良所谓胡之筈亦以其材美也然则欲其筈之良孰若相其材之美乎○郑康成曰生谓无瑕蠹也 读如转黍之转谓圜也○郑锷曰欲其圜出于自然非 削也故曰生而转【○赵氏曰与庖人刺兵转同】

同转欲重

郑锷曰其转同矣则以重为贵○易氏曰于圜之中又择其材之实者

同重节欲防

郑锷曰其重同矣则以节目之防者为贵【○赵氏曰节密则轻重不等麓细不匀也】

同防欲防

王昭禹曰于节防之中又择其材之缜栗而坚【○郑锷曰防肉之色必黄或又取其色如栗也】

總论

赵氏曰弓之筈长弩之箭颇短弓箭设比在筈两旁弩箭横用之设比在橐上下其制度利病一般此所记者乃總云初不曾分矢以鏃为首以括为末然鏃蒺田兵杀皆有齐而考工独于杀矢言齐以杀矢要中之必死用金为多故特记之要调适其金锡其实皆有齐也

陶人为甗【鱼羣反】实二鬴【音辅】厚半寸唇寸

王昭禹曰陶人所以为甗为盆为甑为鬲为庾皆烧土为之陈用之曰茹毛饮血非所以养生圣人教之以火化舂谷以为米臼杵之利兴焉炊米以为食鬲甑之器用焉陶人之职其来尚矣考工所记盖亦因前代所制以为之法○郑司农曰甗无底甑

赵氏曰甗必有物以为底如今甑以竹为箄之类若果无底蒸物不得厚半寸言其身唇寸言其口邊又厚也○郑康成曰量六斗四升曰鬴○陈用之曰先儒所引者齐人之乱法非先王之制度所以知鬴为斛者盖防氏为量内方尺而负其外其实一鬴其唇一寸其实一豆豆谓斗也斗十之而为斛则鬴之方尺为斛可知或言鬴或言斛互相见也【○郑锷曰鬴之唇一

寸其实一升则其腹深尺当实十斗黼宜如管子所谓百升而成釜之釜也有足者谓之黼无足者谓之釜所容皆同故其名相近也】

盆实二黼厚半寸唇寸

毛氏曰盆以盛物亦以为量荀子谓亩数盆一本数以盆鼓也犹黼本以烹饪又以为量盖先王藏礼于器之意【○郑锸曰庄子鼓盆而歌记言夫人缫三盆此所谓盆也】

甗实二黼厚半寸唇寸七穿

郑锸曰甗以蒸物尔雅言甗谓之鬻诗所谓溉之釜鬻者亦甗之名也其厚其唇制作皆与甗同其实亦无多寡之异所以异者甗有底而其底有七孔耳【○王昭禹曰七穿所以达气○郑锸曰必七孔取火之成数】

鬲实五觶【音斛】厚半寸唇寸

郑锸曰鬲则鼎之类所以烹饪也经于亨人言鼎饒于小宗伯言逆饒于小司寇言实饒而不言鬲尔雅曰疑足谓之鬲疑空也盖其足之空中也○陈用之曰有甗必有鬲鬲盛水于下甗加于上以木巽火水在火上而水火相逮炊以熟物○郑康成曰豆实三而成觶则觶受一斗二升五觶者六斗也【○郑锸曰汉志云十斗为斛今人亦以十斗为斛斛之名与觶相近而容不同以理推之鬲所以蒸炊之器也其上容甗焉甗容多而鬲容少固其常也则觶为斗二升盖与斛异】

庾实二觶厚半寸唇寸

王昭禹曰庾用以量○贾氏曰尔雅菊二升二菊为豆豆四升四豆曰区四区曰釜二釜有半谓之庾庾本有二法故聘礼十六斗曰藪注云藪即庾也昭二十六年云粟五千庾注庾十六斗【○陈用之曰庾实二斛与经传所记十六斗之数不同盖所谓请益之庾者是粟之数非器之名岂此所记者自陶人所为缶属之谓非粟之数名也○郑敬仲曰庾从一从與少数也须與而度之矣】

總论

赵氏曰鬲如铛锅盛水甗甗加其上火炊以熟物物熟须要盆盛顿倾物入甗甗须要庾量多寡五者不可阙一

旒人为簋实一觶崇尺厚半寸唇寸豆实三而成觶崇尺

郑锸曰泥之在钧惟甄者之所为甄人合土而为器即旒人尔旒人掌为瓦器之方陶人则以

火而熟之旒人则以土而为之簋者盛黍稷之器也簋有以木为之亦有以土为之者說者以为宗庙用木天地用瓦诗言于豆于登则祀天有木豆矣仪礼馈食有瓦豆则宗庙用瓦豆矣旒人之为簋以土为之也然经言簋多矣独此载为簋之法说者谓簋以盛稻粱加膳也簋尊而簋卑用簋则簋从用簋而簋或不予故不言也观掌客所言上公簋十侯伯簋八子男簋六而簋则同十有二其尊卑固明然经无瓦簋之说此不言为簋者岂其不用土以为之故欤其实一簋容一斗二升此言自豆之实积而为簋之制三豆则为一簋簋之大能容三豆之物也考诸家說豆区量釜数皆不同盖始于经无为豆之法梓人言一献而三酬则一豆矣以爵一升觚三升考之则一豆当容十升字当为斗与此所谓豆盖不同此所谓豆乃俎豆之豆经只言豆实三而成簋不言豆之所容而康成以为豆实四升者盖用尔雅之文以谓匊二升二匊为豆故曰豆四升也然则此豆容四升以之为簋则簋容一斗二升矣不可以为豆区钟釜之法先王之为钟釜之法必不同俎豆之豆所容为醢說者之异同盖不考其详尔【○易氏曰豆谓瓦豆周家金木之豆皆四升即齐晏子所言四豆之实是已惟簋实簋所容三斗】

赵氏曰崇尺高也厚半寸身也唇寸口邊也惟豆与簋相似所以又兼为豆如陶人为甗又兼甗鬲盆庾也○贾氏曰簋法圓舍人云方曰簋负曰簋孝经陈其簋簋注云内圓外方者彼兼簋而言之

凡陶旒之事髻【音刮】垦薛【音擘】暴【音剥】不入市

王昭禹曰凡陶旒之事谓陶人旒人所作之器○郑康成曰髻读为跂【○贾氏曰跂谓器不正欹邪者○陈用之曰髻如法之髻言其聚而高】垦顿伤也【○陈用之曰垦如土之垦言其发而分】○郑司农曰薛读为药黄蘗之蘗【○易氏曰蘗言其破裂而不全】○郑康成曰暴坟起不坚致也○郑锷曰陶旒之事刚则甗柔则坯以其失刚柔之节致器之或过乎坚或不及乎坚而其病则甗则坯皆不可用也用器不中度不入于市髻而跂者则有欹斜之病垦而伤者则有毁顿之病与夫薛而破裂暴而坟起者皆不得以入市则工人用器不敢以苟简而罔利也

器中【去声】防【音遄】

郑锷曰防者植木于钩之侧上下崇四尺既附泥而转其钩之时则视此防拟度以为法使与防相应则其器端正也为器必欲中此防乃善【○陈用之曰器中防者欲其形之细滑也古文以防为切肉也陶器之形质如之则其细且滑可知矣豆亦器也言器中防则瓦豆亦与焉】

豆中县【音 县】

郑康成曰县县防正豆之柄【○贾氏曰豆柄中央把之者长一尺宜上下直与悬防相应○陈用之曰豆有柄立而用焉以直为贵】○赵氏曰言豆则只是豆中县言器则瓦豆簋皆是器皆要方正

防崇四尺方四寸

易氏曰中县易见而中防难知不可过于崇亦不可过于方故曰防当崇四尺厚当方四寸○赵氏曰防崇四尺谓正瓦器之高使不过此过厚则火烧不透易得破壊中义乃谓上文止言崇尺何用四尺高以为式疑有脱误却不知防者先王特为定则烧时为準凡高下斜曲皆就四尺内忖度不成做一尺高成样如今之木匠手持五尺则子起屋量一尺阶基也是此则子量一二丈柱栌也是此则子中义未之思尔

梓人为箏虞

郑锲曰或谓攻木之工七而分为二何耶余以为记人重时王所尚之輿故以轮輿之事先列之礼乐之器或用木以为之而名官特曰梓人者以梓为材之良制器者先贵乎良故以名官也【○王昭禹曰梓材之义可以为礼乐之器故工能治材以为器者谓之梓人】○郑锲曰梓人为礼乐之器固不一此言其为箏虞之法耳箏虞者乐器之所悬也其横者谓之箏以其圆如竹箏然且其絀如竹箏之文乐之节亦由此始故也其植者谓之虞以其中之虚而乐之声所由以达故也箏或作簠虞或作鑊其实一也【○易氏曰箏之上有崇牙所以县之也虞上设业以象业成于上而乐作于下业之上树羽以羽为南方之属而礼乐文明之象也】

總论

王氏详說曰明堂位曰夏后氏之龙箏虞商之崇牙周之璧翬夫箏虞所以县金石之乐也有虞氏戛擊鸣球与夫笙鏞以间是已有金石之乐夫岂无箏虞乎而明堂所言止于三代者则周人不以有虞之箏虞赐鲁也然考工记云商人上梓梓人为箏虞而不言璧翬固然矣岂梓人为商人所上之官而不言崇牙乎是知梓人非三代制也明矣且以箏虞言之灵台为文王作乐之诗曰虞业维枏賁鼓惟鏞有瞽为成王作乐之诗曰设业设虞崇牙树羽皆言虞而不言箏特以所悬者为主耳业大版也业之所设设于虞之下而金石之乐县在是故二诗皆言虞而不言箏至有瞽而又及于崇牙树羽者岂非成王之时乐为大备乎

天下之大兽五脂者膏者羸者羽者鳞者

郑锲曰言此物可以为宗庙之用○郑康成曰脂牛羊属膏豕属【○王昭禹曰杂肉而生谓之脂生于肉上谓之膏】○郑锲曰羸者先儒谓虎豹貔 兽之浅毛者若言有毛则不可谓之羸矣羽者能飞鳞者能藏飞者禽鸟也藏者龙蛇也亦不可以谓之兽合此二者而以大兽目之记者之误也

宗庙之事脂者膏者以为牲羸者羽者鳞者以为箏虞贾氏曰此别言之欲分别可以为箏虞者○郑康成曰为牲致美味也箏虞贵野声也

陈用之曰此篇所记多无据而不可考证如言天下之大兽五而羽者鳞者与焉夫羽炎亢于

上能飞而不能潜鳞伏藏于下能潜而不能飞若非所谓兽也其所谓羸者则指虎豹之属岂羸也哉宗庙之事脂者膏者以为牲羸者羽者鳞者以为笋虞如鸡人共鸡牲司马羞牲鱼则羽者鳞者岂不以为牲乎其以羸者为虞鳞者为笋则凡乘乐器者皆用之亦不必宗庙之事

外骨内骨却【音却】行仄行连行紆【乙俱反】行以脰【音豆】鸣者以注【陟又反又音铸】鸣者以旁鸣者以翼鸣者以股鸣者以胷鸣者谓之小虫之属以为雕

贾氏曰此更别言小虫之属以饬祭器者○郑康成曰外骨龟属内骨鼈属【○贾氏曰鼈外有肉縁故为内骨】却行螾衍之属仄行蟹属连行鱼属紆行蛇属脰鸣鼃龟属【○贾氏曰即虾蟆之属也项中鸣也】注鸣精列属【○贾氏曰释虫云蟋蟀蚱注云亦名青蚧】旁鸣蜩蛎属【○贾氏曰蜩蛎即蝉也蝉鸣在肋】翼鸣发皇属【○贾氏曰尔雅蚻蟪蛄郭云甲虫也大如虎豆緑色江东呼为黄蛄即此发皇也】股鸣蚣蝑动股属【○贾氏曰五月斯螽动股陆玑云幽州人谓之春箕长而青角长股股鸣者】胷鸣荣原属【○贾氏曰扬雄以为蛇医或谓之荣原】

郑锸曰或取其行或取其鸣用其状貌刻画雕 于祭器之间凡以致其文之美以见其外物无不尽也

厚唇弇口出目短耳大胷燿【所教反】后大体短脰若是者谓之羸属恒有力而不能走其声大而宏有力而不能走则于任重宜大声而宏则于钟宜若是者以为钟虞是故击其所县【音 县】而由其虞鸣

郑锸曰其唇厚其口弇【○赵氏曰弇小敛貌】其目突出其耳短其胷大其后燿而削【○郑康成曰燿读为哨颀小也○贾氏曰哨与颀皆是少小之义凡猛兽有力者皆前麓后细故云大胷燿后】其四体大其脰短者虎豹 貔之类其色浅而短虽非羸也亦羸之属是物也气猛毅故常有力身重迟故不能走然其声大而宏【○郑司农曰宏读为纛纛之纛谓声音大也】为钟虞者宜取乎是也何则钟至重物也惟有力而不能走者必能任重也钟之声至大也惟声大而宏者则与之称也故用之以为钟虞以县乎钟苟击其县则似其声由虞以出也【○郑司农曰由若也】

锐喙决吻数【音促】目颀【古顔反】脰小体骞腹若是者谓之羽属恒无力而轻其声清扬而远闻【音问】无力而轻则于任轻宜其声清 而远闻于磬宜若是者以为磬虞故击其所县而由其虞鸣

郑锸曰其喙锐【○赵氏曰喙鸟觜画处锐尖也】其食物则决之于吻【○郑康成曰口腭也】其目数而近其脰颀而长【○贾氏曰颀长脰貌】其四体小其腹骞腾而上者也【○赵氏曰骞亏也】禽鸟之类也是皆以羽而飞者也故谓之羽属是物也微弱之至故常无力便防善飞故轻然其声则清 远闻焉为磬虞者宜取乎是也何则磬为至轻故无力而轻者足以任之乐声莫清于磬而闻及远者也故声清扬而远闻者则与之称也故用之以为磬虞

以县乎磬苟擊其县则若其声由虞而出也

郑敬仲曰凡虞之制物形皆于下以载之故有任重任轻之异

小首而长转身而鸿若是者谓之鳞属以为笋

郑康成曰转圜也○郑锷曰鸿大也首小而长身圜而大者龙蛇之类也故谓之鳞属用以为笋圜且长以龙蛇之形画之也

贾氏曰钟磬之虞用鸟兽不同二者之笋则同用龙蛇鳞物为之

凡攫【俱 反】網【色界反】援【音袁】簪【音筮】之类必深其爪出其目作其鳞之而

郑康成曰谓笋虞之兽○易氏曰攫言其便防而攫物網言其纖利而網物○郑锷曰援能攀援而登高簪言吻之嚙而食【○贾公彦曰攫網者攫着则杀之援簪者援揽则噬之】○郑康成曰深犹藏也作犹起也之而頰 也

王昭禹曰必深其爪则其爪长必出其目则其目露而瞪必作其鳞之而则其势起而直【○毛氏曰鳞在身之而在頰贾氏曰如此之类必藏其爪出其目又作其鳞之而鳞之而谓动頰皆可畏之貌】

深其爪出其目作其鳞之而则于眡必拨尔而怒苟拨尔而怒则于任重且其匪色必似鸣矣

贾氏曰以似非真实故为拨拨谓鸣声发动也○郑锷曰且当如诗所谓有萋有且之且匪当如斐然成章之斐且者饰以萋且之文也且其匪色谓饰以斐然之采色也○王昭禹曰如此则其于视也若拨动其体而怒焉虽任大钟其力之勇鰲足以胜之而不为重且其匪然之文着于采色之间擊其钟则似由其兽之鸣矣○易氏曰非果鸣也制作侔乎造化则物之无声者亦疑于有声矣

爪不深目不出鳞之而不作则必頽尔如委矣苟頽尔如委则加任焉则必如将废措其匪色必似不鸣矣赵氏曰頽頽败也委委靡也废不举也措置而不动也○郑锷曰为钟虞者必取其至猛之象若夫爪不深目不出鳞之而不作之物其状柔弱不能自立頽然倾靡如将委地其状如是加以任重则不胜其任如将废矣苟又措其采色亦似不能鸣也此脂者膏者之状只可以为牲歟

總论

赵氏曰凡此皆先王假物意以形容钟磬声一要宏大一要轻清欲工人体此意而尽斲削之巧尔

梓人为饮器勺【音杓】一升爵一升觚【音孤】三升献以爵而酬以觚一献而三酬则一豆矣

王昭禹曰梓人为笋虡为乐器也为饮器为礼器也○郑锷曰非酒无以为礼非器无以饮酒饮酒之器大小有度乡衡有法则命梓人以为之焉勺与爵各可容一升觚可容三升此其法也勺以酌之而用爵以饮故其实皆一升也谓之勺者言酌度以取之其取者少也谓之爵者其形如雀容受为至少也至于觚之所容则三倍矣多焉三倍而名谓之觚者亦以见其所容者多孤立无朋之意○赵氏曰勺以酌酒今之杓是也古者有龙勺刻龙在上明堂位言灌尊龙勺防勺蒲勺是也爵用以盛酒盏之小者【○薛氏曰爵刻木为之漆其中形如玉爵焉】觚盏之有棱角者又大似爵凡酒盛于樽必先以杓挹酒然后注于爵中至用觚则加厚也梓人先勺而后以爵与觚小大先后序当如此○王氏详説曰明堂位曰夏后氏以醴商以斚周以爵梓人之爵一升非商人之上梓也明矣虽似周制亦不尽乎周制且一升曰爵二升曰觚三升曰觶四升曰角五升曰散總而名之皆曰觴也明堂位曰爵用玉琖仍雕加以璧角璧散礼器曰贵者献以爵贱者献以散尊者举觶卑者举角特牲者二觶二爵四觶一角一散则是用制之有五等矣此言爵曰觚而不及觶与角与散其非周制也明矣然郑氏以觚当为觶豆当为斗盖以所容之酒约之献以爵酬以觚一献而三酬则为酒一斗若不以觚为觶则不及斗酒之数矣縁觶之一字其书有三有以角旁从支者有以角旁从单者有以角旁从氏者角旁从氏当误而为觚字也必矣若夫五等之觴所容之外又有所谓觥者诗曰兕觥其觥是也又有所谓丰者乡射记曰司射命弟子升设丰是也郑氏于觥之说失之以觥即角也曾不谓所容四升何以为罚爵乎旧图与许慎皆谓七升曰觥其説似可采也旧图于丰之説失之以丰为人形而首载杆谓丰国之君以酒亡国曾不谓丰为爵之承槃与坫同人以酒亾国者何必丰乎郑氏与聂氏皆谓丰如豆而卑其説似可采也但梓人所为饮酒器皆以木为之诗曰酌之用匏则于是乎有匏爵矣此用之于郊也书曰乃受同瑁则于是乎有铜爵矣此周人用之于圭瓚也明堂位曰爵用玉琖此鲁人用之于灌也然则周人自用铜而与鲁人以玉爵乎曰周制所以当代异代为贵贱而不以铜玉为贵贱也

刘氏曰一献而三酬者献以一升酬以三升也并而计之为四升四升为豆豆虽非饮器其计数则然○陈用之曰賓主之礼有献而后有酢有酢然后有酬献也酬献盖本于主而酢之礼则在于賓献者礼之施也酢者礼之报也酬者礼之成也○郑锷曰主献賓则以爵而酬賓则以觚君子以燕饮之礼乐嘉賓之心与之献酬主尊賓有献以爵则一升也賓于是酢主人焉主人又酬之其酬以觚则三升也献以一升酬以三升三酬而九升合一献之升而计之是为一斗也献必以一者行礼之始以诚为主也酬必以三者行礼之终以厚为贵也一献则以少为贵三酬则以多为贵【○易氏曰天下之礼主献賓賓之酢主人主人复酬賓今止言一献三酬为一斗之实而不及酢者專以待賓为义且为中人之食设也盖中人之食以一献三酬为一斗不当言豆故先儒改豆为斗此却不必改也古之为豆有三有以金为之者有以木为之者有以瓦为之者以金为豆其实四升齐晏子所言是也以木为豆其实亦四升醯人四豆

之实是也惟考工记所言以瓦为豆者与金木不同其实乃至十升则旒人言豆实三而成𪗇是也梓人之豆十升即瓦豆矣先儒亦知瓦豆之制异于金木之豆或者又泥于旒人十升之説且谓金木之豆皆十升尤非通论】

食一豆肉饮一豆酒中人之食也

郑康成曰一豆酒又声之误当为斗○陈用之曰升十之为豆豆即斗也○易氏曰十升之瓦豆诚天下之中制○郑锷曰中人之量能容者不过一豆之肉一斗之酒耳不及乎此或不足其欲过乎此则或不胜其任是故以一斗为率而用爵与觚以为献酬之节记曰觴酒豆肉豆所以盛肉也故曰豆肉至于酒非可以豆计矣谓之豆酒当为饮一斗酒也

凡试梓饮器乡【许亮反】衡而实不尽梓师罪之

郑锷曰此言试梓之法也梓匠之所为未尝无法试之之术观其饮器耳○郑康成曰衡平也○陈用之曰百工之事必有师焉师则以教其属为义饮器向口而平矣而其中所实尚不尽焉则为造之不精可知矣此所以得罪于梓师也试其器必以尽实为度盖以礼有卒爵饮之既饮之然至于三而止过是则流于乱矣

梓人为侯广与崇方参分其广而鹄居一焉

毛氏曰侯以布为之以皮饰之梓人攻木之工而为侯者以侯待木而张故也○郑锷曰射必用侯正名曰侯者盖天子射之所以服诸侯臣下射之得以为诸侯也天子诸侯卿大夫各有所射之侯而侯之制则有小大之不同天子之熊虎豹侯九十弓侯中丈八尺诸侯熊侯七十弓侯中丈四尺卿大夫麋侯五十弓侯中一丈然其侯中之广与崇方则一而已【○郑康成曰崇高也方犹等也】其广与崇适相等焉谓侯之中高广相似也盖偏于左右则不得其正倚于上下则不得其正惟正然后可以期于中所以欲其相等也匠人之为防亦云广与崇方盖非相等则其力不足以捍患故也○王昭禹曰鹄栖侯以为的者鹄之为物远举而难中射以及远中难为善中则告胜焉故的谓之鹄也鹄以皮为之各如其侯鹄居侯中三分之一唯大射以皮侯其余有质射燕射○郑锷曰弓二寸以为侯中虎侯之弓以九为节则侯中一丈八尺也中一丈八尺则鹄六尺也由是推之熊侯七十弓侯中丈四尺则鹄方四尺六寸有奇豹侯麋侯五十弓则侯中一丈而鹄方三尺三寸有奇郑众马融皆曰十尺曰侯四尺曰鹄二尺曰正者盖不考诸此耳【○易氏曰梓人为侯者三射之侯也古者天子之礼有燕射有质射有大射而梓人所言者主乎大射之侯何以知之以其言鹄而知之也郑康成曰大射之侯用鹄质射之侯用正燕射之侯用质不言质射之正燕射之质而独言大射之鹄举一以该三者也】

上两个与其身三下两个半之

郑锷曰弓之左右出者其名曰个亦名曰舌个或音榦取其张而用力也又名曰舌者取其出

而左右也侯有中又有躬有舌舌即个也与其身三者言身居一分上两个倍之而居其三也下两个半之者言下两个居上两个之半也○郑康成曰身躬也乡射礼记曰倍中以为躬倍躬以为左右舌下舌半上舌【○易氏曰身在中而居一分两个在左右而居三分故曰与其身三倍中以为躬则躬之广凡三丈有六尺倍躬以为左右舌则上两个之广凡七丈二尺侯之制上广而下狭上两个各出丈八尺下两个半之各出九尺余两畔之丈八尺正合五丈四尺之制其制则躬夹中个夹躬在上下各一幅先儒谓用布三十六丈是也此以天子虎侯为言者也若夫鹞侯七十弓则其中为丈四尺其躬为二丈八尺其两个为五丈六尺其鹄为四尺三分寸之二矣豸侯五十弓则其中为丈其躬为二丈其两个为四丈其鹄为三尺三分寸之一矣非特大射三侯为然虽寅射燕射之侯用正用质之不同而其广狭长短皆可以类推】○郑康成曰侯制上广下狭取象于人也张臂八尺张足六尺是取象率焉【○郑锷曰古者制度取于身而器用生于类故侯道生于弓而侯中亦生于弓弓二寸以为侯中倍中以为躬倍躬以为左右舌故其命名亦然】

上纲与下纲出舌寻緼【音云又隕】寸焉

郑司农曰纲连侯绳也舌维持侯者緼笼纲者【○赵氏曰緼是圈子穿在个边纲却穿过圈子以防在植上】○易氏曰纲所以持侯而繫于植緼所以持纲而繫于侯上纲与下纲出舌皆八尺者以象人张臂之义緼寸者以象人伸指之义盖臂为寻而指为寸皆近取诸身者也此又三射之侯与夫三侯二侯一侯之所同也【○窦氏曰九十七五十弓之侯丈尺广狭不同緼纲笼繫亦异且大侯上舌七丈二尺上端共使四纲余有八纲布在七丈二尺之间每九尺一纲共十二纲则侯之缓急上下不等然亦依侯大小为数取称也】

张皮侯而栖鹄则春以功

愚案此大射之侯

郑康成曰皮侯以皮所饰之侯司裘职曰王大射共虎侯熊侯豹侯设其鹄谓此侯也【○贾氏曰缀于中间似鸟之栖故曰栖鹄】○郑锷曰皮侯者天子将祭择士助祭所射之侯也有诸侯卿大夫有列国所贡之士焉其中多者得与于祭其中少者不得与于祭数与祭而君有庆数不与祭而君有让则是大射之礼乃所以勉诸侯卿大夫士以立功也春以功盖气至于春则发生之时人至于春则立功之时大射之礼所以发动使之求为有功之事也【○郑康成曰春读为蠢蠢作也出也天子将祭必与诸侯羣臣射以作其容体出其合于礼乐者与之事鬼神焉】○李嘉防曰大射择士之射张虎豹之皮示难服也而鹄又难中之鸟而能中者则可择矣

张五采之侯则遠国属

郑锷曰五采之鹄者即射人所谓五正之侯也虎侯五正熊侯三正豹侯二正用五采以画焉中朱次白次苍次黄而居外以五行相克为次也以南为首故先朱以正为的故曰正画用

五采故曰采侯张五采之侯则王与来朝之诸侯行賓射之礼也惟朝防而张此侯以射此遠国所以繫心于王而不敢攜貳也說者以为遠国岂张侯而遂使之属欤殊不知物有甚微而托意甚遠者五采之侯以文为主示之以文所以明用文德而不用武之意也能使遠国属孰谓其不然哉○贾氏曰遠国对畿内诸侯为遠也【○陈用之曰遠国属者所谓賓礼也】

张兽侯则王以息燕

郑锷曰六兽皆正面画其正首于正鹄之处张兽侯以明兽之害人者吾已射之矣此可以息燕焉○陈用之曰息燕云者于安息无事之时燕羣臣而与之射也【○郑康成曰息者休农息老物也燕谓劳使臣若与羣臣饮酒而射】

贾氏曰此燕射以其事防天子已下惟有五十步侯而已无尊卑之别

總论三侯

陈用之曰此三侯者皆王所射也皮侯则饰之以皮采侯则饰之以采兽侯则无饰也为熊虎豹而已射人以射法治射仪王以六耦射三侯九节五正此總言王所射者也其所谓三侯即熊虎豹者也其所谓五正即五采是也或为熊虎豹之形而不采或为而采之又饰之以熊虎豹之皮焉则所用之异也皮侯则司裘所共者是也司裘言王大射共熊虎豹之侯则大射之侯所饰之皮可知矣所以知采侯为熊虎豹之侯而饰之以采以射人见之也所以知兽侯为熊虎豹之形者盖以王之所射在此三者故也先儒不此之思引乡射记天子熊侯白质诸侯麋侯赤质大夫布侯画以虎豹士布侯画以鹿豕以为兽侯之制夫乡射所记已无所考防况彼所记者乡射而引之以证燕可乎大射张皮侯其义则以功为主賓射张采侯其义则以礼为主燕射张兽侯其义则以质为主示其情故也

祭侯之礼以酒脯醢

王昭禹曰侯而祭之者神无乎不在而君子无往不用其至也

郑锷曰考乡射之事司马洗爵升实之以降献获者于侯荐脯醢设折俎折俎与荐皆三祭获者负侯拜受爵乃适右个左个中南面而祭侯终则左个之西北三步东面而卒爵此祭侯之礼也然射人祭侯则为位郑康成谓献服不以祭侯为服不受献之位则与乡射所言不同乡射献获者在于射中之后射人献服不在于未射之前则乡射之礼异乎射人天子之射祭侯之礼矣盖侯之有神者其先有功于射者也君子于古先有功之臣未尝或忘之也故食有先食蚕有先蚕卜有先卜农有先农皆不忘其初也况于射乎祭之之礼酒与脯醢而已无牲体之荐无多品之美取乎薄而可以为礼者亦以为取足不忘乎礼也祭有以少为贵者此也

其辞曰惟若宁侯母或若女不宁侯不属于王所故抗而射女强饮强食诒女曾孙诸侯百福

郑康成曰若犹女也宁安也谓先有功德其鬼有神或有也若如也属犹朝防也抗举也张也诒遗也曾孙诸侯谓女后世为诸侯者○贾氏曰祭侯者祭先有功德之侯若射侯则射不宁侯有罪者下文母或若女已下是也【○陈用之曰射礼诸侯以貍首为节盖貍首者乐防时也其义则诸侯以时防天子为节不属于王所则反是此所以禁而止之而有射女之戒】○易氏曰侯之为侯非止射侯而已内能受矢外能威人者为射之侯屏蔽王室敌王所忤者亦为天子之诸侯使诸侯而安其为侯则善矣其或不安其为侯不能奉承乎王命则司马九伐之法在所必及故托其辞于祭侯曰抗而射女尔诸侯可不知所戒乎诚能安其为侯谨守臣节则富贵可以长守故曰强饮强食诒女曾孙诸侯百福然虽曰诒之自上而所谓惟若宁侯者实诸侯之自求多福也

周礼订义卷七十七

卷七十八

钦定四库全书

周礼订义卷七十八 宋 王与之 撰

庠人为庠器

陈用之曰郑氏读庠为纁盖庠有總制之称庠器谓秘也秘櫜也先儒以为积竹杖则所谓庠器者盖總合众体而成其为器焉夫兵之用以胜为主胜物则其致用者不可不求其坚固故櫜之属积竹为之取其坚固也【○郑锷曰庠者人之所托处也庄周曰仁义圣人之籓庠可以托宿而不可以久防余取以为证焉夫所以攻刺乎人在兵兵之所托以为用者在柄非兵也特兵器之所托焉耳亦犹庠然非人之所居也特人之所托焉也】

易氏曰兵有五而弓矢不与焉曰戈曰殳曰防曰酋矛曰夷矛凡五也五兵又有攻金之工冶氏等为之今庠人虽言五兵六建然庠器非兵事也亦非專言五兵也特为五兵之庠器而已

戈秘六尺有六寸殳长寻有四尺车防常酋矛常有四尺夷矛三寻

郑康成曰秘犹柄也○王昭禹曰戈矛防之柄谓之秘者盖操执之以为用则谓之柄左右挥而为取必则谓之秘秘言其事而且有慎意故音恣○陈用之曰殳擊兵也如杖而无刃○郑康成曰八尺曰寻倍寻曰常○郑锷曰殳长寻有四尺则一丈二尺○陈用之曰戈防皆刺兵也戈二刃防三刃○郑锷曰车防常则一丈六尺谓之车防者疑防之制人所执者与车所建者长短不一也惟建于车防则丈六尺也左传言楚武王荆尸授师子焉注谓子防也防以授师岂非人所执之防乎顾命云一人执戣一人执瞿說者皆以为防谓之执则人所执可知以是观之记者曰车防所以别之也酋矛夷矛皆勾兵矛上锐而旁勾酋矛夷矛特因长短而取数尔矛用以勾则宜长于防然后有及故酋矛长二丈四尺酋言就也近而就之也以酋矛为长为往而就之故曰酋矛夷言伤也以夷矛极长二丈四尺勾则有及而伤物为易故曰夷矛【○郑锷曰清人之诗曰二矛重英盖指此二矛为言也矛之饰以朱而英饰以毛羽故诗人有朱英之說】

赵氏曰戈以下是五兵建于车上其尺寸皆通刃数算了【○郑锷曰此言戈秘六尺六寸直指其柄之长以为言耳冶氏为戈广二寸内倍之胡三之援四之则援长八寸矣疑此言者柄而已非通刃之辞也】即前六等之数皆以四尺为差司兵云五兵五盾又云军事建车之五兵盖有车之五兵有步之五兵车五兵戈殳防酋矛夷矛是也步卒五兵无夷矛而有弓矢然夷矛虽不施于步而弓矢未尝不设于车小戎云交轂二弓则车上弓矢可知戈秘虽有六尺六寸却是邪插在车上只高四尺所谓既建而迤也独戈言秘即短者举之以包其余也王解云凡用兵器遠则弓矢射之近则矛勾之勾之矣然后殳者擊之戈防者刺之庠人所序则以

长短为先后戈在先言其极短夷矛在后言其极长刺兵莫短于戈莫长于车防车防常则长一丈六尺矛所以句宜长于防然后可及故酋矛常有四尺则长二丈夷矛三寻则长二丈四尺殳特以擊长短宜适中故长寻有四尺计一丈二尺先王制兵以五人为伍即一伍之中而五兵具盖五兵阙一不可一伍而五兵则人执其一随所宜而应之若弓矢则夫人皆有故经有司兵又有司弓矢之职

凡兵无过三其身过三其身弗能用也而无已又以害人

郑锸曰人长八尺夷矛之长固已三乎人之身矣自是而上不可过过则人之力有所不能用非惟不能用且其长不可运又将害乎用矛者之身此兵器之长及夷矛而止正以不可三其身耳故曰过三其身弗能用也而无已又以害人谓之而无已者犹言不特如此也○贾氏曰已止也谓不徒止又以害人人自己身也【○陈用之曰已疑当作已字凡兵虽善必已之体力胜及能用五人之伍左右前后手足耳目有以相及也所执之兵过三其身非特人之体力不能胜之用不便利而误焉有以害乎人矣故曰又以害人人对已而言之】

故攻国之兵欲短守国之兵欲长攻国之人众行地远食饮饥且涉山林之阻是故兵欲短守国之人寡食饮饱行地不远且不涉山林之阻是故兵欲长

贾氏曰司马法云弓矢围又矛守戈防助此言攻国之兵短则弓矢也守国之兵长则殳矛是也攻国守国皆有戈防以助弓矢殳矛以戈防长短处中也【○易氏曰此言攻国守国复有长短之制非于定制之中复有增损于其间兵莫短于戈与殳故攻国者用之兵莫长于防与矛故守国者用之各欲其器之便于人而已】

凡兵句【音钩】兵欲无弹【去声】刺兵欲无蜎【于全反】

陈用之曰所谓句兵者指矛而言也所谓刺兵者指戈防而言也所谓擊兵者指殳而言也郑氏以戈防为句兵以矛为刺兵为改句言擊其失甚矣字说曰矛者句之殳者擊之戈防者刺之盖本此经所谓句兵擊兵刺兵而言之也○郑锸曰句人则欲其来故其制欲无弹言不可如弹弓之势向外去而不收也【○王昭禹曰弹谓如发丸失于大圆也○陈用之曰弹之物击而不著者句兵之用正以着物为事故欲无弹】刺人则欲其入故其制欲无蜎言不可如井虫之偃挠而无力也【○陈用之曰蜎之为物弱而不劲刺兵之用正以刚健为本故欲无蜎】

是故句兵棹【音輦】刺兵抔【音团】

毛氏曰因上文各致其义盖上统言其柄此正言所把之处而已凡柄皆八棱惟把处不然句兵之把则侧方而去楞故曰棹棹随圆而扁也【○郑康成曰齐人谓柯斧柄为棹】刺兵又非棹也去棱而全圆也故曰抔抔圆也○郑锸曰棹则其勾而来也易抔则其刺而往也易

兵同强举围欲细细则校刺兵同强举围欲重重欲傅人傅人则密是故侵之

毛氏曰上欲见兵柄之圆扁故以句刺为对此欲见其把围之长短远近故以 为对○贾氏曰以殳长丈二而无刃可以 打人故云 兵【○郑锷曰变句兵而谓之 者戈防可以句可以 殳不可以句然而无刃而长可以 人也故专言勾兵足以见戈防而不及殳于是言以包之左传晋人以防勾栾桀而杀之子而以戈击子皙以戈防可勾可 之验也至于殳虽建于车然王之行则使人执以前驱故诗曰伯也执殳为王前驱谓其可以击人故也】○毛氏曰同强与矢人之同异彼以两物相比为同此就一物之上下以为同故郑曰同强上下同也○郑锷曰 兵之柄上下及中同欲强劲手所举处之围则欲细而已惟强则劲而有力惟细则用之也校与左 叔孙纁而婉之纁同校之为言疾也【○赵氏曰谓秘围细则用之之时校疾不碍手费力也】

赵氏曰刺兵同强谓戈防秘本末中央要坚强同也手所操处围却要重重则增之使丰以之刺则必傅着也如傅贴之傅也密着而无失也操重以刺则着而无失着而无失则能胜之矣侵言胜也

凡为殳五分其长以其一为之被而围之

赵氏曰被谓把中围谓围而圆之也正其所执之处而手所被者故曰被然前云举而此却云被者盖举则举而提之被则操而用之之处本不同也殳长寻有四尺计丈二尺五分其长以其一为之被而围之则把处得二尺四寸长围圆也于此处圆之则非所执之处必不圆矣注谓凡矜八觚明其非所执处有棱角也

参分其围去一以为晋围五分其晋围去一以为首围赵氏曰晋谓殳下插车处铜鐻首谓殳上头锐处也三分被围去一为晋围则晋围长一尺六寸而趋鐻处又杀也五分晋围去一为首围则首围长一尺二寸有奇而趋上头尖处愈杀也

凡为酋矛参分其长二在前一在后而围之

赵氏曰酋矛止言二在前一在后不指其围处长处则五分去一其尺寸尤不可考意者与殳同制故经略之耶围之亦欲圆匝而好操执也

陈用之曰举殳矛与酋矛之围则戈也防也夷矛也三者之围亦从可知

五分其围去一以为晋围参分其晋围去一以为刺围陈用之曰晋围指其在下言之首围指其在上言之刺围指其上锐者言之于殳言首以其上无刃直指其首而已于矛言刺以其上为有所入故以其锐名之郑氏以矛为刺兵其误盖本于此

郑康成曰为戈防之矜所围如殳夷矛如酋矛

凡试庖事置而摇之以眡其蜎也炙诸墙以眡其桡之均也横而摇之以眡其劲也

郑康成曰置犹树也○贾氏曰置而摇之谓竖之于地上以手摇之以眡其蜎蜎然均否【○王昭禹曰以审其干弱而桡也○郑锷曰不坚劲则摇之而桡矣】○郑康成曰炙犹柱也以柱两墙之间挽而纳之本末胜负可知也正于墙墙踔【○贾氏曰谓柱之两墙观其体之强弱均否】○贾氏曰横而摇之谓横置于膝上以一手执一头摇之以眡其坚劲与否也

陈用之曰置而摇之以视其蜎言所病也炙诸墙以视其桡之均横而摇之以视其劲言所利也

六建既备车不反覆谓之国工

郑康成曰六建五兵与人也○俞氏曰车之六建夷矛建于酋矛之前酋矛建于防之前防建于戔之前戔建于戈与人之前【○王昭禹曰六建所谓车有六防之数也】○郑康成曰庖人所造有柄者戈防戔酋矛夷矛五兵也【○赵氏曰六等无夷矛于庖人详之此器何不具于车若谓夷矛二丈四尺太长而不便于车上然司兵军事建车之五兵则夷矛在其车上且夷矛高酋矛四尺与车六等高低次第恰好相应意者夷酋同为矛六等止辨其名不同者而名之同者其器相类不必辨耶否则六等之建有无互相见耶】反覆犹轩輶○郑锷曰前云车有六等之数盖以轸与人而言之不及夷矛也论其高下故曰等此云六建盖人与兵皆有立于车上论其建立故曰建也凡此六者皆建于车上制不得法长短小大不适其平则车不能胜必颠覆也惟不颠覆自非尽制作之巧者有所不能矣

匠人建国

郑锷曰梓匠轮舆皆工之巧而梓人与轮舆只能为器为车而已至于为工而从事于斧斤者匠也攻木攻土无所不能是以谓之匠○陈用之曰大司徒以土圭之法求地中主天地之中而言焉匠人建国水地眡景昼参夜考又将求王国之中

水地以县【音 县】

赵氏曰县者谓于造城之处四角立四柱于柱四畔垂防以正柱柱正然后去柱远以水平之法望柱高下定即知地之高下然后平高就下地乃平也盖地高则柱高柱高则映于水之影短水地者于柱四角之中掘地贮水以望柱也【○毛氏曰谓于地之四边掘而为沟以围绕之而注水于其中水之浅深相似不偏则虽不平高下依水以为平矣然水所注湏臾干焉故既依水以得其平又以防依水而县之水虽干而防存则不复资于水也以防为正足矣此县宜以防相牵连而县于水之上也】

郑锷曰天下之至平莫如水将以知地之高下则用水而视之天下之至直莫如绳将以知之邪正则用绳而视之谓之水地以县者既度地而筑之未知其高下乃用水以望之也然水

可以望高下必以绳而驗之用水以平地立柱以悬绳观水矣而又观绳则平与直皆可知也

置槲【鱼列反】以县眡以景

毛氏曰水地之县求地之平也既得平矣宜辨方以正东西南北之所在正之如何置 以县而已【○郑锷曰八尺之表谓之 与书所谓臬司之臬同皆法也八尺之表则法之所在也】夫立 以致日景而正四方 或不正则景从而差先王垂其绳以正其 而后眡其所致之景焉上言水地以县以依水而横县之也此言置 以县则直县之而已○赵氏曰唯置 平直则冬至夏至日出入景或尺五寸或一丈三尺皆可眡矣置水于地置 于地必假防而后正故皆以县焉○陈用之曰谓之水与司徒所谓土其地者同以测其土之深故谓之土以求诸水之平故谓之水

为规识日出之景与日入之景

毛氏曰识谓记之也此申明上文眡景之义大抵平地宜以水水在地而近人审之为易辨方宜以日日在天而遠人审之为难故置县 以致其景而眡之也然日不暂停晷亦随之 虽能致其景而又随其出入之景而规识之如是则日虽在 而 所以得之者规画之识而已此言规犹轮人之言矩其陰阳也矩与规方圆不同皆为刻画之称○郑锷曰记景之法必画为规者盖规圓而矩方惟因其圓然后中屈之○郑康成曰度两交之间中屈之以指 规之交处则东西正也于两交之间中屈之指 又知南北正也○易氏曰又于四旁之地为规圓之势画以识之日出于东其景在西则识其出景之端日入于西其景在东则识其入景之端景之两端既定中屈其所量之绳而两者相合则地中可验

昼参诸日中之景夜考之极星以正朝夕

赵氏曰昼是昼漏半正午时此时日正行在天之中虽不正在天中行然必在极旁行及夜候极星则日去极遠近可验夜正是夜半三更正子之时极星谓北辰正当天极中以居天之中众星所拱者谓之极极言中也○易氏曰又慮所规之不正也复以出入之景与日中之景三者相参故曰参又慮所参之或偏也复以日中之景与极星之度两者相考故曰考且极星之度何与于日月之景凡以验日景之中而已盖夏至日在南陆躔于东并去极六十六度有奇而其景尺有五寸冬至日在北陆躔于牵牛去极一百一十六度有奇而其景丈有三尺春分日在西陆躔于娄秋分日在东陆躔于角去极九十一度有奇而其景均焉观日躔去极之遠近以验四时考四时日景之短长以求地中则东西可正

王昭禹曰昼参日景所以正其朝也夜考极星所以正其夕也

陈用之曰朝主东言夕主西言东西正则南北可从而正矣东西南北位皆正则中可求矣【○郑锷曰昼参日中之景所以求地之中夜考天之极星所以求天之中如是则可以正朝夕国当天地之中四方各正当朝则朝当夕则夕早晚晷刻不失之先不失之后于此而为天子

之居以受百官之朝则朝不废朝暮不废夕自非辨方正位之初克正朝夕安能至此】

匠人营国

郑康成曰营谓丈尺其大小○郑锷曰灵台之诗云经之营之定之方中之诗云始建城市而营宫室则建国之与营国异矣建言其始造营言其筑作此言经营之法【○王昭禹曰作而立之之谓建言其始也周围而治之谓之营言其终也】

方九里

王氏详说曰周制天子之车十有再就冕十有二旒旒十有二旒镇圭十有二寸飧十有二牢无适而非十二也虽衮冕九章然三辰旂旗又列于太常矣况典命言上公国家宫室以九为节此曰营国九里则是天子之城下同于上公矣案多士传曰古者百里之国三十里之遂二十里之郊九里之城三里之宫五十里之国九里之遂三里之郊一里之城以城为宫说者谓百里之国外城九里中城七里内城五里七十里之国外城七里中城五里内城三里五十里之国外城五里中城三里内城一里于百里之国言外城于七十里五十里之国言内城互文见义耳则是天子之城当十有二里矣此云九里与典命不同郑氏于此两存其说陆氏又强为之说谓方九里者天子之中城然经无外中内之字焉可别加一字乎【○刘氏曰诗云上入执宫功言乡井之民至冬皆当保城井田之制城中之宅率一家二畝半计地算居九里之城不能容七万五千家然周礼所說天子中城也春秋曰城中城以诸侯之有中城知天子之有中城也匠人云宫隅之制宫隅则天子宫也城隅则中城也中城方九里则宫城宜方三里中城有左祖右社九卿之室则百官治事之所也居民不至焉则限亲疎也其外城经传无文公羊說以为十雉长二百尺凡方三十余里则足相容○郑锷曰天子外城宜十二里而匠人营国为城九里者盖中城也外城皐门在焉若今南薰门矣中城雉门在焉若今朱雀门矣内城库门在焉若今宣德门矣应门若今大庆殿门路门若今垂拱殿门】

【贾氏曰下文有夏殷事此九里者或通异代○王昭禹曰谓方九里盖作记者之误矣】

旁三门

陈用之曰旁者言其国之旁旁之门有三焉總四旁而有十二门以象十有二辰之位分布乎四方

国中九经九纬经涂九轨

郑康成曰国中城内也经纬谓涂也【○贾氏曰南北之道为经东西之道为纬面有三门门有三涂男子由右女子由左车从中央】经纬之涂皆容方九轨轨谓辙广乘车六尺六寸旁加七寸凡八尺是为辙广九轨积七十二尺则此涂十二步也旁加七寸者辐内二寸半辐广二寸半纁三分寸之二金辖之间三分寸之一【○愚案此已见轮人为盖乃两轮相对长八

尺是为广也】○陈用之曰言经涂九轨则纬涂可知矣或疑经字为衍谓九经九纬者即涂故也

左祖右社面朝后市

易氏曰左右前后据王宫而言古者建国王宫居中左者人道所亲故立祖庙于王宫之左右者地道所尊故立国社于王宫之右【○郑康成曰宗庙是阳故在左社稷是陰故在右○郑锷曰左所以本仁右所以明义】朝者义之所在必面而向之故立朝于王宫之南市者利之所在必后而背之故立市于王宫之北【○郑康成曰三朝君臣治政之处阳故在前三市是贪利之处陰故在其后】左右前后之位皆建国之定法也

市朝一夫

易氏曰以开方言之则四方各百步为百亩此固一夫之地而为市朝之制然朝者官吏之所防市者商贾之所集处以一夫之地则为太狭矣或曰此经既言夏后氏之制则禹以卑宫室而尽力乎沟洫是一夫之地在沟洫为甚利在市朝不为不足是固然也亦不几于太卑乎尝谓王朝有三市亦有三燕朝在路门之内治朝在路门之外外朝在库门之外此三朝之别也大市居中则日仄而市朝市居东则朝时而市夕市居西则夕时而市此三市之别也以三朝三市各一夫之地庶乎可矣○赵氏曰百亩之地一夫耕之可以无饥故市朝各以一夫不可侈大其制以妨民之居

夏后氏世室

郑锷曰周继夏商之后制度加倍然亦因二代制作而增广之记者欲言周人明堂之制故并述三代宫室之制以见其来之有渐○王昭禹曰明堂之中有世室有重屋夏曰世室商曰重屋周曰明堂各举其一而言之也以月令攷之天子春居青阳夏居明堂秋居總章冬居 堂至中央则居太庙太室然则世室则太庙太室也武公之庙武世室也则世室为宗庙可知矣以夏后氏承尧舜之后如继世而有天下此宗庙所以谓之世室也君子将营宫室宗庙为先故夏后氏以世室为始也重屋谓王居正堂之路寝所以自居以安身也王之制始于夏而为未备故事神世室而已至商则其制稍备非特见于神也所以自居以安身者亦备其制焉故商人言重屋明堂者王者明政教以接人之堂也故月令于夏言天子居明堂以夏万物相见之时而王者向明而治俯已接人者于是乎在周监于二代法度之文至周为大备而其盛不可复加焉故其布政教之堂谓之明堂而其文为盛经言周人尚文亦以法度之文大备于此故也或举世室或举重屋或举明堂其制虽或脩广高下之异数而其大槩未始有殊故夏言世室非无重屋明堂也商言重屋非无世室明堂也举其一互相明而已

陈用之曰夏谓之世室商谓之明堂其名虽殊其实一也所谓世室非庙所谓重屋非寝以其皆有所谓堂者故也言夏后氏世室矣而曰堂脩七寻则重屋非明堂乎明堂者王者之堂也有堂斯有室有室与堂斯有屋矣曰世室者以室言之曰重屋者以屋言之曰明堂者以堂言

之商因于夏礼周因于殷礼损益虽不同制度本无二自其异者视之夏度以步商度以寻周度以筵自其同者视之则五室九阶其下同四戸八防其旁同四阿重屋其上同自经之所记而互见者言之夏周五室则商可知矣商人四阿重屋则夏周可知矣夏后氏九阶四旁两夹牕有门侧之堂夏有室则商周亦从可知矣四隅之阿四注 屋则上负下方亦从可知矣以夏后氏之堂脩二七广益以四分脩之一周人明堂东西九筵南北七筵观之则知商人重屋堂脩七寻其广九寻明矣或以四增一或以七加二所谓不相袭礼也要之五室以象五行四戸以象四序八牕以应八节上负下方以法天地之形此三代明堂之大致也

堂脩二七广四脩一

赵氏曰堂言中间之明堂也东西言广广阔也南北言脩脩深也古人以六尺为步以九尺为筵以八尺为一寻其数不可易也其脩二七谓堂深两个七步计十四步以尺计之则深八丈四尺也广四脩一者盖夏度以步堂脩十四步今东西之广如脩之外又益以四分脩之一且南北为脩以十四步四分之一分得三步半以十四步又益以三步半则堂广十七步半以尺计之则十丈五尺也

五室三四步四三尺

赵氏曰五室注谓堂上为五室象五行木室于东北火室于东南金室于西南水室于西北土室于中央是也【○郑锷曰康成已谓世室为宗庙又于五室言五行之神何耶彼以为太庙明堂周制故也且以其制虽同然亦不可以处祖先之处而处五行之神然则此言五室者盖宗庙之神所处之室如后世某宗之室也所以不记其数者夏人远矣世室之制大略如是也】三四步言室之深四三尺言室之广也谓四角四室其深皆三步其广如步之外又益之以三尺中央土室其深四步其广如步之外又益之以四尺三步三尺言四室脩广四步四尺言中室脩广也四室脩当一丈八尺广当二丈一尺中室脩当二丈四尺广当二丈八尺通计五室则南北共深六丈东西共广七丈但中间既为明堂又为五室意者五室包在明堂之内也此所计丈尺系五室四角相接无路可通所以环溪图于四室角皆约空一筵或一步者不为未见也【○毛氏曰堂脩十四步而五室之脩止于十步堂广十七步半而五室之广止于七丈者以其余以为四旁中央之往来故也】王氏详说曰夏之世室堂脩二七为南北十有四步广四脩一为东西十有七步半则是一堂脩不过八丈四尺广不过十丈五尺矣堂上五室中央一室脩四步广四步四尺四角四室脩三步广三步三尺则是南北三室不过六丈东西三室不过七丈矣每室之间脩不过丈八尺广不过丈八尺加三而大室所加脩广之外不过一尺耳曾不谓宗庙之室所以安乎神灵而王之所以为裸者即丈八之地而可为乎

九阶

赵氏曰九阶谓世室之南面三阶东西北各二阶是为九阶明堂位云三公中阶之前北面东上诸侯之位阼阶之东西面北上诸伯之国西阶之西东面北上据此则南面三阶可证也○图说曰室有五阶也

四旁两夹窻

赵氏曰四旁两夹窻者谓窻助户为明言四旁者谓五室室有四户之旁皆有两夹窻每户夹以两窻则五室二十户四十窻也

白盛

郑康成曰蜃灰也盛之言成也以蜃灰垩墙所以饰成宫室【○郑锷曰五室皆用白灰以盛之故曰白盛】

门堂三之二

赵氏曰门堂如门楼之类里面起成防堂外面须起门楼出入其中亦有堂有室也【○毛氏曰门侧又有堂室尔雅所谓门侧之堂谓之塾书所谓右塾左塾则堂与室为左右之塾矣正室之堂既为五室不容听政于其中又不容憩息故令门侧为之堂以听政事为之憩息也防谓五室十二堂谓五室则然谓十二堂则当十有二门非矣此泥于月令之文大抵听朔不过于居其堂而已假令春三月居东门之堂则夏居南门之堂闰月居门亦然】○易氏曰言门侧之堂取数于正堂之南北其脩为十有四步三分取二则门侧之堂其脩为九步二尺正堂之东西其广为十七步半三分取二则门侧之堂其广为十一步四尺此门堂之制

室三之一

赵氏曰室注谓两室与门各居一分据此则室有两室如门楼两旁夹室门堂居上堂三之二室居正堂三之一皆小故也但不知三之一指一室之数或两室共三之一○陈祥道曰是室也非三四步四三尺之室乃门堂之室也门堂之脩九步二尺则二室之南北计其脩则四步四尺也假令堂上南北十四步门堂三之二此十四步裂为三分而得其二则为九步二尺室三之一裂为三分而得其一则为四步四尺矣门堂之广十有一步有四尺则二室之东西计其广则五步有五尺也假令堂上东西十七步半门堂三之二以十七步半裂为三分而得其二则为十一步四尺室三之一一十四步裂为三分而得其一则为五步五尺也【○易氏曰言门堂之室取数于正室之制正室之南北其脩为十步三分取一则门堂之室其脩为三步二尺正室之东西其广为十一步有四尺三分取一则门堂之室其广为三步五尺三分寸之一此门室之制】○项氏曰门侧之堂居正堂三分之二门堂之室二翼门共三分各居其一若以为居上五室三之一则太窄恐非也

總论

王昭禹曰其居有堂其处有室升降有阶出入有门虑其不彻也夹防以为明虑其不洁也白盛以为饰夏后氏如此则商周之制亦然矣

殷人重屋堂脩七寻堂崇三尺

郑锷曰康成谓重屋者王宫正堂若大寝也明堂位云复庙重檐谓重承壁材也重屋之制盖重檐以为深密也殷武之诗曰松桷有梲旅楹有闲寝成孔安此言商之路寝也祀高宗而特言脩路寝者康成谓高宗复成汤之道故记者于商制谓此也名曰重屋者商人因夏人所居之屋重增广其制度也○易氏曰殷人度以寻则寻凡八尺也世室之制大抵南北狭东西长知堂之南北其脩七寻为五丈六尺则知堂之东西其广九寻为七丈二尺也

郑锷曰堂崇三尺盖堂之基言堂之基址其高三尺也如此则夏堂一尺为卑宫室于理无害矣

【王氏详説曰案尚书大 曰天子之堂广九雉三分其广以二为内五分其内以一为高东房西房北堂名三雉夫雉高一丈长三丈以数约之则是堂之内广十八丈高三丈六尺矣至于东房西房北堂每间亦各广九丈矣此言天子燕寝之制燕寝之房且极于九丈古人寝不逾庙世室重屋明堂大于燕寝也宜哉】

四阿重屋

陈用之曰阿者屋之曲重者屋之复四隅之阿四柱 屋则上负下方可知【○图说曰于室之四阿皆为重屋○郑锷曰其屋则重檐以为深密故因以名之焉凡二代之制大抵学者相 皆谓之明堂余疑其非是盖记人于三代各记其一耳不可以下文周人明堂之言遂谓此为明堂】

周人明堂度九尺之筵

郑锷曰此言周人明堂之制明堂者布政朝诸侯之宫谓之明者圣人以文明之德致文明之治以言其面则向明以言其位则继明以言其祀则明禋以言其政教赏罚道德人伦无所不明故得以坐明堂而有天下○贾氏曰夏度以步殷度以寻周度以筵是王者相改

东西九筵南北七筵

王昭禹曰东西九筵则明堂其广凡八丈一尺矣南北七筵则其深凡六丈三尺矣

堂崇一筵

郑康成曰周堂高九尺

五室凡室二筵

郑锷曰中为五室一室之广各一丈八尺此五室当如康成上文五行之说盖明堂者祀上帝之所五方之帝宜各有室焉与夏之世室所谓五室异矣【○聂崇义曰四角之堂皆于太室外接四角为之则五室南北止有二筵东西各二筵有六尺乃得其度若听朔于时之堂必于木火等室若闰月则阖门左扉立其中而听朔焉故郑云于文王在门谓之闰】

室中度以几堂上度以筵宫中度以寻野度以步涂度以轨

贾氏曰此记据周而作故备于周而略于夏殷下文皆据周而说

陈用之曰夏度以步商度以寻周人兼用之○郑锷曰此言周制内而宫室外而野因宜取数或取诸身或取诸物其所度各异也几者尊者所凭以为安也礼有五几书有四几之文常设于行礼之际使尊者凭之则几之尺寸短矣一室之中不欲其广取足以隐几为安可也故其度以几【○毛氏曰室狭而隐人以燕居而几长一丈】筵之制短不过寻长不过丈中者不过九尺则筵于几为长矣堂则宾主所防揖逊雍容于其间燕飧饮食于其上取足以肆筵为礼可也故其度以筵宫室之制合而名之曰宫宫之中则有室焉【○王氏详说曰宫者总堂奥阼之称非筵几所设之处】然则宫宜大于室矣寻八尺也凡人张臂八尺张足六尺宫者人所处则度其地以容足为法焉故其度以寻【○赵氏曰宫中吾身蟠屈之地非几筵所设之处故度以寻取伸臂而寻之义】野则分画为田以授农夫而田以亩为率自六尺之步积而至于步百为亩是为一夫所受之田此野中所以度以步涂虽人之所行然不足以容车则狭矣一车之轨其广八尺经涂以容九轨为度环涂以容七轨为度野涂以容五轨为度此涂所以度以轨盖制度之立由数而起而数之所用在身在物者长短广狭各有其宜以适用先王立法岂偶然哉

庙门容大扃七个

郑锷曰此言门之广狭○陈用之曰庙门者宗庙之门○郑锷曰扃所以举鼎者也有牛鼎有脚臙臙之鼎鼎有小大则扃有长短○郑康成曰大扃牛鼎之扃长三尺每扃为一个七个二丈一尺【○贾氏曰此约汉制度○陈用之曰郑氏谓大扃为牛鼎之扃小扃脚鼎之扃无所经见】【古人以扃为外闭之关其小大之制未闻知庙门之大而闾门之小可知】

闾门容小扃参个

郑康成曰庙中之门曰闾【○陈用之曰闾则旁出之小门尔雅曰宫中之门谓之闾先儒谓相通小门是也】小扃脚鼎之扃长二尺参个六尺○郑锷曰庙中以祭为主而祭以牛鼎为主故取足以容鼎也

路门不容乘车之五个

陈用之曰路门者路寝之门○郑锷曰路大也王寝在是故以大言之【○郑敬仲曰大寝之

门谓之路门者寝者天子入而安身之地静而复于道也】○陈用之曰路门不容乘车之五个则自乘车四个以上而下五个之数惟所取之然以乘车之度六尺有六寸计之自四以上其数已广于应门二彻之三个理宜不然郑氏求其说而不得谓两门乃容之非也然则所谓乘车之五岂三字之误欤【○郑康成曰乘车广六尺六寸五个三丈三尺言不容者是两门乃容之则此门半之丈六尺五寸○郑锷曰此与大司徒言其家可任者二家五人之意同言路门之大足以容两车之半而已】

应门二彻参个

陈用之曰应门治朝之门尔雅曰正门谓之应门此主正治之朝门言也先儒释之以为朝门焉○郑敬仲曰朝门谓之应门王者出而应天下之务○郑锷曰人主出而应物之门故路门虽大不若应门之为尤大○郑康成曰二彻之内八尺三个二丈四尺○陈用之曰应门虽正朝之门疑无大于庙门者二彻之内以尺计之有八三之为二丈有四尺焉比之庙门大扁七个郑氏谓牛鼎之扁长三尺七之为二丈有一尺乃小于应门之数其不可从明矣天子之门有五曰臯库雉应路举应之制则臯库雉亦从可知矣【○易氏曰尝疑明堂之室止于丈八尺而庙门乃二丈一尺应门乃至二丈四尺路门乃几于三丈三尺则其制为太广郑氏疑其说以为路门不容乘车五个乃两门共容三丈三尺则是路门为丈有六尺五寸其制反小于应门且非经之明文是必有差学者略其长短之数而取其因物拟物之度斯可矣】○郑锷曰二门正以乘车为度者盖王乘五路出入往来皆由是门故也于庙度以鼎扁于门度以乘车岂非因物宜而为之数哉

總论

李嘉防曰祭祀之礼一时而入不欲先后故门之制度如此

内有九室九嫔居之外有九室九卿朝焉

郑康成曰内路寝之里外路门之表○郑锷曰于路寝之内设为九室使九嫔居之以教九御而举内治路寝之外设为九室使九卿居之以理百职而举外治外之九室如后世外尚书省内之九室如后世之内尚书省也王有六宫九嫔以下分居之而又有九室以居者盖时当治事则居此以考内治也或谓居者非特于此内治事亦以此居殊不知王有三朝九卿以下朝焉未尝于九室而朝也此言九室九卿朝焉盖亦当治朝事之时则处此以治朝事尔非谓于此而朝见天子也九卿不于九室朝而谓九嫔居之可乎【○陈用之曰于内九室言居则九室嫔所常居于外九室言朝则朝日处之而已】王昭禹曰书曰少师少傅少保曰三孤又曰六卿分职盖分而言之则曰三孤六卿合而言之则同谓之九卿孤而谓之卿者以典命考之王之三公八命其卿六命而未尝言孤则孤盖与卿同于六命矣故外朝之法则孤卿之位同于九棘司士之摠则孤卿之仪同于特揖合而同谓之卿奚不可哉

九分其国以为九分九卿治之

郑康成曰九分其国分国之职也三孤佐三公论道六卿治六官之属【○贾氏曰三公三孤无正职天地四时正职六卿治之其余非正职者分为三公治之三孤则佐三公者也但三公中参六官之事外与六乡之教书 又云司徒司马司空三公六卿亦有职此亦据夏而言周则未见分为九分也】

郑锷曰取国之政事九分之使九卿各治其一也夫惟九卿各治其一则事各有统小大毕举无废务矣【张氏曰九卿治之非上九卿朝焉之卿乃是九州之牧】

王宫门阿之制五雉宫隅之制七雉城隅之制九雉赵氏曰王宫王所居之宫门阿宫隅城隅皆是王宫之制○毛氏曰注以阿为栋【○赵氏曰是门之屋两下为之如今脊柱】阿曲也栋非曲也且城隅不止城身而谓之城角之上浮思【○贾氏曰汉时东阙浮思灾言灾者则浮思者小楼也明堂位云防屏注亦云浮思刻之为云气虫兽如今阙上为之然则门屏有屋覆之与城隅及阙皆有浮思刻云气并虫兽者也】则门阿宜谓栋之两端特起者若防夷之类曲而相向故曰阿也盖门有防屏阙有两观城隅有浮思城门有台宫室之制然也此明其高则当论其极所以门不指栋而指门之阿城而指城之隅也○陈用之曰先儒以为雉长三丈高一丈以版数计之而知其然盖其高一丈则古者版之高广二尺其长三丈则古者版之长六尺而止

毛氏曰城墙之版高二丈长六尺五版为堵言其高也则高一丈五堵为雉言其长也则宜长三丈凡雉之飞高不逾丈墙之崇脩似之【○郑敬仲曰雉之为物其飞若矢一往而堕有分守而不相犯者也雉有分域故取其名焉】故高一丈者谓之雉长三丈者亦谓之雉传云都城百雉大都三之一中五之一小九之一指其长为雉也此言五雉九雉指其高为雉也

王氏曰门阿长十五丈高五丈宫隅长二十一丈高七丈城隅长二十七丈高九丈城隅高于宫隅宫隅高于门阿内外高下之异制【○赵氏曰已上皆是言高横阔之数未闻】

经涂九轨环涂七轨野涂五轨

郑锷曰轨车辙也两轨之间其广八尺故轨为八尺也经涂直道也环涂环城之涂曲道也野涂田间之道也【○贾氏曰野涂国外谓之野通至二百里内】或容九轨或容七轨或容五轨此言道涂广狭之度经涂之所由者众故宜广环涂迂廻非有故而往者不由所由者寡故次之野涂则行人亦罕故又次之然康成于遂人注言涂容乘车一轨道容二轨路容三轨者盖遂人所言者田间之涂匠人所言者通道之涂也○赵氏曰涂必以轨取类者一说谓欲使天下共由之而无异道故以轨以天下有道则书同文车同轨也一説涂是车徒所由者故度以轨欲能容车行一说涂制男右女左车中央不敢争乱是约民于轨物之意故度必以轨三说皆通雉涂皆以九七五者盖阳数奇陰数耦天子体阳用九故数以九而七五以为差皆奇也

總论

陈用之曰自宫言之则外以九以七而内以五焉王所居故也自涂言之则外以五以七而内以九众防故也众之所防取其广王之所居取其小则营国之意见矣

李嘉防曰天子之制当用十二何止于九而同于上公公卿大夫自八命而六命何其数止同于子男之五命信知考工之书非周书也

门阿之制以为都城之制

郑锷曰此言诸侯之制当杀于王国○郑康成曰都四百里外距五百里王子弟所封其城隅高五丈宫隅门阿皆三丈○王昭禹曰都城王子弟公卿所封其城如门阿之制则无过于五雉比诸侯之礼为杀

宫隅之制以为诸侯之城制

郑康成曰诸侯畿以外也其城隅制高七丈宫隅门阿皆五丈礼器曰天子诸侯台门【○贾氏曰案异义古周礼说天子城高七雉隅高九雉公城高五雉隅高七雉侯伯之城高三雉隅高五雉都城之高皆如子男之城高案此都城之制与侯伯等子男岂不如都乎则子男城亦与伯等是以周礼之说不言子男及都城之高】王昭禹曰以宫隅之制为诸侯城制则无过于七雉比天子之礼为杀

總论

王昭禹曰降杀以两礼之节也故诸侯之制下于天子都城之制下于诸侯盖诸侯有功德者乃入为卿士其礼反下于诸侯何也臣近君则威杀远君则势盈都于王宫于君近安得不屈礼以下于诸侯乎观其采地不谓之国而谓之都其君不谓之监而谓之长其命也以耦不以奇其治也以则不以典其传也以禄不以嗣则城涂之制可知矣

环涂以为诸侯经涂野涂以为都经涂

郑康成曰经亦谓城中道诸侯环涂五轨其野涂及都环涂野涂皆三轨○郑锷曰以王国环涂为诸侯经涂则诸侯经涂容七轨也以王国野涂为都经涂则都之经涂容五轨

易氏曰此亦异代之制若成周之制上公九命侯伯七命子男五命其国家宫室各眡其命之数三公八命孤卿六命大夫四命其宫室亦眡其命数其制与匠人不合益信其非成周全书

周礼订义卷七十八

卷七十九

<经部,礼类,周礼之属,周礼订义

钦定四库全书

周礼订义卷七十九 宋 王与之 撰

匠人为沟洫

赵氏曰匠人攻木之工而兼为沟洫盖匠人主造宫室凡城门堂室道涂皆属之而五沟五涂亦是分画地势其事相类故兼为焉

陈用之曰沟也遂也洫也浍也川也皆匠人所为者也總而言之谓之五沟以其十百相蓐故也或説谓之沟洫则举中以见上下

郑锷曰为国之本在农农民之利在水旱干水溢者天时之不常故为之沟洫以潜以蓄焉为农民之利而又以决以导焉除田间之害故命匠人为沟洫

耜广五寸二耜为耦一耦之伐广尺深尺谓之 【音畎】 田首倍之广二尺深二尺谓之遂

郑锷曰为沟洫广深之法其原必起于耜广五寸耜者耒之金耕者所用惟耜为急故用为造沟洫之则○贾氏曰二耜为耦者二人各执一耜若长沮桀溺耦而耕此两人耕为耦共一尺

郑康成曰其垄中曰 上曰伐伐之言发也 畎也【○贾氏曰一尺深者谓之畎畎上高土谓之伐伐发也发土于上故名伐】○郑锷曰古者耕种在 上而水流乎 中一耦之所发者其土广深各一尺名之曰 则 为田间流水之道矣又于田首倍其数而广深各二尺名之曰遂遂之为言水之所直達也广深不倍欲水直達不可得矣此言一夫所受之田如是也

薛氏曰遂人言五沟之制而始于遂匠人言五沟之制而始于 则 非沟也乃播种之地而已古者上地一亩三 中地一亩二 下地一亩一 故上地田百亩中地田二百亩下地田三百亩乃是一夫受三百 之田 纵则遂横 横则遂纵由遂以達浍其横纵如之诗曰南东其亩盖天下地势西北高而东南下故古者或东其亩或南其亩亩之所向沟涂随之然亦其大致如此不必尽然也

九夫为井井间广四尺深四尺谓之沟方十里为成成间广八尺深八尺谓之洫方百里为同同间广二寻深二仞谓之浍

郑锷曰及命九夫而为一井一井之间又倍乎遂广深各四尺以容乎遂中之水者其名曰沟沟之为言十百相交也惟其众遂之所通则有十百相交之形矣九夫为井一里也四井为邑二里也四邑为丘六里也四丘为甸八里也于八里之地旁加一里是为一成之田积至于成则出长毂一乘井田之法始成故名曰成成间之广深四尺者名曰洫洫之为言谓水之血脉至是通利而无壅也四甸为县四十里也四县为都八十里也旁加二十里是为一同一同之中积百井九百夫之地言至是而法大同也故名曰同同间之广二寻深二仞者名曰浚浚之为言水之防也八尺曰寻七尺曰仞广而且深水所趋焉因以防名之故曰同间广二寻深二仞谓之浚【○余説见遂人】

專達于川各載其名

郑康成曰達犹至也谓浚直至于川复无所注入愚案專達者谓众水合于浚而遂直達于川无他岐焉故谓之專達于川然其源之所从出自遂以至于浚盖不一焉必各載其名有所考稽而后壅塞者知其所在防导为易也故既合其流必别其源

赵氏曰匠人通水之法遂极小涂极大水始于遂注入沟自沟注入洫自洫注入浚自浚注入川干旱则自川而取之以流至于遂水溢则自遂而导之以归于川

總论沟洫

王氏详説曰遂之制详于沟洫都鄙之制详于井田井田未尝无沟洫也匠人为沟洫是已沟洫未尝无井田也载师所谓屋粟是已但乡遂沟洫稠多都鄙沟洫稀少耳礼图曰地形有逆顺水势有迟速故遂人之沟洫密而匠人之沟洫防盖匠人所营有司之事而已故其营国也为朝在某处为市在某处为涂若干为门若干皆有常制其为沟洫也为沟洫若干为川浚若干其广几何其深几何亦皆有常制若夫遂人则异于是盖随地而制之有出入焉要之使治可也故曰凡治野其为法大率圓而无弊夫是之谓治然则匠人之法死遂人之法圓

易氏曰遂人井田之法乃成周开方之数若匠人言井间之沟为一里十倍之而为十里之洫又十倍之而为百里之浚特言其一亩之长者而已盖匠人方十里之洫是每一亩各十井以开方而论则方十里者为方一里者百是洫为百井乃九百夫之地果何与于遂人百夫之洫匠人言方五百里之浚是每一亩为百井以开方而论则方百里者为十里者百是浚为万井乃九万夫之地果何与于遂人千夫之浚郑氏疑之而不得其説故曰此畿内采地之制其説无所依据或者欲以匠人沟洫求合乎遂人治野之制若必欲以一亩而牵合其数则十夫之沟为一里之井十倍之为十里之成又十倍之为百里之同以是推之自百里之同而至两山之川得无大辽絶乎以是知匠人沟洫不可拘以成周之法或出于夏商之制未可知也何以明之通十为成成十为终终十为同文王司马法为商末之制则有合乎十里百里之説益稷之书曰濬畎浚距川是自然之川则有合乎两山之间之说知此则匠人为前代之制遂人为成周之制明矣

凡天下之地勢兩山之間必有川焉大川之上必有涂焉

鄭康成曰通其壅塞○王昭禹曰有山斯有川有川斯有涂川積兩山之水而為之故曰兩山之間必有川焉涂通往來而依川為之故曰大川之上必有涂焉然此所謂川涂雖非遂人治野之法彼有出于地勢者固非人力所得而易也先王亦因之而已易氏曰此言同間有澮之水入川川在兩山之間與遂人萬夫之川其說大異蓋遂人夫間有遂其地百畝十夫則其首為橫溝方一里十溝則東畔為南北之澮方三里有奇十澮則于南畔為橫澮九澮則于四畔為川是萬夫之川故其為川方三十二里少半里又九之而後方一同以南畝圖之九澮而川周其外又從而九之則一同之間方八十一澮何其澮澮之稠多也此遂人之制詳密備具井井皆有条理所以謂之井田至匠人則百里一同始有一澮達于兩山之川而已【○李嘉防曰平地必以夫地多少為限然後成川則川不泛立地不虛占矣中原多平地不可不有遂人二法兼用乃可】

凡溝逆地防【音勒】謂之不行水屬【音注】不理孫【音遜】謂之不行鄭康成曰溝謂造溝○易氏曰凡溝五溝也【○賈氏曰言凡溝非田間廣深四尺者當是人所造溝洫引水者】○鄭康成曰防謂脈理屬讀為注【○趙氏曰屬是聯屬之屬謂流屬溝澮使有所歸】孫順也不行謂決溢也禹凿龍門播九河為此逆防與不理孫也○陳用之曰順則行逆則止凡物皆然而水為甚孟子曰禹之治水水之道也所謂道者順水所赴而勿逆焉之謂也夫防者地之理也地防陷下水赴而渤焉順而道之則水由地中行一逆其勢無自而可故凡為溝之勢逆地防則謂之不行豈特地防為然哉凡水之屬皆欲其順理遜者言乎其順也故屬不理孫謂之不行蓋莫非行也激而行之豈水之性哉

梢【音簫】溝三十里而廣倍

陳用之曰梢木之末也溝上小下大若木之梢故名之【○鄭康成曰謂不垦地之溝○薛氏曰梢溝溝末也自溝末言之謂之梢溝自田端言之謂之田首】○鄭鐸曰自然之溝非人所造者謂之梢溝與梢其數之梢同梢際也水所自齧而成至三十里其廣必倍蓋始齧之處其口必小其行淺遠眾水所防其溝自廣故也【○王昭禹曰水欲漱齧而成溝亦出于地勢之自然而已故積三十里而其廣倍之然後水勢流行而無所壅○薛氏曰溝遠而不倍不足以容水】

凡行奠【音亭】水磬折以參伍

陳用之曰奠之為言定也謂行水于此停蓄而定也水停而定則不行矣或有所妨礙或引以浸灌于是乎行之行之必以磬折之法勢宜之也蓋水之勢有激必有旋故易以坎為弓輪坎者水也其激也為弓其旋也為輪激則直而注旋則紆而曲行奠水之法一于直而注則有湍決蕩溢之患必以磬折之法行焉參伍鄭氏謂直行三折行五是也欲其形之曲如磬之折故取以為法【○趙氏曰如直行三丈又曲轉行五丈所以如此者要直曲得所也如此則水勢雖湍激流疾而不壅却便得水勢徐徐漸殺而不衝突也】

欲为渊则句【音钩】于矩

赵氏曰矩之法方正不曲是乃谓凡川沟欲使深而为渊当使水流之势勾曲于矩矩是方角之形今又曲其矩方之势则形曲过于矩如是则水势倒向上流转成曲尺回旋反绕斯溃荡而为渊矣上行停水要磬折只是要水去此则要水住句于矩十分要曲非止于磬折之三五也【○李嘉防曰水行句曲其下必廻峻自然深为渊也】

凡沟必因水势防必因地势善沟者水漱【音瘦】之善防者水淫之

赵氏曰凡沟谓凡作沟必因水流之势而就为沟也防为隄防而止水者必因地势之高低而就为防也此为高必因丘陵为下必因川泽之意欲其易为力耳○郑锷曰沟以行水宜因水势之下而于下地为之防以潴水宜因地势之坚而于坚地为之善为沟而因下地为之则水奔趋而赴之必速故曰水漱之善为防而因坚地为之则水淫液而淤泥必附故曰水淫之夫水之所以不漱不淫者非水之过也为沟为防者不尽善而已○郑康成曰漱犹齧也○郑司农曰淫读为廛谓水淤泥土留着助之为厚

李嘉防曰善沟善防本乎人之力水漱水淫他日其势自然耳苟非善乎初何以至是若曰因乎地势如今因山口为斗门此固为善也然居平地者多安能一一若是

凡为防广与崇方其絜参分去一

郑康成曰崇高也方犹等也絜者薄其上○毛氏曰广言其基之阔崇言其基之高假令长丈二阔与崇等也其絜三分去一则上之广宜絜焉假令阔丈二者其上则宜广八尺是为三分去一也凡累土者土不相胜则其圯自上始故善防者欲下厚而上薄如此则势不倾而可以持久○郑锷曰防以隄水惟固则不倾惟高则不溢其基广则其所载者固其形高则其所御者远广而不崇则水溢而过崇而不广则势危而圯壤故广与崇两者如一焉与梓人为侯之意同下之广上之崇虽当相等至于上下大小则宜有差为之絜削之势盖减其上之厚使防薄也然其絜当三分而去一耳此亦防之小者其法当尔

大防外絜

郑锷曰为大防则于三分去一之外又当去之盖防大则下宜愈厚上宜愈薄然后不崩故也【○陈用之曰若夫大防非特絜其内而已又絜其外焉则末势弱而本势强矣夫惟防絜而水淫则无泄下之圯而水亦无自而决此所以为善也】

凡沟防必一日先深之以为式

毛氏曰为沟者掘土而为深为防者积土而为高此沟防皆曰深者要其成则皆土向下以为深也章程之法以日为度盖一人之力于一日之间以成其深则丈尺步数有定式矣虽积万

人之众累千日之从以此准之则功无毫髮之差故五寸之矩足以尽天下之方一日之深足以尽众夫之力【○郑锷曰唯先为之式则用人之多寡计功之久近可坐而知以是赋功指日而成不愆于素矣】

里为式然后可以傅众力

郑康成曰里读为已声之误也○赵氏曰已为式了则众力可以傅着而用之不敢荒怠废功【○王昭禹曰但依一里为之式则众力可以傅着而用之也】

毛氏曰傅附合也言可以合众力而为一注以傅为付亦通

易氏曰此谓沟防有定法而后可以齐众志盖自 深尺广尺以至浚之广二寻深二仞非朝夕之积也必先深一日以为式自方里之井以至方百里之同非跬步而至也必以一里之广以为之式如此则自小可以准大自近可以准远而沟防之功可以渐而成矣

凡任索约大汲其版谓之无任

毛氏曰索约绳也绳又谓之缩盖以绳约物故谓之约板横而绳直故曰缩汲引而长之也约版者节度必密大长则版挠而土虚矣非版之过乃约之罪故曰无任诗曰约之阁阁防之橐橐其缩版也如阁之载然言其牢也其防土也若橐之盛然言其密也由版之牢故其上密则大引其版非所谓约之阁阁者也【○陈用之曰言约之大过则掬土之时索有不胜其任矣○赵氏曰谓索断也】

葺屋参分瓦屋四分

郑锷曰以茅盖屋谓之葺草之为物易腐难久宜以时修葺故以名之也葺屋之峻宜过于瓦屋三分四分者取其屋之尺数以为峻之度也草之去水为迟瓦之去水甚疾故其峻之势宜有差也

贾氏曰东西为屋则三分南北之间尺数取一以为峻假令南北丈二尺草屋取四尺为峻瓦屋取三尺为峻也

陈用之曰自此至堂涂十有二分皆随其宜而綢之之势主以去水而已

困窳【音教】仓城逆墙六分

郑康成曰困圉仓方穿地曰窳【○贾氏曰地上为之方曰仓】○郑锷曰仓窳困皆藏谷之廩○王昭禹曰城则在郭内以为捍蔽【○毛氏曰城宜方城以围宫室】

郑康成曰逆犹却也筑此四者六分其高却一分以为𦉳○贾氏曰假令高一丈二尺下厚四尺则于上去二尺为𦉳上惟二尺困仓城地上为之须为此𦉳其窳入地亦为此𦉳者虽入地口宜寛则牢固也○毛氏曰凡屋之类必峻其上不峻无以去水凡墙之类必杀其上不杀其上不能胜水

堂涂十有二分

项氏曰堂涂堦前之陈也诗曰胡逝我陈【○赵氏曰谓堂前砖堦也】○郑康成曰分其督旁之脩以一分为峻【○贾氏曰中央为督督者所以督率两旁脩谓两旁上下之尺数假令两旁上下尺二寸则取一寸于中央为峻峻者取水两向流去也○李嘉防曰言两旁十二分取一分于中央以为高】

窆其崇三尺

郑康成曰宫中水道○王昭禹曰必崇三尺所以防壅塞也【○李嘉会曰若今之街中间突起两邊峻下水从两邊去也】

墙厚三尺崇三之

郑康成曰高厚以是为率足以相胜○王昭禹曰墙基广三尺则高九尺盖不高九尺不足以为防蔽不厚三尺不足以为完久其他皆以是为率

车人之事

赵氏曰此段是總言车工起数之法以车人造车其事不一而足故以事名之如画绩之事

半矩谓之宣

郑康成曰矩法也所法者人也○郑锷曰人长八尺以八尺而三分之则每分各长二尺六寸三分寸之一是一矩言用是以为矩法也凡人头发早白而落者名曰宣易以巽为宣发是也取人长之一以为一矩以为宣则长一尺三寸三分寸之一也是为人头之长【○毛氏曰宣为人头者在上而宣露故也】

一宣有半谓之櫪

郑康成曰櫪斲斤柄尔雅曰句櫪谓之定○易氏曰一宣之度为一尺三寸三分寸之一宣之半则为六寸三分寸之二合而言之则二尺焉故谓之櫪

一櫪有半谓之柯

易氏曰一櫪为二尺半櫪为一尺合而言之则三尺焉故谓之柯

郑康成曰伐木之柯柄长三尺诗曰伐柯伐柯其则不逵○郑司农曰苍颉篇有柯櫪

一柯有半谓之磬折

易氏曰柯长三尺而一柯有半则为四尺五寸谓之磬折○赵氏曰磬折谓人所立之仪盖人磬折立则上倨玉藻曰参分带下绅居二焉绅长三尺谓人长八尺繫带在四尺之上带以下有四尺五寸人磬折之节在此一柯有半计长四尺五寸今人磬折之长故谓之磬折想车工造车皆以此度量长短也○陈用之曰宣也磬折也取之身而为之法数者也柯也櫪也取之物而为之法数者也

车人为耒

王昭禹曰车人为车而亦为耒者易曰揉木为耒耒之为物其体曲其用利而车之为物或揉曲木以为体或资利转以为用器殊而事类此车人所以为耒也

庇【音刺】长尺有一寸中直者三尺有三寸上句者二尺有二寸

郑锲曰庇者耒之面耜者耒之金庇则在耒下而前曲接耜名谓之庇者谓其曲接耜之所容有庇之义【○易氏曰耒之前接者耜也耜之前接者鑿即所谓庇也以金刺土者也匠人言耜广五寸郑氏谓古者耜一金是也○陈用之曰易曰斲木为耜揉木为耒耒耜之利以教天下盖耒也耜也以木为之耨则以金为之而用于耒耜者也何以知耨之留于耒也盖古文耨从耒或从金从金言以金为之从耒言耒之为用何以知耨之用于耜也盖古文耜从木从防从木言以木为之从防言以金焉防之为言用也然则先儒以耜为耒头之金岂知易所谓斲木为耜而古文耜从木之意欤郑氏读庇为刺理或宜然以谓前曲接耜恐误】其长以尺有一寸为度当中而直者耒之身也在庇之上故谓之中直也其长以三尺三寸为度人手所执者谓之句句在上而句故谓之上句亦谓之首也其长以二尺二寸为度合而言之则耒也【○王昭禹曰合三者之数则耒之长凡六尺有六寸】

自其庇縁其外以至于首以 其内六尺有六寸与步相中也

陈用之曰縁谓循而上之 谓直而度之外谓邊也首谓上也内谓中也自庇縁其外以至于首度其左右上下小大多寡之数均矣然后以此而 直其中以审其度焉以 其内得六尺有六寸之数则其度不差矣与步相中者盖言其用之时则器之度与人之步适相当焉【○赵氏曰自外曲量之则六尺六寸从上下两曲之内相望如 量之只得六尺以上句与下庇曲占了寸数也必欲中步者盖在野宜度以步人执耒耕也前后相距止六尺行一步则如此阔耒太长则高而难执太短则倨而难行皆不便耒适要六尺长所以中步】○郑康成曰耕者以田器为度宜【○贾氏曰耒自长六尺若量地时脱去耜而用之】

坚地欲直庇柔地欲句庇直庇则利推【又汤雷反】句庇则利发倨句磬折谓之中地

陈用之曰坚地刚而难入而直庇则利推柔地着而难起而句庇则利发直庇者其庇之势防直而下也句庇者其庇之势防句而上也○郑锷曰推者推而前也发者举而起也○王昭禹曰中地之庇则合于磬折而句直欲得其中【○陈用之曰不过于句不过于直适如磬折之势焉则用于刚柔得上下之中所以谓之中地】

车人为车柯长三尺博三寸厚一寸有半五分其长以其一为之首

毛氏曰凡车有驾马者有驾牛者驾马者一辕而两马君子所乘所谓五路是也驾牛者两辕而一牛所以载物大车柏车羊车是也是三等之车皆以载物但行泽者为大车行山者为柏车在平地者为羊车所以异等耳郑以大车为平地之车误矣○贾氏曰此车人造车之事凡造作皆用斧因以量物故先论斧柄长短及刃之大小○易氏曰柯长三尺博三寸厚一寸有半以斧柄言也五分其长以其一为之首以斧刃言也○郑康成曰首六寸谓今刚关头斧

總论

毛氏曰欲论柯则先言宣欲论造车则先言柯明长短之有所本也

毂长半柯其围一柯有半

贾氏曰下文柏车别论毂辐牙此是大车○郑康成曰大车毂径尺五寸

辐长一柯有半其博三寸厚三之一

赵氏曰辐长一柯有半四尺五寸也博言阔也厚三之一则一寸也○薛氏曰辐长一柯有半合两辐言之则为九尺故又曰大车崇三柯轮人言乘车之制则崇六尺六寸此言大车之制则崇九尺

渠三柯者三

郑司农曰渠谓车輹所谓牙○郑锷曰谓之渠者言如水之沟渠然屈曲其势以受众水也輹木为牙以受众辐亦犹渠也其长三柯者三则长二丈七尺也辐长四尺五寸上下两相之辐共为九尺故以二丈七尺之长而屈曲之围三径一则当径九尺矣然则大车之轮高九尺也

赵氏曰渠围二丈七尺轮径九尺上文辐长一柯有半两两相对九尺可知然尚有毂空壶中在恐不止九尺以此知径九尺者通计毂数其实辐无一柯有半【○李嘉防曰二丈七尺之牙何以包得九尺之轮及毂一尺五寸惟有蓄有蚤入之极深则可包矣】

行泽者欲短轂行山者欲长轂短轂则利长轂则安毛氏曰此又简脱宜承下文仄輶则完之下与六分其轮次何则当先言行泽行山之异宜而后言其制乃其序也不当以行泽行山间之使文不成也○项氏曰轂欲短即前半柯者也轂欲长即后轂长一柯者也【○愚案下文短轂谓大车长轂谓柏车】○王昭禹曰轮人言轂小而长则柞大而短则拏此特中地之轂而已若夫行山泽则必有以适其地之宜盖行泽则多泥泥多则行必钝故欲短轂轂短则虽有深泥亦莫之黏故利行山则多险险多则行必危故欲长轂轂长则辐短而无摇兀之患故安【○毛氏曰轂短则泥之所附者少故车不濡滞而利轂长则其势足以胜石故不震掉而安】

行泽者反輶行山者仄輶反輶则易仄輶则完

王昭禹曰此言牙也【○易氏曰反輶大车之制仄輶柏车之制】○郑锷曰輶谓屈木以为渠行泽之车其渠之木则宜反輶【○毛氏曰心在外而肤在内者】木心多滑反而輶之则滑易而去泥为甚利矣行山之车其渠之木则宜仄輶【○毛氏曰仄輶者与皮肤各居一偏也】山多沙石轮易损敝惟仄木以为渠则坚刃相补不偏壞矣

六分其轮崇以其一为之牙围

毛氏曰此大车之轮宜在渠三柯者三之下故知其简脱也

贾氏曰轮崇九尺○郑康成曰轮高轮径也牙围尺五寸【○薛氏曰轮人言乘兵车所谓牙围者尺一寸也此言大车牙围者尺五寸也】

柏车轂长一柯其围二柯其辐一柯其渠二柯者三五分其轮崇以其一为之牙围

郑锷曰行山之车以柏木为宜柏木至坚山地至险以至坚之木而为车则行险而不羶欬轂长三尺围六尺则径二尺也轮三尺其渠则二柯者三盖长一丈八尺也二柯六尺也二柯者三三六十八也以一丈八尺而輶之则轮之径六尺也以六尺之轮五分之取一为牙围则牙围一尺二寸也然则柏车之轮与乘车大车皆不同矣【○陈用之曰以大车为大则若柏车者可名于小故除轂长与围之外其辐其渠其轮崇其牙围视大车之数皆减焉○贾氏曰柏车山行故轂长轮崇又下皆欲取其安故也○陈用之曰博厚则与大车之制同】

大车崇三柯纁【音景】寸牝服二柯有参分柯之二

毛氏曰上文虽载车渠之数与六分其轮崇以为牙围然其崇之数犹未备也故再备其数焉○薛氏曰辘人云大车轅直必縊其牛则大车牛车也○郑康成曰轂长半柯者也○郑锷曰崇三柯者言轮高九尺○郑康成曰纁轮算【○贾氏曰轮算谓轮之四面外一寸则安】○毛氏曰驷马之车六尺六寸之轮其纁三分寸之二则大车九尺之轮其纁固宜一寸矣

郑司农曰牝服谓车箱服读为负○郑康成曰牝服长八尺谓较也【○郑锷曰其长八尺则箱中所容物多矣】○陈用之曰大车轂长尺五寸围尺五寸辐长四尺五寸渠围二丈七尺牙围一尺五寸

羊车二柯有参分柯之一

郑康成曰羊善也善车若今定张车【○贾氏曰汉世定张车未知何用但知在宫所用故差小为之谓之羊车】○郑锷曰以史攷之晋制羊车一名輦上如輶伏兔箱漆画轮晋武帝宫中每乘羊车宫人以竹叶插户盐汁洒地以引帝车则宫中之车名曰羊车以羊驾之也齐因晋制御史皇太子所乘梁因之亦名輦贵贱通得乘名輦子隋大业始更谓之羊车小吏驾果下马其大如羊唐亦因之经于王之五路独无宫中之车意其此也○郑康成曰较长七尺○陈用之曰羊车牝服得中焉则其轂辐轮崇牙围从可知矣

薛氏曰大车牛车柏车山车羊车小车大车以行泽柏车以行山羊车以行宫中

柏车二柯

郑康成曰较六尺柏车轮崇六尺其轂大半寸○郑锷曰羊车宜小反有七尺之较柏车宜大乃有六尺之较盖羊车不言辐轂牙之制则较虽长而车小矣柏车较虽短然备述其辐轂牙之制其大于羊车可知

凡为辕三其轮崇参分其长二在前一在后以凿其钩彻广六尺鬲长六尺

贾氏曰轮崇虽不同其辕各自三其轮崇假令柏车轮崇六尺则辕丈八尺大车轮崇九尺则辕二丈七尺

郑司农曰钩钩心○王昭禹曰彻谓车广【○贾氏曰彻广六尺者不与四马车八尺者同】○郑司农曰鬲谓辕端厌牛领者【○毛氏曰所以鬲牛不使之外纵故谓之鬲】○贾氏曰鬲长六尺者以其两辕一牛在辕内故狭也四马车鬲六尺六寸者以其一辕两服马在辕外故鬲长也○薛氏曰大车两辕鬲长六尺则与六尺六寸之衡不同是两辕之车一牛在辕内故鬲短而彻狭一辕之车两服在辕外故衡长而彻广【○易氏曰曰轮曰辕曰牝服虽有三等之不一至其为鬲为彻广则一而已】愚案辂人乘车兵车辕长一丈四尺四寸此所言三其轮崇者止言大车柏车羊车也其曰凡为辕者合三车而言之

總论

易氏曰此三车者拟以乘车兵车之制轮即乘车兵车之所谓轮也牝服即乘车兵车之所谓较也辕即乘车兵车之所谓辂也彻广即乘车兵车之所谓輶广也鬲即乘车兵车之所谓衡也以乘车兵车而论之轮崇与輶广衡长同于六尺有六寸者故曰参如一谓之参称较即輶

上之两轡而出乎式者也其制亦如之衡即一轅容两服马者也其制亦如之輶广虽八尺然亦因輿之广而加之也辘长虽丈四尺四寸然亦因輿隧之深而加之也至于车人之车则不然柏车行险阻之地其较宜于短大车行平夷之地其较宜于长羊车用于宫中宜于长短之中而已是三者既有长短其为轅也亦各随其轮之制是数者皆非乘车兵车三称之制此所以命之车人而特见于考工之末欤

周礼订义卷七十九

卷八十

钦定四库全书

周礼订义卷八十 宋 王与之 撰

弓人为弓取六材必以其时

郑康成曰取干以冬取角以秋丝漆以夏筋胶未闻【○贾氏曰取干以冬者月令仲冬伐木取竹箭注云坚成之极时取角以秋者下云秋杀者厚也丝漆以夏者夏时丝熟夏漆尤良也】

六材既聚巧者和之

易氏曰此与下经为總目即下经所谓材美工巧谓之是也

郑康成曰聚具也○贾氏曰和之谓春液角夏治筋之类○王昭禹曰此与轮人所谓斩三材必以其时輿人所谓三材既具巧者和之同意非天时无以备陰阳之和非工巧无以全万物之用【○郑锷曰轮用三材材为少故言具弓用六材材为多故言聚然贵乎工巧则一也】

干也者以为遠也角也者以为疾也筋也者以为深也胶也者以为和也丝也者以为固也漆也者以为受霜露也

郑康成曰六材之力相得而足○王昭禹曰弓以干为质以漆为文角附干以安胶得漆以完筋则施于角之外丝则用于胶之内弓所以及遠者其力在干故干以为遠弓所以疾发者其势在角故角以为疾角干资筋以为坚刃以射则中深故筋以为深【○易氏曰干之坚而防也其本强矣故所及必遠角之厚而泽也其势顺矣故所发者必疾筋之积而密也其力锐矣故其所中者必深】三者得胶然后相合以为和故胶以为和结而固之在丝故丝以为固饰而坚之在漆故漆以受霜露六材虽取以其时苟其质不美则不足相资以为用故得此六材之全然后可以为良○陈用之曰遠言其至之遠疾言其发之疾深言其入之深凡此即其用而为言和言其合之和固言其成之固受霜露言其质之坚凡此指其体而为言○陈祥道曰弓以木为身以角为面筋所以为深丝所以为固张则筋外而漆内弛则角外而筋内

凡取干之道七柘为上櫪【音亿】次之槩【音掩】桑次之橘次之木 次之荆次之竹为下

王昭禹曰弓有六材而以干为质故取干有道柘之为木其刚实如石故为上○郑司农曰櫪读为亿万之亿尔雅曰柘櫪【○郑锷曰即诗所谓北山有柘○王昭禹曰寡枝叶而防曲俗

谓之牛筋则其坚可知矣】又曰檠桑山桑国语曰檠弧箕箒【○郑锷曰檠桑之丝中琴瑟禹贡徐州贡之其材之良可知故次之】○王昭禹曰橘其皮蹙而坚实木 稭栗而劲荆类楚可以为利凡此皆木之坚刚者竹虽刚而有节故为下○李嘉防曰七者之物坚有等数高下列之则足见

凡相干欲赤黑而阳声赤黑则乡【音向】心阳声则远根赵氏曰上既辨其材之善否取之矣然后相眡而用之○郑锷曰相者察而视之以知其美恶○郑康成曰阳犹清也木之类近根者奴○郑锷曰乡者通達之义○王昭禹曰赤者阳之正色黑者陰之正色凡木内得陰阳之正气则外应陰阳之正色赤黑乡心以其外之应乎内故也○郑锷曰凡木叩而擊之声之清者为阳声之浊者为陰近根则陰其声必浊远根则阳其声必清枝远根其材得阳气而良枝近根其材得陰气而恶故击之而声清 则知其枝之远根也【○毛氏曰木之皮肤常柔故坚者在内欲致其坚不得不取其近心也干常干槁故刃在季材欲致其刃不得不取其远根也何以知其近心耶相其色赤而兼黑则为近心矣何以知其远根耶聽其声清 而浏亮为远根矣○易氏曰木之根下属乎地则去阴为未远及其骄亢而亲上则近乎阳阳声则远根言根非所以为阳而本乎阳者亲上】

凡析干射远者用執射深者用直

王昭禹曰既相之而得其材之美然后可以析之而为弓之干

郑锷曰析者分而处之之谓○王昭禹曰曲直者木之形审曲面執者工之能用執者取其木之曲用直者取其木之直【○陈用之曰曲与直无非势也别直而言執则势言其曲也】郑锷曰木性自曲者仄其势而用之则宜薄薄则力少惟可以射远尔不能深入也此夹庾之弓欤木性自直者从其直而用之则宜厚厚则力多惟可以射深尔未必远也分而处之使材适于用则弓各尽善矣

居干之道蓄栗不泄则弓不发

陈用之曰居谓其处之有宜下文合材奠体之事是也○易氏曰曰取曰相曰析曰居四者不同而取之居之独谓之道道也者顺适乎自然而已然则取之所以善其始居之所以善其终○王昭禹曰蓄如蓄畬之蓄谓加功以治之栗如榛栗之栗谓紧密而不纵也不泄谓无邪行絕理也方其以倨析干入而居其材之中加功以治而且致其紧密行不邪理不絕则弓之发伤无自而起【○赵氏曰注以蓄为攻治以栗为裂裂亦治也重叠不可从亦无文理】

凡相角秋綱者厚春綱者薄

郑锷曰此言相角之法○王昭禹曰秋万物擎敛而坚成之时故其角厚春万物发生而未就之时故其角薄

穉牛之角直而泽老牛之角紕【音殄】而昔【音错】

郑司农曰紕读为殄 之殄【○赵氏曰紕谓文理麤】昔读为交错之错谓牛角捩理错也【○贾氏曰谓理麤错然不润泽也○郑锷曰昔者久故之义其色干久如古往之物不必改为错字】

王昭禹曰穉牛方少而气血刚则角之文正直而泽润老牛已疾而气血衰则其文麤紕而交错

疾疾险中瘠牛之角无泽

赵氏曰险伤也中里也○郑锷曰角之中险阻而突起者必疾疾之牛也无光润之气者必瘦瘠之牛也知此法则凡角皆可以逆而知之

角欲青白而丰末

郑康成曰丰大也○赵氏曰本要白中要青末要丰青白则色善丰末则质厚此角之好者所以欲之也

夫角之本蹙于 【乃老反】而休【音煦】于气是故柔柔故欲其執也白也者執之徵也

赵氏曰蹙近也本根也休读作煦谓和也与礼记煦育万物之意同盖角有三节曰本曰中曰末本常近 而分和煦润泽之气于 故柔而无力所以欲其執執言曲也欲其形之自曲反是以为執也執则有力矣白者所以为執之验也此是说角之執

夫角之中恒当弓之畏【音隈】畏也者必挠挠故欲其坚也青也者坚之徵也

贾氏曰畏从隈为曲隈之义○郑锷曰角之中曲处用以附干常当弓之隈曲处则必屈挠以其势当屈挠故欲其坚实而不弱相其角之中色青则是坚之徵验也青者阳之色阳为至刚故因青以知其坚○赵氏曰此是说角之坚

夫角之末遠于 而不休于气是故脆脆故欲其柔也丰末也者柔之徵也

郑锷曰角之末则去 为遠 之气所不能及而不休煦之气有所不及则必脆而易折此所以贵其柔柔则不折矣相其角末之丰大则是柔之徵验也盖气所及故丰丰则柔矣此角所以贵丰末○赵氏曰此是说丰末之意

易氏曰势以白验之坚以青验之柔以丰末验之则可以知三者之用

李嘉防曰此论执之微坚之微柔之微委曲明白滋润则易柔曲中则易挠枯瘁则必脆惟反乎是则微可察也

角长二尺有五寸三色不失理谓之牛戴牛

郑康成曰三色本白中青末丰○郑锷曰角长二尺有五寸长之极矣既极其长又且本白而中青其末又丰三色俱不失其文理如此之角是谓牛戴牛盖一角直一牛之价如牛之上又戴一牛也兹其至贵者欤【○赵氏曰丰末不可以言色而同为三色者丰末虽不指色而言然亦未尝无其色盖三色只是三件之意初不为颜色而言也】

凡相胶欲朱色而昔昔也者深瑕而泽紾而 廉郑锷曰此言相胶之法○贾氏曰案下鹿胶青白已下惟牛胶火赤自余非纯赤则牛胶为善矣○王昭禹曰凡相胶以纯赤为上又欲其文之交错故曰朱色而昔【○陈用之曰朱色者言其明之自内也昔者言其材之干久也】深瑕而泽者言其表里皆有文而其色润泽也【○陈用之曰深瑕者言其瑕之深瑕虽深而体之悦泽存焉非人为之深也】○陈用之曰其理紾密而 圆也廉瑕严利也○赵氏曰谓之严利者言胶有精彩锋棱森然端严之象不软漫腐败也如轮人为轮欲其转之廉注谓以革裹得鞣紧则廉隅见于外如人之清廉人皆望风而畏是皆整作气象不是委靡废壤气象正与相胶之廉同意

鹿胶青白马胶赤白牛胶火赤防胶黑鱼胶饴犀胶黄郑康成曰饴色如饴○王昭禹曰胶或用皮或用角或用膘如鹿胶用其角如鱼胶用其膘如马牛犀防用其皮

凡昵之类不能方

郑锷曰昵谓黏防不解也凡物亦有能黏而不解者然比之于胶则不能及其坚故古人为弓專用胶而不以黏泥之物以固之者盖以为他物不能比方之也○王昭禹曰凡脂膏防败者虽亦可用为黏安能比方六胶之用哉

凡相筋欲小简而长大结而泽小简而长大结而泽则其为兽必剽以为弓则岂异于其兽

郑锷曰筋出于兽兽之剽疾者用其筋以为弓则弓亦剽疾故欲知其兽之剽则相筋不可以无法○赵氏曰简注读如简札之简盖竹简一条为一札谓筋条之直相似也○郑锷曰结谓细聚而不散虽结又欲其色滋润而泽○王昭禹曰凡相筋以条直滋润为主简言条直泽言滋润筋之小者贵乎条直而长筋之大者贵乎稠密而润筋既如此则其势可知故度其为兽则其性必剽疾矣以之为弓又岂异于其兽哉○陈用之曰剽利疾也兽之利疾本于筋骨之强得其筋以为弓焉则体强而用疾矣岂异于兽乎

筋欲敝之敝

郑锷曰此又言用筋之法敝劳也椎嚼极熟是谓劳敝欲其敝之又敝则可用也【○王昭禹曰筋生则硬熟则栗以物擊爵之欲其劳敝而熟然后可用故曰敝之敝○赵氏曰言熟之又熟也】

漆欲测

陈用之曰测言如水深之可测取其清也【○郑锷曰漆之体厚重而浊用之则以清为贵惟去其穢浊而至于轻清乃善故欲测】

丝欲沈

易氏曰沈言其润也丝之色恶乎干而燥故欲其如沈于水中之色取其润也【○陈用之曰取其莹也○王昭禹曰取其实也】

得此六材之全然后可以为良

郑康成曰全无瑕病良善也○王昭禹曰干也角也胶也筋也漆也丝也凡此六材皆全则尽善备矣而无疵以之为弓必调而后可以为良矣

凡为弓冬析干而春液角夏治筋秋合三材寒奠体冰析灋

陈用之曰上文既明相干相角相漆相筋之理矣于是始言为弓之法○王昭禹曰材美工巧不得天时则不可以为良故弓有六材而治之各以其时也○赵氏曰析谓分析而治之液谓融液而渍如以火养之意治谓理也椎杼嚼齧是也冬为万物坚成之时干欲坚固故冬析之春为温和敷荣之时角欲温而和柔故春液之筋欲散而敝熟故夏治之夏是万物解缓散蒸之时也【○陈用之曰角亦析而治之干亦渍而治之于干言析于角言液互见也】

郑康成曰三材胶丝漆○陈用之曰两谓之合谓以所析之干所液之角所治之筋合胶漆丝而为弓焉赵氏曰奠读为定体六弓往来多少之体注谓内之檠中盖檠正弓之器筋胶至冬寒则坚牢于此时内之檠中以定体则后来体不妄动也灋漆之灋也既定其体矣又取出而析其漆文以备方来之用盖弓有漆所以为受霜露析是分析其合如蕢处合厚处薄处合环灋处必于冰析之盖冰为寒之极漆至寒时则使在弓上亦坚固而不动上注谓析灋了又内于檠中理或然也不言寒而言冰者奠则天寒之时皆可析灋非结冰极寒之时不可也

冬析干则易春液角则合夏治筋则不烦秋合三材则合寒奠体则张不流冰析灋则审环

赵氏曰自此以下复解上文之效○郑康成曰易理滑致也【○郑锷曰凡木之材至冬则坚凝可治治于冬则节目易去其理滑易矣】合读为洽【○陈用之曰角得春而和泽于以液之则洽而不脆】烦乱也【○郑锷曰筋本挛结不纾宜缓而治之夏者解缓之时于斯而治

之则筋势慢易不烦乱矣】合坚密也【○郑锷曰干角筋治于三时弓犹未成必用胶丝漆然后可合秋者陰气擎敛之时于是时而用胶丝漆则合固不可解矣故合三材宜用秋】流犹移也【○贾氏曰体既定而后用时虽张不流移谓不失往来之体】陈用之曰于寒冰之时而析其灋则于以审环焉审谓察之也环即下文所谓引之如环释之无失体如环是也析灋则必引之引之以析其漆灋之文于以察其如环与不如环则弓之美恶即可见矣【○赵氏曰环周围无关之意】

春被 则一年之事

王昭禹曰被 于春 一时之久而后可用【○陈用之曰自冬析干至析灋其功毕矣至春被 而用之凡一年之事以言为之不苟】

析干必伦析角无邪

易氏曰伦必欲其有伦理也无邪必欲其无邪目也【○郑锷曰析干宜用乎木之理则干不迤析角欲顺乎角之理则角不偏】

斲目必荼【音舒】斲目不荼则及其大脩也筋代之受病赵氏曰荼读作舒谓徐缓也目谓干之节目○郑锷曰木之坚者必有节目斲而去之宜纾徐而勿疾则节目必尽苟斲目欲急而不以舒徐则用是干以为弓至于大脩长之后而筋代干受病矣【○贾氏曰学记云善问者如攻坚本先其易者而后其节目是斲目必舒之义】○赵氏曰大甚也脩久也筋在干则与干为力必须筋干相得今干有节目不舒徐斲去用力不得其所则干不用力筋偏用力筋必为节目所摩代干而受病矣

夫目也者必强强者在内而摩其筋夫筋之所由幪【音苦】恒由此作

郑锷曰筋在干之背所以助干为强也干之节目固则强矣苟不徐徐去之其去也不尽以是干处内则其节目当摩嚙乎筋筋不能胜乎木之强则久远之后筋必絕起如幪筋之所以为幪者其病常起于此耳【○陈用之曰幪若衣幪然言蔽而不着】

赵氏曰此数句重释筋干不得所之意干之利病如此则治干其可遽乎

故角三液而干再液

郑康成曰重醴治之使相称○王昭禹曰液谓以水治之使其液作而栗也角则以火炙而治之欲其和也故三液干则以火揉而治之欲其坚也故再液【○李嘉会曰液以火炙之欲其柔软则以水渍之渍之而再液则木膏尽而坚也】

厚其𦉳【女居反】则木坚薄其𦉳则需【音软】

郑康成曰帑读如襦有衣絮之絮帑谓弓中裨○郑锸曰帑所以裨助乎干以为强故虽至美之干亦未尝无裨以助之然裨太厚则干必失之太坚裨太薄则干必失之太需需偃弱也【○赵氏曰需与罢软同如鲍人脂之则需同】

是故厚其液而节其帑

郑康成曰厚犹多也节犹适也○郑锸曰欲得其当者惟厚其液而节其帑矣厚其液则或三或再其数之多也节其帑则不厚不薄其处之得中

约之不皆约防数【音朔】必侔

贾氏曰约谓以丝胶纏之今之弓犹然○郑锸曰亦不皆约之或防或密要使平均而相侔等则善矣【○郑康成曰皆约则弓帑侔犹均也】

斲挚必中胶之必均

郑康成曰挚之言致也中犹均也○王昭禹曰上下如一之谓中多寡适于匀之谓均○陈用之曰于挚言斲则知其为干岂以手所执者而名之欤挚必中欲其厚薄之适中不可过也施胶于挚其傅必均不可偏也

斲挚不中胶之不均则及其大脩也角代之受病夫懷胶于内而摩其角夫角之所由挫恒由此作

贾氏曰自此下说弓之隈里施胶之事○赵氏曰挫谓折伤也内之不治则病自外发干懷胶于内也干有不匀处胶又有厚薄不匀处则干摩及胶并及角而角之挫伤由此作【○郑锸曰胶在内角在外懷胶于内有厚有薄引弓之时胶常摩齧乎角此所以蹴而折也挫折之端常起于此】○陈用之曰所谓筋代之受病角代之受病者病本在干之目及其久也筋实受之筋施其上者病本在干与胶及其久也角实受之角附于此者本非其病而反受之所以谓之代挫折伤也

總论

易氏曰已上数节既言其病又言其利使为工者去其病而求其利则材之为用固矣

凡居角长者以次需

郑锸曰居处也处角之法宜长短与弓相宜长者宜在隈短者宜在簫【○王昭禹曰弓隈谓之需弓梢谓之簫○贾氏曰簫谓两头也然则长者在隈内可知】需者弓之隈也惟曲之处则需矣以角之长者处之以助其力使不甚弱

易氏曰上经言角长二尺有五寸谓之牛戴牛则角固贵乎长也然以達对短则達为长之过需須也良工以次需而用之不可过于长亦不可过于短○赵氏曰次者处于此之意如师左次是也故居角之法必以长者安顿在隈

恒【古邓反】角而短是谓逆桡引之则纵释之则不校郑康成曰恒读为防防竟也○贾氏曰竟角而短谓施角充满两畔而上下短于隈者也○王昭禹曰纵言引其 而力弗迨也校言舍其 而势不急也【○郑锸曰校与绞同谓矢之不疾】○郑锸曰竟其角而用之其角太短也如是谓之逆桡桡者隈当曲之处也以短角处之乃所以反逆桡也惟其逆桡若引其弓则角短而不用力必纵放而不强若释而放则势弱而矢不校凡此皆角短之病

恒角而達譬如终继【音泄】非弓之利也

郑锸曰达者通过之义竟其角而用之其角太长若其角长自隈而通过于箫头则其弓必坚而不可引譬如终继谓若见系束于弓防之上此则非弓之利言易壞其弓也○赵氏曰终犹常也与终古登陲之终同隈角太长则送矢不疾譬如常常见继于弓防矣

王昭禹曰角不可失之长亦不可失之短充于两旁而不及两端故曰恒角而短不独充于两旁而又过于两端故曰竟角而达竟其角而失之短是谓逆桡言其力不足而反桡也竟其角而失之达故譬如终继言其送矢不疾若见继于弓防○陈用之曰以达对短而言则达为长之过故明短之为病又明长之不利则其有度可知

今夫菱解中有变焉故校

赵氏曰今夫起义之辞菱谓弓隈与弓箫相接处解谓接之中变谓异也谓箫与臂用力异○贾氏曰引之则臂中用力放矢则箫用力既用力异故校校谓矢去疾也

于挺臂中有柎焉故剽

郑康成曰挺直也柎侧骨剽亦疾也○贾氏曰直臂中弓把处有柎者谓角弓于把处两畔有侧骨骨坚强所以与弓为力故剽疾也

易氏曰校者疾而速剽者疾而勇知校与剽为弓之利则知居角之短与达者皆所以为弓之害

恒角而达引【音譬】如终继非弓之利也

易氏曰甚言其过长之尤为害也○赵氏曰再言恒角而达是重明达角之不利引言引 而便使来也盖弓之成体在干与角胶丝筋漆附之而已所以弓人论干角甚详此段说角长短视干之直其曰长者谓盖过干短者谓遮干不着前言长二尺五寸谓之牛戴牛下又言长其

隈盖长在所贵今以为非利者盖所取者适中之长所戒者过中之长

矫【音矫】干欲孰于火而无羸矫角欲孰于火而无燂【音潜】引筋欲尽而无伤其力鬻胶欲孰而水火相得然则居旱亦不动居湿亦不动

赵氏曰此段说干角筋胶得所不得所之事干角有曲直之势必以火矫之使正筋有缓急拳缩之势必用引之凡所攻治必水火相得不可过不可不及干以坚为贵熟于火足矣过熟则羸羸谓过熟也角以和为贵熟于火足矣过熟则燂而脆燂谓炙烂也角三液干再液者以此尔筋欲敝之敝不尽则有生硬处而不软过则伤其力而不强鬻音煮胶以水浸以火烧水火相得则体熟而质化火气过则焦水不足则硬水太过则稀为弓能如此四者之材坚固和同久而不坏亢旱与陰湿时皆不伤动【○郑锷曰不过乎火则不至于燥虽亢旱而阳过之时不与燥俱变也○陈用之曰居旱不动谓其不偏于阳故也居湿不动谓其不偏于陰故也】○毛氏曰旱近阳湿近陰凡风日之类皆旱也凡雨露之润皆湿也动中变也四者之材治之尽善譬犹五脏六腑充实于内则外邪无所干于其间○郑康成曰不动者谓弓也

苟有贱工必因角干之湿以为之柔善者在外动者在内虽善于外必动于内虽善亦弗可以为良矣

郑康成曰苟愉也湿犹生也○陈用之曰艺不能精无可贵者名之贱工○郑锷曰贱工因角干之湿以为弓之柔外见其柔和似若甚善然角干之刚强而易动以此处内安能久乎故虽善于外而必动于内视之虽善不足为良弓也【○李嘉防曰此皆不待一年求速之故】

凡为弓方其峻而高其柎长其畏而薄其敝宛之无已应

李嘉防曰前说居角利病此说箫靶厚薄

郑锷曰峻者弓之末亦谓之箫【○陈用之曰右手执箫】以其在上而高故名曰峻○赵氏曰弓稍头要叩一方而不负则健而有力稍头尖削而不平阔故谓之峻言其峻削也○郑锷曰柎者弓之辅以其有侧骨故曰柎【○赵氏曰侧骨乃在把处两邊撑压贴住上下两隈把中衬贴处故谓之柎言其柎固而相依也】○陈用之曰柎弓把也礼记曰左手持柎高其柎所以壮其力○赵氏曰畏尖头接把处故引弓时畏分外有力即上文挺臂中有柎故剽是也若柎不高而或卑则接畏处压不住弓必无力畏弓两弯处若不长而短则角纵不用力反挠向外去即上文恒角而短是谓逆挠引之则纵释之则不校也弓弯谓之畏畏言曲处【○陈用之曰畏即前所谓角之中当弓之畏者是也】○贾氏曰敝谓人所握持手蔽之处宜薄为之○赵氏曰柎与敝人往往不能分别中义见柎是把中敝又是把中不应要高又要薄遂谓柎弓把也把中總谓之柎敝即上文筋欲敝之敝敝筋而施于弓体厚则起而不相着故要薄不知柎敝虽皆把中然各不同尝见今之造弓把处稍细把处上下皆堆起稍高才接着角用以较量敝即把处稍细者柎乃把处两头两侧畔稍高接角畏者敝则置于正面故云薄柎则

置于两侧目侧视之故不言厚而言高况注分明说柎把中侧骨在两畔敝人所握持处四者皆是指弓上之名岂可以筋之敝而引为弓之敝

郑镠曰峻欲方不欲负柎欲高不欲下隈欲长不欲短敝欲薄不欲厚四者如法则宛而引之常应手而来无时而止故曰宛之无已应【○陈用之曰宛言引之而顺也○郑康成曰宛谓引之也引之不休止常应 言不罢需】

下柎之弓未应将兴

郑康成曰末犹箫也兴犹动也发也○赵氏曰柎正当弓之要惟高其柎以壮其力故引之而弓稍不能以挠之若柎骨太卑下为之箫方应 则柎发动由柎力弱撑压弓隈不住故也

为柎而发必动于綯

赵氏曰綯谓接中若如上为柎太卑柎既发动则接中亦发动而不固盖接是敝接畏处柎插在两傍虽相衬贴作一柄其实是两木凑合成柎与綯相为表里柎动则綯亦动理之必然以此见敝自敝柎自柎本不同也

弓而羽綯未应将发

王昭禹曰鸟所以飞 者羽有二焉羽綯谓两接中俱动也两接中俱应箫应 则角干亦随之而发作○赵氏曰此段先言峻柎畏敝至论病处止说柎一节全不及峻畏敝则所重在柎柎当弓之要正是制压一弓之接处最要强固柎壤则其余都壤所以特详言之

弓有六材焉维干强之张如流水

赵氏曰此统论弓之成体○陈用之曰五材以干为依干于五材为本惟干强之本足以有制○王昭禹曰弓以干为质以角附干而为安二者之材尤宜谨择也夫顺流而不逆者莫如水周运而无端者莫如环维干强之则弓之质坚张如流水则弓之体调质坚则无句弊体调则无难易此所以张之则如水之顺流也【○毛氏曰水流而下其势顺疾而自然弓干体强悍若抗捍而能如此是可贵也盖使强为弱之意】

维体防之引之中参

郑康成曰体谓内之于檠中定其体防深浅所止○贾氏曰体定于防之后防之者郑云深浅所止若王弧之弓往体寡来体多弛之乃有五寸张之一尺五寸夹庾之弓往体多来体少弛之一尺五寸张之五寸唐大往来若一弛之一尺张之亦一尺是防之深浅所止也○陈用之曰弓有往来之体体有多寡之辨良则曲少敝则句多方其为体必因其材势而防之防之者深浅有所止以防其壤也引之中参而不壤焉乃适于用中参谓张而引之其中距 有尺之

三焉夫矢以三尺为度引 而满之亦不过此不曰三尺而曰中参云者以张之一尺为中制张一尺引三之所以指中而言也○郑锷曰凡物相参则为参弓不论强弱引之皆以三尺为中中参者三者相参常得中也

维角防【直更反】之欲宛而无负 引之如环释之无失体如环

贾氏曰防正也○郑锷曰防如撑柱之撑所以辅而正之也角在弓隈为弓之助所以防之也○郑康成曰负 辟戾也【○贾氏曰置角于隈中既正欲宛而无负 者引之弓体不辟戾故也】○陈用之曰夫防之者非他欲宛而无负 也宛指其体负 其用引之其体宛如而无负 之戾六材之中惟角为能正之引之如此其释亦然○郑锷曰无负 言不与 相反也非惟不与 相反又且引之则如环环言其势之圆也非特引之势圆及其释而不引之时其体不失常如环然此皆角有以防之之力○李嘉防曰攀来时如环放去时如环则制善而矢去急

材美工巧为之时谓之参均角不胜【音声】干干不胜筋谓之参均量其力有三均均者三谓之九和

郑康成曰不胜无负也○郑锷曰干赤黑而阳声角青白而丰末胶朱色而昔筋小简而长大结而泽漆测而丝沉此弓材之美也冬析干春液角夏治筋秋合三材寒奠体冰析灈此为弓之时也又有巧工以和之此工之巧也是谓参均均平也三者相参皆适乎平也干任一石角亦任一石筋亦任一石此胜则彼负彼胜则此负三者不能相胜是谓参均【○毛氏曰好胜者必有所负负则谓之乖戾矣角在干之内与干相为用故欲不负干干居筋之内与筋相为用故欲不负筋三者无相负则材异而功用同故谓之参均】干任一石加角任二石加胶任三石此论为弓之初弓已成矣初一石之量则弓张一尺二石而二尺三石而三尺则此之谓量其力又参均也有当为又三当为参凡此参均者三合而言之是谓九合言九者皆无过不及也此最弓之尽善也○王氏曰多寡轻重等而后可以谓之均刚柔强弱称而后可以谓之和多寡轻重不均欲其和不可也故均者三谓之九和

九和之弓角与干权筋三侔胶三铤丝三邸【音底】漆三𣪠【音庾】上工以有余下工以不足

郑康成曰权平也侔犹等也○郑锷曰角必与干权权言其力之相等也筋用三倍之重其力均与之等故曰筋三侔○赵氏曰三铤言胶与角干三者相埒也埒齐也三邸王解谓各有所抵是三者力之所至一般言丝胶角干力致处同也三𣪠韵谓量也谓量漆与角干量此三者之力其所受皆均也权侔铤邸𣪠皆是均平之意但铤注谓缓也如书其罚百缓与冶氏重三铤桃氏九铤七铤五铤同铤是量名其重六两大半两或者九和之弓所用角干胶三者各如此重欤经铤字从金不应改作相埒之埒今只从注邸恐如皇邸援其邸同是托宿之意谓丝与角干同附丽于一处犹托宿意其力均平王解作抵不若从此说分明【○易氏曰九和之弓以角干筋为主故角与干权筋三侔即所谓角不胜干干不胜筋之意九者和矣而丝胶漆

则为之辅胶三铎丝三邸漆三酇其轻重虽未详以经意推之亦欲其相称而已】上工工之巧者以是为和弓则有余言其优为也下工工之拙者以是为和弓则不足言其为之难而费力也此上下之辨【○郑锷曰良工能调使多寡适平而拙工虽足用之物其用之无法每每见其不足也】

为天子之弓合九而成规为诸侯之弓合七而成规大夫之弓合五而成规士之弓合三而成规

王昭禹曰凡为弓其材刚直则往体寡来体多而句之势为少其材柔弱则往体多来体寡而句之势为多天子诸侯之弓必合九合七而成规以其材之刚直而其句为少故所合者众而后其体圆也大夫士之弓必合五合三而成规以其材之柔弱而其句为多故所合者寡而后其体圆也○赵氏曰九者阳数之极体阳用九天子事也故以九张弓合之而后其体圆自此已下隆杀以两故一减而得七诸侯之弓数以之再减而得五大夫之弓数以之三减而得三士之弓数以之虽各随其数以成规然其成体也每降而小不比天子九张之体大也盖弓顺挽之无力惟反曲之则有力所以材良则不用曲多

赵氏曰以弓人一职攷之取材析干治角筋胶丝漆色色要坚强岂有材柔弱而句多以为用者盖天子诸侯大夫士所用之弓不可一等须是分则隆杀要之天子诸侯大夫士之弓无有不坚强者特天子之弓其材视诸侯大夫士又较坚强故就天子至士论之则合九合七为强而合五合三为弱其实皆强而合九者又坚强中之尤坚强者【○愚案余说见司弓矢】

弓长六尺有六寸谓之上制上士服之弓长六尺有三寸谓之中制中士服之弓长六尺谓之下制下士服之赵氏曰弓之等制不一其长短则以三寸为差六尺六寸其长为上上士称此故使上士服之六尺三寸其长为中六尺其长为下而中士下士称此故使中士下士服之服言用也盖人有三等其长不过八尺弓有三等其长不过六尺要与人相称太长则不便于挽矣所谓上士中士之士只据长者上次为中短为下乃泛言人之长短皆非命士与桃氏论劒之制同

凡为弓各因其君之躬志虑血气

郑康成曰又随其人之情性○王昭禹曰射之道其中在巧其至在力巧存乎志虑力出乎血气躬者血气志虑之所寓焉者也人之躬有长短志虑有缓急血气有强弱故为弓者必因之也且射者必内志正外体直然后持弓矢审固而可以观德焉苟不因其志虑则志虑有不利于心内志其能正乎苟不因其血气则血气有不调于体外体其能直乎为弓者各因君之躬志虑血气者凡以此也丰肉而短骨直以立所谓躬有长短也宽缓以荼忿势以奔所谓志虑有缓急血气有强弱也

丰肉而短宽缓以荼若是者为之危弓危弓为之安矢骨直以立忿执以奔若是者为之安弓安弓为之危矢贾氏曰此以下说君之躬与志虑之所宜○毛氏曰荼当为舒缓也执当为挚

强也奔当为奔勇也丰肉而短以肉为主骨直以立以骨为主肉有肥瘠丰而短者肥也举肥以见瘠骨有强弱直以立者强也举强以见弱○贾氏曰危弓则夹臽弱者安弓则王弧之类强者危矢据恒矢安矢据杀矢○赵氏曰弓之强弱在工人为之然去之迟速中否却在射之者使其人勇而力将弱弓与之射则不容过逞其力使其人懦而无力将强弓去射不容不作其力而引之此安弓所以济其人之强危弓所以济其人之弱然危弓为疾矣不辅以安矢则太疾而过安弓为缓矣不辅以危矢则太缓而不及此危矢安矢又以济其弓之强弱也○郑康成曰言损赢济不足

其人安其弓安其矢安则莫能以速中【去声】且不深其人危其弓危其矢危则莫能以愿中

郑司农曰速疾也○毛氏曰愿者专心致意之谓【○郑康成曰愿慤也】以其矢去速虽专心致意无由而中○王昭禹曰上言速则知下之为迟下言愿则知上之为暴○郑锷曰若三者皆安徐则不能以疾速而中虽中亦不深若三者皆峻急则不能以慤愿而中犹言不能慤然必中○贾氏曰危弓危矢谓夹臽恒矢之等皆射远兼人且危躁故矢行长过去也

往体多来体寡谓之夹臽之属利射侯与弋

易氏曰体谓六弓往来之体【○郑锷曰为弓之法于凝寒则纳于繁中而定其体】○陈用之曰往来云者据张弛而言之也弛之则弓体往张之则弓体来王弓弧弓往体寡来体多弓之强者也夹弓庾弓往体多来体寡弓之弱者也唐弓大弓往体来体若一强弱之中也○赵氏曰夹庾何为而利射侯与弋也盖经曰射远者用絜絜谓曲也若干材弱者其木性自曲当随曲势向外反其曲为弓方得有力夹庾往体多来体寡是曲向外多者反而引之盖发必远侯谓道此是大夫合五成规之弓大夫侯道五十步相去颇远弋谓鸟兽亦是相去远者故夹庾利于此射也然防云夹庾反张随曲絜向外材薄力弱射远不能深故射近侯用之司弓矢注亦云豸侯五十步及鸟兽皆近射也近射用弱弓却以夹庾为利于近射与此射用絜之说相戾意者射远用絜姑指射远之弓宜用曲木而夹庾正利射侯与弋亦不可谓之太远欤盖五十步必不及天子诸侯九十七十步之远也

往体寡来体多谓之王弓之属利射革与质

赵氏曰王弓何为而利射革与楯也盖经曰射深者用直是王弧之属王弧是天子之弓合九而成规者此弓材坚往体寡来体多其形直而不曲比唐大之曲为直者其弓健而有力于射坚取宜革谓干盾犹今之牌亦以革裹司弓矢注云革甲也春秋传曰蹲甲而射之质正也用楯以为射正射甲与楯试弓习武也此注云楯木楯天子射侯亦用此弓据此则革者通甲盾皆可但作甲说分明楯是木趺质是射正盖古者习射要所以入有力故以革甲楯质坚硬之物使之射楯质是天子将祭先习射于泽宫以选士先射于泽然后射于宫在泽射时立楯木以为射之正如宾射正相似以习射习了射于宫则不用楯质为习射之用所以司弓矢云泽共射楯质之弓矢圉人亦云射则充楯质此物坚强非强弓不能入故王弓利于此射

往体来体若一谓之唐弓之属利射深

赵氏曰唐弓利射深者盖唐弓往来体若一亦是直而有力者第比王弧又较曲些少大弓亦然此是诸侯合七成规之弓所以射深为利也然司弓矢言学射者使者劳者此不言举一以该其余亦互见也○郑锸曰射深者未必能远远者未必中而深入各有所长故曰利○陈用之曰司弓矢以颁之为主故各言所授之人弓人以为之为主故各言其用之利○王昭禹曰司弓矢则辨其弓之物故王弧之属以名言之弓人为弓则辨其弓之质故往来之属以体言之

陈用之曰以上文及司弓矢论天子至士六弓攷之则弓之等有四盖此六物为三等之外又有敝弓焉曲而句者则为敝矣故曰句者谓之敝弓其合三而成规者是欵所以知敝弓为合三而成规者以下文有句弓侯弓深弓之别深弓所谓利射深者侯弓所谓利射侯者降此而言句弓其在三等之外矣然自天子至士分四等而言之则士之弓为敝要之经所论者通诸侯之事而言之耳若天子之士亦用合五成规之弓焉以经言夹弓庾弓以授射豸侯者而士射豸侯故也

大和无灂其次筋角皆有灂而深其次角有灂而防其次角无灂

贾氏曰大和谓九和之弓以六材俱善尤良故无漆灂筋在背角在隈皆有灂但深在其中央两边无也有灂而防者以上参之此谓两边亦有但防之不皆有也角无灂谓隈里无灂箫头及背有之○郑锸曰灂者漆之文理也大和之弓六材至善不见其文理其次于背上之筋隈中之角有之虽有而文理深不甚着也其次皆有文理但防而远又有次者于角不见文理耳他皆有也

陈用之曰以文意推之当言大和无灂其次角无灂其次有灂而防其次筋角皆有灂而深恐先儒传之失叙

合灂若背手文角环灂牛筋蕢灂麋筋防蠖灂

赵氏曰弓表里漆灂相合处边也若背手之文如人两手相合处两手背上文理相应盖弓表里相合处易得析裂须当子细用工漆如手背文细密方得不可疎卤也○贾氏曰角环灂谓隈里灂文如环然【○郑锸曰角之文理必如环然】○赵氏曰自环之圆而无不固牛筋麋筋此说弓背之灂蕢谓枲实防谓牡麻是也与笮人其实丰蕢之蕢同尺蠖屈虫如易云尺蠖之屈以求信是也若弓背上用牛筋则漆灂文理当如麻子之文【○郑锸曰如蕢麻之实防防可观】若弓背上用麋筋则漆灂文理当如尺蠖之文【○郑锸曰如尺蠖之形小而曲】盖麋筋不及牛筋之坚蕢文不及尺蠖文之细密也

和弓 摩

郑康成曰和犹调也 拂也【○陈用之曰 之以试其材美摩之则有所拂除】将用弓必先调之拂之摩之【○郑锷曰将射必调其弓调弓之法 拂而抚摩之则弓自和柔矣】大射礼曰小射正授弓矢大射正以袂顺左右隈上再下一【○贾氏曰谓以左手横执之时上隈向右下隈向左而上再下一拂去尘乃授与君】

覆之而角至谓之句【音钩】弓

贾氏曰此以下论弓六材角干筋用力多故特言之○易氏曰弓以角干筋为主三者皆善则为弓之上二善为次一善者为下

郑康成曰覆犹察也谓用射而察之○王氏曰至尽善也○郑锷曰若反覆观之六材之中唯角为至善其他五材不善此句弊之弓○郑康成曰句于三体材敝恶不用之弓

覆之而干至谓之侯弓

郑锷曰反覆观之角善矣而干又善焉○易氏曰特筋未善故谓之侯弓【○郑锷曰侯弓利射远者】上经所谓夹庾利射侯与弋是也

覆之而筋至谓之深弓

郑锷曰反覆观之角干已善而筋又善此深弓利射深者不言王弧王弧则六材俱善故也

王氏曰句弓言其体之曲不若侯弓之能远侯弓言其材之远不若深弓之为善故其序如此

王昭禹曰弓有六材独言角干筋者盖六材以角干筋为主而胶丝漆则为之辅而已然则角干筋于弓之材为急胶丝漆于弓之材为缓为弓者宜致详于材之急而材之缓者斯从之古人所以冬析干春液角夏治筋至于合三材则一于秋者亦以此也

周礼订义卷八十

后序

周礼订义后序

东岩王君次防彙周礼数十家說衷以已见为订义若干卷真文忠公既序之矣又拳拳俾予贅卷后辞十数不获将行束担弛日以竣予文遂勉为之言周礼一书先儒疑信相半横渠氏最尊敬之五峰氏最摈抑之二說交驰学者幽冥而罔知所从嘗平心思之周礼真周公书汉志所谓周官六篇是也独不幸有三可憾在成周未能为成书在后世不得为全书此予每深致其惋惜嗟叹之意何以的知为周公书是书之首曰惟王建国辨方正位体国经野设官分职以为民极此言宅洛建官之防司徒职曰日至之景尺有五寸谓之地中乃建王国大宰职曰掌建邦之六典以佐王治邦国此演而伸其防也洛天下之中地六官太平之盛典以中地行盛典此周公佐成王宅洛之本心周书召诰曰旦曰其作大邑其自时中又洛诰亦曰其自时中又万邦咸休此周公之心也又书周官载六卿自冢宰至司空虽不条陈设属亦曰六卿分职各率其属大防与六典合所以的知为周公书然向使周公得辅成王于洛邑推行其六典事制曲防之间文理密察之际必犹有所改定庶几为成书以诏后世惜也洛宅未及迁六典有书未尝行可憾一也仲尼慕周公者也从周之叹发于闲居使得遂其为东周之志六典必见于推行讨论润色益至于大成备周公之未备者不在仲尼乎横渠氏谓仲尼继周损益可知是也惜明王不兴天下莫能宗之不复梦周之叹方形而天复不憖遗矣可憾二也秦火后经籍多残失礼书为甚汉武帝时河间献王始得周官于民间比诗书最晚出故武帝诏有礼壤之叹顏师古谓亡其冬官补以考工记有所亡有所补非全书也此伊川氏所谓礼经多出于掇拾煨烬之余安得句为之解是也可憾三也有是三可憾则是书之存于天下后世固足以见周公为万世开太平之大防然前之既未为成书后之又不得为全书则不能不使万世而下抱不得见周公经制大成之深恨先儒乃尽归咎于刘歆以为勦入私說迎合贼莽不亦甚乎次防研精覃思十余年而订义成显幽阐防商是确非其有发先儒所未发者多矣至其释周公将整齐六典以为宅洛计不幸歿而成王不果迁规摹不获究冬官未尝亡错见于五官中诸儒不能辨而补以考工记则尤有见于是书本末之端的故子特表出之嘉熙丁酉夏中伏日古汴赵汝腾茂实序于卷末

周礼订义后序